


Teoso sãkire
amaneri



New Testament in Apurinã (BR:apu:Apurinã)

Teoso sãkire ameneri

New Testament in Apurinã (BR:apu:Apurinã)

copyright © 2004 Wycliffe Bible Translators, Inc.

Language: Apurinã

Translation by: Wycliffe Bible Translators, Inc.

Copyright Information

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Apurinã

© 2004, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files dated 29 Jan 2022

253eae7-f0c7-5b49-b6be-65ee5354d0ed

Contents

Mateo	1
Marko	51
Arókasi	80
Xoão	132
Átosi	167
Homano	210
1 Korĩto	230
2 Korĩto	247
Karásia	259
Épeso	267
Piriposi	274
Koroso	279
1 Tesarónika	284
2 Tesarónika	288
1 Tximótxio	290
2 Tximótxio	296
Txito	300
Piremō	303
Epireo	304
Txiako	318
1 Petro	323
2 Petro	329
1 Xoão	333
2 Xoão	338
3 Xoão	339
Xota	340
Apokorípisi	342

MATEO

*Xesosi Nirimaneakori Iua Apisapanika Auakani
(Arókasi 3.23-38)*

¹ Xesosi Teoso mereëkiti itxaua. Uai aua Xesosi apika atokiriakorini uāka. Xosee inakori Xesosi iri atoko İkorapokoriti. Apraãoni, Taviini pakini Xesosi apika atokiriakorini atoko. Ininiã Xesosi Taviini, Apraãoni pakini imi atoko itxa.

² Ininiã ia atoko itxa:

Kitxakapirika Apraão, Isaki iri.

Isaki, Xakoo iri.

Xakoo, Xotaa itariakorikata iri.

³ Xotaa, Péresi, Sera pakini iri. Inorona Tamara.

Péresi, Ésirõ iri.

Ésirõ, Arão iri.

⁴ Arão, Aminatapi iri.

Aminatapi, Nasoõ iri.

Nasoõ, Sáomõ iri.

⁵ Sáomõ, Póasi iri. Póasi inoro Haapi.

Póasi, Opetxi iri. Opetxi inoro Hotxi.

Opetxi, Xesee iri.

⁶ Xesee, Tavii iri. Tavii Isaeokini auíte itxaua.

Tavii, Saromão iri. Saromão inoro mitxi Oria İtanoro. Eereka Tavii takaro oa.

⁷ Saromão, Hopoão iri.

Hopoão, Apia iri.

Apia, Asa iri.

⁸ Asa, Xosapaa iri.

Xosapaa, Xorão iri.

Xorão, Osia iri.

⁹ Osia, Xotão iri.

Xotão, Akasi iri.

Akasi, Esekia iri.

¹⁰ Esekia, Manasee iri.

Manasee, Amõ iri.

Amõ, Xosia iri.

¹¹ Xosia, Xekonia itariakorikata iri. Iuasaaki İkorakanani kãkiti Isaeokini maİkaãka.

Papirõnia tixinimoni anikaãkana.

¹² Papirõnia anikikona atoko,

Xekonia, Saratxieo iri.

Saratxieo, Soropapeo iri.

¹³ Soropapeo, Apiotxi iri.

Apiotxi, Eriakiĩ iri.

Eriakiĩ, Asoo iri.

¹⁴ Asoo, Satoki iri.

Satoki, Akĩ iri.

Akĩ, Eriotxi iri.

¹⁵ Eriotxi, Ereasa iri.

Ereasa, Mataã iri.

Mataã, Xakoo iri.

¹⁶ Xakoo, Xosee iri. Iua Xosee, Maria İtaniri. Xesosi, iua Teoso Mereëkiti itxaua. Inoro Maria.

¹⁷ Apraão, iua ãkiri, imekaniri, apika mekaniri, apika mekaniri ãkiri, apika mekaniri apika mekaniri, apiko itxaãpota. Tavii auakasaaki, katosipeka pakini ninoa uãka. Eereka aua Tavii, Tavii ãkiri, imekaniri, apika mekaniri, apiko itxaãpota. Katosipeka pakini ninoa uãka. Iuasaakiika Xoteoakori anikaãka Papirõnia tixinimoni. Ninoa mekaniriakori katosipeka inakasaaki, Xesosi iponaniãpeka.

Xesosi İponaniini Pirena

(Arókasi 2.1-7)

¹⁸ Ia atoko itxapaniko Xesosi. Teoso mereëkiti iponaniãkasaaki, Maria ominapatari Xosee. Oİtaniriuatini apisapanika, omotokiãri amarini Erekari Matamatakoti sikakiti. ¹⁹ Xosee

uākatarī Maria kamari maerekati ātikata. Atāo inakarinoka kamakari iua, ininiā kona inirekari kākiti imaropiretiniri oa kamixi onini. Kākiti sauaki osiniā, Xosee ! inirekaro opētauatini, kotxi erekari kamakari iua. Ininiā inirekari itakanapiniro oa, ixika kākiti mimarotakaniā. ²⁰Ikara atoko inini ixiniremoni, Teoso nitiri iaxitikiro apoka itaponemoni. Ininiā itxa:

—Xosee, Taviini apika mekaniri pite. Kona pipikaperō Maria papakapini pītanoro īkapani, kotxi Erekarī Matamatakoti, iuara kamixipeka txiitakaro. ²¹Auako oa ākiri. Pitakauākariko Xesosi itxauako, kotxi imaktxakarī kākiti maerekani —itxa Teoso nitiri. “Xesosi” popīkari sākireē, iuatxikana, “Kākiti Maerekani Makatxakakari,” itxa.

²²Apikomoni Teoso nitiri txari:

—Ikara atoko inakari auapeka, kotxi kitxakapiriāka Teoso sākire sāpiretakari sāpiretapekari ikara sākiretxi. ²³Kitxakapiriāka ia atoko itxa:

Hīkenakotari. Sito kikikata masiriākato mixiuatoko. Auako oimi. Itakauākataāka Emanoeo inakori

—itxa Teoso nitiri Xoseemoni. “Emanoeo” popīkari sākireē “Teoso atekata aua.”

²⁴Xosee merekasaaki, iua auikari Teoso nitiri sākire. Ininiā itanorouata Mariakata. ²⁵Eereka amarini iponaniākasaaki, Xosee takauākatari Xesosi itxaua. Amarini iponaniini apisa iua iisiriāka Mariakata.

2

Atokatxi Pokīkinimoni Auakani

¹Xesosi iponaniā Pereē inakori sitatxiti, Xotéia tōpa, Erotxi auītetxi inakasaakiaua. Iuasaaki atokatxi pokīkinimoni auakani sari Xerosareē sitatxitimoni Pereē takote. Iōriki imarotakani ninoa.

²Ininiā itxana kākitimoni:

—Naniparari amarini Xoteo auīte inakariua? Ate itikapekaro iōrikite atokatxi pokīkinimoni. Oa iōriki oerekaua auītetxi Apiananiri iponaniāpeka. Ininiā ate apoka uai akapotoreēkiniua iua apisatoō, kotxi Apiananiri itxaua —itxana ninoa.

³Erotxi ikara ikenakoenetakasaaki, kona erekaxinireri. Kona inirekari āti auītetxi apokini. Ininiā ikinimane Xerosareē auakani kona erekaxinirena, kotxi ninoa pīkari Erotxi. ⁴Ininiā iua apotiitana sasetotxi auīteakori, kaiōkatsoparerini pakini. Ininiā Erotxi pimaāna:

—Nanipa Teoso Mereēkiti iponaniāko? —itxa.

⁵Ninoa apakapapiretari:

—Pereē sitatxiti, Xotéia tōpa aua. Ia atoko itxapaniko Teoso sākire sāpiretakari iōkatsopatakiti kitxakapiriāka:

⁶Pereē sitatxiti auakani, Xotéia tōpa, hīte sitatxine poiāori, iuaritika kona hīpētauatape, kotxi hīte sitatxineē iponaniāko Isaekokini auīte. Kākiti mīkiikakari itxauako —itxa ninoa auītetxiakori Erotximoni.

⁷Ininiā Erotxi akiritana ninoa iōriki imarotakani, ninoanani imisākiretini īkapani. Ininiā ipimaāna:

—Mitxipitipanika kirisaakipa hītikataro oa iōriki? —itxa ninoamoni.

Ininiā ninoa sāpiretari. ⁸Iposo atoko iokanatana Pereēmoni:

—Hīsako Pereēmoni amarini hinitini īkapani. Hāpokasaakiri, hīsāpiretano. Ininiā nota apaka sako, iua apisatoō nikapotoreēkiniua īkapani —itxa Erotxi.

Txamari inirekari okiniri Xesosi, kotxi !inirekari āti auītetxi auini.

⁹Erotxi sākire ikenakotakana atoko, ipotorikana. Iōriki atokatxi pokīkinimoni itikakitona īkiika. Anikana Xesosi auinimoni. Iuaātaā oa iōriki iotoka. ¹⁰Ninoa atamatakasaakiro iōriki, iteene ipoxokoniuatana. ¹¹Ininiā apokana aapoko. Iroāna. Apokarina amarini inoro Mariakata. Ininiā ikapotoreēkauana Xesosi apisatoō. Itxarina:

—Apiananiri pitxaua. Aāuīte pitxaua —itxana.

Iposo atoko itiina imaktxakana. Ininiā imaktxakarina erekari imīkitina auītetximoni isikakitina īkapani. Isikarina oro, īsēso inakori, miha inakori pakini. Īsēso, miha pakini kamariāro peerekari. ¹²Ininiā eereka Teoso sāpiretana iōriki imarotakanimoni itaponeēna:

—Kona hīkanapiriāpe Erotximoni —itxa Teoso ninoa taponemoni.

Ininiā ninoa kanapiriākasaaki auinimoni, āti kimaporitimoni isana.

Exitomoni Xosee, Maria Pakini Sini

¹³Iōriki imarotakani sipeka atoko, Teoso nitiri iaxitikiro sāpiretari Xosee itaponemoni:

—Paiamata. Pōkitikaua. Panikari amarini, inoro apaka Exitō tixinimoni. Himitekā. Kona hīkanapiriāpe nota masāpiretakanisaakii, kotxi Erotxi nitari amarini okiniri īkapani —itxa Teoso Xoseemoni.

¹⁴ Ininiã Xosee:

—Nisapitikako —itxa.

Ininiã iua İkanõkatika Xosee õkitikaua. Aiamata Exito tõpamoni isini, amarini anikini İkapani. Ininiã imimitekari amarini inorokata Exitomoni. ¹⁵ Erotxi ipinakasaaki, iuasaaki İkanapiriãko. Kona İkanapiriã Erotxi ipinini apisa. Ia atoko itxapaniko kitxakapiriã Teoso sãkire sãpiretakari sãpiretakiti: Nãkiritariko namarite Exito tixini itakanapini.

Amarini Okiko Pirena

¹⁶ Erotxi imarotakasaakiri İõriki imarotakani sipe inakasaaki, İ imisãkiretaikarina iua, ininiã iua omanãkarauata. Ininiã amarini ipikananipeka inakanıua, apaka axapitipanika inakanıua, imakinikana okãkitaka Pereẽ sitatxitiã auakani. İkara atoko itxa, kotxi İõriki imarotakani sãpiretari ipikananipeka oa İõriki tokiã. ¹⁷ Kitxakapiriã Teoso sãkire sãpiretakari Xeremia inakori sãpiretakiti iaõka auape iuasaaki. ¹⁸ Iua txari:

Hamaa sitatxiti İkenakotaãkako ațsaãtxi. Hakeo atoko sitoakoro txiapatako oimiakori matinani. !Onirekari kãkiti mĩkapiritiniro oa, kotxi oimiakori kona auaiãka.

Exito Tixini İkanapiriınina

¹⁹ Erotxi ipinaka atoko, Xosee Exito tixini auakasaaki, Teoso nitiri misãkiretari iua itaponemoni. ²⁰ İtxari:

—Põkitikaua, pimikanapiriãri amarini, inorokata İsaeo tixinimoni. Amarini kinirão okaka inakani kona auaiãka —İtxari.

²¹ Ininiã Xosee mukanapiriãri amarini, inorokata Xotẽia tõpamoni, İsaeo tixinimoni. ²² Txamari imarotakasaakiri Akirao, Erotxi ãkiri auıtetxi ininiua irini tikini, Xosee pĩkari Xotẽia tõpa auini. Ininiã Teoso nitiri iuaikana itaponemoni sãpiretari ațiãtaã isini İkapani. Ininiã Xosee, Maria, Xesosi pakini sari Karirẽia tõpamoni İsaeo tixini. ²³ Nasaree sitatxiti kaikota itxana. Ia atoko itxa kitxakapiriã Teoso sãkire sãpiretakani sãpiretakiti iaõka inini. Ninoa txari:

Nimereẽkiti, Nasareekiri itxauako.

3

Xoão Kapatxisareri Sãpiretakiti

(Marko 1.1-8; Arõkasi 3.1-20; Xoão 1.19-28)

¹ Eereka Xesosi aneẽpe. Iuasaaki Xoão kapatxisareri, ãparaã makipakaniãtaã Xotẽia tõpa aua. Iuaã iua oerekari Teoso sãkire kãkitimoni. ² Iua txa:

—Himaerekani hĩtakanapako, kotxi Teoso mereẽkiti paıťiki apokako iua İkinipoko auıte ininiua İkapani —İtxari Xoão.

³ Kitxakapiriã İsaia inakori, Teoso sãkire sãpiretakari, sãpiretapekari Xoão pirena. İtxari: Auako kiki ãparaã makipakaniãtaã. İãpirenauatako. İtxariko: “Hõeretariko kimapori Apiananiri apokini apisapanika. İtũkaãpo erekari hĩkamako iua napini İkapani,” itxa İsaia kitxakapiriã.

⁴ Xoão takari mãkatxi kamero piti kamakori. Kamero kãkiti pira. İpakıotsere aamata kamakori. İnikari txıtxiri. İtximari mapaã İtopakero. ⁵ Kãkiti Xerosareẽkini, İkinimane Xotẽia tõpakini, İkinimane Xotão tinikata auakani pakini sari İkenakotinirina İkapani. ⁶ Iuaã ninoa sãpiretari Teosomoni maerekati İkamakitina, imaerekani İmakatxakini İkapani. Eereka iua patxisatana Xotão uiniti.

⁷ Txama Xoão atapakasaakina pariseoakori, satoseoakori pakini apokini iuamoni İpatxisatikona İkapani, iua txana:

—İmini kãsiiri anaakorirai hıte. Teoso misiritapitikai himaerekani xika. Himitekini ! auari. Hınirekari hĩpatxisatiko, txamari ! hınirekari hĩtakanapiniri himaerekani.

⁸ Hınirekiniãri himaerekani hĩtakanapini, ininiã hĩkamariko erekari. İkara atoko ininiã, hõerekari Teoso atão hĩtakanapiniri himaerekani. ⁹ Hãkixiniremoni ! hĩxinikapiri: “Teoso apakapapitıkauako ate, kotxi ate atokirini Apraãoni txaua,” !hıtxapeko. Ari, nota sãpiretai hıte, Teoso nirekiniãri, İposotari ia kai soroã Apraãoni mekaniriakori İkamini. Kona Apraãoni posotari anikini Teosomoni. ¹⁰ Aamina maereka iriti atoko hıtxa. Teoso İposopeka hıte İxipokini. Kãkiti auari İkitaite kauanari aamina maereka iriti itokini İkapani. İkinika aamina maereka iriti tokaãkako. Xaminaã oka inaãkanako. Teoso kamakiti iua atokokana itxa. Ininiã Teoso kitaite kauanapeka, aamina kotsa sauakiko tĩkane. Iua atokokana ininiã, Teoso aiamatapeka hıte İxipokini İkapani.

¹¹ —Hıte İpatxisata ãparaã. Hĩpatxisatiko oerekari maerekati hĩkamakiti hĩtakanapapeka. Nota tikini apoãkari patxisataiko hıte Erekari Matamatakotiã, xaminaã pakini. Apiatakari itxaua iua. ! Apakata iua takote napokini İkiti mata nimakatzakini İkapani, kotxi iua apiata. Nota poiãoka. İmakatzakari himaerekani, İtxiko metao ãki auakari arikini atoko.

¹² Katakarererī āpokari ahoisi otāta imakatzakini ikapani. Otāta arikaāka. Oki nīkataāka ikiena nīkatikoātaā. Iua atokokana Teoso nīkatariko kākiti erekarini. Maerekati kamakani arikaākako xamina maxipoākatiā —itxa Xoāo.

Xesosi Patxisatiko Pirena

(Marko 1.9-11; Arókasi 3.21-22)

¹³ Iuasaaki Xesosi potorika Kariréia tōpa. Isari Xotāo uinitimoni, Xoāo patxisatiniri ikapani. ¹⁴ Txamari Xoāo txari Xesosi:

—Pite nirekatari nota patxisatinii? !Apakata, kotxi pitemoni maerekati !auari. Notara nirekari pite patxisatinino nota —itxa Xoāo.

¹⁵ Xesosi apakapapiretari:

—Apakatapitika pipatxisatinino. Uatxa akamariko ikinika Teoso nirekaākiti —itxa.

Ininiā Xoāo:

—Ateeneka.

¹⁶ Eereka ipatxisataāka atoko ikanīkīta imiriī. Iuasaakipeka iaxiti takaka. Ininiā kākiti atapari Erekarī Matamatakoti katzakaāpotini kamoā atoko inakari. Xesosimoni oāpoka.

¹⁷ Eereka Teoso sākirauata iaxiti:

—Pite namarite, nitiretakiti, napokaerekatai, kotxi ninirekakiti pikama —itxa Teoso.

4

Satanasi Nirekari Xesosi Kaminiri Maerekati

(Marko 1.12-13; Arókasi 4.1-13)

¹ Erekarī Matamatakoti anikari Xesosi āparaā makipakaniātaā Satanasi atamakaerekatiniri ikapani. ² Iuaā Xesosi takanapari inipokotini Teoso imisākiretini ikapani. Koarēta pokamara, koarēta ikanōkati pakini itakanapari inipokotini. Ininiā inatxikatani iuani.

³ Ininiā iuasaakiiika Satanasi apoka Xesosimoni. Iua katamakaerekarerī itxaua. Itxari:

—Pite Teoso ākiri pininiāua, ininiā ere kai soro komiri pitxīkitaka —Satanasi txari Xesosi.

⁴ Xesosi apakapapiretari:

—Kona nīkamari pite paniātakiti, kotxi Teoso sākire iōkatsopatakori txari:

Kona komirinanini txīkitakari kākiti ātipirika auini tīkane. Ikinika Teoso sākirera txīkitakari kākiti ātipirika auini tīkane

—itxa Xesosi Satanasi.

⁵ Eereka Satanasi anikari Xesosi Xerosareēmoni. Iua sitatxi akiritaāka Teoso nakiti. Satanasi anikari Xesosi Teoso misākiretiko aikotimoni apiata otano tsokitiri nopini. ⁶ Ininiā Satanasi txari Xesosi:

—Teoso ākiri pininiāua, pokaua xiti. Ininiā ikinipoko kākiti imarotariko Teoso ākiri pininiāua, kotxi Teoso sākire iōkatsopatakori txari:

Teoso iokanatanako initiriakori iaxitiki pite inīkatinina tīkane. Ninoā maīkai pimapanakani tīkane, ininiā pikarouatini !auari. Kona kai soro karotari pikiti,

—itxa Satanasi.

⁷ Xesosi apakapapiretari:

—Teoso sākire iōkatsopatakori apaka txari:

Kona patamakaerekatapiri Apiananiri piTeosone.

⁸ Eereka Satanasi anikari Xesosi ātiātaā iuaīkana. Itano xiratarimoni anikari. Iuaā Satanasi oerekari ikini itixiti, ikinika tiitxiti iuaā auakari pakini. ⁹ Ininiā itxa:

—Pikapotoreēkiniāua nota apisatoō piteosonetinino, ininiā ikinika nisikaiko —itxa Satanasi.

¹⁰ Xesosi apakapapiretari:

—Konapitini. Pisipeka Satanasi. Teoso sākire iōkatsopatakori txari:

Apiananiri piTeosone, iuanokara piteosoneta. Iua ikapaninokara piparīkauatako

—itxa Xesosi.

¹¹ Ininiā Satanasi takanapa txari iua. Ininiā Teoso nitiriakori iaxitikini apoka Xesosi moni inīkatinirina ikapani, kotxi itapara lauauka.

Xesosi Mipotorikari Iparīka Kariréia Tōpa

(Marko 1.14-15; Arókasi 4.14-15)

¹² Xesosi kenakoenetakasaakiri Xoāo kapatxisarerī kateia āki takiko, isari Kariréia tōpamoni. Nasaree sitatxitimoni isa. ¹³ Ininiā eereka itakanapari Nasaree sitatxiti. Kapanaoō sitatxitipekā aua itxa. Kapanaoō, Kariréia poa takote, apaka Seporō, Natarii pakini tōpati takote. ¹⁴ Kitxakapirīka Isaia, Teoso sākire sāpiretakari sāpiretāpekari, iuaā Xesosi auako. Ia atoko Teoso sākire txapeka:

¹⁵ Seporō, Natarii pakini tōpati ipoa mitari takote, Xotāo uiniti ipiniā. Kākiti takauākatari iua itixi, Kariréia tōpa. Xoteo minakanua tixine itxaua. Iuaā Erekarī apokako. ¹⁶ Ninoā

kākiti, ipiā auakani, !imarotari Teoso. Ipiāniātaā ninoa auanāta. Ninoa atamatariko tirikapi. Ikamara mitari. Iua tirikapi iopinipokotako ipiā auakani sauaki. Ikara atoko itxa Isaía kitxakapirīka.

¹⁷ Xesosi apokasaaki Kapanaoō sitatxiti, imipotorikari oerekarauatini. Ia atoko itxa: —Himaerekani hitakanapa, kotxi iposope Teoso hīauite ininiua —Xesosi txana ikinipoko kākiti.

Xesosi Akiritari Ipi Ipi Pakini Kokatsaāriti
(Marko 1.16-20; Arókasi 5.1-11)

¹⁸ Xesosi Kariréia poa tiniā itīpokotakasaaki, itikari ipi kiki, Simāo Petro inakori, itari Ātree inakori pakini. Itakanātarina hetxi. Kokatsaāriti itxauana. ¹⁹ Ininiā Xesosi akiritana ninoa: —Masa notakata. Hitakanapariko hōkatsaātini parīkatxiti. Noerekaiko hīte Teoso sākire hōerekini ikapani, kākiti imarotini ikapani —itxa Xesosi.

²⁰ Ininiā iuasaakiika ninoa takanapari okatsaātinina. Xesosikata sa itxana.

²¹ Apikomoni itīpokotakasaaki, atamatana Txiako, Xoāo pakini. Sepeteo anaakori itxauana. Ninoa irikata kanauā auanāta. Ihetxina iotsaānātana. Ininiā Xesosi akiritana ninoa. ²² Iuasaakipeka itakanaparina iri, kanaua pakini. Xesosikata sa itxana imoianatinirina ikapani.

Xesosi Amianatakani Imakananitini
(Arókasi 6.17-19)

²³ Xesosi sari ikini Kariréia tōpamoni. Aiko Xoteoakori apotiitiniātaāua isa. Iuaā isāpiretana Teoso iokanapirena erekari, Teoso kākiti auite inini pirena. Apaka erekepeka itxīkitakana amianatakani. ²⁴ Xesosi kamakiti, apaka isāpiretakiti, iaripiretakepa ikinika Síria tixini. Ininiā kākiti minana itomaneri amianatakani iuamoni. Ikini sereti amianari auakini sari iuamoni. Kākiti maerekati matamatakoti Satanasi nitiri auaitotakiti apoka iuamoni. Apaka kākiti mapitxiritakani apoka. Apaka titinanakakari amianariti auakini apoka. Apaka kākiti maposota tīpokotakani pakini apoka Xesosimoni. Ikinikana erekape itxīkitakana ninoa. ²⁵ Itomaneri sari iua tikini. Kākiti Kariréiakini, tesi pakini sitatxitikini, Xerosareēkini, kākiti Xotéia tōpakini, Xotāo uniti ipiniākini pakini sari iua tikini.

5

Xesosi Sākirauata Ixirata Auīte Nopini
(Kapitoto 5, 6, 7)

¹ Xesosi itomaneri kākiti atapakasaaki, ixirata nopini isa, topāka itxa oerekarauatini ikapani. Imoianariakori apotiitaua iuamoni. ² Iuasaaki oerekana ia sākiretxiti:

Kirimonipa Teoso Sikatari Erekeri?
(Arókasi 6.20-23)

³ —Teoso takari erekari kākitimoni, ia atoko inakanimoni. Ninoa nirekari Teoso nirekēkiti ikaminina, iuaritika imarotarina !iposotarina Teoso nirekēkiti ikaminina, ininiā amanaārīna Teoso sikaposotiiretinina ninoa. Teoso takari erekari kākiti ikara atoko inakanimoni. Ninoa sari Teoso auītetxi ininiātaāua.

⁴ —Teoso takari erekari kākitimoni, ia atoko inakanimoni. Mitxi ninoa txiapata imaerekanina xika. Ininiā eereka Teoso mīkapiritana ninoa, amarini mīkapiritiko atoko.

⁵ —Teoso takari erekari kākitimoni, ia atoko inakanimoni. Pataparaxinirena ninoa, iuaritika !itxitarina āti. Iamonīkarina āti. Teoso sikapanikariko ikinika itixi ikara atoko inakanimoni.

⁶ —Teoso takari erekari kākitimoni, ia atoko inakanimoni. Ninoa iteene nirekari erekarinoka ikaminina. Nipokori inirekinina atoko, āparaā inirekinina atoko, ninoa iteene nirekari erekari ikaminina. Ininiā Teoso sikana ninoa ikinipoko erekari inirekakitina.

⁷ —Teoso takari erekari kākitimoni, ia atoko inakanimoni. Ninoa amonīkari ninoa misiritakani, ininiā iua atokotxikana Teoso amonīkanako ninoa kaamonīkarerini.

⁸ —Teoso takari erekari kākitimoni, ia atoko inakanimoni. Ninoa kamari Teoso nirekēkitinoka, ininiā ninoa aōkitariko Teoso.

⁹ —Teoso takari erekari kākitimoni, ia atoko inakanimoni, kauārerinimoni. Ninoa parīkauata neenamati xipokini ikapani. Ininiā ninoa akiritaākako Teoso anaakori.

¹⁰ —Teoso takari erekari kākitimoni, ia atoko inakanimoni. Ninoa kamari erekari, ininiākara apanakini kākiti misiritana. Ninoa erekari kamakani auako Teoso auītetxi ininiātaāua.

¹¹ —Teoso takari erekari hītemoni, apanakini misiritakasaakii, imisākirepiretakasaakii, aāpirena ikamakasaaki hītemoni nota sākire hāuikini xika. ¹² Poxokonoka hitxako, kotxi Teoso

sikai hīparīka īki ito, itixine hāpokasaaki. Hīte misiritiko atokokana Teoso sākire sāpiretakani kitxakapirīka misiritaāka, ininiā hīpoxokoniuatoko —itxa Xesosi.

Iōkira Pirena

(*Marko 9.50; Arókasi 14.34-35*)

¹³ Iuaīkana Xesosi sākirauata:

—Iōkira erekarō atoko hītxaua ikinimane īkapani. Iōkira matxoatapeka onakasaaki, ininiā lapakata otxoa kanapiriini iuaīkana. Ininiā oōkaāka. Kākiti kitakaro, kotxi kona otxaika.

Tirikapi Pirena

¹⁴ —Tirikapi atoko hītxaua ikinimane kākiti īkapani. !Hīposotari hīkipatiniri sītatxi xirata nopini auakari, kotxi ikinimane atamatarī tirikapi. ¹⁵ Kākiti !itakarī tirikapi kopiti āki. Itakarina itano ikini aapokotxiti iopinikini īkapani. ¹⁶ Iua atokokanera hītxako, kotxi erekari hīkamakiti tirikapi kamara atoko itxa. Erekarinokara hīkamako. Ininiā apanakini atamatarī erekari hīkamakiti. Ininiāra itxarina aīri iaxitikirimoni: “Peerekai pite.”

Teoso Sākire Moisesi Apakapakiti

¹⁷ Iuaīkana Xesosi sākirauata:

—Kona hītxape: “Xesosi xipokariko Teoso sākire Moisesini apakapakiti,” kona hītxape. Apaka, “Kitxakapirīka Teoso sākire sāpiretakani sāpiretakiti Xesosi xipokako,” kona hītxape. Kona ikara inakari !nixipoka. Nota ina ikinipoko ninoa sāpiretakiti nikamini īkapani. ¹⁸ Atāōpitika ikinika Teoso sākire apokako. Kona xatiki Teoso sākire iōkatsopatakori kona xipoka. Iaxiti, itixi pakini xipokini apisa Teoso sākire !ixipoka. Apokapitikako imakinika isākire. ¹⁹ Teoso sākire ipaniātakiti apiari aua, apaka poiāori aua. Kākiti makamakaniāri ikinika Teoso sākire, oerekiniāri apanakini ikinika Teoso sākire imakamakani īkapani, poiāori itxaua Teoso auītetxi ininiātaāua. Āti kākitipekana, ikaminiāri ikinika Teoso sākire, oerekiniāri apanakini ikinika Teoso sākire ikamini īkapani, apiari itxaua Teoso auītetxi ininiātaāua. ²⁰ Ia nisāpiretai. Kaiōkatsopareriakori, pariseoakori pakini !ikamari atāo inakari Teoso nireēkiti. Ininiā hīte kaminiāri ninoa atokotxikana, !hāuiritaāka hīiroini Teoso auītetxi ininiātaāua. Atāo inakari Teoso nireēkiti hīkaminiā, hīroōpitika iuaā.

Omanākaretxi Pirena

²¹ —Hīte imarotari kākiti kitxakapirīka sāpiretaāka. Ia atoko inaāka: “Kona apanakini hōkape. Kokaniri anikaākako imisiritikomoni,” inaāka kitxakapirīka. ²² Uatxa apikomoni nota sāpiretaiko hīte. Maxikatīka pomanatiāri pitari, panikaākako pimisiritikomoni. Pite napetiniāri pitari, ininiā auītetxiakori misiritapitīkai. Pakiritiniāri pitari: “Kīikitei,” ininiā pimisiritiko pāitiki apokako. Nota txai hīte, kona erekari kokaniri. Iua atokokana kona erekari hinaperauatini. Hinaperauatiniā, ininiā maerekani misiritikoātaā hīsapitikako.

²³ —Ininiā hīsikasaaki Teoso apisatoō hīsikakiti hīsikini īkapani, iuasaaki hīxinikari hītari homanatakiti. ²⁴ Iuasaakiika hītakanapariko hīsikakiti iuaā hīsikiniri apisa. Hīsako kati-maritika homanatakitimoni. Himisākiretari, homanākare hīxipokini īkapani. Iposo atoko kanapiriā, hīsikakiti tīkane sika hītxako Teosomoni —itxa Xesosi.

²⁵ Iuaīkana Xesosi sākirauata:

—Kākiti kinirāo apoītakiniāi, ininiā pimisiritiko mereēkarimoni iua anikini apisapanika, katimariā pisa iuamoni. Pimisākiretari iua, kotxi pimisiritiko mereēkari sikaiko pite pimisiritakirimoni. Ininiā eereka iua takai kateia āki. Iuaā pikaikotako. Ininiā apisapanika pimisākiretariko iua pomanatakiri. ²⁶ Atāo nisāpiretai, kona posipikari kateia ikinika pimisiritiko mereēkari paniātakiti pimīlkitxitakanisaaki —itxa Xesosi.

Kīpa Txīkitakai Maerekati Pikamini?

²⁷ Xesosi apikomoni sākirauata:

—Hīte imarotapekari kitxakapirīka sāpiretakori: “Pītanoro minakotokatika kona pisirīkape.” ²⁸ Kitxakapirīka ikara atoko itxama. Nota sāpiretaiko hīte apikomoni. Sito atamatarari kinirāo oakata sirīkoma inakari, iuara kamapekari maerekati ākixinireē. ²⁹ Kona pauiritapiri maerekati pikamini txīkitaākari pitekata ikaikotini. Patamatakiti txīkitakiniāi maerekati pikamini, pimakatxakari poki, oka pitxari, kotxi maerekati pikaminiā, maerekani misiritikoātaā pokaākako. Apiaerekata Teosokata ātipirika pauini āti pokinoka pauini. ³⁰ Piuako pikikomoni auakari txīkitakiniāi maerekati pikamini, ininiā pisauaka, oka pitxa, kotxi maerekati pikaminiā, maerekani misiritikoātaā pokaākako. Apiaerekata mauakotikai pauini ātipirika Teosokata. Kona pauiritapiri maerekati kaikotini pitekata. Pitakanapariko maerekati.

Kīki Ītanorokata Itakanapakakini

(*Mateo 19.3-9; Marko 10.2-12; Arókasi 16.18*)

³¹ —Kitxakapirīka ia atoko itxa sākiretxi:

Pītanoro pitakanapiniā, aātsopa pisika oamoni İtanorotxi takanapiko aātsopati.

³² Iuaritika nota sāpiretaiko hīte, ! hītakanapaperoko pītanoro. Pitakanapiniāro, ininiā maerekati pikamapitika, kotxi eereka oa atxiīti nirekakari āti kiki. Ininiā iuasaaki oa kamari maerekati apaka pite xika. Apaka oa takakari kamari maerekati. Apakata pitakanapiniro pītanoro, ātikata osirīkiniā —itxa Xesosi sākire.

Atāopitika Inakari Sākiretxi

³³ Iuaīkana Xesosi sākiraauata:

—Hīte imarotapekari kitxakapirīka sākiretxiti. Ia atoko itxapaniko: “Hīkamariko imakinika hīkamaenetakiti. Hīkamariko hīkamaenetakiti Teoso İkapani,” itxa. ³⁴ Notara sāpiretai hīte apikomoni: “Nikamapitikariko,” pinakasaaki, !pakiriūakatapiri Teoso tixine uāka, kotxi iuaā Teoso auītetxi ininiātaāua. “Nikamapitikariko,” pinakasaaki, kona apikomoni pakiritape. ³⁵ “Nikamapitikariko,” pinakasaaki, !pakiriūakatapiri itixi uāka, kotxi Teoso uai aua apaka. “Nikamapitikariko,” pinakasaaki, !pakiriūakatapiri Xerosareē uāka, kotxi auītetxi Apiananiri sitatxine itxa. ³⁶ “Nikamapitikariko,” pinakasaaki, !pakiriūakatapiri pikīi uāka, kotxi !apakata pitxīkitakiniri piāko pomama inini, kasarori inini. Ātika piāko kona piposotari pitxīkitakiniri kasarori inini, pomamari inini. ³⁷ “Ari,” pinakasaaki, pikamapitikariko. “Kona,” pinakasaaki, kotxi kona piposotari pikaminiri. Kona āti sākiretxi ! pikamape. Maxikatīka kamakori sākiretxiti Satanasi sākire itxaua —itxa Xesosi.

Xikatxitakanīua Pirena

(Arókasi 6.29-30)

³⁸ Xesosi oerekarauatapanika:

—Ia atoko kitxakapirīka sākiretxiti: “Neenamatzisaaki āti makatxakinīari poki, pixikatxitariko. Iuasaaki pimakatxakariko iua oki apaka. Pitsirīi pataka āti kākiti xika, pixikatxitariko. Iuasaaki iua tsirīi apaka pimapatakako,” itxa sākiretxi kitxakapirīka. ³⁹ Txamari nota sāpiretaiko hīte apikomoni. Kona hīxikatxitapiri maerekati hītemoni auakasaaki. Āti aritiniāri pitoō, ininiā pikirioka ipinitoō iaritini İkapani. ⁴⁰ Atxiīti āti nirekari anikinii pimisiritiko mereēkarimoni, kotxi iua nirekari pite sikiniri pimāka iuamoni iua tixineirote pimasikakani xika. Ininiā anikinii apisapanika, pisikariko pimāka inirekakiti, apaka apikomoni āti pimāka. Ikara atoko hīkamako. ⁴¹ Ia āti sākiretxiti: Āti paniātiniāi itii panikini āti ōti, ininiā ipi ōti panikari itii. Poerekariko pitiraōki. ⁴² Atxiīti āti amanaāi pitii, ininiā pisikariko iuamoni inirekakiti. Iua amanainiāi pitii “Akamoni iuaīkana ! nisikai,” ininiā iuasaaki pisikariko iuamoni —itxa Xesosi.

Pomanatakini Pītretini

(Arókasi 6.27-28, 32-36)

⁴³ Iuaīkana Xesosi sākiraauata:

—Hīkenakotapekari ia sākiretxiti: “Hītiretariko hinirimane. Homanatariko himokaiakari.” Ikara atoko kitxakapirīka auari. ⁴⁴ Ikara atoko itxama. Nota sāpiretaiko hīte ipinimoni. Kona homanatapiri himokaiakari. Hītiretariko iua apaka. Hamanaāri Teoso hīte omanatakani erekari isikini İkapani. ⁴⁵ Apakatapitika amokaiakarimoni erekari akamini, kotxi Teoso kamari atokatxi kākiti erekarini auiniātaā iopinikini İkapani, apaka maerekani auiniātaā iopinikini İkapani. Iua iokanatarı āparaā atāo inakari kamakanimoni, apaka atāo minakati kamakanimoni. ⁴⁶ Hīte tirketakaninani hītiretiniā, kinirepa Teoso sikari erekari hītemoni hinirimanenokara hītirketakasaaki? Kotxi kākiti maerekati kamakani apaka tīretari ninoa tīretakani. ⁴⁷ Hīte misākīretakaninani himisākīretiniā, kākiti Teoso mimarotakani atoko hītxa, kotxi ninoa misākīretakani imisākīretana. ⁴⁸ İkinipoko hīri iaxiti auakari kamakiti erekari, ininiā iua atokokana hītxīkitakariko İkinipoko hīte kamakiti erekari —itxa Xesosi.

6

Xesosi Oerekari Teoso Sikiko

¹ Iuaīkana Xesosi sākiraauata:

—Erepaniko. Erekarı pikamakasaaki, kona pikamapiri piuikiniua İkapani, erekari pikamakiti apanakini imarotini İkapani. Pikaminiāri erekari apanakini apokaerekatinii İkapani, kona papakapari piparīka İki iaxiti, aīri iaxiti auakari sikakiti. ² Aua kākiti ia atoko inakari. İkamakiti atxiīti erekari, txamari İxinikakiti kona erekari. Kākiti ikara atoko inakari sikarauatakasaaki minakati matiitimoni aiko Xoteo apotiitiniātaāua, apaka mapara kākiti napiniātaā, inirekarina İkinimane itikiniri erekari İkamakitina. Inirekarina kākiti İuikininna. Ikara atoko !pitxape minakati matiitimoni pisikarauatakasaaki. Pixinikariko ia: Ninoa apakapapekari İkinika erekari kākiti sikakiti, txamari ! apakaparina erekari Teoso sikakiti. ³ Pisikarauatakasaaki minakati matiitimoni, kona paūiritapiri piuako pisaneremoni auakari imarotiniiri piuako pikikomoni auakari sikakiti. ⁴ Ikara atoko ininiā,

pitenani imarotari pisiäkiti. Piri iaxitikiri, ikinipoko atamatakari, iikixitaiko kākiti apisatoõ —itxa Xesosi.

Teoso Misäkiretiko Pirena
(Arókasi 11.2-4)

⁵ Iuaĩkana Xesosi sākirauata:

—Teoso himisäkiretakasaaki, kona hĩkamapiri kamisirienereri atoko hinini. Ninoa potxtitari itiminina aiko Xoteo apotiitiniãtaãua, kimaporiã apaka, Teoso imisäkiretini ĩkapani. Ininiã ikinimane itikana. Hixinikari. Ninoa apakapapekari poxokonitxi uai ĩkorapokoriti auakari. Txamari ninoamoni atão poxokonitxi !auari. ⁶ Teoso pimisäkiretakasaaki, pisa pitenani auiniãtaã. Kona pauiřitapiri äti kaikotini pitekata Teoso pimisäkiretakasaaki. Iuaã pimisäkiretari piri matamatakoti. Iuaã iua atamataiko pite. Eereka isikaiko erekari iaxitikiri.

⁷ —Teoso pimisäkiretakasaaki, pimixinikariko pisäkire. Maxikatĩka kona pisäkirauatape uakata. Teoso säkire mauĩãkati xinikari Teoso kenakotiniri isäkire kotxi kaĩãori isäkire. ⁸ ĩkara atoko !pikamape pimisäkiretakasaakiri iua, kotxi pisäkirauatini apisapanika Teoso imarotapekari pinirekakitĩ. ⁹ Ia atoko hĩtxako Teoso himisäkiretakasaaki:

“Airi iaxiti auakari, ate nirekari piuãka paxitiko.

¹⁰ Anirekari ikini itixiti auakani auĩtetinii pite. Pite tixine pinireẽkiti kamiko atokokana, anirekari pinireẽkiti kamiko ĩkorapokoriti,

¹¹ Nĩpokori ikiniõtika pisikauako.

¹² Pimaxinĩkaretariko maerekati akamakiti. Maerekati atemoni kamakori amaxinĩkaretini atokokana pimaxinĩkaretariko.

¹³ Kona panikapeua aãtaerekatikomoni. Pisikakauako ate, maerekati sauaki aãuakasaaki. ĩkara atoko piposota, kotxi pitenanira auĩtetxi txaua. Pitenanira kaposotiire. Ätipirika peerekai pite. Ameẽ.”

ĩkara atoko hĩtxako Teosomoni.

¹⁴ —Pimaxinĩkaretiniãri maerekati äti kamakiti pitemoni, ininiã piri iaxiti auakari maxinĩkaretari maerekati pite kamakiti apaka. ¹⁵ Pimaxinĩkaretaniãri maerekati äti kamakiti pitemoni, ininiã piri iaxitikiri kona maxinĩkaretari maerekati pite kamakiti apaka —itxa Xesosi.

Nĩpokori Takanapiko Pirena

¹⁶ Iuaĩkana Xesosi sākirauata:

—Aua kākiti ia atoko inakari. ĩkamakiti atxiĩti erekari, txamari ixinikakiti kona erekari. Kākiti ĩkara atoko inakari takanapari inipokotini Teosokata isäkirauatini ĩkapani. Txamari ninoa nirekari ikinimane imarotiniri itakanapinirina inipokotinina, kākiti iuikinina ĩkapani. Ininiã ninoa matinaniuata itooãna ĩkara kākiti imarotini ĩkapani. Atão nĩtxai, ninoa apakapapekari ĩkari erekari kākiti sikakiti, txamari !apakaparina erekari Teoso sikakiti. Kona ĩkara atoko !pitxape nĩpokori pitakanapakasaaki Teoso pimisäkiretini ĩkapani. ¹⁷ Hite ĩkara atoko !hĩkamape. Hinipokotini hĩtakanapakasaaki Teoso himisäkiretini ĩkapani, hãrokatoõtaua. Hõeretari hiãko. ¹⁸ Ininiãkara apanakini !imarotari hĩtakanapiniri hinikini. Ininiã hĩri matamatakoti, iuananira itikariko hĩkamakiti, apanakini mimarotakiniti, ininiã isikaiko hĩparĩka ĩki —itxa Xesosi.

Pitiretakiti

(Arókasi 12.33-34)

¹⁹ Iuaĩkana Xesosi sākirauata:

—Maxikatĩka kona papotiitapiri pitiretakiti uai auakari, kotxi atxiĩti kamara nikari pitii. Atxiĩti oerẽkata. Atxiĩti kũtiriri ĩtirĩkari iua. ²⁰ ĩkara atoko kona pikamape. Papotiitariko pitiretakiti Teoso tixineẽ, kotxi iuaã !auari kamara. Iuaã tiitxi !oerẽkata. Kona ĩxipoka. Kũtiriri !ĩtirĩkari iua. ²¹ Pitiretakiti auiniãtaã, iuaã pixinikapika. Iuaã pinirekari pauini —itxa Xesosi.

Tirikapi ĩtotxiãkiri Pirena

(Arókasi 11.34-36)

²² —Poki tirikapi atoko itxa piĩto ĩkapani. Poki ereka inakasaaki, ipinikare aua pãkixinireẽ, ininiã pinireẽkiti imakinika erekari. Erekarinokara patamatiniã, erekari pixinire. ²³ Txamari poki oerekasaakii maerekati pikamini, ipiã apoka pãkixiniremoni. Iuasaaki tirikapi kamara na xatiki !auari pitemoni —itxa Xesosi.

Ipi Auĩtetxi Pirena

(Arókasi 16.13; 12.22-31)

²⁴ Iuaĩkana Xesosi sākirauata:

—! Apakata kākiti parīkauatini ipi iauītena īkapani, kotxi atxiīti āti omanata, āti itireta. Atxiīti āti apokaerekata, āti inorita. Iua atokokana kākiti kona posotari iparīkauatini tiitxi ikinipoko iamotini īkapani, Teoso īkapani iparīkauatakasaaki. ! Apakata piauūtetini Teoso, txineiro piauūtetakasaaki.

Teoso Nīkatiniua Ate
(Arókasi 12.22-31)

²⁵—Ininiā nitxai: Pinirekari nipokori, iāriā pakini auāki pinini īkapani. Apaka pinirekari mākatxi pīto īkapani. Ikara pinirekini xika maerekaxiniretika kona pitxape. Erekarī nipokori. Apiaerekata pixinire. Erekarī mākatxi. Apiaerekata pīto. Ininiā ātipirika ! pixinikapiri nipokori, mākatxi pakini pinitini. ²⁶ Kona pipīkarauatape nipokori poiāo auakasaaki. Pixinikariko kotipiriki. Kona ninoa takarauata. Kona apotiitari ikiena. Kona ipotetari ikiena. Iuaritika piri iaxitiki sikakienata ninoa. Ininiā ninoamoni nipokori ! ixipoka. Teoso apia xinikai hīte. Ininiā kona pipīkarauatape. ²⁷ Kinirepa maerekaxiniretinoka pitxa? Pimaerekaxinirene ! itxikitakai apikomoni āti oara pauini.

²⁸—Kinirepa maerekaxiniretinoka pitxa pimāka pinirekini xika. Aāui pixinikako. Kona aāui parīkauata. ! Ikamari imāka, iuaritika aāui peereri. ²⁹ Kitxakapirīka auītetxi Saromāo inakori, iteene katiiri itxaua. Kaiāori imāka ereri, iuaritika apia ereri ikinika aāui. ³⁰ Aāui ! okanani aua. Uatxa aua. Katana ikatikata iotikaāka. Iuaritika Teoso nīkatari aāui. Ininiā apiata inīkakai hīte. Ikamamākatapitikai. Poiāonoka hīte auikari Teoso sākire. Ikara xika maerekaxiniretinoka hītxa.

³¹—Ininiā maerekaxiniretinoka kona hītxape. “Kipa ninika? Kipa niāta? Nāpa napokari mākatxi?” kona hītxape. ³² Teoso sākire mauīākani maerekaxiniretinoka itxana ikara atoko. Piri iaxiti auakari imarotari pinirekaākiti. Ininiā maerekaxiniretika ! pitxape. ³³ Merepitpanika pinirekariko Teoso piauīte ininiāua. Iua nireēkiti pinitako, ininiā atāo inakarinoka pikamako. Ikara atoko inakari pikaminiā, pite nirekakiti apaka isikaiko. ³⁴ Maerekaxiniretinoka kona pitxape katana pinirekakiti pixinikini xika. Pinirekakiti auapitikako katana, iuaritika mitxipanika kona pixinikapiri ikara maerekaxiniretika, kotxi ikiniōtika aua ikara atoko inakari —itxa Xesosi.

7

Apoīretxi Pirena
(Arókasi 6.37-38, 41-42)

¹ Iuaīkana Xesosi sākirauata:

—“Kona erekari pikamakiti,” kona pitxape ātimoni, ininiākara Teoso kona txai pite: “Kona erekari pite kamakiti,” ! itxai, ² kotxi Teoso misiritai pimaerekani xika, āti pite misiritini atokokana. Iteene pimisiritiniāri āti imaerekani xika, iteene Teoso misiritai pite, pite maerekani xika. ³ Ikara ia atoko. Pisāpiretari āti: “Aāsorō aua poki āki,” txamari kona pimaākatari aātxirata pite oki āki auakari. Kinirepa ikara atoko inakari pikama? ⁴ ! Apakata pisākire pitarimoni: “Pauiritano aāsorō poki āki auakari nimakatzakini.” Ikara atoko pininiā ! erekari, kotxi aātxirata aua pite oki āki. ⁵ Maerekati kamakari pite, kotxi pikamakiti erekari atxiīti, txamari maerekatinoka pixinikakiti. Pimakatxakariko aātxirata pite oki āki auakari merepanika, ininiā eereka apakata patamatini aāsorō pitarī oki āki auakari pimakatxakini. Ikara oerekaua piteka maerekani auakasaaki, pitakanapariko piteka maerekani, ininiā eereka apakata pimoianatiniri āti iua maerekani itakanapini īkapani.

⁶—Kākiti kona sikari Teoso nakiti anāpamoni, kotxi atxiīti iua anāpa kirioka, akatsata txai. Iua atokokana Teoso nakiti kona asika Teoso mapaxitakatimoni, kotxi iua anāpa atoko. Eereka iua misiritapitikai.

—Apaka kona pinoakitsa ereri kona pisika irarimoni, kotxi iua katxaratari. Iua atokokanera Teoso mapaxitakanimoni kona hīsikari Teoso nakiti, kotxi eereka imisiritari Teoso nakiti noakitsatxi irari misiritini atoko —itxa Xesosi.

Kona Hītakanapapiri Teoso Himisākiretini
(Arókasi 11.9-13)

⁷ Iuaīkana Xesosi sākirauata:

—Teosomoni pamanarauatakasaaki, papakapariko pinirekakiti. Pitarauatakasaaki, papokapitikariko pinirekēkiti. Aīri iaxitiki pakiritiniā, iua apakapapiretai. Ia atoko itxako: “Pikanikauata. Piīroā,” itxako. ⁸ Ikinika amanarauatakari apakapariko inirekakiti. Nitarauatakari apokariko initakiti. Teoso akiritakari apakapaākapitikako. ⁹ Amarini amanainiāri iri komiri, atauako kai sorokani isikatarī imi? ¹⁰ Ximaki amanainiāri, atauako iminikani isikari? Konapitini. Irītxi kona kamari ikara atoko inakari. ¹¹ Kākiti maerekani

apaka imarotari erekari isikini amaritenamoni. Aïri iaxitikiri apiata imarotari isikiniri erekari iua anaakorimoni, ninoa amanaåkasaakiri.

Āti Pitiretini Pirena

¹² —Pixinikariko. Natokopa pinirekari apanakini tiretini pite? Ininiā iua atokokana pitiretariko apanakini. Ikara atoko itxa ikinika Teoso paniātakiti aātsopaā auakari, apaka Teoso sākire sāpiretakani sāpiretakiti kitxakapirīka —itxa Xesosi.

Ipi Kimapori Pirena

(Arókasi 13.24)

¹³ Iuačkana Xesosi sākiraauata:
—Teoso tixine hīroā axapitiri ĩronakikoātaā. Mítari ĩronakikoātaā sikari sari maerekani misiritikoātaā. Iua kimapori mitari, kotxi itomaneri kākiti sari iuaā. ¹⁴ Axapitiri ĩronakikoātaā, kimapori axapitiri. Iua apo sari auapininiika inini tixinemoni. Iua kimaporiti axapitiki, kotxi poiāoka kākiti sari iua kimaporiti —itxa Xesosi.

Omina, Ori Pakini Pirena

(Arókasi 6.43-44)

¹⁵ Iuačkana Xesosi sākiraauata:
—Erepaniko. Auapitika Teoso sākire sāpiretakari, txamari iua na atāo isāpireta, kotxi isāpiretari iua sākire Teoso sākirekata. Ikoketari. Atāo inakari ikoketa maerekatikata. Erepaniko. Pamonōkoniri iua. Mapara patamatakasaakiri, soti auíte atoko itxa. Ākixiniremoni ākiti atoko itxa. ¹⁶ Pimarotari kākiti ikara atoko inakari, kotxi patamatarini ninoa kamakiti maerekati. Inako mina kona iritari kīpaima. Aanaia kona iritari pama. Iua atokotxikana kākiti maerekati kamakani kona kamari erekari. ¹⁷ Ikinika aamina erekari, erekari iri. Aamina maerekati, ininiā maerekati iri. ¹⁸ Aamina erekari kona posotari maerekati iritini. Iua atokokana aamina maerekati kona posotari erekari iritini. ¹⁹ Aamina maereka iriti itoāka, arika inaāka. ²⁰ Ininiā aamina iriāra kākiti imarotari ereka inini. Iua atokokanera kākiti imarotaāka —itxa Xesosi.

Kākiti Teoso Tixine ĩročkani

(Arókasi 13.25-27)

²¹ Iuačkana Xesosi sākiraauata:
—Apanakini txano nota: “Pite niauíte” inakani, !isapanina Teoso auítetxi ininiātaūua. Niri iaxiti auakari nireēkiti kamakarinanira sapaniko iuaā. ²² Itixi xipokini ōtisaaki, itomaneri kākiti maxikatika akiritano: “Pite aūíte apiatakari. Papakapaua. Aōerekapekari pisākire apanakinimoni. Aōmitikapekari maerekati matamatakoti piuākaā. Akamapekari posotiiretxi kaiāopokori,” itxanako ninoa. ²³ Txamari nitxanako: “Kona nimarotai hīte. Hīsipiniikaua. Maerekatira hīkama.” Ikara atoko nisāpiretanako ninoa, kotxi maerekati kamakani itxauana —itxa Xesosi.

Aapokotxi Kamakari

(Arókasi 6.46-49)

²⁴ Iuačkana Xesosi sākiraauata:
—Nisākire kenakotakari, nisākire nīkaenetakari, ia kiki kimaroreri atoko itxa. Ia kiki kamakasaakiri aapoko, iopitimita aapokotxi tsota. Otsomori ikama. ²⁵ Ininiā āparaā kipakasaaki, uini apoātakasaaki, ĩtima apisatakasaaki, aapoko kona irika, kotxi iua tsota itakapekari otsomori. Nisākire kenakotakani nisākire nīkaenetakani, iua kiki kimaroreri atoko itxana.

²⁶ —Nisākire kenakotakari, nisākire miinīkaenetakati, kākiti miikiteti atoko itxa. Iua kamari aapoko ikipatxiteē. ²⁷ Ikipakasaaki, uini apoātakasaaki, ĩtima apisatakasaakiri, aapoko irika. Irika, kotxi aapokotxi !otsomori. Poiāo tsomikari. Irikasaaki, ikinika xipoka. Ikara atoko itxa nisākire miinīkaenetakati. Iua imarotapitikamari, txamari !ikamari. Ikara atoko nisākire mapaxitakani —itxa Xesosi.

Xesosi Posotiire Pirena

²⁸ Xesosi oerekarauatini xipoka atoko, kākiti xinikari: “Paimatireri Xesosi. Iua imarotari atāo.” ²⁹ Ikara atoko ixinikana, kotxi Xesosi imarotapitikari Teoso sākire oerekini. Kaposotiireri iua isākiraauatakasaaki. Kaiōkatsoparerini atoko kona itxa. Ninoa kona imarotari Teoso sākire Xesosi imarotini atoko.

¹ Xesosi ixirata iokiriitaka atoko, itomaneri kākiti sari iua tikini. ² Iuasaaki amianatakari maere matati apoka iuamoni. Ikapotoreēkaua iua apisatoō. Itxari:

—Nimarotari pinirekiniā, erekapeka pitxikitakano nota —itxa.

³ Xesosi maātakari iua. Ininiā itxa:

—Ari, ninirekapitikari. Erekapekai —itxari.

Iuasaakipeka erekapeka itxa. ⁴ Ininiā Xesosi:

—Kona İkora !pisāpiretape apanakinimoni. Uatxa sasetotximoni pisa. Poerekaua iuamoni erekapeka pinini. Moisesini paniātakiti atoko pikama. Pikaminiāri ipaniātakiti atoko, ininiā ikinimane imarotari erekapeka pinini —itxa Xesosi.

Eereka isari Xesosi paniātakiti ikamini İkapani.

Sotato Auİte Nitiri Makananitiko
(Arókasi 7.1-10)

⁵ Kapanaoō sitatxiti apokasaaki, sotatoakori auİte sari Xesosimoni. Homano itxaua. Iua iteene amanaāri Xesosi:

⁶ —Xesosi, ninitiri iteene amianata naapoko. İkikinanaka. !Itİpokotaika. Inikoriātsiitari —itxari Xesosi.

⁷ Ininiā Xesosi:

—Iuaā nisako erekape inini İkapani —itxa Xesosi.

⁸ Ininiā iua Homano:

—Konapitini. Pite auİttxi apiatakari pitxaua. Nota poiāorino. !Apakata naapoko piİroini. Pisākirenani piokanata. Ininiā erekapeka itxako ninitiri. ⁹ Nimarotari ikeranani apakatako, kotxi nota kamari nota auİte paniātakiti. Apaka sotato auİte nitxaua nota. Nisākirauataksaaki, nisotatone kamapitikari nipaniātakiti. Nota txari: “Pisa.” Iuasaakipeka isa. Nitxari āti: “Pina.” Iuasaakipeka ina itxa. “İa pikama,” nitxari ninitiri. Iuasaakipeka ikamari. Ininiā pisākirenani apakatapitika —itxari Xesosi.

¹⁰ İsākire Xesosi kenakotakasaaki, iteene ipotxitari isākire. İposo atoko itxa:

—Atāo nitxai. İsaao auakani poiāo auikari nisākire. İa Homano itxaua, iuaritika apiata iua auikari nota posotiire. Kona nitikapanikari kākiti İsaao auakari auikiniiri nisākire ia kiki auikiniri atoko. ¹¹ Nota sāpiretai hİte, itomaneri kākiti āti uāka atokatxi pokİkini tixinimoni auakani, atokatxi ereēkokini tixinimoni auakani apaka, itomaneri itixi auakani kiiniritauatako Teoso auİttxi ininiātaāua. Ninoa nipokotako anirimanekata kitxakapirİka auakanikata. Apraāo, İsaki, Xakoo pakinikata inipokotana. ¹² Iuasaaki apanakini Apraāo apika mekaniriakori kona sari iua Teoso kiiniritemoni, kotxi ninoa !auikari Teoso sākire. Piākatximoni iokanataākanako. Iuaā itxiapatanako, akatsakatsiriİtauanako imisiritikona xika —itxa Xesosi sākire.

¹³ Ininiā Xesosi txari sotatoakori auİte:

—Pisa paapokomoni. Pite auikari niposotiire pinitiri erekape inini İkapani. Uatxa auape pinirekakiti —itxa Xesosi.

Ininiā initiri iuasaakipeka erekape itxa.

Simāo Petro Imakiro Makananitiko
(Marko 1.29-34; Arókasi 4.38-41)

¹⁴ İposo atoko Xesosi sari Petro aapokomoni. Iuaā apokasaaki, atamataro Petro imakiro. Osirimata nopini osirİkanāta. Oāpoomata. ¹⁵ Ininiā Xesosi takapiotaua ouako nopini. Iuasaakipeka apoomari xipoka. Ininiā oōkitikaua. Osikakienatana ninoa.

Xesosi Makananitana Amianatakani

¹⁶ Mapiāpeka inakasaaki, kākiti anikana itomaneri maerekati matamatakoti auaiİtotakini iuamoni. İsākireē omitikana maerekani matamatakoni. Imakananitana ikinikana ami-anatakani. ¹⁷ İkara atoko itxa Xesosi, kotxi inirekari İsaİa sākire iaōka apokini. Kitxakapirİka Teoso sākire sāpiretakari İsaİa inakori txari:

Iua tiretariko amianatakari. Imaktxakariko aamianare. Imakananitaua. Iuaka atatsi-irauata ate İkapani.

Kākiti Xesosi İmoianatinina Nireēkani
(Arókasi 9.57-62)

¹⁸ Itomaneri kākiti iuakata auakasaaki, Xesosi txari imoianariakori:

—Masa ipiniāmoni —itxana.

¹⁹ Iuasaakipeka āti kaiōkatsopareri apoka Xesosimoni. Itxa:

—Koerekareri, nota iposope nisini pite nirekinimoni —itxa.

²⁰ Ininiā Xesosi:

—Atauako pinirekatari pisini notakata? Aripa aua auini iriko. Araākani auari ikoa. Txamari nota kākiti itari iaxitiki !auari nimakiniātaā —itxa Xesosi.

²¹ Ātipekana apoka Xesosimoni. Xesosi moianari iua. Itxari:
—Niaũte, pauiritano niri nikatanapini merepanika, kotxi kiomãtxipekari iua. Eereka nisa pitekata —itxari.

Iteene iua linirekari isini Xesosikata. ²² Xesosi apakapapiretari:
—Notakata pisa uatxa. Nisãkire mauĩakani ipĩkani atoko itxana. Ininiã pauiritana ipĩkani katiniri inirimane nisãkire mauĩakani —itxa Xesosi.

Xesosi Iotokakiniri Ītima Pirena
(Marko 4.35-41; Arókasi 8.22-25)

²³ Iposo atoko, Xesosi imoianariakorikata iereẽtaua, ĩpiriãtinina ĩkapani. ²⁴ Mokatanitika ĩtima kataparari apoãkata. Tsakati okari ãparaã kanaua ãki. Iuasaaki Xesosi imakanãta.

²⁵ Imoianariakori sari iuamoni. Ōpirĩkarina. Akiripoakatana:
—Apiananiri, ĩpauiritapiri apinini. Apinanapanoka —itxana.

²⁶ Ininiã Xesosi:
—Kinirepa hĩpĩkarauata? Poiãonoka hãuikari niposotiire —itxa.

Iposo atoko ōkitikaua, pinita itxari ĩtima, tsakati pakini. Iuasaakipeka ĩtima, tsakati pakini iotoka. ²⁷ Ininiã imoianariakori tsorĩkaãta. Itxana:

—Natokopa inakaripa ia kiki? Ītima, tsakati pakini kenakotari isãkire —itxana imoianariakori.

Ipi Kiki Maerekani Matamatakoni Auaĩtotakini
(Marko 5.1-20; Arókasi 8.26-39)

²⁸ ĩpiniã apokasaakina Xerasa tōpamoni, itaõkitarina ĩpi kiki itomane maerekani matamatakoni auaĩtotakini. Akauariã auanãtana. Paneenamana. Ikara xika kãkiti pĩkari akauarimoni isinina. ²⁹ Xesosi inaãpotakasaaki, maerekani matamatakoni ĩtoãna auakani akiripoakata:

—Xesosi, Teoso ãkiri pitxaua. Kiripa pinirekaka atemoni? Pite ina uaimoni amisiritiko ōti apisapanika pimisiritiniua ĩkapani atxiĩti? —itxarina.

³⁰ Ikara ininiãtaã takote auana itomane irariakori. Ikira atoko inipokonãtana. ³¹ Ininiã maerekani matamatakoni txari:

—Ate pomitikiniã, irariakorimoni piokanataua —itxarina.

³² Ininiã Xesosi:

—Hĩsipeka ninoamoni —itxa.

Iuasaakipeka irariakori ĩtoã ĩroãna. Ininiã imakinikana irariakori miteẽkaka. Iokiriĩkatana. Ipoamoni isana. Iuaã ikomokana, axãpoãta itxana. ³³ Ninoa irariakori nĩkatakani miteka sitatximoni. Iuaã ikinika isãpiretana irari ĩpinini pirena, kiki maerekani matamatakoni auaĩtotakini pirena apaka. ³⁴ Ininiã ikinimane sitatxikini sari Xesosi itaõkitinina ĩkapani. Iua itaõkitakasaakina, amanaãrina ninoa tixine itakanapini ĩkapani.

9

Matĩpokotakati Pirena
(Marko 2.1-12; Arókasi 5.17-26)

¹ Ininiã Xesosi iereẽtaua kanauaã. Ikanapiriã iua auinimoni Kapanaoõ sitatxitimoni. ² Ātikaka kikiakori minari matĩpokotakati Xesosimoni. Xesosi imarotari ninoa auĩkiniri iua sãkire. Ininiã itxari:

—Namarite, pipoxokoniuatoko. Pimaerekani makatxakapeẽkaika —itxa.

³ Iuasaaki aua ãtikaka kaiõkatsoparerini iuaã. Ninoa ãkixinireẽ itxana:

—Kona erekari isãkire. Teosonanira posotari kãkiti maerekani imaktxakini —itxana ninoa.

⁴ Xesosi imarotari maerekati ixinikakitina ãkixinireẽna. Ininiã iua txa:

—Kinirepa hĩuãkatari nisãkire maerekati inini? ⁵ Nĩtxari iua imaerekani nimaktxakini, txamari ! himarotari imaerekani atão nimaktxakini. “Põkitikaua. Pĩĩpokota,” nininiã, himarotari nisãkire atão ininiãua, kotxi hĩtikari. Nĩposotiire imaerekani nimaktxakini ĩkapani, niposotiire iua nõkitikini ĩkapanitxikana. ⁶ Ininiã uatxaika noerekai hĩte, Teoso iokanatanano hitari iaxitiki ĩkorapokoritimoni kãkiti maerekani nimaktxakini ĩkapani —itxa Xesosi.

Ininiã itxari matĩpokotakatimoni:

—Põkitikaua. Pisirimata pikoseka, sipe pitxa paapokomoni —itxa Xesosi.

⁷ Iuasaakipeka iua ōkitikaua, aapokomoni sipe itxa. ⁸ Ikara inakari apanakini itikasaaki, ĩpĩkarauatana.

—Peerekari Teoso, kotxi iua oerekari iposotiire kãkitimoni —itxana.

*Mateo Pirena**(Marko 2.13-17; Arókasi 5.27-32)*

⁹ Ikara inakari oereka atoko Xesosi sipeka. Isikasaaki, itaōkitari Mateo inakori. Auītetxiakori txineirote apotiitakari iua. Xesosi napakasaaki, iitopākanāta txineiro apakapiniātaā. Ininiā Xesosi txari:

—Masa notakata pimoianatinino ĩkapani.

Ininiā Mateo ōkitikaua, Xesosikata sa itxa. ¹⁰ Eereka Xesosi imoianariakorikata nipokota Mateo aapoko. Txineiro apotiitakani, apanakini kākiti maerekati kamakani pakini apoka Xesosikata inikinina ĩkapani. Kākiti kona potxtitari txineiro apotiitakani, kotxi ninoa sĳkaro oa txineiro āti uāka auīteakorimoni. ! Neerekana ninoa. ¹¹ Pariseoakori itikari ninoa nipokotini, ininiā itxana Xesosi moianariakorimoni:

—Kinirepa hĳauīte nipokota txineiro apotiitakanikata, maerekanikata? —itxana.

¹² Ininiā Xesosi kenakotari ninoa sĳkire. Itxa:

—Maerekati kamakari amianatakari atoko itxa. Ninoa nirekari erekape ininina. Kākiti mamianatakani !inirekari ĩpini sikakarimoni isinina. Amianatakaninoka nirekari ĩpini sikakarimoni isinina. Hĳte linirekari nota makatxakiniri himaerekani, kotxi hĳte uākatari ! auari himaerekani. ¹³ Hĳxinikariko ia Teoso sĳkire iōkatsopatakori:

Hĳsĳkarauata notamoni. Apiaerekata hiamonĳkiniri apanakini.

Nota ina ĩkorapokoriti kona kākiti “atāo inakarinoa kamakarino nota” inakani ĩkapanini, kotxi ninoa uākatari erekarini ininiāuana, txamari kona erekana. Kākiti maerekati kamakani ĩkapanira nina nota uai imaerekanina itakanapinina ĩkapani —itxa Xesosi.

*Nipokori Takapaniko Teoso Misĳkiretiko ĩkapani**(Marko 2.18-22; Arókasi 5.33-39)*

¹⁴ Eereka Xoāo kapatxisareri moianariakori apoka Xesosimoni. Itxana:

—Ate, pariseoakori pakini atakanapari anipokotini itokata Teoso amisĳkiretini ĩkapani. Kinirepa pite moianariakori !itakanapari inikinina Teoso imisĳkiretinina ĩkapani? —itxana.

¹⁵ Ininiā Xesosi apakapapiretana:

—Nota kiiniri kamakari atoko nitxa. Kiki nirekiniā ĩtanorouatini, ikamari kiiniri. Iuasaaki imoianariakori kona nirekari imatinaniuatinina, iua ninoakata auakasaaki. Ininiā kona itakanaparina inikinina Teoso imisĳkiretinina ĩkapani. Āti ōti nimaĳkaĳkako. Nanikaĳkako ninoa mauakaniātaā. Iuasaakiko itakanaparina inikinina Teoso imisĳkiretinina ĩkapani — itxa Xesosi.

Mĳkatxi Tĳapanatiko Pirena

¹⁶ —Kiomĳtxiakori kitxakapirĳka auakani sĳkirekata kona hĳkokepapiri nota sĳkire. Ikara hĳkaminiā, ininiā mĳkatxi kitxakari amaneriā hĳtĳapanatini atoko itxa. Mĳkatxi kitxakari amaneriā kona hĳtĳapanatape, kotxi parokasaakiri, amaneri txikika, ininiā ikatsorĳkari mĳkatxi kitxakari. Ininiā mitari ĩtsorĳkare. Mĳkatxi amaneri nota oerekakiti atoko. Mĳkatxi kitxakari, kākiti kitxakapirĳka oerekakiti atoko itxa. Hĳkokekiniāri kitxakapirĳka oerekakiti, amaneri oerekakitikata, imakinika xipoka.

Sako Aamata Kamakori

¹⁷ —Kitxakapirĳka kākiti takari ĩariā sako aamata kamakori āki. Iuasaaki kona kākiti takari amaneri ĩariā kitxakari mata āki, kotxi ĩariā txiōkaĳtakasaaki, itiākaĳpota. Ininiā omata kitxakari tsorakitako, kotxi paikori. Kona itiāka. Ininiā ĩariā katxaka. ĩariā, aamata pakini xipoka. Amaneri matariā itakaĳka ĩariā amaneri. Ikara atoko ininiā, erekapitikari. Kona xipokapaniko. Iua atokokana kona hĳkokepapiriko kiomĳtxi kitxakapirĳka oerekakiti nota oerekakitikata —itxa Xesosi sĳkire.

*Xoteoakori Auīte Pirena**(Marko 5.21-43; Arókasi 8.40-56)*

¹⁸ Xesosi sĳkirauatapanika, inakasaaki Xoteoakori auīte apoka iuamoni. Ikapotoreĳkaua Xesosi apisatoō. Itxa:

—Namarite opinanapanoka. Masa. Piuako pitaka oa nopini, ininiā kona opina —itxari Xesosi.

¹⁹ Ininiā Xesosi imoianariakorikata ōkitikaua, iuakata sa itxana.

*Xesosi Mĳka Mĳĳtakakoro**(Mateo 9.20-22; Arókasi 8.43-48)*

²⁰ Isikasaakina, sito apoka iua porikimoni. Oamianare oārĳka liotokiniāro. Tosikanani oamianatini. Oĳpokasaaki, omaĳtakari imĳka imapotomatare. ²¹ Oĳkixinireĳ otxa:

—Imĳka nimaĳtakiniā, erekape nitxako —otxa.

Ininiā otĳkakari imĳka. ²² Iuasaakipeka Xesosi kirioka, atamata itxaro:

—Namarite, kataparaxinire pitxako. Paukari niposotiire, ininiã erekapekai —itxaro. Iuasaakipeka oa erekape.

Xáiro Ákero Ókitikiko Pirena
(*Marko 5.35-43; Arókasi 8.49-56*)

²³ Iposo atoko Xesosi sari Xoteoakori auíte aapokomoni. Iuaã apokasaaki, iiroã. Itikari sokonaki xókakani, itomaneri kákiti txiapatakani apaka. ²⁴ Ininiã Xesosi:

—Mapara hĩa, kotxi oa amarini kona opina. Omakanãta —itxa Xesosi.

Ininiã ninoa napetari Xesosi:

—!Omakanãta. Opípe. Pite limarotari —inapetarina.

²⁵ Ikinimane mapara isikasaakina, Xesosi sari oa átokoromoni. Imaĩkaro ouako. Iuasaakipeka oókitikaua. ²⁶ Ikara ene iaripireta iua tópa.

Xesosi Kósiãrepeka Txíkitakari Mõsiãreti

²⁷ Iposo atoko Xesosi sipe. Iuasaaki ipi mõsiãreni sari iua tikini. Iuasaaki ninoa akiripoakata:

—Tavii apika mekanirii, piamonĩkaua ate —itxana.

²⁸ Aapokotxi Xesosi iroãkasaaki, ninoa iroã apaka. Ininiã Xesosi:

—Hãuikatarini niposotiniri erekapeka nitxíkitakinii híte? —itxa Xesosi.

Ininiã ninoa:

—Ari, Apiananiri —itxana.

²⁹ Ininiã itakapiotaua ninoa oki nopini. Ininiã itxa:

—Ari, hãuikakiti iaóka itxako —itxa Xesosi.

³⁰ Iuasaakipeka ninoa kósiãrepeka itxana. Ininiã Xesosi:

—Kona hĩaipiretapiri nikamakiti apanakinimoni —itxa Xesosi.

³¹ Eereka ninoa sipe. Txamari iaripiretarina ikamakiti ikinika iua tópa.

Masãkireti Pirena

³² Ninoa kiki potorikasaaki, masãkireti anikaãka Xesosimoni. Iua kona kasãkireri, maerekati matamatakoti auaítotakiti xika. ³³ Iuasaaki Xesosi omitikari iua maerekati matamatakoti. Iuasaakipeka iua kiki sãkirauata. Itomaneri kákiti itikari. Iuasaakiika ninoa tikoka. Ininiã itxana:

—Ikinika Isaeo tixiniã auakani, mitxi litikapanikari ikora atoko inakari —itxana.

³⁴ Txamari pariseoakori txari:

—Xesosi omitikari maerekati matamatakoti Satanasi posotiireẽ —itxana.

Na atão ninoa sãkire.

Xesosi Ikini Sitatxiti Sini

³⁵ Ininiã Xesosi sari ikini sitatxiti tópa. Aapokotxi auiniãtaã apaka isa. Oerekarauata aiko Xoteo apotiiniãtaãua. Isãpiretari Teoso iokanapirena erekari, Teoso auítetxi ininiãua pirena. Apaka erekapeka itxíkitakana ikinipoko amianatakani. Ikini sereti amianari aua kákitimoni. Ikinika imakananita. ³⁶ Atamatakasaakina ninoa kákitipokoni, iamoniãkana ninoa, kotxi soti auíte miniãkatakoni atoko itxana, kotxi !imarotarina isinimonina. Imaãkauana. ³⁷ Ininiã itxari imoianariakori:

—Kaiãori kákiti iposope auikiniri nisãkire, txamari !imarotarina nisãkire, kotxi likenakotapanirina. Ninoa kiki erekari atoko itxana. Imakinika iposope iuaã. Ininiã iposope auikinirina nisãkire. Txamari, poiãoka parĩkauatakani aua nisãkire isãpiretinina ikapani.

³⁸ Ininiãkara himisãkiretariko Apiananiri iaxitikiri iokanatinina parĩkauatakani iua sãkire auiaãkani apotiitinina ikapani. Ikara atoko hĩtxako Teosomoni —itxa Xesosi.

10

Xesosi Mereña Tosi Imoianariakori

(*Marko 3.13-19; Arókasi 6.12-16*)

¹ Xesosi mereña tosi imoianariakori. Isikari iposotiire ninoamoni maerekati matamatakoti omitikinina ikapani. Isikari iposotiire ninoamoni amianatakani imakananitinina ikapani, ikinika amianari inokasaakina ninoa amianatakani. ² Naia imoianariakori uãka: Merepitipanika auari Simão Petro inakorima, apaka itari Átree inakorima. Auari Txiakoma, apaka itari Xoãoma. Ninoa Sepeteo anaakori. ³ Auari Piripima, Patoromeoma, Tomeema. Apaka auari Mateoma, txineiro apotiitakari. Apaka áti Txiakoma, Aoepo ákiri. Aua Tateoma. ⁴ Aua Simãoma, Homano omanatakari. Apaka aua Xotasi Isikariotxi inakorima. Iua Xesosi mĩkapiritakari itxaua. Ninoa Xesosi moianariakori itxauana.

Xesosi Iokanataka Imoianariakori Kákitimoni

(*Marko 6.7-13; Arókasi 9.1-6*)

⁵ Ininiã Xesosi iokanatanana ninoa isãkire isãpiretinina. Ia atoko ðtãkikana:

—Kona hãsipeko Xoteo minakonimoni, apaka Samaria tãpa sitatxitimoni kona hãsipeko. ⁶ Hãsako kãkiti Isaeo tixinikinimoni. Hinirimanemoni, Xoteoakorimoni hãsako. Ninoa soti auãte pãpinanaãkani atoko itxana. ⁷ Hãpokasaaki kãkitimoni, hãtxariko: “Teoso ikinimane auãte ininiua manapi pãitiki apokako.” ⁸ Himakananitanako amianatakani. Maere matati erekapeka hãtxikitakako apaka. Ipãkani hõkitikako. Homitikariko maerekati matamatakoti kãkiti auãtõtakini. Ikara atoko hãkamako. Kona hãte ãkitxitari Teoso hãpakapakiti ãkapani. Ininiã ikara atokokana hãtxako. Kona hinirekapiri kãkiti ãkitxitini hãte, hãte sikakiti ãkapani. ⁹ Kona hanikapero txineiro oro kamakoro. Pirata kamakoro, ãtião txineiro apaka, kona hanikape. ¹⁰ Uatxa hianaxitakasaaki, sako mata !hanikape. ãti himãka !hanikape. ãti hãkiti mata kona hanikape. Hãtsonere !hanikape. Kona himaãkapeua, kotxi parãkauatakani apakapariko nipokori. Hinirekakiti apokapitikako.

¹¹ —Sitatxi hãpokasaaki, hinitari kãkiti Teoso sãkire kenakotakani, hãte apakapakani. Hãkaikota ninoakata. Eereka kona hãsipe ãti aapokomoni hãkaikotini ãkapani. ¹² Aapokotxi ãki hãroãkasaaki, hãtxako: “Erekari Teoso sikakiti kaikotako hãtekata,” hãtxako. ¹³ Kãkiti ipoxokoniritika apakapiniã, hãtxako: “Teoso takari erekari hãtemoni,” hãtxako. Imanirekakaniã, hãtxariko: “Teoso kona takari erekari hãtemoni.” ¹⁴ Atxiiti aapokotxi hãpokasaaki, kãkiti iuaãtaã ! apakapai. Atxiiti !inirekarina hãsãkire, ininiã iuaasaaki hãsipeka. Hãtakanapariko iuaãtaã. Hãpotorikasaaki, hãmakatzakari kipatxi hãkiti mataã auakari. Ininiã iuaasaaki ninoa imarotari Teoso kona apokaerekatana. ¹⁵ Hãxinikariko ia nisãkire. Kãkiti misiritiko ðti apokasaaki, ninoa apiata misiritaãka. Sotoma sitatxiti auakani, Komoha sitatxiti auakani pakini misiritaãka poiãoka —itxa Xesosi.

Misirikaretxi Pirena

(Marko 13.9-13; Arõkasi 21.12-19)

¹⁶ Iuaãkana Xesosi sãkirauata:

—Erepaniko, pamonõkoniri. Hãte soti auãte atoko hãtxa, kotxi !kaposotiirei hãte, iuaritika niokanatai kãkitimoni. Ninoa ãkiti atoko, ininiã erepaniko. Ininiã kimarorei hãtxako. Imini kimaroreri atoko hãtxako. Ininiã maerekati ninoa auakiti kona misiritai. Iuaasaakiika kamao atoko hãtxako, kotxi kamao !imisiritari kãkiti.

¹⁷ —Erepaniko. Araõkire hãtxako. Auako kãkiti kinirão anikinii maxikatitãka kãkiti misiritiko mereëkanimoni. Apanakini xirokaiko hãte maxikatitãka aiko ãki Xoteo apotiitiniãtaãua. ¹⁸ Nota sãkire hãuikini xika hanikaãkako auãtetxiakorimoni himisiritiko himarotini ãkapani. Ikara atoko ininiã, iuaasaaki erekapitãri, kotxi hãsipiretariko nota sãkire iuaã auakanimoni, Xoteo minakonimoni apaka.

¹⁹ —Kãkiti misiritiko mereëkarimoni hanikikosaaki, kona himaãkapeua hãsãkirauatini apisa. Teoso sikaiko hãsipirena tãkane. ²⁰ Sãkiretxi hãsipiretakiti kona hãte sãkireni. Erekari Matamatakoti, iuarako sikariko sãkiretxi hãsãkirauatini ãkapani iuaasaaki.

²¹ —ãti ðti hãtari sikaiko hãte homanatakinimoni okinii ãkapani, kotxi hãte auikari nota sãkire. Iua atokokanerako irãtxi sikariko imi ãtimoni okiniri ãkapani, kotxi imi auikari nota sãkire. Auako apaka imi omanatinina iri, inoro pakini, kotxi inoro, iri pakini auikari nota sãkire. Iua sikanako ãtimoni okinina ãkapani. ²² Ikinimane omanataiko hãte nota sãkire hãuikini xika, iuaritika hãuikiniãri nisãkire ãtipirika, nimakatzakai himapinakani ãkapani. ²³ Sitatxiã hãuakasaaki, himisiritikosaaki, ãti sitatxitimoni himitekako. Atão nota sãpiretai hãte. Kona hãte xipokapaniri hãparãka ikini sitatxiti Isaeo tixini hãtari iaxitiki kanapiriini apisa —itxa Xesosi sãkire.

Apiatakari, Poiãori Pakini

²⁴ Iuaãkana Xesosi sãkirauata:

—Apaiaõkarauatakari poião. Koerekareri apiata. Apaka nitiritxi poião. Iauãte apiata. ²⁵ Apakatapitika apaiaõkarauatakari koerekareri imarotakiti iaõka imarotini. Iua atokokanera nitiritxi iua auãte atoko inini. Apanakini akiritano nota “Peosepoo,” Satanasi inakori. Ininiã itakauãkatai hãte hãuãka apia maerekati, kotxi nota anaakorirai hãte —itxa Xesosi.

Kipatakori !Auari

(Arõkasi 12.1-3)

²⁶ —Ininiã kona !hãpãkapena ninoa maerekati kamakani, kotxi nota kanapiriãkasaaki, kona kipatakori auapanika. Ikinika imarotaãkako. ²⁷ Hãtemoni ãkanõka nimaasakapiretakiti, ikara nisãkire hãkiripoakatako aapokotxi nopini imakinika kãkiti imarotini ãkapani. Uatxa hãtemoninani nisãpiretakiti ãti ðti ikinimanemoni hãsipiretakato.

Kipa Apãka?

(Arõkasi 12.4-7)

²⁸ Kona hīpīkapena hīito okakani, kotxi !iposotarina hīxinire okinina. Hīpīkariko Teoso, kotxi iuanokara posotari iokanatinii hīte, hīito, hīxinire pakini maerekani misiritikoātaā. Iuara hīpīkako.

²⁹ —Ipi kotipiriki iki poiāo, ātika txineiro otanoka. Iuaritika hīri iaxiti auakari tiretana ninoa. Imauiritakaniāri, kona ātika ipina. ³⁰ Kīpakiniipa piāko pikiiā auakari aua? !Pimarotari. Teoso imarotapitikari, kotxi iteene inīkatai, ininiākara !hīpīkarauatape. ³¹ Kotipiriki iki poiāo, iuaritika Teoso tiretari kotipiriki. Ininiākara kona hīpīkarauatape. Kaiāopokori kotipiriki auiniā, iuaritika hīte iki apiata, ininiā Teoso tiretapatikai hīte —itxa Xesosi.

Xesosi Tiretakani, Xesosi Manirekakani Pakini
(Arókasi 12.8-9)

³² Xesosi sākirauatapanika:

—Apanakini apisatoō hīsāpiretiniāri: “Xesosi nakiti nitxaua nota,” iua atokokanerako nitxariko niri iaxiti auakari apisatoō: “Nota nakitipitikara iua,” nitxako —itxa Xesosi. ³³ Hīsāpiretiniāri apanakini: “Xesosi nakiti !nitxaua nota,” iuasaaki nisāpiretari niri iaxiti auakari: “Kona nota nakitini iua.”

Pinirekakiti Pirena

(Marko 8.34-35; Arókasi 12.49-53; 14.26-27)

³⁴ —Kona hīxinikapiri nota ikorapokoriti napokini neenamtxi nixipokini ikapani. Kotxi kākiti auikari nisākire, ininiā eereka apanakini omanatana. Kona neenamtxi xipokapanika, kotxi nota minari niposotiire maerekati nixipokini ikapani. ³⁵ Nota apokini xika imi omanatana iri, inoro pakini, kotxi ninoa auikari nisākire. Tīirotxi omanataro oimakiro, kotxi āto omanatano nota, āto tiretano nota. ³⁶ Iuasaaki pinirimane pimokaiakarinarikaroko itxauanako.

³⁷ —Poiāoka pitiretiniāno nota, apiata pitiretiniāna pinoro, piri pakini, kona erekari nimoianari pininiua. Apiata pitiretiniāna pamariteakori, kona erekari nimoianari pininiua. ³⁸ Nota kinirāo moianataka hinakasaaki, notakata hīsa. Himamūteenekakanisaakiri himisir-itiko nota ikapani, ininiā !apakata himoianatinino. ³⁹ —Pite ātipirika kaminiāri piteka nireēkitinoka, ininiā pinireēkiti xipokapitikako pitekata. Pite nireēkiti xipokiniā, nota sākire pauikini xika, pite auapininiika txako Teosokata —itxa Xesosi.

Hīte Apakapakani Pirena

(Marko 9.41)

⁴⁰ Iuaikana Xesosi sākirauata:

—Kākiti hīte apakapakani, apakapano nota apaka. Nota apakapakari apakapari nota iokanatakari apaka. ⁴¹ Papakapiniāri Teoso sākire sāpiretakari, kotxi iua sāpiretari Teoso sākire, ininiā papakapari erekari Teoso sikakiti iua apakapakiti iaōka. Papakapiniāri atāo inakari kamakari, kotxi iua kamari atāo inakari, ininiā papakapari erekari Teoso sikakiti iua apakapakiti iaōka. ⁴² Pisikiniāri āparaā nimoianari poiāorimoni iātini ikapani, kotxi nimoianari itxaua, Teoso iikxitapatikai pite —itxa Xesosi.

11

Xoāo Kapatxisareri Tikini Sikani

(Arókasi 7.18-35)

¹ Xesosi moianariakori tosi pakini isākire oerekini xipoka atoko, Xesosi sipe. Isa āti sitatxitimoni, eereka āti sitatxitimoni Karirēia tōpa itxaāpota oerekarauatakasaaki. Teoso sākire isāpiretari kākiti.

² Xoāo kapatxisareri, kateia āki auakasaaki, ikenakoenetari Xesosi kamakiti, ininiā iokanataro ipi imoianariakori Xesosimonikari.

³ Ininiā Xoāo txari imoianariakori:

—Hīpimaāri Xesosi: “Pitekani iaxiti ikari, kākiti iātapakiti pitxataua? Ātikani atxiiti aiātapakiti pitxataua?” hītxariko —itxa Xoāo.

Ininiā ninoa sipe. Ipimaārina Xesosi Xoāo sākire iaōka. ⁴ Ininiā Xesosi apakapapiretana:

—Hīkanapiriā Xoāomoni. Hīsāpiretari hīkenakotakiti, hātamatakiti pakini. ⁵ Hīte atamatapekari mōsiāreti kōsiārepeka inini. Matīpokotakati tīpokotapeka. Hātamatapekari maere matati erekapeka inini. Makenakokiti kakenakokipeka. Ipīkani ōkitikapekaua. Teoso iokanapirena erekari sāpiretapekaika minakati mauapikinitinimoni. Pakini hātamatapeka. Ikara hīsāpiretako Xoāomoni. ⁶ Kākiti iteene auikiniāri nota sākire, Teoso takari erekari uamoni. Ikara nisākire hīsāpiretari Xoāo —itxa Xesosi.

⁷ Ininiā ninoa sipe. Isikasaakina, Xesosi sāpiretari Xoāo pirena itomaneri kākitimoni. Ia atoko itxa:

—Kipa ikai hite, Xoão kapatxisarerimoni hīsikasaaki, āparaã makipakaniātaã iua auakasaaki? Hite sari iuamoni, kotxi ātixika isākire aua. Teoso sākirenoka isāpireta. Ītima āpokaxitikasaaki, katsotati ipinimoni ipapīka, iuaikana ipinimoni ipapīka inini atoko kākiti, kotxi isākire kita āti, isākire uatxa ātiāo, isākire katana iuaikana ātiāo, itxaāpota isākire. Ikara atoko !itxa Xoão.

8—Kipa ikai hite Xoāmoni hīsikasaaki? Hite sari iuamoni, kotxi !inirekari tiitxi, txineiro pakini. !Kakaroneri imāka, kotxi !ikaikota auitexi aapoko. Auitexi aapoko peereri mākatxi.

9—Kipa ikai hite iuamoni hīsikasaaki? Hite sari iuamoni, kotxi iua Teoso sākire sāpiretakari itxaua. Atāopitika Teoso sākire sāpiretakari itxaua. Iua Xoão Teoso sākire sāpiretakari apiari.

10—Teoso sākire iōkatsopatakori kitxakapirīka txari:

Niokanatariko nisākire sāpiretakari kākitemoni pite apisa, papokini isāpiretini ikapani, kākiti iposope inini ikapani.

11 Atāopitikara. Ikinimane sauaki Xoão kapatxisareri apiatakari itxaua. Iuaritika Teoso auitetakari poiāori inakari apia imarotariko Teoso kamakiti tīkane. ¹²Xoão auakasaaki Teoso auitetakani misiritaāka, kotxi kākiti kaneenamari naiatana ninoa. Ninoa nirekari ixipokini-rina Teoso auitexi ininiua ikorapokoriti. Uatxapiima auapanika ikara atoko inakari. ¹³Xoão apokini apisapanika, ikinika Teoso sākire sāpiretakani, ikinika Teoso sākire iōkatsopatakani, sāpiretari Teoso auitexi ininiua pirena. Xoão apokasaaki, iua apaka oerekari Teoso auitexi ininiua pirena.

14—Kitxakapirīka Teoso sākire sāpiretakani sāpiretaua:

Āti Teoso sākire sāpiretakari Erīasi atoko inakari apokako, itxana. Iuakara Xoão. Hāuikiniāri nisākire, hāuikariko iuara apokapeka. ¹⁵Kakenakokii, ininiā hīkenakotariko nisākire —itxa Xesosi.

16—Kanatokopa itxa kākiti ikorasaaki auakani? Amarini sarauatini atoko itxana ikorasaaki auakani. Ninoa amarini topāka tiitxi amotikoāta. Apanakini amarini txitana apanakini amarini. Itxana: ¹⁷“Ate xikarauata hite serenini ikapani, txamari ! hīserena. Kākiti pīkasaaki xikariti axikareta, txamari ! hītxiapata.” Ninoa amarini sarauatini atoko itxana ikorasaaki auakani, ¹⁸kotxi Xoão kapatxisareri apoka ikorapokoriti. Itakanapari inikini Teoso imisākiretini ikapani. !Ītari ovaā. Iuaritika hite txari: “Maerekati matamatakoti auaītotari Xoão,” hītxari. ¹⁹Nota hītari iaxitiki apoka ikorapokoriti. !Nitakanapari ninikini. Ikinīōtika ninipokota. Niātari ovaā. Ininiā hite txari: “Iua kiki ixori. Poātakari iua. Iua moianatana txineiro apakapakani, kākiti maerekati kamakani,” himisākirepirenātano. Kimaroreri atāo inakari kamari erekarinani. Kākiti atamatakasaakiri ikamakiti, imarotari kimaroreri atāo inakari ininiua —itxa Xesosi.

Sitatxi Auakani Teoso Sākire Mauīākani
(Arókasi 10.13-15)

²⁰ Ininiā Xesosi pinitana Korasiī sitatxiti auakani, Petsáita sitatxiti auakani pakini, kotxi kaiāopokori iposotiire ikamapeka iuaāta, iuaritika kona itakanaparina maerekati. ²¹ Xesosi txana ninoa:

—Kākiti Korasiī auakani himisiritaākako. Kākiti Petsáita auakani hite apaka misiritaākako. Kitxakapirīka Txiro, Sitoō pakini sitatxitikini kamari maerekati, ininiā Teoso xipokana ninoa arikatxiā. Ninoa atamataākamariko nota posotiire hite atamatiniri atokokana, ininiā ninoa mākatamariko sako mata. Itakamariko atapani iūtoāna. Ikara atoko ininiā, ninoa oerekari maerekati itakanapinina. ²² Nisāpiretai hite ia: “Kākiti misiritiko ōtisaaki, Txirokini, Sitoōkini pakini misiritaāka poiāo. Hite apiata.” ²³ Hite Kapanaoōkinipekana, Teoso ākiri aua hitekata. Hite itikapekari ito posotiiretixi iaxitiki. Txamari hōkakatapeēkako maerekani misiritikoāta. Nikamakiti hitemoni Sotoma auakani sauaki nikamaākamako, kona ninoa xipokamako. Auapanikamanako. ²⁴ Ininiā nitxai hite: “Himisiritikosaaki, apiata himisiritaāka. Poiāoka Sotomakini misiritaāka,” —itxa Xesosi.

Teoso Imarore Apakapakani
(Arókasi 10.21-22)

²⁵ Iuasaaki Xesosi misākiretari iri:

—Niri, pitixine auakani auite pitxaua. Uai ikini itixiti auakani auite apaka pitxaua. Peerekai pite, kotxi na poerekari pimarore kākiti kimarorerinimoni, iuikakanimoni. Pite oerekari pimarore kākiti poiāorinimoni, miuikakanimoni. ²⁶ Ari niri, ikara atoko pinireka. Ikara atoko papokaerekata —itxari iri.

²⁷ Eereka imisākiretari kākiti:

—Niri sikapekano ikinika. Kākiti !imarotano nota Teoso ākiri nininiua. Nirinokara atāo imarotano nota. Apaka kākiti na atāo imarotari niri. Notanokara imarotari niri, kotxi iua ākiri nitxaua. Kākiti nirekiniāri imarotiniri niri, nota oerekari niri iuamoni.

²⁸ —Iteene minari atoko itxa himaerekani. Hinireka hĭtakanapiniri iua, txama ! hĭposota hĭtakanapiniri. Hĭsĭpakiniĭ himaerekani xika, hina notamoni hĭtomatini ĭkapani. Iuasaaki nimakatzakari himaerekani. ²⁹ Hĭtakariko nĭpaniĭtakiti hĭkixinireĕ. Hĭpaiaĭkariko nota pĭrena. Erekapitkari hĭpaiaĭkiniri ninirekakiti, kotxi kona kaneenamano. Kona nota napetari kĕkiti. Nĭuikiniua ! auari. ĭkara atoko ininiĭ, hĭxinire tomatapitka. ³⁰ Hĭposotapitkari nĭpaniĭtakiti hĭkamini, notakata hĭparĭkauatiniĭ. Nĭpaniĭtakiti !kasĕpaniri. Kona kamimari. Peerekari nĭpaniĭtakiti —itxa Xesosi.

12

Tomatiko Ōti Pirena

(Marko 2.23-28; Arŏkasi 6.1-5)

¹ Mapaĭti tomatiko ōtisaaki, Xesosi imoianariakorikata napaĭpota triko takikoĕtaĕ. Inatxitana. Inapaĭpotakasaakina, imakatzakarona triko iki mapaki inikinirona ĭkapani.

² Pariseoakori ĭkara itikasaaki, itxarina Xesosi:

—Patamata. Pimoianariakori kamari ate mauiritakiniti. Ninoa parĭkauata tomatiko ōtisaaki —itxana.

³ Ininiĭ Xesosi:

—Atxiĭti kona hĕtatsopatapanikari Taviini kamakiti imoianariakorikata kitxakapirĭka inatxitakasaakina? ⁴ Iua ĭroĕ Teoso misĕkiretikoĕtaĕ. Imoianariakorikata inikari komiri Teosomoni sikakori. Sasetotxinokara auiritaĕka iua komiri inikinina. Apanakini !auiritaĕka inikiniri. Iuaritika ninoa sasetotxiakori tiretari Taviini, imoianariakori pakini inatxitakasaakina. ⁵ Atxiĭti kona hĕtatsopatapanikari Moisesini ĭĕkatsopatakiti. Iua auiritari sasetotxi parĭkauatini tomatiko ōtisaaki, Teoso misĕkiretiko aikotiĕ. Iuasaaki ninoa !ikamari maerekati, kotxi iparĭkauatana Teoso misĕkiretiko aikotiĕ. ⁶ Atĕo misĕpĭretai, hĭte paniĭtakiti poiĕori. Nota paniĭtakiti apiari. ⁷ Teoso sĕkire iteene hĕuikasaaki, kona hĕpoĭtana kĕkiti maxikatĭka, kotxi Teoso sĕkire txari:

Nota nĭrekarĭ apanakini hĭtiretini. Pimatiretakanisaakiri ĕti, ! apakata pisikarauatini notamoni. Iuasaaki kona ninirekari pisikakiti, itxa Teoso kitxakapirĭka.

⁸ —Nota hĭtari ĭaxitiki posotari ĭkinipoko ninireĕkiti nĭkamini tomatiko ōtisaaki, kotxi Apiananiri nitxaua —itxa Xesosi.

Motĭkauakotakari Pirena

(Marko 3.1-6; Arŏkasi 6.6-11)

⁹ Xesosi ĭkara inaĕka atoko, isa aiko Xoteoakori apotiitiniĕtaĕua. ¹⁰ Iuaĕ aua kiki motĭkauakotakari. Iuaĕ aua apaka pariseoakori Xesosi kinirĕo apoĭtaka inakani tomatiko ōtisaaki iparĭkauatini xika. Ninoa amanaĕri Xesosi:

—Atuako apakata atxiĭti tomatiko ōtisaaki, erekape pitxĭkitakiniri kĕkiti? —itxarina.

¹¹ Ininiĭ Xesosi pimaĕna:

—Hĭpira soti auĭte tomatiko ōtisaaki aariko ĕki irikiniĕ, himakatzakatarĭ? Atĕopitkara Teoso sĕkire auiritapitkari kĕkiti makatzakiniri ipira tomatiko ōtisaaki. ¹² Soti auĭte poiĕori, kĕkiti apiari. Ininiĭ Teoso sĕkire auiritapitkari tomatiko ōti erekape nitxĭkitakiniri kĕkiti —itxa Xesosi.

¹³ Ininiĭ itxari kiki motĭkauakotakarimoni:

—Poerekauakotauako —itxa.

Oerekauakotakasaakĭua, erekapeka itxa, ipini uako atokepeka itxa. ¹⁴ Iuasaaki pariseoakori sipeka atoko, ninoakarikata misĕkiretakauana:

—Natokopa atxatarĭ Xesosi aĕkini? —itxakakana.

Nĭtirixi Teoso Mereĕkiti

¹⁵ Xesosi imarotakasaakiri ninoa okaenetiniri iua, iuasaakipeka Xesosi sipeka. Ito-maneri kĕkiti sa iuakata. ĭkinika amianatakani erekapeka itxĭkitaka. ¹⁶ Xesosi !auiritana isĕpĭretinirina ĭkamakiti apanakinimoni. ¹⁷ ĭkara atoko itxa Xesosi, Teoso sĕkire sĕpĭretakari Isaia inakori sĕpĭretakiti iaĕka apokini ĭkapani. Ia atoko itxa Teoso Isaiamoni:

¹⁸ Ia ninitiri nĭmereĕkiti. Ia nitiretakiti napokaerekatakiti. Nota sikariko Erekarĭ Mata-matakoti iuamoni. Iua sĕpĭretariko nota sĕkire Xoteo minakonimoni.

¹⁹ !Katapasĕkĭreri ahoa kimaporiti ĭtiniĕpo isĕkirauatakasaaki. !Inenamauata. !Itxitakaka apanakinikata kĕkiti napiniĕtaĕ.

²⁰ Apanakini Teoso sĕkire auĭĕkani oiĕkapeta ĕkixinireĕna. Itapara !auari. Ninoa aanaia katxitoĕkari atoko itxana. Iuaritika kona imapirinikari iua aanaia katxitoĕkari. Iua atokokana kona ĭxipokari iua sĕkire auĭĕkani mataparani. Itĭretana. Apanakini Teoso sĕkire auĭĕkani, kona iteene auikari Teoso sĕkire. Ininiĭ ninoa tirikapi

iopinikare xapitikiri atoko itxana, iuaritika kona iua oakari. Iua atokokana kona ixipokana Teoso säkire auiäkani. Ikamaäpotari erekari, erekarinoka käiatini ikapani.
²¹ Xoteo minakanuia auikariko iua säkire.
 Itxa Isaia säpirena kitxakapirika.

Maerekani Matamatakoni Omitikiko
 (Marko 3.20-30; Arókasi 11.14-23)

²² Iuasaaki käkiti anikari kiki maerekati matamatakoti auaïtotakiti Xesosimoni. ! Isäkirauata. Mõsiäreti itxaua iua, maerekati matamatakoti xika. Xesosi erekapeka txïkitakari iua. Iuasaaki kösiärepeka, kasäkirepeka itxa. ²³ Iuasaaki kaiäopokori käkiti iuaä tsorïkaäta. Ininiä ipimaäkakuana:

—Atauako ia kiki aäüite Taviini apika mekanirikani? Atxiiti Teoso iokanatakitikani? — itxana.

²⁴ Pariseoakori ikara ikenakotakasaakina:

—Konapitini. Maerekati matamatakoti aüite Peosepoo inakori sikari iposotiire Xesosi-
 moni maerekati matamatakoti omitikini ikapani —itxana pariseoakori.

²⁵ Xesosi imarotari ikara ixinikakitina. Ininiä itxa Xesosi:

—Käkiti tixine auakani ninoakakarika inaiatakakiniäuana, ixipokakakauana. Iarikape-
 nako. Iua atokokana käkiti aapokoä auakani inaiatakakiniäuana, ixipokakakauanako.

²⁶ Iua atokokana Satanasi nitiriakori, ninoakakarika inaiatakakiniäuana, ixipokako Sa-
 tanasi tapara. ²⁷ Hite säkire, Peosepoo sikari iposotiire notamoni maerekati matamatakoti
 nomitikini ikapani. Ininiä nota pimaäi: “Kipa sikari posotiiretxi hite moianariakorimoni,
 maerekati matamatakoti omitikiniäuana ikapani?” Himoianariakori säpiretai: “Teosonoka
 sikari posotiiretxi maerekati matamatakoti omitikakanimoni.” ²⁸ Teoso posotiireë nomi-
 tikari maerekani matamatakoni. Ikara atoko ininiä, Teoso oerekai iua apokapeka hitemoni
 hïaüite inini ikapani.

²⁹ —Kiki pataparari iua aapoko auiniä, kona kiïtiriri Iroä Itiruatinini ikapani. Kiïtiriri
 iaxirikiniäri iua kiki pataparari, iuasaakiika apakata iïtirïkiniri itii.

³⁰ —Notakata maparïkaukatani omanatano nota. Imamoianatakaniäno, inirekari ni-
 parïka ixipokini. ³¹ —Ininiä nisäpiretai. Apakata Teoso makatzakiniri ikinipoko maerekati
 käkiti kamakiti, imaerekani Teoso imisäkirepiretini pakini. Txamari Erekari Matamatakoti
 misäkirepiretakari maerekani makatzakiko kona auari. ³² Käkiti misäkirepiretiniäno nota
 hitari iaxitikiri, eereka amanainiäri Teoso ikara imaerekani imakatzakini, ininiä Teoso
 makatzakapitikari. Käkiti misäkirepiretiniäri Erekari Matamatakoti, ! kimakatzakikori
 ikara maerekati ikamakiti —itxa Xesosi.

Aamina Iri Pirena
 (Arókasi 6.43-45)

³³ Ininiä Xesosi säkirauata iuaïkana pariseoakorimoni:

—Aamina atoko hïtxa. Aamina erekari ininiä, iri erekari apaka. Aamina maerekati
 ininiä, iri apaka ! erekari. Patamatiniäri amätiiri, pamarotari imina. ³⁴ Nimarotai hïte.
 Imini katsiiri atoko hïtxaua hïte. Hïte maerekati kamakanii. Ininiä ! hïposotari erekari
 hïsäpiretini, kotxi häkixinire ! erekari. Hinamaä hïsäpiretakiti häkixinireë potoriäkari itxaua.
³⁵ Käkiti erekari ininiä, erekarinoka isäkire, kotxi iua äkixinireë erekarinoka aua. Käkiti
 maerekati ininiä, isäkire maerekati apaka, kotxi maerekatinoka auari iua äkixinireë. ³⁶ Atäo
 nisäpiretai hïte. Ikinipoko käkiti säkire Teoso atamakaerekata xipokatxi ötisaaki. Iuasaaki
 Teoso mereëri käkiti misiritiko. Maxikatïka hïsäpiretakiti kona apakata. Kona iua potxitari.
 Ininiä iuasaaki iua pimaäi: “Kinirepa ikara atoko pisäkire?” itxako. ³⁷ Pisäkire ereka ininiä,
 ixika ! auari Teoso misiritinii. Pisäkire maerekati ininiä, pisäkire maerekati xika Teoso
 misiritai —itxa Xesosi.

Pariseoakori Nirekari Xesosi Oerekiniri Iposotiire
 (Marko 8.11-12; Arókasi 11.29-32)

³⁸ Ätikaka kaiökatsoparerini, pariseoakori pakini txari:

—Koerekareri, takaötxikari Teoso posotiire poerekaua ate, aätamatiniiri ikapani, Teoso
 iokanatinii ikorapokoriti aimarotini ikapani —itxarina.

³⁹ Xesosi apakapapiretana:

—Käkiti uatxarini ! erekana. Itakanaparina Teoso. Hïte nirekari noerekini Teoso
 takaötxikare, iposotiire. Konapitini. Kona noerekai hïte. Kitxakapirika Teoso säkire
 säpiretakari Xonasini inakori auakasaaki, Teoso kamari posotiiretxi. Ikara atoko in-
 akari posotiiretxi Xonasini auakasaaki, iuaïkana ikamapanïkariko. Iua posotiiretxi Teoso
 takaötxikare itxapanikaua hïte ikapani. Iua takaötxikarinoka Teoso takaötxikare hïte ikapani.

40 Xonasi kaikota ximaki mitari tikako āki ipi āti pakini ōti. Iua atokokanerako hītari iaxitikiri napako ipi āti pakini ōti ipikani auiniātaā.

41 —Itixi xipokini ōtisaaki, kākiti Nínivi sitatxiti auakani sākirauatapitikako. Ninoa txai hīte: “Kona erekai hīte, kotxi ! hītakanapari himaerekani. Ate takanapari amaerekani Xonasi sākire akenakotakasaaki,” itxanako ninoa. Uatxa uai aua hīte apisatoō Xonasi apiatakari. Imisākiretai hīte, iuaritika kona ! hītakanapari himaerekani.

42 —Xipokatxi ōtisaaki, sito Sapaa auakani auīte sākirauatapitikako. Oa ōtakoxiti auakaro, iuaritika osari Saromāmoni imatire okenakotini ikapani. Uatxa apopeka Saromāo apiatakari, iuaritika hīte ! auikari nota sākire —itxa Xesosi.

Maerekati Matamatakoti Kanapiriini Pirena

(*Arókasi 11.24-26*)

43 Iuaikana Xesosi sākirauata:

—Maerekati matamatakoti kiki auaītotakiti takanapakasaakiri iua kiki, iua maerekati matamatakoti saāpota āparaā makipakaniātaā, ikaikotiniātaā inītini ikapani, txamari ! apokari. 44 Ininiā itxa: “Nikanapiriāpiriko mitxi nauinimoni nipotorikinimonikari,” itxa iua maerekati matamatakoti. Ininiā ikanapiriā. Apokasaaki, āti iuaā auakari ! auari. Oere-tapeēkaika. Iposope āti auini ikapani. 45 Ininiā apana apikomoni setxi pakini maerekani matamatakoni apia maerekanitakani. Imakinikana aua iua kiki itoā. Ininiā iua kiki mitxi poiāoka imaerekani, eereka apia maerekanita. Ikara atoko itxako kākiti uatxarini maerekani —itxa Xesosi.

Xesosi Inoro, Itariakori Pakini

(*Marko 3.31-35; Arókasi 8.19-21*)

46 Xesosi sākirauata itomane kākitemoni, inakasaaki oāpoka inoro, itariakorikata. Iporikiti auana. Ipikapiretarina. 47 Ininiā āti txari Xesosi:

—Pinoro, pitariakori ikirāā iporikiti auana. Inirekakarina imisākiretinii pite —itxa.

48 Ininiā Xesosi:

—Keropa ninoro? Kiripa nitariakori? —itxa Xesosi.

49 Ininiā imioakari imoianariakori:

—Hātamata. Uai aua ninoro, nitariakori pakini. 50 Niri iaxitikiri nirekaākiti kamakanira, ninoara nitariakori, nitaroakoro, ninoro txaua —itxa Xesosi.

13

Katakareri Pirena

(*Marko 4.1-9; Arókasi 8.4-8*)

1 Iua ōtisaaki Xesosi takanapari iua aapokotxi. Ipoa tiniā isa. Iuaā ipoa tiniā iitopāka. 2 Iuaā auana itomaneri kākiti. Apotiitauana iua takote. Ininiā kanaua āki iereētaua, topāka itxa oerekarauatini ikapani. Ninoa kaikota imiriī. 3 Ininiā itori sāpirenatxi atāo inakari oerekiko isāpiretana ninoa Teoso imarotinina ikapani.

Ia atoko itxa:

—Katakareri potorika itakarauatini ikapani. 4 Takari iki itakaāpotakasaaki, okaāpotakasaaki, ātikaka irika kimapori tiniāpo. Kotipiriki apoka. Inikari imakinika. 5 Apanakini irika kai auiniātaā. Poiāoka kipatxi auari, ininiā mokatanitika ipitxaka. 6 Txamari, atokatxi papatakari inakasaaki, arikari iua takari. Otxiaroka, kotxi kona kakotsari. 7 Apanakinipekana irika aanaia auiniātaā. Ininiā aanaia anē takari takote. Aāpitsa iapinokari takari, oka txari. 8 Apanakinipekana irika kipatxi erekariātaā. Ininiā iriuata. Ātiātaā āti takari iriuata seī oki pakini. Ātiātaā takari iriuata sesēta oki pakini. Ātiātaā āti takari iriuata trīta oki pakini. 9 Kakenakokii, ininiā hikenakotariko nisākire —itxa Xesosi.

Kākiti Mimarotakiniti Xesosi Sāpiretini Pirena

(*Marko 4.10-12; Arókasi 8.9-10*)

10 Imoianariakori apoka Xesosimoni. Ipimaārina:

—Kinirepa sāpirenatxi atāo inakari oerekiko pisāpiretari kākiti? —itxarina.

11 Ininiā Xesosi:

—Kākiti xinikiniāri Teoso auītetxi ininiāua pirena, auapitika kaiāopokori ninoa mimarotakiniti, kotxi Teoso kona oerekana ninoa. Teoso oerekai hīte ninoa mimarotakiniti. 12 Teoso sākire auakiti, iua sākire kīpitakari, Teoso sikari apikomoni imaroretxi iuamoni. Txamari Teoso sākire kenakotakari, isākire makīpitakati, imarore xapiti iuamoni auakari makatxakaākako. 13 Nisākirauatakasaaki kākitikata, nisāpiretana sāpirenatxi atāo inakari oerekiko, kotxi kokiri kākiti, iuaritika ! atamatari Teoso kamakiti. Kakenakokiri kākiti,

iuaritika !imarotari Teoso sākire. ¹⁴ Ininiã apokapeka Isaía sākire kitxakapirîka, kotxi iua sâpiretari Teoso sākire:

Hîkenakotapiikamari nisākire, iuaritika !himarotari. Hitikipiikamari nikamakiti, iuaritika !himarotari,

¹⁵ kotxi !hinirekari himarotiniri atão inakari. !Hinirekaikari nisākire hîkenakotini. !Hinirekaikari nikamakiti hâtamatini. Hinirekaâkamariko, hâtamatamariko nikamakiti. Hinirekaâkamariko, hîkenakotamariko nisākire. Hinirekaâkamariko, himarotamariko nisākire. Hîkanapiriaâkamako notamoni, nimaktxakamariko himaerekani, itxa Teoso.

¹⁶ —Hîtepekana, Teoso sikari erekari hîtemoni, kotxi hõki atamatapitikari iua kamakiti. Hîkenakoki kenakotapitikari iua sākire. ¹⁷ Atão nisâpiretai. Itomaneri Teoso sākire sâpiretakani, apanakini kiki atão inakari kamakani pakini kitxakapirîka nirekari atamatini hîte atamatakiti, txamari kona atamatarina. Inirekarina ikenakotinirina hîte kenakotakiti, txamari kona ikenakotarina —itxa Xesosi.

Katakareri Pirena Oerekiko

(*Marko 4.13-20; Arókasi 8.11-15*)

¹⁸ Xesosi sâkirauanâpapanika:

—Hîtakaõtixikari ikara sâpirenatxi atão inakari oerekiko, katakareri pirena. Noerekai ikara. ¹⁹ Kâkiti kenakotakasaakiri Teoso auîtetxi ininiua pirena, imimarotakaniãri ikenakotakiti, kimapori kâkiti katxaratakiti ikotaxiti atoko itxa iua âkixinire, kotxi Satanasî apoka iuamoni. Imaktxakari Teoso sākire iua âkixinireê apokakari. Teoso sākire takariki atoko itxa.

²⁰ —Takariki kai auiniãtaã iriãkari, Teoso sākire ipoxokoniritika apakapakari atoko itxa. ²¹ Itxama kona okanani aua, kotxi kona kakotsari. Omanatiko inakasaaki, inapetiko inakasaaki, Teoso sākire auikini xika, itakanapari Teoso sākire auikini.

²² —Âti kâkitipekana kenakotari Teoso sākire, txamari ixinikapikari tîitxi, nipokori, iparîka pakini. Ikinipoko ixinikapika, ininiã maerekaxiniretinoka itxa. Txineiro ipotxitini xika ! inirekaikari Teoso sākire. Takariki aanaia auiniãtaã iriãkari atoko itxa iua. Takari mariti atoko itxa iua âkixinire.

²³ —Âti kâkitipekana ikenakotakasaakiri Teoso sākire, atão iua auikari. Iua âkixinire kipatxi erekari atoko itxa. Takari mininiua atoko, iua kâkiti minari atxiiti seî pakini kâkiti Teosomoni isākire auikinina ikapani. Atxiiti iminari sesêta pakini kâkiti. Atxiiti iminari trîta pakini kâkiti Teosomoni isākire auikinina ikapani —itxa Xesosi.

Katsotati Ahoisi Atoko Inakaro

²⁴ Iuaikana Xesosi sâpiretari âti sâpirenatxi atão inakari oerekiko. Ininiã ia atoko itxa:

—Teoso auîtetxi ininiua ia atoko itxa. Teoso katakareri atoko itxa. Iua katakareri takari erekari takariki ikikioteê. ²⁵ Âti İkanõkati İkinimane imakasaaki, imokaiakari apoka. Itakaro katsotati ahoisi atoko inakaro ahoisi sauaki. Kona !otxa. Iposo atoko İkorape itxa. ²⁶ Takari aneêka atoko, oriua. Iuasaaki kâkiti imarotapekari katsotati ahoisi atoko inakaro auapeka. Kona otxa. ²⁷ Ininiã katakareri nitiriakori apoka iauîtemonina. “Auîtetxi, pite takaro takariki erekaro. Nanipa oina katsotati?” itxana ninoa.

²⁸ —“Amokaiakari takari,” itxa.

—“Pinirekatari amaporokiniri?” itxana iniritiakori.

²⁹ —“Kona. Katsotati himaprokiniã, atxiiti himaprokaro nitakare apaka. ³⁰ Hitakanapari imakinika aneinina ikapani. Oamikosaakirako, omaktxakaãka. Ininiã iuasaakiko nipaniãtaiko hîte: ‘Merepanika himaktxakaroko katsotati. Hâpotiitaro. Xaminamoni oka inaãkako. Iposo atoko hâpotiitari ahoisi. Hîtakari nikiena nîkatiko aikoti âki.’”

Mostata Pirena

(*Marko 4.30-32; Arókasi 13.18-19*)

³¹ Iuaikana Xesosi oerekari âti sâpirenatxi atão inakari oerekiko. Ininiã ia atoko itxa:

—Teoso auîtetxi ininiua, kiki takiniro mostata iki ikikioteê atoko itxa. ³² Mostata iki axapitiki. Apanakini takariki apiata, iuaritika oaneêka atoko amananiikaro. Aamina otxaua. Ininiã kotipiriki ina. İkamari ikoa okatiã —itxa Xesosi.

Tirekakari Pani

(*Arókasi 13.20-21*)

³³ Xesosi iuaikana sâpiretari sâpirenatxi atão inakari oerekiko. Ininiã ia atoko itxa Xesosi:

—Teoso auîtetxi ininiãtaãua İkorapokoriti ia atokokana itxa. Sito kosekari tirekakari pani. Okoketari axapiti tirekakari pani kaiãopokori triko panikata, âparaãkata. Eereka İkinika İpe tirekaãpota otxa.

Säkiretxi Atão Inakari Oerekiko
(Marko 4.33-34)

³⁴ Xesosi säkirauatakasaaki käkitikata, isäpiretari säpirenatxi atão inakari oerekiko. Ikara säpirenatxinokara isäpiretari käkiti. ³⁵ Ininiã kitxakapirika Teoso säkire säpiretakari säpiretakiti apokapeka, kotxi iua txari:

Nisäkirauatakasaaki käkitikata, nisäpiretari säpirenatxi atão inakari oerekiko. Itixi kamikosaakipanika aua käkiti mimarotakiniti. Ikara noerekako käkitimoni, itxa Teoso säkire.

Xesosi Säpiretari Katsotati Pirena

³⁶ Eereka Xesosi takanapana ninoa käkitipokoni. Iïroã aapokotxi. Imoianariakori apoka iuamoni. Itxana:

—Poerekaua ate ikara säpirenatxi atão inakari oerekiko, katsotati pirena, mixikanani pisäpiretakiti. Ate limarotari —itxana.

³⁷ Ininiã Xesosi:

—Hïtari iaxitikiri, iua erekari oki taãkari itxaua. ³⁸ Itixi iua kikio atoko itxa. Teoso auïtetakani takariki erekari atoko itxana. Käkiti Satanasi nakitiakori iua katsotati atoko itxana. ³⁹ Katsotati takakari Teoso nakitiakori mokaiakari itxaua. Satanasi itxaua. Itixi xipokini õti iua takari amiko õti atoko itxa. Teoso nitiriakori iaxitikini ninoa takari amakani atoko itxana. ⁴⁰ Iua katsotati apotiitaãka, xaminamoni oka inaãka. Iua atokotxikana inaãka itixi xipokini õti. ⁴¹ Hïtari iaxitikiri iokanatanako nitiriakori itiximoni. Apotiitarinako maerekati oerekakani. Apotiitarinako ikinimane maerekati kamakani. ⁴² Iposo atoko Teoso nitiriakori okana ninoa xaminamoni. Iuaã iteene itxiapatana. Akatsatsiriïtauana. ⁴³ Iuasaaki atão inakarinnoka kamakani aua iotximerena Teoso auïttxi ininiãtaãua. Atokatxi iotximere atoko itxa ninoa iotximere. Kakenakokii, ininiã hïkenakotariko nisäkire —itxa Xesosi.

Txineiro Kipatakoru Pirena

⁴⁴ —Teoso auïttxi ininiua, txineiro itomanero kipatakoru atoko itxa. Oa txineiro kipataãka kikio. Äti õti kiki napaãpotakasaaki, apokaro, ininiã iuaïkana ikipataro. Iteene ipoxokoniua, ininiã ivëttxitari ikinika itii, iua kikio iamotini ikapani. Eereka sa itxa iua kikio iamotini ikapani. Ikara atoko itxa Teoso auïttxi ininiua.

Pérora Inakori Pirena

⁴⁵ —Teoso auïttxi ininiua, pérora iamotakari atoko itxa. Iua nitari pérora apia erekari. ⁴⁶ Pérora iteene erekari apokiniã, ikinika itii ivëttxita iua pérora iamotini ikapani.

Hetxi Pirena

⁴⁷ —Teoso auïttxi ininiua hetxi ipoaã taãkari atoko itxa. Ikini sereti ximaki apotiita hetxi. ⁴⁸ Ixãpokasaaki kaiotarooriti kosekaãpotari itakoãmoni. Iuaã kaiotarooriti iitopãka. Imereërina ximaki. Ximaki erekari kotariã itaka. Käkiti maniãkiniti mapara oka. ⁴⁹ Xipokatxi õtisaaki ikara atoko itxa. Teoso nitiriakori mereëriko käkiti. Mapara itakarina erekarini. Mapara itakarina maerekani. ⁵⁰ Ininiã xaminamoni okanako käkiti maerekati kamakani. Iuaã itxiïtana. Akerakitatsiriïtauana, kotxi patsiiri.

Kitxakapirika Oerekakori, Amaneri Oerekakori Pakini

⁵¹ Xesosi pimaãna imoianariakori:

—Hïte imarotatari ikara atoko inakari nisäpiretakiti? —itxa.

—Äri, aimarotapitikari —itxarina.

⁵² Ininiã Xesosi:

—Kaiõkatsopareri oerekikosaaki Teoso auïttxi ininiua imarotini ikapani, imarotari amaneri oerekakori, apaka kitxakari oerekakori. Kaapokori atoko itxa. Iua kaapokori makatxakari apokaerekatakiti maretã äki inikatakiti. Amaneri, kitxakari apaka imakatxaka.

Nasaree Auakani Kona Auakari Xesosi Säkire
(Marko 6.1-6; Arókasi 4.16-30)

⁵³ Ikara säpirenatxi atão inakari oerekiko ixipokapiretaka atoko, Xesosi sipe. ⁵⁴ Ikanapiriã Nasaree sitatxitimoni. Ininiã oerekarauata aiko Xoteoakori apotiitiniãtaãua. Ininiã käkiti tsorikaãta isäkire ikenakotakasaakina. Itxana:

—Kiripa sikatari iua imarore? Kiripa sikaposotiiretari iua? ⁵⁵ Aapokotxi kamakari äkiri iua. Inoro Maria. Itariakori Txiaiko, Xoão, Simão, Xotasi pakini. ⁵⁶ Itaroakoro uai apaka aua. Nanipa apaiaõkari ikinika imarore? —itxana.

⁵⁷ Ininiã kona inirekarina iua. Ininiã Xesosi txari:

—Teoso sākire sãpiretakari paxitaãka, txamari Teoso sākire sãpiretakari itixineë auakasaaki, inirimane sauaki auakasaaki, !ipaxitaãka. Isākire !auikaãka —itxa Xesosi.

⁵⁸ Ininiã Xesosi kona kamari itori Teoso posotiire iuaã Nasaree sitatxiti auakani ikapani, kotxi kãkiti iuaãkini !auikari isākire.

14

Xoão Kapatxisareri Ipinini Pirena

(Marko 6.14-29; Arókasi 9.7-9)

¹ Iuasaaki Erotxi Kariréia auakani auite txaua. Iuasaaki ikenakopiretari Xesosi pirena. ² Iuasaaki itxana initiriakori:

—Iua Xoão kapatxisareri ipipekariika õkitapekaua. Iuakara Xesosi txaua. Ininiã uatxa apiata iposota ikamini —itxa Erotxi.

Txamari Xesosipitikara. Kona Xoãoni iua. ³ Mitxi Erotxi paniãtari Xoão kapatxisareri iaxirikiko, itari Piripi itanoro xika. Ouãka Erotxia. Oomanatari Xoão, ininiã itakaãka kateia åki. ⁴ Mitxi Xoão kapatxisareri txari Erotximoni:

—Kona erekari pitari itanorokata pisirĩkini. !Apakata pikamakiti —itxa.

⁵ Ininiã Erotxi nirekamari okiniri Xoão, iuaritika kona okari, kotxi ipĩkana Xoão sākire auiaãkani. Ninoa uãkatari Xoão, Teoso sākire sãpiretakari ininiua. ⁶ Erotxi kamari kiiniri auini õti pirena. Erotxia åkero serena iua Erotxi apisatoõ, ikemaĩtxitakini apisatoõ pakini. Ininiã oserenini kamari ninoa poxokoniuatini. ⁷ Ininiã Erotxi poxokoniuatakasaaki itxa:

—Nisikai imakinika pinireẽkiti pitemoni —itxaro oa.

Ininiã osari onoromoni. ⁸ Onoro nirekari Xoão okiko, ininiãkara oamanaãri Xoão kii prato nopini. Ininiã otxari Erotximoni:

—Xoão kapatxisareri kii ninireka prato nopini.

⁹ Ininiã Erotxi kona erekaxinireri. Kipa ikama? Kotxi ikinimane ikemaĩtxitakini kenakotari isikaenetiniri oa nirekakiti oamoni. Ininiã iua paniãtari oa nirekakiti sikiko oamoni. ¹⁰ Ininiã iua iokanatari sotatoakori kateiamoni Xoão kii tsotakiko ikapani. ¹¹ Ininiã ninoa minari ikii prato nopini. Isikarina oamoni. Oa sikari onoromoni. ¹² Eereka Xoão moianariakori sari kateiamoni. Ninoa anikari iito akauarimoni. Iuaã ikatarina. Eereka ninoa sari Xesosimoni. Isãpiretarina Xesosi Xoão ipinini pirena.

Sĩko Mio Kãkiti Xesosi Sikakienatini

(Marko 6.30-44; Arókasi 9.10-17; Xoão 6.1-14)

¹³ Xesosi kenakopiretakasaakiri Xoão okiko, ipotorika kanauaã. Åtiãtaã iuanani auini nire isa, txamari itomaneri kãkiti imarotari Xesosi sinimoni. Ininiã itakanaparina sitatxi. Isana imiriã iua sinimoni. ¹⁴ Iua kanĩkĩtakasaaki, atapari kãkiti apokaãpotini. Ininiã iua amonĩkana ninoa. Imakananitana amianatakani.

¹⁵ Mapiãpeka inakasaaki, imoianariakori apoka iuamoni. Itxarina:

—Mapiãpeka. Uai aapokotxi mauakaniãtaã, ininiã uai nipokori !uari. Piokanatari kãkiti aapokotximoni, ininiã iamotarina nipokori iuaãtaã —itxana imoianariakori.

¹⁶ Xesosi apakapapiretana:

—Nota kona iokanatanana isinina. Hĩtekarako sikakienatana ninoa —itxa Xesosi.

¹⁷ Ininiã ninoa:

—Komiri ipi ipi åti pakininokara aua atemoni. Ipi ximaki apaka aua. !Apakata —itxana.

¹⁸ Ininiã Xesosi:

—Himina uai notamoni —itxa.

Ininiã imoianariakori minari Xesosimoni. ¹⁹ Eereka iua paniãtari kãkiti xiti topãkini. Eereka ikosekari komiri siko, ximaki ipi pakini. Ininiã iua ionakaãta iaxiti. Itxari:

—Niri pisikakiti peerekari —itxa.

Ininiã imaxinĩkaãpotari. Isikaãpotana imoianariakori. Ninoa sikaãpotana kãkiti.

²⁰ Ikinikana nipokota. Ikinimane:

—Kamitopekaua ate —itxana.

Eereka imoianariakori apotiitari itetakori. Ininiã xãpokaka itxarina tosi kotari.

²¹ Iuasaaki siko mio kikiãkini nipokota. Sitoãkini, amarini pakini nipokota apaka.

Xesosi Ipoa Nopini Itĩpokotini

(Marko 6.45-52; Xoão 6.15-21)

²² Eereka ipaniãtana imoianariakori kanauaã iereẽtinia iua apisa ipiriãtinina ikapani. Ninoa sipeka. Iua kaikota kãkiti itakapiretini nire. ²³ Kãkiti itakapiretanapaka atoko, Xesosi sari oxiratarimoni, Teoso imisãkiretini nire. Ikanõkapeka inakasaaki, iuanani iuaã aua. ²⁴ Iuasaaki kanaua ipoa apanĩkakiãpeka. Itima apiãkataro kanaua. Ininiã tsakati iteene apoãkata.

²⁵ Imaropirīkatapeka inakasaaki Xesosi sari ninoamoni. Itīpokota ipoa nopini.
²⁶ Imoianariakori atapakasaakiri Xesosi ipoa nopini itīpokotini, ninoa pīkarauata.

—Kamiri napani —itxana.

Akiripoakatana. ²⁷ Iuasaakipeka Xesosi:

—Kataparaxinire hītako. Notara. Kona hīpīkarauatape —itxa.

²⁸ Ininiā Petro sākirauata:

—Apiananiri. Xesosi pininiāua, pipaniātano pitemoni napokini ipoa nopini —itxa Petro.

²⁹ Ininiā Xesosi:

—Uai pina —itxari.

Ininiā Petro katxaka. Ipotorika ianini ipoa nopini Xesosimoni isini. ³⁰ Txamari kataparari itimati itikasaaki, ipīkarauata, ininiā ipatapiā itairakaāpota. Ininiā iua akirikata:

—Apiananiri. Pimaīkano.

³¹ Iuasaakipeka Xesosi maīkari iua. Itxari:

—Poiāoka pauikari niposotiire. Kinirepa kona atāo pauikari? —itxa Xesosi.

³² Iuaīkana morōkoka itxauana kanaua āki. Iuasaaki itima iotoka. ³³ Imoianariakori kapotoreēkaua Xesosi apisatoō:

—Apiananiri pitxaua. Atāopitikara Teoso ākiripitikarai —itxana.

Xesosi Makananitana Amianatakani Xenesareekini
 (Marko 6.53-56)

³⁴ Ipoa ipiriātana, Xenesaree tōpamoni apoka itxana. ³⁵ Iuaā kākiti imarotari Xesosi, ininiā iokanapireta kākiti ninoa tixine takote auakanimoni:

—Amianatakani himina.

Ininiā kākiti minari itomane amianatakani Xesosimoni. ³⁶ Amianatakani amanaāri Xesosi:

—Pauiritaua pimāka mapotomatare atakapiotini —itxana.

Ikinimane imāka takapiotakani makananitaāka.

15

Xoteoakori Itike Pirena
 (Marko 7.1-13)

¹ Iuasaaki pariseoakori, kaiōkatsopareriakori pakini apoka Xesosimoni. Xerosareēkini ninoa. Ipimaārina Xesosi:

² —Kinirepa pimoianariakori kona kamari aātokiriakorini sākire iaōka, kotxi inipokotakasaakina, kona arokauakotauana —itxana.

³ Ininiā Xesosi apakapapiretana:

—Hitepekana, kinirepa kona hite kamari Teoso sākire iaōka? Hite kamari hōereēkitinokara,

⁴ kotxi Teoso txari: “Pipaxitariko piri. Pipaxitaroko pinoro.” Apaka Teoso txari: “Piri, pinoro pimisākirepiretiniā, pokaākako.” ⁵ Txamari hite oerekari kākiti: “Kākiti auakiti iri, inoro pakini nirekiniā, iua manirekakaniāri isikiniri ninoamoni, isāpiretana: ‘Ia nota auakiti nisika Teosomoni.’” Ininiā ! isikari ninoa nirekakiti ninoamoni. ⁶ Ininiā hite oerekari kākiti mapaxitakanina iri, inoro pakini. Ininiākara hite sākire hōereēkiti kipatari Teoso sākire. ⁷ Hite txari: “Akamapitikari Teoso sākire iaōka,” txamari kona hite kamari. Atāopitikara Isaīa sākire kitxakapirīka. Iua sāpiretari Teoso sākire hite pirena. Teoso txari:

⁸ Kamisirienererini ninoa kākiti. Ninoa sākireēnanira ipaxitanona. Ākixinireēna ! inirekanona.

⁹ Maxikatīlka ninoa kapotoreēkaua nota apisatoō. Maxikatīlka ninoa txano: “Ateosone pitxaua,” kotxi ninoa !oerekari nota sākire. Ninoaka sākire oerekana, txamari “Teoso sākire asāpiretai” itxana.

Itxa Teoso Isaīamoni kitxakapirīka —itxa Xesosi.

Ākixiniretxi Txiko Pirena
 (Marko 7.14-23)

¹⁰ Xesosi akiritana kākiti, ininiā itxana:

—Hīkenakota himarotini ikapani. ¹¹ Nipokori, piixirākakiti kona kamatzikotari pākixinire. Pisākire maerekati, pinamaā potoriākari, iuara txikotapitikari pākixinire —itxa Xesosi.

¹² Iuasaaki Xesosi moianariakori apoka iuamoni. Itxarina:

—Pimarotatari pariseoakori !apokaerekatari ikara pisākire ninoamoni?

¹³ Ininiā Xesosi:

—Kākiti takari atoko itxa. Ininiā ikinika takari niri iaxitiki mataākiniti maporokaākako.

¹⁴ Kona hīmaākatapena pariseoakori. Ikiikakani mōsiāreni atoko itxana. Mōsiāreti mīkiikiniāri

mõsiãreti, ikinipoko irikako aariko äki. Iua atokokana maerekati õtãkikiniãri maerekati, imakinika ninoa sari imisiritikoãtaã —itxa Xesosi.

¹⁵ Ininiã Petro:

—Poerekaua ate ikara sãpirenatxi atão inakari oerekiko. Ate limarotari —itxa.

¹⁶ Ininiã Xesosi:

—Hïte apanakini atoko hïtxa atxiïti? Kona himarotapanikari? ¹⁷ Himarotari. Nïpokori hinamaã hïixirãkakiti hïtikakomoni isa. Eereka hïtikatakasaaki, inapa. ¹⁸ Hïsäkire hinamaã pokïkakarï potorika hãkixinireë. Iuara txikotari kãkiti äkixinire. ¹⁹ Kotxi hãkixinireë hïxinikakiti maerekati potorika. Okaniuatakatxi, äti kãkiti ïtanorokata sirïkiko nïre, anokaretxi, ïtiriuatakatxi, misirïeneretxi, äti misãkirepiretiko pakini potorika hãkixinireë. ²⁰ Ikara atoko inakaraninira txikotari kãkiti äkixinire. Kãkiti marokauakotakanïua kona txikotari äkixinire —itxa Xesosi.

*Xoteo Minakatoua Auikiniri Xesosi Säkire
(Marko 7.24-30)*

²¹ Ikara atoko inaãka atoko Xesosi sipe. Isipeka Txïro, Sitoõ pakini tõpamoni. ²² Iuasaaki sito Kanaaãkero, iuaã auakaro, apoka Xesosimoni. Iteene oamanaãri:

—Apiananiri, Tavii apika mekaniri, piamonïkano. Maerekati matamatakoti auaïtotaro namarite. Iua iteene misiritaro oa —otxari.

²³ Txamari Xesosi kona apakapapiretaro oa. Imoianariakori apoka Xesosimoni. Itxana: —Piokanataro, osipekako. Atemoni ätipirika oãkiripoanãta —itxana. ²⁴ Xesosi apakapapiretaro oa:

—Niokanataãka Isaeokini ninïkatini ïkapani. Ninoa soti auïte pïpinanaãkani atoko itxana. Txamari pite kona Isaeokero. Pite äto uãka —itxa.

²⁵ Iuaritïka oa sito apoka iuamoni. Okapotoreëkaua iua apisatoõ. Ininiã oa:

—Apiananiri, pimakananitaro namarite —otxari.

²⁶ Ininiã Xesosi:

—Isaeokini amarini atoko. Nota ninoa iri atoko. Kona erekari amarini komirite nimixirikini, anãpamoni nisikini ïkapani —itxaro.

²⁷ Ininiã oa:

—Ari, atãopitïkara pisãkire. Anãpa atoko nitxaua, iuaritïka anãpa nikari nïpokori iriãkari kaapokori patapi koa —otxa.

²⁸ Ininiã Xesosi:

—Atãopitïkara. Sito, pite iteene auikari nïposotiire. Pinirekakiti nikamapitïkako —itxaro. Iuasaakipeka oimi erekapeka otxa.

Xesosi Erekepeka Txïkitakari Kãkiti

²⁹ Eereka Xesosi sari Karirëia poatimoni. Iuaã oxiratarï nopini topãka itxa. ³⁰ Itomane kãkiti iuamoni apoka. Ninoa minari iuamoni kãkiti mõsiãreni, masãkireni, matïpokotakani, apanakini amianatakani itomaneri pakini. Xesosi makananitana ninoa. ³¹ Kãkiti iuaã auakani tsorïkaãta, kotxi itïkarina Xesosi makananitinina amianatakani. Kãkiti masãkireti säkirauatapeka. Kãkiti matïpokotakati ïpokotapeka. Mõsiãreti, kõsiãrepeka itxapeka. Ikinimane txari:

—Peerekari Teoso, Isaeo auakani Teosone —itxana.

*Xesosi Sikakienatana Ipi Ipi Pakini Mio Kãkiti
(Marko 8.1-10)*

³² Xesosi akiritana imoianariakori. Itxana:

—Nota amonïkana naia kãkiti. Ipi õti, äti õti pakini notakata auana. Uatxa kona minakati kona auari inikinina ïkapani. Kona nota iokanatana ninoa natxiritïka, kotxi arikama ipïtaxititamana, ïrika itxamana —itxa Xesosi.

³³ Ininiã imoianariakori txari:

—Nanipa ate apokari nïpokori komiri naia kãkiti asikakienatini? —itxana.

³⁴ Ininiã Xesosi:

—Kïpakinipa komiri aua hïtemoni? —itxa Xesosi.

Ininiã ninoa:

—Setxi komiri, ätikaka ximaki axapitiri pakini —itxana.

³⁵ Ininiã Xesosi:

—Hïpaniãtana kãkiti xiti topãkini —itxa Xesosi.

³⁶ Eereka imaãkari ninoa setxi komiri, ximaki pakini. Itxari Teoso:

—Erekapitïkari ia komiri, ximaki pakini pite sikakiti.

Mapixinika itxari komiri, ximakikata. Eereka xanakaãpota itxari imoianariakorimoni. Ininiã ninoa xanakaãpotari kãkitimoni. ³⁷ Ikinika nipokota. Kamitopeka itxana. Imoianariakori xãpokakari setxi kotari nipokori itetakori. ³⁸ Ipi ipi pakini mio kikiãkini nipokotapeka, apaka sitoãkini, amarini pakini. ³⁹ Eereka Xesosi iokanatana kãkiti aapokomonina. Iposo atoko iereẽtaua kanaua äki. Makataã tõpamoni isa.

16

Teoso Takaõtxikare

(Marko 8.11-13; Arõkasi 12.54-56)

¹ Pariseoakori, satoseoakori pakini sari Xesosimoni. Inirekarina Xesosi kerokiniri, ininiã itxarina Xesosi:

—Takaõtxikari, Teoso posotiire poerekaua ate, aãtamatiniri ikapani, Teoso iokanatinii ikorapokoriti aimarotini ikapani —itxarina.

² Txamari Xesosi txana:

—Na noerekai. Mapiãnikata iaxiti põkamarari inakasaaki: “Peereõtiri katana,” hõtxa. ³ Iua atokokana ìkanõkapanika iaxiti põkamarari, piãkaxitita inakasaaki: “Àparaãnapani. Kataparari ìmatipani,” hõtxa. Himarotapitükari takaõtxikari iaxiti auakari. Txamari kona himarotari Teoso kamanãtakiti ikorakanani. Hisãkirauatakasaaki, kãkiti erekarini atoko hõtxa, txamari maerekati hikama. ⁴ Kãkiti uatxarini ! erekana. Itakanaparina Teoso. Hõte nirekari noerekini Teoso takaõtxikare, iposotiire. Konapitini. Kona noerekai hõte. Kitxakapirõka Teoso säkire säpiretakari Xonasi inakori auakasaaki, Teoso kamari posotiiretxi. Ikara atoko inakari posotiiretxi Xonasi auakasaaki, iuaikana ikamapanikariko. Iua posotiiretxi Teoso takaõtxikare itxapanikaua hõte ikapani. Iua takaõtxikarinoka Teoso takaõtxikare hõte ikapani —itxa Xesosi.

Iposo atoko Xesosi takanapana, sipe itxa.

Pão Tireẽkari Pirena

(Marko 8.14-21)

⁵ Xesosi imoianariakorikata ìpiriãtari ipoa. Ipinia apokasaakina, imoianariakori xinikaro pão imaxinõkaretakitona. ⁶ Iuasaaki Xesosi õtãkikana ninoa:

—Erepaniko. Pariseoakori, satoseoakori pakini pãote tireẽkari pamonõkoniri —itxana imoianariakori.

⁷ Ininiã imoianariakori misãkiretakakaua:

—Pão amaxinõkaretini xika Xesosi ikara atoko txaua ate —itxana imoianariakori.

⁸ Xesosi imarotari imisãkiretakakinuana, ininiã iua:

—Kinirepa himisãkiretakakaua, pão himaxinõkaretini xika? Kona iteene hãuikari ninõkatini.

⁹ Atauako kona kiõkitepanikai hõte? Atauako himaxinõkaretepekari pão siõkonoka siõko mio kãkiti nisikakienatini? Hõxinikariko kipakinipa kotari hõxãpokaka pão itetakoro? ¹⁰ Atauako kona hõxinikariko ãti õti ipi ipi pakini mio kãkiti setxinoka pãoõ nisikakienatini? Hõxinikariko kipakinipa kotari hõxãpokaka pão itetakoro? ¹¹ Hõte nõtãkikasaaki: “Erepaniko. Pariseoakori, satoseoakori pakini pãote tireẽkari pamonõkoniri,” ninakasaaki, kinirepa kona himarotari kona pãoni ikara atoko nitxai hõte? —itxa Xesosi ninoamoni.

¹² Iuasaakiika imarotarina kona pão tireẽkarini monõkari txaua. Imarotarina pariseoakori, satoseoakori pakini säkirera, ninoa oereẽkitira, monõkari txaua.

Petro Auikari Xesosi Teoso Ækiri Ininiãua

(Marko 8.27-30; Arõkasi 9.18-21)

¹³ Xesosi sari Sesaréia-Piripi sitatxiti takote. Iuaã ipimaãna imoianariakori:

—Kõpa kãkiti uãkatano nota hõtari iaxitikiri?

¹⁴ Ininiã imoianariakori:

—Ätikaka uãkatai Xoõoni kapatxisarerini iuaikana õkitikaua inakarii. Apanakini uãkatai Eríasini iuaikana õkitikaua inakarii. Apanakinipekana uãkatai Xeremiani iuaikana õkitikaua inakarii. Minakanisaaki ätikaka: “Äti Teoso säkire säpiretakari iuaikana õkitikaua inakarii,” itxaina —itxarina.

¹⁵ Ininiã Xesosi:

—Hõtepekana, kipa hõte uãkatano nota? —itxana ninoa.

¹⁶ Simão Petro apakapapiretari:

—Teoso mereẽkitirai pite. Teoso mapõkati äkirirai pite —itxari iua.

¹⁷ Ininiã Xesosi:

—Simão Petro, Xoõo äkiri, Teoso takari erekari pitemoni, kotxi kona kãkitini säpiretai Teoso äkiri nininiu. Niri iaxitikirira säpiretai. ¹⁸ Nisãpirenauatapanika pitemoni. Piuãka Petro. Kai sorotxikana piuãka. Kai aapokotxiti kamakari mereẽri kai kaikori xiti itakini

Īkapani, aapokotxi iua kai nopini ikamini Īkapani, ininiã aapokotxi ! irika, kotxi kaikori nopini aua. Aapokotxi kamakari takari kai kaikori xiti. Iua kai atoko itxa ikara Teoso sãkire, isãpiretakiti pitemoni. Kãkiti nota nakitiakori naapoko atoko, ninoa sauaki nauini Īkapani. Napotiinãtapanikari kãkiti naapoko Īkapani. Satanasi tapara kona posotapaniri ixipokiniri ia naapoko. ¹⁹ Nipaniãtai Teoso sãkire pisãpiretini kãkitimoni. Xavi nisikinii atoko itxa ikara, kotxi kãkiti aukasaakiri Teoso sãkire ĩroã Teoso auĩtetxi ininiãtaãua. Īkorapokoriti kãkiti kamakiti pimauiritakaniã, Teoso tixine apaka ! auiritaãka. Īkorapokoriti kãkiti kamakiti pauiritiniã, apaka auiritaãka Teoso tixine —Xesosi txari Petro.

²⁰ Iposo atoko Xesosi:

—Teoso mereẽkiti nininiuã, apanakinimoni ! kasãpirena hĩtxapeko —itxana imoianariakori.

Xesosi Sãpiretari Ipinini

(Marko 8.31–9.1; Arókasi 9.22-27)

²¹ Iua õtisaaki Xesosi potorika isãpiretinina imoianariakori:

—Nisako Xerosareẽmoni. Iuaã kiomãtxiakori, kaiõkatsoparerini, sasetotxi auĩteakori pakini misiritanoko. Iposo atoko oka ninaãkako. Ipi ãti õtisaaki iuaĩkana nõkitikaãkako. Iuaĩkana aua nitxako —itxana.

²² Ininiã Petro misãkiretari Xesosi iuanoka inakasaaki. Itapararitika itxari:

—Konapitini, kona ikara atoko inakari kona auapani pitemoni, Apiananiri. Kona Teoso auiritapaniri ikara atoko piniko —itxari.

²³ Ininiã Xesosi kirioka Petromoni.

—Pisipiniikaua Satanasi. Nikimapore katokapareri atoko pitxa, kotxi pite nireẽkiti kãkiti nireẽkiti atokotxikana. Pite nireẽkiti kona Teoso nireẽkiti atokoni —itxari.

Xesosi Moianari Atão Inakari

(Marko 8.34-38; Arókasi 9.23-27)

²⁴ Iposo atoko Xesosi misãkiretana imoianariakori:

—Notakata kinirão sika pinakasaaki, piteka nireẽkiti kona pinirekape. Notakata kinirão sika pinakasaaki, nota misiritiko atokokana pimisiritãkako. Ia atoko pinirekiniã, notakata pisapitikako. ²⁵ Pite ãtipirika kaminiãri pite nireẽkitinoka, ininiã pinireẽkiti xipokapitikako pitekata. Pite nireẽkiti pimanirekakaniã, nota sãkire pauikini xika, Teoso iokanapirena erekari pisãpiretini xika, pite auapininiika txako Teosokata. ²⁶ Atxiĩti papakapari ikinipoko tiĩtxi, ikini itixiti auakani tii, pinakiti Īkapani. Atxiĩti iua tiĩtxi xika kona pikĩpitari Teoso sãkire, ininiã kona pikaikota ãtipirika Teosokata. Ikara atoko ininiã, erekari atxiĩti ikinipoko tiĩtxi auiniĩ? Konapitini. Apiaerekata Teosokata ãtipirika pikaikotini. ! Apakata kãkiti ĩĩkitxitiniri Teoso, iuamoni isini Īkapani. ²⁷ Nota hĩtari iaxitikiiri apokako ninitĩriakorikata. Iuasaaki niri iotximeretxikana nota iotximeretako. Iuasaakirako erekari isika erekari kamakanimoni. Iparĩkana ĩki isika iparĩkana iaõka. Txamari imisiritanako maerekati kamakani. ²⁸ Atãõpitikara nisãpiretai hĩte. Uai uatxa aua kãkiti, ninoa imarotapanikariko nota hĩtari iaxitikiiri auĩtetxi nininiuã. Ikara imarotinina apisa kona ipinapanikana —itxa Xesosi.

17

Moisesi, Eriasi Pakini

(Marko 9.2-13; Arókasi 9.28-36)

¹ Seisi õti napaka atoko Xesosi anikana Petro, Txiako, Xoão pakini. Xoão Txiako itari. Ikanĩkana oxiratarı nopinixiti. Ninoanani anika iuaã. ² Iuaã ninoa atamatarı iua. Ipinimonipo itxapeka. Itoõ iotximere atokatxi iotximere atoko itxa. Imãka serõka ipinikare atoko itxa. ³ Iuasaakipeka Moisesi, Eriasi pakini tokiã iuaã, misãkireta itxarina Xesosi. ⁴ Ininiã Petro akiritari Xesosi:

—Apiananiri, erekapitikari uai aãuini. Pinirekiniãri, nota kamari ipi ãti pakini papiri uai. Pite nakiti Īkapani, Moisesi nakiti Īkapani, Eriasi nakiti Īkapani nikama.

⁵ Petro sãkirauanãtakasaaki, katxiãri pomẽkoriri ninoa nopini apoka. Katxiãri ãki Teoso txari:

—Ere namarite, nitiretakiti. Napokaerekatarı iua, kotxi ikamari ninirekakiti. Hĩkenakotariko iua sãkire.

⁶ Xesosi moianariakori ikara atoko inakari ikenakotakasaakina, iteene ipĩkarauatana, ininiã iriãkatana xitipe. Itoõna ikipatana. ⁷ Xesosi sari ninoamoni. Itakauakotaua ninoa nopini. —Hõkitikaua. Kona hĩpĩkarauatape —itxana.

⁸ Ininiã itikapokotana. Xesosinoka aua.

⁹ Oxiratarı xirata iokiriãpotakasaakina, Xesosi txana ninoa:

—Kona hīsāpiretapiri apanakinimoni hītikakiti. Nota hītari iaxitikiri nipina iuaīkana naua ninaka atokoikarako hītikakiti mixikanani hīsāpiretako —itxana.

—Ateeneka —itxarina.

¹⁰ Xesosi moianariakori pimaāri iua:

—Kinirepa kaiōkatsoparerini oerekaua: “Eriasi apokako Teoso mereēkiti apokini apisa?”

¹¹ Ininiā Xesosi apakapapiretana nino:

—Ari, atāopitikara ninoa sākire. Merepitipanika Eriasi apokapitika. Iua kamari imakinika iposope inini ikapani. ¹² Ari, nisāpiretai, Eriasi apokapeka. Txamari kākiti !imarotari iua. Imisiritarina iua inireēkitina iaōka. Iua atokotxikana itxanonako nota hītari iaxitikiri. Imisiritanona —Xesosi txana Petro, Txiako, Xoāo pakini.

¹³ Ininiā imoianariakori imarotari Xesosi sākire. Eriasi, Xoāo kapatxisareri itxaua.

Amarini, Maerekati Matamatakoti Auaītotakiti Pirena

(Marko 9.14-29; Arókasi 9.37-43)

¹⁴ Ikanapiriākana atoko, itomaneri kākiti apotiitiniātaāua apokasaakina, kiki apoka Xesosimoni. Ikapotoreēkaua iua apisatoō. ¹⁵ Itxari:

—Apiananiri, piamonīkari namarite. Maerekati matamatakoti auaītotari iua. Atatsiirauata. Xaminaā irikapika. Kāuaāriā ikomokapika. ¹⁶ Niminamari namarite pimoianariakorimoni. Ninoa kona posotari erekapeka itxīkitakinirina.

¹⁷ Ininiā Xesosi txari:

—! Kauikarei hīte. Maerekati kamakanii hīte. Kipakinikananipa Teoso nirekatari hītekata nauini? Kipakinikananipa Teoso nirekatari hīte nimiteenekini? Himinari amarini notamoni —itxana.

¹⁸ Apokaāka atoko, Xesosi txitari iua maerekati matamatakoti:

—Pisipe.

Ininiā iua maerekati sipe. Iuasaakipeka iua amarini erekapeka itxa.

¹⁹ Eereka imoianariakori apoka Xesosimoni. Iuasaaki ninoanoka aua iukata. Imisākiretarina:

—Kanatokopa ininiāpa ate kona posotari maerekati matamatakoti aomitikini?

²⁰ Ininiā Xesosi:

—Kona atāoni hāuikari nisākire, ininiā kona hīposotari homitikiniri iua. Atāoenepitikara nisāpiretai hīte. Mostata iki axapitikiri. Axapitipitika nisākire hāuikiniā, mostata iki atoko nisākire hāuikiniā, hīposotari ia ōtanoxiratarī hīpaniātini: “Pite oxiratarī, uai posipika, ikaimoni pisa,” ininiā oxiratarī sapitikamako. Hīte posotari ikinipoko hinireēkiti hīkamini. ²¹ Txamari himamisākiretakaniāri Teoso, hinipokotini himatakanapaniā Teoso himisākiretini ikapani, ininiāra kona hīposotari maerekati matamatakoti homitikini —itxa Xesosi.

Xesosi Iuaīkana Sāpiretari Ipinini

(Marko 9.30-32; Arókasi 9.43-45)

²² Kariréia tōpa apokasaakina, Xesosi misākiretana imoianariakori:

—Nota, hītari iaxitikirino mīkapiritaākako. Nisikaākako kikiakorimoni inirekaākitina ikaminina tīkane. ²³ Ninoa okano nota. Ipi āti pakini ōtisaaki iuaīkana nōkitikauako, iuaīkana aua nitxako —itxana nino.

Ikara inakari ikenakotakasaakina, imatinaniuatana.

Txineiro Teoso Misākiretiko Aikoti Īkapani

²⁴ Kapanaoō sitatxiti apokasaakina, kikiakori sari Petromoni. Ninoa kiki apakaparo txineiro Teoso misākiretiko aikoti nīkatakani amanaākito. Ipimaārina Petro:

—Hīte oerekakari sikataro txineiro Teoso misākiretiko aikoti nīkatakani amanaākito? —itxarina iua Petro.

²⁵ Ininiā Petro:

—Ari, isikapitikaro —itxa.

Eereka Petro iroā aapokotxi āki ikara sākiretixiti Xesosi isāpiretini ikapani. Xesosi sākirauata, Petro masākirauatakani apisa:

—Petro, ikini itixiti kipa sikataro txineiro auītetxiakorimoni? Atauako auītetxi nirimane sikataro? Atauako kākiti ātiātaā ikanikani sikataro? —itxari.

²⁶ —Kākiti ātiātaā ikani sikaro txineiro auītetximoni —itxa Petro.

—Ari atāopitikara. Ininiā kona auītetxi nirimani sikaro txineiro iuamoni. Iuari-tika asikapitikaro. ²⁷ Txineiro amasikakaniā, txineiro apotiitakani !apokaerekataua. ! Anirekari ikara atoko inakari. Ininiā ipoa pisa. Pokatsaāta. Pimanamākarō ximaki merepitipanika pimaīkakito. Onamaā papokaro txineiro ota aīkitxirauatini ikapani. Oa

txineiro ota apakata nota sikakito ikapani, pite sikakito ikapani apaka. Panika. Pisikaro oa txineiro Teoso misäkiretiko aikoti nïkatakanimoni —itxa Xesosi.

Ininiã Petro kamari Xesosi säkire iaõka.

18

Kiripa Käkiti Apiatakari Txataua?

(Marko 9.33-37; Arókasi 9.46-48)

¹ Iuasaaki Xesosi moianariakori apoka iuamoni.

—Teoso auïtetxi ininiãtaãua, kipa käkiti apiatakari txataua? —itxana.

² Xesosi akiritari amarini axapitiri. Ninoa apisatoõ taka itxari.

³ —Atãopitikara nota säkire. Himaerekani himatakanapanakisaaki, Teoso nireëkiti himakamakanisaaki, amarini axapitiri atoko himinakanisaaki, kona hisapani Teoso auïtetxi ininiãtaãua. ⁴ Ia amarini axapitiri !iukaua. Käkiti ia amarini atoko inakarira, iuaka polãotakiniãua, iuara apiatakari itxaua Teoso auïtetxi ininiãtaãua. ⁵ Nota nireëkiti pikamakaasaaki, pipoxokoniritika papakapiniãri amarini ia atoko inakari pinakasaaki, papakapano nota apaka —itxa Xesosi.

Maerekati Oerekakari

(Marko 9.42-48; Arókasi 17.1-2)

⁶ Xesosi säpirenautapanika:

—Käkiti txïkitakiniãri amarini, nota säkire auïãkari, maerekati ikamini, !apakata. Erekarimari kai mitari iua käkiti maerekati oerekakari iaxirikanokitaãkamako, iposo atoko ipoa apanïkakiã okaãkamako ipinini ikapani. ⁷ Käkiti ikini itixiti auakani misiritaãkako, kotxi auari käkiti maerekati apanakini kamini txïkitakakani. Auapika käkiti ikara atoko inakani. Ninoa misiritaãkako. ⁸ Piuako txïkitakiniãri maerekati pikamini, ininiã pitsotakari, oka pitxariko. Pikititi txïkitakiniãri maerekati pikamini, ininiã pitsotakari, oka pitxariko. Kotxi maerekati pikaminiã arikatxi maxipokatimoni pokaãkako. Apiaerekata mauakotikai pauini ätipirika Teosokata. Apiaerekata makititikai pauini ätipirika Teosokata. Pauiritiniãri maerekati pikamini txïkitaãkari pitekata ikaikotiniã, ininiã pite kamari maerekati apaka, ininiã arikatxi maxipokatimoni pokaãkako. ⁹ Iua atokokana poki txïkitakiniãri maerekati pikamini, pimaporoka, oka pitxariko. Kotxi maerekati pikaminiã, arikatximoni maerekani misiritikoãtaã pokaãkako. Apiaerekata Teosokata ätipirika pauini äti pokinoka pauini. Kona pauiritapiri maerekati pikamini txïkitaãkari pitekata ikaikotini —itxa Xesosi säkire.

Soti Auïte Pïpinanaãkari

(Arókasi 15.3-7)

¹⁰ —Ikinipoko amarini pipaxitako, kotxi niri tixine au niri nitiriakori. Ninoa nïkatari amarini. Niri apisatoõ ätipirika iniritiakori auapika, ininiã käkiti mapaxitakaniãri amarini, isãpiretarina niri. ¹¹ Nota hïtari iaxitiki nï napoka ïkorapokoriti käkiti pïpinanaãkani atoko inakani napokini ikapani, kotxi ïmarotarina Teoso kimapore.

¹² —Kiãtokopa itxa hïxinikakiti? Kiki iua ipiraakori soti auïte seï pakini. Txamari ätika pïpinanaka. Kiãtokopa itxa? Itakanapari ipiraakori novëta novi pakini. Isari oxiratarimoni. Initari iua pïpinanaãkari. ¹³ Ipiraakori novëta novi na pïpinanaka, ininiã ipoxokoniuata. Apokasaakiri iua pïpinanaãkari, iteene ipoxokoniuata. ¹⁴ Iua atokokana hïri iaxitiki kona nirekari amarini ätika pïpinanakini. Hïri nirekari imakinika amarini imarotiniãri ikimapore iuamoni sikari apo —itxa Xesosi säkire.

Maerekati Pitemoni Kamakari

¹⁵ —Pitari nisäkire auïãkari kaminiãri maerekati pitemoni, ininiã pisa iuamoni. Pitenoka pisa iuamoni. Iuanani pimisäkiretako. Põtãkikiniri ikïpitakasaaki, pimoianari iuaikana itxapekaua. ¹⁶ Põtãkikiniri imakïpitakanisaaki, ipi käkiti panikako iuamoni. Ipi minakanisaaki ätika panika iuamoni. Ininiã iuaikana põtãkikari iua maerekati kamakari. Iuasaaki pitekata sikani apaka õtäkikari. Kotxi Teoso säkire iõkatsopatakori oerekaua käkiti säkire kenakotakani, käkiti kamakiti itikakani ipi äti pakini auiniã, apakata apanakini atão inakari imarotini ikapani. Ipi äti minakanisaaki, ipi apakata. ¹⁷ Ninoa pitekata sikani säkire imakïpitakanisaaki, pisãpiretana käkiti Teoso misäkiretikoãtaã apotitakanuata. Ninoa ikinipoko Teoso säkire auïãkani õtäkikariko iua. Imakïpitakanisaakiri ninoa säkire, himarotari atão maerekati kamakari itxaua iua. Teoso säkire mauïãkati atoko itxaua iua, kotxi kona inirekari õtäkikiko. Ate mokaiakari moianari atoko itxaua —itxa Xesosi säkire.

Pauiritakiti, Pimauiritakiniti Pakini

¹⁸ —Atãopitikara nïtxai hïte. ïkorapokoriti käkiti kamakiti himauiritakiniti, Teoso tixine apaka !auiritaãka. ïkorapokoriti käkiti kamakiti häuiritakiti, apaka auiritaãka Teoso tixineë.

¹⁹ —Apikomoni ia nisāpiretai. Pite xinikakitixikana āti xinikiniā apaka, hinirekakiti hamanainiāri Teoso, niri iaxitikiri sikapitikai hamanaākiti. ²⁰ Kākiti apotiitakasaakiaua nota ixinikinina iġapani, nota ninoakata aua. Atxiīti ipi ātinoka aua. Atxiīti ipinoka aua. Iuaritika nota aua ninoakata —itxa Xesosi.

Nitiritxi Āti Matiretakati

²¹ Petro sari Xesosimoni, pimaā itxari Xesosi:

—Apiananiri, kipakinikatapa napakapari nitari, maerekati ikaminano ātipirika inakasaaki? Setxikata atxiīti?

²² Ininiā Xesosi:

—Kona, kona setxikatani papakapari iua. Setxikata setēta papakapari iua, ininiā ātipirika papakapari.

²³ —Apikomoni noerekai papakapiniri kākiti, maerekati ikamakasaaki pitemoni. Teoso auītetxi ininiua patrāo ia atoko inakari itxa. Ia patrāo nirekari initiriakori iikixitiniiri iua. ²⁴ Ininiā iua iaōtaro txineiro isikakitopeka. Iuasaaki initiri minaāka iuamoni. Mitxipeka iua patrāo sikari tesi mirāo txineiro ota iua initirimoni. Txineiropokoni. Oa txineiro isikasaaki, itxari initiri: “Āti ōti iuaikana pisikano oia nitxineirote,” itxari initirimoni. Txamari, lisikaro, kotxi !oāuaika. ²⁵ Kona katxineiroteri. Ininiā ipatrāote paniātari ivētxitiko iua, itanoro, imiakori, itii ikinipoko, ipatrāote iikixitini iġapani. ²⁶ Iua initiri ikara inakari sākiretixiti ikenakotakasaaki, ipatrāote apisatoō ikapotoreēkaua. Itxari iua: “Piātaparoko. Ikinika pitxineirote nisikaiko,” itxari ipatrāotemoni.

²⁷ —Ininiā ipatrāote amonikari. “Kona ninirekaikaro nitxineirote pisikinino.” Ininiā auiritari isini.

²⁸ —Ininiā sipe itxa. Iua nitiritxi mitxi sikapekaro txineiro iua inakoto sei ota āti ipatrāote nitirimoni. Poiāonoka oa txineiro. Iuasaaki, aapokomoni isikasaaki, aōkitari iua āti nitiritxi ipatrāote nitiri. Imaikari inoakiā. “Uatxa pisikano nitxineirote,” itxari.

²⁹ —Ininiā imoianari kapotoreēkaua iua apisatoō. “Piātaparoko. Ikinika pitxineirote nisikaiko,” itxari.

³⁰ —Txamari mitxiri nitiritxi: “!Niātapaikaroko,” itxari. Ininiā kateiamoni ieretakak-itākari imoianari txineiro xika. “Ikinika nitxineirote pisikasaakiikanoko, pikatzakako,” itxari. ³¹ Ikara inakari ene apanakini iua patrāo nitiriakori kenakotakasaaki, ninoa naiataua. Ininiā isana ipatrāotemonina. Isāpiretarina initiri iokanatiniri āti initiri kateiamoni. ³² Ininiā iua patrāo akiritari iua initiri: “Pite maerekati pitxaua, kotxi kita pite amanaāno nota niamonikini, ininiā piikixitininino ! ninirekaika. ³³ Kinirepa kona pite amonikari pimoianari nota amonikini atokokana? Kona erekai,” itxari.

³⁴ —Ininiā ipatrāote iteene naiataua. Iokanataru iua kateiamoni imisiritikomoni ipatrāote txineirote okinika imasikakanisaaki.

³⁵ Ininiā Xesosi xipokapiretari ia isāpirena:

—Niri iaxitikiri iua atokokana txaiko hite, maerekati āti kamakasaakii hitemoni himamaxinikaretakanii hāxixinireē —itxa Xesosi.

19

Kiki Itanorokata Itakanapakakini

(Mateo 5.31-32; Marko 10.1-12; Arókasi 16.18)

¹ Ikara inaka atoko Xesosi potorika Kariréia tōpa. Isa Xotéia tōpamoni uini Xotāo ipiniā. ² Iuaā itomaneri kākiti sari iuamoni. Erekapeka itxikatakana amianatakani.

³ Pariseoakori apaka sari iuamoni. Inirekarina Xesosi kerokiniri isākire. Ininiā ipimaārina Xesosi:

—Auiritaāka atxiīti kiki takanapiniro itanoro, itakanapiniro inirekasaaki? —itxarina.

⁴ Ininiā Xesosi:

—Hite imarotapekari ia Teoso sākire iōkatsopatakori:

Kitxakapirika merepitipanika ikinipoko Kamakari kamari kākiti, kiki inini, sito onini apaka ikamari kākiti.

⁵ Ikara atoko ininiā, kiki takanapari iri, inoro pakini, Itanorokata auini iġapani, ininiā ninoa ātika atoko itxauana,

itxa Teoso sākire iōkatsopatakori. ⁶ Ininiā kona ipi litxaukauana. Ātika itxauana. Ikara atoko ininiā, !erekari kākiti kalarikiniri Teoso apotiitakini —Xesosi txana ninoa.

⁷ Ininiā ninoa pariseoakori pimaāri:

—Ikara atoko ininiā, kinirepa Moisesi paniātari kiki iōkatsopatiniri aātsopa, Itanoro itakanapini aātsopate, ininiā eereka auiritari iua iokanatiniro oa?

⁸ Ininiā Xesosi apakapapiretana:

—Moisesi auiritai hītanoro hītakanapini, kotxi paikori hīxinire. Teoso nireēkiti hīmanirekakani xikara, Moisesi auiritai hītanoro hītakanapini. Txamari kitxakapirīka merepītipanika kona kiki takanaparo ītanoro. ⁹ Ininiā nitxai hīte, kiki takanapiniāro ītanoro, ātikata masirīkatoka, iua kamari maerekati. Itakiniāro āto sito, maerekati apiata ikama, kotxi ! imaākatari Teoso paniātakiti. Oa itakanapakito taākari apaka kamari maerekati —Xesosi txana ninoa.

¹⁰ Ininiā imoianariakori ikara ikenakotakasaakina, itxarina Xesosi:

—Ītaniritxi, Ītanorotxi ! auiritaāka itakanapakakinina, ininiā erekapiimana imītaniriuatakanina —itxarina.

¹¹ Ininiā Xesosi:

—Erekapitīkari kākiti ītanorouatini. Ātikakanoka Teoso kona nirekari ītanorouatinina.

¹² Īxika auapitika kākiti mītanorouatakani. Kotxi ātikaka kiki auakasaaki, iūtona kona apakata ninoa takinoro sito. Apanakinipekana ikisauakatsikitiko xika kona ninoa posota itakinirona sito. Apanakinipekana kona nirekari ītanorouatini Teoso auītetxi ininiāua ātipirika isāpiretini īkapani. Teoso manirekakaniāri pite ītanorouatini, ininiā kona pītanorouatape —itxa Xesosi.

Xesosimoni Amarini Apokini

(Marko 10.13-16; Arókasi 18.15-17)

¹³ Iposo atoko kākiti minana amarini Xesosimoni. Inirekarina ninoa kii nopini iuako itakini. Inirekarina Xesosi misākiretiniri Teoso amarini īkapani. Txamari imoianariakori txitana. !Auiritana amarini anikinina Xesosimoni. ¹⁴ Ininiā Xesosi txana imoianariakori:

—Hāuiritana amarini notamoni apokini. Kona hīotokakapena notamoni apokinina. Kotxi kākiti Teoso auītetakani amarini atoko itxauana —itxana.

¹⁵ Ininiā iuako itaka ninoa kii nopini. Iposo atoko ikorape itxa.

Ātokori Ito Txineiroteri

(Marko 10.17-31; Arókasi 18.18-30)

¹⁶ Ātokori apoka Xesosimoni.

—Koerekareri erekarii, kirīpa erekari nikama ātipirika Teosokata nauini īkapani? —itxari.

¹⁷ Ininiā Xesosi:

—Kininiāpa “erekari” pitxano? Kākiti erekari ! auari. Teosonanira erekari. Teosokata ātipirika pauini pinirekiniā, pikamariko Teoso paniātakiti.

¹⁸ Īkirīpa? —itxa.

Ininiā Xesosi:

—!Pokaniuatape. !Pisirīkape āti ītanorokata. !Piītiriuatape. Poxiene !pikamape. ¹⁹ Piri, pinoro pakini pipaxitako. Pitiretanako apanakini, piteka pitiretiniua atokokana, pitxapaniko —itxari.

²⁰ —Nikamapitīkari ikara atoko pinakiti. Kirīpa apikomoni nikamaā Teosokata ātipirika nauini īkapani? —itxari.

²¹ —Ikinika kinirāo kamaka pinakasaaki, ikinika pitii pivētxitako. Txineiro papakapakito pisika kākiti matxineirotenimoni. Ikara atoko inakari pikaminiā, Teoso tixine papokasaaki ikinipoko erekari auiniiko pite. Pitii pivētxitaka atoko, notakata sa pitxako —Xesosi txari.

²² Iua ātokori ikara ikenakotakasaaki, isipe. Imatinaninoka itxari ātokori, kotxi kaiāori itii. !Inirekari itii ivētxitini. ²³ Ininiā Xesosi txana imoianariakori:

—Atāopitīkara ia nitxai hīte. Pamimari katxineiroterini auītetiniri Teoso. ²⁴ Apikomoni nisāpiretai. Atauako kamero napatari ākorike sonakiā? Apia mimari kākiti katxineiroterini auītetiniri Teoso —itxana.

²⁵ Xesosi moianariakori ikara ikenakotakasaakina, itsorīkaātana. Ninoa uākatari katxineiroterinimoni txineiro aua, kotxi Teoso apokaerekatana ninoa, ininiā txineiro isika ninoamoni, ninoa uākatakiti. Ininiā ninoa pimaāri:

—Katxineiroteri maposotakaniāri Teoso tixinemoni isini, kipa posotari iuaā isini? —itxanātana.

²⁶ Xesosi atamatana. Apakapapiretana:

—Kākitika kona posotari. Teoso posotari ikinipoko ikamini.

²⁷ Petro misākiretari Xesosi:

—Atepekana, ate takanapapekari ikinipoko pitekata asini īkapani. Ikara atoko aniniā, kirīpa ate apakapako? —itxari.

²⁸ Ininiā Xesosi:

—Atāopitīkara nitxai hīte. Nota, hītari iaxitikiiri niitopākako auītetxi itopanere nopini. Iuasaaki ikini itixiti amaneri itxauako. Ikinipoko atamatanoko nota hītari iaxitikiiri iotximere. Iuasaaki hīte nisākire kīpitakanii apaka topākako auītetxi itopanere nopini.

Iua iitopaneretxi tosi pakini. Tosi nirimanetxi Isaeo tixine auakani auñteakori hñtxauako. ²⁹ Atxiñti nota ñkapani pitakanapari paapoko, pitariakori, pitaroakoro. Atxiñti nota ñkapani pitakanapari piri, pinoro, pamarite. Atxiñti pitakanapari pikikiote nota ñkapani. Ikara pitakanapakasaaki nota ñkapani, apiata papakapariko. Itori papakapariko. Ikara atoko pininiã nota ñkapani, ãtipirika paua Teosokata. ³⁰ Itori kãkiti apiarini uatxa, itixi xipokini õtisaaki poiãorini itxapekauana. Uatxa itori kãkiti poiãorini, apiarini itxapekauana itixi xipokini õtisaaki —itxa Xesosi sãkire.

20

Ova Takakoriãtaã Parĩkauatakani

¹ Xesosi txari:

—Teoso auñtetxi ininiua ia kakikioteri atoko itxa. Ia kakikioteri takapekari txipokori ova inakoro ikikioteẽ. Ovanoka itaka. Oiõpeka onakasaaki, iua kakikioteri potorika ñkanõkapanika. Initari parĩkauatakani ova amakani ñkapani. ² Aõkitakasaakina, ipimaãna: “Hinierekatari parĩkatxi?” itxa.

—“Ari, anirekapitikari,” itxana.

—“Atauako ãtoka txineiro ota pirata kamakori apakata ãti õti pokamara piparĩka ñki ñkapani?” itxana.

—“Ari, apakatapitika,” itxana. Kotxi ãtoka ota pirata kamakori iuasaaki atão parĩkatxi ñki ãti õti pokamara kãkiti parĩkauatini ñki. Ininiã itakaremoni iokanatana iparĩkauatinina ñkapani.

³ —Novi oarape inakasaaki iuañkana ipotorika. Nipokori vñtxitikoãtaãmoni isa. Iuaã atamatana kãkiti maparĩkauatakani. ⁴ Ininiã imisãkiretana: “Hñte apaka atxiñti nirekatari hñparĩkauatini nitakareãtaã, ininiã niñkitxitai atão inakari hñparĩka ñki,” itxa. Ininiã ninoa apaka sari.

⁵ —Apaniãxitipeka inakasaaki iuañkana iokanatana apanakini parĩkauatakani itakaremoni. Itinñtikitakasaaki iuañkana iokanatana apanakini parĩkauatakani itakaremoni. Mitxi isãkire atokokana itxa isãkire ninoamoni. ⁶ Mapiãnikata takotepeka inakasaaki iuañkana isa parĩkauatakani inisini. Apokapanikana maparĩkauatakani. Ipimaãna: “Kinirepa ia õti maparĩkauatanika hñtxa?” itxana.

⁷ —“Kotxi kona kãkiti sikaua parĩkatxi,” itxarina.

—“Nitakareãtaã hñsa. Iuaã hñparĩkauata. Hñte apakapariko hñparĩka ñki erekari,” itxana.

⁸ —Ñkanõkapeka inakasaaki kakikioteri akiritari initari apiari: “Parĩkauatakani pakirita. Piñkitxitana. Merepanika piñkitxitana kikata parĩkauatakani. Eereka piñkitxitana tinñtikita parĩkauatakani, pitxaãpotako,” itxari.

⁹ —Kikata parĩkauatakani imakinikana apakapari ãtoka txineiro ota pirata kamakori.

¹⁰ Kikiãkini ñkanõkapanika parĩkauatakani ikara itikasaakina, oãkatarina: “Ate apakaparako apiatako aparĩka ñki,” itxamana. ãtoka txineiro ota pirata kamakoro imakinikana apakapana. ¹¹ Txineiro apakapakana atoko, omanãkarauatana. “!Erekari kakikioteri,” itxanãtana.

¹² Ininiã ninoa txari iua: “Naia kikata parĩkauatakani poiãoka iparĩkauatana. ãto oaranoka iparĩkauanãtana. Ate parĩkauata ikiniõtika kapatakariã. Ate parĩkauatapitipo, txamari pite ikitxitaua ate naia piñkitxitini atokokana. Kona erekai,” itxarina.

¹³ —Iua kakikioteri apakapapiretana: “Nitiretakini, kona nota misirienetai hñte. ñkanõkapanika nipimaãni: ‘Atauako ãtoka txineiro ota pirata kamakori apakata ãti õti pokamara piparĩka ñki ñkapani?’ nitxai mixikanani. Ininiã hñte: ‘Ari, apakatapitika,’ hñtxa. Ininiã na nimisirienetai hñte. ¹⁴ Ininiã txineiro nisikakito hanikaika. Haãpokomoni hñsipeka. Nota nirekari niñkitxitinina hñte tikini parĩkauatakani hñte niñkitxitini iaõka. ¹⁵ Atauako kona erekari nota txineirote ninirekakitimoni nisikini? Hñte xikotano, erekari nikamini xika,” itxana ninoa.

¹⁶ Xesosi xipokari isãpirena:

—Itori kãkiti apiarini uatxa, itixi xipokini õtisaaki poiãorini itxapekauana. Uatxa itori kãkiti poiãorini, apiarini itxapekauana itixi xipokini õtisaaki. Teoso aiatana kaiãopokori kãkiti itixine isinina ñkapani, txamari poiãonoka iua mereẽ —itxa Xesosi.

Iuañkana Xesosi Sãpiretari Ipinini

(Marko 10.32-34; Arõkasi 18.31-34)

¹⁷ Xesosi Xerosareẽmoni ikimaporitakasaaki, akiritana imoianariakori. Ninoanoka imisãkireta.

¹⁸ —Hñkenakotari nisãkire. Xerosareẽmoni asako. Iuaã nota hñtari iaxitiki mñkapiritaãkako. Sasetotxi auñteakori, kaiõkatsoparerini pakinimoni nisikaãkako, ininiã ninoa apotiitaua. Iuasaakiko ninoa txari: “Okaãkapitikako.” ¹⁹ Eereka ninoa sikano Xoteo minakonimoni.

Ninoa napetano. Ixirokitatanona aãpitsaã. Iposo atoko aamina İpiriãmitakariã tokakita ninaãkako, oka itxanonako. İpi äti ötsaaki nõkitikauako, iuaİkana aua nitxako —itxa imoianariakorimoni.

Txiako, Xoõo Pakini Amanaãkiti
(Marko 10.35-45)

²⁰ Eereka Sepeteo İtanoro apoka Xesosimoni. Ominana imi Txiako, Xoõo pakini. Ninoa Txiako, Xoõo pakini Xesosi moianariakori. Okapotoreẽkaua iua apisatoõ.

—Atauako ninirekakiti pikaminano? —otxari.

²¹ —Kİpa pinireka? —itxaro.

—İkinimane auİte pinakasaakiua, ninirekari naia İpi namariteni auİtetxiakori ininiãuana pitekata. Pauiritatana pitekata İtopãkinina, äti pikikomoni inini, äti pisaneremoni inini? —otxari.

²² Ininiã Xesosi apakapapiretana ninoa:

—! Hİmarotari hamanaãkiti. Mapaõti napa atoko iteene nimisiritaãkako. Atauako İİposotatari hãtatsiitniri notakata? —itxana ninoa.

—Aposotapitika —itxarina.

²³ —Atãopitikara hãtatsiirauata notakata, txamari kona notani mereẽna kãkiti nikikomoni, nisaneremoni topãkakani İkapani. Nirira mereẽpekana ninoa kãkiti notakata topãkini İkapani —itxana.

²⁴ Apanakini Xesosi moianariakori kenakoenetari Txiako, Xoõo pakini amanaãri Xesosi auİtetxi ininiuana İkapani, ininiã omanatana. ²⁵ Ininiã Xesosi akiritana ninoa imakinikana iuamoni.

—Hİmarotari Xoteo minakanıua auİteakori paniãtari kãkiti İkinika auİteakori nireẽkiti ikaminina İkapani. Kona atão itiretana kãkiti. Kãkiti kona kamari auİtetxiakori mauir-itakinıti. ²⁶ Kona ninoa auİtetxiakori atoko ! hİtxape. Atão apiari pinıniua pinirekiniã, pımoianatariko apanakini. ²⁷ Apanakini auİte pininiã pinirekiniã, nitiritxi pİtxauako merepanika. ²⁸ İkara atoko nitxa nota hİtari İaxitiki İkorapokoriti napokasaaki. Ninitiri ! auari. İkorapokoriti napoka, kãkiti nitiri nininiua İkapani, kãkiti nitiretini İkapani. İkorapokoriti napoka nipinini İkapani, kaiãopokori kãkiti mapınakani İkapani, kotxi nota İİkitxirauata ninoa mapınakani İkapani —itxana ninoa.

İpi Mõsiãreni Xesosi Makananitini
(Marko 10.46-52; Arõkasi 18.35-43)

²⁹ Xerikoo sitatxiti İpotorikasaakina, itomaneri kãkiti sari Xesosikata, imoianariakori pakinikata. ³⁰ İuasaaki İpi mõsiãreni topãkanãta kimapori tiniãpo. Xesosi napaãpotini İkenakotakasaakina, akiritana:

—Apıananiri, aãuİte Taviini apika mekanirii, pıamonİkaua ate —itxarina.

³¹ Kãkiti iuaã pınıtana:

—Hımaãtako —itxana.

Txamari apiata akirikatana:

—Apıananiri, aãuİte Taviini apika mekanirii, pıamonİkaua ate —itxarina.

³² Ininiã Xesosi İotoka. Akiritana ninoa mõsiãreni. Apokana iuamoni.

—Kİpa hinireka nikaminii hİte? —itxa.

³³ —Apıananiri, aİtikapokotini anireka.

³⁴ Ininiã Xesosi amonİkana. Okina nopini itakari iuako. İuasaakipeka kõsiãrepekana, sa itxana Xesosikata.

21

Xesosi Xerosareẽ Apokaãpotini
(Marko 11.1-11; Arõkasi 19.28-40; Xoõo 12.12-19)

¹ Xesosi imoianariakorikata imatokoãpotari Xerosareẽ. Apokana Petxıpaxee inakori aapokotxiti, õtanoxiratarı takote Orıva inakori xıratamoni. İuaã Xesosi İokanatana İpi imoianariakori aapokotximoni.

² —Hİsa ikiraã kaixiti auakari aapokotxitiã. İuaxiti hãpokasaaki, hãpokaroko xomẽta İaxiriãkoro oimikata. Hİkoxirikana. Uaimoni mına hİtxanako. ³ Äti misãkiretakasaakii: “Kınirepa hİkaxirikatarı pırãtxi?” Ininiã hİte: “Apıananiri nirekana,” hİtxako. Ininiã iua auirıtai himininina —itxana ninoa.

⁴ Kitxakapırİka Teoso säkire säpiretakari säpiretpekari ikara atoko inakari. Ininiã iua säpiretakiti kitxakapırİka atão inakari apokapeka. ⁵ İua txari: Hİtxariko Xerosareẽ auakanımoni: “Hãtamata. Hİauİte apokaãpota hİtemoni. !Kaneenamari.

Xomẽta nopini İitopãkanãta. Xomẽta äkiri nopini İsaãpota,” hİtxako ninoamoni, itxa Teoso säkire säpiretakari kitxakapırİkapeka.

⁶ Ininiã Xesosi moianariakori sari. Ipaniãtakiti iaõka ikamana. ⁷ Ininiã iminaro xomêta oimikata. Itakarina imãkana inopinina Xesosi topãkini ikapani. Ininiã Xesosi topãka xomêta ãkiri nopini. ⁸ Itomaneri kãkiti katamêkari imãkana kimapori ãpo. Apanakini sauakari aãxike. Ikasiñkaxikeãpotarina aãxike kimapori ãpo. Ikara atoko ikamana, Xesosi paxitiko oerekinina ikapani. Imãkana nopini, aãxike nopini, xomêta napaãpota. ⁹ Kãkitipokoni ãkiikakani. Kãkitipokoni Xesosi tikini ikani. Imakinika saãpotakasaakina, akirikatana:

—Peerekari Tavii apika mekaniri. Teoso posotirekata ikari, Teoso nireêkiti kamakari iua. Teoso sikariko erekari iuamoni. Peerekari Teoso, iaxiti apiko nopinixiti auakari. Apiananiri itxaua —itxããpokatana.

¹⁰ Ininiã Xesosi apokapeka Xerosareê. Iuasaaki ikinimane Xerosareê auakani tsorikaãta. —Kirinapanipa ikira kiki inatari? —itxanãtakakana.

¹¹ Kãkiti Xesosikata ikani sãpiretana:

—Xesosikara ikira. Teoso sãkire sãpiretakari, ikira. Nasaree sitatxitikiri, Karirêia tãpa auakari ikira —itxana.

Pirãtxi Vêxítakani Omitikiko

(Marko 11.15-19; Arókasi 19.45-48; Xoão 2.13-22)

¹² Xesosi ãroã aiko ãki Teoso misãkiretikoãtaã. Omitikenatana tiitxi vêtxitakani. Amoti-itakani Teoso misãkiretikoãtaã auakani omitikenata. Ikitakari txineiro vêtxitakani mesate. Kamao vêtxitakani topãkini apaka ikitaka. ¹³ Xesosi misãkiretana:

—Teoso sãkire iõkatsopatakori txari:

Ia naapoko, “Teoso misãkiretiko aikoti” akiritaãkako, itxa. Txamari hite txikitakari ia aiko kãtiririni iomaãtiniãtaã ininiua —itxa Xesosi.

¹⁴ Mokirini, kãkiti matupokotakani pakini apoka Xesosimoni Teoso misãkiretiko aikotiã. Erekapeka itxikitakana ninoa. ¹⁵ Iuasaaki amarini Teoso misãkiretikoã auakani iteene akirikata:

—Peerekari aãuïte Taviini apika mekaniri —itxanãtana.

Sasetotxi auïteakori, kaiõkatsoparerini pakini itikari Xesosi posotiire, kãkiti erekapeka itxikitakani. Ninoa kenakotari amarini akiritakiti:

—Peerekari aãuïte Taviini apika mekaniri.

Ininiãkara ninoa omanãkarauata. ¹⁶ Ininiã imisãkiretarina Xesosi:

—Pikenakotatari ikara amarini akiritakiti? —itxana.

—Nikenakotapitikari. Hite atatsopatapekari ia Teoso sãkire iõkatsopatakori:

Ãtokoriakori, amarini pakini, ninoapeka apaka txariko: “Peerekari iua,” itxanako, itxa Teoso sãkire iõkatsopatakori. Ininiã Teoso sãkire iaõka ninoa kamanãta. Ininiã erekapitikari ninoa akiritakiti —itxa Xesosi.

¹⁷ Iposo atoko itakanapana. Ìkorape itxa. Itakanapari Xerosareê. Isa apokotximoni Petãnia inakorimoni. Iuaã itxiaka.

Piko Mina Marito Pirena

(Marko 11.12-14, 20-25)

¹⁸ Katimatinikata iuaikana Xesosi sari sitatximoni. Ipixinipokoriti inatxita. ¹⁹ Atamataro piko mina kimapori itiniãpo. Isa oamoni txipokori itximini ikapani. Txamari otsopanani auaro. Iuasaaki itxa:

—Kona kariikaiko —itxaro.

Iuasaakipeka otxiaroka.

²⁰ Imoianariakori ikara itikasaakina, itsorikitaãtana.

—Ì natokopa otxape katimari otxiarokini? —itxanãtana ninoa.

²¹ Ininiã Xesosi:

—Atão nisãpiretai. Teoso sãkire hãuikiniã, hite posotari hãkaminiri mixikanani nikamakiti atoko inakari. Piko mina txiarokini nitxikitakini atoko, hãposota hãkamini. Teoso sãkire iteene hãuikiniã, apiata hãkamako. Hãposotamariko hãpaniãtiniri ikira ixirata: “Põkitikaua. Ipoamoni oka pitxaua.” Iuasaakipekamako ixirata ipoamoni oka itxamauako. ²² Pite atão pauikiniãri Teoso sãkire, iua pimisãkiretakasaaki, ikinipoko pamanaãkiti Teoso sikai —itxa Xesosi.

Xesosi Paniãtakari Moerekakoni

(Marko 11.27-33; Arókasi 20.1-8)

²³ Xesosi ãroã Teoso misãkiretiko aikotiã. Kãkiti oerekasaaki, sasetotxi auïteakori, kiomãtxiakori pakini apaka iuaã. Ipimaãrina Xesosi:

—Kipaniãpa pikamari ãkora pikamakiti? Kipa paniãtai? —itxarina.

²⁴ Ininiã Xesosi:

—Nota apaka pimarauatako hãtemoni. ãtinoka nipimaãiko hãte. Nota pimaãkitiko hãtemoni hãsãpiretiniãno, nota apaka sãpiretai hãte hãpimaãkiti notamoni, ininiã nisãpiretai

nota paniātakari uāka apaka. ²⁵ Ia nipimaāi hīte: “Kīpa paniātari Xoōoni ipatxisarauatini? Teosokani paniātari Xoōo? Kākitikani paniātari Xoōo?” —itxana.

Ininiā ninoa misākiretakakaua:

—“Teoso paniātari,” aniniā, “Kinirepa kona hāuikatarī isākire?” Xesosi txamaua eereka.

²⁶ “Kākitira paniātari Xoōo,” aniniā, apanakini omanatamaua, kotxi ninoa uākatari Xoōo Teoso sākire sāpiretakari ininiua.

Ikara atoko itxana imisākiretakakinuana. ²⁷ Ininiā apakapapiretana:

—!Aimarotari iua paniātakari.

Ininiā Xesosi:

—Nota apaka kona sāpiretai nota paniātakari uāka.

Iri Sākire Kīpitakari, Iri Sākire Makīpitakati Pakini

²⁸ —Hīxinikariko ia nisāpiretakitiko: Kiki auari ipi imi. Akiritari anekari. “Namarite uatxa piparikauata nitakare ova auiniātaā,” itxari imi.

²⁹ —Ininiā imi anekari: “!Nisapani. !Ninirekari nīparīkauatini,” itxari. Eereka ixinikaxitināta. “Ari, nisapitikako,” ininiā isa iri takaremoni.

³⁰ —Iua kiki akiritari imi maneritakari. Ipaniātari iua atokokana. Iua imi: “Ari, nisapitikako.” Txamari, !sari.

³¹ —Ininiā !kiripa kamatarī iri paniātakiti? —itxa Xesosi.

Ininiā ninoa kiomātxiakori, sasetotxi auiteakori pakini apakapapiretari:

—Anekariara.

Ininiā Xesosi:

—Atāopitika nisāpiretai hīte. Kītiriri apokako Teoso auitexi ininiātaāua hīte apisapanika. Kanokarero apokako Teoso auitexi ininiātaāua hīte apisapanika. ³² Kotxi Xoōo kapatxisarineri apoka hītemoni. Oerekai erekari kimaporiti. Txamari kona hīte auikari isākire. Kītiriri, kanokarero pakini auikari isākire. Iuasaaki hīmarotari ninoa maerekati kamakani takanapiniri imaerekanina. Ikamarina erekarinoka. Hīte itikapekari. Txamari hīte kona takanapari himaerekani. Kona hāuikari Xoōo sākire, ininiā iua kiki sākire makīpitakati atoko hītxa, kotxi hīsākire: “Akīpitapitikari Teoso sākire,” txamari kona hīkīpitari —itxa Xesosi.

Parīkauatakani Maerekani

(Marko 12.1-12; Arókasi 20.9-19)

³³ —Āti sāpirenatxi atāo inakari oerekiko nisāpiretai. Hīkenakota —Xesosi txana.

—Kiki kakikioteri takaro txipokori ova inakoro. Ovanoka itaka. Iposo atoko ipiriketaro. Eereka iuaātaā ikamari ova katsonakiko. Iposo atoko ikamari aapokotxi ōtanori, ikinipoko itakare atamatini ikapani. Iposo atoko iikītxitana kikiākini itakare nīkatakani ikapani. Ininiā ninoa nīkatari itakare. Eereka kakikioteri sari āti itixiti. ³⁴ Ova manapi inakasaaki, iokanatana inītiriakori itakare nīkatakanimoni, ova apakapinina ikapani.

³⁵ —Txamari, ninoa maīkapena inītiriakori. Ixirokītatarina āti. Okapirina āti. Āti kai soroā ikiporonakana. ³⁶ Iuākana iua kakikioteri iokanatana inītiriakori. Iuasaaki ito iokanata. Mitxirini atokokana itakare nīkatakani txapena ninoani. ³⁷ Eereka imapotōkire iokanatarī imi ninoamoni. Iuākatari: “Namarite iua, ininiā ninoa paxitari iua,” itxa.

³⁸ —Txamari, imi atapakasaakina, imisākiretakakana: “Erepani imi. Maōkari, ininiā okinika itakare kaikotināua atemoni.” ³⁹ Ininiā imaīkarina imi. Kikio xiripirexiti anīkarina. Iuaā oka itxapirina.

Ininiā Xesosi pimaāri kākiti iua takote auakani:

⁴⁰ —Ininiā iua kakikioteri ikasaaki, kiātokopa itxatanako ninoa kikiākini? —itxa Xesosi.

⁴¹ Ininiā ninoa iua takote auakani apakapapiretari:

—Kakikioteri okanako ninoa maerekati kamakani. Iikītxitanako apanakini itakare nīkatakani ikapani, ininiā ninoa sikapītikaroko ova oiōkasaaki —itxarina Xesosi.

⁴² Ininiā Xesosi:

—Hīte atatsopatapekari ia iōkatsopatakori Teoso sākire:

Kai aapokotxi kamakani kona nirekari āti kai soro. Iua kai imanirekakiniti kai apiari itxapekua. Apanakini kai soro maīkakari itxaua. Teosokara txīkitakari ikara atoko inini. Ikara peerekari atemoni.

Nota hītari iaxitiki iua kai atoko nītxaua. Peerekari Teoso, kotxi nota hītari iaxitiki kākiti manirekakiniti. Teoso txīkitakano nota apiananiri nininiāua.

⁴³ —Ininiā nisāpiretai hīte, Teoso kona hīauite !itxaukauako. Iua mereēriko apanakini kākiti inakītiakori ikapani. Ninoa kamapītikari Teoso nireēkiti. ⁴⁴ Apikomoni Teoso sākire iōkatsopatakori sāpiretāua iua kai apiari atoko inakari. Itxari:

Kākiti iua kai nopini irikasaaki, ikarouata iua. Kai kākiti nopini irikiniā, !lauaika kākiti, —Xesosi txana ninoa.

⁴⁵ Sasetotxi auñteakori, pariseoakori pakini kenakotakasaakiri ikara sãpirenatxi atão inakari oerekiko Xesosi sãpiretakiti, ninoa ! apokaerekatarina isãpirena, kotxi imarotarina ninoa takari nãkatakani maerekani atoko inakani itxauana. ⁴⁶ Ininiã ia xika inirekarina imaãkinirina. Txamari ! imaãkarina, kotxi ipãkarina kãkiti iuaã apotiitakaniua. Kãkitimoni Xesosi atão Teoso sãkire sãpiretakari itxaua.

22

Kiiniri Itanorouatiko Pirena (Arókasi 14.15-24)

¹ Iuaãkana Xesosi sãkirauatakasaaki kãkitikata, isãpiretari sãpirenatxi atão inakari oerekiko. Itxari:

² —Teoso auñtetxi ininiãua ia auñtetxi atokokana. Ia auñtetxi kamari kiiniri imi itanorouatini ikapani. ³ Ipaniãtari initiriakori akiritinina ikemañtxitakini kiiniriã ininina ikapani. Txamari ikemañtxitakini ! inirekari ikiiniriteã isinina. ⁴ Iuaãkana lokanatarari apanakini initiriakori ikemañtxitakinimoni. “Hĩtxanako: ‘Nipokori iposopeka. Nokapekari kema auñte, kema auñte ãkiri pakini. Paĩpepokori. Imakinika niposotapekari. Hĩsapoka kiinirimoni,’ hĩtxanako.” Ininiã ninoa kamari isãkire iaõka.

⁵ —Txamari ikemañtxitakini !imaãkapiretarina. Iparĩkamoni isana. ãtikaka sari kikiomoni. Apanakini sari ãtiãtaã tiitxi ivẽtxitinimoni. ⁶ Apanakinipekana maĩkpena initiriakori, noropata, oka itxapena. ⁷ Iua auñtetxi ikara inakariene ikenakotakasaaki, iteene inaiataua. Lokanatarari isotatoneakori ninoamoni. Ininiã okapena ninoa kokanirini. Iotikapirina ninoa aapoko.

⁸ —Eereka iua auñtetxi akiritana apanakini initiriakori: “Kiiniri namarite itanorouatini pirena iposopeka. Txamari merepitipanika nikemañtxitakini !erekana. ⁹ Iua atoko ininiã, hĩsa ahoaãtaã, kãkiti napanakiniãtaã. Hĩkemañtxitana ikinimane haõkitakini,” itxana ninoa.

¹⁰ —Ininiã isana ahoaãtaã. Ikemañtxitana ikinimane aõkitakini. Apotiitarina kãkiti itanapoko. Maerekani, erekarini pakini apotiitana. Anikana kiinirimoni, ininiã kãkitipokoni xãpoãkata.

¹¹ —Iua auñtetxi atamatana ikemañtxitakini. Atamatari kiki mãkatxi itanorouatikosaaki ieretaãkori mieretaãkati. ¹² Ininiã akiritari iua: “Nimoianari, kiãtokopa piĩroã naapoko, kotxi mãkatxi itanorouatikosaaki ieretaãkori kona pieretaka?” Iua kona kasãkireri.

¹³ —Ininiã iua auñtetxi paniãtari initiriakori: “Himaãkariko. Hĩaxirikariko iuako, ikitinota pakini, anika hĩtxariko mapara. Piãkatximoni hõkariko,” itxana initiriakori. Iuaãtaã kãkiti txiapatiniãtaã, kãkiti akerakitatsiriĩtiniãtaã.

¹⁴ Xesosi xipokapiretari isãpirena.

—Itomaneri kemañtxitakoni. Txamari poiãoka mereẽkoni —itxana ninoamoni.

Homano Auñte Itxititiko Pirena (Marko 12.13-17; Arókasi 20.19-26)

¹⁵ Ninoa pariseoakori sipeka. Eereka apotiitauana. Imisãkiretakakana. Ixinikaxit-inãtarina:

—Anirekari Xesosi kerokiniri isãkire, aãpoñtiniri ikapani. Ininiã kiãtokopa atxatari apimainiri ikerokiniri ikapani? —itxanãtakakana.

¹⁶ Ininiã ninoa pariseoakori paniãtana ãtikaka ninoa oerekakini, apaka ãtikaka Erotxi sãkire auñakani, Xesosimoni isinina ikapani. Ininiã isana iuamoni. Imisãkiretarina. Pariseo sãkire iaõka isãpiretana.

—Koerekareri, aimarotari atãoenepitikara pisãkire. Atãoenepitikara pisãpiretari Teoso nirekiti akaminĩ ikapani. Pite na piãkarauata xatiki kãkiti sãkire xika. ãtinoka pisãkire pisãpireta ikinakariti kãkitimoni. Apanakinimoni pisãpiretakiti iuatxikana pisãpiretari apanakininapemoni. ¹⁷ Ininiã pisãpiretaua. Atãokani txineiro asikini Homanoakori auñtemoni, Sesa inakorimoni? Apakata amasikakaniri iuamoni? —itxarina iua.

¹⁸ Xesosi imarotari ninoa nirekari ikerokiniri isãkire. Ininiãkara itxana:

—Kinirepa hinirekari nikerokiniri nisãkire? Kona erekai hĩte. Hĩsãkirauatakasaaki, kãkiti erekarini atoko hĩtxa, txamari maerekati hĩkama. ¹⁹ Hõerekano txineiro ota Homano auñte asikini ikapani.

Ininiã iminarona txineiro ota.

²⁰ —Kisanõkapa ia? Kiuãkapa aua uai? —itxana ninoa.

²¹ —Ari, Homano auñte —itxana.

—Ininiãkara hĩsakariko Sesamoni iua nakiti. Hĩsakariko Teosomoni iua nakiti —Xesosi txana ninoa.

²² Ikara apakapapirenatxi ikenakotakasaakina itsorĩkaãtana.

—Paimatireri iua —itxanãtakakana.

Ininiã itakanaparina, sipeka itxana.

Ip̄kari Ōkitikiniua Mauikakoni
(Marko 12.18-27; Arókasi 20.27-40)

²³ Iua ôtsaakepeka âitikaka satoseo apoka Xesosimoni. Satoseo inakoni !auikari ip̄kani iuaikana ôkitikiniua.

²⁴ —Koerekareri, Moisesinira oerekari ia sâkiretxiti: “Kiki meenetipanika ip̄niniã, iua itari takaroko tikinitakoro. Iua itari keene ininiã, itakauâkatari amarini iua itarini ip̄ipekarini uâka,” itxa Moisesini. ²⁵ Setxi itarixiakori aua mitxi ïkorapokoriti. Apia anekatakari ïtaniriuata. Eereka ip̄ipe meenetika, ininiã itari takaro iuani tikinitakito. ²⁶ Iua atokokana iua itari ip̄ipe meenetika. Âti itari iuaikana takaro iuani tikinitakito. Txamari iua atokokana ip̄ipe meenetika. Iua atokokana txaâpota ikinika itariakori. ²⁷ Eereka oa sito apaka op̄ipe. ²⁸ Ininiã ip̄kani iuaikana ôkitikasaakia iuaikana auâki ininina, ïkiripa oïtaniri aua oakata iusaaki? Kotxi ikinimane ninoa setxi itariakori takapekaro oa —itxarina iua.

²⁹ Ininiã Xesosi:

—Hite kerokari, kotxi !himarotari Teoso sâkire iôkatsopatakori. !Himarotari Teoso posotiire apaka. ³⁰ Ip̄kani iuaikana aua inakasaaki, kona ninoa ïtaniriuataika. Teoso nitiriakori iaxitikini atokopeka itxanako. ³¹ Hite !auikari ip̄kani ôkitikiniua iuaikana auâki inini. Atauako kona hâtatsopatapanikari Teoso sâpiretakiti hitemoni? Iara isâpiretai:

³² Apraão, Isaki, Xakoo pakini Teosonekarano nota,

itxa Teoso. Ininiã Apraão, Isaki, Xakoo pakini auâkipanika itxana, kotxi auâki inakani Teosonera iua. Ninoa uatxa auâki inakani, kotxi kona ip̄kani Teosoneni Teoso —itxa Xesosi.

Iusaaki kâkitipokoni kenakotari ikara Xesosi sâkire. ³³ Xesosi sâkire ikenakotakasaakina, itsorikaâtana, kotxi paimatireri Xesosi apakapapiretakiti satoseoakorimoni.

Teoso Paniâtakiti Apiari Akamini
(Marko 12.28-34)

³⁴ Xesosi ïkiteritika apakapapiretari satoseo pimainiri, ininiã satoseo !ipimarauataika. Pariseoakori kenakotari ikara, ininiã apotiitauana. ³⁵ Pariseo, Moisesi sâkire oerekakari, iua nirekamari Xesosi kerokiniri isâkire. Ininiã ip̄imaãri:

³⁶ —Koerekareri, ïkiripa Teoso paniâtakiti apiari txataua? Kipa apiaerekata Teoso nireêkiti akamini? —itxa.

³⁷ Ininiã Xesosi apakapapiretari:

—“Pitiretariko Apiananiri piTeosone, ikinipoko pinireêkitiã, ikini pâkixinireê, ikinipoko pixinikakitiã pakini.” ³⁸ Ikara atoko inakari Teoso merepitipanika paniâtaua akamini. Ia ipaniâtakiti akamini apiari itxaua. ³⁹ Iuaikana Teoso paniâtaua. Ia ipaniâtakiti apaka apiari. Merepanika ipaniâtakiti akamini atoko itxa. “Piteka pitiretiniãua atokotxikana, pitiretariko âti.” ⁴⁰ Iteene atiretiniãri Teoso, iteene atiretiniãri âti, ininiã akamapitikari apanakini Teoso paniâtakiti, Moisesinimoni isâpiretakiti. Iteene atiretiniãri Teoso, iteene atiretiniãri âti, ininiã akamapitikari Teoso sâkire sâpiretakani paniâtakiti apaka —Xesosi txari iua.

Teoso Mereêkiti Tavii Apika Mekaniri
(Marko 12.35-37; Arókasi 20.41-44)

⁴¹ Pariseoakori apotiitapanikaua inakasaaki, Xesosi pimaãna ninoa:

⁴² —Teoso mereêkiti pisâpiretano. Kiripa apika mekaniripa iua? —itxana ninoa.

Ninoa apakapapireta:

—Ari, Taviini apika mekanirira —itxana.

⁴³ Ininiã Xesosi:

—Ikara atoko ininiã, kinirepa Erekari Matamatakoti kamasâkiretari Tavii: “Teoso mereêkiti niauïte itxaua,” ina sâkiretini? ⁴⁴ Kotxi Tavii txari:

Apiananiri misâkiretari niauïte: “Nota kikomoni piitopâkiniritika nixipokariko pimokaiakariakori. Nikamariko ninoa pikiti pitakiniãtaã atoko ininiua,” Apiananiri txari niauïte,

itxa Taviini. ⁴⁵ Ininiã Tavii akiritari Teoso mereêkiti “niauïte.” Ikara atoko ininiã, kiâtokopa itxa Teoso mereêkiti Taviiini apika mekaniri ininiãua? —Xesosi txari pariseoakori.

⁴⁶ Kona imarotarina, ininiã kona kasâkirena ninoa. Ikara eereka kona kâkiti pimarauataika Xesosimoni, kotxi ip̄karina Xesosi imarore.

23

Xoteo Auïteakori Maerekani
(Marko 12.38-40; Arókasi 11.37-54; 20.45-46)

¹ Ininiã Xesosi misäkiretana imoianariakori, itomaneri kãkiti iuaã auakani apaka. ² Ia atoko isãpiretana:

—Kaiökatsoparerini, pariseoakori pakini, Moisesini sãkire oerekakani itxauana. ³ Ininiãra ikinika kaiökatsoparerini, pariseoakori pakini paniãtakiti hikamako, kotxi ninoa sãpiretari Moisesini sãkire Teoso oerekakiti. Ikara erekari. Txamari kona ninoa kamari Moisesini paniãtakiti. Ikara !erekari. Ininiã ninoa kamakiti atoko !hikamape. Kotxi isãkirena erekari, txamari ikamakitina !erekari. ⁴ Ninoa kaiökatsoparerini, pariseoakori pakini, kiki ia atoko inakari ninoa. Ia kiki takari iminani imoianariakori porikiã, txamari iuaka na xatiki nirekari iporikitiniri. Kaiökatsoparerini, pariseoakori pakini, ikara kiki atoko itxana. Ninoa paniãtakiti iua iminani atoko itxa.

⁵ —Pariseoakori kamari erekari apanakini atamatini ikapaninoka, ereka ininana apanakini uãkatini ikapaninoka. Himarotari kãkiti ieretakari Teoso sãkire iökatsopatakori aãkoana xapitikiri ãki. Eereka iaxirikarina iteãtaãna, iuakonotaãna pakini. Ninoa kaiökatsoparerini, pariseoakori pakini takari aãkoana mitari apanakini atamatini ikapaninoka. Paftanori itsarãpe imãkana apanakini atamatini ikapani. ⁶ Kiinirisaaki ninoa nirekari kãkiti potxitiniãtaã iitopãkinina. Aiko ãki Xoteoakori apotiitiniãtaãua inirekarina kãkiti potxitiniãtaã iitopãkinina. ⁷ Apokaerekatarina okapiretikona ipaxitikona kienatxi vëxitiãtaã. Apokaerekatarina kãkiti akiritinina: “Koerekareri” inikona.

⁸ —Txamari, ãtinani hïte oereãkari txaua, Teoso mereëkitira iua. Koerekareri hiniko ! hãuirtapeko, kotxi himakinikara hïtaritakakaua. ⁹ Kona ikorapokoriti auakari “niri,” !hïtxape, kotxi ãtinani aïri auari iaxiti auakari. ¹⁰ Apaka apanakini akiritinii “aãuïte,” !hãuirtapeko, kotxi ãtinani hãuïte. Teoso mereëkiti itxaua. ¹¹ Auïtëtxi pininiua pinirekiniã, apanakini nitiri atoko pitxauako. ¹² Iua “Auïtëtxi nitxaua,” inakari, Teoso txïkitakariko nitiritxi itxauako. Iua “Nitiritxi nitxaua,” inakari, Teoso txïkitakariko auïtëtxi itxauako.

Xoteo Auïteakori Misiritaãkako
(Marko 12.40; Arókasi 11.37-44, 52; 20.47)

¹³ Iuaãkana Xesosi sãkirauata:

—Erepaniko hïte kaiökatsoparerinii, pariseoakorii pakini. Hïsãkire atxiïti erekari, txamari kona hikamari hïsãkire iaõka. Kinirão ïroãkari apisapanika apokotxi tore totakani atoko hïtxa, kotxi hïte iotokakari kãkiti Teoso sãkire atão auikani, ininiãkara hïte iotokakari kãkiti ïroini Teoso auïtëtxi ininiãtaãua. Hïte kona ïroã. Apaka kona hïte auiritana kinirão ïroãkani. ¹⁴ Erepaniko hïte kaiökatsoparerinii, pariseoakorii pakini. Hïsãkire atxiïti erekari, txamari kona hikamari hïsãkire iaõka. Hïte mixirikari tikinitakoro aapoko. Himisirienetana. Teosokata hïsãkirauatakasaaki, itori sãkiretxi hikama apanakini, “paimatirena” inini ikapaninokara. Ikara xika himisiritiko apiatako.

¹⁵ —Erepaniko hïte kaiökatsoparerinii, pariseoakorii pakini. Hïsãkire atxiïti erekari, txamari kona hikamari hïsãkire iaõka. Hïte sari õtakoxiti. Hïpiriãtari kãuããri. Imiriõ õtakoxiti hïsa, hïsãkire auikakari hinitini ikapani. ãtinoka hïsãkire auikakari auiniã, iuaritika hïsa iuaxiti. Eereka hõerekari iua ikinipoko himarotakiti. Eereka hïte maerekani xika, iua kiki maerekani apiatako. Isapitika hïtekata maerekani misiritikoãtaã.

¹⁶ —Erepaniko hïte. Mõsiãreni atoko hïtxa, iuaritika hinirekari hõerekiniri Teoso kimapora apanakinimoni. !Hïposotari. Hïte oerekari apanakini ia hïsãkire: “‘Ia nikamapitikako’ pinakasaaki, Teoso misãkiretiko aikoti pakiriãkatakasaaki, pimamakaniãri, kona pimisiritaãkako,” itxa hïte sãkire. Iuaãkana hïte sãkire: “‘Nikamapitikariko,’ pinakasaaki, Teoso misãkiretiko aikoti ãki auakoro oro pakiriãkatakasaaki, pikamapitikariko pikamaenetakiti. Ikara pimamakakanisaaki, pimisiritaãkako,” itxa hïte sãkire.

¹⁷ —Hïte mõsiãreni atoko. Kona kiïketei hïte. Ìkiripa apiari? Orokani? Teoso misãkiretiko aikotikani? Teoso misãkiretiko aikoti apiari, kotxi oa oro aiko ãki aua, ininiã aiko txïkitakaroro oro Teoso nakito oniniãua.

¹⁸ —Hïte oerekari apanakini ia hïsãkire apaka: “‘Nikamapitikariko’ pinakasaaki, Teosomoni sikakori takikoãtaã pakiriãkatakasaaki, pikamaenetakiti pimamakaniãri, kona pimisiritaãkako. ‘Nikamapitikako,’ pinakasaaki, Teosomoni sikakori takikoãtaã nopini takakori pakiriãkatakasaaki, pikamapitikariko pikamaenetakiti. Pimamakakanisaakiri, pimisiritaãkako,” itxa hïte sãkire.

¹⁹ Hïte mõsiãreni atoko hïtxa. !Kiïketei hïte. Ìkiripa apiata? Sikakorikani? Sikakori takikoãtaãkani? Sikakori takikoãtaã apiata, kotxi sikakori inopini takikosaaki, iuaasaakipeka Teoso nakitipeka. Ininiã sikakori takikoãtaã txïkitakari sikakori Teoso nakiti ininiãua. ²⁰ Ininiã pisãpiretakasaakiri Teoso pikamaenetakiti, Teoso sikakori takikoãtaã pakiriãkatiniã, iuatxikana iua nopini auakari pakiriãkataka. ²¹ Pakiriãkatakasaakiri Teoso misãkiretiko aikoti, iua atokotxikana pakiriãkatari Teoso, kotxi iua aiko ãki aua.

²² Pakiriuãkatakasaakiri Teoso tixine, ininiã iua atokotxikana pakiriuãkatari Teoso topãkini. Iua atokotxikana pakiriuãkatari Teoso, kotxi Teoso topãkini nopini iitopãka Teoso.

²³ —Erepaniko hïte kaiõkatsoparerinii, pariseoakorii pakini. Hïsäkire atxiïti erekari, txamari kona hïkamari hïsäkire iaõka. Ipxixini hinakiti hïsikari Teosomoni. Tesi hïtii auiniã, hïsikari ãti Teosomoni. Tesi txineiro ota auiniã, hïsikari ãto Teosomoni, hïtxaãpota. Ikara hïkamakiti erekari. Nipokori koke, oteraã, erva tosi, komïnio, axapitikiiri inakari, iuaritika ipixini hïsika Teosomoni. Ikara Teoso paniãtakiti hïkamapitika. Txamari, Teoso paniãtakiti apiari !hïkama, kotxi !hïkamari atão apanakinimoni. !Hiamonïkana apanakini. Hïkamaenetakiti !hïkama. Ikinika Teoso paniãtakiti hïkamako. ²⁴ Mõsiãreni atoko hïtxaua, iuaritika hinirekari hõerekiniiri Teoso kimapore apanakinimoni. !Hïposotari. Himakatzakaro xikiri iãriã ãki komokakaro, txamari hïxirapoataro kamero, kotxi Teoso paniãtakiti poiãori hïkama, txamari ipaniãtakiti apiari kona hïkama.

²⁵ —Erepaniko hïte kaiõkatsoparerinii, pariseoakorii pakini. Hïsäkire atxiïti erekari, txamari kona hïkamari hïsäkire iaõka. Hõeretari hïtto maparakiri, txamari hãkixinireë !erekari. Papotxinanii, patirenanii, païtirii. ²⁶ Hïte pariseoakorii, mõsiãreni atoko hïtxa. Merepitipanika himakatzakariko maerekati hãkixinire auakari, ininiã hïtto erekatxikana. Hãkixinire eureka ininiã, hïkamakiti eureka apaka.

²⁷ —Erepaniko hïte kaiõkatsoparerinii, pariseoakorii pakini. Hïsäkire atxiïti erekari, txamari kona hïkamari hïsäkire iaõka. Kai auïte iriko, ipïkari takikoãtaã atoko hïtxa. Mapara txïta kasarori minapaãkapeka, ininiã mapara peerekari. Txamari, iriko ãki ipinakari api, arakapoakataraki aua. ²⁸ Iua atokokanera hïtxa. Kãkiti uãkatai hïte atão inakarinoa kamakani hininiua, kotxi hinopini ererini hïtxaua. Txamari, hãkixinire !erer, kotxi maerekatinoka hïkama. Hïsäkire atxiïti erekari, txamari kona hïkamari hïsäkire iaõka —itxa Xesosi säkire.

Xoteo Auïteakori Misiritiko
(Arõkasi 11.47-51)

²⁹ Iuaïkana Xesosi säkirauata:

—Erepaniko hïte kaiõkatsoparerinii, pariseoakorii pakini. Hïsäkire atxiïti erekari, txamari kona hïkamari hïsäkire iaõka. Hïkamari akauari Teoso säkire säpiretakanini ïkapani. Peereri akauari hïkama. Hïkamari akauari ipïkani atão inakarinoa kamakani ïkapani. Txïta himinapa akauariã. Aãui hïtaka iuaãtaã. ³⁰ Hïtxari: “Kitxakapirïka aãtokiriakorini okana Teoso säkire säpiretakani. Atepitika auaãkamako iusaaki, konimako ate okana ninõa,” hïtxa. ³¹ Teoso säkire säpiretakanini okakani mekaniriakori hïtxaua hïte. Kotxi hïtekara txari: “Aãtokiriakorini okana Teoso säkire säpiretakani.” Hïte maerekati kamakani ninõa atokokana hïtxa. ³² Hãtokiriakorini mipotorikari Teoso säkire säpiretakani okinina. Hïte xipokapanikanako ãtikaka kaikotakani Teoso säkire säpiretakani.

³³ —Imini atoko hïtxa. Imini anaakori atoko hïtxa hïte. Himisiritããkapitikako maerekani misiritikoãtaã. Himitekini !auari. ³⁴ Ininiã nisãpiretai hïte. Niokanatanipakari hïtemoni Teoso säkire säpiretakani, Teoso iokanapirena imarotakani, koekarerini pakini niokanata hïtemoni. Txamari ãtikaka hõka, aamina ipiriãmitakari nopini hïtokakitana apanakini. Apanakinipekana hïxirokitata aiko Xoteo apotiitiniãtaãua. Eereka hãsikatikinitana ninõa ãti sitatxitimoni sikani, eereka ãti sitatxitimoni, eereka ãti sitatxitimoni hïtxaãponãta ninõa hãsikatikinitini. ³⁵ Ininiã hïte misiritããkako ïkinika atão inakari kamakani okiko xika. Kitxakapirïka Apeo inakorini okapeëka. Atão inakari kamakari iua. Ikinimane okapekoni tikinimoni okapeëka Sakariani, Parakia ãkiri. Iua Sakariani okapeëka sikakori takikoãtaã takete Teoso misãkiretiko aikoti ãki. ³⁶ Atãopitikara nisãpiretai hïte. Kãkiti uatxa auakani apakapariko misirikaretxi ninõa eekarini okapekoni xika —itxa Xesosi säkire.

Xerosareë Xesosi Tiretini
(Arõkasi 13.31-35)

³⁷ Iuaïkana Xesosi säkirauata:

—Xerosareë auakanii, Xerosareë auakanii, hïte okapekana Teoso säkire säpiretakani. Kai soroã hïkiporonakana ninõa hïtemoni Teoso iokanatakini. Kaiãokatanii ninirekamari ninikatini, patari oimiakori omïkita patapi otakini atokokana nitxanakamaiko hïte. Txamari !hãuiritano nota nïkatini. ³⁸ Ikara atoko inakari xika haãpoko asikaãkako. Teoso !auaika hïtekata. ³⁹ Nisãpiretai. Ia õti hãtamatanõ, eereka !hãtamataikano. “Teoso takari erekari uaimoni ïkarimoni, Apiananiri posotiireë ïkarimoni,” hinakasaaki, iusaakinanirako hãtamatanoko nota —itxa Xesosi.

¹ Teoso misäkiretiko aikoti Xesosi potorikasaakipeka, imoianariakori apoka iuamoni.

—Patamata. Peerepokori aikoniri —itxarina.

² Ininiä Xesosi:

—Ari, hâtamatatari ere aikoniri? Atâopitikara nisâpiretai hîte. Koniko kai kaikotapani âti kai nopini. Imakinika kai irikaâkako —itxana.

Misirikaretxi Apokaenetini

(Marko 13.3-13; Arókasi 21.7-19)

³ Iposo atoko Xesosi sari oxiratarimoni, Oriva inakorimoni. Iuaâ topâka itxa. Imoianariakori sari iuamoni. Ninoanoka auari iuaâtaâ.

—Pisâpiretaua kirisaakiparako aiko Teoso misäkiretiko irikataâkako. Natokopa ininiâparako ate imarotatari pite kaiama kanapirikape pinini? Natokopa ininiâparako aimarotatari itixi xipokini ôti kaiamapeka inini ôti? —itxarina Xesosi.

⁴ Ininiä Xesosi:

—Erepaniko. ! Hâuiritapena apanakini misirienetini. ⁵ Kotxi apokako kâkiti itomaneri “Teoso mereëkiti nitxaua nota,” inakani. Ninoa misirienetana itomaneri. ⁶ Hîkenakopiretariko neenamatzî ene uaimoni, ôtakoxiti apaka. Iuaritika ! hîpîkarauatape. Kotxi auapitikako neenamatzî. Txamari itixi xipokini ôti ! apokapanika. ⁷ Ikara inakari apisapanika, âti uâka neenamauatako âti uâkakata. Apanakini auite inirimaneakata neenamauatako apanakini auitekata inirimane pakinikata. Âtiâtaâ kâkiti inkoriârîko natxi. Âtiâtaâ amianari inokanako kâkiti. Âtiâtaâ itixi iakeêkatakata. ⁸ Ikara atoko itxako misirikaretxi potorikini. Sito amarini tsii atoko itxako iuaasaaki.

⁹ —Iuaasaaki hîte maîkaâkako, himisiritiko îkapani. Iposo atoko oka hinaâkako. Nisäkire hâuikini xika ikinimane omanatako hîte. ¹⁰ Iuaasaaki itomaneri ! auikaikari Teoso sâkire. Itakanapapekarina Teoso kimapore. Imîkapiritakakanako. Omanatakakanako. ¹¹ Apokako kâkiti “Nota Teoso sâkire sâpiretakari nitxaua,” inakari. Txamari kona atâo. Ninoa misirienetanako itomaneri kâkiti. ¹² Kâkiti tiretiko poiâotako, kotxi maerekanitxi iarikako ikini itixitimoni. ¹³ Iuaasaaki kâkiti mîteenekiniârî misirikaretxi, imatakanapanakiârî Teoso sâkire, auapikako âtipirika Teosokata. ¹⁴ Teoso iokanapirena erekari, Teoso auîtetxi ininiâua, sâpiretaâkako ikini itixiti auakani, ikini kâkiti imarotini îkapani. Ikara inakari auâka atokoikarako itixi xipokini ôti apokako.

Iteene Maerekanitxi Apokini

(Marko 13.14-23; Arókasi 21.20-24)

¹⁵ Xesosi sâpirenauatapanika:

—Hîte itikariko iteene maerekatî kamakari timini aiko Teoso misäkiretiko âki. Kîtxakapirîka Tanieo inakori, Teoso sâkire sâpiretakari, sâpiretapekari ikara ene. Hîte ia atatsopatakani, himarotariko ikara. ¹⁶ Ikara atoko inakari hîtikasaaki hîte İkorapokoritî Xotéia auakani, oxiratarimoni himitekako. ¹⁷ Ikara ôti apokasaaki haâpoko nopini hâuiniâ, katima hîtxako himitekini. !Apakata haâpoko âki hîti himakatzakini. ¹⁸ Kikio hîparîkuanâtakasaaki, haâpokomoni ! hîkanapiripe himâka hâpini îkapani. ¹⁹ Ikara ôti apokasaaki, kamixironi, kaxitakareroni pakini iteene atatsiitariko. Pasâpaniri ninoa mitekini. ²⁰ Hamanaârîko Teoso katxîkareri mauakani himitekini ôtisaaki. Hamanaârîko tomatiko ôtisaaki ikara inakari mauakani îkapani. ²¹ Kotxi ikara mitekatzî ôtisaaki kâkiti iteene atatsiitariko imisiritiko. Ikara ôti apisa kâkiti ! imarotari iteene imisiritiko. Itixi kamikosaakipanika ! auari ikara atoko inakari misirikaretxi. Ikara mitekatzî ôti napaâka atoko kâkiti ! imarotaikari iteene imisiritiko. Ikara ôti apiatako kâkiti misiritiko. ²² Teoso poiâotakari iua ôti ikinipoko kâkiti mapinakani îkapani. Ito ôti ininiâ, kâkiti ! auailka. Ipoiâotakari iua ôti, kotxi itiretana kâkiti imereêkini.

²³ —Iuaasaakiko âti: “Ia kiki Teoso mereëkiti aiâtapakiti inakari,” inakasaakii, !hâuikapiri. Âtipekana: “İkira Teoso mereëkiti inakari,” inakasaakii, !hâuikapiri. ²⁴ Kotxi apokako kâkiti paxirari kamakari, “Teoso mereëkiti hiâtapakitino nota,” inakari, “Teoso sâkire sâpiretakari nitxaua nota,” inakari. Ninoa kamariko posotîiretxi kâkiti tsorikitaâtini îkapani. İnirekarina kâkiti Teoso mereëkini imisirienetinina. ²⁵ Hîkenakota. Nôtâkikai hîte ikara inakari apokini ôti apisa.

²⁶ —Hîte sâpiretikosaaki: “Hîkenakota. Teoso mereëkiti aiâtapakiti âparaâ makipakaniâtaâpekarari,” hinikosaaki, !hîsipe iuaâ. Hîsâpiretikosaaki: “İrîko âkirari iua,” hinikosaaki, kona hâuikapiri. ²⁷ Kotxi nota hîtari iaxitikiri nikanapiriâkasaaki, İkara atokoni nitxa. Mêkokari atoko itxa nota hîtari iaxitikiri nikanapiriâkasaaki, kotxi mêkokari atokatxi pokîkinimoni imêkoka, isapitipo atokatxi ereêkokinimoni, ininiâ ikinimane itikariko. Iua atokokana nota hîtari iaxitikiri napokini. İkinimane itikanoko nota. ²⁸ Aâtamatakasaakiri

maiiori apotiitiniua, aimarotari ipikari iuaātaā auini. Iua atokokana nota kanapiriākasaaki, ikinimane imarotari napokini.

Kākiti Itari Iaxitikiri Kanapiriini
(Marko 13.24-27; Arókasi 21.25-28)

²⁹ Xesosi sāpirenauatapanika:

—Apikomoni nisāpiretai nikanapiriini pirena. Iua inikoriākori napaka atoko, atokatxi piākako. Kasiri kona ponikaikako. Iōriki iaxitikero irikako. Iaxiti iōriki auiniātaā auakari iakeēkatakako. ³⁰ Iuasaaki Teoso takaōtxikare auako iaxiti, nota hītari iaxitikiri kaiamapeka uai nikanapiriini himarotini ikapani. Ikara atoko inakasaaki, ikini kākititi itixi auakani txiapatakako, kotxi ninoa atapanoko nota kākiti itari iaxitikiri katxiāri āki nikatxakaāpotini. Nitapararitika napaōkatakako, kotxi ikinimane auite nitxauako iuasaaki. Niotximerekata nikatxakaāpota. ³¹ Okenakotaākako koitxi mitaro, trōpeta inakoro. Iuasaakipekako niokanatanana ninitiriakori itixi iaōka kākiti Teoso mereēkini apotiitakani ikapani.

Piko Mina Pirena
(Marko 13.28-31; Arókasi 21.29-33)

³² Xesosi sāpirenauatapanika:

—Nisāpiretai sāpirenaxi atāo inakari oerekiko, piko mina pirena, nikanapiriini apiata himarotini ikapani. Pooioporipeka onakasaaki, otomorekasaaki, “Kamoī apokanapanoka,” hītxa. ³³ Iua atokokana, ikara misirikaretxi mixikanani nisāpiretakiti hītikasaaki, himarotapekariko nota kaiama kanapirikapeka ninini. ³⁴ Ia nisākire atāo. Itixi auakani ! ixipoka ikinipoko nisāpiretakiti mapokakani apisa. ³⁵ Iaxiti xipokapitikako. Ikoraxiti apaka xipokapitikako. Iuaritika nota sākire lixipoka.

Kākiti !Imarotari Xesosi Apokini Manapi
(Marko 13.32-37; Arókasi 17.20-37)

³⁶ Xesosi sāpirenauatapanika:

—Kākiti !imarotari ikara ōti, nota hītari iaxitikiri nikanapiriini ōti. Teoso nitiriakori iaxitikini apaka ! imarotari ikara ōti. Niraninira imarotari. ³⁷ Nota hītari iaxitikiri nikanapiriākasaaki, kitxakapiriāka Noee auakasaaki atoko itxako. ³⁸ Xirataātxi apisa ikinimane nipokota, iāta itxa. Kiki, sito itaniriuata. Ikara atokokanera itxa Noee maporo āki iereētini ōti. ³⁹ Ikara apisa !imarotarina ipininina tūkane. Mokatanitika xirataātxi apoka, ikinikana xipoka itxana. Nota hītari iaxitikiri nikanapiriākasaaki, iua atokokanerako itxa, ininiā iposope hītchako.

⁴⁰ —Iuasaaki nikanapiriini ōtisaaki, ipi kiki parīkauanāta kiki. Teoso nitiri iaxitikiri anikariko āti, āti kaikota itxako. ⁴¹ Ipi sito atarokiri kamakani, āto anikaākako, āto takanapaākako. ⁴² Ininiā iposope hītchako, kotxi kona himarotari hīauite kanapiriini ōti. ⁴³ Hixinikariko. Kaapokori imarotaākamariko kiitiriri apokini ōti, !imakamako. !Auiritamariko kiitiriri anikiniri itii. ⁴⁴ Kiitiriri apoka kākiti miātapakinitipanika. Iua atokokanerako nota apokako himimarotakinitipanikarako. Ininiā iposope hītchako nota hītari iaxitikiri hiātapini —itxa Xesosi sākire.

Nitiritxi Erekarī, Nitiritxi Maerekati Pakini
(Arókasi 12.41-48)

⁴⁵ —Ininiā Teoso nitiriakori erekarini hītchauako. Nisāpiretai nitiritxi kimaroreri inakari, kotxi iua kīpitari ipatrāote sākire. Iuakara ipatrāote paniāta, apanakini initiriakori inīkatini ikapani. Isikakienatanana ipatrāote nitiriakori, nipokori sikiko manapi. ⁴⁶ Iua initiri poxokoniua ipatrāote paniātakiti iaōka ikaminiā, ipatrāote apokasaaki iposope itxa. ⁴⁷ Atāopitikara nitxai hīte. Iua patrāo paniātatariko iua initiri ikinika inakiti inīkatini ikapani. ⁴⁸ Nitiritxi maerekatipekana xinikari: “!Katimari ikanapiriā nipatrāote,” itxa. ⁴⁹ Ininiā apanakini nitiritxi ixiroka. Inipokota, iāta poātakanikata. ⁵⁰ Ininiā ipatrāote kanapiriāko imiātapakinitipanika. Ikanapiriāko initiri mimarotakinitipanika. ⁵¹ Ininiā ipatrāote xirokitatariko aāpitsāā. Iposo atoko imisiritāākako maerekaniakata, “Erekapitikaaua ate,” inakanikata. Iuaā kākiti txiapata, akatsatsiriūtaua ātipirika. Ininiā ikara nitiritxi maerekati atoko kona hītchape —itxa Xesosi sākire.

25

Tesi Ātokoroakoro Pirena

¹ Xesosi sāpirenauatapanika:

—Ia nisāpirena oerekai Teoso auitexi ininiāua. Tesi ātokoroakoro kosekari tirikapi. Isana kimaporiā. Iātaparina ipatrāotena. Iua inapanikako kiinirimoni itanorouatini ikapani. ² Sīko ātokoro kiikiterini, sīko miikiteni. ³ Miikiteni anikari tirikapi koana, txamari !anikarina

tirikapiã. ⁴ Kiiķiterini anikari tirikapi koana. Apaka anikarina tirikapiã. ⁵ Ipatrãotena ! katimari apokini. Ininiã itaponoka ininiãna, imakanãtana.

⁶—Apaniķanõka ikenakotarina: “Apokanapanoka. Hišapoka. Hãpiãkatari.”

⁷—Ininiã ãtokoroakoro õkitikaua, tirikapi iopotokaka, sa itxana. ⁸ Ninoa miikiteni amanaãri kiiķiterini tirikapiãte, kotxi miikiteni tirikapite oakaarita.

⁹—Kiiķiterini apakapapiretana: “Kona. Tirikapiã ate nakiti ! apakata hite iķapani. Ate iķapaninokara apakata. Hiša tirikapiã vẽxtitakarimona. Hiamotariko.”

¹⁰—Ininiã ninoa miikiteni sari tirikapiã iamotinina. Ninoa sikasaaki, ipatrãotena apoka. ãtokoroakoro iposope inakani iroã iuakata aapokotxi ãki itanorouatakari kiiniritiã. Itore totaãka.

¹¹—Eereka ãtokoroakoro tirikapiã amotakani kanapiriã. Ninoa akirita: “Patrão, patrão, pimatakakinãua itore airoini iķapani,” itxana.

¹²—Ipatrãotena apakapapireta: “Hišipeka. Atão nisãpiretai. !Nimarotai hite.”

¹³ Xesosi sãkirauata:

—Erepaniko. Iposope hitxako, kotxi !himarotari nota hitari iaxitikiri kanapiriini õti. ! Himarotari amonikitaũko napokini —itxa Xesosi.

Ipi ãti Pakini Nitiritxiakori

(Arõkasi 19.11-27)

¹⁴ Xesosi sãpirenauatapanika:

—Nikanapiriini ia atoko itxapaniko. Kiki aiamatapeka õtakoxiti ãti itixitimoni isini iķapani. Ininiã akiritari iniritiãkori. “Hinikatariko ikini nitii,” itxana. ¹⁵ Isikari iniriti apia imaroretakari txineiro ota siķo mio. ãti iniriti isika txineiro ota ipi mio. ãti iniriti poiãoka imarotakari ãtika mio txineiro ota isikari iua. Eereka sipe itxa.

¹⁶—Siķo mio apakapakari amotari tiitxi, eereka vẽxtita itxari. Ikara atoko ininiã apakaparo txineiro ota tesi mio. ¹⁷ Iua ipi ãti mio apakapakari iua atokokana itxa. Iua apakaparo ipi ipi pakini mio txineiro ota. ¹⁸ Iua ãtika mio txineiro ota apakapakari, ikisakari kipatxi, taka itxaro txineiro iua aariko ãki. Ikataro ipatrãote txineirote.

¹⁹—Eereka okananixiti inaka atoko ipatrãotena kanapiriã. Akiritana: “Kiãtokopa hitxataro nitxineirote?” itxana. ²⁰ Iua siķo mio apakapakari minari tesi mio. Iua sãpiretari ipatrãote: “Patrão, pite sikano siķo mio txineiro ota. Patamata. Napakapari apikomoni siķo mio txineiro ota pite iķapani,” itxa.

²¹—Ipatrãote apakapapiretari: “Erekapitikai pite. Erekeri nitiritxi pitxaua. Erekeri pinĩkatiniro nitxineirote. Erekapitikari pinĩkatiniro poiãoka nisikinii. Ininiã nauiritaiko itomaneri pinĩkatini. Ininiã pipoxokoniũatoko notakata,” itxa.

²²—Iua ipi mio ota apakapakari apoka. Iminaro ipi ipi pakini mio. Isãpiretari ipatrãote: “Patrão, pite sikano ipi mio txineiro ota. Patamata. Apikomoni nota apakaparo ipi mio txineiro ota pite iķapani,” itxa.

²³—“Erekapitikai pite. Erekeri nitiritxi pitxaua. Erekapitikari nitxineirote pinĩkatini. Erekeri poiãoka pinĩkatini. Ininiã itomane nitakanapako pinĩkatini iķapani. Ininiã pipoxokoniũatoko notakata,” itxa.

²⁴—Eereka iua ãtika mio txineiro ota apakapakari apoka. Iua sãpiretari ipatrãote: “Patrão, nimarotai pite. Pataparaxinirei pite. Pite amotari pikiena, kotxi kona pite takarauata. Pite apari pikiena pimaparĩkauatakaniãtãã. ²⁵ Nipĩkarauatiniã, nikipataro pitxineirote kipatxi ãki. Patamata. Oia pitxineirote,” itxa.

²⁶—“Nitiritxi maerekati iareri pitxaua pite. Pimarotari niamotiniri nikiena, kotxi ! nitakarauata. Pimarotari nota apari nikiena nimaparĩkauatakaniãtãã. ²⁷ Ikara atoko ininiã, pimanirekakaniãri piparĩkauatini, kinirepa kona pisikataro nitxineirote pãkomoni? Pisikaãkamaroko, napakapamaroko apikomoni nitxineirote nikanapiriãkasaaki,” itxa.

²⁸ Ininiã ãti ipaniãta:

—“Pimakatxakariko iua mio ãtika mio auakiti. Tesi mio txineiro ota auakitimoni pisika. ²⁹ Kotxi apikomoni isiãkako iua itomaneri auakiti, ininiã apiata auinariko iua. Iua poiãoka auakiti, inakito mixiriãkãkako. ³⁰ Ia ninitiri iareri hõka mapara piãkatximoni. Iuaã kãkiti txiapata. Akerakitatsiriãta itsii xika.”

Ikinimane Apotiãtãkako Xesosi Apisatoõ

³¹ Apikomoni Xesosi sãpirenauata:

—Nota hitari iaxitikiri nikanapiriãkasaaki auĩtetxi ninakasaakiaua, ikinika Teoso nitiriãko-rikata, niĩtopãkako auĩtetxi itopanere nopini. Peerekari iuasaaki. Ikinimane paxitanoko nota. ³² Ikinii uãkati kãkiti apotiãtãkako nota apisatoõ. Iuasaaki nikaarikitatanako ninoa. Soti auĩte, kapra pakini piratakari ipiraakori koketakaniaua ikaiarikitatini atokokanera, nota hitari iaxitikiri kaiarikitatana ikinimane kãkiti. ³³ Pirãtxi piratakari takiniri soti auĩte

ikikomoni, itakiniri kapra isanaremoni, iua atokokanera nota hītari iaxitiki takari kākiti erekarini nikipomoni. Kākiti maerekani nitaka nisanaremoni.

³⁴ —Eereka nota kākiti auite txanako ninoa kākiti erekarini nikipomoni auakani: “Niri sikari erekari hitemoni. Hina. Hīroā auitetxi nininiātaūa. Ia auitetxi nininiātaūa maiamatapeēkaika hīte ikapani itixi kamikosaakipeka. ³⁵ Mitxipeka ninatxitakasaaki, hīte sikakienatapekano nota. Niposonatakasaaki, āparaā hīsikapekano. Āti itixiti nīkasaaki, hīte apakapapekano nota. ³⁶ Nimamākanisaaki, mākatxi hīsikapekano. Namianatakasaaki, hinīkatapekano. Kateia āki nauakasaaki, himotikaētapekano. Ininiā hīroā,” nota kākiti auite txanako kākiti erekarini.

³⁷ —Ininiā kākiti atāo inakari kamakani apakapapiretariko: “Apiananiri, kirisaakipa pinatxitakasaaki, asikakienatai? Kirisaakipa piposonatakasaaki, āparaā asikai? ³⁸ Kirisaakipa āti itixiti pīkasaaki, aāpakapai? Kirisaakipa pimamākanisaaki, mākatxi asikai? ³⁹ Kirisaakipa pamianatakasaaki, anīkatai? Kirisaakipa kateia āki pauakasaaki, amotikaētai?” itxanonako nota.

⁴⁰ —Ininiā nota kākiti auite apakapapiretanako: “Atāopitikara nitxai hīte. Kākiti poiāori, nisākire auīākari, hītiretiniā, iusaaki nota hītiretini atokokana hītiretari,” nitxanako ninoa.

⁴¹ —Iusaaki nitxanako nisanaremoni auakani: “Hīsipeka. Teoso misiritaiko hīte, kotxi ! hīkīpitari iua sākire. Hīsipeka arikatxi maxipokatimoni. Teoso kamari iua arikatxi, Satanasi misiritikoātaā tīkane, Satanasi nitiriakori misiritikoātaā tīkane. Hīsipeka iuamoni. ⁴² Kotxi ninatxitakasaaki nipokori ! hīsikano. Niposonatakasaaki, āparaā ! hīsikano. ⁴³ Āti itixiti nīkasaaki, !hinirekano haāpoko napokini. Nimamākanisaaki, kona mākatxi ! hīsikano. Namianatakasaaki, !hinīkatano. Kateia āki nauakasaaki, !himotikaētano,” itxanako kākiti maerekani.

⁴⁴ —Ininiā ninoa apakapapiretariko: “Apiananiri, pinatxitakasaaki, piposonatakasaaki, pamianatakasaaki, pimamākanisaaki, kateia āki pauakasaaki, āti itixiti pīkasaaki, kirisaakipa ate !apakapai?” maerekani txanoko nota.

⁴⁵ —Ininiā nota kākiti auite apakapapiretanako ninoa: “Atāopitikara nitxai hīte. Himanirekakanisaakiri hītiretiniri kākiti poiāori nisākire auīākari, iusaaki ! hinirekari nota hītiretini,” nitxanako ninoa.

⁴⁶ —Ininiā Teoso iokanatanako ninoa maerekani kamakani misiritikoātaā. Iuaātaā ninoa misiritaākapikona. Imisiritikona kona xipokaikona. Kākiti atāo inakarinoka kamakani auapininiika imaxipopekanika Teosokata —itxa Xesosi.

26

Xesosi Okaenetiko Pirena

(Marko 14.1-2; Arókasi 22.1-2; Xoāo 11.45-57)

¹ Ikara inakari isāpiretaka atoko, Xesosi misākiretana imoianariakori:

² —Hīte imarotari ipi ōti napaka atoko aua Pāskoa inakori kiiniriti. Iua kiiniriti auakasaaki nota hītari iaxitiki nisikaākako nimokaiakariakorimoni. Aamina ipiriāmitakari nopini nitakaākako. Iua atoko ipina nitxako —Xesosi txana imoianariakori.

³ Iusaaki sasetotxi auiteakori, kaiōkatsopareriakori, kiomātxiakori pakini apotiitaua. Sasetotxi auite apiatakari Kaipasi inakori aapoko āki apotiitauana. ⁴ Imapapiretarina Xesosi imaīkinina ikapani. Inirekarina Xesosi imaīkinina apanakini mimarotakinitika. Imisākiretakana Xesosi okinina ikapani.

⁵ —Kiinirisaaki ! amaīkaniniri. Amaīkiniāri, apanakini kākiti naiatamaua ate —itxakakana.

Sito Kamariāro Mīkaro

(Marko 14.3-9; Xoāo 12.1-8)

⁶ Xesosi auanāta aapokotxi Petānia inakoriātaā. Isari Simāo inakori aapokomoni. Iua Simāo mitxi amianatakari, maere matati. Eereka erekapekari. ⁷ Simāo aapoko Xesosi auakasaaki, sito apoka iuamoni. Ominari kopitipaki kai kamakori, kai arapāstiro inakori. Kopitipaki xāpoka kamariāro. Oa pakaroneo. Xesosi nipokonātakasaaki, oa sito kitakaro kamariāro ikiā.

⁸ Imolanariakori itikari Xesosi kiiā okitakiniro, ininiā ninoa naiataua:

—Kinirepa oa ioanataro kamariāro? ⁹ Kinirepa kona ovētxitataro? Ovētixitaākamaroko oāpakapamaroko txineiro ito, matxineirotenimonikari osikini ikapani —itxakakana.

¹⁰ Xesosi imarotari ninoa ikara atoko ininina.

—Kinirepa homanataro oia sito? Erekari okaminano notamoni. ¹¹ Auapikanako matxineiroteni hītekata. Kona nota auapani hītekata. ¹² Oia kitakaro kamariāro nikiā, nota iposope ninini nikatiko apisa. ¹³ Atāo nisāpiretai hīte. Teoso iokanapirena erekari

sāpiretikoātaā ikini itixiti, isāpiretaākkako apaka oia sito kitakiniro kamariāro nikiā, ininiā kākiti ikini itixiti auakani xinikapikaro oa —Xesosi txana ninoa.

Xotasi Sari Sasetotxi Auīteakorimoni
(Marko 14.10-11; Arókasi 22.3-6)

¹⁴ Eereka Xesosi moianari Xotasi Isikariotxi inakori sari sasetotxi auīteakorimoni.

¹⁵ —Xesosi nisikiniāi hītemoni, kiripa hīte sikano nota? —itxana ninoa.

Ininiā ninoa:

—Asikaiko trīta txineiro ota pirata kamakoro —itxana ninoa.

Ininiā iikitixitarina. ¹⁶ Eereka Xotasi iātapari Xesosi poiāonoka kākitekata auakasaaki, imīkapiritiniri ikapani.

Páskoa Kiiniriti Kamiko
(Marko 14.12-21; Arókasi 22.7-13)

¹⁷ Pāo miātiākati nikiko kiiniriti potorikini ōti, Xesosi moianariakori apoka iuamoni.

—Namonipa ate maiamatari Páskoa kiiniriti pite ikapani? —itxarina iua.

¹⁸ —Hisa sitatximoni. Nisāpiretakiti iaōka hīnitari kiki. Hāpokasaakiri, hītxariko iua: “Koerekareri txai, ipinini tīkane kaiamapeka. Ikamariko kiiniri Páskoa inakori pite aapoko imoianariakorikata,” hītxako.

¹⁹ Ininiā imoianariakori kamari Xesosi paniātakiti iaōka. Imaiamatari ikinika kiiniri ikapani.

²⁰ Ikanōkapeka inakasaaki, Xesosi imoianariakorikata topāka inipokotinina ikapani.

²¹ Inipokotakasaakina, Xesosi txana:

—Atāo nisāpiretai hīte. Ātika hīte sauaki mīkapiritanoko nota.

²² Ininiā imoianariakori tsorīkaāta. Iteene imatinaniuatana. Āti pimaāri:

—Apiananiri, atauako notakani?

Iua atokokana ātipekana:

—Apiananiri, atauako notakani?

Ikara atoko itxanātana ikinikana, ipimaaāpotinirina Xesosi. ²³ Ininiā Xesosi apakapapiretana:

—Ia tiitxiā notakata nikakari mīkapiritanoko. ²⁴ Nota hītari iaxitikiri okaākkako. Teoso sākire iōkatsopatakori sāpiretpekari nipinini tīkane. Nota hītari iaxitikiri mīkapiritakari iteene misiritaākkako. Erekamariko maponaniākatika inaākkamako.

²⁵ Ininiā Xotasi kamīkapirireri misākiretari Xesosi:

—Koerekareri, atauako notakani?

Xesosi apakapapiretari:

—Ari, pitepitikara.

Xesosi Īto, Iarēka Pakini
(Marko 14.22-26; Arókasi 22.14-23; 1 Korīto 11.23-25)

²⁶ Inipokonātakasaakina, Xesosi kosekari komiri. Imisākiretari Teoso:

—Erekapitkari ia komiri pisikakiti atemoni —itxa.

Eereka imaxinīkitari, sika itxari imoianariakorimoni.

—Apakapa, nika hītxako. Ia nūito —itxana.

²⁷ Eereka ikosekari iākoanatxi iāriā auini. Imisākiretari Teoso:

—Erekapitkari ia iāriā pisikakiti atemoni —itxa.

Eereka sika itxari iākoanatxi ninoamoni:

—Hīkinika hītariko. ²⁸ Ia niarēka xiketakari makatxakariko kaiāopokori kākiti maerekani. Teoso sāpiretpekari kākiti ikamaenetakiti amaneri kākiti ikapani. Ia niarēka oerekari kākiti, Teoso kamapekari ikamaenetakiti. ²⁹ Atāo nisāpiretai. !Niātaikaroko ovapeē, Teoso auītetxi ininiātaāua nimapokakanisaaki. Iuaā napokasaaki niātari. Amaneri iāriāti niātako hītekata —itxana imoianariakori.

³⁰ Xipoka atoko ixikaretarina xikari Teoso ikapani. Eereka isana oxiratarimoni Oriva inakorimoni.

Xesosi Sāpiretari Petro Kīpatiniri Iua
(Marko 14.27-31; Arókasi 22.31-34; Xoāo 13.36-38)

³¹ Iuaā Xesosi misākiretana imoianariakori:

—Ia ikanōkati hīkinika hīte takanapanoko nota, kotxi Teoso sākire iōkatsopatakori sāpiretpekari ikara atoko inakari. Itxari:

Nokariko soti auīte piratakari, ininiā ikinika ipiraakori iarikitatako,

itxa Teoso sākire iōkatsopatakori. ³² Ininiā eereka nota nipinaāka atoko, iuaīkana nōkitikaākaua atoko, nisako hīte apisa Kariréiamoni —itxa.

³³ Ininiā Petro apakapapiretari:

—Nota !nitakanapai pite. Atxiiti ikinimane takanapai, iuaritika kona nota takanapai — itxa.

³⁴ Ininiã Xesosi:

—Atão nisãpiretai. Ia !kanõkati patari sãkirauatini apisapanikako, “! Nimarotari iua,” pitxanoko ipi ãti pakinikata.

³⁵ Ininiã Petro:

—!kara atoko !nitxapanii pite. Nikipatinii apisapanikamakako, nipinamakako.

!kinika Xesosi moianariakori ikara atoko itxana.

Xesosi Misãkiretiniri Teoso Xetsẽmani Inakoriãtaã

(Marko 14.32-42; Arõkasi 22.39-46)

³⁶ Eereka Xesosi sari imoianariakorikata Xetsẽmani inakoriãtaã. Xesosi:

—Uai hĩitopãka. Ikiraã nisako Teoso nimisãkiretini !kapani —itxa Xesosi.

³⁷ Anikari Petro, Sepeteo anaakori ipi pakini uakata isinina. Iuaã Xesosi tsorikaãnãta, imaromaxiretari. ³⁸ Imisãkiretana ninoo:

—Nixinire imaromaxiretari. Iteene nimaxire, ininiã okaaritano. Uai hĩkaikota. Araõkire hĩtxako —itxana ninoo.

³⁹ Apikomoni isa, pamaka itxa, misãkireta itxari Teoso:

—Niri, atauako apakata pimakatxakiniri nimisiritiko akamoni !kari? Kona ninirekari natatsiirauatini. Iuaritika pite nirekiniãri, ininiã nota apaka nirekari —itxari Teoso.

⁴⁰ Iuasaaki ikanapiriã ipi ãti imoianariakori auiniãtaã. Ninoo imakanãta:

—Petro, atauako kona hĩte mĩteenekari hĩtikapokotini ãto oaranoka? ⁴¹ Erepaniko. Hinirekasaakiri maerekati hĩkamini, !hĩkamapiri. Araõkire hĩtxako. Himisãkiretariko Teoso, ininiã !hĩkamari maerekati. Kãkiti xinire atxiiti !nirekari maerekati ikamini. Txamari kãkiti !to tapara poiãoka, ininiã ikamari maerekati. Ininiã erepaniko —Xesosi txari Petro.

⁴² Iuaikana isa apikomoni Teoso imisãkiretini !kapani:

—Niri, pinirekiniãri natatsiitiniri nimisiritiko akamoni !kari, ininiã nikamapitikariko pinirekakiti —itxari Teoso.

⁴³ Iuaikana ikanapiriã imoianariakorimoni. Imakanãtapanikana. Itaponoka itxana. Kona iposotarina ikoatinina. ⁴⁴ Iuaikana Xesosi takanapana, iuaikana ikanapiriã iuaãtaãkana. Iuaikana misãkireta itxari Teoso. Mitxi atokokana itxa isãkire.

⁴⁵ Iuaikana ikanapiriã imoianariakorimoni:

—Himakanãtapanika? Hĩtomanãtapanika? Nisikiko manapi apopeka. Nota hĩtari iaxitikiri nimikapiriãka maerekanimoni nisikiko, inirekĩtina ikaminina !kapani. ⁴⁶ Hõkitikaua. Masipeka. Hãtapa. Ikiraã ina nota mĩkapiritakari —itxana ninoo.

Xesosi Maĩkiko Pirena

(Marko 14.43-50; Arõkasi 22.47-53; Xoão 18.1-11)

⁴⁷ Xesosi sãkirauanãtapanika inakasaaki, Xotasi, Xesosi mitxi moianari, apoka. Iuakata ina itomaneri kãkiti, saasara mĩkani, piriri mĩkani pakini. Sasetotxi auĩteakori, kiomãtxiakori pakini iokanatanana ninoo. ⁴⁸ Iua Xotasi kamĩkapirireri sãpiretapekana ninoo:

—Iuapitipanikarako napitxokapaniko. Himaĩkariko iua napitxokakiti.

⁴⁹ Xotasi apoka. Xesosimonipitipo isa.

—Ereẽkai koerekareri.

Eereka apitxoka itxari. ⁵⁰ Ininiã Xesosi txari Xotasi:

—Nitiretakiti, pikamariko pinirekakiti. Nauiritai —itxari.

Iuasaakipeka Xotasikata sikani sakata Xesosimoni, maĩka itxarina. ⁵¹ ãti Xesosi moianari kosekaro saasara. Isuaãkatari sasetotxi auĩte apiatakari nitiri. Itsotakakĩpitatari.

⁵² Ininiã Xesosi txari:

—Pitaka saasara mitxi oãuiniãtaã. !Pineenamauatape. Ikeekotxi himaĩkiniã, ãti õti hĩpinako ikeekotxi xika. ⁵³ !Pimarotari nĩposotiire. Nota nirekiniãri, nakiritari niri moianatinino nota. Nakiritiniãri, iuasaakipeka iua iokanatariko seĩ mio iniriakori nota imakatxakinina !kapani. ⁵⁴ Kona nakiritari niri, kotxi Teoso sãkire iõkatsopatakori sãpiretapekari nimaĩkiko !kane ia atoko inakari.

⁵⁵ Iuasaaki Xesosi misãkiretana iuamoni !kani:

—Kinirepa himinari saasara, piriri pakini himaĩkinino !kapani? !Kĩtirino nota. !Ki-keekono nota. !kiniõtika niitopãka Teoso misãkiretiko aikoti ãki noerekinii hĩte. Iuasaaki kona himaĩkano. ⁵⁶ Ia atoko himaĩkano, kotxi kitxakapiriãka Teoso sãkire sãpiretakani iõkatsopatapekari ia atoko himaĩkinino. Ininiã Teoso sãkire iõkatsopatakori iaõka uatxa apokapeka —itxa Xesosi. Iuasaakipeka Xesosi moianariakori asikari iua, miteka itxana.

Xesosi Xoteo Auĩteakori Apisatoõ

(Marko 14.53-65; Arõkasi 22.66-71; Xoão 18.12-14, 19-24)

⁵⁷ Ninoa Xesosi maĩkakani anikari Xesosi Kaipasi aapokomoni. Iua Kaipasi sasetotxi auĩte apiatakari itxaua. Iuaãtaã kaiõkatsopareriakori, kiomãtxiakori pakini apotiitapekaua iuaasaaki. ⁵⁸ Ninoa anikasaakiri Xesosi, Petro sari Xesosi tikini. Ikira atoko auaãponãta. Sasetotxi auĩte apiatakari aapoko takote isa. Iroã pirikere ãki. Iitopãka Kaipasi nitiriakorikata. Kiatokopa inaãkapani Xesosi, ininiãra isa Xesosi tikini imarotiniri ĩkapani.

⁵⁹ Kaipasi aapoko ãki Sasetotxi auĩteakori, kiomãtxiakori, ikinika Xoteo auĩteakori pakini nitana kãkiti aãpirena kamakani Xesosi okinina ĩkapani. ⁶⁰ Itori kãkiti sãpiretari aãpirena Xesosi ikamapiretinina. Txamari ixika !uari Xesosi okinina ĩkapani.

Eereka apokana ipi aãpirena kamakani. ⁶¹ Ninoa txari:

—Ia kiki txari: “Nota posotari aiko Teoso misãkiretiko nirikini. Ipi ãti õtisaaki niposotari iuaĩkana nõkitikiniri,” itxa isãkire.

Kona atão ninoa sãkire. ⁶² Sasetotxi auĩte apiatakari õkitikaua.

—Kona papakapapiretari pitemoni apoĩrauatakani? Atãokani piposotari ikara atoko pikamini? —itxari Xesosi.

⁶³ Xesosi ĩkasãkileri. Ininiã sasetotxi auĩte apiatakari iuaĩkana misãkiretari Xesosi:

—Uatxa nipimaãi Teoso mipĩkati apisatoõ. Atãonani pisãpiretaua. Pite, Teoso mereẽkiti pitxataua? Teoso ãkirikai pite? —itxari Xesosi, kotxi inirekari Xesosi kerokiniri isãkire.

⁶⁴ —Ari, iuapitikarano. Nisãpiretaiko hĩte hĩkinika. Hãtamatariko kãkiti itari iaxitikiri topãkini Kaposotiĩreri kikomoni. Hãtapariko kãkiti itari iaxitikiri uai apokaãpotini katxiãri ãki —Xesosi txana ninoa.

⁶⁵ Sasetotxi auĩte apiatakari kenakotari ikara Xesosi sãkire. Iuaasaakipeka iua matsorãkari imãka, kotxi kona xatiki ipotxitari Xesosi sãkire.

—Maerekati isãkire: “Teoso ãkirirano,” itxa. !Anirekaikari apanakini kamapiretiniri Xesosi. Uatxaika hĩkenakotapekari isãkire maerekati. ⁶⁶ Kiãtokopa atxtatari Xesosi? —itxana ninoa.

—Ixika auapeka ipinini ĩkapani ininiã uatxa okaãkapitikako —ninoa txari iua.

⁶⁷ Eereka ĩkiisokatoõtarina. Iãsokarina. Apanakini aritoõtari Xesosi.

⁶⁸ —Pite Teoso mereẽkiti pininiãua, pisãpiretaua, kipa aritaĩ? —itxarina iua.

Inapetarina.

Petro Kipatari Xesosi Imarotini

(Marko 14.66-72; Arõkasi 22.54-62; Xoão 18.15-18, 25-27)

⁶⁹ Iuaasaaki Petro topãkanãta mapara pirikeri ãki. Atokoro Kaipasi nitero sari iuamoni.

—Pite Xesosi Kariréiakiri moianaripitikarai —otxari iua.

⁷⁰ Txamari iua kipatari ikinimane apisatoõ.

—!Nimarotari ikara atoko pinanãtakiti.

⁷¹ Ininiã isa pirikeri ĩroãnakikomoni. Iuaã ãto ãtokoropekana Kaipasi nitero atamatari iua. Ininiã osãpiretana kãkiti iuaã auakani:

—Xesosi Nasareekiri moianaripitikara ikira —otxa.

⁷² Iuaĩkana ikipatari:

—Teoso imarotari iua kiki nimimarotakani —itxa.

⁷³ Eereka paĩtiki atoko kikiãkini iuaã auakani sari Petromoni:

—Pite atãopitika iua moianaripitikarai, kotxi pisãkire ipinimoni. Kãkiti Kariréiakiri sãkire atokokana, Xesosi sãkire atokokana pitxa pite sãkire —ninoa txari Petro.

⁷⁴ Ininiã Petro apakapapiretana:

—Atão nisãkire minakaniãua Teoso misiritanoko. Nisãkire atãopitika. !Nimarotari iua kiki —itxama.

Iuaasaakipeka patari sãkirauata. ⁷⁵ Ikara ikenakotakasaaki, Petro xinikari Xesosi sãkire, kotxi mitxipe Xesosi txari iua: “Patari sãkirauatini apisapanikako, ipi ãti pakinikata, ‘!Nimarotari iua,’ pitxanoko.” Ininiã Petro sipeka. Itxiapakata.

27

Xesosi Pirato Apisatoõ

(Marko 15.1; Arõkasi 23.1-2; Xoão 18.28-32)

¹ Katimatĩnkata sasetotxi auĩteakori, kiomãtxiakori pakini apotiitaua. Imisãkiretakana:

—Kiãtokopa atxtatari Xesosi aõkini? —itxana.

² Eereka iaxirikãkitakarina Xesosi, anika itxarina Homano auĩte Põsio Pirato inakorimoni, sikanapa itxarina.

Xotasi Ipinini

(Átosĩ 1.15-19)

³ Xotasi, Xesosi mīkapiritakari, kenakoenetakasaakiri Xesosi ipinini tīkane, maerekaxiniretinoka itxa, kotxi iuaka sikari Xesosi imokaiakariakorimoni okiko tīkane. Iuaīkana isipikaro trīta txineiro ota pirata kamakoro sasetotxi auīteakori, kiomātxiakori pakinimoni.
⁴—Nota kamari maerekati. Nimīkapiritari Xesosi. Ixika !auari iua ipinini īkapani —itxana ninoa.

Ininiā ninoa:

—Pite kamakiti xikakara. Pitekara sikaua ate Xesosi.

⁵ Ininiā Xotasi okaro txineiro ota Teoso misākiretiko aikoti āki, eereka isipe ātiātaā. Iuaātaā iuaka iaxirikanokitapeua, aamina poria iaxirikaua, arōka, ipīpe itxa.

⁶ Teoso misākiretiko aikoti āki sasetotxi auīteakori kosekaro oa txineiro.

—Oia txineiro kiki okiko īki. Ia xika ate !auritaāka aāpotiitiniro oia txineiro āto txineirotikata Teoso misākiretiko aikotiākero. ⁷ Kiātokopa atxataro oia txineiro? —itxakakana.

Eereka ninoa imarotape. Iamotarina kikio, tītxi kamakari kikiote, Xoteo minakaniua ikatiko tīkane. ⁸ Oa txineiro kiki okiko īki xika, Xesosi okiko īki xika, iua akauari takauākataāka “Arēkatxi Akauariti” inaāka. Uatxa akiritaākapani iuaātaā “Arēkatxi Akauariti.” ⁹ Iua atoko ininiā, kitxakapirīka Teoso sākire sāpiretakari Xeremia inakori atāo txari:

Isaeo auakani iīkitxitari trīta ota pirata kamakoro Teoso mereēkiti okiko īkapani.

¹⁰ Eereka isikarona oa txineiro ota tītxi kamakarimoni, ikikiote iamotinina īkapani, kotxi Teoso nirekari ia atoko ikaminina, itxa Xeremia kitxakapirīka. Ininiā Xeremia sākire iaōka apopeka iusaaki.

Xesosi Pirato Apisatoō

(Marko 15.1-5; Arōkasi 23.1-5; Xoāo 18.28-38)

¹¹ Iusaaki Xesosi tima Homano auīte Pirato inakori apisatoō. Pirato pimaāri Xesosi:

—Pitekani Xoteoakori auīte txataua?

—Ari, iuapitikarano —itxari.

¹² Eereka sasetotxi auīteakori, kiomātxiakori pakini apoītari Xesosi. !Kasākireri Xesosi iusaaki. ¹³ Ininiā Pirato txari:

—Atauako kona pikenakotatari apoītiniina?

¹⁴ Xesosi !kasākireri, ininiā Pirato tsorīkaāta. Ākixinireē iua:

—Kininiāpa !kasākireri?

Xesosi Okiko Nirekiko

(Marko 15.6-15; Arōkasi 23.13-25; Xoāo 18.38–19.16)

¹⁵ Ikini kiiniriti Pāscoa inakori, Homano auīte sikakari ātika kateia āki auakari kākiti nirekakiti. ¹⁶ Iusaaki aua kateia āki auakari Pahapasi inakori. Ikinimane imarotari iua.

¹⁷ Itomaneri kākiti apotiitakasaakiua, Pirato pimaāna ninoa:

—Īkiripa kateia āki auakari hinireka nisikakini? Pahapasikani? Xesosi Teoso mereēkiti inakorikani? —itxana ninoa.

¹⁸ Pirato imarotari Xesosi isikinina iuamoni ixikotinirina xika.

¹⁹ Iusaaki Pirato topākanāta kākiti misiritiko isāpiretini pakita āki. Iusaaki itanoro iokanapireta iuamoni.

—Maerekati !pikamape iua kikimoni, kotxi ixika !auari pokiniri. Erekari iua. Minipani nitaponetari iua kiki, ininiā maerekaxiniretinoka nitxa —otxari.

²⁰ Mapara sasetotxi auīteakori, kiomātxiakori pakini misākiretana kākiti iuaātaā apotiitakaniua:

—Piratimoni hītxako: “Pisikakariko Pahapasi. Pokākitakariko Xesosi,” hītxariko —itxana kākiti.

Ininiā ninoa auikari isākirena. ²¹ Eereka Pirato pimaāna kākiti iuaā apotiitakaniua:

—Īkiripa kateia āki auakari hinireka nisikakini?

Ininiā ninoa akirikata:

—Pahapasira.

²² —Kiātokopa nitxtari Xesosi, Teoso mereēkiti inakorima? —itxa Pirato.

Ikinikana apakapapiretana:

—Aamina ĩpiriāmitakari nopini pitokakitariko.

²³ Ininiā Pirato:

—Kixikapa? Maerekati !ikama —itxa.

Iusaakipeka ninoa iteene akiripoakatana:

—Aamina ĩpiriāmitakari nopini pitokakitariko.

²⁴ Ininiā Pirato kona sāpiretakari Xesosi isikakini, kotxi ninoa neenamauanapanoka. Ikosekari āparaā. Arokauakotaua ninoa apisatoō.

—Na nota xikani ia kiki ipinako. Hīte xikakara ia kiki ipina —Pirato txana ninoa.

²⁵ Ikinimane apakapapiretari:

—Atāopitikara. Misirikaretxi auiniā okiko xika, ate, aamariteni pakini apakapariko iua misirikaretxi —itxana.

²⁶ Iuasaakipeka Pirato sikakari Pahapasi. Eereka ipaniātari Xesosi xirokitatiko aāpitsaā. Eereka isikari Xesosi isotatonemoni aamina ĩpiriāmitakari nopini itokakitinirina ũkane.

Sotatoakori Napetiniri Xesosi

(*Marko 15.16-20; Arókasi 22.63-65; Xoāo 19.2-3*)

²⁷ Ininiā sotatoakori anikari Xesosi ninoa auīte aapokomoni. Iuaā akiritarina apanakini sotatoakori, ininiā ikinimane sotatoakori ākitari Xesosi. Inapetarina. ²⁸ Imakatzakarina Xesosi māka. Mākatxi pōkamarari ieretaka itxarina. ²⁹ Eereka itakarina saporīēta kotipiario kamakori ikiiā. Iuako ikikomoni taka itxari aāke. Ininiā itxīkitakarina Xesosi auītetxi atoko ininiāua. Eereka ikapotoreēkauana iua apisatoō, napeta itxarina Xesosi:

—Aāuīte —itxarina Xesosi inapetinina.

—Xoteo auītekai pite —itxarina.

³⁰ Ikiisokarina. Iua aāke ikosekana, arikiita itxapikarina. ³¹ Inapetarina, eereka imakatzakarina mākatxi pōkamarari. Iua nakiti imāka iuaīkana ieretaka itxarina. Eereka mapara anika itxarina, aamina ĩpiriāmitakari nopini itokakitinirina ĩkapani.

Xesosi Tokakitaāka Aamina ĩpiriāmitakari Nopini

(*Marko 15.21-32; Arókasi 23.26-43; Xoāo 19.17-27*)

³² Xesosi anikaāpotakasaakina, aōkitarina Sireni sitatxitikiri, Simāo inakori. Ninoa paniātari iua, Xesosi anikakiti aamina ĩpiriāmitakari, anikini ĩkapani, kotxi Xesosi !iposo-taikari anikiniri. Ininiā Simāo anikari. ³³ Apokana Kóokota inakoriātaā. Apanakini akiritari “Kīitātatxi” inaāka akiritiko. ³⁴ Iuaā iāriāmoni ikoketarina pinītxi kīpixiāri, sika itxarina Xesosimoni, Xesosi iātni ĩkapani, imakini ĩkapani. Atapixiātaāka atoko, !iātari. ³⁵ Ininiā itokakitarina Xesosi aamina ĩpiriāmitakari nopini. Inaāka atoko ikamarina sarauatxi kai soroā. Sarauatxi kāiatakani apakapari Xesosi māka. Kitxakapirīka Teoso sākire sāpiretakari sāpiretakekari ikara atoko inini ũkane. Iua txari:

Ixanakarina nimāka. Sarauatxi ikamana nimāka apakapakani imarotininina ĩkapani.

Itxa Teoso sākire sāpiretakari kitxakapirīka. ³⁶ Sarauatxi xipoka atoko iitopākana. Imoiaārina Xesosi, kākiti manikakaniri ĩkapani. ³⁷ Aamina ĩpiriāmitakariā ikii nopini itakarina iōkatsopatakari: “Xesosi, Xoteoakori Auīte,” itxa iōkatsopatakari. Ikara xika okaāka Xesosi.

³⁸ Xesosi takote itokakitarina ipi kīitiririni aamina ĩpiriāmitakari nopini, āti Xesosi kikomoni, āti Xesosi sanaremoni. ³⁹ Kākiti iuaā napakani napetari, nokonoko itxa kiitana. Maerekaeneti isākirepiretarina Xesosi:

⁴⁰ —Pite txari: “Aiko Teoso misākiretiko niriāka atoko, ipi āti ōtisaaki iuaīkana nōkitikari,” pitxa. Piteka pimakatsakaua. Pite Teoso ākiri pinakasaakua, pikatxaka. Ikara atoko itxa sākiretana kākiti iuaā napakani. ⁴¹ Iua atokotxikana itxana sasetotxi auīteakori, kaiōkatsoparerini, kiomātxiakori pakini ikara atoko inapetarina Xesosi:

⁴² —Iua makananitapekari apanakini. Txamari iuaka !iposotari imkananitiniaua. Iua Isaeo auakani auīte ininiāua, iuaka imakatzakamaauako. Ikatxakiniā, ate auikari iua sākire. ⁴³ Iua auikari Teoso sākire. Maiātapari. Atauako Teoso nirekari imakatzakiniri iua uatxa, kotxi iua txari: “Teoso ākirirano nota,” itxa —itxana.

⁴⁴ Kīitiririni iuakata tokakitakoni apaka maerekaeneti isākirepiretarina Xesosimoni.

Xesosi Ipinini Pirena

(*Marko 15.33-41; Arókasi 23.44-49; Xoāo 19.28-30*)

⁴⁵ Apaniāxiti itixi piāka. Ipi āti pakini oara ipiāka. ⁴⁶ Ipi āti pakini oarape kikatamonipeka Xesosi iteene akirikata:

—Erii, Erii, aremaa sapakatanii.

Ikara Epireo sākire. Ia atatsopatakari sākireē, “NiTeosone, niTeosone, kinirepa pitakana-pano?”

⁴⁷ Kākiti iuaā auakani kenakotari Xesosi sākire. Ninoa uākatari akirinātiniri Eriasi.

⁴⁸ Ininiā āti miteka, mapoa atoko inakari iāka itxari iāriā katxioārimoni. Aāke mapotōkire taka, isiriāka itxamari Xesosi iātni ĩkapani. ⁴⁹ Txamari apanakini:

—Kona pisikapiri. Atxiiti Eriasi makatzakari iua —itxana.

⁵⁰ Iuaīkana Xesosi iteene akirikata. Eereka iokanatarari ixinire Teosomoni, eereka ipīpe.

⁵¹ Iuasaakipeka mākatxi mata Teoso misākiretiko aikoti āki arōkakari tsorakita. Itano itso-rakita. Ixitiipeka apoka. Mitxi iua mākatxi mata !auiritari kākiti ĩroini Teosonani Auini Paki-taātaā. Itsorakitakasaaki, itixi iakeēkata. Kai mitari xoreka iuasaaki. ⁵² Apanakini akauari xoreka. Itomaneri kākiti ipīkani Teoso nakitiakori iuaīkana ōkitikapekaua. ⁵³ Osipikarina

akauari. Xesosi iuaikana õkitikaãkaua atoko, isana Xerosareẽmoni, Teoso nakiti sitatxiti-moni. Iuaã itomaneri kãkiti itikana ninoa iuaikana õkitikakaniua.

⁵⁴ Sotato auite, sotatoakori Xesosi moiaãkani apaka, itikarina Xesosi ipinini. Iमारotarina itixi iakeẽkatini, ininiã iteene ipikarauatana.

—Atãopitikara Teoso ãkiri itxaua —itxana.

⁵⁵ Itoro sitoãkini ikira atoko atamanãtari Xesosi. Karirẽia tõpa Xesosi potorikasaaki ninoa sitoãkini moianatari iua. ⁵⁶ Maria Matarena inakoro iuaã aamina ipiriãmitakari ikira atoko auanãta apaka. Txiako, Xosee pakini inoro, Maria inakoro iuaã aua. Sepeteo anaakori inoro iuaã auanãta apaka.

Xesosi Ikatiko Pirena

(Marko 15.42-47; Arókasi 23.50-56; Xoão 19.38-42)

⁵⁷ Ikanõka katxineiroteri Xosee inakori, Arimateia sitatxitikiri, apoka. Iua apaka Xesosi sãkire auiaãkari itxaua. ⁵⁸ Isa Piratomoni. Xesosi ito amanaã. Ininiã Pirato paniãtari isikiko.

⁵⁹ Ininiã Xosee anikari Xesosi ito. Mãkatxi mataã iapirika itxari. Mãkatxi mata amaneri arinio inakoriã iapirikari. ⁶⁰ Eereka taka itxari akauari ãki. Iua akauari amaneri, Xosee kisakakiti kai auite iriko. Ikamari iua akauari ipikasaaki ikatiko ikapani. Xesosi ito iriko ãki itaka atoko ikakanapiritari kai meraminapoari, itota itxari akauari iriko, sipe itxa. ⁶¹ Iuasaaki Maria Matarena inakoro, ãto Maria inakoro apaka topãkanãta akauari apisatoõ.

Imoiaãrina Xesosi Akauari

⁶² Iua õti sesta veira, tomatiko õti apisa. Iua õti Xoteoakori parĩkauatapitipo, tomatiko õti imaparĩkauatakani ikapani. Katimatĩnikata sasetotxi auiteakori, pariseoakori pakini sari Piratomoni. ⁶³ Ninoa txari:

—Ate xinikari iua kamisirienereri sãkire. Iua txari: “Nipikasaaki eereka ipi ãti pakini õtisaaki iuaikana nõkitikauako.” ⁶⁴ Pipaniãtana pisotatoneakori ipi ãti pakini õti akauari imoiaãrina. Imamoiaãkaniãrina, imoianariakori ikanõka sari iuaã iito iitirĩkinina. Ininiã eereka isãpiretarina kãkiti: “Teoso õkitikapekari iua. Iuaikana auãki itxapeka,” itxamana ninoa imoianariakori. Ininiã ikara misirieneretxi apiatama eereka. Mitxiri misirieneretxi polãoka —itxarina Pirato.

⁶⁵ —Ininiã hanikari sotatoakori akauari moiaãkani tĩkane. Hĩsa. Hĩtotariko akauari sona —Pirato txana.

⁶⁶ Ininiã isana iuaã. Akauari sona iteene itotinina ikapani. Itakarina Pirato takaõtxikare itore nopini. Sotatoakori iuaã kaikota. Imoiaãrina akauari.

28

Xesosi Iuaikana Auãki Inini

(Marko 16.1-8; Arókasi 24.1-12; Xoão 20.1-10)

¹ Tomatiko õti xipoka atoko, tomĩko ikanõkapanika Maria Matarena, oa ãto Maria pakini sari akauarimoni.

² Ninoa saãpotakasaaki, katimaritika itixi iakeẽkata itapararitika. Iuasaaki Teoso nitiri iaxitikiri katxaka. Ikatapakiritari kai akauari tore, topãka itxa iua kai nopini. ³ Itoõ atokatxi iotximere atoko itxa. Imãka mapoa saro atoko itxa. ⁴ Sotatoakori, akauari moiaãkani, kikinanaãkata, ipikarauatinina. Irikana xitipeka. Ipikani atokopeka itxana.

⁵ Eereka ninoa sitoakoro apoka akauari. Teoso nitiri misãkiretana:

—IHĩpikarauatape. Nĩmarotari hĩte nitanãtiniri Xesosi, aamina ipiriãmitakari nopini tokak-itakori. ⁶ !Auaika uai. Teoso õkitikapekari iua. Ikara iua sãpiretapekai hĩte. Uai hĩna. Hãtamatarĩ iito mitxi auiniãtaã.

Ininiã ninoa atamatarĩ.

⁷ —Katĩma hĩtxako imoianariakorimoni hĩsini ikapani. Hĩsãpiretana: “Iuaikana auapeka itxa Xesosi. Teoso õkitikapekari iua. Iua sari hĩte apisapanika Karirẽiamoni. Iuaã haõkitariko iua,” hĩtxako ninoamoni. Ikara atoko nitxa nisãpirena hĩtemoni —itxa Teoso nitiri.

⁸ Ininiã ninoa takanapari akauari. Ipĩkareritikana, ieneniritikana isana. Imitekana Xesosi moianariakorimoni õkitikiniua isãpiretini tĩkane. ⁹ Ninoa mitekaãpotakasaaki, ipixinipokoritĩ Xesosi tokiã ninoamoni:

—Hĩtepini ina —itxana.

Ininiã ninoa kapotoreẽkaua iua apisatoõ, maĩkakitita itxarina.

—Peerekai. Apiananiri pitxaua —itxanãtana.

¹⁰ Ininiã Xesosi:

—Kona hĩpikarauatape. Nitariakorimoni hĩsa. Hĩsãpiretana Karirẽiamoni isinina. Iuaã aõkitanonako nota —Xesosi txana ninoa Mariaakoro.

Ininiã ninoa sipe.

Sotatoakori Xesosi Akauare Moiaākani

¹¹ Sitoākini sikasaaki, ātikaka sotatoakori akauari moiaākani kanapiriā sitatximoni. Isāpiretarina itikakitina sasetotxi auīteakorimoni. ¹² Ininiā sasetotxi auīteakori, kiomātxiakori pakini apotiitaua ikara ene ixinikinina ikapani. Eereka isikarina itoro txineiro sotatomoni, atāo imasāpiretakanina ikapani apanakinimoni. ¹³ Ininiā sasetotxi auīteakori, kiomātxiakori pakini txana:

—Hītxariko apanakinimoni: “Xesosi moianariakori apoka ikanōka aimakasaaki. Iītirīkarina Xesosi Ito,” hītxako. ¹⁴ Hīauīte Pirato imarotakasaakiri himakini, ininiā ate misākiretariko iua, ininiā kona himisiritaāka himakini xika —itxarina sotatoakorimoni.

¹⁵ Ininiā sotatoakori apakaparo txineiro, sāpireta itxarina kākiti Xesosi moianariakori itirīkiniri Xesosi ito. Ikara aāpirena iaripireta Xoteoakorimoni. Uatxa apaka ikara aāpirena auīākapanika.

Xesosi Apoka Imoianariakorimoni

(*Marko 16.14-18; Arókasi 24.36-49; Xoāo 20.19-23; Átosi 1.6-8*)

¹⁶ Ōsi pakini Xesosi moianariakori sari oxiratarimoni Xesosi paniātanimoni Kariréia tōpamoni. ¹⁷ Ninoa atamatari Xesosi. Ikapotoreēkauana iua apisatoō.

—Peerekai. Apiananiri pitxaua —itxanātana.

Txamari ātikaka kona iteene auikari iua Xesosi ininiāua. ¹⁸ Xesosi apoka ninoa takote, misākireta itxana ninoa:

—Teoso txīkitakano itixine auakani auīte nininiāua. Itxīkitakano ikoraxiti auakani auīte apaka nininiāua. Ininiā ikinika posotiiretxi aua notamoni. ¹⁹ Ininiā nipaniātai. Hīsako ikini uākati kākitimoni ikini itixitika. Hōerekana ninoa nisākire. Hīpatxisatana nisākire kīpitakani niri uākaā, imi uākaā, Erekarī Matamatakoti uākaā pakini hīpatxisatanako. ²⁰ Hōerekanako ninoa ikinika nipaniātakiti ikaminina ikapani. Hīxinikariko ia. Nota ātipirika auako hītekata. Hītekata nauiniritika itixi xipokako —itxa Xesosi sākire.

MARKO

Xoão Kapatxisareri Sāpiretakiti

(Mateo 3.1-12; Arókasi 3.1-20; Xoão 1.19-28)

¹ Ia Xesosi Kristo iokanapirena erekari. Teoso ākiri itxaua Xesosi.

² Teoso sākire sāpiretakani iōkatsopatarī ia:

Niokanatariko niokanapirena aniākari kākītimoni kimapori oeretini ikapani pite uai apokini apisa.

³ Iua auako āparaā makipakaniātaā. Isāpirenauatoko: “Hōeretariko kimapori Apiananiri apokini apisapanika. Itīkaāpo erekari hīkamako iua napini ikapani,” itxa iua.

Itxa Teoso sākire iōkatsopatakori kitxakapirīka.

⁴ Ikara atoko Xoão kapatxisareri āparaā makipakaniātaā aua. Ipatxisatakasaakiri kākīti, isāpiretari ia pirena:

—Hītakanapariko maerekati hīkamakiti. Hīpatxisataākako. Ininiā Teoso makatxakariko maerekati hīkamakiti —itxa Xoão kapatxisareri.

⁵ Ikinimane kākīti Xotéia auakani Xerosareē sitatxiti auakani pakini sari Xoōmoni isākire ikenakotinina ikapani. Ninoa sāpiretakasaakiri maerekati ikamakītina, ipatxisatana uini Xotāo inakoriātaā.

⁶ Xoão takari imāka kamero piti kamakori. Itakari ipakiomatare pirātxi mata kamakori. Inikari txītxiri. Mapaā itxīma. ⁷ Iua txari kākītimoni:

—Nota poiāori. Nota tikini apokako apiatakari. !Apakata nikapotoreēkiniua iua takote ikiti mata nimakatzakini ikapani, kotxi nota poiāoka. Iua apiata. ⁸ Nota patxisatai āparaānokara. Iua patxisataiko Erekarī Matamatakotiā. Iuasaaki hīte apakapariko Erekarī Matamatakoti.

Xesosi Patxisatiko Pirena

(Mateo 3.13-17; Arókasi 3.21-22)

⁹ Iuasaaki Xesosi apoka Nasaree sitatxiti, Kariréia tōpamoni. Iuasaaki Xoão kapatxisareri patxisatari iua uini Xotāo inakoriātaā. ¹⁰ Xesosi kanīkītakasaaki, iua itikari iaxiti takakini. Iuasaaki Erekarī Matamatakoti katxaka kamoā katxakini atoko. Iua nopini apoka. ¹¹ Iuasaakipeka Teoso iaxitiki txari:

—Pite namarite, nitiretakiti, napokaerekatai, kotxi ninirekakiti pikama.

Satanasi Atamakaerekatini Xesosi

(Mateo 4.1-11; Arókasi 4.1-13)

¹² Iuasaaki Erekarī Matamatakoti iokanatarī Xesosi āparaā makipakaniātaā. ¹³ Iuaātaā ikaikota koarēta ōti. Iuasaaki Satanasi atamakaerekatari iua. Iuaātaā auari kaxipirini kaneenamarini. Ininiā Teoso nitiriakori iaxitiki nīkatari Xesosi.

Xesosi Mipotorikiniri Iparīka Kariréia Tōpa

(Mateo 4.12-22; Arókasi 4.14-15)

¹⁴ Xoão kateia āki takikosaaki, Xesosi sari Kariréia tōpamoni. Iuaātaā isāpiretari Teoso iokanapirena erekari, Teoso auītetxi ininiāua pirena. ¹⁵ Itxari:

—Teoso keto apopeka. Iua auītetxi ininiua apokaāpotapeka. Ininiā hītakanapariko hīmaerekani. Hāuikariko Teoso iokanapirena erekari —itxa Xesosi.

¹⁶ Xesosi tūpokota Kariréia poati tiniā. Iuasaaki atamatana ipi hetxi takakani, Simāo Petro, itari Atree pakini. Iua atamatana itakinirina hetxi. ¹⁷ Ininiā Xesosi txana:

—Uatxa masa notakata. !Hīmaīkaikariko ximaki. Ātiāo hīparīka auako. Nisākire hīsāpiretako kākītimoni —itxa.

¹⁸ Ininiā iuasaaki ninoa takanapari hetxi, sa itxana Xesosikata.

¹⁹ Apikomoni ninoa saāpota. Itikana Txiako, itari Xoão pakini. Ninoa Sepeteo anaakori. Kanaua miramaneri āki auanātana iuasaaki. Hetxi iotsaānātana. ²⁰ Iuasaaki iua akiritana ninoa. Ininiā ninoa takanapari iri, iri nitiriakori pakini kanaua āki. Eereka isana Xesosikata.

Kiki Maerekati Matamatakoti Auātotakiti

(Arókasi 4.31-37)

²¹ Xesosi imoianariakorikata apoka Kapanaoō sitatxiti. Ininiā tomatiko ōtisaaki Xesosi sari aiko Xoteo apotiiniātaāua oerekarauatini ikapani. ²² Iua sākire kenakotakani tsorīkaāta, kotxi kona kaiōkatsoparerini atokoni !itxa. Iua oerekakiti sākiretxiti pataparari, kotxi !isāpiretari āti koerekareri sākire apanakini kaiōkatsoparerini atoko. Iuaka sākirekara isāpireta.

²³ Iuasaaki aiko āki Xoteo apotiitiniātaāua aua kiki maerekati matamatakoti auakiti. Iua akiripoakata:

²⁴ —Xesosi Nasaree sitatxitikiri. Kipa pinireka atemoni? Pite ina ate pixipokini ikapanikani? Erekarinoka kamakarii. Teoso nakiti pitxaua —itxa.

Ikara atoko iua akiripoakata, kotxi iua maerekati matamatakoti pīkari Xesosi.

²⁵ Ininiā Xesosi itapararitika txari:

—Piotoka. Pitakanapariko ere kiki īto.

²⁶ Iuasaaki maerekati matamatakoti iōkokaītotari. Ikatxakasaaki, akiripoakata.

²⁷ Kākiti iuaātaā auakani tsorīkaāta. Iuasaaki imisākiretakakauana:

—Kiripa? Atxīliti oerekakori sākiretxiti amaneri apopeka? Iua sākire kaposotiireri. Ipaniātakiti maerekati matamatakoti kamapeka —itxanātana.

²⁸ Ininiā ikara pirena iaripireta ikini Kariréia tōpati.

Xesosi Makananitiniro Simão Petro Imakiro

(Mateo 8.14-15; Arókasi 4.38-39)

²⁹ Ininiā Xesosi, Txiaxo, Xoāo pakini takanapakasaakiri aiko Xoteo apotiitiniātaāua, isana Simão, Átree pakini aapokomoni. ³⁰ Iuasaaki Simão imakiro apoomata. Osirīkanāta. Ininiā ninoa sāpiretari Xesosi oamianare. ³¹ Ininiā Xesosi sari oamoni. Imaīkaro ouako. Ōkitikaro. Iuasaakipeka oāpoomare ! auaika. Ininiā opotorika oparīkauatini, ninoa kiena okamini ikapani.

Xesosi Makananitinina Amianatakani

(Mateo 8.16-17; Arókasi 4.40-41)

³² Ininiā mapiānikata kākiti minana ikinipoko amianatakani, maerekati matamatakoti auāītotakini pakini iuamoni. ³³ Ininiā ikinimane iua sitatxi auakani apotiitaua aapokotxi tore takote. ³⁴ Ininiā Xesosi makananitana itomaneri amianatakani. Kaiāopokori amianari auakini imakananita. Apaka omitikana itomaneri maerekani matamatakoni. Iuasaaki ! auritana ninoa sākirauatini, kotxi ninoa imarotari Teoso ākiri ininiua Xesosi.

Xesosi Sāpiretiniri Teoso Sākire

(Arókasi 4.42-44)

³⁵ Ikanōkapanika mapiāpanika Xesosi ōkitikaua. Itakanapari aapokotxi. Iuanoka sari kākiti mauakaniātaā iri iaxitikiri imisākiretini ikapani. ³⁶ Eereka Simão imoianariakorikata sari Xesosi initinina ikapani. ³⁷ Ninoa apokasaakiri, itxana:

—Ikinimane nitai —itxarina.

³⁸ Xesosi apakapapiretana:

—Masa ātiātaā kākiti aapokomoni. Iuaā nisāpiretariko Teoso sākire, kotxi ikara atoko itxa nīparīka kākitimoni. ³⁹ Xesosi sari ikini Kariréia tōpa. Aiko Xoteo apotiitiniātaāua isāpiretari Teoso sākire. Apaka omitikana maerekani matamatakoni kākiti ītoā auakani.

Kiki Maere Matati

(Mateo 8.1-4; Arókasi 5.12-16)

⁴⁰ Amianatakari maere matati apoka Xesosimoni. Ikapotoreēkaua iua apisatoō. Iua iteene amanaāri:

—Nimarotari, pinirekiniāri piposotari erekape pitxīkitakinino —itxa.

⁴¹ Ininiā iuasaaki Xesosi iteene tiretari iua. Itakari iuako iua nopini. Itxari:

—Ari, ninirekapitikari. Erekepekai uatxa.

⁴² Iuasaakipeka amianari !auaika. Erekepekari iua.

⁴³ Xesosi iokanatarari iua. Iuasaaki isāpiretari iua:

⁴⁴ —Kona pisāpiretapiri apanakini pitemoni nikamakiti. Uatxa merepanika pisa sasetotxiakorimoni. Poerekari piito ninoamoni. Eereka pikamariko Moisesini paniātakiti. Ikara atoko oerekari kākiti atāo erekepeka pinini —itxari.

⁴⁵ Iuaritika isāpiretapikari Xesosi kamakiti. Ininiā iaripireta ikara pirena. Ikara xika Xesosi !iposotaika isini aapokotximoni. Ikaikota kākiti mauakaniātaā. Iuaritika kākiti sari iuamoni.

2

Matīpokotakati Pirena

(Mateo 9.1-8; Arókasi 5.17-26)

¹ Eereka mapaōtipeka inaka atoko iuaīkana Xesosi Kapanaoō sitatxiti apoka itxa. Iaripireta Xesosi inirimane aapoko apokini. ² Iuasaakipeka mirikiniti kākiti apoka iuamoni, ininiā iua aapokotxi xāpoka. Apotiitauana Ironakikoātaā apaka. Ininiā !apakata apanakini kākiti İroini aapokotxi āki. Iuasaaki Xesosi sāpiretari Teoso sākire kākitimoni. ³ Iuasaaki ipi ipi pakini kikiakori minari matīpokotakati. ⁴ Kākiti itomaneri Ironakikoātaā

aua, ininiã kona iposotarina Xesosi takote apokinina. Ininiã aapokotxi nopini, Xesosi manapi ninoa sonatari iua matipokotakati iokatzakinina tũkane Xesosimonikari. Iposo atoko isikakaãpotarina iua manapi. ⁵ Xesosi imarotari ninoa atão auikiniri iua sãkire. Ininiã Xesosi txari matipokotakatimoni:

—Namarite, pimaerekani makatzakapeẽkaika —itxa.

⁶ Iuasaaki ãtikaka kaiõkatsopareriakori topãkanãta iuaã. Itsorĩkaãnãtana. Ixiniõremoninani:

⁷ —Kinirepa ia kiki ikara atoko itxa? Maerekati isãpiretakiti, kotxi Teosonanira posotari imakatzakiniri kãkiti maerekani —itxa ninoa sãkire.

⁸ Iuasaakipeka Xesosi imarotari ninoa xinikakiti ãkixiniõẽna. Ininiã Xesosi txana ninoa:

—Kininiãpa ikara atoko hitxa xinireta? ⁹ Nitxari iua imaerekani nimakatzakini, txamari !himarotari imaerekani atão nimakatzakini. “Põkitikaua. Pisirimata pikoseka, sipe pitxa,” nininiã, iuasaaki himarotari nisãkire atão ininiãua, kotxi hitikari. Niposotiire imaerekani nimakatzakini ãkapani, niposotiire iua nõkitikini ãkanitxikana. ¹⁰ Ininiã uatxaika noerekai hite, Teoso iokanatano nota hitari iaxitikiri ãkorapokoritimoni kãkiti maerekani nimakatzakini ãkapani —itxana kaiõkatsopareriakori.

¹¹ Ininiã matipokotakatimoni itxa:

—Põkitikaua. Pisirimata pikoseka, sipe pitxa paapokomoni —itxa.

¹² Iuasaakipeka iua õkitikaua. Ikosekari isirimata. ãkoraõpe itxa ikinimane okiãtaã. Imakinika kãkiti tũkoka.

—Peerekari Teoso kamakiti. Kona mitxi ate itikari ãkora atoko inakari —itxanãtana kãkiti.

Mateo Pirena

(*Mateo 9.9-13; Arõkasi 5.27-32*)

¹³ Ininiã iuaũkana isari ipoamoni. Kaiõopokori kãkiti apotiũtaua iukata. Iuasaaki oerekana ninoa. ¹⁴ Isaãpotakasaaki, atamatari Arevii inakori. ãti iuaũka Mateo inaãka. Aopeo inakori ãkiri itxaua iua. Iitopãkanãta auĩtetxiakori txineirote apakapiniãtaã. Ininiã Xesosi txari:

—Masa notakata.

Iuasaakipeka õkitikaua, Xesosikata sa itxa.

¹⁵ Eereka Xesosi nipokota Arevii aapoko. Itori auĩtetxiakori txineirote apakapakani, itori apanakini maerekani, topãkanãta Xesosi takote, imoianariakori takote pakini. Kaiõopokori kãkiti aua iuasaaki, kotxi kaiõopokori kãkiti Xesosikata sikani. ¹⁶ Pariseoakori, kaiõkatsopareriakori pakini itikari Xesosi auĩtetxiakori txineirote apakapanikata, apanakini maerekanikata pakini inipokotini. Ininiã kaiõkatsopareriakori, pariseoakori pakini pimaãna Xesosi moianariakori:

—Kinirepa hinipokota auĩtetxiakori txineirote apakapanikata, maerekanikata — itxana.

¹⁷ Xesosi ikara ikenakotakasaaki, itxana:

—Kãkiti mamianatakani kona nirekari kãkiti pinĩtxi imarotakari. Amianatakaninokara nirekari pinĩtxi imarotakari. Nota uai apoka maerekani nakiritini ãkapani, imaerekanina itakanapinina ãkapani. Kona nakiritari kãkiti “atão inakari kamakani” uãkatakaniua —itxa Xesosi.

Nipokori Takanapiko Teoso Misãkiretiko ãkapani

(*Mateo 9.14-17; Arõkasi 5.33-39*)

¹⁸ ãti õti Xoão moianariakori, pariseoakori pakini takanapari inikinina Teoso imisãkiretinina ãkapani. Iuasaaki kãkiti pimaãri Xesosi:

—Kinirepa Xoão moianariakori, pariseoakori pakini takanapari inikinina Teoso imisãkiretinina ãkapani, txamari pite moianariakori kona ikara atoko !itxana.

¹⁹ Ininiã Xesosi:

—Kiiniri kãkiti ãtanorouatakasaaki, ãtanorouatakari aua iuaã, ininiã kona kãkiti takanapari inikini iuasaaki. Kona iua ãtanorouatakari nirekari kãkiti natxitini. Ininiã iua auakasaaki ninoakata, ikinimane nipokota.

²⁰ Ininiã nota ãtanorouatakari atoko nitxa. Nota auakasaaki nimoianariakorikata, kona itakanaparina inikinina Teoso imisãkiretinina ãkapani. ãti õti nota !auaika nimoianariakorikata. Iuasaakiikarako itakanaparina inipokotinina Teoso imisãkiretinina ãkapani.

Amaneri Mãkatxi Pirena

²¹ Kona kãkiti tãpanetari mãkatxi kitxakari mãkatxi mata amaneriã. Mãkatxi mata amaneri itxikika, ininiã kitxakari tsorakita.

Amaneri Sako Aamata Kamakori

²² Kona kãkiti takari iãriã amaneri sako kitxakari aamata kamakori ãki. Itakiniãri, koanatxi kitxakari aamata kamakori tsorakita, ininiã iãriã xikepoata, ininiã koanatxi !

kikeikari. Sako amanerri ãki itakaãka iãriã amaneri. Iua atokokana kona hïkoretari kitxakari sãkiretxiti amaneri sãkiretxitikata.

Tomatiko Ôti Pirena

(Mateo 12.1-8; Arókasi 6.1-5)

²³ Tomatiko ôti Xesosi imoianariakorikata napaãpota kikio triko takikoãtaã. Ininiã ninoa makatxakaro triko iki mapaki inikinirona Ìkapani. ²⁴ Pariseokori atamatana, ininiã itxarina:

—Kinirepa ninoa parïkauata tomatiko ôtisaaki? —itxana.

²⁵ Ininiã Xesosi apakapapiretana:

—Kona hãtatsopatapanikari Taviini kamakiti? Iua, imoianariakorikata natxitakasaaki, kona himarotatari ikamakiti? ²⁶ Iua Ìroã Teoso misãkiretikoãtaã. Apiataa inakori sasetotxi auïte apiatakari iusaaki. Iuaã Tavii nikari komiri Teosomoni sikakori. Sasetotxinokara auiritaãka iua komiri inikinina. Apanakini ! auiritaãka inikiniri. Txamari Tavii sikari imoianariakori inikinina Ìkapani.

²⁷ —Tomatiko ôti kamaãka, kãkiti Ìto ereka inini Ìkapani. Kona kãkiti kamaãka tomatiko ôti auini Ìkapani. ²⁸ Nota hïtari iaxitikiri posotari Ìkiniãpoko ninireëkiti nikamini tomatiko ôtisaaki, kotxi Apiananiri nitxaua —itxa Xesosi.

3

Motïkauakotakari Pirena

(Mateo 12.9-14; Arókasi 6.6-11)

¹ Iuaïkana Xesosi imoianariakorikata Ìroã aiko Xoteokori apotiitiniãtaãua. Iuaã apokari kiki motïkauakotakari. ² Ininiã iuaã auakani txari

—Atxiiti iua erekapeka txïkitakari motïkauakotakari uatxa tomatiko ôtisaaki?

Ninoa xinikari Ìkara atoko inini, kotxi ninoa kinirão apoïtaka txari Xesosi. ³ Ininiã Xesosi akiritari iua motïkauakotakari:

—Uaimoni pina —itxari.

⁴ Iposo atoko ipimaãna iuaã auakani:

—Kipa atão Teoso paniãtaua akamini tomatiko ôtisaaki? Maerekati akaminikani? Erekarï akaminikani? Ipaniãtataua ãti amakananitini? Ipaniãtataua ãti aõkini?

Txamari ninoa Ìkasãkirena. ⁵ Xesosi atamatana. Iusaaki inaiataua, iuaritika imatinanïuata, kotxi ninoa Ìnïrekari atão Ìmarotinina. Ininiã Xesosi txari iua motïkauakotakari:

—Pisirïkauakota —itxari.

Ininiã itamëkauakota. Erekape itxa iuako. ⁶ Ininiã pariseokori potorika iuaã. Isana Erotxi sãkire auïãkanimoni. Iuaãtaã ninoa xinikari Xesosi okaenetinina.

Itori Amianatakani Sari Xesosimoni

⁷ Ininiã Xesosi sari Karirëia poamoni. Iusaaki itori kãkiti Karirëia tixinikini, Xotëia tixinikini pakini sari iuamoni. ⁸ Xerosareë sitatxitikini, Itomëiakini, Xotão ipiniãkini, Txïrokini, Sitoõkini pakini sari iuamoni. Ninoa kenakoenetari ikamakiti, ininiã iuamoni isana. ⁹ Ininiã ipaniãtana imoianariakori:

—Kanaua himina, kotxi kaiãopokori kãkiti katikaãpotano. Ininiã kanaua ãki niereëtaua —itxa Xesosi.

¹⁰ Iusaaki kaiãopokori kãkiti erekapeka itxïkitakapeka. Apanakini amianatakani nirekakari imaãtakinirina Xesosi, erekapeka ininina Ìkapani. Ininiã Ìkatikaãpotarina Xesosi, kotxi kaiãori kãkiti. ¹¹ Maerekati matamatakoti auakini atamatakasaakiri Xesosi, irikana Xesosi apisatoõ. Akiripoatana:

—Teoso ãkiripitikai pite.

¹² Ininiã Xesosi kona auiritana ninoa: “Teoso ãkiripitikai,” ininina.

Xesosi Mereëna Tosi Imoianariakori

(Mateo 10.1-4; Arókasi 6.12-16)

¹³ Iposo atoko Xesosi sari õtanoxiratarimoni, akirita itxana inirekaãkini. Ininiã ninoa sari iuamoni. ¹⁴ Ininiã iua mereëna tosi kikiakori iuakata kaikotakani tïkane, Teoso sãkire sãpiretakani Ìkapani. ¹⁵ Iua sikari iposotiire ninoamoni, amianatakani erekapeka itxïkitakinina Ìkapani, apaka maerekati matamatakoti omitikinina Ìkapani. ¹⁶ Ininiã akiritari Simão. Xesosi takauãkatari Simão ãti iuãka. ¹⁷ Akiritana Txïako, itari Xoão pakini. Sepeteo anaakori itxauana. Xesosi takauãkatana ninoa Poanexi. Poanexi Popïkari sãkireë “Ìkarokirauari anaakori.” ¹⁸ Akiritana ãtree, Piripi, Patoromeo, Mateo, Tomee, Txïako pakini. Aopeo ãkiri itxaua iua Txïako. Akiritana Tateo, Simão pakini. Homano omanatakari iua Simão. ¹⁹ Akiritari Xotasi Isikariotxi inakori apaka. Xesosi mikapiritakari itxaua iua Xotasi Isikariotxi. Pakini Xesosi akiritakini imoianariakori ininiuana Ìkapani.

*Maerekani Matamatakoni Omitikiko**(Mateo 12.22-32; Arókasi 11.14-23; 12.10)*

²⁰ Iuaĩkana áti aapokotxitimoni isa Xesosi, imoianariakorikata. Iuasaaki mirikiniti kákiti iuaĩkana apotiitaua. Ikara atoko ininiã kona ninoa nipokota. !Apakata inipokotinina, kotxi mirikiniti kákiti aua iuaã. ²¹ Xesosi nirimane kenakotari kákiti apotiitiniua iuakata. Ininiã isana iua apinina ikapani.

—Imapitxiritapeka —itxana.

²² Kaiõkatsopareriakori Xerosareẽ ikani apoĩtari Xesosi maerekati ikamini. Ninoa sáikire:

—Peosepoo inakori auaitotari iua. Ininiã Peosepooa omitikari maerekati matamatakoti —itxana.

Peosepoo Satanasi itxaua. Apanakini sáikire:

—Maerekani matamatakoni auĩte sikaposotiiretari Xesosi maerekati matamatakoti omitikini.

²³ Ininiã Xesosi akiritari kákiti isáikire ikenakotinina ikapani. Sápirenatxi atão inakari oerekiko isápiretana ninoa. Ipimaãna:

—Natokopa itxa Satanásika omitikiniua? ²⁴ Auĩtetxi tixine auakani naiatakakiniãua, ixipokaãkanako. ²⁵ Kákiti aapoko áki auakani ninoakakarika neenamauatinia, ixipokaãkanako apaka. ²⁶ Iua atokokana, Satanasi nitiriakori, ninoakakarika naiatakakiniãua, Satanasi tapara xipokako.

²⁷ —Kona kákiti iroã kiki mitapoari aapoko áki iĩtiriatini ikapani. Kinirão iĩtiriatata, ininiã iaxirikari mitari mitxi. Iposo atoko inirekaákiti iĩtirika.

²⁸ —Ari, atãopitikara nota txai hĩte. Apakata Teoso makatxakiniri ikinipoko maerekati kákiti kamakiti, imaerekani Teoso imisáikirepiretini pakini. ²⁹ Txamari átipekana maerekati kamakari aua. Erekari Matamatakoti misáikirepiretakari maerekani makatxakiko kona auari. Ikara atoko inakani inikoriãriko imisiritiko maerekani misiritikoãtaã —itxa Xesosi.

³⁰ Xesosi ikara atoko itxa, kotxi pariseoakori txari: “Iua auari maerekati matamatakoti.”

*Xesosi Inoro, Itariakori Pakini**(Mateo 12.46-50; Arókasi 8.19-21)*

³¹ Iuasaaki itariakori inorokata apoka porikiti. Ipaniãtarina áti akiritiniri Xesosi. ³² Iuasaaki itori kákiti topákakani ákitari Xesosi. Isápiretarina:

—Pitariakori, pinoro apaka porikiti aua. Initanãtai —itxarina.

³³ Ininiã Xesosi apakapapireta:

—Kĩripa nitariakori, ninoro pakini?

³⁴ Iua atamatana itakote topákakani:

—Hãtamata, uai aua ninoro, nitariakori pakini. ³⁵ Teoso nireẽkiti kamakani nitariakori, nitaroakoro, ninoro pakini itxauana —itxa Xesosi.

4*Katakareri Pirena**(Mateo 13.1-9; Arókasi 8.4-8)*

¹ Iuaĩkana Xesosi oekarauata ipoa takote. Kákiti mirikiniti, ininiã imorõkokaua kanaua áki. Iitopãka. Ninoa aua imiriĩ, ininiã iua kanauaã oekarauata. ² Itori Teoso sáikire oerekana ninoa sápirenatxi atão inakari oerekikoã. Itxana:

³ —Hĩkenakota. Katakareri takarauata. ⁴ Itakarauatakasaaki itakareki irika kimapori tiniãpo. Ininiã kotipirikĩ nikari itakareki.

⁵ —Apanakini itakareki irika kai auiniãtaã, kipatxi mauakaniãtaã. Atãoka ipitxaka. ⁶ Kipatxi poiãoka auiniã atokatxi pataka apokasaaki itxarika. Omakotsani xika osonãka.

⁷ Apanakini irika inako saualki. Inako aneẽkasaaki, okari takari. !Iriuata. Ipinã.

⁸ —Apanakini irika kipatxi auiniãtaã. Ininiã iriuata. Áti poiãoka iriuata, trĩtakata. Áti apiata iriuata, sesẽtakata. Áti kaiãopoko iriuata, seĩkata.

⁹ —Kakenakokii, ininiã hĩkenakotariko nisáikire —itxa Xesosi.

*Kákiti Mimarotakinini Xesosi Sápiretini Pirena**(Mateo 13.10-23; Arókasi 8.9-15)*

¹⁰ Iuanani imoianariakorikata auakasaaki, ipimaãrina Xesosi:

—Poerekaua mixikanani sápirenatxi atão inakari oerekiko pisápiretakiti? —itxarina.

¹¹ Ininiã isápiretana:

—Teoso sáikire mauĩãkani !imarotari Teoso auĩtetxi ininiua. Teoso oerekai hĩte ninoa mimarotakinini. Teoso oerekana ninoa isáikire sápirenatxi atão inakari oerekikoã. ¹² Atxiĩti ninoã iteene atamatari Teoso oerekakiti, uaritika !imarotarina atamatakinitina. Atxiĩti iteene

ikenakotarina Teoso sâkire, iuaritika !imarotarina ikenakotakitina. Imarotâakamariko, akiritaâkamariko Teoso, ininiâ Teoso makatxakamariko ninoa maerekani.

¹³ Ininiâ Xesosi txari:

—Himarotatari ikara sâpirenatxi atâo inakari oerekiko?

—!Aimarotari —itxana.

—Ininiâ natokopa ininiâparako himarotatari apanakini sâpirenatxi atâo inakari oerekiko?

¹⁴ Ininiâ imimarotakinitina oerekana:

—Iua takarauatakari takari Teoso sâkire. ¹⁵ Aua kâkiti kimapori tiniâpo takarekitxi irikiniâtaâ atoko inakani. Ininiâ Teoso sâkire ikenakotakasaaki Satanasi apoka. Ininiâ imaktxakari Teoso sâkire âkixinireêna apokakari.

¹⁶ —Aua kâkiti kai auiniâtaâ atoko inakani. Ninoa kenakotakasaakiri Teoso sâkire, uasaakipeka apakaparina ipoxokoniritikana. ¹⁷ Itxamana, kona kakotsari. Imaxikiko apokiniâ, imisiritiko Teoso sâkire auikinina xika apokiniâ, uasaaki itakanaparina Teoso sâkire.

¹⁸ —Aua kâkiti aanaia auiniâtaâ atoko inakani. Ninoa kenakotapitikari Teoso sâkire.

¹⁹ Txamari maerekaxiniretinoka itxana. Txineironoka inirekana, ininiâ ikara misiriene-tana ninoa. Kaiâopokori inireêkitina, Teoso manirekakiniti. Maerekaxiniretinoka ininina, txineiro, inireêkitina pakini inako atoko itxa, ininiâ !ixinikaikarina Teoso sâkire, ininiâ kona iriuata.

²⁰ Aua kâkiti kipatxi erekari auiniâtaâ atoko inakani. Ninoa auikari Teoso sâkire. Iriuatana. Âti iriuata poiâoka, trîtakata. Âti iriuata apiata, sesêtakata. Âti iriuata ito, seîkata.

Tirikapi Pirena

(*Arókasi 8.16-18*)

²¹ Xesosi pimaâna ninoa:

—Nanipa hîtakari tirikapi? Kopiti âkikani hîtakari? Amesa patapikani hîtakari? Kon-apitini. Hîtakari itano imakinika lopinikini ikapani. ²² Iomaâtakori âti ôti oerekaâkako. Kîpatakori oerekaâkako, kotxi nota imarotapitikari hîkamakiti. ²³ Kakenakokii, ininiâ hîkenakotariko nisâkire —itxa Xesosi.

²⁴ Xesosi sâkirauatapanika:

—Hîtakaôtxikariko nisâkire. Imakinika hîkenakotako. Erepaniko pikamakiti âtimoni, kotxi pite kamakititxikana kamaâka pitemoni. Erepaniko, kotxi apiata ikamaâka pitemoni. ²⁵ Teoso sâkire auakiti, iua sâkire kîpitakari, Teoso sikari apikomoni imaroretxi iuamoni. Txamari Teoso sâkire kenakotakari, isâkire makîpitakati, imarore xapiti iuamoni auakari makatxakaâkako.

Takariki Pirena

²⁶ Apikomoni Xesosi txari:

—Teoso auîtetxi ininiâua kiki takariki taâkari atoko itxa. ²⁷ Itakarauata. Imaka îkanôka. Âti iparîka ikama pokamara. Iuasaaki itakare pitxakapeka. Kona iua imarotari otomorekini. ²⁸ Merepanika otomoreka. Iposo atoko opitxaka. Eereka opa aua. ²⁹ Oaneêpeka onakasaaki katakareri makoapataro, kotxi oamiko manapipeka itxa.

Ikara atoko itxa Teoso auîtetxi ininiâua.

Mostata Pirena

(*Mateo 13.31-32; Arókasi 13.18-19*)

³⁰ Xesosi sâkirauatapanika. Itxari:

—Natokopa itxa Teoso auîtetxi ininiâua? Îkiripa sâpirenatxi atâo inakari oerekiko oereka? Ia atoko itxa: ³¹ Teoso auîtetxi ininiâua mostata oki atoko itxa. Axapitikiro oa. Apanakini iki apiata. ³² Otakaâka atoko opitxaka. Eereka oaneê. Apanakini takari îtano apiata oa. Amaripokoro okati. Kotipiriki takari okoa okatiâ. Iua atokotxikana Teoso auîtetxi ininiâtaâua.

Merepanika poiâo kâkiti. Eereka apiata. Eereka kaiâopokori kâkiti auîtetari Teoso. Txamari iuasaaki Satanasi apoka ninoamoni kotipiriki apokini atokokana.

³³ Kaiâopokori sâpirenatxi atâo inakari oerekiko isâpiretana, Teoso sâkire imarotininina îkapani. Ninoa imarotakasaakiri isâkire, apiata isâpiretana. Imimarotakanisaakiri isâkire, poiâonoka isâpiretana. ³⁴ Teoso sâkire oerekasaakina ninoa, sâpirenatxi atâo inakari oerekikonoka isâpireta. Eereka imoianariakorinoka auakasaaki iuakata, oerekana ikara imarotininina îkapani.

Xesosi Iotokakiniri Îtima

(*Mateo 8.23-27; Arókasi 8.22-25*)

³⁵ Iua ôtipanika mapîânikata itxana imoianariakori:

—Maîpiriâta ipoa. Ipinîâmoni masa —itxana.

³⁶ Ininiã itakanapana itomaneri kãkiti. Iuasaaki imoianariakori anikari Xesosi kanauaã. Apanakini kanaua axapitiri apaka sari ninoakata. ³⁷ Ìpiriãtakasaakina Ìtima kataparari apoka ninoamoni. Tsakati kataparari, ininiã àparaã ierepeëpokataua kanaua ãki. Kanaua sakikaariãpotape.

³⁸ Iuasaaki Xesosi ikapokiãmoni imakanãta. Isirimata nopini imakanãta. Ninoa Õpirikari iua:

—Kona pimaãkataua ate. Kona pitiretataua? Apinanapanoka —itxana.

³⁹ Ininiã imereka. Ipinitari Ìtima:

—Piotoka. Auapika pitxako —itxari ipoa.

Ininiã itSORikaxitita. Ìtima iotoka. Tsakati iotoka apaka. ⁴⁰ Ininiã Xesosi:

—Natokopa ininiãpa kapikarei hÿte? Kinirepa hÿte kona auikano nota? —itxana ninoa.

⁴¹ Apiapÿkareta ninoa. Ininiã ninoa:

—Kÿnakaripa ia kiki, kotxi Ìtima, tsakati pakini auikari iua sãkire —itxana.

5

Kiki Maerekani Matamatakoni Auaÿtotakiti

(Mateo 8.28-34; Arókasi 8.26-39)

¹ Xesosi imoianariakorikata apoka àtiãtaã Xerasa tõpa, Kariréia poa ipiniã. ² Xesosi kanÿkÿitakasaaki, kiki ina iuamoni. Iua akauariãtaã auakari. ³ Iuaãtaã iua auanãta. Kãkiti ! iposotari ÿtxikiniri iua. ÿtxikare metao kamakori karakÿtapekata. ⁴ Kaiãokatani kãkiti ÿtxikari iuako, ikiti pakini metaoã, txamari ikakarakÿsatarari metao. !Apakata kãkiti ñkatiniri iua. ⁵ Ìkanõka, pokamara pakini ixirataãtaã akiripoanãta akauari auiniãtaã. Kai soroã iuaka ikisauakÿtataua. ⁶ Õtakopanika atapari Xesosi inini. Ininiã imiteëkata iuamoni. Ikapotoreëkaua iua apisatoõ.

—Apiananiri pitxaua —itxa.

⁷ Akiripoakata:

—Xesosi, Teoso ãkiri pitxaua. Apiananiri ãkiri pitxaua. Kipa pinireka nota ÿkapani? Teoso uãkaã namanaãni pite, kona pimisiritapeno —itxa maerekati matamatakoti. ⁸ Ìkara atoko itxa kotxi Xesosi paniãtari:

—Maerekati matamatakoti pisipeka. Pitakanapari ere kiki —itxari.

⁹ Xesosi pimaãri:

—Kipa piuãka? —itxari.

Iua apakapapiretari:

—“Ìtori” ninaãka niuãka. Kotxi itori maerekani matamatakoni ate.

¹⁰ Ìteene iua amanaaãpotari Xesosi:

—Kona piokanatapeua àtiãtaã.

¹¹ Iuasaaki auari kaiãopokori irari ixiratamoni nipokonãtakani. ¹² Maerekati matamatakoni iteene amanaãri Xesosi:

—Piokanataua ate irarimoni. Pauiritaua ate sini ninoamoni —itxanãtana.

¹³ Ininiã Xesosi iokanataka. Iuasaakipeka maerekani matamatakoni takanapari iua kiki, ÿroã itxana irari ÿtomoni. Iuaãtaã auari ipi mio irari. Ninoa ÿroãkasaaki, irari miteëkata oiokiriÿtini ipoamoni. Komoka, axãpoãta itxana iuasaaki.

¹⁴ Irari ñkatakani miteka sitatximoni, aapokotxi poião auinimoni pakini. Isãpiretana kãkiti itikakitina. ¹⁵ Eereka isana Xesosimoni. Iuasaaki atamatarina kiki mitxi maerekati auaÿtotakiti. Iitopãkanãta. Mãkatxi auapekari. Atão ÿkitapeka auari. Iuaritika ninoa pÿkarauata. ¹⁶ Itikakani sãpiretari apanakini iua kiki pirena, irari pirena pakini. ¹⁷ Kãkiti iuaãtaã auakani paniãtari Xesosi osipikiniri iuaãtaã.

¹⁸ Xesosi iereëtakasaakiaua kanaua ãki, iua kiki amanaãri iuakata isini ÿkapani. ¹⁹ Xesosi ! auiritari. Itxari:

—Pisa pinirimanemoni. Pisãpiretana Apiananiri kamakiti pite ÿkapani. Pisãpiretana iua iteene iamoniãki pite. ²⁰ Ininiã iua sipe. Iuaãtaã auari sitatxi tesi pakini. Iua kiki sari ninoa tesi sitatxitimoni. Isãpiretari kãkiti Xesosi kamakiti iua ÿkapani. Iuaãtaã auakani tsorÿkaãta:

—Anekani, peerekari Teoso —itxana.

Xãiro Amanaãkiti Pirena

(Mateo 9.18-19; Arókasi 8.40-42)

²¹ Ininiã eereka Xesosi ÿpiriãta ipoa. Ininiã ipoa ÿtiniã kaiãopokori kãkiti apotiitaua iuakata. ²² Aiko Xoteo apotiitiniãtaãua sikani auÿte apoka iuamoni. Akiritaãka Xãiro iua. Iua kapotoreëkaua Xesosi apisatoõ. ²³ Iua iteene amanaãri Xesosi:

—Namarite opinanapanoka. Masa notakata. Pitakari piuako oa nopini erekape onini ÿkapani.

²⁴ Ininiã Xesosi sari iuakata. Kãkiti kinapokope itxakata isinina.

Xesosi Mãka Maãtakakaro
(*Mateo 9.20-22; Arókasi 8.43-48*)

²⁵ Iuasaaki sito amianatakaro apoka. Tosikanani oa arêka ! iotoka. ²⁶ Okinika otxineiroteê oïkitxitapekari oamianare imarotakani. Kaiãopokori ipitamaro. Txamari ninoa ! iposotari imaktxakinirina oamianare. Kona erekaro. Apiata oamianare. ²⁷ Okenakoenetakasaakiri Xesosi napini, osari iuamoni. Omaãtakari imãka, ²⁸ kotxi oa-moni: “Nimaãtakiniãri imãka, iuasaakiika erekapekano,” otxanãta oxinikakiti. ²⁹ Ininiã omaãtakasaakiri, oarêka iotoka. Iuasaakipeka oimarotari erekape onini.

³⁰ Iuasaakiika Xesosi posotiire sari oamoni. Ininiã ikirioka kãkiti sauaki. Eereka ipimaãna:

—Kipa maãtakatari nimãka? —itxa.

³¹ Iuasaaki imoianariakori apakapapiretari:

—Apiananiri, patamata. Itomaneri kãkiti kinapokopeka, uaritika pite pimaãri kãkiti: “Kipa maãtakatano?” pitxa —itxana.

³² Iuaritika Xesosi nitari imãka maãtakakari. ³³ Iuasaaki oa sito imarotari erekape onini, ininiã okapotoreêkaua iuamoni. Opïkarauata. Okikinanaka. Eereka osãpiretari ikinika oamianare iuamoni. ³⁴ Ininiã Xesosi txaro:

—Namarite, pite erekapekai uatxa, kotxi pauikari niposotiire. Pisipiniikaua, erekax-inirepekai —itxa Xesosi.

Xáiro Ákero Ôkitikiko
(*Mateo 9.23-26; Arókasi 8.49-56*)

³⁵ Xesosi sãkirauatakasaaki oakata, apanakini Xáiro nitiriakori apoka. Itxari:

—Pamarite lauauka. Opïpeka. Pauiritari Xesosi kanapiriini.

³⁶ Ininiã Xesosi limaãkatari ikara pirena. Itxari Xáiro:

—Kona pipïkarauatape. Pauikano —itxari.

Ininiã ninoa sari Xáiro aapokomoni. ³⁷ Xesosi auiritana Petro, Txiako, Txiako itari Xoão pakini sini iuakata. !Auiritana apanakini sini iuakata. ³⁸ Ninoa apokasaaki Xáiro aapoko, kãkiti iuaãtaã auakani !imarotarina ikamakitina. Ikinipoko kãkiti txiapanãta, akiripoakanãtana. ³⁹ Xesosi ñroã. Itxana:

—Kinirepa iteene hïtxiapanãta? Kinirepa hãkiripoanãta? Amarini lipina. Oimakanãta —itxa.

⁴⁰ Ininiã inapetarina iua. Ininiã iokanatanana ninoa mapara. Oïri, onoro, Xesosi moianariakori pakini ñroã amarini auiniãtaã. ⁴¹ Imaãkaro ouako. Iuasaaki isãpiretaro oa isãkireê:

—Taritaa komii.

Popïkari sãkireê: “Amarini pökitikaua.” ⁴² Iuasaakipeka oökitikaua. Oñpokota. Oa amarini aua tosi anokanani. Iuasaaki ninoa iteene tsorïkaãta. ⁴³ Ininiã Xesosi paniãtana:

—!Hïsãpiretapiri apanakini nimakananitiniro oa.

Apaka ipaniãtana isikakienatiniro oa.

6

Nasaree Auakani Kona Auikari Xesosi Sãkire
(*Mateo 13.53-58; Arókasi 4.16-30*)

¹ Xesosi imoianariakorikata potorika iuaã. Nasaree sitatxitimoni isana. Iuaãtaã mitxi Xesosi aneê. ² Tomatiko ôtisaaki iua oerekari kãkiti aiko Xoteo apotiitiiniãtaãua. Xesosi sãkire kenakotakani tsorïkaãta. Itxana:

—Nanipa apaiaõkarauata, ikara atoko imarotini? Kipa oerekari imarore? Ikamakiti oerekari apiata imarore aua. Kininiãpa ñkora atoko itxa posotiireta? ³ Ate imarotari iua, kotxi aapokotxi kamakari itxaua iua. Maria ãkiri iua. Iua itariakori Txiako, Xosee, Xota, Simão pakini itariakori itxauana. Itaroakoro apaka aua uai, ininiã ate imarotari iua —itxana.

Ikara xika kona ninoa auikari isãkire.

⁴ Ininiã Xesosi txana ninoa:

—Teoso sãkire sãpiretakari paxitaãka, txamari Teoso sãkire sãpiretakari itixineê auakasaaki, iuaã auakani, inirimane, iua aapoko ãki auakani pakini lipaxitari. !Auikarina iua sãkire —itxa.

⁵ Ininiã iuaã kona ikamari iposotiire apiari. Iuako itaka ãtikaka amianatakani nopini, ininiã amianatakani erekapeka itxikitaka. ⁶ Itsorïkaãta, kotxi iuaã auakani ! auikari isãkire. Ininiã iua tãpa isari aapokotximoni. Oerekarauata iuaã. Eereka isari apanakini aapokotxitimoni. Iuaãkana oerekarauata. Itxaãpota iuaãtaã.

Xesosi Iokanatana Imoianariakori Kākitimoni.

(Mateo 10.5-15; Arókasi 9.1-6)

⁷ Xesosi akiritana imoianariakori tosi pakini. Ipi iokanata ātiātaā, iuaīkana ātiātaā iokanatana ipi. Ikara atoko iokanaāpotana imoianariakori. Iposotiire isikana ninoa maerekani matamatakoni omitikinina īkapani.

⁸ Itxana:

—Kona minakati hanikape. Hītsonerenoka hanika. Kona hītii, kona auatxi, kona txineiro !hanikape. ⁹ Hīkiti mata hīeretaka. Ātika kasipiri hīmāka hanika. ¹⁰ Sitatxi hāpokasaaki, ātika aapokotxinanirako hāua. Iua sitatxi hāuakasaaki, hīkaikota iua kākiti aapoko. Kona hāuape āti kākiti aapoko. ¹¹ Kākiti mapakapanisaakii, hīsākire imakenakotakanisaakina, ininiā hitakanapana. Hīpotorikasaaki, hīkaxipokari kipatxi hīkiti mataā auakari, ininiā ikara atoko hōerekana ninoa maerekani ininiuana. Kākiti misiritiko sāpiretiko ōti apokasaaki, Sotoma sitatxiti auakani misiritiko auapitika. Iuasaaki Komoha sitatxiti auakani misiritiko auapitika. Iuaritika sitatxi auakani hīte mapakapani misiritaākako apiata iusaaki.

¹² Ininiā isana. Isāpiretari kākiti imaerekani itakanapini.

¹³ Mirikinini maerekati matamatakoti iokanatana. Iītxiā itakana amianatakani nopini. Ininiā erekapeka itxikitakana amianatakani.

Xoāo Kapatxisareri Ipinini

(Mateo 14.1-12; Arókasi 9.7-9)

¹⁴ Auītetxi Erotxi inakori kenakopiretari Xesosi pirena. Xesosi uāka iaripireta ikini tōpati. Ininiā Erotxi xinikanāta:

—Ikara Xesosi, Xoāo kapatxisareri itxaua. Uatxa iua ōkitikapekaua. Iuakara Xesosi itxa. Ininiākara iposotiire aua iuamoni.

¹⁵ Ātikaka uākatari Xesosi Eriasi ininiuana. Ātikaka uākatari Xesosi Teoso sākire sāpiretakari kitxakapirīka ininiuana.

¹⁶ Ikara Erotxi kenakopiretakasaaki, itxari: —Xoāokara nitsotakakiitakitikara iua Xesosi txa. Ipīpekariika iuaīkana ōkitikapekaua —itxa.

¹⁷ Mitxi Erotxi takaro itari Piripi Itanoro. Ouāka Erotxia inakoro. Oa xika Erotxi maīkari Xoāo. Iaxiriītōtari, kateia āki taka itxari. ¹⁸ Xoāo takaāka kateia āki, kotxi itxari Erotximoni: —!Erekari pitari Itanoro pitakini —itxari.

¹⁹ Ikara xika Erotxia apaka omanatari Xoāo. Oa iteene kinirāo okaka otxamari Xoāo. Kona oposotari oōkiniri iua, ²⁰ kotxi Erotxi pīkari Xoāo. Iua imarotari, atāo inakarinoka kamakari, erekarinoka kamakari ininiuana Xoāo. Xoāo sākire ikenakotakasaaki, !iteene !imarotari isākire, iuaritika iua apokaerekatari ikenakotiniri isākire.

²¹ Erotxi kamari isaiā kiiniriti. Iua kemaītxitana sotato auītēakori, Kariréia auakani auītēakori, apanakini auītēakori pakini. ²² Ininiā Erotxia ākero apoka iua kiiniritiā. Iuasaaki oserenapirīkata Erotxi apisatoō, ikemaītxitakini apisatoō pakini. Ninoa potxitari oserenini. Ininiā Erotxi txaro oa ātokoro:

—Pinirekakiti pamanaāno, ininiā nisikai. ²³ Atāo pitikara nisikai pamanaākiti. Nitixine pinirekiniā, ipixini nisikai —itxaro.

²⁴ Ininiā oa miteka onoromoni. Oa pimaā txaro onoro:

—Kirīpa namanaātari? —otxaro.

Ininiā onoro txaro:

—“Xoāo Kapatxisareri kii prato nopini ninireka,” pitxari. Ikara atoko pamanaāri iua —otxaro.

²⁵ Ininiā katimariā okanapiriā kiiniri auiniātaā iuaīkana. Katimariā auītēximoni osa. Oamanaāri iua:

—Ninirekari Xoāo kapatxisareri kii prato nopini —otxa.

²⁶ Ininiā Erotxi maerekaxiniretinoka itxa, kotxi mitxi iua sāpiretaro oa amanaākiti isikiniro oa ikemaītxitakini apisatoō. Ininiā ! apakata imasikakaniāri isikaenetakiti.

²⁷ Ininiā katimariā ipaniātari sotatoakori okiniri Xoāo:

—Ikii himina —itxa.

Ininiā isana kateiamoni. Itsotakakiitarina Xoāo. ²⁸ Pirato nopini itakarina ikii, sika itxarona ātokoro. Ininiā oa sikari onoromoni.

²⁹ Ininiā Xoāo moianariakori kenakopiretakasaakiri Xoāo okiko pirena, isana kateiamoni. Aparina iito. Itakarina iito kai iriko āki.

Sīko Mio Kākiti Xesosi Sikakienatini

(Mateo 14.13-21; Arókasi 9.10-17; Xoāo 6.1-14)

³⁰ Ininiā Xesosi iokanatakini kanapiriā iuamoni. Apoka itxana Xesosimoni. Isāpiretarina ikamakitina, oerekakitina pakini. ³¹ Iuasaaki kaiāopokori kākiti aua iuaātaā, ininiā !apakata inipokotinina. Ininiā:

—Amasipeka kākiti mauakaniātaā atomatini ikapani —itxana.

³² Ininiā kanauaā iereētauana. Īpiriātarina ipoa. Isana kākiti mauakaniātaā. ³³ Kākiti itikari Xesosi inapaāpotini, ininiā ninoa miteka. Īopiriārina ipoa koropoa, apoka itxana Xesosi apisapanika. ³⁴ Iua kanīkitakasaaki apisamoni mirikiniti kākiti, ininiā iamoniākana, kotxi soti auite ipitiki mauakiniti atoko itxana. Iuasaaki Xesosi oerekana kaiāori Teoso sāpiretakiti.

³⁵ Ininiā mapiāpeka inaāpotiniā, Xesosi moianariakori iuamoni apoka. Itxarina: —Kona kākiti aapoko auari uai. Uatxa mapiāpopeka. ³⁶ Ininiā pipaniātana kākiti isinina ikapani nipokori iamotinina tīkane.

³⁷ Ininiā Xesosi:

—Hītekarako sikakienatana ninoa —itxana.

Ininiā ninoa:

—Pinirekatari asini komiri aamotini ikapani? Oito kasiriti kākiti parīkauatini ĩki anireka komiri ĩki naia kākiti nikini ikapani —itxana.

³⁸ Ininiā Xesosi pimaāna ninoa:

—Kipakinipa komiri katari aua? Hātariko —itxa.

Ninoa imarotakasaakiri, apoka iuamoni. Itxana:

—Sīko pakini komiri katari, ipi ximaki pakini aua —itxarina.

³⁹ Xesosi paniātana ikinika kākiti topākini katsotati nopini. ⁴⁰ Ātiātaā iitopākana sīkoēta, ipinimoni iitopākana seī. Imakinikana ikara atoko itxaāpotana iitopākinina.

⁴¹ Ininiā Xesosi kosekari sīko pakini komiri, ipi ximaki pakini. Iuasaaki ionakaāta iaxiti:

—Erekapitikari pisikakiti —itxa.

Eereka imaxiōpekari komiri. Isikari imoianariakori. Imoianariakoripekana sikaāpotana apanakini. Iuaīkana imapirinikari ximaki, xanaka itxari imakinikana. ⁴² Ikinimanekana nipokota, kamitopeka itxana. ⁴³ Ininiā imoianariakori apotiitari ximaki itetakori, komiri itetakori pakini. Tosi pakini kotari xāpoka itetakori. ⁴⁴ Iuasaaki sīko mio kikiakori nipokotakani.

Xesosi Ipoa Nopini Itīpokotini

(Mateo 14.22-33; Xoāo 6.15-21)

⁴⁵ Xesosi takapiretakasaakiri kākiti, iuasaaki iokanatana imoianariakori Īpiriātinina iua apisa, Petsāita tixinimoni isinina ikapani. ⁴⁶ Xesosi takapiretanapaka atoko, mitaxiritari nopini isa Teoso imisākiretini ikapani. ⁴⁷ Mapiāpe inakasaaki kanaua ipoa apanikakiāxitipeka aua. Iuasaaki Xesosi imiriīpanika aua.

⁴⁸ Xesosi atamatana ninoa, itapananoka itxana imekoātinina, kotxi ĩtima, tsakati pakini anikaāpotana ninoa. Ininiā ikatimaāpotakasaaki, Xesosi apokaāpota ninoamoni. Itīpokota ipoa nopini. Inapaāpoaritana imolanariakori. ⁴⁹ Ininiā ninoa atapakasaakiri ipoa nopini itīpokotini, ninoa uākatari kamiri. Ininiā ninoa akiripoakata. ⁵⁰ Ininiā iua misākiretana:

—Kataparaxinire hūtxako. Notakara. Na !hīpīkarauatape —itxana imoianariakori.

⁵¹ Eereka kanauaā iereētaua. Iuasaaki ĩtima iotoka itxa. Ininiā itikokitatana ninoa. Itsoriākatana:

—Kiripa atxiīti? —itxana.

⁵² Ikara atoko isākirena, kotxi kona ixinikaikarina Xesosi posotiire komiri ixanakasaaki. Paikoxinirena ninoa iuasaaki.

Xesosi Makananitana Amianatakani Xenesareekini

(Mateo 14.34-36)

⁵³ Xesosi imoianariakorikata Īpiriātari ipoa. Isari Xenesaree tixinimoni.

⁵⁴ Ikanīkitakasaakina apanakini itikari Xesosi.

—Xesosira —itxana.

⁵⁵ Ininiā imitekana kākiti auinimoni amianatakani apinina ikapani. Anikana isiri-matana nopini Xesosimoni. ⁵⁶ Ikinī sitatxiti kākiti amianatakani sirīka kimapori tiniāpo. Amanārina Xesosi auiritinina ninoa imāka itikakinina. Ikinikana imāka tikakakani erekapeka itxīkitaka.

7

Xoteakori Īkite Pirena

(Mateo 15.1-9)

¹ Ininiā pariseakori, kaiōkatsopareriakori pakini, Xerosareē ĩkani, apotiitaua Xesosikata.

² Iuasaaki itikarina Xesosi moianariakori marokapiotakanuua nipokori inikinina apisa. Ininiā itxana:

—!Erekari imarokapiotakanuana —itxana.

³ Pariseoakori, imakinikana Xoteoakori apaka kamari ikiomaneakori kitxakapirīkarini sākire iaōka. Inipokotinina apisapanika arokapiotauana.

⁴ Nipokori amotikoātaā Xoteoakori sikasaaki, eereka apokasaakina aapokona imaroka-piotakaniūana kona inipokotana. Tiitxi iākoanatxi, kopiti, apanakini itiina pakini arokasaakina ikiomaneakorini oerekakiti iaōka arokana.

⁵ Ininiā pariseoakori, kaiōkatsopareriakori pakini pimaāri Xesosi:

—Kinirepa pimoianariakori kona kamatari kitxakapirīka atoko ininina? Kinirepa marokapiotakanikaua inikarina nipokori? —itxarina.

⁶ Ininiā Xesosi apakapapireta:

—Mitxipitippanika Isaia sāpiretai hīte. Atāo iua sākire, kotxi hīsākire atxiiti erekari, txamari kona hīkamari hīsākire iaōka. Iua txari:

Kamisirienenerini ninoa kākiti. Ninoa sākireēnanira ipaxitanona. Ākixinireēna !inirekanona.

⁷ Maxikatīika ninoa kapotoreēkaua nota apisatoō. Maxikatīika ninoa txano: “Ateosone pitxaua,” kotxi ninoa !oerekari nota sākire. Ninoaka sākire oerekana, txamari “Teoso sākire asāpiretai” itxana.

Ikara atoko Isaia iōkatsopatakiti Teoso sākire.

⁸ —Ininiā hītakanapapekari Teoso sākire, kākiti oereēkiti hīkamini ikapani. ⁹ Hītakanapapikari Teoso paniātakiti, hinirekaākiti hīkamini ikapani. ¹⁰ Kitxakapirīka Moisesi txari:

Pipaxitariko piri. Pipaxitaroko pinoro. Piri, pinoro pimisākirepiretiniā, pokaākako, itxa Moisesi sākire. ¹¹ Txamari hīte oerekari kākiti: “Kākiti auakiti iri, inoro pakini nirekiniā, iua manirekakaniāri isikiniri ninoamoni, isāpiretana: ‘Ia nota auakiti nisika Teosomoni.’” Ininiā !sikari ninoa nirekakiti ninoamoni. Ikara atoko inakari kākiti sikakiti Teosomoni, hīte takauākatari “Kopaā.” ¹² Ininiākara hōerekari kākiti imatiretakanina iri, inoro pakini. !Apakata hōerekakiti. ¹³ Ikara hōerekakiti xika kona hīte maākatari Teoso sākire. Apiata hinirekari kākiti oereēkiti. Auapanika itori hōereēkiti sākiretxiti ikara atoko inakari —itxa Xesosi.

*Ākixiniretxi Txiko Pirena
(Mateo 15.10-20)*

¹⁴ Xesosi iuaīkana akiritana ikinimane kākiti. Itxana:

—Hīkinika hīkenakota. Hītakaōtxikariko nisākire. ¹⁵ Imakinika hinikakiti, mapara auakari. !Ikamari ate maerekani. Hīxinireē potoriākarira kamari maerekanitxi. ¹⁶ Kakenakokii, ininiā hīkenakotariko nisākire —itxa Xesosi.

¹⁷ Ikinimane kākiti itakanapaka atoko, aapokotxi āki iroā. Iuasaaki imoianariakori pimaāri:

—Pisāpiretaua mixikanani pisāpiretakiti —itxana.

¹⁸ Ininiā iua txari:

—! Kīkīte hīte. Kona hīte imarotatari hinamaā iroākari kona kamari maerekanitxi. ¹⁹ Kotxi iroākari !isari hīxiniremoni. Hītikako āki isa. Iposo atoko hītikatakasaaki inapa. Ikara atoko ininiā, erekari ikinipoko kākiti niākiti.

²⁰ —Ixinireē potoriākari iuara kamari kākiti maerekani. ²¹ Kākiti ākixinire ipotorika ixinikakiti maerekati, anokaretxi, itiriuatakaxi, okaniuatakaxi, āti kākiti itanorokata isirīkini nire pakini. ²² Kākiti ākixinireē ipotorika itrenani, maerekati Satanasi oerekakiti, misirieneretxi, pētauatakaxi kamakari, xikotakaxi, āti misākirepiretiko, iuikiniua, mīlkiteti inini pakini. ²³ Ikinika ikara maerekati kākiti ākixinire auakari txikotari kākiti xinire —itxa Xesosi.

*Xoteo Minakatoua Auikiniri Xesosi Sākire
(Mateo 15.21-28)*

²⁴ Xenesaree tixini Xesosi potorika. Txiro sitatxiti tōpa, Sitoō tixini pakinimoni isa. Iuaā kākiti aapoko iroā. Kona inirekari kākiti imarotiniri iua auiniātaā. Txamari ! iposotari iomaātinia. Kākiti imaroāpotari iua auiniātaā. ²⁵ Sito apoka Xesosimoni, kotxi oa kenakopiretari Xesosi pirena. Maerekati matamatakoti auāitotaro oimi. Oāpokasaaki Xesosimoni, okapotoreēkaua iua apisatoō.

²⁶ Oa sito sākiretari Kreko sākire. Āto uāka oa. Siropenisia tixinikero oa. Okapotoreēkasaakia Xesosi apisatoō, oamanaāri Xesosi:

—Pomitikenatariko maerekati matamatakoti namarite iroā auakari —otxari.

²⁷ Ininiā Xesosi:

—Xoteo !pitxaua. Maparakerorai. Pite nirekakari nisikinii Xoteoakori nakiti. Amarini mitxi nikini atāo. !Erekari nokiniri amarini kiena anāpamoni —itxaro oa.

²⁸ Oa apakapapireta:

—Atäopitikara ikara atoko pitxa, kotxi nota maparakero, anäpa atoko Xoteoakorimoni. Iuaritika käkiti auiritari anäpapiiki nikiniri nipokori katxakakari amarini nipokotiniätaä patapi—otxari Xesosi.

²⁹ Ininiä Xesosi apakapapireta:

—Erekari papakapapiretini, ininiä paapokomoni pisa. Maerekati matamatakoti !auaika pamarite itoa —itxaro.

³⁰ Oaäpoko oäpokasaaki, oäpokaro oamarite sirikanäta. Erekaepkaro oa. Maerekati mata-matakoti asikapekaro.

Makenakoreti Pirena

³¹ Eereka Xesosi takanapari Txiro sitatxiti tōpa. Īpirixititari Sitoō tixini. Sitatxi tōpa tesi pakini Īpirixitita. Apoka Karirēia poamoni. ³² Ätikaka käkiti minari makenakoreti Xesosimoni. Īposota atäo isäkirauatini. Ninoa iteene amanaäri Xesosi:

—Piuako pitaka iua nopini kakenakorepeka inini ĩkapani —itxana.

³³ Xesosi anikari iua kiki käkiti mauakaniätaä. Itakari iuakoki ikĳipita äki. Eereka ikiisoka, taka itxari tenemaä masäkireti nini nopini. ³⁴ Eereka ionakaäta iaxiti, oōka itxa:

—Epataa —itxa.

Popĳikari säkireē, “Piauäka.” ³⁵ Iuasaakipeka ikenakoki auäka, ininiä kakenakorepeka itxa. Iuasaaki inini poiōpeka apaka. Eereka erekapeka itxa isäkirauatini. ³⁶ Ininiä Xesosi txana ninoa:

—Kona hīsāpiretapiri apanakini nimakananitiniri iua.

Txamari apiata ninoa säpirenauata. ³⁷ Käkiti tsorĳkaäta:

—Īkinika ikamakiti peerekari. Makenakoreti kakenakorepeka itxa. Mimatasaäkiretakati, kasäkirepeka itxa —itxana.

8

Xesosi Sikakienatana Ipi Ipi Pakini Mio Käkiti (Mateo 15.32-39)

¹ Eereka mapaōti itomaneri käkiti apotiitaua Xesosimoni. Nipokori xipokapeka, ininiä Xesosi akiritana imoianariakori. Itxana ninoa:

² —Nota amonĳkana naia käkiti, kotxi ipi öti, äti öti pakini ötiipeka auana notakata. Ininiä uatxa nipokori !auaika. ³ Niokanatininäna auinimoni manipokotakatipanicana, ininiä ipixiniäpo iōkapetana. Irikana. Ätikaka ötako ĩkani kona apakata manipokotakanika isinina —Xesosi txana imoianariakori.

⁴ Imoianariakori apakapapireta:

—Uai aapokotxi mauakaniätaä, ininiäkara näpa aäpokari nipokori ito naia käkiti asikakienatini ĩkapani? —itxana.

⁵ Ininiä Xesosi:

—Īpakinipa komiri katari hĳtemoni aua?

—Setxinokara komiri aua atemoni —itxana.

⁶ Ipaniätari käkiti topĳkini ixiti. Imaĳkari iua komiri setxi.

—Erekari pisiäkiti —itxari Teoso.

Iposo atoko imaxiōpekarı komiri, sika itxana imoianariakori. Imoianariakori sika itxana apanakinimoni. ⁷ Ninoamoni aua ätikaka ximaki axapitiri. Ininiä Xesosi txari:

—Ia erekari —itxa Teosomoni.

Eereka ipaniätana imoianariakori sikiniri kăkitimoni. ⁸ Ininiä ikinipoko kamitopeka itxana. Iposo atoko apotiita itxarina itetakori. Xäpokaka itxarina setxi kotarina. ⁹ Ninoa komiri nikakani ipi ipi pakini mio käkiti. Kamitopeka itxana.

Ininiä itakapiretanapana ninoa. ¹⁰ Iposo atoko imoianariakorikata iereētaua kanaua äki. Taomanota tōpamoni isana.

Pariseoakori Nirekari Xesosi Oerekiniri İposotiire (Mateo 12.38-42; 16.1-4; Arökasi 11.29-32)

¹¹ Pariseoakori apoka Xesosimoni. İnirekarina Xesosi kerokiniri, ininiä itxarina Xesosi:

—Takaötxikari, Teoso posotiire poerekaua ate, aätamatiniri ĩkapani, Teoso iokanatinii ĩkorapokoriti aimarotini ĩkapani —itxarina. ¹² Ininiä Xesosi oōka. Itxari:

—Īnirepa käkiti uatxarini nirekari noerekiniri Teoso takaötxikare, iposotiire? Atäopitikara nota txai hĳte, kona noerekai hĳte.

¹³ Ininiä itakanapana. İereētaua kanaua äki. İkanapiriä ipoa ipiniämoni iuaĳkana.

Päo Tireēkari Pirena

(Mateo 16.5-12)

¹⁴ Xesosi moianariakori maxinĩkaretari pão. Ātika pão porĩĩ kanaua āki aua. ¹⁵ Ininiã Xesosi òtãkikana:

—Erepaniko, pamonòkoniri pariseoakori, Erotxi pakini pãote tireèkari —itxa Xesosi.

¹⁶ Xesosi moianariakori misãkiretakakaua:

—Ikara atoko itxaua, kotxi amaxinĩkaretari pão.

¹⁷ Xesosi imarotari ninoa sãkire, ininiã itxana:

—Kinirepa hĩsãkirauanãta pão mauakani xika? Kona himarototapanikari niposotiire? Kona hĩkitetapanikari? Kona hinirekatari hãuikiniri nisãkire? ¹⁸ Kokimai, txamari, ! hãtamatar. Kakenakokimai, txamari !hĩkenakotari nisãkire. ¹⁹ Kona hĩxinikapanikari iuasaaki nimaxiòpekitakiti sĩko komiri, sĩko mio kãkiti nisikakienatini? Kipakinipa kotari itetakori hĩxãpokaka? —ipimaãna.

Ininiã ninoa apakapapireta:

—Tosi kotari axãpokaka.

²⁰ Xesosi txana ninoa:

—Eereka āti òti nimaxiòpekari setxi komiri porĩ. Nisikari ipi ipi pakini mio kãkiti. Itetakori hãpotiitakiti, kipakinipa kotari hĩxãpokaka? —ipimaãna.

Ininiã ninoa:

—Setxi kotari axãpokaka.

²¹ Ininiã Xesosi:

—Ininiã kinirepa kona hĩkitetapanikari?

Mõsiãreti Petsãita Aapokotxitikiri

²² Xesosi Petsãita aapokotxitimoni apoka. Iuasaaki kãkiti minari mõsiãreti iuamoni. Amanaãrina Xesosi maãtakiniri iua mõsiãreti. ²³ Ininiã iua anikaãpotari iuakoã kãkiti mauakanimoni. Iuaã iminapari ienemaã mõsiãreti okiã. Eereka taka itxari iuako iũtoã. Ipimaãri iua:

—Kõsiãrepeka? —itxari.

²⁴ Ininiã iua atamata.

—Nota itikapokotapeka, txamari nitikari kãkiti tũpokotakari aamina atoko —itxa.

²⁵ Iposo atoko Xesosi iuaĩkana takari iuako mõsiãreti nopini. Eereka mõsiãreti atão itikapokotapeka. Ikinipoko atamata. ²⁶ Ininiã Xesosi iokanatar:

—Pisipeka paapokomoni. Kona pisipe Petsãita aapokotxitimoni, kotxi kona ninirekari pisãpiretiniri nikamakiti kãkitimoni —itxa Xesosi.

Petro Auikari Xesosi Teoso Mereèkiti Ininiãua

(Mateo 16.13-20; Arókasi 9.18-20)

²⁷ Eereka Xesosi imoianariakorikata sari kãkiti poiãoka auinimoni, Sesaréia-Piripi sitatxiti takote isana. Ipxiniãpo Xesosi pimaãna imoianariakori:

—Kiripa kãkiti uãkatano nota? —itxa.

²⁸ Ninoa apakapapireta:

—Xoão kapatxisareri iuãkaina. Apanakini “Eriasi inakori” iuãkaina. Ininiã apanakini “Teoso sãkire sãpiretakari” iuãkaina —itxana Xesosi moianariakori.

²⁹ Iuaĩkana Xesosi pimaãna:

—Hĩtepekana, kipa hĩte uãkatano? —itxana.

Ininiã Petro apakapapiretari:

—Teoso mereèkiti, kãkiti iãtapanãtakiti pitxaua —itxari.

³⁰ Ininiã Xesosi txana imoianariakori:

—Teoso mereèkiti nininiua !hĩsãpiretapiri apanakini —itxa.

Xesosi Sãpiretari Ipinini

(Mateo 16.21-28; Arókasi 9.22-27)

³¹ Ininiã ia atoko oerekarauata:

—Nota hĩtari iaxitiki iteene atatsiirauatako. Kiomãtxiakori, sasetotxi auĩteakori, kaiòkatsoparerini pakini kona nirekapanino nota. Nokaãkako. Eereka ipi āti pakini òtisaaki iuaĩkana nõkitikauko.

³² Ikara isãpireta ikinimane kãkitimoni. Ininiã Petro anikari iua maparamoni. Itxari:

—Kona ikara atoko !pitxape. Kona erekari pisãkire ikara atoko pinini —itxa Petro.

³³ Ininiã Xesosi kirioka imoianariakorimoni. Iua txitari Petro:

—Pisipiniũkua Satanasi. Pite nireèkiti kãkiti nireèkiti atoktxikana. Pite nireèkiti kona Teoso nireèkiti atokoni —itxa Xesosi.

Xesosi Moianari Atão Inakari

(Mateo 16.24-28; Arókasi 9.23-27)

³⁴ Xesosi akiritana kãkiti imoianariakori apaka. Itxana ninoa:

—Notakata kinirão sika pinakasaaki, piteka pinireëkiti kona pixinikape. Notakata kinirão sika pinakasaaki, nota misiritiko atokokana pimisiritaãkako. Ia atoko pinirekiniã, notakata pisapitãkako. ³⁵ Pite ätipirika kaminiãri piteka nireëkitinoka, ininiã pinireëkiti xipokapitãkako pitekata. Pite nireëkiti xipokiniã, nota säkire pauikini xika, Teoso iokanapirena erekari pisãpiretini xika, pite auapininiika txako Teosokata.

³⁶ Atxiiti papakapari ikinipoko tiitxi, ikini itixiti auakani tii, pinakiti ikapani. Atxiiti iua tiitxi xika kona pikipitari Teoso säkire, ininiã kona pikaikota ätipirika Teosokata. Ikara atoko ininiã, erekari atxiiti ikinipoko tiitxi auini? Konapitini. Apiaerekata Teosokata ätipirika pikaikotini, kotxi tiitxi iki poiãoka, pixinire karone apiata. ³⁷ !Apakata kãkiti iikitxitiniri Teoso, iuamoni isini ikapani.

³⁸ Ìkorsaaki kãkiti !inirekari Teoso. Inirekari maerekatinoka. Ìkorsaaki pipëtatiñão nota, pipëtatiñãri nota säkire, ininiãkara nota kãkiti itari iaxitikirino pëtataiko pite, uai nikanapiriãkasaaki. Nikanapiriãkasaaki, niri iotximere aua notamoni. Nina niri nitiriakorikata, erekarinikata.

9

¹ Xesosi txana ninoa:

—Hixinikariko ia nisãkire. Apanakini hũte uatxa uai auakanii, hĩpinini apisapanika himarotari Teoso auitexi ininiãua. Auitexi kaposotiireri itxaua —itxa Xesosi.

Moisesi, Erãsi Pakini

(Mateo 17.1-13; Arókasi 9.28-36)

² Seisi pakini õti napaka atoko Xesosi anikana Petro, Txiako, Xoão pakini oxiratarimoni, mitaxiratarimoni. Iuasaaki ninoanani aua iuaã. Iuaã auakasaakina, Xesosi ito ipinipo itxa. ³ Imãka kasarori itxaua. Iotximere apaka auari. Ikara imãka saro atoko inakari, !auari. Kãkiti iteene arokiniãri mãkatxi, iuaritika ikara isaro atoko !auari. ⁴ Iuasaaki Erãsi, Moisesi pakini tokiã iuaã. Isãkirauatana Xesosikata. ⁵ Ininiã Petro txari Xesosi:

—Koerekareri, erekapitikari uai aũuini. Makamari papiri ipi äti pakini, pite ikapani, Moisesi ikapani, Erãsi ikapani —itxa.

⁶ Ikara atoko itxa Petro, kotxi !imarotaikari isãkire, iteene ipĩkarauatiniã.

⁷ Iuasaaki katxiãri apoka ninoamoni. Katxiãri äki auana. Katxiãri äki Teoso txari:

—Ere namarite, nitiretakiti. Hikenakotariko iua säkire —itxa.

⁸ Katimaritika Xesosi moianariakori saporitika. Itikapokotana. Mitxi Xesosikata säkirauatakani !auaika iuaã. Xesosinokara kaikota ninoakata.

⁹ Õtanoxiratarari iokiriiãpotakasaakina, Xesosi txana:

—Mixikanani hĩtikakiti !hĩsãpiretapiri apanakini. Nota hĩtari iaxitikiri nipinaka atoko iuaikana nõkitikaãkaua atokoikarako, hĩsãpiretariko mixikanani hĩtikakiti —itxana.

¹⁰ Ininiã !isãpiretarina apanakinimoni. Ninoanoka isãkirauanãtana:

—Natokopa itxa kãkiti ipĩkaripeka iuaikana õkitikiniãua —itxanãtana.

¹¹ Ipimaãrina Xesosi:

—Kinirepa kaiõkatsoparerini säkire: “Teoso mereëkiti apokini apisapanikarako Erãsi apokako.” Kinirepa ikara atoko itxana?

¹² Ininiã Xesosi:

—Inipitikara Erãsi apoka merepanika, kãkiti iposope inini ikapani. Teoso säkire iõkatsopatakori txari: “Kãkiti itari iaxitikiri iteene atatsiirauatoko. !Inirekaãkako.” Kinirepa ikara atoko itxa Teoso säkire iõkatsopatakori? ¹³ Nisãpiretaiko Erãsi apokapeka. Kãkiti misiritapekari iuani. Inireëka iaõka imisiritarina. Teoso säkire iõkatsopatakori sãpiretipekari ikara ene —itxa Xesosi.

Amarini Maerekati Matamatakoti Auaĩtotakiti

(Mateo 17.14-21; Arókasi 9.37-43a)

¹⁴ Ninoa apokaãpotakasaaki apanakini imoianariakorimoni, atamatana kãkitipokoni. Ninoã äkitana Xesosi moianariakori. Iuasaaki kaiõkatsoparerini kãkitikata itaparakiene-takakaua. ¹⁵ Iuasaaki kãkiti atapari Xesosi. Ipoxononiritikana itxana:

—Xesosi napani.

Ininiã imitekana iuamoni, okapireta itxarina:

—Piteni?

¹⁶ Ininiã Xesosi:

—Ari, notara.

Ipimaãna:

—Kininiãpa hĩxitakakaua? —itxa.

¹⁷ Ininiã kiki kãkiti sauaki auakari apakapiretari:

—Nota minamari namarite pitemoni. Maerekati matamatakoti auañtotari iua. !Auiritari namarite säkirauatini. ¹⁸ Iua maĩkasaakiri, okañtotari iua xiti. Iuasaaki namarite sorikipeta. Akatsaksatsiriñtaua. Itorõkañtota. Ininiã nimisäkiretamana pimoianariakori omitikiniri maerekati matamatakoti, txamari ninoa !iposotari.

¹⁹ Xesosi txari:

—! Kauikarei hñte. Maerekati kamakanii hñte. Kipakinikananipa Teoso nirekatari hñtekata nauini? Kipakinikananipa Teoso nirekatari hñte nimñteenekini? Himinari amarini notamoni —itxana.

²⁰ Ininiã ninoa anakiri iua amarini Xesosimoni. Iuasaakipeka maerekati matamatakoti atamatarari Xesosi. Iuasaakipeka maerekati matamatakoti txñkitakari amarini okaratiniua. Ininiã iua amarini iriãkata. Ikanapirikata, isorikipekata, itxñkitakari amarini. ²¹ Xesosi pimaãri iri:

—Kirisaakipa ipotorika ñkora atoko inini?

—Axapitipanikara ipotorika ñkora atoko inini. ²² Itokata maerekati matamatakoti okañtotari xaminamoni. Itokata okañtotari kãuaãrimoni. Inirekari okiniri iua. Puposotiniãri, pomitikariko maerekati matamatakoti. Piamonñkauako atepaniko —itxa iri säkire.

²³ Ininiã Xesosi:

—Nota posotatari? Teoso säkire auiãkari posotari ikaminiri ikinika —itxari.

²⁴ Iuasaaki iua kiki apakapapiretari iãsaritika:

—Nauikapitikari piposotiire. Axapitikinoka !nauikari, ininiã pisikaposotiiretano iteene pisäkire nauikini ñkapani.

²⁵ Isãkirauanãtakasaakina, kãkitipokoni miteẽkata ninoamoni Xesosi kamakiti imarotiniua ñkapani. Ininiã Xesosi itapararitika txitari maerekati matamatakoti:

—Pite maerekati matamatakoti. Pitxñkitakari kãkiti masäkireti inini. Pitxñkitakari kãkiti makenakokiti inini. Nota omitikai pite. Pipokñka. Iuañkana !pñroãpinikako iua ñtoã —itxa Xesosi.

²⁶ Iua maerekati matamatakoti akiripoakata. Okarañtotakari atoko, sipe itxa. Iua amarini ipñkari ñto atokopeka itxa. Ininiã apanakini kãkiti:

—Ipñpeka —itxarina.

²⁷ Ininiã Xesosi maĩkauakotari. Õkitikari iua, ininiã itima.

²⁸ Xesosi aapokotxi ãki auakasaaki, iuanoka inakasaaki, imoianariakori pimaãri:

—Natokopa ininiãpa kona ate posotatari maerekati matamatakoti aomitikini? —itxana iuamoni.

²⁹ Ininiã Xesosi:

—Teoso pimisäkiretakasaaki, iuasaaki pimanipokotakaniãra, iuasaaki piposotari ikara atoko inakari maerekati matamatakoti pomitikini —itxa Xesosi.

Xesosi Iuañkana Säpiretari Ipinini

(Mateo 17.22-23; Arókasi 9.43b-45)

³⁰ Iuaã ipotorikana. Ñpirixitarina Kariréia tõpa. Xesosi !inirekari apanakini kenakoene-tiniri iua auiniãtaã. ³¹ Kotxi inirekari oerekinina imoianariakorinoka ipinini pirena. Ininiã Xesosi:

—Nota hñtari iaxitikiri mñkapiritaãkako. Nisikaãkako kikiakorimoni inirekaãkitina ikaminina tñkane. Ninoa okano nota. Ipi õti ãti õti inakasaaki iuañkana nõkitikauako —itxa.

³² Ninoa !imarotari Xesosi säkire. Ninoa pñkari ipimainirina iua.

Kiripa Kãkiti Apiatakari Txataua?

(Mateo 18.1-5; Arókasi 9.46-48)

³³ Kapanaoõ sitatxiti apokana. Aapokotxi ãki auakasaakina, Xesosi pimaãna ninoa:

—Natokopa itxa hñsäkire, uaimoni aĩkasaaki hñtaparakenatakakasaakiua? —itxa.

³⁴ Masäkirenika itxana, kotxi kimaporñpo ninoa säkire: “Ñkiripa ate apiatakari?” itxana.

³⁵ Xesosi, iitopãka atoko, akirita itxana imoianariakori tosi pakini.

—Hñkinika uaimoni hññtopãka. Apiatakari pininiãua pinirekiniã, piteka poiãotakaua. Ikinimane nitiri pitxauako.

³⁶ Xesosi kosekari amarini, mina itxari imoianariakori sauaki, katarata itxari.

³⁷ —Papakapiniãri amarini pipoxokoniritika, papakapano nota apaka. Papakapiniãno nota, na notananini papakapa. Iuasaaki papakapari iua uaimoni niokanatakiri —itxa Xesosi.

Maerekani Matamatakoni Omitiãkari

(Arókasi 9.49-50)

³⁸ Xoão säpiretari Xesosi:

—Koerekareri, ate kenakotari kiki omitikinina maerekani matamatakoni pite uākaā. Kona pimoianarini iua. Ininiā ate: “Ikara atoko !pitxape,” atxari.

³⁹ Ininiā Xesosi:

—! Hīotokakapiri ikara ikamini. Kākiti nota uākaā maerekati matamatakoti omiitiākari, kona imisākiireporetano. ⁴⁰ Iua ate mokaiaakari minakatiua. Atiretakiri itxaua. ⁴¹ Nota atāopitikara nitxai hīte. Atxiiti kākiti sikai āparaā, kotxi Teoso mereēkiti nakiti pitxaua. Iua kamakiti erekari, ininiā apakapapitikariko ikamakiti iki.

Maerekati Oerekakari

(Mateo 18.6-9; Arókasi 17.1-2)

⁴² ! Erekari kākiti mitari oerekiniāri amarini nota sākire auīākari maerekati ikamini. ! Erekari. Erekamariko kai mitari iaxirikaākamako iua kākiti mitari nokīā, eereka okaākamako ipoamoni ipinini ikapani. ⁴³ Piuako maerekati ikamākitakiniāi, pitsotakari. Erekamariko ātinani piuako Teosokata ātipirika pauini ikapani, kotxi maerekati pikaminiā, pisa maerekani misiritikoātaā. Iuaā xamina tirinapika. !Oakaāka. Atxiiti piuako ipi aua, txamari pite sari iuaātaā. !Erekari. ⁴⁴ Iuaā kītxi piītoā auakaro !opina. Xamina !oakaāka. ⁴⁵ Pikiti maerekati ikamākitakiniāi, pitsotakari. Erekamariko ātinani pikiti Teosokata ātipirika pauini ikapani, kotxi maerekati pikaminiā, pisa maerekani misiritikoātaā. Iuaā xamina tirinapika. !Oakaāka. Atxiiti pikiti ipi aua, txamari pite sari iuaā. !Erekari. ⁴⁶ Iuaā kītxi piītoā auakaro !opina. Xamina !oakaāka. ⁴⁷ Poki maerekati ikamākitakiniāi, pimaktaxakari. Erekamariko ātinoka poki auini Teoso auīetxi ininiātaāua pisini ikapani, kotxi maerekati pikaminiā pisa maerekani misiritikoātaā. Iuaā xamina tirinapika. !Oakaāka. Atxiiti poki ipi aua, txamari pite sari iuaā. !Erekari. ⁴⁸ Iuaā kītxi piītoā auakaro !opina. Xamina !oakaāka.

⁴⁹ Iōkira nipokorimoni takiko atokokana xamina tirinakari takaākako ikinimane kākitimoni. Ikara atokokana ikinimane ataerekataākako. ⁵⁰ Iōkira erekaro. Txamari iōkira koketikosaaiki kipatxikata, !erekaikaro. !Apakata xinitxi piōkiratini ikapani. Atāo iōkira atoko hītxako. !Hītxitakapeua.

10

Kiki Ītanorokata Itakanapakakini

(Mateo 5.31-32; 19.1-12; Arókasi 16.18)

¹ Xesosi potorika iuaā. Xotēia tōpa isa. Īpiriākitari Xotāo kāuaāriti. Iuaīkana kākiti apotiitaua iuamoni. Kaiāopokori kākiti, ininiā oerekarauata, mitxi oerekarauanātini atokokana.

² Kikiakori, pariseo inakanuia, apoka Xesosimoni. Ninoa nirekari Xesosi kerokiniri isākire, ininiā ipimaārina:

—Atāokani erekari kiki takanapiniro ĩtanoro?

³ Ininiā Xesosi:

—Kiatokopa itxa Moisesi paniātakititi?

⁴ Ininiā ninoa:

—Moisesi paniātari kiki iōkatsopatiniri aātsopa, ĩtanoro itakanapini aātsopate, ininiā eereka auiritari iua iokanatiniro oa —itxana.

⁵ Ininiā Xesosi:

—Moisesi auiritai hītanoro hītakanapini, kotxi paikori hīxinire. Teoso nireēkiti hīmanirekakani xikara, Moisesi auiritai hītanoro hītakanapini. ⁶ Kotxi merepitipanika Teoso ikinipoko ikamakasaaki, ikamari kiki, sito pakini. ⁷ Ikara atoko ininiāpitikara, kiki takanapari iri, inoro pakini, ĩtanorokata auini ikapani. ⁸ Ininiā ātika atoko itxauana. Ininiā ipi kākiti ! itxaikauana. Ātinokara itxapekauana. ⁹ Ikara atoko ininiā, terekari kākiti kaiarikiniri Teoso apotiitakini —itxa Xesosi.

¹⁰ Eereka Xesosi imoianariakorikata kanapiriā aapokomonina. Iuaā apokasaakina, imoianariakori pimaāri iua ikara sākiretxiti iuaīkana oerekinina ikapani. ¹¹ Ininiā isāpiretana:

—Kiki ĩtanoro takanapakari, āto sito itaka inakari, maerekati ikaminaro ĩtanoro. ¹² Iua atokokana sito ōtanari takanapakaro, āti ōtanirita inakaro maerekati okaminiri ōtaniri —itxa Xesosi.

Xesosimoni Amarini Apokini

(Mateo 19.13-15; Arókasi 18.15-17)

¹³ Īposo atoko ātikaka kākiti anikari amarini Xesosimoni. Inirekarina Xesosi misākiretiniri Teoso ninoa amarini ikapani. Txamari imoianariakori txitana. ! Auiritana amarini anikinina Xesosimoni. ¹⁴ Xesosi ikara ikenakotakasaaki, !apokaerekatari. Ininiā iua:

—Hãuiritariko amarini notamoni apokini. !Hiotokakapiri, kotxi kãkiti Teoso auĩtetakani amarini atoko itxauana. ¹⁵ Ia atão: Kãkiti mapakapakaniãri Teoso, amarini apakapiniri atoko iminakaniã, kona isa Teoso auĩtetxi ininiãtaãua —itxa Xesosi.

¹⁶ Ininiã Xesosi kataratari amarini. Itakari iuako ikiina nopini. Amanaãri Teoso erekari itakini amarinimoni.

Ãtokori Ito Txineiroteri

(Mateo 19.16-30; Arókasi 18.18-30)

¹⁷ Xesosi iuaĩkana potorika. Iuasaaki ãtokori miteka iuamoni. Ikapotoreẽkaua Xesosi apisatoõ.

—Koerekareri erekari, kiripa nikama Teosokata ãtipirika nauini ĩkapani? —itxa.

¹⁸ Ininiã Xesosi:

—Kininiãpa “erekari” pitxano? Teosonanira erekari. ¹⁹ Pite imarotari Teoso paniãtakiti. !Pokaniuatape. !Pisiriãkape ãti ĩtanorokata. !Piĩtiriuatape. Poxiene !pikamape. Apanakini !pimisirienetape. Piri, pinoro pakini pipaxitako —itxa Xesosi.

²⁰ Iua ãtokori txari:

—Noereẽkiri, axapitipanikara ninakasaaki, nikĩpitari ikara Teoso paniãtakiti —itxari.

²¹ Ininiã Xesosi apokaerekatari iua.

—Auapanika ãtinoka pikamini ĩkane. Pisa. Tiĩtxi ikinika pinakiti pivẽtxitako. Txineiro papakapakito pisikako matxineirotenimoni. Eereka pimoianatanoko nota. Ikara atoko inakari pikaminiã, Teoso tixine papokasaaki ikinipoko erekari auiniiko pite —itxari iua.

²² Ikara Xesosi sãkire ikenakotakasaaki, imatinaniuata. Isipe. Maerekaxiniretinoka itxa, kotxi kaiãori itii.

²³ Xesosi saporika, misãkireta itxana imoianariakori:

—Pamimapaniri katxineiroteri sini Teoso auĩtetxi ininiãtaãua —itxa.

²⁴ Imoianariakori:

—Anekani? —itxana.

Iuaĩkana Xesosi txari:

—Pamimapaniri katxineiroteri sini Teoso auĩtetxi ininiãtaãua. ²⁵ Atauako kamero napatari ãkorike sonakiã? Apia mimari kãkiti katxineiroterini auĩtetiniri Teoso —itxana.

²⁶ Imoianariakori iteene tsoriãkaãna.

—Ininiã kipa sari Teoso auĩtetxi ininiãtaãua? —itxana imoianariakori.

²⁷ Ininiã Xesosi apakapapiretana:

—Teoso posotari ikinipoko ikamini. Kãkiti !iposotari. Teoso posotari anikiniri katxineiroteri itixinemoni —itxa.

²⁸ Petro txari:

—Ate takanapapekari ikinipoko pite amoianatini ĩkapani —itxari Xesosi.

²⁹ Ininiã Xesosi:

—Atão nitxai. Paapoko pitakanapiniã, pitariakori, pitaroakoro, piri, pinoro, pĩtanoro, pamariteni, pikikiote, pitakanapiniã notakata pisini ĩkapani, Teoso iokanapirena erekari pisãpiretini ĩkapani, ³⁰ pitakanapakiti iua apiata nisikaiko. ĩkorasaaki nisikaiko itomaneri aapokotxi, itomaneri pitariakori, itomanero pitaroakoro, itomanero pinoroakoro, itomaneri pamariteni, itomaneri pikikiote, nisikaiko. Txamari iuasaaki patatsiitari pimisiritiko. Iuaritika eereka Teosokata pauapika ãtipirika. ³¹ Uatxa apiari inakari, iuasaakiko minakati itxauako. Uatxa minakati inakari, iuasaakiko apiari itxauako —itxa Xesosi sãkire.

Iuaĩkana Xesosi Sãpiretari Ipinini

(Mateo 20.17-19; Arókasi 18.31-34)

³² Xesosi imoianariakorikata Xerosareẽ kimaporite iãpotakasaakina, Xesosi ĩkiika. Iuasaaki ninoa maerekaxiniretinoka itxana. Apanakini ninoa tikini sikani pĩkarauata. Ininiã Xesosi iotoka. Akiritana imoianariakori tosi pakini. Isãpiretana paĩtiki kãkiti kamakiti iuamoni ĩkane. ³³ Ininiã iua:

—Hĩkenakota. Xerosareẽmoni asa uatxa. Iuaã nota hĩtari iaxitikiri sikaãkako sasetotxi auĩteakorimoni, kaiõkatsoapareriakorimoni pakini. Ninoa paniãtariko nota okiko. Iposo atoko Xoteo minakonimoni sika ninaãkako. ³⁴ Inapetanonako. Inoropatanonako aãpitsaã. Iki-isokanonako. Iposo atoko oka ninaãkako. Ipi ãti pakini õti inakasaaki iuaĩkana nõkitikauako —itxa imoianariakorimoni.

Txiako Xoão Pakini Amanaãkiti

(Mateo 20.20-28)

³⁵ Iposo atoko Txiako, Xoão pakini sari Xesosimoni. Ninoa Sepeteo anaakori.

—Koerekareri, ate nirekari amanaãkiti pikamini —itxana.

³⁶ Ininiã Xesosi pimaãna:

—Kipa hinireka nikaminii hīte? —itxana.

³⁷ —Pite ikinimane auīte pinakasaakua, pauiritaua pitekata aītopākini, pikikomoni, pisaneremoni aītopākini —itxana.

³⁸ Ininiā Xesosi:

—!Himarotari hamanaākiti, kotxi mapaōti napa atoko nota apakapariko iātatxi tsīitxiā niātini ĩkapani. Hīposotari ikara hiātini? Nīpatxisataākako tsīitxiā. Hīposotari ikara atoko hīpatxisatiko?

³⁹ —Aposotapitika —itxana ninoa.

Xesosi txana ninoa:

—Inīpitikara hiātariko nota iātakiti. Inīpitikara hīpatxisataākako nota patxisatiko atokokana. ⁴⁰ Txamari !nīposotari nauiritinii hīte nikikomoni, nisanaremoni hīītopākini, kotxi Teoso mereēpekana kākiti nikikomoni, nisanaremoni topākakani tīkane —itxa Xesosi.

⁴¹ Xesosi moianariakori tesi pakini kenakopiretakasaakiri Txiako, Xoōo pakini amanaākiti, ininiā ninoa omanatana. ⁴² Ininiā Xesosi akīrita txana imoianariakori:

—Uaimoni hina. Hīītopāka notakata —itxana ninoa.

—Hīte imarotari Xoteo minakanua auīteakori pataparana. Ninoa auiritari kākiti kaminiri ninoa paniātakitinoka. ⁴³ Ninoa atoko ! hītuxe. Apiari pininiua pinirekiniā, pimoianatana apanakini. ⁴⁴ Apanakini auīte pininiā pinirekiniā, nītritxi pītxauako merepanika. ⁴⁵ ĩkara atoko nitxa nota hītari iaxitiki ĩkorapokoriti napokasaaki. Nīnitiri ! auari. ĩkorapokoriti napoka, kākiti nitiri nininiua ĩkapani, kākiti nīretini ĩkapani. ĩkorapokoriti napoka nīpinini ĩkapani, kaiāopokori kākiti mapinakani ĩkapani, kotxi nota iīkitxirauata ninoa mapinakani ĩkapani —itxa Xesosi.

Mōsiāreti Patximeo Inakori

(Mateo 20.29-34; Arōkasi 18.35-43)

⁴⁶ Xesosi imoianariakorikata apoka Xerikoo sitatxiti. Eereka ipotorikasaaki imoianariakorikata itomaneri kākikitaka, iuaasaaki mōsiāreti Patximeo inakori kimapori itiniāpo iītopākanāta. Tximeo inakori ākiri iua. Iua mōsiāreti amanaānātarō txineiro. ⁴⁷ Iua kenakotari Xesosi Nasareekiri inaparetini, ininiā akirināta:

—Xesosi, Taviini apika mekanirii, piamonīkanoko —itxa.

⁴⁸ Ininiā apanakini kākiti pinitari:

—Maātako. !Pakirinātape —itxarina mōsiāreti.

Iuaritika apiata akirinānikata:

—Taviini apika mekani. Piamonīkanoko nota —itxanāta.

⁴⁹ Ininiā Xesosi iotoka itxa.

—Hākiritari iua mōsiāreti —itxa.

Ininiā ninoa:

—Pipoxokoniuatoko. Pōkitikaua. Akiritapekai —itxarina iua mōsiāreti.

⁵⁰ Ininiā Patximeo okanapari imāka inopini auakari. Pakoteri ōkitikaua, sa itxa Xesosi akiritiniri manapi.

⁵¹ Ininiā Xesosi:

—Kipa pinireka nota kaminii pite? —itxari.

—Apiananiri, nōsiārera nīnireka —itxari.

⁵² Ininiā Xesosi:

—Pisa. Erekapekai, kotxi pite auikari nīposotiire —itxari.

Iuaaakipeka Patximeo kōsiārepeka itxa. Xesosikata sa itxa kimaporiā.

11

Xesosi Xerosareē Apokaāpotini

(Mateo 21.1-11; Arōkasi 19.28-40; Xoōo 12.12-19)

¹ Xesosi imoianariakorikata imatokoāpotari Xerosareē. Ōtanoxiratari, oriva mina takikoāta takote apokana. Iuaā aua aapokotxi Petxīpaxee inakori, Petānia inakori apaka. Iuaā Xesosi iokanatana ipi imoianariakori.

² —Hīsa ikirāā kaixiti auakari aapokotxiā. Iuaā hāpokasaaki, hāpokari xomēta ākiri iaxiriākori. Kākiti !iītopākapanika iua nopini. Hīkoxirikari. Uaimoni mina hītuxari. ³ Kākiti pīmaākasaakii hīte: “Kinirepa hīkoxirikatari xomēta ākiri?” hinikosaaiko: “Apiananiri nīrekarī iua. Iuaākana akamoni aminariko,” hītuxako.

⁴ Ininiā eereka isana. Apokarina iua xomēta ākiri iaxiriākori kimaporiā aapokotxi tore takote. Ininiā ikoxirikarina. ⁵ Ātikaka kākiti iuaā auakani:

—Kinirepa hīkoxirikatari xomēta ākiri? —itxana Xesosi moianariakorimoni.

⁶ Ininiā Xesosi paniātini iaōka apakapapiretana. Ininiā kākiti iuaā auakani:

—Ininiā hanikaikari —itxana.

⁷ Ninoa anikari xomëta äkiri Xesosimoni. Ininiä imäkana äti imäkana nopini auakari itakarina xomëta äkiri nopini Xesosi topäkini İkapani. ⁸ Apanakini käkiti matameëkari imäkana äti imäkana nopini auakari kimaporikä Xesosi napini tükane. Apanakinipekana sauakari aäxike. Kimaporikä itakaäpotarina. ⁹ Ninoa Xesosi tikini İkani, iua apisa sikani pakini akiriäpokatana ipoxokoniritikana imakinikana:

—Peerekari Teoso, Apiananiri. Iua iokanatai pite atemoni. Anirekari erekari isikini pite. ¹⁰ Peerekari Teoso, aätokirini Tavii aäuite ininiua atokokana iuaİKana apoka. Peerekari Teoso, iaxiti apiko nopinixiti auakari. Apiananiri itxaua —itxaäpokatana.

¹¹ Xesosi apoka Xerosareë. Teoso misäkiretiko aikotimoni isa. Iuaä İroä itxa. İkinika iroko äki itikapokota. Iua atoko mapäpe, ininiä isari Petánia aapokotxitimoni tosi imoianariakorikata.

Piko Mina Marito Pirena
(Mateo 21.18-19)

¹² İkatimatakasaaki ipotorikana Petánia. Iuasaaki Xesosi natxita. ¹³ İkira atoko atamataro piko mina. Ito otsopa aua. Isari oamoni kariro iuaİKatiniäro, kotxi piko mina tsopa auakasaaki, ori auapitika. Txamari apokasaaki, otsopanani auari, kotxi kona ori manapini. ¹⁴ Ininiä Xesosi:

—Käkiti !itximaikaiko piri —itxari piko mina.

İmoianariakori kenakotari isäkire.

Pirätxi Vëtxitakani Omitikiko

(Mateo 21.12-17, 20-22; Arókasi 19.45-48; Xoão 2.13-22)

¹⁵ Xesosi imoianariakorikata apoka Xerosareë. Xesosi İroä Teoso misäkiretiko aikotiä. Omitikana käkiti iuaätaä amotiitakani, sikatiitakani. İkapakitikari amesa ninoa txineiro apakapakani amesane. İkapakitikari kamao vëtxitakani topäkini apaka. ¹⁶ Iua !auiritana käkiti anikiniri tıtxi aiko İpirikoatinina. ¹⁷ Xesosi oerekana käkiti iuaä auakani:

—Teoso säkire iökatsopatakori txari:

Ia naapoko. “Teoso misäkiretiko aikoti” akiritaäkako, ikini itixiti auakani misäkiretinino İkapani,

itxa. Txamari hıte txıkitakari ia aiko kiıtiririni iomaätiniätaä ininiua —itxa Xesosi.

¹⁸ Sasetotxi auıteakori, kaiökatsoparerini pakini kenakotari Xesosi säkire. Ininiä ninoa tsorıkaäta. İxinikaxititana.

—Kanatokopa atxtari Xesosi aökini? —itxanätana.

İkinimane iteene apokaerekatari Xesosi säkire, ininiäkara sasetotxi auıteakori, kaiökatsoparerini pakini pıkarı Xesosi.

¹⁹ İpiäkapokotapeka Xesosi takanapari sitatxi imoianariakorikata.

²⁰ Katimatınıkata kimaporikä isaäpotakasaakina, atamatarona oa piko mina. Opıpe. Okotsapekara ipınakepeta apaka. ²¹ Petro xinikari iua apisapanika Xesosi säkire, ininiä akiritari Xesosi:

—Koerekareri, patamataro piko mina. “Käkiti !itximaikaiko piri,” pinakito. Oa piko mina ipıpeka —itxari.

²² Ininiä Xesosi:

—Pauıkapıretariko Teoso säkire. ²³ Atäoenekara nisäpiretai. Pauıkiniäri Teoso säkire, piposotari pipaniätiniri ikira ötanoxiratarı: “Pökıtikaua. Pokakataua potxoari uinitimoni.” Päkixınıreë iteene pauıkiniäri pisäkire iaöka apokini, ininiä apokapıtikako pamanaäkiti. ²⁴ İkara atoko ininiä nota txai hıte, Teoso pımisäkıretakasaaki, pamanaäkasaakiri pinırekakiti, pauıkarıko iposope Teoso sikini, ininiä papakapapanıkarıko. ²⁵ Teoso pımisäkıretakasaaki, äti pomanatınıä, pıtakanaparıko pomanäkare. Pımaxınıkaretınıäri maerekati ikaminii, ininiä piri iaxıtıkiri maxınıkaretari maerekati pite kamakiti. ²⁶ Pımaxınıkaretanıäri maerekati äti kamakiti pıtemoni, ininiä piri iaxıtıkiri kona maxınıkaretari maerekati pite kamakiti apaka.

Xesosi Paniätakari Moerekakoni

(Mateo 21.23-27; Arókasi 20.1-8)

²⁷ IuaİKana apokana Xerosareë. Xesosi tıpokota aiko Teoso misäkiretiko pırikere äki tinıkata. İtıpokonätakasaaki, sasetotxi auıteakori, kaiökatsoparerini, kıomätxıakori pakini apoka iuamoni. ²⁸ Ininiä ninoa txari:

—Kıpaniäpa pıkamari İkora pıkamakiti? Kıpa paniätai? —ıtxarina Xesosi.

²⁹ Ininiä Xesosi apakapıretana:

—Nota apaka pımarauatoko hıtemoni. Ätinoka nıpımaäiko hıte. Hısäpiretınıäno, nota säpiretai hıte niokanatakiri uäka apaka. ³⁰ Kıpa paniätari Xoãoı ipatxısarauatını? Teosokani paniätari Xoão? Käkıtıkani paniätari Xoão? Hısäpiretano —ıtxana.

³¹ Ininiã ninoa xinikaxitinãta. Imisãkiretakakana. Ipimaãkakana:

—Natokopa itxa aãpakapapiretiniri iua? Aãpakapapiretiniãri: “Teoso paniãtari iua,” ininiã iua: “Kinirepa kona hãuikatari iuani sãkire?” itxapemaua. ³² Aãpakapapiretiniãri: “Kãkiti paniãtari iua,” ikinimane omanataua —itxanãtana.

Ninoa pãkari kãkiti kotxi ikinimane auikari Xoãoni atão Teoso sãkire sãpiretakari ininiua. ³³ Ikara atoko ininiã ninoa apakapapiretari Xesosi:

—Ate limarotari.

Ininiã Xesosi:

—Ikara atoko ininiã, nota !nisãpiretai hïte nipaniãtakiri uãka.

12

Parïkauatakani Maerekani

(Mateo 21.33-46; Arókasi 20.9-19)

¹ Eereka Xesosi sãpiretana ninoa sãpirenaxi atão inakari oerekiko. Itxari:

—Kiki takarauata. Txipokori ova inakoronoka itaka. Ipiriketari. Ikamari ova maõkiko. Iposo atoko itakare apanïkakixitika ikamari aapokotxi axapitiri õtanori ikikiote imakinetini ïkapani. Iposo atoko ipaniãtana ãtikaka kikiakori itakare inïkatinina ïkapani, kotxi iua sariko õtakoxiti. Ninoa apakapamaroko ipixini ova iparïkana ïki. Iposo atoko katakareri sipe. ² Ova manapi, iua katakareri iokanatari initiri ninoa kikiakorimoni ova ipixini apakapini ïkapani. ³ Txamari iua apokasaaki ninoa maïkari iua. Ixirokitatarina. “Pisipeka,” itxarina. Miketika ikanapiripe.

⁴ —Iuaïkana katakareri iokanatari ãti initiri ninoamonikana. Txamari ninoa kikiakori misiritari iua. Kai soroã ikiporonakarina, karota itxapirina ikiiã. ⁵ Iuaïkana katakareri iokanatari ãti ninoamonikana, txamari ninoa okapiri iuani. Kaiãopokori initiriakori iokanata ninoamoni. Apanakini inoropatana. Apanakini okana. Itxaãpotana.

⁶ —Iua katakareri auapanika ãtinoka iokanatinï ïkapani, imi iteene itiretakiti. Imapotõkire iokanatari imi ninoamonikana. “Notamoni ninoa paxitariko namarite” itxa. Ininiã imi apoka ninoamoni. ⁷ “Katakareri ãkiri napani. Maõkari. Aõkiniãri, itakare imakinika kaikotinaua ate,” itxakakana kikiakori.

⁸ —Ininiã ninoa maïkari katakareri ãkiri, oka itxapirina, kikio xiripire oka itxarina iïto.

⁹ —Ininiã kiripa ikama katakareri? —itxa Xesosi.

—Iua kanapiriã. Okanako ninoa kikiakori. Ipaniãtana apanakini itakare imakinetinina ïkapani —itxa Xesosi.

¹⁰ Hïte atatsopatapekari ia Teoso sãkire iõkatsopatakori:

Aapokotxi kamakani kona nirekari ãtika kai soro. Iua kai imanirekakiniti kai apiari itxapekaua. Apanakini kai soro maïkakari itxaua.

¹¹ Teosokara txïkitakari ikara atoko inini. Ikara peerekari atemoni, itxa Teoso sãkire iõkatsopatakori.

¹² Xoteo auïteakori imarotarina Xesosi sãkire. Ninoa imarotari ikamakitina takari makinetakani kamakiti atokokana, ininiã ninoa omanãkarauata Xesosi sãpiretakiti xika. Ninoa kinirão maïkaka itxarina Xesosi, txamari !imaïkarina iua, kotxi ipïkarina kãkiti. Ininiã itakanaparina Xesosi, sipe itxana.

Homano Auïte ïkitxitiko

(Mateo 22.15-22; Arókasi 20.19-26)

¹³ Eereka Xoteo auïteakori iokanatana ãtikaka Erotxi sãkire auïãkani, ãtikaka pariseoakori pakini Xesosimoni. Inirekarina Xesosi kerokiniri isãkire, kotxi ninoa nirekari Xesosi kaminiiri maerekati imaïkinirina ïkapani. ¹⁴ Ninoa apokasaaki, imisãkiretarina Xesosi:

—Koerekareri, ate imarotari pite sãkire atãonani ininiãua. Poerekari atãonani Teoso nirekiti kãkiti kamini ïkapani. ! Pipïkari kãkiti. Kãkiti poiãori pimisãkiretini atokokana kãkiti apiari pimisãkireta apaka. Ikara atoko ininiã, pisãpiretaua. Atãokani txineiro asikini Homanoakori auïtemoni, Sesa inakorimoni? ¹⁵ Atãokani asikiniri iuamoni? Apakata amasikakaniri iuamoni? —itxana.

Xesosi imarotari isãkirena. Imarotari ninoa pimaruatini isãkire ikerokini ïkapani. ! Inirekarina atão inakari imarotininina. Ininiã Xesosi txana ninoa:

—Kinirepa hãtamakaerekatano nota? Himinaro txineirota. Ninirekari natamatiniro — itxa.

¹⁶ Ininiã iminarona.

—Kisanõkapa ia? Kiuãkapa aua uai? —itxana.

Ininiã ninoa:

—Sesa sanõka, iuãka pakini —itxana.

¹⁷ Ininiã Xesosi:

—Ikara atoko ininiã, hīsikariko Sesamoni iua nakiti. Hīsikariko Teosomoni iua nakiti — itxana.

Ininiã kasākirena ninoa, kotxi peerekari Xesosi apakapapiretakiti.

Ipīkari Ōkitikiniua Mauikakoni
(Mateo 22.23-33; Arókasi 20.27-40)

¹⁸ Kikiakori satoseo inakoni, !auikari kākiti ipīkaripeka iuaīkana ōkitikiniua iuaīkana auāki inini ikapani. Ninoa satoseo apoka Xesosimoni.

¹⁹ —Koerekareri, Moisesini iōkatsopateri ia ipaniātakiti: “Kiki meenetipanika ipininiã, iua itari takaroko tikinitakoro. Iua itari keene ininiã, itakauākatari amarini iua itarini ipīpekarini uāka,” itxa Moisesi. ²⁰ Setxi itaritxiakori aua ikorapokoriti. Apia kiomanetakari takaro sito. Txamari ipīkasaaki meenetopanika itikinitaro. ²¹ Ininiã āti itari takaro oakana. Ipīkasaaki !keenepanikaro oa. Iua atokokana itxape āti itari. ²² Ininiã imakinikana ninoa takapiimaro oa. Ikinikana ninoa meenetopanika ipīpena. Eereka oanipekana apaka opīpe. ²³ Ipīkani ōkitikasaakiaua, kirītanoropa otxatauako? Kotxi ikinikana setxi takapekaro oa — itxana.

²⁴ Ininiã Xesosi:

—Hīte kerokari, kotxi !himarotari Teoso sākire iōkatsopatakori. Teoso posotiire apaka ! himarota. ²⁵ Ipīkani iuaīkana ōkitikasaakiaua, Teoso nitiriakori iaxitikini atoko itxapekauana. ! Itanorouataikako. ²⁶ Hīte ! auikari ipīkani ōkitikiniua. Hīte atatsopatapekari Moisesi iōkatsopatakiti aanaia tirinakari pirena. Iuasaaki Teoso misākiretari Moisesi: “Apraão, Isaki, Xakoo pakini Teosonekarano nota,” itxari Moisesimoni. ²⁷ Ikara atoko ininiã Apraão, Isaki, Xakoo pakini ōkitikapekaua iuaīkana, kotxi auāki inakani Teosonera iua. Kona ipīkani Teosoneni itxaua Teoso. Amananini hīkerokari —itxa Xesosi satoseoakorimoni.

Teoso Paniātakiti Apiari Akamini
(Mateo 22.34-40)

²⁸ Iuaātaã aua kaiōkatsoparereri. Ikenakotana ninoa misākiretakakiniua. Ikenakotari Xesosi apakapapiretakiti erekari ene. Ininiã iua pimaāri Xesosi:

—Īkiripa Teoso paniātakiti apiari txataua? Kipa apiaerekata Teoso nireēkiti akamini?

²⁹ Xesosi apakapapiretari:

—Teoso paniātakiti apiari ia: “Isaero tōpa auakani, hīkenakota. Ateosone Apiananiri iua. Iuananira Teoso txaua. ³⁰ Pitiretariko Apiananiri piTeosone, ikinipoko pinireēkitiã, ikini pākitixinireē, ikinipoko pixinikakitiã, ikini pitaparaxinireē pakini.” ³¹ Ātipekana Teoso paniātakiti apiari ia: “Piteka pitiretiniãua atokotxikana, pitiretariko āti.” Iuananira Teoso paniātakiti ipi apiari txaua —itxa Xesosi.

³² Ininiã iua kaiōkatsoparereri apakapapiretari Xesosi:

—Inipitikara pisākire, koerekareri. ! Auari āti Teoso. Iuanokara auari. ³³ Ininiã atiretamariko Teoso ikinipoko anireēkitiã, ikinipoko axinikakitiã, ikini ataparaxinireē. Atiretamanako apanakini aītoka atiretini atokokana. Ikara Teoso paniātakiti ipi apiari txaua. Teoso paniātakiti pirātxi aōkini iua ikapani poiāori —itxa Xesosimoni.

³⁴ Xesosi kenakotakasaakiri isākire ereka inini, itxari iua:

—Pite auītearitari Teoso.

Iposo atoko apanakini !kataparaxinireika apikomoni ipimainirina.

Teoso Mereēkiti Tavii Apika Mekaniri
(Mateo 22.41-46; Arókasi 20.41-44)

³⁵ Xesosi Teoso misākiretiko aikoti oerekarauanātakasaaki, ipimaāri:

—Kinirepa kaiōkatsoparererini sākire: “Tavii apika mekanirako Teoso mereēkiti txauako?” itxana. ³⁶ Erekar Matamatakoti kamasāpirenatakari Tavii:

Apiananiri misākiretari niauīte: “Nota kikomoni piitopākiniritika nixipokariko pimokaiakariakori. Nikamariko ninoa pikiti pitakiniātaã atoko ininiua,” Apiananiri txari niauīte,

itxa Taviini. ³⁷ Tavii akiritari iua Teoso mereēkiti “Niauīte.” Ikara atoko ininiã, natokopa itxa iua Tavii apika mekani ininiua? —itxa Xesosi.

Iuasaaki ikinimane kākiti iuaã apitiitakaniua potxitari Xesosi sākire.

Kaiōkatsoparererini Maerekani Pirena
(Mateo 23.1-36; Arókasi 20.45-47)

³⁸ Xesosi oerekarauanātakasaaki, ōtānikana kākiti:

—Kaiōkatsoparererini moianari !hītxapeua. Ninoa potxitari mākatxi ereri ieretakinina kākiti apisatoō inapinina ikapani, kākiti atamatinina ikapani. Ninoa apokaerekatari imisākiretikona ipaxitikona nipokori sikikoātaã inapaāpotakasaakina. ³⁹ Ninoa potxitari kākiti topākini apiaerekatakari nopini iitopākinina aiko Xoteo apotiitiniātaūa. Kiiniriã ninoa potxitari

kakiiniriteri topākinimoni iitopākinina. ⁴⁰ Ninoa mixirikari tikinitakoni aapoko, iuaritika okanani imisākiretarina Teoso kākiti apisatoō, ininiā kākiti uākatari ninoa erekarini atoko ininiāuana. Teoso iteene misiritanako kākiti ikara atoko inakani.

Tikinitakoro Matxineiroto Sikakito
(*Arókasi 21.1-4*)

⁴¹ Xesosi topāka txineiro Teoso ikapani apakapikoātaā. Xesosi itikari kākiti ieretakiniro txineiro kaixa āki. Itori katxineiroterini okaro txineiro mirikinito kaixa āki. ⁴² Eereka tikinitakoro matxineiroto apoka iuaā. Otakaro ipi txineiro otaki kaixa āki. Poiāonoka txineiro. ⁴³ Ininiā Xesosi akiritana imoianariakori.

—Inipitikara nisāpiretai hīte. Ōkora tikinitakoro matxineiroto sikakito apiata. Apanakini sikakito poiāoka. ⁴⁴ Kotxi ninoa sikaro txineiro itetakoro. Oa matxineiroto sikari okinika onakito —itxa Xesosi.

13

Teoso Misākiretiko Aikoti Irikiko
(*Mateo 24.1-2; Arókasi 21.5-6*)

¹ Teoso misākiretiko aikoti Xesosi pokīkasaaki, imoianari misākiretari iua:

—Koerekareri, patamata ia kai aapokotxiti itomaneri. Amaripokori. Ia aiko Teoso misākiretiko peerekari.

² Ininiā Xesosi:

—Hātamatari ia aiko mitari. Āti ōti imakinika irikaākako. Kona kai kaikotaikako āti kai nopini —itxa Xesosi.

Misirikaretxi Apokaenetini
(*Mateo 24.3-14; Arókasi 21.7-19*)

³ Xesosi topāka oxiratarini nopini Teoso misākiretiko aikoti apisatoō. Iuaā aua oriva minanape. Iuaasaaki Petro, Txiako, Xoō, Ātree pakini apoka iuamoni. Ninoanoka aua iuaā. ⁴ Ipimaārina Xesosi:

—Kirisaakipa aiko Teoso misākiretiko irikaāka? Natokopa itxa aimarotini ikara ōti apisapanika?

⁵ Ininiā Xesosi:

—Erepaniko. ! Hāuiritapiri apanakini misirienetini hīte. ⁶ Itopaniriko kākiti, “Xesosikarano,” inakanipaniko. Ninoa misirienetari kaiāopokori kākiti. ⁷ Neenamatzixi hīkenakoenetakaasaaki, neenamatzixi ene hīkenakoenetakaasaaki, ! hīpikarauatape. Ikara auapitakako, iuaritika kona xipokatxi ōtipanikani. ⁸ Āti uāka neenamauata āti uākakata. Āti tixini auakani neenamauatako āti tixini auakanikata. Ātikaka itixi iakeēkatakako. Kaiāopokopaniri natxi. Amarini auini tsii atoko itxapaniko.

⁹ —Erepaniko hīte. Himaikaākako, auūtximoni hīsīākako. Hinoropataākako aāpitsā āki Xoteo apotiitiniātaāua. Nota sākire hāuikini xika hīte anikaākako poiāori auūtximoni. Apiari auūtximoni apaka hanikaākako. Iuaasaaki hīte sāpiretanako ninoa Teoso iokanapirena erekari. ¹⁰ Itixi xipokini apisapanika Teoso iokanapirena erekari sāpiretaākako ikini-manemoni ikini itixitikinimoni. ¹¹ Kākiti maīkasaakii hīte, anikasaakii hīte auūtxiakorimoni, ! hīxinikapiri hīsākire tīkane hīsākirauatini apisapanika. Hīsākirauatakaasaaki, iuaasaakipeka himarotari hīsākire. Erekar Matamatakotū txīkitakai iuaasaaki hīsākire himarotini. ¹² Kākiti sikanapariko atāo itariakori auūtximoni okiko tīkane. Iriakoritxi sikanapanako imiakori auūtximoni okiko tīkane. Eenetxiakori omanatana iriakori, inoroakoro pakini. Eenetxiakori xika ninoa okapeēka. ¹³ Nota sākire hāuikini xika, ikinimane omanatai hīte, iuaritika himatanapakaniāri nisākire hāuikini, hanikaākako Teoso tixinimoni —itxa Xesosi imoianariakorimoni.

Iteene Maerekanitxi Apokini
(*Mateo 24.15-28; Arókasi 21.20-24*)

¹⁴ Iuaikana Xesosi sāpiretana:

—Hītikariko Maerekati Apiatakari Teoso misākiretiko aikoti āki. Kitxakapirika Teoso sākire sāpiretakari Tanieo inakori sāpiretpekari ikara pirena. (Ininiā hīte ia atatsopanātakanii, hīkenakotariko Xesosi ōtākikinua.) Maerekati Apiatakari Teoso misākiretiko aikoti āki hītikasaaki, hīte Xotéia tōpa auakanii, himitekapoka mitaxiratarimoni. ¹⁵ Iuaasaaki hīte haāpoko nopini auakanii, katima hītxako hīkatxakini. Haāpoko !hīroāpe hīti himakatzakini ikapani. ¹⁶ Hīte kikio auakanii, !hīkanapiripe haāpokomoni himāka hāpini ikapani. ¹⁷ Ikarasaaki !erekapaniri sito kamixiromoni, sito kaxitakakareromoni. ¹⁸ Teoso hamanaā himitekini kamoīsaaki, kotxi himitekini mitaāsaaki !erekari. ¹⁹ Iuaasaaki atatsiiri auakatapitikako. Ia atatsiiri apiata atatsiitaākako. Kitxakapirika itixi Teoso kamakasaaki kākiti atatsiirauata

poiãoka. Ikara atatsiiri õti apisa kãkiti atatsiirauata poiãoka. Ikara atatsiiri õti napa atoko ! ikara atoko inakari atatsiiri ! auaikako. ²⁰ Teoso mapoiãotakaniãri iua õti kãkiti atatsiirauatini õti, ! auaikamako kãkiti. Ikinipekamako ipîpemanako. Teoso iotokakariko Ìkara atatsiiretxi, imereëkini mapinakani Ìkapani.

²¹ —Apanakini sãpîretiniãi hîte: “Xesosi Teoso mereëkiti ia,” hinikosaaki, ! hãuikapiri. “Xesosi Teoso mereëkiti ikiraãtaã,” hinikosaaki, ! hãuikapiri. ²² Kotxi Teoso mereëkiti minakanuia apokapitikako, “Xesosikarano nota,” inakari. Apaka apanakini apokapitikako, “Teoso sãkire sãpîretakarikarano nota,” inakari. Paxirari ninoa sãkire. Kãkiti ikara atoko inakani kamariko posotiiretxi, kãkiti itikiniri Ìkapani. Ninoa nirekamari Teoso mereëkini imisrienetinina. ²³ Erepaniko. Ikara õti apokini apisapanika nõtàkikai hîte —itxa Xesosi imoianariakorimoni.

Kãkiti Itari Iaxitikiri Kanapiriini
(Mateo 24.29-31; Arókasi 21.25-28)

²⁴ —Iua misirikaretxi napa atoko atokatxi iuakapeka. Kasiri ! iponikaika. ²⁵ Iõriki iaxitikero irikako. Ikinipoko kaikori iaxiti auakari ioiketaãkako. ²⁶ Iuasaakipekako ikinimane atapariko kãkiti itari iaxitikiri apokaãpotini katxiãri åki. Itapararituka apoka. Kaiotximereri itxaua iuasaaki. ²⁷ Iuasaaki iokanatana initiriakori iaxitikini itinixitimoni, ipinimoni itinixitimoni, atokatxi pokîkinimoni, atokatxi ereëkokinimoni. Iokanatana initiriakori ikini itixitimoni kãkiti imereëkini apitiutinina Ìkapani —itxa Xesosi imoianariakorimoni.

Piko Mina Pirena
(Mateo 24.32-35; Arókasi 21.29-33)

²⁸ Iuaikana Xesosi sãkirauata.

—Nisãpîretai sãpîrenatxi atão inakari oerekiko, piko mina pirena, nikanapiriini apiata himarotini Ìkapani. Pooiõporipeka onakasaaki, otomorekasaaki, “Kamoõ apokanapanoka,” hîtxa. ²⁹ Iua atokokana ikara misirikaretxi mixikanani nisãpîretakiti hîtikasaaki, himarotapekariko nota kaiama kanapirikapeka ninini. ³⁰ Ia nisãkire atão. Itixi auakani ! ixipoka ikinipoko nisãpîretakiti mapokakani apisa. ³¹ Iaxiti xipokapitikako. Ìkoraxiti apaka xipokapitikako. Iuaritika nota sãkire lixipoka —itxa Xesosi imoianariakorimoni.

Kãkiti !Imarotari Xesosi Apokini Manapi
(Mateo 24.36-44)

³² Iuaikana Xesosi sãkirauata:

—Kãkiti ! imarotari ikara õti manapi apokini. Teoso nitiriakori iaxitikini apaka ! imarotari ikara õti. Nota Teoso åkîrkanera !imarotari ikara õti. Nirinanira, Teosonanira, imarotari. ³³ Hiãtapapariko. Hikoatapikako. Teoso himisãkîretapikako. Kotxi !himarotari ikara õti apokini.

³⁴ —Nikanapiriãkasaaki, kiki õtako sikari kanapiriini atoko nitxa. Iua kiki poterikasaaki, ipaniãtana initiriakori aapoko inikatinina. Ikininape isikanapana parîkatxi ikaminina. Ipaniãtari initiri aapoko toreãtaã kaikotakari, “Araõkîre pitxako,” itxari. ³⁵ Nota hîtari iaxitikiri iua kiki õtako sikari atoko nitxako. Åtipirika hiãtapapikanoko, kotxi !himarotari nota apokini õti. !Himarotari mapiãtikikauako napoka. !Himarotari apaniãkanõkauako napoka. Imaropirîkatauako napoka. Ìkanõkapanikauako napoka !himarotapaniri. ³⁶ Atxiiti patimari napokini, ininiã hikoatapikako, mimakatika hinini Ìkapani nota apokasaaki. ³⁷ Ininiã åtipirika hiãtapapikanoko. Ikininapemoni apaka ikara nitxa —itxa Xesosi imoianariakorimoni.

14

Xesosi Okaenetiko Pirena
(Mateo 26.1-5; Arókasi 22.1-2; Xoão 11.45-53)

¹ Iuasaaki kãkiti apotiitaua ipi kiiniriti auakasaaki. Pãskoã kiiniriti, pão miãtiãkati nikiko kiiniriti pakini aua. Ipi õti kiiniri poterikini apisapanika sasetotxi auiteakori, kaiõkatsoparerini pakini xinixaxitita:

—Natokopa atxatariko Xesosi amaikini aõkini Ìkapani? ² !Amaikapaniri kiinirisaaki, kotxi amaikiniãri, kãkiti naiatamaua eereka —itxanãtana.

Sito Kamariãro Mikaro
(Mateo 26.6-13; Xoão 12.1-8)

³ Xesosi auanãta Petãnia aapoktxiti Simão inakori aapoko. Iua Simão akiritaãka “Maere Matati.” Simão aapoko Xesosi nipokonãtakasaaki, sito apoka. Oa minari kopitipaki kai kamakori, kai arapãstiro inakoro. Kopitipaki åki aua kamariãro, nato inakoro. Pakaronepokoro. Oãpokasaaki Xesosimoni, opakuanakari kopitipaki. Okitakaro kamariãro Xesosi kiã. ⁴ Iuasaakipeka apanakini iuaã auakani omanãkaruata.

—Kinirepa oioanataãka kamariãro? ⁵ Ovêtxitamaro, ininiã kaiãopokomaniko txineiro oãpakapamako. Tresêtos txineiro ota prata kamakori oãpakamako. Txineiro mauakinitimoni osikiniã erekamariko —itxana.

Iteene ikapatitana. ⁶ Ininiã Xesosi:

—Ikara atoko !hîtxapero. !Homanatapero. Erekarî okaminano. ⁷ Kãkiti matxineiroteni auapikakoko hîtekata. Hinirekasaakirikoko hîsikaro txineiro ninoamoni. Nota !auari âtipirika hîtekata. ⁸ Oia sito kamari ikinipoko oïmarotakiti nota îkapani. Nipinini apisapanika oina notamoni. Omaritari niïto, niïto iposope inini nikatiko îkapani. ⁹ Atão nisãpiretai hîte. Teoso iokanapirena erekarî sãpiretikoãtaã ikini itixiti, osãpiretaãkako apaka oia sito kitakiniro kamariãro nikiiã, ininiã kãkiti ikini itixiti auakani xinikapikaro oa —itxa Xesosi.

Xotasi Mîkapiritiniri Xesosi

(*Mateo 26.14-16; Arókasi 22.7-16, 21-23; Xoão 13.21-30*)

¹⁰ Tosi pakini Xesosi moianariakori. Imoianari Xotasi inakori sari sasetotxi auiteakorimoni. Imisãkiretana ninoa Xesosi imîkapiritini îkapani, ninoamoni isikiniiri îkapani. ¹¹ Ikenakotakasaakirina Xotasi sãkire, ipoxokoniuatana. Isikaenatarona txineiro iuamoni. Eereka Xotasi iãtapari Xesosi imîkapiritini ôti.

Pãskoa Kiiniriti Kamiko

(*Mateo 26.17-25; Arókasi 22.7-13*)

¹² Pãskoa kiiniriti potorikini ôti, soti auite anaakori okiko ôti, Xesosi moianariakori misãkiretari iua:

—Namonipa pinirekatari Pãskoa kiiniriti akamini?

¹³ Ininiã Xesosi iokanatana imoianariakori ipi.

—Hisa sitatximoni. Iuaã kiki ãparaã kopitiã anikakari hãpiãkata. Iua kikikata hisa. ¹⁴ Iua sinimoni kaapokori himisãkireta. Hîtxariko iua: “Koerekareri nirekarî imarotiniiri, namonipa erekarî imoianariakorikata inipokotini Pãskoa kiiniriti ikamakasaakina?” hîtxariko. ¹⁵ Ininiã iua oerekaiko hîte itanokiri koa mitapoari. Auapeka kãkiti topãkini. Imakinika oeretapeãkaika —itxana.

¹⁶ Ininiã imoianariakori sari. Sitatxi apokasaakina Xesosi sãkire iaõka aua. Ininiã ninoa kamari nipokori Pãskoa kiiniriti îkapani.

¹⁷ Îkanõkapeka inakasaaki Xesosi apoka tosi imoianariakorikata. ¹⁸ Inipokonãtakasaakina, Xesosi txana:

—Atão nisãpiretai. Æti hîte notakata nipokotakari mîkapiritanoko nota —itxa.

¹⁹ Ininiãkara Xesosi moianariakori matinaniuata. Ipimaãrina Xesosi:

—Notakani atxiïti?

Åtipekana:

—Notakani atxiïti?

Ininiã imakinikana ikara atoko itxana. ²⁰ Ininiã Xesosi:

—Åtika hîte notakata auakari mîkapiritano. Notakata komiri iopitiãtakarikarako sikano nimokaikariakorimoni. ²¹ Nota hîtari iaxitikiri okaãkako. Teoso sãkire iõkatsopatakori sãpiretapekari nipinini tikane. Nota hîtari iaxitikiri mîkapiritakari iteene misiritaãkako. Erekamariko maponaniãkatika inaãkamako.

Xesosi Îto, Iarêka Pakini

(*Mateo 26.26-30; Arókasi 22.14-23; 1 Korîto 11.23-25*)

²² Xesosi imoianariakorikata nipokonãtakasaaki, Xesosi kosekari komiri. Imisãkiretari Teoso:

—Erekapitikari ia komiri pisikakiti atemoni —itxari.

Imapopeëri komiri, xanaka itxari imoianariakorimoni.

—Apakapa, nika hîtxako. Ia niïto —itxana.

²³ Iposo atoko koseka itxaro iãkoanatxi. Imisãkiretari Teoso:

—Erekapitikari ia iãriã pisikakiti atemoni.

Ininiã iãkoanatxi isikana imoianariakori. Ikinikana iãtarina iãriã. ²⁴ Ininiã Xesosi:

—Ia niarêka xiketakari makatxakariko kaiãopokori kãkiti maerekani. Teoso sãpiretapekari kãkiti ikamaenetakiti amaneri kãkiti îkapani. Ia niarêka oerekari kãkiti, Teoso kamapekari ikamaenetakiti. ²⁵ Atão nisãpiretai. !Niãtaikaroko ovapeë, Teoso auîtetxi ininiãtaãua nimapokakanisaaki. Iuaã napokasaaki niãtari. Amaneri iãriãti niãtako —itxa Xesosi.

²⁶ Eereka ninoa xikarauata Teoso îkapani. Iua atoko isana oriva mina auiniãtaã, oxiratarî nopini.

Xesosi Sãpiretari Petro Kipatiniri Iua

(*Mateo 26.31-35; Arókasi 22.31-34; Xoão 13.36-38*)

²⁷ Xesosi misãkiretana imoianariakori:

—Ia ikanōkati hīkinika hīte takanapanoko nota, kotxi Teoso sākire iōkatsopatakori sāpiretapekari ikara atoko inakari. Itxari:

Nokariko soti auīte piratakari, ininiā ikinika ipiraaakori iarikitatako, itxa Teoso sākire iōkatsopatakori. ²⁸ Ininiā eereka nota nīpinaāka atoko, iuaīkana nōkitikaākaua atoko, nisako hīte apisa Kariréiamoni —itxa Xesosi.

²⁹ Ininiā Petro:

—Nota !nitakanapai pite. Atxiīti ikinimane takanapai, iuaritika kona nota takanapai.

³⁰ Ininiā Xesosi:

—Atāo nisāpiretai. Ia ikanōkati patari ipikata sākirauatini apisapanikako, ipi āti pakinikata, “!Nimarotari iua,” pitxanoko —itxari Petro.

³¹ Petro apakapapiretari itaparaxinireritika:

—Atxiīti pitekata nokaāka, iuaritika kona nota sāpiretari apanakini nimimarotakanii pite. Ikininape Xesosi moianariakori Petro sākire iaōka ikamana.

Xesosi Misākiretiniri Teoso Xetsémani Inakoriātaā

(Mateo 26.36-46; Arókasi 22.39-46)

³² Xesosi imoianariakorikata apoka ātiātaā kākiti akiritakiti Xetsémani inakoriātaā. Iuaā Xesosi paniātana imoianariakori:

—Uai hīitopāka. Teoso nimisākiretako —itxa.

³³ Anikari Petro, Txiako, Xoāo pakini iuakata apikomoni. Iuaā Xesosi iteene matinaniuata. Maerekaxiniretinoka itxa. ³⁴ Ininiā iua:

—Nixinire imaromaxiretari. Iteene nimaxire, ininiā okaaritano. Uai hīkaikota. Araōkire hītxako —itxana.

³⁵ Apikomoni isa. Ipamaka xitimoni, misākireta itxari Teoso. ³⁶ Itxari iri:

—Papai, pite posotari ikinipoko pikamini. !Pauritapeno paītiki natatsiirauatini, iuaritika ninirekari pite nirekakiti nikamini. Nota nirekakiti nikamini kona ninireka —itxari iri.

³⁷ Eereka ikanapiriā Petro, Txiako, Xoāo pakinimoni, txamari ninoa imakanāta. Xesosi akiritari Petro:

—Simāo, himakanāta? Kona hīposotari āti oaranoka hīkoatini? ³⁸ Erepaniko. Hinirekasaakiri maerekati hīkamini, !hīkamapiri. Araōkire hītxako. Hīmīsākiretariko Teoso, ininiā !hīkamari maerekati. Kākiti xinire atxiīti !inirekari maerekati ikamini. Txamari kākiti ito tapara poiāoka, ininiā ikamari maerekati. Ininiā erepaniko —itxana ninoa.

³⁹ Iuaīkana isa Teoso imisākiretini ikapani. Teoso imisākireta, mitxi isākire atokokana itxa. ⁴⁰ Iposo atoko ikanapiriā. Txamari iuaīkana ninoa imakanātapanika. !Iposotarina ikoatinina. Ipētauatana, ininiā lkasākirena.

⁴¹ Iuaīkana ikanapiriā Petro, Txiako, Xoāo pakinimoni.

—Himakanātapanika? Hītomanātapanika? Iaōpe. Hātapana. Hītari iaxitikiri uatxa sikaākako maerekati kamakanimoni. ⁴² Hōkitikaua. Masa. Hātapana. Apokaāpota kiki nimīkapiritakiri —itxana.

Xesosi Maīkiko Pirena

(Mateo 26.47-56; Arókasi 22.47-53; Xoāo 18.1-11)

⁴³ Xesosi sākirauanātakasaaki, Xotasi apoka. Iua Xotasi Xesosi moianarikamara. Iminana ito kiki, saasara mīkani, piriri mīkani. Sasetotxi auīteakori, kaiōkatsoparerini, kiomātxiakori pakini iokanataro Xotasi kikiakorikata Xesosi imaīkinina ikapani. ⁴⁴ Xotasi mitxipeka sāpiretari kikiakori:

—Nota apitxokakiti Xesosipitarako iua. Iuasaaki himaīkapekariko. Erepaniko hanikasaakiri, imamitekakani ikapani —itxa.

⁴⁵ Xotasi apokasaaki, isakatapitipori Xesosimoni. Akiritari:

—Koerekareri.

Inakasaakipeka apitxoko itxari.

⁴⁶ Inakasaakipeka kikiakori maīka, anika itxarina Xesosi. ⁴⁷ Kiki iuasaaki iuaā auakari kosekaro saasara. Iua suaākatari sasetotxi auīte apiatakari nitiri. Itsotakakīpitari.

⁴⁸ Iuasaakipeka Xesosi:

—Hīte ina himaīkinino ikapani, saasarakata, piririkata. Kītiriri atoko hītxapeno nota himaīkinino. ⁴⁹ Ikinīōtika nota auanātari hītekata Teoso misākiretiko aikoti āki, noerekarauatakasaaki. Iuaā hīte !imaīkano nota, kotxi Teoso sākire iōkatsopapeēkaika hīte maīkinino kītiriri himaīkini atoko —itxana ninoa.

⁵⁰ Iuasaakipeka ikinika Xesosi moianariakori miteka, asika itxarina iua. ⁵¹ Iuasaaki ātokori sari Xesosi tikini. Iua māka ātinoka aua iitōā pirikakari. Kikiakori maīkamari iua.

⁵² Imākanoka kaikota iuakoāna. Kasarapeka imiteka iua ātokori.

*Xesosi Xoteo Auñteakori Apisatoõ**(Mateo 26.57-68; Arókasi 22.54a, 63-71; Xoão 18.12-14, 19-24)*

⁵³ Ninoa anikari Xesosi sasetotxi auñte apiatakari aapokomoni. Iuaã ikinika sasetotxi auñteakori, kiomãtxiakori, kaiõkatsoparerini pakini apotiitaua. ⁵⁴ Petro ikira atoko isaãpota Xesosi anikakani tikini. Iroã sasetotxi auñte aapoko piriketakorïã. Iuaã iitopãka sasetotxi auñte apiatakari nitiriakorikata. Iroka xamina tinipoki.

⁵⁵ Aapokotxi ãki sasetotxi auñteakori, ikinika Xoteo auñteakori pakini pimaãna kãkiti:

—Kipa imarotatari maerekati Xesosi kamini?

Ninoa nirekari Xesosi okiko imaerekani xika. Txamari !apokarina imaerekani imarotakani, kotxi likamari maerekati. ⁵⁶ Kaiãopokori kãkiti sãpiretari maerekati Xesosi kamakiti, txamari paxirari ninoa sãkire, kotxi ãti sãpiretakiti ipinimoni, ãti sãpiretakiti ipinimoni, itxaãpotana.

⁵⁷ Apanakini kiki õkitikaua, sãpireta itxarina ia aãpirena Xesosi ikamapiretinina. ⁵⁸ Ninoa: —Ate kenakotari isãpiretiniri: “Nirikariko ia aiko Teoso misãkiretiko aikoti kãkiti kamakiti. Ipi ãti pakini õti inakasaaki nikamariko ãti aiko kãkiti makamakiniti,” itxa isãkire.

⁵⁹ Txamari ikara sãkiretxi ãti sãpiretakiti ipinimoni, ãti sãpiretakiti ipinimoni, itxaãpota.

⁶⁰ Iposo atoko sasetotxi auñte apiatakari tima ikinimane apisatoõ. Iua pimaãri Xesosi:

—Kininiãpa na papakapapiretari ninoa sãkire? Kixikapa ninoa ikara atoko txanãtai? — itxari.

⁶¹ Txamari !kasãkireri Xesosi. !Apakapapiretari. Ininiã sasetotxi auñte apiatakari iuaãkana pimaãri:

—Pitekani Teoso mereëkiti txataua? Pitekani Teoso ãkiri txataua? —itxari.

⁶² Ininiã Xesosi:

—Ari, iua ãkiripitikarano. Hãtamatariko kãkiti itari iaxitkiri topãkini Kaposotiireri kikomoni. Hãtapariko kãkiti itari iaxitkiri uai apokaãpotini katxiãri ãki —itxa.

⁶³ Iuasaakipeka sasetotxi auñte apiatakari matsorãkari imãka, kotxi iuãkatari Xesosi sãkire maerekati ininua.

—!Anirekaikari Xesosi kamakiti sãpiretakani. Atokopeka. ⁶⁴ Kotxi hũte kenakotapekari isãkire maerekati, “Teoso ãkirirano” inini. Natokopa atxatari iua? —itxana.

Ininiã ninoa apakapapiretari:

—Okaãkapitikako —itxarina.

⁶⁵ Apanakini kiisokari Xesosi. Mãkatxi mataã iapirikarina ikiã oki manapi imata-matakani ikapani. Iposo atoko iãsokarina.

—Pisãpiretaua, kipa ãsokai? —itxarina.

Sasetotxi auñte nitiriakori apaka ãsokari iua iuakoãna.

*Petro Kipatari Xesosi Imarotini**(Mateo 26.69-75; Arókasi 22.54b-62; Xoão 18.15-18, 25-27)*

⁶⁶ Iuasaaki Petro ixiti aua aapokotxi piriketakorï ãki. Sasetotxi auñte apiatakari nitero ãtokoro apoka iuaã. ⁶⁷ Oãtamatarï Petro irokanãtini xamina tinipoki. Oa mixinitari iua. Ininiã oa:

—Xesosi Nasareekiri moianarikai pite apaka —otxa.

⁶⁸ Ininiã:

—Kona, nota !imarotari pisãkire —itxaro.

Iuasaaki pirikere Iroakikoãtaã isari. Iuasaakipeka patari sãkirauata. ⁶⁹ Oa sasetotxi auñte nitero atamatarï iua iuaã.

—Ere kiki iua moianaripitikara —otxana ninoa Petro takote auakani.

⁷⁰ —Kona iuano nota —itxa.

Paĩtiki ninoa iuaã auakani:

—Iua moianaripitikarai. Pite Kariréiakirikarai. Pisãkireãra ate imarotai —itxarina.

⁷¹ Ininiã Petro:

—Nota !imarotari kiki ikara atoko hinanãtakiti. Atãoene nimasãpiretakaniã, Teoso misiritamanoko. Teoso imarotari nota sãkire atãoka nisãpiretinii —itxana.

⁷² Ikara atoko Petro inakasaaki, iuaãkana patari sãkirauata. Ininiã Petro xinikari Xesosi sãpiretakiti iuamoni. “Ipikata patari sãkirauatini apisapanikako, ipi ãti pakinikata, !Nimarotari iua,’ pitxanoko.” Ikara inakari ixinikasaaki, itxiapata.

15*Xesosi Pirato Apisatoõ**(Mateo 27.1-2, 11-14; Arókasi 23.1-5; Xoão 18.28-38a)*

¹ Katimatinikata sasetotxi auñteakori, kiomãtxiakori, kaiõkatsoparerini, ikinimane Xoteo auñteakorikata xinikaxitinãta. Ipaniãtarina Xesosi iaxirikiko. Iposo atoko anika, sika itxarina Piratomoni. ² Pirato pimaãri Xesosi:

—Pitekani Xoteoakori auñte txataua? —itxari.

Ininiã Xesosi:

—Ari, pisãkire atãopitikara.

³ Sasetotxi auñteakori apoiãpotari Xesosi, txamari Xesosi lkasãkireri. ⁴ Ininiã Pirato:

—Na papakapapiretari? Ninoa iteene misãkirepiretai —itxari.

⁵ Iuaritika Xesosi !apakapapiretari. Ininiã Pirato ãkixinireẽ:

—Kinirepa kona apakapapiretari? —itxa.

Xesosi Okiko Nirekiko

(Mateo 27.15-26; Arõkasi 23.13-25; Xoão 18.38b-19.16)

⁶ Pãskoa kiiniriti auakasaaki, Pirato itotari isikakiniri kateia ãki auakari kãkiti nirekëiti. ⁷ Iuasaaki Xesosi mañkikosaaki, Pahapasi inakori aua kateia ãki. Iua Pahapasi apanakini kateia ãki auakanikata okaniuatapeka Homanoakori inaiatakasaakina. ⁸ Pirato sãkirauatakasaaki Xesosikata, kãkitipokoni apoka Piratomoni.

—Kateia ãki auakari pisikaka —itxarina.

⁹ Ininiã Pirato pimaãna:

—Hinarekari nisikakiniri Xoteo auñte hñte ñkapani? —itxana.

¹⁰ Pirato iteene imarotari sasetotxi auñteakori sikari Xesosi iuamoni Xesosi ixikotinina xika. ¹¹ Sasetotxi auñteakori maasakana ninoa iuaã apotiitakanua:

—Hamanaãri Pirato Pahapasi isikakini ñkapani —itxana kãkitimoni.

¹² Pirato iuañkana pimaãna:

—Natokopa nitxatari ia kiki Xoteo auñte inakori? —itxa.

¹³ Akiripoakatana:

—Aamina ñpiriãmitakari nopini hñtokakitari —itxana.

¹⁴ Ininiã Pirato:

—Kixikapa? Maerekati ñkama —itxa.

Apiata akiripoakatana:

—Aamina ñpiriãmitakari nopini hñtokakitari —itxakatana.

¹⁵ Ininiã Pirato sikakari Pahapasi ninoa ñkapani, kotxi inirekari ikamapoxokonitina ninoa kãkiti. Eereka ipaniãtari Xesosi xirokítatiko aãpitsaã. Eereka Pirato paniãtari sotatoakori tokakitiniri Xesosi aamina ñpiriãmitakari nopini.

Sotatoakori Napetiniri Xesosi

(Mateo 27.27-31; Arõkasi 22.63-65; Xoão 19.1-3)

¹⁶ Ininiã sotatoakori anikari Xesosi Pirato aapoko ãki. Akiritarina ikinika sotato. ¹⁷ Iposo atoko ieretakarina mãkatxi põkamarari Xesosi itoã. Ikamarina saporieña kotipiaro kamakori, taka itxarina Xesosi kiã.

¹⁸ —Aãuñte —itxarina Xesosi inapetinina.

—Xoteo auñtekai pite —itxarina.

¹⁹ Iaritakiitarina aãkeẽ. Ikiisokarina. Ikapotoreẽkauana Xesosi apisatoõ.

¹⁹ Aãuñte —itxarina Xesosi inapetinina.

²⁰ Inapetakarina atoko imaktxakarina mãkatxi põkamarari. Xesosi mãka iuañkana iere-taka. Eereka anikarina Xesosi aamina ñpiriãmitakari nopini itokakitinirina ñkapani.

Xesosi Tokakitaãka Aamina ñpiriãmitakari Nopini

(Mateo 27.32-44; Arõkasi 23.26-43; Xoão 19.17-27)

²¹ Ipxinipokorití itãõkitarina kiki Simão inakori. Sireni sitatxitikiri iua. Iua anaakori Arexãtri, Hopo pakini. Iuasaaki Simão apoka Xerosareẽ. Sotatoakori paniãtari iua:

—Ia aamina ñpiriãmitakari panikinari —itxana.

²² Anikarina Xesosi ixirataã, Kõokota inakoriãtaã. Xoteo sãkire “Kõokota.” Apanakini akiritari iua oxiratarí uãka “Kiitãtatxi,” inaãka akiritiko. Iuaã apokana. ²³ Isikamarina iãriã pinñtxikata, miha inakorokata, Xesosi iãtini ñkapani, itsii imimarotakaní ñkapani, txamari !inirekaro iãtiniro. ²⁴ Ininiã itokakitarina aamina ñpiriãmitakari nopini. Eereka ikamarina sarauatxi, Xesosi mãka apakapakaní imarotnina ñkapani. Ikara atoko apanakini anikari Xesosi mãka. ²⁵ ñkanõkapanika novi oara itokakitapeẽka Xesosi aamina ñpiriãmitakari nopini. ²⁶ Aaminaã auari iõkakatitina, apoñtiko pirena, “Xoteoakori Auñte” itxa. ²⁷ Ninoa tokakitana ipi kiitiririni apaka aamina ñpiriãmitakari nopini, ikikomoni ãti, isanaremoni ãti.

²⁸ Kixzakapirika Teoso sãkire iõkatsopatakori txari:

Okapeẽkako iua, kokaniri okiko atoko inapeẽkako.

Ininiã Xesosi okikosaaki ia Teoso sãkire iõkatsopatakori iaõka auapeka iuasaaki.

²⁹ Ninoa iuaā napakani misākirepiretapikari Xesosi:

—Kūikitei. Pite sākire: “Nirikariko Teoso misākiretiko aikoti. Ipi āti pakini ōti inakasaaki nikamari iuaākana,” pitxama. ³⁰ Ikara atoko piposotiniā, piteka pimakatxakauako, ininiā pikatxaka aamina ipiriāmitakariā —itxarina Xesosi inapetinina.

³¹ Sasetotxi auūteakori, kaiōkatsoparerini pakini napetari Xesosi:

—Iua makananitapekari apanakini. Txamari iuaka !iposotari imakananitinia —itxakakana.

³² —Ikatxakiniārako ate auikari Teoso mereēkiti ininiāua. Ikatxakiniā, aūikari Isaeo auakani auūte ininiāua —itxakakana.

Kiitiririni iuakata tokakitakoni apaka misākirepiretari.

Xesosi Ipinini Pirena

(Mateo 27.45-56; Arókasi 23.44-49; Xoāo 19.28-30)

³³ Iuasaaki apaniāxiti ipiāka. Ikini itixitika piāka. Ipi āti pakini oara ipiāka. ³⁴ Ipi āti pakini oara napa atoko Xesosi akiripoakata:

—Erii, Erii, aremaa sapakatanii —itxa.

Ia atatsopatakari sākireē: “NiTeosone, niTeosone, kinirepa pitakanapano?” itxa.

³⁵ Kākiti iuaā auakani kenakotari akirinātini.

—Hīkenakota. Akirinātari Eriasi —itxana.

³⁶ Iuasaakipeka kiki ina katimariā. Iākari mapoa atoko inakari iāriā katxioārimoni, aāke mapotōkire taka itxari, sika itxari Xesosi iātinii ikapani.

—Mitxipanikako. Maiātapari. Atauako Eriasi makatxakatapaniri Xesosi —itxana.

³⁷ Xesosi itapararitika akiripoakata, eereka ipīpe itxa. ³⁸ Iuasaakipeka mākatxi mata Teoso misākiretiko aikoti āki arōkakari tsorakita. Itano itsorakita. Ixtipeka apoka. Mitxi iua mākatxi mata lauiritari kākiti iroini Teosonani Auini Pakitaātaā. ³⁹ Sotatoakori auūte aua aamina ipiriāmitakari apisatoō. Ikenakotari Xesosi akiritini. Itikari ipinini.

—Atāopitikara Teoso ākiri itxaua ia kiki —itxa.

⁴⁰ Ātokaka sitoakoro ikira atoko atamanātarina Xesosi, Maria Matarenama, Saromeema, āto Mariama, apanakini sitoakorokata. Xesosi, Txiako pakini inoro oa Maria. Iua Txiako maneripanika inakari. ⁴¹ Xesosi Karirēia auakasaaki, ninoa sitoakoro moianatari iua. Imiparīkatarina. Xesosi ipīkasaakikanera apanakini sitoakoro kaiāopokoro aua iuaātaā. Ninoa apoka Xerosareē Xesosikata.

Xesosi Ikatiko Pirena

(Mateo 27.57-61; Arókasi 23.50-56; Xoāo 19.38-42)

⁴² Ikara ōti, Xesosi ipinini ōti, kākiti parīkauatini ōti, kākiti tomatini ōti apisapanika, iuasaaki kikatatikipeka. ⁴³ Iuasaaki Xosee inakori, Arimateia sitatxitikiri, sari Piratonomi. Iua Xosee Xoteo auūte apanakinikata. Ikinimane paxitari iua. Iua apaka iātapari Teoso ikinimane auūte ininiua ōti apokini. Itaparaxinireritika Piratonomi isa, amanaā itxari Xesosi iŋto. ⁴⁴ Ininiā Pirato ākixinireē:

—Atauako patimari Xesosi ipinini? —itxa.

Ininiā ipīkapiretari sotatoakori auūte. Iua apokasaaki Pirato pimaāri:

—Atauako Xesosi ipīpeka? —itxa.

⁴⁵ Ininiā iua:

—Ari, ipinapitipeka —itxari.

Ininiā Pirato:

—Panikaikari iŋto —itxari Xoseemoni.

⁴⁶ Iuasaaki Xosee amotari mākatxi mata erekari, arinio inakori. Eereka imakatxakari Xesosi iŋto. Iapirikari iŋto mākatxi mataā, anika itxari akauari irikomoni. Kai kisakakori āki ieretakari Xesosi iŋto. Eereka kai mitapoari ikatika, tota itxari iriko. ⁴⁷ Ipi Maria itikanātari Xesosi iŋto takikoātaā, Maria Matarenama, Maria, Xesosi inakori inoroma pakini.

16

Xesosi Iuaākana Auāki Inini

(Mateo 28.1-8; Arókasi 24.1-12; Xoāo 20.1-10)

¹ Tomatiko ōti xipoka atoko mapiānikata, ipi āto pakini sito amotaro kamariāro, Xesosi iŋto ikamamaritinina ikapani, Maria Matarenama, Saromeema, Maria Txiako inoroma pakini.

² Katimatinikata, tomīkosaaki, ikanōkapanika, atokatxi pokīkasaaki, ninoa sari akauarimoni.

³ Kimaporiā isikasaakina, isākirauāpotana:

—Kipa makatxakinaua kai auūte iriko tore? —itxaāpotana.

Amaripokori iua kai. ⁴Iuaā apokasaakina, atamatarina. Kai makatxakapeēkaika. ⁵Ininiā İroāna İrİko āki. Atamatarina ātokori topākanāta İkİkİmonİ. İmāka İtanori, kasarori. İniniā nİnoa tikoka.

⁶İniniā iua:

—!Hİtikokape. Hİte nİtanātari Xesosi Nasareekiri, aamina İpiriāmitakari nopini tokakitakori. Őkitikapekaua iua. !Auaİka uai. Hātamata. Mİtxi İtakarina İİto uai. ⁷Hİsİpeka. Hİsāpiretari Petro, apanakini Xesosi moİanariakori pakini: “Xesosi sapanikako hİte apİsa Karirēİamoni. Iuaā hİte aōkitari iua, kotxi ipinaka apİsapanİka İsāpiretapekari İkara hİtemoni,” —İtxana nİnoa.

⁸İtİmarİtikana nİnoa pokİka. İmitekana. İkİkinanakana, ipİkarena xİka. !İsāpiretarina apanakini, kotxi ipİkarauatana.

Xesosi Oerekaua Maria Matarenamoni

(Mateo 28.9-10; Xoāo 20.11-18)

⁹Xesosi Őkitikasaakiua ipinaka atoko İkanōkapanİka semana potorikini Őti, tomİkosaaki, oerekaua merepitapanİka Maria Matarenamoni. Mİtxipe Xesosi aōkitakasaakİro oa Maria, omitikari maerekani matamatakoni setxi pakini oa İtoā auakani. ¹⁰Xesosi Őkitikasaakiua, iua oaōkitaka atoko, osari merepanİka Xesosi moİanariakorimoni. İuasaaki İteene imatİnİnuatana. İtxİapanātana. Osāpiretana nİnoa:

¹¹—Xesosi iuaİkana auāki İtxapeka. Nota aōkitari iua —otxana.

Txamari nİnoa kona auİkari osākİre.

Xesosi Oerekaua Ipi İmoianariakorimoni

(Arōkasi 24.13-35)

¹²Eereka İuaka oerekaua İpi İmoianariakorimoni, kimaporİā İsİkasaakina aapokotxi mauakaniātaā. İuasaaki İtoō İpinİpo İtxa. ¹³Eereka nİnoa kanapiriā. İsāpiretana apanakini İmoianariakori, txamari !auİkarina İsākİrena.

Xesosi Oerekaua İmoianariakorimoni

(Mateo 28.16-20; Arōkasi 24.36-49; Xoāo 20.19-23)

¹⁴Eereka Xesosi oerekaua Ősi İmoianariakorimoni İnipokotakasaakina. Xesosi Őtākİkana: —Kinirepa hİte !auİkatari nota İuākana auāki ninini? Kinirepa !hāuİkatari nota aōkitakani sākİre? !Kaiokakarekİi —İtxa.

¹⁵İposo atoko Xesosi txana:

—İkini İtİxiti hİsako. Hİsāpiretarİko Teoso İokanapirena erekari İkinİmanemoni. ¹⁶Teoso sākİre auİākari patxisatakori, İuarako sari Teoso tİxinemoni. Teoso sākİre mauİkakati, Teoso misirİtapİkarİko. ¹⁷Teoso sikaposotiİretanako İsākİre auİākani, İniniā apanakini İmarotari Teosokara sikari İposotiİre nİnoamoni. İa atoko Teoso sikaposotiİretana. Omitİkarina maerekani matamatakoni nota uākaā. İsākİrauatana İmİmarotakİnitina sākİretİxitiā. ¹⁸İmaİkİniārİna İmini, İlipİnana. İātİniārİna İkİanari, !amİanatana. !İpinana. İtakauakotaua amİanatakani nopini, İniniā amİanatakani makananiāka —İtxa Xesosi sākİre.

Xesosi Anikaāka Teoso Tİxinemoni

(Arōkasi 24.50-53; Ātosİ 1.6-11)

¹⁹İmoianariakori İmisākİretanapaka atoko, Xesosi anikaāka Teoso tİxinemoni. Iuaā iua topāka Teoso kİkİmonİ. ²⁰Xesosi moİanariakori eereka İsİpekana, Teoso sākİre İkini aapokotxiti auakani İsāpiretinina İkapani. Apİananiİ moİanatana. Apİananiİ sikaposotiİretana nİnoa, İniniā apanakini İmarotari nİnoa sāpiretakiti atāo İnini. Ameē.

ARÓKASI

Arókasi Iőkatsopata Teópiro Inakorimoni

¹ Nota Arókasi iőkatsopata pite Teópiromoni. Iteene nipaxitai. Kākiti ito iőkatsopatapekarari ikinipoko Xesosi kamakiti Xoteoakori sauaki auakasaaki. ² Ninoa, nota pakini imarotari ikinipoko Xesosi kamakiti, kotxi Xesosi kamakiti atamatakani, isākire oerekakani, sāpiretapekaua ate. ³ Nota apaka apaiaōkapekarari ikinipoko Xesosi sākire, ikamakiti pakini. Ininiā nota apokaerekatarari ikinipoko Xesosi pirena niőkatsopatini pite Teópiromoni. Merepitiapanika ikamakiti nisāpiretai. Ininiā eereka ikamakiti nisāpiretai. Ininiā eereka ikamakiti nisāpiretai, nitxaāpotako. ⁴ Koerekarerini oerekapekai Xesosi pirena, ininiā uatxa pimarotari ninoa oerekakiti atāo inini.

Xoāo Kapatxisareri Iponaniini Sāpiretiko

⁵ Erotxi inakori Xoteoakori auite inakasaakia Xotēia tōpa, iusaaki auanāta sasetotxi Sakaria inakori. Sakaria auite, apanakini sasetotxiakori auite apaka, Apia inakori. Sakaria tanoro ouāka Isapeo otxaua. Oīri, oātokiri, oātokiri iri imakinikana sasetotxi itxauana. Oātokiri kitxakapirīkari Moisesi itari Arāo inakori. Iua apaka sasetotxi itxaua. ⁶ Teoso nirekaākitinirira ikamana Sakaria, Isapeo pakini. Ninoa kamari ikinipoko iua paniātakiti, Apiananiri paniātakiti. Atāo inakarinoka ikamana. !Ikerokarina ikamakitina. ⁷ Txamari !keenena. Isapeo !oposotari kamixi onini. Iusaaki ikiomaneēpekana.

⁸ Āti ōti Sakaria, apanakini sasetotxiakorikata, parīkauanāta Teoso misākiretiko aikoti āki. Iusaaki ninoatene iuaā parīkauata. ⁹ Sasetotxiakori itotari sasetotxi imereinina Apiananiri misākiretiko aikoti ĩroini kamariāro arikini ĩkapani, ininiā iusaaki ninoa mereēri Sakaria. Ininiā iua ĩroā. ¹⁰ Sakaria aiko āki kamariāro arikanātakasaaki, mapara kākiti apotiitakanua misākiretari Teoso.

¹¹ Iusaakipekana Teoso nitiri iaxitiki tōkiā Sakariamoni kamariāro arikikoātaā takote. ¹² Sakaria atamatakasaakiri, itikoākata, pīkarauata itxa. ¹³ Teoso nitiri misākiretari iua:

—Sakaria, kona pipīkarauatape. Teoso sikipitikaiko pamanaākiti. Ininiā pītanoro Isapeo keenepitīkaroko. Pitakauākatariko pamarite Xoāo. ¹⁴ Iua auakasaaki ikamapoxokoni-taiko pite, itori kākiti apaka. ¹⁵ Apiananirimoni apiaro itxauako iua Xoāo. Kona Xoāo iātapaniroko kapoāro. Erekarari Matamatakoti auariko iua ākixinireē. Inoro irokota ākipanika auakasaaki, Erekarari Matamatakoti auako iua ākixinireē. ¹⁶ Iua Xoāo anikanako itomaneri kākiti Isaeo auakani Teosomoni. Apiananirimoni iua anikana. Ininiā iuaĭkana ninoa kanapiriā iTeosonemonina, isākire auikinina ĩkapani. ¹⁷ Xoāo apokako Apiananiri apokini apisapanika. Erekarari Matamatakoti sikataparatarari Erīasi kitxakapirīka. Iuatxikana Erekarari Matamatakoti sikataparatariko Xoāo. Ikara atoko ininiā, iua oerekariko irītxi iuaĭkana amaritena itiretinina ĩkapani. Iua Xoāo oerekariko kākiti Teoso paniātakiti makamakani, imaerekantina itakanapinina, eerekarinoka ikaminina ĩkapani. Paimatirenako ninoa iusaakiko. Iua Xoāo oerekariko kākiti iposope ininina Apiananiri apokini apisapanika — itxa Teoso nitiri Sakariamoni.

¹⁸ Ininiā Sakaria pimaāri:

—Kiātokopa nitxa uatxa keenepeka ninini, kotxi nota, niñtanoro apaka kiomaneēpeka — itxa.

¹⁹ Teoso nitiri apakapapireta:

—Niuāka Kapirīeo. Nota auari Teosokata ipaniātakiti nikamini ĩkapani. Teoso iokanatanoro pitemoni pite nimisākiretini ĩkapani, ia erekarari pirena nimirapiretini ĩkapani. ²⁰ Txamari na pauikari nisāpiretakiti. Ia xika !kasākireikaiko, kotxi nisāpiretakiti atāopitika. Teoso sikaenetakiti apokapitīkako. Apokasaaki, pimarotariko nisākire atāo ininiua. Iusaakiikarako piposotari pisākirauatini —itxa Teoso nitiri Sakariamoni.

²¹ Iusaaki kākiti mapara auakani iātapaniātari Sakaria.

—Kiripa ikamanāta Sakaria aiko āki? !Katimari —itxanātana.

²² !pokīkasaaki !kasākireikari. Ninoa kākiti imarotari Teoso misākiretiniri iua aiko āki itaponeē, kotxi !kasākireikari. Iuakoānokara imisākiretana ninoa.

²³ Mapaōti iparīka xipoka atoko aapokomoni isipeka. ²⁴ Eereka Isapeo kamixipeka otxa. Onapari ipi ipi āti pakini kasiriti oaāpoko. !Osari ātiātaā.

²⁵ —Apiananiri sikano namarite. Erekarari ikaminano notamoni. Uatxa !nipētauataika kākiti apisatoō. Keenepekanoro —otxa.

Kapirīeo Iokanataāka Mariamoni

²⁶ Isapeo seisi pakini kasiriti kamixi onakasaaki Teoso iokanatarini iniriti iaxitukiri Kapiríeo Nasaree sitatxitimoni, Kariréia tōpamoni. ²⁷ Iuaā iokanatarini iua ātokoromoni Maria inakoromoni. Oa kona siríkapanika kikikata. Osāpiretapekari ātokori Xosee inakori iuakata oitaniriuatini ikapani. Xosee atokiri kitxakapiríka Xoteoakori auíte Tavii inakori. ²⁸ Teoso nitiri apokasaaki oamoni, akiritaro Maria:

—Ereēkai. Apiananiri pitekata aua. Iua mereēi pite. Ito ro sitoakoro ikini itixiti aua, iuaritika pitenanirako Teoso sika iteene erekari —itxaro oa.

²⁹ Maria pīkarauata Teoso nitiri sākire okenakotakasaaki.

—Kinirepa ikara atoko itxa sākireta? —otxa oākixinireē.

³⁰ Teoso nitiri txaro:

—! Pipīkarauatape, Maria. Teoso apokaerekatai pite. ³¹ Pimixiuatako, keene pitxako. Pitakauākatariko pamarite Xesosi. ³² Iua Apiatakari itxauako. Apiananiri ākiri akiritaākako. Teoso Apiananiri kamariko iua auítetxi ininiāua. Kitxakapiríka Xoteoakori auíte Taviini. Taviini auítetxi ininiua atokokana, Teoso txīkitakario Xesosi Xoteoakori auíte ininiua. ³³ Ātipirika Xoteoakori auíte, Xakooni apiko mekaniriakori auíte, itxauako. Iua auítetxi ininiua lixipoka —itxaro oa.

³⁴ Ininiā oa:

—Kiātokopa nitxa kikikata masirīkatokano, keenepe ninini? —otxa.

³⁵ Teoso nitiri apakapapiretaro:

—Erekari Matamatakoti apokako pākixinireē. Apiananiri posotiire ākaitako pite, ininiā amarini auakari Teoso ākiri akiritaākako. ³⁶ Pinoromane Isapeo kiomātxipe, iuaritika kamixiro oa. Kākiti sākirema: “Oposotaikari kamixi onini” iuaritika seisi pakini kasiritipe kamixi onini. ³⁷ Kotxi Teoso posotari ikinipoko ikamini —itxaro oa.

³⁸ —Nikamapititkariko Apiananiri nirekaākiti. Pisāpiretakiti iaōka ninirekapitika —otxa Maria.

Iuasaakipeka Teoso nitiri sipeka.

Maria Isapeomoni Motikini

³⁹ Mapaōti napa atoko Maria katimariā sari oxiratarimoni, Xotéia tōpamoni. Iuaā osari sitatximoni. ⁴⁰ Oīroā Sakaria aapoko. Oākiritaro Isapeo:

—Ereēkai —otxa.

⁴¹ Isapeo kenakotakasaakiri Maria akiritiniro oa, iuasaaki amarini otikakoākiri oākika. Iuasaakipeka Erekari Matamatakoti itapararitika apoka Isapeo ākixinireē. ⁴² Iuasaaki otapararitika otxaro Maria:

—Kaiāopokoro sito itixi auakani, iuaritika pitenokara Teoso sika apia erekari. Apaka Teoso sikariko erekari pamaritemoni. ⁴³ Erekari Teoso kaminano nota, kotxi niauíte inoro notikaētano. Kinirepa ia erekari Teoso kaminano, kotxi nota minakato nitxaua. ⁴⁴ Nīkenakotakasaakiri “Ereēkai” pininino, namarite nitikakoākiri oākika, ipoxokoniuatiniā. ⁴⁵ Teoso sikari erekari pitemoni, kotxi pite auikari isākire. Pite auikari isikaenetakiti atāo isikinii —otxa Isapeo Mariamoni.

Maria Xikaretakiti

⁴⁶ Maria txari:

“Erekapitikari Apiananiri notamonikari.

⁴⁷ Nipoxokoniua, kotxi Teoso nimaerekani makatxaākari itxaua.

⁴⁸ Nipoxokoniua, kotxi ixinikano nota. Initero poiāoro nitxaua. Īkorakanani eereka auakani kākiti txanoko: ‘Teoso kamapoxokonitaro, erekari isikiniro,’ txanoko nota.

⁴⁹ Nipoxokoniua, kotxi Teoso Apiananiri kaminano posotiiretxi. Maerekati ! auari iuamoni.

⁵⁰ Iua amonīkari kākiti iua paxitakani, kitxakapirīkarini, Īkorakanani auakani, eereka auakani apaka iamoniā.

⁵¹ Pataparari iua, ininiā ikamari posotiiretxi. Teoso txīkitakana kākiti iuikakanua minakani ininiāuana, kotxi ākixinireē iuikauana.

⁵² Teoso makatzakapekari auítetxi pataparari inakanua. Eereka auítetxi !itxaikauana ninoa. Kākiti poiāorini inakanua Teoso kamari auítetxi ininiāuana.

⁵³ Isikakienatarini natxitakani. Tokanatarini katxineiroteri sini. Kona xatiki isikari iuamoni.

⁵⁴ Imoianatapekana Xoteoakori, iua ikapani parīkauatakani. !Imaxinīkaretari iamoniākinina ninoa.

⁵⁵ Kitxakapiríka Teoso xinikari Apraāoni iamoniākini. Apaka iua tikini auakani ātipirika iamoniā, kotxi: ‘Nimoianataiko hīte,’ itxa anirimanemoni kitxakapirīkarinimoni,” otxa Maria.

⁵⁶ Okaikota ipi, āti pakini kasiriti Isapeokata. Eereka oaāpokomoni kanapiriā otxa Maria.

Xoõo Kapatxisareri Iponaniini

⁵⁷ Amarini auini õti apopeka. Isapeo auãkitakari amarini kiki. ⁵⁸ Oaãpoko takote auakani, onirimane pakini kenakotari erekari Teoso kaminaro oa, ininiã ninoa, Isapeo pakini poxokopeka itxana ninoa.

⁵⁹ Oito õtisaaki, onirimane motika oamoni, Teoso takaõtxikare amarinimoni itakinina ïkapani. Inirekarina uãka Sakaria itakauãkatinirina, kotxi iri uãkaxikana ninoa nireka itakauãkatinirina. ⁶⁰ Txamari inoro:

—Kona Sakariani iuãka. Xoõorako akiritaãkako —otxa.

⁶¹ Ininiã ninoa txaro:

—Pinirimane ãtika kona Xoõo txa uãkataua.

⁶² Ninoa pimaãri amarini iri Sakaria iuakoãna amarini uãka inirekaãkiti. ⁶³ Ininiã Sakaria amanaãri iõkatsopatiko. Iõkatari: “Imi uãka Xoõo.” Ininiã ikinimane tsorïkaãta.

⁶⁴ Iuasaakipeka Teoso sikaposotiiretari isãkirauatini:

—Peerekari Teoso —itxa Sakaria.

⁶⁵ Kãkiti iua aapoko takote auakani pïkarauata. Teoso posotiire ipïkana. Ikara inakariene Sakaria, Xoõo pakini pirena iaripireta oxiratari Xotéia tõpa, ininiã kãkiti iuaãtaã sãpirenauanãta ikara pirena. ⁶⁶ Kãkiti ikara inakariene kenakotakani tsorïkaãta:

—Kanatokopa inakaripa itxatapaniua ia amarini? —itxana.

Ikinimane imarotari Apiananiri nïkatiniri iua amarini.

Sakaria Xikaretakiti

⁶⁷ Iuasaaki Erekari Matamatakoti sikaposotiiretari Xoõo iri Sakaria, ininiã Sakaria sãpiretari Teoso sãkire:

⁶⁸ “Peerekari Apiananiri aTeosone, ikinimane Xoteoakori Teosone, kotxi iua apoka inakitiakorimoni imaktxakinina ïkapani, imapinakanina ïkapani.

⁶⁹ Teoso iokanatarì kãkiti maerekani maktxakakari kaposotiireri atemoni. Teoso nitiri Taviini mekanirira iua.

⁷⁰ Kitxakapirïka Teoso sãkire sãpiretakani erekarini sãpiretari ikara Teoso sãkire.

⁷¹ Teoso txari: ‘Nimaktxakaiko hïte himokaiakari mokakanii tïkane, homanatakini mokakanii tïkane.’

⁷² Isãpiretari aãtokiriakorini kitxakapirïkarini:

‘Niamonïkai. Nikamariko nikamaenetakiti hïte ïkapani,’ itxa ninoamoni. Ikara Teoso kamaenetakiti erekari.

⁷³ Kitxakapirïka Teoso txari aãtokiri Apraãoni: ‘Kona nimaxinïkaretari nisikaenetakiti.

⁷⁴ Nimaktxakapitikaiko hïte himokaiakari mokakanii tïkane, ininiã hïparïkauata nota ïkapani mapïkaretika.

⁷⁵ Ininiã hïte auini erekari. Kona hïkamari maerekati hïuapanika hinakasaaki,’ Teoso txari Apraãoni.

⁷⁶ Pitepekana namarite Xoõo, Teoso sãkire sãpiretakari pitxauako. Teoso Apiananiri iaxitikiri sãkire sãpiretakari pitxauako. Pite sari Apiananiri apisa. Ikinika pima-iamatako iua apokini apisa, ikinika iposope inini ïkapani.

⁷⁷ Pisãpiretariko kãkiti Teoso nakitiakori, Teoso maktxakiniri maerekanitxi kãkiti kamakiti. Ininiã ninoa imarotariko ikara.

⁷⁸ Katiraõkiri aTeosone. Kaamonïkareri iua. Ininiã iua tixinekiri apokako atemoni. Atokatxi pokïkini atoko itxako. Iuasaaki ipiã ! auaika, kotxi iua maktxakari amaerekani.

⁷⁹ Ininiã iua iopinikari kãkiti xinire, ipinini pïkakani xinire. Ipiãã auakani atoko ninoa. Ininiã iua iopinikari axinire Teoso kimapore aimarotini ïkapani, aãuini ereka inini ïkapani.”

Itxa Sakaria xikare.

⁸⁰ Iua amarini aneë. Teoso sãkire iaõka ikamapika. Teoso sãkire Xoteoakorimoni imasãpiretakani apisapanika ãparaã makipakaniãtaã aua Xoõo.

2*Xesosi Iponaniini Pirena*

(Mateo 1.1-25)

¹ Iuasaaki Homanoakori auite Sesa Akõsito inakori. Iua paniãtana iniritiakori iaõtiniri ikininape kãkiti iua auitexi ininiãtaãua tõpa auakani, ikini aapokotxitikini uãka imaktxakini ïkapani. ² Mitxi Sesa Akõsito likamapanikari kãkiti iaõtiko. Iuasaaki Sïria tixini auakani auite Sirénio inakori. ³ Iuasaaki ikinimane sari sitatximoni iponaniiniãtaãna. Iuaã isikarina iuãkana.

⁴ Ininiã Xosee apaka sari iuaã isikini Ìkapani. Ininiã ipotorika Nasaree sitatxiti Kariréia tópa. Xotéia tópamoni isa, Pereë sitatxitimoni. Iuaã isa, kotxi iuaã auítetxi Taviini kitx-akapiríka aua. Taviini nirimane itxaua Xosee. ⁵ Isa Mariakata. Ítanoro tíkane oa. Iuasaaki litakapanikaro. Kamixipeka otxa iuasaaki. ⁶ Pereë apoka itxana. Iuaã auakasaakina, aua itxa amarini. ⁷ Oáuákitakari merepitipanika oimi kiki. Ininiã mākaxi mataã oiapirikari, pirátxi nipokotini tiitxitiã tere otxari amarini, kotxi kākiti imakanakiniãtaã imakinika xāpokapeka, ininiã ninoa auanãta pirátxi auiniãtaã.

Soti Auíte Piratakani Pirena

⁸ Iuaãtaã Pereë sitatxiti mapotókire Íkanõka kikiakori soti auíte piratakani nikanãtari ipiraakorina. ⁹ Iuasaaki katimaritika Apiananiri nitiri iaxitikiri tokiã ninoamoni. Iuasaaki Apiananiri iotximere iopinikari ninoa auiniãtaã, ininiã imarotarina Teoso apokini iuaãtaã. Ininiã iteene ipíkarauatana ninoa. ¹⁰ Ininiã Teoso nitiri txana ninoa:

—Í Hípíkarauatape. Nota minapiretari erekari pirena ikinimane kākiti eneníkini Íkapani, ¹¹ kotxi ia õti kākiti maerekani makatxaākari iponaniãpeka Taviini auini sitatxitiã. Iua Teoso mereëkiti. Apiananiri iua. ¹² Himarotariko nisãkire atão inini, kotxi hāpokariko ia amarini mākaxi mataã ipiririkiko pirátxi nikini tiitxitiã —Teoso nitiri txana ninoa.

¹³ Iuasaakipeka itomaneri Teoso nitiriakori iaxitikini tokiã iuaãtaã. Ninoa xikarauata Teoso Íkapani. ¹⁴ Ixikaretarina:

—Peerekari Teoso, iaxiti apiko nopinixiti auakari. Iua kamaerekaxiniretari kākiti iua apokaerekatakini —itxana ixikarena.

¹⁵ Teoso nitiriakori kanapiriã itxana Teoso tixinemoni. Iuasaaki ninoa pirátxi níkatakani misãkiretakakaua:

—Masa Pereëmoni. Maãtamari ikara Apiananiri sãpiretakiti —itxana.

¹⁶ Ininiã katimaritika isana Pereëmoni. Iuaã apokasaakina, initarina amarini. Apokana Xosee, Maria pakini. Ininiã atamatarina amarini pirátxi níkini tiitxitiã. ¹⁷ Ikara atamaããkana atoko, isãpirenãtarina Teoso nitiri sãpiretakiti amarini pirena ikinimanemoni. ¹⁸ Kākiti kenakotakasaakiri soti auíte níkatakani sãpiretakiti, ikinimane tsoríkaãta iuasaaki. ¹⁹ Maria kenakotakasaakiri soti auíte níkatakani sãpiretakiti, oa ákixinireë oníkatari ikara ene. !Omaxinikaretari ninoa sãpiretakiti. Oxinikapikari. ²⁰ Eereka pirátxi níkatakani kanapiriã ipiraakori auinimoni. Imisãkiretakana:

—Peerekari Teoso. Apiananiri iua, kotxi erekapitikari aítikakiti. Erekapitikari initiri iaxitikiri sãpiretakiti. Isãpiretakiti atãopitika, kotxi aãtamari isãpiretakiti iaõka —itxanãtana ninoa soti auíte níkatakani.

Xesosi Takauãkatiko

²¹ Xesosi oito õti auakasaaki, inirimane kamari Teoso takaõtxikare iitoã. Iuasaaki inirimane takauãkatari Xesosi, kotxi iua iaõka Teoso nitiri iaxitikiri sãpiretapekaro Maria oa kamixi oinini apisapanika.

Xesosi Anikiko Teoso Misãkiretiko Aikotimoni

²² Moisesini ketotiniri manapi Xosee, Maria pakini kamari Moisesini paniãtakiti iaõka amarini auakasaaki, Xosee, Maria pakini maerekani Teoso makatxakini Íkapani. Ikara xipoka atoko anikarina Xesosi Xerosareë sitatxitimoni Apiananirimoni isikinirina Íkapani, ²³ kotxi Apiananiri paniãtakiti iõkatsopatakori txari:

Merepitipanika iponaniãkari sikaãkako Teosomoni, kotxi Teoso nakiti iua.

²⁴ Apaka Apiananiri paniãtakiti iõkatsopatakori txari:

Amarini iponaniãkasaaki, ipi kamao pisika Teosomoni. Iminakaniã, ipi kamao ákiri pisika Teosomoni,

itxa Teoso. Ininiã Xosee, Maria pakini sari Xerosareë kamao isikinina Íkapani.

²⁵ Iuasaaki kiki Simião inakori aua Xerosareë. Iua erekari kamakari. Ikinipoko Teoso paniãtakiti ikama. Erekari Matamatakoti auari ákixinireë. Ákixinireë iãtapanãtapikari Teoso Mereëkiti apokini, kotxi Isaao auakani maerekani makatxaākari itxaua. ²⁶ Erekari Matamatakoti sãpiretaperari iua: “Pipinini apisa paõkitapanikariko Apiananiri Mereëkiti,” itxari Simião. ²⁷ Erekari Matamatakoti sikanireõtari Simião aiko Teoso misãkiretiko aikoti Íroini. Iuasaaki Xosee, Maria pakini Íroã iuaãtaã, Apiananirimoni Xesosi isikinina Íkapani, Teoso paniãtakiti ikaminina Íkapani. ²⁸ Iuasaakipeka Simião apakapari Xesosi:

—Peerekari Teoso. ²⁹ Niauíte Apiananiri, uatxa apokapeka ia amarini pisikaenetakiti. Nota pite Íkapani paríkauatatarino. Uatxa niposotari nipinini erekaxinirepeka ninini, ³⁰ kotxi nota atamatarini ia amarini piokanatakiti atemoni, amaerekani imaktxakini Íkapani, amapinakani Íkapani. ³¹ Pite iokanatapekari ia Íkopapokoritini ikini itixiti auakani maerekani imaktxakini Íkapani. ³² Ia amarini tirikapi atoko, kotxi iopinikariko pikimapore, pisãkire Xoteo minakanua imarotini Íkapani. Ia amarini tirikapi apiatakari atoko

Xoteoakorimoni pinakitiakorimoni, kotxi oerekai pite ninoamoni —itxa Simião sãkire Teosomoni.

³³ Xosee, Xesosi inoro apaka tsorikaãnãta ikara Simião sãkire ikenakotakasaakina. ³⁴ Simião amanaãri Teoso ikinipoko erekari ninoamoni isikini ikapani. Eereka imisãkiretaro Maria, Xesosi inoro:

—Teoso mereëri ia amarini Xoteoakorimoni iokanatiniri ikapani. Ia apakapakari Teoso apakapa apaka. Ia mapakapakati Teoso !apakapari. Imisiritaãkako. Ia amarini oerekari Teoso kãkitimoni, txamari itori kãkiti !auikari isãkire. ³⁵ Ikara atoko ininiã, itori kãkiti xiniãkiti kipatakori ãkixinireë, imarotaãkako. Pitepekana pite matinaniuatako. Pãkipa iouata iorotini tsii atoko itxako —itxa Simião sãkire Mariamoni.

³⁶ Iuasaaki oãua sito Teoso sãkire sãpiretakaro Ana inakoro. Panoeo ãkero oa. Oãtokiri kitxakapirika Asee inakori. Iuasaaki kiomãtxipekaro oa. Oãua setxi ano õtanirikata. Eereka ipiãpe. ³⁷ !Oitãniriuataika. Oitëta koatrokananipeka oãuini. Oa auapika Teoso misãkiretiko aikoti ãki. Iuaã ikini õti, ikini ikanõkati pakini omisãkiretapikari Teoso. Itokata otakanapari onipokotini Teoso omisãkiretini ikapani. ³⁸ Xosee, Maria pakini Simião misãkiretaka atoko Ana apoka. Omisãkiretari Teoso:

—Erekapitikari ia amarini pimereëkiti kãkiti iãtapakiti piokanatinini atemoni —otxa. Eereka osãpirenauata Xesosi apokini pirena Xerosareë auakanimoni kãkiti maerekani makatxaãkari iãtapakanimoni.

Nasaree Sitatxitimoni Ikanapiriinina

³⁹ Xosee, Maria pakini Apiananiri paniãtakiti iõkatsopatakori imakinika ikamaãkana atoko, kanapiriã itxana Karirëia tãpamoni. Iuaã isana aapokomonina Nasaree sitatxitiã. ⁴⁰ Iua amarini aneë. Itapara auãapotari. Kimaroreri itxaua. Teoso iteene tiretari iua Xesosi.

Xesosi Misãkirenãtari Koerekarerini

⁴¹ Ikinikanani Xosee, Maria pakini sari Pãskoã kiiniritimoni Xerosareë sitatxitimoni. ⁴² Xesosi tosi anopeka inakasaaki, isana Xerosareë auakari kiiniritimoni mitxi isanãtinina atokokana. ⁴³ Kiiniri xipoka atoko Xosee, Maria pakini potorika aapokomonina isinina ikapani. Iuasaaki Xesosi kaikota Xerosareë. Txamari ninoa !imarotari ikaikotini. ⁴⁴ Ninoa uãkatamari apanakini inirimanekata isini. Ikara atoko ininiã, ikimaporitana ãti õtipeka. Mapiãnikata ipixinipokoriti initamarina inirimanemoni, aõkimaneremoni. !Apokarina. ⁴⁵ Ininiã ikanapiriãna Xerosareëmoni iuaãkana initinirina ikapani. ⁴⁶ Ipi, ãti pakini õti initapiimarina. !Apokarina Xesosi. Eereka apokarina Teoso misãkiretiko aikoti ãki. Moisesi sãkire oerekakanikata iitopãkanãta. Xesosi kenakonãtari ninoa sãkire. Apaka ipimarauata. ⁴⁷ Ninoa Xesosi sãkire kenakotakani tsorikaãnãta, kotxi paimatireri iua. ⁴⁸ Xosee, Maria pakini apokasaakiri iua, kona imarotarina Xesosi parika. Inoro txari:

—Namarite, kinirepa pimisiritaua ate? Piri, nota pakini pikamamaxirexiniretata ate. Anitapiimai. Kona aãpokai —otxari Xesosi.

⁴⁹ Ininiã Xesosi:

—Kinirepa hinitanãtano? Kona himarotatari uai niri aapoko ninirekari nauini, ipaniãtakiti nikamini ikapani —itxa.

⁵⁰ Txamari ninoa !imarotari Xesosi sãkire.

⁵¹ Ikara atoko ininiã, Xesosi kanapiriã ninoakata Nasaree sitatxitimoni. Ikinika Xosee, Maria pakini sãkire ikãpita. Inoro xinikapikari Xesosi sãkire oãkixinireë. Opotxitari oxinikiniri Xesosi sãkire. ⁵² Xesosi aneë. Imatire apaka aneë. Teoso apokaerekatari Xesosi. Kãkiti apaka apokaerekatari Xesosi.

3

Xoão Kapatxisareri Sãpiretakiti

(Mateo 3.1-12; Marko 1.1-8; Xoão 1.19-28)

¹ Homa sitatxitiã Homanookori auite Txipërio inakori iua. Kisi anokananipeka iua auitexi ininiua iuasaaki. Iuasaaki Xotëia tãpa auakani auite Põsio Pirato inakori. Karirëia tãpa auakani auite Erotxi inakori. Erotxi itari Piripi inakori. Itoreia tixini auakani auite, Takonitxi tixini auakani auite apaka itxaua Piripi. Iuasaaki Apireni auakani auite Arisãnia inakori. ² Iuasaaki Anasi inakori, Kaipasi inakori pakini sasetotxi auiteakori apiatakani itxauana ninoa. Iuasaaki Teoso sãpiretari isãkire Xoãomoni Sakaria ãkirimoni, ãparaã makipakaniãtaã auakasaaki. ³ Ininiã Xoão sari ikininape kãkitimoni, uini Xotão takote auakanimoni. Isãpiretari Teoso sãkire:

—Hitakanapariko himaerekani. Eereka patxisata hinaãkako. Ikara atoko hininiã, Teoso makatxakinii himaerekani —itxanãta Xoão ikininape kãkitimoni.

⁴ Kitxakapirika Teoso sãkire sãpiretakari Isaia inakori iõkatsopatari:

Auako kiki āparaā makipakaniātaā. Isāpirenauatoko. Itxariko: “Hōeretariko kimapori Apiananiri apokini apisapanika. Itīkaāpo erekari hīkamako iua napini ĩkapani.

⁵ Kipatxiā ixāpökakaākako ikini isauana. Ixirata miriī oerekataākako. Kimapori ikitokare oerekataākako. Kimapori pakota totaākako.

⁶ Ikinimane kākiti itixi auakani imarotariko Teoso makatxakiniri kākiti maerekani imapanani ĩkapani,” itxanāta.

Ikara atoko itxa Isaia iōkatsopatakiti Xoāo pirena. Kimapori kākiti oerekatini atokokana, auñetxi apokini apisa, iua atokokana Xoāo nirekari kākiti iposope inini Apiananiri apokini apisa, imaerekanina itakanapinina ĩkapani.

⁷ Itomaneri kākiti sari Xoāomoni ipatxisatikona ĩkapani. Ininiā Xoāo:

—Inini katsiiri anaakorirai hīte. Teoso misiritapitikai himaerekani xika. Himitekini ! auari. Hinirekari hīpatxisatiko, txamari ! hinirekari hītakanapiniri himaerekani.

⁸ Hinirekiniāri himaerekani hītakanapini, ininiā hīkamariko erekari. Ikara atoko ininiā, hōerekari Teoso atāo hītakanapiniri himaerekani. Hāixiniremoni ! hīxinikapiri: “Teoso apakapapitikuauako ate, kotxi ate atokirini Apraāoni txaua,” !hītxapeko. Ari, nota sāpiretai hīte, Teoso nirekiniāri, iposotari ia kai soroā Apraāoni mekaniriakori ikamini. Kona Apraāoni posotari anikini Teosomoni. ⁹ Aamina maereka iriti atoko hītxa. Teoso iposopeka hīte ixipokini. Kākiti auari ikitaita kauanari aamina maereka iriti itokini ĩkapani. Ikinika aamina maereka iriti tokaākako. Xaminaā oka inaākanako. Teoso kamakiti iua atokokana itxa. Ininiā Teoso kitaite kauanapeka, aamina kotsa sauakiko tīkane. Iua atokokana ininiā, Teoso aiamatapeka hīte ixipokini ĩkapani —itxa Xoāo ninoamoni.

¹⁰ —Ikara atoko ininiā, kipa akama Teoso mamisiritakanuia ĩkapani? —itxarina.

¹¹ Ininiā Xoāo apakapapireta:

—Pimāka kauanata ipi auiniāi, āti pisika mākatxi kauanata mauakinitimoni. Nipokori auiniāi, pisikari nipokori mauakinitimoni —itxa Xoāo sākire.

¹² Kikiākini, txineiro apakapakani Homano auñe nitiriakori, apoka apaka ipatxisatikona ĩkapani.

—Koerekareri, atepékana, kipa ate kama Teoso mamisiritakanuia ĩkapani? —itxarina.

¹³ Ininiā Xoāo:

—Kākiti txineirote himaktxakakito, Homano auñe nireēkito iaōka himaktxakako. Apikomoni !himaktxakapero —itxana.

¹⁴ Ātikaka sotatoakori apaka pimaāri:

—Atepekana, kipa ate kama amaerekani atakanapini ĩkapani?

Ininiā Xoāo:

—!Himaikapiri kākiti, itxineirote himixirikini ĩkapani. Kona āti maxikatīka !hāpoñtape. Hīpoxokoniuatoko txineiro hāpakapakitoā hīparīka ĩki. !Hinirekapero apikomoni —itxa sotatoakorimoni.

¹⁵ Iuasaaki kākiti iāpapanātari Teoso mereēkiti apokini. Ininiā Xoāo sāpiretakiti ikenakotakasaakina, āixinireēna ixinikarina:

—Xoāokani Teoso mereēkiti txataua atxiiti? —itxanātana ixinikanātakitina.

¹⁶ Ininiā Xoāo:

—Āparaānokara nipatxisatai hīte. Nota tikini apoākari patxisataiko hīte Erekarer Mata-matakotiā, xaminaā pakini. Apiatakari itxaua iua. !Apakata iua takote napokini ikiti mata nimaktxakini ĩkapani, kotxi iua apiata. Nota poiāoka. Imaktxakari himaerekani, itxiko metao āki auakari arikinī atoko. ¹⁷ Katakarereri āpokari ahoisi otāta imaktxakini ĩkapani. Otāta arikaāka. Oki nīkataāka ikiena nīkatikoātaā. Iua atokokana Teoso nīkatariko kākiti erekarini. Maerekati kamakani arikaākako xamina maxipoākatīā.

¹⁸ Ikara atokora itxa Xoāo sāpirena otātkikinina kākiti. Isāpiretari erekari pirena Teoso pirena kākitimoni. ¹⁹ Āti ōti Xoāo pinitari Erotxi, Kariréia auakani auñe:

—Pitakinīāro pitari Piripi itanoro Erotxia inakoro, maerekati pikama. Apaka apikomoni maerekati pikamapitipo —itxa Xoāo.

²⁰ Ininiā iuasaaki iuañkana Erotxi kamari maerekati, kotxi itakari Xoāo kateia āki isākire imapokaerekatakani xika.

Xesosi Patxisatiko Pirena

(Mateo 3.13-17; Marko 1.9-11)

²¹ Xoāo Erotxi māikini apisapanika ikinimane kākiti ipatxisatakasaaki, Xesosi apaka patxisataāka. Iuasaaki Xesosi sākirauatakasaaki Teosokata, iaxiti takaka. ²² Erekarer Mata-matakoti katxaka Xesosi nopini. Kamoā katxakini atoko itxa ikatxakini. Iuasaaki ikenakotaāka iaxitikiri sākire:

—Pite namarite, nitiretakiti, napokaerekatai, kotxi ninirekakiti pikama —itxa.

*Xesosi Nirimaneakori Iua Apisapanika Auakani**(Mateo 1.1-17)*

²³ Iuasaaki Xesosi potorika iparĩkauatini Teoso ikapani. Trĩta anokananipeka itxaua iuasaaki Xesosi. Kãkiti uãkatari iua Xosee ãkiri ininiãua.

Xosee iri Erii.

²⁴ Erii iri Matatxi.

Matatxi iri Arevii.

Arevii iri Meokii.

Meokii iri Xanai.

Xanai iri Xosee.

²⁵ Xosee iri Matatxia.

Matatxia iri Amosi.

Amosi iri Naoõ.

Naoõ iri Esirii.

Esirii iri Nakai.

²⁶ Nakai iri Maatxi.

Maatxi iri Matatxia.

Matatxia iri Semei.

Semei iri Xosee.

Xosee iri Xota.

²⁷ Xota iri Xoanaã.

Xoanaã iri Hesa.

Hesa iri Soropapeo.

Soropapeo iri Saratxieo.

Saratxieo iri Nerii.

²⁸ Nerii iri Meokii.

Meokii iri Atxii.

Atxii iri Kosaã.

Kosaã iri Eomataã.

Eomataã iri Eri.

²⁹ Eri iri Xosoe.

Xosoe iri Eriesa.

Eriesa iri Xoriĩ.

Xoriĩ iri Matatxi.

Matatxi iri Arevii.

³⁰ Arevii iri Simião.

Simião iri Xotaa.

Xotaa iri Xosee.

Xosee iri Xonaã.

Xonaã iri Eriakiĩ.

³¹ Eriakiĩ iri Mereaa.

Mereaa iri Mena.

Mena iri Matata.

Matata iri Nataã.

Nataã iri Tavii.

³² Tavii iri Xesee.

Xesee iri Opetxi.

Opetxi iri Póasi.

Póasi iri Sáomõ.

Sáomõ iri Nasoõ.

³³ Nasoõ iri Aminatapi.

Aminatapi iri Átximĩ.

Átximĩ iri Anii.

Anii iri Ésirõ.

Ésirõ iri Péresi.

Péresi iri Xotaa.

³⁴ Xotaa iri Xakoo.

Xakoo iri Isaki.

Isaki iri Apraão.

Apraão iri Tera.

Tera iri Nakoo.

³⁵ Nakoo iri Seroki.
 Seroki iri Hakaoo.
 Hakaoo iri Pareki.
 Pareki iri Epi.
 Epi iri Sara.
³⁶ Sara iri Kainaã.
 Kainaã iri Apaxatxi.
 Apaxatxi iri Seĩ.
 Seĩ iri Noee.
 Noee iri Arameki.
³⁷ Arameki iri Metosareẽ.
 Metosareẽ iri Enoki.
 Enoki iri Xaretxi.
 Xaretxi iri Marereo.
 Marereo iri Kainaã.
³⁸ Kainaã iri Enosi.
 Enosi iri Setxi.
 Setxi iri Adão.
 Adão iri Teoso. Imapotókirepe.

4

Satanasi Nirekari Xesosi Kaminiri Maerekati
 (Mateo 4.1-11; Marko 1.12-13)

¹ Xesosi ipatxisatiko atoko, Erekarı Matamatakoti iteene sikaposotiiretari iua. Erekarı Matamatakoti txĩkitakari Xesosi uini Xotão itakanapini, ãparaã makipakaniãtaã isini İkapani.

² Iuaã koarẽta õti auakasaaki, Satanasi atamakaerekatari Xesosi. Koarẽta õti manipokotakinoka itxa Xesosi. Ininiã natxinoka itxa Xesosi.

³ Ininiã Satanasi txari:

—Pite Teoso ãkiri pitxaua, ininiã ia kai soro komiri pitxĩkitaka —itxari Xesosi.

⁴ Ininiã Xesosi apakapapiretari:

—Kona, kotxi Teoso sãkire iõkatsopatakori txari:

Kona komirinanini txĩkitakari kãkiti ãtipirika auini tĩkane. İkinika Teoso sãkirera txĩkitakari kãkiti ãtipirika auini tĩkane.

⁵ Ininiã iuasaaki Satanasi anikari Xesosi ixirata nopinixiti. Iuaã pakoteri oerekiniri İkinimane tixine. ⁶ Ininiã Satanasi:

—Nota posotari nisikini İkinimane auĩtetxiakori posotiire. İkinipoko ninoa txineirote apaka niposotari nisikini. Merepitipanika notamoni isikaãka ia posotiiretxi, ininiã nota sikari ninirekaãkitimoni. ⁷ İkara atoko ininiã, piteosonetiniãno, ia posotiiretxi nisikai pite —Satanasi txari Xesosi.

⁸ Ininiã Xesosi:

—Konapitini. Pisipeka Satanasi. Teoso sãkire iõkatsopatakori txari:

Apiananiri piTeosone. Iuanokara piteosoneta. Iua İkananinokara piparĩkauatako.

⁹ Ereka Satanasi anikari Xesosi Xerosareẽmoni, aiko Teoso misãkiretiko nopinixiti. İtanoxiti paĩtanori. Pamonõkoniri. Iuaã itxari:

—Teoso ãkiri pininiãua, pokaua xiti. Ininiã İkinipoko kãkiti imarotariko Teoso ãkiri pininiãua, ¹⁰ kotxi Teoso sãkire iõkatsopatakori txari:

Teoso iokanatanako initiriakori iaxitikini pite inĩkatinata tĩkane.

¹¹ Ninoa maĩkai pimapinakani tĩkane, ininiã pikarouatini !auari. Kona kai soro karotari pikiti,

itxa Teoso sãkire —Satanasi txari Xesosi.

¹² Ininiã Xesosi:

—Teoso sãkire iõkatsopatakori apaka txari:

Kona patamakaerekatapiri Apiananiri piTeosone,

—itxari.

¹³ Iuasaakipeka Satanasi atamakaerekatiniri Xesosi xipope. Ininiã itakanapari Xesosi ãti õti iuaĩkana İkanapiriini iuamoni İkapani.

Xesosi Mipotorikari İparĩka Karirẽia Tõpa
 (Mateo 4.12-17; Marko 1.14-15)

¹⁴ İkara inaãka atoko Xesosi kanapiriã Karirẽia tõpa auakanimoni. Paposotiireri, kotxi Erekarı Matamatakoti auari iuakata. Iua pirena iaripireta İkini Karirẽia tõpa auakanimoni.

¹⁵ Iua oerekarauata aiko ãki Xoteo apotiitiniãtaãua. Ininiã İkinimane txari:

—Peerekari iua, kotxi erekapitikari iua sãpiretakiti —itxana.

Nasaree Auakani Kona Auikari Xesosi Sãkire

(Mateo 13.53-58; Marko 6.1-6)

¹⁶ Eereka Xesosi sari Nasaree sitatxitimoni. Iuaã Xesosi aneë mitxi. Xoteo tomatini õtisaaki Xesosi itotapekari aiko Xoteo apotiitiiniãtaãua isini. Ininiã iuasaaki, Xoteo tomatini õtisaaki isari iuaã. Iuaãtaã itima Teoso sãkire iõkatsopatakori atatsopatini ikapani. ¹⁷ Teoso sãkire sãpiretakari Isaia iõkatsopatakiti tsopa isikaãka. Ininiã imatakireëri aãtsopa. Ia Teoso sãkire inita, atatsopata itxa:

¹⁸ —Erekari Matamatakoti notakata aua, ininiã Apiananiri mereëno nota matxineirotenimonikari erekari pirena nisãpiretini ikapani. Iokanatanano kateia åki auakani nisikakini ikapani. Iokanatanano mõsiãrenimoni iuaãkana atamarauatinina ikapani. Iokanatanano misiritakonimoni, ninoa misiritakani nixipokini ikapani.

¹⁹ Ipaniãtano kãkiti nisãpiretini: “Ikorakanani Teoso apokapeka kãkiti maerekani imakxtakini ikapani, imapinakanina tãkane.”

Ikara atatsopata Xesosi.

²⁰ Aãtsopa iapirikaãka atoko, sika itxari sasetotxi nitirimoni. Ikara inaãka atoko Xesosi topãka. Imakinika kãkiti aiko Xoteo apotiitiiniãtaãua åki auakani, imakinikana atamatari Xesosi, isãpiretakiti kinirão kenakotaka inakani. ²¹ Ininiã Xesosi sãpiretana:

—Ikara Teoso sãkire hãkenakotakiti apokapeka uatxa —itxa ninoamoni.

²² Ikinimane kãkiti sãpirenauata Xesosi ereka inini. Itsorikaãnãtana isãkire erekari ikenakotakasaakina:

—Kiãtokopa ininiãpa imarotatari ikara atoko inakari isãpiretini? Kotxi Xosee åkirira iua, minakati åkirira iua —itxanãtana.

²³ Ininiã Xesosi txana ninoa:

—Atxiiti hite txanoko nota imatiretxi kitxakapirika kiomãtxiakori sãkire. Ninoa txari: “Pinãtxi imarotakari pininiãua, piteka pipitaua.” Atxiiti hãxinikanãtari: Kapanaoõ sitatxiti nauakasaaki, nikamari posotiiretxi iuaãtaã. Kinirepa na nikamatari posotiiretxi uai nauiniãtaã? Ikara atoko atxiiti hãxinikanãta. ²⁴ Atão nisãpiretai, kãkiti Teoso sãkire sãpiretakari inirimane sauaki auakasaaki, inirimane !auikari isãkire. Ia xika kona nikamari posotiiretxi uai. ²⁵ Atãopitika nisãpiretai hite. Kitxakapirika Teoso sãkire sãpiretakari Eriasi inakori auakasaaki, ipi åti pakini ano ipixini ano pakini åparaã !ikipa. Iuaã Isaeo tixini natxinoka aua. Iuasaaki kaiãopokoro sitoakoro tikinitakoro auari iuaãtaã. ²⁶ Iuaritika Teoso liokanatarari Eriasi ninoa ikininapemoni. Iokanatarari nixoka sitomoni tikinitakoromoni, nipokori isikiniro ikapani. Oa sito aua Sarepita sitatxiti Sitoõ tãpa, Isaeo tixini takote. Xoteo lotxaua oa.

²⁷ —Ikara atokotxikana itxa Teoso sãkire sãpiretakari Eriseo inakori. Iua auakasaaki, kaiãopokori amianatakani maere matati Isaeo tixini auakani aua. Kona imakinikani erekapeka inaãkana. Kiki Naamaã inakori Siria tixini auakari, iuanokara erekapeka itxikitakaãka. Iua Naamaã kona Xoteo !itxaua iua —itxa Xesosi ninoamoni.

²⁸ Ikinimane aiko åki apotiitakaniua, ikara ikenakotakasaakina, iteene inaiatauana. ²⁹ Ininiã ikosekaãtotarina Xesosi sitatxi mapotõkiremoni. Anikarina ixirata nopini sitatxi auiniãtaã. Iuaã inirekarina Xesosi okinina ixiratamoni ipinini ikapani. ³⁰ Txamari Xesosi napari ninoa sauaki, ikorape itxa.

Kiki Maerekati Matamatakoti Auaãtotakiti

(Marko 1.21-28)

³¹ Eereka Xesosi sari Kapanaoõ sitatxitimoni Karirẽia tãpa. Iuaã tomatiko õtisaaki oerekana kãkiti Teoso sãkire. ³² Kãkiti iuaã auakani tsorikaãnãta oerekakiti ikenakotakasaakina, kotxi paimatireri iua. Isãpiretakiti atãonoka itxa isãkire. ³³ Iuasaaki aiko åki kãkiti apotiitiiniãtaãua, aua kiki maerekati matamatakoti auaãtotakiti.

³⁴ Iua kiki åkixinire auakari akiripoakata:

—Xesosi Nasareekiri, kipa !kai uai? Kiãtokopa pitxataua ate? Atxiiti papoka ate pixipokini ikapani? Nota imarotai pite. Pite maerekati mauakinini pite. Teoso nakiti pitxaua pite —itxa maerekati matamatakoti Xesosimoni.

³⁵ Ininiã Xesosi txitari iua. !Auiritari isãkirauatini:

—Maãtako. Posipikari ere kiki —itxari.

Ininiã maerekati matamatakoti iriãkatari iua kiki ikinimane okiãtaã. Ininiã itakanapari iua, makarotika itxa kiki. ³⁶ Kãkiti iuaãtaã tsorikaãnãta. Imisãkiretakauana:

—Ikora kiki paposotireri isãkire. Itapararitika ipaniãtari maerekati matamatakoti sini, ininiã nãkorape itxapena maerekani matamatakoni.

³⁷ Ininiã Xesosi pirena iua tãpa iaripireta.

Xesosi Makananitaro Simão Petro Imakiro
(Mateo 8.14-17; Marko 1.29-34)

³⁸ Eereka Xesosi pоторika aiko Xoteoakori apotiitiniãtaãua. Simão aapokomoni isa. Iuasaaki Simão imakiro iteene oãpoomata. Ininiã amanaãrina Xesosi oa erekape inikitakini.

³⁹ Ininiã ipapĩka oamoni:

—Nipaniãtari apoomari iotokini —itxa.

Ininiã apoomari iotoka. Iuasaakipeka oa õkitikaua, nipokori osikana ninoa.

Xesosi Makananitana Amianatakani
(Mateo 8.16-17; Marko 1.32-34)

⁴⁰ Atokatxi erekokaãpotapeka inakasaaki, kãkiti anikana amianatakani ikinipoko amianari auakini, Xesosimoni. Itakari iuako amianatakani nopini. Iuasaakipeka ninoa erekapeka itxana. ⁴¹ Omitikari maerekati matamatakoti kãkiti itoã auakari apaka. Osi-pikasaakina, akiripoakatana:

—Pite Teoso ãkiri pitxaua.

Ininiã Xesosi txitana ninoa. ! Auiritaikana akiritinina, kotxi ninoa imarotari Teoso mereẽkiti ininiãua Xesosi.

Xesosi Sãpiretari Erekarı Pirena
(Marko 1.35-39)

⁴² Katimatinĩkata Xesosi sari kãkiti mauakaniãtaã. Iuasaaki kãkiti nitanãtari iua. Apokasaakirina, amanaãrina Xesosi:

—Pikaikota atekata —itxarina.

⁴³ Txamari Xesosi txari:

—!Apakata uai nikaikotini, kotxi ãtiãtaã apaka nisãpiretariko erekarı pirena Teoso auĩtetxi ininiãua pirena. Ikinimanemoni ikara nisãpiretini ikapanira, Teoso iokanatano kãkitimoni.

⁴⁴ Ikara atoko ininiãra, isãpirenauata ikininape aiko ãki Xoteoakori apotiitiniãtaãua ikinipoko Xoteoakori tixine.

5

Merepitipanika Xesosi Moianariakori
(Mateo 4.18-22; Marko 1.16-20)

¹ Æti õti Xesosi auanãta Xenesaree inakori poa tinikata. Xenesareetxikana Karirėia poa. Ipi iuãka aua. Iuasaaki kãkitipokoni ãkitari iua Teoso sãkire ikenakotinina ikapani. Iuakatapeka xãpoka itxana. ² Iuasaaki Xesosi atamatari ipi kanaua ioporoko. Kokatsaãriti kanauate. Ninoa imiriĩ arokanãtari hetxi. ³ Xesosi iereẽtaua Simão kanauate ãki:

—Pikatika pikanauate amaãtiki apanĩkakiã —itxa Simãomoni.

Eereka iitopãka kanaua ãki. Iuaãtaã isãpiretari Teoso sãkire kãkitimoni imiriĩ apotiitakanimoni.

⁴ Isãpirenauata atoko itxari:

—Apanĩkakiã pimekota. Iuaãtaã pitakari hetxi kãuaãriã —Xesosi txari Simão.

⁵ Ininiã Simão:

—Koerekareri, hetxi atakapikama ikanõka. Iteene aõkatsaãkatapiikama. Txamari na xatiki ximaki amaĩka. Kona ãtika amaĩka. Iuaritika pite paniãtiniãno, iuaritika nitakapitikariko hetxi —itxa Simão.

⁶ Hetxi ninoa takasaaki kãuaãriã, ximakipokoni imaĩkana, ininiã hetxi tsorakiarita. ⁷ Ikara xika akiritana imoianariakori ãti kanauate ãki auakani:

—Åpina. Himoianataua ate. Hetxi tsorakiãpotanapanoka.

Ininiã ninoa ina. Ikinimane kosekari hetxi. Ximakipokoni. Ipi kanaua xãpoãkata ximakinoka. Ximaki xika kanaua sakikaarita. ⁸ Simão Petro atamatakasaakiri ximakipokoni, ikapotoreẽkua Xesosi apisatoõ:

—!Pikaikotape nota takote, kotxi erekai pite. Maerekati kamakarino nota —itxa.

⁹ Ikara atoko itxa Simão sãkire, kotxi iua, imoianariakori apaka tsorikaãta kaiãpokori ximaki ninoa maĩkakiti xika. ¹⁰ Simão moianariakori Txiaiko, Xoão pakini, ninoa apaka tsorikaãta. Txiaiko, Xoão pakini Sepeteo anaakori. Ininiã Xesosi txari Simão:

—! Pipĩkarauatape. ! Pimaĩkaikari ximaki. Ætião piparĩka auako. Nisãkire pisãpiretako kãkitimoni —itxa.

¹¹ Eereka ninoa apokitaãka atoko, ikinika itiina itakanapana, Xesosikata sa itxana imiparĩkatinirina ikapani.

Kiki Maere Matati
(Mateo 8.1-4; Marko 1.40-45)

¹² Áti òti Xesosi auanāta āti sitatxitiā. Iuaā auakasaaki, aua kiki maere matati. Atamatakasaakiri Xesosi, ikapotoreēkaua, iāka Xesosi apisatoō. Iteene amanaāri Xesosi:

—Apiananiri, pinirekiniāri, piposotari nota ereka pitxīkitakini —itxari.

¹³ Ininiā Xesosi maātakari iua:

—Ari ninirekapitikari. Erekapekai —itxari.

Iuasaakipeka erekapeka itxa. ¹⁴ Ininiā Xesosi paniātari:

—! Pisāpiretapiri apanakini ereka nitxīkitakinii. Pisa sasetotximoni. Poerekari pīto iuamoni, ininiākara itxai: “Atāopitika erekapekai pite.” Eereka pisikari Teosomoni Moisesi paniātakiti iaōka. Ikara atoko pikaminiā, ikinimane imarotari pite atāo ereka pininiāua — itxa Xesosi.

¹⁵ Xesosi paniātari iua apanakini imasāpiretakani, iuaritika Xesosi pirena apikomoni iaripireta. Ininiā kākitipokoni sari iuamoni isākire ikenakotinina ikapani, amianari imaktxakini ikapani. ¹⁶ Ininiākara Xesosi itotapekari iuanoka isini kākiti mauakaniātaā Teosokata isākirauatini ikapani.

Matīpokotakati Pirena

(Mateo 9.1-8; Marko 2.1-12)

¹⁷ Áti òti Xesosi sāpirenauata. Iua takote pariseoakori, kaiōkatsoparerini apaka topākanāta. Ninoa Kariréia tōpakini, Xotéia tōpakini, Xerosareē sitatxitikini pakini. Iuasaaki Xesosi sāpirenauatakasaaki, Apiananiri sikaposotiiretari Xesosi amianatakani erekapeka itxīkitakini ikapani.

¹⁸ Iuasaaki kikiakori apoka iuaā. Iminarina kiki matīpokotakinoka inakari. Isirimata nopini iminarina. Inirekarina aapokotxi āki iroinina, Xesosi apisatoō iua matīpokotakati itakinina ikapani. ¹⁹ Txamari ! apakata ninoa iroini, kotxi kākitipokoni xāpoka. Ininiā ikanīkana kanikoatxiā aapokotxi nopini. Imaktxakarina itano auakari kipatxi kai kamakori, eereka isikakaāpotarina iua matīpokotakati isirimata nopini Xesosi manapi kākiti sauaki. Xesosi apisatoō apoka. ²⁰ Ininiā Xesosi imarotari ninoa auikiniri iua posotiire. Ininiā itxari matīpokotakati:

—Namarite, pimaerekani makatxakapeēkaika.

²¹ Iuasaaki pariseoakori, kaiōkatsoparerini pakini tsorīkaānāta. Ākixinireēna ninoa:

—Teosonokara posotari amaerekani imaktxakini. Maerekati Xesosi kama Teosomoni —itxana.

²² Xesosi imarotari ninoa xinikakiti ākixinireēna, ininiā Xesosi txana:

—! Erekarī hākixinireē ikara hīxinikakiti. ²³ Nitxari iua imaerekani nimaktxakini, txamari ! himarotari imaerekani atāo nimaktxakini. “Pōkitikaua. Pitīpokota,” nininiā, ininiā himarotari nisākire atāo ininiāua, kotxi hītikari. Niposotiire imaerekani nimaktxakini ikapani, niposotiire iua nōkitikini ikapanitxikana. ²⁴ Ininiā uatxaika noereka hite. Teoso iokanatanō nota hītari iaxitikirino ikorapokoritimoni kākiti maerekani nimaktxakini ikapani.

Ininiā ipaniātari matīpokotakati:

—Pōkitikaua. Pisirimata pikoseka, sipe pitxa paapokomoni —itxari.

²⁵ Iuasaakipeka ōkitikaua. Ikinimane kākiti okiātaā ōkitikaua. Ikosekari isirimata, sipe itxa aapokomoni. Isikasaaki ipoxokoniua.

—Peerekari Teoso —itxaāpota iua.

²⁶ Ikinimane kākiti tsorīkaāta. Ipīkarauatana.

—Peerekari Teoso. Mitxi !aītikari matīpokotakati erekapeka txīkitaākari. Peerekari uatxa aītikakiti —itxanātana ninoa.

Mateo Pirena

(Mateo 9.9-13; Marko 2.13-17)

²⁷ Eereka Xesosi tīpokoāponātakasaaki, atamatarī kiki Arevii inakori. Iitopākanāta iparīkauatiniātaā. Iuaā apakapari txineiro Homanoakori auīte paniātakiti kākiti ātiātaā tīitxi anikini ikapani. Xesosi akiritari Arevii:

—Āpina, uatxa nimoianari pitxaua —itxari.

²⁸ Iuasaakipeka Arevii ōkitikaua. Ikinika itīi itakanapa, Xesosikata sa itxa, Xesosi imiparīkatini ikapani. ²⁹ Eereka Arevii kamari kiiniri aapokoā Xesosi ikapani. Kiinirisaaiki aua ikamanere kaiāopokori. Txineiro apakapakani aua kiiniriā. Ninoa apanakinikata nipokota Xesosikata Arevii aapokoā. ³⁰ Pariseoakori, ninoakata parīkauatakani, kaiōkatsoparerini pakini txitana Xesosi moianariakori, Xesosi txineiro apakapakanikata nipokotini xika. Ininiā ninoa txari:

—Kinirepa hite nipokota txineiro apakapakanikata, maerekati kamakanikata? — itxana.

³¹ Xesosi apakapapiretana:

—Kákiti mamianatakani ! inirekari pinĩtxi siãkarimoni isinina. Amianatarinoka nirekari pinĩtxi siãkarimoni isini. ³² Iua atokokana, nota ina İkorapokoriti kona kákiti “Atão inakaranoka kamakarino” İkapanini, kotxi ninoa uãkatarı atão inakaranoka ikaminina, txamari !ikamarina atão. Kákiti maerekati kamakani İkapanira nina nota uai imaerekani itakanapini İkapani. Nota pinĩtxi siãkari atoko inakarino nota —itxa Xesosi sãkire iusaaki.

Nipokori Takanapiko Teoso Misãkiretiko İkapani
(Mateo 9.14-17; Marko 2.18-22)

³³ Kákiti txari Xesosi:

—Xoão kapatxisareri moianariakori itokata takanapari inikinina Teoso imisãkiretinina İkapani. Iua atokotxikana itxa pariseoakori moianariakori. Txamari pite moianariakori ! itakanapari nipokori, iãriã, Teoso imisãkiretinina İkapani. Kinirepa? —itxana kákiti.

³⁴ Ininiã Xesosi apakapapiretana:

—Kiki İtaniriuatini pirenasaaki erekari atxiiti kemaĩtxitakoni manikakaniãri nipokori? ! Erekari. Ninoa poxokoniuata imoianari İtaniriuatini, ininiã inipokotapitikana. ³⁵ Txamari ãti õti ninoa moianari maĩkaãkako, oka inaãkako. Iusaakiko ninoa takanapari inipokotini, kotxi imatinaniuatana. Iua atokotxikana nota. Nota auapanika nimoianariakorikata. ãti õti nokaãkako. Iusaakiko ninoa takanapari inipokotini Teoso imisãkiretinina İkapani —itxa Xesosi.

³⁶ Eereka Xesosi sãpiretari sãpirenatxi, atão inakari oerekiko.

—İPikitsorãkitari mãkatxi amaneri, kitxakari pitãpanetini İkapani. İkara atoko pikaminiã, mãkatxi amaneri pioanata. Mãkatxi mata amaneri İsapekata piotsainiã, mãkatxi kitxakari tsorakita iuaĩkana. ³⁷ Kákiti kitakari ovaã sako aamata kamakori ãki. Ovaã amanero auiniã, !otakaãka aamata kitxakari ãki. Pitakiniãro aamata kitxakari ãki, aamata tsorakita. Ovaã xikepoatamako. Sako !otxaika. ³⁸ Ovaã amanero pikitakako aamata amanero ãki. ³⁹ Ovaã kitxakaro auiniã, kákiti !inirekaro amanero, kotxi: “Ovaã kitxakaro apiaerekata,” itxa.

İkara atoko Xesosi txari kãkitimoni. İkara sãkiretxiti Xesosi sãpireta, kotxi apanakini kákiti itotapekari Moisesini sãkire, Teoso sãkire kitxakapirĩka isãpiretakiti, ininiã !inirekari Xesosi sãkire amaneri inakari. Ninoa mãkatxi kitxakari atoko. Sako kitxakari atoko ninoa. Ovaã kitxakaro atoko ninoa. Xesosi sãkire mãkatxi amaneri atoko. Ovaã amanero atoko itxa Xesosi sãkire.

6

Tomatiko Őti Pirena

(Mateo 12.1-8; Marko 2.23-28)

¹ Xoteoakori tomatini õtisaaki Xesosi imoianariakorikata motipetari kiki takari triko auiniãtaã. İpiripetakasaakirina, imoianariakori makatxakaãpotari triko oki. Iuakoã ikotxokarona, ixõka itxarona otãta katxakini İkapani, okinoka nika itxana. ² ãtikaka pariseoakori itkana imakatzakinirona:

—Kinirepa triko hikotxoka tomatiko õtisaaki? !Auiritaãka tomatiko õtisaaki parĩkauatiko —itxana.

³ Ininiã Xesosi apakapapiretana:

—Himarotari Taviini kamakiti kitxakapirĩka, iua imoianariakorikata natxitakasaaki.

⁴ Iua İroã Teoso misãkiretikoãtaã. Iusaaki imakatzakari komiri Teosomoni sikakori. Inikari, sika itxari imoianariakorimoni. Ninoa nikari apaka. Sasetotxinokara auiritaãka iua komiri inikinina. Apanakini !auiritaãka inikiniri. Iuaritika iua Taviini nikari. ⁵ Nota hitari iaxitikiiri posotari ikinipoko ninirekiti nikamini tomatiko õtisaaki, kotxi Apiananiri nitxaua —Xesosi txana ninoa pariseoakori.

Motĩkauakotakari Pirena

(Mateo 12.9-14; Marko 3.1-6)

⁶ ãti tomatiko õtisaaki Xesosi İroã aiko ãki Xoteoakori apotiitiniãtaãua. Oerekaruata. Iusaaki iuaãtaã aua kiki iuako ikikomoni motĩkauakotakari. ⁷ Kaiõkatsoparerini, pariseoakori apaka aua iuaã. Atamatapikarına Xesosi, atauako erekapeka itxĩkitakapaniri motĩkauakotakari tomatiko õtisaaki. Inirekarına Xesosi kerokiniri. Tomatiko õtisaaki iparĩkauatiniã, ninoa apoĩtari iua. ⁸ Xesosi imarotari ãkixinireena ixinikakitina, ininiã ipaniãtari kiki motĩkauakotakari:

—Põkitikaua. ãpina ikinimane okiãtaã.

Ininiã iua kiki õkitikaua, sa itxa Xesosimoni. ⁹ Ininiã Xesosi pimaãna kaiõkatsoparerini, pariseoakori pakini:

—Natokopa itxa Moisesini paniãtakiti iõkatsopatakiti tomatiko õtisaaki atão akamini? İpaniãtataua maerekati akamini tomatiko õtisaaki? İpaniãtataua erekari akamini tomatiko

ōtisaaki? Inirekatari amoianatiniri āti imapinakani ikapani tomatiko ōtisaaki? Inirekatari aōkaniuatini tomatiko ōtisaaki? —itxa Xesosi ninoamoni.

¹⁰ !Kasākirena ninoa kaiōkatsoparerini, pariseoakori pakini. Xesosi atamatana ikinimane. —Piuako poerekata —itxari iua kiki.

Oerekatari iuako. Iuasaakipeka iuako erekapeka itxa. ¹¹ Pariseoakori, kaiōkatsoparerini pakini omanākarauata. Imisākiretakauana Xesosi okinina ikapani.

Xesosi Mereēna Tosi Imoianariakori

(Mateo 10.1-4; Marko 3.13-19)

¹² Āti ōti Xesosi kanīka oxiratarini nopini, Teoso imisākiretini ikapani. Īkanōka ikaikota iuaātaā Teosokata isākirauatini ikapani. ¹³ Katimatinīkata akiritana itomaneri imoianariakori iuamoni apokinina ikapani. Apokasaakina, imereēna kikiakori tosi pakini kākitimoni iokanatakini tīkane. ¹⁴ Imereēna

Simāoma, (Iuāka Petro apaka.)

Ātreema, (Simāo itari)

Txiakoma,

Xoāoma,

Piripima,

Patoromeoma,

¹⁵ Mateoma,

Tomeema,

Txiakoma, (Aoipo ākiri)

Simāoma, (Homano omanatakari)

¹⁶ Xotasima, (Txiako ākiri, āti Txiakoti)

Xotasi Isikariotxima (Xesosi mīkapiritakari tīkane) pakinima.

Ninoa kikiakori tosi pakini Xesosi mereēkini imoianariakori ikapani.

Xesosi Amianatakani Imakananitinini

(Mateo 4.23-25)

¹⁷ Eereka oxiratarini iokiriīāpotana. Ipitexitimoni apokana. Iuaā aua kaiāopokori imoianariakori. Apanakini kākiti iuaātaā aua apaka. Xotēia tōpa ikani, Xerosareē sitatxiti ikani pakini auari iuaā. Apaka auari Txiro sitatxiti ikani, Sitoō sitatxiti ikani apaka. Txiro, Sitoō pakini potxoari uinīti itinikata aua. ¹⁸ Ninoa kākitipokoni sari Xesosimoni isākire ikenakotimīna ikapani, amianarena imakatzakini ikapani. Ninoa maerekati matamatakoti auaitotakini sari Xesosimoni maerekati imakatzakini ikapani. ¹⁹ Ikinimane nirekari imaātakiniri Xesosi, kotxi imaātakinīarina, apakapari Xesosi tapara amianarena sini ikapani. Ininiā ikinimane amianatakani Xesosi maātakani iuaīkana erekape itxana.

Kirimonipa Teoso Sikatari Erekari?

(Mateo 5.1-12)

²⁰ Eereka Xesosi misākiretana imoianariakori:

—Hīte matxineiroteni Teoso sikai erekari. Teoso hīauīte itxaua. Iua nakitiakori hīttxaua.

²¹ —Hīte ikorapokoriti natxitakani Teoso sikai erekari. Himituatapanikako.

—Hīte ikorapokoriti txiapatakani Teoso sikai erekari. Hāpiapoxokonitapanikako. Hīsiroatapanikako.

²² —Apanakini omanatinīā hīte, hītari iaxitiki sākire hāuikini xika, Teoso sikai erekari. Atxīti apanakini ! nirekai. Atxīti apanakini misākirepiretai. Atxīti ninoa akiritai “maerekati kamakari” nota hītari iaxitiki sākire hāuikini xika. Ikara atoko hinaākako.

²³ —Ninoa misiriāpotakasaakii, hīpoxokoniuatako. Himīteenkariko hīpoxokoniritika, kotxi erekari Teoso nīkatini iaxiti itixine. Inīkatakiti hīte ikapani peerekari. Apanakini misiritinī atokokanera, ninoa atokiriakorini misiritari Teoso sākire sāpiretakani kitxakapirīka.

²⁴ —Hīte ikorapokoriti kaxineiroterini misiritaākako. Mitxi papoxokonii hīte. Uatxa hīpoxokoni !auaīka.

²⁵ —Hīte ikorapokoriti ikiniōtika mitouanātakanii misiritaākako. Hinatxitapanikako.

—Hīte ikorapokoriti siroatakanii misiritaākako. Himatinaniuatapanikako. Hīttxiapatapanikako.

²⁶ —Ikinimane: “Peerekai pite,” ininiā, himisiritaākako, kotxi ninoa nirimane kitxakapirīkarini sāpiretari ikara atoko inakari Teoso sākire atāo masāpiretanimoni —itxa Xesosi.

Kākiti Mokaiakari Tiretiko

(Mateo 5.38-48)

²⁷ Iuaīkana Xesosi sāpirenauata:

—Nõtáikikai híte nisáikire kenakotakanii. Hítiretanako himokaiakari. Erekeri h́kaminana híte omanatakani. ²⁸ Himisáikiretariko Teoso erekeri híte misáikirepiretakani isikini íkapani. Himisáikiretariko Teoso híte misiritakani íkapani. ²⁹ Kákiti aritiniá pikakota, ipinimoni pikakota iuaíkana pisikana. Kákiti anikiniári pimáka ótanominari, pauiritari iua pimáka kauanata apaka anikini. ³⁰ Pitii amanaákarimoni pisika inirekakiti. Kákiti anikiniári pitii, ípamanaápiri iuaíkana imikanapiriiniri. ³¹ Áti tiritinii pinirekini atokotxikana, pitiretari áti.

³² —Pite tirketakaninani pitiretiniá, kinirepa Teoso sikari erekeri pitemoni, pinirimanenokara pitiretakasaaki? Kotxi kákiti maerekati kamakani apaka turetari ninoa tirketani. ³³ Pimoianatiniána pite moianatakaninani, í apakata, kotxi iua atokotxikana maerekati kamakari moianatana iua moianatakaninani. ³⁴ Pisikiniáro pitxineirote, pitxineirote mikanapiriákarimoninani, í apakata, kotxi iua atokotxikana maerekati kamakani sikaro itxineirotena apanakini maerekati kamakanimoni áti óti iuaíkana imikanapiriiniro íkapani. ³⁵ Iua atokokana na pitxape. Pitiretariko pimokaiakari. Erekeri pikaminariko. Inirekiniári pitii iparíkautatini íkapani, pisika iuamoni. Í Pimaákapuea, pitii iuaíkana imasikakaniá. Iua atokokana h́kaminiá, Teoso sikai híte iteene erekeri. Iua atokokana h́kaminiá, Apiananiri íaxitikirí anaakori h́txauako, kotxi iua amoníkari kákiti maerekati kamakani. Ninoa ísápiretari Teoso iua ekeka inini, iuaritika Teoso amoníkana. ³⁶ Piamoníkariko áti, airi Teoso amoníkaruatini atokokana —itxa Xesosi.

Apoítexi Pirena
(Mateo 7.1-5)

³⁷ —Í Papoítapiri áti. Papoítiniári áti, ininiá pite apaka apoítaákako. Í Pisápiretapiri áti íkamakiti maerekati inini, ininiákarara Teoso ísápiretai pite pikamakiti maerekati inini. Í Pixiníkapiníkari maerekati áti kamakiti pitemoni, ininiá Teoso íxiníkaikari maerekati pite kamakiti. ³⁸ Pisikarauatako átimoni, ininiá Teoso sikarauata ito pitemoni. Kaiáopokori papakapa. Atarokiri arata áki takakori atokokana papakapa. Atarokiri íókokakori, kaiáakori kinapakopeka iuaíkana atarokiri inopini takaáka. Xápoákata, ininiá katxapoáápotá. Iua atokotxikana Teoso sikai kaiáopokori, átimoni pisikarauatiniá. Átimoni pisikarauatini atokotxikana, Teoso sikarauata pitemoni —itxa Xesosi.

³⁹ Xesosi sápiretari ía sápirenatxi atáo inakari oerekiko:

—Apakata áti mósiáreti anikiniri áti mósiáreti? Í Apakata. Ninoa ipi irikako aariko áki. Ininiá nota sáikire himimarotakanisaaki, kona apakata h́erekiniári áti. H́erekiniári áti, h́kerokari. Ninoa mósiáreni aariko áki irikakani atoko h́txa. ⁴⁰ Apaiaókarauatakari ímarotari koerekareri imarotakiti atoko. Poiáonoka imarota. Apaiaókarauatini íxipokasaaki, iusaaki koerekareri imarotakiti atoko imarotape.

⁴¹ —Pisápiretari áti: “AáSORO aua poki áki,” txamari kona pimaákatari aátxirata pite oki áki auakari. Kinirepa íkara atoko inakari pikama? ⁴² Kinirepa pitxari pitari? “Nitari, nota makatxakinii aáSORO pokiá auakari,” kotxi í piposotari patamatiniri aátxirata piteka pokiá auakari. Pisáikire atxiíti erekeri, txamari pikamakiti kona erekeri. Merepitipanika pimakatxakari aátxirata piteka pokiá auakari. Eereka piposotari patamatiniri aáSORO pitari okiá auakari pimakatxakini. Maerekati pite kamakiti apiata atxiíti iua aátxirata atoko. Maerekati áti kamakiti poiáoka atxiíti iua aáSORO atoko. Iuaritika í pimaákatari maerekati piteka kamakiti. Pótáikikari áti imaerekani itakanapini. Íkara atoko í apakata. Merepitipanika pite takanapariko pite maerekani, eereka pótáikikari áti imaerekani itakanapini —itxa Xesosi sáikire.

Amátiiri Pirena
(Mateo 7.15-20; 12.33-35)

⁴³ —Amátiiri erekeri kona iritari matximakoti. Amátiiri matximakoti kona iritari erekeri. ⁴⁴ Patamatinári amátiiri, pimarotari imina. Txipokori piko inakoro pinirekiniá, kona pisa inakomoni. Ova pinirekiniá, kona pisa inakomoni. ⁴⁵ Kákiti erekeri amátiiri erekeri atokokana itxa. Iua erekeri, ininiá erekarinoka ikama, kotxi iua ákixinireé erekarinoka aua. Kákiti maerekati amátiiri matximakoti atoko itxa. Iua maerekati, ininiá íkamakiti maerekati apaka, kotxi maerekatinoka auari iua ákixinireé. Iua ákixinire ereka, ininiá ísáikire ereka apaka. Iua ákixinire maerekati, ininiá ísáikire maerekati apaka, kotxi ísáikire potorika ákixinireé —itxa Xesosi sáikire.

Aapokotxi Kamakari
(Mateo 7.24-27)

⁴⁶ Xesosi sákirauatapanika:

—Kinirepa pakiritano nota “Apiananiri,” nipaniátakiti pimakamakanisaaki? ⁴⁷ Kákiti notamoni íkari, nisáikire kenakotakari, nisáikire Kípitakari, aapokotxi kamakari atoko itxa.

⁴⁸ Iua kamari aapokotxi. Ikisakari kipatxi. Otsomori aapoko tsota ikama. Iua apokari kai, ininiã iopitĩkari aapoko tsota iua kai nopini. Ininiã aapokotxi ikamakiti paikori. Āparaã apoãtakasaaki, itorõkani inokasaakiri iua aapoko, !akeka, kotxi iua kiki atão ikamari aapoko. Iua kiki atoko kãkiti nisãkire kĩpitakari.

⁴⁹ —Āti kiki aapokotxi kamakari, iua iopitĩkari aapoko tsota motsomotika popaiape ininiãtaã. Āparaã apoãtakasaaki, itorõkani inokasaakiri iua aapoko pakitika. Xipoka itxa. Iua kiki atoko kãkiti nisãkire kenakotakari, nisãkire mauĩãkati —itxa Xesosi.

7

Xesosi Makananitiniri Sotato Auĩte Nitiri (Mateo 8.5-13)

¹ Ikara sãkirextiti isãpiretaka atoko, Kapanaoõ sitatxitimoni isa Xesosi. Iuaãtaã apoka. ² Kapanaoõ auari kiki Āti uãka Homano inakori. Sotatoakori auĩte itxaua iua Homano. Ipaniãtana sotatoakori seĩ pakini inireẽkiti ikaminina. Xesosi apokasaaki Kapanaoõ, iua Homano nitiri iteene itiretakiti amianata. Ipinanapanoka.

³ Iua Homano kenakopiretari Xesosi. Ininiã ipaniãtari Xoteoakori kiomãtxiakori Xesosi-moni isinina.

—Hĩtxariko: “Homano nirekai iuamoni pisini, initiri pimakananitini Īkapani.”

⁴ Ininiã ninoo sa itxana Xesosimoni, aõkita itxarina.

—Masa sotatoakori auĩtemoni. Initiri amianata. Masa, pimakananitiniri Īkapani. Iua Homano erekari itxaua, ininiã erekapitĩkari pimoianatiniri iua. ⁵ Itiretari Xoteoakori. Aiko aãpotiitiniãtaãua ikaminaua ate, ininiã iua Homano erekari itxaua —itxana ninoo.

⁶ Ininiã Xesosi sari ninoakata. Iua Homano aapoko takote apokasaaki, iua Homano iokanatari imoianariakori Xesosimoni, isãpiretinirina Īkapani:

—Apiananiri, apikomoni ! pisipe, kotxi minakati nota. Pite Apiananiri txaua. Nota apakapiniãi naapoko ãki !apakata. ⁷ Nota pitemoni napokini !apakata, kotxi pite Apiananiri, nota poiãori. Ininiãkara ereẽ pitoka. Ereẽkarako pitxĩkitakariko ninitiri ereka inini.

⁸ Nota auĩte paniãtiniãno nota ipaniãtakiti nikamini Īkapani, ininiã nikamapitĩkariko. Nota auĩtetxi nitxaua apaka. Nota paniãtakiti sotatoakori kamapitika. Āti nipaniãta: “Pisa,” ininiã iua sa. Āti nipaniãta: “Uai pina,” ininiã iua ina. Ninitiri nipaniãta: “Ia pikama,” ininiã iua kamari. Ininiã nimarotari ereẽ pite paniãtiniãri ninitiri ereka inini, ereẽkarako erekapeka pitxĩkitakari ninitiri —itxa Homano sãkire Xesosimoni.

⁹ Iua Homano sãkire ikenakotakasaaki, Xesosi tsorĩkaãta. Isapotorika, misãkireta itxana kãkiti iuakata sikani.

—Iua Homano iteene auikari nisãkire. Peerekari. Mitxi !naõkitari nisãkire auĩãkari iua Homano atoko inakari. Na naõkitapanikari Xoteo iua Homano atoko inakari —itxa.

¹⁰ Eereka ninoo Homano iokanatakini kanapiriã Homano aapokomoni. Iuaã apokasaakina, amatarina Homano nitiri. Erekapeka itxa.

Xesosi Txĩkitakari Ipĩkari Iuaĩkana Auãki Inini

¹¹ Mapaõti napaãka atoko Xesosi sari Naĩ sitatxitimoni. Imoianariakori, kãkitipokoni apaka sari iuakata. ¹² Imatokoãpotakasaakiri sitatxi pirikere tore kãkiti Īronakikoãtaã, ipĩkari imipokĩkaãka sitatxi mapara. Sito imatonõkari oimi ipĩpe. Oa sito tikinitakoro. Kaiãopokori kãkiti sitatxi auakani pokĩka oakata sikani. ¹³ Apiananiri amatakasaakiro, iamoniãkaro oa, ininiã:

—!Pitxiapatape —itxaro.

¹⁴ Isa ipĩkarimoni. Imaãtakari ipĩkari auini kaixati, ininiã iua kaixa anikakani iotoka. Iuasaaki iua akiritari:

—Ātokori, nipaniãtai põkitikaua —itxa Xesosi.

¹⁵ Iuasaakipeka iua Ātokori topãka, sãkirauata itxa. Ininiã Xesosi sikari iua inoromoni.

¹⁶ Īkinimane pĩkarauata.

—Peerekari Teoso. Teoso iokanatari isãkire sãpiretakari apiatakari atemoni. Teoso apokapeka Īkorapokoriti ate inakitiakori imoianatini Īkapani —itxanãtana ninoo.

¹⁷ Ia Xesosi pirena iaripireta ikini tõpati Xotẽia tõpa. Apaka apikoxiti Xesosi pirena kenakopiretaãka.

Xoão Kapatxisareri Pimaãkiti Sãkirextiti (Mateo 11.2-19)

¹⁸ Xoão kapatxisareri moianariakori minapiretari Xesosi pirena Xoãomoni. Eereka Xoão akiritari imoianariakori ipi:

¹⁹ —Hĩsa Xesosimoni. Hĩpimaãri: “Teoso mereẽkitikai pite? Kãkiti iãtapanãtakitikai pite? Kãkiti iãtapanãtakiti ãtikani atxĩiti?” Ikara atoko hĩtxako Xesosimoni —Xoão txana ninoo.

²⁰ Ininiã ninoa ipi sari Xesosimoni. Iuamoni apoka itxana.

—Xoão kapatxisareri iokanataua ate pitemoni. Ipimaã: “Teoso mereëkitikai pite? Kãkiti iãtapanãtakitikai pite? Kãkiti iãtapanãtakiti ãtikani atxãiti?” itxai —itxana.

²¹ Iuasaaki ninoa Xesosimoni apokasaaki, amianatakani kaiãopoko erekapeka itxãikitaka Xesosi. Iua oमितकari maerekani matamatakoni kãkiti ãtotaã auakani. Mõsiãreni kõsiãrepeka itxãikitaka. ²² Ininiã Xesosi apakapiretana Xoão moianariakori:

—Hãkanapiriã Xoãomoni. Hãsapiretari mixikanani uai hãtikakiti, hãkenakotakiti pakini. Hãsapiretari mitxi mõsiãreni uatxa kõsiãrepeka nitxãikitaka. Hãsapiretari mitxi matãpokotakani ãpokotapeka uatxa. Mitxi maere matati erekapeka uatxa. Mitxi makenakokini uatxa kakenakokipeka. Mitxi ipãkani iuaãkana auãki itxapekana. Hãsapiretari Xoão, nota sãpiretari Teoso iokanapirena erekari minakati mauakinimoni. ²³ Kãkiti iteene auikiniãri nota sãkire, Teoso takari erekari iuamoni. Ikara nisãkire hãsapiretari Xoão —itxa Xesosi.

Xoão Kapatxisareri Pirena

²⁴ Ininiã ninoa Xoão moianariakori sipe. Eereka Xesosi sãpiretari Xoão pirena kãkiti iuamoni apotiitakaniua.

—Kãpa ãkai hãte Xoão kapatxisarerimoni hãsikasaaiki ãparaã makipakaniãtaã iua auakasaaki? Hãte sari iuamoni, kotxi isãkire ãtinoka, Teoso sãkirenoka. Kãkiti katsotati ãtima anikakiti atoko itxa. Isãkire kita ãti, isãkire uatxa ãtião, isãkire katana iuaãkana ãtião, itxaãpota isãkire. Ikara atoko !itxa Xoão. ²⁵ Kãpa ãkai hãte Xoãomoni hãsikasaaiki? Hãte sari iuamoni, kotxi !inirekari tãtxi, txineiro pakini. !Kakaroneri imãka, kotxi !ikaikota auãtetxi aapoko. Auãtetxi auiniãtaã kãkiti mãka peereri. ²⁶ Kãpa ãkai hãte iuamoni hãsikasaaiki? Hãte sari iuamoni, kotxi iua Teoso sãkire sãpiretakari itxaua. Atão inakari Teoso sãkire sãpiretakari itxaua. Apiata iua Xoão. ²⁷ Apiata iua, kotxi kitxakapiriãka Teoso sãkire iõkatsopatakori sãpiretapekari Xoão pirena:

Ia kiki nisãkire sãpiretakari. Niokanataru iua kãkitimoni, pite nimereëkiti sini apisa, papokini isãpiretini ãkapani, kãkiti iposope inini ãkapani, itxa Teoso sãkire iõkatsopatakori.

²⁸ Iuaãkana Xesosi txana kãkiti:

—Atão nisãpiretai, ãti Xoão atoko inakari !uari. Xoão apiata. Iuaritika kãkiti Teoso auãtetakari poiãori inakari apia imarotariko Teoso kamakiti tãkane —itxa Xesosi.

²⁹ Ikinimane kãkiti, txineiro apakapakani apaka kenakotakasaakiri Xesosi sãkire, imarotarina Teoso nireëkiti kãkiti kamini ãkapani atão inini, kotxi ninoa sari Xoãomoni ipatx-isatikona ãkapani. ³⁰ Txamari pariseoakori, Teoso paniãtakiti oerekakani pakini !inirekari Xoão patxisatinina ninoa, ininiãkara Teoso nireëkiti iaõka !inirekana ikaminina.

Kãkiti Ìkorsaaki Auakani

³¹ Xesosi sãpirenauatapanika:

—Kiãtokopa itxana kãkiti Ìkorsaaki auakani? ³² Amarini sarauatini atoko itxana Ìkorsaaki auakani. Ninoa amarini topãkanãta tãtxi amotikoãtaã. Ipixini amarini tsoanãta. Itxana apanakinimoni: “Ate xikarauata hãte serenini ãkapani, txamari !hãserena. Kãkiti ipãkasaaki xikariti axikareta, txamari !hãtxiapata.” Ninoa amarini sarauatini atoko itxana Ìkorsaaki auakani, ³³ kotxi Xoão kapatxisareri apoka Ìkorapokoriti. Itakanapari inikini Teoso imisãkiretini ãkapani. !Iãtari ovaã. Iuaritika hãte txari: “Maerekati matamatakoti auaãtotari Xoão,” hãtxari. ³⁴ Nota hãtari iaxitikiri apoka Ìkorapokoriti. !Nitakanapari ninikini. Ikinioãtika ninipokota. Niãtari ovaã. Ininiã hãte txari: “Iua kiki ixori. Poãtakari iua. Iua moianatana txineiro apakapakani, kãkiti maerekati kamakani,” himisãkirepiretano. ³⁵ Paimatireri Teoso. Iua nakitiakori imarotari isãkire atão ininiua —itxa Xesosi.

Sito Arokari Xesosi Kiti Oãtsaã

³⁶ ãti õti pariseo Simão inakori aiataru Xesosi inipokotini iuakata, ininiã Xesosi sari iua aapoko. Iuaã apoka atoko iãtopãka inipokotini ãkapani. ³⁷ Simão auini sitatxiti oãua sito kanokarero. Oa kenakopiretari Xesosi iua pariseo aapoko inipokotini, ininiã oa anikaro kamariãro iuamoni. Kopitipaki kai arapãstiro kamakori ãki oãua kamariãro. Xãpoka. ³⁸ Oãtsaã Xesosi kiti takote. Otxiapãnãta. Oãtsaã oãrokari ikiti. Okaxipokari oiãkoã. Ikiti oãpitxoka. Eereka okitakari kamariãro ikiti nopini.

³⁹ Iua Simão atamatakasaakiro Xesosi kiti oãrokini, ãkixinireë ixinikari:

—Xesosi atão Teoso sãkire sãpiretakari inaãkamako, imarotamaroko oa sito iua maãtakakaro. Imarotamaroko maerekati kamakaro oa —itxa ãkixinireë.

⁴⁰ Ininiã Xesosi:

—Simão, ninirekari nimisãkiretinii —itxa.

—Ei, koerekareri, pisãkirauata —itxa Simão.

⁴¹ Ininiã Xesosi:

—Ipi kiki apakapari txineiro sikakari txineirote. Imikanapiriãpanikaroko txineiro isikakito. Áti apakapari isikakito txineiro kaiãopokoro, kiëtosi txineirota. Átipekana apakapari isikakito poiãonoka, sikoëta txineirota. ⁴² Ninoa ipi ! iposotaikarina iuaikana txineiro isikinirina txineiro sikakarimoni, kotxi ! oãuaika. Iuarituka iua xipokari ninoa kôtane. ! Inirekaikaro itxineirote. Ininiãkara ïkiripa ninoa kiki ipi apia apokaerekatari iua txineiro sikakari? —Xesosi pimaãri Simão.

⁴³ Ininiã Simão:

—Niuãkatari kiëtosi txineirota apakapakari. Iua apia apokaerekatari txineiro sikakari, kotxi iua apakaparo kaiãopokoro txineiro —itxa.

—Iuapitikara —itxa Xesosi.

⁴⁴ Iuasaaki Xesosi sapotorika sitomoni. Itxari Simãomoni:

—Patamatataro oia sito? Niiroã pite aapoko, txamari kona pite sikano ãparaã nikiti narokini ïkapani. Oia arokapekari nikiti oãtsaã. Oiãkoã okaxipokari. ⁴⁵ Uai napokasaaki kona pite apitxokano. Oia ! iotoka nikiti oãpitxokini. ⁴⁶ Pite na takari ïtxi nikiiã. Oia kitakari kamariãro nikitiã. ⁴⁷ Oia iteene tiretano, ininiã aimarotari omaerekani kaiãopokori makatxakaãkapeka. Kãkiti poiãonoka tiretakasaakino, aimarotari imaerekani poião inakari makatxakaãkapeka —itxa Xesosi.

⁴⁸ Iuasaaki Xesosi sãpiretaro:

—Nimakatxakapekari pimaerekani —itxaro oa sito.

⁴⁹ Xesosikata nipokonãtakani ãkixinireëna ixinikanãtarina:

—Kiripitipa ia kiki atxiiti? Iua makatxakatari kãkiti maerekani? —itxanãtana ninoa.

⁵⁰ Iuasaaki Xesosi txaro oa sito:

—Atão pauikari nisãkire, ininiãkara pimaerekani makatxakaãkapeka. Pisipiniikaua erekaxinirepeka pinini —itxaro oa.

8

Sitoãkini Xesosi Moianatakani

¹ Mapaõti napaãka atoko Xesosi sari ãti sitatxitimoni, ininiã eereka ãti sitatxitimoni isa, itxaãpota. Isãpiretari erekari pirena Teoso auëtetxi ininiãua. Imoianariakori tosi pakini sari iuakata. ² Sitoakoro apaka sari iuakata. Mitxipe Xesosi erekapeka txiãkitakana ninoa sito. Mitxipe ãtikaka amianata. Mitxipe maerekati matamatakoti auãitotana ãtikaka. Maria Matarena inakoro sari iuakata. Mitxipe Xesosi omitikana maerekani matamatakoni setxi pakini oiãoã auakani. ³ Xoana inakoro, Kosa inakori tanoro, oa apaka sari Xesosikata. Kosa pariãkauata auëtetxi Erotxi inakorikata. Erotxi paniãtakiti ikama. Sosana inakoro apaka sari Xesosikata. Apanakini sitoakoro apaka sari iuakata. Ninoa sikari itxineirotena Xesosimoni, imoianariakori pakinimoni nipokori iamotinina ïkapani.

Katakareri Pirena

(Mateo 13.1-9; Marko 4.1-9)

⁴ Kãkitipokoni apokaãpota Xesosimoni, ãti sitatxitikini, iuaikana ãti sitatxitikini, iuaikana ãti sitatxitikini txaãpota apokinina Xesosimoni. Kãkitipokoni apotiitakasaakiua Xesosikata, Xesosi sãpiretana ninoa sãpirenatxi atão inakari oerekiko.

⁵ —Kiki sari ikikiote itakarautini ïkapani. Triko oki itaka. Okaãpotari. Okaãpotakasaakiro, kimaporiã apaka oãpoka oki okakiti. Eereka oki katxarataãka. Apanakini kotipiriki nika. ⁶ Oki apoka kai nopini. Kai auiniãtaã kipatxi poiãonoka auari. Eereka ipitxaka, txamari pitxakakaro kotsa imiti masikaniã, ãparaã mauakaniã, opina. ⁷ Triko oki apoka inako sauaki apaka. Eereka inako aneë takarikata, txamari inako matxorotakaro takari, ininiã opina. ⁸ Oki apoka kipatxi erekari nopini apaka. Eereka takari pitxaka, aneë otxa. Eereka ominaua kaiãopokori. Triko katiã sei oki aua.

Xesosi sãkirauata iuaikana:

—Kakenakoki, ininiã hikenakotariko nisãkire —itxa Xesosi.

Kãkiti Mimarotakinini Xesosi Sãpiretini Pirena

(Mateo 13.10-23; Marko 4.10-20)

⁹ Xesosi moianariakori pimaãri iua:

—Poerekaua ikara sãpirenatxi atão inakari oerekiko pisãpiretakiti. ! Aimarotari mixikanani pisãpiretakiti.

¹⁰ Ininiã Xesosi:

—Nisãpiretapitikaiko hïte Teoso auëtetxi ininiãua, ininiã hïte imarotari. Apanakini !imarotari hïte imarotakiti Teoso auëtetxi ininiãua. Ninoa apanakinimoni nisãpiretari sãpirenatxi

atão inakari oerekiko. Ninoa kenakotari, txamari ! imarotarina nisãpiretakiti sãkiretxiti, kotxi kitxakapirika Teoso sãkire sãpiretakani sãpiretari: Kokiri kãkiti, txamari ! atamatari Teoso kamakiti. Karokokenakokiri kãkiti, txamari ! ikenakotari Teoso sãkire.

¹¹—Noerekai hite ikara sãpirenatxi atão inakari oerekiko, kiki takarauatini pirena. Triko oki atoko itxa Teoso sãkire.

¹²Apanakini kãkiti kimapori atoko itxa. Ninoa kenakotari Teoso sãkire, kimapori nopini oki apokini atoko itxa. Txamari Satanasi apoka kotipiriki apokini atoko. Imaktxakari Teoso sãkire ãkixinireña apokakari, ininiã ninoa ! auikaikari Teoso sãkire, ininiã Teoso ! imaktxakari ninoa maerekani.

¹³—Apanakini kãkiti kai auiniãtaã atoko itxa. Ninoa kenakotari Teoso sãkire, ininiã ipotxitarina. Txamari oki kipatxi poião nopini apokini atoko, Teoso sãkire ! ñroã ninoa ãkixinireñ. Mapa kasiriti ninoa aukari Teoso sãkire atxiiti. Eereka imisiritaãkana Teoso sãkire auikinina xika, ininiã itakanaparina Teoso sãkire.

¹⁴—Apanakini kãkiti inako auiniãtaã atoko itxa. Ninoa kenakotari Teoso sãkire. Eereka ninoa maerekaxinirenoka itxana. Inirekarina txineiro, tiitxi pakini. Inirekarina isarauatinina. Inako atoko itxa txineiro, tiitxi, isarauatinina, maerekaxinirenoka ininina pakini. Ininiã ! ixinikaikarina Teoso. Oki inako sauaki pitxakakaro ! ominaua. Iua atokokana, ninoa kãkiti likamari erekari Teoso ikapani.

¹⁵—Apanakini kãkiti kipatxi erekari atoko itxa. Ninoa kenakotari Teoso sãkire. Teoso sãkire ñroã ninoa ãkixinireñ ikaikotini ikapani. Erekari ninoa ãkixinire. Ninoa nirekari Teoso paniãtakiti ikaminina ikiniõtika. Eereka ninoa kamapitikari erekari Teoso ikapani.

Tirikapi Pirena
(Marko 4.21-25)

¹⁶—Tirikapi iopotokaãkari iomaãtatari tirikapi kopiti ãki atxiiti? Isikatatxi patapi itakatari atxiiti? Konapitini. Itano itakari tirikapi, ininiã ipinikari aapokotxi ãki ñroãkani atarauatini ikapani. ¹⁷Ikinika iomaãtakari atamataãkako. Ikinika ipatakori apokaãkako, iopinikaremoni anikaãkako.

¹⁸—Erepaniko. Iteene pikenakotariko Teoso sãkire, kotxi isãkire auakiti, Teoso sãkire kãpitakari, Teoso sikari apikomoni imaroretxi iuamoni. Txamari Teoso sãkire kenakotakari, isãkire makãpitakati, imarore xapiti iuamoni auakari makatxakaãkako —itxa Xesosi.

Xesosi Inoro, Itariakori Pakini
(Mateo 12.46; Marko 3.31-35)

¹⁹Xesosi sãpirenauanãtakasaaki, inoro, itariakori pakini apoka iuaãtaã. Inirekamarina Xesosimoni apokinina, txamari kãkitipokoni ãkitari iua. ²⁰Iuasaaki kãkiti txari Xesosi: —Pinoro, pitariakori porikiti auanãta. Inirekarina imisãkiretinini —itxana.

²¹Ininiã Xesosi sãpiretari ikinimane:

—Teoso sãkire kenakotakani, isãkire kãpitakani, ninoro atoko itxauana. Nitariakori atoko itxauana —itxa Xesosi.

Xesosi Iotokakiniri Ìtima
(Mateo 8.23-27; Marko 4.35-41)

²²Àti òti Xesosi iereëtaua kanaua ãki imoianariakorikata. Aiatana:

—Masa ipoa ipiniã —itxana imoianariakori.

Ininiã ñpiriãtana. ²³Ñpiriãtakasaakina, Xesosi imaka. Mokatanitika ñtima inataparata. Kataparari ñtima apokasaaki, tsakati kataparari apaka, ininiã ierepeëpokataua. Iuasaaki kanaua ãki ãparaã xãpokaãpokata. Pamonõkoniri. ²⁴Xesosi moianariakori õpirikari.

—Apiananiri, Apiananiri, pimereka. Apinanapanoka.

Ininiã Xesosi õkitikaua. Ipaniãtari ñtima, tsakati pakini iotokini:

—Hiotokako —itxa.

Iuasaakipeka ñtima, tsakati pakini iotoka. Itsoriãkaãta. ²⁵Iuasaaki Xesosi txari imoianariakori:

—Kinirepa hite !auikano nota?

Itsoriãkaãkatana, ipikarauakatana. Ninoakakarika isãkirauatana:

—Kinakaripa ia kiki? Iua paniãtari ñtima, tsakati pakini iotokini, ininiã ninoa kãpitari isãkire —itxakakana.

Kiki Maerekani Matamatakoni Auãtotakiti
(Mateo 8.28-34; Marko 5.1-20)

²⁶Eereka ipoa ipiniã apokana Xesosi imoianariakorikata. Ninoa potarikiniãtaã Kariréia tãpa. Ninoa apokiniãtaã Xerasa tãpa. ²⁷Xesosi kanikãtakasaaki, kiki apoka iuamoni. Xerasa sitatxitikiri iua. Maerekani matamatakoni auãtotari iua. Okananipe !itakaikari

imäka. !Inirekari aapoko äki ikaikotini. Akauariä auanäta. ²⁸ Atamatakasaakiri Xesosi, akiriipoakata. Iriäkata Xesosi apisatoö. Maerekati matamatakoti akiritari Xesosi:

—Xesosi, Teoso äkiri, Apiananiri äkiri, kiatokopa pitxanoko? Namanaäi !pimisiritapeno —itxa.

²⁹ Ikara atoko itxa isäkire, kotxi Xesosi paniätana maerekani matamatakoni takanapiniri iua kiki. Mitxi inirimane iitxikapiimari iito imasikani !kapani. Iitxikarina iuako, ikiti kohëtxiä. Txamari maerekati matamatakoti itotapekari imaikini, ininiä iua kiki kapatakari kohëtxi. Maerekati matamatakoti txikitakari iua kiki mitekini käkiti mauakaniätaä.

³⁰ Xesosi aökitaakasaakiri iua kiki, ipimaäri:

—Kipa piuäka?

Ininiä maerekati matamatakoti txari:

—Nota uäka “Itori,” ninaäka —itxa.

Ikara atoko iuäka, kotxi itori maerekani matamatakoni auaitotari iua kiki. ³¹ Maerekati matamatakoti amanaäri Xesosi:

—Aariko mamapotoökire irikitimoni !piokanatapeua ate —itxa.

³² Iuaätaä auari kaiäopokori irariakori piratakoni. Inipokonätana oxiratarari nopini. Maerekati matamatakoni amanaäri Xesosi:

—Pauritaua irariakori äki aïroini —itxana.

Ininiä Xesosi auiritana. ³³ Ininiä ninoa takanapari iua kiki. Irariakori iito äki !roäna. Iuasaakipeka ikinika irari miteäkata. Iokiriikatana oxiratarari. Käuäriämoni ikomoäkata, ipiäpe itxana irariakori.

³⁴ Kikiakori irari piratakoni itikari irari mitekini, ininiä imitekana sitatximoni. Anikapiretarina itikakitina sitatxi auakanimoni, sitatxi mapara auakanimoni apaka.

³⁵ Ininiäkara käkiti sari Xesosimoni ikamakiti imarotinina !kapani. Ninoa apoka iuamoni. Atamarina iua kiki mitxi maerekani matamatakoni auaitotakiti. Iitopäkanäta Xesosi apisatoö. Kamäkapekari. Kikitepekari apaka. Ininiä iuasaaki ninoa käkiti pikari Xesosi posotiire. ³⁶ Xesosi kamakiti itikakani säpiretari ninoa käkiti, Xesosi erekapeka itxikitakiniri iua kiki. ³⁷ Eereka ikinimane käkiti Xerasa töpa auakani paniätari Xesosi ätiätaä isini ipikarena xika. Ininiä Xesosi iereëtaua kanaua äki ipoa iuaikana !piriätini !kapani. ³⁸ Iua kiki mitxi maerekani matamatakoni auaitotakiti amanaäri Xesosi:

—Pauritano pitekata nisini.

Txamari Xesosi iokanatarari aapokomoni.

³⁹ —Pikanapiriä paapokomoni. Pisäpiretari käkiti Teoso kamakiti pitemoni —itxa Xesosi. Ininiä iua sari ikinini aapokotxitimoni. Isäpiretari ikinimane käkiti Xesosi kaminiri iua erekapeka inini.

Xäiro Amanäkiti Pirena

(Mateo 9.18-19; Marko 5.25-34)

⁴⁰ Xesosi kanapiripe, ipoa !piriätini. Apokitakasaaki, käkitypokoni apakapari Xesosi ipoxokoniritikana. Ninoa iätapanätari iua, ipiniä iua auakasaaki. ⁴¹ Iuasaaki kiki Xäiro inakori apoka iuaä. Iua auitexi itxaua aiko Xoteo apotiitiiniätaäua. Apoka Xesosimoni. Ikapotoreëkaua Xesosi apisatoö.

—Masa naapoko. ⁴² Nota äkeri imatonökaro, tosi ano auakaro, opinanapanoka —itxari Xesosi.

Iuakata Xesosi sikasaaki, käkitypokoni äkitari iua, ininiä ikaiarikaäpotana käkiti.

Xesosi Mäka Maätakakaro

(Mateo 9.20-22; Marko 5.25-34)

⁴³ Käkiti sauaki oäua sito amianatakaro. Tosi ano oamianata oärëka ! iotokinaro. Otxineirote ! auaika, kotxi okinika otxineiroteë oikitxitepekari pinitxi siäkani, txamari erekapeka otxikitakakiri !uari. ⁴⁴ Käkiti sauaki oäpoka Xesosi porikimoni. Omaätakari imäka mapotomatare. Omaätakasaakipeka, oärëka iotoka. ⁴⁵ Ininiä Xesosi pimaäri käkiti:

—Kipa maätakano?

Ikinimane käkiti:

—!Ateni —itxana.

Ininiä Petro:

—Apiananiri, käkitypokoni äkitai. Ikinimane käkiti tikakai.

⁴⁶ Txamari Xesosi:

—Käkiti maätakapitikano, kotxi iuasaaki nitapara sari iuamoni.

⁴⁷ Iuasaaki oa sito imarotari Xesosi imarotiniro oa maätakiniri. Ininiä osa Xesosimoni otitinanakiniritika. Okapotoreëkaua iua apisatoö. Ikinimane okiätaä osäpiretari Xesosi:

—Notara maätakai namianatiniä. Nimaätakasaakii, iuasaakipeka erekapekano —otxari.

⁴⁸ Ininiä Xesosi:

—Namarite, pauikari niposotiire, ininiãkara erekapekai. Pisipiniikaua erekaxinirepeka pinini —itxaro.

Xáiro Ákero Ôkitikiko
(*Mateo 9.23-26; Marko 5.35-43*)

⁴⁹ Xesosi sãkirauanãtakasaaki, Xáiro aapoko potoriãkari apoka Xáironi.

—Pamarite !oãuaika. Pauiritari Xesosi kanapiriini —itxa.

⁵⁰ Xesosi kenakotari iminapiretakiti, ininiã Xesosi txari:

—!Pipikarauatape. Pauikari nisãkire, ininiã iuaãkana oãupanikako pamarite —Xesosi txari Xáiro.

⁵¹ Xesosi apokasaaki Xáiro aapoko, auritana Petro, Xoão, Txiako, Xáiro, Xáiro Ìtanoro pakini Ìroini iuakata.

⁵² Iuaãtaã ikinimane kãkiti txiapanãta. Imatinaniuatana amarini ipinini xika. Ininiã Xesosi:

—!Hítxiapatape. !Opina. Oimakanãta —itxa.

⁵³ Ininiã ninoa napetari Xesosi, kotxi imarotarina amarini ipinini. ⁵⁴ Ininiã Xesosi paniãtana ninoa porikiti ipokikinina. Eereka Xesosi maãkaro oa ãtokoro uako, akirita itxaro:

—Ãtokoro, põkitikaua.

⁵⁵ Iuasaakipeka iuaãkana oa auãkipeka otxa. Oõkitikaua. Xesosi paniãtana oãri, onoro pakini nipokori isikinirona. ⁵⁶ Oãri, onoro pakini tsoriãkaãta. Xesosi sãpiretana apanakini imasãpiretakanina Ìkapani.

9

Xesosi Iokanatanana Imoianariakori Kãkitimoni
(*Mateo 10.5-15; Marko 6.6-13*)

¹ Xesosi akiritana imoianariakori tosi apotiitiniuana Ìkapani. Iuasaaki isikataparatana. Isikaposotiiretana maerekani matamatakoni iokanatinina Ìkapani, amianari imaktxakinina Ìkapani. ² Eereka iokanatanana imoianariakori kãkitimoni Teoso auãttxi ininiãua isãpiretinina Ìkapani, amianatakani erekapeka itxãkitakinina Ìkapani. ³ Xesosi txana ninoa:

—Hìsikasaaiki, !hanikapiri hìtii. Na hìtsonere !hanikape. Na sakora, na nipokori, na txineiro, na ãti himãka, !hanikape. ⁴ Kãkiti apakapakasaakii, iuaã ninoa aapoko hãkaikota iua sitatxiti hãuakasaaki. ⁵ Kãkiti mapakapakaniãi, hìtakanapari iua sitatxiti. Hõsipikasaakiri, hãkaxipokariko kipatxi hãkitiãkiri. Ikara oerekana iua sitatxiti auakani Teoso misiritanako ninoa, kotxi !inirekarina ikenakotinirina Teoso sãkire —itxa Xesosi imoianariakorimoni.

⁶ Eereka imoianariakori potorika. Ninoa sari ikinipoko aapokotxiti. Isãpiretarina Teoso iokanapirena erekari aapokotxiã auakanimoni. Erekapeka itxãkitakana amianatakani ikini aapokotxiti auakani.

Erotxi Nirekari Xesosi Aõkitini
(*Mateo 14.1-12; Marko 6.14-29*)

⁷ Erotxi Kariréia tãpa auakani auãte kenakopiretari Xesosi pirena. Maerekaxiniretinoka itxa, kotxi kãkiti sãpiretari:

—Xoão kapatxisareri iuaãkana auãki itxapekava. Iuara Xesosi txaua —itxana.

⁸ Apanakini sãpiretari:

—Eríasi iuaãkana uatxa auãki itxapekava. Iuara Xesosi txaua —itxana.

Apanakinipekana:

—Teoso sãkire sãpiretakari kixakapiríka auakari iuaãkana uatxa auãki itxapekava. Iuara Xesosi txaua —itxana.

⁹ Erotxi txari:

—Notara paniãtari Xoão nopi tsotakiko, ininiã Xesosi kona Xoãoni. Kiripitipa Xesosi? ãtipirika nikenakopiretari iposotiire —itxa Erotxi.

Kinirão aõkitaka itxari Xesosi.

Síko Mio Kãkiti Xesosi Sikakienatini
(*Mateo 14.13-21; Marko 6.30-44; Xoão 6.1-14*)

¹⁰ Ninoa Xesosi iokanatakini kanapiripeka iuamoni. Ikinika ikamakitina isãpiretarina Xesosi. Eereka Xesosi anikana ninoa kãkiti mauakaniãtaã, Petsáita sitatxiti takote. Ninoanoka sari iuaã. ¹¹ Txamari apanakini kenakopiretari Xesosi sinimoni, ininiã kãkitipokoni sari iua tikini. Ninoa apokasaaki Xesosimoni, Xesosi apakapana ipoxokoniritika. Isãpiretana Teoso auãttxi ininiãua. Erekapeka itxãkitakana amianatakani.

¹² Tinítikita imoianariakori tosi pakini apoka iuamoni:

—Piokanatanana kãkiti aapokotxi imatokotinimoni inipokotinina Ìkapani, imakinina Ìkapani, kotxi uai aapokotxi mauakaniãtaã —itxarina Xesosi.

¹³ Txamari Xesosi txana:

—Hítekarako sikakienatana ninoa.

Ininiã ninoa:

—Poiãonoka nipokori aua atemoni, sikonoka komiri, ipinoka ximaki pakininokara aua. ! Apakata aiamotoñiri nipokori kaiãopokori kãkiti asikakienatini ïkapani —itxarina Xesosi.

¹⁴ Iuaãtaã kikiakorinoka sïko mio auakata. Xesosi paniãtana imoianariakori:

—Hïpaniãtari kãkiti topãkini, uai sïkoëta, apikomoni iuaïkana sïkoëta, apikomoni iuaïkana sïkoëta, txaãpokata kãkiti —itxa. ¹⁵ Ininiã imoianariakori paniãtari kãkiti ikara atoko iitopãkinina. Ininiã ninoa topãka. ¹⁶ Iuasaaki Xesosi kosekari komiri sïko, ximaki ipi pakini. Iaxiti ionakaãta, misãkireta itxari Teoso:

—Peerekari ia nipokori pisikakiti —itxa.

Iuasaaki ixanakari komiri, ximaki pakini, sika itxari imoianariakorimoni, ininiã ninoa sikari kãkitimoni. ¹⁷ Ikinimane nikari, kamitopeka itxana. Eereka Xesosi moianariakori amari nipokori itetakori. Ixãpokakarina kotari tosi pakini.

Petro Auikari Xesosi Teoso Mereëkiti Ininiãua

(Mateo 16.13-20; Marko 8.27-30)

¹⁸ Æti õti Xesosi iuanani misãkiretari Teoso. Eereka imoianariakori apoka iuamoni. Iprimaãna:

—Kiripa kãkiti uãkatano nota? —itxa.

¹⁹ Ininiã ninoa:

—Apanakini xinikakiti pite Xoão kapatxisareri pitxaua. Apanakinipekana xinikakiti pite Erïasi pitxaua. Apanakinipekana xinikakiti pite Teoso sãkire sãpiretakari kitxakapirïka auakari iuaïkana auãki inakari pitxaua —itxarina Xesosi.

²⁰ Ininiã Xesosi:

—Hítepekana, kipa hïte uãkatano nota? —itxa.

Petro apakapapiretari:

—Pite Teoso mereëkiti kãkiti iãtapanãtakiti pitxaua —itxa.

²¹ Ininiã Xesosi iteene pinitari ikara apanakinimoni imasãpiretakani.

Xesosi Sãpiretari Ipinini

(Mateo 16.21-28; Marko 8.31-9.1)

²² Ininiã Xesosi:

—Nota hïtari iaxitikiri iteene natatsiitariko nimisiritiko. Kiomãtxiakori, sasetotxi auíteakori, kaiõkatsoparerini pakini !nirekano nota, ininiã nokaãkako. Ipi Æti õtisaaki Teoso õkitikanoko nota iuaïkana auãki ninini ïkapani —itxari imoianariakori.

Xesosi Moianari Atão Inakari

(Mateo 16.24-28; Marko 8.34-38)

²³ Eereka isãpiretari ikinimane:

—Notakata kinirão sika pinakasaaki, piteka pinireëkiti kona pixinikape. Notakata kinirão sika pinakasaaki, nota misiritiko atokokana pimisiritãkako. Ia atoko pinirekiniã ikiniõtika, notakata pisapitikako. ²⁴ Pite Ætipirika kaminiãri piteka nireëkitinoka, ininiã pinireëkiti xipokapitikako pitekata. Pite nireëkiti xipokiniã, nota sãkire pauikini xika, Teoso iokanapirena erekari pisãpiretini xika, pite auapininiika txako Teosokata. ²⁵ Atxiiti papakapari ikinipoko tïtxi, ikini itixiti auakani tui, pinakiti ïkapani. Atxiiti iua tïtxi xika kona pikïpitari Teoso sãkire, ininiã kona pikaikota Ætipirika Teosokata. Ikara atoko ininiã, erekari atxiiti ikinipoko tïtxi auini? Konapitini. Apiaerekata Teosokata Ætipirika pikaikotini. ²⁶ Pipëtatiniãno nota, pipëtatiniãri nisãkire, nota kãkiti itari iaxitikiri pëtaitaiko pite uai nikanapiriãkasaaki. Peerekari iuasaaki uai nikanapiriini õti. Iuasaaki kãkiti imarotariko niposotiire, niri posotiire, initiriakori iaxitikini posotiire apaka. Teoso nitiriakori erekarini itxauana. ²⁷ Atão nisãpiretai, apanakini hïte uatxa uai auakani, hïpinini apisapanika himarotari Teoso auíteixi ininiãua —itxa Xesosi.

Moisesi, Erïasi Pakini Xesosi Aõkitini

(Mateo 17.1-3; Marko 9.2-13)

²⁸ Æti semanati napaka atoko, Xesosi anikana Petro, Xoão, Txiako pakini. Ikanïkana oxiratarini nopini Teoso imisãkiretini ïkapani. ²⁹ Teosokata isãkirauanãtakasaaki, itoõ ipinipo itxa, imãka ponika, kasarori. ³⁰ Iuasaaki ipi kiki tokiã iuaã, Moisesi, Erïasi pakini. Isãkirauatana Xesosikata. ³¹ Ninoa iotximere aua, kotxi ipotorikana Teoso tixine. Isãkirauatana Xesosikata, Xesosi ipinini pirena, mapa semanati napaka atoko Xerosareë ipinini Teoso paniãtakiti ikamini ïkapani. ³² Iuasaaki Petro, Xoão, Txiako pakini imakanãta. Eereka imerekana. Atamatarina Xesosi iotximere. Atamatarina ninoa ipi kiki iuakata itiminina. ³³ Moisesi, Erïasi, takapiretakasaakiri Xesosi, Petro akiritari Xesosi:

—Koerekareri, erekari uai akaikotini. Makamari papiri ipi āti pakini, pite ikapani, Moisesi ikapani, Eríasi ikapani —itxa.

Txamari maxikatũka isãkirauata. Iimarotari amanaãkiti.

³⁴ Petro sãkirauanãtakasaaki, katxiãri apoka. Xesosi moianariakori pĩkarauata katxiãri ãki auakasaakina. Katxiãri ãkitana. ³⁵ Katxiãri ãki ikenakotaãka sãkiretxi:

—Ere namarite, nitiretakiti. Hĩkenakotariko iua sãkire —itxa.

³⁶ Isãkirauataka atoko Xesosi moianariakori atamatari Xesosinani. Eereka !isãpiretarina itikakitina apanakinimoni. Masãkirenika itxana.

Amarini Maerekati Matamatakoti Auaĩtotakiti

(Mateo 17.14-20; Marko 9.14-29)

³⁷ Katimatinĩkata iokiriĩtana. Iuasaaki kãkitipokoni apoka Xesosimoni. ³⁸ Ninoa sauaki kiki akiritari Xesosi:

—Koerekareri, patamatari nota ãkiri imatonõkari namarite. ³⁹ Ātipirika maerekati mata-matakoti mãkari iua. Iuasaaki akiripoakata, okarakataua. Isorĩkipekata inamamoni. Maerekati matamatakoti kamatsiitari namarite. Poiãonoka itakanapari. ⁴⁰ Iteene nana-naãpekarĩ pimoianariakori omitikiniri, txamari liposotarina —itxa Xesosimoni.

⁴¹ Ininiã Xesosi txari kãkitimoni:

—!Kauikarei hĩte. Maerekati kamakanii hĩte. Kipakinikananipa Teoso nirekatarĩ hĩtekata nauini? Kipakinikananipa Teoso nirekatarĩ hĩte nimĩteenekini? —itxa.

Eereka ipaniãtari iua kiki:

—Pamarite pimina uai.

⁴² Iua amarini apokaãpotakasaaki, maerekati matamatakoti irikari ixiti. Amarini okarakataua. Xesosi paniãtari maerekati takanapiniri amarini. Erekapeka itxĩkitakari amarini, ininiã isika iua iuaĩkana irimoni. ⁴³ Ikinimane tsorĩkaãta Teoso posotiire itikasaakina.

Xesosi Iuaĩkana Sãpiretari Ipinini

(Mateo 17.22-23; Marko 9.30-32)

Ikinimane tsorĩkaãtakasaaki, Xesosi misãkiretari imoianariakori.

⁴⁴ —! Himaxinĩkaretapiri uatxa nisãpiretakiti. Nota hĩtari iaxitikiri mĩkapiritaãkako. Nisikaãkako kãkitimoni ninoaka nirekakiti ikaminina ikapani —Xesosi txana ninoa.

⁴⁵ Imoianariakori kenakotari Xesosi sãkire, txamari !imarotarina isãpiretakiti. Teoso !nirekari ninoa imarotiniri Xesosi sãpiretakiti iuasaaki. Ninoa pĩkari Xesosi ipimainina isãkire oerekinina ikapani.

Kiripa Kãkiti Apiatakari Txataua?

(Mateo 18.1-5; Marko 9.33-37)

⁴⁶ Āti õti Xesosi moianariakori !aukakauana isãkirena, kotxi inirekarina imarotinirina apiatakari ninoa sauaki auakari. ⁴⁷ Xesosi imarotari ninoa xinikakiti, ininiã iminari amarini ninoamoni. Xesosikata tima itxa amarini. ⁴⁸ Iuasaaki Xesosi txana:

—Papakapiniãri amarini ia atoko inakari, papakapano nota apaka. Papakapiniãno nota, papakapari niokanatakiri apaka. Iuaka poiãotakakariua hĩte sauaki, iuarako apiatakari txauako —itxa Xesosi.

Kiki Maerekani Matamatakoni Omitiãkari

(Marko 9.38-41)

⁴⁹ Xoão sãpiretari Xesosi:

—Koerekareri, ate kenakotari kiki omitikinina maerekani matamatakoni pite uãkaã. Ate sãpiretari iua kiki ikara atoko inakari imakamakani, kotxi kona pimoianarini iua —itxa.

⁵⁰ Ininiã Xesosi:

—! Hĩotokakapiri ikara atoko inakari ikamini, kotxi iua kiki ! omanataua ate. Iua apamonĩkaua ate —itxa.

Samaria Auakani !Apakapari Xesosi

⁵¹ Teoso tixine iuaĩkana Xesosi kanapiriini õti apokaãpota, ininiã Xesosi ãkixinireẽ txari:

—Nisapitikako Xerosareẽmoni.

⁵² Iokanatarĩ kãkiti iua apisa, imakiniãtaã initinina ikapani. Ipixinipokoriti ninoa kãkiti nitari imakiniãtaã aapokotxi Samaria auakani auiniãtaã. ⁵³ Txamari kãkiti iuaãtaã ! inirekarina Xesosi apakapinina, kotxi iua nirekari Xerosareẽmoni isini. Samaria auakani omanatana Xerosareẽ auakani. ⁵⁴ Txiako, Xoão pakini kenakopiretari ikara ene. Iuasaaki ipimaãrina Xesosi:

—Apiananiri, pinirekatarĩ aamanainiri Teoso xamina iaxitikiri iokanatinĩ ninoamoni ixipokinirina ikapani?

⁵⁵ Txamari Xesosi pinitana, isãkirena maerekani xika.

⁵⁶ —Nota, h̄itari iaxitikiri kona k̄akiti nixipokini ikapanini napoka uai. K̄akiti maerekani nimakatzakini ikapanira uaimoni nina —Xesosi txari Txiaako, Xōo pakini.

Eereka ninoa sari apikoxiti apanakini k̄akiti auiniãtaãmoni.

K̄akiti Xesosi Imoianatinina Nireẽkani
(Mateo 8.18-22)

⁵⁷ Xesosi imoianariakorikata saãpotakasaaki kimaporiã, kiki txari Xesosi:

—Apiananiri, pite sinimoni nota apaka sako.

⁵⁸ Ininiã Xesosi:

—Karikori aripa auini. Kakoari kotipiriki auini, txamari nota h̄itari iaxitikiri nimakiniãtaã ! auari. Pimoianatiniãno, ikara atoko pimisiritiko pinireka atxii? —itxa Xesosi.

⁵⁹ Xesosi txari ãti kiki:

—Notakata pisako.

Txamari iua kiki:

—Koerekareri, merepanika ninirekari niãtapiniri niri ipinini —itxa.

⁶⁰ Ininiã Xesosi:

—Ikara piparika pauiritari ãti kamini. Piparika apiari uatxa aua. Pite sari k̄akitimoni. Pisãpiretanako Teoso auãttxi ininiãua —itxa Xesosi iuamoni.

⁶¹ ãti kikipekana txari Xesosi:

—Koerekareri, nota pimoianari nitxamauako. Mitxi pauiritano nikanapiriini nauinimoni. Nitakapiretanapana ninirimane —itxari.

⁶² Ininiã Xesosi:

—Teoso kimaporeẽ potoriãkari nirekiniãri mitxi ikamakiti iuaãkana ikamini, !apakata iparikauatini aãuãte Teoso ikapani —itxa Xesosi.

10

Xesosi Iokanatana Setẽta Pakini K̄akiti

¹ Ikara inaãka atoko Apiananiri mereẽna setẽta pakini k̄akiti. Iokanatana ipi, iuaãkana ipi, iuaãkana ipi, itxaãpotana iokanatinina. Iokanatana iua sini apisapanika ikini aapokotxiti-moni. Ninoa iikiika. Apokana Xesosi apisa. ² Xesosi txana ninoa:

—Kaiãori k̄akiti iposope auikiniri nisãkire, txamari limarotarina nisãkire, kotxi likenakotapanirina. Ninoa kikiõ erekari atoko itxana. Imakinika iposope iuaã. Txamari, poiãoka parikauatankani aua nisãkire isãpiretinina ikapani. Ininiãkara himisãkiretariko Apiananiri kakikioteri iokanatinina parikauatankani iua sãkire auiaãkani apotiitinina ikapani. ³ H̄isa. Soti auãte anaakori ãkitimoni iokanatiko atoko, niokanatai h̄ite k̄akitimoni, kotxi pamonõkonina ninoa. ⁴ Txineiro !hanikape. Tiitxi !hanikape. ãti h̄ikiti mata !hanikape. Kimaporiãpoã k̄akiti akiritakasaakii, !h̄iotokaãpotape k̄akitikata h̄isãkirauatini ikapani. H̄isãpitiporiko niokanatinimoni. ⁵ K̄akiti aapoko h̄ãpokasaaki, merepitipanika h̄itxariko: “Namanaãri Teoso, ikamaerekaxiniretinina k̄akiti uai auakani,” h̄itxako. ⁶ Kaapokori nirekiniãri Teoso ikara atoko inakari ikaminana ninoa, Teoso kamapitikari hamanaãkiti. Kaapokori manirekakaniãri, h̄isãpiretana Teoso kona kamaerekaxiniretana ninoa. ⁷ Kaapokori apakapiniãri h̄ite, h̄ikaikotako iua aapokonoka. ãti aapoko, eereka ãti aapoko kona h̄itxaãpotape iua sitatxiti h̄ãuakasaaki. Iuaã ninoa sikakiti hinikini ikapani, hiãtini ikapani h̄ãpakapariko. !H̄ipẽtauatape h̄ãpakapiniri, kotxi h̄ite nota ikapani parikauatankani h̄itxaua. Apakatapitika h̄ãpakapiniri h̄iparika iki.

⁸ —Aapokotxiãtaã h̄ãpokasaaki h̄ãpakapikoã, iuaã h̄isikiko hinikako, hiãta h̄itxaãpotako. ! H̄ixinikapiri ninoa sikakiti mapitxiri ininiua. Hinikariko. ⁹ Erekapeka h̄itxikitakanako amianatakani iuaã auakani. H̄isãpiretana ninoa, kaimapekari Teoso ninoa auãte ininiua tãkane. ¹⁰ Aapokotxiãtaã himapakapakoniã, h̄isa k̄akiti napaãporetxiã. H̄isãpiretana k̄akiti iuaã auakani: ¹¹ “H̄ãuiniãkiri pani akitiãkiri akaxipoka, kotxi !erekari uai, kotxi maerekati h̄ikama ate himapakapakaniã. H̄ixinikariko, ate apoka uai Teoso auãttxi ininiãua asãpiretinii ikapani, txamari !hinirekari.” Ikara atoko h̄itxa sãkiretako ninoamoni. ¹² K̄akiti misiritiko õtisaaki Teoso misiritanako k̄akiti Sotoma sitatxiti auakani ninoa maerekani xika, txamari Teoso apia misiritanako iua aapokotxiti auakani h̄ite mapapakapani, kotxi h̄ite sãpiretana Teoso sãkire, iuaritika !aukarina. Kitxakapirika Teoso sãkire sãpiretakani !isana Sotoma sitatxitimoni —itxa Xesosi.

K̄akiti Sitatxi Auakani Maerekati Matakanapakani
(Mateo 11.20-24)

¹³ —H̄ite Korasiã sitatxiti auakani inipitika atatsitariko misirikaretxi. H̄itepekana Petsãita sitatxiti auakani apaka atatsitariko misirikaretxi, kotxi nota kamapekari posotiiretxi

híte sauki, txamari ! hítakanapari himaerekani. Ikara posotiiiretxi Sitoõ sitatxiti, Txiro sitatxiti pakini auaãkamako, kãkiti iuaã auakani uatxakapokoikamani itakanapamarinako maerekati ikamakitina. Ninoa sako mata ieretakamanako, atapani iitoãna itakamanako, imaerekanina itakanapinina oerekinina. ¹⁴ Kãkiti misiritiko õti apokasaaki, Teoso misiritariko Txiro sitatxiti auakani, Sitoõ sitatxiti auakani pakini, txamari iua apia misiritaiko híte Petsáita sitatxiti auakani, híte Korasiõ sitatxiti auakani apaka. ¹⁵ Hítepekana Kapanaoõ sitatxiti auakani apiarini hinireka hininiãua, txamari maerekani misiritikoãtaã iuamoni-rako hõkapeẽkako —itxa Xesosi.

¹⁶ Xesosi misãkiretana imoianariakori:

—Híte sãkire kenakotakani kenakotari nota sãkire apaka. Híte mapakapakani !apakapano nota apaka. Nota mapakapakani !apakapari nota uaimoni iokanatakari apaka —itxana imoianariakori.

Setëta Pakini Kãkiti Kanapiriini

¹⁷ Ninoa setëta pakini kãkiti kanapiriã. Poxokonoka itxakatana.

—Apiananiri, maerekani matamatakoni apaka kïpitari asãkire, pite uãkaã aiokanatakasaakina —itxarina Xesosi.

¹⁸ Ininiã Xesosi:

—Ari, nitikapekari Teoso patimari iokanatiniri Satanasi, okaratxirari patimari imëkokini atoko itxa. ¹⁹ Hikenakota. Nota sikaposotiiiretai híte imini, kaxipiro pakini hïkatxaratini. Kona ioãkai híte. Amokaiakari Satanasi pataparari, iuaritika hïposota hïokanatiniri iua, kotxi nota sikataparatai híte. !Auari híte karotakani. ²⁰ Hïpoxokoniuata, kotxi maerekani matamatakoni kamari hïpaniãtakiti. Apia hïpoxokoniuatako, kotxi hïuãka Teoso tixine aãtsopateẽ iõkatsopapeẽkaika iuaã hïsini ïkapani —Xesosi txana ninoa.

Xesosi Iri

(Mateo 11.25-27; 13.16-17)

²¹ Iuasaaki Erekarì Matamatakoti kamapoxokonitari Xesosi, ininiã Xesosi misãkiretari Teoso:

—Niri, pitixine auakani auíte pitxaua. Uai ikini itixiti auakani auíte apaka pitxaua. Peerekai pite, kotxi kimarorerini, iulkakanuia kona poereka pimarore. Poiãorini, miulkakanuia poereka pimarore. Ari niri, ikara atoko pinireka. Ikara atoko papokaerekata —itxari iri.

²² Eereka imisãkiretari kãkiti:

—Niri sikapekano ikinika. Kãkiti !imarotano nota Teoso ãkiri nininiua. Nirinokara atão imarotano nota. Apaka kãkiti na atão imarotari niri. Notanokara imarotari niri, kotxi iua ãkiri nitxaua. Kãkiti nirekiniãri imarotiniri niri, nota oerekari niri iuamoni —itxa Xesosi.

²³ Eereka Xesosi aua imoianariakorikata. Ninoanani aua iuakata. Imisãkiretana:

—Teoso sikari erekari hïtemoni, kotxi híte atamatari nota kamakiti, híte kenakotari nota sãpiretakiti. ²⁴ Nota sãpiretai híte. Kitxakapirika Teoso sãkire sãpiretakani, auítetxiakori pakini kinirão atamataka txari híte atamatakiti, txamari ninoa !atamatari. Ninoa nirekari híte kenakotakiti ikenakotinina, txamari likenakotarina —Xesosi txari imoianariakori.

Kiki Karotakori Tìretakari

²⁵ Kiki Moisesi sãkire oerekakari apoka Xesosimoni. Inirekamari Xesosi kerokiniri isãkire.

—Koerekareri, kiripa nikama Teosokata ãtipirika nauini ïkapani? —itxa.

²⁶ Ininiã Xesosi:

—Kiripa patatsopata Teoso aãtsopateẽ? Pisãpiretano Teoso paniãtakiti —itxari.

²⁷ Ininiã iua kiki apakapapireta:

—Teoso paniãtaua: “Pitiretariko Apiananiri piTeosone, ikinipoko pinireẽkitiã, ikini pãkixinireẽ, ikini pitaparaxinireẽ, ikinipoko pixinikakitiã pakini.” Apaka Teoso paniãtaua: “Piteka pitiretiniãua atokotxikana, pitiretariko ãti,” itxa.

²⁸ —Atãopitikara papakapapiretano. Ikara pikaminiã, pauapika ãtipirika Teosokata —itxa Xesosi.

²⁹ Txamari iua kiki !inirekari ikara atoko inakari ikamini, ininiã iua pimaãri Xesosi:

—Kiripa ãti nitiretini ïkapani?

³⁰ Xesosi apakapapiretari, ia sãpirenatxi atão inakari oerekiko isãpiretini:

—Kiki potorika Xerosareẽ. Inirekari Xerikoo sitatxitimoni isini. Ipixinipokoriti kiitiririni maïkari iua. Iitirikarina imãka, itii pakini, noropata, karota, itxarina. Mauãkixiniretinoka itakanaparina iua kiki. ³¹ Iuasaaki sasetotxi iãpota iua kimaporiti. Iua atamatari iua kiki karotakori, txamari !imaãkatari. Iopiriãri, napa, ïkorape itxa. ³² Eereka kiki Arevii apika mekaniri, sasetotxiakori moianatakari apoka. Iua apaka atamatari iua kiki karotakori,

txamari iua sasetotxi atokokana !imaākatar. Iopiriāri, napa, ikorape itxa. ³³ Eereka kiki Samaria tōpakiri iāpota iua kimaporiti. Iua apoka iuaā. Atamatarī iua kiki maīkapekōri, ininiā iua amonīkari. ³⁴ Iuamoni isa. Arokari ikaro ipiniā. Ipitari ikaro iitxiā. Mākatxi mataā iapirika itxari ikaro. Eereka ōkitika itxari, ipira poho nopini taka itxari. Anikari kākiti imakiniātaā aikotimoni. Iuaā imoiaāri. ³⁵ Katimatinīkata isikari txineiro kaapokorimoni. Ipi ota pirata kamakori isika. “Nisipekako. Pite moiaāriko ia kiki. Apikomonipanaka txineiro pinirekiniā ikiena ikapani, nikanapiriākasaaki nīkitxitai,” itxa Samariakiri, —itxa Xesosi Moisesi sākire oerekakarimoni.

³⁶ Xesosi pimaāri iua:

—Ipi āti kikiakori iāpota iua kimapori. Ikiripa iua kiki kiitiririni maīkakiti tiretakari? — itxa.

³⁷ Ininiā iua Moisesi sākire oerekakari:

—Ari, Samariakirinokara tiretari iua —itxa.

Ininiā Xesosi:

—Pisipe. Samariakiri kamakiti atoko inakari pikamako, kotxi iua tiretari āti.

Xesosi Motikaētaro Mata, Maria Pakini

³⁸ Xesosi imoianariakorikata sipeka. Apokana aapokotxiātaā. Iuaā sito Mata inakoro apakapana oaāpoko. ³⁹ Oitaro Maria inakoro topāka Apiananiri takote isākire okenakotini ikapani. ⁴⁰ Mata maerekaxiniretonoka otxa oparīka ito inini xika. Ininiā osari Xesosimoni.

—Apiananiri, nitaro topākanāta ereē. Notanani parīkauanāta. Pitemoni erekari atxiiti? Pipaniātaro notakata nipokori okamini —otxa.

⁴¹ Ininiā Xesosi:

—Mata, Mata, maerekaxiniretonokai pitxa, kotxi piparīka ito inini xika. ⁴² Ātinoka pikamini tīkane ninireka. Maria mereēri ikara. Omereēri nota sākire okenakotini. Oa mereēkiti apiaerekata, ininiā !niotokakaro oa nisākire okenakotini —itxa Xesosi.

11

Teoso Misākiretiko Pirena

(Mateo 6.5-15; 7.7-11)

¹ Āti ōti Xesosi misākiretari Teoso. Ixipoka atoko ātika imoianari txari:

—Apiananiri, Xoāo oerekari imoianariakori Teoso imisākiretinina. Iua atokokana poerekaua ate Teoso amisākiretini. Natokopa itxa Teoso amisākiretini?

² Xesosi apakapapireta:

—Teoso himisākiretakasaaki, ia atoko hītxako:

“Airi, iaxiti auakari, ate nirekari piuāka paxitiko. Anirekari ikini itixiti auakani auētetini pite. Pite tixine pinireēkiti kamiko atokokana, anirekari pinireēkiti kamiko ikorapokoriti.

³ Nipokori ikiniōtika pisikauako.

⁴ Pimaxinīkaretariko maerekati akamakiti. Maerekati atemoni kamakori amaxinīkaretini atokokana, pimaxinīkaretariko. Kona panikapeua aātaerekatikomoni. Pisikakauako ate, maerekati sauaki aūakasaaki.”

Ikara atoko hītxako Teoso himisākiretini —itxa Xesosi.

⁵ Eereka Xesosi oerekana imoianariakori:

—Atxiiti apanīkanōka pisa pimoianari aapokomoni nipokori pamanaini ikapani. Ininiā pakiritari iua: “Nimoianari, ipi āti pakini komiri pisikano. ⁶ Naōkimanere iāpotakari uatxaika apoka naapoko. Natxinoka itxape. Nipokori !uari nisikini,” atxiiti pitxari iua.

⁷ —Atxiiti pimoianari iroko āki apakapapiretai: “!Pakirinātapeno. Naapoko tore katoreri. Nota, namariteni apaka imakanātape. !Niposota nōkitikiniua, nipokori nisikini.”

⁸ —Pimoianari itxaua iua, iuaritika atxiiti !inirekari ōkitikiniua. Iuaīkana, iuaīkana pakiritiniāri pimoianari, iua ōkitikapitika. Ikinī nipokoriti pinirekakiti isikaiko, iuaīkana imakini ikapani. Iua pimoianari na atoko itxa Teoso. ⁹ Ininiākara pamanaārīko pinirekakiti, ininiā Teoso sikapitūka. Pinitariko pinirekakiti, ininiā papokapitikari. Pakiritariko Teoso, ininiā iua apakapapiretai. ¹⁰ Amanarauatakari apakapapitikari amanaākiti. Nitarauatakari apokapitikari initakiti. Teoso akiritakari apakapapiretaākapitika.

¹¹ —Hīte irītxiakori, hamariteni amanainiāi komiri, kaikani hīsikatana hamariteni? Ximaki amanainiāna, iminikani hīsikatana hamariteni? ¹² Patari naki amanainiāna, kaxipirokani hīsikatana hamariteni? Konapitini. ¹³ Hīte maerekati kamakani hītxaua, iuaritika himarotari erekari hamaritenimoni hīsikini, ininiā hīri iaxiti auakari, erekarinani kamakari, iua sikapitikariko Erekari Matamatakoti hītemoni hamainiāri iua —itxa Xesosi.

*Maerekani Matamatakoni Omitikiko**(Mateo 12.22-32; Marko 3.20-30)*

¹⁴ Āti ōti Xesosi omitikari maerekati matamatakoti masākireti. Iua maerekati matamatakoti sipeka atoko, iua kiki mitxi maerekati matamatakoti auaitotakiti posotari iuaikana isākirauatini. Kākiti Xesosi kamakiti itikakani tsorīkaānāta. ¹⁵ Ātikaka nīnoa txari:

—Satanasi, maerekani matamatakoni auīte, iuakara sikataparatarari Xesosi maerekani matamatakoni omitikini.

¹⁶ Apanakinipekana nirekari Xesosi kerokiniri, ininiā itxarina Xesosi:

—Takaōtxikari, Teoso posotiire poerekaua ate, aātamatiniri ikapani, Teoso iokanatinii ikorapokoriti aimarotini ikapani —itxarina.

¹⁷ Xesosi imarotari nīnoa xinikanātakiti, ininiā iua txana:

—Kākiti tixine auakani, nīnoakakarika inaiatakakiniāuana, !apakata. Ixipokakakauana. Iua atokokana kākiti aapokōā auakani inaiatakakiniāuana, nīnoakakarika ixipokakakauana. ¹⁸ Iua atokokana Satanasi nitiriakori, nīnoakakarika inaiatakakiniāuana, Satanasi tapara xipokako. Ikara atoko ininiā, kona atāo hīte sākire, nota iokanatinina Satanasi nitiriakori, maerekani matamatakoni, Satanasi taparaā.

Ikara hīsākire kona atāoni. ¹⁹ Hīte sāpiretano, maerekani matamatakoni Satanasi taparaā nomitika, ininiākara kitaparaāpa hīte moianariakori omitikana maerekani matamatakoni? Nīnoa omitikana maerekani matamatakoni Teoso taparaā, ininiā nīnoakara oerekari ! atāo hīsākire nota pirena. ²⁰ Teoso posotiireē nomitikari maerekani matamatakoni. Ikara atoko ininiā, Teoso oerekai iua apokapeka hītemoni hīauīte inini ikapani.

²¹ —Kiki pataparari ikeeko iposope inakari moiainiāri aapoko, kona kiītirikikori itii.

²² Txamari āti kiki apiataparata inaiatinīari, iriākata, ininiā anikapitikari kaapokori ikeeko. Mitxi iua kaapokori sākire: “Nīkeeko auiniā, kona kamakaxakikori nitii,” itxama, iuaritika kiki apiataparatarari itiriakari itii. Eereka imoianariakorimoni ixanakari tiitxi.

²³ —Notakata maparīkauatanki omanatano nota. Imamoiatankaniāno, inirekari nīparīka ixipokini —itxa Xesosi.

*Maerekati Matamatakoti Kanapiriini Pirena**(Mateo 12.43-45)*

²⁴ Iuaikana Xesosi sāpirenauata:

—Maerekati matamatakoti omitikikosaaki, kākiti itakanapakasaaki, isaāpota āparaā makipakaniātaā auiniātaā initini ikapani. Imapokakaniāri, “Iuaikana nikanapiriāko mitxi nauinimoni,” itxa. ²⁵ Iuaā apoka. Iua aapoko mitxi inakari iusaaki peereri. Oere-tapeēkaika. ²⁶ Ininiā apana apikomoni setxi pakini maerekani matamatakoni, apia maerekanitakani. Nīnoa ikīnikana īroaitotari iua kiki. Iua ītoā aua itxana. Iuasaaki oitope maerekani matamatakoni misiritari iua kiki, ininiā apiata itsii inikoriā. Mitxiipe ātinoka maerekati matamatakoti paniātari iua maerekati ikamini. Eereka oito paniātari iua —itxa Xesosi.

²⁷ Xesosi sākirauatata atoko, sito iuaā kākiti sauaki auakaro txari Xesosi:

—Pite auākītakakaro, pite axitakakaro, poxokoniuata, kotxi Teoso sikari erekari oamoni —otxa.

²⁸ Xesosi apakapapiretaro a:

—Ari, inipitikara. Iuaritika Teoso sākire kenakotakani, isākire auīākani, apia poxokoniu-atoko, kotxi Teoso sikari apikomoni erekari nīnoamoni —itxa Xesosi.

*Xonasi Pirena**(Mateo 12.38-42; 16.1-4; Marko 8.11-13)*

²⁹ Kaiāopokori kākiti apokaāpota Xesosi takote. Iuasaaki Xesosi txari:

—Kākiti uatxarini ! erekana. Hīte nirekari noerekini Teoso takaōtxikare, iposotiire. Konapitini. Kona noerekai hīte. Kitxakapirīka Teoso sākire sāpiretakari Xonasi inakori auakasaaki, Teoso kamari posotiretxi. Ikara atoko inakari posotiiretxi Xonasi auakasaaki, iuaikana ikamapanikariko. Iua posotiiretxi Teoso takaōtxikare itxapanikaua hīte ikapani. Iua takaōtxikarinoka Teoso takaōtxikare hīte ikapani. ³⁰ Kitxakapirīka Nīnivi sitatxiti auakani imarotari Teoso iokanatiniri Xonasi nīnoamoni. Iua atokokana kākiti uatxa auakani imarotari Teoso iokanatinino nota kākiti itari iaxitiki nīnoamoni.

³¹ —Kitxakapirīka sito Sapa auakani auīte sari ōtakoxiti auītetxi Saromāo inakorimoni imarore okenakotini ikapani. Kākiti misiritiko ōti apokasaaki, oa sito txitanako kākiti uatxa auakani, kotxi uatxa uai aua Apiatakari. Iua Saromāo auītetxi itxaua, iuaritika uatxa uai aua auītetxiakori auīte. Txamari kākiti uatxa auakani inirekari ikenakotinirina nota sākire.

³² —Käkiti misiritiko òti apokasaaki, kākiti Nínivi sitatxiti auakani txitaiko hīte İkorasaaki auakani, kotxi ninoa kenakotari Xonasi sākire. İuasaaki itakanaparina maerekati ikamak-itina. Uatxa uai aua Apiatakari. Xonasi poiãoka. Hīte kenakotapekari nota sākire, txamari himaerekani !hítakanapa —itxa Xesosi.

Tirikapi İtotxiãkiri Pirena
(Mateo 6.22-23)

³³ İuaıkana Xesosi sãpirenauata:

—Käkiti ipotokakasaakiri tirikapi, itano itaka ikinimane İroãkani atamarauatini İkapani. İkipatari tirikapi. !İomaãtari tirikapi kopiti äki. ³⁴ Poki tirikapi atoko itxa piıto İkapani. Poki ereka inakasaaki ipinikare aua pãkixinireë. Poki maerekanisaaki, pãkixinireë mapiãriko. ³⁵ Erepaniko. Atxiıti piuãkatari ipinikare pãkixinireë auini, txamari atxiıti ipiãnoka auari pãkixinireë. ³⁶ İpinikarenoka pãkixinireë auiniã, ipiã na xatiki auinii, tirikapi iopinikini atoko itxa —itxa Xesosi.

Pariseoakori Maerekani
(Mateo 23.1-36; Marko 12.37-40)

³⁷ Xesosi sãkirauataka atoko pariseo aiatarı Xesosi:

—Manipokota naapoko —itxari.

İniniã Xesosi sari İuakata. Apokaãka atoko, iitopãka inipokotini İkapani. ³⁸ İua pariseo tsořıkaãnãta Xesosi marokauakotakaniãua inipokotini apisa, kotxi İuasaaki Xesosi !İkamari Xoteo kiomanëakorini oerekakiti İaõka. ³⁹ İniniã Xesosi:

—Hīte pariseoakori arokari hīito, txamari hãkixinire patxikopiıri, kotxi maerekatınoka hıkama. Kapotxinaniri hıtxa. İãkoanaxi inopinınoka arokiko atoko hıtxa. Pirato inopinınoka arokiko atoko hıtxa. ⁴⁰ !Kĩkitei hīte. Teoso hīito kamakari kamari hãkixinire apaka. ⁴¹ İãkoanaxi äki auakari İariã hısikako matxineirotenimoni. Hıpratone äki auakari nipokori hısikako matxineirotenimoni. Hıtiretariko apanakini. İkara atoko hıkaminiã, Teoso atamatari hãkixinire ereka İnini.

⁴² —Hīte pariseoakori misiritaãkako. Hīte sikari ipixini hıtakare kikio auakari Teosomoni Moisesi paniãtakiti İaõka. Apikomoni hıkama, kotxi ipixini takari kanaua äki hıtakakiti apaka hısika Teosomoni, oteraã, seporıa hısika. Erekapitikamari hīte sikakiti Teosomoni, txamari himisiriñetari kākiti. Teoso !hıireta. Erekarı ipixini hıiti hısikiniri Teoso. İuakatikana erekari atão hıkamari kākiti. Erekarı atão hıiretiniri Teoso.

⁴³ —Hīte pariseoakori misiritaãkako. Hīte potxitari hıitopãkine kākiti apisatoõ, aiko äki Xoteo apotiıtiniãtaãua kākiti atamatini İkapanınoka. Nipokori sikaretikoãtaã hãuakasaaki, hīte apokaerekatarı kãkitipokoni paxitini hīte koerekareri hıniniãua.

⁴⁴ —Hīte pariseoakori misiritaãkako. Akauari matakaõtxiãkoti atoko hıtxa. İua nopini kākiti napa İmimarotoniã, kotxi hıito peerekari, txamari hãkixinire İerekari. Akauari äki arakakari atoko itxa hãkixinire —itxa Xesosi.

Moisesi Paniãtakiti Oereëkani Maerekani

⁴⁵ İkara sãkiretxiti kiki Moisesi paniãtakiti oereëkari kenakotakasaaki, omanãkarauata. İtxari Xesosi:

—Koerekareri, İkara atoko pisãkirauatiniã, ate apaka “maerekati kamakani” pitxataua ate —itxari.

⁴⁶ İniniã Xesosi:

—Hīte Moisesi paniãtakiti oereëkanii hıtekanerako misiritaãkako. Hīte paniãtari kākiti hıteka paniãtakiti İkaminiãna. Ninoa !İposotari İkinika hıpaniãtakiti İkaminiãna. İminani ninoa porikiã hıtakini atoko hıkamanãta hīte. !İposotarına anikinirına. Hīte apaka !hıkamari hıteka paniãtakiti. ⁴⁷ Hīte misiritaãkako. Hīte kamari takaõtxikari peereri Teoso sākire sãpiretakanini İkatikoãtaã hıtakini. Txamari hīte atokiriakorinikara okapena ninoa Teoso sākire sãpiretakanini. ⁴⁸ İuaritika hīte sãpiretari İkinimane hãpokaerekatiniri hīte atokiriakorini kamakiti. Txamari ninoara okana Teoso sākire sãpiretakanini. Hıtera takari takaõtxikari peereri ninoa Teoso sākire sãpiretakanini akauariãtaã, İniniã kākiti uãkatari hıpaxitinina ninoani, txamari !hıkamari ninoani paniãtakiti.

⁴⁹ —Paimatireri Teoso, kotxi mitxipe İmarotari ninoa kamakiti tıkane. Mitxipe İua txari: “Nota İokanatanako nisākire sãpiretakani, niokanapirena aniãkani pakini ninoamoni, txamari ninoa okapanikana apanakini. İmisiritapanikana apanakini,” itxa Teoso. ⁵⁰ Kākiti uatxa auakani misiritaãkako, Teoso sākire sãpiretakanini okiko xika. Teoso itixi İkamakasaakipeka İpotorika Teoso sākire sãpiretakani okiko. ⁵¹ Merepitipanika Apeo İnakori okapeëka. Eereka apanakini okaãpotapeëka. İmapotõkire okakori Sakaria İnakori. Teosomoni sikakori takikoãtaã takote, Teoso Auini Pakitaãtaã takote apaka, İuaã okapeëka

Sakaria. Inipitikara nota sãpiretai h̄ite, uatxa auakani misiritaãkako ninoa Teoso sãkire sãpiretakani okiko xika.

⁵²—H̄ite Moisesi paniãtakiti oereẽkani misiritaãkako. H̄ite kipatari atão inakari Teoso iokanapirena. H̄ite apaka !auikari ikara. !H̄ãuiritari apanakini auikiniiri —itxa Xesosi.

⁵³ Ikara Xesosi sãkire xika, Moisesi paniãtakiti oereẽkani, pariseoakori pakini tsoata, Xesosi omanatinina. Åtipirika ipimaãnãtapikarina Xesosi. ⁵⁴ Inirekarina Xesosi kerokiniri isãkire, imaikiko ikapani.

12

Kipatakor! Auari

(Mateo 10.26-27)

¹ Kãkitipokoni apotiitaua kinapokopeka, ininiã ikatxarakititakakauana. Iuasaaki Xesosi merepanika õtãkikana imoianariakori:

—Erepaniko pariseoakori sãkire. Pamonõkoniri isãkirena, kotxi ! ikamarina isãkirena iaõka. Ikara imaerekanina kipataua pão tireẽkari pani koketakori atoko itxaua. Eereka imarotaãka imaerekani. ² Ikinika seretakori oerekaãkako. Ikinika kipatakor! imarotaãkako. ³ Ininiã ipiãpokoã pisãpiretakiti, pokamara imarotaãkako. Aapokotxi katoreri åki pimaasakapiretakiti aapokotxi nopini akiritaãkako ikinimane imarotiniri ikapani.

Kipa Apãka?

(Mateo 10.28-31)

⁴—Nimoianariakori nõtãkikapanikai h̄ite. ! H̄ipikapiri h̄ite okakani t̄ikane. H̄iitonanira iposotana okinina. H̄ixinire ! iposotana okinina. ⁵ Nisãpiretai h̄ipãkakiti t̄ikane. Teosora h̄ipãkako. Iuara posotari h̄iito okini, eereka iposotari iokanatinii maerekani misiritikoõtaã. Ari, iuara h̄ipãkako.

⁶—Kiripa ipi ipi åti pakini kotipiriki karone? Poiãonoka txineiro, ota ipinoka. Iuaritika Teoso !imaxinĩkaretari åtika kotipiriki. ⁷ Kipakinipa piãko pikiiã auakari aua? !Pimarotari. Teoso imarotapitikari, kotxi iteene in̄katai, ininiãkara !h̄ipikarauatape. Kotipiriki iki poião, iuaritika Teoso tiretari kotipiriki. Kaiãopokori kotipiriki auiniã, iuaritika h̄ite iki apiata, ininiã Teoso tiretapatikai h̄ite —itxa Xesosi.

Xesosi Nakitiakori

(Mateo 10.32-33; 12.31-32; 10.19-20)

⁸ Xesosi sãpirenauatapanika:

—Apikomoni nisãpiretai. Kãkiti ikinimanemoni: “Xesosi nakiti nitxaua nota,” inakari, iua atokokana nota h̄itari iaxitikiri txako Teoso nitiriakorimoni: “Nota nakitipitikara iua,” nitxako. ⁹ Kãkiti ikinimanemoni: “Xesosi nakiti !nitxaua nota,” inakari, iua atokokana nota h̄itari iaxitikiri txako Teoso nitiriakorimoni: “Kona nota nakitini iua,” nitxako.

¹⁰—Kãkiti misãkirepiretiniãno nota h̄itari iaxitikiri, eereka amanainiãri Teoso ikara imaerekani imaktxakini, ininiã Teoso makatxakapitikari. Kãkiti misãkirepiretiniãri Erekar! Matamatakoti, !kimaktxakikori ikara maerekati ikamakiti.

¹¹—Hanikikosaaki aiko Xoteo apotiitiniãtaãua hãpõitikoã, hanikikosaaki auõtetxiakorimoni hãpõitikoã, mitxi ! h̄ixinikapiri h̄ite apoõtakani hãpakapapiretini. Maerekaxiniretinoka ! h̄itxape. ¹² Iuasaaki ninoa apoõtakaakii, Erekar! Matamatakoti sãpiretaiko h̄ite hãpakapapiretini ikapani —itxa Xesosi sãkire.

Kiki Katxineiroteri M̄ikiteti

¹³ Kiki kãkitipokoni sauaki misãkiretari Xesosi:

—Koerekareri, pipaniãtari nitari sikinino nota ipixini aĩrini tii ipĩkasaaki itakanapakiti —itxa.

¹⁴ Ininiã Xesosi:

—Naõkimanere, kona nota parĩkani pirini tii nixanakini —itxa Xesosi.

¹⁵ Ininiã Xesosi misãkiretana ikinimane:

—Erepaniko. !Erekar! tiitxi iteene pinirekini. Kapotxinani !h̄itxape. Itomaneri tiitxi ! itxikitakai okanani pauini —itxa Xesosi.

¹⁶ Ininiã Xesosi sãpiretari ia sãpirenatxi atão inakari oerekiko:

—Kiki katxineiroteri aua kikiõ mitari. Itakare peerekari, kaiãopokori. ¹⁷ Ixinikaxitita åkixinireẽ: “Nãpa ninĩkatar! nikiena? Nikiena nĩkatikoõtaã xapitikiri. !Apakata itomaneri nikiena ikapani. Kipa nikama? ¹⁸ Ari, nimarotari nĩkamakiti t̄ikane. Nõtikariko nikiena nĩkatikoõtaã. Iuaĩkana nĩkamari åti mitari. Iuaã ikinika nikiena, nitii apaka ninĩkata. ¹⁹ Eereka notaka nitxauako: ‘Peerekano nota. Kaiãopokori nikiena. Kaiãopokori nitii. Apakatapitikako kaiãopokori anokanani ikapani. Ininiã !niparĩkauataika. Ninipokotako, niãtako, nipoxokoniuatako nitxako,’ itxa iua kiki. ²⁰ Txamari Teoso misãkiretari iua:

“Kíikitei pite. Uatxa ia Íkanókati pipinako, ininiã kipa apakapatari ikinipoko pikiena, pittii apaka?” itxa Teoso.

²¹ —Ikara atoko itxa kákiti tiitxinoka xinikakari, Teoso maxinikati —itxa Xesosi ikara sákiiretxiti ixipokini.

Teoso Níkatiniua Ate
(Mateo 6.25-34)

²² Ininiã Xesosi misákiretari imoianariakori:

—Ininiãkara nota sápiretai híte, maerekaxiniretinoka ! hítxape, hiniãkiti nire, mákatxi híeretaákiti nire. ²³ Nipokori, mákatxi pakininoka kona txíkitakari pauini ereka inini. Nipokori, mákatxi pakini poiãoka. ²⁴ Hátamatari kotipiriki. Ninoa !itakarauata. !Amarina ikiena. !Ipotetarina ikiena. Iuaritika Teoso sikakienatana ninoa. Teoso níkatiniãri kotipiriki, iníkatapítikai híte apaka. Híte iki aplata. ²⁵ Kinirepa maerekaxiniretinoka pitxa? Pimaerekaxinirene ! itxíkitakai apikomoni áti oara pauini. ²⁶ Pimaerekaxinirene kona txíkitakai axapítikai apikomoni pauini, ininiã kinirepa maerekaxiniretika pitxa?

²⁷ —Aãui pixinikako. Kona aãui paríkauata. !Ikamari imãka, iuaritika aãui peereri. Kitxakapíríka auítetxi Saromão inakori, iteene katiiri itxaua. Kaiãori imãka ereri, iuaritika apia ereri ikinika aãui. ²⁸ Aãui !okanani aua. Uatxa aua. Katana ikatikata iotikaãka. Iuaritika Teoso níkatari aãui. Ininiã apiata iníkatái híte. Ikamamákatapítikai. Poiãonoka híte aukari Teoso sákire. Ikara xika maerekaxiniretinoka hítxa. ²⁹ Ininiãkara maerekaxiniretinoka ! hítxape. ! Hixinikanãtapiri nipokori mauakanisaaki, iariã mauakanisaaki. ³⁰ Kákiti Teoso sákire mauíãkani ikiniótika maerekaxiniretinoka itxana imãkana ixinikinina xika, inípokore ixinikinina xika. Hiri imarotari himãka hinirekini, hikiena hinirekini. ³¹ Merepítipánika pinirekariko Teoso piauíte ininiãua. Iua nireékiti pikamako, ininiã, himãka, hikiena apaka Teoso sikaiko híte —itxa Xesosi sákire.

Híparíka Íki Níkatiko
(Mateo 6.19-21)

³² —Ininiã híte ninakitiakori !hípíkarauatape, kotxi híri apokaekretari isikini ikinipoko erekari iua auítetxi ininiãtaúakiri. ³³ Ikinika hítii hívëtxitako. Txineiro húsikako matxineirotenimoni. Ikara atoko híkaminiã, híparíka íki auapítika Teoso tixine. Iuaã híparíka íki ! ixipoka. Kíitiriri !itíríkarí. Kííríki !iníkarí. Iuaã hiníkaríko híparíka íki. ³⁴ Erekari híparíka íki Teoso tixine auiniã, ininiãkara iuaã pixinikapika. Iuaã pinirekari pauini —itxa Xesosi.

Nitírtxi Erekarini

³⁵ Xesosi sápirenauatapanika:

—Himerekako, kamãka hítxako. Tirikapi híopotokakako. Iposope hítxako niparíka híkamini íkapani. ³⁶ Nitírtxi ipatrãotena iãtapakani atoko hítxako. Ipatrãotena sari ítanorouatakari kíiniritemoni. Initiriakori iãtapari íkanapiriini. Apokasaaki, akiritakasaaki, pakoteri initiriakori matakakari itore ipatrãotena íroini íkapani. Ninoa nitírtxi atoko hítxako. ³⁷ Patrão apokasaaki initiriakori merekapanika inakasaaki, iãtapanãtakasaakiri iua, ininiãkara erekapítikari. Himarotatari patrão kamakiti? Iua íeretakari imãka íparíkauatini íkapani. Ipaniãtana ninoa topákini. Eereka isikakienatana initiriakori. ³⁸ Erekapítikari ipatrãotena apokasaaki imirekiniãna. Atxiíti apaníkanõka apoka ipatrãotena. Atxiíti imaropíríkata apoka ipatrãotena, iuaritika iposope itxana, ininiã erekapítikari.

³⁹ —Hixinikari ia. Kaapokori imarotaãkamariko kíitiriri apokini, !auiritamariko iua aapoko íroini itii ítiríkini íkapani. ⁴⁰ Hítepekana, híte apaka iposope hítxako, kotxi nota híitari íaxitíkiri kanapiriãko. Iuasaaki, “!Apoka uatxa,” hinakasaaki, iua ótipítika nota kanapiriã uai —itxa Xesosi.

Nitírtxi Erekari, Nitírtxi Maerekati Pakini
(Mateo 24.45-51)

⁴¹ Petro misákiretari Xesosi:

—Apiananiri, ikara sápirenatxi atão inakari oerekiko pisápiretakiti, atenani poerekini íkapanikani? Ikinimane poerekini íkapanikani ikara pisápireta? —itxa Petro Xesosimoni.

⁴² Ininiã Xesosi:

—Nitírtxi kimaroreri ipatrãote paniãtakiti kamakari ia atoko itxako. Iuara apanakini nitírtxi auíte itxaua. Iuara sikakienatana apanakini nitírtxi nipokotiko manapi. ⁴³ Nitírtxi ipatrãote paniãtakiti iaõka kamakari poxokoniuata ipatrãote apokasaaki, kotxi ipatrãote paniãtakiti iaõka ikama. ⁴⁴ Ipatrãote auiritariko iua ikinika itii, aapoko, ikikiote pakini iníkatini.

⁴⁵ —Txamari atxiíti áti patrão nitiri !inirekari ipatrãote paniãtakiti iaõka ikamini, ipatrãote auapokotini xika. Atxiíti inoropatari apanakini ipatrãote nitiriakori, apanakini ipatrãote niteroakoro apaka. Atxiíti inipokota, kapoãro iãta, ipoãta. ⁴⁶ Ipatrãote apoka

initiri mimarotakanisaaki, ininiäkara initiri liposopanika ipatrãote apakapini. Ikara xika ipatrãote misiritari iua. Eereka iokanataru iua Teoso säkire mauiakani misiritikoãtaã.

⁴⁷—Nitiritxi ipatrãote nireëkiti imarotakari makamakaniãri ipatrãote paniãtakiti iposope inini ikapani, ixirokitataãkako aãpitsaã. ⁴⁸ Nitiritxi ipatrãote nireëkiti mimarotakati kaminiãri maerekati, ixirokitataãkako, txamari poiãonoka. Teoso sikari parĩkatxi, imaroretxi pakini kãkitimoni. Kaiãopokori parĩkatxi, kaiãopokori imaroretxi isikiniãi pitemoni, ininiã Teoso nirekari pite iteene parĩkauatini iua ikapani. Apikomoni parĩkatxi, apikomoni imaroretxi isikiniãi pitemoni, ininiã Teoso nirekari pite apiata piparĩkauatini iua ikapani —itxa Xesosi säkire.

Neenamatz Xesosi Säkire Auikiko Xika

(Mateo 10.34-36)

⁴⁹ Xesosi säkirauatapanika:

—Teoso misiritariko kãkiti imaerekani xika. Xamina tirinini atoko itxa kãkiti misiritiko. Ia itixi napoka ikara xamina tirinini nitxĩkitakini ikapani. Ninirekari ikara nparĩka nixipokini. ⁵⁰ Nota atatsiirauatoko. !Erekaxinireno. Ninirekari natatsiirauatokini katima xipokaka inini. ⁵¹ Kona neenamatz niotokakini ikapanini napoka ikorapokoriti. Nota säkire auikiko xika neenamatz auapitikako. ⁵² Aapokotxi äki auakani siko. Atxĩiti ipi äti pakini naiatari ipi, atxĩiti ipi naiatari ipi äti pakini, nota säkire auikiko xika. ⁵³ Irĩtxiakori omanatana ninoã äkiri nota säkire auikiko xika. Ninoã äkiri omanatana iriakori. Inorotxiakoro omanatana ninoã äkero. Ninoã äkero omanatana inoroakoro. Imakirotxiakoro omanatana otiĩroakoro. Otiĩroakoro omanatana oimakiroakoro nota säkire auikiko xika —itxa Xesosi säkire.

Iaxiti Imarotiko

(Mateo 16.1-4)

⁵⁴ Xesosi iuaikana misäkiretari kãkiti:

—Atokatxi ereëkokinimoni ipiãkaãpotakasaaki, “ãparaãnapani,” hĩtxa. Ari, ikipapitikako. ⁵⁵ Itima ikiitãã ikari apokasaaki ikorapokoriti, hĩte: “Kamoĩpani,” hĩtxa. Ari, kapatakapitikariko. ⁵⁶ Kamisirienererini hĩtxaua. Hãtamataru iaxiti, itixi pakini, ininiã himarotapitikari ãparaã, kamoĩ pakini. Kinirepa kona hãtamatano nota? Kinirepa kona hĩkenakotari nisäkire Teoso kamaenetakiti himarotini ikapani? —itxa Xesosi säkire.

Pimisiritiko Mereëkarimoni Pimasikani Ikapani

(Mateo 5.25-26)

⁵⁷ —Kinirepa hĩteka na xinikari atão inakari hĩkamini tũkane? ⁵⁸ Maerekati pikamasaaki, äti nirekari anikini pimisiritiko mereëkarimoni. Iua anikini apisapanika, pisãkirauata iuakata atão pikamini ikapani, ininiã iua !anikaikai pimisiritiko mereëkarimoni. Pimamisäkiretakaniãri, iua anikaiko pimisiritiko mereëkarimoni. Eereka pimisiritiko mereëkari sikaiko sotatomoni. Eereka sotato takai kateia äki. ⁵⁹ Atão nisãporetai, kona posipikari kateia ikinika pimisiritiko mereëkari paniãtakiti pimĩkitxitakanisaaki —itxa Xesosi.

13

Himatakanapananiãri Himaerekani, Hĩpinako

¹ Xesosi säkirauatakasaaki, kãkiti iuaã auakani säporetari iua Karirẽia auakani okiko pirena. Ninoã Teoso misäkiretiko aikotiã auakasaaki, ninoã okari ipirana imaerekanina Teoso makatxakini ikapani. Ininiã iuaasaaki Pirato sotatone apoka iuaã. Iuaasaaki ninoã okana. ² Xesosi imarotari kãkiti äkixinire xiniãkiti. Ininiã ia atoko itxa:

—Hĩte uãkatari ninoã Karirẽia auakani maerekani apiata. Ininiã, “Ikara atoko inapeëkana ninoani,” hĩtxa. ³ Konapitini. Nota säporetai hĩte, himaerekani himatakanapananisaaki, hĩpinako ninoã atokokana hinaãkako —itxa Xesosi.

⁴ Ininiã Xesosi säporetana ninoã apanakini ipinini pirena:

—Xerosareë aua Siroee inakori aapokotxiti. Iua aapokotxi itanori irika. Irikasaaki, tesoitokikiakorini ipĩpe. Hĩte uãkatana iuaã auakani apia maerekani itxauana? ⁵ Konapitini. Hĩtekanera himaerekani himatakanapananisaaki, ninoã atokokanera hĩpina —itxa Xesosi.

Piko Mina Mariti Pirena

⁶ Ininiã Xesosi säporetari äti säpirenatz iuaã inakari oerekiko:

—Aua kiki. Initirikata isari ikikiote atini ikapani. Iuaãtaã aua amãtiiri piko inakori mina. Iuaã apokasaaki, maritoka otxa itakare. ⁷ Ininiã itxari: “Ipikanani ätikanani pakini ninapiima. !Kariro. Ininiã erekari otokiko, kotxi kona oĩruata. Ininiã kona erekari uai okaikotini, kotxi oxipokari takari kiena kipatz äki auakari,” itxari initiri.

⁸ Ininiã inítiri: “Kona pitokapero. Nota oeretariko opatapi. Áti kipatxi erekari patari títakata nitakapatapitaroko. ⁹ Átikarani inakasaakiua karipeka oniniã, ereë oãua. Erekari okaikotini. Omiriuatakanisaaki, iuasaaki erekapekari otokiko,” itxa inítiri —itxa Xesosi.

Tomatiko Ôtisaaki Xesosi Makananitiniro Sito

¹⁰ Tomatiko ôtisaaki Xesosi auari aiko Xoteo apotiitiiniãtaãua. ¹¹ Iuasaaki sito apoka. Tesoito anokananipeka ina amianaretakaro. Ia atoko otxa amianareta. Okomikaãpota, kotxi maerekati matamatakoti amianari kamakari ñroãitotaro. Kona oposota oõkitikaãtotiniãua. ¹² Xesosi atamatakasaakiro, itxaro:

—Sito, erekapitikaiko uatxa —itxaro.

¹³ Ininiã itakari iuako onopini. Iuasaakipeka oõkitikaãtotaua. Ininiã iuasaaki otxa:

—Peerekari Teoso. Erekari imakinika ikamakiti —otxa.

¹⁴ Iuasaakipeka Xoteo apotiitiiniãtaãua aikotiã auakani auite naiataua, kotxi tomatiko ôtisaaki Xesosi makananitaro amianatakaro. Ininiã iua txitari kãkiti:

—Auari seisi pakini õti kãkiti parĩkauatini ñkapani. Ininiã ñkora seisi õti hina iua makananitinii ñkapani. Kona hinape tomatiko õti erekapeka hĩtxikítakiko ñkapani —itxana.

¹⁵ Ininiã Xesosi txari iua:

—Hĩsãkire atxiiti erekari, txamari kona hĩkamari hĩsãkire iaõka. Tomatiko ôtisaaki hĩte turetari hĩpiraakori, kotxi hanikari hĩpiraakori, kema auite iaãmoni ãparaã iãtinina ñkapani.

¹⁶ Oia sito Apraõni apika mekaniro otxaua. Satanasi kamaamianaretaro oa tesoito anokananipeka. Iaõpe. Apakatapitika tomatiko ôtisaaki nitiretiniro oa, nimakananitiniro oa —itxa Xesosi.

¹⁷ Xesosi apakapapiretakasaakina, imokaiakariakori pẽtauata. Iuasaaki apanakini iuaã auakani poxokoniuata, kotxi imarotarina erekari Xesosi kamakiti.

Mostata Pirena

(Mateo 13.31-32; Marko 4.30-32)

¹⁸ Ininiã Xesosi pimaãna:

—Natokopa itxa Teoso auitexi ininiãua? Kiãtokopa itxa axinikiniri? ¹⁹ Teoso auitexi ininiãua mostata iki atoko itxa. Kiki takaro mostata ikikioteë. Oa aneë. Mitape onakasaaki kotipiriki kamari ikoa okatiã. Ikara atoko itxa Teoso auitexi ininiua —itxa Xesosi.

Merepanika poião kãkiti auitetari Teoso. Eereka kaiãopokori kãkiti auitetari iua. Txamari iuasaaki Satanasi apoka ninoamoni kotipiriki apokini atokokana.

Pão Tirekakari Pirena

(Mateo 13.33)

²⁰ Iuaãkana Xesosi pimaãna:

—Natokopa itxa ñkopapokoriti Teoso auitexi ininiãua? ²¹ Ia atokokana itxa: Sito kosekari pão tirekakari pani. Okoketari axapiti pão tirekakari pani kaiãopokori triko panikata, ãparaãkata. Eereka ñkinika ipe tirekaãpota otxa.

Axapitiri Ironakikoãtaã

(Mateo 7.13-14, 21-23)

²² Ikara inaka atoko Xesosi potorika Xerosareë sitatxiti isini ñkapani. Isaãpotakasaaki, isaãpiretari Teoso sãkire. Isaãpiretari áti sitatxitiã, áti aapokotxitiã, áti sitatxitiã, itxaãpota isaãpiretiniri Teoso sãkire kãkitimoni. ²³ Eerekaruanãtakasaaki, kiki pimaãri:

—Niaũte, poiãokani satako Teoso auiniãtaã?

²⁴ Ininiã Xesosi apakapapiretari:

—Teoso tixine ñronakikoãtaã axapitiri. Hinirekariko iuaã hĩroini. Kaiãopokori kãkiti nirekari ñroinina. Txamari, ñ iposotarina. ²⁵ Kaapokori totiniri aapoko tore atoko itxa. Itotakasaakiri, kãkiti iporikiti aritari itore: “Pimataakariko itore ate ñkapani.” Iuasaaki iua kaapokori txako: “Kona nimarotai hĩte,” itxanako ninoamoni. ²⁶ Ininiã ninoa: “Ate nipokota pitekata. Sitatxi ate auiniãtaã pauakasaaki, pitekara oerekaua,” itxanako ninoa. ²⁷ Ininiã iuaãkana itxako ninoamoni: “!Nimarotai hĩte. Namonipa hãua hĩte? Hĩsipiniika. Imakinika hĩkamakiti !erekari.”

²⁸ —Hãtamatakasaakina Apraõ, Isaki, Xakoo, ñkinimane Teoso sãkire sãpiretakani pakini Teoso auitexi ininiãtaãua, iuasaaki hĩtxiapatapitikako. Apanakini ñroãpeka. Txama hĩtenoka kaikotape iporikiti himaerekani xika. ²⁹ Teoso auitexi ininiãtaãua apokako kaiãopokori kãkiti, ñkini itixiti ñkani. Atokatxi pokĩkinimoni ñkani, atokatxi ereëkokinimoni ñkani, atokatxi pokĩkini sanaremoni ñkani, atokatxi pokĩkini kikomoni ñkani pakini apokako Teoso kiiniritimoni. ³⁰ Merepitipanika Xoteoakori kenakotari Teoso sãkire, txamari !imaãkatari. Eereka Xoteo minakanuia kenakotari Teoso sãkire, ininiã auikarina. Ininiã Xoteo minakanuia apokako Teoso auitexi ininiãtaãua Xoteoakori apokini apisa —itxa Xesosi sãkire.

Xesosi Tíretari Xerosareē Auakani
(Mateo 23.37-39)

³¹ Ikarasaakipeka átikaka pariseoakori apoka. Itxarina Xesosi:
—Pisipiniikaua, kotxi Erotxi okaenetai —itxarina.

³² Ininiā Xesosi apakapapiretana:

—Hísa uamoni. Hítxariko iua aripa kamisirienereri: “Nota omitikari maerekati mata-matakoti, apaka amianatakani erekapeka nitxíkitaka. Uatxa, katana pakini niparíkauatako. Ipi áti ótisaaki nixipokariko niparíka íkorapokoriti.” Ikara atoko hítxariko iua. ³³ Ininiā uatxa niparíkauatako. Katana niparíkauatako. Ininiā katana eereka nisa Xerosareēmoni, kotxi átiátaā Teoso sáikire sápiretakani okikoátaā !auari. Xerosareēnanira ninoa ipina. Ininiā nota sako iuaā.

³⁴ —Xerosareē auakanii, Xerosareē auakanii, híte okapekana Teoso sáikire sápiretakani. Kai soroā híkiporonakana ninoa hítemoni Teoso iokanatakani. Kaiáokatani ninirekamari niníkatanii, patari oimiakori omíkita patapi otakini atokokana nitxanakamaiko híte. Txamari !háuritano nota níkatinii. ³⁵ Ikara atoko inakari xika haápoko asikaáakako. Teoso !uaaika hítekata. Nisápiretai. Ia óti hátamatano, eereka lhátamataikano. “Teoso takari erekari uaimoni íkarimoni, Apiananiri posotíireē íkarimoni,” hinakasaaki, iusaakinanirako hátamatanoko nota —itxa Xesosi.

14

Xesosi Erekapeka Txíkitakari Amianatakari

¹ Tomatiko ótisaaki Xesosi sari pariseoakori auítemoni, iuakata inipokotini íkapani. Iuaā auakani mixinitari iua apoítinirina íkapani. ² Iusaakipeka apoka kiki amianatakari. Ikanoke, itapike, imakinika ananaítota. Iua apoka Xesosimoni. ³ Ininiā Xesosi pimaána Moisesini sáikire oerekakani, pariseoakori pakini. Ipimaána:

—Erekari atxiíti tomatiko ótisaaki amianatakari erekapeka nitxíkitakini? —itxa Xesosi.

⁴ Ininiā ninoa tsoríkaáñata. !Apakapapiretarina. Ininiā iusaaki Xesosi erekapeka txíkitakari iua amianatakari.

—Pisipeka paapokomoni —itxa Xesosi.

⁵ Eereka ipimaána pariseoakori:

—Hípira kema auíte, hípira poho apaka aariko áki irikiniā tomatiko ótisaaki, iusaaki himaktxakatarí? Ari, himaktxakapitikari hípira tomatiko ótisaaki. Ininiā kinirepa kona hinirekatari erekari níkamini tomatiko ótisaaki? —itxa Xesosi.

⁶ Txamari kona ninoa apakapapiretari, kotxi atáo Xesosi sáikire.

Kiiniri Kamakari Pirena

⁷ Iusaaki Xesosi itikana kákiti. Apanakini mereēri kákiti apiatakari takote iitopákinii. Ininiā isápiretari ia sápirenatxi atáo inakari oerekiko.

⁸ Kákiti ítaniriuatini kiiniriti pirena isápireta:

—Kiiniriā hísikasaaki, kona himereēpiri kákiti apiatakari topákiniaátaā híitopákinii, kotxi atxiíti eereka kemaítxitakori apiatakari apoka. ⁹ Ininiā iua apiatakari apokasaaki, kakiniriteri txaiko pite: “Íkíraā piitopáka. Ia kiki topáka nota takote.” Iusaaki pipétauata. Ininiā pitakanapari iuaā. Maparapeka apanakinikata topáka pitxa. ¹⁰ Kiiniriā hísikasaaki, apanakinikata híitopáka. Ikara atoko ininiā, kákiiniriteri akiritai: “Nitari uaimoni pina. Piitopáka uai. Uaira erekari.” Ikara atoko pininiā, apanakini iuaā auakani imarotariko pite apiatakari pininiāua. ¹¹ Átikaka kákiti txari: “Nota apiari nitxaua.” Txamari Teoso txariko: “Poiáori itxaua.” Átipekana txari: “Nota poiáori nitxaua.” Txamari Teoso txariko: “Iua apiari itxaua.”

¹² Xesosi txari ikemaítxitakiri:

—Kiiniri pikamakasaaki, kona pikemaítxitapiri pinirimane, pitariakori, paókimaneri, paapoko takote auakani, katxineiroteni pakini, ninoa iuaíkana kemaítxitini pite íkapani. Ininiā ikara atoko ninoa íkitxitai. ¹³ Apiaerekata kiiniri pikamakasaaki, pikemaítxitari kákiti minakati mauakiniti, mokirini, matípokotakati pakini. ¹⁴ Ikara atoko pininiā, Teoso sikari erekari pitemoni, kotxi ninoa liposotari kiiniri ikaminina, iuaritika kákiti erekarini iuaíkana ókitikasaakia, iusaaki Teoso íkitxitaitaiko pite —itxa Xesosi sáikire.

Kiiniri Mitari Pirena
(Mateo 22.1-14)

¹⁵ Ininiā áti Xesosikata nipokotakari kenakotari ikara Xesosi sáikire. Ininiā iua txari:

—Teoso auítetxi ininiátaua sikani nipokotako iuaā. Ininiā iusaaki Teoso sikapoxokoni-tana —itxari.

¹⁶ Ininiā Xesosi apakapapireta. Ia atoko itxa:

—Kiki kiiniri kamakari kemaïtxitari itomaneri kākiti. ¹⁷ Nipokori iposopeka inakasaaki, iokanatarini iniriti ikemaïtxitakinimoni: “Masa kiinirimoni. Iposopekari imakinika nipokori,” itxa.

¹⁸ —Txamari ikemaïtxitakini kamari āti sākiretxi kiinirimoni imasikanina ikapani. Ininiā kemaïtxitakori txari: “Nota amotari itixi. Iua ninireka natini. Ininiā !niposotari nisini kiiniriā,” itxa.

¹⁹ —Ininiā āti: “Nota amotari tesi kema auïte parïkauatakani. Ininiā nota sari ninoamoni. Ninireka nimarotiniri ninoa parïka. Pauiritano nisini ninoamoni,” itxa.

²⁰ —Ātipekana: “Nota itanorouatape. Nitanoro auano nota. Ininiā kona niposota nisini pikiiniritemoni,” itxa.

²¹ —Ininiā iniriti kanapiriā iauïtemoni. Ikinipoko ikemaïtxitakini sākire isāpireta iuamoni. Ininiā iuasaaki iua auïttxi naiataua. Ininiā ipaniātari iniriti: “Sitatxi auakari kimaporitiā pisa. Katima pitxako. Piminana kākiti minakati mauakini, matïpokotakani, mokirini pakini pimina,” itxari. ²² Ininiā katimaritika ikamari ikinika auïttxi paniātakiti. “Nikamapekari ikinika pipaniātakiti, txamari auapanika nipokori. Apakatapanika kākiti nikini ikapani,” itxa.

²³ —Ininiā iuaïkana, iua auïttxi paniātari sitatxi mapara òtako isini. “Iuaā pakiritana kākiti inini, naapoko kākiti xāpokini ikapani. ²⁴ Atāopitikara nitxai: ‘Mïtxi nikemaïtxitakini ! inikapaniri nikiena,’ ” itxa.

Xesosi Moianari Pininiua

(Mateo 10.37-39)

²⁵ Āti òti itomaneri kākiti moianatarini Xesosi. Ininiā ikirioka sāpireta itxana ia sākiretxiti:

²⁶ —Nota kinirāo moianataka hinakasaaki, apiata hïtiretanoko nota. Merepanika hïtiretanoko nota, eereka hïtiretanako hïri, hinoro, hïtaniri, hïtanoro, hïtari, hïtaro, hamarite pakini. Hïteka apaka poiāo hïtiretauako. ²⁷ Nota kinirāo moianataka hinakasaaki, notakata hïsa. Himamïteenekakanisaakiri himisiritiko nota ikapani, ininiā !apakata himoianatinino.

²⁸ —Hïnirekiniāri aapokotxi mitari sitatxi auakari atoko hïkamini, merepanika hïxinikaroko txineiro aapokotxi kamiko karone. Atxiïti !apakata hïtxineirote. Atxiïti apakata. Ikara atoko hïxinika merepanika. ²⁹ Ikara maxinikati merepanika !ixinikari, ininiā atxiïti itakari itsota, ininiā eereka txineiro !auaika, ininiā kona apakata imakinika ikamini. Ininiā apanakini napetari iua. ³⁰ Ininiā ninoa txari: “Hātamariko ikamakiti. Iua kiki potorikamari ìkora aapoko, txamari !iposotari imakinika ikamini.” Ikara atoko itxanako. Ininiā pikamakiti apisapanika iteene hïxinikariko.

³¹ Ininiā eereka Xesosi sāpiretari āti sākiretxi:

—Auïttxi auari tesi mio sotato. Iua nirekari neenamtxi ikamini āti auïttxikata. Txamari āti auïttxi auari vïtxi mio sotato. Iua tesi mio sotato auakiti merepanika xinikari, atxiïti iposota ineenamauatini vïtxi mio sotatokata? Atxiïti auïttxi vïtxi mio sotato auakiti xipokari iua? Ininiā apisapanika ixinikari. ³² Imaposotakaniāri, vïtxi mio sotato òtakapanika auakasaaki, iua auïttxi tesi mio auakiti iokanapireta āti auïttximoni isākirauatini ikapani, neenamtxi xipokini ikapani.

³³ —Erekari iua auïttxi neenamtxi takanapakari atoko hinini. Ininiā merepanika hāxixinireē hïxinikariko: “Nota nirekatari nimoianatiniri Xesosi, kotxi pasāpaniri?” hïtxa. Atāo hïnirekiniāri himoianatinino, ininiā imakinika hïtakanapako notakata hïsinu ikapani. Himanirekakaniāri hïtakanapaniri imakinika, ininiā !apakata himoianatinino. Ininiā hïxinikariko merepanika —itxa Xesosi.

Iōkira Matxoato Pirena

(Mateo 5.13; Marko 9.50)

³⁴ —Iōkira peerekaro. Omatxoaniā, !otxaika. Aua kākiti iōkira potxoaro atoko inakani, ininiā erekapitkana ninoa. Apanakini kākiti iōkira matxoato atoko itxana. !Kakamarena ninoa. ³⁵ Iōkira matxoato ininiā, !apakata takari sikakienatiko ikapani. !Apakata hïkoretiniri kipatxikata, pirātxi tikakata takari sikakienatiko ikapani. Kona erekaro. Maparamoni oōkapeēkaika. Ikara atoko itxa apanakini, kotxi ninoa !kakamarena.

—Kakenakokii hïte, ininiā hïkenakotariko ia nisākire.

15

Soti Auïte Ereëkokakari

(Mateo 18.10-14)

¹ Āti òti auïttxiakori txineirote apakapakani, apanakini maerekati kamakani apaka apotiitaua Xesosi sākire ikenakotinina ikapani. Ninoa kaiïopoko. ² Iuasaaki pariseoakori, kaiïokatsopareriakori pakini misākirepiretari Xesosi. Itxana:

—Iua apakapari maerekani. Maerekanikata inipokota —itxana.

³ Ikara isäkirena xika Xesosi säpiretari ipi, äti pakini säpirenatxi atão inakari oerekiko. ⁴ Ia atoko itxa Xesosi:

—Atxiiti pite aua seī soti auite. Äti pīpinanakiniā, kīpa pikama? Pitakanapari apanakini mapara inipokotiniātaā apanakini nīkatini īkapani. Ininiā eereka pisari pīpinanakakari pinitini īkapani. ⁵ Papokasaakiri iua pīpinanakakari, pipoxokoniua. Piporikiāpotari pipira paapokomoni. ⁶ Papokasaāka atoko pakiritana paōkimaneriakori, apanakini kākiti pakini. Pitxana ninoa: “Hīpoxokoniuatoko notakata, kotxi napokapekari nipira pīpinanakakari,” itxa soti auite pitikiri.

⁷—Nisāpiretai hīte, ätika maerekati kamakari takanapakasaakiri imaerekani, iaxiti Teoso auiniātaā auakani poxokoniuatapitikako. Atxiiti novēta novi kākiti iuikakaniua txari: “Peerekaua ate. !Akamari maerekati,” itxana. Txama kona atão isäkirena. Ninoa sākire kona kamari iaxitikini poxokoniuatini —itxa Xesosi.

Ota Pirata Kamakoro Ereēkokakaro

⁸ Apikomoni Xesosi txari:

—Sito aua tesi ota pirata kamakoro. Pakaronero. Äto ereēkokiniā, ininiā onitakasaakiro oiopotokakari tirikapi. Oiatīkaāpotari oaāpoko ota onitaāpotini īkapani. ⁹ Oa apokasaakiro, apanakini oākiri: “Hīpoxokonaatoko notakata. Napokapekaro ota ereēkokakaro,” otxa.

¹⁰—Kākiti poxokoniua ota pirata kamakoro apokikosaaki. Nisāpiretai, iaxiti Teoso nitiriakori apiapoxokoniua, äti maerekati kamakari imaerekani itakanapakasaaki — itxa Xesosi.

Imi Ereēkokakari Pirena

¹¹ Apikomoni Xesosi txari:

—Aua kiki. Ipi imiakori. ¹² Maneri takari amanaāri iri. Itxari: “Ninirekari pitakana-pakito pipīkasaaki pisikini notamoni uatxa,” itxa. Ininiā iri xanakari inakiti imiakorimoni. ¹³ Eereka mapaōti inaka atoko, iua ātokori apotiitari iri sikakiti. Ininiā eereka isipeka. Ōtakoxiti äti tixini isa. Iuaā maerekati ikama. Iuaā xipoka itxari iri sikiniri.

¹⁴—Ikinika ixipoka iuaā. Iuaasaiki āparaā !kipa. Natxipokoni auari. Nipokori !auari. Ininiā iuaasaiki iua minakati !auari. Imakinika xipope. ¹⁵ Ininiā iuaxiti auakarimoni isa, parīkatxi amanaini īkapani. Ininiā ipatrāote paniātari irariakori isikakienatini. ¹⁶ Irariakori isikakienatakasaaki, natxinoka itxa. Iuaasaiki iua nirekari irariakori kiena inikini, kotxi iua sikakienatakari !auari.

¹⁷—Iuaasaiki iakinikari iri aapoko: “Niri nitiriakori aua nipokori. Nipokori itetakori auapitika. Uai natxinoka txapeno nota. ¹⁸ Nikanapiriāko niri aapokomoni. Nitxariko niri: ‘Maerekati nikamapeka Teosomoni, pitemoni apaka. ¹⁹ Kona pamarite na pitxaikanoko, kotxi !erekano. Pitxikitakano pinitiri nininiua.’ Ikara atoko nitxariko niri,” itxa. ²⁰ Ininiā iua aiamaata, kanapiriā itxa iri aapokomoni. Iuaasaiki iri iāpapanātari iua ikiniōtika.

—Ininiā iua apokaāpotakasaaki, ōtakopanika, iri atapari iua. Ininiā iri miteēkata iuamoni. Ininiā iteene ipoxokoniua. ²¹ Iuaasaiki imi txari iri: “Niri, maerekati nikamapeka Teosomoni, pitemoni apaka. Kona pamarite na pitxaikanoko, kotxi !erekano.”

²²—Iuaasaiki iua akiritari initiriakori: “Katima hītxako, mākatxi ereri himinini. Aneo ereri hītakako iuakokimoni. Ikiti mata hītakako ikitiā. ²³ Kema auite kiiri hōkako. Kiiniri makamako. Manipokota. Mapoxokoniua, ²⁴ kotxi ia namarite ipīkari atokopeka, uatxa iuaikana ikanapiriipeka. Mitxi pīpinanakakari atoko itxa, uatxa apokapeēkaika,” itxa.

—Ininiā iuaasaiki ninoamoni ipoxokoniuatini apopeka.

²⁵ Ninoa kiiniritauatakasaaki, imi aneēkari tokoriā iparīkauanāta. Ikanapiriākasaaki aapokomoni, ikenakotari xikari, serēkatxi ene pakini. ²⁶ Ininiā akiritari iri nitiri: “Kiripa ikara?” itxari. ²⁷ Iri nitiri apakapipireta: “Pitari apoka. Ininiā piri paniātari kema auite okiko, kotxi erekapanikari pitari. Kona monōkari apoka iuamoni. Erekaru ikanapiriini,” itxari.

²⁸—Ininiā ikara ikenakotakasaaki, inaiataua. Kona inirekari iroini kiiniriā. Ininiā iri iuamoni sa itxa. Akiritari: “Pīroā,” itxari. ²⁹ Ininiā iua apakapipiretari: “Itori mitaāti nīparīkauatinapekai. Txama kona nota sipīkapiretari pisäkire. Iuaritika kona pisikano potxi ākiri nimoianariakorikata kiiniri nikamini īkapani. ³⁰ Iua pamarite xipokari pitxineirote. Sitokata isirīka. Txama ikanapiriākasaaki, pokari kema auite. Kiiniri pikama iua īkapani.” Ikara atoko itxitari iri.

³¹—Iri apakapipireta: “Namarite, ätipirika pauapika notakata. Ikinika nota nakiti pite nakiti txaua. ³² Erekapitikari kiiniri nikamini apoxokoniuatini īkapani, kotxi pitari ipīkari atokopeka itxa. Uatxa auapanika. Pīpinanakakari uatxa apokapeka,” itxari.

16

Nitiritxi Kamisirienereri

¹ Xesosi sãpiretana imoianariakori:

—Kiki ito tũtxi aua. Iua nitiri nĩkatari ikinika ipatrãote nakiti. Apanakini sãpiretari iua kiki, inĩtiri iouanatiniri itxineirote. ² Ikara atoko ininiã, iua akiritari inĩtiri: “Nike-nakopiretari pite misirienetinino nota. Ininiã piminari tũtxi piamotiitini tsopa. Ikara pisikasaakino, niokanatai pisini. Kona apikomoni piparĩkauataika nota ikapani,” itxa.

³ —Ininiã inĩtiri ãkixinireẽ: “Kipa nĩkama uatxa, kotxi nipatrãote paĩtiki iokanatanano. ! Kataparano nota, ininiã ! nĩposotari atokatxi patapi niparĩkauatini. Nĩpẽtauata txineiro maxikatũka namanainiri kãkiti. ⁴ Uatxaika nimarotari nĩkamakiti tũkane. Ininiã niparĩka xipokasaaki uai, kãkiti apakapapanikano nota ninoa aapokoã,” itxa.

⁵ —Ininiã akiritana kãkiti ipatrãote maĩkitxitakani. Ininiã ipimaãri ãti: “Kipakinipa ! piĩkitxitapanika nipatrãotemoni?”

⁶ —“Seĩ kopiti iũtxi auakiti kona nũkitxitapanika,” itxari.

—Ininiã iua nitiritxi txari: “Pikosekari pimaĩkitxitakiniti tsopa. Pitakari sĩkoẽta kopitino-ka,” itxari.

⁷ —Ininiã ãti ipatrãote maĩkitxitakari ipimaã: “Kipakinipa kona piĩkitxitapanika nipatrãote?”

—Iua apakapapiretari: “Seĩ atarokiri kotarina,” itxa.

—Itxari iua: “Pimaĩkitxitakiniti tsopa pikoseka. Oitẽta kotarinoka pitaka,” itxa. Ikara atoko ikama ninoa ikapani, ininiã iparĩka itakanapaka atoko, ninoa apakapari iua ninoa aapokoã.

⁸ —Ininiã iua patrãote ikara imarotakasaaki, itisorĩkaãta: “Ari, ninitiri paimatireri. Maerekati ikama, iuaritika ikamakasaakiri, paimatireri iua,” itxa.

—Teoso sãkire mauĩãkani imarotapitikari ixinikinirina parĩkatxi katana ikamakitina. Atxĩiti Teoso sãkire auĩãkani ! imarotari ixinikinirina parĩkatxi katana ikamakitina. ⁹ Nisãpiretai hĩte, ikorapokoriti hãuakasaaki, hĩxinikari ikara nitiritxi. Hĩsikari hĩtĩi, hĩtxineirote pakini Teoso parĩka ikapani, Teoso mimarotakani atão inakari imarotinina ikapani. Eereka atxĩiti Teoso mimarotakani moianatai. Eereka ninoa apaka imarotari aĩri iaxitikiri. Eereka ãti õti haõkitana ninoa iaxiti.

¹⁰ —Axapitiki parĩkatxi atão pikaminiã, ininiã kãkiti auikariko piposotiniri parĩkatxi apiatakari pikamini apaka. Axapitiki piĩtiriuata mitxi, ininiã eereka kaiãori piĩtiriuata. ¹¹ Txineiro uaimonipokoriti auakari himimarotakaniãri hinĩkatini, ininiã kona hĩposotari hinĩkatiniri erekari Teoso sikakiti. ¹² Apanakini tũ pimanĩkatakaniã, ininiã kona kãkiti sikai iũtxi pinakiti inini ikapani.

¹³ —!Apakata kãkiti parĩkauatini ipi iauĩtena ikapani, kotxi atxĩiti ãti omanata, ãti itireta. Atxĩiti ãti apokaerekata, ãti inorita. Iua atokokana kãkiti kona posotari iparĩkauatini tũtxi ikinipoko iamotini ikapani, Teoso ikapani iparĩkauatakasaaki. !Apakata piaũtetiniri Teoso, txineiro piaũtetakasaaki —itxa Xesosi.

Teoso Sãkire Maxipokakani

(*Mateo 11.12-13; 5.31-32; Marko 10.11-12*)

¹⁴ Pariseoakori ikara ikenakotakasaakina, inapetarina Xesosi, kotxi ninoa iteene potxitaro txineiro. ¹⁵ Ininiã Xesosi sãkirauata ninoamoni:

—Hĩte txa apanakinimoni: “Ate !ikeroka. Peerekaua ate,” hĩtxa hĩsãkire. Txama Teoso imarotari hãkixinire. Kãkiti uãkatari erekari hĩkamini, txama Teoso omanatari hĩkamakiti.

¹⁶ —Kitxakapirĩka kãkiti auikari Teoso sãkire Moisesimoni sikakori, Teoso sãkire sãpiretakani sãkire pakini. Xoão kapatxisareri apoka. Iuasaaki Teoso iokanapirena erekari auĩtetxi ininiãua sãpiretaãka. Itomaneri iteene nĩrekari isini Teoso auĩtetxi ininiãtaãua ãroini.

¹⁷ —Teoso sãkire !ixipoka. !ixipoka axapiti. Auapika imakinika isãkire. Itixi, iaxiti pakini xipokapitikako, iuaritika Teoso sãkire !ixipoka.

¹⁸ —Teoso sãkire iõkatakori kitxakapirĩkari auapanika uatxa. Ininiã itanorotxi asikakari ãto itakini ikapani inakari, maerekati ikama. Apaka sito takanapakoro takakari maerekatikanera ikama. Ikara Teoso sãkire auapanika. Kona ixipoka ikara —itxa Xesosi.

Katiiri, Arãsarõ Pakini

¹⁹ Xesosi sãkirauatapanika. Ia atoko itxa:

—Aua kiki katiiri. Peereri imãka. Põkamarari imãka. Apiaerekata imãka. Ikinĩõtika peerekari ikiena. Imakinika iua auakiti peerekari. Iua aapoko ikiniõtika kiinirisaaki auakari atoko itxapika ikiena.

²⁰ —Āti kiki Arásaro inakori. Pamatinaniri. Minakati ! auinari iua. Iua sirīka katiiri aapoko patapi koa. Amianari aua iuamoni. Ininiā ĭto imakinika kakaro. ²¹ Kinirāo nika inakasaaki, ĭxiti okakorinoka inika. Iuaā anāpa amerokari ikaro.

²² —Ikara atoko ininiā, eereka ipīpe. Ininiā eereka Teoso nitiriakori ĭaxitikini anikari iua Teoso auinimoni. Kitxakapirīka Apraāo sari iuaā. Iuaā iua Arásaro aōkitari Apraāo.

—Eereka iua katiiri apaka ipīpe. Ikataāka. Isari maerekani misiritikoātaā. ²³ Iuaā maerekani misiritikoātaā auakasaaki, ōtakoxiti atamatari Apraāo, Arásaro pakini. ²⁴ Ininiā akiritari Apraāo: “Toti Apraāo, piamonīkano. Pipaniātariko Arásaro ĭakiniri iuakoki iāā, tapikaka itxa ninamamoni. Ia xamina sikatsiitapitipono,” itxa.

²⁵ —Apraāo apakapireta: “Pixinikariko kākītikata pauakasaaki, kaiāori pitii aua pite-moni. Arásaro auakasaaki, kona minakati auari iua. Arásaro auakasaaki, amianarinani, natxinani pakini auari. Uatxa iua poxokonuanātakasaaki, pite atatsitari pimisiritiko. ²⁶ Patamata ereē sauna auīte. Kona ate posotari hītemoni asini. Hīte apaka kona posota uaimoni hāpokini,” itxa Apraāo.

²⁷ —Iuaīkana katiiri: “Toti, pikenakotano. Pipaniātariko Arásaro niri aapokomoni isini. ²⁸ Iuaā aua sīko nitariakori maneripanika inakanuiua. Isāpiretanako: ‘Kona erekari uai. Erekari ia misirikaretxi auiniātaā ĭmīkanina. Ininiā uatxa ikamarinako Teoso sākire paniātakiti,’ itxa katiiri.

²⁹ —Ininiā Apraāo: “Ninoamoni auape Teoso sākire, Moisesini sāpiretakiti, apanakini Teoso sākire sāpiretakani sāpiretakiti apaka. Ininiā pitariakori posotari ikenakotinirina ninoā sākire,” itxa Apraāo.

³⁰ —Ininiā katiiri txari: “Toti Apraāo, ikara atokonani ! apakata. Ipīkari kanapiriiniā ninoamoni, iusaakiikarako itakanaparina imaerekanina.”

³¹ —Ininiā Apraāo: “Pitariakori ! auikari Moisesini sākire, apanakini Teoso sākire sāpiretakani sākire pakini. Ipīkari kanapiriiniā ninoamoni, iuaritika ninoā ! auikari Teoso sākire. Ikara atoko ininiā, kona nipaniātari Arásaro isini ninoamoni,” itxa Apraāo.

Ikara atoko itxa Xesosi sāpiretakiti.

17

Maerekati Oerekakari

(Mateo 18.6-7, 21-35; Marko 9.42)

¹ Xesosi txari imoianariakorimoni:

—Aua maerekati oerekakani. Ninoā kākiti kamari maerekati. Ikara atoko inakani apokapitikako. Ninoā xika kākiti kamari maerekati. Maerekati oerekakari misiritikoākapitikako. ² Teoso omanatari kākiti maerekati oerekakani. Kākiti txīkitakinīari amarini nota sākire auīākari maerekati ikamini ! apakata. Erekamariko iua kākiti maerekati oerekakari kai mitariā ĭaxirikanokitaākamako, ipoa apanīkakiā okaākamako ipinini ĭapani.

³ Erepánico. !Pikamapiriko maerekati. Pitari Xesosi sākire auīākari kaminiāri maerekati pitemoni, pōtāikariko, imaerekani itakanapini ĭapani. Itakanapiniāri, !pixinikapinikari ĭkara maerekati ikamakiti. ⁴ Atxīiti āti ōti iua kamari maerekati pitemoni. Eereka iua pitemoni apoka. “!Erekari nikamakiti pitemoni. Pimaxinīkaretariko maerekati nikamakiti. !Nikamaikari,” itxa. Ininiā ĭkora ōti iuaīkana maerekati ikama pitemoni. Iuaīkana amanaāi imaerekani pimaxinīkaretini tīkane. Atxīiti ĭkora ōti setxikata ikara atoko ikama pitemoni,

ininiā pimaxinīkaretariko ĭkinika maerekati ikamakiti —itxa Xesosi.

Xesosi Sākire Auikiko

⁵ Xesosi iokanatakini txari Xesosi:

—Pitxīkitakaua ate apikomoni aūikiniri Teoso sākire —itxana.

⁶ Ininiā Xesosi txana:

—Mostata ĭki axapitiki. Mostata ĭki atokokana nisākire poiāo hāuikiniā, iuaritika hīposotapitikari hīpaniātiniiri ia uasini aamina: “Pikotsakatika pimaporokauako. Ipoamoni pitakauako.” Ininiā ikamapitikariko pisākire iaōka —itxa Xesosi.

Nitiritxi Parīka Pirena

⁷ Xesosi txari:

—Pinitiri tokoriā parīkaauatakari, pipiraakori inīkatakari, apokasaaki paapoko, kona pitxa: “Pinipokota, pitomata.” Kona ikaraatoko pitxa. ⁸ Pitxari: “Auapanika parīkatxi. Nipokori pikaminano. Xipoka atoko pisikakienatano. Piātari nota nipokotini, ininiā eereka pite nipokota.” Ikara atoko pitxa pinitiriakorimoni. ⁹ Pipaniātakitinanira ikama, ininiā kona pitxa: “Erekapitikari piparīka,” kotxi pipaniātakitinani ikama.

¹⁰ —Ininiā iua atokokanera itxa ĭkinipoko Teoso paniātakiti pikamakasaaki. Kona apakata: “Erekapitikano nota,” pinini. Ia atoko atāo pinini: “Nitiritxinani nitxaua. Poiāori nitxaua, kotxi niaūte paniātakitinani nikama.”

Xesosi Makaanitina Paiaka Matatakani

¹¹ Xerosareëmoni Xesosi sikasaaki, inapari Samaria tōpa. Ipinimoni auari Kariréia tōpa.
¹² Āti aapokotxi apokaāpotakasaaki, aōkitana tesi kikiakori amianatakani paiaka matatakani.
¹³ Ikira atoko akiritarina:

—Xesosi, koerekareri, piamonīkaua ate —itxana.

¹⁴ Xesosi atamatakasaakina, ipaniātana ninoa Moisesini paniātakiti iaōka ikaminina, sasetotximoni isinina, iūtona oerekinina ikapani.

—Sasetotximoni hīsako. Hōerekariko hiito iuamoni —itxa Xesosi.

Iuamoni isaāpotakasaakina, ikinipoko ninoa erekapeka itxana. ¹⁵ Ninoa amianatakani erekapeka, txamari ātinani kanapiriā Xesosimoni. Itapararitika akirita:

—Peerekari Teoso —itxa iua paiaka matatakari.

¹⁶ Ininiā ikapotoreēkaua Xesosi apisatoō.

—Notamoni pikamakiti peerekari —itxa.

Samaria tōpakiri iua kiki. ¹⁷ Ininiā Xesosi txari:

—Nota makananitana tesi kikiakori. Itapari apanakini? Auapanika novi kikiakori nimakananitakini. ¹⁸ Ia kiki Samariakiri. Ianokara kanapiriā, “Peerekari Teoso,” inini ikapani. Ninoa Xoteo iua atoko itxana —itxa Xesosi sākire.

¹⁹ Ininiā itxari iua Samariakiri:

—Pōkitikauako. Pisako. Pite auikari nisākire, ininiākara erekapekai —itxa Xesosi.

Kanatokopa Itxa Teoso Auūtxi Ininiātaūa?

(Mateo 24.23-28, 35-44)

²⁰ Āti ōti pariseoakori pimaāri Xesosi:

—Kirisaaqipa Teoso ikinimane auite inini ōti apokatako? —itxana.

Ininiā Xesosi apakapapiretana:

—Teoso auūtxi inakasaakiua, kākiti ! atamatari iua apokini. Teoso kākiti auite inakasaaki, iua kākiti ākixinireē apoka. ²¹ Iuasaaki kākiti !akiritari: “Uaikarari Teoso auūtxi ininiātaūa. Ikiraārari Teoso auūtxi ininiātaūa.” Ikara atoko !itxana, kotxi hīxinire ākirari Teoso auūtxi ininiātaūa —itxa Xesosi.

²² Ininiā itxa imoianariakorimoni:

—Apokako āti ōti nota hītari iaxitiki iteene kinirāo hātamatini. Txamari !hātamatano.

²³ Apanakini sāpiretaiko hite: “Ikiraārari iua.” Āti sāpiretari: “Uaikarari iua.” Iuasaaki kona himaākatapiri ikara atoko inakari sākiretxiti. !Hāuikapiri ikara atoko inakari. ²⁴ Hītari iaxitiki kanapiriākasaaki, mēkokari ātiātaā potorikini, ātiātaā apokini, iua atokokana nikanapiriini. Katimaritika napokako. Mēkokari atoko nitxako napokini. Iuasaakiika ikinimane kākiti atamatano. ²⁵ Nikanapiriini apisapanika, nota hītari iaxitiki iteene ninikoriāriko nimisiritiko, kotxi kākiti uatxa auakani kona nirekano. ²⁶ —Nota hītari iaxitiki kanapiriākasaaki, Noee auakasaaki atokokana itxapaniko. ²⁷ Noee auakasaaki, ikinimane nipokota. Iāta. Itanorouata. Ikara atoko itxapikana. Āti ōti Noee, inirimanekata maporo āki iūroāna. Eereka imaiātapakinitipanika āparaā kipakata. Xāpoākata. Ininiā xirataātxi xipopena ikinimane. Ikara atokotxikana itxako nota kanapiriākasaaki.

²⁸ —Aroo inakori auakasaaki atokokana itxako nota kanapiriākasaaki. Iuasaaki ikinimane nipokota. Iātana. Imotiitana. Isikatiitana. Itakarauatana. Apokona ikamana. ²⁹ Sotoma sitatxiti Aroo potorikini ōti, iuasaakiipeka xamina āparaā kipini atoko itxa ikatxakini. Xamina miniki katxaka. Ininiā ikinipoko iuaātaā ariākata.

³⁰ —Iuasaaki kākiti ! imarotari xamina katxakini ōti. Iua atokokana kākiti ! imarotari nota hītari iaxitiki apokini ōti. ³¹ Napokini ōti haāpoko mapara hāuiniā, kona hīkanapiripe haāpokomoni hīti hāpini ikapani. Tokoriā hāuiniā, kona !hīkanapiripe haāpokomoni. !Apakata hīkanapiriini iuaā. ³² Hīxinikaroko Aroo itanoro. Kona oa atoko hīttxape, kotxi oa ipina, kotxi ! onirekari otakanapirini sitaxi maerekani auiniātaā.

³³ —Pite ātipirika kaminiāri piteka nireēkitinoka, ininiā pinireēkiti xipokapitikako pitekata. Pite nireēkiti xipokiniā, nota sākire pauikini xika, pite auapininiika txako Teosokata.

³⁴ —Nikanapiriākasaaki, ia atoko itxako. Nikanapiriini !kanōkati atxiiti ipi kākiti imkanāta imakiniātaāna. Iuasaaki Teoso sākire auīākari sari notakata. Teoso sākire mauīākati kaikota.

³⁵ —Iuasaakiko atxiiti ipi sito kamanātari atarokiri. Teoso sākire auīākaro sari notakata. Teoso sākire mauīākato kaikota.

³⁶ —Iuasaakiko atxiiti ipi kiki kiki parīkauata. Āti sa notakata, āti kaikota —itxa Xesosi.

³⁷ Ininiā imoianariakori pimaāri:

—Namoniparako? —itxana.

Ininiā iua apakapapiretana:

—Aātamatakasaakiri maiori apotiitiniātaāua, ikinimane imarotari ipīkari iuaātaā auini. Iua atokokana ikinimane atamatariko kākiti apotiitiniua notakata nikanapiriākasaaki —itxa Xesosi.

18

Sito, Kākiti Misiritiko Mereēkari Pakini

¹ Xesosi misākiretari imoianariakori āti sāpirenatxi atāo inakari oerekiko, Teoso misākiretiko pirena. Ikara inakari oerekari kākiti ātipirika imisākiretiniri Teoso, Teoso misākiretiko imatakanapakani ikapani. ² Xesosi sāpiretari ia sākiretxiti:

—Sitatxi auari kākiti misiritiko mereēkari. Iua kona paxitari Teoso. Kona ipaxitari kākiti apaka. ³ Iuaā sito apaka aua. Ōtaniri ipīpe. Tikinitakoro otxaua. Oa nirekari iua atāo ikamini oa misiritakarimoni. Txamari iua kākiti misiritiko mereēkari !ipotxitari omokaiakari pirena ikenakotini. Osāpiretapikari iuamoni: “Pikenakotariko nisākire. Pikamariko atāo nota misiritakarimoni. !Nimīteeneikaikari nota misiritakari apikomoni misiritinino,” otxa.

⁴ —Isāpakapekari ātipirika osākire ikenakotini. Ininiā eereka ixinikari: “Atāopitikara, kona nota paxitari Teoso, kākiti pakini. Iuaritika nikamariko onirekakiti, kotxi ⁵ ātipirika oa tikinitakoro amanaānātano, ininiā nikamaākaretxitaro. Ininiā nikamariko onirekakiti, kotxi nisāpakapekaro osākire. Ātipirika ikara atoko otxanātapikano. !Nimīteeneikaikari,” itxa kākiti misiritiko mereēkari.

⁶ Ininiā Xesosi txana imoianariakori:

—Ikara kākiti misiritiko mereēkari kona erekari, iuaritika ikamari osākire iaōka. ⁷ Teoso apiaerekata. Ininiā ikenakotapitikari imereēkini sākire pokamara, ikanōka. Ninoa amanaāri Teoso imoianatinina. Ininiā apiata Teoso kenakotari isākirena. Patimari Teoso kenakotini imereēkini amanaākiti. ⁸ Nisāpiretai, patimari Teoso misiritinina ninoa misiritakani. Ia nipimaāi. Nota hītari iaxitikiri iuaikana nikanapiriākasaaki, atxiiti napokari nisākire auīākani ikorapokoriti? —itxa Xesosi.

Pariseo, Txineiro Apotiitakari Pakini

⁹ Iuikakaniua !apokaerekatari apanakini. Ninoamoni, ninoanokara kamari atāo. Āti ōti Xesosi sāpiretari ia sāpirenatxi atāo inakari oerekiko, kākiti ikara atoko inakanimoni atāo imarotinina ikapani:

¹⁰ —Ipi kiki sari Teoso misākiretiko aikotimoni. Āti kiki pariseo itxaua. Āti kiki auītetxiakori txineirote apakapakari itxaua. Iteene iua misiritari kākiti, kotxi kākitimoni imakatzakaro apikomoni txineiro. Kona atāo imakatzaka. Imisiritari kākiti. ¹¹ Iuaā pariseo tima Teoso imisākiretini ikapani. Txama iuaa imisākiretaua. Ia atoko itxa isākire: “Teoso, nota poxokopitikano, kotxi nota apanakini atoko kona nitxa. Kūltiriri !nitxaua. Kākiti misiritakari kona nitxaua. Kona nota sirīka āti itanorokata. Kona nota ia txineiro apakapakari atoko na nitxa. Konapitini. ¹² Ikini semanati, ipi ōti nitakanapari ninikini pite nimisākiretini ikapani. Txineiro nisikai. Tesi txineirota auiniāno, ātoka nisikai, ininiā pipaniātakiti iaōka nikama,” itxa iua pariseo.

¹³ —Iuasaaki txineiro apakapakari ikira atoko itima. Kona ionakaāta iaxiti. Iaritari itorota imaerekani oerekini ikapani, kotxi maerekati ikamapeka. Itxari Teosomoni: “Teoso, piamonīkano. Kona erekano nota, kotxi maerekati kamakarino nota,” itxa txineiro apakapakari.

¹⁴ Ininiā Xesosi txari:

—Atāopitikara nisākire. Ikara inakari kiki Teoso kamaerekata. Isikasaaki iua aapokomoni, erekari itxapekaua. Iua pariseopekana, Teoso !ikamaerekatari iua.

—Iuikakariua, poiōari itxauako. Poiōoripekana, apiatakari itxauako —itxa Xesosi.

Amarini Apokini Xesosimoni

(Mateo 19.13-15; Marko 10.13-16)

¹⁵ Āti ōti kākiti minari amarini Xesosimoni erekari ninoamoni itakini ikapani. Txamari Xesosi moianariakori atapakasaakiri kākiti imiakori mīkani, isipikapana.

—Hīkanapiripeka. Hīsipeka —itxana.

¹⁶ Txamari Xesosi txari imoianariakori:

—Hāuiritanako amarini notamoni apokini. !Hīsipikapapena amarini, kotxi nitretapitikana ninoa. Nisākire auīākani auikari nisākire amarini auikini atoko. Kākiti nisākire amarini auikini atoko inakaninokara apoka Teoso auītetxi ininiātaāua. ¹⁷ Amarini auikari iri sākire. Ininiā hīxinikariko ia: Amarini atoko himinakaniā, Teoso sākire iteene himauikakaniā, ininiā Teoso auītetxi ininiātaāua !hīroā —itxa Xesosi.

*Kiki Katiiri Pirena**(Mateo 19.16-30; Marko 10.17-31)*¹⁸ Xoteo auíte pimaári Xesosi:

—Koerekareri erekari, kiripa nikama Teosokata átipirika nauini íkapani? —itxa.

¹⁹ Xesosi txari iua:—Kininiápa “erekari,” pitxano? Kákiti erekari !uari. Teosonanira erekari. ²⁰ Pite imarotapitikari Teoso paniátakiti: “!Pisirikape áti ítanorokata. !Pokaniuatape. !Píitiriuatape. Apanakini !pimisirienetape. Piri, pinoro pakini pipaxitako.” Ikara atoko pimarotapeka —itxa Xesosi sákire.²¹ Ininiá iua kiki apakapapiretari:

—Nota axapitipanika ninakasaaki, nikípitari ikara atoko inakari sákiretxiti Teoso paniátakiti —itxa.

²² Xesosi kenakotakasaakiri iua kiki sákire, itxari:

—Auapanika átinoka pikamini tikane. Ikinika pitii pivétxitako, eereka oa txineiro pisikanako minakati mauakinimoni. Eereka pisa notakata. Ikara atoko inakari pikaminiá, Teoso tixine papokasaaki ikinipoko erekari auiniiko pite —itxa Xesosi sákire.

²³ Iua kiki ikara ikenakotakasaaki, imatinaniuata, kotxi iua iteene katiiri itxaua. ²⁴ Xesosi atamatakasaakiri iua matinaniuatini, itxari:—Pamimari katxineiroteri auítetini Teoso. ²⁵ Atauako kamero napatari ákorike sonakiá? Apia mimari kákiti katxineiroterini auítetini Teoso —itxa Xesosi.²⁶ Ikara inakari kenakotakani txari:

—Pamimari pisákire. Ininiá kiripa apoka Teoso auiniátaá? —itxana.

²⁷ Ininiá Xesosi txana:

—Kákiti maposotakinini Teoso posota ikamini —itxa Xesosi.

²⁸ Ininiá Petro txari:

—Ate takanapapekari ikinipoko pitekata asini íkapani —itxa.

²⁹ Ininiá Xesosi txari:—Atáopitikara, ininiá ia atoko nitxai híte. Pauini pitakanapiniá, pítanoro, pitariakori, piri, pinoro, pamariteakori pakini pitakanapiniá, Teoso auítetxi ininiáua pirena pisápiretini íkapani, ³⁰ ininiá íkorasaaki apiata erekari papakapa. Ininiá áti óti pipíkasaaki íaxiti papokasaaki, pauapininiika pitxako —itxa Xesosi.*Iuaíkana Xesosi Sápiretari Ipinini**(Mateo 20.17-19; Marko 10.32-34)*³¹ Áti óti Xesosi anikari imoianariakori ikira atoko, misákireta itxana:—Uatxa Xerosareëmoni asa. Kitxakapiríka Teoso sákire sápiretakani sápiretpekari nota hítari íaxitikiri pirena. Ninoa sákire íókatsopatakinitina paítiki apokapítikako, ³² kotxi nisikaákako Xoteo minakonimoni. Ninapetaákako. Nimisákirepiretaákako. Nikiisokaákako. ³³ Niaritaákako. Eereka nokaákako. Ipi, áti pakini ótisaaki iuaíkana nókitikaua —itxa Xesosi.³⁴ Xesosi moianariakori !imarotari isákire. Ikara sákiretxi kipatakori atoko itxa. Ininiá kona ninoa imarotari isákire.*Mósiáreti Xesosi Makananinini**(Mateo 20.29-34; Marko 10.46-52)*³⁵ Xesosi apokaápota Xerikoo sitatxiti takote. Mósiáreti kimapori tiniápo iitopákanáta. Amanaanátao txineiro. ³⁶ Ikenakotari kákiti kimaporiá napakani, ininiá:

—Kiripa ikara? —itxa.

³⁷ —Xesosi Nasaree sitatxitikiri, iuara napaápota —itxana apanakini.³⁸ Ininiá iua mósiáreti akirikata:

—Xesosi, Taviini apika mekanirii, piamoníkanoko —itxa.

³⁹ Ninoa íkiikakani txitari iua:

—!Pakiripoatape —itxana.

Txama iteene iua akirikata iuaíkana:

—Taviini apika mekanirii, piamoníkanoko —itxari.

⁴⁰ Ininiá Xesosi iotoka. Amanána kákiti:

—Ere kiki himina notamoni —itxa Xesosi.

⁴¹ Xesosi takote apokasaaki, Xesosi pimaári:

—Kipa pinireka nikaminii pitemoni?

—Kósiárepeka ninini ninireka —itxari.

⁴² Ininiá Xesosi txari:

—Kósiárepekai uatxa, kotxi pauikari nisákire —itxa.

⁴³ Iuasaakipeka iua kiki kósiárepeka itxa. Ininiá iua saápota Xesosi tikini. Teoso eereka inini pirena isápireápota. Ikinimane kákiti itikasaakiri Xesosi kamakiti iuamoni.

—Peerekari Teoso —itxana.

19

Sakeo Pirena

¹ Xesosi Xerosareëmoni isikasaaki, Xerikoo sitatxiti apanîkaki inapaâpota. ² Iuaâ aua kiki, Sakeo inakori. Iua katiiri. Iua kâkiti txineirote apotiitakari auîtetxiakori îkapani. Apanakini txineiro apotiitakani auîte itxaua. Iua misirienetari kâkiti. Imakatzakari txineiro auîtetxiakori îkapani. Txamari apikomoni imakatzaka. Kona atâo ikamakiti. ! Erekaru iua.

³ Xesosi apokasaaki Xerikoo, iua Sakeo nirekari Xesosi atamatini. !Apakata atamatiniiri, kotxi paîtiri iua. Itomaneri kâkiti Xesosi îtinikata auanâta. Ininiâ !apakata môtânoti atamatiniiri iua. ⁴ Ininiâ imiteka Xesosi apisa, aaminaâ kanîka itxa. Xesosi iuaâ napakasaaki, iposotari itikiniiri. ⁵ Xesosi apoka iua aamina patapi. Ionakaâta itxa. Itxari:

—Sakeo pikatzaka, katima pitxa. Uatxa, paapokomoni nisako, nianapokotini îkapani — itxa Xesosi.

⁶ Ininiâ katxaka katimapeka itxa. Ipoxxokoniritika iua apakapari Xesosi. ⁷ Ikinimane iuaâ auakani misâkirepiretari Xesosi. Itxana:

—Xesosi sari maerekati kamakari aapokomoni. Kininiâpa iua sa iua aapokomoni? — itxana.

⁸ Ininiâ iua aapoko apoâka atoko, Sakeo tima isâkirauatini îkapani. Ininiâ itxari Xesosi: —Ipixini ninakiti nisika matiinimoni. Niîtirîkakit iuaîkana nisikanako kâkiti. Txineiro niîtirîkiniâ, ininiâ iuaîkana ipi ipi pakinikata nisikariko nimisiritakinimoni —itxa Sakeo.

⁹ Ininiâ Xesosi:

—Ia kiki Apraâo apika mekaniri apaka. Uatxa imaerekani makatzakaâka, kotxi itakanapari maerekati ikamakiti. ¹⁰ Kâkiti itari iaxitikiri apoka îkorapokoriti kâkiti pîpinanaâkani inîtini, imaerekani imakatzakini îkapani —itxa Xesosi.

Nitiritxi Erekaru, Nitiritxi Maerekati Pakini

(Mateo 25.14-30)

¹¹ Eereka Xesosi sâpiretari ia sâpirenatxi atâo inakari oerekiko. Oerekari ia sâpirenatxi, kotxi Xerosareë ninoa apokaâpota. Kâkiti uâkatari paîtiki Teoso ikinimane auîte ininiua. ¹² Ia atoko itxa:

—Kiki aiamatapeka ôtakoxiti isini, auîtetxi ininiua îkapani. Iua nirekari isini, ininiâ eereka inirekari ikanapiriini. ¹³ Ininiâ isini apisapanika akiritari tesi initiriakori. Isikanapana txineiro tesi ota oro kamakoro. Âtoka isikaâpotana initiriakori. Itxa: “Nota âtiâtaâ nauakasaaki, hiamotari tiitxi. Eereka pivêtxitari apikomoni txineiro hâpakapini îkapani. Ikara atoko hîtxako,” itxa.

¹⁴ —Isipeka atoko kâkiti iuaâ auakani inirekari iua auîtetxi ininiua, kotxi omanatarina. Ininiâ ninoa iokanapireta iuamoni: “Ate inirekai pite aauîte pininiua,” itxana ninoa.

¹⁵ —Iuasaaki iua âtiâtaâ auîtetxipeka itxaua. Ikanapiriâkasaaki akiritana initiriakori, txineiro isikanapakini. Ininiâ iua txana ninoa: “Hõerekano txineiro apikomoni hâpakapakito,” itxa. ¹⁶ Âti initiri apoka iuamoni. “Nipatrâote, pite sikanapano âtoka ota. Uatxa tesipeka ota aua notamoni,” itxa.

¹⁷ —Iuasaaki auîtetxi txari iua: “Pite kamakiti peerekari. Pite ninitiri erekari. Âtonoka ota nisikapekai, iuaritika piparîka peerekari. Uatxa tesi pakini sitatxiti auakani auîte pitxauako,” itxa.

¹⁸ —Âtipekana apoka auîtetximoni: “Âti ota pisikanapano nota. Uatxa sîkopekana ota aua notamoni,” itxa initiri.

¹⁹ —Ininiâ auîtetxi txari: “Erekapitkari. Ininiâ sîko pakini sitatxiti auakani auîte pitxauako,” itxari.

²⁰ —Âtipekana apoka auîtetximoni: “Oniâ pinakito txineiro. Mâkatxi mataâ niapirikaro, poteta nitxaro pitxineirote. ²¹ Nota pîkai pite. Pataparaxinirei. Nimarotari pite amotari âti kamakiti. Piamotari pikiena âti kâkiti kiena,” itxa.

²² —Ininiâ iua auîtetxi apakapapiretari: “Pite ninitiri maerekati pitxaua. Pite txano nota kiki kataparaxinirei nitxaua. Pimarotari niamotiniri âti kamakiti. Pimarotari niamotiniri âti kâkiti kiena. ²³ Ikara atoko ininiâ, pimanirekakaniâri piparîkauatini, kinirepa kona pisikataro nitxineirote pâkomoni? Pisikaâkamaroko, napakapamaroko apikomoni nitxineirote nikanapiriâkasaaki,” itxa auîtetxi.

²⁴ —Ininiâ iua paniâtana iuaâ auakani: “Himakatzakaroko nitxineirote iuamoni nisikakito. Hîsikaro tesi ota auakitimoni,” itxa.

²⁵ —“Auapeka tesi ota iuamoni,” itxarina.

²⁶ —Ininiã auítetxi apakapapiretana: “Piparĩkauatiniã, ininiã pinakiti itori aua, ininiã apikomoni papakapa. Pite iarinouatiniã, ininiã ikara xika pinakito poião. Áti õti piarini xika ikara poiãori makatxakaãkako apaka. ²⁷ Uatxa himinana notamoni nimokaiakariakori, kotxi ninoa ! inirekano nota iauítena nininiua. Hõkana ninoa nota apisatoõ,” itxa auítetxi.

Xesosi Xerosareẽ Apokaãpotini

(Mateo 21.1-11; Marko 11.1-11; Xoão 12.12-19)

²⁸ Ikara inaãka atoko, Xesosi sari imoianariakori apisa Xerosareẽmoni. ²⁹ Xerosareẽmoni isikasaakina, apokaãpotana Petxipaxee, Petãnia pakini aapokotxiti. Ninoa ipi aapokotxi Oriva inakori xirata takote. Iuaã auakasaaki, Xesosi iokanatanana ipi imoianariakori aapokotximoni.

³⁰ —Ikira aapokotximoni hõsa. Iuaã hãpokariko xomẽta ãkiri, iaxiriãkori. Iua xomẽta ãkiri kãkiti maitopãkakotipanika inakori. Hĩkoxiripatakari iua. Himinari notamoni. ³¹ Ipitikiri akiritiniã: “Kinirepa hite koxiripatakari nipira?” inakasaakii, ia atoko hĩtxariko: “Apiananiri nirekari iua,” hĩtxako —itxana.

³² Iuaã apokasaakina, ikinika Xesosi sãkire iaõka auapeka. ³³ Ninoa koxiripatakasaakiri xomẽta ãkiri, ipitikiri apoka.

—Kinirepa nipira hĩkoxirika? —itxa.

³⁴ Ininiã ninoa:

—Apiananiri nirekari iua —itxana.

³⁵ Ininiã anikarina xomẽta ãkiri Xesosimoni. Imoianariakori takari imãkana xomẽta nopini. Imoianatarina Xesosi xomẽta nopini iitopãkini ikapani.

³⁶ Xesosi saãpotakasaaki Xerosareẽmoni, apanakini kãkiti matameẽkari imãkana kimaporiãpo Xesosi napini ikapani. ³⁷ Õtanoxirataro Oriva inakori iokiriãtakasaaki, ninoa imakinika ipoxokoniritikana akiripoakatana, kotxi itikapekarina itori Teoso posotiire.

³⁸ —Peerekari auítetxi, Apiananiri iokanatakiti kãkitimoni. Teoso takari erekari iuamoni. Ininiã Teoso ! omanataikari kãkiti. Peerekari Teoso, iaxiti apiko nopinixiti auakari. Apiananiri itxaua —itxanãtana ninoa iusaaki.

³⁹ Iuaã kãkiti itomaneri sauaki aua pariseoakori apaka. Ninoa txari Xesosi:

—Koerekareri, piotokakana pimoianariakori ikara isãkirena.

⁴⁰ Ininiã Xesosi:

—Atão ninoa akiritakiti. Ininiã ! nipinitana iotokakiniri. Nimauiritakaniãna isãkirena nota Apiananiri nininiãua, ininiã Teoso txĩkitakari kai soro sãkireuatiini ikara sãkire isãpiretini —itxa Xesosi.

Xesosi Txiapata Xerosareẽkini Itiretini

⁴¹ Ninoa apokaãpotakasaaki Xerosareẽ, Xesosi Xerosareẽ atamatakasaaki, iua txiapata, kotxi iuaã aua mirikiniti kãkiti isãkire mauikakani. ⁴² Ixinikasaakina Xerosareẽ auakani itxa:

—!Himarotari hĩkamakiti tĩkane hãuini ereka inini ikapani, neenamatzxi mauakani ikapani. Ninirekari himarotiniri, txamari uatxa ikara himarotini kipataãka himimarotakaniri ikapani. ⁴³ Áti õti himokaiakarini ãkitai hite. Ininiã kona kãkiti pokĩka sitatxi, kona ãroã. Iusaaki himitekini ! auari. Hãkitapeẽkaikako. ⁴⁴ Himokaiakarini xipokariko ia sitatxi. Ikinimaneko okaãkako. Kai ãti kai nopini auakari !ikaikotaika. Imakinika xipope. Iua atoko inakari auako, kotxi hite !apakapari Teoso hĩtemoni apokasaaki.

Pirãtxi Vẽtxitakani Omitikiko

(Mateo 21.12-17; Marko 11.15-19; Xoão 2.13-22)

⁴⁵ Xesosi apokasaaki Xerosareẽ, isari Teoso misãkiretiko aikotiã. Iuaã auari kãkiti tiitxi vẽtxitakani, ininiã Xesosi omitikana. ⁴⁶ Xesosi txana ninoa:

—Teoso sãkire iõkatsopatakori txari:

Ia naapoko, “Teoso misãkiretiko aikoti” akiritaãkako,

itxa. Txamari hite txĩkitakari ia aiko kũtiririni iomaãtiniãtaã ininiua —itxa Xesosi.

⁴⁷ Teoso misãkiretiko aikoti ãki ikiniõtika oerekarauata. Iusaaki sasetotxi auíteakori, kaiõkatsopareriakori, kãkiti auíteakori pakini kinirão okaka txari Xesosi. ⁴⁸ Txamari itomaneri kãkiti potxtari Xesosi oerekakiti sãkiretxiti. Ininiã ninoa kaikotapika Xesosikata ikinika isãkire imarotinina ikapani. Ikara xika !liposotarina okiniri iua iusaaki.

Xesosi Paniãtakari Moerekakoni

(Mateo 21.23-27; Marko 11.27-33)

¹ Xesosi Teoso iokanapirena erekari isãpiretakasaaki Teoso misãkiretiko aikoti ãki, iuasaaki sasetotxi auíteakori, kaiõkatsopareriakori, kãkiti auíteakori pakini apoka. ² Ninoa pimaãri Xesosi:

—Pite omitikana tiitxi sikakani Teoso misãkiretiko aikotiã auakani. Kipaniãpa pikamari ìkora pikamakiti? Kipa paniãtai? —itxana.

³ Ininiã Xesosi txana:

—Nota apaka pimarauatoko hitemoni. ãtinoka nipimaãiko hite. Ininiã hãpakapapiretano.

⁴ “Kipa paniãtari Xoãoni ipatxisarauatini? Teosokani paniãtari Xoão? Kãkitikani paniãtari Xoão?” —itxa Xesosi.

⁵ Eereka ninoakakarini isãkirauatana:

—Kanatokopa atxa? “Teosora,” aniniã, ininiã ipaniãtamaua eereka: “Kinirepa kona hãuikatarì Xoão sãkire?” itxamaua ate. ⁶ “Kãkitira paniãtari Xoão,” aniniã, ininiã kãkiti kiporonakauako ate kai soroã, kotxi ninoamoni Xoão Teoso sãkire sãpiretakari itxaua. Ininiã kanatokopa atxa? —itxakakauana.

⁷ Ininiã eereka ninoa apakapapiretari Xesosi:

—Kona ate imarotari —itxana.

⁸ Eereka Xesosi txana:

—Ininiã nota apaka kona nisãpiretai nipaniãtakiri uãka —itxa Xesosi.

Parìkauatakani Maerekani

(Mateo 21.33-46; Marko 12.1-12)

⁹ Eereka Xesosi sãpiretari kãkiti ia sãpirenatxi atão inakari oerekiko. Ia atoko itxa:

—Aua kiki. Itakari amãtiiri ova inakoro. Ovanoka itaka ikikioetã. Eereka iikixitana kãkiti itakare nìkatakani. Eereka isari ãti tixini. Iuaã mapakanani ikaikota. ¹⁰ Oamiko manapi iokanatarì initiri apakapiniri ipixini amãtiiri. Txamari amãtiiri nìkatakani noropatari iua nitiri. Ininiã eereka iokanatarina iua. Kona axapiti amãtiiri anika ipatrãotemoni. ¹¹ Ininiã iuaìkana ãti initiri iokanata. Iuaìkana ninoa noropatari iua initiri. Imisiritarina. Eereka iokanatarì iua. Kona axapiti amãtiiri anika ipatrãotemoni. ¹² Iuaìkana ãti initiri iokanata ikikiotemoni. Iuaìkana ikarotarina, iokanata itxarina. Kona anikari axapiti amãtiiri iuamoni. ¹³ Iua katarareri txari: “Kipa nìkamaã? Ari, uatxa nìmarotapekari. Namarite nitiretakiti niokanatako ninoamoni. Ninoa paxitapitikariko iua,” itxama.

¹⁴ —Amãtiiri nìkatakani ataparì amãtiiri takakari ãkiri apokaãpotini. Ininiã itxana: “Katarareri ãkiri ina. Katarareri ipìkasaaki, iua ãkiri apakapari ikinika. Ininiã maõkari iua. Ininiã ikinika itakare aua atemoni,” itxana.

¹⁵ —Ininiã ninoa kosekaìtotari katarareri ãkiri, mapara okaìtota itxarina. Ininiã okapirina.

Ininiã Xesosi pimaãri kãkiti iuaã auakani:

—Kiripa iua katarareri kamaã? ¹⁶ Iua okanako ikinipoko ninoa. Itakare apanakinimoni sika itxako —itxa Xesosi.

Kãkiti kenakotakasaakiri ikara pirena itxana:

—Ikara atoko inakari !anireka —itxana ninoa.

¹⁷ Ininiã Xesosi iteene atamatana.

—Ininiãkara natokopa itxa Teoso sãkire iõkatsopatakori oerekiniua?

Aapokotxi kamakani kona nirekari ãtika kai soro. Iua kai imanirekakiniti kai apiari itxapekaua. Apanakini kai soro maìkakarì itxaua.

Itxa Teoso sãkire iõkatsopatakori. ¹⁸ Kãkiti mãkittiniã ìkora kai xika, ikarotaãka. Ìkora kai irikiniã kãkiti nopini, pomaìpeka itxana. Ininiã eereka aãpani itxaua —itxa Xesosi.

Homano Auíte Ìkixitiko

(Mateo 22.15-22; Marko 12.13-17)

¹⁹ Iuasaaki Xesosi sãkirauatakasaaki, sasetotxi auíteakori, kaiõkatsopareriakori pakini, nirekari maìkiniri Xesosi, okinirina ìkapani, kotxi ninoamoni ikara Xesosi sãpiretakiti oerekari kãkiti ninoa nirekiniri okiniri Xesosi. Txamari ! imaìkarina, kotxi ipìkarina apanakinì kãkiti. ²⁰ Ikinioitika ninoa itikapikarina Xesosi sinimoni imarotinina ìkapani. Ininiã ninoa iikixitari kamìkapirirerini Xesosi imisãkiretinina ìkapani. Ninoa nirekari Xesosi kerokiniri isãkire. Ikerokiniãri, iposotarina anikiniri auìtetxiakorimoni okinirina ìkapani. ²¹ Ininiã ninoa kamìkapirirerini apoka Xesosimoni.

—Koerekareri, ate imarotari atãopitikara pisãkire. Pite oerekari ikinipoko kãkiti atão Teoso nirekiti kamiko. Poerekakiti sãkiretxiti kãkiti apiarinimoni, iuatxikana poerekari kãkiti poiãorini. ²² Atãokani txineiro asikini Homanoakori auitemoni, Sesa inakorimoni? Apakata amasikakaniro iuamoni? —itxana ninoa.

²³ Xesosi imarotari ninoa nirekari ikerokiniri isãkire, ininiã iua txana:

—Kinirepa hãtamaakaerekatano nota? ²⁴ Poerekano txineiro ota. Kisanõkapa ia? Kiuãkapa aua uai? —itxa.

Ininiã ninoa:

—Sesa sanõka, iuãka apaka aua —itxana.

²⁵ Ininiã Xesosi:

—Hisikariko Sesamoni iua nakiti. Hisikariko Teosomoni iua nakiti —itxa Xesosi.

²⁶ Ninoa nirekari Xesosi kerokiniri isãkire kãkiti apisatoõ, txamari likerokari. Ininiã ninoa tsorikaãta Xesosi apakapapiretakiti ikenakotakasaakina. Apikomoni !isãkirauataikana.

Ipĩkari Ôkitikiniua Mauikakoni

(Mateo 22.23-33; Marko 12.18-27)

²⁷ Ikara inaãka atoko, apoka satoseoakori inakoni. Satoseo kona auikari ipĩkari iuaikana ôkitikiniua. Ninoa misãkiretari Xesosi. ²⁸ Itxana:

—Koerekareri, kitxakapirĩka Moisesini iõkatsopataria atoko inakari: “Kiki meenetipatika ipininiã, iua itari takaroko tikinitakoro. Iua itari keene ininiã, itakauãkatari amarini iua itarini ipĩpekarini uãka,” itxa Moisesini. ²⁹ Setxi itaritxiakori aua mitxi ikorapokoriti. Apia kiomanetakari itaniriua. Meenetipatika ipina. ³⁰ Itari takaro iuani tikinitakito. Iua apaka ipina meenetipatika. ³¹ Iuaikana ãti itari takaro oa. Iuaikana ipina meenetipatika. Iua atokotxikana itxana imakinikana itariakori. ³² Eereka oanipekana opĩpe apaka. ³³ Ipĩkani ôkitikasaakia, kiripa oĩtaniri? Kotxi ikinikana takapekaro oa —itxana.

³⁴ Ininiã Xesosi:

—Uatxa ikorasaaki kãkiti itaniriua. ³⁵ Teoso nakitiakori iuaikana ôkitikasaakia, ! itaniriuaikana. ³⁶ Ninoa ! ipinaika, kotxi Teoso nitiriakori iaxitiki atoko itxauana. Iuasaaki Teoso anaakori atoko itxauana, kotxi Teoso ôkitikapekana ninoa. ³⁷ Hite kerokari hisãkire. Hite sãkire txari: “Ipĩkani ! ôkitikaikaua.” Moisesini oerekaua ipikani iuaikana ôkitikapanikaua. Iua iõkatsopatakasaakiri aamina tirinakari pirena, isãpiretari Teoso sãpiretakiti. Ia atoko itxa Teoso iuasaaki: “Nota Apraão Teosone, Isaki Teosone, Xakoo Teosone pakini nitxaua,” itxa Teoso. ³⁸ Ininiã ninoa Apraão, Isaki, Xakoo auapanika, kotxi Teoso ! ipikani Teosoneni. Auãki inakani Teosonera iua, kotxi iuamoni ikinimane auãkipanika —itxa Xesosi.

³⁹ Eereka ãtikaka kaiõkatsopareriakori txari:

—Koerekareri, atãopitikara pisãkire —itxana.

⁴⁰ Ikara inaãka atoko kãkiti pĩkaruata apikomoni ipimarauatini.

Teoso Mereẽkiti Tavii Apika Mekaniri Itxaua

(Mateo 22.41-46; Marko 12.35-37)

⁴¹ Ininiã Xesosi pimaãna:

—Kinirepa isãpiretaãka Teoso mereẽkiti Taviini apika mekaniri ininiua? ⁴² Kotxi Taviini iõkatsopata Xikari aãsopateẽ. Itxari:

Apiananiri txari niauitemoni: “Nota kikomoni piitopãka.

⁴³ Piitopãkiniritika nixipokariko pimokaikariakori. Nikamariko ninoa pikiti pitakiniãtaã atoko ininiua.”

Itxa Taviini xikare. ⁴⁴ Taviini akiritari Teoso Mereẽkiti “Niauite.” Ininiãkana kanatokopa iua Taviini apika mekaniri? —itxa Xesosi.

Kaiõkatsoparerini Maerekani

(Mateo 23.1-36; Marko 12.38-40)

⁴⁵ Eereka kãkiti apisatoõ Xesosi ôãkikana imoianariakori. ⁴⁶ Ia atoko itxa:

—Erepaniko, kaiõkatsoparerini misirienetini. Ninoa ieretakari mãkatxi itanori, peereri, apanakini atamatinina ikapani. Tiitxi amotikoãtaã ninoa potxitari kãkiti ninoakata sãkirauatini apanakini atamatinina ikapani. Ninoa potxitari iitopãkinina auĩtetxi topãkiniãtaã aiko ãki Xoteo apotiitiniãtaã. Kiinirisaaki ninoa nirekari apiari topãkiniãtaã iitopãkinina. ⁴⁷ Kiki ipĩkasaaki, ninoa misiritaro tikinitakoro. Ninoa mixirikari oaãpoko, iuaritika imisãkiretarina Teoso. Teoso imisãkiretakasaakina, kaiãori sãkiretxi isãkiretana. Ininiã apanakini kenakotakasaakiri, ninoa xinikari: “Atão iua imarotari Teosokata isãkirauatini,” itxana. Txamari Teoso kamaãkaretxitana, ininiã apiata imisiritããkanako.

21

Tikinitakoro Matxineiroto Sikakito

(Marko 12.41-44)

¹ Xesosi sãkirauatakasaaki Teoso misãkiretiko aikoti ãki, itikari katiirini takiniro itxineirotna kaixa ãki Teoso ikapani. ² Iuasaaki oãua tikinitakoro matiito. Ôtaniri !auaika. Oa sikaro ipi txineiro ota okinika oamoni auakaro. ³ Ininiã Xesosi txa:

—Atãopitikara, okira sito sikari apiata. ⁴ Kotxi apanakini sikaro itxineirotena itetakito. Okira sikari okinika onakito —itxa Xesosi.

Teoso Misãkiretiko Aikoti Irikiko
(Mateo 24.1-2; Marko 13.1-2)

⁵ Äti õti Teoso misãkiretiko aikoti äki aua Xesosi imoianariakorikata. Aiko ereri pirena isãkirenãtana.

—Uai peereri. Ere kai sorokiniri paretxiã auakari pakaronepokori. Patamatari kãkiti sikakiti Teosomoni —itxana.

⁶ Ininiã Xesosi txana:

—Äri atãopitikara peerekari. Txamari apokapitikako äti õti ia aiko irikiko ikapani. Iuasaaki kai äti kai nopini auakari lauauka. Ikinipoko irikaãkako —itxa Xesosi.

Misirikaretxi Apokaenetini
(Mateo 24.3-14; Marko 13.3-13)

⁷ Ininiã ninou pimaãri:

—Koerekareri, kirisaakipa ikara atoko inakari auapani? Kiãtokopa itxa ia aiko Teoso misãkiretiko irikini õti manapi aimarotini ikapani —itxana.

⁸ Ininiã Xesosi apakapapiretana:

—Erepaniko, xipokatxi õti apokaãpotakasaaki, kãkiti nirekari imisirienetini hite. Ito aãpirena auako. Kaiãopokori kiki sãkire: “Teoso mereëkitikarano nota. Nota apokaþeka uai,” itxamana. Paxirari ninou sãkire. !Himaãkatapena ninou. !Himoianatapena ninou. ⁹ Neenamatiþene hikenakoenetakasaaki, !hãþikarauatape. Iua atoko inakari merepanika auako. Iuasaaki xipokatxi õti !apokapanika —itxa Xesosi.

¹⁰ —Äti uãka kamari neenamatiþi äti uãkakata. Äti auãttxi sotatoneakori neenamauata äti auãttxi sotatoneakorikata. ¹¹ Iuasaaki xipokatxi õti apisa, nota apokini apisa, itixi iakeëkatakako. Itixi auako. Itori amianari auako. Apaka kãkiti atamatakiti iaxiti kamapãkaretana.

¹² —Ikara inakari apisa, apanakini maãkaiko hite. Himisiritaãkako. Xoteoakori anikaiko aiko Xoteo apotiitiiniãtaãua Xoteoakori auãte apisatoõ apoãtiniina ikapani. Hitakaãka kateia äki. Ninou anikaiko hite itixi auakani auãteakorimoni hite apoãtiniina ikapani. Iua atokokanerako hinaãkako nisãkire hãuikini xika. ¹³ Iuasaaki auãttxiakori apisatoõ hãuakasaaki, hisãpiretariko Teoso iokanapirena erekari. ¹⁴ Ninou himisãkiretini apisa, maerekaxiniretika !hãtxape. Kona hãþikarauatape, ¹⁵ kotxi ninou apisatoõ hãuakasaaki, nota sikaimaroretai hite, ininiã himokaiakariakori !iposatari apakapapiretiniina hite. !Iposatarina isãpiretiniina: “Kona atão pisãkire,” !itxana. ¹⁶ Hinoroma, hãrima, hãtariakorima, apanakini hinirimanema, haõkimanerema pakini sikaiko hite himokaiakariakorimoni. Ätikaka hite okaãkako iuasaaki. ¹⁷ Ikinimane omanataiko hite nisãkire hãuikini xika. ¹⁸ Iuaritika Teoso !auriritari ätika hiãko maporokiko, kotxi Teoso iteene ñkatapitikaiko hite. ¹⁹ Himiteenekiniãri ikinika himisiritiko, ininiã Teoso txãkitakako ätipirika iuakata hãuapininiika hinini ikapani —itxa Xesosi.

Xerosareë Xipokiko Pirena
(Mateo 24.15-28; Marko 13.14-23)

²⁰ Apikomoni Xesosi txari:

—Hãtamatakasaakiri sotatoakori äkitiniri Xerosareë, iuasaaki himarotariko pakotapaniri sitatxi xipokini. ²¹ Iuasaaki hite Xotãia tãpa auakani himitekako oxiratarimoni. Sitatxi hãuiniã, ininiã himitekako. Mapara hãuiniã, kona hãkanapiripe sitatximoni, ²² kotxi iuasaaki kãkiti misiritiko õti apoka. Teoso sãkire iõkatsopatakori sãpiretapekari ikara õti apokini. ²³ Iuasaaki !erekapaniri sito kamixiro ikapani, kaxitakarero ikapani, kotxi omitekini !apakata. Xoteo auiniãtaã auapitikako iteene imisiritikonona tãkene, kotxi iuasaaki Teoso oerekari iua omanãkare Xoteoakorimoni. ²⁴ Itomaneri kãkiti okaãkako saasara atoko inakaroã. Apanakini anikaãkako ikini uãka tixinemoni. Xoteo minakanuia xipokariko sitatxi Xerosareë. Teoso auritana ninou kaikotini iuaã. Eereka Teoso xipokariko ninou tapara. Eereka lauaukana —itxa Xesosi.

Kãkiti Itari Iaxitikiri Kanapiriini
(Mateo 24.29-31; Marko 13.24-27)

²⁵ Apikomoni Xesosi txari:

—Nota uai apokini apisa, atokatxi, kasiri, iõriki pakini oerekariko kãkiti nota iposope uai napokini. Apaka potxoari uiniti auari tsakati mitari. Iua tsakati miramaneri iene. Ikara xika itixi auakani kamaxirexinirepeka itxanako. ²⁶ Kãkiti äkipa iotokako ipãkare xika. Itixi misiritiko xika ipãkarauata, kotxi iõriki, ikinika iaxiti auakani iakeëkatakako. ²⁷ Iuasaaki nota, hãtari iaxitikiri katxakaãpota katxiãrikata. Iuasaaki ikinimane atapanoko nota. Iuasaaki kaposotiireno nota. Niotximerekata napoka uai. ²⁸ Ikara itixi misiritiko apokaãpotakasaaki,

haiamatako. Hionakaātako, kotxi paítiki nota kanapiriã híte napini íkapani. Iuasaaki nimakatzakai híte ikinika maerekati auiniãtaã —itxa Xesosi.

Piko Mina Pirena

(Mateo 24.32-35; Marko 13.28-31)

²⁹ Xesosi sãpiretari áti sãpirenatxi atão inakari oerekiko. Itxari:

—Híxinikari aamina piko inakori. Apanakini átião aamina apaka híxinika. ³⁰ Pooíoporipeka onakasaaki, otomorekasaaki, “Kamoí apokanapanoka,” hítxa. ³¹ Iua atokokana ikara misirikaretxi mixikanani nisãpiretakiti hítikasaaki, iuasaaki himarotariko paítiki Teoso ikinimane auíte itxauako.

³² —Ja nisãkire atão. Itixi auakani !ixipoka ikinipoko nisãpiretakiti mapokakani apisa.

³³ Iaxiti xipokapitikako. Íkoraxiti apaka xipokapitikako. Iuaritika nota sãkire !ixipoka.

Iãtapakori Ôti Pirena

³⁴ —Erepaniko, maerekaxiniretika kona hítxape. !Hísarauatape. !Hípoõtape. Híparíkanoka !híxinikapeko, kotxi hísarauatiniã, hípoãtiniã, híparíkanoka híxinikiniã, !híxinikari nikanapiriini ôti, kotxi íkora ôti himimarotakani ôtisaaki, napokako. Erepaniko, kotxi txikatoro atoko itxa napokini. Kãkiti !imarotapaniri napokini ôti. ³⁵ Imakinika kãkiti itixi auakani imarotariko napokini iuasaaki. ³⁶ Hiãtapariko nikanapiriini. Átipirika himisãkiretariko Teoso. Hamanaãriko Teoso ikara inakari mamisiritakani híte. Hamanaãriko Teoso himapëtauatakani íkapani hítari iaxitiki apokasaaki iua apisatoó hítimakasaaki —itxa Xesosi.

³⁷ Íkiniõtika Xesosi sari Teoso misãkiretiko aikotimoni Teoso sãkire oerekini íkapani. Íkiniõtika mapíãnikata Xesosi sari ôtanoxiratarimoni, Oriva inakorimoni. ³⁸ Íkanõkapanika kãkiti apoka Teoso misãkiretiko aikotiã Xesosi sãkire ikenakotinina íkapani.

22

Satanasi Íroã Xotasi Xinireë

(Mateo 26.1-5, 14-16; Marko 14.1-2, 10-11; Xoão 11.45-54)

¹ Kaiamapeka Pãskoa inakori kiiniriti apokini. Iua kiiniriti Xoteakori nikari pão matireëkati. ² Iuasaaki sasetotxi auíteakori, kaiõkatsopareriakori pakini nirekari Xesosi okinina, txamari, ninoa pikari apanakini kãkiti, kotxi ninoa apokaerekatari Xesosi.

³ Iuasaaki Satanasi íroãtotari Xotasi Isikariotxi inakori. Iua Xotasi Xesosi moianarikamara, apanakinikata. ⁴ Iuasaaki iua sari sasetotxi auíteakorimoni, Teoso misãkiretiko aikoti nãkatakani auíteakorimoni. Iuasaaki isãkirauata ninoakata Xesosi imíkapiritini íkapani. Iuasaaki ninoa xinikaxitita:

—Kíãtokopa itxatari Xesosi isikini atemoni?

⁵ Sasetotxi auíteakori eneniãka. Ninoa txari Xotasimoni:

—Pisikasaakiri Xesosi atemoni, aikitxitaiko pite —itxana Xotasimoni.

⁶ —Ateeneka —itxa Xotasi.

Ikara atoko inaãka atoko Xotasi iãtapari isikiniri ôti manapi. Inirekari kãkiti mauakanisaaki, Xesosi imíkapiritini.

Pãskoa Kiiniriti Kamiko

(Mateo 26.17-25; Marko 14.12-21)

⁷ Iuasaaki kãkiti paríkauata Pãskoa kiiniriti ikaminina íkapani. Iua kiiniriti auakasaaki, itotarina pão matireëkati inikinina. Iuasaaki okarina soti auíte ákiri kiinirisaaki iniãkitina íkapani. ⁸ Xesosi paniãtana Xoão, Petro pakini:

—Hísako. Hãpotiitariko nipokori Pãskoa kiiniriti íkapani —itxa.

⁹ Ininiã ninoa:

—Namonipa akamatari kiiniri? —itxana.

¹⁰ Ininiã Xesosi:

—Xerosareëmoni hísaa. Iuaã hítikari kiki kaminiri sito paríka. Iua apaãnãtari ãparaã. Kopiti ikiiã anikanãta. Iua aõkaitaiko híte. Iuakata sa hítxako. Híiroã aapokotxi iua íroiniãtaã.

¹¹ Himisãkiretari kauiniri. Hítxariko iua: “Koerekareri nirekari imarotiniri: ‘Namonipa ianapokotakani kaikotiniãtaã iriko? Iuaã inirekari inapiniri Pãskoa ôti imoianariakorikata,’ hítxariko iua.” ¹² Iuasaaki kauiniri oerekai itanokiri koa mitari iuaã kiiniri íkapani. Imakinika tiitxi iposope. Iuaãrako hãpotiitari imakinika Pãskoa kiiniriti íkapani —itxa Xesosi.

¹³ Ininiã sa itxana. Apoka itxarina ikinika Xesosi sãkire iaõka. Ininiã iuaã ninoa maiamatarini kiiniri.

Xesosi Íto, Iarëka Pakini

(Mateo 26.26-30; Marko 14.22-26; 1 Koríto 11.23-25)

¹⁴Ininiã Páskoa kiiniriti potorikasaaki, Xesosi imoianariakorikata topáka. ¹⁵Ininiã Xesosi txana:

—Iteene ninirekari hitekata ninikiniri ia nipokori Páskoa kiiniritisaaki, natatsiirauatini apisa. ¹⁶Ia atoko inakari nipokori !ninkaikariko hitekata. Teoso ikinimane auíte inakasaakiua, uasaakiikarako ninikapitkariko iuaíkana.

¹⁷Ereka iua kosekari iátatxi koana ovaã iáriati. Ininiã itxa:

—Niri, erekapitkari ia pisikakiti —itxari Teoso.

Ereka itxana imoianariakori:

—Ia iáriã hãpakapako. Hikinika hiátariko. ¹⁸Atão nisãpiretai. !Niãtaikaroko ovaã, Teoso ikinimane auíte iminakanisaakiua. Teoso ikinimane auíte inakasaakiua, uasaakiikarako iuaíkana niátariko ovaã —itxa Xesosi.

¹⁹Ereka ikosekari komiri:

—Erekapitkari ia komiri pisikakiti atemoni —itxari Teoso.

Ereka imapixinikaãpotari, sikaãpota itxana imoianariakori:

—Ia niũto okaãka hite ikapani. Ia komiri hinikasaaki, hĩxinikanoko nota. Hĩxinikari nipinini hite ikapani.

²⁰Inikaãkarina atoko, ikosekaro ovaã. Isikana imoianariakori. Ininiã itxa:

—Ia niarẽka xiketakari makatxakariko hite maerekani. Teoso sãpiretapekari kãkiti ikamaenetakiti amaneri kãkiti ikapani. Ia niarẽka oerekari kãkiti, Teoso kamapekari ikamaenetakiti. ²¹Iua nimĩkapiritakiri uatxa uai topáka notakata. ²²Nota hĩtari iaxitiki okaãkako. Teoso sãkire iókatsopatakori sãpiretapekari nipinini tĩkane. Nota hĩtari iaxitiki mĩkapiritakari iteene misiritaãkako —itxa Xesosi.

²³Xesosi moianariakori ninoakakarika isãkirauatana:

—Kĩpa sikatari Xesosi imokaiakariakorimoni? —itxanãtana.

Kĩripa Apiatakari?

²⁴Ikara atoko inaãka atoko Xesosi moianariakori misãkiretakakaua.

—Kĩripa apiatakari txatapaniuaoko ate sauaki? —itxana.

²⁵Ininiã Xesosi:

—Xoteo minakanuia auíteakori itapasãkireritika ipaniãtana Xoteo minakanuia iauĩtena nireẽkiti ikaminina ikapani, iuaritika ninoã sãkire, “Peerekaua ate. Ate moianatari kãkiti,” itxana. ²⁶Hite kona ninoã atoko kona hĩtxape. Atxiiti apiari pitxaua hite sauaki, ininiã amarini atoko pitxauako. Auĩtetxi pininiãua, nitiritxi atoko pitxauako. ²⁷Kĩripa apiatakari txataua? Auĩtetxi nipokori nikakarikani, apiatakari txatauaoko? Initiri nipokori kamakarikani apiatakari txatauaoko? Ikinimane kãkiti imarotari nipokori nikakari apiatakari itxaua. Txamari nota auakasaaki kãkiti sauaki, nitiritxi atoko nitxaua, kotxi kãkiti nimoianata.

²⁸—Xoteoakori misiritakasaakino nota, kona hite takanapano. Atão nimoianariakori hĩtxaua. ²⁹Niri, auĩtetxi txĩkitakapekano nota. Ininiã iua atokokana nota txĩkitakai hite auĩtetxi hininiua. ³⁰Nota auĩtetxi ninakasaaki, hinipokota, hiãta hĩtxako notakata. Auako auĩtetxi topãkini hite ikapani. Ininiã iuasaaki hĩpaniãtana tosi nirimanetxi Isaeo auakani ikamakitina tĩkane —itxa Xesosi.

Xesosi Sãpiretari Petro Kĩpatiniri Iua

(Mateo 26.31-35; Marko 14.27-31; Xoão 13.36-38)

³¹Xesosi sãkirauata Simão Petromoni:

—Simão, Simão, Satanasi amanaãpekari Teoso pite, apanakini apaka atamakaerekatini ikapani. Ahoisi misiritiko atoko inirekari imisiritini pite. ³²Iuaritika, nota misãkiretapekari Teoso isikataparatiniri pixinire Simão, nisãkire atão pauikini ikapani. Pikerokariko pikamakiti, iuaritika pikanapiriãpitika nota sãkire iteene iuaíkana pauikini ikapani. Ereka pisikataparaxiniretanako pitariakori nota sãkire auĩkani —itxa Xesosi sãkire.

³³Petro txari Xesosi:

—Niauĩte, nota iposope nitxa kateiamoni nisini pitekata. Pitekata iposope nitxa nipinini —itxa.

³⁴Xesosi txari:

—Atão nisãpiretai. Ia ikanõkati patari sãkirauatini apisapanikako, ipi ãti pakinikata, “!Nimarotari iua,” pitxanoko —itxa Xesosi.

Xesosi Õtãkikana Imoianariakori

³⁵Ereka iuaíkana Xesosi sãkirauata imoianariakorikata:

—Mitxi nota iokanatai kãkitimoni. Iuasaaki kona nisikai txineiro. Kona nisikai sako mata. Kona nisikai sapato, iuaritika minakati auinii atxiiti? Erekarĩ hĩsini ikinika hinirekakiti mauakanisaaki? —itxa Xesosi

—Minakati !auinuaa ate —itxana.

³⁶ Ininiã Xesosi txana:

—Txamari uatxa pitxineirote, sakora pakini auiniã, panika. Iouata mitaro mauakanisaakii, pimãka inopinikiri pivëtxitako iouata piamotini ìkapani. ³⁷ Teoso säkire iökatsopatakori kitxakapirika txari:

Imaïkaãka, kokaniri maïkiko atoko inaãkako.

Ininiã ikara nimaïkiko apokapitikako. Ikara nota pirena kitxakapirika atãopitika —itxa.

³⁸ Imoianariakori txari:

—Apiananiri, patamata. Uai aua ipi iouata aneenamauatini ìkapani.

Xesosi txari:

—!Apakata ikara atoko inakari hisãkire —itxa Xesosi.

Xesosi Misãkiretiniri Teoso Xetsémani Inakoriãtaã

(Mateo 26.36-46; Marko 14.32-42)

³⁹ Eereka ixirata auite Oriva inakorimoni isa, kotxi itotapekari iuaã isini. Imoianariakori sari iuakata. ⁴⁰ Iuaã apokasaakina, Xesosi txana:

—Satanasi nirekari maerekati hikamini. Ininiã himisãkiretariko Teoso, iua sikataparatinii, Satanasi nirekakiti himakamakani ìkapani —itxa Xesosi.

⁴¹ Ininiã iuaã itakanapana imoianariakori. Apikoxãki axapiti sa itxa. Iuaã ikapote-reëkaua, misãkireta itxari Teoso. ⁴² Itxari:

—Niri, !pauiritapeno païtiki natatsirauatini, iuaritika kona pikamapiri nota nirekaãkiti. Pite nirekaãkiti ninireka nikamini —itxa Xesosi.

⁴³ Iuasaaki Teoso nitiri iaxitikiri apoka iuamoni isikataparaxiniretiniri ìkapani.

⁴⁴ Iuasaaki Xesosi xinire kamaxirepeka. Ækixinireë apokapeka itsii. Ininiã iteene imisãkiretari Teoso. Ininiã iinikakare arëkatxikata tapika ixitimoni.

⁴⁵ Teoso imisãkiretaka atoko, ðkitikaua, imoianariakorimoni isa. Iua apoka ninoamoni. Imakapooanãtana, kotxi isãpakapekana imatinaniuatinina xika. ⁴⁶ Ininiã akiritana:

—Kinirepa himakanãta? Hõkitikaua. Himisãkiretari Teoso, Satanasi nireëkiti himakamakani tikane —itxa Xesosi.

Xesosi Maïkiko Pirena

(Mateo 26.47-56; Marko 14.43-52; Xoão 18.1-11)

⁴⁷ Xesosi säkirauatakasaaki imoianariakorikata, itomaneri kãkiti Xotasikata apoka. Xotasi mikiikana ninoa Xesosi oerekini ìkapani. Iua Xotasi Xesosi moianarikamara, apanakinikata. Xotasi apokasaaki apitxokari Xesosi. ⁴⁸ Ininiã Xesosi txari iua:

—Xotasi, pimïkapiritatari pitari iaxitikiri papitxokasaaki? —itxa Xesosi.

⁴⁹ Xesosi moianariakori imarotakasaakiri kãkiti nirekiniri Xesosi imaïkini, itxana:

—Apiananiri, erekari atxiïti uatxa aneenamauatini, aiouataneë —itxana.

⁵⁰ Ininiã äti Xesosi moianari sauakari sasetotxi auite apiatakari nitiri kïpita ikikomoni.

⁵¹ Ininiã Xesosi:

—Hiütoka ikara. Iaõpe.

Eereka Xesosi takapiotaua ikïpitaã. Iuasaaki kakïpitapeka itxa iuaïkana. ⁵² Sasetotxi auiteakori, kiomãtxiakori pakini ina Xesosi imaïkinina ìkapani. Xesosi txari ninoamoni:

—Kinirepa himinari iouata, piriri pakini himaïkinino ìkapani? ⁵³ Ikiniõtika hïtekata naua aiko Teoso misãkiretikoã. Iuasaaki kona hïte maïkano. Ìkanõka hina, kotxi ipiaã hikamari maerekati —itxa Xesosi.

Petro Kipitari Xesosi Imarotini

(Mateo 26.69-75; Marko 14.54, 66-72; Xoão 18.15-18, 25-27)

⁵⁴ Ininiã ninoa maïkari Xesosi, anika itxarina sasetotxi auite apiatakari aapokomoni.

Ïroãna aapoko äki. Ininiã Petro sari ninoa tikini. ⁵⁵ Sasetotxi aapoko takote apoka. Iuasaaki mapara xamina pokitakori aua. Kãkiti topãkanãta xamina takote. Irokanãtana. Ininiã Petro topãka ninoa takote. ⁵⁶ Iuasaaki ätokoro atamatari iua xamina kamaraã. Ininiã itakote oãpoka. Omixinitari iua:

—Ia kiki Xesosikata auakari —otxa.

⁵⁷ Txamari Petro txari:

—Ätokoro, kona nimarotari iua —itxa.

⁵⁸ Eereka äti atamatari iua. Itxari iua:

—Pite Xesosi moianarikalari? —itxari.

Txamari Petro:

—Konapitini —itxa.

⁵⁹ Äti oara napa atoko äti txari:

—Atãopitikara, ikira kiki Xesosi moianaripitikara, kotxi Kariréiakiri itxaua iua —itxa.

⁶⁰ Petro txari:

—Kona nimarotari ikara pisāpiretakiti.

Iuasaaki, isākirauatakasaaki, patari sākirauata. ⁶¹ Iuasaaki Xesosi sapotorika, atamata itxari Petro. Iuasaaki, Petro xinikari mitxi Xesosi sāpiretakiti: “Patari sākirauatini apisapanikako, ipi āti pakinikata, ‘!Nimarotari iua,’ pitxanoko” ininiri iaōka aua. ⁶² Ininiā eereka Petro sipe. Itene txiapata itxa.

Sotatoakori Napetiniri Xesosi
(Mateo 26.67-68; Marko 14.65)

⁶³ Xesosi nīkatakani napetari, noropata itxarina Xesosi. ⁶⁴ Iuasaaki iaxirikaokitarina iua, ninoā imatamatakani ikapani. Iuasaaki noropata itxarina.

—Kimarorei pite. Kiripa noropatai? —itxana.

⁶⁵ Itomaneri maerekati sākiretxitiā itxitarina Xesosi. Inapetiniri liotoka.

Xesosi Xoteo Auñteakori Apisatoō
(Mateo 26.57-68; Marko 14.53-65; Xoāo 18.19-24)

⁶⁶ Ikanōkapanika kiomātxiakori, sasetotxi auñteakori, kaiōkatsopareriakori pakini apotiitaua. Iuasaaki Xesosi minaāka ninoamoni.

⁶⁷ —Pisāpiretaua ate, Teoso mereēkitikai pite? —itxarina.

Ininiā Xesosi apakapapiretana:

—Nisāpiretiniāi, !hāuikari nisākire. ⁶⁸ Nipimarauatiniā, hīte !apakapapiretano. Apaka ! hāuiritari nisakakiko. ⁶⁹ Pañtiki hītari iaxitikiri topākako Teoso kaposotiireri kikomoni —itxa Xesosi.

⁷⁰ Ininiā iuaīkana ninoā pimaāri:

—Teoso ākirikai pite? —itxarina.

Ininiā Xesosi apakapapireta:

—Atāopitikara hīsākire. Iuapitikanano nota —itxa.

⁷¹ —Iaōpekara. Akenakotapekari isākire. Ininiā apikomoni isākire kenakotakani ! anirekaika, kotxi ateka kenakotapekari iua sākire maerekati —itxana.

23

Xesosi Pirato Apisatoō

(Mateo 27.1-2, 11-14; Marko 15.1-5; Xoāo 18.28-38)

¹ Ininiā imakinika ninoā anikari Xesosi Piratomoni. ² Ininiā iuaā ikamarina aāpirena. Apoñtarina Xesosi:

—Ate kenakopiretari oerekiniri kākiti maerekati ikamini, kotxi iua ōtākikari kākiti, kākiti mūkitxitakaniri Sesa, Homano auñte apiari. Apaka itxa: “Teoso mereēkitino nota. Auñtetxi apiatakari nitxaua,” itxa iua sākire.

Txamari na atāoni ikara atoko itxana ninoā. Ikara atoko ninoā apoñtari Xesosi. Kona atāo ninoā sāpiretakiti. ³ Ininiā Pirato pimaāri Xesosi:

—Pitekani Xoteoakori auñte txataua? —itxari Xesosi.

—Iuapitikanano nota —itxa Xesosi.

⁴ Ininiā Pirato txana sasetotxi auñteakori, kākiti pakini:

—!Napokari maerekati ikamakiti —itxa.

⁵ Iuaīkana apoñtarina:

—Iua oerekana kākiti maerekati ikamini auñtetxiakorimoni. Kariréia tōpamonira ipotorika. Uatxa uaipekarari iua —itxana.

Xesosi Erotxi Apisatoō

⁶ Pirato kenakotakasaakiri isākirena, ipimaāna:

—Ia kiki Kariréiakirikani?

⁷ —Ari iuapitikara —itxana.

Ikara Pirato imarotakasaaki, iokanatarari Xesosi Erotximoni, kotxi Kariréia tōpa auakani auñte itxaua Erotxi. Iuasaaki iua ianapokota Xerosareē. Ininiā Pirato iokanatarari Xesosi Erotximoni, kotxi Xesosi Kariréiakiri.

⁸ Erotxi kenakopiretapekari Xesosi pirena. Ininiā iua aōkitakasaakiri Xesosi, poxokope itxakata, kotxi inirekari Xesosi oerekiniri iposotiire. ⁹ Ininiā itene ipimaāri Xesosi, ikamakiti imarotini ikapani. Txamari Xesosi !apakapapiretari iua. ¹⁰ Iuasaaki sasetotxi auñteakori, kaiōkatsoparerini pakini itene apoñtari Xesosi. Ikinika ninoā sākire aāpirenanoka. ¹¹ Eereka Erotxi, isatatoneakori pakini napetari Xesosi. Ieretakarina auñtetxi māka maparakiri apiata inapetinirina ikapani.

—Hātamatari ere. Auñtetxi itxaua —itxana.

Eereka iuaĩkana iokanatarina Piratomoni. ¹² Mitxi Erotxi, Piratokata omanatakakaua. Ikkara õti ninoa apokaerekatakakaua.

Xesosi Okiko Nirekiko

(*Mateo 27.15-26, 11-14; Marko 15.6-15; Xoão 18.39-19.16*)

¹³ Ininiã eereka Pirato apotiitari sasetotxi auĩteakori, Xoteo auĩteakori, apanakini kãkiti pakini. ¹⁴ Ininiã itxa:

—Hĩte minari ia kiki notamoni. Hĩte apoĩtari iua imisirienetiniri kãkiti. Hĩte apisatoõ nipimaãpekari ikamakiti pirena. Notamoni kona maerekati ! ikama. ¹⁵ Erotxipekana ! apokari maerekati ikamakiti, ininiã iokanatarini iua notamoni iuaĩkana. Inipitĩkara iua erekari, txamari hĩte nirekari okiko maxikatĩĩka. ¹⁶ Ininiã nota paniãtari inoropatiko aãpitsa aamata kamakoriã. Eereka niokanatarini isini.

¹⁷ Iuasaaki Pãskoã kiiniritisaaki, auĩtetxiakori itotari isikakiniri ãtika kateia ãki auakari.

¹⁸ Ikkara Pirato sãkire ikenakotakasaakina, ninoã akirikata:

—Hõkariko ere kiki. Hĩsikakariko Pahapasi —itxana.

¹⁹ Pahapasi kateia ãki aua, kotxi iua apanakinikata naiatari auĩtetxiakori. Kokaniri apaka itxaua.

²⁰ Pirato nirekari Xesosi isikakini, ininiã iuaĩkana isãkirauata kãkitimoni. ²¹ Txamari ninoã akiripoakata:

—Aamina ĩpiriãmitakari nopini hĩtokakariko. Hõkariko aamina ĩpiriãmitakari nopini — itxakatana.

²² Pirato mitxi isãkirauata ipikata. Iuaĩkana isãkirauata:

—Kixikapa? Maerekati ! ikama. Ixika ! auari ipininĩ ĩkapani. Nipaniãtariko inoropatiko, eereka nisikakariko —itxari.

²³ Txamari iuaĩkana akiripoakata:

—Hõkariko aamina ĩpiriãmitakari nopini.

Ninoã akiripoakatini xika Pirato kamari ninoã nirekakiti. ²⁴ Ininiã Pirato:

—Xesosi ipinako hinirekakiti iaõka —itxa Pirato.

²⁵ Iuasaaki isikakari Pahapasi kateia ãki auakari. Neenamtxi kamakari, kokaniri apaka itxaua Pahapasi. Eereka isikari Xesosi sotatoakorimoni aamina ĩpiriãmitakari nopini okiko ĩkapani.

Xesosi Tokakitaãka Aamina ĩpiriãmitakari Nopini

(*Mateo 27.32-44, 11-14; Marko 15.21-32; Xoão 19.17-27*)

²⁶ Ininiã sotatoakori anikari Xesosi okiko ĩkapanimoni. Iuasaaki kimaporiãpo aõkitarina Simão, Sireni sitatxitikiri. Iuasaaki iua apoka sitatximoni. Sotatoakori maĩkari iua. Aamina ĩpiriãmitakari itakana Simão tsotere nopini:

—Panika ia aamina ĩpiriãmitakari —itxarina.

Xesosi tikini sa itxa Simão. ²⁷ Xesosi tikini isa mirikiniti kãkiti. ãtokaka sitoakoro sari apaka. Imatinaniuatana, itxiapatana, kotxi imarotarina Xesosi paĩtiki ipininĩ. ²⁸ Xesosi kirioka ninoã sitoakoromoni. Itxana:

—Sitoãkini Xerosareẽ auakani anaakoro. Kona notani ! himariaka. Hĩtekara himariakaua. Hamariteni ĩkapani hĩtxiapata, ²⁹ kotxi ãti õti apokasaaki, kãkiti sãkire: “Api-aerekata sito meeneto oniniua,” kotxi iuasaaki misirikaretxi apokasaaki, pamonõkoniri. ³⁰ Iuasaakiikarako kãkiti akiripoakatako ixirata auĩtemoni: “Ate nopini pirika. Pipataua,” itxanako, kotxi iuasaaki ninoã mokaikariakori apokaãpota ninoã xipokini ĩkapani. ³¹ Nota aamina amaneri atoko nitxa. Hĩte aamina ĩsasaka atoko hĩtxa. Nota ! ikamari maerekati, iuaritĩka ia atoko nota ipina. Erepaniko aamina ĩsasaka atoko hĩtxa, ininiã ãti õtirako apiata himisiritiko —itxa Xesosi sãkire.

³² Ninoã anikari ipi maerekati kamakani Xesosikata ipininina ĩkapani. ³³ Apokasaakina “Kiitãtatxi” inakoriãtaã, itokakitarina Xesosi aamina ĩpiriãmitakari nopini. Iua atokokanera itxana maerekati kamakani. ãti maerekati kamakari itakana Xesosi kikomoni, ãti isanaremoni.

³⁴ Iuasaaki Xesosi txari:

—Niri !pimisiritapena ninoã, maerekati ikamakitina xika, kotxi !imarotarina ikamakitina —itxa Xesosi.

Iuasaaki sotatoakori kamari sarauatxi. Eereka imakatzakarina Xesosi mãka. Sarauatxi kãiatakari apakapari imãka. ³⁵ Kãkiti iuaã auakani itikari Xesosi. Sasetotxi auĩteakori napetari iua. Itxana:

—Iua makatzakapekari apanakini imapinakanina ĩkapani. Teoso mereẽkiti ininiãua, kinirepa iua !imakatzakaua? —itxana.

³⁶ Iuasaaki sototoakori apaka napetari iua. Katxioári isikarina Xesosi iätini ikapani, txamari !iätari. ³⁷ Itxana:

—Pite Xoteo auíte pininiãua, ininiã aamina ipiriãmitakariã pimakatxakaua. Piteka pimakatxakauako —itxarina.

³⁸ Iuasaaki iökatakori takaãka ikii tanomoni:

—Xoteoakori Auíte —itxa iua iökatakori. Homano sãkireë aua. Kreko sãkireë aua. Xoteo sãkireë pakini aua iuaã iökatakori.

³⁹ Maerekati kamakari Xesosi takote tokakitakori akiritari iua. Itxitari. Inapetari:

—Pite Teoso mereëkiti pininiãua, iteroa piposotiire? Piteka pimakatxakaua. Ate apaka pimakatxaka —itxa.

⁴⁰ Äti maerekati kamakari iuaã tokakitakori ötäkikari iua:

—Kona pite pïkatari Teoso? Ate apaka apinako. ⁴¹ Atãöpitikara ate misiritiko, kotxi maerekati akamapeka. Ere kiki !ikamari maerekati —itxa.

⁴² Eereka itxari Xesosi:

—Xesosi, auítetxi pininiãtaãua papokasaaki, pixinikano nota, kotxi ninirekari nisini pitekata iuaxiti —itxari.

⁴³ Xesosi apakapapiretari:

—Atãöpitikara nitxai, uatxa ia öti, pite sariko notakata iaxiti Erekariãtaã.

Xesosi Ipinini Pirena

(*Mateo 27.45-56; Marko 15.33-41; Xoão 19.28-30*)

⁴⁴ Ininiã apaniãxiti takote atokatxi piãkapeka. Ipi äti pakini oara ipiãka. ⁴⁵ Atokatxi ! iponikaika. Iuasaaki mäkatxi mata mitari Teoso misãkiretiko aikotiã arökakari matsoraki-taãka. Ipi matapeka itxa. ⁴⁶ Iuasaaki Xesosi akirikata:

—Niri, nisikai nixinire pinïkatini ikapani.

Ikara atoko inaãka atoko, ipina. ⁴⁷ Sotato auíte itikasaakiri, ikenakotakasaakiri, itxa:

—Atãöpitikara ikira kiki atão inakarinoka kamakari iua. Maerekati !ikama —itxa sotato auíte.

⁴⁸ Kãkiti iuaã apotiitakaniua ikara atamatakasaakina, itorotana iaritana ipïkarauatini xika. Ininiã isipekana. ⁴⁹ Ikinika Xesosi aökimanere, sitoakoro Karirëiakini, iua tikini sikani pakini aua iuaã. Ikira atoko itikanãtarina Xesosi okiko.

Xesosi Katiko Pirena

(*Mateo 27.57-61; Marko 15.42-47; Xoão 19.38-42*)

⁵⁰ Iuasaaki iuaã aua Xosee inakori. Xoteo auíteakori ötäkikakari iua. Erekari iua. Erekarinoka ikama. ⁵¹ Arimateia sitatxitikiri iua. Arimateia sitatxiti, Xotëia töpa aua. Iãtapapikari Teoso ikinimane auíte ininiua. Mitxipe apanakini Xoteo auíteakori ötäkikakani nirekasaakiri Xesosi okinina, iuasaaki iua Xosee txari:

—Konapitini. !Apakata ikara atoko akamini —itxa.

⁵² Xesosi ipinaka atoko, Xosee sari Piratomoni. Amanaãri Xesosi ito akauarimoni itakini ikapani. Ininiã Pirato sikari Xesosi ito iuamoni. ⁵³ Ininiã iua makatxakari Xesosi ito itokakitikoãtaã. Iapirikari mäkatxi mataã, kai iriko äki taka itxari. Mitxi ipïkari !auapanika iua iriko äki. ⁵⁴ Ikara öti sesta veira. Ikinika sesta veira, Xoteoakori tomatini öti apisa, Xoteoakori aiãmata tomatiko öti ikapani.

⁵⁵ Sitoakoro Karirëiakini Xesosikata Ikani sari Xosee tikini kai irikomoni. Ninoa nirekari imarotini Xesosi ito takikoãtaã. ⁵⁶ Eereka ninoa kanapiriã aapokomonina. Kamariãro, aãtsopa ätião pakini apotiitana Xesosi itoã itakinina ikapani. Ininiã tomatiko öti tomata itxana, kotxi Teoso paniãtakiti iaöka ikamana.

24

Xesosi Iuaikana Auãki Inini

(*Mateo 28.1-10; Marko 16.1-10; Xoão 20.1-10*)

¹ Tomïkosaaki Ikanökapanika, sitoakoro sari kai irikomoni, kamariãro Xesosi itoã itakinina ikapani. ² Ninoa apokasaaki iuaã, atamatarina. !Katoreikari kai iriko. Kai tore makatx-akapeëkaika. ³ Ininiã ninoa itroã, txama kona apokarina Xesosi ito. ⁴ Ininiã sitoakoro:

—Itapari Xesosi ito? Kanatokopa itxa? —itxanãtana.

Iuasaakipeka ipi kiki tokiã. Itimana sitoakoro apisatoö. Pomëkari mäkarini ninoa. Mëkokari iotximere atoko itxa ninoa mäka. ⁵ Sitoakoro pïkarauata, ininiã iãkana. Ixitipeka auakiitana. Ininiã ninoa kiki txana:

—Kinirepa hinitanãtari auãki inakari ipïkani sauaki? ⁶ !Uaiikari iua. Ökitikapekava. Hïxinikari isãkire Karirëia hitekata auakasaaki. ⁷ Ia atoko itxa isãkire: “Hïtari iaxitikiri

sikaākako maerekanimoni. Eereka nipinako aamina ĩpiriāmitakari nopini. Eereka ĩpi āti ōtisaaki iuaĭkana nōkitikauako,” itxa Xesosi. Hĭxinikariko isākire —itxana.

⁸ Ininiā ninoa sitoakoro:

—Ari ikara atokopitikara itxapeka isākire —itxana.

⁹ Eereka ninoa sipeka. Ōsi Xesosi moianariakorimoni isana. Apanakini kākiti iuaā aua apaka. Iuaā ninoa sāpiretana ĩkinipoko itikakitina. ¹⁰ Maria Matarenama, Xoanama, Maria Txiaiko inorama, apanakini pakini sāpiretari Xesosi moianariakori itikakitina. ¹¹ Txamari Xesosi moianariakori kona auikari ninoa sākire.

—Paxirari hīsākire —itxana.

¹² Petronoka auikari ninoa sākire, ininiā imiteēkata kai irikomoni. Iāka, iriko āki atamatini ĩkapani. Mākatxi matanoka, Xesosi ĩtoā Xosee ĩpirikakitinoka atamata. Eereka aapokomoni ĩkanapiriā. Isikasaaki, ĩtsorĭkaānāta, Atamatakiti ĩxinikanāta.

Emaoso Kimaporiti Sikani
(Marko 16.12-13)

¹³ Ikara ōti ĩpi Xesosi sākire auĭākani ĩāpota Emaoso inakori aapokotxitimoni. Xerosareē pipotorikasaaki, ĩpi oara napa atoko papoka Emaoso. ¹⁴ Ninoa ĩpi sākirauanāta isaāpotakasaakina. Isākiretarina, ĩxinikarina Xesosi ĩpinini pirena. ¹⁵ Isākirauanātakasaakina, iuasaaki Xesosi ina ninoa tikini, ininiā iua sa ninoakata. ¹⁶ Txamari ninoa kona imarotari iua Xesosi ininiua. ¹⁷ Ininiā Xesosi:

—Kĭpa hĭte sākirenāta? —itxa Xesosi.

Ininiā ninoa iotoka. Iuasaaki ninoa toō oerekari imatinaniuatinina. ¹⁸ Kĭropasi inakori apakapapiretari:

—ĩkinimane Xerosareē auakani imarotari Xesosi okiko pirena. Atxiĭti pite ātiātaā ĩkarikai? —itxari.

¹⁹ Ininiā Xesosi txari:

—Natokopa itxa iua? —itxa.

Ininiā ninoa:

—Xesosi Nasaree sitatxitikiri iua. Teoso sākire sāpiretakari itxaua. Teoso, kākiti apaka apokaerekatari isākire, ikamakiti pakini, kotxi paposotiireri isākire, ikamakiti pakini. ²⁰ Sasetoxi auĭteakori, aāuĭteakori apaka sikari iua okiko ĩkapani, aamina ĩpiriāmitakari nopini ĩpinini ĩkapani. ²¹ Ate uākatari iua kākiti Isaeo auakani maerekani makatxaākari ininiua. Kita mitxi iua ĩpina. ²² Mĭxikanani sitoakoro iua sākire auĭākani sākirauata atekata. Ininiā atsorĭkaāta. Isāpiretauana ĩkanōkapanika akauarimoni isinina. ²³ Txamari ninoa kona apokaikari Xesosi ĩto. Ninoa sākire, aōkitana Teoso nitiriakori ĩaxitikini iuaā. Ninoa sāpiretana sitoakoro Xesosi iuaĭkana ōkitikaapekaua. ²⁴ Eereka ātikaka imoianariakori sari iuaā atamatinarina ĩkapani. Sitoākini sākire atāopitikara. Txamari laōkitari Xesosi iuasaaki —itxa Kĭropasi.

²⁵ Ininiā Xesosi txana ninoa:

—Mĭĭkiteni hĭtxaua. !Hĭnirekari hāuĭkiniri Teoso sākire sāpiretakani sāpiretakiti imakinika Teoso sākire, ²⁶ kotxi ninoa txari: “Teoso nirekari imereēkiti atatsirauatini, Teoso tixine ĩkanapiriĭni apisapanika,” itxa Teoso sākire —itxa Xesosi.

²⁷ ĩāpotakasaakina, Xesosi sāpiretana ninoa Teoso sākire iuaka pirena. Merepanika iuaka oerekaua Moisesi iōkatsopatakitiā, eereka Teoso sākire sāpiretakani iōkatsopatakitiā. Iuaka oerekaua imakinika Teoso sākire iōkatsopatakoriā auakariā.

²⁸ Iuasaaki ninoa apokaāpota Emaoso takote. Ninoamoni Xesosi nirekari apikomoni isini. ²⁹ Ininiā itxana:

—Kona pisipe apikomoni. Mapiānikata, ininiā atekata pikaikota —itxarina.

Ininiā Xesosi ĩroā aapokotxiā ninoakata ĩkaikotini ĩkapani. ³⁰ ĩitopāka ninoakata ĩnipokotini ĩkapani. Iuasaaki Xesosi kosekari komiri.

—Teoso, erekapitikari pisikakiti atemoni —itxa.

Iuasaaki ĩmapixinikari komiri, sika itxana ninoamoni. ³¹ Iuasaakipeka ninoa imarotari Xesosi ininiua. Iuasaakipeka, ereēkoka itxa. ³² Ininiā ninoa misākiretakakaua:

—Atāopitikara, kimaporĭā isākirauaāpotakasaaki, Teoso sākire oerekarauaāpotakasaaki, axĭnĭre poxokoniuata iuasaaki —itxana.

³³ Iuasaakipeka ninoa aiamata. ĩkanapiriāna Xerosareēmoni. Iuaā apokana ōsi Xesosi moianariakori, apanakinikata. ³⁴ Isāpiretana:

—Xesosi auāki ĩnini pirena atāopitikara. Apiananiri ōkitikaapekaua. Petromoni oerekaapekaua —itxana ninoa.

³⁵ Ininiā eereka Kĭropasi imoianarikata sāpiretana kimaporĭ isinina pirena. Isāpiretana komiri Xesosi mapixinikini pirena, kotxi iuasaakiika ninoa imarotari iua Xesosi ininiua.

*Xesosi Oerekaua Imoianariakorimoni**(Mateo 28.6-20; Marko 16.14-18; Xoão 20.19-23; Átosi 1.6-8)*³⁶ Isákirauatapanikana inakasaakina, Xesosi tokiã ninoa sauaki.

—Erekaxinire hĩtxako —itxa.

³⁷ Itikoãkatana. Ipĩkarauatana. Kamiri iuãkatarina.³⁸ —Kinirepa hĩtikoka? Kinirepa kamaxirepeka hĩtxa iĩkiteta? ³⁹ Hãtamatariko niuako, nikitiki pakini. Iuapitikarano nota. Himaãtakano. Kamiri !kaxiniri. Kamiri kona kapiri. Hãtamatanano. Niĩtokara. Kamiri !nitxaua —itxa Xesosi.⁴⁰ Ininiã oerekari iuako, ikiti pakini ninoamoni. ⁴¹ Ninoa iteene poxokoniuata, txamari liteene !auikapnikarina atão Xesosi ininiua. Ininiã iuasaaki Xesosi pimaãna:

—Nipokori aua hĩtemoni? —itxa.

⁴² Ininiã ninoa sikari ipixini ximaki kimitakori. Mapaã apaka isikarina. ⁴³ Ininiã iua nikari ninoa apisatoõ. Iuasaaki ninoa imarotari atão Xesosi ininiua, kotxi kamiri !nikari nipokori. ⁴⁴ Eereka iua misãkiretana ninoa:

—Mitxi hĩtekata nauakasaaki, nisãpiretai ikinipoko nota pirenana Teoso sãkire iõkatsopatakoriã. Noerekapekai hĩte Moisesini iõkatsopatakiti, Teoso sãkire sãpiretakani iõkatsopatakiti. Xikari iõkatsopatakori apaka noerekapekai. Imakinika ninoa sãpiretakiti nota pirenana apokapeka.

⁴⁵ Iuasaaki isikaimaroretana ninoa Teoso sãkire iõkatsopatakori imarotiniã ikapani, ininiã iuasaaki ninoa imarotari atão. ⁴⁶ Itxari:

—Kitxakapirĩka iõkatsopatapeẽkaika:

Teoso mereẽkiti atatsiirauatako. Okaãkako. Ipi ãti õtisaaki õkitikauako.

⁴⁷ Kãkiti nisãkire auĩãkani iaripiretariko niokanapirenana erekari ikini itixiti. Merepanika Xerosareẽ auakanimoni isãpiretaãkako, eereka ikini itixiti auakanimoni isãpiretaãkako. Ninoa oerekariko kãkiti takanapiniri imaerekanina, ininiã iuasaakipeka Teoso makatzakariko maerekati ikamakitina. ⁴⁸ Hikinika hĩte itikapekari nipinini. Hãtamatanano nota iuaĩkana auãki ninini. Ininiã iteene himarotari nota pirenana apanakini hĩsãpiretini ikapani. ⁴⁹ Nota iokanatariko niri sikaenetakiti, Erekari Matamatakoti, hĩtemoni. Uai sitatxi hĩkaikotako. Hiãtapariko iua apokini. Ininiã hãpakapariko Teoso posotiire itano ikari —itxa Xesosi.*Xesosi Anikaãka Teoso Tixinemoni**(Marko 16.19-20; Átosi 1.9-11)*⁵⁰ Xesosi anikari imoianariakoriki Petãnia sitatxitimoni. Iuaã apokasaakina, Xesosi õkitikauakotaua. Itxari Teoso:

—Niri, naia pinĩkata. Pitakari erekari naiamoni —itxa.

⁵¹ Isákirauatakasaaki, anikaãka Teoso tixinemoni. ⁵² Iuasaaki ninoa:

—Peerekari Xesosi. Iuanoka Apiananiri —itxanãtana.

Eereka Xerosareẽ ikanapiriãna ipoxokoniritikana. ⁵³ Ikiniõtika isana Teoso misãkiretikoki aikotimoni. Iuaã ninoa misãkiretari Teoso:

—Peerekai. Erekapitikari pikamakiti ate ikapani —itxanãtana ikiniõtika.

Ameẽ.

HOÃO

Xesosi, "Teoso Säkire" Inakori

¹ Itixi kamiko apisa iua "Teoso Säkire" inakori auapeka. Iua Teosokata aua. Iua Teoso txaua. ² Ikinipoko potoririkosaaiki Teosokata auari iua "Teoso Säkire" inakori.

³ Teoso paniätari iua ikinipoko ikamini. ! Auari iua makamakiniti. ⁴ Xesosi, "Teoso Säkire" inakori, kamari itanapokoka auäki inini. Iuanoka sikari ikinipoko auäki inini, kotxi iuanoka auapika. Iua tirikapi atoko itxa, kotxi iopinikari käkiti xiniremoni Teoso säkire imarotini ikapani, ätipirika auini ikapani. ⁵ Iopinikari ipiä. Ipiä kona xipokari iua tirikapi kamara.

⁶ Teoso iokanataru isäkire säpiretakari tükane kiki Xoão inakori. Iokanataru iua käkitimoni, käkiti xinire iopiniäkari isäpiretini ikapani. ⁷ Isäpirenauata, Teoso säkire ikinimane imarotini ikapani, auikapiretinirina ikapani. ⁸ Kona Xoãoni käkiti xinire iopiniäkari txaua. Xoão iokanataäka käkiti xinire iopiniäkari isäpiretini ikapani. ⁹ Iua atão iopinikari käkiti xinire. Apoka ikoraxiti, ikinipoko käkiti xinire iopinikini ikapani.

¹⁰ Iua "Teoso Säkire" inakori aua ikoraxiti. Iua kamari itixi, iuaritika ikoraxiti auakani kona auikapiretari iua säkire. ¹¹ Iua apoka itixi ikamakitimoni, txamari käkiti ikamakini kona nirekari iua. ¹² Iuaritika apanakini nirekari iua, ininiä auikarina isäkire. Ininiä iua sikaposotiiiretana ninoa Teoso anaakori ininiuana ikapani. ¹³ Aponaniäkasaaki, Teoso anaakori ! atxaua. Ateka Teoso anaakori akaminuia ! aposota. Kona käkiti txikitakaua Teoso anaakori aniniäua. Teosora kamari iua anaakori aniniuana.

¹⁴ Käkiti itxapekava iua "Teoso Säkire" inakori. Atekata aua. Ate itikari iua. Peerekari iua. Peerekari iposotiiire. Ikinipoko erekari aua iuamoni. Isäkire atãonoka itxa. Ikara atoko itxa, kotxi iri Teoso. Teoso äkiri imatonökari itxaua Xesosi.

¹⁵ Xoão säpiretari Xesosi käkitimoni. Ia atoko isäpirenauata:
—Iua, hitemoni nisäpiretakiti: "Nota tikinimoni apokakari, apiatako iua. Nota poiãoka, kotxi nota auini apisapanika auapeka iua."

¹⁶ Ikinipoko erekari aua iuamoni, ininiä amakinika ate apakapari ikinipoko erekari iuamonikiri. Isikaäpotari erekari atemoni. ¹⁷ Aimarotari Teoso paniätakiti säkiretxiti, kotxi Moisesini oerekepekava. Apiaerekata Xesosi Kristo oereëkiti, kotxi iua oerekava Teoso iteene tiretiniuana. Ikinipoko erekari isika atemoni. Maerekati kamakani atxaua, iuaritika Teoso tiretaua. Oerekava atão inakari aimarotini ikapani. ¹⁸ Teoso atamatakari ! auari. Imatonökari Teoso äkiri, irikata auakari, iuara oerekava Teoso aimarotini ikapani, kotxi Teosotxikana iua.

Xoão Kapatxisareri Säpiretakiti

(Mateo 3.1-12; Marko 1.1-8; Arókasi 3.1-18)

¹⁹ Xoteo auiteakori Xerosareë sitatxiti auakani iokanataru käkiti Xoãomoni. Iokanataru sasetotxiakori. Iokanataru sasetotxiakori moianatakani apaka Xoãomoni, ipimainirina ikapani: "Kinakariparai pite?" ²⁰ Kona Xoão kipataru isäpiretinina. Atão isäpiretana:

—Teoso mereëkiti käkiti iätapakiti, kona nitxaua nota —itxa.

²¹ Ininiä ipimaärina:

—Ikara atoko ininiä kiriparai? Eríasikani? —itxana.

—Kona iuano —itxa.

—Teoso säkire säpiretakari aiätapakitikani atxiiti? —itxana.

—Kona iuano —itxa.

²² —Ikara atoko ininiä, natokopa inakariparai pite? Ninoa ate iokanatakani nirekari imarotiniina pite. Natokopa inakaripa pite? —itxana.

²³ Ininiä Xoão:

—Teoso säkire säpiretakari Isaia inakori iökatsopatakiti txari:

Auako kiki äparaä makipakaniätaä. Isäpirenauatako. Iuariko: "Höeretariko kimapori Apiananiri apokini apisapanika. Itikaäpo erekari hïkamako iua napini ikapani," itxa Isaia. Iua kiki äparaä makipakaniätaä kasäpirenari, iuakarano nota. Iua Isaia säpiretakitarano nota —itxa Xoão.

²⁴ Pariseoakorira iokanataru ninoa kiki Xoãomoni. ²⁵ Ipimaärina Xoão:

—Iua Teoso mereëkiti aiätapakiti piminakanisaakiva, Eríasi inakori piminakanisaakiva, Teoso säkire säpiretakari aiätapakiti piminakanisaakiva, kinirepa pite patxisataru käkiti? Kipaniäpa pite patxisarauata? —itxarina.

²⁶ —Äparaäänanira nota patxisarauata. Hite sauaki aua kiki himimarotakinini. ²⁷ Iuara, nota tikini apokakari, apiatakari iua. Minakati nitxaua nota, ininiä kona apakata napokini

iaa takote. Kona apakata ikiti mata tsapitsa nikoxirikini, kotxi minakati nitxaua —itxa Xoão.

²⁸ Ikara atoko Xoão sãpiretana ninoa Xotão ipiniã Petânia sitatxiti, ipatxisarauatiniãtaã.

Soti Auíte Ākiri, Teoso Nakiti

²⁹ Katimatinĩkata Xoão atapari Xesosi, iuamoni inini. Xoão sãpiretana apanakini itakote auakani:

—Hãtapari. Erenapani soti auíte Ākiri Teoso nakiti, kotxi ikinimane maerekani makatxaãkari itxaua. ³⁰ Mitxi nisãpiretakitikara ere. “Kiki apokako nota tikini. Apiananiri iua, kotxi nota mauakanisaakipanika iua aua.” ³¹ Mitxi nota apaka kona nimarotari maerekanitxi makatxaãkari uãka. Nota patxisatari kãkiti āparaã, kotxi iusaaki nisãpiretari iua pirena Isaeo tixini auakanimoni —Xoão txana ninoa.

³² Xoão sãpiretana apanakini itikakiti:

—Nota itikari iua Erekeri Matamatakoti Teoso tixinekiri katxakini. Kamoã katxakini atoko itxa iua. Isari Xesosimoni, kaikota itxa iuakata. ³³ Ikara apisa kona nota imarotari iuãka. Āparaã nipatxisarauatini paniãtakari sãpiretano: “Pitikariko Erekeri Matamatakoti katxakini. Kikimoni apokini pitikariko. Iua kiki patxisarauatini ātiã, kotxi isikari Erekeri Matamatakoti patxisatakonimoni,” itxano. ³⁴ Notakara itikari ikara. Nota sãpiretari nitikakiti, ininiã nimarotapitikari ia kiki Teoso Ākiri ininiua —itxa Xoão.

Merepitipanika Xesosi Moianariakori

³⁵ Katimatinĩkata iuaĩkana Xoão auanãta iuaã ipi imoianariakorikata. ³⁶ Iusaaki itikari Xesosi inapaãpotini, ininiã akiritari imoianariakori:

—Hãtapari. Ere kiki, soti auíte Ākiri Teoso nakiti itxaua —itxa.

³⁷ Ikara ikenakotakana atoko ninoa ipi imoianariakori sari Xesosi tikini. ³⁸ Ininiã Xesosi sapotorika, atapana iua tikini ikani.

—Kipa hinireka atxĩiti? —itxana ninoa.

—Koerekereri, namonipa paua pite? —itxarina.

³⁹ —Masa, hãtamata —itxa.

Ininiã isana iuakata, atamata itxarina iua auiniãtaã. Iusaaki kikatapeka. Eereka ikanõkapeka ikanapiriãna.

⁴⁰ Ninoa Xoão moianariakori, Xesosikata sikani, Ātree, Ātree moianari pakini. Simão Petro itari itxaua iua Ātree. ⁴¹ Eereka Ātree sari katimariã itari Simãomoni.

—Ate aõkitari Teoso mereẽkiti aiãtapakiti —itxa.

⁴² Ininiã Ātree anikari itari Simão Xesosimoni. Xesosi atamatari Simão.

—Pite Simão, Xoão inakori Ākiri. Uatxa pite Petro pinaãkako —itxa.

Kai sorotxikana iuãka Petro.

Piripi, Natanaeo Pakini Xesosi Akiritini

⁴³ Katimatinĩkata Xesosi nirekari Kariréia tõpamoni isini. Iuaã aõkitari Piripi inakori.

—Notakata masa. Nimoianari pitxapekauako —itxari.

⁴⁴ Iua Piripi aapoko Petsáita sitatxiti. Iuaã apaka aua Ātree, Petro pakini aapoko.

⁴⁵ Iusaaki Piripi nitari Natanaeo inakori. Apokasaakiri isãpiretari:

—Ate aõkitari kiki. Moisesini iõkatsopatakiti sãpiretakiti iua. Teoso sãkire sãpiretakani iõkatsopatakiti sãpiretakiti aaõkita. Iuakara Xesosi txaua. Nasaree sitatxitikiri iua. Xosee Ākiri iua Xesosi —itxari.

⁴⁶ —Nasaree sitatxitiã lauari erekeri —itxa Natanaeo.

—Auapitika. Masa, mãpiãkatari iua —itxa Piripi.

⁴⁷ Xesosi atapari Natanaeo iuamoni inaãpotini.

—Ere kiki atão Xoteopitikara. Atãonoka ikama —itxa Xesosi.

⁴⁸ Ininiã iusaaki Natanaeo kenakotari Xesosi sãkire. Ipimaãri Xesosi:

—Kiãtokopa ininiãpa pimarotano nota? —itxari.

Xesosi txari iua:

—Piripi akiritinũ apisapanikara, nimarotari piko kati patapi piitopãkanãta.

⁴⁹ Ininiã Natanaeo apakapapiretari:

—Koerekereri, Teoso Ākiri pitxaua pite. Kãkiti Isaeo tixini auakani auíte pitxaua —itxari Xesosi.

⁵⁰ Ininiã Xesosi:

—Pite auikari nisãkire, kotxi nimitikakinitika nimarotari piko kati patapi piitopãkanãtini. Pite imarotapanikariko apia posotiiiretxi. ⁵¹ Pite itikariko Teoso tixine osereẽkiko. Pitikariko Teoso nitiriakori kanĩkini. Pitikariko ninoa katxakini, pitari iaxitikiri nopini apokinina. Atãopitikara ikara atoko nitxai pite —itxari Natanaeo.

2

Xesosi Inoåkari Āparaā, Iāriāpeka Itxīkitakini

¹Ipi ōti napaka atoko aua kiiniri tanirauatiko pirena kiiniriti Kanaa sitatxiti Kariréia tōpa. Xesosi inoro aua kiiniriātaā iuasaaki. ²Kakiiniriteri kemaītxitari Xesosi, imoianariakori pakini. ³Iāriā xipoka atoko Xesosi inoro:

—!Auaika iāriā —otxari Xesosi.

⁴Ininiā Xesosi:

—Kinirepa ikara atoko pitxano? Niposotiire manapi !apokapanika —itxaro inoro.

⁵Ininiā Xesosi inoro txana kaapokori nitiriakori:

—Ipaniātakiti iaōka hīkamako —otxa.

⁶Iuaā kopiti aua, seisi pakini, mitari kopititi, kai kamakori. Naia kopiti āki aua āparaā Xoteoakori arokiniua ĩkapani. Iuaātaā ninoo arokaua. Kiomātxiakorini oerekinina atoko ninoo arokaua Teoso imisākiretinina apisa, ninoo Teoso apakapini ĩkapani. Ātika iua kopiti māikari āparaā seī aritro.

⁷Xesosi paniātana kaapokori nitiriakori:

—Hixāpokakari naia kopiti āki āparaā —itxana ninoo.

Ininiā ninoo xāpokakari kopiti āki āparaā. Isonakatapeka apoka āparaā. ⁸Ininiā Xesosi:

—Hisorokaātari āparaā, sika hītxari kakiiniriterimoni iātini ĩkapani.

Ininiā ninoo anikari āparaā kakiiniriterimoni. ⁹Iua kakiiniriteri iātari. Iuasaaki iāriāpeka itxapekua āparaā.

—Amonipa ina ia iāriā? —itxa.

!Imarotari. Ninoo nitiritxi āparaā anikakani imarotari iua iāriā. Ininiā kakiiniriteri txari ĩtanorouatakari:

¹⁰—Kinirepa mixikanani ia iāriā apia erekari na pisikaua? Apanakini sikari iāriā apia erekari kiiniri potorikasaaki. Kākiti kamitope inakasaakiua apanakini sikari iāriā poiāo erekari. Txamari uatxaika pite sikari apia erekari —itxari.

¹¹Iuasaaki Xesosi mipotorikari iposotiire Kanaa sitatxiti Kariréia tōpa iua auakasaaki. Iposotiire oerekari Apiananiri ininiua. Ikara atoko ininiā, Xesosi moianariakori auikari Xesosi Teoso mereēkiti kākiti iātapakiti ininiua, kotxi ninoo itikari iposotiire.

¹²Ikara atoko inaāka atoko Xesosi, inoro, itariakori, imoianariakori pakini sari Kapanaoō sitatxitimoni. Iuaā ikaikotana mapaōtipeka.

Pirātxi Omitikiko Pirena

(Mateo 21.12-13; Marko 11.15-17; Arókasi 19.45-46)

¹³Xoteoakori kiinirite Páskoa inakori apisapanika, Xesosi sari Xerosareēmoni. ¹⁴Isa Teoso misākiretiko aikotimoni. Iuaā pirikeri āki itikari pirātxi vētxitakani, kema auīte, soti auīte, kamao pakini vētxitakani. Itikari txineirota sikakani apaka. Amesa takote ninoo topākanāta. Ivētxitarona txineirota. Apakaparona āti uāka txineirote, kotxi oa ātoiāo, ininiā Xoteo txineirote isikana. ¹⁵Ininiā Xesosi kosekari aāpitsa. Īpatari. Aāpitsaā omitikenatana ninoo pirātxi vētxitakani. Omitikenatana kema auīte, soti auīte Teoso misākiretiko aikoti takote auakani. Ikakanapiriāri amesa txineirota apakapikoātaā. Txineirota xikepoakatani. ¹⁶Ipaniātana kamao vētxitakani:

—Himakatxakariko kamao. Hanikariko mapara. Niri aapoko āki hīvētxirauatini ! apakata. Kona uaini pirātxi vētxitiko —itxana ninoo.

¹⁷Iuasaakipeka imoianariakori xinikari Teoso sākire iōkatsopatakori:

Nota iteene tīretari paapoko pite misākiretiko aikoti. Iua xika nokaākkako, itxa Teoso sākire iōkatsopatakori.

¹⁸Eereka Xoteo auīteakori misākiretari Xesosi:

—Teoso paniātiniāi ninoo kākiti iua misākiretiko aikotiā auakani pomitikenatini, poerekaua posotiiretxi Teoso paniātiniāi aūikini ĩkapani —itxana ninoo.

¹⁹Xesosi apakapapiretari:

—Hirikariko ia Teoso aapoko. Ipi āti pakini ōtisaaki iuaīkana nōkitikariko ia Teoso aapoko —itxa Xesosi.

²⁰Ininiā ninoo:

—Anekani. Koarēta seisi anokanani iua aiko kamiko. Kiātokopa pitxari ipi āti pakini ōtisaaki pōkitikiniri iuaīkana? Kona kiikitei pite pisākire ikara atoko pinini —itxarina Xesosi.

²¹Txamari Xesosi sākire “Teoso aapoko” ixinikari iūto. !Ixinikari Teoso misākiretiko aikoti. ²²Xesosi ipinaāka atoko, ōkitikaākkaua atoko, iuasaakipeka imoianariakori xinikari ikara Xesosi sākire. Iuasaaki ninoo auikari Xesosi sākire. Auikarina Teoso sākire iōkatsopatakori sāpiretiniri Xesosi atāo Teoso ākiri ininiua.

²³Xesosi Xerosareē auakasaaki, Páskoa kiiniriti auakasaaki, itomaneri kākiti auikari Xesosi Teoso mereēkiti ninoo iātapakiti ininiua. Ninoo itikari posotiiretxi ikamakiti, ininiā

auikarina Xesosi sãkire. ²⁴ Txamari Xesosi !auikari kãkiti sãkire, kotxi imarotari ikinimane ãkixinire sãkire. ²⁵ Kãkiti ãkixinire sãkire !ipimaãri xatiki, kotxi imarotapekari kãkiti ãkixinire sãkire.

3

Nikotemo Pirena

¹ Æti !kanõkati Nikotemo inakori motika Xesosimoni. Iua Xoteoakori auite itxaua. Pariseo itxaua apaka. ² Iua misãkiretari Xesosi:

—Koerekareri, ate imarotari koerekareri, Teoso iokanatakiti pininiua. Teoso pitekata mauakaniã, kona piposotari posotiiiretxi pikamini, ininiã ate imarotari Teoso iokanatai pite kãkitimoni —itxa.

³ Ininiã Xesosi:

—Iua!kana iponaniãkarira sari Teoso auitexi ininiãtaãua. Iuananira sari iuaxiti. Atãopitikara ikara atoko nitxai pite —itxa.

⁴ —Kiãtokopa pitxa auapekarikai iua!kana piponaniini? Kona piposotari pinoro ãko ãki iua!kana piãroini. Kona piposotari iua!kana piponaniini —itxa Nikotemo.

⁵⁻⁶ Ininiã Xesosi:

—Atãopitikara ikara atoko nitxai. Piponaniãkasaaki, piri, pinorokata ãkirinanira pitxaua. Iua Erekareri Matamatakoti iponaniãkitakiniã, Teoso ãkiri pitxaua. Kãkiti, iua Erekareri Matamatakoti iua!kana iponaniãkitaãkitinanira, sari Teoso auitexi ininiãtaãua. ⁷ Koniko pitsorikaãtapeko. Piponaniãko ipikata. Ipikata pimiponaniãkaniã, kona pisari Teoso auitexi ininiãtaãua. ⁸ Ætima xõkarauata inirekiniãtaã. Pikenakotari ixõkarauatini, iuaritika na pimarotari Ætima sinimoni. Na pimarotari Ætima ininimoni. Iua atokokana !imarotikori Erekareri Matamatakoti iua!kana iponaniãkitaãkiniri kãkiti —Xesosi txari Nikotemo.

⁹ Nikotemo apakapapiretari:

—Nota !imarotari ikara pisãkire —itxa.

¹⁰ Ininiã Xesosi:

—Koerekareri apiari pitxaua. Kãkiti Isaeo tixini auakani poereka. Txamari pite !imarotari ikara atoko ninini pite. ¹¹ Atãopitikara ikara atoko nitxanãtai pite. Ate sãpiretari aimarotakiti, aitiãkiti pakini. Txamari !hinirekari hãuikapiretiniri asãpiretakiti. ¹² !korapororiti pirena nisãpiretakasaakii, !pauikari nisãkire. Atauako pauikatarini nisãkire Teoso tixine pirena nisãpiretakasaakii? ¹³ Kona kãkiti sapanika Teoso tixine. Ætinoka sari iuaã, Teoso tixine potorikakarinnoka, kãkiti itari iaxitikirinoka sari iuaã.

¹⁴ —Kitxakapirika ãparaã makipakaniãtaã Moisesini õkitikari imini metao kamakori aãke mapotõkireẽ. Itano itakari. Kãkiti Teoso sãkire auiaãkani imini akatsatakini atamatarini Moisesini õkitikakiti, ininiã kona ipinanua. Iua atokokana kãkiti itari iaxitikiri õkitikaãkako. ¹⁵ Ininiãkara iua sãkire auiaãkari kona ipinaika. Auapikako.

¹⁶ —Teoso iteene tiretari ikini itixiti auakani, ininiã iokanatarini imatonõkari imi kãkitimoni. Ininiã iua sãkire auiaãkanirako kona ipinaikako. Atipirika auapikako. ¹⁷ Teoso iokanatarini imi kãkitimoni ikini itixiti auakanimoni kona imisiritinina !kapanini. Iua iokanatarini imi kãkiti maerekani imakatsakini !kapanini, ninoã imapinakanini !kapanini.

¹⁸ —Teoso ãkiri sãkire auiaãkari kona iokanataãka kãkiti misiritukomoni. Iua Teoso ãkiri sãkire mauiaãkati, iuarako sako kãkiti misiritukomoni. Teoso ãkiri sãkire imauiaãkani xikara ikara atoko inaãkanako. ¹⁹ Teoso ãkiri sãkire mauiaãkani misiritaãkako, kotxi atão inakari oerekakari kãkiti xinire ipiniãkari apokapeka !koraxiti. Iua oerekari atão aimarotini !kapanini. Tirikapi atoko itxa, kotxi oerekaua atão. Ninoã mauikareni kona nirekari tirikapi. Inirekarina ipiã, kotxi maerekati ikamanãtana. ²⁰ Maerekati kamakari kona nirekari tirikapi. Kona tirikapi takote kona aua, kotxi ipiãkari ikamara. Ipiãkari kãkiti itikiniri maerekati ikamini. ²¹ Teoso sãkire iaõka kamakarira sari ikamaraã, kotxi ikamara oerekari apanakini iua kamakiti atão inini Teoso nireẽkiti iaõka inini —Xesosi txari Nikotemo.

Xesosi Apiari, Xoão Poiãori Inini

²² Ikara atoko inaka atoko Xesosi imoianariakorikata sari Xotãia tõpamoni. Mapaõti ikalkota imoianariakorikata iuaãtaã. Imoianariakori patxisatari kãkiti iuaã. ²³ Xoão apaka patxisatari kãkiti Enõ inakoriãtaã, Sarĩ inakoriãtaã takote. Ipatxisarauata iuaãtaã, kotxi iuaãtaã ãparaã kaiãopokori. Ikinioõtika kãkiti sari iuamoni iuaãtaã, ininiã Xoão patxisatana. ²⁴ Iuaaaki Xoão kona takaãkapanika kateia ãki.

²⁵ Iuaaaki Xoão moianariakori sãkirauata apanakinikata kãkiti arokinuua pirena, Teoso misãkiretiko aikoti ãki !iroinina apisa pirena. ²⁶ Apokana Xoõomoni.

—Koerekareri, Xotão ipiniã iua kiki pite patxisatakiti, atemoni pisãpiretakiti, uatxa iua patxisarauatapeka. Ikinipoko kãkiti sari iuamoni. Atemoni !erekari ipatxisarauatini —itxana.

²⁷ Xoão apakapapiretana ninoa:

—Erekapitkari ipatxisarauatini, kotxi Teoso paniätari iua. Teoso masakaniäri posotiretxi kâkitimoni, kona xatiki iposotari iparîkauatini Teoso îkapani. ²⁸ Nota kona Teoso mereëkitino. Kâkiti iätapakiti kona nitxaua nota. Teoso iokanatanano nota Teoso mereëkiti apokini apisa. Ikara hîte imarotapeka. Ikara atoko nitxapekai hîte. Hîsâpiretari ikara apanakinimoni.

²⁹ —Maxinikari kiki îtanorouatakasaaki. Sito amanaäkito iua nakiti otxaua. Imoianari topâka iua takote. Ipoxononiuaata îtanorouatakari sâkire ikenakotakasaaki. Iua atokokana nota poxononiuaata. Nota iua moianari atoko nitxaua. Xesosi iua îtanorouatakari atoko itxaua. Kâkiti iua nakiti itxaua. ³⁰ Xesosi apiaâpotako. Nota poiââpotako.

³¹ —Iaxiti îkari Apiananiri. Itixi auakani imarore poiâonoka, kotxi itixinoka imarotana. Teoso tixine îkari Apiananiri itxaua. ³² Iua sâpiretari itiäkiti. Ikenakotakiti isâpireta. Txamari kâkiti !aukari isâpirena. ³³ Kâkiti Apiananiri sâpirena auîäkani, imarotari Teoso sâkire atâo inini, ininiâ apanakini apaka imarotari Teoso sâkire atâo inini. ³⁴ Iua Teoso iokanatakiti sâpiretari Teoso sâkire, kotxi Teoso sikari Erekari Matamatakoti iuamoni, ininiâ ikinipoko Erekari Matamatakoti posotiire aua iua Teoso iokanatakitimoni. ³⁵ Aîri Teoso tîretari imi. Isikari imi ikinipoko imoiaini îkapani. ³⁶ Teoso âkiri sâkire auîäkani auapikako Teosokata. Teoso âkiri sâkire mauîäkani kona auapanina Teosokata. Teoso omanatapikanako ninoa âtipirika —itxa Xoão ninoamoni.

4

Xesosi Misâkiretaro Samariakero

¹ Kâkiti sâpiretari pariseoakori:

—Xesosi sâkire auîäkani, iua patxisatakini, itomaneri. Xoão patxisatakini poiâoka —itxana.

² (Ari, kona Xesosini patxisarauata. Imoianariakorira patxisatari kâkiti.) ³ Xesosi imarotakasaakiri pariseoakori kenakopiretiniri iua, iusaaki iua osipikari Xotéia tōpa. Kinirâo kanapirikari Karirêia tōpamoni. ⁴ Inirekari Samaria tōpa İpirixititini Karirêia tōpa apokini îkapani.

⁵ Samaria tōpa İpirixititakasaaki, apoka Sikaa sitatxiti takote. Iuaâ aua itixi Xoseeni nakiti, iri Xakooni sikakiti kitxakapirîka. ⁶ Iuaâ aua aariko Xakooni kisakakiti âparaâ apaâtiko. Iuaâ Xesosi apokasaaki, iotoka, kotxi isâpakapeka ôtakori İpirixititini xika. Ininiâ iitopâka aariko takote. Iusaaki apaniâxitipeka.

⁷ Iusaaki sito Samaria auakaro apoka iuaâ, âparaâ apaâtakaro. Oâpokasaaki, Xesosi amanaâro âparaâ:

—Âparaâ pisikano —itxaro.

⁸ Oa apokini apisapanika Xesosi moianariakori sari sitatximoni nipokori iamotinina îkapani.

⁹ Oa sito apakapapiretari:

—Xote pitxaua pite. Samaria auakaro nitxaua nota. Kinirepa nâparaâte pamanaâno? —otxa.

Ikara atoko otxa, kotxi Xoteoakori kona sâkirauata Samaria auakanikata.

¹⁰ Ininiâ Xesosi:

—Teoso sikakiti pimarotaâkamako, pitemoni âparaâ amanaâkari pimarotaâkamako, notamonimarako pamanaâri âparaâ, kotxi piâtiniâri âparaâ nota sikakiti, pauapika âtipirika —itxaro.

¹¹ —Kona katiui pite. Kiriâpa papaâtari âparaâ, kotxi paîtanoirikori. Namonipa papokatari âparaâ kâkiti âtipirika auini inikitaâkari? ¹² Kitxakapirîka aâtokirini Xakoo sikaua ate ia aariko. Iua, imiakori, ipiraakori pakini iâtari ia âparaâ ia aarikoâkiri. Pite apiata atxiîti? —otxa.

¹³ Ininiâ Xesosi:

—Kâkiti ia irikoâkiri âparaâ iâtakari iuaîkana iposonatapanika. ¹⁴ Kâkiti nota siäkiti âparaâ iâtakari apikomoni liposonataika. Âkixinire amomo atoko itxa âparaâ nota siäkiti. Iua âparaâ txîkitakari iua âtipirika auini Teosokata —itxaro.

¹⁵ —Iua âparaâ pisikano nimaposonatakani tîkane, ininiâ uai kona ninaika âparaâ napaâtini —otxa.

¹⁶ —Pakiritari pîtaniri. Uai piminari —itxa.

¹⁷ —Kona kîtanirino —otxa.

—Atâopitikara, “Kona kîtanirino,” pinini. ¹⁸ Sîko pakinipekara pîtaniri. Kiki uatxa pitekata auakari na atâo pîtanirini. İnîpitikara pisâkire —itxaro.

¹⁹ Ininiâ oa:

—Teoso sãkire sãpiretakari pitxaua pite, kotxi pimarotari ikinipoko nikamakiti. ²⁰ Kitxakapiriãka ate kiomaneakorini apotiitaua Teoso imisãkiretinina ikapani ia oxiratari nopini. Txamari hïte Xoteoakori txari: “Xerosareñanira aãpotiitauako Teosokata” —otxa.

²¹ Ininiã Xesosi:

—Pauikariko nisãkire. Æti õti apokako. Iuasaaki kona uai oxiratariãni, kona Xerosareñni kãkiti apotiitaua aïri Teoso imisãkiretinina ikapani. ²² Hïte Samaria tãpa auakani apotiitaua Teoso himisãkiretini ikapani. Txamari, kona atão himarotari iua. Ate Xoteoakori aimarotapitikari Teoso, kotxi Teoso sikakiti kãkiti maerekani makatxakakari Xoteo itxaua. ²³ Teoso keto apokapanika, ari apopeka, ininiã aïri Teoso misãkiretakani atão inakani misãkiretari iua ãkixinireña. Ninoa sãpiretari atão inakarinoka iuamoni. Aïri nirekari kãkiti ikara atoko inakani misãkiretiniri iua. ²⁴ Teoso nirekari amisãkiretiniri iua aãkixinireñ, kotxi Teoso ïto lauari. Inirekari kãkiti sãpiretiniri atão inakarinoka iuamoni —itxa Xesosi.

²⁵ Ininiã oa:

—Nimarotapitikari iua Teoso mereëkiti aiãtapakiti, Kristo inakori, apokapitikako ïkorapokoriti. Iua apokasaaki ikini sereti isãpiretauako —otxari.

²⁶ —Nota pimisãkiretakiti Teoso mereëkiti hiãtapakitikarano nota —itxaro.

Æti Takarauata, Æti Amarauata Inini Pirena

²⁷ Iuasaakipeka Xesosi moianariakori kanapiriã. Ækixinireña ninoa tsoriãkañãta:

—Kinirepa Xesosi sãkirauata oa sitokata?

Kotxi oa Samaria auakoro. Iuaritika ïpimaãrona: “Kiripa ïkai?” kona itxarona. Kona ïpimaãrina Xesosi: “Kinirepa pimisãkiretataro oa?” kona itxarina.

²⁸ Iuasaaki oa sito takanapari oti, sitatximoni kanapiriã otxa. Oãkiritari kãkiti iuaã auakani,

²⁹ —Masa. Maãpiãkatari kiki ikinipoko nikamakiti imarotakari. Iua Teoso mereëkiti aiãtapakiti atxiiti? —oa txana ninoa.

³⁰ Ininiã iua sitatxi auakani sari Xesosimoni. ³¹ Ninoa apokini apisapanika imoianariakori akiritari Xesosi:

—Koerekareri, pinipokota —itxarina Xesosi.

³² —Nipokori auape nota niãkiti tãkane hïte mimarotakiniti —itxa Xesosi.

³³ Ininiã imoianariakori imisãkiretakana:

—Kiripa sikatari nipokori Xesosi nikakiti? —itxana.

³⁴ Ininiã Xesosi:

—Nota kamari iua niokanatakiri nirekaãkiti. Ninirekari nikaminiri ikinipoko iua paniãtakiti. Ia nipariãka. Nipariãka nikiena atoko itxa, kotxi niokanatakiri paniãtakiti nikamini sikataparatanano, nipokori sikataparatinino atokotxikana. ³⁵ Kãkiti txari: “Ipi ïpi pakini kasiriti auapanika takari iposope inini tãkane, ininiã uatxa kona nipariãkauata.” Ia atoko kona hïtxape hïãkire. Himereka. Hãtamatariko takari. Nisãpiretai hïte hïtakare iposope haãpoko hanikini tãkane. ³⁶ Iua atokotxikana Teoso sãkire takaãka kãkiti ãkixinireñ. Katakaleri mipariãkatakari apakapari ipariãka ïki. Iua anikari kãkiti Teoso aapokomoni, ãtipirika Teosokata auini ikapani. Ininiãkara katakareri, iua mipariãkatakari apaka poxokoniuatoko. ³⁷ Aãtokirini txari: “Æti takarauata, ãtipekana apotiitari takari.” ³⁸ Ia sãkirexititi atão, kotxi nota paniãtai hïte mitxi himapariãkauatakaniãtaã hamarauatini. Apanakini pariãkauatapeka iuaã. Ninoa takapekari Teoso sãkire kãkiti ãkixinireñ. Pasãpaniri ninoa pariãka. Ninoa pariãkauata mitxi, ininiã uatxa hïte pariãka poião kãkiti Teosomoni hanikini —itxa Xesosi.

Samaria Auakani Auikiniri Xesosi Sãkire

³⁹ Kaiãopokori Samariakini iua sitatxiti auakani auikari Xesosi sãkire, kotxi oa sito mitxi sãpiretana:

—Nikamakiti ikinika isãpiretano —otxana.

⁴⁰ Ininiã ninoa Samaria auakani apoka Xesosimoni.

—Atekata paua —itxarina Xesosi.

Ininiã Xesosi kaikota ïpi õti ninoakata. ⁴¹ Xesosi sãkire ikenakotakasaakina, apikomoni ninoa auikapiretari.

⁴² Ninoa misãkiretaro oa sito:

—Uatxa ate auikapiretari Xesosi sãkire, kona pite sãprenañanini, ate auikapiretari. Ateka kenakotapekari iua sãkire, ininiãkara ate auikapiretari iua sãkire. Uatxa ate imarotari atão inini Teoso mereëkiti ininiua Xesosi. Kãkiti itixi auakani maerekani makatxaãkari itxaua iua —itxarona.

Auitetxi Ækiri Xesosi Makananitini

⁴³ Iuaã ipi õti inapaka atoko Xesosi sipeka. Kariréia tõpa isa. ⁴⁴ Mítxi Xesosi sãkire: “Teoso sãkire sãpiretakari paxitaãka, txamari Teoso sãkire sãpiretakari itixineë auakasaaki, kãkiti iuaãtaã kona auikari iua sãkire,” itxapeka Xesosi. ⁴⁵ Iuaritika Kariréia tõpa apokasaaki, kãkiti iuaã auakani ipoxokoniritika apakapari Xesosi, kotxi ninoo apaka sari iua Pãskoã ki-iniriti Xerosareë sitatxitiã. Iuaãtaã itikarina Xesosi posotiiire. Ininiãkara ipoxokoniritikana apakaparina Xesosi.

⁴⁶ Xesosi iuaãkana sari Kanaa sitatxitimoni, Kariréia tõpa. Mítxi Xesosi inoãkapekari àparaã iãriã ininiua iuaã. Xesosi apokasaaki Kanaa, auítetxi àkiri amianata Kapanaoõ sitatxitikiri. ⁴⁷ Iua auítetxi kenakopiretari Xesosi Kariréia tõpa apokini, Xotéia tõpa osipikini. Inakasaaki Xesosimoni isa, aõkita itxari Xesosi. Aiatarì:

—Masa Kapanaoõmoni, naapokomoni. Namarite amianata. Pimakananitari iua. Ipinapanoka —itxari Xesosi.

⁴⁸ Ininiã Xesosi:

—Nimakamaniãri posotiiiretxi, kona híte nirekari auikiniri nisãkire. Posotiiiretxi hítikasaakinani, híte nirekari nisãkire hãuikini. Teoso takaõtxikare hítikasaakinani, hinirekari nisãkire hãuikini —itxa Xesosi iuamoni.

⁴⁹ —Masapoka naapoko. Pimasikanisaaki, namarite ipinapitikako —itxari.

⁵⁰ —Pisa paapokomoni. Pamarite kona ipina —Xesosi txari iua.

Iua kiki auikari Xesosi sãkire, ininiã isipeka. ⁵¹ Ipixinipokoriti aõkitana initiriakori.

—Pamarite auapitikako —itxarina.

⁵² —Namonikitapa akananita? —itxana.

—Kita apaniãxiti apomari iotoka —itxana.

⁵³ Iuasaaki iua kiki imarotari kita Xesosi sãkire manapikara: “Pamarite kona ipina,” ininiri manapikara iotoka apomari. Ikara atoko ininiã, ikinimane iua aapoko auakani, iua pakini auikari Xesosi sãkire.

⁵⁴ Ininiã ipikatapeka Xesosi kamari posotiiiretxi Kariréia tõpa auakasaaki, Xotéia tõpa osipikasaaki.

5

Matìpokotakati Xesosi Erekapeka Inìkitakini

¹ Ikara atoko inaãka atoko Xesosi sari Xerosareë sitatxitimoni, kotxi Xoteo kiinirite Teoso ikapani aua iuasaaki. ² Xerosareë sitatxiti apanìkaki, soti auíte vètxitikoãtaã takote aua ipoa xapitikiri. Siko Ìronakiko aua iuaãtaã. Xoteo sãkire Epiráiko. Epiráiko sãkireë iua ipoa uãka “Petésita.” ³ Ironakikoãtaã amianatakanipokoni sirìkanãta. Mõsiãreni, motùkakani, matìpokotakani pakini iuaã auanãta. Iãtapanãtarina àparaã tokìkaãtini. ⁴ Teoso nitiri apokanaka iuaãtaã. Iua apokasaaki itokìkaãtakari àparaã. Àparaã tokìkaãtakasaaki, àtika amianatakari ìkiika komokaãtakari erekapeka itxa. ⁵ Matìpokotakati iuaã auanãtakari amianãtakari trita oito pakini anokanani amianata. ⁶ Xesosi atamatari iua iuaã isirìkanãtini. Imarotari iua uatxakapokoni amianãta. Ininiã Xesosi pimaãri:

—Ereka pinini pinireka? —itxari.

⁷ Amianatakari apakapapiretari:

—Ari, ninirekapitikamari, txamari kona kanikikono kãuaãriã àparaã tokìkaãtakasaaki. Nikomokaaritakasaaki, àti komokape napisapanika —itxari Xesosi.

⁸ —Põkitikaua. Pisirimata pikoseka, sipeka pitxa —Xesosi txari.

⁹ Iuasaakipeka erekapeka itxa iua amianatakari. Isirimata ikoseka, tìpokota itxapeka. Iua õti kãkiti tomatini õti. ¹⁰ Ininiãkara Xoteo auíteakori txitari amianatakari erekapeka inakari:

—Uatxa kãkiti tomatini õtisaaki pite anikanãtari pisirimata. Ìkora atoko ininiã, kãkiti ! auritaãka —itxarina, kotxi ninoamoni iparìkauata isirimata anikasaaki.

¹¹ Ininiã iua kiki:

—Erekape ninikitaãkirira paniãtano: “Pisirimata pikoseka, sipeka pitxa,” itxano.

¹² Ininiã ninoã:

—Kiripa kiki paniãtai pisirimata pikosekini pisini ikapani?

¹³ —!Nimarotari iuãka —itxa.

Iuaãtaã ipoa xapitikiri takote kaiãopokori kãkiti auanãta, ininiã patimari Xesosi sipeka ninoã sauãki.

¹⁴ Ereka Xesosi aõkitari iua kiki Teoso misãkiretiko aikotiã.

—Uatxa pitìpokotapeka, ininiã maerekati pitakanapako. Iuaãkana maerekati pika-makasaaki, atxìiti amianari apiatakari inokai —Xesosi txari iua.

¹⁵ Ereka iua kiki sari Xoteo auíteakorimoni.

—Xesosira erekapeka txìkitakano nota —itxari.

Xoteo Omanatiniri Xesosi

¹⁶ Tomatiko õtisaaki Xesosi makananitari iua amianatakari. Ikara xika Xoteo auñteakori kinirñõ okaka txari Xesosi. ¹⁷ Xesosi imarotari Xoteo auñteakori sãkire, ininiã itxana:

—Niri Teoso kamari erekari ikiniõtika. Iua atokotxikana nota. Kona niotoka erekari nikamini tomatiko õtisaaki —itxa Xesosi.

¹⁸ Ikara Xesosi sãkire xika Xoteo auñteakori apiata omanatari Xesosi. Ninoamoni Xesosi kamari maerekati tomatiko õtisaaki amianatakari imakananitiñi. Xesosi sãkire: “Niri Teoso,” inini xika, apiata omanatarina iua, kotxi iua: “Teosotxikana nota” itxanãta iua Xesosi.

Xesosi Irikata

¹⁹ Ininiãkara Xesosi misãkiretana Xoteo auñteakori:

—Atãopitikara nitxai hñte. Nota Teoso ãkiri nitxaua. Notanani !kakamareno. Nitikari niri kamanãtakiti, ininiã niri kamakiti iaõka nikama. Iuanokara nikama nota. Niri kamakitiitxikana nota kama apaka. ²⁰ Niri turetano nota, ininiã ikini sereti ikamanãtakiti oerekano. Oerekapanikariko posotitiretxi apiatapanikako nota kamini ñkapani, ininiãkara hñte tsorikaãtako hñtikasaakiri. ²¹ Niri õkitikari ipikani, iuaikana aua inini ñkane. Iua atokotxikana nota txñkitakana kãkiti ninirekaãkini, iuaikana auini ñkapani. ²² Teoso kona txari kãkitimoni: “Kona erekai pite, ininiã kãkiti misiritikomoni pisa,” kona itxa Teoso. Apanakinimoni kona Teoso txari: “Erekai pite, ininiã uai pina notakata pauini ñkapani,” kona itxa Teoso. Notakara iua ãkirikara txari ikara atoko inakari kãkitimoni, kotxi Teoso sikaposotitiretano nota ikara atoko inakari nisãpiretini kãkitimoni. ²³ Ikara atoko ininiãkara, kãkiti paxitano nota. Niri nirekari nota paxitiko, iua paxitiko atokotxikana. Nota mapaxitakani kona paxitari niri nota iokanatakari.

²⁴ —Atãoenepitikara nitxai hñte. Nisãkire kñpitakari, nota iokanatakari sãkire auñkari, auapika Teosokata. Kona Teoso misiritapaniriko iua. Kona ipinaika. Auapika Teosokata. ²⁵ Atãoene nitxai hñte. Kãkiti xinire ipñkari atoko itxa maerekati ikamakiti xika. Teoso ãkiri sãkire kãkiti kñpitini õti apokapanikako. Ari iketo apokapeka. Nota sãkire kñpitakani auapikako. ²⁶ Añri Teosonoka posotari itxñkitakiniri ikinipoko auãki inini, kotxi iuanoka auapika. Isikaposotitiretano nota apaka ikinipoko nitxñkitakini auãki inini.

²⁷ —Añri Teoso txano nota: “Kãkiti itari iaxitkiri pitxaua, ininiãkara pitxariko nisãkire mauñkani: ‘Kona hñte kñpitari Teoso sãkire, ininiã kãkiti misiritikomoni hñsa,’ pitxako. Pitxariko nisãkire auñkani: ‘Hñte kñpitari Teoso sãkire ininiã uai hñna Teosokata hãuini ñkapani.’ Ikara atoko pitxariko kãkitimoni,” Teoso txano nota.

²⁸ —Kona hñtsorikaãtapeko, ikara sãkiretixiti hñkenokatasaaki. Añti õti ipñkani, katakoni, kenakotariko Teoso ãkiri akiritinina. ²⁹ Iuasaaki õkitikaunanako. Ninoa erekari kamakani auapikako Teosokata. Ninoa maerekati kamakani misiritaãkako.

³⁰ —Notanani kona nitxari kãkiti: “Pite sari kãkiti misiritikomoni. Pitepekana inari uai Teosokata pauini ñkapani.” Notanani kona ikara atoko nitxari kãkiti. Teoso sãpiretakinokara nitxa kãkitimoni, ininiãkara nisãkire kãkitimoni atãonoka, kotxi kona nota nirekaãkitini nikama. Niri nipaniãtakiri nirekaãkitinanira nikama —itxa Xesosi.

Xesosi Sãkire Atãoene Sãpiretakani

³¹ Apikomoni Xesosi sãpirenauata:

—Notaka sãpiretiniãua hñtemoni, atxñiti kona kauikikono. ³² Añtepekana nota sãpiretakari aua. Nimarotari atão inini iua sãpiretakiti. ³³ Hñte iokanatapekari himoianariakori Xoãomoni nota himarotini ñkapani. Iua sãpiretapekana ninoa atãoene nota sãkire. ³⁴ Kona ninitanãtari kãkiti nisãkire atão inini sãpiretakani. Nota sãpiretai hñte Xoão sãpiretakiti sãkiretixiti, himaerekani Teoso makatxakini ñkapani, himapinakani ñkane.

³⁵ —Xoão tirikapi tirinakari poniãkari atoko itxa. Tirikapi iopinikari ikinipoko, tirikapi takote auakari aãtamatiñi ñkapani. Iua atokokana Xoão oerekari kãkiti atão inakari. Mapaõtinokara hñte poxokiniuata iua sãkire hñkenokatasaaki.

³⁶ —Aua ãti nota sãpiretakari. Iua Xoão poiãoka. Añtepekana apiata. Nota kamakitikara apiata. Nikamakiti sãpiretari nota sãkire atão inini. Nikamakiti, niri paniãtakiti kãkiti itũkasaaki, imarotari niri uaimoni iokanatinino nota.

³⁷ —Niri, nota iokanatakari kãkitimoni, iua apaka nota sãpiretakari. Kona hñte kenakotari Teoso sãkirauatini. Kona hñte atamatarari itoõ. ³⁸ Isãkire !auari hãkixinireẽ, kotxi kona hãuikari nota sãkire iua iokanatakiti sãkire.

³⁹ —Hñte atatsopatapikari Teoso sãkire iõkatsopatakori, hãuini ãtipirika Teosokata himarotini ñkapani. Ia Teoso sãkire iõkatsopatakori nota sãpiretakari apaka itxaua. ⁴⁰ Txamari kona hinirekari nisãkire hãuikini. Kona hinirekari notamoni hinini, ãtipirika Teosokata hãuini ñkapani.

⁴¹ —!Ninitari niuikiko. ⁴² Iteene nimarotai hîte. Kona xapiti hîtiretari Teoso hâkixinireê. ⁴³ Niri iokanatanô nota uaimoni. Txamari kona hîte apakapano nota Teoso iokanatakino. Teoso maiokanatakinitira hîte apakapa. ⁴⁴ Hîte potxitari âti iuikinii. Txamari kona hîkamari erekari Teosonoka iuikinii ikapani, ininiâ kona hâuikari iua sâkire.

⁴⁵ —Kona notani sâpiretapaniri niri hîte maerekani. Moisesira sâpiretariko himaerekani Teosomoni. Hîte uâkatarî iua sâpiretari hîte ereka hinini, txamari iua sâpiretariko niri himaerekani. ⁴⁶ Moisesini sâkire iôkatsopatakiti hâuikaâkamako, nota sâkire apaka hâuikamako, kotxi Moisesini nota sâpiretakari apaka. Iua iôkatsopatapekari nota sâkire. ⁴⁷ Hîte kona auikapiretari Moisesini iôkatsopatakiti. Isâkire iôkatsopatakiti himauikakaniâ, kiâtokopa hîtxa nota sâkire hâuikini? —itxa Xesosi.

6

Sîko Mio Kâkiti Xesosi Sikakienatini

(*Mateo 14.13-21; Marko 6.30-44; Arôkasi 9.10-17*)

¹ Eereka âti ôti Xesosi îpiriâtari Kariréia poa. Ia ipoa uâka apaka Txiperiatxi poa inaâka. ² Kaiâopokori kâkiti sari iua tikini, kotxi ninoo itikapekari Xesosi makananirauatini. ³ Xesosi kanîka mitaxiratarimoni. Iuaâ iitopâka imoianariakorikata. ⁴ Xoteoakori kiinirite, Pâskoa inakori kiiniriti apisapanika Xesosi sari iuaâtaâ. ⁵ Iitopâkasaaki, Xesosi atapari itomaneri kâkiti apokaâpotini iuamoni. Ininiâ ipimaâri Piripi:

—Amonipa aiamotatariko komiri nakira kâkiti asikakienatini ikapani?

⁶ Xesosi ikara atoko txari Piripi, kotxi inirekari imarotini: “Atauako atxiiti Piripi auikari niposotiire?” Xesosi imarotapekari iuaa ikamakiti tîkane. ⁷ Ininiâ Piripi apakapapireta: —Txineiropokoni, tosêtosî txineiro ota, kona apakata komiri aamotini, nakira kâkiti asikakienatini ikapani. !Apakata —itxari.

⁸ Iuasaaki âti Xesosi moianari Simão Petro itari, Âtree inakori, txari Xesosi:

⁹ —Uai aua amarini. Auari ikiena. Sîko komiri sevata inakori kamakori auari iua. Ipi ximaki axapitiri apaka auari iuamoni. Txamari kâkiti itomaneri sikakienatiko !apakata. Ia nipokori poiâoka —itxari.

¹⁰ Xesosi paniâtari imoianariakori:

—Nakira hîpaniâta iitopâkinina —itxana.

Sotonaiakiperi auari iuaâtaâ. Iua nopini iitopâkana. Sîko mio apikomoni kikiakori aua.

¹¹ Xesosi kosekari komiri amarini nakiti. Iuasaakipeka imisâkiretari Teoso:

—Erekapitikari ia komiri auiniua ate.

Iua sikari imoianariakori. Eereka ninoo xanakari kâkiti topâkakanimoni. Iua atokokanera itxarina ximaki. Ikinikana inirekaka iaôka auana ninoo.

¹² Ikinimane kamitopeka inakasaaki, ipaniâtari imoianariakori:

—Itetakori komiri, ximaki pakini hâpotiita. Kona hiomatapiriko —itxa.

¹³ Ininiâ apotiitarina komiri itetakori. Tosi kotarina ixâpokakana komiri itetakori.

¹⁴ Xesosi posotiire ninoo kâkiti itikasaaki, ninoakakarika isâkirauatana:

—Atâopitikara Xesosi aiâtapanâtitikara, Teoso sâkire sâpiretakari inakorikara ere Xesosi —itxana.

¹⁵ Xesosi imarotapekari ninoo nirekiniri iauûtetinirina iua. Iua kona nirekari ninoo auûtetiniri iua. Ninoo mamaikakaniri apisapanika, Xesosi sipeka iuanoka. Apikoxiti oxiratarimoni ikanîka.

Xesosi Ipoa Nopini Inaâpotini

(*Mateo 14.22-23; Marko 6.45-52*)

¹⁶ Kikatapeka imoianariakori iokiriîta ipoa tiniâ. ¹⁷ Iereêtauana kanaua âki. Îpiriaâpotarina ipoa Kapanaoô sitatxiti manapi. Îkanôkapeka inakasaaki kona Xesosi apokapanika ninoamoni. ¹⁸ Kataparari îtimati apoka, ininiâ tsakatipokoni. ¹⁹ Iuasaaki imekoâpotana. Ipixiniâpeka apokasaakina, ataparina Xesosi ipoa nopini itîpokotini. Kanauamoni isaâpota. Ninoo pîkarauata, kotxi ninoo uâkatarî kamiri.

²⁰ Xesosi akiritana:

—Notakara. Kona hîpîkarauatape —itxana.

²¹ Ininiâ apakaparina Xesosi ipoxokoniritikana. Iua morôkokaua kanauaâ. Iereêtakasaakia, iuasaakipeka kanaua apoka imiriîpe Kapanaoô manapi.

Kâkiti Nitiniri Xesosi

²² Katimatînikata ipiniâmoni kaikotakani nitamari Xesosi. Ninoo imarotari âtoka kanaua mitxi iuaâ auini. Oa kanaua Xesosi moianariakori anikapeka. Ninoo imarotari Xesosi kona sari imoianariakorikata. Imarotarina ninoanani sini. ²³ Iuasaaki kanauaniri Txiperiatxi sitatxitikini apokita Xesosi merepani Teoso misâkiretiniâtaâ takote merepani komiri nikikoâtaâ. ²⁴ Iuasaaki kona ninoo apokari Xesosi, imoianariakori apaka. Ininiâ

ninoa iereëtaua kanaua âki. Iuaikana ikanapiriãna. Ipoa İpiriãtana Kapanaoõ sitatxitimoni, Xesosi inininina İkapani.

Komiri Kãkiti Auapininiiika Inini Tıkane

²⁵ Ninoa apokari Xesosi ipoa ipiniã.

—Koerekareri, namonikitapa papoka uai? —itxarina.

²⁶ Ininiã Xesosi:

—Atão nisãpiretai hıte. Hıte nikari komiri nisikakiti. Kamitopeka hıtxa, ininiã nipokori İkapaninokara hınitanãtano nota. Kona hãuikari Teoso posotiireë nikaminiri iua posotiiretxi.

²⁷ Xesosi pinitana:

—Nipokorinoka !hıxinikape, kotxi nipokori okanani mauakati itxaua. Hıxinikariko ãtião nipokori, nota hıtari iaxitikiri siãkiti, kotxi nota sikari kãkiti, kãkiti auapininiiika inini tıkane. Teoso sikari İkinika iposotiire notamoni ninirekaãkiti nikamini İkapani —Xesosi txana ninoa.

²⁸ —Kiãtokopa atxatari Teoso nireëkiti akamini? —itxana ninoa.

²⁹ —İanoka Teoso nirekari hıkamini. Iua nirekari hãuikiniri iua iokanatakiti sãkire —Xesosi txana ninoa.

³⁰ —Iuaikana posotiiretxi apiari pikaminiã, ininiãra aãuikari Teoso iokanatakiti pininiãua. Kinakaripa posotiiretxi pikamapanika? ³¹ Anirimaneni kitxakapiriıkarini ãparaã makipakaniãtaã auakasaakina, inikarina komiri iaxiti katxakakari. Teoso sãkire iõkatsopatakori txari:

Isikari komiri Teoso tixinekiri ninoamoni,

—itxarina Xesosi.

³² Ininiã Xesosi:

—Atão nisãpiretaiko hıte. Kona Moisesini sikari komiri Teoso tixinekiri. Nirikara sikaãtari atão komiri iua tixinekiri kãkitimoni. ³³ Teoso tixine İkari, iua ãkiri, komiri atoko itxa, İkini itixiti auakani İkapani, kotxi iua sãkire auiãkani auapininiiika Teosokata —itxana.

³⁴ —İkiniõtika pisikaua ia komiri —itxarina.

³⁵ —Notakara iua komiri Teoso iokanatakiti nitxaua. Notakara sikari kãkiti auini İkapani. Iua nisãkire auiãkari İnatxitaika. İposonataika.

³⁶ —Hıte aõkitapekano nota, txamari kona hıte auikapanikari nisãkire. İkara atoko nitxapekai hıte. ³⁷ İmakinika kãkiti notamoni Teoso siãkini inapitikako notamoni. “Hısipeka,” kona nitxana notamoni apoãkani. ³⁸ Nitakanapari Teoso tixine. İkorapokoriti napoka, nipaniãtakiri nirekaãkitinoka nikamini İkapani. Notaka nirekaãkiti na nikama. ³⁹ Niri nipaniãtakiri İnirekari ãtika kãkiti notamoni isiãkini ereëkokini. Itixi xipokini õtisaaki, İnirekari nota õkitikinina ninoa auapininiiika inini tıkane. ⁴⁰ Iua nipaniãtakiri nirekari nota İmarotakani, nisãkire auiãkani, auapininiiika inini. Itixi xipokini õtisaaki nõkitikana ninoa iuaikana auãki inini —itxa Xesosi.

⁴¹ Ninoa Xoteoakori kona apokaerekatari Xesosi sãkire, kotxi iua txari: “Nota iua komiri Teoso tixine İkari komiriti nitxaua,” ininiã ninoa tsoata. ⁴² Ininiã ninoa:

—Iua kiki Xesosi Xosee ãkiri. Aaõkitapekari İri, inoro pakini. Kinirepa “Teoso tixine İkarirano” itxape iua? —itxana, itsoatinina.

⁴³ Ininiã Xesosi txana:

—Kona himaxirauatape. Kona hıtsoatape. ⁴⁴ Niri nipaniãtakiri akiritakitinanira posotari inini notamoni. Niri makiritakiniti kona posota inini notamoni. Itixi xipokini õtisaaki nõkitikana notamoni apoãkani iuaikana auınina İkapani. ⁴⁵ Kitxakapiriıka Teoso sãkire sãpiretakani iõkatsopatari ia Teoso sãkire: Teosorako oerekariko İkinipoko kãkiti.

Niri sãkire kİpitakani, niri oereëkini, apoka notamoni. ⁴⁶ Kona aua kãkiti niri atamatakari. Nota Teoso tixine İkari, notanokara atamatapekari niri.

⁴⁷ —Nota sãkire auiãkari, iuara auapininiiika Teosokata. Ia nisãkire atão. ⁴⁸ Nota iua komiri nitxaua kãkiti auapininiiika inıkitakakarino. ⁴⁹ Hinirimane kitxakapiriıkarini nikari komiri iaxiti katxaãkari ãparaã makipakaniãtaã. Iaxiti katxaãkari inikanimana, txanima ipİpena. ⁵⁰ Kãkiti nikiniãri atão komiri Teoso tixine İkari kona ipina. ⁵¹ Iua komiri, Teoso tixine İkari nitxaua nota. Kãkiti auapininiiika inıkitakakarino nota. Ia komiri niãkari auapininiiika itxako. Ia komiri nisikakiti ia niıtokara. Niıto nisika kãkiti İkini itixiti auakani auapininiiika inini tıkane —itxa Xesosi.

⁵² İkara atoko ininiã ninoa Xoteoakori taparakienatakakaua:

—Natokopa itxa ia kiki iıto isikiniua ate, anikiniri İkapani? —itxana.

⁵³ Ininiã Xesosi:

—Atãoenepitikara İkara atoko nitxai hıte. Hıtari iaxitikiri İto himanikakanisaaki, iarëka himiãtakanisaaki, kona hıxinire auapani ãtipirika. ⁵⁴ Iua niıto niãkari, niarëka iãtakari,

auapikako Teosokata. Xipokatxi ðtisaaki nōkitikariko iua iuaikana auini ikapani. ⁵⁵ Niito atāo komiri itxaua. Niarēka atāo iāriā itxaua. ⁵⁶ Niito niākari, niarēka iātakari, aua nākixinireē. Nota aua iua ākixinireē. ⁵⁷ Niri, ātipirika auapika inakari, iokanatanano nota ikorapokoriti. Iuara sikano nota ātipirika nauini ikapani. Iua atokotxikana nota sikari nota niākari ātipirika auini ikapani. ⁵⁸ Nota iua komiri Teoso tixine ikari nitxaua. Komiri hīkiomaneakorini nikakiti ātiāo. Iua komiri nikakari ipīpe. Nota siākiti komiriti niākani, nisākire auīākani auapininiika Teosokata itxanako.

⁵⁹ Ikara atoko itxa Xesosi sākire aiko āki Xoteo apotiitiiniātaāua Kapanaoō sitatxiti oereka-rauatakasaaki.

Apanakini Takanapiniri Xesosi

⁶⁰ Xesosikata sikani isākire potxitakani, ikara isākire ikenakotakasaakina, ipimarau-atakakana:

—Pamimari ikara isākire. Kipa imarotari ikara atoko inakari sākiretxiti? —itxana.

⁶¹ Masāpiretakotika Xesosi imarotari ikara atoko itsoatinina. Ininiā iua:

—Hinirekatarī hītakanapinino nota ia nisākire xika? ⁶² Kiātokopa hīxinikakiti hītikiniāno nota hītari iaxitikirino kanīkini mitxi nauiniātaā? Atxiiti iuasaaki hāuikatarī nisākire? ⁶³ Iua Erekarī Matamatakotinokara sikari kākiti auini tīkane. Kākiti īto tapara ! auari. Ikara sākiretxi hītemoni nisāpiretakiti, iua Erekarī Matamatakoti sākiretxikana. Nisākire auikiko auākitakari kākiti, ātipirika Teosokata auini ikapani. ⁶⁴ Txamari auapitika hīte sauaki nisākire mauīākani —itxa Xesosi.

Merepitipanika Xesosi imarotapekari iua sākire mauīākani tīkane. Xesosi imarotari apaka imīkapiritakari tīkane.

⁶⁵ —Niri Teoso masikaposotiiretakinini kona iposota apokini notamoni —itxa Xesosi.

⁶⁶ Ikara isākire xika itori Xesosikata sikani takanaparī iua. Kona inirekaikarina iuakata isinina. ⁶⁷ Ininiā Xesosi pimaāna imoianariakori tosi:

—Hītepekana, hīte apaka nirekatarī hītakanapinino? —itxa Xesosi.

⁶⁸ Ininiā Simāo Petro apakapapiretari:

—Apiananiri, kirimonipa asa atxiiti? Pitananira sāpiretari kākiti auapininiika inini. ⁶⁹ Ate imarotari Teoso mereēkiti pininiua. Teoso ākiri, auapika inakari ākiri pitxaua pite —Petro txari Xesosi.

⁷⁰ Ininiā Xesosi:

—Nota mereēi hīte tosi kikiakori. Txamari hīte sauaki aua Satanasi nitiri —itxa Xesosi.

⁷¹ Iuasaaki Xesosi xinikari Xotasi Isikariotxi inakori, Simāo inakori ākiri. Xesosi moia-narikamara iua, txamari imīkapiritariko Xesosi.

7

Xesosi Itariakori Mauikakaniri Isākire

¹ Eereka Xesosi kaikotapanika Karirēia tōpa. Kona Xotēia tōpa !ikaikota iuasaaki, kotxi iuaā Xoteo auīteakori nirekari okiniri. ² Iuasaaki Xoteo kiinirite Papiri inakori kaiama atokopekari. ³ Ininiā Xesosi itariakori misākiretari iua:

—Posipika uai. Pisākire auīakanimoni Xotēia auakanimoni pisa. Ninoa apaka nirekari itikiniri pikamakiti. ⁴ Kākiti nirekiniāri iteene imarotaāka, ! ikipatarī ikamakiti. Pite kamanātari posotiiretxi uai Karirēia tōpa. Pisa Xotēiamoni. Iuaā poerekari piposotiire ikinimane imarotiniū ikapani —itxana.

⁵ Ikara atoko itxarina Xesosi, kotxi itariakori apaka iuasaaki kona auikapanikari isākire.

⁶ Ininiā Xesosi apakapapiretari:

—Iuaā nisini keto kona apokapanika. Apakata ikiniōtika Xotēia tōpamoni hīte sini, ⁷ kotxi kākiti !omanatai hīte. Notananira omanataāka, kotxi nisāpiretari maerekati kākiti kamakiti.

⁸ Erekarī hīte sini kiinirimoni. Kona nota sapani uatxa. Nisini manapi apokasaaki nisa —itxa Xesosi.

⁹ Itariakorimoni ikara inaka atoko, ikaikotapanika Karirēia tōpa.

Xesosi Sari Papiri Kiiniritimoni

¹⁰ Itariakori kiinirimoni iikiikapeka. Ninoa tikinimoni isa Xesosi. Iuasaaki !kasāpirenari kiinirimoni isini tīkane. Ininiā kākiti mimarotakinītika isa.

¹¹ Xoteo auīteakori nitapiimari Xesosi kiinirisaaki. Ipimaāri kākiti:

—Ītapari Xesosi?

¹² Kākiti iuaā auakani sākirauata Xesosi pirena. Apanakini txari:

—Peerekari Xesosi.

Apanakinipekana:

—Kona erekari. Imisirienetari kākiti —itxana.

¹³ Kona kãkiti sãkirauata Xesosi uãka Xoteo auñteakori takote, kotxi ipĩkana.

¹⁴ Mapaõtinoka kiiniri xipokini apisapanika, Xesosi sari Xotéia tõpamoni. Isari Teoso misãkiretiko aikotimoni. Iuaã oerekarauata. ¹⁵ Xoteoakori tsorĩkaãnãta Xesosi sãkire ikenakotakasaakina:

—Kininiãpa ere kiki paimatireri. Kona apaiãõkarauata —itxanãtana.

¹⁶ Ininiã Xesosi apakapapiretana:

—Na nota imaroeni noerekai hĩte. Iua niokanatakiri imarorera noerekai hĩte. ¹⁷ Kãkiti Teoso nirekaãkiti nirekaãkani imarotari noekiniri Teoso imarorenoka. Ninoa imarotari nimoerekakaniri notaka nimarore. ¹⁸ Kãkiti iuaka isãkire sãpiretakari nirekari apanakini iuikiniri iua. Kãkiti Teoso sãkirenoka sãpiretakari nirekari iuikiniri Teoso ipaniãtakiri. Ikara atoko inakari kãkiti sãkire atãonoka. !Ikamari maerekati. ¹⁹ Moisesini oerekai hĩte Teoso sãkire, ipaniãtakiti iõkatsopatakori. Txamari kona hĩte kamari Teoso paniãtakiti. Kona ãtika hĩte kamari ipaniãtakiti, kotxi hinirekari hõkinino nota —itxana ninoa.

²⁰ Ininiã ninoa apakapapiretari:

—Maerekati matamatakoti auaitotai pite. Kiripa kinirão okaka txai pite? Iua maerekati matamatakoti xika ikara atoko pitxa pisãkire —itxarina.

²¹ Ininiã Xesosi:

—Nota kamari posotiiretxi tomatikoõtxitisaaki, iua kiki matĩpokotakati nimakanani-takasaaki, ininiãkara hĩte tsorĩkaãta. Hĩuãkatari nĩparĩkauatini. ²² Txamari hĩte apaka parĩkauata tomatiko õtisaaki, kotxi hĩkamari Teoso takaõtxikare hamarite ãtoã tomatiko õtisaaki. Moisesini paniãtai Teoso takaõtxikare hĩkamini hamarite ãtoã oito õti iua auakasaaki. Ari hinirimane kĩtxakapirĩkarini, Moisesini apisapanika, oerekepekari ikara atoko inakari hĩkamini. ²³ Ininiã hĩte kamari Moisesi paniãtakiti tomatikoõtxitisaaki. Ikara atoko ininiã, kinirepa hĩte omanatano nota, iua kiki erekepeka nitxĩkitakini xika tomatikoõtxitisaaki? ²⁴ Iteene pimimarotakanisaakiri ãti kamakiti, kona pakiritapiri: “Iua kamari maerekati,” kona pitxape. !Papoõtapiri ãti. Atão inakarinoka pinita, atão pĩmarotini ãkapani —itxa Xesosi.

Xesosikani Teoso Mereẽkiti Txataua?

²⁵ Apanakini kãkiti Xerosareẽ auakani txanãtari:

—Ere kikikani ninoa kinirão okaenetakitikani? ²⁶ Hãtamatarari. Iua sãkiruanãta kãkiti apisatoõ. Kona kapĩkareri iua. Auñtetxiakori !kasãkirena. Atauako aũñteakori auĩkatari isãkire atxiĩti? Atxiĩti auĩkatarina Xesosi Teoso mereẽkiti aiãtapanãtakiti ininiãua? ²⁷ Atão Teoso mereẽkiti aiãtapanãtakiti apokasaaki, kona kimarotikori iua ininimoni. Ate amakinika imarotapitikari iua Xesosi ininimoni. Karirẽiakiri iua, ininiã Xesosi Teoso mereẽkiti aiãtapakiti !itxaua —itxanãtana.

²⁸ Teoso misãkiretiko aikotiã Xesosi oerekarauanãtakasaaki, itaparasãkireritika ipimaãna kãkiti iuaã auakani:

—Atauako hĩte imarotatano nota? Atauako himarotatarari nota ininimoni? Kona notaka iokanataua kãkitimoni. Niokanataãka. Nota paniãtakari atãonoka isãkire. Kona hĩte imarotari iua. ²⁹ Nota imarotari iua, kotxi iua auiniãtaãkirikarano nota. Iuara iokanatanano kãkitimoni —itxa Xesosi.

³⁰ Iuasaaki auñtetxiakori nirekamari imaĩkinirina. Kona kamaĩkikori, kotxi imaĩkiko manapi kona apokapanika. ³¹ Ninoa auñtetxiakori kona auikari Xesosi sãkire, iuaritika itomaneri kãkiti auikari Xesosi Teoso mereẽkiti kãkiti iãtapakiti ininiãua.

—Iua kiki inipitikara Teoso mereẽkiti aiãtapakiti itxaua, kotxi ãti posotiiretxi apiari kamakari !auari —itxanãtana.

Sotatoakori Iokanatiko Xesosimoni

³² Pariseoakori kenakotakasaakiri kãkiti sãkire ikara atoko inakari, ninoa, sasetotxi auñteakori pakini iokanatarari sotatoakori Xesosi imaĩkinina ãkapani.

³³ Sotatoakori apokasaaki iuamoni, Xesosi txari kãkiti iuaãtaã:

—Mapaõtinoka hĩtekata nauako. Eereka nisa nĩpaniãtakirimoni. ³⁴ Hinitapiikamano, ! hãpokapanino. Nisinimoni kona hĩte posotari hĩsini —itxa Xesosi.

³⁵ Auñtetxiakori ninoakakarika isãkirauatana:

—Amonipa isa atxiĩti, ate mapokakaniãri iua? Atauako õtakoxiti isatoko Xoteoakori iarĩkakanimoni, ãti uãka sauaki Xoteoakorimoni? Atauako oerekatarari Xoteo minakanĩua?

³⁶ Kotxi iua sãkire: “Hinitanoko. !Hãpokano nota. Kona hĩte posotari nota sinimoni hĩsini,” itxa sãkireta. Ate !imarotari isãkire —itxanãtakana.

Ãparaã Kãkiti Auãkitaãkari

³⁷ Kiiniri mapotõkire õti apiapoxokonita. Iua õti Xesosi tima kãkiti sauaki. Itaparasãkireritika isãpirenauata ikinimane kenakotiniri ãkapani:

—Piposonatakasaaki, notamoni pinako piãtini ãkapani. ³⁸ Teoso sãkire iõkatsopatakori txari:

Nota sãkire auiãkari ãkixinireẽ aua amomo atoko inakari. Iua ãparaã txĩkitakari kãkiti auãki inini.

—itxa Xesosi.

³⁹ Iua Erekarí Matamatakoti amomo atoko itxa. Xesosi sãkire auiãkari apakapariko iua Erekarí Matamatakoti. Iuasaaki Xesosi sãkirauatakasaaki, iua Erekarí Matamatakoti kona siãkapanika kãkitimoni, kotxi Xesosi kona kanapiriãpanika Teoso tixinemoni.

⁴⁰ Ikara Xesosi sãkire ikenakotakasaaki itori kãkiti txari:

—Atãopitikara ikira kiki Teoso sãkire sãpiretakari aiãtapakiti itxaua.

⁴¹ Apanakini txari:

—Iua Teoso mereẽkiti aiãtapakiti itxaua.

Apanakinipekana:

—Teoso mereẽkiti aiãtapakiti, Kariréiakiri litxaua. ⁴² Teoso sãkire iõkatsopatakori sãpiretari Teoso mereẽkiti aiãtapakiti, Taviini apika mekaniri itxaua. Iua iponaniãko Pereẽ sitatxiti Taviini auiniãtaã —itxana.

Ikara atoko itxanãtana, kotxi kona imarotarina Xesosi iponaniiniãtaã Pereẽ sitatxiti.

⁴³ Iuasaaki apanakini auikari Xesosi sãkire. Apanakinipekana ! auikari Xesosi sãkire.

⁴⁴ Apanakini nirekamari imaĩkiniri Xesosi iuasaaki, iuaritika iua maĩkakarí !uari.

Sotatoakori Kanapiriã Xoteo Auĩteakorimoni

⁴⁵ Ininiã sotatoakori kanapiriã sasetotxi auĩteakorimoni, pariseoakori pakinimoni. Ininiã ipimaãna:

—Kinirepa kona himinari Xesosi uaimoni?

⁴⁶ —Apia imatiresãkireta iua. !Auari kãkiti iua atoko ina sãkiretakari, ininiãkara !apakata amaĩkiniri iua —itxana sotatoakori.

⁴⁷ Ininiã pariseoakori omanãkarauata.

—Atauako iua misirienetai hĩte apaka? Iua txĩkitakai hĩte isãkire hãuikini. ⁴⁸ !Auari auĩtetxi iua sãkire auiãkari. !Auari pariseo iua sãkire auiãkari. ⁴⁹ Kãkiti miĩkitetinanira auikari Xesosi sãkire. Xesosi sãkire auiãkari kona imarotari Moisesini paniãtakiti. Ininiãkara Teoso misiritanako ninoa —itxa pariseoakori sãkire.

⁵⁰ Iuasaaki Nikotemo inakori iuaãtaã aua. Pariseo itxaua. Iua õti apisapanika iuara sari Xesosimoni ikanõka imisãkiretiniri ikapani. Ninoa ikara atoko isãkirauatakasaaki, Nikotemo misãkiretana ninoa:

⁵¹ —Kãkiti kamakiti isãpiretini apisapanika, “maerekati ikamakiti,” kona hĩtxape. Ikara atoko itxa Moisesini oerekasaakia ate —itxana.

⁵² Ininiã ninoa pariseoakori:

—Atxiĩti pite Kariréiakirikai apaka, Xesosi atoko? Iteene patatsopatariko Teoso sãkire iõkatsopatakori. Iua iteene patatsopatakasaaki, iuasaakiikarako pimarotariko !uari Teoso sãkire sãpiretakari, Kariréia tãpakiri —itxarina iua.

⁵³ Eereka ikinimane sari aapokomonina.

8

Sito Ôtaniri Minakotikatika Sirĩkakaró

¹ Iuasaaki Xesosi sari Orivanape Xiratamoni. Oriva txipokori. ² Katimatiniĩkata ikanapiriã Teoso misãkiretiko aikotimoni. Iuasaaki ikinipoko kãkiti apotiĩtaua iuamoni. Ininiã Xesosi topãka, Teoso sãkire isãpiretini ikapani. ³ Iuasaaki kaiõkatsopareriakori, pariseoakori pakini minaro sito iuamoni. Ninoa apokaro oa sito ôtaniri minakotikatika osirĩkini. Itakarona oa ikinimane apisatoõ.

⁴ —Koerekareri, aãpokaro oia sito ôtaniri minakotikatika osirĩkini. ⁵ Moisesini sãkire iõkatsopatakori paniãtaua ikara atoko inakaro kai soroã oõkaãka. Pitepekana, kiãtokopa atxataro oa? —itxana Xesosimoni.

⁶ Ikara atoko ipimaãrina Xesosi, kotxi inirekarina Xesosi kerokiniri isãkire. Inirekarina Moisesini paniãtakiti iaõka imakamakaniã, ininiã maerekati ikamapeka. Txamari ! kasãkireri Xesosi. Iokirita, iõkata itxari kipatxi iuakokiã. Imakenakotakiniti atoko itxa.

⁷ Ipimarauatapanikana, ininiã Xesosi õkaõkitaua.

—Maerekati makamakatirako iĩiika kiporonakiniro aroa kai soroã —itxa Xesosi.

⁸ Eereka Xesosi iuaĩkana iokirita, iõkata itxari kipatxi. ⁹ Ninoa ikaraene ikenakotakasaakina, iua apiata kiomãxi inakariua sipeka. Eereka iua tikini auakari apaka sipeka. Ikara atoko itxaãpotana ikinikana isinina. Eereka Xesosinoka kaikota oa sitokata. ¹⁰ Xesosi õkaõkitaua, atamata itxaro oa sito. Oanoka kaikota iuaã.

—Itapari pimaerekani sãpiretakani? —itxaro.

¹¹ —Aplananiri, isipekana nimaerekani sãpiretakani —otxari.

—Nota apaka kona sãpiretari pimaerekani. Pisepeka. Maerekati kona pikamapinikako —itxaro.

Kãkiti Xinire Iopiniãkari

¹² Eereka Xesosi iuaikana oerekari kãkiti.

—Nota ikini itixiti auakani tirikapite atoko nitxaua, kotxi noerekari Teoso sãkire notakata sikani. Teoso mimarotakani ipiaã sikani itxauana. Notakata sikanipekana !itipokota ipiaã. Nota sikana ninoa àtipirika auinina ikapani —itxa Xesosi.

¹³ Ininiã pariseoakori misãkiretari Xesosi:

—Kona ate auikapiretari pisãkire, kotxi pitenani sãpiretari pisãkire. Ikara atoko ininiã, kona aimarotari atãoene inini pisãkire. Àti sãpiretiniãri pite sãkire iaõka, aũuikari atxĩiti —itxarina Xesosi.

¹⁴ Ininiã Xesosi:

—Nota sãkirekara ikara atoko nitxai hĩte, uaritika atãoenekara ikara atoko nitxai hĩte, kotxi nota imarotari nininimoni, nimarotari nisinimoni. Kona hĩte imarotari nota ininimoni. Kona hĩte imarotari nota sinimoni. ¹⁵ Kãkiti hĩtxaua, ininiã hãpoĩrauata, kotxi ! himarotari atão. Kona nota txari kãkitimoni: “Pite, peerekai pite. Pitepekana, !erekai pite.” !Ikara atoko !nitxari kãkiti. ¹⁶ Uaritika nisãpiretakasaakiri kãkiti kamakiti, atãonoka nitxa nisãkire, kotxi kona notananini sãpirenauata. Niri niokanatakiri sãpiretakitixikana nisãpireta. ¹⁷ Kitxakapirĩka hĩteka kiomanekorini sãkire iõkatsopatakori txari:

Kãkiti itikakitixikana àti itikakiti. Ninoa ipi sãkire àtinoka auiniã, ininiã ninoa sãkire atãonoka itxa,

itxa hĩkiomane sãkire. ¹⁸ Nota sãpiretari nota pirena. Niri niokanatakiri apaka sãpiretari nota pirena nisãkiretxikana, ininiã ipi uaape —itxa.

¹⁹ —Naniparari piri? —itxarina.

—Kona himarotano nota. Niri apaka kona himarota. Nota himarotaãkamako, niri apaka himarotamako.

²⁰ Ikara atoko Xesosi sãkirauata. Txineiro Teoso ikapani sikikoãtaã takote Xesosi oerekarauata Teoso misãkiretiko aikotiã. Xesosi ikara atoko isãpirenauata, uaritika kona kamaĩkikori, kotxi imaĩkiko manapi kona apokapanika.

Xesosi Sinimoni Kãkiti Masikani

²¹ Iuaikana Xesosi misãkiretari kãkiti:

—Nisipiriko. Eereka hinitapiimano. Nota sinimoni !hãuiritaãka hĩsini. Hĩpinakasaaki, himaerekanikatika hĩpinako —itxa Xesosi.

²² Xoteo auĩteakori napetari:

—Atauako iuaka okatauako? Kotxi iua txari: “Nota sinimoni kona hãuiritaãka hĩsini” —itxana ninoa.

²³ Iuaikana Xesosi sãkirauata ninoamoni:

—Ikoxatikinirai hĩte. Nota itanokiri. Hĩte ikora itixikinirai hĩte. !Ikoxatikirino nota.

²⁴ Ikara atoko ininiãkara, nota txai hĩte: “Hĩpinakasaaki himaerekanikatika hĩpinako,” nitxai. Himauikakanisaakiri nisãkire nota pirena, hĩpinakasaaki himaerekanikatika hĩpinako. Kona Teoso makatxakinii himaerekani —Xesosi txana ninoa.

²⁵ —Kiriparai pite? —itxarina Xesosi.

—Merepitipanika nisãpiretakitikara iuakarano nota. ²⁶ Nisãpiretakiti tĩkane hĩte maerekani nisãpiretini tĩkane kaiãopokori. Nota iokanatakari atãoenekara isãkire. Iua sãpiretakitinokara nisãpiretari kãkiti itixi auakani —itxa Xesosi.

²⁷ Ninoa !imarotari Xesosi iokanatakari aĩri Teoso. ²⁸ Ininiã Xesosi txana:

—Nota hĩtari iaxitiki hõkasaaki, niĩto itano hõkitikasaaki, iusaakiikarako himarotano kinakaripa nota. Iusaaki himarotariko notaka sãkire ! nisãpireta. Niri oerekitinokara nisãpireta. ²⁹ Iua niokanatakiri notakata aua. Niri !itakanapano nota, kotxi inirekitinokanikama —itxa Xesosi sãkire.

³⁰ Xesosi ikara atoko ina sãkiretakasaaki, itomaneri kãkiti auikari isãkire.

Õpoĩkakoni Pirena

³¹ Ininiã Xesosi sãkirauata Xoteoakorimoni iua sãkire auĩãkanimoni.

—Nisãkire iaõka hĩkamakasaaki, atão nimoianariakori hĩtxauako. ³² Atão nimoianariakori hinakasaakua, himarotari atãonoka inakari. Atãonoka inakari himarotakasaaki, õpoĩkakoni atoko hĩtxaua.

³³ Ninoa apakapipireta:

—Apraõni apika mekanirireua ate, ininiã anirekinimoni asa. Nitiritxi iamotakoni ! atxaua. Kinirepa õpoĩkakoni atoko pitxãkitakaua? —itxana.

³⁴ Ininiã Xesosi:

—Atãonoka nitxai hîte. Maerekanitxi nitiri atoko itxa kâkiti maerekati kamakari.
³⁵ Nitiritxi iamotakori âtipirika !auari ipatrãote aapoko. Patrão âkiri auapika âtipirika iri
 aapoko. ³⁶ Nota Teoso âkiri txîkitakasaakiri kâkiti õpoikakori atoko ininiua, maerekanitxi nitiri
 litxaikauako. Iuasaaki iposotari erekari ikamini.

Apraõni Apika Mekaniriakori

³⁷ —Nimarotari Apraõni apika mekaniriakori hininiua, txamari hinirekari hõkinino.
 Nisâkire himauiakani xika hinirekari hõkinino. ³⁸ Nota sãpiretai hîte nota iri oerekakiti. Hîte
 kamari hîte iri paniâtakiti —itxa Xesosi.

³⁹ —Apraõni ate iri —itxana ninoa.

Ininiã Xesosi:

—Apraõni apika mekaniriakori hininiãua, Apraõni kamakiti atoko hîkamamako.
⁴⁰ Atãonoka nisãpiretai hîte. Teoso sãpiretakitinokara nisãpiretai, iuaritika hinirekari hõkinino.
 Apraõni likamari ikara atoko inakari. ⁴¹ Hîte kamari hîte iri kamakiti atoko inakari —itxa
 Xesosi.

—Teosonaira ate iri. Ate atãopitika iua anaakori atxaua —itxana.

⁴² —Teoso atão hîri ininiãua, nota hîtoretamako, kotxi Teoso auiniãtaã nota ina uaimoni.
 Kona notaka iokanataua. Teosora iokanatanano nota uaimoni. ⁴³ Kininiãpa !hîkitetatar
 ikara atoko ninini? !Himarotari nisâkire, kotxi kona xatiki hinirekari nisâkire iaõka
 hîkamini. ⁴⁴ Satanasira hîri. Hîte nirekari maerekati, Satanasi nireêkiti iaõka hîkamini.
 Kitxakapirika itixi kamiko atokopanika kokaniri itxaua Satanasi. Iua !inirekari atãoene
 isãpiretini. !Iposotari atãoene isãpiretini. Aãpirenanokara iua imarota, kotxi aãpirenaãri itxaua
 iua. Aãpirenaãri iri itxaua iua Satanasi. ⁴⁵ Nisâkire atão, ininiãkara hîte !auikari nisâkire.
⁴⁶ Hîte âtika itikatar maerekati nikamini? Âtika !itikari maerekati nikamini, kotxi kona
 maerekati kona nikama. Ininiã kinirepa kona hîte auikari nisâkire? ⁴⁷ Teoso anaakori
 kîpitari iua sâkire. Hîte kona kîpitari iua sâkire, kotxi iua anaakori !hîtxaua hîte —Xesosi txana
 ninoa.

Xesosi Apraõ Apisapanika Auini

⁴⁸ Ininiã Xoteoakori txari Xesosi:

—Ate sâkire atão. Samariakiri pitxaua pite. Maerekati Matamatakoti auaîtota pite —
 itxana.

Ninoa akiriuâkatari Xesosi “Samariakiri,” kotxi Xoteoakori omanatana Samariakini.
⁴⁹ Ininiã Xesosi:

—Maerekati Matamatakoti kona auaîtotano nota. Nota paxitari niri, txamari hîte kona
 paxitano nota. ⁵⁰ Kona notani nitari kâkiti nota iuikakani tîkane. Nirira nirekari kâkiti
 iuikinino nota. Nirira imarotari nisâkire atãonoka inini. ⁵¹ Nota sâkire iaõka kamakari !
 ipina. Ikara atãoene.

⁵² Xoteoakori apakapiretari:

—Uatxa aimarotari maerekati matamatakoti auaîtota pite, kotxi Apraõni ipîpe. Teoso
 sâkire sãpiretakanini apaka ipîpe. Kinirepa pite sâkire: “Nota sâkire iaõka kamakari lipina,”
 pitxa? ⁵³ Aîrini Apraõni ipîpe. Pite apiata atxiiti? Teoso sâkire sãpiretakanini apaka ipîpe.
 Kiriparai pite? —itxarina Xesosi.

⁵⁴ Ininiã Xesosi:

—Notaka niuikiniua !apakata. Nirira iuikano nota. Hîte sâkire: “Ateosone iua,” txamari
 nota irira iua. ⁵⁵ Kona himarotari Teoso. Notananira imarotari Teoso. Nota “kona
 Teoso nimarota,” nininiã, hîte atokokamarako nitxamako. Aãpirenaãri nitxamauako. Nota
 imarotapitikari iua. Nota kîpitari isâkire. ⁵⁶ Hîri Apraõ poxokoniua, nota uai apokini
 ikenakoenetakasaaki. Iua itikari nota uai apokini, ininiã iua poxokoniua.

⁵⁷ Ininiã ninoa Xoteoakori: —Pite sîkoêta anokanani !apokapanika, iuaritika paõkitatar
 Apraõ? Paxirari pisâkire —itxarina.

⁵⁸ —Apraõ apisapanikara nota aua. Ikara atãoene nitxai hîte —itxa Xesosi.

⁵⁹ Ikara isâkire ikenakotakasaakina, ikosekarina kai soro Xesosi ikiporonakinina ikapani,
 okinina ikapani. Xesosi kipataua. Osipikari Teoso misâkiretiko aikoti. Inapaãpota ninoa
 sauaki.

9

Mõsiãreti Xesosi Erekepeka Inîkitakini

¹ Xesosi tîpokotakasaaki, itikari mõsiãreti. Iua ponaniãkasaaki, mõsiãreti itxapekaua.
² Xesosi moianariakori pimaãri iua:

—Koerekareri, kiripa kamari maerekati iua mõsiãreti inini? Iuakani? Irikani? In-
 orokani?

³ Ininiã Xesosi:

—Kona iua maerekani xikani mōsiāreti itxaua. Kona iri maerekani xikani, kona inoro maerekani xikani mōsiāreti itxaua. Kona maerekani xikani mōsiāreti itxaua. Iua mōsiāreti Teoso posotiire kākiti imarotini ikapanira. ⁴ Kākiti parīkauata pokamara. Mapiāpeka inakasaaki, kona kākiti posotaikari iparīkauatini. Iua atokokana akamariko niokanatakiri paniātakiti aūapanika anakasaaki. Apinaka atoko kona akamaikari Teoso paniātakiti ikorapokoriti. ⁵ Ikorapokoriti nauakasaaki, niopinikana ikinimane ākixinire Teoso imarotininina ikapani —itxa Xesosi.

⁶ Ikara inaāka atoko ienemaā ixiti oakaka Xesosi. Ikamari ākape, minapa itxari mōsiāreti oki nopini. ⁷ Iokanataro:

—Parokari poki Siroee poamoni —itxari mōsiāreti.

Iuaā auari ipoa xapitikiri kākiti kamakiti. Iua ipoa uāka “Siroee.” Iua uākatxikana “Iokanatakori” itxaua. Iua sari Siroeemoni. Arokatoōtau. Iuasaakipeka kōsiārepeka itxa.

⁸ Aapoko takote auakani, kākiti mitxi mōsiāreti itxakani pakini, ninoa misākiretakakaua: —Ikira kiki mitxi iitopākanātapika inakarikani, kākiti txineirote amanaānātapika inakarikani, ikira kiki? —itxana.

⁹ Apanakini apakapapiretari:

—Ari, iuapitikara.

Apanakinipekana apakapapiretari:

—Kona. Kona iuani. Āti kiki iua mōsiāreti atoko inakarira.

Iua mitxi mōsiāreti apakapapiretari:

—Ari, iuapitikarano nota —itxa.

¹⁰ Ininiā ninoa:

—Kiātokopa pitxa uatxa kōsiārepeka pitxapeka? —itxarina.

¹¹ —Iua Xesosi inakori kamari ākape, nokiā minapa itxari. Ipaniātano: “Āparaā Siroee inakorimoni pisa. Iuaā parokatoōtau,” itxano nota. Ininiā nisa. Narokatoōtau. Iuasaakipeka nota kōsiārepekanō —itxa.

¹² —Namoniparari iua? —itxarina.

—A, meta —itxa iua mitxi mōsiāreti.

Pariseoakori Mitxi Mōsiāreti Inakarikata

¹³ Ninoa anikari iua mitxi mōsiāreti pariseoakorimoni. ¹⁴ Iua ōti Xesosi kamakasaakiri ākape mōsiāreti kōsiārepeka inikitakini ikapani tomatiko ōtisaaki iuasaaki. ¹⁵ Ninoa anikasaakiri iua mitxi mōsiāreti inakari pariseoakorimoni, pariseoakori apaka pimaāri iua:

—Kininiāpa uatxa kōsiārepeka pitxa? —itxana.

—Ākapeera noki nopini iminapa. Eereka narokatoōtau. Uatxa kōsiārepeka nitxa —itxa.

¹⁶ Pariseoakori ātikaka txari:

—Iua kiki, ākape mōsiāreti oki nopini minapakari, kona iua kamari Teoso paniātakiti, kotxi iparīkauata tomatiko ōtisaaki. !Apakata ikamakiti.

Pariseoakori ātikakapekana sākiraūata:

—Maerekati kamakari kona kamari ikara atoko inakari posotiiretxi, mōsiāreti kōsiārepeka inikitakini.

Ininiā pariseoakori taparakienatakakaua ikara xika. ¹⁷ Iuaikana pariseoakori misākiretari iua kiki:

—Kiātokopa inakaripa iua kiki pite makananitakari? —itxarina iua.

—Teoso sākire sāpiretakari itxaua iua.

¹⁸ Xoteo auiteakori kona auikari isākire, mitxi mōsiāreti eereka kōsiārepeka inakari sākire. Ininiā ninoa akiritari iri, inoro pakini.

¹⁹ —Hīte sākire hamarite auakasaaki mōsiāreti itxapekano. Hamaritekani ere? Kiātokopa uatxa kōsiārepeka itxa? —itxana.

²⁰ —Ari, ate ākiripitikara. Iponaniākasaaki, mōsiāretipeka itxaua. ²¹ Kona ate imarotari kiriāpareuako uatxa kōsiārepeka itxa. Kona ate imarotari kiriuako kamari kōsiārepeka inini. Hīpimaāri iua, kotxi mitapekari iua. Iuaka apakapapiretai hīte —iri, inoro pakini txana ninoa.

²² Iri, inoro pakini ikara atoko itxana Xoteo auiteakori ipīkinina xika. Xoteo auiteakori sāpiretpekari kākiti: “Kākiti Xesosi sākire auīākani, Teoso merekiti ininiua auīākani, kākiti iātapakiti ininiua auīākani, kona auiritaākaikana iroinina aiko Xoteo apotiitiniātaāua.”

²³ Ininiā pīkaretxi xika iri, inoro pakini txari: “Hīpimaāri iua. Mitapekari iua,” itxana ninoa.

²⁴ Ininiā iuaikana pariseoakori akiritari iua kiki mitxi mōsiāreti inakari.

—Atāonanira pīsāpiretako Teoso apisatoō. Ate imarotari maerekatinoka ikamini Xesosi, kotxi imakananirauata tomatiko ōtisaaki —itxarina.

²⁵ Ininiā iua:

—Kona nimarotari maerekati ikamini. Kona nimarotari erekari ikamini. Mitxipeka mõiãreti nitxaua. Uatxa kõiãrepeka nitxaua. Ikaranoka nimarota —itxana ninoa.

²⁶ —Kiãtokopa itxai kõiãrepeka inĩkitakiniã?

²⁷ Iua mitxi mõiãreti inakari apakapapiretari:

—Nisãpiretapekai hĩte mixikanani, txamari ! hãuikari nisãkire. Kinirepa hinirekatari iuaĩkana nisãpiretini? Atauako hĩte apaka nirekari iua sãkire hãuikini? —itxana.

²⁸ Ininiã itxitarina:

—Pitera auikari iua sãkire. Ate auikari Moisesini sãkire. ²⁹ Aimarotari Teoso misãkiretari Moisesini. Iua Xesosi kamari maerekati. !Aimarotari amonikiripa iua ina —itxana.

³⁰ Iua kiki apakapapiretari:

—Anekani. Kona hĩte imarotari amonikiriuako iua ina. Iuara kamaõiãretano nota.

³¹ Teoso kona maãkatari maerekati kamakari amanaãkiti. Teoso teosonetakani amanaãkiti imaãkatapitika. Iua nirekaãkiti kamakari amanaãkiti imaãkatapitika. ³² Mitxipeka mõiãreti kõiãrepeka inĩkitaãkari kona auari. Itixi kamikosaakipanika !auari kõiãrepeka inĩkitaãkari. Uatxaikara auape. ³³ Xesosi Teoso iokanatakiti iminakanimauako, !ikamamariko posotiiretxi —itxa iua.

³⁴ Ininiã pariseoakori:

—Pite maerekatipeka auakarikai. Åtipirika pite kamari maerekati. Maerekatinoka pĩkiteta. Iuaritika pinirekatari ate poerekini? Konapitini. Kona ate nirekari ikara pisãkire. Pispiniukaua. Kona uai pikanapiripinika. Ate kona nirekari pite uai kãkiti apotiitiniãtaãua aikoti pinini —ninoa txari iua.

Ininiã aiko porikiti iokanatarina.

Mitxi Mõiãreti Inakari Auikiniri Xesosi Sãkire

³⁵ Xesosi kenakopiretari iporikiti iokanatikoko mitxi mõiãreti inakari, ininiã Xesosi nitari iua. Apokasaakiri, itxari:

—Atauako pauĩkatari Teoso ãkiri sãkire? —itxari.

³⁶ —Kipa iua? Nimarotiniãri, nauikapitakariko —itxa.

³⁷ —Pite aõkitapekari Teoso ãkiri. Iuapitikara misãkirenãtai pite uatxa —itxa.

³⁸ —Apiananiri, nota auikari pite Teoso ãkiri pininiua.

Ininiã iua kapotoreẽkaua Xesosi apisatoõ.

³⁹ —Ikorapokoriti napoka Teoso sãkire auĩãkani ipinimoni nitakinina ikapani. Isãkire mauĩãkani ipinimoni nitakinina ikapani napoka Ikorapokoriti. Apanakini nisikaposotiireta, Teoso sãkire auikinina ikapani. Mitxi ninoa mõiãreti atoko itxauana, kotxi mitxi !imarotarina Teoso. Ninoa auikapiretakasaakiri Teoso sãkire, kõiãreeri atoko itxapekauana. Apanakinipekana atõ minakati isãkirena: “Nimarotapitikari Teoso.” Ninoa uãkatari kõiãreeri atoko ininiuana. Txamari kona atõ ninoa nirekari imarotiniri Teoso. !Nisikari posotiiretxi ninoamoni, Teoso sãkire auikinina ikapani. Kãkiti iua atoko inakari mõiãreti atoko itxaua —itxa Xesosi.

⁴⁰ Åtikaka pariseoakori Xesosi takote auakani kenakotari.

—Atauako atekani apaka mõiãreti atoko atxaua? —itxana.

⁴¹ —“Mõiãreeni atoko atxaua,” hininiã hĩsãkire, ininiã atõ hĩsãkire. Txamari hĩte txari: “Kõiãreua ate,” hĩtxama. Iua atoko hininiã hĩkamapitikari maerekati, kotxi kona hãuikari Teoso sãkire —Xesosi txana ninoa.

10

Soti Auĩte Pitikiri

¹ Xesosi sãkirauatakasaaki, ia atoko itxa isãpirena:

—Atõopitikara ia atoko nitxapaniũko hĩte. Soti auĩte ãroã pirikeri itoremoni. Itoremoni miũroãkani kiĩtiriri itxauana, kotxi ãtiãtaã ikanĩka ãroini ikapani. ² Pirikeri toremõni ãroãkari soti auĩte pitikiri. ³ Initiri osereeri pirikeri tore iua ikapani. Soti auĩte kenakotari ipitikiri sãkire. Ipitikiri imarotari ikinipoko ipiraakori uãka akiritinina ikapani. Iuara anikana inipokotinina ikapani. ⁴ Porikiti auakasaakina, iua saãpota ninoa apisa. Iua tikini isana ninoa. Ninoa imarotari iua sãkire ene. ⁵ Ninoa kona sari kãkiti imimarotakininitina tikini. Ipitikiri minakotika akiritakasaakina, imitekana. Kona imarotarina imapitikiritakininitina sãkire.

⁶ Ikara sãpirenatxi atõ inakari oerekiko Xesosi sãpiretari pariseoakori. Txamari ninoa kona imarotari Xesosi ikara atoko inakari isãpirena.

Xesosi Soti Auĩte Pitikiri Erekaritxaua

⁷ Xesosi iuaĩkana sãkirauata.

—Inipitikara nota pirikeri tore nitxaua, soti auĩte ãroini ikapani. ⁸ Nota apisa apoãkani, atõ minasãkiretakani kiĩtiririni itxauana. Soti auĩte kona maãkatari ninoa sãkire. ⁹ Nota

itore nitxaua. Kãkiti İroiniãtaã tore nitxaua. Nota makatxakari uai İroãkari maerekani, auapininiika inini İkapani. İiroã, ipokıka itxapıka. Kona kapıkareri. Natxi !auari. ¹⁰ Kĩitiriri apoka iitiriuatini İkapani, okaniuatini İkapani, imisirikarauatini İkapani. Notapekana apoka kãkiti auapininiika inini İkapani, kãkiti auini ereka inini İkapani.

¹¹ Pitikiritxi erekari nitxaua nota. Pitikiritxi erekari ipina ipiraakori mapinakani İkapani. ¹² Nitiritxi soti auıteakori pitikiri !itxaua. Anãpa auıte kaneenamari apokasaaki, iua miteka. Itakanapanako soti auıteakori. Ininiã anãpa maıkarı soti auıte, oxikepoata itxana. ¹³ Iua nitiritxi mitekako, kotxi txineiro İkapaninokara iparıkauata. Kona atão itiretari soti auıte.

¹⁴ —Soti auıte pitikiri erekari nitxaua nota. Atão nimarotari nipiraakori. Ninoa apaka atão imarotano nota. ¹⁵ Iua atokkana niri imarotano nota. Nota apaka imarotari niri. Nota ipinako soti auıteakori nota nakiti mapinakani İkapani. ¹⁶ Nota aua apanakini soti auıteakori apaka. Uatxa ia pirikeri åki !auapanikana. Niminanako ninoa apaka ia pirikeri åki auinina İkapani. Ninoa auikariko nisåkire. Ininiã ninoa imakinika aua åtika pirikeri åki. Åtikaroko ninoa pitikiri.

¹⁷ —Niri tiretano, kotxi nauiritari nipinini, iuaıkana nõkitikiniua İkapani. ¹⁸ Kãkiti !iposotari okinino nota nimanirekasaakiri nokiko. Nota sikariko niıto nokiko İkapani. Ninirekasaaki manapi nipina. Ninirekasaaki manapi nõkitikaua. Ikara atoko niri paniãtano nota —itxa Xesosi.

¹⁹ İkara Xesosi såkire Xoteoakori kenakotakasaaki, itaparakienatakauana. Apanakini potxitari Xesosi såkire. Apanakini kona potxitari.

²⁰ Apanakini txari:

—Satanasi nitiri auaiıtotari iua.

Åtıpekana txari:

—İmapitxirita. Kinirepa hıkenakotatari mapitxiritakari såkire? —itxana ninoa.

²¹ Apanakini txari:

—Satanasi nitiri auaiıtotakiti !ikara atoko itxa såkireta. Satanasi nitiri kona kõiãrepeka txıkitakari mõsiãreti —itxana.

Xoteoakori !Auikari Xesosi Såkire

²² Mitaãsaaki Xoteoakori kamari kiiniri Xerosareẽ. İuasaaki ixinikarina Teoso misåkiretiko aikoti merepaniko kamiko. ²³ İuasaaki Xesosi tıpokota aiko Teoso misåkiretikoãtaã, Saromãoni inakoriãtaã. ²⁴ İuaã Xoteoakori apotiıtaua iuamoni. İuasaaki ninoa txari iua:

—Pite Teoso mereẽkiti pininiãua, pisåpiretaua. Akokaxiti anirekari aimarotiniri ikara —itxarina.

²⁵ Xesosi apakapapiretana:

—Nisåpiretpekai hıte. Kona hãuikari nota såkire. Niposotiire nikamakiti niri uåkaã oerekapekai hıte. ²⁶ Nisåpiretpekai hıte, txamari kona hãuikari nota såkire, kotxi nisoti auıtene kona hıtxaua. ²⁷ Nisoti auıtene imarotari nisåkire. Nota imarotana ninoa. Ninoa kapokitano nota. ²⁸ Nitxıkitakana ninoa åtipirika auinina. Nota kamari ninoa imipıkanina tıkane. Kona kamaktxakikona nota nıkatakini. ²⁹ Niri sikana ninoa notamoni. Apiatakari itxaua iua. Ininiã åti kona posotari imaktxakinina niri nıkatakini. ³⁰ Niri, nota pakini åtika atxaua.

³¹ İkara atoko Xesosi inakasaaki, Xoteoakori morõkari kai soro ikiporonakinirina İkapani.

³² Xesosi såkirauata ninoamoni:

—Kaiãopokori erekari niri nakiti noerekapekai hıte. Kinakarixikapa hinireka hıkiporonakinino nota? —itxa Xesosi.

³³ Xoteoakori apakapapireta:

—Kona akiporonakai erekari pikaminiã. Akiporonakai, “Teosorano nota” pinini xikara. Pite kiki, iuaritika “Teosorano,” pitxa. Ininiã maerekati pikamapeka Teosomonikari.

³⁴ Xesosi apakapapiretana:

—Kıtxakapırıka Teoso såkire iõkatsopatakori txari:

Nıtxi: “Teosoakori hıtxaua hıte.”

³⁵ Aimarotari Teoso såkire iõkatsopatakori åtipirika atão inini. Teoso akiriuaakatana nino isåkire apakapakani “teosoakori.” ³⁶ Ininiã kinirepa hıte kamaåkaretxitano. Niri mereẽno nota inireẽkiti nikamini İkapani. İokanatano İkorapokoritimoni. Ininiã kinirepa hãpoıtano Teoso nimisåkirepiretini, “Teoso åkirirano” ninakasaaki? ³⁷ Nimakamakaniãri niri nirekaãkiti, iuasaaki kona hãuikari nota såkire. ³⁸ Nikaminiãri inirekaãkiti, iuaritika himauikakaniãri nisåkire, hãuikariko niposotiire. Hıtikakiti hãuika. Ininiã himarotariko, hãuikariko, niri, nota pakini åtika aniniua —itxa Xesosi.

³⁹ İuasaakipeka pariseoakori omanåkarauata. İuaıkana inirekarina imaıkinirina Xesosi. Txamari iuasaakipe isipe.

⁴⁰ Iuaĩkana Xesosi kanapiriã Xotão ipiniãmoni. Iuaã ikaikota Xoão kapatxisarerini patxisarautiniãtaã. ⁴¹ Itomaneri kãkiti sari uamoni. Ininiã nino txa:

—Xoão kona kamari posotiiretxi, iuaritika ikinika isãpiretakiti Xesosi pirena atão inakarinoka isãpireta.

⁴² Ininiã itori kãkiti iuaãtaã auikari Xesosi sãkire.

11

Arásaro Ipinini

¹ Kiki Arásaro inakori aua ipi itaro, Maria, Mata pakini. Ninoa aua Petânia aapokotxiti. Iuasaaki Arásaro amianata. ² Xesosi ipinini apisa, oa Maria arokari Xesosi kiti kamariãroã, oiãkoã kaxipota otxari. Oa Maria itari Arásaro amianata. ³ Iua amianatakasaaki, Maria, Mata pakini iokanapireta Xesosimoni:

—Apiananiri, pitiretakiti amianata —otxari.

⁴ Ninoa iokanapirena ikenakotakasaaki, iua txa:

—Amianari inokari Arásaro kona ipinini ĩkapanini. Teoso posotiire oerekini ĩkapanira iua amianari inokari iua. Kãkiti: “Teoso ãkiri peerekari” iniko ĩkapanira iua amianata.

⁵ Xesosi tiretari Mata, oĩtaro Maria, Arásaro pakini. ⁶ Ikenakotakasaakiri Arásaro amianatini, iua napapanikari ipi õti iuaxiti. ⁷ Eereka itxana imoianariakori:

—Iuaĩkana Xotéia tõpa masa.

⁸ Ininiã imoianariakori:

—Koerekareri, kitapani iuaã Xoteoakori nirekari kai soroã ikiporonakinii pite. Iuaritika pisatapanikako iuaãtaã? —itxarina.

⁹ Ininiã Xesosi:

—Pokamara tosi oara aua kãkiti parĩkauatini ĩkapani. Pokamara tĩpokotakari kona mãkitita, kotxi atokatxi iopinikari ikinipoko. ¹⁰ Txamari ĩkanõka tĩpokotakari mãkitita, kotxi atokatxi kamara !auari.

¹¹ Ininiã Xesosi:

—Amoianari Arásaro imakanãta. Nota õpirĩkariko iua —itxa Xesosi.

¹² Ininiã Xesosi moianariakori txa:

—Imakanãtiniã, erekaãpopekari uatxa —itxana.

¹³ Xesosi imarotari Arásaro ipinini, txamari imoianariakori uãkatari Arásaro atão imakini.

¹⁴ Ininiã Xesosi txana ninoa atão imarotininina ĩkapani:

—Arásaro ipĩpe. ¹⁵ Erekapitikari iuaã nimaauakani, kotxi eereka hĩte auikariko nota sãkire. Masa iuaxiti. Maõkitari iua —itxa Xesosi.

¹⁶ Tomee Txĩtximo inakori misãkiretana apanakini Xesosi moianariakori:

—Masa iuakata apinini tĩkane.

Ikara atoko itxa isãkire, kotxi iuaxiti Xoteoakori nirekari okiniri Xesosi.

Kãkiti Auãki Inĩkitaãkari

¹⁷ Xesosi apokasaaki iuaxiti ipi ipi pakini õti napapeka. Ininiã iuasaaki Arásaroni katapeẽkaika. ¹⁸ Petânia Xerosareẽ takote. ¹⁹ Apanakini kãkiti apoka Mata, Maria pakinimoni. Ninoa moianatana, kotxi itarina !auaika.

²⁰ Mata kenakopiretari Xesosi apokaãpotini. Ininiã oa sari oaõkitiniri ĩkapani. Maria kaikota oaãpoko ãki.

²¹ Xesosimoni Mata apokasaaki, otxari iua:

—Apiananiri, pite uai auaãkamako, kona nitari ipinamako. ²² Iuaritika nimarotapitikari, pamanaãkiti Teoso sikapitikai —otxa.

²³ Ininiã Xesosi txaro:

—Pitari iuaĩkana auapanikako.

²⁴ Ininiã Mata:

—Nimarotari itixi xipokini õti nitari iuaĩkana auapanikako. Ipĩkani õkitikiniua õti, iua õkitikaua —otxa Mata.

²⁵ Ininiã Xesosi sãkirusata:

—Nota ipĩkari õkitikakarirano nota. Kãkiti auãki inĩkitaãkarirano nota. Nota sãkire auĩãkari ipininiã, iuaritika iuaĩkana auapanikako. Kona ipinaika. ²⁶ Nota sãkire auĩãkari auapanikako iuaĩkana. !Ipinaikako. Pauikatari ikara atoko nininii? —itxa Xesosi.

²⁷ Ininiã Mata:

—Apiananiri, nauikapitikari. Teoso mereẽkiti pitxaua. Teoso ãkiri pitxaua. Teoso iokanatakiti itiximoni ĩkari pitxaua. Ikara nauikapitika —oa txari iua.

Xesosi Txiapatini

²⁸ Eereka Mata sari oĩtaromoni. Oãkiritaro oa, mapara omesãkiretini ĩkapani.

—Koerekareri apope. Iua akiritai —otxa Mata.

²⁹ Maria kenakotari ikara inakasaaki, katimariã õkitikaua, iuamoni sa otxa oa. ³⁰ Iuasaaki Xesosi ! apokapanika aapokotxiãtaã. Ikaikotapanika mitxi Mata apokiniãtaã. ³¹ Maria katimaritika õkitikasaakiaua, Xesosimoni osini ìkapani, Xoteoakori, oaãpoko ãki auakani, oa mïkapiritakani, sari oa tikini. Ninoa uãkatari akauarimoni osini otxiapatini ìkapani.

³² Maria apoka Xesosimoni. Oãtamatakasaakiri iua, iua apisatoõ okapotoreẽkaua. Otxari: —Uai pauaãkamako, kona nitari ipinamako —otxa.

³³ Xesosi atamataro otxiapatini. Xoteoakori oakata apokakani txiapata apaka, ininiã Xesosi iteene matinaniuata ãkixinireẽ. ³⁴ Iua pimaãna:

—Nanipa hïkatatari? —itxa.

Ininiã ninoa:

—Apiananiri, masa. Patariko iuaã —itxana.

³⁵ Iuasaaki Xesosi txiapata.

³⁶ —Hãtamataro Xesosi, Iua tiretapitukari Arãsaroni —itxa Xoteoakori.

³⁷ Ætikaka Xoteoakori txa:

—Mõsiãreti kõsiãrepeka itxïkitakapeka. Atxïiti iua uai apokaãkamako, kona Arãsaro ipinamako —itxana.

Xesosi Õkitikiniri Arãsaroni

³⁸ Ininiã Xesosi iteene matinaniuata ãkixinireẽ. Iuasaaki isa akauarimoni. Ninoa takari ipïkari kai auite ãki. Kai auite itotaãka.

³⁹ Ininiã Xesosi txari:

—Himakatzakari akauari tore —itxa.

Mata, Arãsaroni itaro txari Xesosi:

—Apiananiri, ipaiakapeka. Ipi ipi õti pakinipeka ikatiko, ininiã pataparasakari —otxari Xesosi.

⁴⁰ Ininiã Xesosi:

—Nota säpiretapekai: “Nota säkire pauikiniã, pitikariko Teoso posotiire” —itxaro.

⁴¹ Ininiã imakatzakarina kai. Iuasaakipeka Xesosi ionakaãta iaxiti.

—Niri. Erekaï, kotxi pikenakotari nisãkire. ⁴² Nimarotari ãtipirika pikenakotiniri nisãkire. Ikara atoko nitxa säkireta kãkiti uai auakani kenakotiniri ìkapani, kotxi ninirekari ninoa auikiniri pite lokanatinino nota uaimoni —itxa.

⁴³ Ikara atoko inaãka atoko akirikatari:

—Arãsaro, põkitikaua. Pipokïka.

⁴⁴ Ininiã iuasaakipeka Arãsaro pokïka. Imakinika iito mãkatxi mataã iapirikaãka. Itoõ apaka iapirikaãka mãkatxi mataã.

Ininiã Xesosi:

—Himakatzakari iapirikiko.

Xesosi Okaenetiko Pirena

(Mateo 26.1-5; Marko 14.1-2; Arókasi 22.1-2)

⁴⁵ Xoteoakori Mariamoni ìkani itikari ikara atoko inakari, ininiã auikarina Xesosi Teoso ãkiri ininiua. ⁴⁶ Ætikaka Xesosi kamakiti itikakani kanapiriã pariseoakorimoni. Isãpiretana Xesosi õkitikiniri Arãsaro. ⁴⁷ Ininiã pariseoakori, sasetotxi auiteakori pakini apotiãtaua. Imisãkiretakana:

—Kiripa ate kama? Ia kiki kamari itori posotiiretxi. ⁴⁸ Aãuiritiniãri iua ikara atoko ikamini, ikinipoko kãkiti auikari iua säkire. Ininiã iua tikini isana. Ikara atoko ininiã, Homanoakori xipokari Teoso misãkiretiko aikoti ate nakiti, ate tixine apaka —itxana.

⁴⁹ Iuasaaki Kaipasi inakori sasetotxiakori auite apiatakari inakari iua. Itxana:

—Hite kona kimarorepanikai. ⁵⁰ Erekarï ãti kiki ipinini ikinimane mapinakani ìkapani. Ikara atoko ininiã, kona ikinipoko anirimane ipinako —itxa Kaipasi.

⁵¹ Ikorakanani sasetotxi auite apiatakari itxaua Kaipasi. Ia atoko itxa: “Xesosi ipinako Xoteoakori mapinakani ìkapani. ⁵² Kona ninoa ìkapaninanini ipinako. Teoso anaakori iarikakani ìkapani apaka ipinako. Ininiã iuasaakirako iua apotiãtari ikinipoko ninoa. Ininiã Teoso anaakori itxauanako,” itxa Kaipasi säkire.

⁵³ Iuasaaki eereka imapapiretarina Xesosi okinina tïkane. ⁵⁴ Ikara atoko ininiã, Xesosi kona saika Xotéia tõpamoni. Isari Eparaiï sitatxitimoni, ãparaã makipakaniãtaã takote. Iuaã ikaikota imoianariakorikata.

⁵⁵ Iuasaaki imatokoãpotarina Pãskoia kiiniriti. Iuasaaki itomaneri Xoteoakori Xerosareẽ tõpa auakani sari Xerosareẽ sitatxitimoni. Iua kiiniri apisapanika, isana iuaã oerexiniretinuana ìkapani. Iuasaaki amanaãrina Teoso imakatzakiniri maerekati ikamakitina.

⁵⁶ Iuaã Xoteoakori nitari Xesosi. Ninoakakarika ipimaãkakana:

—Atauako kiinirimoni inapani atxïiti?

⁵⁷ Sasetotxi auiteakori, pariseoakori pakini paniãtapekari kãkiti:

—Himarotakasaakiri Xesosi auiniãtaã, hãsäpiretauako ate, ininiã amaïkariko iua.

12

Maria Takari Kamariãro Xesosi Kitiã

(Mateo 26.6-13; Marko 14.3-9)

¹ Seisi õti Páskoa kiiniriti apisa, Xesosi sari Petánia sitatxitimoni. Iuaã aua Arásaro, Xesosi õkitikakiti Arásaro ipíkasaaki. ² Iuaã ikamaãka nipokori Xesosi ìkapani. Mata sikari nipokori kãkitimoni. Iuasaaki Arásaro apanakinikata topãka Xesosikata. ³ Iuasaaki Maria kosekaro kamariãro koana. Oia atão nato kamakoro. Ipixini kiro ominani aua. Kona koketakoroni. Natonokara. Pakaronero, iuaritika okitakaro Xesosi kitimoni. Oiãkoã okaxipokari. Iuasaaki aapokotxi åki omarinokara itxaua.

⁴ Txamari Xotasi Isikariotxi inakori !apokaerekatari kamariãro Xesosi kitiã okitakini. Iua Xotasi Simão åkiri. Xesosi moianari itxaua, txamari imìkapiritariko Xesosi.

⁵ Ininiã Xotasi txari:

—Kãkiti parìkauata tresëtosi pakini õti oia atoko inakoro kamariãro iamotiko ìkapani. Kinirepa kona ovëtixaãka? Kinirepa txineiro mauakinitimoni !osika? —itxa Xotasi.

⁶ Ikara atoko itxa, kotxi kiitiriri itxaua. Iua nìkataro ninoa txineirote. Iua itotapekari txineiro iitirìkini. Iua ìmaãkatana txineiro mauakiniti.

⁷ Xesosi apakapapiretari:

—Kona hitxitapero Mariapani. Onìkataro kamariãro ia õti notamoni otakini ìkapani, kotxi oxinikari nikatiko õti ìkapani. ⁸ Minakati mauinakini auapikako hìtekata. Txama nota ! auaikako hìtekata —itxa Xesosi.

Xoteo Auíteakori Nirekari Okiniri Arásaro

⁹ Itomaneri Xoteoakori kenakopiretakasaakiri Xesosi Petánia sitatxitiã auini, ininiã iuaã isana Xesosi aõkitinina ìkapani. Kona iuananini ninoa nireka aõkitinina. Arásaro Xesosi õkitikakiti apaka ninoa nirekari atamatinina. ¹⁰ Ininiã sasetotxi auíteakori nirekari Arásaro apaka okinina, kotxi kaiãopokori kãkiti auikari Xesosi sãkire Arásaro säpiretakiti ikenakotakasaakina. Itakanaparina sasetotxiakori sãkire auikinina. ¹¹ Arásaro iuaãkana auiniã, ininiã itomaneri Xoteoakori asikaãpotari iauitena, Xesosi sãkire auikinina ìkapani.

Xesosi Xerosareë Apokaãpotini

(Mateo 21.1-11; Marko 11.1-11; Arókasi 19.28-40)

¹² Katimatnìkata, itomaneri kãkiti Páskoa kiiniritimoni sikani, kenakopiretari Xesosi apokaãpotini Xerosareëmoni. ¹³ Ininiã Xerosareëkini sari aõkitinirina iua. Kinari tape anikana, Xesosi apiãkatakasaakina. Akirikatana:

—Peerekari Teoso. Teoso takari erekari Isaeo auakani auitemoni, Apiananiri uãkaã ìkarimoni —itxana.

¹⁴ Mitxipe Xesosi iokanitari imoianariakori xomëta åkiri initinina. Ninoa apokasaakiri, iminarina Xesosimoni. Ininiã Xesosi topãka iua nopini. Iua nopini Xesosi sari Xerosareëmonikari. Kitxakapirìka Teoso sãkire iõkatsopatakorini txari:

¹⁵ Kãkiti Xerosareëkini kona hìpìkarauatape. Erepani hìauite. Xomëta nopini iitopãkako, itxa Teoso sãkire kitxakapirìka. Ikara iaõka apokapeka, kotxi Xesosi apoka xomëta nopini.

¹⁶ Iuasaaki imoianariakori kona xinikari Teoso säpiretakiti kitxakapirìka auakari. Xesosi ipinaka atoko, õkitikaãkaua atoko, iuasaakiika ninoa xinikari ikara Teoso sãkire. Ininiã iuasaakiika imarotarina Teoso säpiretakiti.

¹⁷ Mitxi kãkiti akauari takote auakani, ninoa itikari Xesosi õkitikiniri Arásaro. Ninoa iaripiretari Xesosi kamakiti. ¹⁸ Ininiã kãkiti apiãkatari Xesosi, kotxi ninoa kenakoentapekari Arásaro õkitikini. ¹⁹ Ininiã pariseoakori misãkiretakakaua:

—Hãtamata. Kiripa aposota akamini? Ikinimane kãkiti nirekari iua.

Ininiã pariseoakori xikotari Xesosi.

Åtikaka Krekoakori Nitari Xesosi

²⁰ Åtikaka Krekoakori apoka Xerosareëmoni Páskoa kiiniriti ìkapani, kotxi ninoa nirekari Teoso imisãkiretinina. ²¹ Apokasaakina iuaãtaã, isana Piripimoni. Iua Petsãita aapokotxitikiri, Kariréia tõpa auakari. Ininiã apokasaakina Piripimoni, ipimaãrina:

—Ate nirekari Xesosi aãõkitini.

²² Ininiã Piripi sari Åtreemoni, isãpiretiniri ìkapani. Eereka isana Xesosimoni. ²³ Ininiã apokasaakina, Xesosi txana ninoa:

—Kaiamapekari nota hìtari iaxitikiri sini niri tixinemoni ikinipoko erekari napakapini ìkapani. ²⁴ Atão nisãpiretai. Nota kimi oki atoko. Kãkiti matakakaniãro oa, åtika okinoka auapika. Pitakiniãro, opitxaka. Ininiã kaiãori oki aua. Ikara atoko nota. Nimapikaniã, ininiã notanokara auari. Nipininiã, ininiã itomaneri kãkiti sari niri tixinemoni. ²⁵ Pite

ãtipirika kaminiãri piteka nireëkitinoka, ininiã pinireëkiti xipokapitikako pitekata. Pite nireëkiti xipokiniã, nota sãkire pauikini xika, pite auapininiika txako Teosokata. ²⁶ Kãkiti nirekiniãri iparĩkauatini nota ìkapani, imoianatanoko. Iua atoko ininiã, nota auiniãtaã iua apaka auako. Kãkiti parĩkauatiniã nota ìkapani, ininiã niri paxitariko iua.

Xesosi Sãpiretari Ipinini

²⁷ Xesosi misãkiretari Teoso:

—Uatxa kona erekaxinireno, ininiã kiãtokopa nitxa nisãkire pitemoni? Atxiiti nipaniãtai: “Niri, pimakatzakinanoko nimapinakani ìkapani.” Ikara atoko !nipaniãtai, kotxi nipinini ìkapanira napoka ìkorapokoritimoni. ²⁸ Ininiã niri, poerekari kãkiti ikinimane auite pininiãua —itxa Xesosi.

Iuusaakipeka iaxitiki txari:

—Noerekapekari kãkiti ikinimane auite nininiãua. Eereka iuaikana noerekapanikariko ikara —itxa Teoso.

²⁹ Kãkiti iuaãtaã auakani kenakotari iaxitiki sãkire. Txamari itxana:

—Ìkarokirauata.

Apanakini txari:

—Teoso nitirira sãkirauata iuakata —itxana.

³⁰ Xesosi txana ninoa:

—Ìkara sãkirauata kona nota ìkapanini. Hite ìkapanira isãkirauata. ³¹ Iposope ikini itixiti auakani misiritiko imaerekanina xika. Iposope ikini itixiti auakani auite Satanasi inakori xipokiko. ³² Nota aamina ìpiriãmitakari nopini nõkitikikosaaki, iusaaki nikosekanako kãkiti notamonikari.

³³ Ikara atoko itxa, kãkiti imarotniri aamina ìpiriãmitakari nopini ipinini.

³⁴ Apanakini kãkiti apakapapiretari:

—Teoso sãkire kitxakapirĩka iõkatsopatakori oerekaua Teoso mereëkiti ãtipirika auini. ! Ipinã. Txamari pite sãpiretaua ipinini aamina ìpiriãmitakari nopini? Kipa iua aitari iaxitiki pipãpiretakiti? —itxana ninoa.

³⁵ Ininiã Xesosi:

—Tirikapi kamara atoko nitxa. Hitekata nauakasaaki, noerekai hite atão inakari. Uatxa tirikapi kamara hitekata auapanika. Paĩtiki nota sipe. Tirikapi auakasaaki, pauapikako tirikapi kamaraã. Ininiã ipiã kona apoka hitemoni. Kãkiti mauikakaniãri nota sãkire, ìkanõka tipokotakani atoko itxana. ! Imarotarina isinimonina. ³⁶ Tirikapi hitemoni auakasaaki, hãuikariko iua sãkire. Ikara atoko ininiã, “pokamarari anaakori” hĩtxaua —itxa Xesosi.

Ikara atoko inaka atoko isipeka. !Isãpiretari isinimoni.

Xoteoakori Kona Auikari Xesosi Sãkire

³⁷ Xoteoakori itikari ikinipoko posotiiretxi Xesosi kamakiti. Iuaritika kona ninoa auikari iua sãkire. ³⁸ Ikara atoko ininiã, kitxakapirĩka Teoso sãkire sãpiretakari Isaia inakori iõkatsopatakiti, iusaaki apopeka. Isaia txari:

Apiananiri, kãkiti ! auikapiretari asãkire ninoamoni asãpiretakiti. ! Auikari piposotiire poereëkiti ninoamoni,

itxa Isaia. ³⁹ Iua atoko ininiã, Xoteoakori kona posotari auikiniri Xesosi sãkire, kotxi iuaikana Isaia txari:

⁴⁰ Teoso mõsiãretakana ninoa. Kaikokii itxkitakana. Itikakitina kona ìkitetana ninoa. Ikiãna kona ! imarotarina. Ininiã ninoa kona apokapaniko notamoni erekepeka ininina nitxkitakini ìkapani,

itxa Teoso Isaia iõkatsopatakitiã.

⁴¹ Kitxakapirĩka Xesosi uai apokini apisa Isaia iõkatsopatari ia sãkiretixiti. Iusaaki Teoso oerekari Isaia Xesosi posotiire, apaka ikinika Xesosi kamakiti tĩkane.

⁴² Iuaritika itomaneri Xoteo auiteakori auikari Xesosi sãkire. Txamari ! isãpiretarina apanakini, kotxi ninoa pĩkari pariseoakori. Pariseoakori imarotakasaakiri Xesosi sãkire auikani ininiuana, !auiritaikana ninoa ìroini aiko Xoteoakori apotiitiniãtaãua. ⁴³ Iua atoko ininiã, ninoa apia nirekari kãkiti iuikinina. Poiãoka ninoa nirekari Teoso iuikinina.

Xesosi Iuaikana Sãkirauata Xoteoakorimoni

⁴⁴ Xesosi itapasãkireritika txari:

—Kãkiti auikiniãri nota sãkire, kona nota sãkirenanini ninoa auika. Niri sãkire apaka auikana, kotxi iua iokanatano nota uaimoni. ⁴⁵ Natamatakiri apaka atamatari niri.

⁴⁶ Tirikapi atoko nitxa nikasaaki kãkitimoni. Nota sãkire auikani kona kaikota ipiã. ⁴⁷ Kãkiti nisãkire kenakotakani mauikakaniãri nisãkire, kona nimisiritari iua imaerekani xika. Kona kãkiti nimisiritini ìkapanini nina uaimoni. Nina kãkiti maerekani nimakatzakini ìkapanira.

⁴⁸ —Nota manirekakati, nisäkire manirekakati apaka, auapeka imisiritiko mereëkari. Nisäpiretakiti, iuarako itixi xipokini ötisaaiki säpiretari imisiritiko.

⁴⁹ —Notaka säkire !nisäpiretai. Niri säkirera nisäpiretai. Niri iokanatanano nota uaimoni. Iua paniätakiti isäpiretakiti nisäpiretai hïte. ⁵⁰ Nimarotari käkiti auikiniäri niri paniätakiti auapininiika itxako. Nota säpiretari niri sikapiretinino iaöka.

13

Xesosi Arokari Imoianariakori Kiti

¹ Páskoa inakori kiiniriti apisapanika, Xesosi imarotari paítiki itixi itakanapini irimoni isini íkapani. Iua tiretapikana käkiti iua nakiti. Ninoa itiretiniritika ipinako Xesosi.

² Xesosi imoianariakorikata inipokotini apisapanika Satanasi sikanireötapekari Xotasi Isikariotxi Xesosi imíkapiritini íkapani. Iua Xotasi, Simão äkiri. Eereka inirekari isikiniri Xesosi imokaakarimoni. ³ Xesosi imarotapekari iri sikiniri ikinipoko posotíiretxi Xesosimoni. Imarotapekari Teosomoni ipotorikini. Imarotapekari uamoni ikanapiriini. ⁴ Iuaritika inipokotaka atoko, ökitikaua. Imakatzakari imäka inopiní auakari. Eereka ipomakitari mäkatxi mata nitiritxi paríka atoko ikamini íkapani. ⁵ Eereka itakari äparaä tiitxi äki. Ininiä arokana imoianariakori kiti. Eereka mäkatxi mataä ikaxipokaäpotana.

⁶ Simão Petro takote apokasaaki, Petro txari:

—Konapitini, Apiananiri. Ninitiri !pitxaua. Ininiä kona parokapiri nikiti —itxari.

⁷ Ininiä Xesosi:

—Uatxa kona pimarotari nikamakiti. Pimarotariko äti öti.

⁸ —Koniko pite arokananiri nota kiti —itxa Petro.

Ininiä Xesosi:

—Pimauiritakaniäno pikiti narokini, ininiä kona nimoianari pitxaukauo —itxa Xesosi.

⁹ —Ikara atoko ininiä, kona nikitinani paroka. Niuako, nikiä, imakinika paroka —itxa Petro.

¹⁰ Ininiä Xesosi:

—Käkiti kipaätakaníua poirepe itxana. Itípokotakasaaki, iuaíkana itxiko apoka uamoni. Iuasaaki ikitinokara arokaäka. Hïte himakinika poirepeka, kotxi nimakatzakapekari himaerekani. Ätinokara kona poireri, kotxi imaerekani auapanika.

¹¹ Xesosi imarotapekari iua mîkapiritakari, ininiä itxa: “Himakinika poirepeka. Ätinokara kona poireri,” itxana.

¹² Ninoa kiti arokaäka atoko, ieretakari imäka inopinikiri. Ikanapiriä amesamoni. Ipimaäna:

—Kinirepa narokatari hîkiti? ¹³ Hïte akiriüakatano nota “koerekareri.” Apaka häkiriüakatano “Apiananiri.” Atäöpitikara hîsäkire, kotxi ikara inakari nitxaua. ¹⁴ Hïäuïte, hõereëkiri nitxaua. Iuaritika narokari hîkiti. Hinitiri atoko nîparíkauata. Ininiä härokakittakauako, käkiti nitiri atoko hininiua. ¹⁵ Noerekapekai hïte erekari hîkamini. Uatxa hîkamariko nota kamakiti atokokana. ¹⁶ Atäo inakari nitxai. Nitiritxi iamotakori poiäori. Iäuïte apiari. Apaka käkiti iokanatakari apiata. Iokanatakiti poiäori. ¹⁷ Uatxa hïte imarotari atäo inakari hîkamini. Hîkaminiäri, hîpoxokoniua.

¹⁸ —Kona himakinikani ikara atoko nitxai. Nimarotari nimereëkini, txamari ia Teoso säkire iöksopatakori iaöka apokapitikako. Itxari:

Notakata komiri nikakari, iuakarako kamari maerekati notamoni. ¹⁹ Uatxa iua himarotini apisapanika nisäpiretai hïte. Ininiä nisäkire iaöka apokasaaki, himarotariko Teoso äkiri nininiua nota. ²⁰ Atäo inakari nisäpiretai. Käkiti nota iokanatakiti hîtemoni häpakapiniä, nota apaka häpakapa. Häpakapiniäno nota, häpakapari apaka nota iokanatakari hîtemoni —itxa Xesosi.

Xotasi Mîkapiritiniri Xesosi

(Mateo 26.20-25; Marko 14.17-21; Arókasi 22.21-23)

²¹ Xesosi ikara isäpiretäka atoko, äkixinireë imatinaniua. Itxana:

—Ari, ätikara hïte sauaki mîkapiritano nota.

²² Ininiä imoianariakori atamatakakaua.

—Kiripa ikara atoko txatoko? —itxana.

²³ Iuasaaki Xesosi moianari itiretakiti papíkaítota uamoni. ²⁴ Ininiä iuasaaki Simão Petro ieki itxa isona uamoni. Ininiä Petro:

—Pipimaäri iua: “Íkiripa ikara atoko txatariko iua?” —itxari.

²⁵ Ininiä Xesosi tiretakiti pimaäri Xesosi:

—Kiripa ikara atoko txatai? —itxari.

²⁶ Ininiä Xesosi:

—Komiri niäkakiti nisikakitikarako ikara atoko txanoko.

Ininiã iuasaaki iākari komiri. Eereka isikari Xotasi Isikariotximoni. Iua Xotasi Simão ākiri. ²⁷ Xotasi komiri inikasaaki, Satanasi Iroā ixiniremoni. Ininiã Xesosi txari Xotasi:

—Kinirão kamaka pinakiti pikamapoka —itxari.

²⁸ Iuaã auakani ākixinireē:

—Kinirepa ikara atoko itxtari Xotasi?

²⁹ Xotasi nīkataro nīnoa txineirote. Ininiã nīnoa ākixinireē:

—Atxiiti iokanataro iua komiri iamotini ikapani.

Ātipekana:

—Atxiiti iokanataro iua matiinimoni txineiro isikini ikapani —itxanātana ākixinireēna.

³⁰ Komiri apakapaāka atoko, inikaāka atoko isipe Xotasi. Mapiāpe inakasaaki.

³¹ Xotasi sipeka inaāka atoko, Xesosi txana nīnoa:

—Uatxa kākiti itikariko kākiti itari iaxitikiri posotiire. ³² Kākiti atamatariko Teoso posotiire imimoni auakari. Ininiã Teoso txari: “Erekapitikari namarite.” Iuasaaki Teoso oerekari kākiti iua apokaerekatiniri imi. Ikara atoko ininiã, oerekari imi ereka inini.

³³ —Nītīretakini, paitikinoka nauini hūtekata. Eereka hīnītapiimano nota, txamari nota sinimoni kona hīposotari hīsini. Ikara atoko nitxapekana Xoteoakori. Iuatxikana uatxa nisāpiretai hīte. ³⁴ Ininiã uatxa nisāpiretaiko hīte Teoso paniātakiti amaneri: “Hītīretakakaua, nota hīte nitīretini atokokana.” ³⁵ Ikara atoko hīkaminiã, ikinimane imarotariko nota moianariakori atāo hininiāua.

Xesosi Sāpiretari Petro Kipatiniri Iua

(Mateo 26.31-35; Marko 14.27-31; Arókasi 22.31-34)

³⁶ Simão Petro pimaāri:

—Koerekareri, nanipa pisatako?

Xesosi apakapapiretari:

—Nota sinimoni kona uatxa apakata hīsini. Āti ōtirako hīsa hīte.

³⁷ Iuaikana Petro:

—Apiananiri, kinirepa kona pitekata nisa uatxa? Nīpinapitikamako pitekata —itxa Petro.

³⁸ —Atāopitikani notakata pipinini pinirekaka? —itxari.

—Atāo nisāpiretai. Ia ikanōkati patari sākirauatini apisapanikako, “! Nīmarotari iua,” pitxanoko ipi āti pakinikata —itxa Xesosi.

14

Xesosi Pinitari Imoianariakori

¹—Kona himatinaniuatape. Kona himaākapeua. Hāuikariko Teoso sākire. Apaka hāuikariko nota sākire. ² Niri auiniātaā aua kaiāopokori aapokotxi. Ikara atoko iminakanimako, nisāpiretapiimaiko hīte. Iuaã nisa hāuiniātaā nīkamini ikapani. ³ Iuaã nisa hāapoko nīkamini ikapani. Eereka nīkanapiriā. Nanikai hīte notakata hāuini ikapani. Ininiã hīte apaka aua nota auiniātaā. ⁴ Hīte imarotari nota sini kimaporiti —itxa Xesosi.

Teoso Kimapore Itxaua Xesosi

⁵—Kona aimarotari pisinimoni. Natokopa ininiāpa aimarotataro pite sini kimaporiti? —itxa Tomee.

⁶ Ininiã Xesosi txari:

—Teosomoni sikari kimaporiti nitxaua. Atāonoka nisākire. Atāonoka nīkamakiti. Nitxikitakari kākiti auapininiika inini. Notamoni apokakarinanira sari nīrimoni. ⁷ Atāo nota himarotiniã, ininiã himarotariko niri apaka. Uatxa himarotapekari iua. Hātamatapekari iua —itxa Xesosi.

⁸—Apiananiri, poerekari piri atemoni. Ikaranoka anireka —itxa Piripi.

⁹ Ininiã Xesosi:

—Piripi, kona mixaikani hūtekata nauama nota, iuaritika kona himarotapanikano nota? Nota aōkitakari, aōkitapekari niri. Kinirepa, “Piri poerekaua,” pitxa? ¹⁰ Kona pite auikapankari niri auini nota āki? Nota apaka aua niri āki.

—Hītemoni nisāpiretakiti kona nota sākirenanini. Niri paniātakitira. Niri nota āki auakari iuara kamari ikinipoko nīkamakiti. ¹¹ Hāuikariko nisākire niri āki nauini. Niri nota āki auini apaka hāuika. Hīmauikakaniāri nisākire, ininiã hāuikari nīkamakiti. ¹² Atāo nisāpiretai. Nota sākire auīākani kamariko nota kamakiti atokokana. Apaka nīnoa kamakiti apiata, kotxi nīrimoni nisako. ¹³ Nota uākaā hamanaākiti nota sikai hīte. Ikara atoko ininiã, oerekaāka niri ereka ininiua. ¹⁴ Ikinipoko nota uākaā hamanaākiti, nota sipapitikai hīte. ¹⁵ Nota hītīretiniã, hīkamariko nīpaniātakiti —itxa Xesosi.

Erekari Matamatakoti Apokaenetini

¹⁶ —Namanaãriko niri āti kōtākikareri iokanatinu hītemoni. Iuakara auapininuika txako hītekata. ¹⁷ Iua Erekaru Matamatakoti atāonani ina sākiretakari. Kākiti Teoso sākire mauīākani kona apakapari iua, kotxi kona atamatarina iua. Apaka kona imarotarina iua. Hītepekana imarotari iua, kotxi hītekata aua. Iua aua hīte ākixinireē.

¹⁸ —Ininiā kona nitakanapai hīte. Nikanapiriāpanikako hītekata nauini ikapani. ¹⁹ Paītiki atoko kākiti ikoraxiti auakani kona atamataikanoko nota. Hīte atamatanoko. Hīte auapanikako, kotxi nota apaka auapanikako. ²⁰ Iuaīkana auapanika ninakasaaki, himarotariki niri āki nauini. Hīte apaka auako nota ākixinireē. Nota aua hīte ākixinireē apaka. Txapaniko.

²¹ —Iua nisākire auīākari nipaniātakiti kamakarira turetano nota. Nota turetakari niri tureta. Nota apaka turetari iua nitiretakiri. Ikara atoko ininiā, noerekariko apikomoni nisākire iuamoni.

²² Āti Xotasi, kona Xotasi Isikariotxi inakorini, txari Xesosi:

—Kinirepa atenani poerekari Teoso ākiri pininiua? Kinirepa kona poerekari ikara apanakinimoni? —itxa.

²³ Xesosi apakapapiretari:

—Kākiti turetiniāno, ikamari nisākire iaōka. Niri turetari iua. Niri, nota pakini apokako iuamoni. Iuakata aūako. ²⁴ Nota matiretakani kona nīkatari nisākire. Nisākire hīkenakotakiti kona nota sākireni. Niri niokanatakiri sākirera.

²⁵ —Hītekata nauakasaaki, ikara sākiretxi nisāpiretai. ²⁶ Niri iokanatariko kōtākikareri, Erekaru Matamatakoti inakori hītemoni. Erekaru Matamatakoti oerekaiko hīte ikinipoko niuākaā. Himaxinīkaretakiti iuaīkanako iua oerekaiko. Ikinipoko nisāpiretakiti oerekaiko.

²⁷ —Nisini apisapanika nikamaerekaxiniretai. Nota xinire ereka inini atokotxikana nikamaerekaxiniretai. Nisākire mauīākani kona posotari kamaerekaxiniretiniri āti nota kamaerekaxiniretiniri atoko. Kona himaākapeua. Kona hīpīkarauatape. ²⁸ Hīte kenakotapekari nisākire ia atoko ninini hīte: “Nisapitakiko, iuaritika nikanapiriāpanikako hītekata nauini ikapani.” Hītiretininiāno, hīpoxokoniuata nirimoni nisini ikapani, kotxi poiāori nitxaua nota. Apiatakari itxaua niri. ²⁹ Ikara nisāpiretakiti apokini apisa nisāpiretai hīte. Ikara nisāpiretakiti iaōka apokasaaki, hīte auikari nisākire. ³⁰ Apikomoni iteene nisāpiretinii ! apakata. Ikoraporokiti auakani auite Satanasu inakori paītiki apokako notamoni, iuaritika ! iposotari itxīktakinino ipaniātakiti nikamini. ³¹ Iteene ninirekari imakinika kākiti imarotini nitiretiniri niri. Apaka nikamari ikinipoko niri paniātakiti —itxa Xesosi.

Eereka Xesosi txari:

—Maōkitikaua. Masipeka.

15

Xesosi Atāo Itīkaretsa Itxaua

¹ Ininiā eereka Xesosi txari:

—Atāo itīkaretsa nitxaua nota. Itīkaretsa nīkatakari itxaua niri. ² Isauakaro otsa marito, kotxi kona kariro oa. Otsa iriuatakaropekana iua kisauakaro omapotōkirenoka, iteene oriuatini ikapani. ³ Hīte poiirepeka hītxa. Nisākirenanira oeretai hīte. ⁴ Okanotsa atokokana hītxaua. Nota itīkaretsa atoko nitxaua. Ininiā hīpitxaka notamoni. Ikara atoko hininiā, hīkaikota notakata. Ininiā nota kaikotapika hītekata. Ikara atoko hininiā, hīriuapitika. Ikara atoko hininiā, erekarinanira hīkama. Hīriuatinā, ininiā erekari hīkama. Notamoni himapitxakaniā, kona hīposotari hīkaminiri erekari. Kona hīriuata, kotxi nota tapara ! apokari hītemoni. !Kari hīte. Okanotsanoka auiniā, kona kariro. Notakata hāuapininuika hininiā, amātiiri auapitika.

⁵ —Nota itīkaretsa nitxaua. Hīte nikanotsa hītxaua. Notamoni pitakakari ātipaniriko oripaniko. Notakata himauakaniā, kona xapitiki kona hīposota hīkamini. ⁶ Nota sākire mauīākati okanotsa ipinakari atoko itxa. Txiarokakari atoko itxa. Kākiti apotiitari okanotsa ipinakari. Eereka okari xaminaā arikinu ikapani. Iua atokokana aīri Teoso misiritari isākire mauīākani. ⁷ Notamoni hīpitxakiniā, hīkenakotiniāri nipaniātakiti, hinirekaākiti hamaininiāno, ininiā nisikapitikai hīte. ⁸ Ito hīriuatinā, kākiti txariko niri: “Peerekai.” Hīte iriuatinā, ininiā hīte atāo oerekariko apanakinimoni atāo nimoianariakori hininiua.

Hītiretakiniua Pirena

⁹ —Niri turetini atokotxikana, nitiretai hīte. Kona hītakanapiri nitiraōki. ¹⁰ Hīkīpitiniāri nisākire, ininiā nitiraōki kaikotapika hītekata. Nota atokokanerako hītxako. Nota kīpitari niri sākire, ininiā niri tiraōki kaikotapika notakata.

¹¹ —Ikara atoko nitxai hīte, nīpoxokoni hītemoni kaikotini ikapani. Ikara atoko ininiā, poxokonitxi xāpokako hīxiniremoni. ¹² Ia nipaniātakiti: “Nota turetini atokotxikana, hītiretakakauako.” ¹³ Pipininiā pimoianariakori mapinakanu ikapani, ininiākara iteene

pitiretana ninoa. Ikara tiraõkitxi apiatakari. ¹⁴ Nipaniãtakiti hĩkaminiã, atão nimoianariakori hĩtxaua. ¹⁵ Uatxa !nixinikaikari nitiritxi hininiua, kotxi nitiritxi kona imarotari iauũte xinikakiti. Uatxa atão nimoianariakori hĩtxaua, kotxi ikinipoko niri oerekakiti nisãpiretapekai hĩte. ¹⁶ Kona hĩteni mereẽno nota. Notara mereẽi hĩte hĩruatini ĩkapani. Ninirekari hĩruatini. Ninirekari kãkiti nota sãkire hĩsãpiretakini txipokori maxipokakati atoko ininina. Ikara atoko ininiã, hamanaãriko niri hinirekakiti nota uãkaã, ininiã niri sikapitikai hĩte. ¹⁷ Ia nipaniãtai hĩte hĩtiretakiniua.

Xesosi Moianariakori Omanatakani

¹⁸ Iuaĩkana Xesosi pinitari imoianariakori:

—Apanakini omanataiko hĩte. Ininiã hĩxinikariko ia nisãkire. Merepitipanika ninoa omanatano nota. ¹⁹ Teoso sãkire himauikakaniã, Teoso sãkire mauĩkani turetãpitikai hĩte, kotxi ninoa atoko hĩtxa. Txamari ninoa nakiti ! hĩtxaua. Hĩte kona ĩkoraxiti auakani ! hĩtxaikaua. Nimereẽpekai hĩte. Nimakatzakapekai atĩãõ parĩkatxi hĩkamini ĩkapani. Iua xika Teoso sãkire mauĩkani omanatai. ²⁰ Hĩxinikariko ia nisãpiretakiti. Nitiritxi poiãoka itxaua. Iauũte apiatakari itxaua. Kãkiti misiritiniãno nota, nota atokokanerako imisiritai hĩte apaka. Nisãpiretapekai hĩte. Nota sãkire apamonĩkiniãna, ininiã hĩte sãkirekanera ninoa apamonĩka apaka. ²¹ Imisiritaina, kotxi hĩte auikari nota sãkire. Himisiritãkako, kotxi kona imarotarina niokanatakiri. ²² Nota uai mapokakaniã, nimasãkirauatakaniã, kona imarotarina maerekati ikamakitina. ²³ Nota omanatakani apaka omanatari niri. ²⁴ Niposotiire nikamakiti apanakini kona posotari ikamini. Noerekari ninoa niposotiire, ininiã uatxa maerekati auari ninoamoni, kotxi !auikari nota sãkire. Ikinika itikapekari posotiiretxi nikamakiti, iuaritika ninoa omanatano nota, niri apaka.

²⁵ —Uatxa apopeka Teoso sãkire iaõka. Teoso sãkire iõkatsopatakori txari: Maxikatĩka ninoa omanatano.

²⁶ Kõtãkikareri kona apokapanika. Niokanatariko nirikata auakari, Erekar Matamatakoti. Iua potorika niri auiniãtaã. Atão ene sãkiretakari itxaua. Isãpiretariko nota sãpiretakiti, nikamakiti pakini. ²⁷ Ininiã hĩte apaka sãpiretariko nota kamakiti, nisãpiretakiti pakini apanakinimoni, kotxi merepitipanika nipotorikasaaki hĩte auapika notakata. Ininiã himarotãpitikano nota.

16

¹ Xesosi sãkirauatapanika:

—Ikara atoko nitxai hĩte atão himarotini ĩkapani, ininiã kona hĩtakanapari nisãkire. ² Ati õti Xoteo auĩteakori omĩtenatãiko hĩte aiko Xoteo apotiĩtiniãtaãua. Ati õti apokapanikako ia nisãpiretakiti. Iuasaaki ninoa xinikariko hĩte okiko ereka inini. Ninoamoni hĩte okiko Teoso paniãtakiti iaõka. Txamari kona Teoso paniãtari ikara atoko inakari. ³ Ikara atoko inakari ikamanako, kotxi kona imarotano nota, niri pakini. ⁴ Ikara atoko nitxai hĩte, kotxi ikara atoko inakari apokasaaki, hĩxinikariko nisãkire. Merepanika nimoianatakasaakii, kona ikara atokoni !nitxai hĩte, kotxi nota auapanika hĩtekata —itxa Xesosi.

Erekari Matamatakoti Parĩka

⁵ Xesosi sãkirauatapanika:

—Paĩtiki nisipekako niokanatakirimoni. Kona hĩpimaãpeno: “Nanipa pisa?” Kona hĩtxapeno. ⁶ Ikara atoko nisãpiretapekai, ininiã uatxa kona erekaxinirei hĩte. ⁷ Iuaritika nitxai hĩte atão nisãkire. Apiaerekata nota sini. Nota masikaniã, iua Kõtãkikareri kona apoka hĩtemoni. Nisiniã, niokanatariko iua hĩtemoni. ⁸ Iua Kõtãkikareri apokasaaki, oerekariko ĩkorapokoriti auakani maerekani. Oerekariko Teosonoka txĩkitakiniri kãkiti atão inakari ikamini. Oerekariko kãkiti misiritiko imaerekani xika. Iua Erekari Matamatakoti oerekariko ikara atoko inakari. ⁹ Iua oerekariko maerekati kãkiti kamakiti, kotxi ninoa ! auikarina nisãkire. ¹⁰ Iua oerekariko Teosonoka txĩkitakiniri kãkiti atão inakaranoka ikamini, kotxi nota sipekako nirimoni. Nota !auaika uai noerekarauatini ĩkapani. Paĩtiki kona hĩte atamataikanoko nota. ¹¹ Iua Erekari Matamatakoti oerekariko maerekati kamakani misiritiko, kotxi ĩkorapokoriti auakani auĩte Satanasi inakori misiritiko mereẽẽkapeka.

¹² —Auapanika apikomoni nisãpiretakiti tĩkane hĩtemoni. Txamari !apakata apikomoni nisãpiretinii, kotxi !himĩteenekari apikomoni nisãpiretinii. ¹³ Iua Erekari Matamatakoti, atãoene sãpiretakari, iua ĩkasaaki, iua oerekaiko ikinipoko atão sãkiretxiti. Kona iua sãkireni isãpiretaiko hĩte. Iaxiti auakari sãkirena, niri sãkirena, isãpiretaiko. Isãpiretaiko hĩte katana Teoso kamakiti tĩkane apaka. ¹⁴ Erekari Matamatakoti oerekaiko ereka ninini, kotxi iua apakapariko nisãkire, eereka isãpiretaiko hĩtemoni. ¹⁵ Ikini sereti niri nakiti nota nakiti apaka. Ininiã nota txai hĩte, “Erekari Matamatakoti apakapariko nota nakiti. Ininiã eereka isikai hĩtemoni himarotini ĩkapani.”

Matinanitxi, Eereka Poxokonitxi Apoka Inini

¹⁶ —Paítiki kona hãtamataikanoko nota. Eereka iuaíkana hãtamatanoko, kotxi nirimoni nisako —itxa Xesosi.

¹⁷ Imoianariakori txanãta:

—Kiripa itxanãta Xesosi? “Paítiki kona hãtamatanoko. Eereka iuaíkana hãtamatanoko nota, kotxi nirimoni nisako.” Kiripitipa itxanãta Xesosi? —itxana imoianariakori.

¹⁸ —Kirisaakipa apokatako ikara inaãtakiti? Kiripa ikara isãkire: “Paítiki,” Xesosi sãkire atemoni? Ikara isãkire kona ate imarotari xatiki —itxanãtana.

¹⁹ Xesosi imarotari ninoo nirekari ipimainiri iua. Ininiã Xesosi txana:

—Hite nirekari hãpimainino nota, kotxi nisãpiretai paítiki kona hãtamatinino, eereka iuaíkana hãtamatanoko. ²⁰ Atãopitikara ia atoko nitxai hite. Hítxiapatako. Himatinaniuatako. Iuasaaki apanakini kãkiti ìkorapokoriti auakani poxokoniuatako. Himatinaniuatako, eereka hãpoxokoni apokapitikako.

²¹ —Hite sito atoko hãtxauako. Sito oãuaenetanapanoka onakasaaki, oa omaãkapekuaa. Imi auaka atoko, kona oxinikaikari otsii. Poxokope otxa, kotxi auapeka amarini. ²² Ikara atoko itxako hãtemoni apaka. Uatxa kona erekaxinirei hite. Iuaíkana naõkitapanikaiko hite. Iuasaakirako hãpoxokoniuatako. Iuasaaki kãkiti kona posotari ixipokiniri hãpoxokoni. ²³ Ìkora õti apokasaaki, kona hãpimaãikano nota. Iuasaaki hamanaãri niri hinirekakiti nota uãkaã, ininiã iua sikai hamanaãkiti. ²⁴ Uatxapiima kona hamanaãpanikari hinirekakiti nota uãkaã. Hamanainiãri, hãpakapapitikariko. Ininiã hãpoxokoni apokapitikako hãtemoni.

Imoianariakori Auikari Xesosi Sãkire

²⁵ —Mítxi niomaãtari ipixini nisãkire, kãkiti mimarotakaniri ìkapani. Æti õti kona niomaãtaikari atão. Nisãpiretaiko niri iteene himarotini ìkapani. ²⁶ Iuasaaki hinirekakiti hamanaãno nota uãkaã. Kona nota amanaãri niri hinirekakiti isikinii. Hite amanainiãri, isikapitikai. ²⁷ Niri tiretai hite, kotxi hite tiretano nota. Hite auikari iua iokanatinino nota uaimoni. Ininiã iua tiretapitikai hite. ²⁸ Niri iokanatanoko ìkorapokoriti. Paítiki nitakanapari ìkorapokoriti nirimoni nisini ìkapani —itxa Xesosi.

²⁹ Imoianariakori txari:

—Uatxa pisãkire atãoepitika. Sãkiretxi piomaãtakiti kona auaike, kotxi uatxa aimarotari pisãkire. ³⁰ Uatxa aimarotari pite imarotiniri imakinika. Kona apakata apikomoni apimaruatini, kotxi uatxa aãuikari Teoso auinimoni ìkari pininiua pite —itxarina Xesosi.

³¹ Xesosi apakapapiretana:

—Uatxa hãuikari nisãkire —itxa Xesosi.

³² —Uatxa Teoso ketotiniri manapi apope hãarikini ìkapani. Imakinika hite takanapanoko. Notanani kaikota. Iuaritika kona notananini kaikota, kotxi niri aua notakata. ³³ Ikara atoko nisãpiretai, kotxi ninirekari erekaxinirepeka hinini. ìkorapokoriti hãuakasaaki, kãkiti misiritapitikai hite. Iuaritika hãpoxokoniuatako, kotxi nota tapara apiata. Maerekanitxi tapara poiãoka —itxa Xesosi.

17*Xesosi Misãkiretari Teoso Iuaka Ìkapani*

¹ Xesosi ionakaãta iaxiti. Iuasaaki isãpiretari ia isãkire Teosomoni:

—Niri, piketotini manapi apopeka. Pisikariko piotximere iuaíkana nota pamaritemoni, ininiãkara nota oerekari kãkiti pite iotximere, ² kotxi pite sikano nota piposotiire ikinimane auite nininiua ìkapani. Ininiã nikamari ikinimane kãkiti pite sikakini auapininiika ininina ìkapani. ³ Kãkiti imarotiniã pite, imarotiniãno nota Xesosi Kristo piokanatakiti, ninoo auapininiika, kotxi pite atão Teoso pitxaua. Pitenanira atão Teoso pitxaua. ⁴ Noerekari ìkorapokoriti auakani pite Apiananiri pininiua, kotxi nikamapekari parikatxi pipaniãtakiti. ⁵ Ininiã niri, uatxa piotximere pisikano, pitemoni napokasaaki. Itixi kamiko apisapanika pitekata nauakasaaki, niotximere aua. Iua niotximeretxikana pisikano iuaíkana —itxa Xesosi.

Xesosi Misãkiretari Teoso Imoianariakori Ìkapani

⁶ Xesosi sãkirauatapanika irimoni:

—Nota sãpiretari piuãka kãkitimoni, ninoo itixi auakani notamoni pisikakini. Mítxi pite nakitiakori itxauana. Pite sikana ninoo notamoni, ininiã ninoo kamari pisãkire iaõka. ⁷ Uatxa imarotarina ikinika napakapakiti pite sakinino. ⁸ Nisãpiretapekana ninoo pisãkire, ininiã auikarina pisãkire. Imarotapitikarina pitemoni nipotorikini. Ininiã auikarina pite iokanatinino nota kãkitimoni.

⁹ —Nimisãkiretai pite ninoo ìkapani. Kona nimisãkiretai nota sãkire mauiakani ìkapani. Nimisãkiretai ninoo notamoni pisikakini ìkapaninoka, kotxi pite nakitiakori itxauana.

¹⁰ Ikinika nota nakiti pite nakiti itxaua apaka. Ikinika pite nakiti nota nakiti itxaua. Ninoa pisikakini oerekari apanakini Apiananiri nininiu. Ininiã iuasaaki apanakini txari: “Peerekari Xesosi.” ¹¹ Uatxa !nikaikotaitakako ïkorapokoriti. Txamari ninoa kaikotapanika uai. Nota sipekako pitemoni, ininiãkara pinikatana ninoa notamoni pisikakini, kotxi pite niri pitxaua, ekerarinoka kamakarii pite, kaposotiirei pite. Pite sikaposotiiretano nota. Ninirekari ninoa ãtika atoko ininiuana, nota pitekata ãtika atoko aniniu atokokana. ¹² Itixi ninoakata nauakasaaki, ninikatana ninoa pite uãkaã, piposotiireẽ. Ninoa notamoni pisikakini ninikatapitika. Kona ãtika nomaiãta. Xotasinoka pipinanaka, kotxi pipinanakakani ãkiri itxaua iua. Ipïpinanaka, kotxi kitxakapirïka Teoso sãkire iõkatsopatakori sãpiretapekari ikara apokini apisapanika.

¹³ —Uatxa nota sipeka pitemoni. Ikara atoko itxa nisãkire kãkitikata nauapanika ninakasaaki, nota poxokoni ninoa ãkixinire auini ïkapani. ¹⁴ Nisikapekari pisãkire ninoamoni, ininiãkara nisãkire mauïãkani omanatana ninoa, kotxi nisãkire auïãkani ïkorapokoriti auakani litxaikauana ninoa. Iua atokotxikana kona ïkorapokoriti auakarino nota. ¹⁵ Nimisãkiretai pinïkatinina ninoa, Satanasi mamaïkakanina ïkapani. Kona ninirekari mauikareni sauaki auakasaakina pimakatxakinina. ¹⁶ ïkorapokoriti auakani litxauana. Nota iua atokotxikana. ¹⁷ Pimakatxakana ninoa pite nakitiakori ïkapani. Pisãkireẽ pimakatxakana, kotxi pisãkire atão. ¹⁸ Nota pisãkire mauïãkanimoni piokanatini atokokana, niokanatana ninoa pisãkire mauïãkanimoni. ¹⁹ Ninoa ïkapani notaka nisikaua pitemoni pinirekakiti nikamini ïkapani. Ininiãkara ninoaka apaka sikaua pitemoni pinirekakiti ikaminina ïkapani.

Xesosi Misãkiretari Teoso Isãkire Auïãkani ïkapani.

²⁰ —Kona nimoianariakorinani ïkapanini nimisãkiretai pite. Apaka nimisãkiretai imakinika nisãkire auïãkani ïkapani, katana nimoianariakori sãkire auïãkani ïkapani apaka. ²¹ Nota amanaãi ninoa xinire ãtika atoko ininina ïkapani. Nota aua pite ãkixinireẽ. Pitepekana aua nota ãkixinireẽ. Iua atokotxikana ate aua ninoa ãkixinireẽ. Ikara atoko ininiã, nota sãkire mauïãkani ïkorapokoriti auikapanikariko pite iokanatinino nota. ²² Ininiã erekari notamoni pisikakiti, piotximere, nisikapekana ninoa. Ininiã ninoa xinire ãtika atoko itxauana, ate ãtika aniniu atokokana itxana ninoa. ²³ Nota aua ninoa ãkixinireẽ. Pite aua nota ãkixinireẽ. Ikara atoko ininiã peerekari, kotxi ãtika itxaua ixinirena. Ikara atoko ininiã nisãkire mauïãkani imarotariko pite iokanatinino nota. Apaka ninoa imarotari nota pitiretini atokotxikana, pitiretinina ninoa apaka.

²⁴ —Niri, ninirekari ninoa notamoni pisikakini notakata auini ïkapani. Ninirekari ninoa atamatniri ikinipoko erekari notamoni pisikakiti, niotximere pisikakiti, kotxi pite taretano nota itixi kamiko apisa. ²⁵ Niri, atão inakarınoka kamakarii pite. Kãkiti ïkorapokoriti auakani kona imarotai pite. Iuaritika nota imarotai pite. Ninoa imarotari pite iokanatinino nota kãkitimoni. ²⁶ Nisãpiretapekai pite kãkitimoni. Apikomoni nisãpiretapanikariko pisãkire. Ininiã pitiraõki notamoni auakari ninoamoni auako. Ininiãkara nota aua ninoa ãkixinireẽ.

18

Xesosi Maïkiko Pirena

(Mateo 26.47-56; Marko 14.43-50; Arõkasi 22.47-53)

¹ Teoso imisãkiretaka atoko, Xesosi ipiriãtari sõtõari Setorõ inakori. Iuaã aua amãtiirinape. Ininiã Xesosi sari iuaã imoianariakorikata. ² Xotasi, Xesosi mïkapiritakari, imarotari Xesosi imoianariakorikata itotiniri iuaãtaã isinina. ³ Ininiã Xotasi sari amãtiirinapepemoni ãtikaka sotatoakorikata, Teoso misãkiretiko aikoti nïkatakanikata. Sasetotxi auïteakori, pariseoakorikata sari iuaãtaã apaka. Ikeekotxi, tirikapï pakini anikana. ⁴ Xesosi imarotari ikinika uamoni ikamakitina ïkane. Imarotapekari ninoa nirekakari okinirina iua. Iuaritika isari ninoamoni. Ipimaãna:

—Kiripa hinitanãta?

⁵ Ininiã ninoa:

—Xesosi Nasareekirira anita —itxana.

Ininiã Xesosi:

—Iuakarano nota.

Iuasaaki Xotasi, Xesosi mïkapiritakari, aua ninoakata. ⁶ Xesosi “iuakarano nota” inkakasaaki, osipikana, ixitipe irika itxana.

⁷ Iuaïkana Xesosi pimaãna:

—Kipa hinitanãta?

—Xesosi Nasareekirira —itxana.

⁸ —Nixtapekai, iuakarano nota. Nota hinitiniã, hãuiritana nimoianariakori sini —itxa Xesosi.

⁹ Ikara atoko itxa, mitxi isäkire apokini ikapani. Mitxi itxari Teosomoni: “Kona nomaiätana nimoianariakori notamoni pisikakini. Kona ätika !nomaiäta.”

¹⁰ Eereka Simão Petro inakori kosekari iouata auíte. Isauakari Maoko inakori ikikomoni ikipita. Iua sasetotxi auíte apiatakari nitiri.

¹¹ Xesosi txari Petro:

—Pitakaro iouata auíte omata äki. Apakatapitika nota kaminiri niri paniätakiti. Niri nirekapitikari natatsiutiniri nipinini käkiti ikapani —itxa Xesosi.

Xesosi Anasi Apisatoõ

¹² Eereka sotatoakori, apaka sotatoakori auíte, Teoso aikote nıkatakani pakini maikari Xesosi. Iaxirika itxarina. ¹³ Merepanika anikarina Xesosi Anasi inakorimoni. Iua Anasi Kaipasi imatikiri. Iuasaaki iua Kaipasi sasetotxi auíte apiatakari itxaua. ¹⁴ Iua Kaipasi ötäkikapekana Xoteo auíteakori. Ia atoko itxa isäkire: “Apiaerekata äti kiki ipinini ikinimane mapikani ikapani,” itxa Kaipasi ötäkikare.

Petro Kipatari Xesosi Imarotini

(*Mateo 26.69-75; Marko 14.54, 66-72; Arókasi 22.54-62*)

¹⁵ Simão Petro, äti Xesosi moianari pakini asikatikinitari Xesosi Anasi aapokomoni anikikosaaki. Mitxipeka sasetotxiakori auíte apiatakari aökitapekari iua äti Xesosi moianari. Ininiä iua İroä sasetotxiakori auíte apiatakari aapoko Xesosikata. ¹⁶ Petro kaikota iporikiti itore takote. Eereka imoianari sari iporikiti. Imisäkiretaro İronakikoätaå tore nıkatakaro. Ininiä oäuiritari Petro İroini.

¹⁷ Oa txari Petro:

—Pite ikira Xesosi moianarikai? —otxari.

—Kona —itxaro.

¹⁸ Iuasaaki katxikarerer aua, ininiä nitiritxiakori, Teoso misäkiretiko aikoti nıkatakani pakini kamari xamina. Xamina İtinipoki irokanätauana. Petro ninoakata aua iuasaaki.

Xesosi Sasetotxiakori Auíte Apisatoõ

(*Mateo 26.57-68; Marko 14.53-65; Arókasi 22.54, 66-71*)

¹⁹ Iroko äki Xesosi sasetotxi auíteakorikata aua. Ininiä sasetotxiakori auíte apiatakari misäkiretari Xesosi:

—Pisäpiretano pimoianariakori, pisäkire poerekakiti pakini —itxari.

²⁰ Xesosi apakapapiretari:

—Ätipirika nisäpiretapikai hıte. Nitotari noerekarauatini aiko Xoteo apotiitiniätaåua, Teoso misäkiretiko aikotiä apaka. Kona nikipatari nisäkire. İkinipoko kenakotari noereäkiti. ²¹ Ininiä kinirepa hıpimaåno? Hıpimaåna nisäkire kenakotakani. Ninoara imarotari noereäkiti —itxa Xesosi.

²² Xesosi ikara atoko isäkirauatakasaaki, Teoso misäkiretiko aikoti nıkatakari aritoõtari Xesosi.

—Atokope. Kona ikara atoko pitxape sasetotxi auíte apiatakarimoni —itxari.

²³ Ininiä Xesosi:

—Nikerokiniäri nisäkire, pisäpiretano nikerokakiti, txamari kona nikerokari. Atåo nisäkire, ininiä kinirepa piaritano? —itxa Xesosi.

²⁴ Eereka Anasi iokanatarı Xesosi iaxirikiko. Eereka anikarina sasetotxi auíte apiatakari rimoni, Kaipasi inakorimoni.

Iuaikana Petro Kipatari Xesosi Imarotini

(*Mateo 26.71-75; Marko 14.69-72; Arókasi 22.58-62*)

²⁵ Petro iporikiti aua iuasaaki. Ininiä apanakini pimaåri:

—Ikira kiki moianarikai pite? —itxarina.

Ininiä iua:

—Kona —itxa.

²⁶ Äti sasetotxi auíte apiatakari nitiri, Petro kisauakakıpitatakiti nirimane iua. Iua pimaåri Petro:

—Pitekani amätiirinapeätaå nitika iuakata? —itxari.

Iuaikana Petro txari:

—Kona notani.

²⁷ Iuasaakipeka patari säkirauata. Iuasaakipeka mitxi Xesosi säpiretakiti iaöka auape.

Xesosi Pirato Apisatoõ

(*Mateo 27.1-2; Marko 15.1-5; Arókasi 23.1-5*)

²⁸ İkanökapanika ninoa takanapari Kaipasi aapoko, Anikarina Xesosi Homano auíte auinimoni, käkiti misiritiko imarotiko pakitamoni. Xoteo auíteakori kona nirekari aiko

ãki ĩroinina. Kona inirekarina āti uāka takote iitopākinina. Āti uāka takote iitopākiniāna, kona apakata nipokori inikinina Páskoa kiiniritiā. ²⁹ Ininiā Pirato pokĭka porikiti Xoteo imisākiretini ĩkapani. Ininiā Pirato txana ninoa:

—Kixikapa ĩminatari ikira kiki notamoni? —itxana.

³⁰ Ininiā ninoa txari:

—Maerekati imakamakaniā, kona ate minari iua pitemoni.

³¹ Ininiā Pirato:

—Hĭteka xinikari maerekati ikamakiti, ininiā ixika auiniā hĭteka misiritari iua. Hĭkiomaneakorini sākire iaōka ĩmisiritari iua —itxa Pirato.

Xoteoakori apakapapiretari:

—Kona apakata aōkiniri iua, kotxi hĭte Homanoakori !auiritaua aōkiniri kākiti. Pitenokara apakata okiniri iua —itxana.

³² Ikara atoko inaāka, mitxi Xesosi sākire iaōka apokini ĩkapani, kotxi mitxi isāpiretapekari aamina ĩpiriāmitakari nopini ipinini.

³³ Pirato ĩroā kākiti misiritiko imarotiko pakita āki iuaĭkana. ĩpĭkapiretari Xesosi. ĩpimaāri: —Pĭtekani Xoteoakori auĭte txataua? —itxari.

³⁴ Ininiā Xesosi txari: —Pĭteka sākirekani ikara? Atxiĭti apanakini sākire atokotxikana pipimaāno atxiĭti? —itxa Xesosi.

³⁵ Pirato apakapapiretari:

—Xoteokani nitxataua? Konapitini. Pĭteka nirimane, pinirimane auĭteakori pakini sikai pite notamoni pimisiritiko tĭkane. Kixikapa? Kĭpa maerekati pikamakiti? —itxa Pirato.

³⁶ Ininiā Xesosi:

—Auĭttxi nininiātaāua kona ĩkorapokoritini. Nitixine ĩkorapokoriti inaākamako, ninitiriakori neenamauatamako, ininiā Xoteoakori kona maĭkamanoko. Auĭttxi nininiātaāua ātiātaāra —itxa Xesosi.

³⁷ Pirato txari Xesosi:

—Ininiā auĭttxikani pitxataua?

Ininiā Xesosi: —Atāopitikara pisākire auĭttxi nininiua. Niponaniā ĩkorapokoriti auĭttxi nininiua ĩkapani. Itxi napoka atāoene nisāpiretini ĩkapani. Atāoene nirekakani aukari nisākire —itxa Xesosi.

³⁸ Ininiā Pirato:

—Kĭripa atāoene txaua?

Xesosi Okiko Nirekiko

(Mateo 27.15-31; Marko 15.6-20; Arókasi 23.13-25)

Eereka Pirato iuaĭkana mapara isa Xoteoakori imisākiretini ĩkapani. Itxari:

—Kona nota apokari maerekati ikamakiti. ³⁹ Hĭte itotari maerekati kamakari kateia āki auakari nisĭkakini Páskoa kiiniritisaaki. Hĭte nirekatari nisĭkakini ikira Xoteoakori auĭte? —itxa Pirato.

⁴⁰ ĩkinimanekana akiripoakatana:

—Kona iuani. Pahapasira anireka.

Txamari iua Pahapasĭ kokaniri. Iua naiatapekari Homanoakori.

19

¹ Ininiā Pirato paniātari sotatoakori noropatiniri Xesosi. ² Ininiā sotatoakori kamari saporĭeta atoko inakari, kotĭpiaro kamakori. Ieretakari Xesosi kĭiā. Auĭttxi māka poporeri itakana Xesosi nopini. Ikara atoko ininiā, inapetarina Xesosi. ³ Ikara atoko itxana inapetinirina:

—Aāuĭte —itxarina Xesosi inapetinina.

—Xoteo auĭtekai pite —itxarina.

Ininiā iuasaaki iaritarina itoō.

⁴ Iuaĭkana Pirato sari mapara iuaĭkana Xoteoakori imisākiretini ĩkapani.

—Hĭtakaōtxikari. Hĭtemoni nininari iua, kotxi ninirekari ĩmarotiniri, ! napokari maerekati ikamakiti. ⁵ Ininiā Xesosi apoka mapara. Saporĭeta kotĭpiaro kamakori ĩkĭiā, auĭttxi māka pakini aua iuamoni. Ininiā Pirato txari:

—Hātamatari iua.

⁶ Sasetotxi auĭteakori, Teoso misākiretiko aikoti nĭkatakani pakini atamatakasaakiri, ninoa akiripoakata:

—Hōkariko iua. Hōkariko iua. Aamina ĩpiriāmitakari nopini hĭtokakariko —itxana.

Ininiā Pirato:

—Hĭteka anikari. Hĭteka okari iua aamina ĩpiriāmitakari nopini, kotxi kona napokari maerekati ikamakiti.

⁷ Ininiā Xoteoakori:

—Akiomane sākire paniātari kākiti iua atoko inakari okiko, kotxi iua sākire: “Teoso ākirirano nota,” itxa —itxana Xoteoakori Piratomoni.

⁸ Xoteoakori sākire ikenakotakasaaki, apia pīkareta Pirato. ⁹ Ininiā iuaīkana iroā kākiti misiritiko imarotiko pakita āki. Ipimaāri Xesosi:

—Nanīpa pina?

Txamari !kasākireri Xesosi.

¹⁰ Ininiā Pirato:

—Kona pinirekatari pimisākiretinino? Pixinikariko ia nisākire. Nota posotari nisikakinii. Apaka nota posotari nokinii aamina ĩpiriāmitakari nopini —itxa Pirato sākire.

¹¹ Xesosi apakapapiretari:

—Kona pite auari posotiiretxi pokinino ĩkapani. Ikara inakari piposotiire auiniā, Teosonanira sikai ikara posotiiretxi. Nota sikanapakani pitemoni kamari apiata maerekati.

¹² Pirato ikara atoko inakari ene ikenakotakasaaki, iua ākixinireē ĩxinikari:

—Kiatokopa atxiiti nisikakari Xesosi?

Inirekari Xesosi isikakini. Txamari Xoteoakori akiripoakata:

—Pisikakiniāri ĩkira kiki, kona Sesa moianari ! pitxaikauako. Iua sākire: “Auītetxi apiananiri nitxaua.” Sesanoka auītetxi apiananiri —itxana Xoteoakori.

¹³ Pirato ikara atoko inakariene ikenakotakasaaki, ĩminari Xesosi ĩporikitimoni. Ininiā Pirato topāka. Iuaā kākiti misiritiko isāpiretiniātaā. Kākiti takauākatari iuaā “Kimapori kai kamakori” inaāka. Xoteo sākireē “Kapataa.” Iuaā auītetxi iokanataro maerekati kamakari ĩmisiritikomoni. ¹⁴ Iuasaaki apaniāxiti takote. Iua ōti Pāscoa kiiniriti potorikini ōti apisa. Iuasaaki Pirato txari Xoteoakorimoni:

—Hātamata, hāuīte.

¹⁵ Ininiā iuaīkana ninoo akiripoakata:

—Piokanatariko ere. Piokanatariko ere. Hōkariko aamina ĩpiriāmitakari nopini —itxana sasetotxi auīteakori.

Ininiā Pirato:

—Hĩnirekatari nokiniri hāuīte aamina ĩpiriāmitakari nopini?

Ininiā ninoo:

—Ātikara ate auīte. Sesanokara ate auīte —itxana ninoo.

¹⁶ Ininiā Pirato sikari Xesosi sotatoakorimoni aamina ĩpiriāmitakari nopini okiko tīkane.

Xesosi Tokakitaāka Aamina ĩpiriāmitakari Nopini

(Mateo 27.32-44; Marko 15.21-32; Arōkasi 23.26-43)

Ininiā anikarina Xesosi. ¹⁷ Xesosi anikari aamina ĩpiriāmitakari iuaka okiko ĩkapani. Isana ĩxirata “Kiitātatxi” inakorimoni. Xoteo sākireē, “Kóokota,” inakori.

¹⁸ Iuaā aamina ĩpiriāmitakari nopini itokakitaāka Xesosi. Apaka ĩpi kiki tokakitaāka iua takote. Āti Xesosi kikomoni. Āti isanaremoni. ¹⁹ Pirato paniātari iōkatsopari aamina ĩpiriāmitakari nopini tokakitiko. Ia atoko itxa iōkatakiti: “Xesosi Nasareekiri, Xoteoakori Auīte.” ²⁰ Itomaneri Xoteoakori atatsopataro iua, kotxi Xesosi okikoāta sitatxi takote. Sitatxi sikani napaāpotakasaaki, atamatarina iua iōkatsopari. Ia iōkakaāka Xoteo sākireē, Kreko sākireē, Homano sākireē pakini ĩkinimane imarotiniro ĩkapani. ²¹ Ininiā sasetotxi auīteakori txari Pirato:

—Kona piōkatsopataro, “Xoteoakori auīte.” Piōkatsopataro iuanoka uākatari Xoteoakori auīte ĩnīiua —itxana.

²² Ininiā Pirato:

—Auape niōkatsopatakiti. Kona iuaīkana niōkatsopataro —itxa Pirato.

²³ Xesosi itokakitakana atoko, sotatoakori kosekari Xesosi māka. Imatsorakitarina. Imāka mata imatsorakitana ninoo ĩpi ĩpi pakini apakapini ĩkapani. Āti sotato apakapari ĩpixini, āti sotato apakapari ĩpixini, itxaāpota. Xesosi māka, āti imāka patapi auakari, ! imatsorakitana, kotxi iotsare !auari. Peerekari. ²⁴ Sotatoakori itxakakana:

—Kona amatsorakitari ia. Sarauatxi atoko makama, imāka anikakari aimarotiniro ĩkapani.

Ininiā iuasaaki Teoso sākire iōkatsopataro kitxakapirīka iaōka apoka. Iua txari:

Ninoo xanakari nimāka. Isarauatana nimāka anikakari imarotiniro ĩkapani.

Teoso sākire iaōka sotatoakori kama.

²⁵ Iuasaaki aamina ĩpiriāmitakari takote oāua Maria, Xesosi inoro oītarokata. Iuaā apaka oāua Maria Matarena inakoro. Iuaā apaka oāua āto Maria, Krōpasi inakori ĩtanoro. ²⁶ Xesosi atamatakasaakiro inoro iua takote, atamatakasaakiri imoianari itiretakiti apaka, itxaro inoro:

—Nitiretakito, ere Hoāo, pamarite itxaua.

²⁷ Imoianaripekana itxa:

—Aroa pinoro otxaua.

Ininiã eereka iua anikaro oa aapokomoni iuakata oãuini tĩkane.

Xesosi Ipinini Pirena

(*Mateo 27.45-56; Marko 15.33-41; Arókasi 23.44-49*)

²⁸ Eereka Xesosi imarotari iparĩka xipope. Ikinika Teoso sãkire iõkatsopatakori iaõka apokini ikapani, itxari:

—Niposonata.

²⁹ Iuaãtaã aua tiitxi. Iua tiitxi ãki aua iãriã katxioãri. Ininiã iuaaaki iokomokarina mapoa atoko inakari iãriãmoni. Aãkeẽ itakarina, Xesosi namaã taka itxarina. Iua aãke isopo inakorike. ³⁰ Iãtaka atoko itxari:

—Ikinika niparĩka uatxapeka ixipopeka.

Inaãka atoko iokirikiita, iokanata itxari ixinire irimoni. Iuaaakipeka ipina itxa.

Sotato Iorotari Xesosi Iomitiã

³¹ Iua õti sesta veira, kãkiti tomatiko õti apisa. Xoteo auĩteakori paniãtari Pirato aamina ipiriãmitakariã auakani tapike kapatakiko, katima ipĩka ininina ikapani, iĩtona makatxakiko ikapani apaka. Tomatiko õtisaaki kona ninoa nirekari ipĩkari ãto kaikotini iuaã. ³² Ininiã sotatoakori sari iuaã. Ikapatakarina Xesosi takote auakani tapike. ³³ Txamari sotato atamatakasaakiri Xesosi, !auaika. Ipĩpeka. Ininiãkara kona ikapatakari itapike. ³⁴ Sotato iorotari Xesosi itanapitaã iomitiã. Iuaaaki iarẽka, ãparaã pakini xiketa.

³⁵ Notara itikari Xesosi ipinini, ininiã atãopitikara nisãpiretakiti. Nisãpiretari ikinika nitikakiti. Nimarotari nisãkire atão inini, ininiã nisãpiretai ia atatsopatakani, hĩte apaka auikiniri ikapani. ³⁶ Teoso sãkire iõkatsopatakori kitxakapirĩka txari:

Kona ãtika iua api !kapatakaãka.

Ininiãkara kona Xesosi api kapatakaãka, Teoso sãkire iõkatsopatakori iaõka apokini ikapani.

³⁷ ãTi Teoso sãkire iõkatsopatakori txari:

Ninoa atamatariko iorotakitina.

Xesosi Katiko Pirena

(*Mateo 27.57-61; Marko 15.42-47; Arókasi 23.50-56*)

³⁸ Eereka Xosee, Arimateia sitatxitikiri, amanaãri Xesosi ãto Piratomoni. Iua Xosee auikari Xesosi sãkire, txamari ikipatari Xesosi sãkire auikini, kotxi ipĩkari Xoteo auĩteakori. Amanaãkasaakiri Xesosi ãto, Pirato txari:

—Ari, panikari iua.

Ininiã Xosee anikari Xesosi ãto. ³⁹ Iuaaaki imoianari Nikotemo inakori. Iua Nikotemo mitxipeka sari Xesosimoni ikanõka imisãkiretiniri ikapani. Iua moianatari Xosee, Xesosi ãto apakapakaãki. Nikotemo anikari aãtsopa aroesi inakori, miha inakori pakini ikoke Xesosi ãtoã taãkori tĩkane. Trĩta sĩko kiro pakini iua ikoke anika. ⁴⁰ Ninoa ipi iapirikari Xesosi ãto mãkatxi mataã ikokekata. Ikara atoko Xoteo kamari ipĩkari ãtoã ikatiko apisa.

⁴¹ Xesosi aamina ipiriãmitakari nopini takikoãtaã, iuaã takote aua amãtiirinape. Amãtiirinapeãtaã aua akauari amanepanika inakari. Kona ipĩkari ãto takaãkapanika iuaã.

⁴² Iua akauari kona õtakori, ininiã itakarina Xesosi ãto iuaã, kotxi Xoteo tomatini õti apokanapanoka.

20

Akauariã Xesosi ãto Mauakani

(*Mateo 28.1-8; Marko 16.1-8; Arókasi 24.1-12*)

¹ Tomĩko ikanõkapanika, Maria Matarena sari akauarimoni. Oãpokasaaki, oãtamatarikauari tore kai auĩte kamakori makatxakapeẽkaika. ² Ininiã omiteka Simão Petromoni. Xesosi moianari itiretakitimoni apaka osa. Oãkiritana:

—Apiananiri ãto makatxakaãka akauariã. Kona aimarotari namonireuako itakapirina —otxana.

³ Ininiã Petro, ãti Xesosi moianarikata sari akauarimoni. ⁴ Imitekana. Iua ãti Xesosi moianari miteka katimaritika, ininiã inapari Petro. Ininiã iua apoka Petro apisa. ⁵ Iãka aariko ãki atamatini ikapani. Atamatari mãkatxi mata, ipĩkari iapirikiko. Kona iĩroã.

⁶ Iuaaaki Petro apoka iua tikini. Iĩroã aariko ãki. Atamatari mãkatxi mata. ⁷ Atamatari mãkatxi mata, mitxi Xesosi kiiã iapirikiko. Iporiĩmatataãka. Ikikomoni aua ãti mãkatxi mata. Isanaremoni aua ãti mata. ⁸ Ininiã iua mitxi apoãkari iĩroã, atamata itxari. Ininiã auikari Maria sãkire. Iuaaakiika auikari Xesosi õkitikiniua. ⁹ Iuaaaki ninoa kona iteene imarotapanikari Teoso sãkire iõkatsopatakori kitxakapirĩkari, kotxi Teoso sãkire sãpiretpekari Xesosi ipinini, eereka õkitikiniua. ¹⁰ Eereka Petro ãti Xesosi moianarikata kanapiriã aapokomonina.

*Xesosi Oerekaua Maria Matarenamoni**(Mateo 28.9-10; Marko 16.9-11)*

¹¹ Maria Matarena kaikota aariko iriko takote. Otxiapanãtakasaaki, amaãtiki opapĩkakiita oiãkakiita aariko iriko ãki oãtamadini ĩkapani. ¹² Oãtamataka ipi Teoso nitiriakori iaxitikiñi. Imãkana kasarori. Itopãkana mitxi Xesosi ĩto auiniãtaã. ãti mitxi Xesosi kii auiniãtaã, ãti mitxi ikiti auiniãtaã. ¹³ Itxarona:

—Kinirepa pitxiapanãta? —itxana.

Ininiã oa:

—Imaktxakaãka niauĩte ĩto. Kona nimarotari ĩto takikoãtaã —otxana.

¹⁴ Iuasaaki oporikimoni osapotorika. Oãtamatarari Xesosi, txamari !oimarotari.

¹⁵ Ininiã Xesosi:

—Kinirepa pitxiapanãta? Kiripa pinita? —itxaro.

Ouãkatari Xesosi amãtiirinape nĩkatakari ininiua. Ininiã otxari:

—Pite maktxakiniãri iua ĩto, ininiã pisãpiretano ĩto pitakiniãtaã. Ininiã nanikariko ãtiãtaã —otxari.

¹⁶ Ininiã Xesosi txaro:

—Maria.

Ininiã okirioka iuamoni. Otxari osãkireẽ:

—Haponii.

Popĩkari sãkireẽ, “Noereẽkiri,” otxa.

¹⁷ Ininiã Xesosi txaro:

—Kona pimaãtakapeno, kotxi nirimoni kona nisapanika. Pisa nitariakorimoni. Pitxanako: “Nota sariko nirimoni, hĩte iritxikana apaka. Nisariko niTeosonemoni, hĩTeosonetxikana apaka.” itxa.

¹⁸ Ininiã Maria Matarena sari Xesosi moianariakorimoni:

—Natamatapekari aãuĩte —otxana.

Ininiã osãpiretana ikinika Xesosi sãkire.

*Xesosi Oerekaua Imoianariakorimoni**(Mateo 28.16-20; Marko 16.14-18; Arókasi 24.36-49)*

¹⁹ Iua Tomĩko ĩkanõkati Xesosi moianariakori apotiitaua. Iuasaaki itotarina ikinika aapokotxi tore, kotxi ipĩkana Xoteo auĩteakori. Iuasaaki Xesosi tokiã aapokotxi ãki ninoa sauaki.

—Erekaxinire hĩtxako —itxana ninoa.

²⁰ Ikara inaka atoko oerekari iuako karo. Oerekari itanapita karo. Ininiã Xesosi atamatakasaakina, imoianariakori iteene poxokoniua. ²¹ Iuaĩkana Xesosi txana:

—Erekaxinire hĩtxako. Niri iokanatinino atokotxikana, niokanatai hĩte niri nireẽkiti hĩkamini ĩkapani.

²² Iuasaaki ixõkana. Itxana:

—Hãpakapariko Erekari Matamatakoti. ²³ Apakata pisãpiretiniri nota sãkire auĩãkari, imaerekani maktxakaãkapeka. Apakata pisãpiretiniri nota sãkire mauĩãkani, imaerekani limaktxakaãka —itxa Xesosi.

Xesosi Oerekaua Tomeemoni

²⁴ Xesosi imoianariakorimoni oerekasaakiaua, Tomee Txĩtximo inakori kona aua ninoakata. ²⁵ Ininiã apanakini sãpiretari Tomee:

—Ate aõkitari Xesosi —itxana.

Ininiã iua:

—Iuako karo nimatamatakaniã, iuako karo nimakaaiakakaniã niuakokiã, kona nauikari hĩte sãkire. Itanapita karo nimakaaiakakaniã, kona nauikari hĩsãkire —itxa Tomee.

²⁶ ãti semanati napaka atoko, Xesosi moianariakori apotiitaua iuaĩkana aapokotxi ãki. Iuasaaki Tomee aua ninoakata. Aapokotxi tore itotaãka, iuaritika Xesosi tokiã ninoamoni:

—Erekaxinire hĩtxako —itxana ninoa.

²⁷ Iuasaaki itxari Tomee:

—Patamata niuako. Pikaaiakariko piuakokiã nitokakitiko karoã. Nitnapita iorotikomoni pitakari piuakoki. Kona mauikaretika !pitxape. Pauikariko nisãkire —itxari.

²⁸ Ininiã:

—Niauĩte, niTeosone —itxa Tomee.

²⁹ Ininiã Xesosi:

—Uatxa pite auikari auãiki ninini, kotxi patamatano. Kãkiti nota maõkitakani auikiniãri nisãkire, apakapariko apiata erekari Teoso sikakiti —itxa Xesosi.

³⁰ Xesosi kamari apikomoni iposotiire imoianariakori sauaki. Iposotiire ikamakiti imakinika kona iõkatsopataãka ia iõkatsopariã. ³¹ Ia niõkatsopata Xesosi Teoso mereẽkiti, Teoso ãkiri ininiua hãuikini ïkapani. Ikara atoko hãuikiniã, hãuapiniñika hĩtxako Xesosi posotiire.

21

Xesosi Oerekaua Setxi Imoianariakorimoni

¹ Æti õti Xesosi oerekaua iuaĩkana imoianariakorimoni ipoa Txiperiatxi inakori tiniã. Ia atoko iua oerekaua:

² Iuaã aua Simão Petro. Iuakata aua Tomee Txĩtximo inakori. Natanaeo, Kanaa aapokotxitikiri, Karirẽia tõpa auakari apaka aua iuakata. Sepeteo anaakori apaka aua iuakata. Apikomoni ipi Xesosi moianariakori apaka aua iuaã. ³ Simão Petro txana:

—Nota okatsaãtako —itxa.

Ininiã apanakini:

—Ari, ate apaka okatsaãtako pitekata —itxana. Ininiã isana. Kanauaã iereẽtauana. Ìkanõka okatsaãtana, txamari !imaĩkarina ximaki. ⁴ Ìkanõkapanika Xesosi ikipatxitemoni tipokonãta, txamari !imarotarina Xesosi iuaã auini.

⁵ Xesosi akiritana:

—Namariteakori, kaiomaãi ereẽ? —itxana.

—Kona kaiomaãua —itxarina.

⁶ Ininiã Xesosi paniãtana:

—Hitakariko hetxi hĩkikomoni. Ereẽ hãpokariko ximaki —itxa Xesosi.

Ininiã ninoa okari hetxi ikikomoni. Eereka kona iposotaikarina ikosekinirina hetxi kanaua ãki, ximaki itori imaĩkinina xika. ⁷ Xesosi moianari itiretakiti txari Petromoni:

—Aãuĩtekarã.

Ikara inakari sãkiretxiti ikenakotakasaaki, Petro ieretakari imãka, mitxi imaktx-akakiti, oka itxaua ipoamoni Xesosimoni isini ïkapani. ⁸ Apanakini kanauaã ina. Ikosekaãpotarina hetxi. Iuasaaki ximaki xãpoka hetxiã. Itakoã !itakori, atxĩti sei metronoka. ⁹ Ikanĩkĩtakasaakina, atamatarina xamina. Ximaki iropike nopini auape. Apaka auari komiri.

¹⁰ Xesosi txana:

—Himinari ximaki himaĩkakiti mapake.

¹¹ Ininiã Petro kosekari hetxi imiriã. Xãpoãkata ximaki. Sẽtosĩkoẽta tres ximaki mitapoakari aua. Kaiãopokori ximaki, iuaritika hetxi kona tsorakita. ¹² Xesosi akiritana:

—Uai hina. Manipokota.

Kona ãtika imolanari kona kataparaxinire ipimainiri iua: “Kiriparai” ininiri iua, kotxi ninoa imarotari iua Apiananiri ininiua. ¹³ Ininiã Xesosi apoka ninoamoni. Ixanakari komiri, ximaki pakini, sika itxana ninoamoni.

¹⁴ Ikara õti apisapanika, Xesosi ipinaka atoko, õkitikaua atoko, oerekapekaua ipikata imoianariakorimoni.

Xesosi Misãkiretari Petro

¹⁵ Inipokotaka atoko Xesosi pimaãri Simão Petro:

—Simão, Xonasi ãkiri, kipa apiata tiretano nota, pitekani, nakirakani? —itxa Xesosi.

Ininiã Petro txari:

—Ari, Apiananiri, pimarotari nota apokaerekatinii —itxa Petro.

Ininiã Xesosi:

—Poerekari nisãkire soti auĩte anaakorimoni, ninakitiakorimoni.

¹⁶ Iuaĩkana ipimaãri:

—Simão, Xonasi ãkiri, atão pitiretatano nota? —itxa Xesosi.

—Ari, Apiananiri, pimarotari napokaerekatinii —itxa Petro.

Ininiã Xesosi:

—Pinĩkatana soti auĩte, ninakitiakori —itxa Xesosi.

¹⁷ Iuaĩkana ipimaãri:

—Simão, Xonasi ãkiri, pitiretatano nota?

Ininiã Petro matiniuaata ixinireẽ, kotxi Xesosi pimaãri ipi ãti pakinikata “Pitiretatano nota.”

Ininiã Petro:

—Apiananiri, pite imarotari ikinipoko. Pimarotapitikari nitiretinii pite.

Ininiã Xesosi:

—Poerekari nisäkire soti auíte ninakitiakorimoni. ¹⁸ Atão nitxai. Ætokoripanika pinakasaaki, piteka pieremãkataua. Pisari pinirekinimoni. Kiomãtxi pinakasaaki, pitamëkakanoketauako, ininiã äti ieremãkatai. Eereka anikai pimanirekakanimoni —itxa Xesosi.

¹⁹ Ikara atoko Xesosi sãkire, kotxi ikara atoko itxako Petro ipinini. Petro ipinini iteene paxitariko Teoso, ininiã kãkiti txariko: “Peerekari Teoso.” Ininiã Xesosi:

—Pikapokitano nota. Ninireëkiti pikamako —itxa Xesosi Petromoni.

Xesosi Iteene Tìretakiti

²⁰ Petro kirioka. Atapari Xesosi moianari, itiretakiti ninoa tikini inini. Iuakara mitxi Xesosikata iitopãka Pãskoã kiiniritisaaki. Iuasaaki ipimaãri Xesosi: “Niauíte, kiripa mïkapiritai?” ²¹ Petro atapakasaakiri Xesosi tìretakiti ninoa tikini inini, ipimaãri Xesosi:

—Natokopa itxatako ere ipinini?

²² Ininiã Xesosi:

—Nota nirekiniãri iua auapanika inini nikanapiriãkasaaki, kona nisãpiretai pite. Kona pixinikapiri iua. Pixinikari piteka kaminiri nota nireëkiti —itxa Xesosi.

²³ Ininiã iaripireta Xesosi sãkire auiãkanimoni, iua imoianari itiretakiti imapinakani Xesosi kanapiriini apisa. Txamari Xesosi ! isãpiretari imapinakani. Iua txari: “Nota nirekiniãri iua auapanika inini nikanapiriãkasaaki, kona nisãpiretai,” itxa Xesosi.

²⁴ Nota ikara Xesosi moianari itiretakiti nitxaua. Nota itikari imakinika Xesosi kamakiti. Ininiã nota iõkatsopatarì ikamakiti, isäkire pakini. Ininiã aimarotari atão nisãpiretakiti.

²⁵ Auapanika itori Xesosi kamakiti. Ikinika ikamakiti ! kaiõkatikopanikari. Ikinika niõkatsopatinã, !apakata, kotxi itixi kona apakata kaiãopokori aãtsopa auini.

ÁTOSI Xesosi Iokanatakini Kamakiti Pirena

Xesosi Kanapiriini Iaxiti

¹ Ereë kai Teópiro, Teoso tiretakari. Merepitipanika niókatsopatakiti aátsopaã txari ikinipoko Xesosi kamakiti, isãpiretakiti pakini. ² Niókatsopatakiti mapotókire auari Xesosi iaxiti sini pirena. Isini apisa isãpiretana iokanatakini Erekar Matamatakoti paniãtakiti.

³ Ipinaãka atoko iuaãkana iuaka oerekaua ninoamoni, ininiã imarotarina atãopitika iua òkitikapekaua. Koarêta pakini òti iua auanãta ninoakata. Iuasaaki isãpiretana Teoso auãteti ininiãua pirena. ⁴ Imakinika apotiitakasaakia itxana ninoa:

—Kona hãtakanapapiri Xerosareë sitatxiti. Airi iaxitikiri iokanaenetakiti hiãtapako. Iua mitxi hãtemoni nisãpiretakiti. ⁵ Atãopitikara Xoãoni patxisatai hãte ãparaã. Mapaõti napaka atoko, Erekar Matamatakoti apokako hãtemoni. Iuasaaki hãpatxisataãkako Erekar Matamatakotiã —itxa Xesosi sãkire.

⁶ Ininiã imolanariakori apotiitakasaakia Xesosikata, ipimaãrina iua:

—Aãuãte, uatxa iuaãkana pisikatari atixine atemoni, Isaeo apika mekaniriakorimoni? —itxarina.

⁷ Ininiã Xesosi txana ninoa:

—Kona hãte imarotiniiri ikapani. Airinanira imarotapaniri hãte tixine hãtemoni isikini òti. ⁸ Erekar Matamatakoti apokasaakirako hãtemoni, hãpakapariko posotiiiretxi. Ininiã hãte nota kamakiti atamatakani hãtxauako. Hããpiretariko hãtiãkiti, himarotakiti pakini Xerosareë sitatxiti auakanimoni, imakinika Xotéia tãpa auakanimoni, Samaria tãpa auakanimoni, ikini itixiti auakanimoni pakini hããpireãpotariko —itxa Xesosi ninoamoni.

⁹ Ikara atoko inaãka atoko, ninoa okiã atamataru iua anikiko iaxiti. Katxiãri ãki isa, ininiã kona ninoa itikaikari. ¹⁰ Iaxiti ionakaãtakasaakina, apoka ipi kiki katsopiri mãkatakani ninoa takote. ¹¹ Ninoa txana:

—Kiki Kariréiakini, kinirepa hionakanãta iaxiti? Íkora Xesosi iaxiti sikari, isini atokotxikana ikanapiriini —itxana ninoa.

Itanokiri Koaã Apotiitakanuua

¹² Ininiã Oriva xirataãtaã ipotorikana. Ikanapiriãna. Xerosareëmoni isana. Oriva kona òtakori. Kãkiti Oriva xirata potoricakani sini Xerosareëmoni tako atokokanera Xoteo kiomaneakorini auiritari kãkiti sini tomatiko òtisaaki.

¹³ Xerosareë sitatxiti apokasaakina, iãroãna aapokotxi ãki. Ininiã isana itanokiri koaã. Petroma, Xoãoma, Txiakoma, Átreema, Piripima, Tomeema, Patoromeoma, Mateoma, Txiakoma (Aopeo ãkiri), Simãoma (Homano omanatakari), Xotasima (ãti Txiako itari) pakini aua iuaãtaã. ¹⁴ Átipirika ninoa apotiitaua Teoso imisãkiretinina ikapani. Apaka sitoakoro Xesosi sãkire auãkani, Maria Xesosi inoro, Xesosi itariakori pakini apotiitaua ninoakata. Ninoa misãkiretakasaakiri Teoso, ãtika kãkiti xinirenoka atoko itxana. Ininiã erekarinoka auana ninoamoni. Kona omanatakauana.

Matxia Mereiko Pirena

¹⁵ Iuasaaki sãtovãtxi pakini Xesosi sãkire auãkani aua. Petro òkitikaua ninoa sauaki. ¹⁶ Ininiã itxa:

—Nitariakori, hãtakaõtxikari Teoso sãkire kitxakapiriãka Taviimoni isãpiretakiti. Tavii iókatsopitari Xotasini pirena, Xesosi mãkakanu oerekakari pirena, kotxi Erekar Matamatakoti kamaimaroretari iua Tavii. Atão ikara Teoso sãkire kitxakapiriãkari apokapeka uatxa. ¹⁷ Iua Xotasini atekata auakari iua. Ate pariãka atoko ikama.

¹⁸ —Iuaritika isikari Xesosi imokaiakariakorimoni. Txineiro apakapakitoã iamotaãka itixi. Iuaã ipãpe. Itano okaua. Ixiti apokasaaki, iokirikiita. Ixoreka itikako. Iuasaaki itikapitsa poãpekatani. ¹⁹ Imakinika Xerosareë auakani kenakopiretari Xotasini ipinini. Ininiã ninoa akiritari iuaãtaã itixi uãka “Aseotama.” Popãkari akiritari “Arêkatxi Tixini.”

²⁰ —Xikari iókatsopatakoriã iókatsopatapeãkaika la Xotasi pirena:

Iua aapoko takanapaãkako. Kona auiritaãka kãkiti auini iuaãtaã. Ipariãka sikaãkako ãtimoni, itxa Teoso sãkire.

²¹ —Ininiã amereëriko ãti kiki atekata sikari tãkane. Amereëriko kiki mitxi Xesosikata sikari, mitxi amoiãnari ikiniõtika Xesosikata aãuakasaaki. ²² Amereëriko kiki Xoãoni patxisarauatini itiãkari, imakinika Xesosi kamakiti itiãkari, iaxiti isini itiãkari, kotxi anirekari iua amereëkiti Xesosi òkitikiniua imarotakari ate atoko inakari —itxa Petro.

²³ Ininiã imereërina ipi kiki, Xosee Pasapasi inakori. Apanakini akiritari iua Xósito. Áti kiki uãka Matxia inakori. ²⁴ Iposo atoko imisãkiretarina Teoso:

—Pite imarotari ikinimane kãkiti ãkixinire. Poerekaua ãkiripa naia kiki pimereëkiti ²⁵ atekata parãkauatakarí tãkane, Xesosi iokanatakiti tãkane, kotxi Xotasini takanapari ikara parãkatxi imaerekani xika, maerekani misiritikoãtaã Isini ãkapani —itxana Teosomoni.

²⁶ Iposo atoko ikamarina sarauatxi atoko inakari imoianarina imarotinina ãkapani. Ikara atoko ininiã, imereërina Matxia. Ininiã Xesosi iokanatakiti itxaua. Ikara õti atoko, iua moianatari apanakini õsi Xesosi iokanatakini.

2

Pëtekósitxi Kiiiniriti Ôti

¹ Pëtekósitxi kiiiniriti õti (takari merepitipanika nikiko õti) apokasaaki, Xesosi sãkire auãkani átika kãkiti xinire atoko itxauana. Imakinika apotiãtuana. ² Katimaritika iaxiti ãkari kataparari ãtimati atoko inakari xãpoka aapokotxi ãki Xesosi moianariakori topãkiniãtaã. ³ Ininiã iuasaaki xamina tãrika atoko inakari tokiã. Imakinikana ikiiãna apoka. ⁴ Erekarí Matamatakoti ãroã ikinika ãkixinireë. Iuasaakipeka ninoa sãkirauata áti uãka sãkireë, kotxi Erekarí Matamatakoti kamaimaroretana.

⁵ Iuasaaki Xerosareë sitatxitiã auanãta ikini uãkati kãkiti Xoteoakori. Ninoa Teoso sãkire kãpitakani. ⁶ Ikenakotakasaakirina iaxiti ãkari ãtima atoko inakari, apotiãtuana mirikiniãti kãkiti. Ininiã itikokitatana, kotxi ikenakotarina apanakini sãkirauatini isãkireãna. ⁷ Itsorãkaãtana:

—Kãtøkopa ininiãpa imarotatarina ate sãkire. Hãmatatana, Karirëiaklinikara sãkirauanãta ateka sãkireë. ⁸ Kãtøkopa itxa akenakotiniri ateka sãkire? —itxana ninoa.

⁹ Iuaãtaã auari kaiãopokori kãkiti áti uãka. Auari Patxiakinima, Mëtxiakinima, Erãokinima, Mesopotãmiakinima, Xotëiakinja, Kapatósiakinima, Põtokinima, Ásiakinima, ¹⁰ Pirãxiakinima, Pãpãriakinima, Exitokinima, Arãpiakinima, Sireni takotekinima, Homakinima pakini aua. Apanakini Homakinima atão Xoteoakori. Apanakini mamakaua, ininiã Xoteo itxapekauana. ¹¹ Kretakinima, Arãpiakinima pakini aua iuaã.

Ininiã ninoa txa:

—Ate kenakotari Karirëiakini sãkirauatini ateka sãkireë. Isãpiretarina ikinipoko erekarí Teoso Apiananiri kamakiti —itxana.

¹² Ininiã ninoa tsorãkaãta. !Imarotarina.

—Natøkopa itxana imarotinirina ate sãkire? —itxana.

¹³ Apanakini kãkiti napetana:

—Poãtakanira ninoa —itxana.

Petro Apakapiretakiti Kãkitimoni

¹⁴ Iuasaaki Petro, õsi Xesosi iokanatakinikata misãkiretana iuaã apotiãtãkaniua. Itxari:

—Xotëia auakanii, ikinika Xerosareë sitatxiti auakanii, hitãkaõtxikariko nisãkire himarotini ãkapani. ¹⁵ Hãuãkatana naia kikiakori poãtini. Kona ipoãtana, kotxi atokatxi inaãpõtapanika. ¹⁶ Ia uatxa hãmatatakiti kitxakapirãka Teoso sãpiretapekari Xoeomoni. Iua Xoeo Teoso sãkire sãpiretakari sãpiretapekaua. Iua txari:

¹⁷ Teoso txari: “Xipokatxi õti iatokoepa inakasaaki, niokanatarí Erekarí Matamatakoti ikini kãkitimoni. Pamariteakori sãpiretariko nisãkire apanakinimoni. Átokoriakori atamatariko itapone atoko inakari Teoso sikakiti pokamarasaaki. Iuasaaki nisãkire nisãpiretana. Kíomãtxiakori taponetariko nota oerekakiti. Iuasaaki nisãpiretariko nisãkire ninoamoni.

¹⁸ Ìkora õtisaaki ninitiriakori, niniteroakoro pakinimoni niokanatarí Erekarí Matamatakoti. Ninoa sãpiretariko nisãkire.

¹⁹ Iaxiti noerekariko nãpotsitiire kãkiti mimarotakiniti. Ìkorapokoriti apaka noerekariko nãpotsitiire Apiananiri nininiua imarotinina ãkapani. Arëkatxi, xamina, katxiãri pakini apokako.

²⁰ Atokatxi piãkako. Kasiri arëkatxi atoko itxako. Apiananiri apokini apisapanikarako auako ikara atoko inakari. Peerekapaniri Apiananiri apokini õti. Ìkora õti apiatakari, kotxi iuasaaki Apiananiri oerekauako kãkitimoni.

²¹ Ininiã Apiananiri akiritakani makatxakaãkako imapinakani ãkapani,”

itxa Apiananiri Xoeomoni.

²² Petro sãkirauatapanika:

—Kākiti, Isaeokini, hīkenakotariko nisākire. Hīte apisatoō Teoso oerekapekari Xesosi, Nasaree sitatxtikiri. Teoso mereēkiti itxaua, kotxi ikamari Teoso posotiire kākiti mīmarotakinīti Teoso himarotini īkapani. Hīmarotapekari ikara. ²³ Xesosi sikaāka imokaiakariakorimōni, kotxi Teoso nirekari ikara atoko iniko. Teoso imarotapekari ikara atoko inakari apokini ōti. Hītekara, apanakini maerekati kamakanikata māikari Xesosi. Aamina ĩpīriāmītakari nopini hītokakitari, oka hītxapiri iuani. ²⁴ Iuaritika ipinaka atoko, iuaīkana Teoso ōkitikari iua. Teoso sikakari iua ipīkitxi mamisiritakaniri īkapani. Ipīkitxi liposotari ixipokiniri iua, kotxi Apiananiri itxaua.

²⁵—Kitxakapirīka Tavii sāpiretari Xesosi pirena. Itxari:

Nota itikapikari Apiananiri nota apisatoō. Iua aua nikikomoni. Ininiā !nimakaxāka.

²⁶ Ininiā nixinire poxokoniuatapeka itxa. Nisākire poxokoni apaka aua. Niīto auāki inakasaaki, iātapari Teoso sikaenetakiti.

²⁷ Apiananiri kona takanapano nota ipīkani auiniātaā. Apiananiri !auiritano Erekarī Kamakari paiakini.

²⁸ Apiananiri oerekapekano mapīkani kimaporite. Iua notakata aua, ininiā nipoxokoniuata,

itxa Xesosi Taviimōni kitxakapirīka.

²⁹ Ininiā Petro sākirauatapanika:

—Kīkiakori, hāuiritano nisāpiretiniri Tavii pirena. Tavii anirimane kitxakapirīka auakari. Iuani ipīpe, ikatapeēka. Uatxa atemoni auapanika iua akauare. ³⁰ Iua Teoso sākire sāpiretakari. Atāo iua imarotari Teoso sākire. Teoso sāpiretapekari iua apika mekani Teoso mereēkiti itxauako. Tavii imarotari Teoso mereēkiti ōkitikaākapanikako auītetxi ininiua tīkane. Teoso sāpiretari imereēkiti topāka auītetxi itopanere nopini. Ininiā atāo auītetxi itxaua.

³¹—Tavii imarotari ikara atoko inakari Xesosi apokini apisapanika, kotxi iōkatsopitari Xesosi ipinini pirena, iuaīkana ōkitikiniua pirena apaka. Iua txari:

Ipīkani auiniātaā !ikaikota. Iīto lipaiaka, itxa Tavii kitxakapirīka.

³²—Iua Xesosi ipinaka atoko, Teoso ōkitikari iua. Ate amakinika Xesosi ōkitikiniua itīkakani atxaua. ³³ Ininiā uatxaika Xesosi topāka Teoso kikomoni. Ikara atoko Xesosi Apiananiri itxaua. Apakapari Erekarī Matamatakoti, Teoso sikaenetakiti. Iposo atoko, iokanatarī Erekarī Matamatakoti atemoni. Iuakara uatxa hātamata ikamakiti. Hīkenakotari iua sākire uatxa.

³⁴—Tavii !isari iaxiti auītetxi ininiua īkapani, iuaritika iōkatsopitari:

Apiananiri misākiretari niauīte: “Nota kikomoni piitopākīniritika ³⁵ nixipokariko pimokaiakariakori. Nikamariko ninoa pikiti pitakiniātaā atoko ininiua,” Apiananiri txari niauīte.

³⁶—Ininiā Isaeo auakanī, himarotariko ia. Hīte okari Xesosi, iuaritika Teoso kamari iua auītetxi ininiua. Teoso mereēkiti itxaua—itxa Petro.

³⁷ Iuasaaki Petro sākire ikenakotakasaakina, ākixinireēna tsūitxi apoka iouata iorotiniri tsii atoko itxa. Maerekaxiniretinoka itxana. Eereka itxana ninoa:

—Kīripa akama? —itxana.

³⁸ Petro apakapapiretana:

—Hīmaerekani hītakanapa. Hīte imakinika hīpatxisataākako Xesosi Kristo uākaā, ininiā Teoso makatxakari hīmaerekani. Iuasaakiko hāpakapari Erekarī Matamatakoti Teoso sikakiti. ³⁹ Kotxi ikara Teoso sikaenetakiti hīte īkapani, hamarite īkapani, apanakini ōtako auakani apaka īkapani. Ikara Teoso sikaenetakiti ikinimane kākiti Teoso akiritakini īkapani—itxa Petro.

⁴⁰ Petro iteene ōtākikana ninoa, kotxi inirekari atāo ikaminina, ininiā itokata ōtākikana ia atoko:

—Īkorapokoriti auakani maerekati kamakani itxauana. Hīmakatxakaua. Hītakanapariko hīmaerekani. Hāuīkariko Xesosi sākire—Petro txana ninoa.

⁴¹ Īkora ōti, tres mio kākiti ipoxokoniritikana auikari Petro sāpiretakiti. Iuasaaki ipatxisataākana.

Xesosi Sākire Auiākani Moianatakiniua

⁴² Eereka ikiniōtika apaiaōkarina Xesosi iokanatakini oerekakiti. Ātipirika itiretakakauana. Ātipirika ikamarina kiiniri komiri imapixinīkinina Xesosi ipinini ixinīkinina īkapani. Ātipirika imisākiretarina Teoso. ⁴³ Ikinimane tsorīkaānāta, kotxi Xesosi iokanatakini kamari ito posotiiretxi kākiti mīmarotakinīti, apanakini Teoso imarotini īkapani.

⁴⁴ Teoso sãkire auiãkani apotiitapikaua. Ninoa xanakari ikinika inakitina. ⁴⁵ Ivêtxitarina itiina, ininiã tiitxi ìki isikana matxineirotenimoni. ⁴⁶ Ikiniõtika aiko ãki Teoso misãkiretikoãtaã apotiitapikauana. Ninoa aapoko ãki ikamarina komiri mapixinikiko kiiniriti. Átipirika ninoa apotiitaua ipoxokoniritikana nipokori inikinina ìkapani. Ákixinirena erekapitãkari. ⁴⁷ Ixikarauatana Teoso ìkapani. Imakinika kãkiti apokaerekatana ninoa. Ininiã ikiniõtika Teoso makatzakari kãkiti maerekani. Ininiã Teoso sãkire auiãkani apiaãpota.

3

Petro, Matïpokotakati Pakini

¹ Áti ôti mapiãtiki Petro, Xoão pakini sari Teoso misãkiretiko aikotimoni Teoso misãkiretinina ìkapani. ² Iuasaaki ikiniõtika kãkiti anikari matïpokotakati Teoso misãkiretiko aikoti toremoni. Itore uãka “Peereri.” Iuaã matïpokotakati amanaãri txineiro iuaã napakanimoni. Iponaniãkasaaki matïpokotakati itxaua iua. ³ Ininiã Petro, Xoão pakini ìroãkasaaki, iua amanaãri txineiro:

—Txineiro hãsikano —itxa.

⁴ Ininiã Petro, Xoão apaka atamatari iua. Ininiã Petro txari:

—Patamataua.

⁵ Ininiã iua matïkati atamatana ninoa. Iuãkatari txineiro isikinina iuamoni. ⁶ Ininiã Petro: —Kona auari txineiro atemoni. Kona pirata aua atemoni. Oro apaka !auari. Iuaritika nota auakiti nisikapitakai. Xesosi, Teoso mereëkiti, Nasareekiri, iua uãkaã põkitikauako. Pitïpokotako —Petro txari iuamoni.

⁷ Ininiã Petro maãkari iuako ikikomoniãkiri ôkitikinua ìkapani. Iuasaakipeka ikiti, ikitinota pakini kataparapeka itxa. ⁸ Ininiã okakataua, ñipokota itxa. Ìroã Petro, Xoão pakinikata Teoso misãkiretiko aikoti ãki. Ìroãkasaaki, okaãpokataua. Itïpokoãpokata.

—Ari, peerekari Teoso —itxanaã.

⁹ Ikinimane itikari iua ñipokotini. Ikenakotari ixikarauatini Teosomoni. ¹⁰ Ikinimane imarotari iua kiki aiko ìronakikoãtaã “Peereri” inakoriãtaã topãkanãtakari, txineiro amanaãnãtakari iua. Ininiã ninoa:

—Anekani. Kiripa atxiiiti? Mitxi matïpokotakati. Uatxa itïpokotape. Kanatokopa itxa? —itxana.

Petro Sãpiretakiti Kãkitimoni

¹¹ Apanakini kenakopiretana ninoa, ininiã imitekana ninoamoni matïpokotakati pirena imarotinina ìkapani. Iuasaaki ninoa auiniãtaã akiritããka “Saromão pakita.” Iuaã Petro, Xoão pakini aua mitxi matïpokotatikata. Iua maãkakanokeãpotana Petro, Xoão pakini. ¹² Iua Petro atapana kãkiti ninoamoni ìkani. Itxana:

—Isaero auakanii, kinirepa hite tikoka ere kiki ñipokotini hãtamatakasaaki? Kinirepa hite itikaua ate? Na ate posotiireeni kamaru iua ñipokotini. Ate ereka anini kona kamaru iua ñipokotini. ¹³ Apraãoni, Isakini, Xakooni pakini Teosone, aãriakorini kitxakapirãkari Teosone, iuara oerekapekua imi Xesosi ereka inini. Teoso ãkiripitikara itxaua. Iua posotiire auapitika. Iuakara hãsika okiko ìkapani. Eereka Pirato inakori nirekasaakiri isikakiniri. Hite ìnirekari iua sikakiniri Xesosi. ¹⁴ Iuasaaki hite kona nirekari erekarinoka kamakari. Ìhinirekari iua atão inakarinoãka kamakari. Hite amanaãri Pirato isikakiniri kokaniri hitemoni. ¹⁵ Ininiãkara hite okapiri kãkiti auãki inini kamaru. Iuaritika ipãkani sauaki Teoso ôkitikari iua. Ate itikari atãopitikara iua ôkitikiniri.

¹⁶ —Ia kiki hãtikakiti himarotakiti kataparapeka itxa, kotxi iua auikari Xesosi posotiire. Iua auikari Xesosi sãkire erekepeka inini ìkapani. Hãtamataru hite apisatõo iua ereka inini.

¹⁷ —Ininiã uatxa nitariakori, nimarotari hite, hite auãteakori pakini okapiri Xesosi atão himimarotakani xika. ¹⁸ Kitxakapirãka Teoso sãkire sãpiretakani oerekapekua Kristo misiritiko. Ikara imisiritiko auapeka. ¹⁹ Ikara atoko ininiã, hãtakanapariko himaerekani. Erekaru kimaporiti hinitako, ininiã Teoso makatzakari himaerekani. ²⁰ Iuasaaki Apiananiri kamapoxokonitai. Isikataparatai. Iuasaaki iua iokanataru Xesosi imereëkiti hitemoni. ²¹ Merepanika iua Xesosi kaikota iaxiti. Teoso kamariko imakinika amaneri. Iuasaaki Xesosi apoka iuaãkana. Iua atokokana itxana Teoso sãkire sãpiretakani kitxakapirãka. ²² Kitxakapirãka Moisesi txari:

Apiananiri hiteosone iokanatariko isãkire sãpiretakari hitemoni nota iokanatinu atokokana.

Hinirimane itxaua iua. Hikenakotariko ikinika isãpiretakiti hitemoni.

²³ Ikinimane iua sãkire makenakotakati xipokaãkako.

²⁴ —Teoso sãkire sãpiretakari Samoeo inakori, eereka ikinikana Teoso sãkire sãpiretakani pakini sãpiretãpekari Teoso iokanatiniri imereëkiti kãkitimoni ìkorasaaki. ²⁵ Teoso sãkire

sāpiretakani anaakorirai hūte, ininiākara isākire ninoamoni, iuatxikana isākire hītemoni uatxa. Itxari Apraōni:

Āti pimekaniri sikariko erekari ikini itixiti auakanimoni,

itxa Teoso. Ininiā ikara Teoso sikaenetakiti hīkiomaneakorinimoni, hītemoni apaka isikaeneta. ²⁶ Ininiā Teoso lokanataru iua ākiri Xesosi hītemoni merepitiapanika. Iokanataru iua hītemoni erekari hītemoni isikini ĩkapani, himaerekani hītakanapini ĩkapani —itxa Petro.

4

Petro, Xoāo Pakini Xoteo Auīteakori Apisatoō

¹ Petro, Xoāo pakini sākirauatapanika kākitimoni inakasaaki, sasetotxiakori, Teoso misākiretiko aikoti nīkatakari, satoseoakori pakini apoka ninoamoni. ² Ininiā ninoa na-iaataua, kotxi Petro, Xoāo pakini sāpiretari kākiti ipīkani ōkitikiniua pirena, kotxi ninoa txari:

—Xesosi ipinaka atoko, iuaĭkana iua ōkitikaua, ininiā ipīkani ōkitikauako.

³ Ininiākara ninoa maĭkana Xoāo, Petro pakini. Iuasaaki mapiānikata, ininiā itakana kateia āki ĩkanōka iuaā inapinina ĩkapani. ⁴ Iuaritika itomaneri Petro sākire kenakotakani aukapiretari iua sākire. Sīko mio kikiakori auikari Teoso sākire Petro sāpiretakiti.

⁵ Katimatinīkata Xoteo auīteakori, kiomātxiakori, kaiōkatsopareriakori pakini apotiimane-taua Xerosareē. ⁶ Sasetotxiakori auīte apiatakari Anasi inakori iuaā aua. Inirimane Kaipasi inakori, Xoāo inakori, Arexātri inakori pakini aua iuaā apanakini sasetotxiakori auīte nirimanekata. ⁷ Xoāo, Petro pakini minaāka ninoa apisatoō. Ipimaārina:

—Kiposotiireēpa hōkitikari matīpokotakati? —itxana.

⁸ Erekari Matamatakoti moianataru Petro. Ininiā iua txana ninoa:

—Auīteakori, akiomaneakori, ⁹ hinirekari asāpiretiniu uatxa erekari akamakiti matīkatimoni. Hinirekari himarotiniri erekapeka inini. ¹⁰ Ininiā ikinika hīte, ikinika Isaeo tixini auakani apaka, himarotariko ia. Xesosi Nasareekiri posotiireēra ia kiki hīte apisatoō timakari makananiāka. Iuara hīte oka aamina ĩpiriāmitakari nopini. Iuara Teoso ōkitika iuaĭkana ipīkani sauaki. ¹¹ Kitxakapirīka Teoso sākire iōkatsopatakori sāpiretari Xesosi hīte manirekakani, kotxi itxari:

Kai aapokotxi kamakanii, ! hinirekari āti kai soro. Iua kai himanirekakiniti apiari itxapekaua. Apanakini kai soro maĭkakari itxaua.

¹² —Xesosinokara makatxakari ānkati maerekani. Kona āti maerekanitxi makatxakakari ! auari ikini itixiti. Teoso sikari iuanokara kākitimoni imaerekani imaktxakini ĩkapani —itxa Petro.

¹³ Ninoa tsořikaānātana Petro sākire ikenakotakasaakina, kotxi Petro, Xoāo pakini sākirauata itaparaxinireritika. Mitxi kona ninoa apaiaōkarauata, iuaritika ninoa imarotari atāo isākirauatini. Ninoa xinikari:

—Ixī. Ninoa minakani. Iuaritika kīkitena, kotxi Xesosi moianariakori itxauana —itxana.

¹⁴ Ininiā ! kasākirena, kotxi matīkati tīpokotapeka ninoa apisatoō. ¹⁵ Ininiā ipaniātana Petro, Xoāo pakini mapara isinina, ninoa auītetxiakori ininimoniuaana isākirauatinina ĩkapani. ¹⁶ Ininiā auītetxiakori txari:

—Kanatokopa atxatana ninoa? Kotxi ikinimane Xerosareē auakani imarotari itxīkitakinirina matīkati erekape inini. Atāopitikara ninoa kamari posotiiretxi. !Aposotari akipatiniri ia sākiretxiti, kotxi ikinipoko imarotapekari matīkati tīpokotini. ¹⁷ Kona anirekari ikara pirena apikomoni iaripiretini kākiti sauaki. Ininiā atxanako ninoa: “Na apikomoni Xesosi pirena hīsāpiretapinikariko.”

¹⁸ Ininiā iuaĭkana akiritana. Eereka itxana:

—Kona hīsāpiretapinikariko apikomoni Xesosi pirena. Kona hōerekapiriko iuaĭkana Xesosi pirena —itxana.

¹⁹ Ininiā Petro, Xoāo pakini apakapapiretana:

—Kīřpa atāo akīpitini? Hītekani? Teosokani? Kipa erekari? Hīte mereēri. ²⁰ Kona aposotari atakanapiniri asāpiretiniri āitakiti, akenakotakiti pakini —itxana.

²¹ Ininiā iuaĭkana auītetxiakori txitana. Iposo atoko auiritana isinina, kotxi maerekati ! ikamana. !Imisiritana, kotxi ipīkarina kākiti. Ikinimane kākiti txari:

—Peerekari Teoso kamakiti matīkati ĩkapani —itxana.

²² ĩkora kiki makananitakori koarēta anope iuasaaki.

Xesosi Sākire Auīākani Misākiretiniri Teoso

²³ Xoāo, Petro pakini sikakikosaaki, ninoa kanapiriā imoianariakorimoni. Ikinika sasetotxi auīteakori sākire, kiomātxiakori sākire pakini ikinika isāpiretana. ²⁴ ĩkara ikenakotakasaakina, ikinikana misākiretari Teoso. Ininiā itxana:

—Apiananiri, ikinika posotiiretxi auari pitemoni. Pitenanira Teoso pitxaua. Pite kamari iaxiti, itixi, potxoari uiniti pakini. Imakinika iaxiti auakani, itixi auakani, potxoari uiniti

auakani pakini pikama. ²⁵ Kitxakapiríka Erekarí Matamatakoti kamaimaroretari pinitiri aátokiri Tavii. Ininiã itxari:

Kinirepa kãkiti Teoso manirekaãkani omanãkarauata? Kinirepa kãkiti maxikatíika xinikari maerekati ikamini átimoni?

²⁶ Auítetxiakori apotiítua neenamtxi ikaminina íkapani. Ninoa apotiítua Apiananiri inaiatinina íkapani, imereékiti apaka inaiatinina íkapani, itxa Tavii.

²⁷ —Atãopitikara Erotxi, Põsio Pirato pakini apotiítua Xoteo minakonikata, Xoteoakori pakinikata. Ninoa apotiítua uai ia sitatxitiã. Isãkirauatana pamarite Xesosi okinina íkapani. Txamari pite mereëri iua erekarinoka kamakari. ²⁸ Mitxi pite imarotari imakinika ninoa kamakiti úkane. Kãkiti kamari pinirekakiti, kotxi kaposotiirei. ²⁹ Ininiã aãúte, pixinikariko ikara maerekapirenati. Pisikataparaxiniretaua ate pinitiriakoríua pisãkire asãpiretini íkapani. ³⁰ Pamarite erekari kamakari Xesosi posotiireë pimakananitanako amianatakani. Kãkiti maposotakiníti pikamako. Posotiiretxi pikamako pisãkire aõerekini íkapani. Ikara pikamako pamarite Xesosi posotiireë —itxana ninoa Teosomoni.

³¹ Teoso imisãkiretaãkana atoko, ninoa apotiítiniãtaãua íakeka. Erekarí Matamatakoti apoka ikinimanemoni. Ininiã itaparaxinireritikana isãpiretarina Teoso sãkire kãkitimoni.

Teoso Sãkire Auiãkani Moianatari Itariakori

³² Íkinika Teoso sãkire auiãkani átika kãkiti xinire atoko itxauana. Kona itxana: “Nota nakitira ia,” kona itxana. Kapotxinaniri !auari. Ninoa xanakari íkinika itiina. ³³ Xesosi iokanatakini itaparaxinireritikana txari ikinimanemoni:

—Xesosi Apiananiri iuaíkana õkitikaua ipinaka atoko. Ate imarotari, kotxi ate aõkitari iua ipinaka atoko —itxana kãkitimoni.

Ininiãkara Teoso sikari íkinika erekarí ninoamoni. ³⁴ Ninoa sauaki tiitxi amonitakari !auari. Kíkio ipi auiniãri, kakikioteri vëtxitari átika. Aapokotxi ipi auiniãri, kaapokori vëtxitari átika. Oa txineiro ninoa sika ³⁵ Xesosi iokanatakinimoni. Eereka ninoa xanakaro oa txineiro matiitinimoni.

³⁶ Iuasaaki aua Xosee. Sasetotxi, Arevii apika mekaniri itxaua. Xipri inakori pokomiríitkiri iua. Xesosi iokanatakini takauãkatari iua Panapee inaãka. Popíkari sãkireë iuaãka: “Kasikapoxokoniri,” kotxi átipirika isikapoxokonitari kãkiti. ³⁷ Iua vëtxitari átika ikikiote. Iua kíkio íki isika Xesosi iokanatakinimoni.

5

Ananíasi, Sapira Pakini

¹ Iuasaaki auari Ananíasi inakori, ítanoro Sapira inakoro pakini. Iua vëtxitari kíkio. ² Ikaikotakaro ipixini kíkio íki. Ipixininoka isika Xesosi iokanatakinimoni. Sapira imarotari ótaniri kamakiti. Txamari iua sikasaakiro oa txineiro Xesosi iokanatakinimoni, itxari:

—Íkinika kíkio íki asika Teosomoni —itxa.

³ Iuasaaki Petro txari:

—Ananíasi, kinirepa pauiritari Satanasi misirienetini maerekati pikamini íkapani? Erekarí Matamatakotira pimisirieneta, kotxi ipixini kíkio íki kaikota pitekata. Kinirepa pisãpiretari íkinika txineiro pisikini Teosomoni? ⁴ Kíkio pivëtxitini apisapanika, íkora kíkio pite nakiti. Eereka pivëtxitakasaakiri, õkora txineiro pite nakito. Ininiã kinirepa pitxari: “Íkinika nisika Teosomoni?” Kona kãkitini pimisirieneta. Teosora pimisirieneta —Petro txari.

⁵ Iuasaakipeka Ananíasi iripe. Ipípe. Ininiã ikara kenakotakani píkaraauakata. ⁶ Iuasaaki átokoriakori ípiririkari Ananíasini íto mãkatxi mataã ikatinirina íkapani. Eereka anikarina, kata itxarina iuani.

⁷ Ipi oara, áti oara pakini napaka atoko iua ítanoro apoka. Kona oimarotapanikari oítanirini ipinini. ⁸ Ininiã Petro txaro:

—Pisãpiretano. Oia txineironokani híkikiote íki hãpakapakito aua? Atão pisãpiretano? —itxaro.

Ininiã oa:

—Ari aroanokara ate apakapakito aua —otxari.

⁹ Ininiã Petro:

—Híte uãkatatari Erekarí Matamatakoti auiritai himisirienetini iua? Uatxaika Íronakikoãtaã pítanirini katakani apokaþeka. Ininiã ninoa anikapitikai pite apaka —itxaro.

¹⁰ Iuasaakipeka oírpe, pípe otxa. Iuaíkana ninoa átokoriakori íroã. Apokarona oani, ininiã anikarona. Íkatarona ótanirini takote. ¹¹ Ininiã íkinipoko Xesosi sãkire auiãkani, apanakini ikara kenakoenetakani pakini píkaraauata.

Amianatakani Makananitiko

¹² Iuasaaki Xesosi iokanatakini kamanātari posotiiiretxi, kākiti mimarotakinini pakini kākiti sauaki. Ikinioitika Xesosi sākire auiaġkani apotiitaua Teoso misākiretikoātaā, “Saromāo pakita” akiritakori. ¹³ Xesosi sākire mauiaġkani apokaerekatana ninoa, txamari ipikarena xika !inirekarina imoianatinina. ¹⁴ Iuaritika apikomoni kākiti apotiiāpotaua ninoakata, kotxi kikiakori, sitoakoro pakini auikari Apiananiri sākire. ¹⁵ Iuasaaki Xesosi iokanatakini makananitana amianatakani, ininiākara kākiti anikana amianatakani kimaporimoni. Sirimatatxi nopini itakana ninoa kimaporiātaā. Ininiā kākiti xinikari: “Petro napakasaaki, isanōka amianatakanimoni apokiniā, imakananitaākana.” ¹⁶ Ininiā kaiāopokori kākiti Xerosareē takotekini apoka. Ninoa minana amianatakani, apaka kākiti maerekani mata-matakoni misiritakini pakini. Ininiā Xesosi iokanatakini makananitana imakinikana.

Xesosi Iokanatakini Misiritiko

¹⁷ Iuasaaki sasetotxi auite apiatakari, imoianariakorikata, satoseoakorikata xikotana Xesosi iokanatakini. ¹⁸ Ininiā ninoa maġkana. Eereka kateia āki taka itxapena ninoa. ¹⁹ Iua iġkanōkati Teoso nitiri iaxitiki matakakari kateia tore. Eereka anika itxana iporikiti. Itxana:

²⁰ —Hġsa Teoso misākiretiko aikotimoni. Iuaā hġsāpiretariko Teoso sākire kākitimoni kākiti auini amaneri inini iġapani —itxa Teoso nitiri.

²¹ Ininiā iġkanōkapanika ninoa sari Teoso misākiretiko aikotimoni. Teoso nitiri sākire iaōka ikamana. Iuaā isāpiretarina Teoso sākire kākitimoni.

Iuasaaki sasetotxi auite apiatakari, imoianariakorikata pġkapiretana Xoteoakori kōtākikarerini, Xoteo ki maneakori pakini, ininiā imakinika ninoa apakġtakana Xesosi iokanatakini. ²² Ininiā apanakini sari kateiamoni apinina iġapani. Txamari apokasaakina iuaā, !auaikana Xesosi iokanatakini. Ininiā iġkanapiriāna auġtetxiakorimoni isāpiretinina iġapani. ²³ Ininiā itxana:

—Ate apokasaaki kateia tore, itotaākapanika. Kateia nġkatakani auanāta itore takote. Txamari itore amatakakasaaki, kākiti !auaika iriko āki —itxana.

²⁴ Ininiā sasetotxi auite apiatakari, Teoso aikote nġkatakani auite, sasetotxiakori pakini kenakoentakasaakiri iġara sākiretxiti:

—Anekani? Nāpa ninoa atxiġti? Kiripa apikomoni auatako? —itxana.

²⁵ Iuasaakiġpeka kiki apoka. Isāpiretana:

—Hġkenakotariko nisākire. Ninoa kikiakori kateia āki hġtakakini Teoso misākiretiko aikoti āki au. Oerekanātarina Teoso sākire kākitimoni —itxana.

²⁶ Ininiā Teoso misākiretiko aikoti nġkatakani auite, iniritiakorikata sari iuaā. Ninoa minana Xesosi iokanatakini iuaġkana auġtetxiakorimoni. Imaġkasaakina, kona iaritatana, kotxi ipġkarina kākiti kai soroā kiporonakinina. ²⁷ Ninoa apokasaaki, ipaniātana Xesosi iokanatakini Xoteoakori kōtākikarerini apisatoō itiminina. Sasetotxi auite apiatakari txana:

²⁸ —Mġtxi ate paniātai Xesosi sākire hġmasāpiretakani kākitimoni. Txamari hōerekapanikari iua sākire ikinimane Xerosareē auakanimoni. Ate xika Xesosi ipina, hġtxanāta ikinimanemoni —itxa sasetotxi auite.

²⁹ Ininiā Petro, apanakini Xesosi iokanatakinkata apakapapiretari:

—Ate kġpitari Teoso paniātakiti. Kona kākiti paniātakitini akġpita. ³⁰ Teoso, aki maneakorini Teosone, ōkitikari Xesosi iuaġkana auini iġapani. Hġtera okari iua Xesosi aamina ipiriāmitakari nopini. ³¹ Iuaritika Teoso takari Xesosi ikikomoni. Itxġkitakari iua auġtetxi ininiua. Kākiti maerekani makatxaākari itxaua. Ininiā Isaeo auakani takanapiniāri imaerekani, Xesosi makatxakari ninoa maerekani. ³² Iġara ate imarota. Apaka Erekari Matamatakoti imarotari iġara. Teoso sikari iua Erekari Matamatakoti isākire kġpitakanimoni —itxa Petro ninoamoni.

³³ Iġara iġkanakotakasaakina, iteene omanākarauatana. Ininiā ninoa:

—Māokana —itxana.

³⁴ Iuasaaki Kamarieo inakori ōkitikaua kōtākikarerini sauaki. Pariseo itxaua. Teoso paniātakiti oerekakari itxaua. Ikinimane paxitari iua. Ininiā iua txari:

—Hanikana naia mapara atenoka asākirauatini iġapani —itxa.

³⁵ Ininiā eereka itxana:

—Isaeo tixini auakanii, hġkitetariko hġkamakiti ninoa Xesosi moianariakorimoni.

³⁶ Akokaxiti auari Teota inakori. Iua txari: “Auġtetxi apiatakari nitxaua nota,” itxa. Iuasaaki koatrosētosu kikiakori moianatari iua. Auikarina iua sākire. Txamari okapeēka iuani. Eereka iuakata sikani iarikape. Iua auġtetxi ininiua xipope. Isākire !auikaākaika.

³⁷ —Teotani ipinaka atoko Xotasi Karirēiakiri apoka. Iuasaaki auġtetxiakori iaōtari ikinimane kākiti. Kaiāopokori kākiti auikari iua Xotasi sākire, ininiā ninoa moianatari iua. Iua Xotasi imoianariakorikata nirekari ixipokinina auġtetxiakori. Txamari iua apaka okapeēka, ininiā imoianariakori iarikape.

³⁸ —Ininiã uatxaikara nõtãkikai hïte: “Hïtakanapanako ninoa Xesosi iokanatakini. Hïsikakanako ninoa, kotxi atxiïti ninoa !ikamari Teoso paniãtakiti, ininiã païtiki ninoa sãkire apaka !auaika. ³⁹ Txamari, ninoa kaminiãri Teoso paniãtakiti, erepaniko, kotxi atxiïti hïnaiatari Teoso” —itxa Kamarieo.

Iuasaaki ninoa Xoteo õtãkikakani kïpitari Kamarieo sãkire. ⁴⁰ Akiritana Xesosi iokanatakini iuaïkana iïroinina. Ipaniãtari ninoa xirokitatiko. Ininiã ninoa:

—Xesosi sãkire kona hïspïretapinikako —itxana.

Eereka sikaka itxana isinina ïkapani. ⁴¹ Isikasaakina, ipoxokoniuatana.

—Teoso apokaerekataua ate, kotxi auiritari amisiritiko Xesosi sãkire aãuikini xika —itxana.

⁴² Ininiã ikiniõtika oerekarauatana Teoso misãkiretiko aikoti ãki, kãkiti aapoko ãki apaka. Isãpïretarina erekari pïrena Xesosi Teoso mereëkiti ininiua pïrena.

6

Setxi Kikiakori Mereïko

¹ Xesosi sãkire auiãkani apiaãpota. Iuasaaki Xoteoakori Kreko sãkire imarotakani taparakienatana apanakini Xoteoakori. Itxana:

—Atekata auakani sitoakoro tikinitakoni kona apakapari nipokori ikiniõtika apanakini tikinitakoni apakapiniri atoko —itxana ninoa.

² Ininiã Xesosi iokanatakini tosi pakini pïkapïretana ikinimane Xesosi sãkire auiãkani. Itxana:

—Kona erekari ate takanapiniri Teoso sãkire aõerekini asikakienarauatini ïkapani. ³ Ininiã setxi kikiakori himereëko, ikara parïkatxi ikaminina ïkapani. Himereëna Erekar Matamatakoti paniãtakitinoka kamakani. Himereëna kimarorerini. Ininiã asikana ia parïkatxi ikaminina, sitoakoro tikinitakoni isikakientinina ïkapani. ⁴ Ininiã atepëkana, Teoso amisãkireta. Isãkire aõereka. Ikaranoka akamako ikiniõtika —itxana.

⁵ Ikinimane Xesosi sãkire auiãkani apokaerekatari Xesosi iokanatakini sãkire, ininiã ninoa mereëri Estevão. Iua iteene auikari Teoso sãkire. Erekar Matamatakoti paniãtakitinokara ikama. Apaka imereëna Pïripima, Porõkoroma, Nikanooma, Tximoma, Pamenama, Nikoraoma pakini. Iua Nikorao Átxiokiakiri itxaua. Mitxi Xoteo minakatiua iua, eereka imamakaua. Xoteopeka itxapekaua. ⁶ Xesosi sãkire auiãkani minana ninoa Xesosi iokanatakini. Ininiã Xesosi iokanatakini misãkiretari Teoso. Iuakona itakana ninoa nopini, ikara Teoso parïka ikaminina tïkane.

⁷ Ikara atoko ininiã, Teoso sãkire iaripïreta apikoxiti. Ininiã mokatanitika kaiãori Xerosareë auakani auikari Xesosi sãkire. Ito sasetotxiakori apaka kïpitari Xesosi sãkire.

Estevão Maïkiko

⁸ Estevão iteene auikari Xesosi sãkire. Teoso posotiire aua iuamoni. Kaposotiireri iua, ininiã ikamari kãkiti mïmarotakinini. Ikamari posotiiretxi, Teoso posotiire oerekini ïkapani.

⁹ Txamari átikaka kikiakori !inirekari iua. Ninoa áti Xoteo apotiïtiniãtaãua aikoti sikani. Ninoa “Ninoaka nireëkiti kamakani” akiritããkana. Ninoa Sïreni sitatxitikini, Arexãtria sitatxitikini, Sïrisia tixinikini, Ásia tixinikini pakini. Ninoa iteene misãkiretakakaua Estevãokata, kotxi !auikarina iua sãkire. ¹⁰ Txamari Estevão sãkirauata atoko, !kasãkireikana, kotxi Erekar Matamatakoti sikaimaroretari iua Estevão. ¹¹ Ininiã ninoa sikari txineiro apanakini kikiakorimoni Estevão apoïtinina ïkapani. Ininiã ninoa txineiro apakapakani txari:

—Ate kenakotari iua, Moisesini imisãkirepïretini, Teoso apaka imisãkirepïretini —itxana.

Txamari na atãoni isãkirena. ¹² Ikara isãkirena xika, kiomãtxiakori, kaiõkatsopareriakori, apanakini kãkiti pakini naiataua, ininiãkara imaïkarina Estevão, kõtãkikarerinimoni anika itxarina iua.

¹³ Eereka iminana apanakini, Estevão imisãkirepïretinina ïkapani. Ninoa txari:

—Ia kiki misãkirepïretapikari Teoso misãkiretiko aikoti. Apaka kona inirekari Moisesi paniãtakiti. ¹⁴ Ate kenakotari iua sãkire: “Xesosi Nasareekiri xipokariko Teoso misãkiretiko aikoti. Ixipokariko aksiomaneakorini sãkire Moisesini paniãtakiti.”

Ikara atoko aãpïrena ikamana ninoa. ¹⁵ Ikinimane ninoa kãkiti õtãkikakani atamatari Estevão toõ. Teoso nitiri iaixitikiri toõ atokokana itxa Estevão toõ.

7

Estevão Sãkirauata Kõtãkikarerimoni

¹ Ininiã sasetotxiakori auite apiatakari txari Estevão:

—Atãokani ninoa sãkire?

² Estevão txari:

—Nikiomaneakori, nitariakori pakini, hīkenakotanoko. Teoso iaxitikiri oerekaua aātokirini Apraāonimoni. Mesopotámia tixini auakasaaki, Araā tixini auini apisapanika, Teoso motika iuamoni. ³ Iuasaaki Teoso txari iua: “Pitakanapariko pitixine, pinirimane pakini. Áti tixinimoni pisako. Noerekinimoni pisako,” itxa Teoso. ⁴ Ininiā sipe itxa Apraāo. Itakanapari Kaotéia inakori tixini. Araā tixinimoni iua sipe. Araā auakasaaki irini ipipe. Irini ipinaka atoko, Teoso mīpiri iua uaimoni uatxa aāuiniātaā. ⁵ Apraāo auakasaaki, Teoso lisikari uai tōpa iuamoni iua nakiti inini ikapani. Kona ipixini metro isika iuamoni inakiti inini ikapani. Isikaenetari uai tōpa iua, imekaniriakori pakinimoni. Txamari !keeneri iua iuasaaki. ⁶ Teoso txari Apraāomoni: “Pamariteni, pimekaniriakori, papika mekaniriakori auako āti kākiti tixine. Iuaārako imisiritapeēkanako koatrosētosi anokanani. Iparīkauatana apanakini ikapani maxikatika. Ininiā iteene imisiritiko aua.”

⁷ —“Ininiākara nimisiritariko ninōa misiritakani. Eereka Apraāo apika mekaniriakori takanapariko iuaā, uaimoni kanapiriā itxanako. Ininiā ikorapokoritī ninōa parīkauatoko nota ikapani,” itxa Teoso. ⁸ Ininiā Teoso txari: “Hite kitsotakariko ikini hamariteni tsiki mata. Ikara nitakaōtxikare hātamatakasaaki, hīxinikariko nisikaenetakiti,” itxa Teoso. Eereka Apraāo ākiri aua, Isaki inakori. Oito ōtipeka auini ōti inakasaaki, Apraāo kitsotakari itsiki mata. Isaki aneēkasaaki, imi Xakoo inakori aua. Eereka Xakoo anaakori auapeka tosi pakini. Ikara tosi imiakori aātokiriakorini iriakori itxauana.

Xosee Pirena

⁹ —Xakoo anaakori xikotari itarina Xosee inakori. Ininiā itariakori vētxitari iua Exito sikanimoni. Iuaritika Teoso auapika iuakata. ¹⁰ Imisiritiko auakasaaki, Teoso moianatari iua imapinakani ikapani. Iuasaaki Exito auakani auite Paraoo inakori. Teoso sikaimaroretari Xosee, ininiā Paraoo potxitari iua, ininiā Paraoo txari iua: “Exito auakani auite pitxauako. Naapoko auakani pinīkata apaka,” itxa Paraoo Xoseemoni.

¹¹ —Eereka makienanixi aua Exito tixiniā, Kanaā tixiniā apaka, ininiā ikinimane natxita. Aātokiriakorini apaka ! auari nipokori. ! Apokari nipokori. ¹² Ininiā Xakoo kenakoenetari triko auini Exito tixini. Ininiā ipaniātana tēsi imiakori Exito tixinimoni isinina. Mitxi !isana Exitomoni.

¹³ —Ininiā iuaīkana āti ōti isana Exitomoni, kienatxi iamotinina ikapani. Iuasaaki Xosee oerekaua ninōamoni. Iuasaaki Paraoo imarotari Xosee nirimane. ¹⁴ Ininiā Xosee pīkapiretari iri Xakoo, itariakorikata, inirimanekata. Setēta sīko pakini kākiti sari Exito tixinimoni, kotxi aua ikinipoko nipokori iuaā.

¹⁵ —Ininiā Xakoo apanakinikata sari Exitomoni. Iuaā mapakanani atoko Xakooni ipipe. Eereka aātokiriakorini ipina iuaātaā apaka. ¹⁶ Ninōa ipīkasaakina, iitona anikapeēka Sikeē tixinimoni. Iuaākiri akauaritiā ikata inapeēkana. Apraāoni auapanika inakasaaki, iamotari iua akauari Emoo ākiriakorimoni.

Moisesi Pirena

¹⁷ —Itixi Teoso sikaenetakiti Apraāomoni kaiamapeka Xoteoakorimoni inakasaaki, kākiti Isaeokini kaiāopokoikana Exito tixiniā. ¹⁸ Itokanani napaka atoko, āti Exito auakani auite Xoseeni mimarotakati aua. ¹⁹ Iua auītēxi misiritari anirimanekorini. Ininiā sotatoakori mixirika itxapena amarini xapitiri. Eereka oka itxapena.

²⁰ —Iuasaakiikara Moisesi iponaniā. Moisesi amarinippanika inakasaakiaua peerepatikiri. Ipi, āti pakini kasiriti iri, inoro pakini nīkatari iua ninōa aapoko. ²¹ Eereka ninōa takanapari iua Paraoo ākero kipaātiniātaāua takote. Ininiā oa apokari iua amarini. Oanikari oaāpokomoni. ²² Exito auakani imarore ikinipoko oerekaāka iuamoni. Kasākireri iua. Kakamareri iua.

²³ —Koarēta anokanani inakasaaki, inirekari inirimane Isaeokini aōkitini. ²⁴ Inirimanemoni isikasaaki, itikari Exito auakari xirokitatiniri kiki Isaeokiri, ininiā ixikatxitari. Iua aritapiri Exito auakari, oka itxapiri iuani. ²⁵ Iuasaaki Moisesi uākatari inirimane Isaeokini imarotiniri Teoso nirekari Moisesi makatxakinina ninōa, Exito auakani mamisiritakanina ikapani. Txamari ninōa ! imarotari ikara. ²⁶ Apikomoni āti ōti, iua sari inirimanemoni. Iuaā iua apokana ninōa neenamauanātini, inaiapoatakakauana. Ininiā Moisesi ōtākikana ninōa. Itxana: “Kikiakori hītaritakakaua. Kinirepa himisiritakakaua?”

²⁷ —Inirimane misiritakari katika txari Moisesi: “Kipa txai pite ate auite pininiua? Kipa txai pite ate ōtākikakari pininiua? ²⁸ Kita Exitokirini pokini atokokana pokatanoko nota?” itxa. ²⁹ Ikara sākiretxiti ikenakotakasaaki, Moisesi takanapari Exito tixini. Mitxiaā tixinimoni isa. Iuaā itanorouata. Ipi imiakori aua iuamoni.

³⁰ —Koarēta anokanani āparaā makipakaniātaā iua aua iuasaaki. Teoso nitiri iaxitikiri motika Moisesimoni ixirata Sinai inakoriātaā. Iuasaaki iua atamatari aanaia tirinini, txama ! arika. ! Ixipoka. ³¹ Ikara itikasaaki, Moisesi tsorīkaāta, ininiā aanaia

takote isa iteene atamatini íkapani. Iuusaakipeka ikenakotari Apiananiri sákirauatini: ³² “Pikiomaneakori Teosonekarano nota. Apraão, Isaki, Xakoo pakini Teosonekarano nota,” itxa Teoso. Iuusaaki Moisesi kikananaka ipíkare xika. Ipíkari Teoso sákirauatini manapi atamatini.

³³ —Ininiã Apiananiri txari iua: “Pikitimata pimakatzaka, kotxi uai pitiminiãtaã nota auanãta. ³⁴ Nitikana ninakitiakori Exito tixiniã. Exito auakani misiritapena ninoani. Nikenakotari oókinina. Nota inari nisikakinina íkapani. Ininiãkarako Exito tixinimoni niokanatai pite,” Apiananiri txari Moisesi.

³⁵ —Iua Moisesi Isaeokini manirekakiniti, kotxi ninoa txari: “Kípa txai pite ate auíte pininiua? Kípa txai pite ate ótáikakari pininiua?” itxarina. Iuakara Teoso iokanatakiti ninoamoni ninoa auíte ininiua íkapani, ninoa imakatzakini íkapani, kotxi Teoso nitiri aanaiaã tirinakariã auakari iokanatarí iua ninoamoni.

³⁶ —Eereka iua makatzakana ninoa Exito tixini. Oerekari Teoso posotiire kákiti maposotakiniti Exito tixiniã. Oerekari Teoso posotiire potxoari uiniti, Pókamari inakoriã. Áparaã makipakaniãtaã apaka oerekari Teoso posotiire koarêta anokanani iuaãtaã.

³⁷ —Ia Moisesikara sápiretana Isaeokini: “Teoso iokanatariko isáikire sápiretakari hîtemoni nota iokanatini atokokana. Hîte nirimanekara iua. Hîkenakotariko iua sáikire,” itxa Moisesi. ³⁸ Moisesi aua Teoso nakitiakorikata áparaã makipakaniãtaã. Aátokiriakorini aua iuakata. Apaka Teoso nitiri iaxitíkiri aua iuakata. Iua Teoso nitiri misáikiretari Moisesi ixirata Sinai inakoriãtaã auakasaaki. Iua apakapari Teoso sáikire, atemoni isikini íkapani. Iua Teoso sáikire txíkitakari iua sáikire auiãkani átipirika auini Teosokata.

³⁹ —Aátokiriakorini kona nirekari iníkaenetinirina Moisesi sáikire. Inirekarina iua. Inirekarina Exitomoni ikanapiriinina. ⁴⁰ Iuusaaki ninoa paniãtari Arão: “Teosoakori kamakoni pikaminaua, ate mîikiakani tîkane. Íkora Moisesi Exito tixini amakatzakakiri, ítapari iua? !Aimarotari iua auiniãtaã,” itxarina Arãomoni. ⁴¹ Ininiã ninoa kamari kema auíte ákiri atoko inakari oro kamakori iteosonetinina íkapani. Eereka okarina soti auíte teoso ikamakitina isikinina íkapani. Kiiniri ikamana. Ipoxononuatana, kotxi ninoaka kamari iteosonena. ⁴² Txamari Teoso atoko inakari takanapana ninoa. Ininiã iteosonetarina iaxiti auakani ióriki, kasiri, atokatxi pakini. Teoso sáikire sápiretakani kitxakapiríka iókatsoptari ia sáikiretxiti:

Hîte Isaeokini, koarêta anokanani áparaã makipakaniãtaã hãuakasaaki, Ihókari pirãtxi nota íkapani.

⁴³ Iuusaaki hîte anikari papiri aamata kamakori hîteosone Moroki inakori íkapani. Apaka ióriki atoko inakari hîteosone Hêpaã inakori hîkamakiti hanika hîtekata iuusaaki. Hîte kamari Moroki, Hêpaã pakini hîteosonetini íkapani. Ikara xika nota iokanataiko hîte áti kákiti tixinemoni. Papirónia sitatxiti apikoxiti niokanatai hîte.

Teoso Papire Pirena

⁴⁴ —Aátokiriakorini auari papiri aamata kamakori Teoso misáikiretiko papire áparaã makipakaniãtaã auakasaakina. Moisesi kamari iua papiri Teoso paniãtakiti iaóka, kotxi Teoso oerekari Moisesi iua papiri kamiko. ⁴⁵ Moisesi ipinaka atoko apanakini aátokiriakorini apakapari iua papiri írina sikakiti. Ininiã iuusaaki ninoa anikari iua papiri, Xosoeekata isikasaakina, áti uãka tixine imixirikasaakina, kotxi Teoso omitikana ninoa áti uãka, aátokiriakorini apokasaaki iuaã. Iua papiri kaikota iuaã. Auapanika iuaã Tavii aátokiriakorini auíte inakasaakia. ⁴⁶ Teoso apokaerekatarí Tavii, ininiã Tavii nirekari Xakoo Teosone misáikiretiko aikoti ikamini. ⁴⁷ Txama Teoso !auiritari Tavii kaminiri. Ininiã Saromão, iua ákiri kamari Teoso misáikiretiko aikoti.

⁴⁸ —Teoso Apiananiri kona aua aapokotxi kákiti kamakiti áki, kotxi Teoso sáikire sápiretakari kitxakapiríka txari:

⁴⁹ Apiananiri txari: “Niitopákiniaãtaã iaxiti itxa. Itixi nikiti nitakiniãtaã. Ininiã kanatokopa itxa aapokotxi hîkamini nota íkapani? Namonipa nauiniãtaã?”

⁵⁰ Kotxi notakara kamari ikinipoko,” itxa.

Erekari Matamatakoti Manirekakani

⁵¹ Estevão sákirauatapanika:

—Hîte kona kinirão kenakotaka txari Teoso sáikire. Hîtsiki mata kisauakaãkapitika, txamari kona hîkenakotari Teoso sáikire hãixinireê. Átipirika kona hinirekari Erekari Matamatakoti paniãtakiti hîkamini. Hátokiriakorini kitxakapiríka atokotxikana hîte.

⁵² Hátokiriakorini misiritana ikinimane Teoso sáikire sápiretakani. Ninoa okana iua sáikire sápiretakani, Erekarinoka Kamakari sápiretakani. Ninoa Teoso sáikire sápiretakani sápiretari Erekarinoka Kamakari áti óti uai apokini. Íkoraasaaki hîtera mîkapiritari iua. Hîtera okari iua

Erekarinoka Kamakari. ⁵³ Hītekara apakapapekari Teoso sākire Teoso nitiriakori mūkiti. Iuaritika Ihīkamari ipaniātakiti —itxa Estevão.

Estevão Kīporonakiko

⁵⁴ Xoteoakori kenakotakasaakiri Estevão sākire, omanākarauatana. Akatsakatsirīūtauna omanākarena xika. ⁵⁵ Iuaritika Erekarī Matamatakoti iteene sikataparaxiniretari Estevão. Iuasaaki iua ionakaāta laxiti. Atamatari Teoso iotximere. Atamatari Xesosi timini Teoso kikomoni. ⁵⁶ Ininiā itxa:

—Hātamata. Natamatari iaxiti xorekini. Aītari iaxitikiri tima Teoso kikomoni —itxa Estevão.

⁵⁷ Iuasaaki Xoteoakori totari ikenakokina iuakoāna. Iteene ninoa akiripoakata. Eereka ninoa ikinika miteka iuamoni. ⁵⁸ Imaīkarina. Ikosekaāpotarina sitatxi mapotōkire. Iuaātaā ipotorikana ikiporonakinirina iua kai soroā. Iuasaaki itikarauatakani takari imākana Saoro inakori kiti takote inīkatini ikapani. ⁵⁹ Ikiporonakasaakirina, Estevão akiritari Teoso. Itxari:

—Apiananiri Xesosi, papakapariko nixinire.

⁶⁰ Iuasaaki ikapotoreēkaua. Itaparasākireritika akiritari Teoso:

—Apiananiri, pimaxinīkaretariko ia maerekati ninoa kamakiti —itxa.

Iuasaakipeka ipīpe.

8

Xesosi Sākire Auiākani Misiritiko

¹ Estevão ipīkasaaki Saoro aua iuaā.

—Ari erekapitikari ipinini —itxa Saoro.

Estevāoni ipinini ōtsaakipeka ipotorika Xesosi sākire auiākani misiritiko Xerosareē. Ninoa iteene misiritaāka, ininiā ikinimane Xesosi sākire auiākani Xerosareē auakani iarika itxapena. Xotéia tōpamoni, Samaria tōpamoni pakini iarikana. Xesosi iokanatakininoka kaikota Xerosareē. ² Estevão ipinaka atoko kikiakori Teoso sākire auiākani katari iuani. Iteene itxiapatana. ³ Iuasaaki Saoro potorika ixipokinina Xesosi sākire auiākani. Ninoa aapokomoni isaāpota. Kikiākini, sitoakoro apaka ikosekaītota, taka itxana kateia āki.

Piripi Samariamoni Sini

⁴ Teoso sākire auiākani iarikasaaki, isāpiretarina Teoso sākire ikini aapokotxitiā. ⁵ Piripi sari Samaria sitatxitimoni. Iuaā iua sāpiretari kākiti Xesosi Teoso mereēkiti ininiua. ⁶ Isākire ikenakotakasaakina, posotiiretxi ikamakiti itikasaakina, iteene ikenakotarina isākire. Imixinikarina isāpiretakiti. ⁷ Maerekani matamatakoni kākiti auaītotakini takanapari kākiti. Akiripoakatana ipokīkasaakina. Kaiāopokori matīpokotakani apaka makananitaāka. ⁸ Ininiā Samaria auakani iteene poxokoniuata.

Miiti Simão Inakori

⁹ Iuasaaki Samaria sitatxitiā aua kiki Simão inakori. Miiti itxaua iua. Imisirienetana kākiti Samaria auakani. Ininiā ikinimane tsorīkaāta, ikamakiti atamatakasaaki. Iua iuikaua.

—Kimaroreno nota —itxa.

¹⁰ Ininiā ikinimane kīpitari iua sākire. Auītetxiakori, poiāorini pakini kīpitari isākire. Ininiā itxana:

—Iua Simão auari Teoso posotiire. Kaposotiireri iua —itxana.

¹¹ Ininiā ikīpitarina isākire, kotxi itokatapeka itikarina ikamakiti kākiti mimarotakiniti. ¹² Ninoa auikasaakiri Piripi sāpiretakiti erekari pirena, Teoso auītetxi ininiāua pirena, Xesosi Kristo posotiire pirena pakini, kikiakori, sitoakoro apaka patxisataāka. ¹³ Iuasaaki Simão apaka auikari. Ipatxisataāka. Ininiā isari Piripi sinimoni, kotxi itsorīkaāta, posotiiretxi kākiti mimarotakiniti itikasaaki.

¹⁴ Xesosi iokanatakinī Xerosareē auakani kenakopiretari Samaria auakani auikiniri Teoso sākire. Ininiā ninoa iokanatarī Petro, Xoão pakini Samariamoni. ¹⁵ Iuaā apokasaakina, imisākiretarina Teoso, Erekarī Matamatakoti isākire auiākani apakapini ikapani. ¹⁶ Erekarī Matamatakoti kona apokapanika ninoamoni iuasaaki. Apiananiri Xesosi uākaānanira ipatxisataākana. ¹⁷ Ininiā Petro, Xoão pakini takari iuakona ninoa nopini. Iuasaakipeka apakaparina Erekarī Matamatakoti.

¹⁸ Simão itikasaakiri Erekarī Matamatakoti apokini kākitimoni, kinirāo sikaka itxaro txineiro Petro, Xoão pakinimoni. ¹⁹ Ininiā itxa:

—Ikora hīposotiire hīsikano, niuako kākiti nopini nitakasaaki, Erekarī Matamatakoti ninoamoni apokini ikapani —itxa.

²⁰ Txamari Petro txari:

—Pite, pitxineirotekata samakauako, kotxi pite uákatari pitxineirote iamotiniri Teoso posotiire. ²¹ Kona xapiti pitemoni auapani ia paríkatxi, kotxi pákixinire na atão Teoso apisatoõ. ²² Ininiã pitakanapariko ikara pimaerekani. Pamanaári Apiananiri pimaerekani imakatzakini íkapani. Atxiíti iua maxiníkaretari pixinikakiti pákixinireê. ²³ Nota imarotai pite. Pákixinireê xápoákata maerekatinoka. Pimaerekani maíka. !Auiritai pisini pinirekini-moni —itxa Petro.

²⁴ Ininiã Simão apakapapiretari:

—Pimisákiretariko Teoso nota íkapani. Ikara atoko pisápiretakiti na ninireka —itxa Simão.

²⁵ Petro, Xoão pakini sápiretari Xesosi kamakiti ninoa íkapani. Isápiretarina Apiananiri sákire. Eereka ikanapiriána Xerosareêmoni. Ikanapiriaápotakasaakina, isápiretarina Teoso iokanapirena erekari kaiáopokori aapokotxi auakanimoni Samaria tópa.

Piripi Etxiópeziakirikata

²⁶ Eereka Apiananiri nitiri iaxitikiri misákiretari Piripi:

—Paiamatako. Atokatxi pokíkinimoni pikíkomoni pisako. Pisa kimaporimoni, áparaã makipakaniátaã. Iua kimapori Xerosareê Kasa tixinimoni sikari.

²⁷ Ininiã aiama, sipe itxari. Ipixinipokoriti aókitari Etxiópezia tixinikiri. Etxiópezia auakani auíte ótákkikakari itxaua. Paimatireri iua. Ikinimane kamari iua paniátakiti. Etxiópezia auakani auíte sito Kátasi inakoro. Kaiáopokoro otxineirote, otíi pakini. Iua kiki paríka ikinipoko oa nakiti níkata oa íkapani. Mitxi iua sari Xerosareêmoni Teoso imisákiretini íkapani. ²⁸ Ikanapiriákasaaki, mitekaí áki iitopákasaaki, atatsopatarí Isaía iókatsopatakiti. Isaía Teoso sákire sápiretakari kitxakapiríka. ²⁹ Iuasaaki Erekari Matamatakoti txari Piripi:

—Pisa okira mitekaímoni. Pikaikota oa takote.

³⁰ Ininiã Piripi miteka íuamoni. Ikenakotakasaakiri Isaía iókatsopatakiti atatsopatiní, Piripi pimaári:

—Pimarótatari ere patatsopatakiti? —itxari.

³¹ Ininiã iua:

—Natokopa ininiãpa nimarotari? Kipa oerekano? —itxari.

Ininiã aiatarí Piripi mitekaí áki iuakata iitopákini íkapani. ³² Iua iókatsopatarí ia Teoso sákire:

Soti auíte okikomoni anikiko atoko itxa iua. Soti auíte ákiri piti kisauakikosaaki, !kasákireri iua. Iua soti auíte ákiri atoko itxa iua, kotxi iua apaka !kasákireri.

³³ Inapetaáka iua. !Atáoni kákiti kama iuamoni. Okaákape. !Auari iua ákiri.

Ikara atoko itxa Teoso sákire, Isaía iókatsopatakiti.

³⁴ Ininiã iua Etxiópezikiri pimaári Piripi:

—Pisápiretano, natokopa itxa Teoso sákire sápiretakari sákire? Kipa soti auíte atoko inakari? Kipa okaáka? Iuakani? Átikani?

³⁵ Ininiã Piripi oerekari ikara Teoso sákire iókatsopatakori.

—Xesosira ikara atoko inaáka —itxa.

Ininiã apikomoni isápiretari Teoso iokanapirena erekari, Xesosi pirena.

³⁶ Isaápotakasaakina, apokana áparaã auiniátaã. Ininiã iua kiki txari:

—Uai aua áparaã. Apakata nipatxisatiko?

³⁷ Ininiã Piripi txari iua:

—Apakatapitika pipatxisatiko iteene pauikiniári Xesosi sákire pákixinireê.

Ininiã iua apakapapiretari:

—Nota auikapitikari Xesosi Teoso mereékiti, Teoso ákiri ininiãua.

³⁸ Ininiã iua Etxiópezikiri paniátari mitekaí anikakari iotokini. Iuasaaki Piripi, iua Etxiópezikiri apaka katxaka, imaáta itxana. Ininiã Piripi patxisatarí iua kiki.

³⁹ Ikanikíttakasaakina, Erekari Matamatakoti anikari Piripi. Ininiã iua kiki kona amataikari Piripi. Ininiã iápotapitipo. Ipoxononinoka itxa. ⁴⁰ Iuasaaki Asoto sitatxitipeka itokiá Piripi. Isaápotakasaaki, ikinika aapokotxitíi isápiretari Teoso sákire. Teoso sákire isápiretiniritika Sesaréia sitatxitimoni apokako.

9

Saoro Auikiniri Xesosi Sákire

(Átosi 22.6-16; 26.12-18)

¹ Iuasaaki Saoro okaenetapikana Apiananiri sákire auíákani. Ininiã iua sari sasetotxi auíte apiatakarimoni. ² Amanaári aátsopa Saoro paríka sápiretiko aátsopati. Iua nirekari sasetotxi auíte iókatsopatiniri ikara, Saoro anikini íkapani. Inirekari isikiniri iua aátsopa ikinika aiko Xoteo apotiitiniátaáua níkatanimoni Tamásiko sitatxiti, kotxi Saoro nirekari imaíkinina Xesosi sákire auíákani, kikiakori, sitoakoro pakini, Tamásiko sitatxitíi apokakini. Inirekari anikinina Xerosareêmoni.

³ Iua apokaãpotakasaaki Tamásiko sitatxitimoni, katimaritika iotximeretxi iaxitikiri ákitari. ⁴ Irika xitipe. Ininiã ikenakotari sáikiretxi:

—Saoro, Saoro, kinirepa pimisiritano? —itxa ikenakotakiti.

⁵ Ininiã iua:

—Kiriparai Apiananiri?

Ininiã:

—Xesosira nota. Pimisiritakitikarano —itxa Xesosi.

⁶ Ikikinana, iteene ipíkarauatiniã.

—Apiananiri, kipa pinireka nikamini? —itxa.

Ininiã Apiananiri:

—Pókitikaua, sitatxi pisa. Iuaã áti sápiretai pikamakiti tíkane —itxa Xesosi.

⁷ Imoianariakori iotoka. Ipíkarauatana. Masákireninoka itxana. Ninoa kenakotari iaxitikiri sáikire, txamari !atamatarina.

⁸ Eereka Saoro ókitikaua, xorekaáta itxa, txamari imosiãretapeka iua. Ininiã imoianariakori anikari iua. Ikanópiãpotarina Tamásikomoni. ⁹ Ipi, áti pakini óti mósiãretika itxa. Iuasaaki linipokota. !Iáta.

Ananíasi Makananitiniri Saoro

¹⁰ Tamásiko sitatxiti aua kiki Xesosi sáikire auiákari, Ananíasi inakori. Iuasaaki Teoso sákirauata Ananíasikata itaponemoni. Itaponeã Apiananiri akiritari iua:

—Ereëkai Ananíasi —itxa.

Ininiã:

—Uaikarano nota, Apiananiri —itxari Teoso.

¹¹ Apiananiri txari:

—Paiamatako. Kimapori Eretika ápori kimaporitimoni pisako. Xotasi aapokomoni pisa. Iuaã pinitari Taaso sitatxitikiri Saoro inakori. Uatxiikara isákirauanáta notakata. ¹² Saoro taponetai pite. Iua atamatai pite apokini uamoni, piuako inopini pitakini íkapani uaiákana kósiãrepeka inini íkapani —itxa Teoso.

¹³ Ininiã Ananíasi:

—Apiananiri, kákitipokoni sápiretano ikara kiki pirena. Pamonókoniri iua. Imisiritapekana pite nakitiakori Xerosareë sitatxiti auakani. ¹⁴ Sasetotxiakori auíte paniátari iua imákinina piuáka akiritakani uai Tamásiko sitatxiti auakani —itxa Ananíasi.

¹⁵ Ininiã Apiananiri txari:

—Pisako uamoni. Nota mereëpekari iua kiki, nota paríka ikamini íkapani. Iua sápiretariko nota sáikire Xoteo minakonimoni, auíteaxiakorimoni, Isao tixini auakanimoni pakini. ¹⁶ Noerekariko Saoro iteene atatsiirauatini nota sáikire auikini xika —itxa Teoso.

¹⁷ Ininiã Ananíasi sari Xotasi aapokomoni. Íroã. Eereka iuako itaka Saoro nopini.

—Nitari Saoro, Apiananiri Xesosi, paókitakitira kimaporí, iuara iokanatano nota pite-moni kósiãrepeka uaiákana pinini íkapani. Iokanatanota pitemoni Erekari Matamatakoti papakapini íkapani —itxa.

¹⁸ Iuasaakipeka oki nopini auakari katxaka. Ximaki táta atoko itxa. Kósiãrepeka itxa. Eereka ókitikaua. Iuasaaki ipatxisataáka. ¹⁹ Inipokotaka atoko, itapara auapeka.

Saoro Tamásiko Sitatxiti Auakasaaki

Saoro kaikota Tamásiko mapaóti Xesosi sáikire auiákanikata. ²⁰ Iua sari aiko Xoteo apotitiniátaáua. Iuaã oerekarauata. Oerekari Xesosi Teoso ákiri ininiãua. ²¹ Isáikire kenakotakani tsoríkaáta.

—Iua Saoro okana Xesosi uáka akiritakani Xerosareë auakani. Iua ina uaimoni Xesosi uáka akiritakani imákinini íkapani, sasetotxi auíteakorimoni anikinina íkapani —itxana.

²² Saoro oerekarauatakasaaki, imaroápotari Teoso imarore. Teoso sikaposotiireápotari iua. Ininiã iteene imarotari Teoso sáikire, apanakini oerekini íkapani. Iua atoko ininiã, itaparaxinireritika oerekari Xoteoakori Tamásiko sitatxiti auakani Xesosi Teoso Mereëkiti ininiãua. Ininiã ninoa !imarotari apakapapiretinirina iua.

²³ Mapaóti atoko Xoteoakori sákirauatakaka Saoro okinina íkapani. ²⁴ Saoro sápiretaáka Xoteo ámatapeka okinirina iua. Ninoa iátapapikari sitatxi íronakikoáta okinirina tíkane. Íkanóka, pokamara iátaparina iua.

²⁵ Iuasaaki íkanóka Xesosi sáikire auiákani anikari iua sitatxi pirikeremoni. Iuaã Saoro ieretakaua kotari áki. Pirikeri sonaã iokatxakarina Saoro kotari áki sitatxi mapara. Iposo atoko imiteka Xerosareëmoni.

Saoro Xerosareë Apokini

²⁶ Saoro apokasaaki Xerosareë, inirekari Xesosi moianariakori imoianatini. Txama íkinikana píkarari iua. Kona !auiritarina iua moianatinina ninoa, kotxi !auikarina iua

atão auikini Xesosi sákire. ²⁷ Iuaritika Panapee anikari iua Xesosi iokanatakinimoni. Isápíretana ninoa:

—Kímaporiã isikasaaki, Saoro aõkitari Apiananiri. Apiananiri misákiretari iua. Tamásiko sitatxiti auakasaaki, itaparaxinireritika isápíretari Xesosi sákire kákitimoni —itxa Panapee.

²⁸ Panapee sákire ikenakotakasaakina, auikarina Saoro sápiretakiti. Ininiã Saoro kaikota Xerosareë Xesosi sákire auíãkanikata. Inirekinimoni isa Xerosareë. Isinimoni itaparaxinireritika isápíretari Apiananiri Xesosi sákire. ²⁹ Isákirauata Xoteoakorikata, Kreko sákire imarotakanikata. Inirekarina ninoa imarotiniri Xesosi sákire. Txamari inirekarina okinirina iua. ³⁰ Iuasaaki Xesosi sákire auíãkani imaropíretari ninoa okaenetiniri Saoro, ininiã anikarina sitatxi Sesaréia inakorimoni. Eereka iokanatarina iua Taaso inakori sitatxitimoni.

³¹ Iuasaaki Xesosi sákire auíãkani ! imisiritaãkaika. Xotéia tópa, Kariréia tópa, Samaria tópa pakini ! auaika Xesosi sákire auíãkani misiritiko iuasaaki. Erekari Matamatakoti sikataparaxiniretana ninoa. Kákiti itoãpotari auikini Xesosi sákire. !Ikamarina maerekati, kotxi iteene ipíkarina Apiananiri.

Enéias, Tókasi Pakini

³² Petro íanaxítitakasaaki, iua sari Teoso sákire auíãkanimoni Arita sitatxiti auakanimoni. ³³ Iuaã aõkitari kiki Enéias inakori. Iua matípokotakati itxaua. Oito anokananipeka ! õkitikaua. ³⁴ Petro txari iua:

—Enéias, Xesosi Kristo makananítai. Põkitikaua. Piapirikari pisirimata —itxari matípokotakati.

Iuasaakipeka õkitikaua. ³⁵ Ikinipoko Arita sitatxiti auakani, Sarõ sitatxiti auakani pakini atamatarí iua Enéias, ininiã itakanaparina imaerekanina. Iníkapíretarina Apiananiri sákire.

³⁶ Áti sitatxiti Xopi inakoriã oãua sito Teoso sákire auíãkaro, Tapita inakoro. Kreko sákireë ouãka Tókasi otxaua. Oa kamapikari erekari. Omoianatana matxineiroteni.

³⁷ Arita auakani auíkasaakiri Apiananiri sákire, oa Tókasi amianata. Eereka oani opípe. Opípeka atoko, arokaítotaroná, taka itxarina oíto itanokiri koaã. ³⁸ Xopi sitatxiti Arita sitatxiti takote, ininiã Xesosi sákire auíãkani Xopi sitatxiti auakani kenakoenetari Petro Arita sitatxiti auiniã, iokanataná ipi kiki Petromoni, apinirina íkapani. Iokanapíretana:

—Pinapokako uai. Katima pitxako —itxana.

³⁹ Ininiã Petro aiamata. Ninoakata isa. Iua apokasaaki, anikarina itanokiri koaã. Ikinipoko tikinitakoni txiapanãta Petro takote. Ninoa oerekari Petro mákatxi Tókasini kamakiti ninoa íkapani oãuakasaaki. ⁴⁰ Ininiã Petro iokanataná ninoa mapara. Eereka íkapotoreëkaua. Isákirauata Teosokata. Eereka oamoni ikirioka. Itxaro:

—Tapita põkitikaua.

Iuasaakipeka xorekaãta otxa. Oãtamatakasaakiri Petro, oitopãka. ⁴¹ Ininiã imaíkaro ouako oõkitikiníua íkapani. Eereka iua akiritana Xesosi sákire auíãkani, tikinitakoni pakini, oa auãki onini oerekini íkapani.

⁴² Ikini Xopi auakani imaropíretari Tókasi iuaíkana auãki onini, ininiãra itomaneri kákiti auikari Apiananiri sákire. ⁴³ Petro kaikota iuaã Xopi sitatxiti mapaõti. Iua kaikota Simão inakorikata. Iua Simão aamata kamakari.

10

Konério Tapone Pirena

¹ Iuasaaki Sesaréia sitatxiti aua kiki Konério inakori. Áti uãka iua. Homano itxaua. Seí pakini sotato auíte iua. Kákiti akiritana ninoa sotatoakori Itáriakini. ² Iua Konério kamari Teoso sákire iaõka. Iua, íkinipoko aapoko auakaníkata paxitari Teoso. Imisákiretapikari Teoso. Isikana matiitimoni inirekakitina. ³ Áti õti kikatapeka inakasaaki itaponeuata. Itaponeë itikari Teoso nitiri apokini iuamoni. Itxari:

—Konério —itxa.

⁴ Teoso nitiri atamatakasaaki, ipíkarauata.

—Apiananiri, kipa pinireka? —itxa Konério.

Ininiã Teoso nitiri txari:

—Teoso kenakotapekari pisákire iuamoni. Itikapekari pisikarauatini matiinimoni. Teoso xinikapítikai. ⁵ Ininiãkara átikaka kikiakori piokanata Xopimoni Simão Petro uaimoni imininina íkapani. ⁶ Iua kaikota áti Simãokata, aamata kamakaríkata. Iua aapoko potxoari uinití takote aua. Iua Simão Petro sápiretaiko pikamakiti tíkane —itxa Teoso nitiri.

⁷ Eereka iua Teoso nitiri sipe. Iposo atoko Konério akiritana ipi initiriakori, átika isotatone pakini. Iua sotato kamari Teoso sákire iaõka. Iua auapika Konériokata, inireékiti ikamini tíkane. ⁸ Ininiã Konério sápiretana ninoa íkinipoko Teoso nitiri sápiretakiti. Iposo atoko iokanataná Xopimoni.

Petro Tapone Pirena

⁹ Katimatiniŋkata Konério iokanatakini potorika. Apaniãxiti inakasaaki ninoa apokaãpota sitatxi Petro auiniãtaã. Iuasaaki Petro kanikauata aapokotxi nopini Teoso imisãkiretini İkapani.

¹⁰ Iuasaaki Petro natxita. Inirekari inipokotini. Nipokori kamikosaaki, itaponeuata. ¹¹ İtaponeë atamatarı iaxiti xorekini. Aamata mitamatarı katxakaãpota iuamoni. İmapotomatare ipi ipi pakini iaxirikaãka. Iua aamata katxaka xitimoni. ¹² Iua aamata ãki aua ikini sereti kaxipirini. Aua pirãtxi. Aua İtopa auakani. Aua imini. Aua araãkani. ¹³ İniniã Petro kenakotari itanokiri sãkirauatini:

—Petro, pãkitikaua. Pokari ia, pinikini İkapani —itxari Petro.

¹⁴ Petro Xoteo itxaua, ininiã kona ikinika İnika. İniniã Petro txari:

—Konapitini Apiananiri. Kona ninikari ikinipoko naia kaxipirini. Manaiatini. Pamininiri —itxa.

¹⁵ Iuaãkana itanokiri sãkirauata:

—Nota oeretakiti kona kamininiri kona pitxape —itxa.

¹⁶ İpi, ãti pakinikata iua aamata katxaka ikara atoko. İposo atoko ikanıŋkaxitita Teoso tixinemoni.

¹⁷ İniniã Petro ãkixinireë ixinikaxitita:

—Kanatokopa itxa ikara nitapone?

Iuasaakipeka Konério iokanatakini apokapekari Simão aapoko. Apokana Simão aapoko toremoni. ¹⁸ Akiritana:

—Ereëkai. Simão Petro uai aua atxıiti? —itxana.

¹⁹ Iuasaaki Petro xinikapanikari itapone. Erekarı Matamatakoti txari:

—İkiraãkarana ipi, ãti pakini kãkiti nitanãtai. ²⁰ Pãkitikaua. Pikatxaka xitimoni. Pisa ninoakata, kotxi niokanatanana ninoa uaimoni —itxa Erekarı Matamatakoti.

²¹ İniniã Petro sari Konério iokanatakınimoni:

—Notakara hıte nitanãta. Kipa İkai hıte?

²² Ninoa apakapapiretari iua:

—Konério, aãuıte iokanataua ate. Erekarı iua. İkamari Teoso sãkire iaõka. İkinipoko Xoteo apokaeretari iua. Teoso nitiri iaxitikiri paniãtari iua pite akiritini, pisãkire ikenakotini İkapani —itxana.

²³ İniniã Petro:

—Hıiroã. Uai himaka —itxa.

Konério Aapoko Auakasaakina

Katimatiniŋkata Petro sari ninoakata. Apanakini Xesosi sãkire auiaãkani Xopikini sari apaka. ²⁴ Katimatiniŋkata apokana Sesaréia sitatxiti, Konério auiniãtaã. Iua Konério apoti-itapekana inirimane, aõkimanere pakini Petro iãtapinina İkapani. ²⁵ Petro İroãkasaaki Konério aapoko, iua aõkitari Konério. Iuasaaki Konério kapotoreëkuaa Petro apisatoõ. ²⁶ Txamari Petro txari iua:

—Pãkitikaua. Kiki pite atoko inakarikarano nota.

²⁷ İsãkirauatakasaakina, Petro İroã. Aõkitari ito kãkiti apotiitakaniua. ²⁸ İniniã itxana:

—Hıte imarotari ate kiomaneakorini !auiritari Xoteo moianatiniri ãti uãka. !Auiritãka ate İroini hıte atoko inakari aapoko. İuaritika Teoso txano nota: “Na pakiritapiri ãti uãka kanaıari,” itxano. ²⁹ İniniã hıte pıkapiretakasaakino nota, nimarotari atão nisini hıtemoni. İniniã, kinirepa hıte apakıtakano nota? —Petro txari Konérioimoni.

³⁰ Konério apakapapiretari:

—İpi, ipi pakini õti apisapanika nauanãta naapoko. Iuasaaki kona ninikari nipokori, Teoso nimisãkiretini İkapani. Kikatapeka inakasaaki, nimisãkiretakasaakiri Teoso, katimaritika kiki tokiã nota apisatoõ. Pomëkoriri imãka. ³¹ İtxano: “Konério, Teoso kenakotapekari pamanaãkiti. İxinikari pisikarauatini matiinimoni. ³² Ætikaka kiki piokanata Xopi sitatxitimoni Simão Petro inakori uaimoni imininina İkapani. Iua aua ãti Simãokata, aamata kamakarıkata. Simão aapoko potxoari uiniti takote.” ³³ Iuasaaki nota apakıtakai pite. Peerekari papokini atemoni. Uatxa ate uai aua Teoso apisatoõ Teoso paniãtakiti pitemonikiri akenakotini İkapani. İniniã pisãpiretauako —itxa Petromoni.

³⁴ İniniã Petro txari:

—Uatxa nimarotari atão inakari. Teoso sikari erekarı ikininapemoni. Inirekarı ikini uãka apokini iuamoni, inakitiakori ininiuana İkapani. ³⁵ Teoso apakapari ikini itixiti auakani, iua paxitakani, atão inakari kamakani. Apakapari Xoteoakori. Apakapari Xoteo minakaniua apaka. ³⁶ Himarotari Teoso iokanapirena İsaëo auakanimoni. İkara erekarı pirena sãpiretaua Xesosi Kristo xipokari Teoso omanatiniri kãkiti imaerekani xika, kãkiti erekaxinire inini İkapani. İkinimane auıte itxaua Xesosi. ³⁷ İkara Teoso iokanapirena

himarota, kotxi iaripireta ikini Xotéia tōpa. Merepitipanika iaripireta Kariréia tōpa, Xoõo patxisarauataka atoko. ³⁸ Himarotari Xesosi Nasareekiri pirena. Himarotari Teoso sikari Erekarí Matamatakoti iuamoni. Iteene isikaposotüiretari iua. Ikini tōpati isa erekari ikamini ikapani. Imakananitana Satanasi misiritakini, kotxi Teoso aua iuakata. ³⁹ Ateka itikari ikinipoko ikamakiti Xoteoakori tixine iua auakasaaki, Xerosareë sitatxiti auakasaaki apaka. Eereka aamina Ipiriãmitakari nopini ninoa okari iuani.

⁴⁰ —Iuaritika ipi äti pakini õtisaaki Teoso õkitikari iua. Iuaka oerekaui kãkitimoni ipipekariika iuaikana aua inini. ⁴¹ Kona ikinipokoni atamatari iua. Teoso mereëkininanira atamatari iua. Iuaritika kaiãori iua atamatakani. Ininiã ate atamatari iua. Iua õkitikaua atoko ate nipokota, iãriã aãta iuakata. ⁴² Iokanataua ate Teoso sãkire asãpiretini ikini kãkitimoni. Teoso mereëri iua, kãkiti misiritiko mereëkari ininiua ikapani. Auãkipanika inakani, ipikani pakini misiritiko mereëkari itxaua. ⁴³ Ikinipoko Teoso sãkire sãpiretakani sãpiretari iua pirena. Ninoa txari: “Iua sãkire auãkani maerekani makatxakaãka” —itxa Petro.

Xoteo Minakanuia Patxisatiko

⁴⁴ Petro sãkirauatapanika inakasaaki, Erekarí Matamatakoti apoka ikinika Petro sãkire kenakotakanimoni. ⁴⁵ Ininiã Petro moianariakori Xesosi sãkire auãkani kisauakatsiki-matatakoni tsorikaãta, kotxi Teoso sikari Erekarí Matamatakoti Xoteo minakonimoni apaka. Ninoa tsiki mata likisauakaãka, iuaritika Erekarí Matamatakoti apoka ninoamoni. ⁴⁶ Ikenakotarina Xoteo minakanuia sãkirauanãta äti uãka sãkireë.

—Peerekari Teoso. Apiananiri itxaua —itxanãtana Xoteo minakanuia.

⁴⁷ Ininiã Petro txari:

—Ninoa Xoteo minakanuia apakappekari Erekarí Matamatakoti ate apakapiniri atokokana. Ininiã apakatapitika ninoa patxisatiko äparaaã. Kona kãkitini iotokakana ipatxisatikona.

⁴⁸ Ininiã iua paniãtana ninoa patxisatiko Xesosi Kristo uãkaã. Iuasaaki ninoa aiatarí Petro:

—Atekata mapaõti pikaikota —itxarina.

Ininiã Petro kaikota ninoakata.

11

Petro Sãpiretakiti

¹ Xesosi iokanatakini, Teoso sãkire auãkani Xotéia tōpa auakani apaka kenakotari Xoteo minakanuia auikinirina Teoso sãkire. ² Ininiã Petro kanapiriãkasaaki Xerosareëmoni, kisauakatsikimatatakoni apoitari iua.

³ —Pite imaka itsiki mata makisauakakoni aapoko äki. Ninoakata pinipokota pitxa. ! Apakata pikamakiti —itxarina.

⁴ Ininiã Petro sãpiretari ikinipoko itiãkiti, ikenakotakiti pakini.

⁵ —Xopi sitatxiti nauakasaaki, Teoso nimisãkiretakasaaki, nitaponemoni natapari mãkatxi mata atoko inakari iaxiti katxakaãpotini. Ipi, ipi pakini imapotomatare iaxirikaãka. Iua apoka nota takote. ⁶ Iteene nimixinitari mãkatxi mata äki auakani. Natamatari ikini sereti kaxipirini. Aua pirãtxi. Aua itopa auakani. Aua imini, araãkani pakini. ⁷ Iuasaaki nikenakotari sãkiretxi iaxitikiri: “Põkitikaua. Oka, nika pitxako,” itxa. ⁸ Txamari nitxari iua: “Apiananiri, konapitini. ! Ninikari nipokori mauiritakoti ia atoko inakari, kotxi pamininiri,” nitxari.

⁹ —Iuaikana iaxitikiri sãkirauata: “Teoso oeretakiti kona kamininiri kona pitxape.” ¹⁰ Ipi äti pakinikata iua aamata katxaka ikara atoko. Eereka ikinika kosekaãka iaxiti.

¹¹ —Iuasaakipeka ipi, äti pakini kikiakori Sesaréiakini apoka aapokotxi nikaikotiniãtaã. Iokanataãkana notamoni. ¹² Ininiã Erekarí Matamatakoti paniãtano: “Pisa ninoakata. Kona pipikarauatape,” itxa. Naia seisi aitariakori Xopikini moianatano nota iuasaaki. Ininiã ate itroã Konério aapoko. ¹³ Ininiã iua sãpiretaua ate, Teoso nitiri iaxitikiri apoka iuamoni aapoko äki. Iua Teoso nitiri txari iua: “Piokanatarí kikiakori Xopimoni Simão Petro inakari apinina ikapani. ¹⁴ Iua sãpiretaiko pite maerekani makatxakiko, paapoko auakani maerekani makatxakiko apaka.”

¹⁵ —Nipotorikasaaki nisãkirauatini, Erekarí Matamatakoti apoka ninoamoni merepanika atemoni apokini atokotxikana. ¹⁶ Iuasaaki nixinikari Apiananiri sãkire. Iua txari: “Xoõo patxisarauata äparaaã. Hite patxisataãkako Erekarí Matamatakotiã.” ¹⁷ Ininiã Teoso sikari Erekarí Matamatakoti ninoamoni, atemoni isikini atokotxikana Xesosi Kristo Apiananiri sãkire aũkisaaki. Ikara atoko ininiã, lapakata Teoso ninaiãtini —itxa Petro.

¹⁸ Petro sãkire ikenakotakana atoko, litsoataikana.

—Peerekari Teoso —itxana.

—Ininiã Teoso auiritari Xoteo minakanuia apaka imaerekanina itakanapinina, Teosokata átipirika auinina íkapani —itxana.

Teoso Auiãkani Átxiokia Sitatxiti Auakani

¹⁹ Estevão ipinaãka atoko, Xesosi sãkire auiãkani misiritaãka, ininiã ninoa iarika. Iariãkani sari maioakari. Penisia tixinima, Xipri pokomirítima, Átxiokia sitatxitima pakinimoni isana. Ninoa oerekari Teoso sãkire Xoteomoninani. ²⁰ Ninoa átikaka Xiprikiní, Sirenikiní pakini sari Átxiokia sitatxitimoni. Iuaã isãpiretarina Teoso iokanapirena erekari, Xesosi Apiananiri pirena, Xoteo minakonimoni ninoa apaka imarotini íkapani. ²¹ Apiananiri sikaposotiiretana ninoa. Ininiãkara itomaneri kãkiti aukari Apiananiri sãkire. Maerekati itakanapana. Ikamarina Apiananiri nireëkiti.

²² Ikara apopireta Xesosi sãkire auiãkanimoni Xerosareë sitatxitiã. Ininiã ninoa iokanatarí Panapee Átxiokia sitatxitimoni. ²³ Iuaã iua apokasaaki, imarotakasaakiri ninoa apakapiniri erekari Teoso sikakiti, ipoxokoniua. Isikataparaxiniretana. Ôtãkikana Apiananiri paniãtakitinoka ikaminina ikini itaparaxinireritikana. ²⁴ Erekarí Panapee. Ikinika Erekarí Matamatakoti paniãtakiti ikama. Aukari Xesosi sãkire ikini ixinireritika. Ikara atoko ininiã, itomaneri kãkiti aukari Apiananiri sãkire.

²⁵ Eereka Panapee sari Taaso sitatxitimoni, Saoro initini íkapani. ²⁶ Itaõkitakasaakiri, iminari iua Átxiokia sitatxitimoni. Áti anokanani ikaikotana iuaã Xesosi sãkire auiãkanikata. Oerekarina Teoso sãkire itomaneri kãkitimoni. Xesosi sãkire auiãkani Átxiokia sitatxiti auakani merepitipanika takauãkataãka, “Kristopiki.”

²⁷ Iuasaaki átikaka Teoso sãkire sãpiretakani Xerosareëkini sari Átxiokia sitatxitimoni.

²⁸ Ninoa átika Ákapo inakori õkitikaua. Erekarí Matamatakoti sãkire isãpireta:

—Natxinoka auako ikini itixiti —itxa.

Ikara isãkire apokapeka Kráotxio Homano auíte inakasaaki.

²⁹ Ininiã ikinika Xesosi sãkire auiãkani nirekari txineiro iokanatiní itariakorimoni Xotéia tõpa auakanimoni. Ito auinina, ito iokanatana. Poiãonoka auinina, poiãonoka iokanatana.

³⁰ Panapee, Saoro pakini anikari isikakitina. Isikaro oa txineiro Xotéia tõpa auakani õtãkikakanimoni.

12

Xesosi Sãkire Auiãkani Misiritiko Iuaãkana Apokini

¹ Iuasaaki auítexi, Erotxi inakori, misiritana Xesosi sãkire auiãkani. Átikaka itaka kateia áki. ² Iua okapiri Txiako iouata mitaroõ. Iua Txiako Xoão itari. ³ Erotxi imarotakasaakiri Xoteoakori apokaerekatiniri Txiakoni okiko, ipaniãtari Petro maãkiko. Imaãkari Petro Xoteoakori kiiniritesaaki, pão miãtiãkati kiiniritisaaki. ⁴ Petro imaãka atoko itakari iua kateia áki. Ipaniãtari tesiseisi sotoakori nãkatiniri iua. Kiiniri xipoka atoko Erotxi nirekari imereiniri imisiritiko ikinimane apisatoõ. ⁵ Ininiã Petro kateia áki kaikota. Iuasaaki Xesosi sãkire auiãkani átipirika misãkiretari Teoso Petro íkapani.

Petro Sikakaãka

⁶ Íkanõka, imisiritiko imarotini õti apisapanika, kateia áki Petro imakanãta ipi sotato apanãkaki. Iaxirikiko tsapi metao kamakori ipi. Aua apaka apikomoni sotatoakori kateia toreaãtaã, Petro mamitekakani íkapani. ⁷ Patimari Teoso nitiri tokiini. Tirikapi ponika kateia áki. Iuasaakipeka Teoso nitiri õpirĩkari Petro.

—Põkitikaua. Katima pitxako —itxari.

Iuasaakipeka itsapi Iaxirikiko iuaõãkiri katxaka. ⁸ Teoso nitiri paniãtari:

—Pimãka pieretaka. Píkiti mata pitaka, ininiã Petro takari. Pimãka pinopinikiri apaka pitaka, eereka pisa notakata —itxa.

⁹ Ininiã Petro sari iua tikini. Kateia ipokĩkana. Iuasaaki Petro uãkatari itaponeuatini. ! Imarotari atão Teoso nitiri mipokĩkiniri iua. ¹⁰ Eereka inapari ipi sotatoakori auiniãtaã, apoka itxana itore maparakiri metao kamakori. Iuaãtaã napakari sari sitatximoni. Ikara itore iuaka matakakaua. Ininiã ninoa pokĩka. Iua ahoa mapotõkire apokasaakina, katimaritika Teoso nitiri takanapari iua. ¹¹ Iuasaaki Petro imarotapekari:

—Na nitaponeni itxa. Atãopitikara Apiananiri iokanatarí initiri itixinekiri nota imaktxakini íkapani. Pataparari Erotxi, iuaritika Apiananiri makatxakano. Xoteoakori nirekari okinino, iuaritika Apiananiri makatxakano —itxa.

¹² Ikara ixinika atoko, isari Maria aapokomoni. Xoão Marko inakori inoro oa Maria. Iuaã itomaneri kãkiti apotitapekaua, Teoso imisãkiretinina íkapani. ¹³ Maria aapoko apokasaaki, akirita. Átokoro Hotxi inakoro sari itoremoni. Okenakotari Petro sãkire. ¹⁴ Oimarotakasaakiri Petro mapara apokini, omiteka iriko áki aapokotxi áki auakanimoni.

Opoxokoniuaata, txamari omaxinĩkaretari itore omatakakini Petro ĩkapani. Ininiã otxari apanakinimoni:

—Aapokotxi toreãtaãpekari Petro —otxa.

¹⁵ Ininiã ninoa:

—Pimapitxirita.

—Atãopitikara nisãkire —otxa oa.

Ininiã ninoa:

—Petro kamiritekara.

¹⁶ Ninoa ikara atoko inaãtakasaaki, Petro mapara akirinãtapanikana ninoa. Eereka ninoa matakakari itore, atamata ĩtxarina.

—Kanatokopa pitakanapari kateia? —ĩtxarina.

¹⁷ Ininiã iuakoã ipinitana:

—Hĩkenakotari nisãkire —ĩtxana.

Eereka isãpiretana:

—Apiananiri makatxakano nota kateia ãki. Ikinika ikara hĩãpiretariko Txiaiko, apanakini aĩtariakori pakini —ĩtxa.

Iuasaaki isipe. Ātiãtaã isa.

¹⁸ Katimatinĩkata sotatoakori kateia nĩkatakani tsoriãkaãta:

—Īteri iua Petro? Kanatokopa itxa Petro pokĩkini? —ĩtxana.

Initapiimarina Petro. ¹⁹ Ininiã Erotxi paniãtana initiko, txamari !apokarina. Erotxi pimaãna sotatoakori Petro nĩkatakani, Petro sinimoni imarotnina ĩkapani, txamari ninoa limarotari Petro sinimoni. Ininiã eereka ipaniãtari ninoa sotatoakori okiko Petro mitekini xika.

Ikara atoko inaãka atoko Erotxi sipeka. Xotéia tõpa ipotorika. Sesaréia sitatxitimoni isa.

Erotxi Ipinini Pirena

²⁰ Erotxi omanatana Txiro sitatxiti auakani, Sitoõ sitatxiti auakani pakini. Ninoa nirekari iua omanatinina xipokini, kotxi ninoa apakapari nipokori Erotxi tixinekiri. Ininiã ninoa sãkirauata Parásito nĩkataro Erotxi aapoko, itii pakini. Paimatireri iua. Ninoa sãkirauatakasaaki iuakata, iua auikari ninoa sãkire. Eereka Erotximoni isana neenamataxi xipokini ĩkapani. ²¹ Erotxi ketotari ikinimane kãkiti imisãkiretini ĩkapani. Iketo õti apokasaaki ieretakari imãka ereri inakari, auĩtetxi mãka. Eereka iitopãka auĩtetxi itopanere nopini. Iuaã iua misãkiretana kãkiti. ²² Ininiã kãkiti txari:

—Teosora sãkirauanãta. Na kãkitini —ĩtxana.

²³ Iuasaakipeka Teoso nitiri iaxitikiro okari Erotxi, kotxi iua auiritari kãkiti iteosonetiniri iua. Ininiã tsoni sotakiperi nika txari ĩto. Ikara atoko inikoã ipĩpe.

²⁴ Iuasaaki Teoso sãkire iaripireta. Ininiã itomaneri kãkiti auikari Teoso sãkire.

²⁵ Panapee, Paoro pakini parĩka Xerosareẽ sitatxitiã xipokaãka atoko, Ātxiokia sitatxitimoni kanapiriã ĩtxana. Anikarina Xoõo Marko ninoakata.

13

Panapee, Saoro Pakini Mereĩko

¹ Xesosi sãkire auĩãkani sauaki Ātxiokia sitatxitiã aua Teoso sãkire sãpiretakani, Teoso sãkire oerekakani pakini. Aua Panapee. Aua Simão “Pomamari.” Aua Arósio Sirenikiri. Aua Manaẽ. Auĩtetxi Erotxi inakori xapitipanika inakasaaki, iua Manaẽ xapitipanika inakasaaki, imakananitaãka Erotxikata. Apaka Saoro aua Ātxiokia sitatxitiã. ² Āti õti Xesosi sãkire auĩãkani iuaãtaã takanapari inipokotinina Apiananiri imisãkiretinina ĩkapani. Iuasaaki Erekaro Matamatakoti txana ninoa:

—Himakatxakana Panapee, Saoro pakini parĩkatxi ikaminina nota ĩkapani —ĩtxa Erekaro Matamatakoti.

³ Ininiã ninoa takanapari inikini Teoso imisãkiretini ĩkapani. Iposo atoko itakarina iuakona Panapee, Saoro pakini nopini. Iokanatana ninoa Erekaro Matamatakoti paniãtakiti ikaminina ĩkapani.

Xipri Pokomiriĩti Pirena

⁴ Erekaro Matamatakoti iokanatana Panapee, Saoro pakini, ininiã ninoa sari Sereósia sitatxitimoni. Iuaã ninoa iereẽtaua maporo ãki. Isana Xipri pokomiriĩtimoni. ⁵ Saramina sitatxitiã apokasaakina, isãpiretarina Teoso sãkire aiko ãki Xoteo apotiĩniãtaãua. Xoõo Marko inakori moianatana ninoa iuasaaki.

⁶ Xipri pokomiriĩti ĩpírixititana. Paposi sitatxitimoni isana. Iuaã itaõkitarina kiki Xoteo. Miĩti ĩtxaua. Iuãka Paxesosi. Āti iuãka Erimasí.

—Teoso sãkire sãpiretakarikarano nota —ĩtxa iua.

Txamari na atão isäkire. ⁷ Iua moianatari Xipri auakani auíte Séxio Paoro inakori. Paimatireri iua Séxio Paoro. Iua akiritana Panapee, Saoro pakini iuamoni Teoso säkire ikenakotini ikapani. ⁸ Txamari Erimasi !inirekana ninoa. !Inirekari Séxio Paoro auikiniri atão Teoso säkire.

⁹ Iuasaaki Erekeri Matamatakoti iteene sikaimaroretari Saoro (äti iuäka Paoro,) ininiä iteene atamatari iua müti. ¹⁰ Itxari iua:

—Pite Satanasi äkiri pitxaua. Pite atão kamakari mokaiakari pitxaua. Pite kamari ikini sereti maerekati. Ikara atoko ininiä, pimisirienetari käkiti. Atão inakari Apiananiri säkire pite nirekari pimamakini. ¹¹ Ikara pimaerekani xika Teoso misiritaiko pite uatxa. Mõsiäreti pitxauako. Kona patamatapaniri atokatxi mapaöti.

Iuasaakipeka katxiäri atoko inakari, ipiä apaka apoka Erimasimoni. Ininiä iua nitari äti anikakiri ikapani. ¹² Séxio Paoro atamatakasaakiri Erimasi misiritiko, iua aukari Teoso säkire. Itsoriäkäta:

—Peerekari Paoro oerekakiti säkiretxiti Apiananiri pirena isäpiretakiti —itxa.

Ätxiokia Sitatxiti Pisítxia Tixini

¹³ Iposo atoko Paoro imoianariakorikata iereëtaua maporo äki. Paposi itakanapana. Pexi sitatxitimoni, Päpíria tixini isana. Pexi sitatxiti auakasaakina, Xoão Marko takanapana ninoa, Xerosareëmoni ikanapiriini ikapani. ¹⁴ Eereka iuaikana maporo äki iereëtauaana. Isana Ätxiokia sitatxitimoni, Pisítxia tixinimoni. Ätxiokia sitatxiti auakasaakina tomatiko õtisaaki iroäna aiko Xoteo apotiitiniätaäua. Iuaä iitopäkana. ¹⁵ Teoso paniätakiti aätsopateë, Teoso säkire säpiretakani iökatsopatakiti aätsopateë pakini atatsopataäka atoko auítetxiakori iuaätaä auakani txana ninoa:

—Ätariakori, ate nirekari hīsäkirauatini, hīsäkire auiniä, naia käkiti hīsikataparaxiniretini ikapani —itxana.

¹⁶ Ininiä Paoro õkitikaua. Ökataru iuako ninoa säkirauatini iotokakinina ikapani. Ininiä itxa:

—Nitariakori Isaeo auakani, apaka hite Xoteo minakanuia Teoso paniätakiti kamakanii, hīkenakotariko nisäkire. ¹⁷ Isaeo auakani Teosone mereëna aätokiriakorini Exito tixini auakasaakina, äti uäkakata auakasaakina. Itxīkitakana ninoa itomane ininina. Iuasaaki Exito auakani misiritana. Ininiä eereka Teoso makatxakana iposotiireë, ininiä itakanaparina Exito tixini.

¹⁸ —Eereka, koarëta ano Teoso müteenekana ninoa äparaä makipakaniätaä, kotxi ikamapikarina maerekati iuaä. ¹⁹ Eereka ixipokana setxi pakini äti uäka Kanaä tixini auakani. Eereka isikari iua itixi ninoamoni ätipirika iuaä auinina ikapani. ²⁰ Eereka Teoso sikana kötākikarerini Isaeo auakani auíteakori tūkane. Äti kötākikareru aua. Eereka iua ipina. Eereka ätipekana kötākikareru aua. Eereka iua ipina. Itxaäpotana koatrosëtosu sīkoëta anokanani. Imapotökire, Samoeo inakori Teoso säkire säpiretakari ninoa ötākikakari itxaua.

²¹ —Eereka ninoa nirekari auítetxi apiatakari ninoa auíte ininiua ikapani. Ininiä Teoso sikana ninoa Saoo inakori, Kixi äkiri. Iua atokiri kitxakapirīka Pëxami inakori. Iua Saoo ninoa auíte apiatakari koarëta anokanani. ²² Eereka Teoso makatxakari Saoo. Itxīkitakari Tavii ninoa auíte apiatakari ininiua. Teoso säpiretari Tavii pirena: “Käkiti Tavii Xesee äkiri atoko inakari ninireka, kotxi iua kamari ikinika ninireëkiti,” itxa Teoso.

²³ —Teoso sikaenetari äti, Tavii apika mekani Isaeo auakanimoni. Isaeo auakani maerekani makatxakari itxauako. Iua Xesosikara. Iua käkiti maerekani makatxakari txaua. ²⁴ Xesosi parīka ipotorikini apisapanika, Xoão säpiretari ikinimane Isaeokini imaerekanina itakanapinina, eereka ipatxisataäkana. ²⁵ Xoão parīka ixipokasaaki, ipimaäna ninoa: “Kīpa hīuäkatanano nota? Nota kona iua hiätapakitini. Iuaritika iua ina nota tikiñi. Nota poiäori, ininiä !apakata iua takote napokini ikiti mata nimakatxakini ikapani, kotxi iua Apiananiri,” itxa Xoão.

²⁶ Paoro säkirauatapanika:

—Nitariakori, Apraão apika mekaniriakorii, apaka hite Xoteo minakanuia Teoso paniätakiti kamakanii, hīkenakota. Hītemonikari Teoso iokanatari iokanapirena käkiti maerekani makatxakiko pirena. ²⁷ Xerosareë auakani, ninoa auíteakori pakini kona imarotari Xesosi Teoso äkiri ininiua. Ninoa atatsopatari Teoso säkire säpiretakani säkire ikini tomatiko õti, iuaritika limarotarina ninoa säkire. ²⁸ Ninoa kona apokari ixika Xesosi okiko ikapani, iuaritika ipaniätari Pirato okiniri. ²⁹ Ninoa kamari Xesosimoni ikinipoko mitxi Teoso säkire iökatsopatakori iaöka. Iposo atoko imakatxakarina iua aamina Ipiriämitakariä. Ikata itxarina kai iriko äki. ³⁰ Iuaritika Teoso õkitikari iua ipikiximonipeka auakaripeka.

³¹ Ökitikaäka atoko, ito õti käkiti atamatari iua. Kariréiakini, iuakata Xerosareëmoni sikani aökitari iua. Ininiä Xesosi iuaikana auini pirena säpiretakani itxauana ninoa Xesosi aökitekani. Isäpiretarina apanakini Isaeo auakani.

³² —Ininiã uatxa ate sãpiretari Teoso iokanapirena erekari hõtemoni. Ikara sãkiretxiti Teoso kamaenetakiti aãtokiriakorinimoni kitxakapirõka. ³³ Ìkorasaaki Teoso kamapekari ikara ikamaenetakiti ate Ìkapani, ninoani apika mekanirikorori Ìkapani, kotxi iua õkitikari Xesosi ipõkasaaki, iuaõkana auãki inini Ìkapani. Kitxakapirõka Teoso sãkire iõkatsopatakori Xikari ipiãtaã sãpiretari Xesosi õkitikiniua õti, kotxi itxari:
Pite namarite. Ia õti noerekari kãkiti pite iri nininiua nota.

³⁴ —Kitxakapirõka Teoso sãpiretatekari iua õkitikiniri Xesosi ipõkasaaki, iuaõkana imap-inakani tũkane, kotxi isãkire iõkatsopatakori txari:
Nikamaenetakiti Taviimoni pitemonikara nikama. Ikara erekari nikamapitikako pite-moni.

³⁵ Teoso sãkire iõkatsopatakori Xikari tesiseisiãtaã txari:
Teoso kona auiritari Erekari Kamakari ìto paiakini.

³⁶ —Kitxakapirõka Tavii auakasaaki, ikamari Teoso nireẽkiti, kotxi inirimane auõte itxaua. Eereka ipõpe. Ikatapeõka. Inirimanekata ikatapeõka, ininiã iõto paiaka. ³⁷ Xesosipekana, Teoso õkitikari iua. Iua ìto kona paiaka. ³⁸ Ininiãkara nitariakorori himarotariko ia. ³⁹ Xesosi sãkire auõkani maerekani makatxakaãka. Erekarini ninoa. Moisesi paniãtakiti kamiko kona makatxakari kãkiti maerekani. ⁴⁰ Erepaniko. Kitxakapirõka Teoso sãkire sãpiretakani sãkire iaõka atxõti apoka hõtemoni, kotxi ⁴¹ ia atoko itxana:

Hikenakota, hõte Teoso sãkire napetakanii. Hãtamatariko niposotiire, iuaritika hõpinako, kotxi !hãuikari niparõka hõte sauaki. Æti sãpiretiniãri niparõka, iuaritika !hãuikari.

Ikara atoko itxa Paoro sãkire ninoamoni.

⁴² Xoteoakori pokõkasaaki Xoteo apotiitiniua aapokotxiti, iuasaaki Xoteo minakanuia aiatana Paoro, Panapee pakini iuaõkana tomatiko õti Ìkari Teoso sãkire isãpiretinina Ìkapani. ⁴³ Kãkiti apotiitakanuia potorika atoko, itomaneri Xoteo, Xoteo minakanuia Teoso sãkire auõkani pakini sari Paoro, Panapee pakinikata. Paoro, Panapee pakini misãkiretana ninoa. Õtãkikana ninoa, ikiniõtika atão ikaminina, kotxi Teoso iteene turetana ninoa.

⁴⁴ Ininiã Æti tomatiko õtisaaki ikinimane iua sitatxiti auakani apoka Apiananiri sãkire ikenakotinina Ìkapani. ⁴⁵ Xoteoakori atapari itomaneri kãkiti apokaãpotini Paoro, Panapee pakini sãpiretakiti ikenakotinina Ìkapani. Ininiãkara ninoa xikotana Paoro, Panapee pakini. Imisãkirepiretana ninoa:

—Na atão Paoro sãkire. !Apakata isãkire —itxanãtana.

⁴⁶ Iuasaaki Paoro, Panapee pakini itaparaxinireritikana isãkirauatana.

—Ate sãpiretari Teoso sãkire hõte Xoteoakorimoni merepitipanika. Ikara atão. Txamari hõte !inirekari. Hõte atxõti !inirekari Ætipirika auãki hinini? Ikara atoko ininiã, ate sariko Xoteo minakonimoni, ⁴⁷ kotxi Apiananiri paniãtaua ate ia atoko:

Tirikapi atoko inakari hõtxauako Xoteo minakanuia Ìkapani nisãkire atão ninoa imarotini Ìkapani, ninoa maerekani nimakatxakini Ìkapani, ikini itixiti auakani ikara imarotini Ìkapani,

—itxa Paoro.

⁴⁸ Xoteo minakanuia kenakotakasaakiri ikara Paoro sãkire, ipoxokoniuatana. Ininiã ninoa:

—Peerekari Apiananiri sãkire —itxanãtana.

Teoso mereẽri kãkiti Ætipirika iuakata auini Ìkapani, ininiã iuasaaki kãkiti kenakotakasaakiri Paoro sãkire, ninoa Teoso mereẽkini auikari iua sãkire.

⁴⁹ Iuasaaki Teoso sãkire iaripireta ikinipoko iua tixini. ⁵⁰ Txamari Xoteoakori ! apokaerekatari Xoteo minakanuia auikiniri Xesosi sãkire. Ininiã isãpiretarina aãpirena sitoakoro apiatakani Teoso paxitakanimoni, sitatxi auakani auõteakorimoni pakini. Ininiã ikara xika ninoa omanatana Paoro, Panapee pakini. Ininiã iokanatana Ætiãtaã isinina.

⁵¹ Ininiã Paoro, Panapee pakini takanapari iuaã. Itakanaparina kipatxi ikiti mataã auakari apaka, kotxi kona ninoa nirekaikari Teoso sãkire. Ininiã isana Ikõnio sitatxitimoni.

⁵² Ætxiokia sitatxiti auakani Xesosi sãkire auõkani poxokoniuaata. Iteene ikamarina Erekari Matamatakoti nireẽkiti.

14

Ikõnio Pirena

¹ Paoro, Panapee pakini auakasaaki Ikõnio sitatxitiã, isana aiko Xoteo apotiitiniãtaãua. Isãpiretarina Teoso sãkire kãkitimoni, ininiã kaiãopokori Xoteoakori, Xoteo minakanuia pakini auikapiretari Teoso sãkire. ² Txamari apanakini Xoteoakori Teoso sãkire mauõkani kamaomanãkaretana Xoteo minakanuia. Ininiã ninoa omanatana Teoso sãkire auõkani. ³ Xesosi iokanatakini Paoro, Panapee pakini okanani auana Ikõnio sitatxiti. Ninoa sãpiretari Apiananiri pirena itaparaxinireritikana. Isãpiretarina Apiananiri sakiniri

ikinipoko erekari maerekanimoni. Apiananiri oerekari isäkirena atão inini, kotxi isika-posotiiretana ninoa, posotiiretxi, kãkiti mimarotakiniti pakini ikaminina. ⁴ Kãkiti sitatxi auakani omanatakana. Apanakini auikari Xoteoakori sãkire. Apanakini auikari Xesosi iokanatakini sãkire.

⁵ Ininiã Xoteo minakanuia, Xoteoakori pakini, ninoa auiteakorikata imisãkiretakakaua Xesosi iokanatakini imisiritinina ikapani, kai soroã ikiporonakinina ikapani. ⁶ Paoro, Panapee pakini kenakotakasaakiri ikiporonakikona pirena, imitekana. Arisitara sitatxitimoni, Tepi sitatxitimoni, Arikaonia tixini isana. ⁷ Iuaã isãpiretarina Teoso iokanapirena erekari kãkitimoni.

Arisitara Pirena

⁸ Arisitara sitatxiti aua kiki petokakititakari iuaasaaki. Matipokotakati. Iponaniãkasaaki, ipetokakititapeka. ⁹ Ikenakotakasaakiri Paoro sãkire, Paoro atamatari iua. Iuaasaaki Paoro imarotari iua kiki auikapiretiniri Xesosi sãkire erekape inini ikapani. Ininiã iteene atamatari iua. ¹⁰ Itapasãkireritika Paoro txari iua:

—Põkitikaua. Pitima —itxari.

Ininiã iuaasaakipeka õkitikaua, tïpokota itxa. ¹¹ Iuaasaaki kãkiti itikari Paoro kamakiti. Ininiã ninoa akirikata isãkireña, Arikaonia tixini auakani sãkireñ:

—Teosoakori apoka atemoni. Kikiakori atoko itxana ninoa.

¹² Ninoa takauãkatari Panapee, Xõpite ininiua. Itakauãkatari Paoro Mekõrio ininiua, kotxi apiata isãkirauata. Panapee poiãoka isãkirauata. Xõpite, Mekõrio pakini teosoakori kamakoni uãka. ¹³ Sitatxi ñronakikoãtaã takote aua Xõpite misãkiretiko aikoti. Xõpite misãkiretakani auite iuaasaaki minari kema auiteakori, aãui kaiãori pakini sitatxi ñronakikoãtaãmoni. Iuaã iua apanakini kãkitikata nirekari kema auite okinina Paoro, Panapee pakini ikapani, iteosone ikapani okinirina atokotxikana. ¹⁴ Panapee, Paoro pakini imarotakasaakiri ikamakitina tïkane, imatsorakitarina ninoaka mãka, kotxi Teoso litxauana.

Ninoa kãkiti itomanerimoni imitekana. Itapasãkireritikana itxana:

¹⁵ —Kãkiti, kinirepa ñkora atoko hïtxa? Hïte kikiãkini atokokanera atxa ate. Ate uai apoka teoso kãkiti kamakiti hïtakanapini ikapani, atão Teoso himarotini ikapani, kotxi atão Teoso auapininiika inakari itxaua. Iua kamarari iaxiti, iaxiti auakani, itixi, itixi auakani, potxoari uiniti, potxoari uiniti ãki auakani pakini. ¹⁶ Kitxakapirïka Teoso auiritana ikinipoko kãkiti inirekaãkitina ikaminina. ¹⁷ Iua Teoso ininiua sãpiretakari kaiãopokori auapika, kotxi erekari Teoso sikakiti kãkitimoni oerekari iua Teoso ininiua. Teoso sikari ãparaã iaxitiki kãkitimoni. Iua ãparaã oerekari iua Teoso ininiua. Takari kikiõ auakari iua sikakiti erekari apaka oerekari kãkiti iua Teoso ininiua. Teoso sikari nipokori ikini sereti kãkitimoni. Ikara oerekari iua Teoso ininiua. Iua sikapoxokonitari aãkixinire. Ikara apaka oerekari iua Teoso ininiua.

¹⁸ Ikara atoko itxana Paoro, Panapee pakini, iuaritika kãkiti nirekapanikari okiniri kema auite Paoro, Panapee pakini ikapani. Itapararitika Paoro, Panapee pinitana ninoa, ininiã ñikamarina. ¹⁹ Eereka Xoteoakori Ætxiokia sitatxitikini, Ikõnio sitatxitikini pakini apoka Arisitara sitatxitimoni. Ninoa kãkiti misãkiretana Arisitara auakani. Imisãkirepiretana Paoro, Panapee pakini, ininiã Arisitara auakani auikari ninoa sãkire. Ininiã ikiporonakarina Paoro kai soroã. Eereka ikosekañtotarina iua sitatxi mapotõkire. Ninoa uãkatari iua ipïpe. ²⁰ Iuaritika Xesosi sãkire auiaãkani apotiitakasaakia iuakata, Paoro õkitikaua. Sitatximoni kanapiriã itxa. Katimatiniãkata Paoro, Panapeekata sari Tepi sitatxitimoni.

Ikanapiriãna Ætxiokiamoni, Sïria Tixiniã

²¹ Paoro, Panapee pakini sãpiretari Teoso iokanapirena erekari Tepi sitatxiti auakanimoni. Ninoa oerekari kaiãopokori kãkiti. Eereka Arisitara, Ikõnio, Ætxiokia pakini sitatxitimoni ikanapiriãna. ²² Iuaã oerekana kãkiti Teoso sãkire iteene imarotininina ikapani. Õtãkikana ninoa Teoso sãkire iaõka ãtipirika ikaminina. Ia atoko Paoro, Panapee pakini oerekana ninoa: “Teoso aãuñtetakasaaki, amisiritiko kaiãopokori amñteenekako.”

²³ Ikinipoko Xesosi sãkire auiaãkani apotiitiniãtaãua Paoro, Panapee pakini mereña ninoa õtãkikakani. Ninoa kõtãkikarerini iteene auikari Apiananiri sãkire. Paoro, Panapee pakini misãkiretari Teoso ninoa ikapani. Nipokori itakanapa Teosokata isãkirauatini ikapani iuaasaaki.

²⁴ Eereka isipekana. Ñpirixitarina Pisïtxia tixini. Eereka Pãpiria tixinimoni isana.

²⁵ Isãpiretarina Teoso iokanapirena erekari Pexi sitatxiti auakanimoni. Eereka isana Atãria tixinimoni. ²⁶ Iuaã iereñtaua maporo ãki Ætxiokia sitatxitimoni isinina ikapani. Iuaã Ætxiokia sitatxitiã mitxipeka ninoa iokanataãka Teoso parïka ikaminina ikapani. Iuaãtaã Xesosi sãkire auiaãkani misãkiretari Teoso ninoa ikapani, Teoso iteene ñikatinina ikapani. Ikara parïkatxi iposope ninoa kamini.

²⁷ Átxiokia sitatxiti apokasaakina, Xesosi sáikire auíákani imakinika apotiitaua ninoakata. Ininiã Paoro, Panapee pakini sãpiretari ikinika Teoso kamakiti. Isãpiretarina Teoso auiritinina Xoteo minakanuia apaka auikiniri Xesosi sáikire. ²⁸ Paoro, Panapee pakini auapokota iuaã Átxiokia sitatxitiã Xesosi sáikire auíákanikata.

15

Teoso Takaõtxikare Pirena

¹ Átikaka kikiakori Xotéia tõpakini apoka Átxiokia sitatxitimoni. Ninoa oerekana Xesosi sáikire auíákani:

—Moisesini paniãtaua Teoso takaõtxikare aitoã atakini. Txamari hite ! hítakari, ininiã Teoso limakatxakari himaerekani —itxana ninoa.

² Paoro, Panapee pakini txana ninoa:

—Na atão hite sáikire. Teoso takaõtxikare ninoa itõã ! auari, iuaritika Teoso makatxakapekari ninoa maerekani —itxana.

Ininiã itaparakienatakauana ikara sáikiretxiti xika, ininiã ninoa mereëna Paoro, Panapee, átikaka Xesosi sáikire auíákani Átxiokia auakani apaka Xerosareëmoni isinina íkapani.

—Iuaã hisãpiretariko ikara sáikiretxiti Xesosi iokanatakinimoni, kiomãtxiakori pakinimoni. Ninoa sãpiretaua atão —itxana.

³ Iuasaaki Xesosi sáikire auíákani takapiretanapana ninoa, ininiã Paoro, Panapee, apanakini pakini potorika. Ninoa ípirixititakasaakiri Penisia tixini, Samaria tõpa pakini, Paoro sãpiretana ikinimanemoni:

—Xoteo minakanuia takanapapekari imaerekani. Inirekarina Teoso paniãtakitinoka ikaminina.

Ininiã Xesosi sáikire auíákani poxokoniuata ikara pirena ikenakotakasaakina.

⁴ Eereka Paoro apanakinikata apoka Xerosareëmoni. Xesosi iokanatakinini, kiomãtxiakori, apanakini Xesosi sáikire auíákani pakini apakapana ninoa. Paoro, Panapee pakini sãpiretari Teoso kamakiti Xoteo minakonimoni. ⁵ Iuasaakipeka átikaka pariseoakori, Xesosi sáikire auíákani, apakapapiretana:

—Ninoa Xoteo minakanuia apakapapitkariko Teoso takaõtxikare. Ninoa kamapitkariko Moisesini paniãtakiti. Hisãpiretanako —itxana.

Xesosi Iokanatakinini Kiomãtxiakorikata

⁶ Ininiã ninoa Xesosi iokanatakinini, kiomãtxiakorikata apotiitaua, Xoteo minakanuia itõã Teoso takaõtxikare takiko pirena isãkiretinina íkapani. ⁷ Ninoa iteene sákirauataka atoko, iua Petro ókitikaua, misáikireta itxana ninoa:

—Nitariakori hite imarotari Teoso mereëno nota. Hite sauaki uatxakapokoikani iua mereëno nota, iua iokanapirena erekari nisãpiretini íkapani Xoteo minakonimoni, ikenakotinina íkapani, auikinirina íkapani. ⁸ Teoso imarotari kãkiti ákixinire sáikire. Iua sikari Erekarí Matamatakoti Xoteo minakonimoni. Ininiãkara aimarotari Teoso apakapari Xoteo minakanuia, kotxi isikari Erekarí Matamatakoti ninoamoni, atemoni isikini atokotxikana. ⁹ Amaerekani ate ákixinireë Teoso makatxakini atokokanera, Teoso makatxakari imaerekanina ákixinireëna, kotxi ninoa auikari Xesosi sáikire. ¹⁰ Hite txíkitakari Teoso omanãkarauatini. !Erekarí híkamakiti. Hite nirekari Xesosi sáikire auíákani kaminiri ikinika Moisesi paniãtakiti, txamari aktiomeanekorini kitxakapiríka liposotari ikaminirina Moisesi paniãtakiti. Ate apaka !aposotari. ¹¹ Moisesini paniãtakiti kamiko !imakatxakari kãkiti maerekani. Amaerekani makatxakaãka, kotxi Xesosi Apiananiri iteene tiretaua ate, ininiã aãuikari isáikire. Ikara atokokana Xoteo minakanuia maerekani makatxakaãka apaka —itxa Petro.

¹² Panapee, Paoro pakini sãpiretana ninoa Teoso kamakiti Xoteo minakonikata auakasaakina, Teoso kamakiti kãkiti maposotakinini, posotiiretxi. Ikara isãpiretakasaakina, ikinimane iuaã apotiitakanuia tsoríkaãnãta. Masákirininoka itxana. ¹³ Panapee, Paoro pakini sákirauataka atoko, Txiaiko txari:

—Nitariakori híkenakotari nota sáikire. ¹⁴ Simão Petro uatxananira isãpiretaua Teoso tiretinina Xoteo minakanuia, kotxi ninoa sauaki imereëna kãkiti inakitiakori íkapani. ¹⁵ Teoso sáikire sãpiretakani kitxakapiríkarini iókatsopatapekari ikara atoko inakari sáikiretxiti. Ninoa iókatsopatapekari:

¹⁶ Apiananiri txari: “Eereka nikanapiriã. Noerekai nisãpirena amaneri, notamoni hãpokini íkapani. Híauíte Taviini auakasaaki, pamimari hãpokini notamoni. Ikara atoko inakari uatxa xipope, aapokotxi irikakari xipokakari atoko itxa. Aapokotxi amaneri atoko nikamako, ininiã apakatapitika kãkiti apokini notamoni.

17 Ininiã ikini uãkati nitanoko nota. Xoteo minakanuia nota akiritakini ninakitiakori nitanoko nota.”

18 Ikara atoko itxa Apiananiri kitxakapiríka kãkiti imarotini íkapani, itxa Teoso sãkire iõkatsopatakori.

19 —Ininiã notamoni, !erekari apaniãtinina ninoa Xoteo minakanuia, Teoso sãkire auíãkani, ate kiomanekarokini paniãtakiti ikaminina. Ikara atoko inakari pamimari. 20 Maõãkikana ninoa. Maiõkatsopata ninoamoni: “! Hinikapiri nipokori teoso kamakorimoni siãkori. Hítanoro minakotokatika ! hísiríkape. Hítaniri minakotikatika hísiríkape. ! Hinikapiri nipokori manotsaãtakori xini. Arëkatxi ! hiãtape, ! hinikape.” Ikaranokara maiõkatsopata ninoamoni. 21 Ikaranoka aiõkatsopata, kotxi apikomoni Moisesini paniãtakiti atatsopataãka aiko ãki Xoteoakori apotiitiniãtaãua ikini õti tomatiko õtisaaki. Moisesini sãkire sãpiretaãka ãtipirika ikininape sitatxiti, ninoa iteene imarotini íkapani —itxa Txiaiko ninoamoni.

Iokanatsopatakítina Xoteo Minakonimoni

22 Ninoa Xesosi iokanatakini, kiomãtxiakori apaka, ikinimane Xesosi sãkire auíãkani apaka, ninoa apokaerekatari ãtikaka kiki imereinina Átxiokia sitatxitimoni Paoro, Panapee pakinikata isinina íkapani. Ninoa mereëri Xotasi inakori, Síراسi inakori pakini. Iua Xotasi uãka Pasapasi inaãka. Xesosi sãkire auíãkani iteene paxitana ninoa ipi. 23 Xesosi iokanatakini, apanakini pakini iokanatarari aãtsopa iõkatsopatakítina Xotasi, Síراسi pakini anikiniri. Ia atoko itxa iua iõkatsopari:

Ate hitariakori, Xesosi iokanatakini, kiomãtxiakori apaka, aiokanatsopata híte aítariakorimoni Xoteo minakonimoni, Átxiokia sitatxiti auakanimoni, Síراسi tixini auakanimoni, Síراسi tixini auakanimoni aiokanatsopata. Ereëkai híte.

24 Ate kenakoenetari Xesosi sãkire auíãkani uai auakanini sari hitemoni. Ninoa txai híte: “Hítakariko Teoso takaõtxikare hítóã. Híkamariko Moisesini paniãtakiti. Ikara himakamakaniãsaaki, Teoso ! imaktxakapaniri himaerekani.” Ikara atokora itxaina híte. Ininiã híte kamaxirexinirenokã hítxa. Uatxa kona híte imarotari atão híkaminini. Kona ateni paniãtana ninoa ikara atoko inakari isãpiretininiãna híte. 25 Ininiãkara ate apotiitaua. Akinika ate apokaerekatari kikiakori amereëkini hitemoni aiokanatinini Panapee, Paoro pakinikata. Panapee, Paoro pakini ate tiretakini. 26 Ninoa kikiakori amereëkini sipeka monõkoriaãtaã Apiananiri Xesosi Kristo paniãtakiti ikaminina íkapani.

27 Ate iokanatarari Xotasi, Síراسi pakini ninoakata hitemoni. Hãpisoatõ ninoa sãpiretaiko ate iokanatsopatakítitxikana. 28 Erekari Matamatakoti apokaerekatakiti sãkiretxiti, ate apokaerekatakiti sãkiretxiti apaka asãpiretai híte uatxa. Paniãtakori apia mimari ! apaniãtai híte. Ianokara apaniãtakiti sãkiretxiti híkamako: 29 “! Hinikapiri nipokori teoso kamakorimoni sikakori. Arëkatxi ! hiãtape, ! hinikape. ! Hinikapiri nipokori manotsaãtakori xini. ! Hísiríkape sitokata pítanoro minakotokatika. ! Hísiríkape kíkikata pítaniri minakotokatika.” Iuanokara himakamakaniã, peerekari. Ereëpiko, itxa ninoa iõkatsopatakiti.

30 Paoroma, Panapeema, Xotasima, Síراسima pakini iokanataãka Átxiokia sitatxitimoni. Ninoa iuaã apokana. Apotiitana ikinimane Xesosi sãkire auíãkani, ninoamoni sika itxarina iua iõkatsopari. 31 Atatsopatakana atoko ipoxokoniuatana, kotxi erekapirenari ninoa iokanapirena. 32 Xotasi, Síراسi pakini Teoso sãkire sãpiretakani itxauana. Ninoa iteene sãkirauata ninoa Xoteo minakanuia isikataparaxiniretinina íkapani. Ininiã ninoa Xoteo minakanuia apikomoni auikarina Xesosi sãkire. 33 Xotasi, Síراسi pakini kaikota iuaãtaã mapaõti. Eereka Xesosi sãkire auíãkani takanapapiretana, Xesosi iokanatakiniimoni ikanapiriinina íkapani.

—Hísipiniikaua erekaxinire hinini —itxana.

34 Iuaritika Síراسi apokaerekatari iuaã ikaikotini. 35 Paoro, Panapee pakini kaikotapanika Átxiokia sitatxiti. Ninoa apanakinikata oerekari Apiananiri sãkire iua sãkire auíãkanimoni. Isãpiretarina iua sãkire isãkire mimarotakanimoni apaka.

Paoro, Panapee Pakini Iarikini

36 Eereka mapaõtiipeka inapaka atoko, Paoro misãkiretari Panapee:

—Makanapiriã ikininape aapokotxitimoni mitxi Apiananiri sãkire asãpiretinimoni. Mamotikaãetana aítariakori atauako erekana atxiiti —itxari Panapee.

37 Panapee nirekari Xoão Marko inakori anikini ninoakata. 38 Txamari Paoro !nirekari anikiniri iua.

—Pãpíria tixini aãuakasaaki, iua Xoão Marko asikaua. !Inirekaikari atekata iparíkautini —itxa.

³⁹ Ikara xika itaparakienatakauana. Eereka iarikana. Panapee anikari Xoõo Marko. Maporo áki iereétauana Xipri inakori pokomiriítimoni isinina íkapani. ⁴⁰ Paoro mereëri Síراسي, iuakata isini íkapani. Iuaátaã Xesosi sãkire auiaãkani misãkiretari Teoso, Paoro, Síراسي pakini íkapani, Teoso iníkatini íkapani. Eereka Paoro potorika Síراسي kata. ⁴¹ Ípirixititarina Síراسي tixini, Síراسي tixini pakini. Aapokotxi apokasaakina, isãpiretari Xesosi sãkire iuaátaã auakanimoni. Isikataparaxiniretana Xesosi sãkire auiaãkani. Ininiã ninoa apia auikari Xesosi sãkire.

16

Tximótxio Moianatana Paoro, Síراسي Pakini

¹ Paoro sari Tepi sitatxiti. Eereka Arisitara sitatxiti isa. Iuaã aua kiki, Xesosi sãkire auiaãkari, Tximótxio inakori. Inoro Xoteo otxaua. Oa apaka auikari Xesosi sãkire. Iri kona Xoteoni. Áti uãka Kreko itxaua. ² Xesosi sãkire auiaãkani, Arisitara auakani, Ikõnio auakani apaka sãkire: “Peerekari Tximótxio.” ³ Paoro nirekari anikiniri Tximótxio iuakata imoianari íkapani. Ininiã iua takari Teoso takaõtxikare Tximótxio itoã, kotxi Xoteoakori iuaátaã auakani imarotari Tximótxio iri Kreko ininiua. ⁴ Paoro imoianariakorikata saãpota ikininape sitatxitimoni. Kãkiti aapoko apokaãpotakasaakina, isãpiretarina ninoa Xesosi iokanatakini sãkire, kiomãtxiakori sãkire pakini. Isãpiretarina ikinimane kãkitimoni. Ninoa sãkire aãtsopaã iókatsopatakori sãkiretixiti isãpiretana ninoa. Paoro imoianariakorikata õtãkikana ninoa ikara isãkirena auikinina íkapani. ⁵ Ininiã ikiniõtika kãkiti apiaãpotape auikiniri Xesosi sãkire. Itomanepaka auikari Xesosi sãkire.

Paoro Taponetari Masetónia Auakari

⁶ Paoro imoianariakorikata ípirixitiãpotari Piríxia tixini, Karásia tixini pakini. Iuasaaki Erekari Matamatakoti ! auiritana ninoa Xesosi sãkire isãpiretinina Ásia tixiniã. ⁷ Ninoa apokasaaki Mísia tixini takote, inirekamarina Pitxínia tixini isinina. Erekari Matamatakoti ! auiritana isinina Pitxínia tixinimoni. ⁸ Ininiã ninoa ípirixititari Mísia tixini. Apokana Tóatxi sitatxiti.

⁹ Iua íkanõkati Paoro taponeuata. Itaponetari kiki Masetónia tixini auakari. Itimanãta. Amanañãtari:

—Uaimoni pina Masetónia tixini. Pimoianataua ate —itxari.

¹⁰ Ininiã Paoro taponeuataka atoko, ate xinikari:

—Masapoka Masetónia tixinimoni, kotxi atãoka Apiananiri akiritaua ate Teoso iokanapirena erekari kãkiti ikiraãkinimoni asãpiretini íkapani.

Ininiã aiamata Masetóniamoni asini íkapani.

Arítxia Auikari Xesosi Sãkire

¹¹ Tóatxi iporokote ate iereétaua maporo áki. Asapitipo Samotirásia ipokomiriíti. Pokati-mari õti ate sari Niãpori sitatxiti. ¹² Iuaã apotorika. Asari Piriposi sitatxitimoni, Masetónia tixiniã. Masetónia tixiniã iua sitatxi mitari. Piriposi atoko inakari ! auari. Iuaã auana kaiãopokori kãkiti Homa sitatxitilini. Ate napari mapaõti iuaã.

¹³ Tomatiko õtisaaki sitatxi ítinikata ate sari uini ítinikata. Ate uãkatari uini ítinikata Xoteoakori apotiitiniãua Teoso imisãkiretinina íkapani. Ininiã ate apoka iuaã. Atãopitika ate uãkatakiti. Aãpokoro Xoteoakoro. Iuaã apotiitauana Teoso imisãkiretinina íkapani, ininiã aítópãka, ninoakata asãkirauatini íkapani. ¹⁴ Sito Arítxia inakoro aua ninoa sitokata. Oa txíta poporeri vëxtitakaro otxaua oa. Txiatxira sitatxitikero oa. Teoso misãkiretakoro oa. Iuaasaakipekara okenakotari asãkire. Iuasaaki Apiananiri iteene kamaimaroretaro oa Paoro sãpiretakiti, ininiã oa auikari isãpiretakiti. ¹⁵ Ininiãkara oa, oaãpoko auakani apaka, patxisataãka. Eereka oa aiataua oaãpoko áki akaikotini:

—Masa naapoko, hikaikotini íkapani. Hitemoni atão nauikiniãri Apiananiri sãkire, ininiã notakata hikaikota —otxa.

Ikara atoko oa aiataua oakata akaikotini, ininiãkara akaikota oaãpoko.

Paoro, Síراسي Pakini Kateia Áki Auini

¹⁶ Áti õti Teoso misãkiretiko aikotimoni asikasaaki, ataõkitaro átokoro iamotakoro. Maerekati matamatakoti auaítotaro oa. Iua maerekati matamatakoti imarotari kãkiti kamakiti apisapanika. Oa amotakani apakaparo ito txineiro oimarore íki. ¹⁷ Oa átokoro osapika Paoro tikini, ate tikini apaka. Oãkiritapika:

—Naia kikiakori Teoso nitiriakori. Apiananiri nitiriakori itxauana naia. Oerekauana amaerekani makatxakiko, Teosomoni asini íkapani —otxaãpokata.

¹⁸ Itanaõtika ikara atoko oãkirinãta. Ininiã Paoro maerekaxiniretinoka itxa oãkiritakiti xika. Áti õti isapotorika, paniãta itxari maerekati matamatakoti:

—Xesosi Kristo uãkaã nota paniãtai, pitakanapiniro aroa átokoro —itxa.

Iuasaakipeka maerekati matamatakoti takanaparo. ¹⁹ Oa amotakani ikara imarotakasaaki, otsopa imapakapekaniika oimarore iki, ininiã imalkarina Paoro, Sírsasi pakini. Ikosekañtotana, anikana sitatxi apanikaki auñtetxiakorimoni. ²⁰ Iuaã apokana. Isãpiretarina Homanoakori:

—Naia kikiakori Xoteo itxauana. !Erekari ninoa oerekapiretakiti, ininiã sitatxi auakani omanãkarauata ninoa sãpiretakiti xika. ²¹ Ate amakinika Homano atxaua. Aimarotapekari aãuiãkiti aãuñte paniãtakiti. Txamari naia oerekaua ipinimonipo inakari akamini ikapani. Naia oerekaua ãti uãka auñkiti sãkiretxiti. !Auñritaãka aãuikiniãri naia oerekapiretakiti. ! Auñritaãka akaminiri —itxana.

²² Iuasaaki kãkitipokoni iuaã apotiitakanua nirekari Paoro, Sírsasi pakini iãsokinina. Ninoa auñtetxiakori matsorakitari Paoro mãka, Sírsasi mãka apaka, imakatzakinina ikapani. Ipaniãtarina apanakini aãpitsaã ixirokitatiko. ²³ Ixirokitatapekãkana atoko, kateia ãki okaãkana Paoroni, Sírsasini pakini. Auñtetxiakori paniãtari iua kateia ñkatakari, inapokopiretiniri imasikakakoni tãkane. ²⁴ Ininiãkara kateia ñkatakari okarañtotana Paoro, Sírsasi pakini kateia irikoãkixiti. Ieretakari ninoa kiti isãkatatxi taopata kamapakotatakori ãki, imakatzakakanina ikapani.

²⁵ Ikanõka Paoro, Sírsasi pakini misãkirenãtari Teoso. Ixikarauanãtana Teoso ikapani. Apanakini kateia ãki auakani kenakonãtari. ²⁶ Iuasaaki katimaritika itixi iakeekata iteene. Kateia patapi apaka iakeekata. Iuasaakipeka kateia tore takaka. Iñtxikikona metao kamakori, pirikeri ãki auakani Iñtxikikona, karakitakata, katxaka itxa metao. ²⁷ Iuasaaki kateia ñkatakari mereka. Iua atamatari kateia tore takakapeka, ininiã iuãkatari ikinimane kãkiti inikatakini mitekapeka. Ninoa mitekaãkamako, iua auñte okamariko iua, iparika imakamakani xika. Ininiã ikosekaro iouata mitaro iuaka iorotiniua ikapani. ²⁸ Okaaritakasaakiua, Paoro akirikata:

—Kona pokapeua. Uaikareua ate amakinika —itxa.

²⁹ Iua kateia ñkatakari amanaãri tirikapi. Katimaritika Iroã. Ipamaka Paoro, Sírsasi pakini apisatoõ. Ikininanaãkata. ³⁰ Eereka imipokikana ninoa. Iua:

—Kiatokopa ñikama, nimaerekani Teoso makatzakini ikapani? —itxana ninoa.

³¹ Ninoa:

—Pauikariko Apiananiri Xesosi sãkire, ininiãkara Teoso makatzakari pimaerekani, paapoko auakani maerekani apaka —itxari.

³² Eereka Paoro, Sírsasi pakini sãpiretari Apiananiri sãkire iuamoni, iua aapoko ãki auakanimoni apaka. ³³ Iuasaaki imaropirikata kateia ñkatakari arokari ninoa karo. Eereka iua imiakorikata, ñtanorokata patxisataãka. ³⁴ Eereka anikana Paoro, Sírsasi pakini aapoko ãki. Isikakienatana. Iua imiakorikata, ñtanorokata poxokoniuaata, kotxi iuasaaki ninoa auikari Teoso sãkire.

³⁵ Katimatiniãkata auñtetxiakori iokanatana iniritiakori kateiamoni, Paoro, Sírsasi pakini isikakini ikapani. Ninoa apokasaaki, itxana kateia ñkatakariimoni:

—Pauñritana Paoro, Sírsasi pakini isinina.

³⁶ Ininiã iua kateia ñkatakari sãpiretari Paoro:

—Ñiauñteakori iokanapireta notamoni hñte nisikakini ikapani. Ininiãkara hñsipiniikaua erekaxinirepeka hinini —itxana.

³⁷ Txamari Paoro txari auñtetxiakori nitiriakorimoni:

—Ari, Homanoakorikareua ate, iuaritika auñtetxiakori Homanoakori iaritataua ate ikinimane apisatoõ. Maxikatitika ninoa iaritataua ate. !Akamari maerekati. Eereka kateia ãki ninoa okaua ateni. Uatxa ninoa nirekari iokanatinuia ate ikinimane mimarotakini-tipanika. Konapitini. Ninoapitkarako inari uai. Ninoa makatzakaua ate uai —itxa Paoro ninoamoni.

³⁸ Ninoa kikiakori kanapiriã iauñteakorimoni. Isãpiretarina Paoro iokanapirena. Ninoa auñteakori imaropiretakasaakiri Paoro, Sírsasi pakini Homano ininiuana, ninoa pñkarauata, kotxi ninoa maxikatitika misiritana Paoro, Sírsasi pakini. ³⁹ Ininiãkara ninoa sari Paoromoni, Sírsasi pakinimoni. Ninoa:

—Ate ñimarotari hñte Homano hininiua. Aimarotaãkamariko !amisiritamaiko —itxana.

Eereka ninoa auñtetxiakori mipokikana Paoro, Sírsasi pakini.

—Sitatxi hñtakanapako —itxana.

⁴⁰ Ininiã Paoro, Sírsasi pakini takanapari kateia. Aritxia inakoro aapokomoni isana. Iuaã aokitana kãkiti Xesosi sãkire auñkani. Paoro, Sírsasi pakini sikataparaxiniretana ninoa. Eereka isipekana, iua sitatxiti itakanapinina.

¹ Paoro, Sírası pakini napani Ápípori sitatxiti. Apikomoni inaparina Aporónia sitatxiti. Eereka apokana Tesarónika sitatxiti. Iuaã aua aiko Xoteo apotiitiniãtaãua. ² Paoro ito-tapekari Xoteo apotiitiniãtaãua aikotimoni isini. Ininiãkara iua sari iuaã. Ipi áti pakini óti tomatiko óti, isari iuamoni. Iuasaaki Teoso sãkire iókatsopatakori isãpireta kãkitimoni iuaãtaã auakanimoni. Ninoa pimarauata, ininiã iua sãpirenauata. ³ Ininiã Paoro txari:

—Teoso sãkire iókatsopatakori oerekaua ate: Teoso mereëkiti misiritaãkapitikako, okaãkapitikako. Eereka ókitikapitikauako, iuaãkana auãki inini íkapani. Ia Xesosi hitemoni uatxa nisãpirenãtakiti Teoso mereëkitipitikara iua —Paoro txana ninoa.

⁴ Átikaka Xoteoakori auikari Paoro sãkire, ininiã Paoro, Sírası pakini moianiakori itxapekauana. Kaiãopokori Akaia tixini auakani Teoso sãkire auiaãkani, auikari Paoro sãkire apaka. Kaiãopokoro sitoakoro, auítetxiakori Ítanoroakoro, auikari Paoro sãkire apaka.

⁵ Xoteoakori, Paoro sãkire mauiaãkani, xikotari Paoro. Ininiã ninoa apotiitana kãkiti kaneenamarini, mapariãkauatakani ahoaãtaã auakani. Apotiitana kãkitipokoni. Ininiã ninoa akiripoakata, imiteëkatana. Ikinimane sitaxi auakani kenakotari. Neenamatzixi atoko itxakatana. Imitekana Xasão inakori aapokomoni. Íroãkatana itapararitkana, Paoro, Sírası pakini initinina. Inirekarina imipokãkinirina ninoa kãkiti apotiitakanimoni apisatoó. ⁶ Txamari Paoro, Sírası pakini !auari iuaã. Ininiã ikosekaítotarina Xasão. Apanakini Xesosi sãkire auiaãkani apaka ikosekaítotana. Iauíteakorimoni anikana. Isãpiretarina iauíteakorimoni:

—Paoro, Sírası pakini kamari maerekati. Ikini itixiti ikamarina maerekati. Ininiã ninoa uai ate sitatxineëpekarana uatxa. ⁷ Ia Xasão apakapana ninoa. Iua aapoko ikaikotana ninoa. !Ikamarina aãuíte Sesa inakori paniãtakiti, kotxi ninoa oerekari kãkiti áti auítetxi ininiãua, Xesosi inakori —itxana iauíteakorimoni.

⁸ Ikara sãkiretxiti ikenakotakasaakina, kãkiti apotiitakania akiripoakata. Auítetxiakori ! imarotari ikamakitinana tãkane. ⁹ Eereka auítetxiakori misãkiretana Xasão, apanakinikata:

—Hiikixitana hãsikakiko íkapani. Eereka auiritana hãsini.

Ininiã eereka auiritana isinina.

Peréia Sitatxiti Pirena

¹⁰ Kikatapeka inakasaaki, Xesosi sãkire auiaãkani iokanatanana Paoro, Sírası pakini Peréia sitatxitimoni. Iuaã Peréia sitatxiti ninoa apoka atoko, Íroãna aikoã Xoteo apotiitiniãtaãua. ¹¹ Kãkiti iuaã auakani iteene nirekari Paoro sãpirena ikenakotinina. Tesarónika auakani ! atokoni itxana ninoa. Ikiniótika ninoa atatsopatarí Teoso sãkire iókatsopatakori, kotxi inirekarina imarotininina:

—Paoro sãkire atão atxiiti? —itxana.

¹² Ininiã kaiãopokori Xoteoakori auikari Xesosi sãkire. Kaiãopokoro sitoakoro Akaia tixini auakani apaka auikari Xesosi sãkire. Naia sitoakoro auítetxiakori Ítanoroakorokara. Kaiãopokori kikiakori Akaia tixini auakani apaka auikari Xesosi sãkire. ¹³ Eereka Xoteoakori Tesarónika sitatxiti auakani kenakopiretari Paoro sãpiretiniri Xesosi sãkire Peréia sitatxitiã. Ininiã ninoa sari Peréia sitatxitimoni. Apokaãkana atoko, itxikitarina kãkiti ahoaãtaã apotiitakania Paoro omanatinina íkapani. ¹⁴ Ikara atoko ininiã, Xesosi sãkire auiaãkani iokanatarí Paoro potxoari uinitimoni. Sírası, Tximótxio pakini kaikotapanika Peréia sitatxiti. ¹⁵ Paoro moianatakani anikari iua Atena sitatxitimoni. Eereka ninoa kanapiriã Peréia sitatxitimoni. Paoro iokanapireta Sírası, Tximótxio pakinimoni:

—Katimariã hinako —itxa.

Atena Sitatxiti Pirena

¹⁶ Ininiã Atena sitatxitiã Paoro iãtapari Sírası, Tximótxio pakini apokini. Iuasaaki Paoro itikari kaiãopokori teoso kãkiti kamakiti. Sitaxi xãpoka kãkiti teosonenoka. Ia xika Paoro matinaniuata. ¹⁷ Ininiãkara Paoro oerekari Teoso sãkire Xoteoakorimoni aiko áki Xoteo apotiitiniãtaãua. Xoteo minakanua, Teoso sãkire auiaãkani apaka, Paoro oerekari Teoso sãkire iuaãtaã. Ninoa pimarauata, ininiã imisãkiretakana Teoso sãkire ixinikinina íkapani. Ikiniótika Paoro oerekari Teoso sãkire kãkitimoni, nipokori iamotikoãtaã sikanimoni. ¹⁸ Kãkiti kaxinikaxitirerini, Epikoreo inakoni, Esitóiko inakoni apaka sãkirusata Paorokata. Paoro sãpiretana ninoa Xesosi pirena. Isãpiretana Xesosi ipinini, eereka ókitikinua, iuaãkana auãki inini pirena. Ininiã átikaka:

—Natokopa itxa ikara inakari sãkiretxiti? Uuato sãkire atoko itxa. !Kikiteri iua —itxana.

Apanakinipekana txari:

—Isãpiretari áti itixiti auakani teosone pirena.

Paoro Sãpirenauata Ariópako Inakoriãtaã

¹⁹ Eereka ninoa kaxinikaxitirerini anikari Paoro aiko kãkiti apotiitiniãtaãua, imiriã nopini Ariópako inakoriãtaã. Iuaã ninoa txari:

—Ate nirekari aimarotiniri poerekakiti sáikiretxiti. Mitxi kona ate kenakotari ikara atoko inakari sáikiretxiti. ²⁰ Ipxini poerekakiti sáikiretxiti !aimarotapanika. Ipinimonipo itxa poerekakiti. Ininiã pisápiretaua. Poerekaua, aimarotini ikapani —itxarina Paoro.

²¹ Ikara atoko itxana, kotxi ikiniõtika Atena sitatxiti auakani, apaka áti itixiti ikani Atena kaikotakani nirekari átiãtaãkiri sápiretakiti imarotinata ikapani, ininiã ikiniõtika amaneri sáikiretxiti ikenakonãtana.

²² Paoro ikinimane apisatoõ itima, imiriã Ariópako inakoriãtaã. Iua txana ninoa:

—Kikiakori, Atena sitatxiti auakanii, nitikapekari híteosone kaiãopokori, ininiã nimarotari iteene hípaxitiniri híteosone. ²³ Ahoaãtaã ninapaãpotakasaaki, natamatari kaiãopokori híteosone misáikiretkoãtaã. Iuasaaki natamatari áti híteosonemoni sikakori takikoãtaã. Iuaã natatsopatari iõkatakori: “Uai Teoso mimarotakoti misáikiretkoãtaã.” Iua híteosonetakiti, himimarotakiniti, iuapitikara uatxa nota sápiretai híte.

²⁴—Iua Teoso kamari itixi. Ikinipoko itixi nopini auakari apaka ikama. Iua Apiananiri. Iua itixi auakani auíte itxaua iua. Iaxiti auakani auíte apaka itxaua iua. !Ikaikota kákiti kamakiti aikotiã. ²⁵ Ikinipokokara auapeka Teosomoni, ininiã !nirekari kákiti kamakiti iua auini ikapani. Teosopitikara txíkitakari kákiti auáki inini. Iuakara sikaxiniretari kákiti. Teosokara sikari ikinipoko kákiti auakiti. ²⁶ Merepitipanika kákiti !auari, eereka Teoso kamari kiki Atão inakori. Ikinii uãkati kákititi atokiri itxaua iua Atão. Teoso iokanatanana ninoa ikini itixitiã auinina. Kákiti mauakani apisapanikara, imereëri kákiti iponaniini õti tãkane. Iaõtari kákiti auiniãtaã tãkane. ²⁷ Ikara atokora itxa Teoso kamakiti. Teoso txíkitakari kákiti nitiniri Teoso. Initaãpotakasaakirina, atxiiti ninoa apokari Teoso, kotxi kona õtakoni aua Teoso. ²⁸ Áti txapekari: “Teoso txíkitakaua auáki anini, atípokotini ikapani. Iua matxíkitakakaniãua auáki anini, !aãuari.” Kazikarerini híte sauaki auakani txapekari: “Teoso anaakori ate apaka txaua.” ²⁹ Teoso anaakori aniniãua, ininiãkara aimarotari kona kákiti kamakiti atoko inakarini !itxaua Teoso. Kona oro kamakorini !itxaua. Kona pirata kamakorini !itxaua. Kona kai kamakorini !itxaua Teoso. Konapitini. ³⁰ Mitxipe kákiti !imarotari atão inakari. Iuasaaki Teoso !imisiritana kákiti imimarotakanisaakina. Txamari uatxaika ipaniãtari ikininape kákiti ikini itixiti auakani imaerekanina itakanapinina ikapani. ³¹ Ikara atoko Teoso txari ikinimane kákiti, kotxi iua ketotapekari áti õti kákiti misiritiko õti. Xesosi Teoso mereëkiti iuakarako sápiretariko kákiti misiritiko ikara õti apokasaaki, kotxi iua imarotari atão inakari. Aimarotari Xesosi Teoso mereëkiti ininiãua, kotxi Teoso õkitikari iua, iuaãkana auáki inini ikapani —Paoro txana ninoa.

³² Xesosi iuaãkana auáki inini pirena ikenakotakasaakina, átikaka napetari Paoro. Apanakini:

—Ate nirekari pisápirena iuaãkana akenakotini —itxarina Paoro.

³³ Ininiã Paoro sipe. ³⁴ Apanakinipekana auikapitikari Paoro sáikire. Txionisio inakori, Atena sitatxiti auakani auíte, aukari isáikire. Apaka sito Tamari inakoro aukari isáikire.

18

Korïto Sitatxiti Pirena

¹ Eereka Paoro takanapari Atena sitatxiti. Korïto sitatxitimoni isa. Iuamoni apoka. ² Iuaã aõkitari kiki Ákira inakori. Iua Xoteo. Põto inakoriãtaã iua iponaniã. Itãria tixini ikari. ! Okanani apoka Korïto sitatxiti. Apoka itanorokata, Pirisira inakorokata. Ninoa takanapari Itãria tixini, kotxi Itãria auakani auíte Krãotxio inakori paniãtana ikinimane Xoteoakori, Homa sitatxiti itakanapinina. Paoro ianapokota Ákira, Pirisira pakinimoni. ³ Eereka ikaikota ninoakata, kotxi ninoa parïka iua Paoro parïkatxikana. Papiri aamata kamakori kamakani ninoa. Ininiã Paoro kaikota Ákirakata, iuakata iparïkauatini ikapani. ⁴ Ikiniiõtika tomatiko õti, Paoro sari aiko Xoteo apotiitiniãtaãua. Iuaã Xoteoakori, Kreoakori pakini apotiitaua. Paoro oerepiretana ninoa Xesosi sáikire, isáikire aukinina ikapani.

⁵ Síراس, Tximótxio pakini takanapari Masetónia tixini. Korïto sitatxiti apoãkana atoko, Paoro takanapari iparïka papiri aamata kamakori ikamini, Teoso sáikire kákitimoni ikiniõtika isápiretini ikapani. Iua oerekana Xoteoakori Teoso mereëkitipitikara iua Xesosi.

⁶ Txamari ninoa Xoteoakori omanatari Paoro. Ninoa misáikirepiretari Xesosi, ininiã Paoro kamaãkaretxitana ninoa Xesosi imisáikirepiretinina xika. Iõkokari imãka ninoa apisatoõ aãpani katxakini ikapani, omanãkare oerekini ikapani. Ininiã Paoro txana:

—Teoso ! apakapari híte Xesosi sáikire himauikakani xika. Kona nota xikani, kotxi nisápiretapekamai híte. Ininiã uatxaika nisápiretariko Xesosi sáikire Xoteo minakonimoni. Xoteoakorimoni Inisápiretaikariko —itxa Paoro.

⁷ Ininiãkara Paoro takanapana ninoa. Isari Txísio Xósito inakorimoni iua aapoko ikaikotini ikapani. Xoteo minakatuiua iua. Teoso misáikiretakari iua. Iua aapoko aiko Xoteo apotiitiniãtaãua takote aua. ⁸ Aiko Xoteo apotiitiniãtaãua sikani auíte Krispo inakori aukari

Apiananiri Xesosi sãkire. Ítanoro, imiakori apaka, auikari Xesosi sãkire. Kaiãopokori kãkiti Korĩto auakani kenakotari Paoro sãpirena, ininiã eereka ninoa auikapiretari. Ipatxisa-taãkana.

⁹ Áti Íkanõkati Teoso txikitakari Paoro itaponeuatini. Itaponemoni Apiananiri misãkiretari iua:

—!Pipĩkarauatape. Nisãkire pisãpiretapitipo kãkitimoni. !Piotokape. ¹⁰ Kotxi nota auapika pitekata. Pikarotakiri !auari, kotxi kaiãopokori kãkiti nota nakitiakori Íkorapokoriti auari — itxa Paoromoni.

¹¹ Ininiã Paoro kaikota iuaã áti ano, ipixini ano pakinikanani Teoso sãkire oerekini Íkapani.

Xoteoakori Anikari Paoro Káriomoni

¹² Eereka iuaã Akaia tixini auakani auĩte áti Íroã, Káριο inakori. Iua Homano itxaua. Homanoakori auĩtetari iua. Iuaaaki Xoteoakori apotiitaua. Ninoa maĩkari Paoro. Anikarina aiko kãkiti misiritiko sãpiretikoãtaã. ¹³ Iuaã ninoa txari Káriomoni:

—Ia kiki na atão oerekari kãkiti Teoso paniãtakiti kamiko. Ipinimonipo itxa iua oerekakiti. Na aãtokiriakorini oerekakiti atokoni itxa. !Auiritaãka Paoro oerekapiretakiti —itxana.

¹⁴ Paoro sãkirauatini apisapanika, Káριο txana Xoteoakori:

—Nisãpiretai hĩte Xoteoakori. Paoro kamaãkamariko maerekati, nota kenakotamariko apikomoni hĩsãkiremako. ¹⁵ Txamari !ikamari maerekati. Hĩte taparakienatakakaua hãuikapiretakiti xika, hãtokiriakorini oerekapiretakiti xika. Hĩte Xoteoakori. Nota áti uãka nitxaua, ininiã hĩtekara xinikari atão inakari. Kona notani sãpiretai hĩte auĩãkiti —itxa Káριο.

¹⁶ Ininiã omitikana ninoa, aiko kãkiti misiritiko sãpiretikoãtaã õpõkikinina Íkapani. ¹⁷ Iuaaaki Krekoakori maĩkari Sóseni inakori. Iuani Xoteoakori apotiitiniãtaãua sikani auĩte. Krekoakori xirokitatari aãkeẽ aiko kãkiti misiritiko sãpiretikoãtaã apisatoõ. Txamari Káριο !imaãkatari.

Paoro Kanapiriã Átxiokia Sitatxitimoni

¹⁸ Eereka Paoro kaikotapanika mapaõti iuaã Korĩto sitatxiti Xesosi sãkire auĩãkanikata. Eereka iua takapiretanapana ninoa. Isipe Pirisira, Ákira pakinikata. Iereẽtauana maporo áki, Síria tixinimoni isinina Íkapani. Sẽkireia sitatxiti apokana. Iuaã Paoro sãpiretari Teoso ikamaenetakiti Teoso Íkapani. Eereka ikixatari ikii ikamaenetakiti ixinikini Íkapani. ¹⁹ Ninoa apoka Épeso sitatxiti. Iuaã Paoro takanapana Pirisira, Ákira pakini. Paoro Íroã aiko áki Xoteo apotiitiniãtaãua. Iuaã apakapapiretakakaua Xoteoakorikata Teoso sãkire isãpiretinina. ²⁰ Ninoa misãkiretari Paoro ninoakata apikomoni ikaikotini Íkapani. Txamari Paoro linirekari ikaikotini.

²¹ —Nisariko kiiniri Teoso misãkiretiko aikotiã Xerosareẽ. Eereka Teoso nirekiniãri, uai nikanapiriã hĩtemoni —itxa Paoro.

Eereka isipe. Iereẽtaua maporo áki. Épeso sitatxiti itakanapa. ²² Sesaréia sitatxiti apoka Paoro. Eereka isa Xerosareẽmõni. Iuaã apokasaaki, ianapokota Xesosi sãkire auĩãkanimõni. Eereka isa Átxiokia sitatxitimoni. ²³ Iuaã ikaikota mapaõti. Eereka isipe. Karásia tixini, Pirixia tixini apaka Ípirixitiãpota. Aapokotxi apokaãpotakasaaki, isikapoxokonitana ikini-mane Xesosi sãkire auĩãkani.

Aporo Pirena

²⁴ Iuaaaki Xoteo Aporo inakori sari Épeso sitatxitimoni. Iua iponaniã Arexãtria sitatxitiã. Paimatireri iua. Imarotari Teoso sãkire iõkatsopatakori imakinika. ²⁵ Iua oerekapeẽkaika Xesosi sãkire, ininiã atão Xesosi sãkire isãpireta kãkitimoni. Ipoxoniritika isãpirenauata. Txamari kãkiti patxisatiko pirena liteene imarotapanika. Xoão kapatxisareri oerekapiretakitananira imarota. ²⁶ Iua Aporo sãpirenauata itaparaxinireritika aiko áki Xoteo apotiitiniãtaãua. Iuaaaki Pirisira, Ákira pakini kenakotari isãkire. Eereka anikarina aapokomonina. Oeekarina apikomoni Teoso sãkire imarotini Íkapani. ²⁷ Eereka Aporo:

—Ninirekari Akaia tixinimoni nisini —itxa.

Ininiã Xesosi sãkire auĩãkani:

—Ari, erekapitikari pisini.

Ininiã Xesosi sãkire auĩãkani, Épeso auakani, iokanatsopatari itariakorimõni Akaia tixini auakanimõni. Itxana iõkatsopariã: “Hãpakapariko aĩtari Aporo inakori.” Aporo apokasaaki Akaia tixini, iteene imoianatana Xesosi sãkire auĩãkani. Ninoa auikari Xesosi sãkire, kotxi Teoso iteene tirtana ninoa. ²⁸ Íkinimane apisatoõ Aporo oerekana Xoteoakori, Xesosi sãkire mauĩãkani, Xesosi atãopitika Teoso mereẽkiti ininiãua. Teoso sãkire iõkatsopatakoriã iua oerekana Xesosi Teoso mereẽkiti ininiãua. Ininiã Xoteoakori !kasãkirena.

19*Paoro Épeso Sitatxiti Auakasaaki*

¹ Aporo Korĩto sitatxiti auakasaaki, Paoro İpirixititari Épeso tōpa Épeso sitatxiti apokini İkapani. Iuaā aōkitana kākiti Xesosi sākire auīākani. ² Paoro pimaāna ninoa:

—Xesosi sākire hāuikasaaki, hāpakapatari Erekarı Matamatakoti? —Paoro txana ninoa.

Ininiā ninoa:

—Kıripıtıpa iua Erekarı Matamatakoti? !Aimarotari —ıtxana.

³ Ininiā Paoro:

—Kanatokopa inakarıāpa hıte patxisataāka, Erekarı Matamatakoti himimarotakani?

Ininiā ninoa:

—Ari, Xoāo patxisarauatini atoko inakarıkanera ate patxisataāka —ıtxarina Paoro.

⁴ Ininiā Paoro:

—Xoāo patxisatana kākiti maerekati takanapakani. İtxana ninoa: “Hıteko iteene auıkapıretarıko nitikini apokakari, Kristo Xesosi inakori,” Xoāo txari kākiti —ıtxa Paoro.

⁵ İkara İkenakotaākana atoko, ninoa patxisataāka Xesosi Apıananırı uākaā. ⁶ İuasaaki Paoro takari imakinika iuako ninoa nopini. İuasaakıpeka ninoa apakapari Erekarı Matamatakoti. İuasaaki ninoa sākırauata kākiti ātı uāka sākıreē. İsapıretarına Teoso sākire kākıtımoni. ⁷ Ninoa kikiakori atxııti tosi pakini.

⁸ İpi ātı pakini kasırıtı İkinıōtika aiko Xoteo apotiitiniātaāua Paoro sāpıre nauata itaparax-inırerıtıka. Apanakınıkata imısākırenātakakauana. Paoro nırekanana ninoa auıkınırına Teoso sākıre, Teoso auıtetxi İniniāua pırena. ⁹ Txamari ātikaka ninoa !ınırekarı auıkapıretınırına, kotxi !ınırekarına İkara atoko inakari sākıretxıti. Ninoa mıśākıre pıretarı Xesosi sākıre İkinımıane kākıtı apısatoō. İniniākara Paoro takanapana ninoa. Anıkana Xesosi sākıre auıākani İuakata. İkinıōtika Txırano inakori oerekarauatınıātaā Paoro oerekari Teoso sākıre kākıtımoni. Ninoa pımaaāpotakakaua Teoso sākıre İmarotınına İkapanı. Apakapıreāpotakakauana. ¹⁰ İuaā Paoro oerekarauata İpıkananı, İniniā İkinımıane kākıtı Ásıa tıxını auakani kenakotarı Xesosi Apıananırı sākıre. Xoteoakori, Krekoakori pakini kenakotarı.

Sepa Anaakori Pirena

¹¹ Teoso sıkaposotııretarı Paoro posotııretxi İpınımınıpo inakari İkamını. ¹² İkara atoko İniniā İkii mata, İmāka İparıkauatını İkapanı apaka anıkaāka amıanatakannımoni, İniniā Teoso txııtkıtana amıanatakannı erekape İnınına. Maerekannı matamatakonnı auaitotınıārı kākıtı, Paoro māka ninoa kākıtı apakapakasaaki, maerekannı matamatakonnı sıpe.

¹³ İuasaaki apanakını Xoteoakori, mıłtıakori, maerekannı matamatakonnı omıtıākani, sarı kākıtımoni maerekannı matamatakonnı omıtıkınına İkapanı. Xesosi pırena İkenakotana. İniniā eereka ninoa txari maerekannı matamatakonnımoni:

—Apanıātai hıspıniıkaua Xesosi uākaā, Paoro sāpıretakıtı Xesosi uākaā —ıtxana ninoa.

¹⁴ İuasaaki aua kiki Xoteo, Sepa inakori. Sasetotxiakori auıte İtxaua. İua anaakori kiki setxi pakini. Sepa anaakori panıātana maerekannı matamatakonnı sını Xesosi uākaā.

¹⁵ Txamari ātı ōtı maerekati matamatakoti apakapıretana ninoa:

—Nota İmarotarı Xesosi. Nımarotarı Paoro. Hıte !nımarota. Kınıpararı hıte? —ıtxa maerekati matamatakoti.

¹⁶ İuasaakıpeka kiki maerekati auaitotakıtı okakataua ninoa nopini. Apıataparata İua maerekati. İuasaaki İua āsokıtakatapena nınıanı. İniniā ninoa mıteēkata, kasarapekana, kakaropekana İtxapena.

¹⁷ İkinımıane kākıtı Épeso sitatxıtı auakannı kenakopıretarı İkara ene. Xoteoakori, Krekoakori apaka kenakopıretarı İkara ene, İniniākara İpıkarauatana. İkara atoko İniniākara Xesosi uāka apıata İpaxıtıāka. ¹⁸ Kאיāopokori Xesosi sākıre auıākani apotiitıaua. İkinımıane apısatoō İsapıretarına maerekati mıtxı İkamakıtına. ¹⁹ Apanakını kasıkapōererını apaka apoka İuaā. İmınarına sıkapōeretxi apaıaōkıkı tsopa. İkinımıane apısatoō İotıkarına. ! İnırekaıkarına maerekati İkamınına. İaōtarına İkara aātsopa İki. İkii sıkoēta mıo txıneıro ota pırata kamakoro. Kאיāopokoro txıneıro. ²⁰ İkara atoko İniniāpanırako Apıananırı sākıre İarıpıretako İkını İtxıtı. Kאיāopokori kākıtı apıata auıkaāpotarı Apıananırı sākıre.

²¹ Eereka Paoro ākımınıre txarı:

—Nıpirıxıtıtarıko Masetónıa tıxını, Akaıa tıxını pakını. İposo atoko Xerosareēmını nisako. İposo atoko Homa sitatxıtımoni nisako —ıtxa ākımınıreē.

²² İokanatana İmoıanarıakori, Txımótxıo, Erásıto inakori pakını Masetónıa tıxınımını. Paoro kaıkotapanıka Ásıa tıxınıā.

Neenamatxi Épeso Sitatxiti Auini

²³ Iuasaaki Paoro Épeso sitatxiti auakasaaki, kãkiti Xesosi oerekapiretakiti manirekakani misãkirepíepotari Paoro, kotxi ! inirekarina Xesosi oerekapiretakiti. ²⁴ Iuasaaki kiki Temétxio inakori aua iuaã. Ikamari aiko axapitipikiri inakari. Krekoakori teosone Txiana inakoro misãkiretiko aikoti atoko inakari ikama. Kaiãopokori ikama pirata kamakori ivétxitini ikapani. Iua, initiriakori apaka apakaparo txineiropokoni iparíkana íki. ²⁵ Iua Temétxio píkapiretana ikinimane initiriakori, ninoa kamakitikana kamakani apaka. Temétxio txana:

—Kikiakori, híte imarotari kaiãopokori txineiro aãpakapa aparíka íki. ²⁶ Híte kenakotapekari Paoro sãpírenãtakiti. Paoro txanãta: “Kãkiti kamakiti kona teoso !itxaua.” Kona ia tãpananini, kona Épesonanini, ikara atoko itxa. Ikini itixiti Ásia tixini auakanimoni ikara atoko itxa. Kaiãopokori kãkiti Paoro sãkire auiãkani auapeka. Kaiãopokori kãkiti !inirekaikari teoso ate kamakiti. ²⁷ Atxiiti kãkiti misãkirepíretari ate kamakiti. Atxiiti ! inirekaikari aparíka. !Ikarananini. Atxiiti kãkiti !ipaxitaikari ateosone Txiana misãkiretiko aikoti. Ininiã atxiiti kãkiti misãkirepíretaro oa Txiana. Ikinimane Ásia tixini auakani teosonetaro oa. Ikini itixiti auakani teosonetaro oa —itxa Temétxio ninoamoni.

²⁸ Ninoa kenakotakasaakiri ikara sãkiretxiti, omanãkarauatana. Ninoa akirikata:

—Txiana, Épeso auakani teosone. Apiananiro oa —itxanãtana ninoa.

²⁹ Ikinimane kãkiti sitatxi auakani miteékata, akiriãpokatana. Imaïkarina Paoro moianariakori, Kaio inakori, Arisitako inakori pakini. Ninoa Masetónia tixinikini. Ikosekaïtokatana. Imimiteékata. Kãkiti apotiitiniãtaãua aikotimoni anikaãkana, müroã itxana. ³⁰ Ikara Paoro imarotakasaaki, inirekari íroini kãkitikata isãkirauatini ikapani, txamari Xesosi sãkire auiãkani lauritari iua íroini. ³¹ Átikaka Ásia tixini auakani auíteakori, Paoro tiretakani, iokanapireta Paoromoni:

—Kona píroãpeko kãkiti apotiitiniãtaãua aikoti áki —itxarina iokanapirena.

³² Aiko áki ikinimane akiripoananikata. Apanakini akirikatakiti ipinimonipo. Apanakinpekana akirikatakiti ipinimonipo itxanãtana, kotxi kaiãopokori kãkiti txari:

—Kixikapa aãpotiitaua?

!Imarotarina ixika. ³³ Xoteoakori iuaã apotiitakaníua katikari Arexãtri inakori ikinimane apisatoõ, isãkirauatini ikapani. Iuasaaki õkitikari iuako kãkiti iotokiní ikapani, isãkire ikenakotinina ikapani. ³⁴ Txamari ninoa imarotakasaakiri Arexãtri Xoteo ininiãua, akiripoakatana ipi oara:

—Txiana, Épeso auakani teosone, Apiananiro —itxanãtapikana.

³⁵ Eereka auítetxi inakariua apoka ninoa apisatoõ. Iua posotari ninoa iotokakini. Itxarina:

—Ikini itixiti auakani imarotari atenokara Épeso auakaninokara nĩkatiniri ateosone Txiana misãkiretiko aikoti. Apiananiro oa. Ninoa imarotari atenokara nĩkatiniri kai oa íto atoko inakari iaxiti katxakakaro. ³⁶ Ikinimane imarotapekari ikara inakari, ininiãkara hĩtokako. Iteene hĩxinikariko hĩkamakiti tĩkane. Maxikatĩka !hãkirinãtape. ³⁷ Kotxi híte minana naia kikiakori uaimoni, txamari !iitĩkarina tiitxi ateosone misãkiretiko aikoti áki auakari. ! Imisãkirepíretarona ateosone. ³⁸ Temétxio, iuakata parĩkauatakani pakini, nirekiniãri naia kateiamoni isinina, auapitika aiko kãkiti misiritiko sãpíretikoãtaã. Auapitika aãuíteakori. Iuaã erekari isãpíretinirina maerekati naia kamakiti. ³⁹ Iuaĩkana hĩtsoatiníã, sitatxi auakani auíteakori apotiitakasaakíua, hĩsãpíretana ninoa himapokaerekatakiniti ninoa õtãkikiní ikapani. ⁴⁰ !Apakata mixikanani himitekini, hãkiripoakatini atoko hĩkamini. Maxikatĩka hãkiripoanãta. Ixika !auari. Atxiiti Homanoakori auíte txitaua maerekati akamakiti xika —itxana ninoamoni.

⁴¹ Eereka ipaniãtana ninoa sini.

20

Masetónia Tixini, Akaia Tixini Pakini

¹ Ninoa kãkiti apotiitakaníua aapokomonina ikanapiriãka atoko, Paoro píkapiretana Xesosi sãkire auiãkani. Imisãkiretana. Ikamapoxokonitana. Iposo atoko itakanapiretana. Isipe Masetónia tixinimoni. ² Ípírixititari Masetónia tixini. Aapokotxi apokaãpotakasaaki, isãpíreãpotari Xesosi sãkire kãkitimoni. Isikataparaxiniretana. Eereka Akaia tixinimoni apoka. ³ Iuaã ikalkota ipi áti pakini kasiriti. Eereka Paoro kaíamapeka maporo áki iereëtiníua Síria tixinimoni isini ikapani. Iuasaaki, ikenakopiretari Xoteoakori okaenetiniri iua. Ininiãkara Paoro:

—Masetónia tixinimonikanerako nikanapiriãko —itxa Paoro.

⁴ Sópato inakori Peréia sitatxitikiri sari iuakata. Piho inakori ákiri itxaua. Arisitako inakori, Sekõto inakori, Tesarónika sitatxitikini, ninoa apaka sari Paorokata. Kaio inakori

Tepi sitatxitikiri apaka sari Paorokata. Txíkiko inakori, Tópimo inakori Ásia tixinikini, Tximótxio inakori pakini moianatari Paoro.

⁵ Iuasaaki nota Arókasi inakori iuakata naua. Paoro imoianariakorikata íkiika isinina. Nota, nimoianariakorikata sari Paoro tikini. Tóatxi sitatxiti Paoro iátapaua ate. ⁶ Páo miátiákati níkiko óti napaka atoko, Piriposi sitatxiti aiereétaua maporo áki Tóatxi sitatxiti asini íkapani. Siko pakini óti napaka atoko Tóatxi aápoka. Iuaá aáókitana Paoro imoianariakorikata. Iuaá anapari áti semanati.

Paoro Txíkitakari Ipíkari Iuaíkana Auáki Inini

⁷ Tomatiko ótisaaki Xesosi sákire auíákani apotiítuaa komiri ixanakinina íkapani, Xesosi ipinini ixinikinina íkapani. Iuasaaki Paoro oerekanátari Teoso sákire. Apaíkanókapaka isápírenauatapanika, kotxi katimatiníkata isipe. ⁸ Ate apotiitiniátaua aiko inopinita auakari iriko áki. Iuaá auari kaiópopokori tirikapi poniákari, ininiákara papatakari. ⁹ Iuasaaki átokori Etxiko inakori topákanáta inopinita auakari sonaá. Paoro sápirenauanátapika, ininiákara itapo inokaápotari iua Etxiko. Eereka imaka. Iuasaaki ixipotorika. Xitípeka apoákata. Ninoa miteékata iuamoni isinina, txamari !auaika. ¹⁰ Ininiá Paoro katxaka, sa itxa iuamoni. Isiríka iua ipíkari nopini, imaarata itxari.

—!Hípíkarauatape. Auákipanikari —itxana ninoa.

Ininiá iuaíkana iua átokori auákipeka itxa. ¹¹ Iposo atoko Paoro kaníka iuaíkana inopinita irikomoni. Komiri inika. Iposo atoko iuaíkana ninoakata isákíruanátniritika katimata itxa. Ikatimataáka atoko isipe Paoro. ¹² Eereka anikarina iua átokori aapokomoni. Ninoa iteene poxokoniuaa iua auákipanika inini.

Miretomoni Sikiko Pirena

¹³ Iuasaaki Paoro paniátaua ate:

—Híte sari maporoá Asosi sitatxitimoni. Imiriírako nota sari. Iuaá nota iereétaua hítekata —itxaua ate.

Ininiá ate sari iua apisa. ¹⁴ Asosi sitatxiti Paoro aókitaua ate. Iereétaua maporo áki. Iposo atoko asa Mítxireni sitatxitimoni. ¹⁵ Iuaátaá aápokasaaki, iuaíkana apotorika. Áti óti napaka atoko, anapari Kio inakori takote pokomiríi. Áti óti napaka atoko, Samosi inakori pokomiríi aápoka. Iuaíkana áti óti napaka atoko, aápoka Mireto sitatxiti. ¹⁶ Iuasaaki Paoro !inirekari Épeso iporokoti apokitini, kotxi !inirekari auapokotini Ásia tixiniá. Ikatimaritaua, kotxi iposotiniári, inirekari Xerosareé apokini. Pétékósitxi kiiniriti apisapanika apokini inireka.

Xesosi Sákire Auiákani Auíteakori Ótáikikiko

¹⁷ Ininiá Paoro Mireto sitatxiti auakasaaki, iokanapireta Épeso sitatxitimoni. Ipíkapiretana Xesosi sákire auíákani auíteakori. ¹⁸ Ninoa apokasaaki, Paoro misákiretana ninoa:

—Himarotari merepitipanika Ásia tixini napokasaaki, eereka hítekata nauakasaaki, himarotari ikiniótika nauini hítekata. ¹⁹ Iuasaaki níparíkauata Apiananiri nirekakiti nikamini. Na niuikaua. Iteene nitxiapata. Xoteoakori nirekari okinino, ininiá nimaxirexinire auapitika iuasaaki, iuaritika nikamari Apiananiri paniátakiti. ²⁰ Himarotari na níkapatari ipixini Teoso sákire. Nisápiretapekai híte imakinika Teoso sákire híte ereka hinini íkapani. Kákiti apotiitiniátaua noerekai Teoso sákire. Apaka nisari áti haápokomoni, eereka áti haápokomoni, eereka áti haápokomoni, nitxaápota Teoso sákire noerekini. ²¹ Xoteoakori, Xoteo minakaníua apaka nisápiretari nimarotakiti Teoso oerekakiti maerekanitxi itakanapina íkapani, Teoso paniátakiti ikaminina íkapani. Nisápiretari nimarotakiti Teoso oerekakiti, Xesosi Apiananiri sákire auíkinina íkapani.

²² —Ininiá nota sariko Xerosareé, kotxi Erekarí Matamatakoti paniátano nota iuaá nisini. !Nimarotari kiatokouako ninaákapaniko iuaá. ²³ Ikini sitatxiti nauakasaaki, Erekarí Matamatakoti pinitano: “Piteniko takapeékako kateia áki iuaá. Iuaá pimisiritiko auapitíakako,” itxano. Iuananira nimarota Xerosareé napokasaaki. ²⁴ Ikara nimisiritiko sákiretixiti kona mamakari nixinikakiti, kotxi kona nitiretari nauini íkorapokoriti. Xesosi Apiananiri paniátakiti paríkatxiti ninireka nikamini. Nipoxokoniritika nauini mapotókirepe nitxako. Xesosi paniátano Teoso iokanapirena erekarí Teoso tiraóki nisápiretini kákiti.

²⁵ —Nisápiretapekari Teoso auítetxi ininiáua pirena híte sauaki nauakasaaki. Uatxa nimarotari híte híkinika kona hátamataikanoko nota. ²⁶ Ininiá híxinikapikariko nisákire iaóka uatxa nisápiretakiti. Kákiti híte sauaki auakari pípinanakiníá, Teoso kimapore imimaro-takaníá, kona nota xikani. ²⁷ Kotxi nisápiretapekai híteomoni imakinika Teoso iokanapirena. ²⁸ Erepaniko, katokinani hítxako maerekati apokini hítemoni. Erekarí Matamatakoti sikapekari kákiti hítemoni Xesosi sákire hóerekini íkapani, ininiákara hiníkatana ninoa. Soti auíte níkatakani atokokana hítxauako. Ninoa hípiraaokori atoko. Ininiá hítiretanako ninoa kákiti, kotxi Teoso nakitiakori itxauna. Teoso ákiri ipina ninoa íkapani, iua nakitiakori

ininiuana ikapani. ²⁹ Nimarotari kákiti apokapitikako hitemoni nota sini tikini. Ninoa nirekari ixipokinirina híparíka Teoso ikapani. Xapakori patari imaikini monókoni atoko itxako ninoa híte sauaki imonókoni apokini. Ininiá erepaniko. Katokinani hítxako. ³⁰ Áti óti kákiti híte oereékini sápiretakiti na atáoni. Koketakori sákiiretxiti isápiretana apanakini Xesosi sákiere auíákani. Ikara xíka apanakini auikari ninoa sákiere, ininiákara isanako ninoakata. ! Auikaikarina híte sákiere. ³¹ Ininiákara erepaniko. Híxinikariko ipi anokanani áti anokanani pakini nota ótákiikanátaí híte. Noerekanátaí híte Teoso sákiere íkanóka, pokamara pakini. Ikiniótika noerekai híte. Nitxiapata nótákikasaakii, kotxi nitiretai.

³² —Uatxa nisikái híte Teosomoni, iua níkatinií ikapani. Nitakanapari Teoso sápirena hítekata, kotxi iua sápiretari isikinií ikinipoko erekari. Iuara sikaposotiiretai híte. Iuara sikái híte erekari iníkatákiti, inakitiakorimoni isikini íkapani. ³³ !Nixikotari apanakini. !Nimaákatarí itxineirote, imákana pakini. ³⁴ Híte imarotapitíkari notaka paríkauata imakinika ninireékiti, nimoianariakori níreékiti apaka niamotini íkapani. ³⁵ Ikara atoko aparíkauatiniá, atiretana kákiti maposotakaníua. Nota paríka oerekapekai híte ikara atoko híkamini. Maxinikari Xesosi Apiananirí sákiere. Iua txari: “Teoso takari erekari kákitimoni iua amonitakiti apakapakasaakí. Teoso takari apia erekari sikarauatarimoni,” —Paoro txana ninoa Épesokinimoni, Teoso sákiere auíákani auíteakorimoni.

³⁶ Iuasaakí Paoro kapotoreékíua ninoakata. Imisákiiretarina Teoso. ³⁷ Ninoa ikinimane txiapakata. Imaarákarina Paoro, apitxoka itxarina. Itakapiretanaparina. ³⁸ Apiata imatinanina, kotxi Paoro sápiretana ninoa, !aókitaikarina iua. Isana iuakata maporomoni.

21

Paoro Sari Xerosareëmoni

¹ Maporo aápokasaakí, ate takapiretanapana ninoa Épesokini. Eereka asipeka. Kosi pokomiríitimoni asakatapitipo. Iuaá aápoka. Katimatiniákata asa Hotxi iporokotemoni. Eereka Pátara sitatxitimoni asa. ² Iuaá aápokaro áto maporo Penísia tixinimoni sikaro, ininiá aiereétaua atoko ate potorika asini. ³ Apaniáxiti apokasaakí, aátamatarí Xipri pokomiríiti. Anapari Xipri pokomiríiti asanaremoni. Asari Síría tixinimoni. Aápokita Txiro sitatxiti, kotxi iuaá tíitxi maporo áki auakari káikota. ⁴ Iuaá ate aókítari kákiti Xesosi sákiere auíákani, ininiá akaikota ninoakata áti semanati. Ninoa txari Paoro:

—Xerosareëmoni ! pisipe, kotxi Erekari Matamatakoti sápiretapekaua ate pimisiritiko tükane aua iuaátaá —itxarina.

⁵ Apotorikini óti apokasaakí, ate sipe iuaíkana maporomoni. Ninoa ikinika, ítanoroakorokata, imiakorikata, isana atekata sitatxi ítiniá iporokomoni. Akinika akapotoreékíua ikipatxiteé, misákiireta atxari Teoso. ⁶ Atakapiretanapana iposo atoko, ate iereétaua maporo áki. Ninoa kanapiriá aapokomonina.

⁷ Ininiá Txiro sitatxiti atakanapa. Iuaíkana apotorika. Eereka aápoka Pitoremaita sitatxiti. Iuaá ate misákiiretana kákiti Xesosi sákiere auíákani. Akaikota áti óti ninoakata. ⁸ Katimatiniákata iuaíkana apotorika asini. Eereka aápoka Sesaréia sitatxiti. Iuaá Piripi inakori aapokomoni asa. Teoso sákiere sápiretakari itxaua Piripi. Xesosi moianariakori Xerosareé auakasaakina, ninoa mereéri iua Piripi, apikomoni kikiakori seisi pakini, ninoa imoianatinina íkapani. Ate káikota Piripi aapoko. ⁹ Piripi auari ipi ipi pakini imiakoro átokoropanika. Ninoa apaka sápiretari Teoso iokanapirena kákitimoni. ¹⁰ Ate auanapa iuaá mapaóti. Iuasaakí Teoso sákiere sápiretakari Ákapo inakori Xotéia tópa potorikakari apoka Piripi aapoko. ¹¹ Ikosekari Paoro makiomatate. Íitxikari iuako ikítikata. Itxari:

—Erekari Matamatakoti txari: “Xoteoakori Xerosareé auakani iaxirikapiriko ia makiomataretxi nakitítakari ia atokokerako iaxirikiko. Eereka isikarina Xoteo minakonimoni” —Ákapo txaua ate.

¹² Ikara akenakotakasaakí, ate apanakini iuaá auakanikata txari Paoro:

—Paoro koniko !pisipe Xerosareëmoni —atxari.

¹³ Txamari Paoro:

—Kinirepa hítxiapanáta? Híte kamamatinanitano nota. !Nimaákatari niaxirikiko Xerosareé. !Nimaákatari nokiko apaka Apiananirí Xesosi nauikini xíka —itxaua ate.

¹⁴ Ikípitari asákiere. Ininiá ate:

—Iaópe. Ikara atoko ininiá, ate nirekari Teoso níreékiti kamiko —atxa.

¹⁵ Mapaóti inapaka atoko, aáiamata Xerosareëmoni asini íkapani. Eereka apotorika asini. ¹⁶ Apanakini Xesosi sákiere auíákani Sesaréiakini sari atekata apaka. Menasó inakori aapoko ninoa anikaua ate, kotxi iuaá anirekari akaikotini. Menasó Xipri pokomiríitikiri. Okananipeka iua auikari Xesosi sákiere.

Paoro Apoka Xerosareé

¹⁷ Xerosareë aãpokasaaki, Xesosi sãkire auĩãkani apakapaua ate ipoxokoniritikana. ¹⁸ Katimatĩnkata Paoro sari atekata Txiakomoni aianapokotini ĩkapani. Ikinimane Xesosi sãkire auĩãkani auĩteakori aua iuaãtaã. ¹⁹ Paoro misãkiretana. Isãpiretana imakinika Teoso kamakiti Paoro parĩkaã Xoteo minakanĩua sauaki iparĩkauatakasaaki. ²⁰ ĩkara ikenakotakana atoko, ninoa txari:

—Peerekari Apiananiri —itxana.

Eereka itxarina Paoro:

—Aĩtari, pimarotari kaiãopokori Xoteoakori auikiniri Xesosi sãkire. Ninoa auikari Moisesini oerekakiti sãkiretxiti apaka. ²¹ Apanakini sãpiretpekana ninoa: “Paoro oerekanãtana Xoteoakori, Xoteo minakanĩua sauaki auakani, Moisesini oerekakiti itakanapinina ĩkapani. Oerekanãtana ninoa Teoso takaõtxikare imiakori ĩtoã imatakakani ĩkapani. Oerekanãtana ninoa aãtokiriakorini oerekakiti itakanapinina ĩkapani.” ĩkara atoko itxanãtana ninoa. ²² Ninoa ĩmarotapanikari pite uai apokini, ininiãkara natokopa atxatari akaminiri, kotxi anirekari ninoa ĩmarotariniri apanakini sãpiretakiti poxiene inini. Anirekari ninoa ĩmarotariniri pite aukapititari Moisesini oerekakiti. ²³ Ininiãkara ia pikama. Naia ipi ipi pakini kikiakori misãkiretari Teoso. Isãpiretarina Teosomonikari ikamaenetakitina tĩkane. ²⁴ Ininiã pisa naiakata Moisesini oerekakiti iaõka hĩkamini ĩkapani, ininiãkara hĩkĩpaãtaua Teoso ĩkapani. Pite ĩĩkitxtari naia kii kixatiko ĩkapani. ĩkara atoko ininiã, ikinimane ĩmarotariko poxienetapa apanakini sãpiretakiti. Ninoa ĩmarotariko Moisesini paniãtakiti pikamini. ²⁵ Ninoapekana, Xoteo minakanĩua Xesosi sãkire auĩãkanipekana, ate iokanatsopatapeka ninoamoni. Asãpiretana ate xĩnikakiti: —!Hĩnikapiriko nipokori teoso kãkiti kamakitimoni sikakori. !Hĩnikapiri arẽkatxi. Manotsaãtakori xini !hĩnikape. !Hĩsirĩkape pĩtanoro minakotokatika. !Hĩsirĩkape pĩtaniri minakotikatika. ĩkara atoko atxa ate ninoamoni aiokanatsopatini —itxarina Paoro.

²⁶ Ininiã Paoro anikana ninoa kikiakori. Katimatĩnkata ninoa kipaãtaua Teoso ĩkapani Moisesini oerekakiti iaõka ĩkaminina ĩkapani. Eereka Paoro ĩroã Teoso misãkiretiko aikotiã. Isãpiretari sasetotxi ninoa keto ĩtoã arokiko xipokini õti, kotxi iusaakiko sasetotxi apakapari ninoa sikakiti Teosomoni.

Paoro Maĩkiko

²⁷ Iua semanati kaimapeka ixipokini inakasaaki, ãtikaka Xoteoakori Ásia tixinikini atamatarĩ Paoro Teoso misãkiretiko aikoti ãki. Ninoa misãkireporetari Paoro ikinimane kãkiti iuaã apotiitakanimoni, ininiã ninoa sãkire xika ikinimane omanatarĩ Paoro. Eereka imãĩkarina Paoronĩ. ²⁸ Ásia tixinikini akiripoata:

—Hĩte Xoteoakori himoianataua ate. Ia kikirã oerekari ikini itixitikini omanatinina Xoteoakori. Iara oerekari kãkiti Moisesi paniãtakiti imakamakani. Oerekari kãkiti mapaxitakiniri ia Teoso misãkiretiko aikoti. ĩkoraasaaki !ipaxitari ia aiko, kotxi imĩroãna Xoteo minakanĩua aiko ãki, ininiãkara itxikotari ia aiko Teoso nakiti —itxanãtana ninoa.

²⁹ ĩkara itxana, kotxi mitxi itikarina kiki Xoteo minakatĩua Tõpimo inakori Épeso sitatx-itikiri Paorokata tĩpokotini sitatxi apanĩkaki. Txamari Paoro !anikari iua aiko ãki. Ininiã iuaãkatarina Paoro anikapekari iua aiko ãki. ³⁰ Ininiã iua Paoro maĩkiko pirena iaripireta. Ikininape sitatxi auakani kenakoenetakasaakiri ĩkara, imitekana aikomoni. Imãĩkarina Paoro. ĩkosekaĩtotarina. Teoso misãkiretiko aikotiã ĩmpokiãkatarina Paoro. Iusaakipeka aiko tore totaãkapeka. ³¹ Kãkiti iuaã apotiitakanĩua nirekari okiniri Paoro. Sotatoakori Homano inakanĩua ninoa auĩte kenakoenetari ikinimane Xerosareë auakani neenamauatini. ³² Iusaakipeka sotatoakori auĩte anikana sotatoakori. Imitekana Paoromoni. Kãkiti atapakasaakina sotatoakori auĩte sotatoakorikata, iusaakiika iotoka Paoro iaritatinina.

³³ Ininiã sotatoakori auĩte maĩkari Paoro. Ipaniãtana sotatoakori Paoro iaxirikini ipi kohẽtxiã. Iposo atoko ipimaãna kãkiti itakote auakani:

—Kiripa ia kiki? Kixikapa ia atoko inaãka? —itxana ninoa.

³⁴ Ininiã ãtikaka iuaã auakani, ia xikara. Apanakinipekana ãti xikara, itxaãponãtana isãkirena. Sãkiretxi kaiãopokori ininiã, iua !imarotari atão ixika. ĩkara atoko ininiã, sotatoakori auĩte paniãtana sotatoakori, ninoa aapokomoni anikinirina Paoro. ³⁵ Sotato aapokokiri kanikoatxiã apokasaakina, sotatoakori õtanõkari Paoro ĩto, kãkiti mamaĩkakaniri ĩkapani. ³⁶ Kotxi kaiãopokori kãkiti itikini ĩkani akiripoakata:

—Hõkariko. Hõkariko —itxanãtana.

³⁷ Paoro sotatoakori aapoko ãki ĩroãnapanoka inakasaaki, Paoro txari sotatoakori auĩte:

—Apakata pite nimisãkiretini?

Ininiã sotato auĩte tikoka.

—Pite ĩmarotari Krekoakori sãkire —itxari Paoro.

³⁸ —Kona piteni Exito tixinikiri pitxataua? Kona piteni kitatiki kamanātari neenamatzixi auítetxiakori pomanatini? Kona piteni anikatana ipi ipi pakini mio kokanirini ixaminakitekatanana āparaā makipakaniātaā? —ipimaāri Paoro.

³⁹ Ininiā Paoro:

—Kona notani. Xoteo nitxaua. Nota Taaso sitatxitikirirano nota. Taaso sitatxiti, sitatxi apiri inakari, Sirísia tixinikiri. Pauiritano nakira kākiti nimisākiretini —itxari iua.

⁴⁰ Ininiā sotatoakori auíte:

—Ari, pimisākiretana.

Inakasaakiri Paoro tima kanikoatxiā. Iuasaaki ōkitikari iuako kākiti akiritini iotokini ikapani, isākire ikenakotinina ikapani. Ikinipoko iotokasaaki, iua sākirauata ninoakata Xoteo sākireē, Epiráiko sākireē.

22

Paoro Misākiretari Xerosareē Auakani

¹ Ininiā Paoro:

—Nitariakori, niriakori, hīkenakotariko nisākire. Na maerekati na nikama. Erekarinokara nikama —itxa.

² Ninoa kenakotakasaakiri ninoaka sākireē, Epiráiko sākireē isākirauatini, !akiritaikana. Itsoríkaātana.

³ Ininiā Paoro:

—Xoteopititarano nota. Niponaniā Taaso sitatxiti, Sirísia tixiniā. Eereka uai Xerosareē sitatxiti napoka. Uaikara naneē. Iuasaaki koerekareri kimatireri Kamarieo inakori oerekano imakinika. Iua oerekano akiomaneakorini kitxakapiríkarini paniātakiti imakinika. Nota paríkauata Teoso ikapaninokara, híte paríkauatini atokotxikana. ⁴ Mitxipeka nota kapokotana kākiti Xesosi sākire auíākani, Xesosi kimaporeē sikani. Nimaíkana, kateia āki oka nitxana. Kiki, sito pakini nimaíka. Nota xika ninoani ipipe. ⁵ Sasetotxiakori auíte apiatakari, Xoteo auíteakori pakini imarotari atāopitika nisākire. Ninoakara sikano aātsopa iōkatsopatakittina auítetxiakorimoni Tamásiko sitatxiti auakanimoni nanikini ikapani. Iua aātsopa auiritano Xesosi sākire auíākani nimaíkani. Ininiā nota sari iuaā Xesosi sākire auíākani nimaíkani ikapani, Xerosareēmoni nimikanapiriinina ikapani imisiritikona tíkane.

⁶ —Apaniāxiti Tamásiko sitatxiti takote napokaāpotakasaaki, patimari iotximere iaxitikiri apoka notamoni. ⁷ Xiti nirika. Nikenakotari nakiriuākatiko: “Saoro, Saoro, kinirepa pite misiritano nota?” itxano.

⁸ —Ininiā nota: “Apiananiri, kiriparai pite?” nitxari.

—Ininiā iua: “Nota Xesosi Nasaree sitatxitikirikarano nota. Pimisiritakitkarano nota,” itxano.

⁹ —Nimoianariakori atamatari iua iotximere, ininiā ipíkarauatana. Na ikenakotarina nota misākiretakari. ¹⁰ Ininiā nota: “Apiananiri, kipa pinireka pitemoni nikamini?” nitxari.

—Ininiā Apiananiri: “Ereē pitima. Tamásikomoni pisa. Iuaātaā pisāpiretaākako imakinika Teoso nireēkiti pikamini ikapani,” itxa Apiananiri notamoni.

¹¹ —Iua iotximere xika mōsiāreti nitxaua. Ininiā nimoianariakori kanōpiāpotano. Anikanona Tamásikomoni. ¹² Iuaātaā aua kiki Ananíasi inakori. Iua kamapikari akiomaneakorini kitxakapiríkarini paniātakiti. Ikinimane Xoteoakori Tamásiko auakani iteene paxitari iua. ¹³ Iua ina notamoni. Nota takote apoka itxa. Itxano: “Nitari Saoro, kōsiāre pitxako,” itxano nota.

—Iuasaakipeka nota kōsiārepeka nitxa. Natamatari iua. ¹⁴ Iua: “Akiomaneakorini Teosone mereēi pite inirekakiti pimarotini ikapani. Teoso mereēi pite Erekarinoka Kamakari patamatini ikapani. Teoso mereēi pite Erekarinoka Kamakari sākire pikenakotini ikapani. ¹⁵ Pitekarako sápiretariko itanapoko kákitimoni atāo Xesosi pirena, patamatakiti, pikenakotakiti pakini. ¹⁶ Ininiā kona okanani pitxape. Pōkitikaua. Pipatxisataākako. Pakiritariko Apiananiri uāka, ininiā iua makatxakari pimaerekani,” Ananíasi txano nota.

¹⁷ Eereka nikanapiriā Xerosareēmoni. Teoso misākiretko aikotimoni nisa. Iuaā Teoso nimisākirenātakasaaki, nitaponetari Apiananiri. ¹⁸ Natamatari iua. Itxano nota: “Kataima pitxako. Xerosareē posipika uatxapeka. Uai auakani !auikapaniri nota pirena pisāpiretakiti,” itxa.

¹⁹ Ininiā nota: “Apiananiri, nota nitapekana kākiti pisākire auíākani ikini aikoti Xoteo apotiitiniātaāua. Niāsokapekana. Katela āki nitakapekana. Ninoa imarotapitikari ikara nikamakiti. ²⁰ Pite sākire sápiretakari Estevāo inakori okikosaaki, nota aua iuaā. Iuasaaki ninikatariko kokanirini māka inopinikiri. Nota apokaerekatariko okinirina iuani.”

²¹ —Ininiā Apiananiri: “Pisipeka. Ōtakoxiti niokanatai Xoteo minakonimoni,” itxano — itxa Paoro kákitimoni.

Paoro Homano Itxaua

²² Iuusaakipeka Xoteo minakonimoni isini xika, kákiti iuaã apotiitakanuia !inirekaikarina Paoro sákire ikenakotinina. Omanákarauata. Akiripoakatana:

—Hókariko. !Erekari auapanika inini —itxana.

²³ Akiripoakatana. Iókokarina imákana inopinikiri. Kipatxi okarapekatana apaka, kotxi omanákarauata. ²⁴ Ininiã sotatoakori auíte paniátana sotatoakori anikiniri Paoro aiko kaikori áki, sotatoakori aapoko áki. Ipaniátana Paoro ixirokitatiko tíkane, kotxi inirekari imarotiniri Paoro omanatiko xika. ²⁵ Paoroni iítxikasaakina ixirokitatiko íkapani, Paoro pimaári sotato itakote timakari:

—Erekari atxiíti híte xirokitatiniri kiki Homano inakori maxikatíika? Homano nitxaua. Kixikapa híte nirekari híxirokitatinino? —Paoro txari iua.

²⁶ Ininiákara sotato sari iauítemoni.

—Iua kiki amaíkkaiti Homano itxaua iua, ininiákara erepaniko iuamoni pikamakiti tíkane —itxari.

²⁷ Ininiã sotatoakori auíte sari Paoromoni.

—Pisápiretano. Homanokani pitxataua? —itxari Paoro.

Ininiã Paoro:

—Iuapitikarano nota.

²⁸ Sotatoakori auíte txari:

—Nota Homano nitxaua, kotxi níikixitari aátsopa íki Homano nininiua íkapani. Pakaroneri.

Ininiã Paoro:

—Niponaniákasaaki Homano nitxapekaua —itxa.

²⁹ Iuusaaki Paoro xirokaaritakani patimari isinina. Sotatoakori auíte píkarauata, Paoro Homano ininiua imarotakasaaki, kotxi iua paniátana sotatoakori iítxikiniri Paoro.

Paoro Xoteo Auíteakori Apisatoõ

³⁰ Katimatiniákata sotatoakori auíte koxirikari Paoro. Inirekari imarotiniri Xoteo apoítiniri, ininiã ipíkiporetana sasetotxi auíteakori, Xoteo auíteakorikata. Ipaniátari Paoro itimni ninoa apisatoõ.

23

¹ Ininiã Paoro iteene mixinitoótana Xoteo auíteakori.

—Nitariakori, erekari nikaminiritíka, uatxa uai naua. Teoso nireékitinoka ninireka nikamini. Teoso imarotari ikara, kotxi imarotari nixinikakíti náixixinireé —itxa.

² Sasetotxiakori auíte apiatakari Ananiási inakori ! ipotxitari Paoro sákire, ininiã ipaniátari Paoro takote auakani aritiniri Paoro sona. ³ Ininiã Paoro:

—Teosokarako aritaiko pite. Aapokotxi tare txítatakori atoko pitxa pite, kotxi mapara peerekai, txamari páixixinireé maerekatinoka. Pite topákanáta ereé nota pikenakotini íkapani akiomaneakorini paniátakiti iaóka pikamini íkapani, txamari pípaniátari niaritiko. Akiomaneakorini na paniátari ikara atoko inakari. Pite kona kamari ninoa paniátakiti —Paoro txari iua auítetxi.

⁴ Paoro takote auakani txitari Paoro:

—!Erekari pimisákirepiretiniri sasetotxi auíte apiatakari Teoso nakiti —itxana.

⁵ Ininiã Paoro:

—Nitariakori, !nimarotari iua sasetotxi auíte apiatakari ininiua, kotxi Teoso sákire iókatsoptakori txari: “Kona pimisákirepiretapiri híauíte.”

⁶ Paoro atamatana kákiti iuaã apotiitakanuia. Apanakini satoseoakori itxauana. Apanakini pariseoakori itxauana. Ininiã itapararitíka isápiretana:

—Nitariakori, pariseokarano nota. Pariseo ákirikarano nota. Uai nota minaáka híte apisatoõ, kotxi nota aukari ipíkanipeka ókitikiniua, iuaíkana auáki ininina íkapani —itxana ninoa.

⁷ Iuusaakipeka pariseoakori, satoseoakori pakini taparakienatakakaua, kotxi pariseoakori aukari Paoro sákire. Satoseakori ! aukari Paoro sákire. ⁸ Kotxi satoseoakori ! aukari ipíkarí ókitikiniua, iuaíkana auáki inini íkapani. Kona aukarina Teoso nitiriakori iaxitikini auini. Kona aukarina matamatakoni auini. Pariseoakori aukari ipíkarí ókitikiniua, iuaíkana auáki inini íkapani. Aukarina Teoso nitiriakori auini. Aukarina matamatakoni auini apaka. ⁹ Iuusaaki ikinimane apia akiripoakata. Itaparakenatakakauana. Pariseoakori, kaiókatsoptererini inakoni, ókitikaua. Itapararitíka itxana:

—Atemoni ia kiki !ikamari maerekati. Atxiíti matamatakoti, atxiíti Teoso nitiri iaxitikiri sákirauata iuakata. Ininiákara !apakata anaiatiniri Teoso —itxana.

¹⁰ Ninoa iteene taparakienatakakauana, ininiã ineenamauaaritana. Sotatoakori auïte pikari ninoa okiniri Paoro, ininiã ipaniãtana sotatoakori:

—Hísako kãkiti sauaki apanĩkaki. Iuaã himakatzakariko Paoro. Hanikariko sotatoakori aapokomoni —itxana.

Ininiã anikarina iuaã.

¹¹ Áti İkanõkati Apiananiri apoka Paoromoni. Paoro takote itima. Itxari:

—Kataparaxinire pitxako. Pisãpiretapekari nota pirena uai Xerosareẽ. Apaka pisãpiretariko nota pirena Homa sitatxiti —itxari.

Xoteoakori Nirekari Okinirina Paoro

¹² Katimatinĩkata apanakini Xoteoakori apotiitaua. İxinikarina Paoro okini İkapani. Ninoa txari:

—!Anipokotapani, !aãtapani, Paoro aõkini apisa —itxana.

¹³ Ninoa Xoteoakori koarẽta apikomoni. ¹⁴ Eereka ninoa sari sasetotxi auïteakorimoni, kiomãtxiakori pakinimoni. Ninoa txana:

—Ate okaenetari Paoro. !Anipokotapani iua aõkini apisa. ¹⁵ Ininiã hïte aãuïteakori amanaãriko sotatoakori auïte, imininiri Paoro uai. Hısãpiretariko sotato auïte, hinirekari apikomoni hïpimainiri Paoro. Iuusaaki ate iãtappariko kimaporiã aõkiniri İkapani —itxana ninoa.

¹⁶ Paoro itaro ãkiri kenakoenetari Paoro okaenetiko, ininiãkara İroã sotatoakori aapoko, sãpireta itxari iritanirimoni. ¹⁷ Ininiã Paoro misãkiretari sotato auïte poiãori.

—Panikari ia ãtokori hïauïtemoni. İminapiretakiti inireka isãpiretiniri iua —itxa.

¹⁸ Ininiã sotato auïte poiãori anikari iua auïtemoni.

—Ate mãkakitı Paoro misãkiretano nota, ia ãtokori pitemoni niminini, kotxi inirekari isãkirauatini pitekata —itxari.

¹⁹ Ininiã apiari anikari iuakoã ninoanani auiniãtaã. Ininiã iua:

—Kıpa pinireka pisãpiretinino? —itxari.

²⁰ Ininiã iua ãtokori apakapiretari:

—Xoteo auïteakori nirekari amanainii katana pokamara Paoro panikini ninoamoni. Isãpiretainako pite, inirekapanikarina apikomoni Paoro sãkire ikenakotinina. Txamari paxirari ninoa sãkire. ²¹ !Pauikapena, kotxi koarẽta apikomoni kikiakori kipatauako kimaporiã Paoro iãtapinina, okinirina İkapani. Ninoa kikiakori txapeka !inipokotaikana, !iãtaikana, Paoro imokakinina apisa. Ninoa iposopeka kimaporiã iãtapinirina Paoro. Ninoa iãtapari ninoa nirekakiti pikamini —itxari sotato auïte.

²² Ininiã sotato auïte:

—!Pisãpiretapiri notamoni pisãpiretakiti apanakinimoni.

Ininiã İokanatarı ãtokori İkanapiriini aapokomoni.

Paoro İokanataãka Pãrisi Inakorimoni

²³ İposo atoko sotato auïte pikapiretana ipi sotatoakori auïtetxi poiãoni inakanıua. İmisãkiretana:

—Hãpotiitana tosẽtosi sotatoakori ikitiã sikani, setẽta sotatoakori kavaro nopini sikani, tosẽtosi sotatoakori meretaua anikakani pakini. İposope hıtxako ia İkanõkati novi oara hıpotorikini Sesarẽia sitatxitimoni hısini İkapani. ²⁴ Kavaroakoro hısikari Paoro, oa nopini isini İkapani. !Hãuiritapiri Paoro okiko. Hanikari Paoro Homanoakori auïtemoni Pãrisi inakorimoni —itxana ninoa.

²⁵ İposo atoko sotato auïte iõkatsopata:

²⁶ Nota Krãotxio Arısia inakorino iõkatsopata apiarimoni, pite Pãrisi aãuïtemoni. Ereẽkai.

²⁷ Ia kiki Paoro inakori Xoteoakori mãkakitı. Ninoa nirekari okiniri. Nota, niso-tatoneakorikata makatzakari iua, kotxi Homano itxaua. ²⁸ Ninirekari nimarotiniri kixıkapa ninoa nirekari okiniri Paoro, ininiãkara nanikari iua Xoteoakori auïteakori apotiitiiniãtaãua. ²⁹ Iuaã nımarotari ixika !auari kateia ãki İkaikotini İkapani. İxika !auari İpinini İkapani. Ninoa apoıtari iua ninoa atokiriakorini paniãtakiti imakamakani xıka.

³⁰ Nıkenakopiretari Xoteoakori okaenetiniri Paoro, ininiã İokanatarı iua pitemoni. Nıpaniãtana Paoro apoıtakani isãpiretinina Paoro kamakiti. İananırako niõkatsopata. Ereẽpiko,

itxa sotato auïte sãkire Pãrisimoni.

³¹ Sotatoakori auïte paniãtiniri atokokana sotatoakori anikari Paoro. İkanõka anikarina Átxipatirıtxi sitatxitimoni. ³² Katimatinĩkata sotatoakori ikitiãna sikanınanıra kanapiriã sotato aapokomoni. Kavaro nopini sikani anikari Paoro apikomoni. ³³ Anikarina Sesarẽia sitatxitimoni. İskarına Paoro iõkatsoparikata auïtetximoni, Pãrisi inakorimoni. ³⁴ Ininiã iua atatsopatarı iua iõkatsopari. İposo atoko İpımaãri Paoro:

—Kıtixınepa paua? —itxari iua.

Ininiã Paoro:

—Sirísia tixinikirirano —itxa.

³⁵ Ininiã Périsi txari:

—Pikamapiretakini apokasaaki, nikemariko pisäkire —itxa.

Ininiã ipaniätana sotatoakori:

—Erotxini kamakiti aikoti äki hinĩkatariko Paoro.

24

Paoro Apoĩtiko Pirena

¹ Siko õti auakasaaki, sasetotxiakori auĩte apiatakaru Ananíasi inakori sari Sesaréia sitatxitimoni. Apoka iuaã kiomãtxiakorikata, kiki Tétoro inakorikata apaka. Iua Tétoro kãkiti ikapani kasãkireri kãkiti misiritiko mereëkari apisatoõ. Ninoa apoka Périsi apisatoõ Paoro apoĩtinina ikapani. ² Ninoa apokasaaki, sotato minari Paoro Périsi apisatoõ. Iposo atoko Tétoro akiritaãka isãkirauatini ikapani. Ininiã Tétoro apoĩtari Paoro:

—Périsi, apiari pitxaua. Auĩttxi kimatireri pitxaua, kotxi mapakanani atixine neenamtxi ! auari. Mitxi kaiãopokori maerekati kamakori. Uatxa maerekati poiãoãpota, kotxi pite kamari erekari kãkiti ikapani. ³ Erekapitakari pikamakiti ate ikapani. Ate apokaerekatari. ⁴ Kona ninirekari niomakotetini pite, ininiãkara nisãkire poiãoka apikomoni nisãpiretai, ininiã pikenakotari nisãkire.

⁵ —Ia kiki ! erekari. Pamonõkoniri. Itxĩkitakari Xoteoakori neenamauatini ikini itixiti. Kiki Nasaree sitatxitikiri sãkire auĩãkani auĩte itxaua iua Paoro. ⁶ Teoso misãkiretiko aikoti imapaxitakanisaaki, ate maĩkari iua. Akiomaneakorini oerekini atoko atxamariko Paoro. ⁷ Txamari iuasaakipeka sotatoakori auĩte Arísia inakori apoka iuaã. Imakatzakari Paoro itapararitika ate sauaki. ⁸ Eereka Arísia paniãtaua pitemoni ainini. Pite pimaãriko Paoro, ininiã pimarotari asãpiretakiti inipitika inini —Tétoro txari Périsi.

⁹ Iuasaaki Xoteoakori iuaã auakani:

—Ari, inipitikara isãkire —itxarina Périsi.

Paoro Sãkire Périsi Apisatoõ

¹⁰ Iposo atoko Périsi paniãtari Paoro isãpirenauatini. Ininiã Paoro: —Nimarotapitikari kona uatxakani ate tixine auakani misiritiko mereëkari pitxaua. Ininiãkara nota apokaerekatari pitemoni nisãpiretiniri nikamakiti. ¹¹ Tosi õti pakini napakari nisa Xerosareëmoni Teoso nimisãkiretini ikapani. Pipimaãri apanakini atãokani nisãkire. ¹² Nanera ! ikenakotari nota txitiniri äti Teoso misãkiretiko aikoti äki. Ikininape Xoteo apoti-itiniãtaãua aikoti äki !atamatarina neenamtxi nikamãkitakini. Ätiãtaã apaka !atamatarina nitxĩkitakiniri kãkiti neenamtxi ikaminina. ¹³ Nanera maxikatĩka kamapiretano nota. ! Itikanona nota maerekati nikamini. ¹⁴ Nota auikari Xesosi sãkire. Ia atão. Naneramoni Xesosi sãkire na atão. Nota parĩkauata ate atokiriakorini Teosone ikapani Xesosi sãkire nikĩpitakasaaki. Moisesini paniãtakiti apaka nauika. Teoso sãkire sãpiretakanini iõkatsopatakiti apaka nauika. ¹⁵ Nanera auikari Teoso õkitikinina ikininape kãkiti ipĩkani. Erekarini, maerekani apaka õkitikauako iuaĩkana auãki ininina ikapani. Nota apaka auikari ikara. ¹⁶ Ikinioĩtika ninirekari atãonoka nikamini Teoso ikapani, kãkiti ikapani apaka.

¹⁷ —Ninapapakari mapakanani ätiãtaã, eereka nikanapiriã Xerosareëmoni. Iuaã nisa txineiro ninirimanemoni matxineirotenimoni nanikini ikapani. Apaka iuaã ninirekari nisikaenetakiti Teosomoni nisikini. ¹⁸ Nisikaenetakiti Teosomoni nisikasaaki Teoso misãkiretiko aikoti äki, nikipãtaua Moisesini oerekakiti iaõka. Iuasaaki Xoteoakori Asia tixinikini itikano nota. Kãkiti apotiitakanua !auari notakata iuasaaki. Neenamtxi !auari iuasaaki. ¹⁹ Ninoa itikano. Maerekati nikamaãkamako, kinirepa kona ninoa apoka uai uatxa pite isãpiretinina ikapani? ²⁰ Ninoa uai mapokakanisaaki, pipimaãna nanera ikenakotakitina, itikakitina nota Xoteo auĩteakori apisatoõ nauakasaaki. Kipa atxĩiti nimaerekani iuasaaki? Iuasaaki kona nikamari maerekati. ²¹ Atxĩiti iuasaaki nanera !apokaerekatari nisãkire, kotxi nitxana: “Nota auikari ipĩkani õkitikinua, iuaĩkana auãki inini ikapani. Ikara nauikakiti sãkirexiti xika hĩte maĩkano nota.” Atxĩiti nanera !apokaerekatari ikara nisãkire —itxa Paoro sãkire Périsioni.

²² Périsi iteene imarotapakari Xesosi oerekakiti sãkirexiti. Iua misãkiretana ninoa:

—Sotatoakori auĩte Arísia inakori apokapanikako uai. Iuasaakiko nisãpiretari kiãtokopa nitxtari Paoro. Uatxa xipope asãkire —itxa Périsi.

²³ Ipaniãtari sotato auĩte poiãori inakori Paoro nĩkatariki tĩkane:

—Pinĩkatariko Paoro. Pauiritariko inirekiniãtaã isini. Pauiritariko inirimane apokini iuamoni. Pauiritariko inirekakiti isikinirina —itxa Périsi.

Paoro Sãkirauata Périsi, Tosira Pakinikata

²⁴ Mapaõti napa atoko Périisi Ítanorokata Tosira inakorokata apoka Paoro auiniãtaã. Xoteo oa. Périisi píkapioretari Paoro. Iua apokasaaki, Paoro sãpíretana ninoa Kristo Xesosí sãkire auikiko, ininiã ninoa kenakotari. ²⁵ Paoro sãpíretari Teoso sãkire atão inakari kamiko pírena. Isãpíretari Teoso sãkire Ítotxi nireëkíti amakamakani. Isãpíretari kãkíti misiritiko itixi xipokini õti apokasaaki. Ininiãkara Périisi píkaraúata.

—Iaõpe. Pisipe. Áti õti nipaõrka mauakanisaaki, iuaikana nipíkapioretai —itxari.

²⁶ Périisi nirekari Paoro sikiniri txineiro iuamoni, isikakiniri íkapani. Ininiãkara itokata ipíkapioretari Paoro iuakata isãkirauatini.

²⁷ Ipikanani napa atoko Pó시오 Pésito inakori auítetxi txapekaua, ininiã Périisi sipe. Périisi nirekari Xoteoakori apokaerekatiniri iua, ininiã isini apisa !isikakari Paoro, ininiã Paoro kaikotapanika kateia áki.

25

Paoro Amanaãri Sesakata Isãkirauatini

¹ Pésito aua Sesaréia sitatxiti ipi áti pakini õti, eereka isari Xerosareëmoni. ² Iuaã sasetotxi auíteakori, Xoteo auíteakori pakini kamapíretari Paoro Pésitomoni. ³ Ninoa iteene amanaãri Pésito:

—Pikamariko ate nireëkíti. Piminariko Paoro uai Xerosareëmoni —itxana.

Ikara ninoa nireka, kotxi okaenatarina Paoro ipixinipokoriti. ⁴ Txamari Pésito apakapapíretana:

—Kona, Sesaréia sitatxitikarako aua Paoro. Mapaõti napa atoko nota kanapiriã iuamoni. ⁵ Hinirekiniãri, átikaka híte sari iuamoni notakata. Iuaã hísãpíretari Paoro kamakiti maerekati —Pésito txana ninoa.

⁶ Pésito napari ipi semanati Xerosareë. Eereka ikanapiriã Sesaréiamoni. Katimatiníkata íroã aiko kãkíti misiritiko sãpíretikoãtaã. Iuaã ipíkapioretari Paoro. ⁷ Paoro apokasaaki, Xoteo Xerosareëkini ákitari iua. Apoítarina iua maerekati kaiãopokori íkamakiti, txamari imaerekani itikakari !auari, kotxi likamari maerekati. ⁸ Eereka Paoro:

—Maerekati na nikama. Xoteoakori aãtokiriakorini paniãtakiti nikamapitika. Teoso misãkiretiko aikoti nipaxitapitika. Homano auíte paniãtakiti, Sesa inakori paniãtakiti nikamapitika —itxa.

⁹ Pésito nirekari Xoteoakori apokaerekatiniri iuaka, ininiã ipimaãri Paoro:

—Pinirekatari Xerosareë pisini? Iuaãrako nota kenakotariko nanera sãkire, pite sãkire apaka —itxa.

¹⁰ Txamari Paoro:

—Konapitini. Homano nitxaua. ! Apakata Xerosareë Xoteoakori apisatoõ nisãkire kenakotiko. Uaikara Homanoakori auíte Sesa nirekari Homano sãkirauatini kãkíti misiritiko sãpíretakani apisatoõ. Erekaru uai pikenakotiniri nisãkire. Pite iteene imarotari kona xatiki maerekati nikama Xoteoakorimoni. ¹¹ Ixika auiniã nipinini íkapani, maerekati nikaminiã, ininiã apakata nipinini. Txamari nanera na atão apoítano nota, ininiã naneramoni nisikanapakiri !auari. Ninirekari Sesamoni nisini —itxa Paoro sãkire.

¹² Ininiã Pésito sãkirauata iua õtãkikakanikata Paoro Sesamoni isini íkapani. Eereka apakapapíretari Paoro:

—Pite nirekari Sesamoni pisini, ininiãrako iuamonirako pisa —itxari Paoro.

Pésito Sãkirauata Akiripakata

¹³ Mapaõti napa atoko auítetxi Akiripa inakori apoka Sesaréia itaro Perenisi inakorokata. Ninoa íanapokota Pésitomoni. ¹⁴ Mapaõti napa atoko Pésito sãpíretari Paoro Akiripamoni:

—Uai aua kiki kateia áki Périisi takakiti Paoro inakori. ¹⁵ Xerosareë napokasaaki, sasetotxi auíteakori, Xoteo auíteakori apaka apoítari iua. Inirekarina nota paniãtiniri iua okiko. ¹⁶ Txamari nisãpíretana: “Homanoakori kona okari kãkíti áti apoítakiti, iua apoítakiti sãkire imakenakotakani apisa. Merepanika erekari iua apokini iua apoítakanikata kãkíti misiritiko mereëkari apisatoõ, ninoa sãkire kãkíti misiritiko mereëkari kenakotini íkapani,” nitxana.

¹⁷ —Paoro omanatakani uai apokasaaki, katimatiníkata niíroã kãkíti misiritiko sãpíretikoãtaã. Iuaã nipíkapioretari Paoro, ininiã iua apoka iua omanatakani apisatoõ.

¹⁸ Ninoa sãkirauata. Apoítarina Paoro. Niuãkatari ninoa sãpíretiniri maerekati Paoro kamakiti. ¹⁹ Txamari ninoa auíãkíti sãkiretxiti xika ninoa omanatari Paoro. Kiki ipíkari Xesosí inakori xikara apoítarina. Paoro auikari Xesosí iuaikana auãki inini. Ninoa !auikari Xesosí õkitikiniua.

²⁰ —Iuaasaaki na nimarotari nikamakiti tükane. Ininiã nipimaãri Paoro: “Na pinirekatari Xerosareë pisini? Iuaã pite apoítakani, pite pakini kenakotaãkako,” nitxari Paoro.

²¹ Txamari iua apakapapiretano: “Kona. Sesamonira ninireka nisini,” itxano nota. Ininiã notara paniãtari iua kateia åki ikalkotiniritika niokanatariko Sesamoni —itxa Pésito.

²² Ininiã Akiripa:

—Nota nirekari nikenakotiniri iua kiki sãkire —itxa.

Ininiã Pésito:

—Katanarako pikenakotari iua sãkire —itxa.

Akiripa, Perenisi Pakini Apoka Pésitomoni

²³ Katimatinikata Akiripa, Perenisi pakini apoka, itomaneri iniritiakorikata. Peeremãkapokona. Iiroãna kãkiti apotiitiniãtaãua. Sotato auñteakori, sitatxi auakani auñteakori pakini iroã. Eereka Pésito pïkapiretari Paoro, ininiã Paoro minaãka. ²⁴ Ininiã Pésito:

—Pite, Akiripa, hñte atekata apotiitakaniaua apaka, hãtamari ia kiki. Ikinimane Xoteoakori uai auakani, Xerosareẽ auakani apaka ! apokaerekatari ia. Isãpiretanona ia maerekati ininiua. Ninoa amanaãno ia okiko. ²⁵ Notamoni maerekati ! ikama ia. Notamoni ixika ! auri ipinini ãkapani. Eereka ia amanaãno apiari Sesamoni isini, ininiã nota auiritari isini. ²⁶ Txamari ! nimarotari ixika niõkatsopatini Sesamoni. Ininiãkara nimirari Paoro hñte apisatoõ isãkire hñkenakotini ãkapani. Akiripa, apiari pitxaua pite, ininiã ninirekari pite sãpiretinino nota niõkatsopatakiti ãkane. Ia hñkenakotaka atoko hñsãpiretano Sesamoni niõkatsopatini ãkapani. ²⁷ ! Apakata kateia åkikiri Sesamoni niokanatinini ixika nimasãpiretakaniã, kotxi Sesa nirekari imarotiniri ikamakiti xika.

26

Paoro Sãkirauatini Akiripa Apisatoõ

¹ Eereka Akiripa paniãtari Paoro:

—Nauiritai pisãpiretiniaua pimaãkiko xika.

Ininiã Paoro õkataru iuako isãkire isãpiretini ãkapani. Iposo atoko Paoro sãkirauata, maerekati imakamakani ninoa imarotini ãkapani.

² —Aãuñte Akiripa, notamoni erekari pite apisatoõ nisãpiretiniri Xoteoakori apoñtinino.

³ Kotxi pite iteene imarotari ate atokiriakorini oereẽkiti, Xoteoakori paniãtakiti. Ininiã namanaãni pikenakotiniri nisãkire imakinika.

⁴ —Xoteoakori imarotano nota åtokoripanika ninakasaakiaua, nitixine nauakasaaki. Eereka Xerosareẽ nauakasaaki ninoa imarotano. Imarotarina ikiniõtika nauini. ⁵ Mixakapokoni ninoa imarotano nota. Imarotarina pariseo nininiãua. Ikara isãpiretaina, inirekiniãna. Kãkiti pariseo inakari iteene aukari ate atokiriakorini oereẽkiti sãkiretxiti.

⁶ —Xoteoakori uatxa omanatano nota, kotxi nauikari Teoso sikaenetakiti ate atokiriakorimoni apokaþeka uatxa. ⁷ Ate nirimane, tosi pakini nirimanetxi, iãtapani ikara Teoso sikaenetakiti apokini õti. Ninoa parïkauata Teoso ãkapani ãkanõka, pokamara pakini. Niauñte Akiripa, ikara Teoso sikaenetakiti xika Xoteoakori maãkano nota. ⁸ Kinirepa hñte ! aukari Teoso posotiniri ipikari õkitikini, iuaãkana auãki inini ãkapani?

⁹ —Mitxiþeka nota omanatari Xesosi Nasareekiri, hñte omanatiniri atokokana, ininiã nikapokotari isãkire auããkani. ¹⁰ Xerosareẽ nauakasaaki, nikapokotari isãkire auããkani. Sasetotxi auñteakori auiritano kãkiti Teoso nakitiakorini kateia åki nitakini. Kaiãopokori nitaka kateia åki. Xoteo auñteakori nirekasaakiri okinina, nota apaka nirekari. ¹¹ Nisari Xoteo apotiitiniua aikotimoni ikininape Xesosi sãkire auããkani nimisiritini ãkapani. Ninirekari Xesosi sãkire aukiko xipokini. Itene nomanatana, ininiãkara nisari apanakini sitatxitimoni ninoa nikapokotini ãkapani.

¹² —Ikara xika nisari Tamásiko sitatxitimoni. Sasetotxi auñteakori auiritano nisini. Ipaniãtanona Xesosi sãkire auããkani nimaãkini. ¹³ Ipxinipokoriti, apaniãxiti iotximere iaxitiki apoka notamoni. Atokatxi iotximere poiãoka. Ikara iotximere apiata. Iua iotximere åki nota nimoianariakorikata aua. ¹⁴ Ate iriãkata xitipe. Iuaaakipeka nikenakotari nakiritiko: “Saoro, Saoro,” itxano Epirãiko inakori sãkiretxitiã. “Kixikapa pimisiritano nota? Pitaka pimisiritaua, nota pimisiritakasaaki. Atxiiti kema auñteka karotaua ipitiki aãketeẽ. Iua kema auñte atoko pitxa,” itxano.

¹⁵ —Ininiã nota: “Apiananiri, kiriparai pite?” nitxari.

—Ininiã iua: “Xesosira nota, pimisiritakitikarano nota. ¹⁶ Pitima. Nota oerekaua pitemoni, pite nimereini ãkapani, ninitiri pininiua ãkapani. Uatxa pitikakiti pisãpiretako apanakinimoni. Pisãpiretapanikariko ikinimane kãkiti apikomoni noerekakiti ãkane. ¹⁷ Ninikataiko pite Xoteo sauaki pauakasaaki, Xoteo minakaniaua sauaki pauakasaaki apaka. Xoteo minakonimoni niokanatai pisini. ¹⁸ Kãkiti ipiaã sikani atoko itxana, kotxi ! imarotarina Teoso sãkire. Mõsiãreni atoko ninoa, kotxi ! atamatarina Teoso kimapore. Ininiãkara pitekara oerekanako Teoso sãkire ikimapore imarotinina ãkapani, ipiã itakanapinina, ikamaramoni isinina ãkapani. Ininiãkara likamaikari Satanasi paniãtakiti. Teoso paniãtakinoka

ikamana eereka. Ininiã ninoa auikariko nisãkire, ininiãkara nota makatxakariko ninoa maerekani. Ininiã Teoso nakitiakori ninoa apaka txauana,” Xesosi txano nota.

¹⁹ —Niaũte Akiripa, ikara atoko ininiãra, nikamapekari imakinika Xesosi paniãtakiti, iaxiti iotximere apokasaaki nikenakotakiti. ²⁰ Nisãporetari Xesosi sãkire merepitipanika kãkiti Tamãsiko sitatxiti auakanimoni, eereka nisãporetari Xerosareẽ auakanimoni. Eereka nisãporetari ikinimane Xotẽia tãpa auakanimoni. Eereka nisãporetari kãkiti Xoteo minakonimoni. Nisinimoni nisãporeãpotana ninoa: “Himaerekani hãtakanapako. Hãuikariko Teoso sãkire. Erekarinoka hãkamako, ininiãkara aimarotapitikari maerekati hãtakanapini,” nitxana. ²¹ Ikara atoko nitxana ikinimane nisãporetini. Ikara nisãkire xika Xoteoakori mãkano nota Teoso misãkiretiko aikoti ãki nauakasaaki. Kinirão okaka itxanona. ²² Uatxa nauapanika, kotxi Teoso nãkatano nota. Ininiã ia õti Xesosi sãkire nisãporetã hãte apiarinimoni, hãte poiãorinimoni apaka. Moisesini sãporetakiti iaõka nisãporetã. Teoso sãkire sãporetakani sãporetakiti iaõka nisãporetã. Ninoa sãporetari Teoso mereẽkiti apokini. ²³ Ninoa txari: “Teoso Mereẽkiti apokako. Iua misiritããkako. Iuakarako õkitikaua ipinaka atoko. Iuaãkana auãki itxako. Mitxi ipinakarã !õkitikaua. Merepanika iua õkitikaua. Iuara sãporetariko Xoteoakori maerekani makatxakiko, Xoteo minakanãua maerekani makatxakiko apaka,” itxana Teoso sãkire sãporetakani. Ninoa sãporetakiti iaõka nota sãporetã apaka —itxa Paoro.

²⁴ Paoro ikara atoko inakasaaki, Pẽsito akiritari:

—Paoro, !kãkitei. Pimapitxiriãpota iteene papaiaõkarauatini xika —itxa.

²⁵ Ininiã Paoro:

—Niaũte Pẽsito, kona nimapitxirita nota. Atãopitikara nisãkire nikama. Erekarã nisãkire. ²⁶ Niaũte Akiripa, pimarotapekari nota sãporetakiti, ininiã kataparaxinireno nimisãkiretinii. Pimarotari Xesosi pirena, kotxi Xesosi ipãkasaaki, kona kipatakoriãtaãni ipina. ²⁷ Niaũte Akiripa, pite auikatari Teoso sãkire sãporetakani sãkire? Nota imarotari pite auikiniri.

²⁸ Ininiã Akiripa:

—Pite sãkire txãkitakaaritano nota Xesosi sãkire nauikini —itxari.

²⁹ Ininiã Paoro:

—Teoso imarotari. Ninirekari pite, hãte hãkinika uatxa nisãkire kenakotakani pakini iteene hãuikiniri Xesosi sãkire nota auikiniri atokotxikana. Txamari kona nota nirekãi hãte kateia ãki hãuini nota atoko —itxa Paoro sãkire.

³⁰ Paoro sãkirauatãka atoko auãteti Akiripa, itaro Perenisi, Pẽsito, ikinimane ninoakata ãkani pakini, itimana. ³¹ Iporikiti ipokãkasaakina, imisãkiretakana:

—!Auari ikira kiki okiko xika. !Auari kateia ãki itakiko xika.

³² Ininiã Akiripa txari Pẽsito:

—Ikira kiki mamanaãkaniãri Sesamoni isini, isikakaãkapiimako.

27

Paoro Potorika Homamoni Isini

¹ Eereka Pẽsito sãporetãua ate iketo apope Itãria tixinimoni aãpiriãtini. Paoro apanakini mãlakoni apaka sikaãka Xõrio inakorimoni. Iua Xõrio seã pakini sotato auãte itxaua. Sesa sotatone itxaua. ² Ate iereẽtaua maporo ãki, Ataramãtxio sitatxitikero ãki. Ásia tixinimoni sikaro oa maporo. Kiki, Arisitako inakori sari atekata. Iua Tesarõnika sitatxitikiri, Masetõnia tixinikiri iua Arisitako. Ininiã ate sipe. ³ Katimatãnikata ate apoka Sitoõ ioporokoti. Xõrio tiretari Paoro, ininiã auiritari iua aõkimaneremoni isini iuaã, inirekakiti apakapini ãkapani. ⁴ Eereka ate potorika iuaã. Iuasaaki ãtima inataparata aãpisamoni, ininiã maporo iopiriãri Xipri pokomiriãti ãtima manapakaniãtaã. ⁵ Ate ãpiriãtari potxoari uãiti. Sirisia tixini takote anapa. Pãpãria tixini takote anapa. Ate apoka Miha sitatxiti, Arisia tixiniã. ⁶ Iuaã sotato auãte apokaro maporo Arexãtria sitatxitikero, Itãria tixinimoni sikaro. Iua iereẽtakaua ate oa maporo ãki.

⁷ Iuaãkana apotorika. Iuasaaki ãtima inataparata aãpisatoõ, ininiã inanaritika asaãpota mapaõtipeka, ininiã eereka aãpoka Sinito sitatxiti apisatoõ. ãtima tapara xika !aposotaika apikomoni asini anirekinimoni, ininiã aiopiriãri Kreta pokomiriãti ãtima manapakaniãtaã. Iuaã anapari Saomona pokomiriãti. ⁸ Inanaritika asaãpota imiriã takote. Aãpoka ioporoko “Ioporoko Erekarã” akiritãkoãtaã, Arasãa sitatxiti takote.

⁹ Iuaã aãuapokota. Pamõõkoniri apikomoni asini. Kiiniri Teoso ãkapani kãkiti manipokotakani inapapeka, ininiã imarotaãka ãtima kataparari kaiaampeka apokini. Ininiã Paoro õtãkikana ninoa:

¹⁰ —Apikomoni asiniã, pamõõkoniri. ãtima kataparari kasaãkamaro maporo atiikata. Kãkiti ipinako —itxa Paoro.

¹¹ Txamari sotatoakori auãte !auikari Paoro sãkire. Iua auikapiretari kamaporoteri sãkire, maporo nikatakari pakini sãkire. ¹² Kaiãopokori maporo ãki parãkauatakani txari:

—Ia ioporoko kona erekari mitaã anapini. Masa apikomoni. Atxiiti aposota Penisi sitatxitimoni aãpokini. Iuaã manapakakari mitaã —itxana.

Penisi sitatxiti Kreta inakori pokomiriiti ioporokoti. Atokatxi ereëkokini manapi aua Penisi sitatxiti.

Ìtima Kataparari Pirena

¹³ Iuasaaki ìtima poiãoka apokaãpota ate tikinimoni, ininiã ninoa uãkatari:

—Uatxaika erekapekari Penisi sitatxitimoni asini —itxana.

Ininiã òtanòkarina kai, maporo maikiko, ininiã potorika atxa. Kreta miriiti takote anapaãpota. ! Anirekari potxoari uiniti apanikakiã asini, kotxi pamonòkoniri iuaã.

¹⁴ Txamari patimari ìtima iteene inataparata Kreta pokomiriitiki. Ìtima uãka “Atokatxi Pokikininimokiri.” ¹⁵ Ininiã ìtima apoka maporomoni. Pataparari. ! Aposotari ìtima ininimoni asini, ininiãkara aãuiritari ìtima anikiniro maporo ìtima sinimoni. ¹⁶ Aiopiriãri Kaota inakori pokomiriiti. Iua pokomiriã xapitiri. Iua pokomiriiti ìtima kimaporeë aua, ininiã iuasaaki pokomiriã anapakasaaki ìtima poião taparata, ininiãkara aòtanòkaro kanaua maporo kapokiãmonikiri. ¹⁷ Akosekaãpotari kanaua maporo ãki aeretakini ikapani. Ininiã ninoa iapiripoataro maporo aãpitsaã ìtima katakakitapetiniri monòkoni. Ninoa pikari ìtima anikiniro maporo ikipatxite apanikakiãkirimoni. Iua ikipatxite Arípiã tixini takote. Ininiã ikaxitkarina mãkatxi mata maporo aniãkari. Mãkatxi mata kaikotiniã maporo nopini, patimaua ìtima anikiniua. Ikara atoko ininiã, auiritarina ìtima anikiniua. ¹⁸ Ìtima inataparatanika, ininiã katimatiníkata ninoa okaãpotari tiitxi maporo ãki auakari potxoari uinitimoni maporo sakikini monòkoni. ¹⁹ Katimatiníkata okarina maporo tii potxoari uinitimoni.

²⁰ Mapaòti ! aãtamataikari atokatxi. ! Aãtamataikari iòriki. Ìtima inataparatanika, ininiã auãkatari apinini.

²¹ Mapaòtipeka maporo ãki paríkauatakani kona inikaikana. Ininiã Paoro misãkiretana:

—Kinirepa hite kona kípitari nisãkire? Kinirepa hite takanapari Kreta pokomiriiti? Hikípitaãkamariko nõãkikinii, tiitxi kona hòkamako. ²² Iuaritika kataparaxinire hitxako. Nisãpiretai, kona kãkiti ! ipina. Maporonanira sakika. ²³ Nota Teoso nakiti nitxaua. Iua ikapani niparíkauata. Minipani iua nitiri iaxitiki oerekaua notamoni. ²⁴ Teoso nitiri akiritano: “Paoro, ! pipíkarauatape. Pite apokapitikako Sesa apisatoò. Peerekari Teoso. Itiretai pite, ininiãkara ninoa pitekata sikani lipinapani,” itxano. ²⁵ Ininiã kataparaxinire hitxako, kotxi nota auikari Teoso sãkire. Ikamapitikariko nisãpiretinii iaòka. ²⁶ Ìtima okaroko maporo ipokomiriã —itxa Paoro sãkire ninoamoni.

²⁷ Ipi semanati ìtima inataparata. Anikaro maporo potxoari uiniti Metxiteháneo inakori ipiriãtini. Eereka apanikanòka maporo ãki paríkauatakani uãkatari imiriã takotepeka aãpokini. ²⁸ Ininiã ninoa okari kai iokaritsaã ipanaã imarotinina ikapani. Tríta seisi metro ipanaã. Eereka apikomoni iaòtarina ipanaã, vítxi setxi metronoka. ²⁹ Ininiã ipíkarauatana maporo kai mitarimoni oãpokini monòkoni. Ininiã maporo kapokiãmoni ikaxitkarina ipi ipi pakini kai iokaritsaã maporo maikiko. Eereka imisãkiretarina Teoso paítiki ikatimatini ikapani. ³⁰ Maporo ãki paríkauatakani nirekari maporo itakanapinina. Iokatzakarina kanaua potxoari uinitimoni. Ninoa txaua:

—Iuaikana kai aiokatzaka uai maporo ìkiinaã.

Txamari na atão isãkirena. Inirekarina maporo itakanapinina kanaua ãki. ³¹ Iuasaaki Paoro txana sotato auite, sotatoakori pakini:

—Nakira kikiakori maporo ãki makaikotakaniã, hite ipinako —itxa.

³² Ininiã sotatoakori tsotakari aãpitsa kanaua maikakari, ininiã ìtima anikari iua kanaua.

³³ Iuasaaki imaropiriãkata. Paoro òtãkikana ikinimane inipokotini ikapani:

—Ipi semanati hiãtapanãtari ìtima napini. Ipi semanati hiteni kona xatiki hinipokota.

³⁴ Ininiã hinipokotako uatxa, hitapara apokini ikapani himapinakani ikapani. Hikarotiko ! auapani. Hiãko ãtika kona katxakapani —itxa.

³⁵ Eereka Paoro kosekari komiri. Ikinimane apisatoò isãkirauata Teosokata. Iposo atoko imapixinikari komiri porii, nika itxari. ³⁶ Ininiã ikinimane kataparaxinirepe itxana, ininiã inipokotana. ³⁷ Tosëtosi setëta seisi pakini kãkiti maporo ãki auakani iuasaaki. ³⁸ Iteene inipokotakana atoko, okarina triko potxoari uinitimoni maporo poana onini ikapani.

Maporo Sakikini Pirena

³⁹ Katimatiníkata maporo ãki paríkauatakani atamatari imiriã, txamari ! imarotarina itixi uãka. Atamatarina ikipatxite, ininiã ninoa:

—Iuaã kipatxi nopini maanikaro maporo, aposotiniã —itxana.

⁴⁰ Ininiã itsotakarina aãpitsa maporo tsapi. Kai kaikota ipatapiã. Ikoxirikarona aãpitsa mekotxi maikiko, maporo oerekaãtiko. Iposo atoko òkitikarina mãkatxi mata maporo

íkiiätinimoni auakari, ikipatxitemoni maporo ítima anikini íkapani. Ininiã ikipatxitemoni asaãpota. ⁴¹ Txamari ipixinipokoriti maporo atxapaã ikipatxite nopini. Maporo íkiiätinimoni atxapaã. ! Osaíka. Tsakati kataparari xika maporo kapokiätinimoni txirakiãpota.

⁴² Sotatoakori kinirão okaka txana ikinimane maíkkakoni. ! Inirekarina ninoa mitékini imiriímoni anokinina. ⁴³ Sotatoakori auíte ! inirekari Paoro okiko, ininiã ! auiritana. Ipaniãtana ikinimane:

—Himarotiniári hanokini, ininiã híte merepanika híkomokako. Hanoka ikipatxitemoni. ⁴⁴ Eereka, híte mimataanoreni híkomokako. Himákkariko maporo txirata, ininiã hanoka ikipatxitemoni —itxana.

Ikara atoko aniniã, amakinika aãpoka ikipatxitemoni.

28

Máota Pokomiriíti Pirena

¹ Imiriípekaua amakinika, eereka aimarotari Máota inakori pokomiriíti aãpokini. ² Iuaã auakani apakapaua ipoxokoniritikana. Iuasaaki áparaã potorika ikipini. Áparaã kipini xika patxíkareri, ininiã iuaã auakani kamari xamina, ate irokini íkapani. ³ Iuasaaki Paoro apaka apotiítari xamina. Xamina pokiã itakasaakiri, xamina pataka ópókikari imini xamina íriko áki auakari. Akatsatari Paoro uako. ⁴ Ninóa ipokomirií auakani atamatari imini Paoro uakoã iarókini. Ininiã imisákioretakakana:

—Ikira kiki kokaniri atxiíti. ! Ipinga potxoari uiniti, uarítika inapakiniri ! auari. Uatxaika ipinapítikako —itxakakana.

⁵ Paoro íkokari imini xamina pokimoni arikini íkapani. ! Katsiiri iuamoni. ⁶ Ninóa iãtapanãtari iuako ananapoatini. Iãtaparina iua mokatanitika ipinini. Mapa oara napa atoko lipina, ininiã ninóa:

—Kona kokaniri ikira. Teoso itxaua —itxanãtana.

⁷ Iuaãtaã takote aua kíkio Pópirio inakori nakiti. Máota pokomiriíti auakani auíte itxaua. Iua apakapaua ate ipoxokoniritika. Akaikota iua aapoko ipi áti pakini óti. ⁸ Iuasaaki iri siríkanãta. Apoomata. Itikanãta. Ininiã Paoro sari iuamoni. Akiritari Teoso iua ereka inini íkapani. Itakari iuako inopini. Iuasaakipeka erekapeka itxa iua. ⁹ Eereka amianatakani iua pokomiriíti auakani sari Paoromoni, ininiã iua makananitana ninóa. ¹⁰ Ninóa sikaua tiitxipokoni. Apotorikasaaki áto maporo áki, isikauana imakinika anireékiti.

Paoro Homa Sitatxiti Isini

¹¹ Ate napari ipi áti pakini kasiriti iuaã. Eereka aiereëtaua maporo áki, Arexãtria sitatxitikero áki. “Itaritxi Ipi” akiritãka maporo uãka. Mitaãsaaki oa maporo kaikota Máota pokomiriíti. ¹² Apotorika iuaã. Eereka aãpoka Sirakosa inakori sitatxiti. Iuaã akaikota ipi áti pakini óti.

¹³ Eereka iuaíkana maporo potorika. Aãpoka Héxio sitatxiti. Katimatiníkata ítima atikini-monikari ina, ininiã patimari asini. Katimatiníkata aãpoka Posoori sitatxiti. ¹⁴ Iuaã aókitana kãkiti, Xesosi sãkire auíãkani. Ninóa amanaãua áti semanati anapini ninóaakata. Eereka iuaíkana aiereëtaua maporo áki. Iuaíkana apotorika. Homa sitatxiti aãpoka.

¹⁵ Xesosi sãkire auíãkani, Homa auakani, kenakoenetari aãpokaenetini, ininiã inana ate aókitinina íkapani. Apanakini aókitaua ate kienatxi amotikoãtaã takote, Ápio inakoriãtaã takote. Apanakini aókitaua ate kãkiti imakiniãtaã, “Ipi Áti Aapokotxiti” inakoriãtaã. Paoro aókitakasaakina ninóa, ipoxokoniuata.

—Peerekari Teoso, kotxi naia inari notamoni —itxa Paoro.

Homa Sitatxiti Paoro Apokini

¹⁶ Homa sitatxiti aãpoka atoko, Paoro auiritaãka inirekiniãtaã auini. Átika sotato kaikotapika iuakata isinimoni imarotini íkapani.

¹⁷ Ipi áti pakini óti napaka atoko, Paoro píkapiretana Xoteoakori auíteakori. Ninóa apotiítakasaakiaua, Paoro misákioretana ninóa.

—Nitariakori, ! nikamari maerekati Xoteoakorimoni. Nauikapítikari akiomaneakorini oerekakiti sãkiretxiti. Uarítika nimaíkaãka Xerosareë. Nisikanapaãka Homanoakorimoni. ¹⁸ Homanoakori pimaãno nimaíkiko xika. Eereka inirekarina isikakinino, kotxi ninóa imarotari ixika ! auari nipinini íkapani. ¹⁹ Txamari Xoteoakori ! inirekari Homano sikakinino, ininiãkara nakiritari Sesa nisãkire ikenakotini íkapani. ! Ninirekari nimisãkirepiretiniri ninirimane Xoteoakori. ²⁰ Ikara atoko ininiã, nipíkapiretai híte nimisãkiretini íkapani. Teoso mereékiti sãkire, Xoteoakori iãtapakiti sãkire nauíkinini xika, nota maíkaãka.

²¹ Ininiã ninóa:

—Ate !apakapari iōkatsopari Xotéia tōpakiri pite maerekani pirena. Aītariakori iuaã ikani !iminapiretari maerekati pikamakiti pirena. ²² Ate nirekari akenakotiniri pite auiaiki sākiretxiti, kotxi akenakoenetapekari apanakini sākire: “Xesosi sākire na atão” —itxana ninoa.

²³ Ininiã ninoa ketotari äti öti Paorokata aōkitakakiniua. Iketotiniri manapi itomaneri kākiti sari Paoro auinimoni. Paoro İkanōkapanika sākirauatapitipo. İkanōkapeka auakapanika isāpirenauatini. Isāpiretana Teoso auıtetxi ininiãua.

—Atão Teoso äkiripitikara Xesosi —itxa Paoro sākire.

Isāpiretana ninoa Moisesi iōkatsopatakiti, Teoso sākire sāpiretakani iōkatsopatakiti apaka, atão Teoso äkiripitikara Xesosi ininiua ninoa imarotini İkapani. ²⁴ Apanakini auikari Paoro sākire. Apanakini İnirekari auikinirina Paoro sākire. ²⁵ Ininiã ninoa taparakienatakakaua Xesosi sākire auikakani mauikarenikata. İpotorikinina apisa, iuaİkana Paoro misākiretana ninoa:

—Erekari Matamatakoti sākirauata atão hinirimanekata kitxakapiriİka. İpaniätari Teoso sākire sāpiretakari İsaİa inakori isāpiretiniri Teoso sākire hinirimanemoni. ²⁶ İtxari:

Hİsa kākitemoni. Hİsāpiretanako ninoa: “Hİkenakotari nisākire ätipirika, txamari !hinirekari himarotiniri nisākire. Ätipirika hİtikari nikamakiti, txamari !hinirekari hāuikiniri nota kaminiri ia atoko inakari.”

²⁷ Kotxi kākiti äkixinireë !inirekarina imarotinirina nisākire. !Inirekarina ikenakotinirina nisākire. !Inirekarina itikinirina nikamakiti. Inirekiniärina, itikapitkarina nota kamakiti. Inirekiniärina, atão ikenakotarina nisākire. Äkixinireëna imarotaäkamariko nota sākire, inamanako notamoni, ininiã nota txİkitakamanako ninoa ereka ininina, itxa Teoso sākire.

²⁸ Paoro sākirauata iuaİkana ninoakata:

—Ninirekari himarotiniri Teoso iokanapirena erekari kākiti maerekani makatxakiko pirena iokanapiretaäkapeka Xoteo minakonimoni. Ninoakara auikapitkariko Teoso sākire.

²⁹ İkara Paoro sāpiretaäka atoko, ninoa Xoteoakori sipeka. İsikasaakina, iteene itaparakienatakakauana Paoro sākire ikenakotinina xika.

³⁰ Paoro kaikota iuaã İpi anokanani. İkitxitari kaapokori iua aapoko Paoronoka auini İkapani. Paoro İpoxokoniritika apakapana İkinimane İuamoni sikani. ³¹ Isāpiretana ninoa Teoso auıtetxi ininiãua. Oerekana ninoa Xesosi, Teoso mereëkiti ininiãua, Apiananiri ininiãua. Isākirauata itaparaxinireritika kākitemoni. Auiritaäka İkinipoko imarotakiti isāpiretini.

HOMANO Paoro Iokanatsopatakiti Homa Auakanimoni

¹ Nota Paoro iokanatsopata hitemoni. Xesosi Kristo nitirikarano nota. Teoso mereño nota iua iokanatakiti kăkitimoni nininiua ĩkapani. Iua akiritano nota, Teoso iokanapirena erekari kăkitimoni nisăpiretini ĩkapani. Ikara parĭkatxinoka inireka nikamini. ² Kitxakapirĭka Teoso săkire săpiretakani săpiretaua Teoso sikaenetakiti, iua iokanapirena erekari. Teoso săkire iŏkatsopatakoriă ikara atatsopataăka.

³ Ia Teoso iokanapirena erekari săpiretaua aăuĭte Xesosi Kristo Teoso âkiri ininiua. Kăkiti itxapekăua. Iuasaaki Tavii apika mekaniri itxăua. ⁴ Iuaritika Teoso âkiri itxăua. Erekari Matamatakoti oerekari kăkiti Teoso âkiri ininiua Xesosi, kotxi ŏkitikari Xesosi ipĭkaripeka. Iuaĭkana aua itxa. Ikara posotiiretxi apiari oerekari kăkiti Xesosi Teoso âkiri ininiua. ⁵ Xesosi Kristo sikăua ikinipoko erekari. Ininiă iokanataua ikini itixitimoni, kăkiti isăkire asăpiretini ĩkapani, isăkire auikinina ĩkapani, isăkire iaŏka ikaminina ĩkapani. Ikara atoko aparĭkauata Kristo ĩkapani.

⁶ Hĭtepekana, Teoso akiritai hĭte apaka Xesosi Kristo nakitiakori hininiua ĩkapani. ⁷ Ininiă nota iokanatsopata hĭtemoni Teoso tĭretakinimoni, Homa sitatxiti auakanimoni. Teoso akiritai hĭte iua nakitiakori hininiua ĩkapani. Aĭri Teoso, Apiananiri Xesosi Kristo apaka sikari ikinipoko erekari hĭtemoni. Ikamaerekaxiniretai hĭte.

Paoro Nĭrekari Isini Homa Auakanimoni

⁸ Merepanika nitxari niTeosone: “Erekapitikai, kotxi Homa auakani iteene auikari pisăkire. ĩkini tŏpati auakani kenakopiretari ninoau auikiniri pisăkire,” nitxari Teoso Xesosi Kristo uăkă. ⁹ Nisăkirauatakasaaki Teosokata, nimisăkiretari Teoso hĭte ĩkapani. Aĭpirika nimisăkiretari Teoso hĭte ĩkapani. Teoso imarotari ikara nisăkire atăo inini. Nota parĭkauata Teoso ĩkapani. Iuanoka ninireka nikamini. Nisăpiretari iua iokanapirena erekari imi pĭrena kăkitimoni. ¹⁰ Nĭmisăkiretakasaakiri Teoso, nitxari: “Pauiritiniăno, ninirekari paĭtiki Homa auakanimoni nisini. Mitxi ! apakata ninoamoni nisini. Pinirekiniări iuaă nisini, pimoianatano ninoamoni napokini ĩkapani,” nitxari. ¹¹ Iteene ninirekari naŏkitinii hĭte, kotxi ninirekari Teoso kamataparatiniri hăkixinire nisăkire. ¹² Ininiă nota kamatapaxiniretaiko hĭte, kotxi himarotari nota iteene auikiniri Xesosi săkire. Apaka hĭte kamatapaxiniretano nota, kotxi hĭte apaka iteene auikari Xesosi săkire.

¹³ Nitariakori, ninirekari himarotiniiri itokatapiima naiamatama hĭtemoni nisini ĩkapani, txamari iuasaaki ! apakata nisini. Itomaneri kăkiti Xoteo minakanuia âtiătaă auakani auikari Xesosi săkire. Ininiă iua atokotxikana ninirekari kaiăopokori kăkiti hĭte sauaki auakani apaka auikiniri Xesosi săkire. ¹⁴ Nisăpiretari Teoso săkire ikininapemoni. Nisăpiretari sitatxi auakanimoni. Nisăpiretari ĭtopa auakanimoni apaka. Nisăpiretari iŏkatsopari imarotakanimoni. Nisăpiretari iŏkatsopari mimarotakanimoni apaka. Ikara nĭparĭka. ¹⁵ Ininiă iposope nitxa nisăpiretiniri Teoso iokanapirena erekari hĭte Homa sitatxiti auakanimoni apaka. Ikinika nitaparaă nisăpiretai.

¹⁶ Na nĭpĕtauaata Kristo iokanapirena erekari nisăpiretinii, kotxi iua iokanapirena oerekăua Teoso posotiire iua săkire auĭăkani maerekani imaktxakini ĩkapani. Kaposoti-reri iua, ininiă imaktxakari ikinimane maerekani, iua săkire auĭăkani maerekani. Ikara ikaminana Xoteoakori merepanika. Eereka ikaminana Xoteo minakanuia apaka. ¹⁷ Teoso iokanapirena erekari săpiretaua Teoso txĭkitakiniri kăkiti atăo inakarĭnoka ikamini. Teoso săkire auĭkikoănokara, kăkiti txĭkitakaăka atăo inakarĭnoka ikamini. Teoso săkire iŏkatsopatakori txari:

Kăkiti atăo inakarĭnoka kamakani auini erekari, kotxi ninoau auikari Teoso săkire.

Kăkiti Kamakiti Maerekati

¹⁸ Teoso iaxiti auakari oerekăua iua omanăkarauatini kăkiti maerekani xika, ininiăkara iua misiritariko kăkiti, kotxi kăkiti ! inirekari Teoso paniătakiti ikamini. Ikamarina maerekatinoka. Maerekati ikamakasaakina, ikipatarina atăo inakari. ¹⁹ Kăkiti ikara atoko inakani Teoso misiritanako ninoau, kotxi apakata ninoau amatatiniri iua kamakiti. Teosora oerekepekari ikamakiti kăkitimoni iua imarotinina ĩkapani. ²⁰ Teoso kamari itixi, ininiă kăkiti amatakasaakiri Teoso kamakiti, imarotari kiătokopa itxa Teoso. Matamatakoti itxăua Teoso, iuaritika kăkiti amatakasaakiri ikamakiti, imarotari iua posotiire auapika inini. Imarotari iua Teoso ininiua. Kăkiti imarotari ikara atoko inakari itxăua Teoso, iua kamakiti amatakasaakina. Ininiăkara kăkiti imarotapitikari Teoso auini. Ininiăkara na atăo kăkiti săkire: “Na nĭmarotari Teoso auini inini.”

²¹ Käkiti imarotari Teoso auini, iuaritika !isäpiretarina Teoso: “Atão Teoso pitxaua,” !itxarina. !Isäpiretarina Teoso: “Erekapitiki pikamakiti ate ikapani,” !itxarina. !Kikitenana. !Imarotaikarina atão inakari, kotxi äkixinireëna maerekatinoka aua. ²² Ninoa säkire: “Kimaroreua ate,” txamari !kikitenana. ²³ Teoso mapinakatimoni !itxana: “Pitenokara Teoso txaua,” !itxarina. Käkiti ipinapitika, iuaritika kamakori käkiti atoko inakari imisäkiretana: “Pite ateosone,” itxana. Kamakori kotipiriki atoko inakari, kamakori pirätxi atoko inakari, kamakori imini atoko inakari pakini ninoa misäkireta: “Hïte ateosone,” itxana.

²⁴ Ininiäkara Teoso takanapana ninoa. Auiritana maerekatiki ikaminina äkixinirena nirekaäkiti. Itxiko atoko itxa imaerekanina iitona nireëkiti. Ninoaka na paxitauana iitona, kotxi äti sirïka ätikata. ²⁵ !Inirekarina auikinirina atão inakari Teoso säkire. Inirekarina auikinirina atão minakati. Teoso kamakitimoni itxana: “Pite ateosone. Aparïkauata pite ikapani,” itxana. Ikinipoko kamakarimoni !itxana: “Pite aTeosone. Aparïkauata pite ikapani,” !itxana. Atão inakari kamakani ätipirika txari ikinipoko kamakari: “Peerekaï pite.” Ameë.

²⁶ Ikara käkiti maerekani xika, Teoso takanapana ninoa. Auiritana maerekatiki käkiti kapëta txïkitaäkari, iitona nireëkiti ikaminina. Ininiä sito na nirekaikari kikikata osirïkini. Sito nirekari äto sitokata osirïkini. !Apakata. Ikara maerekatiki itxaua. ²⁷ Iua atokokana kiki !inirekaikari sitokata isirïkini. Kiki nirekari äti kikikata isirïkini. !Apakata. Ikara maerekatiki itxaua. Ininiäkara iitona misiritaäkako imaerekanina xika.

²⁸ Ninoa imaroreë !inirekarina imarotinirina Teoso, ininiä Teoso takanapana. Auiritana ixinikinirina atão minakati. Maerekatinoka ixinikakitina, ininiä ikamarina atão minakati. ²⁹ Äkixinireëna aua ikini sereti maerekatiki. Iitona nireëkitinoka ikamana. Ätipirika ikamapikarina maerekatiki. Apanakini nakiti tiitxi atamatakasaakana, inirekarina. Ikamarina maerekatiki apanakinimoni. Äkixinireëna ixikotarina äti. Kokaniri itxauana. Ineenamauatapikana. Apanakini imisirienetana. Ixinikarina apanakini kamakiti maerekatinoka. Aäpirena ikamana. ³⁰ Imisäkirepiretarina äti. Omanatarina Teoso. !Ipxaxitarina apanakini imisäkiretakasaakana. Iuikauana. Ätipirika: “Paimatireua ate,” itxanätana. Ixinikapikarina: “Natokopa itxa apikomoni maerekatiki akamini.” !Ikïparina iri paniätakiti, inoro paniätakiti pakini. ³¹ !Kikitenana. !Ikamarina ikamaenetakitina. !Itiretarina inirimane. !Inirekarina neenamataxi ixipokinina. !Iamonïkana apanakini. ³² Teoso säkire txari: “Käkiti ikara atoko inakani ipinapitakako. Ninoa ipinini atão.” Ikara Teoso säkire imarotapiikamana, iuaritika ikamapanikarina ikara maerekatiki. Apaka apokaereketarina apanakini, maerekatiki ikamakasaaki.

2

Teoso Misiritari Maerekatiki Kamakani

¹ Atxiiti hïte txari: “!Erekana ninoa, kotxi ninoa kamari maerekatiki,” hïtxa. !Apakata ikara atoko hinini, kotxi hïte apaka kamari maerekatiki ninoa kamakiti atokotxikana. Ininiä !apakata käkiti akiritiniri äti käkiti maerekatiki kamakari ininiua. ² Apakatapitika Teoso akiritiniri käkiti maerekatiki kamakari ininiua, kotxi iua imarotari atão. Ininiä maerekatiki kamakari apakapari atão imisiritiko imaerekani iaöka. ³ “Ninoa maerekatiki kamakani misiritaäkako,” hinakasaaki, hïxinikari hïte apaka kamari maerekatiki ninoa kamakiti atokotxikana. Ininiä hïte apaka !hinapakapaniri Teoso misiritinii hïte. ⁴ Atxiiti na hïte maäkatari Teoso, kotxi hïte txari: “Teoso katiraökiri itxaua,” hïtxa. Atxiiti na himaäkatari Teoso, kotxi iuasaaki !imisiritapanikai hïte. Atxiiti na himaäkatari Teoso, kotxi Teoso ätipirika mïteenekai hïte. Teoso nirekari hïtakanapiniri maerekatiki hïkamakiti, erekarinoka hïkamini ikapani. Ininiä iua tïretai hïte. Ikara hïte imarotamako.

⁵ Txamari hïte paikoxinirei. Na hinirekari himaerekani hïtakanapini. Ininiä himisiritiko apiaäpotako. Käkiti misiritiko öti apokasaaki, Teoso misiritapitikaiko hïte. Iuasaaki käkiti imarotariko Teoso omanäkare imaerekani xika, kotxi Teoso atão imarotari käkiti kamakiti. ⁶ Ikamakiti erekari ininiäua, Teoso sikari erekari uamoni. Txamari ikamakiti maerekatiki ininiäua, Teoso misiritariko iua. ⁷ Aua käkiti ätipirika erekari kamakani. !Isäpaka erekari ikamini. Inirekarina Teoso: “Erekapitikai,” ininina. Inirekarina Teoso paxitinina. Inirekarina auinina ätipirika. Käkiti ikara atoko inakani Teoso txïkitakana ätipirika auinina ikapani. ⁸ Apanakinipekana kamari inireëkitinoka. !Inirekarina atão imarotinina. Maerekatinoka inirekana ikaminina. Teoso omanatana käkiti ikara atoko inakani. Teoso misiritanako ninoa. ⁹ Ikinipoko käkiti maerekatiki kamakani maxikaäkako. Atatsiirauatoko. Merepanika Xoteo misiritaäkako, eereka Xoteo minakanua apaka misiritaäkako. ¹⁰ Teoso txanako käkiti erekari kamakani: “Erekapitikai hïte.” Ikara atoko itxanako merepanika Xoteoakori, eereka Xoteo minakanua apaka. Teoso paxitanako ninoa. Ikamaerekaxiniretanako.

¹¹ Teoso misiritana ikini kākiti maerekati kamakani. !Auiritari apanakini maerekati kamakani napakakiniri imisiritikona. Apanakini maerekati kamakani imisiritini atokokana, imisiritari ikinipoko maerekati kamakani.

¹² Xoteo minakanuia !auari Moisesi sākire Teoso paniātakiti iōkatsopatakori. Ninoa kamari maerekati, ininiā Teoso paniātakiti imimarotakanisaaki ipinana. Xoteoakori aua Teoso paniātakiti iōkatsopatakori. Ninoa apaka kamari maerekati. Ininiā Teoso misiritana ninoa, isākire iōkatsopatakori iaōka imakamakani xika. ¹³ Teoso kamaerekatari isākire iaōka kamakani. Pikenakotakasaakiri Teoso sākire, txamari !pikamari isākire iaōka, iuasaaki Teoso ! ikamaerekatai pite. ¹⁴ Xoteo minakanuia ! auari Teoso sākire iōkatsopatakori. Iuaritika atxiiti ikamarina Teoso paniātakiti iōkatsopatakori iaōka, kotxi ikamarina ākixinirena sākire iaōka. !Auari Teoso sākire iōkatsopatakori ninoamoni, iuaritika Teoso paniātakiti auape ākixinireēna. ¹⁵ Teoso paniātakiti iaōka ikamakasaakina, oerekarina imarotininirina atāo inakari ākixinireēna. Ākixinirena sākire sāpiretana atāo. Ātikata itxana: “Pite kamari maerekati. !Apakata.” Ātikata erekari ikamakasaakina, “Pite kamari erekari. Erekapitikari.” Itxa ākixinirena sākire. ¹⁶ Kākiti kamakiti imarotiko ōti apokako. Iuasaaki Teoso paniātariko Xesosi Kristo sāpiretiniri kākiti kamakiti. Kākiti kamakiti apanakini mimarotakinini apaka isāpireta. Iuasaaki isāpiretari kākiti misiritiko imaerekani xika. Teoso iokanapirena erekari nisāpiretakiti oerekapetari ikara atoko inakari.

Xoteoakori Auari Teoso Paniātakiti Iōkatsopatakori

¹⁷ Hitepekana, hite txari: “Ate Xoteo atxaua. Teoso apakapapitika aua, kotxi isikari ipaniātakiti iōkatsopatakori atemoni. Atenoka Teoso anaakori atxaua,” hītxa. Ininiā hiteka iuikaua. ¹⁸ Hite imarotari Teoso nireēkiti hīkamini. Himarotari Teoso paniātakiti iōkatsopatakori, ininiā himarotari erekari apiari hīkamini. ¹⁹ Hītxari: “Atera oerekari Teoso kimapore, ikimapore, imimarotakanimoni. Mōsiāreni atoko itxana ninoa,” hītxa. “Ate imarotari Teoso sākire, ininiā ate imarotari apanakini aōerekini. Ininiā ate tirikapī atoko atxaua. Apanakini ipiā sikani atoko itxana ninoa.” Ikara atoko hītxa hite. ²⁰ Hītxari: “Koerekarerini atxaua. Kākiti mīkiteni oereēkani atxaua. Ate oerekari kākiti poiāo imarotakani. Ate imarotari ikinipoko. Aimarotari atāo, kotxi Teoso sākire iōkatsopatakori aua atemoni.” Ikara atoko hītxa hite. ²¹ Hite Xoteo inakanuia oerekari apanakini. Kinirepa kona hiteka oerekaua apaka? Hite ōtākikari apanakini: “!Pīitriuatape”. Kinirepa hite na takanapari hīitriuatini? ²² Hite ōtākikari apanakini: “!Pisiriākape pītanoro minakotokatika.” Kinirepa hite apaka sirīka hītanoro minakotokatika? Hite omanatari teoso kamakori, ininiā kinirepa hīitriūkari ninoa teosone aikoti tii? ²³ Hite iuikaua, kotxi Teoso sākire iōkatsopatakori aua hītemoni, txamari apanakini na paxitari Teoso hite xika, kotxi kona hite kamari Teoso sākire iaōka. ²⁴ Teoso sākire iōkatsopatakori txari: Hite Xoteo xika, Xoteo minakanuia misākirepiretari Teoso, itxa Teoso sākire iōkatsopatakori.

²⁵ Teoso takaōtxikare aua hītoā. Teoso paniātakiti hīkaminiā, erekapitikari Teoso takaōtxikare hītoā auini. Teoso paniātakiti iōkatsopatakori himakamakaniā, Teoso takaōtxikare mauakinini atoko hītxaua. ²⁶ Xoteo minakatiua, Teoso takaōtxikare iitoā mauakini, Teoso sākire iaōka ikaminiā, Teoso txariko: “Iua Xoteo atokotxikana itxa. Nitakaōtxikare iitoā auakiti atokotxikana itxaua.” ²⁷ Hite Xoteoakorimoni aua Teoso paniātakiti iōkatsopatakori, iuaritika !hīkīpitari Teoso sākire. Teoso takaōtxikare auapitikama hītoā, iuaritika !hīkīpitari Teoso sākire. Xoteo minakanuia !auari Teoso takaōtxikare iitoāna, iuaritika ninoa kamari Teoso paniātakiti iōkatsopatakori. Ikara atoko ininiā, ninoa oereka himaerekani.

²⁸ Kiripa atāo Xoteo? Kiripa Teoso nakiti txataua? Kirimonipa aua Teoso takaōtxikare atāo inakari? Teoso takaōtxikare iitoā auakini, na ikinikani atāo Xoteo itxauana. ²⁹ Teoso paniātakiti iōkatsopatakori ! oerekaua Teoso nakiti aninua. Xoteo atāo inakariua, Teoso nakiti itxaua ākixinireē. Teoso takaōtxikare aua iua ākixinireē. Erekar Matamatakoti takari Teoso takaōtxikare iua ākixinireē. !Inirekari kākiti iuikiniri. Inirekari Teoso iuikiniri.

3

Teoso Kamari Ikamaenetakiti

¹ Atxiiti hite txano nota: “Teoso apakapari Xoteo. Teoso apakapari Xoteo minakanuia apaka, ininiā !apiaerekata Xoteo aninua. !Apiaerekata Teoso takaōtxikare iitoā auini.” Atxiiti ikara atoko hītxa. Txamari na atāo. ² Apiaerekatapitika Xoteo aninua, kotxi Teoso merepitipanika sāpiretari iuaka sākire Xoteomoni, ninoa iōkatsopatiniri ikapani, inīkatininirina ikapani. ³ Iuaritika apanakini Xoteo !auikari Teoso sākire. Ikara xika atxiiti Teoso !kamari ikamaenetakiti? ⁴ Ikamapitikari. Atxiiti paxirari ikinimane sākire. Iuaritika Teoso sākire atāonoka. Teoso sākire iōkatsopatakori txari:

Teoso sākirauatakasaaki, ikinimane imarotari isākire atāo ininiua. Isāpiretakasaakiri kākiti imisiritiko imaerekani xika, iuasaaki imarotaākako Teoso kamakiti atāo inini.

⁵ Atxiiti kākiti txano nota: “Atāo minakati akamakasaaki, apanakini apia imarotari Teosonoka kaminiri atāo inakari. Ininiā erekari akaminiri atāo minakati apanakini imarotari Teosonoka kaminiri atāo inakari. Ininiā !apakata Teoso misiritiniua ate, maerekati akamini xika.” Atxiiti aua kākiti ikara atoko ina sākiretakani. ⁶ Apakatapitika Teoso misiritiniri maerekati kamakari. Iua kamari atāonoka, ininiā apakatapitika imisiritiniri ikinimane maerekati kamakani.

⁷ Atxiiti kākiti txaua: “Atāo minakati asāpiretakasaaki, apanakini imarotari Teoso sākirenoka atāo ininiua. Atāo aminasākiretakaniā, apanakini kākiti txari: ‘Teosonoka ereka,’ itxana. Ininiā !apakata Teoso misiritiniua amaerekani xika.” Atxiiti aua kākiti ikara atoko ina sākiretakani. ⁸ Ikara atāo ininiā, maerekati makama erekari apokini ikapani. Txamari ikara sākiretxiti na atāo. Iuaritika apanakini apoitapekaua ate ikara atoko asāpiretini. Ininiā atāopitika ninoa misiritiko, isākirena xika.

!Auari Kākiti Erekeri

⁹ Hixinikariko ikinika ikara nisāpiretakiti. Atauako Xoteo apiaerekata? Atauako Xoteo minakanuia poiāo ereka? Kona ikara atokoni itxa. Noerekepekai hīte, Xoteo minakanuia atokokana itxa Xoteo, kotxi ikinimane kamari maerekati. Akinika !aposotari atakanapiniri maerekati akamini. ¹⁰ Teoso sākire iōkatsopatakori txari:

!Auari atāo inakari kamakari. Ātika !auari.

¹¹ Teoso nireēkiti imarotakari !auari. Teoso nirekakari !auari.

¹² Ikinimane kaporīkikari Teoso. Ikinimane kerokari ikamakiti. Erekeri kamakari !auari. Ātika !auari.

¹³ Kākiti sākire maerekati, itotxi arakakari saka atoko itxa. Itotarina imisirienetinirina apanakini. Kākiti sākire imini tsiā atoko itxa.

¹⁴ Ātipirika imisākirepiretarina āti, kotxi inīkatarina omanākaretxi ākixinireēna.

¹⁵ Maxikatiika inirekarina okinirina āti.

¹⁶ Isinimonina imaxikana apanakini. Maerekaxinireninoka itxīkitakana apanakini.

¹⁷ !Imarotarina neenamtxi itakanapinina.

¹⁸ !Ipaxitarina Teoso. !Ipīkarina iua.

Itxa Teoso sākire iōkatsopatakori.

¹⁹ Aimarotari Teoso sikari ikinika ipaniātakiti iōkatsopatakori atemoni Xoteoakorimoni, inireēkiti aimarotini ikapani. Ininiā !apakata ate, Xoteo minakanuia pakini: “! Nimarotari Teoso nireēkiti,” anini, kotxi isāpiretapekari inireēkiti akamini tīkane. Ininiā atāopitikara Teoso misiritinina ikinimane maerekati kamakani. ²⁰ Ikinika Teoso paniātakiti iōkatsopatakori !aposota akamini, ininiā Teoso kona kamaerekataua. Teoso paniātakiti iōkatsopatakori oerekaua maerekati kamakani aniniua.

Natokopa Itxa Teoso Kamaerekatiniri Kākiti?

²¹ Uatxa Teoso oerekepekaua itxīkitakiniri kākiti atāo inakari kamakani ininiua. Teoso paniātakiti ikinika tīkama kākiti, iuaritika itxīkitakaākana atāo inakari kamakani ininiuana. Kītxakapirīka Moisesi, Teoso sākire sāpiretakani apaka sāpiretari ikara. ²² Teoso txīkitakari kākiti atāo inakari kamakani ininiuana, Xesosi Kristo sākire auikasaakina. Itxīkitakari Xoteo, Xoteo minakanuia pakini atāo inakari kamakani ininiuana, Xesosi sākire auikasaakina. Xoteo minakatiua Teosomoni, Xoteotxikana itxaua. ²³ Kotxi ikinimane kamari maerekati, ininiā !aposota aāpokini Teoso iotximeremoni. ²⁴ Maerekati kamakanuia ate, iuaritika Teoso sikari ikinipoko erekari maxikatiika atemoni, ininiā Teoso kamaerekataua ate, kotxi Kristo Xesosi iikixirauata ate ikapani ipīkasaaki. Ininiā Teoso ! imisiritauka amaerekani xika. ²⁵ Teoso sikari Xesosi ipinini kākiti ikapani. Xesosi ipīkasaaki, Teoso makatxakari maerekati akamakiti. ! Imisiritauka ate, kotxi aūikari Xesosi ipinini itixitari Teoso, maerekati akamakiti. Teoso sikari Xesosi ipinini ate ikapani. Ikara oerekaua atāo inakarinoka ikamini. Mitxipitipanika Teoso ! imisiritana kākiti imaerekana xika. Iātapari iketo manapi apokini, kotxi iamoni kākiti. ²⁶ Teoso sikari Xesosi, ininiā ipīpe kākiti ikapani, ininiā uatxa Teoso misiritari kākiti maerekati ikamini xika, ininiā aimarotari Teoso atāo inakarinoka kamakari itxaua iua, kotxi ! auiritari maerekati kamakari inapakani. Erekeri Teoso, ininiā iua posotari ikamaerekatiniri kākiti Xesosi sākire auiākani.

²⁷ Ininiā ! apakata aūikinuiua, kotxi ! auari aparīka akamaerekatakiri, ininiā ! apakata aūikinuiua Teoso paniātakiti iōkatsopatakori akamakasaaki. Teosora kamaerekataua, Xesosi sākire aūikasaaki. ²⁸ Teoso paniātakiti iōkatsopatakori kamakari atxiiti ! ikamaerekataāka, kotxi ! auikari Xesosi sākire. Xesosi sākire auikakarinnoka ikamaerekataāka. ²⁹ Atauako Teoso Xoteo Teosonenanini itxataua? Konapitini. Xoteo minakanuia Teosonekanera

apaka itxaua Teoso. ³⁰ Teoso ätinoka aua. Iua kamaerekatana Xoteo, Xesosi säkire auiaäkani. Iua kamaerekatana Xoteo minakanuia apaka, Xesosi säkire auikasaäkina. ³¹ Ikara atoko ininiä, atxiiti käkiti txari: “Teoso kamaerekataua ate, kotxi aäuikari Xesosi säkire, ininiä Teoso paniätakiti iökatsopatakori !itxaika. Ininiä !akamaikari,” itxa käkiti säkire atxiiti. Konapitini. Xesosi säkire aäuikasaaki, anirekari iteene akaminiri Teoso säkire paniätakiti iökatsopatakori.

4

Atão Inakari Kamakari Apraão

¹ Maxinikari Apraão airi kitxakapirikari. Natokopa itxa iua imarotakiti, Teoso kamaerekatiniri käkiti? ² Apraão kamakiti erekari kamaerekataäkamariko iua, ininiä iua iuikamaauako. Txamari iua iuikiniua !auari Teoso apisatoö. ³ Teoso säkire iökatsopatakori txari:

Apraão auikari Teoso säkire, ininiäkara Teoso txikitakari iua atão inakari kamakari ininiua. ⁴ Parikauatakari ipaträote sikari iparika iki iuamoni. Maxikatiika !iikitxitari iua. Isikari, kotxi iparika. ⁵ Käkiti auikiniäri Teoso kamaerekatiniri maerekati kamakari, iua käkiti !iukari iuaka parika. Imarotari iparika !ikamaerekatari iua. Teoso txikitakari ikara atoko inakari käkiti atão inakari kamakari ininiua, kotxi iua auikari Teoso säkire. ⁶ Kitxakapirika Tavii txari ikara atoko. Iua säpiretari käkiti Teoso sikakiti erekari apakapakani. Teoso txikitakari iua atão inakari kamakari ininiua. Na iparikani txikitakari iua atão inakari kamakari ininiua. ⁷ Tavii txari:

Teoso makatxakasaakiri käkiti maerekani, !atamataikari maerekati ikamakiti. Teoso takari ikinipoko erekari käkiti ikara atoko inakarimoni.

⁸ Teoso !iaötari iua kamakiti maerekati. Teoso takari ikinipoko erekari iuamoni. Itxa Tavii kitxakapirika.

⁹ Atxiiti pite txari: “Atauako ia erekari Teoso sikakiti, Tavii säpiretakiti, käkiti Teoso takaötxikare auaitotakiti ikapaninanini?” Konapitini. Ia erekari Teoso sikakiti Teoso takaötxikare mauaitotakini ikapaniniani apaka. Nisäpiretapekai ia Teoso säkire iökatsopatakori:

Apraão auikari Teoso säkire, ininiäkara Teoso txikitakari iua atão inakari kamakari ininiua, itxa Teoso säkire iökatsopatakori. ¹⁰ Kirisaakipa Teoso txikitakari Apraão atão inakari kamakari ininiua? Atauako Teoso takaötxikare Apraão itoä auakasaakiikani? Konapitini. Takaötxikari Apraão itoä takiko apisapanikara, itxikitakari Apraão atão inakari kamakari ininiua. ¹¹ Merepanika Teoso txikitakari Apraão atão inakari kamakari ininiua, eerekaikara itakari itakaötxikare iitoä. Ikara Teoso takaötxikare oerekari, mitxipeka Teoso txikitakari Apraão atão inakari kamakari ininiua, kotxi iua auikari Teoso säkire. Apraão auikari Teoso säkire, Teoso takaötxikare iitoä auini apisapanika. Ininiä Apraão ikini Teoso säkire auiaäkani iri atoko itxaua. Atxiiti Teoso takaötxikare iitoäna !auari. Iuaritika ninoa iri atoko itxaua Apraão. Teoso txikitakari ikinimane iua säkire auiaäkani atão inakari kamakani ininiua. ¹² Apraão Teoso takaötxikare auaitotakini iri atoko itxaua, ninoa auikiniäri Apraão säkire Apraão auikiniäri atokotxikana, kotxi Teoso auikari Teoso säkire Teoso takaötxikare iitoä auini apisapanika.

¹³ Teoso sikaenetari itixi Apraõomoni, imekaniriakori pakinimoni. Ikara atoko Teoso säkire, kotxi Apraão auikari Teoso säkire. Iua auikari Teoso säkire, ininiä Teoso txikitakari iua atão inakari kamakari ininiua. Apraão kamakiti erekari !itxikitakari Teoso sikaenetiniri itixi Apraõomoni. ¹⁴ Käkiti erekari kamakari Teoso säkire mauiakati !apakapari Teoso sikaenetakiti, kotxi !auikari Teoso säkire. Teoso sikari isikaenetakiti iua säkire auiaëkanimoninani. ¹⁵ Teoso paniätakiti iökatsopatakori makamakati misiritaäkako. Teoso paniätakiti iökatsopatakori mauakaninä, maerekati !auari. Txamari auapitika Teoso paniätakiti iökatsopatakori.

¹⁶ Ininiä käkiti auikasaakiri Xesosi säkire, apakapari Teoso sikaenetakiti. Maerekati kamakani käkiti, iuaritika apakaparina Teoso sikaenetakiti, kotxi Teoso nirekari ikinipoko erekari isikini käkitimoni. Ininiä ikinimane Apraão apika mekaniriakori apakapapitikari Teoso sikaenetakiti. Xoteoakori Teoso paniätakiti iökatsopatakori auakini apakapari. Xoteo minakanuia Teoso säkire Apraão auikini atoko inakani apaka apakapari. Ate amakinika iri atoko itxaua Apraão. ¹⁷ Teoso säkire iökatsopatakori txari:

Teoso txari Apraão: “Nota txikitakaiko pite itori äti uäka iri pininiua.” Ininiä Teosomoni iua airi atoko itxaua, kotxi Apraão auikari Teoso säkire. Teoso txikitakana ipikani iuaikana auäki inini. Iua kamari mitxi mauakati auini.

¹⁸ Apraão kiomätxipeka inakasaaki, kona keeneri. Iuaritika auikari Teoso säkire. Iätapari Teoso sikaenetakiti apokini. Ininiä apakanini äti uäka iri atoko itxapekua Teoso säkire iaöka. Teoso säkire iökatsopatakori txari:

Papika mekaniriakori kaiãopokopaniriko.

¹⁹ Apraõ seĩ anokanani inakasaaki, imarotari iito ipinanapanoka inini. Imarotari Sara ! oposotaikari keene onini. Iuaritika iteene auikari Teoso sãkire. ²⁰ ! Iotoka auikiniri Teoso sikiniri isikaenetakiti uamonĩ. Iua auikari Teoso sãkire itaparaxinireritika. “Teoso posotari ikinipoko ikamini,” itxa. ²¹ Iua iteene imarotari Teoso posotiniri isikiniri isikaenetakiti. ²² Apraõ auikari Teoso sãkire, ininiãkara Teoso txĩkitakari iua atão inakari kamakari ininiua. ²³ Na Apraõonani Teoso txĩkitaka atão inakari kamakari ininiua. ²⁴ Iua txĩkitakaua ate apaka atão inakari kamakani aniniua, aũuikiniãri Teoso sãkire. Aũũte Xesosi ipĩkasaaki, Teoso õkitikari iua iuaĩkana auini ikapani. ²⁵ Teoso sikari Xesosi kãkitimoni ipinini ikapani maerekati akamakiti xika. Teoso õkitikari iua iuaĩkana auãki inini ikapani, ate ikamaerekatini ikapani.

5

Teoso !Omanataikaua Ate

¹ Ininiã Teoso kamaerekataua, kotxi aũuikari isãkire, ininiãkara aũũte Xesosi Kristo iotokakari Teoso omanatinua ate. Teoso ! omanataikaua ate. Uatxa apakapaua ate. ² Aũuikasaakiri Xesosi sãkire, iuasaaki aimarotari ikinipoko erekari Teoso sikakiti atemoni ikiniõtika. Iteene apoxokoniua, kotxi aiãtapari Teoso aãõkitini, iua iotximere aãtamatinĩ ikapani. ³ Apanakini misiritakasaakia, apoxokoniua apaka, kotxi Teoso oerekaua amũteenekiniri amisiritiko. ⁴ Amisiritiko amũteenekiniã, aimarore apiaãpota. Aimarore apiaãpotakasaaki, aiãtapariko erekari apokini atemoni. ⁵ Erekarĩ apokini aiãtapiniã, aãpakapapitikariko erekari, kotxi aãkixinireẽ aimarotari Teoso iteene tiretinua. Erekarĩ Matamatakoti Teoso sikakiti atemoni, oerekaua Teoso tiraõki aãkixinireẽ.

⁶ Erekarĩ akamini amaposotakanisaaki, Teoso amanirekakanisaaki, Kristo ipina ate ikapani. Iua ipina iketo õti manapi. ⁷ Atxiĩti kãkiti ipina atão inakari kamakari ikapani iua mapinakani ikapani? Atxiĩti ! ipina iua ikapani. Atxiĩti kãkiti ipina ati erekari kamakari ikapani, iua mapinakani ikapani? Atxiĩti ipina iua ikapani. ⁸ Teoso oerekaua ate, iua iteene tiretinua ate, kotxi Kristo ipina ate ikapani maerekati akamananika anakasaaki.

⁹ Kristo ipinini kamaerekataua ate, ininiã uatxa Teoso apakapaua ate. Apikomoni Kristo kaminua, kotxi Teoso ! omanataikaua. !Imisiritakaua. ¹⁰ Ate Teoso omanatakani anakasaakia, Teoso ãkiri ipina ate ikapani. Ininiã Teoso mokaiaikari ! atxaikaua. Iua apakapaua. Iua apakapaua, ininiã amaerekani imakatzaka, ininiã aũuapininiã, kotxi iua õkitikaua auapininiã anini ikapani Teosokata, kotxi Kristo auini auapika. ¹¹ Teoso kamari ikara ate ikapani. Apikomoni iua kaminapanikauako ate, kotxi iua kamapoxokonitua, kotxi aũũte Xesosi Kristo mikanapiriãua ate Teosomoni.

Adão, Kristo Pakini

¹² Maerekanitxi apoka itixi kiki ãtika xika, Adão inakori xika. Maerekati ikamakiti xika ipina. Ininiã ikinimane kãkiti ipina, kotxi ikinimane kãkiti kamari maerekati. ¹³ Teoso paniãtakiti iõkatsopatakori apokini apisapanika, kãkiti kamari maerekati, iuaritika Teoso ! imisiritana ninõ maerekati ikamakitinua xika, kotxi iuasaaki ! isãpiretapanikari ipaniãtakiti. ¹⁴ Adão auakasaaki atoko, Moisesi auakasaaki manapi, iuasaaki Teoso paniãtakiti iõkatsopatakori ! apokapanika, iuaritika ikinimane ipina. Atxiĩti kãkiti ! ikamari maerekati Adão maerekani atoko, kotxi iua ! ikamari Teoso paniãtakiti, iuaritika ikinimane ipina. Kiki Adão inakori axinikasaaki, aimarotari iua Xesosi atoko ininiua.

¹⁵ Txamari aimarotari iua na Xesosi ! atokoni itxaua, kotxi ãtika kiki maerekani xika, itori kãkiti ipina. Iua sikari ipĩkixi kãkitimoni. Kiki ãtipekana, Xesosi Kristopekana, iua sikari erekari Teoso siãkiti itori kãkitimoni imapinakanina ikapani. Teoso siãkiti iiki ! auari. ! Erekarĩ Adão sikakiti. Peerekari Xesosi Kristo siãkiti. ¹⁶ Kiki ãtika Adão inakori kamari maerekati. ãtinoka maerekati ikama, ininiã eereka Teoso sãpiretari imaerekani. Eereka Teoso misiritari iua. Teoso siãkiti ! ikara atokoni itxa. Kãkiti maerekati itori ikamakasaaki, kiki ãtipekana Xesosi sikari Teoso siãkiti kãkitimoni, ininiã ikamaerekatana kãkiti. Iuasaaki imakatzakari ninõ maerekani. ¹⁷ Kiki ãtika, Adão inakori maerekani xika, Teoso txĩkitakari ikinimane ipinini. ! Erekarĩ iua kiki kamakiti. ãti kiki, Xesosi Kristo inakori kamakiti peerekari. Iua txĩkitakari kãkiti ãkixinire katapara inini maerekati imakamakani ikapani. Kãkiti ikara atoko inakari Teoso sikari ikinipoko erekari. Itori isika. Itxiĩkitakari iua atão inakari kamakari ininiua. Ia iparĩka iiki ! auari.

¹⁸ Adão kamari ãtinoka maerekati, iuaritika iua maerekati txĩkitakari Teoso misiritinina ikinika kãkiti. Iua atokokana Xesosi kamakiti ãtika txĩkitakari Teoso kamaerekatinina kãkiti ninõ ãtipirika auini ikapani. Iuasaaki atãonoka ikamakiti. ¹⁹ Kiki ãtika Adão inakori na kamari Teoso sãkire iaõka, ininiã itxiĩkitakari kãkiti itomaneri maerekati ikaminina. Kiki

ãtipékana Xesosi inakori kamari Teoso sãkire iaõka, ininiã itxãkitakari kãkiti itomaneri atão inakari kamakani ininiuana.

²⁰ Teoso sikari ipaniãtakiti iõkatsopatakori Moisesimoni. Iuasaaki kãkiti imarotari maerekati itori ikamakitiina, ininiã maerekanitxi apiaãpota, kotxi Teoso paniãtakiti iõkatsopatakori auape. Maerekanitxi apiaãpota, iuaritika erekari Teoso sikakiti kãkitimoni apiata. ²¹ Maerekanitxi txãkitakari kãkiti ipinini. Erekari Teoso sikakiti kãkitimoni txãkitakari kãkiti auini ãtipirika imaxipokakani tãkane, kotxi aãũte Xesosi Kristo txãkitakari kãkiti atão inakari kamakari ininiua. Ininiãkara kãkiti auapininiika, kotxi Xesosi Kristo kamaerekatana.

6

!Anirekaikari Maerekati Akamini

¹ Ininiã erekari atxãiti apikomoni maerekati akamini, ikinipoko erekari Teoso sikakiti apiata auini ikapani? ² Konapitini. Teoso makatxakapekari amaerekani, kotxi iuasaaki ! anirekaikari apikomoni maerekati akamini. Anireëkiti maerekati akamini xipope, kãkiti ipinini atoko itxa ixipokini. Ininiã !apakata apikomoni maerekati akamini. ³ Apatxisatiko oerekari Kristo Xesosi nakitiakori aniniua. Iuakata apinini atoko itxa apatxisatiko. Himarotapekari ikara. ⁴ Apatxisatiko oerekari Kristokata ikatakoni atoko aniniua, ininiã ! anirekari apikomoni maerekati akamini. Kristo iri Teoso posotiire õkitikari imi, iuaikana auãki inini ikapani. Peerekari iposotiire. Ininiã apatxisatiko oerekari Xesosi õkitikiko atokokana Teoso õkitikaua ate aãuini amaneri inini ikapani.

⁵ Aãuapika Kristokata, ininiã ãtika atoko atxaua iuakata aãuini, ininiã Kristo ipinini atokokana mitxi aãuini xipope. Kristo iuaikana auini atokokana, aãuini amaneri. Peerekari, kotxi aãuapika Kristokata, ãtika atoko aniniua iuakata. ⁶ Mitxi anireëkiti xipope, kotxi Kristo makatxakari amaerekani aamina Ipiriãmitakari nopini ipikasaaki ate ikapani. Ininiã mitxi anireëkiti posotiire !auaika. Ixipokaãkapeka, kotxi mitxi anireëkiti maerekatinoka. Ininiã maerekanitxi nitiriakori atoko !atxaikaua. Aimarotari ikara. ⁷ Maerekanitxi na paniãtaikari kãkiti ipãkari.

⁸ Kristokata ipãkani atoko aniniã, aimarotari iuakata aãuini apaka. ⁹ Ipikasaaki õkitikaãka, ininiã !ipinaika. Aimarotari ikara. Ipãkitxi na kaposotiireikari iuaikana Kristo ipinini ikapani. ¹⁰ Iua ipina maerekanitxi posotiire ixipokini ikapani. Iuasaakipeka maerekanitxi posotiire xipoka. Uatxa Kristo auapininiika Teosokata, iri nireëkitinoka ikamini ikapani. ¹¹ Iua atokotxikana anireëkiti maerekati xipope. Uatxa !anirekaikari maerekati akamini. Uatxa aãuapininiika Teosokata, iua nireëkitinoka akamini ikapani, kotxi Kristo Xesosikata aãuapika.

¹² Ininiã na hãuiritapiri hiõto paniãtinii maerekati hãkamini. Na hãkamapiri maerekati hiõto nireëkiti. ¹³ Na hãuiritapiri hiõto kaminiri maerekati. Na hãuiritapiri hõki kaminiri maerekati. Na hãuiritapiri hinama kaminiri maerekati. Na hãuiritapiri hãuako kaminiri maerekati. Na hãkamapiri maerekati hiõto nireëkiti. Hiteka hãsikauako Teosomoni, kotxi mitxi ipãkani atoko hãtxaua, eereka Teoso txãkitakai auãki iuaikana hinini, ininiã hãsikari hiõto ikinika Teosomoni. Atão inakarinnoka hãkamako hõkiã, hinamaã, hãuakoã, imakinika hiõtoã. ¹⁴ Uatxa maerekanitxi apatrãote atoko !itxaikauako. Uatxa amisiritiko !auaika, Teoso paniãtakiti iõkatsopatakori amakamakaniã, kotxi ikinipoko erekari Teoso sikakiti aãpakapakasaaki, iuasaaki imaktxakari amisiritiko.

Atão Inakari Nitiriakori

¹⁵ Ininiã atxãiti hãtxano nota: "Maerekati makama, kotxi amisiritiko !auaika Teoso paniãtakiti iõkatsopatakori amakamakaniã, kotxi ikinipoko erekari Teoso sikakiti aãpakapakasaaki, imaktxakari amisiritiko. Ininiã makamari maerekati," atxa atxãiti. Konapitini. ¹⁶ Himarotari, hãuiritiniãri kãkiti paniãtinii iua nireëkiti hãkamini, ininiã iua hãpatrãote atoko itxaua. Iua nitiriakori atoko hãtxaua, kotxi hãkamari iua paniãtakiti. Maerekanitxi hãpatrãote ininiãua, hãkamari maerekati, ininiã hãpina. Ininiã kona hãua Teosokata ãtipirika. Teoso hãpatrãote ininiãua, iua paniãtakiti hãkama, ininiã atão inakarinnoka hãkama. ¹⁷ Nitxari Teoso: "Erekapitikari atemoni pikamakiti." Ikara atoko nitxari Teoso, kotxi mitxi maerekanitxi nitiriakori atoko hãtxaua. Uatxa maerekanitxi nitiriakori ! hãtxaikaua, kotxi iteene hãkãpitari hõerekiko. ¹⁸ Teoso makatxakapekai hãte, ininiã uatxa maerekanitxi nitiriakori ! hãtxaikaua. Uatxa Teoso nitiriakori hãtxaua, ininiã atão inakarinnoka hãkama. ¹⁹ Ikara atoko nitxa sãkireta hãtemoni, kotxi himarotari nitiritxi, patrão pakini pirena. Himarotakiti poiãoka. Mitxi hãuiritari hiõto kaminiri maerekati inireëkiti. Hãuiritari hiõto apikomoni maerekati ikamaãpotini. Apiaãpota maerekati hãkamakiti. Iuasaaki hiõto maerekanitxi nitiri atoko itxaua. Uatxa hãsikari hiõto Teosomoni atão inakari nitiri ininiua ikapani, ininiã hãkamariko atão inakarinnoka. Ininiã Teoso nakitiakorinnoka hãtxaua.

²⁰Maerekanitxi nitiriakori hinakasaakiua, atão inakari nitiriakori na hũtxaua, ininiã atão inakari na paniãtai hũte atão inakarinoka hĩkamini. ²¹İkiripa erekari hãpakapa, maerekati mitxi hĩkamakasaaki? Kona kapakaparei. Uatxa hĩpẽtauaa maerekati mitxi hĩkamakiti xika. Maerekati kamiko xika kãkiti ipina, ininiã kona aua Teosokata atĩpirika. ²²Uatxa maerekanitxi na paniãtaikai hũte. Uatxa Teoso nitiriakori hũtxapekaua, ininiã hĩkamari ikinipoko Teoso İkapani. Ininiã hãuapininiika hũtxako Teosokata atĩpirika. ²³Maerekanitxi kãkiti patrãote atoko itxa. İikitxitari kãkiti parĩkatxi İki, txamari ipĩkitxi itxaua parĩkatxi İki. Teoso sikakiti atemoni atĩão. !Aparĩkauata Teoso sikakiti aãpakapini İkapani, Iuaritika isikaua aãuini atĩpirika inini İkapani, kotxi aãũite Xesosi Kristo ipina ate İkapani.

7

Tanirauatakaro Atoko Atxa

¹Nitariakori, hũte hĩkinika imarotari paniãtakori iõkatsopatakori, ininiã himarotari nisãkire. Kãkiti auapanika inakasaaki, ikĩpitariko paniãtakori iõkatsopatakori. ²Noerekaiko hũte. Paniãtakori iõkatsopatakori paniãtaro sito okaikotini oĩtanirikata iua auapanika inakasaaki. Iua ipininiã, iua paniãtakori na paniãtaikaro oa. ³Oĩtaniri auapanika inakasaaki, atikata oãuiniã, kanokarero otxaua. Oĩtaniri ipininiã, paniãtakori iõkatsopatakori na paniãtaikaro oa, ininiã apakata atikata oĩtaniriuatini. İkara atoko oniniã, kanokarero !otxaua.

⁴Nitariakori, oa sito atokotxikana ate amakinika. Kristo ipina ate İkapani, ininiã Moisesi paniãtakiti iõkatsopatakori kona paniãtaikaua, kotxi uatxa Kristo nakitiakori atxaua. Uatxa Teoso õkitikakiti Kristo nakitiakori atxaua. Iua nakitiakori atxaua, ininiã erekari akama Teoso İkapani. ⁵Mitxi anireẽkiti maerekati paniãtaua maerekati akamini. Aĩto nirekari maerekatinoka ikamini, kotxi paniãtakori iõkatsopatakori txari: “Kona hĩkamapiri maerekati.” Ininiã iusaaki apiata anirekari maerekati akamini, kotxi maerekatinoka kamakani atxaua. Ininiã apina, ininiã kona aãuapika Teosokata. ⁶Mitxi paniãtakori iõkatsopatakori nirekari ipaniãtinua. Uatxa paniãtakori iõkatsopatakori na paniãtaikaua. İkara kitxakari. Uatxa amaneri, kotxi uatxa aparĩkauata Teoso İkapani. Erekari Matamatakoti oerekaua aparĩkauatini Teoso İkapani.

Teoso Paniãtakiti Iõkatsopatakori

⁷Ininiã natokopa itxa uatxa axinikakiti? Teoso paniãtakiti iõkatsopatakori maerekati itxaua atxĩiti? Konapitini. Maerekati !itxaua. Teoso paniãtakiti iõkatsopatakori mauakanimako, nota limarotamariko maerekati nikamini. Teoso paniãtakiti iõkatsopatakori txari: Kona pinirekapiri atĩ nakiti, ininiã atĩ nakiti ninirekiniã, nimarotari nikaminiri maerekati. ⁸Maerekati xika na nota nirekari ikara Teoso paniãtakiti nikamini. Ininiã iteene ninirekari apanakini nakiti. Ninirekari apanakini nakiti, kotxi Teoso paniãtakiti iõkatsopatakori txari: Kona pinirekapiri atĩ nakiti.

Teoso paniãtakiti iõkatsopatakori mauakanĩã, iusaaki maerekati !auari. ⁹Teoso paniãtakiti iõkatsopatakori nimimarotakanisaaki, na nimarotari maerekati nikamini. Niuãkatarĩ nãkixinire auãki inini. Teoso paniãtakiti iõkatsopatakori nimarotakasaaki, nimarotari maerekati nikamini. Iusaaki nimarotari nipinini nimaerekani xika. ¹⁰Iusaakipeka nimarotari nãkixinire ipĩkari atoko inini. Teoso paniãtakiti iõkatsopatakori oerekari kãkiti erekari ikamini, iua auini İkapani. Txamari Teoso paniãtakiti iõkatsopatakori oerekano nota nipinini nimaerekani xika. ¹¹Maerekati ninireẽkiti misirienetano. İmisirienetano, ininiã na nikamari Teoso paniãtakiti iõkatsopatakori iaõka. Ininiã nikamari maerekati. Ininiã maerekati xika nipina.

¹²Teoso paniãtakiti iõkatsopatakori !auari maerekati, kotxi Teoso kamari. Atãonoka itxa Teoso paniãtakiti. Erekari. ¹³Atxĩiti erekari txĩkitakano nipinini? Konapitini. Maerekanitxi txĩkitakano nipinini. Maerekanitxi txĩkitakano Teoso paniãtakiti iõkatsopatakori erekari nimakamakarĩ, ininiã nikamari maerekati, ininiã iua maerekanitxi txĩkitakano nipinini. Ininiã aimarotari maerekanitxi kona xatiki apakata. Maerekatinoka, kotxi maerekanitxi txĩkitakano nipinini. Teoso paniãtakiti iõkatsopatakori oerekaua ikara atoko inakari.

¹⁴Aimarotari Teoso paniãtakiti iõkatsopatakori iaxiti İkari ininiua. Txamari nota uaikirino. Maerekanitximoni vẽtxitakori atoko nitxaua, maerekanitxi nitiri atoko nininiua İkapani. ¹⁵Na nimarotari nikamakiti, kotxi na nikamari notaka nireẽkiti. Nikamari nimanirekakini, nomanatakiti. ¹⁶Ininiã maerekati nimanirekakini nikamakasaaki, iusaaki nimarotari Teoso paniãtakiti iõkatsopatakori ereka inini. ¹⁷Ininiã na notani kamari maerekati. Maerekati nãkixinireẽ auakarira txĩkitakari nikaminiri iua maerekati. ¹⁸Nimarotari erekari !auari nãkixinireẽ. Maerekatinoka aua nãkixinireẽ, kotxi ninirekari erekari nikamini, txamari !niposotari. ¹⁹Na nikamari erekari ninireẽkiti. Nikamapikari

maerekati nimanirekakiniti. ²⁰ Ininiã nimanirekakiniti nikaminiã, kona notani kamari. Maerekati nãkixinireẽ auakarira txĩkitakano iua maerekati nikamini.

²¹ Ininiã ia sãkiretxiti atão: Ninirekasaakiri erekari nikamini, maerekatinoka niposota nikamini. ²² Nãkixinireẽ iteene ninirekari Teoso paniãtakiti iõkatsopatakori iaõka nikamini. ²³ Txamari aua ãti ninireẽkiti niõto ãki. Iua niõto nireẽkiti nirekari ixipokiniri nãkixinire nireẽkiti. Iua niõto nireẽkiti xika nikamari maerekati nireẽkitinoka. !Niposotari erekari nikamini. Kateia ãki iaxirikakoni atoko nitxa. ²⁴ !Erekano nota. Maerekati kamakarino nota. Kipa makatxakano, maerekati niõto nireẽkiti nimakamakani ikapani? Niõto txĩkitakano nipinini. Kipa moianatano? ²⁵ Aãũite Xesosi Kristokara moianatano. Iuara makatxakano nimapinakani ikapani. Peerekari Teoso, kotxi iua kamari ikara atoko nota ikapani.

Ininiã uatxa ia atoko inakari nisãpiretai. Nãkixinireẽ ninirekari Teoso paniãtakiti iõkatsopatakori nikamini. Txamari niõtoã maerekanitxi nireẽkitinoka niposota nikamini.

8

Erekari Matamatakoti Txĩkitakari Aãkixinire Auãki Inini

¹ Ininiã uatxa Teoso ! itxaikaua ate: “Maerekati hĩkamakiti xika nimisiritaiko hĩte,” ! itxaikaua ate, kotxi Kristo Xesosi nakitiakori atxapekaua. ! Akamaikari aĩto nireẽkiti. Erekari Matamatakoti sikaposotiiretaua iua nireẽkiti akamini. ² Erekari Matamatakoti nireẽkiti akama, ininiã iua txĩkitakari aãkixinire auãki inini, kotxi Xesosi Kristo nakitiakori atxaua. Erekari Matamatakoti makatxakano maerekanitxi nireẽkiti nikamini, ininiã na nipina. ³ Aĩto maerekani xika Teoso paniãtakiti iõkatsopatakori ! iposotari imakatxakiniri amaerekani, kotxi ! aposotari akaminiri iua paniãtakiti. Iuaritika Teoso makatxakari amaerekani, kotxi iua iokanatarari imi atemoni. Imi !to ate !to atoko, maerekati kamakari !to atoko itxa. Teoso iokanatarari imi atemoni ipinini ikapani, amaerekani imakatxakiniri ikapani. Ininiã ixipokari maerekati posotiire aĩtoã auakari. ⁴ Teoso kamari ikara, ininiã Xesosi kamari ikinika Teoso paniãtakiti iõkatsopatakori iaõka ate ikapani, kotxi ipaniãtakiti atão inakarinnoka. Ininiã !kamamaikari maerekati aĩto nireẽkiti. Akamari Erekari Matamatakoti nireẽkiti.

⁵ !toxti nireẽkiti kamakani xinikapikari iĩtona nireẽkitinoka. Erekari Matamatakoti nireẽkiti kamakani xinikapikari Erekari Matamatakoti nireẽkitinoka. ⁶ Kãkiti xinikiniãri iĩto nireẽkitinoka, ixinikakiti txĩkitakari iua ipinini, ininiãkara kona auapika Teosokata. Kãkiti auiritiniãri Erekari Matamatakoti txĩkitakiniri ixinikiniri Erekari Matamatakoti nireẽkitinoka, iua auapininiika Teosokata. Erekaxinireri iua. ⁷ Kãkiti xinikiniãri iĩto nireẽkitinoka, Teoso mokaiakariakori itxauana, kotxi !inirekarina Teoso paniãtakiti iaõka ikaminina. !Iposotarina Teoso paniãtakiti iaõka ikaminina. ⁸ !toxti nireẽkitinoka kamakani liposotari ikamapoxokonitininina Teoso.

⁹ Hĩtepekana, Erekari Matamatakoti hãkixinire auiniã, hĩkamari iua paniãtakiti. !Hĩkamari maerekati hĩto paniãtakiti. Erekari Matamatakoti kãkiti aãkixinireẽ mauakanisaaki, na Kristo nakitiakori ! itxauana, kotxi Erekari Matamatakoti Kristo nakiti itxaua. ¹⁰ Hĩto ipinapitkako maerekati xika, iuaritika hĩxinire auãkiri itxaua Kristo hãkixinireẽ auiniã. Hĩxinire auãkiri itxaua, kotxi Kristo kamari atão inakarinnoka ate ikapani. ¹¹ Teoso õkitikari Xesosi, iua ipikasaaki. Erekari Matamatakoti Teoso nakiti hãkixinireẽ auiniã, Teoso Kristo õkitikakari, txĩkitakariko hĩto ipinakarari iuaãkana auãki inini, kotxi Erekari Matamatakoti Teoso nakiti aua hãkixinireẽ.

¹² Ininiã nitariakori, auapitika akamakiti tĩkane Teoso ikapani. !Auari akamakiti tĩkane aĩto nireẽkiti akamini ikapani. ¹³ Hĩto nireẽkiti hĩkaminiã, hĩxinire ipikari atoko itxa, ininiã ãtipirika kona hãua Teosokata. Hamananiãri Erekari Matamatakoti maerekati hĩto kamakiti ixipokini, iusaaki hãuapika ãtipirika Teosokata.

¹⁴ Erekari Matamatakoti nireẽkiti kamakani, Teoso anaakori itxauana, kotxi Erekari Matamatakoti Teoso nakiti. ¹⁵ Iua Erekari Matamatakoti Teoso sikakiti hĩtemoni. !Itxĩkitakai nitiritxi kapikareri hininiua. Itxĩkitakai Teoso anaakori hininiua. Erekari Matamatakoti posotiireẽ aãkiritari aĩri Teoso: “Papai, niri,” atxari. ¹⁶ Erekari Matamatakoti sãpiretaua aãkixinireẽ Teoso anaakori aniniua. ¹⁷ Teoso anaakori aniniãua, aãpakapariko erekari Teoso nĩkatakiti ate ikapani. Kristo apakapari erekari Teoso nĩkatakiti iua ikapani, ininiã ate apakapari iuakata. Kristo misiritaãkapeka. Ate misiritiko apaka auiniã Kristo sãkire aũuikini xika, Kristo ikinimane auite inakasaãkiua, ate apaka aua iuakata iusaaki. Aãtamatarari iua iotximere. Peerekari iusaaki iuakata aũuini.

Aãpakapariko Ikinipoko Erekari

¹⁸ Uai itixi aũuakasaaki, aãtatsiirauata. Eereka ! axinikaikari mitxi aãtatsiirauatini, kotxi Teoso oerekauako ikinipoko erekari. Iusaaki peerekari. ¹⁹ Ikinipoko Teoso kamakiti iãtapari ipoxokoniritika Teoso keto õti. Iusaaki aimarotari Teoso anaakori. ²⁰ Kotxi

ikinipoko Teoso kamakiti misiritaākapeka, ixipokaāpotini tūkane. Ikinipoko Teoso kamakiti ixinireka !ixipokaāpota. Teoso txikitakari ikinipoko xipokaāpotini. Iuaritika aimarotari, ipīkitxi xipokini ōti apokapitikako. ²¹ Ikinika Teoso kamakiti iātapari iua ōti. Iuasaakiko itixi amaneri itxauako. !Ixipokaika. Iuasaaki ikinika amaneri. !Ixipokaika. Teoso anaakori misiritiko !auaika. Peerekari iuasaakiko.

²² Aimarotari uatxapiikama ikinika Teoso kamakiti atatsiirauata, amarini tsii sito atatsiitini atokokana. ²³ Na itixi Teoso kamakitinanini atatsiirauata. Aākixinire apaka akiripireta, kotxi anirekari Teoso keto apokini. Iuasaaki iua apakapaua ate iua anaakori. Iuasaakiko aīto amaneri isikaua. Iuasaakiko aīto !kaxiporeikari. Merepanika Teoso sikakiti auapeka atemoni, kotxi iua sikapekari Erekarī Matamatakoti atemoni. ²⁴ Teoso maktaxapekari amaerekani, aāuikasaakiri isākire. Ininiā aiātapari apikomoni isikaenetakiti atemoni. !Aāmatapanikari isikaenetakiti, ininiā aiātapapanikari. Aāuikapitikari isikaenetakiti isikiniua, ininiā atāo aāuikiniri. ²⁵ Aiātapari aāpakapakiti tūkane. !Aāpakapanikari, iuaritika aiātapari apoxokoniritika, kotxi aimarotapitikari ikara apokini.

²⁶ Erekarī Matamatakoti moianataua, kotxi na kataparaxinireua. !Aimarotari aamanaākiti tūkane, Teoso amisākiretakasaaki. Iuaritika, Erekarī Matamatakoti misākiretari Teoso ate ikapani. Asākireē !aposotari asāpiretiniri Teoso ikinika anireēkiti, ininiā Erekarī Matamatakoti misākiretari Teoso ate ikapani. Ipinimoni itxa isāpiretiniri Teoso. Kākiti sākireē !isākirauata Teosokata. ²⁷ Teoso imarotari kākiti ākixinire, ininiā iua imarotari Erekarī Matamatakoti xinikakiti, kotxi Erekarī Matamatakoti misākiretari Teoso, Teoso nakitiakori ikapani. Erekarī Matamatakoti amanaāri Teoso, Teoso nireēkiti ikaminana inakitiakori.

Teoso Iteene Tiretiniua

²⁸ Aimarotari ikiniōtika erekarī ikaminaua ate, kotxi iua tiretakani, iua mereēkini atxaua ate. Iuaritika aātatsiirauatini auapitika. Iuaritika iuasaaki apaka erekarī ikaminaua. Iua mereēua, kotxi nirekari imereiniua. ²⁹ Itixi kamiko apisapanika Teoso imarotapekua ate. Iua mereēpekua ate, iua anaakori kaiāopokori aniniua ikapani. Imereēpekua, imi Xesosi atoko aniniua ikapani. Ininiā Xesosi aītari apiari. ³⁰ Teoso akiritana imereēkini. Apaka ikamaerekatana iua mereēkini. Apaka itanapoko erekarī isika ninou ikamaerekatanimoni.

³¹ Teoso kamari ikinipoko ikara erekarī ate ikapani, ininiā natokopa itxa axinikakiti? Teoso kataparari moianatapitikaua, ininiā ate omanatakani tapara poiāoka. ³² Teoso sikari ikinipoko atemoni. Imi apaka isika atemoni, kotxi ipina ate akinika ikapani. Isikari imi atemoni, ininiā aua atxiīti iua masikakiniti atemoni? !Auari. Ikinipoko erekarī isikapitikaua atemoni. Ikarone !auari. ³³ Aua atxiīti Teoso mereēkini maerekani sāpiretakari? !Auari. Teosora sāpiretari ninou maerekani mauakani, kotxi iua kamaerekatapekana ninou. ³⁴ Aua atxiīti Teoso mereēkini misiritiko sāpiretakari? !Auari. Kotxi Kristora misākiretari Teoso ate ikapani, kotxi Teoso ikikomoni auakari itxaua. Iua ipina ate ikapani, ininiā eereka Teoso ōkitikari iua, auapika inini ikapani. Iuara misākiretari Teoso ate ikapani. ³⁵ Ininiā kipa atxiīti iotokakatarī Kristo tiretiniua? !Auari, kotxi amaxikikosaaki, Kristo tiretapanikaua. Amaurenisaaki, Kristo tiretapanikaua. Amisiritikosaaki, Kristo tiretapanikaua. Natxi auakasaaki, Kristo tiretapanikaua. Amamākanisaaki, Kristo tiretapanikaua. Monōkari auakasaaki, Kristo tiretapanikaua. Neenamatzī auakasaaki, Kristo tiretapanikaua. ³⁶ Teoso sākire iōkatsopatakori txari:

Pisākire aāuikini xika, pamonōkoniri ikiniōtika. Aōkiko monōkoni auapika. Soti auīte apanakini okini atoko, apanakini nirekari okiniua ate,

itxa Teoso sākire iōkatsopatakori. ³⁷ Maerekati ikara atoko aua, iuaritika iteene akāiata, kotxi atiretakari sikataparataua. ³⁸ Ia nimarota. Kristo tiretiniua iotokakakari !auari. Apīkasaaki, itiretapanikaua. Aāuapanika inakasaaki, itiretapanikaua. Teoso nitiriakori iaxititini !iotokakari itiretiniua. Satanasi nitiriakori !iotokakari itiretiniua. Ikorasaaki auakani, katana auakani apaka !iotokakari Kristo tiretiniua. !Auari posotiiretxi, Kristo tiretiniua iotokakakari. ³⁹ Iaxiti apiko nopinixiti auakani, iaxiti patapi auakani apaka, !iotokakari Kristo tiretiniua. Hinitiniāri Teoso tiretiniua iotokakakari, !hāpokari. Hinitiniāri ikinika Teoso kamakiti auiniātaā, iuaritika kona hāpokari Teoso tiretiniua iotokakakari. !Auari. Aāuīte Kristo Xesosi oerekaua Teoso iteene tiretiniua.

9

Teoso Mereēna Xoteoakori Inakitiakori Ikapani

¹ Atāo nisākire. Kristo nakiti nitxaua, ininiā na nisāpiretari misirieneretxi. Nākixinireē nimarotari nisākire atāo inini, kotxi Erekarī Matamatakoti oerekari nisākire atāo inini.

² Ia nisākire atāo. Iteene nimatinaniuatapika. Nākixinireē maerekaxiniretinoka nitxa, ninirimane Kristo sākire mauikakani xika. ³ Ninirekamari Teoso misiritinina nota, ninou

nitariakori imamisiritakani ikapani. Ninirekamari Kristo manirekakanino nota, ninirimane Kristo nakitiakori ininiuua ikapani. Niposotiniari ikara atoko nikamini, nikamari ninirimane ikapani. Txamari !niposotari. ⁴ Ninirimane Isaeo apika mekaniriakori itxauana. Teoso nirekana ninoa iua anaakori ininiuana. Teoso oerekari iposotiire ninoamoni. Isäpiretana ninoa ikamaenetakiti ninoa ikapani. Isikari ipaniätakiti iökatsopatakori ninoamoni. Oerekana ninoa kiiniri atäo ikaminina, iuakata isäkiraatakasaakina. Teoso säpiretana ninoa ikamakiti tikane ikinimane käkiti ikapani. ⁵ Ninirimane apika atokiriakorini Apraäoma, Isakima, Isaeoma pakini. Kristo uaimoni iponaniäkasaaki, ninoa apiko mekaniri itxaua, iuaritika Teoso itxaua. Ikinimane auite itxaua. “Peerekai,” matxari iua ätipirika. Ameë.

⁶ Atxiiti Teoso kona kamari ikamaenetakiti Isaeo apika mekaniriakori ikapani? Ikamapitikariko. Txamari kona ikinikani Isaeo apika mekaniriakori Teoso nakiti !itxauana. ⁷ Kona ikinikani Apraäo apika mekaniriakori atäo Teoso anaakori !itxauana, kotxi Teoso txari Apraäo:

Papika mekaniriakori atäo inakani Isaki mekaniriakori itxauana.

⁸ Teoso säpiretari Isaki auini, iua auini apisapanika. !Isäpiretari äti Apraäo äkiri Isimaeo inakori auini, iua auini apisapanika. Isimaeo iponaniä, kotxi Apraäo sirika Isimaeo inorokata. Ininiä käkiti Isimaeo atoko, Teoso anaakori !itxauana. Teoso säpiretari Apraäo iua keene inini, ininiä isikaenetakininoka atäo Apraäo apika mekaniriakori itxauana.

⁹ Teoso sikaenetari Apraäo keene inini. Itxari:

Niketo manapi nikanapiriäko. Iuasaaki Sara keeneroko. Kiki oenetako.

¹⁰ Apikomoni nisäpiretai. Hepeka anaakori iri ätika. Aäpika atokirini itxaua Isaki inakori. ¹¹⁻¹² Oa anaakori iponaniä ipipe. Iponaniinina apisapanika, maerekati ikaminina apisapanika, erekari ikaminina apisapanika, Teoso säpiretaro oa:

Merepanika iponaniäkari eereka iponaniäkari nitiri itxauako.

Ininiä Teoso mereëri iua eereka iponaniäkari Xakoo inakori apiari inini ikapani, iua auini apisapanika. Ininiä na Xakoo kamakitinini txikitakari Teoso mereiniri iua. Teoso mereëri iua, kotxi inirekari ikara atoko inini. ¹³ Teoso säkire iökatsopatakori txari:

Xakoo nitireta. Isaoo nomanata.

¹⁴ Ikara atoko ininiä, kanatokopa itxa axinikakiti? Atauako Teoso na kamari erekari? Ikamapitikari erekari. Ätipirika Teoso kamari erekari. ¹⁵ Teoso txari Moisesi:

Ninirekiniäri äti niamonikini, niamonikari. Ninirekiniäri äti nimoianatini, nimoianatari.

¹⁶ Ikara atoko ininiä, anireëkiti !itxikitakari Teoso mereiniuua. Akamakiti !itxikitakari Teoso mereiniuua. Imereëua, kotxi iamoniäkaua. ¹⁷ Teoso txari Paraoo isäkire iökatsopatakoriä:

Nota txikitakai auitexi pininiuua, niposotiire noerekini ikapani, niuäka ikini itixiti auakani imarotini ikapani,

itxa Teoso säkire iökatsopatakori. ¹⁸ Ininiä Teoso nirekiniäri iamoniäkiniri äti, iua amoniäkari iua. Apaka inirekiniäri, itxikitakari äti äkixinire kaikoxinire inini, Teoso nireëkiti imanirekakanini tikane.

Teoso Omanäkare, Iamoniäkare Pakini

¹⁹ Atxiiti hite txano nota: “Teoso ikara atoko ininiä, na ate xikani kaikoxinireua ate. ! Aposotari akaminiri Teoso manirekakiniti,” atxiiti hitxano. ²⁰ Txamari !apakata ia atoko hinini. Kiriparai hite ikara atoko ina säkiretakani Teosomoni? Käkiti hitxaua. Teoso kamakiti pitxaua. Atauako kamakori posotari ikamakirimoni: “Kinirepa pikamano nota ia atoko ninini?” !Apakata ikara atoko hinini hikamakirimoni. ²¹ Hixinikari kiki tiitxi kamakari. Ikamari inireëkiti. Atxiiti äti porii katsariä, ikamari ipi kopiti. Atxiiti ianaka ikamari äti kopiti, peereri inini, kiiniri ikapani. Atxiiti äti pekana ikama patimari poiäo ereri, ikiniötika iäriä iätiko ikapani.

²² Ikara atoko itxa Teoso kaminiri käkiti. Teoso kamari apanakini käkiti Teoso omanäkare imarotinina ikapani imaerekanina xika. Iuasaaki oerekana iposotiire imarotinirina ikapani. Teoso omanatana ninoa, iuaritika imiteenekana. Kona uatxa ixipokana ninoa. Txamari iketo manapi ixipokanako ninoa. Uatxa imiteenekapanikari ninoa maerekani. ²³ Apaka ikamari apanakini iua amoniäkakini. Uatxa imiteenekari iua omanatakini maerekani, kotxi inirekari iua amoniäkakini imarotiniri iua ereka inini, kotxi peerekari iua. Iteene itiretari iamoniäkakini. Ikamana ninoa erekari isakakiti apakapinina ikapani. ²⁴ Hite, ate pakini, iua amoniäkakini atxaua. Iua akiritakini atxaua. Na Xoteonanini akirita. Akiritana Xoteo minakanuua apaka. ²⁵ Teoso säkire iökatsopatakori, Oséia iökatsopatakitiä, Teoso säpiretari ikara. Itxari:

Käkiti mitxi nota nakitiakori minakonimoni nitxako: “Uatxa nota nakitiakori hitxapekauako.” Ninoa mitxi nimatiretakinitimoni nitxako: “Uatxa nota tiretakini hitxapekauako,” nitxako.

²⁶ Mítxi Teoso txana ninoa: “Na nota nakitakorini !hĩtxaua.” Ikara Teoso sãkiretiniãtaã, iuaãtaãtxikana: “Teoso atipirika auãki inakari anaakori hĩtxaua,” inaãka ninoamoni, itxa Teoso sãkire iõkatsopatakori.

²⁷ Apaka Teoso sãkire iõkatsopatakoriã, Isaía txari:

Isaeo apika mekaniriakori kaiãopokori, potxoari uiniti kipatxite atoko itxana, txamari poiãonoka makatxakaãka imapinakani ìkapani.

²⁸ Patimari Teoso xipokiniri iparĩka imisiritiniri kãkiti imaerekani xika,

itxa Isaía. ²⁹ Mítxipeka Isaía txari:

Apiananiri kaposotireri nĩkatari apanakini aãpika mekaniriakori imapinakani ìkapani.

Ininiã atenape auapanika. Teoso manĩkatakanimauako, axipokapiimako kãkiti Sotoma sitatxiti auakani xipokini atoko, kãkiti Komoha sitatxiti auakani xipokini atoko atxapiimako,

itxa Isaía sãkire.

Xoteo Mauikakaniri Teoso Sãkire

³⁰ Ininiãkara aimarotari ia: Xoteo minakanuia manitakanisaakiri Teoso txĩkitakinina atão inakari kamakani ininiuana, iusaaki Teoso txĩkitakana atão inakari kamakani ininiuana, kotxi auikarina Teoso sãkire. ³¹ Txamari Xoteoakori nitaãpotari paniãtakori ninoa atão inakari kamakani txĩkitakakari, txamari !apokarina. ³² Kinirepa !apokarina ikara? Kinirepa Teoso na txĩkitakana ninoa atão inakari kamakani ininiuana? Kotxi !auikarina isãkire. Inirekarina iparĩkana txĩkitakinina atão inakari kamakani ininiuana. !Nirekarina auikinirina Xesosi sãkire. Ninoamoni Xesosi kai kimapori nopini auakari atoko itxa, kotxi kai xika kãkiti mãkitita. ³³ Teoso sãkire iõkatsopatakori kitxakapirĩkari sãpiretari ia kai pirena. Itxari:

Pikenakotariko ia: Nota iokanatakiti kãkitimoni kai atoko itxa. Nitakari iua kai Sião sitatxitiã Xoteoakori kimaporeẽ. Iua kai xika kãkiti mãkitita. Iua kai xika kãkiti irika. Iuaritika iua sãkire auĩãkani !ipẽtauata nota apisatoõ.

10

¹ Nitariakori, nãkixinireẽ iteene ninirekari Teoso makatxakiniri ninirimane maerekani, Isaeo apika mekaniriakori maerekani. Nimisãkiretari Teoso ninoa maerekani makatxakiko ìkapani. ² Nimarotari ninirimane iteene nirekiniri iparĩkauatini Teoso ìkapani. Txamari ninoa kerokari, kotxi !imarotarina atão iparĩkauatini Teoso ìkapani. ³ !Imarotarina Teoso txĩkitakiniri kãkiti atão inakari ikamini. Ninoaka nirekamari atão inakari ikaminina, Teoso apakapinina ìkapani. Ininiã !auritarina Teoso txĩkitakinina ninoa atão inakari ikaminina. ⁴ Kristo kamari ikinipoko Teoso paniãtakiti iõkatsopatakori iaõka, ininiã iuanoka txĩkitakari ikinimane kãkiti iua sãkire auĩãkani atão inakari ikaminina.

Apiananiri Akiritakani

⁵ Kitxakapirĩka Moisesi sãpiretari atão inakari akamini Teoso paniãtakiti. Iusaaki itxari: Ikinika Teoso paniãtakiti iõkatsopatakori ikiniõtika pikaminiã, pauapininiika pitxako, itxa Moisesi sãkire. ⁶ Txamari !aposotari ikara atoko akamini. Aãuikasaakiri Xesosi sãkire, iua txĩkitakaua atão inakari akamini. Ininiãkara !apakata pãkixinireẽ pixinikiniri: “Kipa atxiiiti posotari laxiti apiko nopinixitimoni isini, Kristo notamoni iminini ìkapani?” ⁷ !Apakata pãkixinireẽ pixinikiniri: “Kipa atxiiiti posotari ipĩkani auiniãtaã isini, Kristo notamoni iminini ìkapani?” ⁸ Xesosi sãkire auape hitemoni. Na hĩsa atĩãtaã iua sãkire himarotini ìkapani. Hinamaãpekari. Hãkixinireẽpekari. Xesosi sãkire auikiko asãpiretapikari kãkiti. Ia atoko asãpiretari kãkiti: ⁹ Pinamaã, “Xesosi niauĩte” pininiã, pãkixinireẽ pauikinĩari Xesosi ipinini Teoso õkitikiniri iua, iusaaki pimaerekani makatxakaãkaua. ¹⁰ Kotxi aãkixinireẽ Xesosi sãkire aũuikinĩã, ikamaerekataua. Anamaã “Maerekati kamakarino nota,” aniniã, iua makatxakari amaerekani. ¹¹ Teoso sãkire iõkatsopatakori txari:

Iua sãkire auĩãkari pẽtauatini !auari.

¹² Iua Kristo sãkire auĩãkari atxiiiti Xoteo itxaua. Atxiiiti Xoteo minakatua itxaua. Xoteo auĩte itxaua Kristo. Xoteo minakanuia auĩte apaka itxaua. Ikinimane auĩte itxaua Kristo Apiananiri. Isikari itanapoko erekari ikinimane iua akiritakanimoni. ¹³ Teoso sãkire iõkatsopatakori txari:

Ikinimane akiritiniãri Apiananiri uãka imaerekanina imaktxakini ìkapani, iusaaki imaktxakaãkako imaerekanina.

¹⁴ Kiãtokopa itxa ninoa akiritiniri iua, isãkire imauikakanisaaki? Kiãtokopa itxa ninoa auikiniri isãkire, imakenakotakanisaakirina? Kiãtokopa itxa ninoa kenakotiniri isãkire, imasãpiretakonisaakina? ¹⁵ Kiãtokopa itxa Teoso iokanapirena sãpiretiko, ate maiokanatakaniãri iua sãkire sãpiretakani kãkitimoni? Teoso sãkire iõkatsopatakori txari:

Erekapitkari Teoso iokanapirena erekari sãpiretakani apokini kãkitimoni, kotxi isãpiretarina Teoso kamaerekaxiniretiniri kãkiti. Isãpiretarina erekari Teoso sikakiti kãkitimoni. Ikara iminapiretakitina kamapoxokonitari kãkiti.

¹⁶ Txamari na ikinimane kãkitini auikari Teoso iokanapirena erekari. Kotxi kitxakapirĩka Isaia txari:

Apiananiri, asãpiretamari piokanapirena kãkitimoni, txamari !auikarina, itxa Isaia. ¹⁷ Kãkiti kenakotakasaakiri Teoso iokanapirena, Teoso txĩkitakari kãkiti auikiniri isãkire. Kristo sãkire akenakotakasaaki, akenakotari Teoso iokanapirena.

¹⁸ Txamari nota pimaã: “Atauako Xoteo kona kenakotari Teoso iokanapirena?” Ike-nakotapitkarina, kotxi Teoso sãkire iõkatsopatakori txari: laxiti apiko nopinixiti auakari oerekari Teoso ikini itixiti auakani. Teoso sãkire atoko itxa laxiti apiko nopinixiti auakari oerekakiti.

¹⁹ Iuaĩkana nipimaã: “Atauako Xoteo limarotari Teoso iokanapirena?” Imarotapitkarina. Moisesi sãpiretpekari Teoso sãkire. Itxari:

Nimakatxakari Xoteo minakaniua maerekani, ininiã nitxĩkitakaiko hĩte hĩxikotinina ninoa mitxi nota nakitiakori minakaniua. Nitxĩkitakai hĩte homanãkarauatini, ninoa mitxi mimaroreni xika.

²⁰ Isaiapekana sãpiretari Xoteo minakaniua pirena. Isãpiretari Teoso sãkire itaparaxinireritika:

Teoso txari: “Ninoa nota manitakani aõkitano nota. Nimotika nota makiritakanimoni.”

²¹ Apikomoni isãpiretari Teoso sãkire Xoteo kamakiti:

Teoso txari: “Ikiniõtika namanaãri ninoa kanapiriini notamoni, txamari ! ikĩpitarina nisãkire. !Ikamarina nisãkire iaõka. Inireẽkitinoka ikamana.”

11

Xoteo, Teoso Sãkire Auiãkani

¹ Ininiã nipimaã: “Atauako Teoso !inirekaikari Xoteoakori?” Inirekapitikana. Nota apaka Xoteo nitxaua. Apraõ apika mekaniri nitxaua. Pẽxamiã apika mekaniri nitxaua. ² Teoso !itakanapari Xoteoakori. Iua mereẽna ninoa itixi kamiko apisapanika. Himarotari Teoso sãkire iõkatsopatakori, Erĩasi tsoatakasaaki Teosomoni Xoteo maerekani isãpiretakasaaki. ³ Iuasaaki Erĩasi txari:

Apiananiri, ninoa okapekari kãkiti pisãkire sãpiretakani. Ikapirinikarina amesa pinakiti pitemoni sikakori takikoãtaã. Notanoka pisãkire sãpiretakarino auapanika. Ninoa asikatikinitano nota okinino ikapani,

itxa Erĩasi. ⁴ Kanatokopa Teoso apakapapiretari Erĩasi? Teoso txari:

Kona pitenanini auikari nisãkire. Nota nĩkatari setxi mio kikiakori nota nakitiakori. Ninoa kona teosonetari kãkiti kamakiti Pao inakori. Kona ikapotoreẽkauana iua apisatoõ, Teoso txari Erĩasi. ⁵ Ikara atokotxikana uatxa. Aua apanakini kãkiti Teoso mereẽkini. Imereẽna ninoa, kotxi iua nirekari ikinipoko erekari ikaminina ninoa. ⁶ Maerekati kamakani kãkiti, iuaritika Teoso mereẽua ate. Isikari ikinipoko erekari ate ikapani maxikatĩka. Aparĩka ! itxĩkitakari iua sikiniri ikinipoko erekari atemoni. Aparĩka txĩkitakiniãri ikinipoko erekari isikiniua, ininiã kona maxikatĩka isikaruata atemoni.

⁷ Ininiã kanatokopa atxa asãkire apikomoni? Xoteoakori kona apakapari inireẽkitina. Inirekarina Teoso apakapinina ninoa erekarini ininiuana. Teoso mereẽkininoka apakapari ikara inakari. Apanakinipekana Teoso !aurita atão imarotinina. Mõsiãreni atoko itxana.

⁸ Teoso sãkire iõkatsopatakori txari:

Teoso txĩkitakari ninoa ãkixinire imakakari atoko inini, iua sãkire imimarotakanina ikapani. Kokipitikamana, iuaritika !atamatarina Teoso kimapore. Kakenakokipitikamana, iuaritika inirekarina Teoso sãkire ikĩpitinina. Uatxapiima ikara atoko itxapanika, itxa Teoso sãkire iõkatsopatakori. ⁹ Kitxakapirĩka Tavii txari Teosomoni:

Ninoa kiena kaiãopokori. Inipokotakasaakina, iuãkatarina pite apokaerekatinina ninoa, kotxi kaiãopokori ikienana. Ikienana takapiri atoko itxa imaĩkinina ninoa. Itxĩkitakana ikerokinina. Ikara xika ninirekari pimisiritinina.

¹⁰ Ninirekari ninoa mõsiãreni atoko ininiuana, ininiã na atão atamatarina pikimapore. Kãkiti tiitxi minari porikitakani atoko pitxĩkitakanako ninoa ãtipirika, itxa Tavii sãkire.

Xoteo Minakaniua Maerekani Makatxakiko

¹¹ Iuaĩkana nipimarauata: “Atauako Xoteoakori maerekani xika Teoso xipokana ninoa?” Konapitini. Xoteoakori kamari maerekati, ininiãkara Teoso sãpiretari Xoteo minakaniua imaerekanina imaktxakini, Xoteo xikotinina ikapani, iuaĩkana Teosomoni ikanapiriinina ikapani. ¹² Xoteoakori kamari maerekati, ininiãkara Teoso sikari erekari kiĩkiri apanakini

itixi auakanimoni. Xoteo mapakapakiniti Xoteo minakanuia apakapa erekari kiikiri. Ininiã Xoteo kanapiriãkasaaki Teosomoni, iusaaki apiaerekata Teoso sikakiti kãkitimoni.

¹³ Uatxa nota misãkiretai hïte Xoteo minakanuia, kotxi Teoso iokanatano nota hïtemoni isãkire nisãpiretini ikapani. Niulikari hïtemoni niokanatiko. ¹⁴ Ikara atoko ininiã, atxiiti ninir- imane Xoteo xikotai hïte, ininiã atxiiti apanakini ninoa kanapiriã Teosomoni, imaerekan- ina Teoso makatzakini ikapani. ¹⁵ Teoso takanapakasaakiri Xoteo, iua apakapari Xoteo minakanuia, ininiã ninoa Xoteo minakanuia kanapiriã Teosomoni. Teoso iuaïkana apaka- pakasaakiri Xoteoakori, iusaakiko peerekari. Ipïkani iuaïkana auãki inini atoko itxako.

¹⁶ Komiri akamakasaaki, ipixini Teosomoni asikasaaki, aimarotari ikinipoko iua komiri iua nakiti ininiua. Aamina kotsa Teoso nakiti ininiã, imina pori apaka iua nakiti.

¹⁷ Xoteoakori oriva mina takakori atoko itxa, takakori Teoso nakiti. Átikaka ipori kap- atakaãka. Oriva ïtopakiri pori apaãka. Iapitaka inaãka ikapatakikoãtaã. Aneã takari katiã. Takari sikakienatari ïtopakiri pori. Hïte Xoteo minakanuia iua oriva ïtopakiri pori atoko hïtxaua. Hãpakapari Teoso sikakiti, kotxi hïte apotiitaua Xoteoakorikata, Teoso nakitioko- rikata. ¹⁸ Hïte Xoteo minakanuia, kona hïuikapeua Teoso apakapiniã hïte. “Iua aãpori kapatakiko atoko, Teoso takanapana Xoteoakori, ate apakapini ikapani,” kona hïtxape, kotxi aãpori atoko hïtxaua. Na aãpori sikataparatarari aãkotsa. Aãkotsa sikataparatarari aãpori. Ininiã hïte apakapari Teoso sikakiti, kotxi hãpotiitaua Xoteokata.

¹⁹ Atxiiti hïte Xoteo minakanuia txano nota: “Iua aãpori kapatakaãkori atoko Teoso takanapari Xoteoakori. Áti aãpori iapitakiko atoko, Teoso apakapaua ate,” hïtxano atxiiti.

²⁰ Atãopitikara. Teoso takanapari Xoteoakori, kotxi ninoa !auikari isãkire. Iua apakapai hïte, kotxi hïte auikari iua sãkire. Iuaritika !hïuikapeua ikara atoko hinakasaaki. Erepaniko.

²¹ Teoso takanapari Xoteoakori, takari pori sauakakori atoko. Ininiã erepaniko, kotxi ïtopakiri aãpori atoko hïtxaua. Atxiiti áti òti okanapai hïte apaka.

²² Aimarotari katiraõkiri ininiua Teoso. Aimarotari apaka kataparaxinireri ininiua. Kat- aparaxinireri iua, kãkiti kamakasaakiri maerekati. Katiraõkiri iua, itiraõkiri hinirekasaaki. Itiraõkiri himanirekakaniã, hïte apaka mapara hõkaãka, iua aãpori sauakakori atokokana.

²³ Xoteo takanapiniãri imauikakaniri Xesosi sãkire, auikiniãri iuaïkana isãkire, Teoso iuaïkana mikanapiriãna, kotxi Teoso kaposotireri ikara atoko ikamini. ²⁴ Hïte ïtopakiri pori sauakakori takarimoni iapitaãkori atoko hïtxaua. Kona ixinireka aua ikara atoko. Pamimari ikara atoko. Xoteo atão oriva takakori atoko itxauana. Ininiã na kamimari mitxi auniãtaã iuaïkana Teoso takinina ninoa, iuaïkana imikanapiriinina ninoa iuamoni.

Xoteo Maerekani Makatzakaãkapanikako

²⁵ Nitariakori ninirekari himarotiniri apanakini mimarotakiniti, ininiã na hïuikaua. Xo- teo !nirekari auikini Teoso sãkire uatxa, iuaritika na ikara atoko !itxapani átipirika. Ikini itixiti auakani Teoso nireëkini Xoteo minakanuia kanapiriãkasaaki Teosomoni, iusaakiko Xoteo kanapiriãko Teosomoni. ²⁶ Ininiã iusaaki ikinimane Xoteo kanapiriãko Teosomoni. Iusaaki Teoso makatzakari ninoa maerekani. Teoso sãkire iõkatsopatakori kitxakapiriãka auakari ikara atoko itxa. Itxari:

Xoteo itxauako maerekanitxi makatzakakari. Imakatzakariko ikinika maerekati Xo- teoakori kamakiti, Teoso manirekakiniti. Iusaaki Teoso nireëkitinoka inirekanako.

²⁷ Nimakatzakariko maerekati ninoa kamakiti, kotxi kitxakapiriãka nikamaenetari ikara atoko inakari,

itxa Teoso sãkire iõkatsopatakori.

²⁸ Xoteoakori !nirekari Teoso iokanapirena erekari, ininiã Teoso takanapana ninoa. Ininiã Teoso iokanapirena erekari sãpiretaãka hïte Xoteo minakonimoni. Uatxa Teoso mokaikariakori atoko itxauana Xoteoakori, iuaritika Teoso mereëna ninoa. Apraão, Isaki, Xakoo pakini apika mekaniriakori itxauana, ininiãkara Teoso tirtapanikana ninoa.

²⁹ Teoso kona mamakari isãkire. Kãkiti iua mereëkini átipirika iua mereëkini itxauana. Isiãkiti erekari kãkitimoni !imakatzaka iuaïkana. ³⁰ Hïte Xoteo minakanuia kitxakapiriãka ! hïkipitari Teoso sãkire, iuaritika uatxa Teoso amonïkai hïte, kotxi Xoteo kona kipitari Teoso sãkire uatxa. ³¹ Uatxa Xoteoakori kona kipitari Teoso sãkire. Teoso amonïkapekai hïte Xoteo minakanuia, ininiã Teoso iuaïkana amonïkanako Xoteoakori apaka. ³² Ikinimane kãkiti na kipitari Teoso sãkire. Kona aposotari akïpitiniri Teoso sãkire. Teoso txãkitakaua ikara atoko anini, kotxi inirekari aimarotiniri maerekati kamakani aniniua, iuaritika !imisiritaua. Iamonïkaua.

Peerekari Teoso

³³ Peerekari Teoso. Atãonoka ikama. Paimatireri iua. Kãkiti !imarotari ikamakiti tïkane. Kãkiti !imarotari inireëkiti tïkane. ³⁴ !Kimarotikori Teoso xinikakiti. !Kõtãkikikori Teoso.

³⁵ Teosomoni ikinipoko aua, ininiã kipa asika atxiiti iuamoni? Asikiniri !auari. Ininiã !auari ate nakiti, iuaïkana Teoso sikiniua ikapani. ³⁶ Kotxi Teosokara kamari ikinipoko.

Ikinipoko aua Teoso posotiireē. Ikamari ikinipoko iua ikapani. Ātipirika matxariko Teoso: “Peerekai pite.” Ameē.

12

Teosomoni Sikakori Auākiri

¹ Ininiā nitariakori Teoso amonīkapitikaua. Ininiā nota iteene otākikai hīte. Hīteka hīsikaua Teosomoni. Teosomoni sikakori auākiri atoko hītchauko. Ininiā iua nakitinoka hītchaua. Ikara atoko hīkaminiā, Teoso apokaerekatari. Ikara atoko inakari akaminari Teoso, ikara atāo. ² !Hīkamapinikariko Teoso sākire mauīākani kamakiti atoko. Hāuiritariko Teoso txīkitakiniri hīxiniākiti ereka inini, ininiākara ipinipo hītchako. Iuasaakiko himarotari Teoso nireēkiti. Himarotari Teoso nireēkiti ereka inini. Himarotari hīkamakiti tīkane iua apokaerekatini. Himarotari atāo hīkamini.

³ Teoso sikari ikinipoko erekari notamoni, ininiā nisāpiretari iua sākire hītemoni. Ininiā nota otākikai hīte hīkinika. Na hīuikapeua. Hīteka atāo himarotauako. Hīteka hātamakauako. Teoso txīkitakai hāuikiniri isākire. Itene hāuikiniāri iua sākire, itene hīteka himarotaua.

⁴ Kākiti ito ātika, iuaritika itotxiā auakari kaiāopokori. Aua ikanoke, itapike, oki, ikenakoki txaāpota. Ikinika iparīka aua. Ikanoke parīka ātiāo. Oki parīka ātiāo. Itxaāpota. ⁵ Iua atokokana atxa. Itotxi ātika atoko atxa, iuaritika itoua ate. Kanoketxi, tapiketxi, okītxi, kenakokitxi, itotxiā auakari atoko ate. Kristokata aāpotiitaua. Anakititakakaua. ⁶ Nota parīka Teoso ikapani ātiāo. Āti parīka Teoso ikapani ātiāo. Āti parīka Teoso ikapani ātiāo, itxaāpota. Teoso sikari erekari ikininapemoni, ikara iparīka ikamini ikapani. Atxiiti Teoso sikaimaroretai iua sākire apanakinimoni pisāpiretini ikapani, ininiākara Teoso sākire pauikini iaōka pisāpiretari Teoso sākire kākitimoni. ⁷ Teoso sikaimaroretiniāi apanakini pimiparīkatini, ininiā pimiparīkatariko apanakini. Teoso sikaimaroretiniāi isākire poerekini, ininiā poerekarauatoko. ⁸ Teoso sikaimaroretiniāi āti pisikataparaxiniretini, ininiā pisikataparaxiniretariko āti. Teoso nirekiniāri pisikiniri apanakini amonitakiti ninoamoni, ininiā ito pisikoko pipoxokoniritika. Teoso sikaimaroretiniāi auītetxi pininiua, ininiā auītetxi erekari pitxauako. Teoso nirekiniāi apanakini piamonīkini, ininiā pipoxokoniritika piamonīkanako.

Tiraōkitxi

⁹ Atāo pitiretariko apanakini pākixinireē. Pomanatariko maerekanitxi. Na piotokakapiri erekari pikamini. ¹⁰ Itene hīretetakauako, kotxi Kristo txīkitakapekua aītaritakakinia. Piteka pipaxitiniua atokokana, apiata pipaxitariko āti. ¹¹ Pitaparaxiniretita piparīkauatoko. Na piarinouatape. Piparīkauatoko Teoso ikapani pipoxokoniritika pākixinireē. ¹² Pipoxokoniuatoko, kotxi pimarotari Teoso kaminiri ikamaenetakiti. Pimītekenariko pimisiritiko. Ātipirika pimisākiretariko Teoso. ¹³ Nipokori kaamatiniā pitariakorimoni, tiitxi kaamatiniā pitariakorimoni, auiniā pitemoni, pisikanako. Papakapanako pipoxokoniritika ikinimane Xesosi sākire auīākani paapoko apoākani, ātiātaā ikani.

¹⁴ Pamanaāri Teoso erekari ikaminina pite misiritakani. Ari, pamanaāri Teoso erekari ikaminina ninoa. Na pamanaāpiri Teoso maerekati isikinina ninoa. ¹⁵ Pipoxokoniuatoko poxokorinikata. Pitxiapata kamatinanirinikata. ¹⁶ Āti pitiretini atokotxikana, ikini-mane pitiretako. Na piuikapeua. Pisākirauatoko kākiti matxineirotenikata, katxineiroteni pimisākiretini atokotxikana. “Kimaroreno nota,” na pitxape.

¹⁷ Kākiti kaminiāri maerekati pitemoni, na pikamapiri maerekati iuamoni. Atāonoka pikama ikinimane ikapani. ¹⁸ Pinirekariko pauini kākiti sauaki ereka inini, ininiā maxikatīka kona pitxitapiri āti. ¹⁹ Nitiretakini, na hīxikatxitapiri āti. Teosora xikatxitariko, kotxi Teoso sākire iōkatsopatakori txari:

Nota parīka āti nixikatxitini. Notara misiritari maerekati kamakari, itxa Apiananiri sākire. ²⁰ Ari, kona pixikatxitapiri āti. Pikamariko ātimoni ia Teoso sākire iōkatsopatakori iaōka:

Pomanatakiri natxitinā, pisikakienatari iua. Iposonatinā, pisikari iātini. Ikara atoko pikaminiā, ipētauata maerekati pitemoni ikamini, itxa Teoso sākire iōkatsopatakori. ²¹ Na pauiritapiri maerekati piauīte atoko ininiua. Erekari pikamakasaaki, maerekati iokanatapeēkaika.

13

Aāuīteakori Nirekakiti Akīpitini

¹ Akīpitariko aāuīteakori nirekakiti, kotxi Teosora auiritana ninoa auītetxiakori ininiua. Teosora takari ninoa auītetxiakori aāuīteakori ininiua ikapani. ² Aāuīteakori nirekakiti amakamakaniā, Teoso nirekakiti apaka !akama, kotxi Teoso txīkitakana ninoa aāuīteakori

ininiuana. Ninoa paniätakiti amakamakaniä, amisiritaäkako. ³ Erekar kamakani !ipikari iauütena. Maerekati kamakaninani pikana ninoa. Pinirekatari pimapikakaniri piauüte? Ininiä erekari pikamako, ininiä iua txaiko: “Erekai pite.” ⁴ Teoso nitiri itxaua piauüte, erekari pitemoni ikamini ikapani. Txamari maerekati pikaminiä, erepaniko. Pipikariko iua, kotxi iposotari imisiritiniri. Iua Teoso nitiri itxaua käkiti maerekati kamakani imisir-itini ikapani. ⁵ Ininiäkara pikamariko piauüteakori nirekakiti, kotxi pimakamakansaakiri, pimisiritiko auapitika. Apaka pikamariko ninoa nirekakiti, kotxi pimarotari päkixinireë ikara atoko atão pikamini.

⁶ Piauüteakori Teoso nitiriakori itxauana, ininiä erekari apaka pisikiniri txineiro nino-moni iparíkana ikaminina ikapani. ⁷ Ininiäkara pükixititana ninoa amanaäkiti, sitatxi pauini ikapani, pitii papakapini ikapani. Pipaxitanako ninoa. Pikamariko ninoa nirekakiti.

Hítretakiniua Íkapani

⁸ Pükixitariko ikinika piamotakiti. !Erekari pimaükixitakaniri äti. Ätinoka tépito erekari. Ia tépito na txineironi. Ia tépito atiraöki. Ia atoko inakari tépito xipokini kona erekari. Ätipirika hítretakakauako. !Erekari pixipokiniri pitiretiniri äti. Äti turetakari kípitapekari Teoso paniätakiti iökatsopatakori. ⁹ Teoso paniätakiti iökatsopatakori txari: “!Pisiríkape pítanoro minakotokatika. Na pokaniuatape. Na pütiriuatape. Na pinirekapiri apanakini tii.” Akípitari ikara Teoso paniätakiti iökatsopatakori, apanakini ipaniätakiti apaka, ia Teoso paniätakiti ätika akípitiñiä. Ia Teoso paniätakiti paniätaua: “Piteka pitiretiniaua atokotxikana, pitiretariko äti.” ¹⁰ Pitiretiniaüri äti, maerekati !pikaminiri iua. Ininiä äti pitiretiniaü, pikamari Teoso paniätakiti iökatsopatakori ikinika.

¹¹ Matiretari äti, kotxi aimarotari kaiamapekari Kristo kanapiriini. Ininiä pimerekako. Kona pimakapeko. Piparíkauatoko Teoso ikapani, kotxi itixine Xesosi anikiniua öti apokaäpotanapanoka. Akokaxiti aüükari Xesosi säkire. Uatxa paítiki ikanapiriä. ¹² Íkanökari xipokaäpotanapanoka. Pokamara apokaäpotanapanoka Kristo kanapiriäksaaki. Maerekati ipiäkasaaki kamakori atoko itxa, ininiä maiotokakari ikara akamini. Matakanapari maerekati. Makamari erekari, kotxi erekari akamakiti kapakaua, ininiä maerekati !imaíkua. Pokamarari atoko itxa erekari akamakiti. ¹³ Pokamara käkiti kamari atão inakarinnoka apanakini apisatoö. Makamari ikara atoko inakari ätipirika. !Erekari kiiniri maerekati akamini. !Erekari apoätini. !Erekari asiríkini sito aítanoro minakotokatika. !Erekari akaminiri maerekati aito nireékiti. !Erekari aneenamauatini. !Erekari axikotiniri äti. ¹⁴ Ikara atoko inakari akamini !erekari. Makamari ia atoko inakari: Maamanaüri Apiananiri Xesosi Kristo kapakiniua, sotato mäka paikori sotato ito kapakini atoko. !Híxinikapiri: “Kanatokopa nitxa nikaminiri nüto nireékiti?” Kotxi maerekatinnoka aito nireékiti.

14

Kona Hítaparakienatakapeua

¹ Häuiritariko Xesosi säkire poiönoka auiäkari hítekata apotiitiniua. Na hítxapiri iua, ixinikakiti na híte xinikakiti atoko iminakanisaaki. ² Käkiti iteene auikiniäri Xesosi säkire, atxiüti inikari itanapoko nipokori. Äti käkiti poiönoka auikiniäri Xesosi säkire, atxiüti inikari takarinoka. ³ !Erekari ikinipoko niäkari säpiretiniri takarinoka niäkarimoni: “Pikerokari” ininiri. Apaka !erekari takarinoka niäkari säpiretiniri ikinipoko niäkarimoni: “Pikerokari” ininiri, kotxi Teoso apakapapekari iua. ⁴ Kinakariparai pite äti nitiri pini-takari: “Pikerokari” ätimoni inakari. Ikerokiniäri, iua patrãoite pinitamariko. Maerekati !ikama, kotxi Apiananiri moianatari iua.

⁵ Atxiüti äti säkire: “Ia öti erekari iteene axinikiniri Teoso.” Atxiüti ätipekana: “Ikinioitika erekari iteene axinikiniri Teoso.” Häkixinireë híxinikariko: “Natokopa itxa atão nikamini?” ininiä eereka atão híkamini tíkane himarotape. ⁶ Híte: “Ia öti apiaerekata iteene axinikiniri Teoso,” hininiä, ininiä ikara atoko híxinika Teoso hípaxitini ikapani, ininiä erekapitkari. Ikinipoko niäkari nikari ikinipoko, Teoso ipaxitini ikapani, kotxi apisapanika itxari Teoso: “Erekapitkai ia nipokori pisikinino niniäkiti ikapani,” itxari. Ikinipoko maniäkiti apaka auikari Teoso nirekiniri iua nikiniri takarinoka. Iua apaka txari Teoso inipokotini apisapanika: “Erekapitkai ia kienatxi pisikinino niniäkiti ikapani,” itxari. Ininiä iua apaka paxitari Apiananiri. ⁷ Kona ateka auütetaua. Kona aüua ateka íkapaninani. Kona apina ateka íkapaninani. ⁸ Auapanika anakasaaki, aparíkauata Apiananiri ikapani. Apíkasaaki, apina Apiananiri ikapani. Ininiä auapanika anakasaaki, apíkasaaki apaka, Apiananiri nakiti atxaua. ⁹ Kristo ipina, eereka ökitikaua iuaíkana, auapanika inakani auüte ininiua ikapani, ipíkani auüte apaka ininiua ikapani. ¹⁰ Ininiä !apakata pitxitiniri pitari. “!Kükitei,” kona pitxapiri, kotxi akinika aäpokoko Teoso apisatoö. Iuasaaki iua säpiretariko akamakiti, erekari inini atxiüti, maerekati inini atxiüti. ¹¹ Teoso säkire iökatsopatakori txari:

Nota Apiananiri, ātipirika auakari nitxaua. Ikinimane kākiti kapotoreēkauako nota apisatoō. Ikinimane txanoko nota Teoso nininiua.

¹² Ininiā iusaakiikarako akinika asāpiretari Teoso ikinika akamakiti ikorapokoriti aūakasaaki.

Masikataparaxiniretakakaua

¹³ Ininiā hītokakariko hītaparakienatakakiniua. Hāxixinireē hītxako: “!Nitxīkitakapaniri nitari kerokiniri ikamakiti. !Nitxīkitakapaniriko nitari kaminiri maerekati,” hītxako. ¹⁴ Xesosi Apiananiri nakiti nitxaua, ininiākara nimarotari, apakatapitika Teoso sākire auiākari nikiniri ikinipoko nipokori, kotxi nipokori maerekati !auari. Iuaritika kākiti auikiniāri iua nipokori maerekati inini, !apakata inikiniri. ¹⁵ Hinikiniāri ikinipoko nipokori, atxīiti hītari ākixinire maxirauata, ininiā na atāo hītiretari iua. Kristo ipina iua hītari ikapani, ininiā hītakanapariko iua nipokori hinikini, kotxi atxīiti iua !auikaikari Xesosi sākire, iua nipokori hinikini xika. ¹⁶ Erekaru auakasaaki, !hāuiritapiri āti sāpiretinii ikara erekari maerekati inini. ¹⁷ Teoso aūiite ininiāua, kona nipokorinanini, kona iātakorinanini, axinika. Teoso aūiite ininiāua, axinikari Erekaru Matamatakoti sikakiti atemoni. Iua txīkitakaua atāonoka akamini. Ikamaerekaxiniretaua. Isikapoxokonitaua. Teoso aūiite ininiāua, ikara atoko itxa aūiini. ¹⁸ Ikara atoko aparīkauatiniā Kristo ikapani, Teoso apokaerekataua. Kākiti apaka apokaerekataua.

¹⁹ Ininiākara manirekaru kākiti auini eka inini, neenamtxi mauakani ikapani. Masikataparaxiniretakakaua. ²⁰ Na himisiritapiri Teoso parīka nipokori xika. Ikinipoko nipokori erekari hinikini, txamari hīte nikakiti txīkitakiniāri āti takanapiniri Kristo, hīkerokari. ²¹ Hītari kerokiniāri ikamakiti hīte niākiti xika, apiaerekata himanikakaniri iua nipokori. Hītari kerokiniāri ikamakiti hīte iātakiti xika, apiaerekata iua iāriā himiātakani. Na xatiki hītxīkitakapiri hītari kaminiri maerekati. ²² Hītemoni ikinipoko nipokori nikiko erekari, txamari na hīsāpiretapiri apanakini. Erekaru Teosonoka imarotiniri. Hīxinikasaakiri hīkamakiti atāo inini, hāxixinireē himarotakasaakiri hīkamakiti atāo inini, iusaaki hīpoxokoniuata. Ininiā kona hīteka apoūtaua. ²³ Hinikasaakiri nipokori, hāxixinireē: “Erekaru atxīiti ia nipokori ninikini?” hinakasaaki, iusaaki Teoso txai: “Maerekati pikama,” kotxi kona paukari pikaminiri erekari. Himauikakaniāri hīkamakiti eka inini, ininiā maerekati itxaua hīkamakiti.

15

Āti Nireēkiti Kamiko Pirena

¹ Atxīiti ikinipoko Teoso sākire aūiika, ininiā amoiatariko Teoso sākire poiāonoka auiākari, imaposotakiniti ikamini ikapani. !Erekaru ateka nireēkitinoka akamini. ² Erekaru akaminiri aītari nireēkiti, iua amoiatanini ikapani, Teoso sākire iteene auikini ikapani. ³ Kristo apaka !ikamari iuaka nireēkiti. Iua kamari Teoso nireēkiti, kotxi Teoso sākire iōkatsopatoriā Kristo txari iri:

Kākiti misākirepiretakasaakii pite, notara ninoa misākirepireta.

⁴ Ikinika Teoso sākire iōkatsopatakori iōkatsopataāka ate oerekiko ikapani. Teoso sākire iōkatsopatakori aūikasaaki, aiātapari apoxokoniritika erekari apokini. Aimarotari erekari apokapitīkako. Teoso sākire iōkatsopatakori sikataparaxiniretaua.

⁵ Teoso sikataparataua, ininiā apoxokoniritika aiātapari erekari apokini. Isikataparaxiniretaua. Ninirekaru Teoso txīkitakiniri hīte nireēkiti ātinoka inini, Kristo Xesosi nireēkiti iaōka hīkamini. ⁶ Erekaru hinireēkiti hāxixinireē ātinoka inini. Erekaru hīsākire ātinoka inini. Ikara atoko hininiā, hīkinika txari Teoso: “Peerekai pite,” kotxi iua aūiite Xesosi Kristo iri itxaua.

Xoteo Minakanuia Poxokoniuatini

⁷ Hāpakapariko āti, Kristo apakapiniū atokokana, ininiā kākiti txari Teoso: “Peerekai pite,” txariko. ⁸ Nisāpiretai. Kristo Xoteoakori nitiri atoko itxapekaua. Ikara oerekari Teoso sikiniri isikaenetakiti. Teoso sikaenetakiti Apraāomoni, Isakimoni, Xakoo pakinimoni, isikaenetakiti apokapeka Xesosi ikorapokoriti apokasaaki. ⁹ Kristo Xoteoakori nitiri atoko itxapekaua, ininiā Xoteo minakanuia txari: “Kaamonīkareri Teoso. Peerekari iua,” itxana. Teoso sākire iōkatsopatakori txari:

Xoteo minakanuia auniātaā nitxariko Teoso: “Peerekai pite.” Nixikarauata pite ikapani, kotxi peerekai pite.

¹⁰ Iuaīkana Teoso sākire iōkatsopatakori txari:

Hīte Xoteo minakanuia hīpoxokoniuatako Xoteoakorikata, Teoso nakitiakorikata.

¹¹ Iuaīkana Teoso sākire iōkatsopatakori txari:

Hīte hīkinika Xoteo minakanuia, “Peerekari Apiananiri” hītxako. Hīkinika itixi auakanii hīxikarauatako Teoso ikapani.

¹² Iuaĩkana Teoso sãkire iõkatsopatakoriã Isaiã txari:

Auako Xesee apika mekaniri. Xoteo minakanuia auĩte itxauako. Ninoa imarotariko isãkire iaõka ikamini,

itxa Teoso sãkire iõkatsopatakori.

¹³ Teosora txĩkitakai himarotiniiri isãkire iaõka ikamini. Ninirekari iua iteene kamapox-okonitini hĩte. Ninirekari ikamaerekaxiniretini hĩte, kotxi hãuikari iua sãkire. Ininiã himarotari hãpakapapitikariko Teoso sãkire iaõka. Erekar Matamatakoti posotiireẽ himarotari ikara.

Paoro Teoso Iokanapirena Erekar Sãpiretakari Xoteo Minakonimoni

¹⁴ Nitariakori, nota imarotari ereka hinini. Nimarotari hĩte iteene kimarore hinini hõerekakiniua ikapani. ¹⁵ Uaritika ia niõkatsopatakitiã nõtãkikapekai hĩte nitaparaxinireritika. Himarotakiti, iuaĩkana nisãpiretai, iuaĩkana hixinikiniri ikapani. Teoso sikari erekari notamoni, ininiã ikara atoko niõkatsopata hĩtemoni. ¹⁶ Teoso sikari erekari notamoni, kotxi itxĩkitakano Xesosi Kristo nitiri nininiua. Ipaniãtano nipaĩkauatini Xoteo minakanuia ikapani. Sasetotxi apakapari kãkiti mĩkiti, ininiã sika itxari Teosomoni. Ikara atoko itxa sasetotxi parĩka. Nota sasetotxi atoko nitxaua. Nisãpiretari Teoso iokanapirena erekari Xoteo minakonimoni, ininiã ninoaka sikaua Teosomoni inireẽkiti ikaminina ikapani. Teoso apakapari ikara atoko inakari ninoaka iuamoni sikakanuia. Erekar Matamatakoti kamaerekatari kãkiti Teoso apakapinina ikapani.

¹⁷ Ininiã Teoso ikapani nipaĩkauatakasaaki, niuikari Xesosi Kristo. ¹⁸ Nota kona iuikaua, kotxi Kristo posotiireẽ Xoteo minakanuia kamari Teoso nireẽkiti. Kristo paniãtano nota iua sãkire nisãpiretinina Xoteo minakanuia. Ipaniãtano inireẽkiti nikamini Xoteo minakonikata nauakasaaki, ininiãkara ninoa auikari nisãkire. Ininiã ikamarina Teoso nireẽkiti. ¹⁹ Erekar Matamatakoti posotiireẽ noerekari Teoso takaõtxikare ninoamoni. Noerekari posotiiretxi kãkiti maposotakiniti ninoamoni. Ininiãkara ninoa kamari Teoso sãkire iaõka. Kristo iokanapirena erekari ikinika nisãpiretapekari kãkiti Xerosareẽ sitatxiti auakani. Eereka kãkiti apikoxiti auakani nisãpireta. Eereka kãkiti apikoxiti auakani nisãpireta. Nitxaãpota kãkiti nisãpiretini. Imapotõkire Irĩria tixinipeka napoka, Kristo iokanapirena erekari nisãpiretini ikapani. ²⁰ Aĩtipirika ninirekari nisãpiretiniri Kristo iokanapirena erekari Kristo mimarotakoniatã. Ininiã kona nipaĩkauata Teoso ikapani aĩt parĩkauatiniãtã, kotxi aĩt sãpiretapekari Kristo iokanapirena kãkiti iuaãtã. ²¹ Kotxi Teoso sãkire iõkatsopatakori txari: Mitxi iua masãpiretakoni imarotariko iua sãkire. Mitxi iua sãkire makenakotakani imarotariko iua sãkire,

itxa Teoso sãkire iõkatsopatakori.

²² Kaiõkatakani ninirekamari nisini hĩtemoni, txamari kona apakata, kotxi iusaaki nisãpiretari Kristo sãkire Kristo sãkire mimarotakanimoni.

Paoro Seenetini Homamoni

²³ Itokanani ninirekamari naõkitinini hĩte. Uatxaika apakata nisini hĩtemoni, kotxi nixipokapekari nipaĩka ikorapokoriti. ²⁴ Nirekari Espãnia tixinimoni nisini. Iuaã nisikasaaki, ninirekari naõkitinini hĩte. Ninirekari mapaõti nikaikotini hĩtekata, kotxi nipotxitari hĩtekata nauini. Ninirekari hĩte moanatinino Espãniamoni nisini ikapani, ininiã eereka Espãnia tixinimoni nisa. ²⁵ Uatxa hĩtemoni nisini apisapanika, nisa Xerosareẽmoni, kotxi ninirekari nanikiniro txineiro kãkiti Teoso nakitiakori iuaã auakani nisikini ikapani. ²⁶ Kristo sãkire auĩkani, Xoteo minakanuia Masetõnia tixini auakani, Akaia tixini auakani pakini sikaro oa txineiro. Inirekarina nisikinero Teoso nakitiakorimoni, matxineirotenimoni, Xerosareẽ sitatxitiã. ²⁷ Ninoa poxokoniuaata oa txineiro isikinina Xerosareẽ auakanimoni. Erekar oa txineiro isikinina, kotxi Xoteoakori Kristo sãkire auĩkani sikari Teoso sikakiti Teoso iokanapirena erekari Xoteo minakonimoni. Ininiã erekari Xoteo minakanuia sikiniri ipixini itxineirotena Teoso sikakito, Xoteoakorimoni. ²⁸ Ininiã oa txineiro nanika Xerosareẽ auakanimoni. Ninoamoni txineiro nisika atoko, ininiã eereka nipotorika Espãniamoni nisini. Espãnia napokini apisapanika nisako hĩtemoni. ²⁹ Ereẽ napokasaaki, nisãpiretai ikini sereti erekari Kristo sikakiti hĩtemoni.

³⁰ Nitariakori nota amanaã hĩte, himisãkiretiniri Teoso nota ikapani. Hĩkenakotari namanaãkiti? Himisãkiretariko Teoso nota ikapani. Xesosi Kristo aũũte itxaua, ininiã namanaã himisãkiretiniri Teoso nota ikapani. Erekar Matamatakoti txĩkitakaua atiraõkiuatini, ininiã himisãkiretari Teoso nota ikapani. Ikara atoko hikaminia, Teoso sikataparatano nimisir-itiko auakasaaki. ³¹ Kristo sãkire mauiãkani Xotẽia tõpa auakani nirekari imisiritinino nota. Himisãkiretari Teoso ninoa mamisiritakanino ikapani. Himisãkiretari Teoso, Teoso nakitiakori Xerosareẽ auakani apokaerekatiniro txineiro Xoteo minakanuia iokanatakito. ³² Ininiã Teoso nirekiniãri, napoka hĩtemoni nipoxokoniritika. Ininiã asikapoxokoni-takakaua. ³³ Teoso akamaerekaxiniretakiri aua hĩtekata. Ameẽ.

16

Paoro Akiriuãkaãpotana Ixinikakini

¹ Niokanataro aitaro Pepi inakoro hitemoni. Peerekaro oa. Omoianatana Xesosi sãkire auiaãkani Sëkireia sitatxiti auakani. ² Apiananiri nakito otxaua, ininiã hãpakaparoko hïpoxokoniritika, kotxi iua nakitiakori apaka hïtxaua. Onirekiniãri himoianatiniro, himoianataroko, kotxi omoianatapekana itomaneri kãkiti. Omoianatapekano nota apaka.

³ Hïsãpiretanako Pirisira, oitaniri Åkira pakini nixinikamanapitinina ninoa. Ninoa parïkauatapeka Kristo Xesosi ïkapani notakata. ⁴ Okaãkanapanokana nota imoianatinina xika. Peerekana, kotxi erekari ikaminanona. Xoteo minakanuia, ikini Teoso misãkiretkoãtaã apotiitakaniua apaka imarotari erekari Pirisira, Åkira pakini kamakiti nota ïkapani. ⁵ Xesosi sãkire auiaãkani apotiitaua ninoa aapoko Teoso imisãkiretinina ïkapani, ininiã hïsãpiretanako nixinikamanapitinina ninoa.

Hïsãpiretariko nitiretakiti Epeneto inakori nixinikamanapitiniri iua. Åsia tixiniã iua merepitipanika auikari Kristo sãkire. ⁶ Hïsãpiretaroko Maria nixinikamanapitiniro oa. Oa iteene parïkauata ate ïkapani. ⁷ Hïsãpiretanako ninirimane Åtorõniko, Xõnia pakini nixinikamanapitinina ninoa. Mitxipe ninoa aua notakata kateia åki. Teoso kãkitimoni iokanatakini iteene imarotana Åtorõniko, Xõnia pakini. Ninoa ipi auikari Kristo sãkire, iua sãkire nauikini apisapanika.

⁸ Hïsãpiretariko Åpirato nixinikamanapitiniri iua. Nitiretari iua. Nitari itxaua, kotxi Apiananiri anaakori atxaua. ⁹ Hïsãpiretariko Opano nixinikamanapitiniri iua. Iua parïkauata Kristo ïkapani atekata. Hïsãpiretariko nitiretakiti Esitaki nixinikamanapitiniri iua. ¹⁰ Hïsãpiretariko Åperi nixinikamanapitiniri iua. Imisiritiko sauaki iua ïkipatari Kristo sãkire auikini. Hïsãpiretanako Arisitõporo aapoko auakani nixinikamanapitinina ninoa. ¹¹ Hïsãpiretariko ninirimane Erotxião nixinikamanapitiniri iua. Hïsãpiretanako Apiananiri nakitiakori Nasiso aapoko auakani nixinikamanapitinina ninoa.

¹² Hïsãpiretanako sitoakoro Tipena, Tiposa pakini nixinikamanapitinina ninoa. Ninoa parïkauatapitipo Apiananiri ïkapani. Hïsãpiretaroko nitiretakito Pesitxi nixinikamanapitiniro oa. Oa apaka parïkauatapitipo Apiananiri ïkapani. ¹³ Hïsãpiretanako Hopo, inoro pakini nixinikamanapitinina ninoa. Apiananiri mereëri iua. Iua inoro turetano nota, ninoro turetino atokotxikana. ¹⁴ Hïsãpiretanako Asïkirito, Pirekõtxi, Êmisi, Pataropa, Êmasi, ikinika aitarakori ninoakata apotiitakaniua pakini nixinikamanapitinina ninoa. ¹⁵ Hïsãpiretanako Pirõroko, Xõria, Nereo, Nereo itaro, Orïpa, ikinika Teoso nakitiakori ninoakata apotiitakaniua pakini nixinikamanapitinina ninoa.

¹⁶ Himaaratakakauako, kotxi aitaritakaua. Kristo nakitiakori ikini Teoso misãkiretkoãtaã apotiitakaniua xinikamanapitai hïte.

Paoro Ôtãkikare Mapotõkire

¹⁷ Nitariakori iteene nõtãkikai hïte. Erepaniko kãkiti neenamtxi nireëkani. Ninoa nirekari Kristo sãkire auiaãkani omanatinina apanakini Kristo sãkire auiaãkani. Na atão ninoa oerekakiti sãkiretxiti, ininiã atxiiti kãkiti takanapari Kristo sãkire auikini ninoa oerekakiti xika. Kristo sãkire nota oerekakiti hitemoni atão. Ninoa oerekakiti koketakori sãkiretxiti. Ninoa moianariakori kona hïtxapeua. ¹⁸ Kãkiti ikara atoko inakani kona parïkauata aãuïte Kristo ïkapani. Ninoa parïkauata ïitona nireëkiti ïkapani. Imisirienetarina kãkiti sãkire auiaãkani. Imisirienetarina kãkiti ikara atoko inakani, kotxi kãkiti potxitari isãkirena. Kãkitimoni peerekari ninoa sãkire. ¹⁹ Ikinika kãkiti imarotari hïte kaminiri Kristo sãkire iaõka, ininiã nota iteene poxokoniuata hïte ikara atoko hininiã. Ninirekari kiikite hinini erekari hïkamini ïkapani. Ninirekari himimarotakaniri maerekati hïkamini. ²⁰ Teoso akamaerekaxiniretakiri, païtiki xipokariko Satanasi posotiire, ininiã hïposotari hïokanatiniri Satanasi isini.

Aãuïte Xesosi Kristo åtipirika sikari ikinipoko erekari hitemoni.

²¹ Tximõtxio, notakata parïkauatakari, xinikamanapitai hïte. Ninirimane Arõsio, Xasão, Sosipato pakini xinikamanapitai hïte apaka.

²² Nota Tësio inakori iõkatsopari ia iõkatsopari Paoro ïkapani. Nota apaka xinikamanapitai hïte, kotxi Apiananiri nakiti nitxaua.

²³ Nota Paoro aua Kaio aapoko. Kristo sãkire auiaãkani apotiitaua iua aapoko Teosokata isãkirauatinina ïkapani. Iua nirekari himarotiniri iua xinikamanapitinii hïte. Erãsito inakori apaka xinikamanapitai. Txineiro nïkatakari iua. Sitatxi auakani sikakito inïkata iua. Aitari Koato inakori xinikamanapitai hïte apaka.

²⁴ Aãuïte Xesosi Kristo åtipirika sikari ikinipoko erekari hitemoni. Ameë.

²⁵ "Peerekari Teoso," matxako. Iua posotari ikamataparaxiniretinii hïte, ininiã kona hïotokakari hãuikiniri Kristo sãkire. Teoso iokanapirena erekari nota sãpiretakiti, Xesosi

Kristo sãkire pakini sãpiretari ikara atoko inakari. Ikara Teoso sãkire kitxakapirĩka ! kimarotikori. Uatxa imarotapeẽkaika. ²⁶ Īkorasaaki asãpiretapekari ikara Teoso sãkire, Teoso sãkire sãpiretakani iõkatsopatakiti kitxakapirĩka. Uatxa aimarotari ninoa sãpiretakiti. Teoso auapika inakari paniãtari isãkire sãpiretiko ikini itixiti auakanimoni. Ininiã apakata ikinimane auikiniri isãkire. Apakata ikinimane kaminiri inireẽkiti iaõka.

²⁷ Iuanani Teoso txaua. Iuanokara imarotari atão ikinipoko. Ātipirika matxariko iua: “Peerekai pite, kotxi peerekari Xesosi Kristo.” Ameẽ.

1 KORĪTO

Merepanika Paoro Iokanatsopatakiti Korīto Auakanimoni

¹ Nota Paoro, Xesosi Kristo iokanatakītino. Teoso akiritano iua iokanatakiti nininiua ĩkapani, kotxi inirekari iokanatinino kākītimoni isākire nisāpiretini ĩkapani. Aĩtari Sóseni inakori aua notakata uai. ² Niokanatsopata hĩtemoni, kākīti Xesosi sākire auĩākani Korīto sitatxiti auakanimoni. Kristo Xesosi makatxakakini hĩtxaua Teoso ĩkapani. Teoso akiritai hĩte iua nakitiakori hininiua ĩkapani. Apaka niokanatsopata ikini tōpati auakanimoni, aāũte Xesosi Kristo uāka akiritakanimoni. Ate auĩte Xesosi, ninoa auĩte apaka itxaua. ³ Aĩri Teoso, Apiananiri Xesosi Kristo pakini sikari ikiniipoko erekari hĩtemoni. Ninoa kamaerekaxiniretai hĩte.

Paoro Misākiretari Teoso Korīto Auakani ĩkapani

⁴ Ātipirika nimisākiretari Teoso ia atoko: “Peerekai pite, kotxi Xesosi Kristo sikari ikiniipoko erekari Korīto auakanimoni. Ikara erekari pite sikakiti. ⁵ Peerekai pite, kotxi pite kamaerekatari ninoa auini. Pite oerekana ninoa sākire atāo inini ĩkapani. Pite kamaimaroretana. Ininiā ninoa sākire apiaerekata. Ninoa imarore apiaāpota.” Ia atoko nimisākiretari Teoso.

⁶ Hĩtemoni asāpiretakiti Kristo pirena auapeka hāixinireē. Ininiā iteene hāuikari Kristo sākire. ⁷ Ininiā hiātapakasaakiri aāũte Xesosi Kristo kanapiriini, ikini sereti erekari Teoso sikakiti aua hĩtemoni iua parĩka hĩkamini ĩkapani. ⁸ Hĩte isikataparaxiniretiniritika ikanapiriini ōti apokako. Ininiā maerekati hĩtemoni !uari aāũte Xesosi Kristo apokasaaki. ⁹ Teoso kamariko ikara hĩtemoni, kotxi ikinika isākire iaōka ikamako. Iuakara akiritai hĩte, himoianatiniri imi aāũte Xesosi Kristo.

!Homanatakakapeua

¹⁰ Nitariakori, aāũte Xesosi Kristo posotiireē nōtāikikai. Hīsākire ātinoka hĩtxako. ! Ninirekari homanatakakiniua. Ninirekari ātika hĩxinikakiti auini. Ninirekari ātika hinirekakiti auini. ¹¹ Nitariakori, Kroee aapoko auakani sāpiretano hĩtekarika hĩtaiatakakiniua. ¹² Kotxi apanakini hĩte txari: “Paoro sākirera nota kĩpita.” Ātipekana: “Aporo sākirera nota kĩpita.” Ātipekana: “Petro sākirera nota kĩpita.” Ātipekana: “Kristo sākirera nota kĩpita.” ¹³ !Apakata ikara atoko hĩkamini. Kristo !ikaiarikaāka. Kona Paoro ipina aamina ĩpiriāmitakari nopini hĩte ĩkapani. Kona Paoro uākaā hĩpatxisataāka.

¹⁴ Nisāpiretari Teoso ereka inini, kotxi kona notani patxisatai hĩte. Krispo, Kaio pakininanira nipatxisata. Apikomoni ! nipatxisatari kākīti. ¹⁵ Ininiā kona kākīti sāpiretari nipatxisatiniri kākīti nota uākaā. ¹⁶ ĩi. Nimaxinĩkaretari. Nipatxisatari Esitēpana, iua aapoko auakani pakini. Apikomoni nipatxisatakini ! nixinikaika. ¹⁷ Kristo kona iokanatano nipatxisarauatini ĩkapani. Iokanatano Teoso iokanapirena erekari nisāpiretini ĩkapani. ! Inirekari kākīti sākireē, kākīti imaroreē nisāpirenauatini, kotxi kākīti imarore ! isāpiretari Kristo ipinini aamina ĩpiriāmitakari nopini amaerekani imakatzakini ĩkapani.

Teoso Imarore

¹⁸ Teoso sākire mauĩkani uākatari ! kiĩkiteri kākīti Kristo ipinini aamina ĩpiriāmitakari nopini sāpiretakani. Atepekana, Kristo ipinini sāpiretiko oerekari Teoso posotiire, kotxi Kristo ipinini makatzakari amaerekani. ¹⁹ Teoso sākire iokatsopatakori kitxakapĩrka txari: Nixipokariko ĩkorapokoriti kimarorerini imarore. Nixipokariko kiĩkiterini ĩkite.

Itxa Teoso kitxakapĩrka. ²⁰ Ītapari kimaroreri? Ītapari apaiaōkarauatakari? Naniparari kaxinikerari ĩkorapokoritikiri? Teoso oerekapekari ĩkorapokoritikiri imarore miĩkiteti imarore atokotxikana inini. ²¹ Paimatireri Teoso, kotxi !auiritari ĩkorapokoriti auakani imarotiniri iua ninoaka imaroreē. Apanakinimoni Kristo sākire sāpiretiko ! kiĩkiteri, iuaritika Teoso apokaerekatari imakatzakiniri kākīti maerekani, Kristo sākire sāpiretiko auikasaakina.

²² Xoteoakori nirekari atamatiniiri Teoso takaōtxikare, isākire auikinina ĩkapani. Krekoakoripekana nirekari imaroretxi apiari imarotini. ²³ Iuaritika ate sāpiretari Kristo ipinini ĩpiriāmitakari nopini amaerekani imakatzakini ĩkapani. Xoteoakori !inirekari ikara asākire auikinina. Krekoakoripekana uākatari ikara asākire miĩkiteti sākire inini. ²⁴ Iuaritika Teoso akiritakini aua Xoteoakori, Krekoakori pakini. Ninoamoni Kristo parĩka oerekari Teoso posotiire. Iua parĩka oerekari Teoso imarore. ²⁵ Kākīti uākatari Teoso imarore ! kiĩkiteri, iuaritika axapitiki Teoso imarore apiata. Ikinipoko kākīti imarore poiāoka. Axapitiki Teoso tapara apiata. Ikinipoko kākīti tapara poiāoka.

²⁶ Nitariakori, Teoso akiritakasaakii, hĩxinikari kākīti xinikakiti atokokana. Natokopa itxa hĩte iuasaaki? Iuasaaki !kimarorei. !Kaposotiirei iuasaaki. Auĩtetxi !hĩtxaua iuasaaki. Itori

hīte ikara atoko inakani iusaaki. ²⁷ Teoso mereēri kākiti. Īkorapokoriti auakani uākatari ninoa kākiti Teoso mereēkini miikiteni ininiua. Imereēna ninoa, kimaroreni ĩkorapokoriti auakani pētauatini ĩkapani. Īkorapokoriti auakani uākatari ninoa kākiti Teoso mereēkini iōkapetakani ininiua. Imereēna ninoa, katapararini ĩkorapokoriti auakani pētauatini ĩkapani. ²⁸ Iua mereēri kākiti. Īkorapokoriti auakani uākatana ninoa Teoso mereēkini minakani ininiuana. Imereēri apanakini manirekakini. Imereēri kākiti omanatakoni. Kinirepa Teoso mereēri kākiti ikara atoko inakani? Teoso oerekari kākiti, kākiti uākatakiti apiari inini na atāo. ²⁹ Ikara atoko ininiā, kākiti !iposotari iuikiniua Teoso apisatoō. ³⁰ Teosora txīkitakaua Xesosi Kristo nakitiakori aniniua. Kristo nakiti aniniāua, aimarotari imaroretxi atāo inakari. Kristo txīkitakaua atāo inakari akamini Teoso apakapiniua ĩkapani. Iua txīkitakaua Teoso nakitiakori aniniua ĩkapani. Iikixirauata ate ĩkapani ĩpīkasaaki.

³¹ Teoso sākire iōkatsopatakori txari:
!Apakata piuikiniua. Apakatapitika piuikiniri Apiananiri.

2

Xesosi ĩpinini ĩpiriāmitakari Nopini

¹ Nitariakori, napokasaaki hītemoni, nisāpiretai Teoso sāpiretakiti. Kona nisāpiretai notaka sākire nimatire. Iusaaki kona noerekaī notaka imarore. Teoso sākirenoka nisāpiretai hīte. ² Hītekata nauakasaaki, na ninirekari āti imaroretxi nimarotini. Ninirekari Xesosi Kristonoka nisāpiretini. Apiata ninirekari nisāpiretini iua ĩpinini kākiti ĩkapani ĩpiriāmitakari nopini. ³ Hītekata nauakasaaki kona kataparaxinireno. Nikikinanaka nīpīkarauatini xika. ⁴ Iusaaki kona kākiti imaroreēni nisākiraauata. Kona kākiti imaroreēni ninirekari hāuikiniri Teoso iokanapirena nisāpiretakiti iusaaki. Teoso iokanapirena nisāpiretakasaaki, kākiti imarotari Erekarī Matamatakoti posotiireē nisākiraauata. ⁵ Ininiā kona kākiti imaroreēni hāuikari Teoso iokanapirena. Hāuikari Teoso iokanapirena Teoso posotiireē.

Erekari Matamatakoti Imarore

⁶ Teoso sākire auīākani iteene ākixinireē aneēkani imarotari Teoso iokanapirena asāpiretakiti kimatireri inini. Ikara imaroretxi kona ĩkorapokoriti auakani imaroreni. Kona auītetxiakori imaroreni ikara imaroretxi. Kotxi ninoa imarore paītiki ! auaika. ⁷ Asāpiretari Teoso imarore mitxi kākiti mimarotakiniti, kotxi Teoso kipatari. Itixi kamiko apisa Teoso nirekaua asāpiretiniri ikara imarore kākitimoni ate iotximere aāpakapini ĩkapani. ⁸ Auītetxiakori ĩkorapokoriti auakani ! imarotari ikara Teoso imarore. Ninoa imarotaākamariko, ininiā ! okamarinako Apiananiri kaiotximereri aamina ĩpiriāmitakari nopini. ⁹ Kītxakapirīka Teoso sākire iōkatsopatakori txari:

Kākiti oki !atamatapanikari Teoso kamakiti tīkane iua tīretakani ĩkapani. Kākiti kenakoki !ikenakotapanikari Teoso kamakiti tīkane iua tīretakani ĩkapani. Kākiti !ixinika-panikari Teoso kamakiti tīkane iua tīretakani ĩkapani.

¹⁰ Iuaritika Teoso oerekepekaua Erekarī Matamatakotiā. Ikinipoko imarotakari itxaua Erekarī Matamatakoti. Ikinipoko kipatakori Teoso imarore imarota. ¹¹ Kākiti ākixinirenoka imarotari iua xiniākiti. Āti ! imarotari iua xiniākiti. Iua atokokanera Erekarī Matamatakotinoka imarotari Teoso xiniākiti, kotxi Teoso itxaua iua. ¹² Kona ate apakapari ātiāo matamatakoti ĩkorapokoritikiri. Ate apakapari Erekarī Matamatakoti, Teoso iokanatakiti atemoni, ininiākara aposotari aimarotiniri Teoso sikakiti atemoni. Itori isikakiti.

¹³ Atemoni isikakiti asāpireta. Kona kākiti imaroreēni asāpiretari kākiti. Erekarī Matamatakoti oerekaua asāpirenauatini. Ate atamatari Teoso oerekakiti isākire iōkatsopatakoriā, eereka ātiātaā isākire iōkatsopatakoriā aātamatarī iua oerekakiti, ininiā iusaaki aimarotari atāo. Ikara atoko aōerekai hīte. ¹⁴ Erekarī Matamatakoti mauakiniti ! apakapari Erekarī Matamatakoti oerekakiti, kotxi iuamoni ikara sākiretxi miikiteni sākire. !Iposotari imarotiniri Erekarī Matamatakoti sāpiretakiti, kotxi Erekarī Matamatakoti !auari iuamoni. ¹⁵ Erekarī Matamatakoti auakasaakiri kākiti, iusaaki iposotari ataerekatiniri imakinika, ininiā kākiti Erekarī Matamatakoti mauakiniti !iposotari apoitiniri iua.

¹⁶ Teoso sākire iōkatsopatakori txari:
Kirīpa imarotatari Apiananiri xiniākiti iua oerekini ĩkapani?
Iuaritika Kristo oerekaua iua xiniākiti.

3

Teoso Nitiriakori Atxaua

¹ Nitariakori, hīte ! ikamari ikinipoko Erekarī Matamatakoti nireēkiti. Hīkamari hīteka nireēkiti ĩkorapokoriti auakani kamini atokokana. Ininiākara nisākiraauata hītekata amarīnikata nisākirauatini atoko, kotxi poiāonoka hāuikari Kristo sākire. ² Tinitxiā atoko inakari nisākire nisikāi. Xinitxi atoko inakari nisākire kona nisikāi, kotxi !himīteenekari

nisäkire kamimari. Uatxapiima hîte ! iposopanika noerekakiti kamimari himarotini. ³ İkorapokoriti auakani xinikini atoko hîxinikapanika. İkara xika hîxikotakakaua. Hina-iatakakaua. Homanatakakaua. Hîteka nireëkiti hîkama, İkorapokoriti auakani kamini atokokana. ⁴ Kotxi ätikaka hîte txari: “Paoro säkire nikîpita.” Apanakini txari: “Aporo säkire nikîpita.” İkara atoko hininiä, kâkiti İkorapokoritikini säkire atoko hîsäkirauata. !Kükitepanikai.

⁵ Kiripa Paoro? Kiripa Aporo? Kristo nitiriakorinoka atxaua. İua säkire säpiretakaninoka atxaua. Hîte auikapekari Kristo säkire asäpiretakasaaki. Apiananiri sikari parîkatxi İkin-inapemoni akamini İkapani. ⁶ İa atoko itxa parîkatxi Teoso sikakiti: Merepanika nota säpiretari Teoso säkire kâkitimoni, takariki nitakini atokokana. Eereka Aporo oerekari ninoa kâkiti apikomoni Teoso säkire. Äparaä takari nireëkiti atoko itxa apikomoni Teoso säkire isäpiretakiti. Nota, Aporo pakini parîkauata İkara atoko, İuaritika Teosonoka aneëkakari takari. İuanokara txîkitakari kâkiti auikini isäkire. ⁷ Takariki taäkari, äparaä siäkari pakini minakati ninoa, kotxi Teosonoka aneëkakari takari. ⁸ Teoso säkire merepanika säpiretakari nirekari iparîkauatini Teoso İkapani. Teoso säkire apikomoni säpiretakari apaka nirekari iparîkauatini Teoso İkapani. İniniä Teoso sikariko ninoa parîka İki ninosomoni iparîkana iaöka. ⁹ Teosokata parîkauatakani atxaua. Teoso kikiote atoko hîtxaua. Apaka Teoso aapoko atoko hîtxaua.

¹⁰ Teoso sikapekano İkinipoko erekari niparîka İua İkapani nikamini. Apokotxi kamiko apisa aapokotxi kamakari kimaroreri takari kaikori, İnopini aapokotxi İkamini İkapani. İua aapokotxi kamakari kimaroreri atoko nitxaua. Merepanika nota parîkauata Kristo säkire nisäpiretini. Kaikori aapokotxi kamakari takakiti atoko itxa İkara İua säkire. Eereka apanakini oerekarauata apikomoni. Ninoa parîka aapokotxi kamiko kaikori nopini atokokana itxa. Erepaniko akamakasaakiri İkara parîkatxi. ¹¹ Kaikori, aapokotxi kamakari takakiti atoko itxa Xesosi Kristo säkire. Äti kaikori kâkiti säkire !auari. Auape kaikori Xesosi Kristo säkire, kotxi kataparari. ¹² Xesosi Kristo säkire aäuikasaaki, kaikori aäuini İkapani İxosope. Aapokotxi İua kaikori nopini atoko itxa aparîka. Aparîka atxiiti oro atoko itxa. Atxiiti pirata atoko itxa. Atxiiti kai erekari atoko itxa. Atxiiti aamina atoko itxa. Atxiiti aätsopa atoko itxa. Atxiiti katsotati atoko itxa aparîka.

¹³ İtixi xipokini öti kâkiti İmarotariko natokopa itxa iparîka, kotxi İuasaakiko arikatxi ataerekatari iparîka. ¹⁴ İparîka marikakaniä, apakapari iparîka İki. ¹⁵ İparîka arikiniä, ! apakapari iparîka İki. İuaritika Teoso auiritari İua auini ätipirika Teosokata, txamari İua xipokaarita.

¹⁶ Kona hîte İmarotapanikari Teoso misäkiretiko aikoti hininiua? Kona hîte İmarotapanikari Erekarı Matamatakoti auini hiito äki? ¹⁷ Kâkiti xipokiniäri Teoso misäkiretiko aikoti, Teoso xipokariko İua. Teoso misäkiretiko aikoti İua nakiti. Hİtera Teoso misäkiretiko aikoti hİtxaua.

¹⁸ Kona hİteka misirienetapeuako. Atxiiti ätikaka kâkiti hİte sauaki uäkatarı kimaroreni İniniua, kotxi İmarotarına İkorapokoriti auakani İmarore. İkorapokoriti auakani ukatarı Kristo säkire auiäkari mükite İniniua. İniniä erekape kâkiti İkorapokoriti auakani akiritinii mükite İniniua, kotxi İuasaaki kimaroreri atao İnakari hİtxaua. ¹⁹ Teosomoni !kükiteri İkorapokoriti auakani İmarore. Teoso säkire İokatsopatakori txari:

Teoso maİKari kimarorerini İkorapokoriti auakani ninoaka İmaroreë.

²⁰ Apaka Teoso säkire İokatsopatakori txari:

Apiananiri İmarotari İkorapokoriti kimarorerini İmarore İtxapö.

²¹ İniniä !apakata kâkiti İuikiniua İmarore xika. İkinika aua hİtemoni. ²² Paoro aua hİtemoni. Aporo aua hİtemoni. Petro aua hİtemoni. İtixi aua hİtemoni. Häuini, hİpinini apaka aua hİtemoni. Uatxa auakari, katana auakari apaka aua hİtemoni. İkinipoko aua hİtemoni.

²³ Kotxi hİte Kristo nakiti hİtxaua. Kristo, Teoso nakiti İtxaua.

4

Kristo İokanatakini Kâkitimoni

¹ Erekarı kâkiti İmarotiniari auİtëtxiakori aminakaniua. Kristo nitiriakorı atxaua. Teoso İokanapirena nİkatakani atxaua. İua sikari İokanapirena atemoni apanakini asäpiretini İkapani. İua Teoso İokanapirena ! İmarotaäka mİtxi. ² Nitiritxi atao İnakari ätipirika kamari İauİte paniätakiti. ³ !Nimaäkatarı hİte ataerekatinino nota. !Nimaäkatarı apanakini ataerekatinino apaka. Kona notaka ataerekataua apaka. ⁴ Näkixinireë maerekati !auari, İuaritika nİkamapekari maerekati. Apiananirinokara ataerekatano. ⁵ İniniä !hİsäpiretapiri: “Kona erekari İua parİka. Peerekari İkara parİka,” kona hİtxape Apiananiri apokini apisa. Apiananiri apokini hiİtapako. İua oerekariko İpiämoni İomaätakori. Oerekariko kâkiti nirekakiti äkixinireëna iparİkauatakasaakina. İuasaaki Teoso txariko kâkiti: “Erekapitikari pikamakiti,” İtxa.

⁶ Nitariakori, ikara nota pirena, Aporo pirena pakini nisâpiretai atâo inakari himarotini ikapani, âti apiata himiukakani ikapani. Ininiâ hîkamariko Teoso sâkire iôkatsopatakori iaôka, kotxi !apakata kâkiti iteene iuikiniri âti, âtipekana imanirekakani inini. ⁷ Pite apiananitakari !auari. Himapakapakiniti !auari. Kapakapare hininiâ, kinirepa mapakapareni sâkirauatini atoko hîtxa? ⁸ Ikinipoko hinireêkiti auapeka hîtemoni atxiiti? Katiîpekai hîte. Ate ereê mauakanisaaki, atxiiti hîteka kamari auîtexi hininiua. Ninirekari auîtexi atâo hininiua, ininiâ ate auîtexi atxaua hîtekata. ⁹ Îkorasaaki neenamatchi xipoka atoko, auîtexi kâiatakari kanapiriâ isotatonekata. Ninoa mapotôkire kâkiti auîtexi maîkakani minaâka apanakini atamatinina ikapani, inapetinina ikapani. Eereka okaâkana ninoa kâkiti. Nota xinikari Teoso nirekari ate iua iokanatakini ikara kâkiti maîkakani atoko aniniua. Ikinimane atamataua. Kâkiti, Teoso nitiriakori iaxitikini apaka atamataua apininimoni asini. ¹⁰ Hîtemoni, miikiteni ate txaua, Kristo ikapani aparîkauatakasaaki. Hîtemoni, kimarorei hîte, Kristo ikapani hîparîkauatakasaaki. Hîtemoni, !kaposotiireua ate. Hîtemoni kaposotiirei hîte. Hîte paxitaâka, txamari ate omanataâka. ¹¹ Uatxapiima Kristo sâkire ate auikini xika anatxita. Aposonata. !Kamâkaua. Amisiritaâka. !Kaapokoua. ¹² Iteene aparîkauata anireêkiti aamotini ikapani. Kâkiti takasaakiri maerekati atemoni, ate amanaâri Teoso erekari ninoamoni itakini ikapani. Amisiritikosaaki, iusaaki amîteenekari. ¹³ Apanakini misâkirepiretakasaakia, erekari ate apakapapiretana ninoa. Uatxapiima apanakinimoni îkorapokoriti txiko atoko atxaua. Kasakari atoko atxaua ninoamoni.

¹⁴ Kona niôkatsopata ikara hîpêtauatini ikapani. Niôkatsopata ikara nipinitini ikapani monôkori apokini apisa, kotxi namariteni nota tirketakini atoko hîtxaua. ¹⁵ Hîtemoni tesi mio Teoso sâkire oereêkani auaâkamako, iuaritika poiâo hîri atoko inakari aua. Notara hîri atoko nitxapekua, kotxi hâuikari Teoso iokanapirena erekari noerekasaakii Kristo Xesosi posotiireê. ¹⁶ Ininiâ nôtâkikai: Nota kamakiti atokotxikana hîkamako. ¹⁷ Ikara ikapani niokanatarî Tximótxio hîtemoni. Iua namarite nitiretakiti atoko. Iua kamari Apiananiri paniâtakiti iaôka. Iua txîkitakai hîxinikiniri nikamakiti ikiniôtika Kristo posotiireê. Ikini tôpati Kristo sâkire auîâkani apotiitiniâtaâua, noerekari kâkiti erekari ikamini ikiniôtika, erekari nota kamini atokotxikana.

¹⁸ Âtikaka hîte iukaua, kotxi hîuâkatari nota mapokakani hîtemoni. ¹⁹ Txamari Teoso auiritiniâno, pâitiki napokako hîtemoni. Iusaakiko !ninirekari nimarotiniri ninoa iukakania sâkire. Napokasaaki ereê, ninirekari nimarotiniri Teoso posotiire. ²⁰ Teoso auîtexi ininiâtaâua kona sâkiretxinani aua. Iposotiire apaka aua. ²¹ Kiripa hîte nireka? Hinirekatari ninoropatiniî aiêê, ereê napokasaaki? Hinirekatari nitiretinii, nimatxitakanii, ereê napokasaaki?

5

Maerekati Xesosi Sâkire Auiâkani Sauaki

¹ Isâpiretaâka kâkiti ereê kaminiri maerekati itotxi nireêkiti âti kâkitikata. Iua kâkiti maerekani apiari, kotxi iua sirîka iri îtanorokata. Teoso sâkire mauîâkani kamari maerekati, iuaritika ninoa !ikamari ikara atoko inakari maerekati, kiki hîte sauaki auakari kamakiti atoko. Ninoa !inirekari isâkiretinirina ikara atoko inakari maerekati. ² Iuaritika hîte iuikaua. !Himatnaniuata himaerekani xika. Apiaerekata îkora iri îtanorokata sirîkakari hîokanatinî itakanapiniî. ³ Niîto kona ereê aua, iuaritika nixinikakiti auapitika ereê hîtekata, ininiâ nota ereê hîtekata nauini atokokana, nimererepekari iua maerekati kamakari misiritiko. ⁴ Aâuîte Xesosi Kristo uâkaâ hâpotiitakasaakia, nota aua hîtekata nixinikakitiâ. Iusaaki himarotakasaakiri Xesosi Kristo posotiire, ⁵ hisikariko iua Satanasimoni iua îto ipinini ikapani, ixinire ereka inini Xesosi kanapiriâkasaaki.

⁶ !Apakata hîuikinîua. Himarotari axapiti pâo tireêkari tirekakari itori pâo. Iua atokokana âtika maerekati kamakari txîkitakari kaiâopokori kâkiti kaminiri maerekati. ⁷ Ininiâ hîokanapariko maerekati mitxi hîkamakiti, amaneri hinini ikapani. Ininiâ pâo miâtiâkati atoko hîtxaua, kotxi ikoke !auari. Kîtxakapirîka kâkiti okari ipira soti auîte, ininiâ Teoso nitiri napaâpotakasaaki ninoa nopini, kona okana ninoa. Kristo, apira soti auîte atoko itxa. Iua ipina ate mapinakani ikapani. ⁸ Pâska kiiniritisaaki, Teoso !auiritari pâo âtikakari nikiko, kotxi maerekati pâo tirekakari atoko itxa. Ininiâ maîkanapari maerekati mitxi akamakiti. Pâo miâtiâkati atoko matxaua, ininiâ makamari erekari. Masâkiretari atâo inakarînoka. ⁹ Niokanatsopatapeka hîtemoni himapotiitakanîua maerekati kamakanîkata, itotxi nireêkiti kamakanîkata. ¹⁰ Na nixinikari îkorapokoriti maerekati kamakani. Maerekati itotxi nireêkiti kamakani, kamanarerini, kamisirienerini, kamakori teosonetakani pakini îkorapokoriti auakani na nixinikanâta. !Hîposata hîtakanapinina ninoa, kotxi auapikana. Hîpîkasaakinokara, hîtakanapana ninoa. ¹¹ Uatxa niokanatsopata

hîtemoni, himapotiitakanuia maerekati kamakanikata, “Xesosi sâkire auîâkarirano” in-akanikata. Îtanoro minakotokatika sirîkakani, kamanarerini, kamakori teosonetakani, âti misâkirepiretakani, ipoâtakani, kamisirinereri pakini hitakanapako. Kona hinipokotape ikara atoko inakanikata.

¹² Kona nota parîkani Xesosi sâkire mauîâkani misiritiko nisâpiretini. Hîte parîkakara Xesosi sâkire auîâkani misiritiko hîsâpiretini. ¹³ Teosokara sâpiretariko Xesosi sâkire mauîâkani misiritiko. Hîte lokanatariko maerekati kamakari hîte sauaki auakari isini.

6

Âti Naiatakasaakiri Âti

¹ Xesosi sâkire auîâkari naiatiniâri âti Xesosi sâkire auîâkari, ! apakata Xesosi sâkire mauîâkani apisatoô anikiko. Hanikana ninoa Xesosi sâkire auîâkanimoni maerekati kamakari misiritiko himarotini ikapani. ² Kona himarotapanikari Xesosi sâkire auîâkani mereëriko Xesosi sâkire mauîâkani misiritiko âti ôti? Hîkamariko ikara atoko inakari xipokatxi ôtisaaki, ininiâ hîposotapitikari uatxa himereiniri kâkiti misiritiko, âti naiatakasaakiri âti. ³ Atxiîti hîte kona imarotapanikari himereiniri Satanasi nitiriakori misiritiko âti ôti? Ininiâ hîposotapitikari himereiniri kâkiti misiritiko îkorapokoriti uatxa. ⁴ Txamari neenamtxi hîte sauaki auiniâ, hanikatarî kâkiti Teoso sâkire auîâkani mapaxitakanimoni? ! Apakata, kotxi ninoa !imarotari Teoso paniâtakiti. ⁵ Ikara atoko nitxai nikamapêtatiniî ikapani. Atxiîti kona hîposotatari hâpokiniri kimaroreri hîte sauaki neenamtxi xipokini ikapani? Atxiîti kona âtika aua? ⁶ Txamari âti Xesosi sâkire auîâkari anikari âti Xesosi sâkire auîâkari Xesosi sâkire mauîâkani apisatoô maerekati kamakari misiritiko himarotini ikapani. Ikara atoko !apakata.

⁷ Ininiâ iteene hîkerokari, kotxi hanikari hîtari kâkiti misiritiko mereëkarimoni. Erecape hâuiritiniri hîtari kaminiri maerekati hîtemoni. Erecape hâuiritiniri hîtari îtirîkiniri hîtii. ⁸ Txamari hîitiriua. Hîkamari maerekati. Hîtariakorimonira hîkamari ikara. !Apakata. ⁹ Kona himarotapanikari atâo minakati kamakani !isari Teoso auîetxi ininiâtaâua? Kona hîteka himisirienetapeua. Ia atoko inakari kâkiti !isari Teoso auîetxi ininiâtaâua: maerekati îtotxi nireëkiti kamakani, kamakori teosonetakani, îtanoro minakotokatika sirîkakari, kiki sito ininiua nirekakari, kiki âti kîkîkata sirîkakari. Ninoa !isari Teoso auîetxi ininiâtaâua. ¹⁰ Kîitirini, kamanarerini, poâtakani, âti misâkirepiretakani, kamisirinererini pakini ! isari Teoso auîetxi ininiâtaâua. ¹¹ Ikara atoko mitxi hîtxaua hîte apanakini. Iuaritika himaerekani maktxakaâkapeka. Teoso kamai hîte inakitiakori hinini. Apiananiri Xesosi kamaerekatai. Erekarî Matamatakoti, aTeosone nakiti, iua apaka txîkitakai hîte atâo inakari kamakani hininiua.

Maerekati Îtotxi Nireëkiti

¹² Nota posotari ikinipoko nikamini, txamari kona erekari ikinipoko nikamini. Nota posotari ikinipoko nikamini, txamari kona ninirekari nikamakiti niauite ininiua. ¹³ Nipokori kamaâka tikakotxi ikapani. Tikakotxi nerekari nipokori. Txamari Teoso xipokariko nipokori, tikakotxi pakini. Teoso linirekari akaminiri maerekati aito nireëkiti âti kâkiti îtokata. Apiananiri kamari aito iua nireëkiti akamini ikapani. Aito Apiananiri nakiti.

¹⁴ Teoso ôkitikari Apiananiri ipikani sauaki. Iua atokokana iua ôkitikaua ate iposotîireë. ¹⁵ Ininiâ !apakata Kristo îto hîsikini sito kanokareromoni. !Apakata. ¹⁶ Kiki sirîkasaaki kanokarerokata, iuaaaki âtinoka îtotxi atoko itxauana ninoa. Teoso sâkire iôkatsopatakori sâpiretaua:

Kiki sirîkîni sitokata, âtika îtotxi atoko itxauana.

¹⁷ Kâkiti mojanatakasaakiri Apiananiri, âtika xiniretxi atoko itxauana ninoa xinire.

¹⁸ Âtokata hîsirîkîni hinirekasaaki, himitekako. Kona hîkaikotape iuaâ. Apanakini maerekati kâkiti kamakiti ! imisiritari hîto. Imisiritari hâkixinire. Hîkamakasaakiri maerekati hîto nireëkiti sitokata, himisiritari hîto, hâkixinire pakini. ¹⁹ Kona himarotapanikari hîto Erekarî Matamatakoti misâkiretiko aikoti atoko ininiua? Hîte îtoâkarari iua. Teoso sikari iua hîtemoni, ininiâ hîto kona hîte nakiti. ²⁰ Teoso iamotapekai hîte Xesosi ipîkasaaki, ininiâ hîto îki auapitika. Ininiâ uatxa iua nakiti hîtxaua. Ininiâ uatxa hîtoâ hîpaxitariko Teoso.

7

Îtanorouatiko Sâkiretxiti

¹ Uatxa napakapapiretariko mitxi hiôkatsopatakiti notamoni. !Erekari kiki kaxirotiniro sito. ² Txamari inirekasaakiri sitokata isirîkîni, erekari kiki auini iuaka îtanorokata. Erekarî sito auini oaka ôtanirikata. ³ Ininiâ erekari kiki sikiniri iito îtanoromoni. Erekarî sito sikiniri oito ôitanirimoni. ⁴ Îtanorotxi îto kona oa nakitinanini. Ôtaniri nakiti apaka oito.

Apaka ĩtaniritxi ĩto kona iua nakitinanini. ĩtanoro nakiti apaka ĩito. ⁵ Kona hĩtxape: “Kona ninirekari nisĩrĩkini pitekata,” kona hĩtxape. Hinirekasaakiri nĩpokori himanĩkakanĩ Teoso himisĩkiretini ĩkapani, atxiĩti iuasaaki ! hinirekari hĩsĩrĩkini hĩtanorokata. Hĩtanoro apaka kona nirekari osĩrĩkini hĩtekata iuasaaki, Teosonoka hĩxinĩkini ĩkapani. Ininiĩ ikara atoko hĩkaminĩĕ erekari, txamari paĩtiki eereka iuaĩkana hĩsĩrĩkako hĩtanorokata. Ininiĩ ikara atoko Satanasĩ kona sikanireĕtai maerekati hĩto nireĕkiti hĩkaminĩ ĕto sitokata hĩsĩrĩkini. ⁶ ĩkara nota ĕtĕĩkikai hĩte. Kona nĩpaniĕtai ikara hĩkaminĩ. ⁷ Notamoni erekari nota atoko hinini. Iuaritika ĩkinimane aua Teoso siĕkiti iparĩka kamini ĩkapani. Teoso sikari ĕti isĩkakiti ĕtimoni. ĕtiĕo isĩkakiti isĩka ĕtimoni.

⁸ Uatxa nimisĕkiretanako mĩtanorini, mĩtanoroni, tikĩnitakoni pakini. Erekari himĩtaniriuatakani, himĩtanorouatakani nota atoko hinini. ⁹ Txamari himaposotakanĩari hĩtakanapiniri hĩto nireĕkiti, erekari hĩtanorouatini, erekari hĩtaniriuatini, kotxi kapatakari atoko itxa hĩto nireĕkiti.

Hĩkamari Atĕo Hĩtaniriuatakasaaki

¹⁰ Ia nĩpaniĕtana kĕkiti ĩtaniriuatakani: !Apakata sito takanapiniri ĕtaniri. Kona notani paniĕtai. Apiananirira paniĕtai. ¹¹ Otakanapiniĕri ĕtaniri, !apakata iuaĩkana ĕtaniriuatini. Erekari ĕtanirimoni iuaĩkana okanapiriini. Iua atokotxikana ! apakata kĩki takanapiniro ĩtanoro. ¹² Nĕtĕkikari apanakini. Apiananiri paniĕtakiti apanakini ĩkapani ! auari, ĩniniĕ nota ĕtĕĩkikana ninoa ia atoko: Xesosi sĕkire auĩĕkari auiniĕ ĩtanoro Xesosi sĕkire mauĩĕkato, oa nirekĩniĕri okaĩkotini uakata, !apakata iua iokanatiniro oa otakanapiniri iua. ¹³ Iua atokotxikana, Xesosi sĕkire auĩĕkaro auiniĕ ĕtaniri Xesosi sĕkire mauĩĕkati, iua nirekĩniĕri ĩkaĩkotini oakata, !apakata otakanapiniri iua. ¹⁴ Iuasaaki ĩtaniritxi Xesosi sĕkire mauĩĕkati apakapari Teoso sĕkire ĩtanoro kamakiti eeka atamatakasaaki. Iua atokotxikana, ĩtanorotxi Xesosi sĕkire mauĩĕkato apakapari Teoso sĕkire ĕtaniri kamakiti eeka oĕtamatakasaaki. Imakamakaniĕrina ikara atoko, !erekana ĩmiakori. Irĩtxi, ĩnorotxi pakini kaminiĕri nĕtĕkĩkakitani iaĕka, erekana ĩmiakori. ¹⁵ Xesosi sĕkire mauĩĕkati nirekĩniĕri itakanapiniri ĩtanoro, oa auiritariko isini. Xesosi sĕkire mauĩĕkato nirekĩniĕri otakanapiniri ĕtaniri, iua auiritaroko osini. Ikara atoko ĩniniĕ, ninoa sĩkakapeĕkaika. Ikara atoko ĩniniĕ erekari, kotxi Teoso ! ĩnerekari anenamauatini ikara xĩka. ¹⁶ Pite ĩtanorotxi, pimarotatari? Atxiĩti pĩtaniri auĩkari Xesosi sĕkire imaerekani makatxakiko ĩkapani, Xesosi sĕkire pisĕpiretakasaakiri iua. Pite ĩtaniritxi, pimarotatari? Atxiĩti pĩtanoro auĩkari Xesosi sĕkire omaerekani makatxakiko, Xesosi sĕkire pisĕpiretakasaakiro oa.

Teoso Akiritakasaakiri Kĕkiti

¹⁷ ĩniniĕ ĩkininape kamariko iparĩka Teoso sĩkakiti iuamoni, kotxi Apiananiri akiritaua ikara parĩkatxi akaminĩ. Ikara nĩpaniĕtari ĩkinimane Teoso mereĕkĩni apotiĩniĕtaĕua. ¹⁸ Teoso akiritakasaakiri kĩki, Teoso takaĕtxĩkare ĩtoĕ auiniĕ, !apakata Teoso takaĕtxĩkare makatxakiko. Teoso akiritakasaakiri kĩki, Teoso takaĕtxĩkare ĩtoĕ maukaniĕ, !apakata Teoso takaĕtxĩkare ĩtoĕ takiko. ¹⁹ Teoso takaĕtxĩkare hĩtoĕ auiniĕ, ikara kona txĩkitakai Teoso anaakori hininiua. Teoso takaĕtxĩkare hĩtoĕ maukaniĕ, ikara apaka kona txĩkitakai Teoso anaakori hininiua. Teoso nireĕkiti iaĕka kamiko txĩkitakai Teoso anaakori hininiua. ²⁰ Teoso akiritakasaakii, iuasaaki mitxi hĩparĩka hĩkamapanĩkako. ²¹ Teoso akiritakasaakii, nitiritxi amotakori hininiĕua, ĩniniĕ kona maerekaxĩnĩretĩ hĩtxapeua nitiritxi hininiua xĩka. Iuaritika hĩauĕte sĩkakinĕi, ĩniniĕ hĩsako. ²² Apiananiri akiritiniĕri nitiritxi amotakori, Apiananiri sĩkakakiti itxaua iua. Apiananiri akiritiniĕri nitiritxi minakatua, Apiananiri nitiri iamotakiti itxaua iua. ²³ Xesosi amotakini hĩtxaua, ĩniniĕ iuaĩkana kĕkiti nitiri iamotakoni ! hĩtxapeuako. ²⁴ Nitariakori, Teoso akiritakasaakii, iuasaaki mitxi hĩparĩka hĩkamapanĩkako.

Mĩxtakani, Tikĩnitakoni Pakini

²⁵ Uatxa nĕtĕĩkikai hĩte mĩxtakani. Apiananiri kona sĕpiretano ipaniĕtakiti hĩte ĩkapani, iuaritika nisĕpiretai nixĩnikakiti, kotxi Apiananiri amonĩkapekano, ĩniniĕ kĕkiti posota auĩniri nisĕkire. ²⁶ ĩkorasaaki pamonĕkoniri Xesosi sĕkire auĩĕkanimoni, ĩniniĕ notamoni apiaerekata kĕkiti mĩtanorouatakani. ²⁷ Hĩtanorouatepeka hininiĕ, kona hĩtakanapero hĩtanoro. Mĩtanorouatakatiapanika hininiĕ, kona hĩnitapero hĩtanoro. ²⁸ Iuaritika hĩtanorouatiniĕ, maerekati ! hĩkama. Kĕkiti ĩtanorouatiniĕ, apokapitakako ninoa maxĩkiko. Kona ninirekari ikara atoko hĩte ĩkapani.

²⁹ Nitariakori, poiĕo ĕtinoka aua aparĩkauatini Apiananiri ĩkapani. ĩniniĕ hĩte kĩtanororini parĩkauatoko Teoso ĩkapani mĩtanoroni parĩkauatini atokotxikana. ³⁰ Txĩapatakari parĩkauatoko Teoso ĩkapani, kĕkiti matxiapatakati parĩkauatini atokokana. Poxokori parĩkauatoko mapoxokoniti parĩkauatini atokokana. Tiitxi amotakari parĩkauatoko Teoso

îkapani, tiitxi mauakinini parîkauatini atokokana. ³¹ Îkorapokoriti tiitxi auakini lixinikapiriko itiina, kotxi îkorapokoriti kâkiti potxtakiti xipokaâpota.

³² Ninirekari erekaxinire hinini. Kiki mîtanoroti posotari ixinikiniri kanatokopa iparîkauatini Apiananiri ikamapoxokonitini îkapani. ³³ Txamari kiki kîtanorori xinikari parîkatxi îkorapokoritiki, kotxi inirekari ikamapoxokonitiniro îtanoro. ³⁴ Mîtanirito, mitxitakaro pakini nirekari oparîkauatini Apiananiri îkapani, kotxi onirekari oîto, oxinire pakini osikini uamoni. Txamari sito kîtaniriro xinikari parîkatxi îkorapokoriti auakari, kotxi onirekari ôtaniri okamapoxokonitini. ³⁵ Ikara atoko nisâpiretai hîte, hîte ereka hinini îkapani. Kona ninirekari nimauiritakani erekari hâpakapini. Ninirekari atâonoka hîkamini. Ninirekari hîparîkauatini Apiananirinoka îkapani.

³⁶ Âtokoro iri atxiiti ! auiritapanikaro oa îtaniriuatini, txamari oaneêpeka. Âtokori nirekiniâri itakiniro oa, erekari iua auiritiniri iua. !Ikamari maerekati. Erekari iua auiritinina ninoa îtaniriuatini. ³⁷ Atxiiti âtokoro iri âkixinireê linirekaro oa îtaniriuatini. Atxiiti lisikaenetaro oa âtimoni. Iua xinikakiti omîtaniriuatakani îkapani pataparari ininiâ, âkixinireê imarotiniâri inireêkiti oa mîtaniriuatakani, ininiâ iua kiki kamari erekari. ³⁸ Oa sikakari oîtaniriuatini îkapani kamari erekari. Iuaritika oa masakakati oîtaniriuatini îkapani kamari apiaerekata.

³⁹ Teoso paniâtakiti iôkatsopatakori paniâtaro sito kaikotini oîtanirikata iua auapanika inakasaaki. Iua ipininiâ, apakata oîtaniriuatini onirekakitkata. Txamari Apiananiri sâkire auiâkarikatanoka apakata oîtaniriuatini. ⁴⁰ Notamoni oa apia poxokoniuata omîtaniriuatakaniâ iuaîkana. Ikara atoko inakari nôtâkikaro sito, kotxi nimarotari Erekari Matamatakoti Teoso nakiti aua notamoni.

8

Nipokori Teoso Kamakori Sikiko

¹ Uatxa nisâpiretai nipokori sikiko teoso kâkiti kamakitimoni. Amakinika aimarotari ikara. Ikara inakari aimarotapeka ate. Kâkiti imaroretxi auiniâ iuikaua. Apiaerekata kâkiti auini tiraôkitxi, kotxi isikataparatarari kâkiti xinire. ² “Kimaroreno nota” inakari !auari imaroretxi. Kaiâopokori imaroretxi imimarotakinini aua. ³ Iuaritika kâkiti tiritiniâri Teoso, Teoso imarotari iua.

⁴ Maxinikari nipokori teoso kamakorimoni sikakori. Aimarotari teoso kâkiti kamakiti !kakamareri. Aimarotari âtika Teoso atâo inakari aua. ⁵ Aua kâkiti kamakiti. Kâkiti takauâkatari “teoso” itxaua. Kâkiti takauâkatari teoso iaxiti auakani, îkorapokoriti auakani apaka. Kaiâopokori ikara atoko inakari teosoakori aua. Kaiâopokori ikara atoko inakari auîtetxiakori aua. ⁶ Atemoni âtika Teoso aua. Iua aîri iaxitiki. Iua kamari îkinipoko. Aparîkauata iuanoka îkapani. Âtika aâuîte aua, Xesosi Kristo. Ikini sereti kamakari iua. Iua posotiireê aâuini aua.

⁷ Apanakini !imarotapanikari kâkiti kamakiti teoso minakanuia, kotxi mitxi iteene itotarina teoso kâkiti kamakiti. Ininiâ inikasaakirina nipokori teoso kamakorimoni siâkori, iuâkatarina ikara nipokori teoso atâo inakarimoni siâkori. Iuasaaki ninoa uâkatarari maerekati ikaminina, kotxi âkixinireêna !iteene imarotarina atâo inakari. ⁸ Txamari nipokori !itxîkitakaua Teosomoni asini. Ikara nipokori anikini !imisiritaua. Apaka !Ikamari ereka anini.

⁹ Iuaritika erepaniko. Hinirekiniâri ikara nipokori hinikini, hîxinikariko apanakini Teoso sâkire poiâonoka auiâkani. Ninoa imarotiniâri hîte nikiniri ikara nipokori, ininiâ ninoa apaka nikari, txamari iuasaaki ninoa kamari âkixinirena manirekakiniti. ¹⁰ Teoso sâkire poiâonoka auiâkari atamatinâri Teoso sâkire iteene imarotakari nikiniri nipokori teoso kamakori misâkiretiko aikotiâ, isikataparaxiniretari iua apaka nikiniri nipokori teoso kamakorimoni siâkori. ¹¹ Ininiâ pimarore xika, atxiiti pitari Teoso sâkire poiâonoka auiâkari sari imisiritikomoni. Kristo ipina iua îkapani apaka. ¹² Ikara maerekati hîtarimoni hîkaminiâ, hîkarotari âkixinire. Hîtari âkixinire hîkarotakasaaki, hîkamari maerekati Kristomoni. ¹³ Ininiâ nipokori nînikini txîkitakinîâri nitari kaminiri maerekati, itixi auapanika inakasaaki kona ninikaikari iua nipokori, kotxi kona ninirekari nitari kaminiri maerekati.

9

Teoso Iokanatakini Kâkitimoni

¹ Teoso iokanatakiti nitxaua. Ninireêkiti nîposota nikamini. Naôkitapekari Xesosi Kristo aâuîte. Iparîka nikamakasaaki, hîte auikari Apiananiri sâkire. ² Atxiiti apanakini !auikari Teoso iokanatakiti nininiua. Hîtera auikari Teoso iokanatakiti nininiua. Hîtera oerekari Apiananiri iokanatakiti nininiua, kotxi hîte auikari Apiananiri sâkire, nota sâpiretakasaakii hîte.

³ Kâkiti maukakaniâri Teoso iokanatakiti nininiua, napakapapiretana ninoo ia atoko: ⁴ Apakata atxiiti aâpakapiniri nipokori, iariâ pakini aparîkauatini îkapani? ⁵ Apakata atxiiti ate anikiniro âtanoro Teoso sâkire auiâkaro atekata, apanakini Teoso iokanatakini, Apiananiri itariakori, Petro pakini anikinina ninoo îtanoro atokotxikana? ⁶ Atxiiti apakata Panapee, nota pakininoka parîkauatini anikakiti aâpakapini îkapani?

⁷ Sotato sikasaaki ineenamauatini îkapani, iuaka !iamotari anikakitina. Aua atxiiti ova takakari. Ova itakakiti matximakati aua? !Auari. Kona auari kema auite piratakari ipira tiniâ miâtakati.

⁸ Ikara nisâkire kona kâkiti sâkirenani. Iua atokotxikana Teoso sâkire. ⁹ Moisesi iôkatsopatapekari Teoso paniâtakiti. Ia atoko itxa:

Kona hîtxikari kema auite nama trikopani ikamakasaaki. Hâuiritariko inikini.

Teoso tiretatarî kema auite? Itiretapitikari. ¹⁰ Apiata isâpiretari ikara kâkiti parîkauatakani îkapani. Ininiâ takarauatakari takarauata, kotxi inirekari ikiena inikini. Kienatxi apakari apari ikiena, kotxi inirekari ikiena inikini. ¹¹ Katarakeri takarauatini atokokana, ate takari Teoso sâkire hâkixinireê. Katarakeri nikari ikiena itakakiti, ininiâ atxiiti apakata ate apakapiniri kienatxi hîte sikakiti? Kotxi ate parîkauata hîte îkapani. ¹² Apakatinîâ apanakini apakapiniri iparîkana îki hîte sikakiti, ininiâ apiata apakata ate apakapiniri ate parîka îki, iuaritika kona aamanaâri hîsikiniâua ate parîka îki. Amûteenekari ikinipoko, kotxi !anirekari aiotokakiniri Kristo iokanapirena erekari hîkenakotini. ¹³ Himarotari Teoso misâkiretiko aikoti âki parîkauatakani iuaâtaâ apakapari ikiena. Teosomoni sikakori takikoâtaâ parîkauatakani apaka apakapari ipixini iuaâtaâ siâkori inikinina îkapani. ¹⁴ Iua atokotxikana Apiananiri paniâtari iua iokanapirena erekari sâpiretakani apaka apakapiniri iparîkana îki.

¹⁵ Ikara atâopitikara, iuaritika kona nipaniâtai ikara atoko hîkamini. Kona niôkatsopatarî ikara, nîparîka îki notamoni hîsikini îkapani. Nîparîka îki namanaini apisa erekape nipinini. Nîuikari nîparîkauatini hîte îkapani hîtxineirete nimapakapanisaaki. ¹⁶ Teoso iokanapirena erekari noereka, iuaritika !apakata niukiniua, kotxi Teoso sikari ia parîkatxi notamoni. Nîmisiritiko auapitika, Teoso iokanapirena erekari nîmasâpiretakaniâ. ¹⁷ Teoso iokanapirena erekari nisâpiretiniâri kâkiti, nâkixinireê iteene ninirekiniâri ikara nikamini, ininiâ napakapapitikariko nîparîka îki. Nîmanîrekakaniâri ikara nikamini, iuaritika nikamari, kotxi Teoso sikari ikara parîkatxi notamoni nikamini îkapani. ¹⁸ Ia atoko nîkîtxitiko: Teoso iokanapirena erekari nisâpiretakasaaki, kona minakati napakapa. Ikara atoko kamapoxokonitari nâkixinire, kotxi maîkitika nisâpiretai Teoso sâkire. Teoso iokanapirena erekari sâpiretakari nitxaua, ininiâ nîposotiire auapitika hîkîtxitininino nota nîpaniâtinîâ hîte, iuaritika !nînîrekari ikara atoko nikamini nota nîreêkiti napakapini îkapani.

Parîkatxi Ikinimane Îkapani

¹⁹ Ninireêkiti nikama. Kâkiti nitiri iamotakori !nitxaua. Iuaritika notaka nitxîkitakaua ikinimane nitiri nininiua, Teoso sâkire apikomoni kâkiti auikini îkapani. ²⁰ Xoteoakori sauaki nîparîkauatakasaaki, Xoteo auini atoko nitxa nota auini. Ikara atoko ininiâ, Xoteoakori auikari Xesosi sâkire. Moisesi paniâtakiti iaôka kamakani sauaki nauakasaaki, ninoo auini atokokana nitxa nota auini, kotxi ninirekari Moisesi sâkire auiâkani auikiniri Xesosi sâkire. ²¹ Xoteo minakaniua !imarotari Moisesi paniâtakiti. Ininiâ ninookata nauakasaaki, kona nipaniâtari Moisesi paniâtakiti ikaminina, Xesosi sâkire auikinina îkapani. Iuaritika nikamarî Teoso paniâtakiti, kotxi iuatxikana Kristo paniâtakiti nikamini. ²² Kâkiti mataparaxinîrenikata nauakasaaki, nota apaka kona kataparaxinîreno, Xesosi sâkire auikinina îkapani. Ikini kâkiti sauaki nauakasaaki, nikamarî kâkiti auini atoko nitxa nota auini, ininiâ ikinipoko nîposotakiti nikama apanakini maerekani makatxakiko îkapani. ²³ Ikara atoko nikama Teoso iokanapirena erekari nisâpiretini îkapani. Nikamarî ikinipoko, Teoso iokanapirena erekari nisâpiretini îkapani. Ikara atoko ininiâ, nota apaka apakapari Teoso iokanapirena erekari hîtekata.

Saporiêta Apakapari

²⁴ Himarotari mitekaxi. Kâkiti miteêkani miteka, iuaritika âtinoka apakapari imitekini îki. Mèrepitipanika mitekaxi mapotôkire apokakarînoka apakapari imitekini îki. Ininiâ miteêkari atoko hîtxako. Hîsapitipo. Teoso parîka hîkamapitipo hîparîka îki hâpakapini îkapani. ²⁵ Ikini miteêkari parîkauatipitipo iito tapara iteene auini îkapani. !Auiritari iito misiritakari. Ikara atoko ikama, saporiêta imitekini îki apakapini îkapani. Ikara saporiêta kona okanani aua. Oxipokapitikako. Ate parîkauatipitipo âtiâo aâpakapakiti aâpakapini îkapani. Ikara aâpakapakiti !ixipoka. ²⁶ Miteêkari isinimoni mimarotakati atoko !nitxaua. Nîmarotari nisinimoni. Nîsapitipo mitekaxi mapotôkiremoni. Maxikatiîka !nîneenamauata. Na neenamauata nisanôkakata. ²⁷ Nitxîkitakari niîto nînitiri ininiua, nota nîreêkiti ikamini

Îkapani, kotxi nisâpiretapekari ikara apanakinimoni, ininiâkara kona ninirekari nimapakapakaniri notaka parîka îki.

10

Kâkiti Isaeokini Aõerekini Pirena

¹ Nota nirekari hîxinikiniri kitxakapirîka, aãtokiriakorini takanapakasaakiri Exito tixini, ikinika ninoa aua katxiâri patapi. Iua katxiâri oerekana isininimonina. Apaka ikinika ninoa napari potxoari uiniti âki. ² Ninoa sari Moisesikata, ininiâ katxiâri patapi auakasaakina, potxoari uiniti patapi auakasaakina, iuasaaki ninoa patxisatiko atoko aua iuasaaki. ³ Ninoa ikinikana nikari xinitxi Teoso iokanatakiti. ⁴ Ninoa ikinikana iâtari âparaâ Teoso sikakiti. Ninoa iâtari âparaâ kai auiteâkiriâ. Kristo iua kai auite âparaâ potorikiniâtaâ atokokana. Iua sari ninoakata. ⁵ Txamari Teoso !apokaerekatari kaiâopokori ninoa, ininiâ ipinana. Îtona iarika âparaâ makipakanîtaâ.

⁶ Uatxa axinikana ninoa, ininiâ aimarotari amanirekakaniri maerekati ninoa nirekiniri atoko. ⁷ !Hîteosonetapiri kâkiti kamakiti, ninoa apanakini teosonetiniri atokokana, kotxi Teoso sâkire iõkatsopatakori txari:

Ninoa topâka inipokotinina Îkapani, iâtinina Îkapani, eereka õkitikauana isarauatinina Îkapani teoso ikamakitina apisatoõ.

⁸ !Apakata aanokarauatini ninoa apanakini anokarauatini atoko, kotxi âti õtinokara vîtxi tres mio ninoa okaâka îkora maerekati xika. ⁹ !Apakata aãtamakaerekatiniri Kristo ninoa apanakini kitxakapirîka atamakaerekatiniri atoko, kotxi iua xika imini okana ninoa. ¹⁰ !Hîtsoatape, ninoa apanakini kitxakapirîka tsoatini atokokana, kotxi eereka Teoso nitiri xipokana ninoa.

¹¹ Ikara imisiritikona apoka ninoamoni apanakini pinitiko Îkapani. Ikara imisiritikona iõkatsopataâka ate pinitiko Îkapani, kotxi itixi mapotõkire õti apokaâpota. ¹² Hîtemoni ereka hinini, ininiâ erepaniko, kotxi atxiiti paîtiki hîkamari maerekati. ¹³ Hîte atamakaerekataâka ikinimane atamakaerekataâka atokotxikana. Iuaritika Teoso !itakanapai hîte. Kona iua auiritari hâtamakaerekatiko himamîteenekakiniti. Iuasaaki oerekai himitekini, ininiâ hîposotari himîteenekiniri.

Teoso Kâkiti Kamakiti

¹⁴ Ininiâ nitariakori nota tiretakini, himiteka teoso kâkiti kamakiti hîtakanapini. ¹⁵ Hîte kâkiti kimarorerini, ininiâ iteene himixinikariko nisâkire. ¹⁶ Îariâ aãtakasaaki, akinika aãpotiitakasaakiaua, axinikari Xesosi ipinini. Iuasaaki atxari Teoso: “Erekapitikai, kotxi Xesosi arêka xiketa ate Îkapani.” Amaxiõpekitakasaakiri komiri, anikasaakiri, aãpitiitakasaakiaua, axinikari Kristo îto noropatiko ate Îkapani. ¹⁷ Iuasaaki itomaneua ate, iuaritika âtika komiri atokokana atxaua. Âtika îtotxi atokokana atxaua, kotxi amakinika anikari âtika komiri. Ikara komiri Kristo îto atokokana itxaua.

¹⁸ Hîxinikanako kâkiti Isaeokini îkorapokoritikini. Ninoa sikari Teoso xinitxi. Eereka ninoa nikari ikara xinitxi. Inikasaakinina ikara xinitxi, iuasaaki ninoa oerekari iTeosonetinirina iua. ¹⁹ Kiripa ninireka nisâpiretari? Nisâpiretari teoso kâkiti kamakiti kona kakamareri. Iua teoso siâkori kona itxa. ²⁰ Iuaritika erepaniko. Ikara atâo maerekati. Xoteo minakanuia sikakiti teoso kâkiti kamakitimoni ninoa sika Satanasi nitirikorimoni. Kona Teoso atâo inakari isikana isiâkitina. Ininiâ na ninirekari hîte moianatiniri Satanasi nitiriori. ²¹ Kona hîposotari Apiananiri iâkoanaâ hiâtini, apaka Satanasi nitirini iâkoanaâ hiâtini. Kona hîposotari Apiananiri kiena hinikini, apaka Satanasi nitirini kiena hinikini. ²² Atauako anirekatari akaminiri Teoso naiatinuia? Ate tapara apiata atxiiti?

Xesosi Auiâkani Kamakiti

²³ Nota posotari ikinipoko ninirekiti nikamini, txamari kona ikinika erekari nikamini. Ikinipoko ninirekiti nîposotapitika nikamini, txamari kona ikinipoko kamari nâkixinire aneini. ²⁴ !Hinitapiriko hîteka nirekiti hâpakapini. Himoianatariko âti iua nirekiti apakapini.

²⁵ Hîposotari hinikiniri nipokori amotakoriâtaâ auakari. Iuasaaki kona hîpimaâpiri: “!A nipokori sikaâkapeka teoso kâkiti kamakitimoni?” !hîtxapeko. Kotxi himarotakasaakiri hinikiniri nipokori teoso kâkiti kamakitimoni sikiko, hâkixinire karotaâka atxiiti. ²⁶ Teoso sâkire sâpiretaua:

Itixi Apiananiri nakiti itxaua, ikinika itixi auakani pakini.

²⁷ Xesosi mauîâkani aiatakasaakii hîte hinipokotini ninoakata, hinirekiniâri hîsa. Hinikariko isikakitina. Kona hîpimaâpiri: “!A nipokori teoso kâkiti kamakiti sikaâkapeka?” kona hîtxape, hâkixinire himakarotari Îkapani. ²⁸ Txamari apanakini kâkiti iuaâ

săpiretakasaakii: "Ia nipokori sikaăkapeka teoso kăkiti kamakitimoni," itxa. Iuasaaki kona hinikapiri, kotxi atxiiti hîkaroxiniretari ikara kăkiti mataparaxinireti, kotxi: Itixi Apiananiri nakiti itxaua, ikinika itixi auakani pakini.

²⁹ Na nitxai: "Kona hinikapiri ikara, hîteka âkixinire himakarotakani îkapani," ! nitxai. Nitxai: "Hinakapiri ikara, âti kăkiti âkixinire himakarotakani îkapani." Nota âkixiniree nota nireekiti nikamini îkapani erekari. Âti kăkiti âkixiniree nota nirekakiti nikamini îkapani ! erekari, ininiâ iuamoni ikara nikamakasaaki, nikamari maerekati. Kinirepa ! apakata nikaminiri nota âkixinire auiritakiti? ³⁰ Napakapakasaakiri nipokori, ininiâ iuasaaki nimisăkiretari Teoso erekari iskakiti. Ininiâ kinirepa nimisăkirepiretaăka?

³¹ Nisăpiretai hîte. Hinikasaaki, hiatakasaaki, ikinipoko hîkamakasaaki, hîkamariko ikinika Teoso ereka inini imarotiko îkapani. ³² Kona hîtxikitakapiri, Xoteoakori, Xoteo minakaniua, kăkiti Xesosi săkire auiakani pakini kaminiri maerekati. ³³ Ninirekari ikinimane kăkiti nireekiti nikamini, ikinika nikamakasaaki. ! Ninirekari erekari notanani îkapani. Ninirekari erekari itomaneri îkapani, imaerekanina Xesosi makatxakini îkapani.

11

Sitoăkini Xesosi Săkire Auăkani

¹ Hîkamariko nota kamakiti atoko inakari. Kristo kamakiti atoko nota kamini atoktxikana hîkamako. ² Nitariakori, peerekai hîte, kotxi iteene hîxinikano nota. Peerekai hîte, kotxi hîkamapanikari noereekiti nisăpiretakiti iaôka.

³ Ninirekari himarotiniri ia: Kiki auite Kristo itxaua. Sito auite kiki itxaua. Kristo auite Teoso itxaua. ⁴ Ininiâ kiki ikii mâka imamakatzakakaniâ Teoso imisăkiretakasaaki, apaka Teoso săkire oerekasaaki, kona ipaxitari iauite Kristo.

⁵ Sito okii mâka mauakaniâ Teoso omisăkiretakasaaki, apaka Teoso săkire oerekasaaki, kona opaxitari oăuite oitaniri. Okii mâka omatakakaniâ, oa kii kixăkakeri atoko itxa. ⁶ Okii mâka omanirekakaniâ, ininiâ okisuauakaiăkotaăkako. Opetautiniâ, okii kixăkiko xika, oiăko kisauakiko xika, ininiâ iuasaaki okii mâka otaka. ⁷ Kiki misăkiretakasaakiri Teoso, kona erekari itakiniri ikii mâka, kotxi Teoso atoko itxa iua. Ikamaăka Teoso ereka oerekini îkapani. Sito kamaăka oitaniri ereka oerekini îkapani. ⁸ Merepitipanika Teoso kona kamari kiki sito itoa. Teoso kamaro sito kiki itoa. ⁹ Kiki kona kamaăka sito îkapani. Sito kamaăka kiki îkapani. ¹⁰ Ininiâ oa takari okii mâka. Ikara atoko ininiâ, oerekari oauitetiniri oitaniri. Iuasaaki Teoso nitiriakori iaxitiki apaka imarotari oauitetiniri oitaniri.

¹¹ Kiki, sito pakini Apiananiri săkire auikasaaki, sito nirekari kiki. Kiki nirekaro sito. ! Apakata sitonoka auiniâ. ! Apakata kikinoka auiniâ. ¹² Kotxi sito ina kiki itoa. Eereka ikinipoko kiki iponaniâ sito itoa. Ikara atoko itxapitkama, Teoso kamari ikinipoko. ¹³ Hîteka hîxinikapiretari ia: Sito kii mâka mauakaniâ, iuasaaki atăokani Teoso omisăkiretini? ¹⁴ Kăkiti itotakiti oerekaua kiki itanoiăkori pêtatiko. ¹⁵ Sito auiniâ oiăko paitanori, oăuikari oiăko, kotxi oiăko sikaăka okii ipatakari îkapani. ¹⁶ Kăkiti nirekiniari inenamauatini iăkotxi pirena xika, ininiâ kona ate, ikinika Teoso săkire auiakani pakini ! auari ikara. Ininiâ ! apaniătai ikara atoko inakari hîkamini.

Xesosi Ipinini Xinikiko Kiiniriti

¹⁷ Uatxa niôkatsopatakitiâ kona niuikai, kotxi hăpotiitakasaakiaua, apia erekari kona hîkama. Apiata maerekati hîkama. ¹⁸ Merepanika nikenakopiretari hăpotiitakasaakiaua Teoso misăkiretiko aikotiâ hîtaparakienatakakiniua. Nixinikari ipixini ikara nikenakopiretakiti atăo inini. ¹⁹ Apanakini oerekakiti atăo minakati auapitika hîte suaki. Akenakotakasaakiri ninoa oerekakiti, aimarotari Teoso ! apokaerekatana ninoa. Iua apokaerekatana iua săkire atăo inakari oerekakani. ²⁰ Hăpotiitakasaakiaua, kona atăo hîkamari kiiniri, Apiananiri ipinini xinikiko kiiniriti. ²¹ Kotxi hinikasaaki, himixirikari hîkiena apanakini nikiniri apisapanika. Ininiâ apanakini natxita, apanakini poata iuasaaki. ²² Auapitika haăpoko hinikini îkapani, hiătini îkapani. Hăpotiitakasaakiaua, homanatarari apanakini Xesosi săkire auiakani. Hîkamapêtatari aitariakori matiini. Kiripa nitxai hîte? Atxiiti hinirekari niuikini? Kona xatiki niuikai hîte.

²³ Apiananiri săpiretakiti notamoni, iua atoktxikana nisăpiretapekai hîte. Ia nisăpiretai: İkanôka Apiananiri Xesosi mîkapiritiko oțisaaki, iua kosekari komiri. ²⁴ Iuasaaki imisăkiretari Teoso: "Erekapitikari ia komiri pisikakiti atemoni," itxa. Ipošo atoko imaxiôpekari iua komiri, sika itxari imoianariakorimoni. Itxana: "Apakapa, nika hîtxako. Ia niito okaăka hîte îkapani. Ia komiri hinikasaaki, hîxinikanoko nota. Hîxinikari nipinini hîte îkapani," itxa. ²⁵ Ninoa nipokotaka atoko, mitxi komiri ikosekini atokokana, ikosekari iăkoanatxi. Iuasaaki itxana: "Ia iăkoanatxi oerekari Teoso kamapekari ikamaenetakiti amaneri, kotxi niarêka xiketa hîte îkapani. Ia iăriâ hiatakasaaki, hîxinikanoko nota. Hîxinikariko nipinini hîte îkapani," itxa Xesosi.

²⁶ Ia komiri hinikasaaki, ia iäkoanxtiäkiri hiätakasaaki, hõerekari Apiananiri ipinini kâkiti İkapani. İkara hõerekiriniritika iua İkorapokoriti kanapiriäko.

²⁷ Maxikatitika kâkiti nikiniäri ia komiri, maxikatitika iätiniäri Apiananiri iäkoanaäkiri, ikamari maerekati, kotxi !ipaxitari Apiananiri İto, iarëka pakini. ²⁸ Ia komiri hinikini apisapanika, ia iäkoanxtiäkiri hiätini apisapanika, erekari hixinikiniri häkixinireë auakari. Maerekati auakasaaki, hamanaäri Teoso imakxtakiniri İkapani. Eereka ia komiri hinika, ia iäriä hiäta. ²⁹ Maxikatitika hinikiniäri, hiätiniäri, ininiä hiteka akiritari himisiritiko apokini, kotxi kona hıpxitari Apiananiri İto. ³⁰ İkara xika itomaneri hite sauaki iökapeta. İkara xika apanakini amianata. İkara xika apanakini ipıpeka.

³¹ Amaerekani anitiniä, aamanainiäri Teoso makxtakiniri amaerekani, ininiä amisiritiko kona apoka. ³² Txamari Apiananiri apokiniäri amaerekani, imisiritaua ate uatxa, amaerekani atakanapini İkapani, ininiä eereka limisiritaikaua iua säkire mauıäkanikata.

³³ İniniä nitariakori, häpotiitakasaakıua Xesosi ipinini xinikiko kiıniriti İkapani, hiätapana apanakini. ³⁴ Hinatxitiniä, hinipokotako häapoko. İniniä häpotiitakasaakıua ! hıkamari maerekati, ininiä Teoso !imisiritai. Apikomoni nõtäkikai ereë napokasaaki.

12

Erekari Matamatakoti Sikakiti Kâkitimoni

¹ Nitariakori, nınirekari himarotıniri Erekari Matamatakoti sikakiti. !Apakata himimarotakaniri. ² Mitxi Xesosi säkire mauıäkani hinakasaakıua, himisirienetaäka, ininiä häuikari teoso kamakari masäkireti teoso atäo inakari ininiua. İkara himarotape. ³ Kâkiti säpiretiniäi hite: “Maerekati kamakari itxaua Xesosi,” ininiä uasaaki himarotari Erekari Matamatakoti !auari iuamoni. Kâkiti säpiretiniäi hite: “Apiananiri itxaua Xesosi,” ininiä uasaaki himarotari Erekari Matamatakoti auapıtika iuamoni, kotxi ikara iua oerekakiti.

⁴ Erekari Matamatakoti siäkiti ikini sereti aua, iuaritika Erekari Matamatakoti ätinoka aua. ⁵ İkini sereti parıkatxi Teoso İkapani aua, iuaritika Apiananiri ätinoka aua. ⁶ İkini sereti Teoso kamakiti aua kâkiti İkapani, iuaritika Teoso ätinoka aua.

⁷ Erekari Matamatakoti iuaka oerekaua kâkitimoni, ikinimane ereka inini İkapani. ⁸ İua Erekari Matamatakoti sikari apanakinimoni isäkire kiıkiterini ininiuana İkapani. İua Erekari Matamatakoti sikari apanakinimoni isäkire kimarorerini ininiuana İkapani. ⁹ İua sikari apanakinimoni Teoso säkire iteene auikinina İkapani. İsikari apanakinimoni amıanatakani imakananıtınina İkapani. Erekari Matamatakoti ätinoka aua, iuaritika ikini sereti isika kâkitimoni. ¹⁰ Apanakini isikaposotiireta posotiıretxi ikaminina İkapani. Apanakini isikaimaroreta Teoso säkire isäpiretinina İkapani. Apanakini isikaimaroreta Erekari Matamatakoti säkirauatakasaaki imarotınina İkapani, maerekati matamatakoti säkirauatakasaaki imarotınina İkapani apaka. Apanakini isikaimaroreta ikini sereti kâkiti säkire isäkiretinina. Apanakini isikaimaroreta ikara säkiretxi mimarotakoti ikenakotakasaakina, isäpiretinirina iua kenakotakani ninoo säkireë ninoo apaka imarotıniri İkapani. ¹¹ Ätinoka Erekari Matamatakoti aua. İuanokara parıkauata ikara atoko. İsikari ikara isikakiti kâkitimoni inireëkiti iaöka.

Kristo İto Pirena

¹² Kâkiti İto ätinoka aua, iuaritika aua ikii, ikanoke, iuako, itapike, ikiti, txaäpota. İtori ikara atoko inakari aua İtotxiä, iuaritika ätinoka İtotxi aua. İua atokokana itxa Kristo İto. Xesosi säkire auıäkani Kristo İto atoko itxauana. ¹³ Atxiıti Xoteoakori atxaua. Atxiıti Xoteo minakanıua atxaua. Atxiıti nitıritxi amotakoni atxaua. Atxiıti nitıritxi minakatıua atxaua. İuaritika ätika İtotxi atoko atxaua, kotxi Erekari Matamatakoti ätinoka inakari apoka atemoni. İua apotiıtaua ätika İtotxi atoko anini İkapani. İua aua aäkixinireë.

¹⁴ Kâkiti İto ätinoka aua, iuaritika aua ikii, ikanoke, iuako, itapike, ikiti, txaäpota. İtotxiä kaiäopokori aua. ¹⁵ İniniä ! apakata kiıtxi säpiretiniä: “Uakötxi ! nitxaua, ininiä İtotxiä auakari !nitxaua.” İkara atoko isäpiretiniä, iuaritika İtotxiä auakaripıtıkara kiıtxi. ¹⁶ Kenakokitxi säpiretiniäri: “Okıtxi !nitxaua, ininiä İtotxiä auakari !nitxaua.” İkara atoko isäpiretiniä, iuaritika İtotxiä auakaripıtıkara kenakokitxi. ¹⁷ İtotxi okıtxinoka auiniä, kanatokopa itxa kâkiti kenakorauatini? İtotxi kenakokitxinoka auiniä, kanatokopa itxa kâkiti imixikarauatini? ¹⁸ Teoso kamari ikınika İtotxiä auakari. İua inireëkiti iaöka ikaminana ninoo. ¹⁹ Ätinoka İtotxi auakiti auiniä, İtotxi ! auari. ²⁰ İtotxiä auakani itori aua, iuaritika İtotxi ätinoka aua.

²¹ Okıtxi kona posotari isäpiretiniri uakötxi: “Kona nota nirekai pite.” Apaka kiıtxi kona posotari isäpiretiniri kiıtxi: “Kona nota nirekai pite.” ²² Kona ikara atoko itxa. Atxiıti auäkatarı äti aıto auakari !itxa, kotxi !kataparari, iuaritika ikara mauakanıä, aıto ! iparıkauata atäo. ²³ Kâkiti İtretiari İtoä auakari poiäori kâkiti atamatakiti. İpatari apanakini

ītoā auakari kākiti matamatakani īkapani. ²⁴ Aītoā auakari apiata apotxitakiti aua apaka. Kona apatari ikara. Apanakini aītoā auakari Teoso takari aītoā iteene apaxitini īkapani. ²⁵ Ininiā Teoso kamari ītotxi ātinoka inini. Ikamari ītotxiā auakani itiretakakiniuana īkapani. Apanakini ītotxiā auakari naiatiniāri apanakini ītoā auakari, lapakata. ²⁶ Āti ītotxiā auakari tsiika. Iuasaaki ikinika kākiti īto atatsiuruata. Āti ītotxiā auakari iuikaāka, ininiā ikinika ītotxi auakini poxokoniuaata.

²⁷ Kristo īto atoko hītxaua hīte. Ītotxiā auakani atoko hītxaua Kristo ītoā. ²⁸ Teoso sākire auīākani ītotxiā auakani atoko itxauana. Ikini sereti parīkatxi aua ītotxi īkapani akamini īkapani. Merepanika Teoso mereēri iua iokanatakini. Eereka imereēri kākiti Teoso sākire sāpiretakani. Eereka imereēri kākiti Teoso sākire oereēkani. Eereka imereēri kākiti Teoso posotiire oereēkani, amianatakani makananitakani, kākiti moianatakani, auīetxiakori, kākiti sākire apanakini mimarotakiniti sākiretakani pakini. Teoso takari ikara atoko inakani parīkauatakani iua sākire auīākani imoianatinina īkapani. ²⁹ Kona ikinimaneni Teoso iokanatakini txaua. Kona ikinimaneni Teoso sākire sāpiretakani txaua. Kona ikinimaneni Teoso posotiire oereēkani txaua. ³⁰ Kona ikinimaneni amianatakani makananitakani txaua. Kona ikinimaneni imarotari isākiretiniri kākiti sākire apanakini mimarotakiniti. Ikinimane liposotari isāpiretiniri ikara sākiretxi iua kenakotakanimoni ninoa sākireē ninoa apaka imarotini īkapani. ³¹ Auapitika ikara Erekari Matamatakoti sikakiti aparīkauatini īkapani. Iuaritika hinirekariko isikakiti apiaerekatakari. Uatxa noerekaiko isikakiti apiaerekatakari.

13

Tiraōkitxi Pirena

¹ Atxiīti nimarotari ikini uāka sākire nisākiretini. Atxiīti nimarotari Teoso nitiriakori iaxitiki sākire nisākiretini, txamari iuasaaki nitiraōkiuatini !uari, ininiā !apakata nimarore. Metao āsokiko ene atoko nitxa. Ipi panera tore āsokiko ene atoko nitxa. ² Atxiīti nimarotari Teoso sākire nisāpiretini. Atxiīti nimarotari ikinipoko apanakini mimarotakiniti. Atxiīti ikinipoko imaroretxi aua notamoni. Atxiīti iteene nauikari Teoso posotiire, ininiā niposotari ōtanoxiratarī nipaniātini ātiātaā isini. Txamari iuasaaki nitiraōkiuatini !uari, ininiā minakati nitxaua. ³ Atxiīti nisikari ikinipoko nitii, nitxineirote pakini matxineirotenimoni. Atxiīti nauiritari niito arikiko. Txamari iuasaaki nitiraōkiuatini !uari, ininiā !apakata.

⁴ Pitiraōkiuatakasaaki, piposotari piātapiniri pinirekakiti apokini. Pitiraōkiuatakasaaki, pikamari erekari ātimoni. Pitiraōkiuatakasaaki, kona pixikotari āti. Pitiraōkiuatakasaaki, kona pisāpiretari apanakini piuikiniri pikamakiti. Pitiraōkiuatakasaaki, !piuikaua. ⁵ Pitiraōkiuatakasaaki, kona pitxīkitakari āti pētauatini. Pitiraōkiuatakasaaki, kona pinirekari piteka nireēkitinani. Pitiraōkiuatakasaaki, !katimari pomanākarauatini. Pitiraōkiuatakasaaki, !pixinikapinikari maerekati apanakini kamakiti pitemoni. ⁶ Pitiraōkiuatakasaaki, kona pipoxokoniuaata āti kamakasaakiri maerekati. Pitiraōkiuatakasaaki, pipoxokoniuaata atāo inakari pikenakotakasaaki. ⁷ Pitiraōkiuatakasaaki, pimīteenekari ikinipoko. Pitiraōkiuatakasaaki, pauikari kākiti sākire. Pitiraōkiuatakasaaki, pauikari kākiti kamaenetakiti ikamini. Pitiraōkiuatakasaaki, !katimari pitakanpiniri piparīka pikamini. ⁸ Tiraōkitxi !ixipoka. Txamari kākiti sāpiretakiti xipokapitikako. Kākiti sākiretiniri āti uāka sākire xipokapitikako. Kākiti imarore ereēkokapitikako. ⁹ Kotxi poiāonoka aimarore. Poiāonoka Teoso sākire aimarota asāpiretini. ¹⁰ Āti ōti aimarotari ikinipoko atāo inakari. Iuasaaki atāo minakati !auaika. ¹¹ Amarini ninakasaakiuua, nisākirauata amarini sākirauatini atokokana. Iuasaaki nimarotakiti amarini imarotakiti atoko itxa. Nixinikakiti amarini xinikakiti atoko itxa iuasaaki. Txamari kikipe ninakasaakiuua, !ninarekaikari amarini atokokana nininiua. ¹² Uatxa aātamatakiti Teoso oerekakiti !aposota iteene aātamatini. Ātakaāri katxikoroā atamatakori atoko itxa aātamatakiti, Teoso oerekakiti. Āti ōti Teoso apisatoō aāpoka. Uatxa poiāonoka nimarota. Āti ōti Teoso apisatoō aāpokasaaki, nimarotari ikinipoko, Teoso imarotininino atokokana.

¹³ Ininiā aua ipi āti pakini erekari aākixinireē auakari. Aua Teoso sākire auikiko. Aua Teoso kamaenetakiti ikamini auikiko. Aua tiraōkitxi. Ikara tiraōkitxi apiaerekatakari.

14

Erekari Matamatakoti Siākiti

¹ Ininiā ikiniōtika hītiraōkiuatako. Hinirekariko Erekari Matamatakoti siākiti. Apiata hinirekariko iua sikini Teoso iokanapirena hīsāpiretini. ² Kākiti sākire mimarotakoti sākiretakari misākiretari Teoso. !Misākiretari kākiti, kotxi kākiti !imarotari isākire. Erekari Matamatakoti posotiireē isāpiretari atāo inakari Teoso oerekakiti. ³ Teoso sākire

săpiretakaripekana misăkiretari kăkiti. Iua txîkitakari kăkiti apiata auikiniri Teoso săkire. Isikataparaxiniretana ninoa. Imîkapiritari ninoa âkixinire. ⁴ Kăkiti săkire mimarotakoti săkiretakari, iuaka txîkitakaua apiata auikiniri Teoso săkire. Teoso săkire săpiretakaripekana, txîkitakari ikinika Xesosi săkire auîăkani apiata auikinirina Teoso săkire. ⁵ Erekarî hîte hîkinika săkiretiniri kăkiti săkire mimarotakoti. Iuaritika apiaerekata hîsăpiretiniri Teoso săkire, kotxi Teoso săkire săpiretakari apiari itxaua. Kăkiti săkire mimarotakoti săkiretakari poiăori itxaua. Iua săpiretiniări isăkire kenakotakani ninoa săkireê ninoa apaka imarotiniri İkapani, iuasaaki erekari, kotxi iuasaaki itxîkitakari Xesosi săkire auîăkani apiata auikiniri Teoso săkire. ⁶ Hîtemoni napokasaaki, nisăkiretiniări kăkiti săkire mimarotakoti, nitxîkitakatai hîte apiata hăuikiniri Teoso săkire? Konapitini. Ininiă kona itxa. Noerekiniăi Teoso oereêkiti notamoni, nisăpiretiniăi Teoso imarore, nisăpiretiniăi Teoso săkire, noerekiniăi Teoso săkire atăo hăuikini İkapani, iuasaaki nitxîkitakatai hîte apiata hăuikiniri Teoso săkire. ⁷ Maxinikari xikari moianatakari atxiiti viorăo, atxiiti xăkakori pakini. Kăkiti mimatireni kaminiări ikara, iuasaaki xikari atăo inakari !imarotaăka. Ienenoka aua.

⁸ Ătıpekana noerekai. Trăpeta ene atăo ininiă, sotatoakori kenakotakasaakiri, aiamatana ineenamautini İkapani. Trăpeta ene na atăo ininiă, sotatoakori !imarotari neenamatzı manapıe inini.

⁹ Iua atokokana kăkiti săkire imarotakiti himasăkiretakaniă, kiriăpa ninoa imarotari hîsăpiretakiti? Ikara atoko hîsăkırıuatiniă, maxikatııka hîsăkırıuata. ¹⁰ İtori uăkati săkire aua ikini itixiti. Apakata ikinika imarotiko. ¹¹ Kăkiti săkire nimimarotakaniă, ininiă notamoni iua âti tixinikiri atoko itxa. Apaka iuamoni nota âti tixinikiri atoko nitxa. ¹² Hîte iteene nirekari Erekarî Matamatakoti siăkiti hăpakapini, ininiă apiata hinirekariko isikini isikakiti Teoso săkire auîăkani iua săkire iteene auikinina İkapani.

¹³ İkara atoko ininiă, erekari kăkiti săkire mimarotakoti săkiretakari amanainiri Teoso isikaimaroretiniri iua săpiretiniri isăkire kenakotakani ninoa săkireê ninoa apaka imarotiniri İkapani. ¹⁴ Teoso nimisăkiretiniă kăkiti săkire mimarotakotiă, nixinire misăkiretari Teoso, txamari ! nımarotari notaka săkire. ¹⁵ Ininiă kipa atăo nikamini? Ia atăo: Nımisăkiretari Teoso nixinireê. Apaka nimisăkiretari Teoso niıkiteê. Nıxıkarauata nixinireê. Apaka nıxıkarauata niıkiteê. ¹⁶ Kăkiti săkire mimarotakotiă hîsăpiretiniări Teoso ereka inini, kăkiti ereê pisăkire mimarotakani sauaki, !ıposotari “atăopitikara” inini, kotxi ! imarotari pisăpiretakiti. ¹⁷ Atxiiti atăo hîsăpiretiniri Teoso ereka inini, txamari iuasaaki kona pitxîkitakari iua kăkiti apiata auikiniri Teoso săkire.

¹⁸ Peerekari Teoso, kotxi apiata isikaimaroretano nota nimisăkiretiniri iua kăkiti săkire mimarotakotiă. Poiăonoka hîte imarotari kăkiti săkire mimarotakotiă himisăkiretiniri iua. ¹⁹ Iuaritika, Xesosi săkire auîăkanikata nauakasaaki, apiaerekata nisăpiretinina sîkonoka săkiretxi ninoaka săkireê, kotxi apakata ninoa imarotiniri nisăkire. Nıposotiniări sîko mio săkiretxi kăkiti săkire mimarotakotiă nisăpiretiniri kăkiti, itori nisăkire, iuaritika maxikatııka nisăkırıuata, kotxi kăkiti limarotari.

²⁰ Nitariakori, !apakata himarore amarini xapitikiri imarore atokokana inini. Iuaritika amarini xapitikiri makamakaniri maerekati âtimoni, iua atokotxıkana amarini xapitikiri atoko İhıkamapiri maerekati âtimoni. Aneekari imarore atoko itxako hîte imarore. ²¹ Teoso săkire iăkatsopatakori txari:

Niokanatari âti uăka hîtemoni, hîte nimisăkiretini İkapani. Ăti tixinikini săkireê nimisăkiretai hîte. Iuaritika kona hîkıpitari nisăkire, itxa Apiananiri.

²² Ininiă Teoso săkire auîăkari săkiretiniări Teoso săkire mauîăkani săkire, iua mimarotakiniti, Teoso săkire mauîăkani iuasaaki imarotari Teoso posotiire. Teoso săkire auîăkari săpiretiniări Teoso săkire apanakini Teoso săkire auîăkanimoni, ninoa iuasaaki imarotari Teoso posotiire. ²³ Teoso săkire auîăkani apotiitiniăua, ikinimane săkiretiniări kăkiti săkire mimarotakotinani, iuasaaki kăkiti Teoso săkire poiăopanika imarotakari İroiiniă, Teoso săkire mauîăkati atxiiti İroiiniă, ininiă iua uăkakai hîte mapitxiritakani hininiua.

²⁴ Txamari ikinimane săpiretiniări Teoso săkire iuasaaki, Teoso săkire mauîăkati İroiiniă, kăkiti Teoso săkire poiăopanika imarotakari İroiiniă, ininiă iua imarotari maerekati kamakari ininiua. Iuasaaki imarotari imisiritiko auapitika âti ôti. ²⁵ Iuasaaki ikinimane imarotari iua xinikakiti âkixinireê. Ininiă iuasaaki ikapotoreekaua Teoso apisatoô. Itxari: “Atăopitikara Teoso aua hîte sauaki,” itxa.

Kăkiti Apotiitakasaakıua Teoso Apisatoô

²⁶ Nitariakori, kanatokopa itxa Teoso săkire auîăkani apotiitakasaakıua? Aăpotiitakasaakıua, akınika aminari xikari Teoso İkapani. Akınika iposope Teoso săkire aăerekini atăo aimarotini İkapani. Akınika iposope Teoso oerekakiti asăpiretini. Akınika iposope kăkiti săkire mimarotakoti asăkiretini. Akınika iposope iua săpiretakiti asăpiretini

ikinimane imarotiniri ikapani. Ikara atoko itxa aãpotiitakasaakiua Teoso apisatoõ. Iuasaaki makamari ikinika, Teoso sãkire Teoso nakitiakori apiata auikini ikapani. ²⁷ Iuasaaki kãkiti sãkiretiniaãri kãkiti sãkire mimarotakoti, ipinoka kãkiti kamari ikara atoko inakari, atxiiti ipi ãti pakini kamari ikara atoko inakari. !Apakata apikomoni kãkiti sãkiretiniri kãkiti sãkire mimarotakoti iuasaaki. ãti sãkirauatakasaaki, apanakini kenakotari. ãtinoka sãkirauata iuasaaki. Isãkirauataka atoko, ãti sãpiretari isãpiretakiti isãkire mimarotakani sãkireẽ, isãpiretakiti imarotinina ikapani. ²⁸ Iuasaaki isãkire sãpiretakari mauakanã, !apakata kãkiti sãkire mimarotakoti sãkiretakari sãkirauatini. Erekarã ãkixinireẽ isãkirauatini Teosokata.

²⁹ Kãkiti apotiitakasaakiua Teoso apisatoõ, iuasaaki ipi, atxiiti ipi ãti pakini Teoso sãkire sãpiretakani sãpiretariko Teoso sãkire. Iuasaaki apanakini xinikariko iua sãpiretakiti, atão inini imarotini ikapani. ³⁰ Topãkakari xinikasaakiri apikomoni Teoso oerekakiti, ininiã iuasaaki sãkirauatakari iotoka, Teoso oerekakiti topãkakari sãpiretini ikapani. ³¹ Ikara atoko ininiã ikinimane posotari Teoso sãkire isãpiretinina. Teoso sãkire sãpiretakani ãti sãkirauata, eereka ãti sãkirauata. Ikara atoko itxaãpotana. Ininiã ikinimane oerekaãkako. Ikinimane sikataparaxiniretaãkako. ³² Teoso sãkire sãpiretakani posotari iãtapiniri Teoso oerekakiti isãpiretini ikapani. ³³ Kotxi Teoso kona potxitari ienenoka auini. !Apakata kaiãopokori sãkirauatini, kotxi apanakini !imarotari ninoo sãpiretakiti. Neenamatiã atoko itxa. Teoso nirekari inakitiakori kamakiti atão inini apotiitakasaakiua iua apisatoõ.

³⁴ !Apakata sito sãkirauatini hãpotiitakasaakiua Teoso apisatoõ. !Auiritaãka osãkirauatini iuasaaki, kotxi Teoso sãkire iõkatsopatakori paniãtaro sito kaminiri kiki paniãtakiti. ³⁵ Ninoo nirekiniaãri ipimarauatinina imimarotakinini imarotinina ikapani, ininiã ninoo pimaãna itanirina aapokona apokasaakina. Sito sãkirauatiniã kãkiti apotiitakasaakiua Teoso apisatoõ, kãkiti pãtauata oa sãkirauatini xika.

³⁶ Hite kona apokaerekatari nisãpiretakiti? Atxiiti hite kamari Teoso sãkire? Konapitini. Atxiiti Teoso sãkire iokanataãka hitenanimoni? Konapitini.

³⁷ Teoso sãkire sãpiretakani hininiãua, Erekarã Matamatakoti siãkiti auiniã, ininiã iuasaaki himarotari ikara nisãkire niõkatsopatakiti Apiananiri paniãtakiti inini. Hīsãpiretariko hãuikiniri ikara. ³⁸ Himamaãkatakaniãri ikara nisãkire, apanakini limaãkatari hite sãkire.

³⁹ Ininiã nitariakori, iteene hinirekariko Teoso sãkire hīsãpiretini. Apaka hãuiritariko kãkiti sãkire mimarotakoti sãkiretiko. ⁴⁰ Ininiã hãkamariko ikinika atão hãpotiitakasaakiua Teoso apisatoõ, Teoso sãkire ikinimane kenakotini ikapani.

15

Xesosi Õkitikiniua Pirena

¹ Nitariakori, uatxa iuaãkana nirekari hite xinikiniri Teoso iokanapirena erekarã hitemoni nisãpiretakiti. Hite apakapapekari ikara nisãpiretakiti. Hite iteene auikari ikara.

² Ikara Teoso iokanapirena erekarã oerekai himaerekani makatxakiko. Ininiã atão hãxinikariko ikara nisãpiretakiti. Itene hãuikiniaãri Teoso iokanapirena erekarã, himaerekani makatxakaãka. Atão minakati hãuikiniaã, ininiã maxikatitika hãuikari.

³ Nisãpiretipekai mitxi nota apakapakiti, kotxi ia himimarotakanã !apakata. Ia napakapakiti: Kristo ipina amaerekani imakatxakini ikapani. Teoso sãkire iõkatsopatakori sãpiretaua ikara. ⁴ Eereka ikataãka. Ipi õti, ãti õtisaaki iuaãkana õkitikaua. Teoso sãkire iõkatsopatakori sãpiretaua ikara. ⁵ Eereka Petro atamatari iua. Eereka ikinika Kristo moianariakori atamatari iua. ⁶ Eereka kiẽtosi ãtariakori atamatari iua ãti õti apotiitakasaakiuana. Kaiãopanikani ninoo auapanika. ãtikaka ipiẽ. ⁷ Eereka Txiako atamatari iua. Eereka ikinika Xesosi iokanatakini atamatari iua. ⁸ Imapotõkire nota apaka atamatari iua. ! Natamatari Xesosi iõrapokoriti itipokotakasaaki. Eereka iua apoka notamoni.

⁹ Xesosi iokanatakiti poiãori nitxaua. Apanakini iua iokanatakini apiata. Mitxi ! erekarã nikamakiti, kotxi nimisiritana Xesosi sãkire auiaãkani Teoso nakitiakori, iuaritika Xesosi akiritano iua iokanatakiti nininiua. ¹⁰ Teoso sikari ikinipoko erekarã notamoni, ininiãkara iua iokanatakiti kãkitimoni nitxaua. Kona maxikatitiani sikari ikinipoko erekarã notamoni, kotxi iteene nipaãkauata Teoso ikapani. Apanakini Xesosi iokanatakini iteene paãkauata, iuaritika nota paãkauata apiata. Kona nota posotiireẽni nipaãkauata. Ikinipoko erekarã Teoso sikakiti notamoni sikaposotiiretano nota nipaãkauatini ikapani. ¹¹ Atxiiti nota sãpiretai ikara Kristo sãpiretakiti. Atxiiti apanakini iua iokanatakini sãpiretai. Ikara Kristo sãpiretakiti ate sãpiretai. Ikara Kristo sãpiretakiti hite auika.

Ipikani Õkitikiko Pirena

¹² Ate sãpiretai Kristo iuaãkana õkitikiniua. Ininiã kinirepa ãtikaka hite txari ia? “!Auari ipikani iuaãkana õkitikiniua,” hitxa. ¹³ Ipikani iuaãkana õkitikiniua mauakanã, ininiã Kristo apaka kona õkitikaua. ¹⁴ Kristo mõkitikaniãua, ininiã maxikatitika asãpiretai iua sãkire. Kristo mõkitikaniãua, maxikatitika hãuikari iua sãkire. ¹⁵ Kristo mõkitikaniãua, na atão

asâpiretai Teoso kamakiti, kotxi ate sâpiretapekai iua ôkitikiniiri Kristo. Ipîkani iuaîkana ôkitikiko mauakaniâ, Teoso kona ôkitikari Kristo. ¹⁶ Kotxi ipîkani iuaîkana môkitikakaniâua, Kristo apaka kona ôkitikaua. ¹⁷ Kristo iuaîkana môkitikakaniâua, maxikatîika hâuikari iua sâkire, kotxi ! imakatzakari himaerekani. ¹⁸ Kristo iuaîkana môkitikakaniâua, ipîkani iua sâkire auîâkani pîpinanaka. ¹⁹ Xesosi môkitikakaniâua, iuaritika ikiniôtika ate auikari iua sâkire îkoraporiti aâuakasaaki, ininiâ mîlkiteni apiarini atxaua ate.

²⁰ Ikara na atâo. Uatxa maxinikari atâo inakari. Kristo ipîkaripeka ôkitikapeêkaika. Iua amâtiiri merepitipanika auakari atoko itxa. Iua merepanika ôkitikaua, ininiâkara aimarotari apîkasaaki ate apaka ôkitikaua. ²¹ Âti kiki kamakitiâ ipîkitxi apoka ikinimanemoni. Iua atokokana âti kiki kamakitiâ, ipîkani ôkitikiko apoka. ²² Adâo kamakitiâ ikinimane ipina. Kristo kamakitiâ iua sâkire auîâkani auapininiika âtipirika. ²³ Kâkiti ôkitikaâka ia atoko. Kristo mitxi ôkitikaua. Iua merepanika ôkitikakariua. Ikanapiriâkasaaki iua nakitiakori ôkitikauako apaka. ²⁴ Eereka itixi xîpokaâka. Iuasaaki ikinika auîtetxi maerekati, ikinika kaposotiireri maerekati pakini xîpokako. Eereka ikinika iua nakitiakori isika iri Teosomoni. ²⁵ Kristo ikinimane auîte itxauako. Iuasaaki îxîpokari ikinika imokaiakari posotiire, kotxi ikiti patapi itakana ninoa. ²⁶ Imokaiakari atoko itxa ipîkitxi. Imokaiakariakori îxîpokasaaki, imapotôkire îxîpokari ipîkitxi. ²⁷ Teoso sâkire îokatsopatakori txari:

Teoso takapekari ikinika iua kiti patapi.

Ikara Teoso sâkireê “îkinika” aua, iuaritika aimarotari iuaka ! itakaua Xesosi kiti patapi, kotxi Teosora txîkitakari Xesosi ikinimane auîte ininiua. ²⁸ Kristo ikinimane auîte inakasaakiaua, iua Teoso âkiri auîtetariko Teoso, kotxi mitxi Teoso txîkitakari iua ikinimane auîte ininiua. Iuasaaki Teosonoka ikinimane auîte itxaua.

²⁹ Ipîkani môkitikakaniâua, kinirepa apanakini patxisataâka ipîkani ôkitikiniua îkapani?

³⁰ Atepekana, ipîkani môkitikakaniâua, kinirepa ikiniôtika amîteenekari monôkori?

³¹ Nitariakori, nimarotari ipîkitxi monôkori ikiniôtika. Ikara nisâpiretai, kotxi niuikai hîte. Niuikari aâuini aâuîte Kristo Xesosikata. ³² Uai Êpeso sitatxitiâ kâkiti âkiti kaneenamari atoko inakani nirekari imâikini nota. Ipîkani môkitikakaniâua, kinirepa nimîteenekari ikara atoko inakari? Ipîkani môkitikakaniâua, ininiâ atxari:

Manipokota, maiâta, kotxi katana apinako.

³³ Kona hâuiritapiri âti misirienetini. Kâkiti erekari moianatiniâri maerekati kamakani, ninoa txîkitakari iua maerekati kamakari ininiua. ³⁴ Himerekako. Himarotariko atâo inakari hikamini îkapani. Maerekati ! hikamapinikako. Hipêtauatoko, kotxi apanakini hîte ! imarotari Teoso.

Kâkiti Îto Ôkitikasaakiaua

³⁵ Atxiiti âti txari: “Kanatokopa itxa kâkiti ôkitikiko? Iuasaaki kanatokopa inakaripa îto?” itxa. ³⁶ !Kiikiteri kâkiti pimarauatini ikara atoko. Takariki, pimatakakaniâri kipatxi âki !ipitxaka. ³⁷ Pitakarauatakasaaki, pitakari okinoka, atxiiti triko, atxiiti kimi. Takari aneêkari kona pitaka. Kona takariki atokoni itxa takari ipitxakasaaki. Ipitxere ipinimoni. ³⁸ Teoso kamari takari pitxere inireêkiti iaôka. Ikini takariki Teoso sikari ipitxere. ³⁹ Âti xinitxi kona âti xinitxi atokoni. Aua kâkiti xini. Kaxipirini xini ipinimoni itxa. Kotipiriki xini ipinimoni itxa. Ximaki xini ipinimoni itxa.

⁴⁰ Aua iaxiti apiko nopinixiti auakani, aua itixi takote auakani apaka. Peereri ikinipoko, iuaritika iaxiti apiko nopinixiti auakani ipinimoni, itixi takote auakani ipinimoni. ⁴¹ Peereri atokatxi. Peereri kasiri apaka, txamari kasiri âtiâo. Peereri îoriki apaka, txamari îoriki âtiâo. Apaka âti îoriki âti îoriki atokotxikana !auari.

⁴² Iua atokokana itxa ipîkani iuaîkana ôkitikikosaaki. Îtotxi îxiti taâkari ! auaiika. Iua ôkitikakori kona ipinaika. ⁴³ Îtotxi katikosaaki, ! erekari. Îtotxi iuaîkana ôkitikikosaaki, peerekari. Îtotxi katikosaaki ! kataparari. Iuaîkana ôkitikikosaaki, kataparari. ⁴⁴ Aîto katikosaaki, aîto itixi auakani îto atokotxikana. Aîto iuaîkana ôkitikikosaaki âtiâo aîto. Îtotxi îkoraporiti aâuini îkapani aua. Apaka aua îtotxi ipinimoni, Teoso sikakiti apîkasaaki. Ikara îtotxi îpina. ⁴⁵ Teoso sâkire îokatsopatakori txari:

Teoso txîkitakari kiki merepitipanika auakari Adâo inakori auâki inini.

Adâo imatonôkari auakari, Kristo inakori, txîkitakari kâkiti auâki inini, apaka imapinakani îkapani.

⁴⁶ Teoso nireêkiti axinikini kona apoka merepanika. Merepanika axinikari ateka nireêkiti, eereka axinikari Teoso nireêkiti. ⁴⁷ Kiki merepitipanika auakari kipatxi kamakori itxaua. Âti kiki Apiananiri, Teoso tixinekiri iua. ⁴⁸ Ikinimane kâkiti itixi auakani, iua Adâo kipatxi kamakori atokokana. Ikinimane kâkiti Teoso tixine sikani, Kristo Teoso tixinekiri atokokana. ⁴⁹ Aponaniâkasaaki, kipatxi kamakori aîto, Adâo îto atokokana itxa aîto. Iua atokokana Teoso tixinekiri îto, Kristo îto atokokana itxako aîto.

⁵⁰ Nitariakori, nisâpiretai hîte, ! apakata kâkiti îto, iarêka pakini sini Teoso auîtetxi ininiâtaâua. Ipinakari kona auapininiika ! itxa. ⁵¹ Hîkenakotariko nisâkire. Nisâpiretaiko kâkiti mimarotakiniti mitxi. Kona ikinimaneni ipina. Iuaritika amakinika txîkitakaâka ipinipo aniniua. ⁵² Iuasaaki imapotôkire trôpetakero xôkaâka. Iuasaaki mêkokari katimari atoko itxa. Poki katimari matâkaâtini atoko itxa. Amakinika katimaritika txîkitakaâka ipinipo aniniua. Iua trôpeta xôkikosaaki, iuasaaki ipîkani ôkitikaâka. Kona ipinaikanako. Iuasaaki atxîkitakaâka ipinipo aniniua. ⁵³ Kotxi arakakani txîkitakaâkako miarakakani ininiua. Ipîkani txîkitakaâkako mipîkani ininiua. ⁵⁴ Arakakani txîkitakikosaaki miarakakani ininiua, apaka ipîkani txîkitakikosaaki mipîkani ininiua, iuasaaki Teoso sâkire iôkatsopatakori apopeka. Ia atoko itxa Teoso sâkire kitxakapirîka:

Ipîkitxi xipokaâkako. Auape kâiatakari, ipîkitxi xipokakari.

⁵⁵ Ipîkitxi tsiî !auaika. Maerekani misiritikoâtaâ anikakari kona kâiata.

⁵⁶ Ipîkitxi tsiî mitxi aua amaerekani xika. Teoso paniâtakiti iôkatsopatakori oereka amaerekani. Teoso paniâtakiti iôkatsopatakori mauakaniâ, !auari kâkiti misiritiko. Txamari maerekanitxi tapara aua, kotxi Teoso paniâtakiti iôkatsopatakori auapitika. ⁵⁷ Erekapitikari Teoso, kotxi aâuîte Xesosi Kristo txîkitakaua akâiatini.

⁵⁸ Ikara atoko ininiâ, nitariakori nota tiretakini, kataparaxinire hîtxako. Kona hâuiritapiri apanakini txîkitakinii maerekati hîkamini. Hîparîkauatako ikiniôtika Apiananiri îkapani, kotxi himarotari maxikatîka !hîparîkauata iua îkapani. Hîparîka îki hâpakapapitikako.

16

Txineiro Sikiko Xesosi Sâkire Auiâkani Îkapani

¹ Uatxa nisâpiretai txineiro himakatzakini Teoso nakitiakori îkapani. Hîkamariko Karâsia tixini auakani nipaniâtini atokotxikana. Nipaniâtana ninoa Teoso misâkiretikoâtaâ apotitakaniua ia atoko: ² Ikini Tomîko hîkinika hîte nîkataro txineiro ninoa îkapani. Txineiro Teoso siâkiti iaôka, hinîkataro ipixini ninoa îkapani. Ininiâ ereê napokasaaki apikomoni txineiro kona apotitiâka. ³ Napokasaaki ereê, niokanataro kâkiti, txineiro hîsikakito anikakani Xerosareêmoni. Hîsâpiretano hîokanatsopatakitiâ himereêkini hîtxineirote anikakani îkapani. ⁴ Atxîiti erekari nota sini apaka, ininiâ ninoa moianatano nota.

Paoro Paniâtakiti Pirena

⁵ Masetônia tixinimoni nisako, eereka napoka hîtemoni, kotxi nisapitikako Masetôniamoni. ⁶ Iuasaaki atxîiti nikaikota hîtekata. Atxîiti nikaikota mitaâsaaki hîtekata. Ininiâ eereka hîte posotari himoianatinino nota naiamatakasaaki apikoxiti nisini îkapani. ⁷ Kona ninirekari mapaôtinoka nikaikotini hîtekata uatxa. Apiananiri auringitiniâno, ninirekari apikomoni nikaikotini hîtekata. ⁸ Txamari nikaikota uai Épeso sitatxiti Pêtekôsiti kiiniriti manapi ôti. ⁹ Kotxi uatxa kaiâopokori kâkiti îkorapokoritauakani nirekari nisâpiretiniri Teoso iokanapirena erekari ninoamonî. Txamari kaiâopokori kâkiti linirekano.

¹⁰ Atxîiti Tximôtxio sari hîtemoni, ininiâ hâpakapariko iua, imapîkarauatakani îkapani hîte sauaki, kotxi iua parîkauata Apiananiri îkapani nota parîkauatini atokokana. ¹¹ Ininiâ kona apakata kâkiti mamaâkakanirî iua. Ikanapiriâkasaaki notamoni, iuasaaki hîokanataro iua erekaxinire inini. Niâtapari iua aîtariakorikata.

¹² Iteene ninirekari aîtari Aporo apokini hîtemoni aîtariakorikata. Txamari uatxa linirekari isini hîtemoni, iuaritika iposotakasaaki isapitikako hîtemoni.

¹³ Araôkire hîtxako. Iteene hâuiakariko Teoso sâkire. Hîtaparaxinireritika hâuako. Hîtapararitika hâuako Teoso îkapani. ¹⁴ Xesosi tiraôkiâ ikinipoko hîkamako.

¹⁵ Hîte imarotari Esitépana, inirimane pakini. Ninoa Akaia tixini auakani. Iuaâtaâ ninoa merepitipanika auikari Xesosi sâkire. Ninoa iteene parîkauata Teoso nakitiakori îkapani. Nitariakori, iteene nipaniâtai hîte. ¹⁶ Hîkamariko kâkiti ikara atoko inakani paniâtakiti. Hîkamariko ikinimane amoianari paniâtakiti, atekata parîkauatakani paniâtakiti. ¹⁷ Esitépana, Potonato, Akaiko pakini apokasaaki uai, nipoxokoniua, kotxi iminarina notamoni mauakati hîte masîkakiniti. ¹⁸ Ninoa sipapoxokonitari nâkixinire, hîte âkixinire apaka. Erekarî ate iuikinirî kâkiti ikara atoko inakani.

¹⁹ Teoso misâkiretikoâtaâ apotiitakaniua Ásia tixini auakani xinikamanapitai hîte. Ákira inakori, Pirisira inakoro pakini iteene xinikamanapitai hîte, kotxi Apiananiri nakiti hîtxaua. Apaka Xesosi sâkire auiâkani ninoa aapoko apotiitakaniua xinikamanapitai hîte. ²⁰ Ikinimane aîtariakori uai auakani xinikamanapitai hîte. Haôkitakakasaakia, himaratakauako, kotxi Teoso nakitiakori hîtxaua.

²¹ Nota Paoro iôkatsopataro ia nitakapiretanapini niuakoâ. ²² Kâkiti matiretakaniâri Apiananiri Xesosi Kristo, maerekati takaâka iua nopini.

“Apiananiri, uai pina atemoni,” atxari Xesosi.

²³ Apiananiri Xesosi Kristo sikari ikinipoko erekari hītemoni. ²⁴ Nitiretai hīte hīkinika, kotxi Kristo Xesosi nakitiakori atxaua. Ameē.

2 KORĪTO Paoro Iokanatsopatakiti Iuaīkana Korīto Auakanimoni

¹ Nota Paoro, Xesosi Kristo iokanatakimoto. Teoso nirekari iokanatinino kākitimoni isākire nisāpiretini ikapani. Ia aātsopa niōkatsopata. Aītari Tximótxio aua notakata. Ia iōkatsopari niokanata kākiti Teoso mereēkinimoni, Korīto sitatxiti auakanimoni. Apaka ia iōkatsopari niokanata kākiti Teoso nakitiakorimoni, Akaia tixini auakanimoni. ² Aīri Teoso, Xesosi Kristo Apiananiri pakini sikari ikinipoko erekari hītemoni. Ikamaerekaxiniretai hīte.

Teoso Mīkapiritiniua Pirena

³ Peerekari Teoso. Aāuīte Xesosi Kristo iri itxaua. Kaamonīkareri iua. Āti kākiti amonīkakari iua atoko inakari ! auari. Amaerekaxinirensaaki, iua atekata aua. Amaerekaxinireni imaktxakināua. Iuasaaki imīkapiritāua. ⁴ Imīkapiritāua amaerekaxinirensaaki, ininiā apanakini maerekaxinirensaaki, iua atokotxikana ate mīkapiritana ninoa apaka, kotxi aimarotari Teoso mīkapiritiniua ate. ⁵ Kristo iteene misiritaāka, ininiā ate misiritaāka apaka. Iua atokokana Teoso moianatari Kristo, ininiā iua moianataua ate apaka. ⁶ Apanakini misiritaua, kotxi anirekari Teoso mīkapiritini hīte. Anirekari Teoso makatxakiniri himaerekani. Teoso mīkapiritāua ate, ininiā hīte apaka imīkapirita. Teoso mīkapiritakasaakii hīte, iskataparatai himisiritiko hīpoxokoniritika himīteenekini ikapani. Hīte misiritiko ate misiritiko atokokana. ⁷ Aimarotapitūkari erekari Teoso sikiini hīte, kotxi himisiritaāka ate misiritiko atokokana, ininiā Teoso mīkapiritai hīte, ate imīkapiritini atokokana.

⁸ Aītariakori, anirekari hīxinikiniri ate misiritiko Ásia tixini aūakasaaki. Iuasaaki iteene amaxikaāka. Kona amīteenekari. Auākatari aōkiko. ⁹ Iuasaaki aāxinireē atxa: “Apinapitakako,” atxa. Ikara atoko ininiā, aimarotari kona ate posotūre ! auari. Aimarotari Teosonoka sikataparataua, kotxi iua posotari ōkitikiniri ipīkari. ¹⁰ Pamonōkoniri iuasaaki, iuaritika Teoso makatxakaua amapinakanini ikapani. Iua makatxakapanikaua amapinakanini ikapani. Ate auikari iua sākire, iuaīkana imaktxakininiua tūkane. ¹¹ Hīte moianataua ate, kotxi himisākiretari Teoso ate ikapani. Ininiā Teoso kamari hamanaākiti iaōka, kotxi Teoso kamari erekari atemoni. Eereka kaiāopokori kākiti sāpiretari Teoso iua ereka inini, kotxi ikamari ninoa amanaākiti iaōka ate ikapani.

Paoro Masikani Korītomoni

¹² Ate poxokoniuata, kotxi ate kamari erekarinoka Teoso oerekakitinoka, kākitimoni, hītemoni apaka. Atāonoka anireka akamini kākitimoni. Aimarotari ikara aākixinireē, ininiā apoxokoniuata. Ikara atoko aūuini, kotxi ikinipoko erekari Teoso sikakiti sikataparataua. Kākiti imaroreē liposotari ikaminiri iua auini ereka inini, kotxi !kiūkiteri kākiti. ¹³ Hātatsopatakasaakiri aiōkatsopatakiti hītemoni, himarotari axinikakiti aākixinireē. Axinikakiti, asākire pakini ātinoka itxaua. ¹⁴ Hīte na iteene imarotapanikaua ate, iuaritika ninirekari hīuikininiua ate, Apiananiri Xesosi uai ikanapiriini ōtisaaki, ate iuikini atokotxikana.

¹⁵ Ikara nimarota, ininiā ninirekamari hītemoni nisini, ipikata hīpoxokoniuatini ikapani. ¹⁶ Masetōnia tixinimoni nisini apisapanika, ninirekamari hītemoni nisini. Eereka nikanapiriāksaaki uaimoni, ninirekamari hītemoni iuaīkana nisini, ininiā iuasaaki ninirekamari hīte iokanatinino nota Xotēia tōpamoni. Txamari na nisa. ¹⁷ Atxīiti hīte txano nota: “Pixinikasaakiri uai papokini, na iteene pinirekari uai papokini,” hītxano. Txamari ninirekapitūkari napokini hītemoni. Na nota xinikari Teoso sākire mauīkani xinikakiti atoko, kotxi ninoa sākire: “Ari, nisapitika,” txamari ākixinireē itxana: “Na nisapani,” itxana. ¹⁸ Nota sākire hītemoni ninamaā: “Ari nisapitika,” ninakasaaki, nākixinireē apaka txari: “Ari, nisapitika,” nitxa. Teoso atāonoka sākiraumatari imarotari ikara nisākire atāo inini. ¹⁹ Sīrasi inakori, Tximótxio inakori, nota pakini sāpiretapekai hīte Teoso ākiri, Xesosi Kristo sākire. Xesosi sākire inamaā auakari, isākire ākixinireē auakaritxikana isākireta. “Nikamapitūkariko,” inakasaaki, ākixinireē nirekapitūkari ikaminiri. Ikamari isākire iaōka. ²⁰ Teoso sikaenetakiti kākitimoni kaiāopokori aua. Iua Kristo sikaua ikinipoko Teoso sikaenetakiti, ininiākara atxari: “Ameē.” Peerekari Teoso, kotxi Kristo sikapitūkai Teoso sikaenetakiti. ²¹ Teosokara sikataparaxiniretai hīte, ate apaka, Xesosi Kristo amatakanapakani ikapani. Teosokara mereēua iua nakitiakori aniniua ikapani. ²² Apaka Teosokara sikaua Erekarī Matamatakoti, Teoso nakiti aniniua aimarotini ikapani. Iua Erekarī Matamatakoti aua aākixinireē. Teoso takaōtxikare itxaua iua. Iua Erekarī Matamatakoti merepitipanika Teoso sikakiti atemoni, ininiā aimarotari hīukomoni isikapanikaua itanapoko inīkatakiti ate ikapani.

²³ Kona nisari hīte Korīto sitatxiti auakanimoni, kotxi kona ninirekari hīte matinianiutini hīte maerekani nisāpiretini xika. Teoso imarotari ikara atāo inini. ²⁴ Hīauīte kona ate txaua. Kona apaniātai: “Ia atoko inakari hāuika. Kona ikara atoko inakari kona hāuikape.” Kona ikara atoko !atxai hīte, kotxi hīte auikapitikari Teoso sākire atāo inakari. Aparīkauata hītekata hīpoxokoniuatini ikapani.

2

¹ Nākixinireē nitxari: “Na nisa iuaīkana ninoamoni nikamamatinanitinina ikapani.” ² Nota xika maerekaxinireninoka hininiā, kiripa kamapoxokinitano nota? Hītenoka aua nota kamapoxokonitakani. Ininiā kona nota nirekari maerekaxinireni hinini nota xika. ³ Kona ninirekari hītemoni napokini, maerekaxiniretikano ninini, hīte maerekani xika, ininiākara nota iokanatsopari ikora mitxi niōkatsopatakiti hītemoni ereē napokini apisapanika. Kotxi nikamapoxokonitakini hīttxaua hīte. Nimarotari ia. Nota nienenīkasaaki, hīte himakinika enenīka apaka. ⁴ Niokanatsopari ikora niōkatsopatakiti hītemoni, kotxi himaerekani xika maerekaxiniretinoka nitxa. Nitxiapata. Niokanatsopari ikora niōkatsopatakiti hītemoni, iteene nitiretinini himarotini ikapani. Na ninirekari nikamamatinanitinini.

Maerekanitxi Maxinīkaretiko

⁵ Iua kiki maerekati kamakari maerekaxinireti txīkitakano. Iua apia maerekaxinireti txīkitaki hīte, maerekati ikamini xika. Na iteene ninirekari nitxitiniri iua. ⁶ Uatxa atokopeka homanatiniri. Iua txitaākapeka imaerekani xika. ⁷ Uatxa himaxinīkaretariko maerekati ikamakiti, ininiā hāpakapariko iua. Himisākiretariko iua. Hīkamapoxokonitari iua. Ikara atoko himinakanīari, iua kona erekaxinireri. Ikara atoko himinakanīari, atxiiti itakanapari Teoso kimapore. ⁸ Ininiākara nota otākikai hīte nitapararitika. “Atiretapi-tikai,” hīttxariko iua, hītreteiriniri imarotini ikapani. ⁹ Ininiā mitxi niokanatsopata hītemoni, kotxi iusaaki nataerekatai hīte. Ninirekari nimarotiniri, hīkīpititari nōtākikinini atxiiti? ¹⁰ Himaxinīkaretakasaakiri maerekati āti kamakiti, nota apaka maxinīkaretari. Maerekati āti ereē kamakiti auiniā, nimaxinīkaretari, kotxi nitiretai hīte. Kristo nirekari nimaxinīkaretariniri maerekati ikamakiti. ¹¹ Axinīkasaakiri maerekati āti kamakiti, akamari Satanasi nireēkiti. Ininiākara !akamari Satanasi nireēkiti. Paimatireri iua. Inirekari akerokiniri. Aimarotari iua nireēkiti, ininiā apia imatirerini matxaua.

Txito Paoro Nitini

¹² Tōatxi sitatxiti napokasaaki Kristo iokanapirena erekari nisāpiretini tīkane, kākiti iuaā auakani nirekari nisākire imarotinina, kotxi Apiananiri sikanireōtana nisākire imarotinina ikapani. ¹³ Iuaritika !erekaxinireno, kotxi ninitapiimari aītari Txito inakori. Kona napokari. Ininiā nitakapiretanapana kākiti iuaā auakani: “Ereēpiko. Masetōnia tixinimoni nisako,” nitxana.

Kamariāro Atoko Atxa

¹⁴ Peerekari Teoso kamakiti ate ikapani. Kristo nakiti aniniāua, Teoso txīkitakaua ātipirikai akāiatini, ikinimane imarotini ikapani. Teosokata akāiata. Teoso paniātaua Kristo pirena imarotiko ikini tōpati iaripiretini, kamariāro iarikatxiātini atokokana Kristo pirena iaripiretini ikapani. ¹⁵ Kristo sikaua Teosomoni, ininiā Teoso apokaerekataua, kotxi kamariāro arikiko Teoso ikapani atokokana atxa. Kamariāro arikasaaki omari samariāpota ikini tōpati. Iua atokokana asaāpota kākitimoni, kākiti apokakonimoni, kākiti pīpinanaākanimoni apaka. ¹⁶ Kākiti pīpinanaākanimoni kanaiatxiāri atoko atxa, kotxi asāpiretana Kristo sākire imauikakaniana, ipinana. Kākiti Teoso apokakinimoni kamariāro eretxiāro atoko atxa, kotxi asāpiretana Kristo sākire auikiniāna, auapininīka itxanako Teosokata. Kiripa posotari ikara atoko inakari parīkatxi ikamini Teoso ikapani? ¹⁷ Ate posotari Teoso ikapani aparīkauatini, kotxi kona apanakini atokoni !atxa ate. Kaiāpopokori kākiti sāpiretari Teoso sākire txineiro apakapini ikapani. Ninoamoni Teoso sākire tūitxi vētxitiko atoko itxa. Kona ikara atokoni !akama, kotxi Teoso iokanataua ate kākitimoni. Teoso atamataua, ininiā atāonoka asākiraauata, kotxi Kristo nitiriakori atxaua.

3

Iōkatsopari Atoko Hīttxa

¹ Atxiiti iuaīkana ate sāpiretari erekari akamakiti asākire hāuikini ikapani? Atxiiti hinirekatarari apanakini iōkatsopatiniri erekari ate kamakiti ate sākire hāuikini ikapani? Atxiiti ate nirekatarari apanakini iōkatsopatiniri erekari hīte kamakiti hīte sākire ate auikini ikapani? Apanakini kamari ikara atoko. Ate kona kamari ikara atoko. ² Kona ninirekari iōkatsopari ikara atoko inakari, kotxi iua iōkatsopari atoko hīttxa hīte. Ate ākixinireē iōkatsopari atoko hīttxa. Ikinimane atatsopari ikara iōkatsopari, ininiā imarotarina erekari hīte kamakiti.

³ Iōkatsopari Kristo iōkatsopatakiti ate mīkiti atoko hīt̄xa. Kona txītaā iōkatsopataāka. Erekarī Matamatakoti Teoso Mapinakati iōkatsopatari. Kona aātsopāā iōkatsopataāka. Kākiti ākixinireē iōkatsopataāka.

⁴ Ikara atoko atxai hīte, kotxi iteene aimarotari Teoso, Kristo nakitiakori aniniua. ⁵ ! Kimaroreua ate. Ateka !aposotari aparīkauatini Teoso īkapani. Teosora sikaposotiiretaua. Isikari imarore atemoni. ⁶ Isikaposotiiretaua Teoso īkapani aparīkauatini īkapani, isākire amaneri kākiti asāpiretini īkapani. Ikara isākire amaneri oerekaua Erekarī Matamatakoti aākixinireē auini. Isākire amaneri loerekaua ipaniātakiti iōkatsopatakori Moisesimoni isikakiti. Ipaniātakiti iōkatsopatakori Moisesimoni isikakiti paniātari kākiti ipinini imaerekani xika. Erekarī Matamatakoti aākixinireē auiniā, itxīkitakaua aāupininiika anini.

Teoso Parīka Amaneri

⁷ Teoso paniātakiti tesi pakini iōkataāka kai nopini. Teoso sikasaakiri ikara Moisesimoni, Teoso iotximere iteene aua. Moisesi toō iuasaaki apakapari Teoso iotximere. Iteene iotximere aua Moisesi toō, ininiā kākiti Isaeo auakani kona posotari atamatiniri. Iotximere poiāoōpotakasaaki, liposotapanikarina itoō atamatinina. Ininiā Teoso iotximere auakasaaki, isākire iōkatakori apoka itiximoni kākiti ipinini īkapani. ⁸ Uatxa iua Erekarī Matamatakoti txīkitakari kākiti ātipirika auini īkapani, ininiā uatxa Teoso parīka apiata. Peerekari ikara iparīka. ⁹ Peerekari Teoso parīka ipaniātakiti iōkatakori kākitimoni isikasaaki, txamari iuasaaki oerekari kākiti misiritiko imaerekani xika. Uatxa Teoso parīka api-aerekata, kotxi Kristo kamaerekatari kākiti. ¹⁰ Uatxa Teoso parīka apiata. Peerekari. Iotximere apiari atoko itxa, ininiā iua parīka kitxakapirīka iotximere napakari atoko itxa. ¹¹ Kitxakapirīka Teoso parīka ipaniātakiti iōkatakori isikasaaki peerekari, txamari ikara Teoso parīka xipope. Īkorasaaki iparīka kākiti ikamaerekatini !ixipoka, ininiā apiaerekata.

¹² Ia Teoso parīka !ixipoka, ininiā ataparaxinireritika asākirauata. ¹³ Moisesi atoko ! atxaua, kotxi iua ipatoōtaua mākatxi mataā, itoō iotximere Isaeo auakani matamatakani īkapani. Itoō iotximere poiāota, iuaritika liposotarina atamatinirina. ¹⁴ Moisesi ipatoōtinua atokokana ninoa Isaeo auakani oki ipataāka, kotxi ! imarotarina atāo Teoso nireēkiti. Uatxapiima okina ipataākapanika atatsopatakasaakirina Teoso sākire iōkatsopatakori, Xesosi apokini apisapanika auakari sākiretxiti. ! Imarotarina Teoso nireēkiti. Kristo sākire auikikosaaki, iua ipatoōtiko makatxakaāka, ininiā iuasaaki kākiti imarotari Teoso nireēkiti. ¹⁵ Īkorasaaki apaka Moisesi iōkatsopare atatsopatakasaakina, !imarotarina. Okina ipataākapanika. ¹⁶ Kākiti akiritakasaakiri Apiananiri, ipatoōtiko makatxakaāka. ¹⁷ Erekarī Matamatakoti itxaua Apiananiri. Erekarī Matamatakoti auiniā aākixinireē, !aparīkauataika amaerekani makatxakiko īkapani, kotxi Xesosi makatxakapekari amaerekani. ¹⁸ Xesosi sākire auīākani atxaua, ininiā atoō kona ipataāka. Atakaāri atoko atxaua. Kākiti atamatakasaakia ate, atamatari Apiananiri iotximere. Apiananiri Erekarī Matamatakoti aākixinireē txīkitakaāpotaua ikara atoko aniniua, ininiā apiaāpota aiotximere.

4

Teoso Iokanapirena Erekarī Pokamara Atoko Itxa

¹ Teoso amonīkaua ate, ininiā iua paniātāua ia parīkatxi akamini, iokanapirena erekarī apanakinimoni asāpiretini. Ikara atoko ininiā, isikataparaxiniretaua, ininiā ! anierekarī atakanapiniri ikara parīkatxi. ² Kākiti kipatari ikamakiti, maerekati ikamakasaaki, kotxi ipētauata. Ikara atoko inakari maerekati !akamaika. Atakanapapekari. !Amisirienetari kākiti. Kona akoketari ate sākire Teoso sākirekata. Teoso kenakotari asākire, ininiā atāonoka asākire, ininiā kākiti ākixinireē imarotari akamakiti atāo inini. ³ Kākiti mimarotakanisaakiri Teoso iokanapirena erekarī asāpiretakiti, kākiti pīpinanaākari atoko itxa. ⁴ Kākiti pīpinanaākari !imarotari Teoso iokanapirena, kotxi kākiti teosone, Satanasi inakori, ipatari ninoa oki, ininiā !atamatarina pokamara ninoa iopiniākari. Teoso iokanapirena erekarī pokamara atoko itxa. Peerekari ikara Teoso iokanapirena. Iua erekarī pirena sāpiretari Kristo Apiananiri ininiua, kotxi Teoso itxaua. ⁵ Ate kona sāpiretari kākiti ateka pirena. Ate sāpiretari Xesosi Kristo Apiananiri ininiua. Ate hīte nitiriakori atxaua, kotxi Xesosi nirekarī hinitiriakori aniniua. ⁶ Kitxakapirīka ipiānoka auakasaaki, Teoso txari: “Piopinikaxitita.” Iuasaakipeka iopinikaxitita. Iua Teosotxikana iopinikari aākixinire. Ikara iopinikare kamaimaroretāua Teoso Apiananiri kaiotximereri ininiua. Kristo aātamatakasaaki, aātamatarī Teoso iotximere.

Xesosi Sākire Auiākani Misiritiko

⁷ Kopiti maikoti atoko atxaua, kotxi atapara ! auari. Iuaritika atemoni auari Teoso iokanapirena erekarī katireri. Ininiā aimarotari Teosonoka kaposotiireri, kataparari ininiua. Atepekana !aposotari. Atapara ! auari. ⁸ Asinimoni amaxikakini aua, iuaritika

!okaua ate. Atxiīti !aimarotari akamakiti tūkane, iuaritika kona aiotokakari Kristo sākire aūiukini. ⁹ Amisiritiko aua, iuaritika Teoso kona takanapaua ate. Atxiīti akarotaāka, iuaritika kona aōkaāka. ¹⁰ Īkiniōtika aīto okiko monōkoni aua Xesosi sākire aūiukini xika. Xesosi atatsirauata. Īpina. Iua atokotxikana ate atatsirauata. Atxiīti aīto ipina iua sākire aūiukini xika. Xesosi auapika, kotxi ipīpe, eereka ōkitikaua, ininiā iua atokokana aīto auapika. ¹¹ Auapanika anakasaaki, aōkiko monōkoni aua Xesosi sākire aūiukini xika. Aīto ipinapitikako, iuaritika aūapanika, kotxi Xesosi auapanika. ¹² Xesosi iokanapirena asāpiretini xika, apanakini nirekari okiniua ate. Xesosi iokanapirena asāpiretakasaakii, hīte auikari, ininiā hīte auapika himaxipokakani.

¹³ Teoso sākire iōkatsopatakori txari:

Nota auikari Teoso sākire, ininiā nisāpiretari kākiti.

Iua atokotxikana ate auikari Teoso sākire, ininiā ate sāpiretari kākiti. ¹⁴ Teoso ōkitikari Apiananiri Xesosi, iuaīkana auini Īkapani, ininiā aimarotari Teoso ōkitikiniua ate apaka, iuaīkana aūuini Īkapani. Eereka Teoso anikauako ate hītekata Xesosi aāōkitini Teoso apisatoō. ¹⁵ Amīteenekari ikinipoko amisiritiko Xesosi sākire hītemoni asāpiretini Īkapani. Kākiti apikomoni, apikomoni, apikomoni, txaāpota apakapari ikinipoko erekari Teoso sikakiti, ininiā ninoa kākiti kaiāopokori txari Teoso: “Erekapitikari pisikakiti notamoni.” Īkara atoko ininiā, kākityokoni txari: “Peerekari Teoso,” itxako.

Maerekaxinireni !Atxaua

¹⁶ Ininiākara maerekaxinireni !atxaua. Aīto xipokaāpota, iuaritika aākixinire ikinioitika apiatapaāpota. ¹⁷ Īkorsaaki amaxikiko auapitika Xesosi sākire aūiukini xika. Kona okanani aua amaxikiko. Eereka Teosokata ātipirika aūapika, kotxi aūiukari isākire. Peerekari iuaaakiko. !Axinikaikari mitxi amaxikiko, kotxi iuaaakiko peerekari. ¹⁸ Kona amaākatari aātamatakiti. Amatamatakiniti axinika. Atamatakori xipokako. Matamatakoti kona xipoka.

5

Aūuapoko Teoso Tixineē

¹ Īkorapokoriti aūuakasaaki, aīto aūuapoko itxaua aākixinire Īkapani. Āti ōti aīto xipoka. Īxipokasaaki, Teoso sikari ātiāo aūuapoko. Iua aīto isikaua, itixine aāpokasaaki. Iua aīto kona xipokaika. Iua aūuapoko kona uakōtxiā kamakorini. ² Īkorsaaki aātsirsiuatakasaaki, atxari: “Ninirekari ātiāo niīto, niīto Teoso sikakiti itixine napokasaaki.” ³ Anirekari ātiāo aīto, ininiā maītotika !atxaua. ⁴ Īkorsaaki ia aīto auapanika inakasaaki, aātsiitiri katsiiri. Kona kataparari ia aīto. Anirekapitikamari aīto. Anirekari ātiāo aīto, ininiā aīto maxipoākati makatxakari aīto xipoākari. ⁵ Teoso kamari aīto maxipoākanī Īkapani. Isikapanikauako aīto ikara atoko inakari. Aimarotari ikara atāo inini, kotxi isikapekari Erekarī Matamatakoti atemoni. Īpixini Teoso sikaenetakiti isikapekaka, ininiā apikomoni isikaenetakiti isikapitikaauako.

⁶ Ininiā kataparaxinirepitikaua ate. Aimarotari aūuapoko ia aīto ininiāua, kona aāpokapanika Apiananiri tixinemoni. ⁷ Xesosi sākire auikiko oerekaua atāo aūuini tūkane. Aōkinoka kona oerekaua atāo aūuini tūkane. ⁸ Kataparaxinirepitikaua ate. Kona ate pīkari apinini. Apiaerekata apinini, kotxi iuaaakiko Apiananirikata aūu. ⁹ Anirekari amūniniiri Apiananiri, ia aīto āki aūuakasaaki, ia aīto xipokasaaki apaka. ¹⁰ Āti ōti ate amakinika sariko Křistomoni. Iuaaaki Kristo sāpiretaua aparīka ĩki. Iua imarotari ikinipoko akamakiti ia aīto āki aūuakasaaki. Atxiīti akamari erekari. Atxiīti akamari maerekati. Akamakiti iaōka isikaua aparīka ĩki.

Kākiti Mikanapiriōko Teosomoni

¹¹ Aimarotari Apiananiri katapara inini, kotxi imisiritari kākiti imaerekani xika. Ininiā asāpiretari kākiti auikiniri iua sākire. Aparīkauata, iua sākire kākiti auikini Īkapani. Teoso iteene imarotaua. Imarotari axinikakiti aākixinireē. Ninirekari hīte apaka iteene imarotiniua ate hākixinireē. ¹² Kona ate nirekari iuaīkana asāpiretini hīte ereka anini. Anirekari asāpiretini, apakatapitika hūiukiniua ate, kotxi atāonoka akama. Īkara atoko inakari himarotiniā, himarotari kākiti hāpakapiretini, ninoa misākirepiretakasaakiaua ate. Ninoa kākiti ate misākirepiretakani iuikari atamatakorinoka. Kona imaākatari kākiti ākixinire ereka inini. ¹³ Atxiīti kākitemoni kona kiikiteua ate. Īkara atoko atxa Teoso Īkapani. Atxiīti paīkiteua ate. Īkara atoko atxa hīte Īkapani. ¹⁴ Kristo iteene tiretaua, ininiākara anirekari iua nireēkiti akamini, kotxi aimarotari iua ipina ikinimane Īkapani, kotxi ikinimane ipikani atoko itxauana. ¹⁵ Kristo ipina ikinimane kākiti Īkapani, kākiti mapinakanī Īkapani, kākiti ātipirika auini Īkapani. Ininiā iua kākiti kona kamaikariko iua nireēkiti ikinioitika. Īkamariko Kristo nireēkitinoka, kotxi Kristo ipina iua Īkapani. Iuaīkana ōkitikaekaua.

¹⁶ Ininiā uatxa ! axinikaikari kākiti ĩkorapokoriti auakani xinikakiti atokokana. Mitxi axinikari Kristo ninoa xinikiniri atoko. Uatxa !axinikaikari Kristo ninoa xinikiniri atoko. ¹⁷ Kristo sākire auĩākari ākixinire amaneri itxaua. Mitxi maerekati ikamakiti kona ikamaika. Amanerinoka ikama. ¹⁸ Ikara atoko inakari Teosora kaminaua. Mitxi amokaiaikari atoko itxa Teoso, iuaritika imikanapiriāua ate iuamoni, kotxi Kristo ipina ate ĩkapani. Ipaniātaua ate asāpiretiniri ikinimane kākiti, Teoso nirekari imikanapiriinina ninoa iuamoni. ¹⁹ Teoso mikanapiriāri kākiti ikini itixiti auakani iuamoni, kotxi Kristo ipina kākiti ĩkapani. Teoso mikanapiriākasaakiri kākiti iuamoni, kona iaōtari maerekati ikamakitina. Kona ixinikaikari imaerekanina, ininiā kona imisiritana imaerekani xika. Ia pirena, kākiti imikanapiriini pirena, ipaniātaua asāpiretiniri ikinimane kākiti.

²⁰ Asāpiretari Kristo sākire kākitimoni. Asākirauata iua ĩkapani, ininiā Teoso iteene ōtākikai hite ate sākireē. Kristo nireēkiti iaōka ate ōtākikai hite. Hikanapiriāko Teosomoni. ²¹ Kristo kona kamari maerekati, iuaritika Teoso misiritari iua maerekati kamakari imisiritini atokokana. Ininiā Xesosi sākire aūiikiniā, Teoso apakapaua ate, maerekati makamakani apakapini atoko, kotxi iua kamaerekataua ate.

6

¹ Ate parĩkauata Teosokata, ininiā ate iteene ōtākikai hite. Teoso sikari ikinipoko erekari hitemoni, ininiā ! apakata mamaākatakinitika hininiri Teoso. ² Kotxi Teoso sākire iōkatsopatakori txari:

Erekari kākitimoni nisika. Niketo apokasaaki, iusaaki nikenakotari hākiritinino nota. Kākiti maerekani nimaktxakini ōtisaaki, nimoianatai hite.

Nisāpiretai. Uatxa apokapeka Teoso keto erekari kākitimoni isikini. Uatxa Teoso makatxakari kākiti maerekani.

Teoso Nitiriakori Atāo Inakani

³ Kona xatiki akerokari akamakiti kākitimoni, ininiā kākiti kona txari: “Ninoa kerokari ikamakitina, atāo minakati isāpiretiniua,” ! itxana. ⁴ Teoso nitiriakori atāo atxaua. Aūuini ikiniōtika oerekari kākiti Teoso nitiriakori atāo inakani aniniua, kotxi amiteenekari amaxikiko. Amiteenekari amisiritiko. Amiteenekari katiiri. ⁵ Teoso nitiriakori atāo atxaua, kotxi Teoso parĩka akamini xika anoropataākapeka. Kateia āki atakaākapeka. Ahoaātaā kākiti apotiitakanuia naiatapekaua. Teoso parĩka akamini, pasāpaniri aparĩka. Itokata !aimaka. Itokata anatxita. ⁶ Kākiti imarotari ate Teoso nitiriakori aniniua, kotxi kona akamari maerekati. Aimarotari Teoso sākire. Kona katimari aomanākarauatini. Amoiatari kākiti. Erekari Matamatakoti oerekaua atāo akamini. Atāo atiretari kākiti. Ikara atoko aniniā, kākiti imarotari Teoso nitiriakori aniniua. ⁷ Ate Teoso nitiriakori atāo atxaua, kotxi atāo inakarinoka asāpireta. Teosora sikaposotiiretaua. Erekari akamakiti aĩkeeko akikomoni, asanaremoni pakini atoko itxa, kotxi erekari akamakasaaki, maerekati iokanataāka. ⁸ Teoso nitiriakori atxaua, ininiā apanakini kākiti paxitaua. Txamari apanakini kākiti kona paxitaua. Apanakini sākire: “Peerekana ninoa.” Txamari apanakini sākire: “! Erekan ninoa.” Apanakini sākire: “Kamisiriererini ninoa,” iuaritika atāo inakarinoka asākire. ⁹ Minakanuia ate, iuaritika ikinimane imarotaua. Kaiāokatanani apinaarita, iuaritika aūapanika. Amisiritaāka, iuaritika kākiti kona okapanikaua. ¹⁰ Amatinaniuatakasaaki, Apiananiri kamapoxokonitaua ate. Kona katxineiro-teua ate, iuaritika atxĩkitakari kaiāopokori kākiti ikini sereti erekari Teoso sikakiti apakapinina. Minakani atxaua, iuaritika ikinipoko erekari Apiananiri sikakiti aua atemoni.

¹¹ Hite Korīto sitatxiti auakani asāpiretai ikinipoko axinikakiti. Nikipatakiti !uari. Iteene atiretai hite. ¹² Ate nirekari atiretinii hite, txamari kona hite nirekari hĩtiretiniua ate. ¹³ Uatxa nimisākiretai hite namariteakori nimisākiretini atokotxikana. Hĩtiretauako ate, ate tiretinii atokotxikana. Hōerekaua hĩtiretiniua ate.

Xesosi Sākire Mauiākani Moianariakori !Hĩtxapeua

¹⁴ Xesosi sākire mauĩākani moianariakori ! hĩtxapeua, kotxi ! apakata erekari kaikotini maerekatikata. ! Apakata pokamara ĩkanōkarikata auini. ¹⁵ Kona Kristo moianatari Satanasi. Xesosi sākire auĩākari nireēkiti āti. Xesosi sākire mauĩākati nireēkiti ātiāo. Ininiā !apakata Xesosi sākire auĩākari auini Xesosi sākire mauĩākatikata. ¹⁶ Teoso misākiretiko aikoti āki !uari kākiti kamakiti teoso. Aĩto Teoso misākiretiko aikoti atoko itxa. Teoso ātipirika auakari itxaua. Iua txari:

Nota auako ninakitiakorikata. Nitĩpokota ninoa sauaki. Ninoa Teosone nitxauako. Nota nakitiakori itxauanako ninoa.

¹⁷ Ininiākara hĩtakanapanako nisākire mauĩākani. Kona ninoakata ! hāuape. ! Hikaikotape maerekati takote, ininiā napakapai hite.

¹⁸ Ininiā hĩri nitxauako. Namariteakori, namariteakoro hĩtxauako hite,

itxa Apiananiri, Kaposotiireri sâkire.

7

¹ Nitiretakini ikara atoko itxa Teoso kamaenetakiti ate ikapani. Ininiã matakanapari ikinipoko maerekati aïto txikotakari, aãkixinire txikotakari pakini. Teoso nakitiakorinoka matxaua. Erekarinoka makama Teoso apaxitini.

Paoro Poxokoni

² Hîtiretauako ate. Kona amisiritari kãkiti. Kona aõerekari kãkiti maerekati ikamini. Kona amisirienetari kãkiti. ³ Kona ikara atokoni nitxa hîte nitxitini ikapani. Kona nitxitai, kotxi nisãpiretapekai iteene atiretinii hîte. Ininiã ipîkitxi kona oiarikaua. Auakari kona oiarikaua. Ate oiarikakari !auari. ⁴ Nimarotari hîte kaminiri nota õtãkikakiti iaõka. Nota iuikai hîte. Hîte kamataparaxiniretano nota. Amaxikaãkapika, iuaritika iteene nipoxokoniua.

⁵ Masetônia tixini ate apokasaaki, kona aiotoka. Kona atomata, kotxi asinimoni aua kãkiti ate misiritakani. Kãkiti naiataua. Aãkixinireã apîkarauata. ⁶ Teoso, mîkãpiritari kãkiti matinaniuatani, ininiã imîkãpiritaua ate Txito apokasaaki. ⁷ Iua apokini kamapoxokonitaua. Apaka isãkire kamapoxokonitaua, kotxi isãpiretaua hîte kamapoxokonitini iua. Isãpiretaua ate hîte kinirão aõkitaka ininino nota. Isãpiretaua, hîte maerekaxinireni, kotxi hîtxikitanano maerekaxinire ninini. Isãpiretaua hîte ãtipirika sãpiretiniri apanakini nota kamakiti ereka inini. Txito sãpirena nikenakotakasaaki, apia nipoxokoniua.

⁸ Mitxi niokanatsopatakiti hîtemoni maerekaxinireti txikitakai hîte, iuaritika erekari niokanatiniri iua niõkatsopatakiti hîtemoni. Merepanika nota matinaniua, kotxi nimarotari niokanatsopatakiti hãtatsopatini xika hîte matinaniua. Mapaõtinoka maerekaxinireni hîtxaua. ⁹ Uatxa poxokopekano nota. Na nipoxokoniua hîte maerekaxinireni nitxikitanini ikapani. Nipoxokoniua, kotxi maerekaxinireni hinini xika, hîtakanapari maerekati hîkamakiti. Iuasaaki hîkanapiriã Teosomoni. Teoso apokaerekatari ikara atoko inakari himaerekaxinireni, ininiã kona ate misiritai. ¹⁰ Erekari Teoso txikitakiniri kãkiti matinaniuatini, kotxi iuasaaki kãkiti takanapari maerekati ikamakiti. Ikanapiriã Teosomoni, ininiã Teoso makatzakari iua maerekani. Ikara atoko inakari matinaniutxi erekari. Txamari kãkiti Teoso manirekakani matinani ãtião, ininiã ninoa ipinapikako. ¹¹ Hîte matinaniua himaerekani xika, ininiã Teoso kamaerekatai. Ininiãkara uatxa erekarinoka hinireka hîkamini. Uatxa iteene hinirekari hîkaminiri Teoso nireëkiti. Hinirekari ikinimane imarotini hîkamakiti ereka inini. Uatxa homanatarari maerekati mitxi hîkamakiti. Maerekaxinireti hîtxaua himaerekani xika. Uatxa iteene hîtiraõki aua. Hinirekari himarotini nota pirena, nota ereka ninini himarotini ikapani. Uatxa hinirekari maerekati kamakari misiritiko. Ininiãkara kona hîkerokari, iua kiki maerekati ikamakasaaki.

¹² Iua iõkatsopari mitxi niokanatakiti hîtemoni, niõkatsopata hîte ikapanikara. Kona iua maerekati kamakari ikapanini niokanatsopata. Kona iua maerekati kamakari misiritakiti ikapanini niokanatsopata. Niokanatarari iua iõkatsopari hîtemoni atiraõki himarotini ikapani. Teoso imarotari atiretinii.

¹³ Ininiã ate kamataparaxiniretaãka, kotxi hîte kamataparaxiniretaãka apaka. Apaka apoxokoniua, kotxi Txito poxokoniua. Iua poxokoniua, kotxi hîte himakinika kamapoxokonitari iua. ¹⁴ Txito hîtemoni isini apisapanika, nota sãpiretari iua niuikinii hîte, kotxi peerekai hîte. Atão nisãkire, kotxi kona nipëtauata hîkamakiti xika, kotxi hîkamakiti atão. Atãonoka asãkire hîtemoni. Atãonoka asãkire Txitomoni apaka ate iuikinii hîte. ¹⁵ Apiaãpota Txito tiretinii, kotxi hîkamari iua sãkire iaõka. Imarotari hãpakapiniri iua hîpaxitiniritika. ¹⁶ Nipoxokoniua, kotxi nimarotapitikari hîkaminiri nõtãkikinii iaõka.

8

Txineiro Apanakini Sikakiti

¹ Nitariakori, anirekari asãpiretinii Teoso misãkiretikoãtaã apotiitakaniua Masetônia tixini auakani. Peerekari Teoso kamakiti ninoa ikapani, kotxi ikinipoko erekari isika ninoamoni. ² Ninoa litene kauarena. Pasãpaniri ninoa misiritiko, iuaritika ienenikana ninoa. Na katxineiroteni, iuaritika ipotxirina itina isikinina kãkiti kaamonirinimoni. ³ Nota imarotari ninoa minakati auiniãna, isikarauatana apanakinimoni. Iteene isikarauatana, ininiã kaiãokatanini inatxitana. ⁴ Nota kona amanaãri ninoa txineirote kãkiti Teoso nakitiakori Xerosareë sitatxiti auakani ikapani, iuaritika ninoaka txano: “Ate nirekari txineiro asikini ninoamoni. Pauritaua asikiniro ninoamoni. Asikiniãro apoxokoniua, kotxi ikara atoko akamini amoianatarari kãkiti Teoso nakitiakori,” itxana. ⁵ Kona ikarananini ninoa nireka. Iteene ninoa kamapoxokonitaua ate, kotxi mitxipe ninoa txaua: “Ate nirekari Apiananiri nireëkiti akamini,” itxana. “Iua oerekiniãri inireëkiti hîtemoni, ate nirekari hîte paniãtakiti apaka akamini,” itxana Masetônia tixini auakani. ⁶ Txito amanaãpekai hîte txineiro hîsikini

Xerosareē sitatxiti auakani ikapani, ininiā apaniātari iua sini hītemoni hīsikakiti apakapini ikapani, hītiraōki ninoa Teoso nakitiakori hōerekini ikapani. ⁷ Hīte iteene auikari Xesosi sākire. Apanakini poiāoka. Hīte imarotari Xesosi sākire hīsāpiretini kākitimoni. Apanakini na iteene imarotari. Hīte iteene imarotari Xesosi sākire. Apanakini poiāonoka imarota. Hīte iteene nirekari Teoso parīka hīkamini. Apanakini poiāonoka nirekari. Hīte iteene tiretaua ate. Apanakini poiāoka tiretaua. Hīte apiaerekata, ininiākara ninirekari hīsikakiti apaka apiari inini, kotxi ikara atoko hīkaminiā, hōerekari Xerosareē sitatxiti auakani hītiretinina.

⁸ Kona nīpaniātai nitapararitika hīsikiniro hītixineirote ninoamoni. Nataerekatarī hītiraōki. Atāo atxiīti hītiretari apanakini? Masetōnia tixini auakani atāo tiretari apanakini. Hīte tiraōki ninoa tiraōki atoko atxiīti? ⁹ Himarotari Apiananiri Xesosi Kristo sikari ikinipoko erekari hītemoni. Itanapoko auiniri Xesosi Teoso tixine auakasaaki. Iuaritika itakanapari ikinipoko. Minakati mauakininotoka itxapeka hīte ikapani. Ininiākara ikinipoko itakanapini xika, ikinipoko aua hītemoni.

¹⁰ Uatxa nota ōtākikai hīte, erekari hīkaminiri hīsākire iaōka, kotxi kita anokanani hīte merepanika xinikari: “Natokopa itxa akaminiri Xerosareē sitatxiti auakani ikapani?” hītxa. Hīte merepanika nirekari txineiro hīsikinina ninoa. ¹¹ Ininiā nōtākikai uatxa. Hīkamariko mitxi hīsākire iaōka. Hīpoxokoniritika hinirekariko hīokanatiniro txineiro ninoamoni, ininiā erekari hīpoxokoniritika hīkaminiri hīsākire iaōka. Ipixini txineiro hītemoni auakaro hīsikako ninoamoni. ¹² Hīpoxokoniritika hinirekiniāri hīsikarauatini Teosomoni, iua apakapapitikari hīsikakiti. Poiāoka auiniāi, ininiā erekapitikari poiāonoka hīsikini Teosomoni. Iua apakapapitikari. Iua imarotari !apakata apikomoni hīsikiniri.

¹³ Kona ate nirekari hīte kaamoni hinini, ikinipoko ninoamoni auini ikapani. Erekari ninoa auakiti hīte auakitiixikana. ¹⁴ Uatxa hīte txineirote auapitika ninoa hīsikini ikapani. Āti ōti hīte txineirote mauakanisaaki, atxiīti ninoa txineirote aua, ininiā ninoa sikai hīte. Ininiā hīte moianatinina atokotxikana, ninoa moianatai hīte. Ikara atoko inakari atāo. ¹⁵ Teoso sākire iōkatsopatakori txari:

Kiki kaiāopokori apakapakari itetakori !auari. Kiki poiāoka apakapakari !kaamoniri.

Txito Iokanatiko Korītmoni

¹⁶ “Peerekai,” atxari Teoso, kotxi iua sikanireōtari Txito itiretinii hīte, nota tiretinii atokotxikana. ¹⁷ Txito nirekapitikari ate paniātakiti ikamini, hītemoni isini. Apaniātiniri apisapanika, inirekari hītemoni isini, ininiā ipoxokoniritika isa hītemoni. ¹⁸ Aiokanatarī āti āitari iuakata. Ikinimane Teoso misākiretkoātāa apotiitakaniua iteene apokaerekatarī iua, kotxi isāpiretari Teoso iokanapirena erekari ikinimanemoni. ¹⁹ Ninoa mereēri iua āitari atekata isini Xerosareēmoni, oa txineiro aanikasaaki. Oa txineiro asikakito oerekana Xerosareē auakani Apiananiri ereka inini. Oerekana apoxokoniritika amoianatinina.

²⁰ Oa txineiro kaiāopokoro aua, ininiā iua āitari siniā atekata, iua imarotari atāo asikiniro oa txineiro Xerosareē auakanimoni. ²¹ Anirekari atāo akamini oa txineiro asikasaaki ninoamoni. Anirekari Apiananiri imarotiniri atāo akamini. Anirekari kākiti apaka imarotiniri atāo akamini.

²² Iuaikana aiokanatarī ātipekana āitari hītemoni. Aātaerekatapekari iua. Ipoxoniritika imoianatarī kākiti. Apiapoxokonita iua, kotxi imarotari hīte kaminiri mitxi hīsākire iaōka. ²³ Txitopekana, nota moianari itxaua. Iua miparīkatano nota, hīte amoianatinini ikapani. Xesosi sākire auaiākani mereēna ātariakori Txitokata sikani hītemoni. Kākiti imarotakasaakina ninoa, “Peerekari Kristo,” itxana kākiti. ²⁴ Ininiākara hōerekana ninoa kikiakori atāo hītiretinina, ininiā ikinimane Xesosi sākire auaiākani imarotari atāo hītiraōkiuati. Iuasaakiko ninoa imarotari ate sākire atāo inini ate iulkinii hīte.

9

¹ Nisāpiretai hīte txineiro asikakito tīkane Teoso nakitiakorimoni, Xerosareē auakanimoni. Nimasāpiretakaniāi hīte, iuaritika hīte nirekari hītixineirote hīsikini ninoamoni. Nimarotari ikara. ² Nimarotari iteene hinirekari hīmoianatinina ninoa. Nitxapekana Masetōnia tixini auakani: “Nota iuikana ātariakori Korīto sitatxiti auakani, Akaiā tixini auakani, kotxi kita anokanani ninoa iposope txineiro iokanatinina Xerosareēmoni,” nitxana. Hīte poxokonitini txineiro hīokanatinini, sikanireōtana Masetōnia tixini auakani apaka iokanatiniro txineiro. ³ Uatxa niokanatanana ninoa ātariakori ipi āti pakini hītemoni. Hīte iposope hininiā hītixineirote hīokanatinini, erekapitikari, kotxi ikara nisākire iaōka. Ininiā atāo ate iulkinii hīte. ⁴ Masetōnia tixini auakani siniā notakata, hītixineirote miposonitipatika, ininiā ate pētauata, kotxi ate auikari hīsākire. Hītepekana apia pētauata hīsākire iaōka himakamakani xika. ⁵ Ininiākara ninirekari ninoa ātariakori sini hītemoni nota ereē napokini apisapanika. Ninoa moianatai txineiro kaiāopokoro hīsikaenetakito hāpotiitini ikapani. Ininiā napokasaaki ereē, iposope hīsikakito nanikini. Ininiā iuasaaki aimarotariko

kinirão sikaenetaka hinakito txineiro. Iuasaaki aimarotariko hîpoxokoniritika hîsikinירו hîtxineirote.

Takari Itori Auini

⁶ Ia nisãkire hîxinika. Poiãoka komiri pitakiniã pitakarauatakasaaki, poiãonoka iri pimaporoka. Kaiãopokori pitakiniã, kaiãopokori pimaporoka. ⁷ Ininiã pãkixinireë pixinikari atão pisikakiti ãtmoni. Kona erekari pimanirekasikatakiniti pisikini. Æti itapararitika paniãtiniã pisikarauatini, ! apakata. Teoso apokaerekatari kãkiti ipoxokoniritika isikarauatini ãtmoni. ⁸ Teoso posotari ikinipoko erekari isikinii hîte, ininiã ikiniõtika ikini sereti hiamonitakiti auiniã, hãpakapari ikinika hinireëkiti. Ininiã ikinipoko erekari hîkama. ⁹ Teoso sãkire iõkatsopatakori txari: Teoso sikari itori erekari matxineirotenimoni. Teoso kamakiti atão inakari ! ixipoka. Auapikako.

¹⁰ Teosora sikari takariki katakarerimoni itakarauatini ìkapani, ininiã eereka iposope inakasaaki, auari kienatxi inikakiti ìkapani. Iua atokokana Teoso sikari kaiãopokori takariki hîtemoni. Iua anakakari hîtakare, ininiã eereka iposope inakasaaki, kaiãopokori auari, ininiã kaiãopokori hîkamakiti atão inakari apanakinimoni. ¹¹ Teoso sikai ikini sereti erekari, ininiã ikinipoko auape hîtemoni. Ininiãkara kãkiti mauarenimoni hîsikariko kaiãopokori. Ate anikasaakiro hîsikakito apanakinimoni, ninoa txariko: “Peerekari Teoso, kotxi ninoa sikaua ate aamonitakiti,” itxanako.

¹² Ikarã atoko inakari hîkaminiã, hîsikari Teoso nakitiakori amonitakiti ninoamoni. Apaka hîsikasaakiri hîsikakiti ninoamoni, ninoa kaiãopokori txari: “Peerekari Teoso,” itxanako. ¹³ Ninoa poxokoniuatãko, kotxi hîte sikari kaiãopokori ninoamoni, apanakinimoni apaka. Ninoa txariko: “Peerekari Teoso,” kotxi imarotarina erekari hîte kamakiti. Imarotarina hîte kaminiri Kristo paniãtakiti iaõka. Imarotarina hîte atão auikiniri Kristo iokanapirena erekari. ¹⁴ Ininiã ninoa misãkiretari Teoso hîte ìkapani, kotxi iteene ninoa tiretai hîte, kotxi Teoso sikari ikinipoko erekari hîtemoni. ¹⁵ Matxari Teoso: “Peerekai pite, kotxi pite sikaua pamarite. Æti pisikakiti iua atoko inakari lauiri.”

10

Paoro Apakapapiretari Apoõtiko

¹ Kataparaxinireri Kristo, iuaritika ianaka õtãkikari kãkiti, ininiã nota Paoro ianaka nõtãkikai. Txamari apanakini hîte sauaki auakani txari: “Paoro ìtakoxiti auakasaaki, itapararitika itxitaua ate, atemoni iõkatsopatakasaaki. Txamari iua atekata auakasaaki, ipîkarauata amaerekani isãpiretiniua,” itxana. Ikarã apanakini sãkire na atão, kotxi ìtakoxiti nauanãta, iuaritika amaãtiki nõtãkikai hîte. ² Kona ninirekari noerekinii hîte apanakini nitxitini ereë napokasaaki. Niposotapitikari nitapararitika nitxitiniri apanakini ereë napokasaaki, kotxi ninoa txari: “Paoro kamakiti Teoso sãkire mauïãkani kamakiti atokotxikana,” itxana. Txamari na atão ninoa sãkire. ³ Aïto tapara poiãoka, kotxi kãkiti atxaua, ininiã aïto taparaã ! apakata anaïatiniri maerekati. Teosora sikataparataua aãkixinireë, maerekati anaïatini ìkapani. ⁴ Ate ikeeko kona Xesosi sãkire mauïãkani ikeeko atokoni. Teoso ikeeko isika atemoni. Kaposotireri Teoso ikeeko, ininiã aposotari Satanasi kamakiti axipokini aiko kaikori axipokini atokokana. ⁵ Kãkiti iuikaua. ! Inirekarina auikinirina Teoso imarore. “Paimatireua ate,” itxanãtana. Teoso sikaimaroretãua ate, ninoa sãkire paxirari inini aõerekini ìkapani. Ikinipoko axinikakiti anireka Kristo nireëkiti iaõka axinikini, ininiã axinikakiti ãtião auiniã, atxîkitakari iua axinikakiti imamakini Kristo nireëkiti iaõka inini ìkapani. ⁶ Hîte iteene kamakasaakiri Kristo nireëkiti iaõka, ate misiritariko kãkiti ereë Kristo nireëkiti imakamakanisaaki.

⁷ Hîte xinikari hãtamatakitinoka. Kona hîxinikari kãkiti ãkixinireë auakari. Kãkiti ereë uãkatiniãri Kristo nakiti ininiuana, erekari imarotinirina ate apaka Kristo nakitiakori aniniua, ninoa Kristo nakiti ininiuana atokotxikana. ⁸ Atxîiti iteene niuikari Api-ananiri sikaposotiretiniua ate, iuaritika kona nipõtãuata niuikiniri ikara, kotxi Api-ananiri sikaposotiretãua ate, hîte akamataparaxiniretini ìkapani. Kona ate nirekari hîte ãkixinire tapara poiãopotini. ⁹ Kona ninirekari hîpîkarauatini, iõkatsopari niokanatsopatakiti hãtatsopatini xika. ¹⁰ Apanakini txari: “Paoro txitãua itapararitika iokanatsopatakitiã, txamari iua atekata auakasaaki, isãkire ãtião. Iuasaaki kona kataparaxinireri iua. Iuasaaki ipîkarauata ate itxitini,” itxana apanakini. Na atão ninoa sãkire. ¹¹ ìtakoxiti ate auakasaaki, asãkire aiokanatsopatakiti iuatxikana asãkireta, ereë hîtekata aãuakasaaki.

¹² Ninoa ate misãkirepiretakani iteene iuikaua. Atãuako ninoa apiaerekata? Atãuako ! erekaua ate? ! Kîkitena ninoa. Ninoa uãkatari ninoa kamakitinoka erekari inini, ininiã ninoa iaõtari apanakini kamakiti. Apanakini kamakiti ninoa kamakiti atoko ininiã, ninoa uãkatari apanakini kamakiti apaka erekatxikana. Txamari na atão. ¹³ Atepekana, kona

ate iuikari ateka kamakiti. Ate iuikari parîkatxi Teoso sikakiti atemoni akamini îkapani. Iuanoka ate iuika. Iua paniâtaua aparîkauatini hîte îkapani. Iua aparîka ate iuikapitika. ¹⁴ Teoso paniâtakitinoka akama. Ia aparîka, ininiâ ate sari hîtemoni Kristo iokanapirena erekari asâpiretini îkapani. Ininiâ apakatapitika ate iuikiniri ikara aparîka. ¹⁵ Apanakini parîka Teoso îkapani ate kona txari: “Iua parîkatxi ate kamakiti,” kona atxa. Ate nirekari hîte auikaâpotiniri Kristo sâkire, Kristo sâkire iteene hâuikini îkapani, ininiâ ate nirekari aparîkauatini Teoso îkapani hîte auiniâtaâ, Kristo sâkire apanakini auikini îkapani. ¹⁶ Ate nirekari Kristo iokanapirena erekari asâpiretiniri kâkiti, hîte tixine apiko auakani Xesosi sâkire masâpiretakotipanika ininiâtaâ. Ininiâ kona aparîkauata apanakini parîkauatiniâtaâ. Ininiâ apanakini parîka: “Ate parîkakara iua,” kona atxari.

¹⁷ Teoso sâkire iôkatsopatakori txari:

Pinirekatarî piuikarauatini? Pinirekiniâri, ininiâ piuikariko Apiananiri kamakitinoka.

¹⁸ Teoso kona apokaerekatarî kâkiti iuaka, “Erekapitikano,” inakari. Teoso sâpiretiniâri: “Erekapitikari iua kâkiti,” ininiâ Teoso apokaerekatarî iua.

11

Teoso Maiokanatakini

¹ Atxiîti mûikiteti sâkirauatini atoko nimisâkiretai hîte, iuaritika hâuiritano nota. ² Teoso nirekini hîte iua naktiakorinani hininiua, iua atokotxikana nota nirekai hîte Teoso naktiakorinani hininiua. Nisikaenetai Kristomoni hitaniri atoko inini îkapani. Iuamoninani nisikaenetai. Ninirekari iuamoni nisikinii, âtokoro kîkikata masirîkakato atoko inakaro. ³ Kitxakapirîka Satanasi auaitotari imini. Iua imini misirienetaro Eva, kotxi paimatireri Satanasi sâkire. Nipîkari Satanasi misirienetari hîte apaka, ininiâ eereka hîxinikakiti na atâoni. Nota pîkari Xesosi hitakanapini. Mitxi iteene hitiretari iua. Iuananira hitireta. ⁴ Kotxi hîte apakapari hîpoxokoniritika ikinimane ereê apokakani, “Ate Xesosi sâkire sâpiretakaniua” inakani, txamari Xesosi pîrena ninoa sâpiretakiti na atâoni. Kona ate sâpiretari ikara atoko inakari, iuaritika hâuikari ninoa sâkire. Hâuikasaakiri ninoa sâkire, atxiîti hâpakapari matamatakoti, txamari kona hâpakapari Erekarî Matamatakoti ate sâpiretakiti. Ate sâpiretai hîte atâo Kristo iokanapirena erekari, txamari hîte auikari âtiâo.

⁵ Hîtemoni, Teoso iokanataka ninoa kâkitimoni. Hîtemoni, ninoa Teoso iokanatakini apiarini. Nota poiâo atxiîti? Ninoa apiata atxiîti? Konapitini. ⁶ Atxiîti kona nota iteene imarotari nisâkirauatini, iuaritika nimarotapitikari Teoso sâkire. Himarotapekari ikara atoko inakari, kotxi asâpiretapekai.

⁷ Teoso iokanapirena erekari nisâpiretakasaakii hîte, maxikatîka nisâpiretai. Kona ninirekari hîkitxitinino, ininiâ nota poiâotakaua, hîte atâo inakari himarotini îkapani. Ikara atoko nikerokatarî atxiîti? ⁸ Hîtekata nîparîkauatakasaakii, kâkiti âtiâtaâ Xesosi sâkire auîâkani iokanataro txineiro notamoni, txamari kona nota moianatana ninoa iuasaaki. Hîtekara nimoianata iuasaaki. ⁹ Hîtekata nauakasaaki, nota nirekamaro txineiro. Txamari kona nota amanaâi hîtxineirote. Aîtariakori Masetônia tixinikini mininano itanapoko niamonitakiti. Iua atokotxikana kona namanaâpaniro hîtxineirote nota îkapani, kotxi atxiîti nota minari atoko nitxa hîporikiâ. Kona ninirekari ikara atoko inakari nininiua. ¹⁰ Kristo atâonoka isâkire. Isâkire nâkixinireê auape, ininiâ nota sâkire apaka atâo. Nisâpiretapanikari kâkiti hîtxineirote nimanirekakani pîrena. !Auari ikara nisâkire iotokakakari ikinika Akaia tixiniâ. ¹¹ Kinirepa ikara atoko nitxa sâkireta? Atxiîti kona nitiretai hîte? Teoso imarotari nota iteene tîretini hîte.

¹² Uatxa iuaîkana nisâpiretai hîtxineirote nimapakapakani. Nanera kâkiti uatxa hîtekata auakani Teoso maiokanatakini txari: “Ate kamari Paoro parîkatxikana,” itxana. Ikara atoko ininiâ iuikauana. Txamari ninoa parîka âtiâo, kotxi ninoa apakaparo hîtxineirote. Ate kona apakaparo hîtxineirote. ¹³ Teoso kona iokanataka nanera hîtemoni. Na atâo Teoso iokanatakini !itxauana. Imisirienetaina hîte, “Aparîkauata Teoso îkapani,” inakasaakina. Nanera txari: “Kristo iokanatakiniua ate,” itxana. Txamari na atâo nanera sâkire. ¹⁴ Ikara atoko inakari auapitika, kotxi Satanasi sari kâkitimoni. Itxari: “Nota Teoso nitiri nitxaua. Nota oerekai atâo inakari.” Ininiâ iua sâkire auîâkani auapitika. ¹⁵ Ininiâkara nanera kikiakori Satanasi nitiriakori txari: “Atâo inakari kamakaniua ate. Teoso nitiriakori atxaua,” itxana. Xipokaxi ôtisaaki imisiritâakanako ninoa maerekati ikamakitina xika.

Paoro Misiritiko Pirena

¹⁶ Iuaîkana nisâpiretai. Mûikiteti !nitxaua, iuaritika hîte potxitari kâkiti mûikiteni, ininiâ mûikiteti atoko niuikaua, kotxi nota posotari niuikiniua. ¹⁷ Apiananiri kona sâkirauata ia atoko. Mûikitetinoka sâkirauata ia atoko iuikiniua. ¹⁸ Nanera kikiakori iuikaua, Teoso sâkire mauîâkani iuikiniua atokokana, ininiâ nota apaka sâpiretari niuikiniua. ¹⁹ Hîte auiritari kâkiti mûikiteni himoiananiri ininiua, kotxi !kîkitei hîte. ²⁰ Nanera hîtekata auakani txîkitakai

hīte iniriakorina hininiua. Hīte auiritari ikara atoko inakari. Nanera amanaaāpotari ikini sereti hīte nakiti. Ikamarina inireēkitina hītemoni. Ipaniātaina ikiniōtika inireēkitina hīkamini. Imisiritaina hīte. Hīte auiritari ikara atoko inakari ikaminina. ²¹ Erekarī nipētauatini atxiīti? Kotxi kona kataparaxinireno nota nanera kamakiti atoko nikamini hītemoni. Kataparaxinirena nanera.

Ikamakitina iuikana, ininiā mīkiteti atoko kataparaxinireno nota. Nikamakiti niuikako. ²² Nanera Epireoakorikani? Ari. Nota apaka Epireo nitxaua. Nanera Isaeo apika mekaniriakorikani? Ari. Nota apaka Isaeo apika mekaniri nitxaua. Nanera Apraāo apika mekaniriakorikani? Ari. Apraāo apika mekanirikanarano nota apaka. ²³ Nanera Kristo nitiriakorikani? Atxiīti. Mīkiteti iuikiniua atoko nitxa: “Kristo nitiri apiaerekatakari nitxaua nota.” Nota apia parīkauata Teoso ikapani. Apiata nimisiritiko, kotxi kaiāokatani kateia āki nitakaāka. Kaiāokatani nota noropataāka aāpitsaā. Kaiāokatani nipinaarita. ²⁴ Ipi ipi āti pakinikata Xoteoakori noropatano aāpitsaā. Iuasaaki inoropatanona trīta novi pakinikata. ²⁵ Ipi āti pakinikata Homanoakori noropatano aākeē. Ātikata kai soroā nikiporonakaāka. Ipi āti pakinikata maporoā nisikasaaki, maporo sakika apanīkakiā. Āti ikanōkati, āti pokamarariti pakini ninapa potxoari uiniti nipimakaātini. ²⁶ Nianaxititapika. Natamonōkonitari uini torōkani. Natamonōkonitari kīitiririni. Natamonōkonitari ninirimane. Natamonōkonitari ninirimane minakanuia. Natamonōkonitari sitatxi nauakasaaki, kākiti mauakaniātaā nauakasaaki, potxoari uiniti nīpiriātakasaaki pakini. Natamonōkonitari kākiti, “Xesosi sākire aūika” inakanikata nauakasaaki, kotxi na atāo ninoa sākire. ²⁷ Kaiāokatani nisāpaka itori parīkatxi xika. Kaiāokatani nitsii aua. Kaiāokatani kona apakata nimakini ikanōka. Kaiāokatani ninatxita, niposonata. Kaiāokatani nipokori !auari. Kaiāokatani nimūteenekari katxiīkareri. Kaiāokatani nimāka !auari. ²⁸ Ikara atoko inakari monōkoti auapika notamoni. Apaka nīparīka kasāpaniri aua, kotxi ikiniōtika nīparīkauata kākiti Teoso misākiretkoātaā apotiitakaniua ikapani. ²⁹ Āti iōkapetiniā, nota apaka niōkapeta. Āti txīkitakaāka maerekati ikamini, ininiā nota maerekaxiniretinoka nitxa.

³⁰ Hīte nirekiniāri niuikiniua, ininiā niuikari niōkapere. ³¹ Aūite Xesosi Kristo iri, Teoso imarotari nisākire atāo inini. Ātipirika matxari: “Peerekai.” ³² Tamāsiko sitatxiti nauakasaaki, kākiti aūite apiari Areta inakori auakasaaki, Tamāsiko auakani aūite paniātari sotatoakori kaikotini sitatxi kākiti Ironakiniātaā nota imaīkinina ikapani. ³³ Txamari kona nota pokika sitatxi toreātaā. Niīroā kotari mitari āki. Iuasaaki aītariakori iokatxakano aapokotxi sonaā sitatxi pirikere mapara. Ixitipe apoka nitxa. Ikara atoko itxa nimitekini, ininiā kona ninoa māikano iuasaaki.

12

Taponetxi Teoso Sikiniri Paoro

¹ Hinirekatari apikomoni niuikiniua? ! Apakata, iuaritika hinirekiniāri, niuikapanikauako, kotxi Apiananiri sikano taponetxi peereri. Iua oerekano imarore. ² Akokaxiti katosi anokanani inakasaaki, nanikaāka Teoso tixinemoni iaxiti apiko nopinixiti. Iuasaaki nitaponeuataako? Atxiīti niūto atāo anikaākauako? Kona iteene nīmarotari. Teosonokara imarotari. ³ Ianoka nīmarota. Nanikaāka Teoso tixinemoni nitaponeē atxiīti, atāo niūto anikaāka atxiīti. Teosonoka imarotari. ⁴ Iuaxiti nikenakotari sākiretxi erekari. Ikara kona nīmarota iuaīkana nisāpiretini. Apaka !auritaāka nisāpiretiniri kākiti. ⁵ Ninirekiniāri, niuikari nitapone ikara atoko inakari, txamari !apakata notaka niuikiniua. Niōkaperenoka niuika. ⁶ Ninirekiniāri niuikiniua, atāonoka nisāpireta, kotxi kona mīkiteti !nitxaua. Txamari kona ninirekari niuikiniua, kotxi atxiīti kākiti uākatari nota apiari nininiua. Ninirekari kākiti atāo imarotini. Erekarī kākiti imarotini nisākireē, nīkamakitiā pakini.

Paoro Misiritiko Inako Tsii Atoko Inini

⁷ Peerekari nitīkakiti Teoso tixine nanikikosaaki, iuaritika Teoso kona nirekari niuikiniua, ininiākara Teoso auiritari Satanasi misiritinino niūtoā. Katsiiri. Inako atoko itxa niūtoā, ininiā niuikiniua !auari. ⁸ Ipi āti pakinikata namanaāri Apiananiri ia nitsii imakatxakini. ⁹ Txamari itxano: “Kona nīmakatxakari. Ikinipoko erekari nisīkakiti sikataparatai. Iuanoka pinireka. Piōkapetakasaaki, nota tapara pākixinireē apiata,” itxano. Ininiākara nipoxokoniritika niuikari niōkapere, kotxi iuasaaki nīmarotari Kristo posotiire nākixinireē aūini. ¹⁰ Niōkapetakasaaki, nipoxokoniua. Nixiniketikosaaki, nipoxokoniua. Nīmaxikikosaaki, nipoxokoniua. Nīmisiritikosaaki, nipoxokoniua. Nīkamakiti tūkane nīmīmarotakanisaaki, nipoxokoniua. Ikara atoko inakari nīmīteeneka nipoxokoniritika, kotxi Kristo nakiti nitxaua. Niōkapetakasaaki, nitapara nākixinireē apiata.

Paoro Nirekari Erekarī Korīto Auakanimoni

¹¹ Mīikitēti sākirauatini atoko nisākiraauata, txamari hīte xika nisākiraauata mīikitēti sākirauatini atoko, kotxi hīte iukaākamanoko nota, kona nota nirekamariko niuikiniua. Minakati nitxaua, iuaritika nanera Teoso maiokanatakini hītekata auakani kona apiaerekata. ¹² Hītekata nauakasaaki, nikamakiti oerekai atāo Teoso iokanatakiti nininiua, kotxi iusaaki noerekai Teoso oerekakiti kākitimoni. Noerekai kākiti maposotakiniti. Noerekai posotiiretxi iusaaki. !Asāpaka ikara atoko inakari aōerekini hīte. ¹³ Atxiīti apiata nitiretari apanakini Teoso misākiretikoātaā apotiitakiniua ātiātaā auakani? Konapitini. Ninoa nitiretini atokotxikana nitiretai hīte. Namanaāna ninoa txineirote niamonitakiti ikapani. Hīte txineirote kona xatiki namanaāi, ininiā nikerokatari atxiīti? Himaxinīkaretariko ia nikerokakiti.

¹⁴ Ipkata nisipeka hītemoni. Naiamatapeka iuaīkana hītemoni nisini tīkane. Kona hītxineirote kona namanaāpani. Hītxineirote kona ninireka. Hītera ninireka. Amarini kona nīkatana iri, inoro pakini. Iri, inoro pakinira nīkatana imiakori. Nota hīri atoko nitxaua. ¹⁵ Nipoxokoniuaa ikinika nota nakiti nisikinii hīte. Notaka nisikaua hītemoni. Nipoxokoniritika nisikai. Txamari nota tiraōki hīte ikapani apiaāpotakasaaki, hīte tiraōki nota ikapani poiāōpota.

¹⁶ Atāokani ikara atxiīti? Iuaritika ia nimarota. Kona xatiki namanaāi hinakiti hīsikinino. Atxiīti āti ereē auakari txari: “Paoro misirienetaua ate. Paxirari isākire,” itxa atxiīti. Txamari ikara na atāo. ¹⁷ Natokopa nitxa nimisirienetini? Atauako kikiakori hītemoni nota iokanatakini misirienetai hīte? !Misirienetaina. ¹⁸ Nōtākikari Txito hītemoni isini tīkane. Nipaniātari āti āitari iuakata isini. Atauako Txito misirienetai hīte? Konapitini. Erekari Matamatokotira anikano nota. Iua apaka anikari Txito. Nota sari Xesosi nirekinimoni. Txito apaka sari iua nirekinimoni.

Paoro Pīkare

¹⁹ Atxiīti hīte xinikari ikara asāpiretai, ate ereka anini himarotini ikapani. Konapitini. Ate sākirauata hītekata Kristo sākirauatini atokokana, kotxi Teoso atamataua. Ate tīretakini hītxaua hīte, ininiā ikinipoko akamakiti akaminii hīte, hīte ākixinire tapara auini ikapani. ²⁰ Nipīkarauata ereē napokini, kotxi atxiīti hīte kamari nimanirekakiniti. Atxiīti napokasaaki ereē, kona hīte apokaerekatano nota. Ereē napokasaaki, nipīkari nimarotini hīte txitakakiniua, hīxikotakakiniua, homanatakakiniua, hīpotxinani auini, himisākirepiretakakiniua, aāpirena hīsāpiretini, hīuikiniua, hineenamauatini. Ikara nimarotini nipīka, ereē napokasaaki. ²¹ Ininiā hītemoni napokasaaki, nipīkari Teoso kamapētatinino nota hīte maerekani xika. Nipīkari nitxiapatini maerekati hīkamakiti xika, kotxi kaiāopokori kamari maerekati akokaxiti, iuaritika !itanapanapanikari iua maerekati. Ixinikakitina maerekatinoka. Maerekati ikini seteti iītona nireēkiti aua. Itanoro minakotokatika isirīkana. Ikara atoko inakari kona itakanapanikanana.

13

Paoro Sākire Imapotōkire Ōtākikare

¹ Ipkata nota sari hītemoni. Iuaīkana hītemoni nisako. Teoso sākire iōkatsopatakori txari: Ipi āti pakini kākiti atamatiniāri maerekati āti kamakiti, ninoa sākire auikaāka, ininiā iua maerekati kamakari misiritaākako. Ipi kākiti atamatiniāri maerekati āti kamakiti, ninoa sākire apaka auikaāka, ininiā iua maerekati kamakari misiritaākako, itxa Teoso sākire. ² Akokaxiti hītekata nauakasaaki, nōtākikapekai himaerekani hītakanapani. Iusaaki nōtākikana mitxi maerekati kamakani, apanakini apaka. Nitxana: “Ātikata uai napokasaaki, nimisiritaipitikari ikinimane maerekati kamakani,” nitxapekana. Iuaīkana uatxa itakoxiti nauakasaaki, ikara nisākiretxikana nisāpiretai hīte. ³ Hīte nirekari himarotini: “Atāokani atxiīti Paoro sāpiretari Kristo sākire?” hītxa. Napokasaaki ereē, himarotapitīkariko atāo nisāpiretini Kristo sākire. Kristo !iōkapeta. Oerekapekai iposotiire hīte sauaki. ⁴ Kristo okikosaaki aamina ipiriāmitakari nopini, iito iōkapere aua. Uatxa kataparari iua, kotxi Teoso sikataparatarari iua. Ate ito apaka iōkapeta, mitxi Kristo ito iōkapetini atoko, iuaritika Teoso sikataparataua Kristokata aūuini hīte amoiānatinii ikapani.

⁵ Hixinikariko hākixinireē auakari. Atāokani hāuikatari Teoso sākire? Hīteka ataerekatauako. Himarotatari Xesosi Kristo hākixinireē auini? Teoso sākire hākixinireē mauakaniā, Kristo Xesosi !auari hākixinireē. ⁶ Ninirekari himarotini Kristo Xesosi auini ate ākixinireē. ⁷ Ate misākiretari Teoso, maerekati hīte makamakani ikapani. Kona ate nirekari kākiti sākire: “Peerekari Paoro. Iua imarotapitikari Teoso sākire oerekini, kotxi Korīto sitatxiti auakani kamari Teoso sākire iaōka.” Ikara kona ate nireka, ate iuikiniua ikapani. Atxiīti kākiti uākatari Xesosi Kristo !auari ate ākixinireē, iuaritika ate nirekari hīte kaminiri atāonoka. ⁸ !Apakata aiotokakini atāo inakari. Atāo inakari auapika. Atāo inakari !ixipoka. Apakata aōerekini atāo inakari. ⁹ Atxiīti ate iōkapeta, iuaritika apoxokoniuaa hītaparaxinire

akenakoenetakasaaki. Ate misākiretari Teoso hīte atāonoka hīkamini īkapani ikiniōtika, Xesosi sākire iaōka hīkamini īkapani. ¹⁰ Ikara atoko inakari niōkatsopata hīte īkapani hītekata nimauakanisaaki, kotxi ereē napokasaaki, kona ninirekari nitxitinii hīte. Niposotapitikari nitxitinii, kotxi Apiananiri sikaposotiiretapekano atāo nikamini hītemoni. Txamari kona ninirekari Xesosi sākire hītakanapini, nota txitinii xika. Ninirekari hīte kataparaxinire hinini, Xesosi sākire iteene hāuikini īkapani.

¹¹ Nitariakori, xipope niōkatsopare. Ereēpiko. Ikiniōtika atāonoka hīkamako. Xesosi sākire iaōka hīkamako. Hīkamariko nisāpiretakiti iaōka. Hīxinikakiti ātinoka itxauako. Kona hītxitakakapeua. Ininiākara Teoso katiraōkiri, kauaīreri, auapikako hītekata.

¹² Haōkitakakasaakua, hīpoxokoniritika hāpakapakauako, kotxi Apiananiri nakitiakori hītxaua.

Ikinimane Teoso nakitiakori uai auakani xinikamanapitai hīte.

¹³ Apiananiri Xesosi Kristo sikari ikinipoko erekari hītemoni. Teoso iteene tiretai. Erekari Matamatakoti moianatai hīte hīkinika. Ameē.

KARÁSIA Paoro Iokanatsopata Karásia Auakanimoni

¹ Nota Paoro iokanatsopata ia aätsopa hitemoni. Nota Teoso iokanatakitino kákitimoni Teoso iokanapirena nisápiretini íkapani. Kona kákitini iokanatano nota. Xesosi Kristora iokanatano nota. Aíri Teoso, Xesosi ipinaáka atoko ókitikakarira, iura iokanatano nota kákitimoni. ² Ikinika áitariakori notakata auakani, nota apaka xinikanátaí híte. Híte ikini aikoti Teoso misákiiretikoátaá apotiitakaniua Karásia tixini auakani axinikanátapika.

³ Aíri Teoso, Xesosi Kristo aáuíte pakini sikari ikinipoko erekari hitemoni. Ninoa kamaerekaxiniretai híte.

⁴ Xesosi ipina amaerekani imaktxakini íkapani. !Erekari uatxa auakani. Maerekati kamakani sauaki aáuakasaaki, Xesosi ipina ate imaktxakini íkapani, amapinakani íkapani. Xesosi ipipe ate íkapani, kotxi aíri Teoso nirekari Xesosi ipinini ate maerekani imaktxakini íkapani. ⁵ Ikinioítika: “Peerekai,” matxari Teoso. Átipirika kákiti txapikari Teoso: “Peerekai.” Ameë.

Áti Iokanapirena Erekari !Auari

⁶ Nikenakopiretari Teoso hitakanapaápotini. Iuasaaki nitsoríkaánáta. Kinirepa hitakanapari Teoso sákiere? Kotxi mapa kasiritinoka híte auikari Teoso iokanapirena erekari. Kristo iteene tiretai híte, ininiá akiritai híte inakitiakori hininiua íkapani. Kinirepa háuikatarí áti iokanapirena? ⁷ Atáo nisápiretai híte. Áti iokanapirena erekari !auari. Nike-nakopiretari kákiti híte oereékani. Ninoa nirekari ikoketinirina isákiirena Kristo iokanapirenakata. Uatxa !himarotaikari atáo sápirenatxi. ⁸ Atáo asápiretapekai Teoso iokanapirena erekari. Átiáo sákiiretxiti asápiretiniáí, Teoso iokanataua ate kákiti misiritikomoni, átipirika misirikaretxi auiniátaá. Teoso nitiri iaxitikiri apaka sápiretiniáí átiáo iokanapirenatxi, Teoso iokanatarí iua initiri imisiritikomoni átipirika misirikaretxi auiniátaá. ⁹ Híte auikapekari Teoso iokanapirena erekari. Átiáo iokanapirenatxi sápiretakari sápiretiniáí Teoso iokanapirena atáo minakati, iokanataákkako imisiritikomoni átipirika misirikaretxi auiniátaá. Asápiretapekai íkara inakari sákiiretxiti. Uatxa iuaíkana nisápiretai.

¹⁰ Íkara atoko nitxai híte, ininiá himarotari kona ninirekari: “Peerekari Paoro kamakiti,” niniko. Nota nirekari Teosonoka: “Peerekari Paoro kamakiti” ininino. Nanera atáo minakati sápiretakani txai híte: “Paoro nirekari kákiti apokaerekatiniri iua.” Íkara na atáoni. !Ninirekari kákiti apokaerekatinino nota. Ninirekiniári kákiti apokaerekatinino, kona Kristo nitiri !nitxaikaua.

Teoso Akiritari Paoro

¹¹ Nanera atáo minakati sápiretakani híte oereékani: “Paoro iokanapirena kona Teoso iokanapirenani,” itxana ninoa sákiere. Nitariakori atáopitikara nisápiretai híte. Iokanapirenatxi hitemoni nisápiretakiti kona kákiti sákiireni. Teoso sákiirera. ¹² Kona kákitini sápiretano ia iokanapirenatxi. Kona kákitini oerekano. Xesosi Kristora sápiretano nota iua iokanapirenatxi.

¹³ Híte imarotari mitxi nauakasaaki, Xoteo kiomaneakorini oerekakiti nauikasaaki, iuasaaki kona nitiretana Xesosi sákiere auíákani. Iteene nimisiritana ninoa. Ninirekari nixipokiniri Xesosi sákiere kípitakani. ¹⁴ Iuasaaki nimarotari Xoteoakori kitzakapiríkarini paniátakiti. Nikamari imakinika ninoa paniátakiti. Iuasaaki nimoianariakori apaka kamari ninoa kitzakapiríkarini paniátakiti. Nota apiata kamari ninoa sákiere iaóka. Iteene ninirekari nikaminiri kitzakapiríkarini paniátakiti.

¹⁵ Teoso iteene tiretano nota. Iua mereëno nota nauini apisapanika. Iuasaaki akiritano nota initiri nininiua tíkane. ¹⁶ Teoso keto manapi apokasaaki, oerekari imi notamoni, imi Xoteo minakonimoni nisápiretini íkapani. Iuasaaki kona nisápiretari kákiti Teoso oerekakiti sákiiretxiti, ininiá na kákitini sápiretano nikamakiti tíkane. ¹⁷ Iuasaaki kona nisari Xerosareë sitatxitimoni, ininiá nota apisapanika Teoso iokanatakini kona ótákiikano. Kona kákitimonini nisa noerekiko íkapani. Arápia tixinimoni nisapitipo. Eereka nikanapiriá Tamásiko sitatxitimoni.

¹⁸ Ipi anokanani, áti anokanani pakinikanani napaáka atoko, nisa Xerosareëmoni Petro nimisákiiretini íkapani. Ipi semanati ninapa Petrokata. ¹⁹ Apanakini Teoso iokanatakini isákiere sápiretakani kona naókita. Apiananiri itari Txiako inakorinoka naókita. Ininiákara kona kákiti sákiireni nisápiretai híte. Teoso iokanapirenakara nisápiretai híte.

²⁰ Ia niókatsoptakiti nisápiretakiti hitemoni atáo inakari. Teoso imarotari atáo inakari nisápiretinií.

²¹ Xerosareëmoni nisaäka atoko, nisari Síria tixini, Sirísia tixini apaka. ²² Iuasaaki Kristo säkire auïäkani, Xotéia tópa auakani, ! aókitapanikano nota iuasaaki. ²³ Ninoa imarotari apanakini minapiretakiti. Apanakini säkire: “Kiki mitxi ate misiritakari, uatxa säpiretari Xesosi säkire. Mitxi iua nirekari ixipokiniri Xesosi oereëkiti säkiretxiti, iuaritika uatxa inirekari oerekiniri Xesosi oerekakiti säkiretxiti kákitimoni,” itxana apanakini säkire. ²⁴ Ininiäkara ninoa: “Peerekari Teoso,” itxana, kotxi nota aukapekari Xesosi säkire.

2

Xesosi Iokanatakini Apakapari Paoro

¹ Katosi anokanani napaäka atoko, nikanapiriä Xerosareëmoni nimoianari Panapee inakorikata. Nanikari nimoianari Txito inakori apaka notakata. ² Xerosareëmoni nisa, kotxi Teoso oerekano nisini iuamoni. Iuaä napokasaaki, nisäkirauata Xesosi säkire auïäkani auïteakorikata. Ninoakatanoka nisäkirauata. Teoso iokanapirena erekari Xoteo minakonimoni nisäpiretakiti nisäpiretana ninoa. Nota nirekari ninoa imarotini nisäpiretakiti atão inini. Apaka ninirekari ninoa imarotini iuaïkana katana nisäpiretakiti atão inini ikapani. Nisäpiretakiti ikenakotakasaakina, ninoa: “Atãopitikara pisäpiretakiti Xoteo minakonimoni,” itxana. ³ Txito nimoianari na Xoteo ! itxaua. Krekora itxaua, ininiäkara Teoso takaótxikare ! auari iuamoni, iuaritika Xesosi säkire auïäkani auïteakori na paniätari itsiki mata kisauakiko. ⁴ Mitxi apanakini kikiakori apoka iuaä. Ninoa säkire: “Ate auikari Xesosi säkire,” itxana ninoa. Txamari na atão ninoa säkire. Ninoa apotiitaua Xesosi säkire auïäkaniakata. Inirekarina Txito itoä Teoso takaótxikare takiko. Ninoa nirekari imarotini kitxakapiriäkarini Xoteo kiomaneakorini paniätakiti atakanapini, kotxi atakanapapekari ipixini ninoa paniätakiti, kotxi Kristo Xesosi nakitiakori atxapekaua. Ninoa nirekari imarotini ikinika ate oerekakiti säkiretxiti. Ninoa nirekari ate kaminiri ikinika kitxakapiriäkarini Xoteo kiomaneakorini paniätakiti. Ninoa nirekari ikinika Xesosi säkire auïäkani, Xoteo minakanuia apaka kaminiri Xoteo kiomaneakorini paniätakiti. Ninoa nirekari nitritxi amotakoni atoko aniniua. ⁵ Kona xatiki akamari ninoa nireëkiti, kotxi inirekarina Teoso iokanapirena atão inakari akoketini Xoteo kiomaneakorini paniätakitikata. Ate nirekari Teoso iokanapirena atãonoka inakari asäpiretinii.

⁶ Xesosi säkire auïäkani auïteakori txari notamoni: “Xoteo minakonimoni pisäpiretakiti erekapitikari. Apikomoni ate säkire ! auari ninoa pisäpiretini ikapani,” itxana. Ninoa auïtetxiakori itxauana, iuaritika Teosomoni ninoa apanakini kákiti poiãorini atokotxikana itxauana, kotxi Teoso atamari aákinire. Ininiäkara nota !nipikari auïtetxi. ⁷ Ninoa Xesosi säkire auïäkani auïteakori apokaerekatari nipaïka. Ninoa imarotari Teoso sikano nota ia païkatxi, ia iokanapirenatxi erekari nisäpiretinina Xoteo minakanuia. Iua atokotxikana Teoso sikari païkatxi Petromoni, iokanapirenatxi erekari Xoteoakori isäpiretini ikapani. ⁸ Teoso iokanitari Petro Xoteoakorimoni, ininiã isikaposotiiretari ia ninoa sauaki ipaïkaauatakasaaki. Iua atokotxikana Teoso iokanatanano nota Xoteo minakonimoni. Nota apaka isikaposotiireta ninoa sauaki nipaïkaauatakasaaki. ⁹ Iuasaaki ninoa auïteakori Txiaiko, Petro, Xoão pakini imarotari Teoso sikinino notamoni ia païkatxi, ininiäkara imaïkarina niuako, Panapee uako pakini, kotxi akinika apaïkaauata Teoso ikapani. Akinika aãpokaerekatari nota, Panapee pakini säpiretiniri Teoso säkire Xoteo minakonimoni. Akinika aãpokaerekatari Txiaiko, Petro, Xoão pakini säpiretiniri Teoso säkire Xoteoakorimoni. ¹⁰ Ninoa paniätaua ate matxineiroteni atiretini. Iuanoka ipaniätaua. Napokaerekatari ninoa säkire, kotxi ninirekapitikari matxineiroteni nitiretini.

Paoro Ótäikari Petro

¹¹ Eereka Petro motikaétaua ate Átxiokia sitatxiti aäuakasaaki. Iuasaaki Petro kamakiti na atãoni. Ininiäkara nota säkirauata Petro apisatoö: “Petro, pite kerokari,” nitxari iua. ¹² Merepanika Petro nipokota ikiniótika aïtariakori Xoteo minakonikata. Eereka átikaka kikiäkini apoka Txiaiko iokanatakini. Iuasaaki Petro pïkana ninoa, ininiã kona inikaika aïtariakori Xoteo minakonikata, Xoteo kiomaneakorini säkire xika, kotxi ninoa säkire: “Kákiti Teoso takaótxikare iïtoã mauakaníã, !pinipokotape ninoakata,” itxana ninoa säkire. Petro pïkana Txiaiko iokanatakini, kotxi ninoa nirekari Teoso takaótxikare auini aïtariakori itoã, Xoteo minakanuia itoã. ¹³ Apanakini Xoteoakori Xesosi säkire auïäkani apaka kamari Petro kamakiti atokokana, ininiã ninoa apaka kerokari. !Nipokotaikana aïtariakorikata, Xoteo minakanikata. Ninoa kerokiniri xika Panapee apaka kerokari. Iua apaka ! inipokotaika aïtariakorikata, Xoteo minakonikata. ¹⁴ Nimarotakasaakiri ninoa kerokiniri ikamakitina, nota misäkiretari Petro ikinimane ókiãtaã, kotxi ninoa !kamari atão inakari. Teoso iokanapirena erekari iaóka !ikamana. Nitxari iua: “Xoteokarai, iuaritika pauanáta Xoteo minakanuia sauaki, ininiã Xoteo kamakiti atoko !pikamaika. Xoteo minakanuia

atoko pitxaua. Ininiäkara kinirepa pite paniätana Xoteo minakanuia: ‘Hĩkĩpitariko Xoteo kiomaneakorini sãkire?’ !Erekari,” nitxa Petromoni.

Xesosi Sãkire Auikiko Kamaerekatari Kãkiti

¹⁵ Ate Xoteo atxaua, kotxi aĩri, ainoro pakini Xoteo txaua apaka. Xoteo kiomaneakorini sãkire: “Xoteo minakanuia maerekati kamakani itxauana,” itxana isãkirena. Xoteo minakanuia !atxaua ate. ¹⁶ Aimarotari, aũuikiniãri Xesosi Kristo sãkire, iua kamaerekatari aãkixinire, ininiäkara Teoso apakapaua. Kitxakapirĩka Teoso sãpiretari Moisesi ipaniãtakiti kãkiti kamini ikane. Ininiäkara Moisesi iõkatsopatarari ikara Teoso sãkire. Txamari ! aposotari akaminiri imakinika Teoso paniãtakiti, Moisesi iõkatsopatakiti, ininiäkara !ika-maerekatari aãkixinire. !Apakapaua ate. Ate auikari Xesosi sãkire ereka anini ikapani, ininiã Teoso apakapapitikauea ate. Teoso paniãtakiti iõkatsopatakori ikinika ! aposota akamini, ininiã Xesosi kamaerekatari aãkixinire Teoso apakapiniua ikapani, Kristo sãkire aũuikasaaki. ¹⁷ Anirekasaakiri Teoso kamaerekatinina, aãpoka Kristomoni. Iuasaaki aimarotari maerekati kamakani aniniua. Iuaritika Kristo makatxakari amaerekani Teoso apakapiniua ikapani. Ikara atoko ininiã, atxiĩti Kristo nirekatari maerekati akamini, imaktxakiniĩri ikapani? Konapitini. ¹⁸ Atxiĩti kãkiti imarotari Xoteo kiomaneakorini paniãtakiti kamiko na kamaerekatari kãkiti aãkixinire, ininiã itakanapari ninoã paniãtakiti ikamini. Atxiĩti aĩti õti iuaĩkana ikamari ninoã Xoteo kiomaneakorini paniãtakiti iaõka, ininiã iuasaakiikarako ikerokari. ¹⁹ Moisesi iõkatsopatakiti oerekano nota ipĩkari atoko nininiua, kotxi nota kona posotari ikinika Moisesi iõkatsopatakiti iaõka nikamini, ininiã nimisiritiko auapitikako. Ininiã nimarotari Moisesi iõkatsopatakiti kona makatxakari nimaerekani. Ininiã nimarotari Xesosi sãkire auĩakarinkara auapininiika. Ininiã uatxa ikiniõtika ninirekari Teoso nireẽkitinoka nikamini. ²⁰ Xesosi okaãka aamina ĩpiriãmitakari nopini. Aamina ĩpiriãmitakari nopini okakori atoko nitxaua, kotxi maerekati mitxi nikamakiti ! ninirekari nikaminiri. Mitxi ninireẽkiti kona auaika. Iuaritika auãkipanika nitxaua, kotxi Kristo aua nãkixinireẽ. Teoso aĩri sãkire nauikiniã, auãkipanika nitxa. Iua tirtano nota. Iua ipĩpe nota ikapani. ²¹ Moisesi iõkatsopatakiti kamiko kamaerekatiniaua ate, kinirepa Xesosi ipina? Moisesi iõkatsopatakiti kamiko na xatikĩ kamaerekataua ate. Teoso tiraõkinokara kamaerekatari aãkixinire.

3

Natokopa Itxa Teoso Kamaerekatiniaua?

¹ Hĩte Karásia tixini auakanii kona kĩkĩteĩ hĩte. Kipa misirienetai hĩte atão inakari himakamakani ikapani? Kotxi himarotapitikari atão inakari. Himarotari Xesosi Kristo ipina aamina ĩpiriãmitakari nopini amaerekani imaktxakini ikapani. Ate oerekapekai ikara atão inini. ² Ianoka nipimaãĩ hĩte: Kisaakipa hãpakapari Erekarĩ Matamatakoti? Hãpakapatarari iua, Moisesi paniãtakiti hĩkamakasaaki? Konapitini. Hãpakapatarari Erekarĩ Matamatakoti Teoso iokanapirena erekarĩ hãuikasaaki? Ari, Teoso iokanapirena erekarĩ hãuikasaaki, iuasaakiikara hãpakapari iua Erekarĩ Matamatakoti. ³ Kipa iomaĩikitetai hĩte? Merepanika Teoso sikari Erekarĩ Matamatakoti hĩtemoni, ininiã Erekarĩ Matamatakoti sikaposotiiretai hĩte Teoso paniãtakiti hĩkamini ikapani. Uatxa hĩxinikatarari Teoso paniãtakiti hĩkamini hĩteka posotiireẽkani? Konapitini. Kona hĩte posotari. ⁴ Himisiritapeẽkaika Xesosi sãkire hãuikini xika. Kinirepa himĩteenekatarari himisiritiko? Atauako uatxa kona hãuikaikari mitxi hãuikakiti Xesosi sãkire? ⁵ Kirisaakipa Teoso sikari Erekarĩ Matamatakoti hĩtemoni? Kirisaakipa Teoso oerekari iposotiire hĩtemoni? Atauako ikara atoko itxa Moisesi paniãtakiti hĩkamakasaaki? Konapitini. Isikai Erekarĩ Matamatakoti, oerekai iposotiire, Teoso iokanapirena hãuikasaaki.

⁶ Hĩxinikariko Apraãoni. Apraão auikari Teoso sãkire, ininiäkara Teoso kamaerekatari iua, ininiã Teoso apakapari iua. ⁷ Ininiã ninirekari himarotiniri, kãkiti Teoso sãkire auĩakani Apraão apika mekaniriakori atão inakani itxauana ninoã. ⁸ Teoso kamaerekatari Xoteo minakanuia, kotxi ninoã auikari Xesosi sãkire. Kitxakapirĩka Teoso sãkire iõkatsopatakori sãpiretapekari ikara Teoso iokanapirena erekarĩ Apraãomoni. Ikara iõkatsopari txari: “Nota sikariko erekarĩ ikinimane kãkitimoni, kotxi pite Apraão auikari nota sãkire.” ⁹ Apraão kĩpitarari Teoso sãkire, ininiäkara Teoso takari erekarĩ iuamoni. Iua atoktxikana Teoso takari erekarĩ iua sãkire kĩpitakanimoni.

¹⁰ Apanakini uãkatari Teoso apakapinina ninoã, kotxi ikĩpitarina Moisesini sãkire. Txamari Teoso misirikare pamõõkonipaniriko ninoamoni, kotxi Teoso sãkire iõkatsopatakori txari: “Teoso misiritariko kãkiti ikinika Moisesi paniãtakiti ikiniõtika imakamakanisaaki.” ¹¹ Teoso sãkire iõkatsopatakori txari: “Teoso kamaerekatariko kãkiti, iua sãkire auĩakani. Ininiã isãkire auĩakani auapininiika itxako Teosokata,” itxa Teoso sãkire iõkatsopatakori. Ininiäkara aimarotari Moisesi paniãtakiti kĩpitiko kona kamaerekatari kãkiti. ¹² Moisesini

iökatsopatakiti kona paniätáua aäuikiniiri Xesosi ipinini amaerekani imakatsxakini ikapani. Moisesi iökatsopatakiti paniätáua akaminiri ikinika Teoso paniätakiti. Teoso säkire iökatsopatakori txari: “Käkiti, Teoso paniätakiti iökatsopatakori ikinika makerokakatirako auapininiika itxako Teosokata,” itxa Teoso säkire iökatsopatakori.

¹³ Txamari ätika Teoso paniätakiti Moisesi iökatsopatakiti akerokiniä, amisiritaäkako. Kristo makatsxakaua ate ikara misirikaretxi monökori, kotxi Teoso misiritari Xesosi Kristo aamina ipiriämatakari nopini ate maerekani xika ate mapinakani ikapani. Teoso säkire iökatsopatakori txari:

Käkiti aamina nopini okakori Teoso misiritakiti itxaua.

¹⁴ Teoso sikaenetari erekari Apraõomoni. Kristo ipípe híte Xoteo minakanuia ikara erekari häpakapini ikapani. Ininiä Xesosi Kristo säkire aäuikasaaki, aäpakapari mitxi Teoso sikaenetakiti. Aäpakapari aäxixinireë Erekari Matamatakoti, Teoso sikaenetakiti atemoni.

Teoso Sikaenetakiti Säkiiretxiti

¹⁵ Nitariakori, ikinimane käkiti imarotakiti nisäpiretaiko híte, noereëkiti säkiiretxiti iteene himarotini ikapani. Ipi käkiti aua itiina isikaenetakakana. Iuasaaki, iökatarina iuäkana isikaenetakitina tsopä. Eereka !auiritaäkana imaxinikaretinirina isikaenetakitina. Apaka !auiritaäka säkiiretxi apikomoni itakinina isikaenetakitina tsopä. Teoso sikaenetakiti inakitiakorimoni ikara atoko itxa. ¹⁶ Himarotariko ia. Teoso sikaenetari erekari Apraõomoni, Apraõo apika mekanirimoni apaka. Teoso säkire iökatsopatakori na txari: “Apika mekanirakori.” Teoso säkire iökatsopatakori txari: “Apika mekaniri.” Ininiä ätika apika mekaniri. Kristo itxaua iua. ¹⁷ Ia ninireka nisäpiretini. Kitxakapirika Teoso sikaenetakiti Apraõomoni apokapeka. Koatrosëtosi trita pakini anokanani Apraõo auaka atoko, Teoso säpiretari Moisesi ipaniätakiti iökatsopatinii ikapani käkiti kamini ikapani. Moisesi iökatsopatakiti kona xipokari Teoso sikaenetakiti Apraõomonikari. ¹⁸ Teoso sikari Kristo käkitimoni, kotxi mitxi isäpiretari isikaenetakiti Apraõomoni. Teoso sikasaakiri ipaniätakiti säkiiretxiti Moisesimoni ikara iaöka käkiti kamini ikapani, isikaenetakiti auapeka iuasaaki. Ipaniätakiti sikiko !ixipokari isikaenetakiti.

¹⁹ Ininiäkara kininiäpa Teoso sikari ipaniätakiti Moisesimoni käkiti kamini ikapani? Teoso paniätakiti iökatsopatakori oerekaua maerekati kamakanuia ate, kotxi !aposotari ikinika ipaniätakiti akamini. Kristo, Apraõo apika mekaniri ikorapokoriti apokini apisapanika, Moisesi iökatsopatakiti oerekaua Teoso nireëkiti akamini ikapani. Teoso sikaenetakiti itxaua Xesosi Kristo. Teoso sikasaakiri ipaniätakiti säkiiretxiti Moisesimoni, Teoso nitiriarokori aua iuaätaä. Teoso säpiretari isäkire Moisesimoni. Eereka Moisesi säpiretari käkiti. ²⁰ Teoso säpiretakasaakiri Apraõo isikaenetakiti, lipaniätari äti käkiti säpiretiniri Apraõo. Teosonokara säpiretari Apraõo.

Moisesi Iökatsopatakiti

²¹ Moisesi iökatsopatakiti aäuikiniä, atxiiti !anirekaikari Teoso sikaenetakiti? Anirekapitiki. Akiomaneakorini paniätakiti säkiiretxiti, kona txikitakaua aäuapininiika anini tkane. Ininiäkara akiomaneakorini säkire kona kamaerekataua ate, ininiä Teoso kona apakapaua ate, ininiäkara kona aäuapininiika !atxa Teosokata. !Auari mauritakoti säkiiretxiti käkiti auapininiika inini txikitakakari. ²² Teoso säkire iökatsopatakori txari: “Ikininape käkiti kamari maerekati.” Kateia äki auakani atoko atxaua, kotxi !aposotari erekari akamini. Teoso sikaenetakiti sikaäka Xesosi Kristo säkire aäuikanimoni.

²³ Xesosi Kristo säkire auikiko apisa, käkiti kateia äki auakani atokokana itxauana. Käkiti moiaäkari atoko itxaua Teoso paniätakiti Moisesimoni sikakori. !Aposotari anirekinimoni asini. Uatxara aposotapitikari anirekinimoni asini, kotxi Xesosi apokapeka ikorapokoriti. Ipinapeka käkiti ikapani, ininiä uatxa aäuikiniäri iua säkire, kona Teoso misiritaikaua uatxa. ²⁴ Kristo mapokakani apisa, ate oerekakari atoko itxaua Teoso paniätakiti iökatsopatakori. Kristomoni anikakari atoko itxaua ikara. Kristo apokasaaki, Teoso kamaerekataua ate, kotxi aäuikari Kristo säkire. ²⁵ Uatxa apokapeka Xesosi Kristo säkire auikiko. Ininiäkara Teoso paniätakiti iökatsopatakori !imoiaäkikaua ate.

²⁶ Teoso anaakori hitxaua, kotxi häuikari Kristo Xesosi säkire. ²⁷ Híte patxisatapeëkaika, ininiäkara hīpatxisatiko oerekari apanakini Kristo ätipirika himoianatini ikapani. Ininiäkara Kristo atokopeka hitxa. ²⁸ Ikara atoko aniniä, akinika Kristo Xesosi nakiti atxaua, kotxi akaikotapika iuakata. Xoteoakori, Xoteo minakanuia, nitiritxi, nitiritxi minakanuia, kiki, sito, amakinika Kristo nakiti atxaua. ²⁹ Kristo nakiti pininiäua, Apraõo apika mekaniri pitxaua apaka. Ininiä pite apakapitikariko Teoso sikaenetakiti.

¹ Apikomoni nisäpiretaiko hïte äti säkiretxiti. Amarini !apakapari irini tii itakanapakiti iua ikapani, kotxi xapitipanikari. Ikinipoko irini nakiti imi nakiti txapekaua, auaritika na apakapapanikari. Axapitipanika inakasaaki, nitiritxi atoko itxaua. ² Axapitipanika inakasaaki apanakini moiaäri iua. Ninoa nïkatari itxineirote. Irini ketotiniri manapi apokasaaki, imi apakapari ikinika irini tii itakanapakiti. ³ Mitxi iua eenetxi atoko atxaua ate. Nitiritxi atoko atxaua ate. Akiomaneakorini paniätakiti säkiretxiti amoiaäkiri atoko itxaua, kotxi oerekaua akamakiti tïkane. ⁴ Teoso iokanatarari imi käkitimoni iketo manapisaaki. Sito ito äki aua merepanika, ikinimane käkiti atoko. Iua kïpitari ikinika Teoso paniätakiti iökatsopatakorari. ⁵ Amakamakaniäri ikinika Teoso paniätakiti iökatsopatakorari, amisiritiko auapitika. Xesosi makatxakaua ate amamisiritakoni ikapani. Ininiä Teoso anaakori atxaua.

⁶ Teoso anaakori aniniäua, Teoso iokanatarari Erekarari Matamatakoti imi nakiti aäkiniremoni. Ininiä iua Erekarari Matamatakoti aäkiniree auniä, aäkiritari Teoso: "Papai, niri," atxariko. ⁷ Ininiä nitiritxi atoko !atxaikaua. Teoso anaakori atxapekaua. Iua anaakori aniniäua, ikini isikaenetakiti isikaua atemonikari, kotxi Kristo makatxakapekari amaerekani.

!Erekaxinireri Paoro Karásia Auakani Xika

⁸ Mitxi hïte !imarotari Teoso. Iuasaaki nitiritxiakorari amotakoni atoko hïtxaua. Hïparïkauata teoso minakanuia ikapani. ⁹ Uatxa hïte imarotari Teoso. Ari, uatxa Teoso imarotari hïte. Ininiä kinirepa hïte nirekari hïkanapiriini mitxi hïauiteakorimoni. Teosa kaposotiirena ninoa. !Kïkitena ninoa. Kinirepa hïte nirekari iuaïkana ninoa nitiriakorari amotakoni atoko hininiäua? Kinirepa hïte nirekatari iuaïkana hïuikini ninoa oereëkiti säkiretxiti? ¹⁰ Hïte nirekari Xoteo kamakiti atoko inakari hïkamini. Hïuäkatari Teoso apokaerekatinii hïte, kotxi ninoa kiinirite atokotxikana hïte apaka kama. ¹¹ Ininiä !erekaxinireno nota ikara nikenakoenetini. Atauako maxikatïka nota säpiretari Teoso säkire hïtemoni?

¹² Nitiriakorari, nota iteene ötäkikai hïte. Hïtakanapariko Xoteo kiomaneakorini paniätakiti hïkamini. Nota atoko hïtxako, kotxi hïte sauaki nauakasaaki nota hïte atoko nitxaua. Xoteo minakanuia atoko nitxaua. Hïtekata nauakasaaki, !himisiritano nota. Hïtoretano nota. ¹³ Hïxinikari merepitipanika Teoso iokanapirena erekarari hïte nisäpiretakasaaki, namianare xikara nisäpiretai hïte, hïtekata nauakasaaki. ¹⁴ Iuasaaki namianatakasaaki, hïparïkauatapitipo nota ikapani. !Hinaiakakano. !Hïokanatanano nisini namianare xika. Hïte apakapano nota Teoso nitiri iaxitïkiri hïpakapini atokokana. Hïte apakapano nota, Kristo Xesosi hïpakapini atokokana. ¹⁵ Iuasaaki hïte iteene hïpoxokoniua. Nimarotari ereka hinini, kotxi noki amianatakasaaki, hïposotäakamariko, hïmakatxakamariko hïteka oki notamoni hïsikini ikapani. ¹⁶ Atauako uatxa himokaiakari nitxatxaua nota, atão inakari nisäpiretinii xika?

¹⁷ Ninoa kamisirienererini iteene tiretapitïkamai hïte, txamarini ninoa äkixinire nireëkiti !erekari hïte ikapani. Inirekarina hïte omanatinuia ate. Inirekarina hïte apokaerekatinina ninoanoka. ¹⁸ Erekarari käkiti iteene tiretinii hïte, äkixinire inireëkiti erekarari inakasaaki. Nota hïtekata nimaukanisaaki apaka, erekarari käkiti iteene tiretinii, äkixinire inireëkiti erekarari inakasaaki. ¹⁹ Hïte namariteni nota tiretakini atoko hïtxa. Hinoro atokotxikana nitxa nota. Kaiamapeka auaenetakoro atoko nitxa, kotxi nota atatsiirauata hïte xika. Kristo kamakiti atokotxikana hïkamakasaaki, iuasaakinoka nitsii näkixinire auakari iotoka. ²⁰ Kiniräo auaka nitxa hïtekata uatxa. Ninirekarari äpisatoötakakiniua, ininiä nixinikakiti ipinimonipo itxa atxiiti. !Erekaxinireno nota hïte xika.

Akaa, Sara Pakini

²¹ Hïte Xoteo kiomaneakorini paniätakiti nireëkani, himarotatarari ninoa säkire? ²² Teoso säkire iökatsopatakorari säpiretaua, ipi Apraão anaakori aua. Sito niterotxi iamotakitokata aua imi äti. Niterotxi minakotokata itanorokata aua äti imi. ²³ Akaa inakoromoni, niterotxi iamotakitomoni imi aua, kotxi Apraão sirïka oakata. Imi aua Saramoni niterotxi minakotomoni, kotxi Teoso sikaenetari iua imi. ²⁴ Apraão anaakori oerekaua Teoso parïka käkiti ikapani. Iparïka ipi aua, naia sito ipi atoko. Akaa inakoro äkiri nitiritxi amotakori itxaua. Teoso parïka ötanoxiratarari Sinai inakori iua auakasaaki, niterotxi Akaa atoko itxa. Teoso paniätakiti iuasaaki amakamakaniäri, amisiritiko auapitïkako, nitiritxi amotakori atokotxikana. Nitiritxi makamakaniäri ipaträote paniätakiti imisiritiko auapitïkako. ²⁵ Ininiäkara ötanoxiratarari Sinai inakori Arápia tixini auakari Akaa atoko itxa. Apaka ikorasaaki Xerosareë sitatxiti oa atokokana itxa, kotxi Xerosareë auakani Akaa anaakori atoko itxana ninoa. Nitiritxiakorari amotakoni atoko itxana. Ninoa Xerosareë auakani !ikamari ikinika Teoso paniätakiti, ininiä Teoso misiritapitïkanako ninoa. ²⁶ Äti Xerosareë auapitika, iaxiti auakari Xerosareë, Teoso tixine. Xerosareë iaxiti auakari Sara atoko, kotxi

Sara niterotxi amotakoro !otxaua oa. Ate inoro atoko otxaua oa. Sara ãkiri atoko atxaua, kotxi amisiritiko !auaika. Aãuikiñiãri Xesosi sãkire, aksiomaneakorini kona paniãtaikaua ate ninoa nireëkiti akamini. ²⁷ Teoso sãkire iõkatsopatakori txari:

Pite sito meenetoi pipoxokoniuatoko. Pite sito pauãkitakarauatini tsi mimarotakatoi, pixikarauata pipoxokoniritika, kotxi pite takanapakoroi, itori pamariteakori auako. Kitaniriro poiãoka oamariteakori auako,

itxa Teoso sãkire iõkatsopatakori.

²⁸ Ininiã nitariakori, Sara ãkiri, Isaki inakori atoko atxaua, kotxi Teoso sikaenetari Apraão imi Saramoni auini. Iuatxikana Teoso sikaenetaua Xesosi amaerekani imaktxakini ikapani, Teoso anaakori aniniua ikapani. ²⁹ Akaa ãkiri Isimaeo inakori iponaniã, kotxi Apraão nirekari imi, ininiã iua sirika Akaakata. Sara ãkiri Isaki inakori iponaniã Erekar Matamatakoti posotireë, Eereka Isimaeo misiritari Isaki. Iua atokokana itxa uatxa. Teoso anaakori minakaniua misiritari Teoso anaakori. ³⁰ Teoso sãkire iõkatsopatakori txari:

Hïokanataroko niterotxi iamotakoro ospinini imikata, kotxi niterotxi ãkiri kona apakapaniri ipixini iri tii. Niterotxi minakoto ãkirinoka apakapari iri tii,

itxa Teoso sãkire iõkatsopatakori. ³¹ Ininiã nitariakori, niterotxi amotakoro ãkiri atoko ! atxaua. Niterotxi minakoto ãkiri atoko atxaua.

5

Takaõtxikari !Ikamaerekatari Kãkiti

¹ Nitiritxi kamari ipatrãote nireëkitinani. Ikara atoko uatxa !atxaua, kotxi aãuikari Kristo sãkire. Kristo makatxakapekaua amisiritiko monõkoni. Ininiãkara nitiritxi amotakoni atoko iuaikana !hïtxapeua. !Hãuiritapiri kãkiti paniãtinii ninoa auãkiti hãuikini.

² Hïkenakotako. Nota Paoro sãpiretaiko hïte. Hãuiritiniãri takaõtxikari takiko hïtoã Xoteo atoko, ininiã hãuikari takaõtxikari kamaerekatinii hïte Teoso apakapini ikapani. Txamari na atão. Kristonoka kamaerekatari kãkiti Teoso apakapini ikapani. Erepaniko, pinirekiniãri takaõtxikari, !pinirekaikari Kristo. ³ Iuaikana nota õtãkikai hïte. Hãuiritiniãri takaõtxikari takiko hïtoã Xoteo atoko, ininiã Moisesi paniãtakiti ipixini hïkamapeka. Ikara atoko hininiã, ikinika ipaniãtakiti hïkamako. ⁴ Åtikaka hïte nirekari Moisesi paniãtakiti hïkamini Teoso kamaerekatinii ikapani. Txamari ikara atoko hinirekiniã, hïtakanapari Kristo. Ininiãkara Teoso liposotari ikinipoko erekari isikini. ⁵ Atepekana, ate auikari Xesosinoka txïkitakiniri kãkiti ereka inini ikapani, Teoso apakapini ikapani. Ikamaerekataua Erekar Matamatakoti posotireë, kotxi aãuikari Xesosi sãkire. ⁶ Takaõtxikari hïtoã auiniã, iua takaõtxikari ! ikamaerekatai hïte. Takaõtxikari hïtoã mauakaniã, takaõtxikari mauakani !ikamaerekatai apaka. Kristo Xesosi nakitiakori aniniãua, Teosora kamaerekataua, kotxi aãuikari Xesosi sãkire, ininiã atiretari iua.

⁷ Merepanika hïte auikapitikari Xesosi sãkire. Kipa xipokatari atão inakari Teoso sãkire hãuikini? Natokopa itxa Teoso sãkire atão inakari hïtakanapini? ⁸ Hïte akiritakari itxaua Teoso. Kona iuani xipokari hãuikiniri atão inakari isãkire. ⁹ Kãkiti sãkire txari: “Pão ãtikaãkari axapitiri ipani, iuaritika iãtikakakiti itori ipe.” Iua atokokana ãtika maerekati kamakari xika kaiãopokori kãkiti kamari maerekati. ¹⁰ Teoso kamaimaroretano nota hïte takanapiniri hïkerokakiti, atão inakari hïkamini ikapani. Hïte nitariakori hïtxaua, kotxi Apiananiri nakitiakori atxaua, ininiãrako nimarotari nota õtãkikinii iaõka hïkamapanikako. ! Nïmarotari iua kiki himisirienetakiri. Ia nimarota. Teoso misiritapanikariko iua.

¹¹ Apanakini sãpirenãtari: “Paoro paniãtari Xoteo minakaniua takiniri takaõtxikari iïtoãna.” Na atão ninoa sãkire. Nipaniãtaãkamariko takaõtxikari takiko, nimisiritiko ! uauamako. Kona nipaniãtari Xoteo minakaniua takiniri takaõtxikari iïtoãna. Ikara xika nimisiritaãka. Nisãpiretari ia: Kristo aamina ïpiriãmitakari nopini ipipe amaerekani imaktxakini ikapani. Kristonoka kamaerekataua Teoso apakapiniua ikapani. Ikara noerekakiti xika nimisiritaãka. ¹² Ninoa kamisirienenerini nirekiniãri itsiki mata kisauakiko, erekari itsikipati tsotatiko apaka. Nomanãkarauata, ninoa misirienetinii xika.

¹³ Nitariakori, Teoso akiritai hïte iua nakitiakori hininiua ikapani, ininiãkara uatxa hïposotari hïteka nireëkiti hïkamini. Iuaritika ! hïkamapiri maerekati hïto nireëkiti. Ia hïkamako: Hïtoretakakauako ãtipirika. Ikara atoko hininiã, himoianatakakauako. ¹⁴ Teoso paniãtakiti txari: “Pitiretana apakanii piteka pitiretiniaua atokokana.” Ikara paniãretxi pikaminiã, pikamapekari ikinika Moisesi paniãtakiti. ¹⁵ Kaxipiri ïtopa auakani atoko ! hïtxape. Ninoa karotakakaua, okakakaua itxana. Erepaniko. Kaxipiri ïtopa auakani atoko hininiã, hïxipokakauako.

Aïto Nireëkiti

¹⁶ Nõtãkikare ia atoko itxapaniko: Hãuiritariko Erekar Matamatakoti oerekinii iua kimapore ikiniõtika. Iua hïkimapore oereëkari ininiãua, ! hïkamapiri maerekati hïto nireëkiti.

17 Aïto ! inirekari Erekarí Matamatakoti nireëkiti. Iuatxikana Erekarí Matamatakoti ! inirekari hiïto nireëkiti. Erekarí Matamatakoti mokaiakari itxaua aïto. Ininiã aãkixinire nireëkiti ! aposota akamini aïto nireëkiti xika. 18 Iua Erekarí Matamatakoti oerekiniã pikimapore ikiniõtika, pikaminiãri iua nireëkiti, ininiã Xoteo kiomaneakorini paniãtakiti loerekaikari pikimapore.

19 Aïmarotapitikari kãkiti ïto nireëkiti. Inirekari ïtaniritxi minakotikatika osirĩkini, ïtanorotxi minakotokatika isirĩkini, mitxitakari ãtokata isirĩkini. Kãkiti ïto nirekari kãkiti xinikaxititini maerekati ïto nireëkiti. Kãkiti ïto nirekari ãti kãkiti ïto, maerekati ikaminina ïkapani. 20 Kãkiti ïto nirekari teoso kãkiti kamakiti iteosone ïkapani. Kãkiti ïto nirekari maerekani matamatakoni paniãtakiti ikamini. Kãkiti ïto nirekari omanãkaretxi, neenamãtxi, xikoretxi, norikaretxi, iuikaretxi. Kãkiti ïto nirekari kãkiti omanatiniri apanakini. 21 Kãkiti ïto nirekari ãti kãkiti tii. Inirekari okanitxi, poãtakatxi, maerekati kiiniriti ikamini. Ikara atoko inakari maerekati kãkiti ïto nireëkiti. Uatxa nipinitai hiïte, mitxi nipinitiniã atokotxikana. Ikara maerekati kamakani !auapani Teoso auïtetxi ininiãtaãua.

Erekarí Matamatakoti Nireëkiti

22 Iua Erekarí Matamatakoti aãkixinireë auiniã, ! ikara atokoni itxa akamakiti. Iua Erekarí Matamatakoti aãkixinireë auiniã, atiraõkiuata. Apoxokoniuaata. Erekarí Matamatakoti ! Katimari aomanãkarauatini. Aamonãkarauata. Erekausa. Akamaenetakiti akamapitika. 23 Ate liuikaua. !Akamari maerekati aïto nireëkiti. Ikara atoko atxa, Erekarí Matamatakoti aãkixinireë auiniãua. Ikara atoko aniniã, amisiritiko !auari. 24 Kristo nakitiakori aniniãua, !anirekaikari akaminiri maerekati aïto potxitakiti, aïto nireëkiti. Amanirekakiniti aõkini atokokana, aõkapekari maerekati aïto nireëkiti. 25 Erekarí Matamatakoti txikitakari axinire auãki inini, ininiãkara makamari ikinipoko iua nireëkiti ikiniõtika. 26 !Apakata aãuikinua. ! Apakata anenamauatini. !Apakata axikotakakiniua.

6

Himoianatakakiniua

1 Nitariakori, hiïte Erekarí Matamatakoti nireëkiti kamakanii, himarotakasaakiri aïtari kaminiri maerekati, hõtãkikariko iua imaerekani itakanapini ïkapani. Hõtãkikariko hiïtiraõkiritika. Iuasaaki erepaniko, kotxi atxiïti hiïte apaka nirekari iua maerekani atokotxikana hiïkamini. 2 Himoianatakakauako hiïtapa poiãonoka inakasaaki. Ikara atoko hininiã, hiïkamari Kristo paniãtakiti apanakini hiïtaretini. 3 !Erekarí ate iuikinua. Kãkiti minakati: “Apiari nota,” inakari, iuanika misirienetaua. 4 Erekarí nataerekatiniri notaka kamakiti. Erekarí atxiïti? Nikamakiti eka ininiã, nipoxokoniuaata. !Apakata nãkixinireë nixinikiniri: “Iua ãti kamakiti apiaerekata. Nota kamakiti poião erekarí.” !Apakata ikara atoko ninini. 5 Ikininape kãkiti aua iparĩka kasãpaniri. Iuanoka posotari ikaminiri.

6 Teoso sãkire oereëkari oerekiniã pite Teoso sãkire, iuasaaki minakiti auiniã pisikari iuamoni. Nipokori atxiïti, txineiro atxiïti, pisika iuamoni, kotxi iua kikiote !auari. 7 Pitika !pimisirienetapeuako, kotxi !piposotari Teoso pimisirienetini. Teoso misirienetakari ! auari. Pikiikioteë mitxi pitakakiti iaõka papakapa. Iua atokokana pikamakiti eka inini, papakapari erekari. Pikamakiti maerekati inini, papakapari maerekati. 8 Piïto nireëkiti pikaminiã, papakapari piïto siãkitinoka. Piïto sikai ipikixinoka. Teoso misiritapitikai. Erekarí Matamatakoti nireëkiti pikaminiã, papakapari iua siãkiti. Iua siãkiti Teosokata ãtipirika pauini ïkapani. 9 !Apakata asãpakini erekari ikiniõtika akamini. Makamari erekari ikiniõtika, maiotokanikaua anini. Erekarí akamini amaïotokakaniã, erekarí Teoso sikakiti aãpakapini apokapitakako. 10 Ininiã aposotakasaakiri, makamari erekari ikininapemoni. Merepanika makamari erekari aïtariakorimoni Xesosi sãkire auïãkanimoni.

Imapotõkire Õtãkikaretxi

11 Hãtamatariko ia niõkatsopare mitari. Ia iõkatsopari imapotõkire nota niuakoã niõkatsopatakiti. 12 Apanakini hiïte sauaki nirekari ninoaka apokaerekatiko, ininiã isãpiretari kãkiti potxitakitinoka. Ninoakara paniãtai hiïtakiniri takaõtxikari hiïtoã. Kininiãpa ninoa nirekari takaõtxikari hiïtakini? Ninoa misiritiko monõkoni xika, ninoa paniãtari Xoteo minakanua takiniri takaõtxikari hiïtoãna, ininiã Xoteoakori potxitari ninoa oereëkiti sãkiretxiti. Inirekarina Xoteoakori apokaerekatinina ninoa. Txamari Kristonoka kamaerekatari kãkiti, kotxi ipiïpe aamina ipiriãmitakari nopini kãkiti maerekani imaktaxikini ïkapani. 13 Ninoa kamisirienererini kamari Moisesi paniãtakiti takaõtxikari itakinina hiïtoãna. Txamari ikinika Moisesi paniãtakiti ! ikamana. Ninoa nirekari hiïte takiniri takaõtxikari hiïtoã, ininiã eereka ninoa iuikaua, kotxi hiïte kamari ninoa paniãtakiti. 14 Kona ninirekari niuikinua. Teoso !inirekari niuikinua. Nota iuikari aãuïte Xesosi Kristo. Iuanokara niuika, kotxi iua ipina aamina ipiriãmitakari nopini ate ïkapani. Ininiã

nota ! ninirekaikari Xesosi sãkire mauiãkani nireëkiti. Iuatxikana ninoa ! inirekari nota nireëkiti. ¹⁵ Takaõtxikari hĩtoã auiniã, iua takaõtxikari ! ikamaerekatai hĩte. Takaõtxikari hĩtoã mauakaniã, takaõtxikari mauakani ! ikamaerekatai. Teoso txĩkitakiniã iua anaakori hininiãua, iuasaaki ikamaerekatai hĩte. Ininiãkara hãkixinire amaneri itxaua. Ininiã mitxi hinireëkiti ! hinirekaika. ¹⁶ Teoso kamaerekaxiniretai hĩte, ikara sãkiretxiti hãuikasaaki. Iua amonĩkai hĩte. Ikara atoko Teoso kamari kãkiti iua nakitiakori ininiuana, atão Isaeo mekaniriakori ininiuana.

¹⁷ Ixipope ia iõkatsopari. Nipinitana nota kamamaxiretakani. !Hĩkamamaxiretapeno, kotxi nimisiritaãkapeka. Nikaro mata auapeka nĩtoã. Auĩtetxi nitiri amotakori karo mata atoko itxa nikaro mata, kotxi Apiananiri Xesosi nitiri nitxaua.

¹⁸ Nitariakori, aãuĩte Xesosi Kristo sikari ikinipoko erekari hĩte ãkixiniremoni. Ameë.

ÉPESO Paoro Iokanatsopatakiti Épeso Auakanimoni

¹ Nota, Paoro. Niðkatsopatari ia aätsopa. Teoso nirekano Xesosi Kristo iokanatakiti nininiua. Ininiä niðkatsopata Teoso nakitiakorimoni Épeso sitatxiti auakanimoni. Kristo Xesosi säkire auäkanimoni, ipaniätakiti kamakanimoni niokanatsopata. ² Aäri Teoso, Apiananiri Xesosi Kristo pakini sikari ikinipoko erekari hitemoni. Ninoa kamaerekaxiniretai hite.

Teoso Mereëua Itixi Kamiko Apisapanika

³ Masäpiretari Teoso, aäüite Xesosi Kristo iri: “Erekapitikai,” kotxi itakapekari ikinika erekari ate äkixiniremoni, kotxi Kristo nakitiakori atxaua. Ikara erekari isikakiti Teoso tixinekiri. ⁴ Itakari ikara erekari ate äkixiniremoni, kotxi itixi kamiko apisapanika Teoso mereëpekaua Kristo nakitiakori aniniua. Imereëua Teoso nireëkitinoka akamini ikapani, maerekati amakamანი ikapani, atiraðkiuatini ikapani. ⁵ Itixi kamiko apisapanika, Teoso mereëua iua anaakori aniniua ikapani. Xesosi Kristo ipiþe ate ikapani, ininiä iua txikitakaua Teoso anaakori aniniua. Teoso txikitakaua iua anaakori aniniua, kotxi iua potxitari ikara atoko ikamini. Inirekari ikara atoko ikamini. Erekaripotxitakiti ikamini tükane.

⁶ Teoso txikitakaua iua anaakori aniniua, kotxi inirekari asäpiretiniri: “Peerekari ikinipoko erekari pisikakiti käkitimoni.” Teoso sikaua ikara erekari, kotxi iua tirketakiti nakitiakori atxaua.

⁷ Xesosi iikxitari amaerekani, kotxi iarëka xiketa ate ikapani, ininiä Teoso maxinikaretari amaerekani. Uatxa !imisiritaikaua amaerekani xika. Teoso kamari ikara ate ikapani, kotxi ikinipoko erekari isika atemoni. !Ixipoka ikara erekari Teoso sikakiti. Ikinipoko erekari aua iuamoni. ⁸ Käkiti kona posotari iaðtiniri erekari Teoso sikakiti ate maerekati kamakanimoni. !Kaiäotikori. Ikinipoko imaroretxi aua iuamoni. Atäo inakarínoka imarota ikamini, ininiä ikara erekari ikaminiäua. ⁹ Mitxi !aimarotari Teoso inireëkiti ikamini tükane. Uatxa ikamaimaroretäua. Ipotxitari oerekiniua inireëkiti. Peerekari iua potxitakiti. Äkixinireë ixinikari ikara ikamini. ¹⁰ Teoso ketotini öti manapi, ikinipoko iposope inakasaaki, iua apotiitariko ikinimane itixine auakani, itixiä auakani pakini.

¹¹ Xesosi Kristo nakitiakori atxaua, ininiä aäpakapari ate ikapani inikatakiti. Itixi kamiko apisapanika ixinikari ikamakiti ate ikapani. Ikamari ikinika inirekakiti iaðka. ¹² Iua mereëua ate, merepitipanika Kristo säkire auäkanuia, ikinimane asäpiretini ikapani: “Peerekari Teoso. Erekapitikari ikamakiti.”

¹³ Hitepekana auikari Xesosi säkire, atäo inakari hikenakotakasaaki. Ikara atäo inakari Teoso iokanapirena erekari itxaua, kotxi iua iokanapirena oerekai himaerekani makatxakiko. Xesosi säkire häuikasaaki, Erekaripatamatakoti apoka häkixinireë. Iua Teoso takäðtxikare itxaua. Iua oerekai hite Teoso nakitiakori hininiua. Xesosi sikaenetapekari Erekaripatamatakoti atemoni iokanatin. ¹⁴ Isikaenetakiti Erekaripatamatakoti atemoni auape, ininiä aimarotapitikari aäpakapiniri ikinika isikaenetakiti, inikatakiti ate ikapani. Iuasaaki Xesosi apakapaua ate iua nakitiakori, iua iamotakini, kotxi imaktaxakapekari amaerekani. Ikara atoko ininiä, ikinimane käkiti txari iua: “Peerekai pite. Erekapitikari ikinipoko pikamakiti.”

Paoro Misäkiretiniri Teoso

¹⁵ Ikara atoko ininiä, nota kenakopiretakasaakiri Apiananiri Xesosi säkire häuikini, ikinimane Teoso nakitiakori hitiretini nikenakopiretakasaaki, ¹⁶ nimisäkiretapikari Teoso hite ikapani. Nitxari iua: “Erekapitikai, kotxi pite maktaxakari ninoa Épeso sitatxiti auakani maerekani,” nitxa. ¹⁷ Teoso, aäüite Xesosi Kristo Teosone itxaua. Xesosi iri itxaua. Kaiotximereri iua Teoso. Nimisäkiretari Teoso hite ikapani ia atoko: “Pisikaaimaroretana ninoa äkixinire. Ninirekari Erekaripatamatakoti oerekinina pite iteene imarotinina ikapani. ¹⁸ Pininikariko ninoa äkixinire atäo inakari imarotinina ikapani. Pite akiritana ninoa ikinipoko erekari apakapinina ikapani. Ikara poerekana ninoa imarotinirina ikapani, iätapinirina ikapani. Pikamaimaroretana ninoa pite nikatakiti pite nakitiakori ikapani. Ikara pinikatakiti, pisikaenetakiti, peerekari. Itori pinikatakiti. !Ixipoka pinikatakiti. !Kaiäotikori pinikatakiti pinakitiakori ikapani. ¹⁹ Pikamaimaroretana ninoa kaposotiire pinini. Ininiä piposotari iteene pisikaposotiiretinuia ate pisäkire auäkani. Ikara piposotiire ! auari ätimoni. Pataparari pite posotiire.” Ia atoko nimisäkiretari Teoso hite ikapani.

²⁰ Ikara Teoso posotiire ökitikari Kristo ipikani sauaki auakasaaki. Iposo atoko iposotiireë itakari Kristo apiari topäkiniätaä, ikikomoni itixineë. ²¹ Ininiä Kristo Apiananiri itxaua.

Iua posotiire apiata. Maerekani matamatakoni auíteakori posotiire poiãoka. Īkorapokoriti auíteaxiakori posotiire poiãoka. Kristo posotiire apiata. Īkoraasaaki Kristo Apiananiri. Apaka katana Kristo atoko inakari !auari. !Auari áti kaposotiireri Kristo atoko. Kristo apiata. ²² Teoso txíkitakari Kristo ikinimane auíte ininiuua. Itakari ikinimane imokaiakariakori ikiti patapi, ininiã Xesosi paniãatakutinoka ikamana. Imokaiakari !auaika. Ininiã ikinipoko Teoso kamakiti auíte itxaua Kristo. Teoso sikari iua isãkire auíãkani auíte ininiuua. Inakitiakori kii atoko itxa Xesosi. ²³ Iua íto atoko itxa inakitiakori, ininiã ikinimane inakitiakori sauaki iua aua. Itxíkitakari ikinipoko atão inini.

2

Mitxi Ipíkani Atoko Atxaua

¹ Hítepekana, Xesosi txíkitapekari hĩxinire auãki inini. Mitxi, isãkire hãuikini apisapanika, ipíkani atoko itxa hãkixinire, Teoso manirekakiniti hĩkamini xika, himaerekani xika. ² Iuasaaki híte kamari ikini sereti maerekati, ĩkorapokoriti auakani maerekani atokokana. Iuasaaki hĩkípitari Satanasi sãkire, maerekani matamatakoni auíte sãkire. Iua, initiriakorikata aua ítima auiniãtaã. Iua parĩkauata Teoso sãkire makípítakani xinire áki. ³ Mitxipekana amakinika ate Teoso sãkire makípítakani atxaua, kotxi akamari maerekati aito paniãtakiti. Iuasaaki akamari maerekati aito nireëkiti. Akamari maerekati axinikakiti iaõka iuasaaki. Ikinimane itixi auakani atoko, ate, apanakini apaka maerekati kamakani atxaua iuasaaki, ininiã Teoso omanãkarauata amaerekani xika. Iposope amisiritiko.

⁴ Iuaritika Teoso iteene amonĩkaua. Kaamonĩkareri Teoso atoko inakari !auari. Iua iteene tiretaua. Ate maerekati kamakani atxaua, iuaritika itiretaua. ⁵ Ipíkani atoko anakasaaki, maerekatinoka akamakasaaki, iuasaaki itxíkitakaua auãki anini, Kristo auãki inĩkitakini atoko. Iuasaaki imaktxakari amaerekani, kotxi inirekari ikinipoko erekari isikiniua. ⁶ Ininiã Teoso õkitikaua ipíkani sauaki aũakasaaki, Kristo õkitikini atokokana. Ininiã itixineë Teoso takaua ate aĩtopãkini Kristo Xesosikata, kotxi iua nakitiakori atxaua. ⁷ Ininiã katararako aĩpirika inirekari oerekiniri ikinipoko erekari atemoni. Erekari isikakiti !ixipoka. !Kamapotõkiri. Kona erekaua, iuaritika iteene itiretaua, kotxi Xesosi Kristo nakitiakori atxaua. ⁸ Atemoni erekari isikakitinokara makatxakari amaerekani, isãkire aũuikasaaki. Ininiã !aposota ateka maerekani amaktxakini, kotxi maerekati kamakani atxaua. Teoso sikakitinokara makatxakari amaerekani. ⁹ Akamakiti erekari !iposotari amaerekani imaktxakini. Ininiã kãkiti iuikiniua !auari. Teosonokara posotari imaktxakiniri kãkiti maerekani. ¹⁰ Peerekari Teoso parĩka aãkixinireë, kotxi ikamaua ate ereka anini. Ininiã Xesosi Kristo nakitiakori atxaua. Ikara iparĩka amaneri. Ikamaua ate amaneri anini, erekari akamini ikapani. Ikara ikamini apisapanika Teoso xinikari ikara. Iuasaaki inirekari erekarinoka akamini.

Kristo Nakitiakori Átika Nirimanetxi

¹¹ Xoteo minakanuia hĩtxaua, kotxi ikara atoko hĩponaniã. Teoso takaõtxikare auaitotakini takauãkatai híte: "Teoso takaõtxikare mauaitotakini." Xoteoakori auari ikara Teoso takaõtxikare, kotxi ikisauakarina amarini tsiki mata axapiti. Ikara oerekari Teoso nakitiakori ininiuana. ¹² Hĩxinikariko mitxi, Kristo sãkire hãuikini apisa, Kristo !auari hĩtemoni. Iuasaaki maparakini atoko hĩtxaua. Isaeokini !hĩtxaua. Átiã hĩtxaua. Ikara xika kona híte posotari hãpakapiniri Teoso sikaenetakiti iuasaaki. Iuasaaki !himarotari Xesosi makatxakiniri himaerekani. Iuasaaki !himarotari Teoso.

¹³ Uatxa Kristo Xesosi apakapapekai híte. Mitxi itakoxiti auakani atoko hĩtxaua, iuaritika uatxa iua minai híte Teosomoni, kotxi Kristo arẽka xiketa híte ikapani.

¹⁴ Iuanokara kamaerekaxiniretaua, ininiã ixipokari Xoteo, Xoteo minakanuia pakini omanatakiniua. Ikara omanãkaretxi paretxi atoko itxa. !Auiritari Xoteo sini Xoteo minakonimoni. Uatxa átika nirimanetxi atxaua. ¹⁵ Kristo ipíkasaaki, ixipokari ikara omanãkaretxi, kotxi iuasaaki ikamari ikinika paniãtakori iõkatsopatakori ikinimane ikapani. Ikara Xoteoakorimoni sikakori. !Isikaãka Xoteo minakonimoni. Ininiã Kristo ipíkasaaki, itxíkitakana Xoteoakori, Xoteo minakanuia pakini átika kãkiti amaneri atoko inini. Neenamtxi !auaika, kotxi Kristo kamaerekaxiniretaua amakinika. ¹⁶ Ipina aamina !ipiriãmitakari nopini, ininiã iuasaaki iuaikana iminana Xoteoakori, Xoteo minakanuia pakini Teosomoni. Átika nirimanetxi atoko iminana Teosomoni. Iuasaaki ixipokari Xoteoakori, Xoteo minakanuia omanatakiniua. ¹⁷ Xesosi apoka ĩkorapokoriti Teoso iokanapirena erekari isãpiretiniri kãkiti. Isãpiretai kãkiti, Teoso omanatiniri kãkiti imaerekani xika xipope, Xesosi sãkire auikasaakina. Isãpiretai híte Xoteo minakanuia. Apaka isãpiretai Xoteoakori. Mitxi õtakoxiti auakani atoko hĩtxaua, kotxi iuasaaki !himarotari Teoso sãkire. Mitxi Xoteoakori imarotari Teoso sãkire, ininiã Teoso takote auakani atoko itxauana. ¹⁸ Erekari

Matamatakoti átinoka aua. Kristo sákire aáuikasaaki, iua Erekarí Matamatakoti anikaua ári Teosomoni. Anikari Xoteoakori, Xoteo minakaníua pakini uamoni.

Teoso Aapoko Atxaua

¹⁹ Uatxa Teoso mimarotakani lhítaxikaua. Uatxa áti uáka lhítaxikaua. Teoso tixine auakani hítaxaua, apanakini Teoso sákire auiákanikata. Iua aapoko auakani hítaxaua.

²⁰ Teoso aapoko atoko atxaua. Aapokotxi kamaáka kaikori nopini imirikakani íkapani. Xesosi moianariakori tosi pakini, iua iokanatakini kákitimoni, ninóa sápiretakiti iua kaikori atoko itxa. Kítzakapíríka Teoso sákire sápiretakani sápiretakiti apaka iua kaikori atoko itxa. Aapokotxi aua átika kai mitari, apanakini kai soro maíkakari. Xesosi Kristo iua kai mitari atoko itxa. ²¹ Ininiá iua maíkaua. Iuakata aáua, ininiá kákiti itoápotari auikiniri Xesosi sákire. Apiananiri aapoko aneéápotini atoko itxa. Iua Apiananiri aapoko atoko atxa. Imisákiretiko aikoti atoko atxa. ²² Ininiá iua apotiitai híte híkinika iua aapoko hiníniuá íkapani, kotxi Teoso auiniátaá hítaxaua. Erekarí Matamatakoti auiniátaá hítaxaua apaka.

3

Paoro Sápiretari Teoso Sákire Xoteo Minakonimoni

¹ Ikara atoko ininiá, nota Paoro kateia áki naua, híte Xoteo minakaníua Xesosi Kristo sákire nisápiretini xika. Kateia áki naua, kotxi nauikari Xesosi sákire.

² Híkenakopiretapekari paríkatxi Teoso sikakiti notamoni, isákire Xoteo minakaníua nisápiretini íkapani. Ikinipoko erekari isika notamoni, híte nisápiretini íkapani. ³ Teoso oerekapekano kákiti mítxi mimarotakiníti. Mítxi axapítiki íkara Teoso oerekakiti niókatsopatapeka hítemoni. ⁴ Uatxa ia hátatsopatakasaaki, híposotari himarotiniri nimarotakiti, kákiti mítxi mimarotakiníti, Kristo paríka kákiti íkapani. ⁵ Kítzakapíríka kákiti kona imarotari íkara Kristo paríka kákiti íkapani. Uatxa Erekarí Matamatakoti oerekari íkara Xesosi iokanakinimoni. Apaka oerekari íkara Teoso sákire sápiretakanimoni. Teoso paríkanoka íkamana ninóa. ⁶ Nisápiretai híte kákiti mítxi mimarotakiníti. Xoteo minakaníua apakapariko Teoso níkatakiti itixineé, Xoteoakori apakapiniri atokotxikana. Xoteo minakaníua, Xoteoakorikata Kristo íto atoko itxauana. Xoteo minakaníua apakapariko Teoso sikaenetakiti, Xoteoakori apakapiniri atokotxikana. Teoso iokanapirena erekari sápiretari kákiti isikaenetakiti, kotxi isikari Kristo, Xoteoakori maerekani, Xoteo minakaníua maerekani apaka imatxakini íkapani. Ikara kákiti mítxi mimarotakiníti.

⁷ Teoso iokanatanano nota kákitimoni iua iokanapirena erekari nisápiretini íkapani. Ikara paríkatxi isikano, kotxi ikinipoko erekari Teoso sikano nota iposotiireé. ⁸ Itomaneri Teoso nakitiakori poiáorini, iuaritika nota poiáori niníniuá atoko inakari !auari. Iuaritika Teoso sikano ikinipoko erekari, kotxi iokanatanano Xoteo minakonimoni erekari Kristo auakiti nisápiretinina íkapani. Ikara erekari !ixipoka. Itori. !Kimarotikori ikinipoko erekari Kristo auakiti. ⁹ Apaka Teoso nirekari noerekiniri ikinimane, íkara mítxi imimarotakiníti, Teoso nakitiakori tirketakiníua. Itixi kamikosaaki, Teoso kípatari íkara kákiti mimarotakiníti. Ikipatiniritika uatxa íkara noerekari ikinimane. Teoso kamakasaakiri itixi, Xesosi Kristokata íkamari ikinipoko. Mítxi kona xatiki !auari. ¹⁰ Uatxa Teoso nirekari imereékini oerekiniri ikinipoko Teoso imarore auítetxiakori matamatakoniimoni, Teoso tixine auakanimoni. ¹¹ Itixi kamiko apisapanika, átipirika Teoso nirekari aáuíte Kristo Xesosi kaminiri íkinika inirekakiti kákiti íkapani. ¹² Kristo kamakiti ate íkapani aáuíkinia, aposotapítikari aáupokini Teosomoni, ininiá !kapíkareua Teosomoni aáupokini. Ataparaxiniriritika asari uamoni. ¹³ Ininiákara nótáikikai híte. !Himatinaniuatape nimisiritiko xika. Nimisiritáka híte íkapani, Xesosi sákire háuikini íkapani, ininiá híuikariko nimisiritiko. Teoso auiritari nimisiritiko, kotxi iua iteene tirtai híte.

Iuaíkana Paoro Misáketiniri Teoso

¹⁴ Teoso nirekakiti kákiti íkapani nixinikasaaki, nikapotoreékaua aáuíte Xesosi Kristo iri apisatóo, nimisáketiniri íkapani. ¹⁵ Ikinimane Teoso nakitiakori, itixine auakani, apaka íkinimane íkorapokoriti auakani apakapari iua uáka. ¹⁶ Ia atoko nimisáketari Teoso híte íkapani: “Peerekai pite. Ikinipoko erekari aua pitemoni. !Ixipoka íkara erekari. Ininiákara, písikaposotíretana Épeso auakani ákixinire. Ninirekari Erekarí Matamatakoti iteene siktaparatinina ninóa ákixinire. ¹⁷ Ninirekari iteene auikinirina Kristo sákire, ininiá Kristo auapíka ákixinireéna. Ninirekari ninóa iteene imarotiniri pite tiraóki. Takari kotsa kipatxi erekari áki auini atokokana, ninirekari ninóa kaikotini pitekata pitiraóki siktaparatinina íkapani. Imarotiniárina pitiraóki, !irikana. !Íkamarina maerekati. ¹⁸ Ninirekari ninóa, pinakitiakori, apanakini pinakitiakori pakini, imarotiniri Kristo tiraóki kákiti íkapani, kotxi Kristo tiraóki !ixipoka. !Kaiáotikori iua tiraóki. ¹⁹ Kákiti kona posotari imarotiniri íkinika

Kristo tiraõki. Ninirekari ninoa Épeso auakani apakapiniri ikini sereti erekari pisikakiti ãkixinireña, pite atão imarotinina ïkapani.” Ikara atoko nimisãkiretari Teoso hïte ïkapani.

²⁰ Ininiã uatxa maxinikariko iua. Kaposotiïreri apiatakari itxaua. Ikinipoko iposota ikamini. Imaposotakiniti !auari, ininiã ikinika aamanaãkiti, ikinika axinikakiti pakini, iposota ikamini. Ari, apikomoni iposota ikamini ate ïkapani. Axinikakiti, aamanaãkiti poiãoka. Apiata iposotiïre. Iua posotiïre parïkauata aãkixinireë. ²¹ Ininiã Teoso mereëkini kitxakapirïka auakani, uatxa auakani, katana auakani pakini ãtipirika txariko Teoso: “Peerekai pite. Apiananiri pitxaua.” Ikara atoko itxana, kotxi Xesosi Kristo makatzakari amaerekani Teoso anaakori aniniua ïkapani. Ameë.

4

Xesosi Auiãkani ãtika ïto Atoko Itxauana

¹ Kateia ãki naua, kotxi nauikari Apiananiri sãkire. Ininiã nota iteene õtãkikai hïte ikiniõtika atão hikamini, kotxi Teoso akiritai hïte iua anaakori hininiua ïkapani. Ikara atoko hininiã, iua kamakiti atokokana hikamako. ² Ininiãkara !hïukaueua. !Hinirekapiri hinirekakitinoka hikamini. Hãuiritariko ãti kaminiri iua nirekakiti. Katima homanãkarauatka ! hitxapeko. Himïteenekakakauako hïkerokasaakiri hikamakiti. Hïtoretakakauako. ³ Erekari Mata-matakoti txãkitakari axinikakiti, anireëkiti pakini ãtinoka inini, kotxi iua kamaerekaxiniretaua. Ininiãkara hïparïkauatoko ikara atoko auini ïkapani. ⁴ Xesosi ïto atoko atxaua. ãtika ïto, ininiã ïtotxi ãtika atoko atxaua. Erekari Matamatakoti ãtinoka aua. Teoso akiritakasaakii inakitiakori hininiua, hiãtapariko hãpokini iua tixine iuakata hãuini ïkapani. Ininiã ãtinoka hiãtapakiti. ⁵ ãtinokara Apiananiri aua. ãtinokara aãuiãkiti sãkiretxiti aua. ãtinokara apatx-isatiko. ⁶ ãtika Teoso aua. Iua ikinimane iri ãtika aua. Iua ikinimane apisatoõ apiatakari itxaua. Ikini itixiti iua aua. Amakinika aãkixinireë iua aua.

Teoso Sikakiti Atemoni

⁷ Kristo sikapekari iposotiïre ate amakinimoni iparïka akamini ïkapani. Iposotiïre isikaua aparïka akamini ïkapani. Aparïka pamimari, ininiã apiata isika iposotiïre atemoni. ⁸ Kotxi Teoso sãkire kitxakapirïka txari:

Ikaniãkasaaki itixinemoni, imikanapiriãna kãkiti mitxi imokaiakari maïkakini. Iuasaaki isikari erekari kãkitimoni.

⁹ Iua kanïka, kotxi mitxipe iua katxaka itixi patapixiti ipïkani auiniãtaã. ¹⁰ Iua itixi patapixiti katxakakari, iuatxikana kanïka iaxiti apiko nopinixiti, ininiã uatxa iua aua ikini itixiti, iaxiti, Teoso tixine pakini. !Auari iua mauakaniãtaã.

¹¹ Iposotiïre isikasaaki isãkire auiaãkanimoni, isikari ia atoko parïkauatankani ininiuana ïkapani: Kristo iokanatakini kãkitimoni, Teoso sãkire sãpiretakani, Teoso iokanapirena erekari sãpiretakani, Teoso nakitiakori õtãkikakani, Teoso sãkire oerekakani pakini isikaua. ¹² Ikara atoko isikaua, kotxi inirekari ninoa oerekiniua inakitiakori iparïka atão akamini ïkapani. Ikara atoko isikaua, kotxi ninoa sikataparaxiniretaua. ¹³ Ninoa sikataparaxiniretiniritika ãtika aãuiãkiti auako. Ipinimoni inakari aãuiãkiti !auaika, kotxi atão aimarotariko Teoso ãkiri sãkire. Ininiã kiïkiteua, kimaroreua iuasaaki. Kristo atoko atxauako, kotxi paimatireri iua.

¹⁴ Ininiã iuasaaki amarini atoko ! atxaikaua, kotxi amarini ! imarotari atão inakari. Tsakati anikakiti atoko, ïtima anikakiti atoko itxana kãkiti kamisirienereri sãkire auiaãkani. !Imarotarina atão Teoso sãkire. Ninoa kamisirienereri xinikaxitita atão minakati oerekini ïkapani. ¹⁵ Atão inakarínoka asãpiretako kãkiti atiraõkiritika. Ikara atoko akaminiã, aimarore aneeãpota. Kristo sãkire iteene aũukaãpota. Erekari akamakiti aneeãpota. Ininiã Kristo atoko atxaua, kotxi iua ïto atokotxikana atxaua. Ate kii atoko itxaua Kristo. ¹⁶ ïtotxi kamari ikii paniãtakiti. Iua atokokana ate kamari Kristo paniãtakiti. Ininiã aãpotiitaua. Amoianatakakaua Kristo parïka akamini ïkapani, kotxi ïtotxi ãtika atoko atxaua. Kristo sikataparataua amoianatakakiniua. Ininiã ikinika Kristo nakitiakori atão parïkauatiniã iua ïkapani, apiaãpota aimarotari iua imarore atão akamini ïkapani. Akinika atão aparïkauatiniã Kristo ïkapani, ikamataparaxiniretaua. Iuasaaki atiretakakaua. Iuasaaki ïtotxi erekari, mamianatakati atoko itxaua Kristo nakitiakori.

Aãuini Amaneri

¹⁷ Ikara atoko ininiã, ia nisãpiretai. Apiananiri imaroreë iteene nõtãkikai. ! Hikamapinikariko apanakini Xoteo minakanua kamakiti atoko. !Kiïkiteri ninoa kamakiti. !Kiïkiteri ixinikakitina. ¹⁸ !Imarotarina atão inakari. Mapiãri atoko itxa iïkitena. Ikara atoko ininiã, !kimarorena. Teoso ! itxãkitakana auapininiika ininina, kotxi ãkixinireña ! inirekarina atão inakari imarotinina. ¹⁹ Ninoa ãkixinire ãpatapeka, ininiã ! ipëtuatana maerekati ikamakasaakina. Ininiãkara ninoaka sikaua Satanasimoni ïtona nireëkitinoka

ikaminina ikapani. Ininiã ikamarina ikinika maerekati. Itori maerekati inireka ikaminina. !Nirekarina iotokakinirina ikara maerekati ikaminina.

²⁰ Hitepekana, ikara maerekati ! hõerekaãka, Kristo himarotakasaaki. ²¹ Iuasaaki hikenakotapitikari iua sãkire. Iua oerekai atão inakari, kotxi Xesosi imarotari ikinipoko atão inakari. ²² Hõerekaãka hõtakanapiniri maerekati mitxi hõkamakiti, hõxinikakiti pakini. Himãka kitzakari hõkini atokokana hõtapaniko himaerekani hõtakanapini. Hõtakanapariko ikara kitzakari hinireëkiti, kotxi ikara maerekati hinireëkiti misirienetai. ²³ Ininiã eereka hamanaãriko Teoso txõkitakiniri hõxinikakiti, hinireëkiti pakini amaneri inini. ²⁴ Ininiã himãka amaneri hõeretakini atokokana, amanerinoka atão inakarínoka hõkamako, kotxi Teoso txõkitakai hõxinire amaneri inini, Teoso atoko hinini ikapani. Ininiã atão inakari himarota. Erekarínoka hõkama. Teoso ikapaninanira hõparõkauatako.

²⁵ Ininiã aãpirena kona hõkamape hõtariakorimoni. Atão inakarínoka hõsãkiretako, kotxi amakinika ate ãtika ãtotxi atoko atxaua. ²⁶ Hinaiatakasaakia, !hõuiritapiri homanãkare txõkitakinii maerekati hõkamini. Himakini apõsapaniko, hõtõkakariko homanãkarautini. ²⁷ Ikara homanãkare himatakanapakanisaaki, hõuiritari Satanasi txõkitakinii maerekati hõkamini, ininiã !hõuiritapiriko iua.

²⁸ Atxiiti hõtiriuatapeka, ininiã !hõtiriuatapinikako. Hõparõkauatako. Erekarì parõkatxi hõuakoã hõkamako, hõparõka ãki hõpakapini ikapani. Ininiã eereka aua minakati hõtemoni, kãkiti minakati mauinakinimoni hõsikini ikapani. ²⁹ Maerekati sãkiretxiti !hõsãpiretapiri kãkiti. Erekarínoka hõsãpiretako, hõsãkire kenakotakani hõsikataparaxiniretini ikapani, ikinipoko erekari Teoso sikakiti ninõa apakapini ikapani. ³⁰ Kona hõkamamatinanitapiri Erekarì Matamatakoti Teoso nakiti himaerekani xika. Erekarì Matamatakoti Teoso takaõtxikare itxaua. Teoso sikapekari iua atemoni, ininiã aimarotapitikari aãpakapiniri ikinipoko Teoso sikaenetakiti Kristo uai kanapiriãkasaaki. Iuasaaki imakatzakaua ikinika maerekati auiniãtaã. ³¹ !Hinõkatapiri homanãkare hõkixinireë. Katima naiataka !hõtãpeko. ãtipirika apanakini homanãtini, hõtakanapako. !Hõtõtapiri ãti. !Himisãkirepiretapiri ãti. Ikini sereti maerekati ikara atoko inakari hõtakanapako. ³² Erekarì hõkaminakakauako. Hõamonõkakuako. Himaxinõkaretariko maerekati ãti kamakiti hõtemoni, maerekati ate kamakiti Teoso maxinõkaretini atokotxikana. Teoso maxinõkaretari amaerekani, kotxi Kristo ipina ate ikapani.

5

Hõtiraõkiuatako Ikinioõtika

¹ Teoso anaakori itiretakini hõtãaua, ininiã hõkamariko Teoso kamakiti atokotxikana. ² Hõtiraõkiuatako ikinioõtika, Kristo tiretiniua atokotxikana. Iuaka isikaua Teosomoni, kotxi ipina ate ikapani. Teoso apokaerekatari Kristo ipinini ate ikapani. Peerekari isikiniua Teosomoni.

³ Teoso nakitiakori hõtãaua, ininiã kona ninirekari nikenakopiretiniiri põtaniri minakotikatika, põtanooro minakotokatika pisirõkini. !Apakata maerekati hõto nireëkiti hõkamini. !Apakata maerekati hõto nireëkiti hõxinikini, hõsãpiretini. Ikara hõxinire txikotakari hõtakanapako. Txineiro potxitakani !hõtãpeuako. ⁴ !Hõsãpiretapiriko sãkiretxi maerekati. Sãkiretxi miõkiteti apaka !hõsãpiretape. !Hinapetapiri ãti. Hõsãkõrauatakasaaki, hõtãariko: "Peerekari Teoso, kotxi isikaua ikinipoko erekari." ⁵ Aimarotari ia: !ãtanoro minakotokatika sirõkakari, maerekati iõto nireëkiti kamakari, txineiro potxitakani pakini !iteosonetari Teoso. Teoso kamakori misãkiretakani atoko itxana. Ikara atoko inakani !apakapari Teoso sikaenetakiti iua anaakorimoni, Kristo, Teoso pakini auõtetxi ininiãtaãua.

⁶ Kona hõuiritapiri kãkiti misirienetini hõte miõkiteti sãkiretxitiã. Kona !hõuikapiri ninõa sãkire, kotxi ikara atoko inakari maerekati xika, Teoso misiritariko isãkire makõpitakani. ⁷ Ininiã ikara atoko inakani moianariakori !hõtãpeuako.

Pokamara Atoko Hõtãaua

⁸ Mitxi hõte mapiãri atoko hõtã, kotxi !himarotari Apiananiri iuasaaki. Uatãa hõte imarotapitikari iua, ininiã pokamara atoko hõtãaua. Ininiãkara erekarínoka hõkamako ikinioõtika. ⁹ Erekarì Matamatakoti auakasaaki kãkiti ãkixinireë, erekarínoka inireka ikamini. Atãonoka ikama. Atão inakarínoka isãpireta. Ikara atoko inakari Erekarì Matamatakoti sikakiti. ¹⁰ Hõnitariko Apiananiri nireëkiti hõkamini ikapani. ¹¹ Ikara atoko ininiã, kona himoianatapiri kãkiti maerekati kamakani, kotxi ikara parõkatxi ipiãã potõrikakari. Ikara atoko inakari parõkatxi !iminari erekari atemoni. Ininiã maerekati !hõkamape. Ia hõkamako. Hõerekariko kãkiti maerekati makamakani. ¹² Apõtãuata asãpiretiniiri Teoso sãkire makõpitakani kamakiti ipiãã, kotxi apia maerekati ikora. ¹³ Ikinika tirikapi kamara auiniãtaã atamataãka, ¹⁴ kotxi tirikapi iopinikari ikinika. Ininiã ãti txari: "Himereka, imakakani atoko inakanii. Hõkitikauako ipõkani atoko inakanii. Ininiã iuasaaki Kristo iopinikariko hõkixinire."

Mũikiteti !Hĩtxapeua

¹⁵ Erepaniko. Atão inakari hĩkamako ikiniõtika. !Hĩkamapiri mũikiteti kamakiti atoko. Hĩkamariko kãkiti kũikiteri kamakiti atoko. ¹⁶ Hĩkamariko erekari, kotxi poiãonoka hãuini. Hĩkamariko erekari ikiniõtika, kotxi maerekati auapitika ãkorasaaki. ¹⁷ Ininiã mũikiteti ! hĩtxapeua. Himarotariko Apiananiri nireẽkiti.

¹⁸ Kona hiãtaperõ iãriã kapoãro hĩpoãtini ãkapani, kotxi itxĩkitakai maerekati hĩkamini. Hãuiritariko Erekari Matamatakoti txĩkitakinii erekarinoka hĩkamini. ¹⁹ Hĩsãpiretakakaua xikari Teoso ãkapani, xikari kitxakari, xikari ãkorapokoriti auakari pakini. Hĩxikaretari ãkara atoko inakari xikari Teoso ãkapani. Hãkixinireẽ apaka hĩxikarauata Teoso ãkapani. ²⁰ ãtipirika hĩtxariko aĩri Teoso: “Erekapitukai pite, kotxi erekari ikinipoko psikakiti atemoni.” Xesosi Kristo aãũite ininiua, asãpiretari Teoso ãkara atoko inakari.

Tanorotxi Pirena.

²¹ Hĩpaxitakakauako, ãti nirekakiti hĩkamini, kotxi hĩpĩkariko Teoso manirekakiniti hĩkamini. ²² Ininiã hĩte sitoakoro hĩkamariko hĩtaniri nireẽkiti. Apiananiri nireẽkiti hĩkamini atokokana hĩkamariko hĩtaniri nireẽkiti, ²³ kotxi pĩãniri pikii atoko itxaua. Ininiã iua piauũite itxaua. Iua atokokana Kristo inakitiakori kii atoko itxaua Kristo. Iua ãto atoko atxaua. Aãũite itxaua. Amaerekani makatxakakari itxaua. Ininiã sito kamariko oĩtaniri paniãtakiti. ²⁴ Ininiã kãkiti Kristo nakitiakori kamari Kristo nireẽkiti. Iua atokotxikana sito kamariko ikinipoko oĩtaniri nireẽkiti.

Taniritxi Pirena

²⁵ Hĩte taniritxi, hĩtaretaroko hĩtanoro. Kristo tiretinina inakitiakori atokokana, hĩtaretaroko hĩtanoro. Iua iteene turetana, kotxi ipina inakitiakori ãkapani. ²⁶ Iua ipina, kotxi inirekari itxĩkitakiniiua ate iua nakitiakori aniniua. Inirekari imakatzakiniri amaerekani. ãparaã makatzakiniri aĩto txiko atokokana, iua sãkire makatzakari amaerekani aãkixinireẽ auakari. ²⁷ Kristo ipina inakitiakori ãkapani, kotxi inirekaua iposope anini ate apakapini ãkapani. Iuasaaki peerekaua. ãtika amaerekani !auaika. ãtika akerokakiti !auaika. ãkara atoko inakari maerekati !auaika. Iuasaaki atão Teoso nakitiakori atxaua. Erekarinoka akama iuasaaki. ²⁸ ãkara atoko ininiã, kiki taretaroko ãtanoro, ãto itiretini atokokana. ãtanoro taretakari iua itiretaua. ²⁹ Kãkiti !omanatari iua ãto. Isikakienatari. Itiretari. Apiananiri tiretiniri inakitiakori atokokana, kãkiti taretari iua ãto. ³⁰ Apiananiri ãto atoko atxaua. Ixini atoko atxaua. Api atoko atxaua. Ikanoke atoko atxaua. Iuako atoko atxaua. Itxaãpota. ³¹ Iua ãto atoko atxaua, ininiãkara kiki ãtanorouatakasaaki, itakanapana ãri, inoro pakini ãtanorokata ãkaikotini ãkapani. Ininiã ãtinoka ãtotxi atoko itxauana. ³² Nĩsãpiretai mitxi !kimarotikori. Kristo inakitiakorikata ãtika ãtotxi atoko itxauana. Kãkiti !imarotari ãkara mitxi. ³³ Ininiã pitiretaroko pĩãnoro piteka ãto pitiretini atokokana. Pite tanorotxipekana, pipaxitariko pĩtaniri.

6*Amarini Pirena*

¹ Hĩte amariniakori, hĩkĩpitanako hĩri, hinoro pakini sãkire, kotxi ãkara Apiananiri paniãtakiti. Atão pikĩpitanako ninoã sãkire. ² Kitxakapĩrĩka Teoso sãkire paniãtaua:

Hĩpaxitanako hĩri, hinoro pakini.

ãkara Teoso paniãtakiti hĩkaminiã, Teoso sikaenetakiti isika hĩtemoni. Mitxi Teoso paniãtakiti lauari Teoso sikaenetakiti.

³ Hĩri, hinoro pakini sãkire hĩkĩpitiniã, ia isikaenetakiti apokapitikako hĩtemoni. Hĩkĩpitiniãri ninoã sãkire, erekari hãuini. Hĩkĩpitiniãri ninoã sãkire, hãuiniritika kiomãtxi hĩtxauako.

Irĩxi Pirena

⁴ Hĩtepekana irĩtxiakori, kona hĩtxĩkitakapena hamariteakori omanãkaruatini atão minakati hĩkamini xika. Hõerekanako Apiananiri nireẽkiti ikaminina. Hõerekanako Apiananiri sãkire imarotina.

Nitiritxi Pirena

⁵ Hĩtepekana nitiritxiakori amotakoni, hĩkamariko hãũiteakori ãkorapokoriti auakani paniãtakiti. Hĩpaxitanako ninoã. Hĩpĩkariko ninoã manirekakiniti hĩkamini. Hãkixinireẽ hinirekariko ninoã nireẽkitinoka hĩkamini. Kristo paniãtakiti hĩkamini atokokana, hĩkamariko ninoã paniãtakiti. ⁶ !Hĩparĩkauatapeko hĩparĩka erekari apanakini atamatini ãkapani ãkapani, kotxi iuasaaki hinirekari ninoã poxokotini. Kristo nitiriakori hĩtxaua, ininiã hĩparĩkauata Teoso nireẽkiti hĩkamini, kotxi hãkixinireẽ ãkaranoka hinireka hĩkamini. ⁷ Hĩkamariko hĩparĩka ãkĩnika hĩpoxokoniritika, hinirekiniritika. Apiananiri ãkapani hĩparĩkauatini atokokana,

hīparīkauatako hīauīte īkorapokoriti auakari īkapani. ⁸ Kotxi himarotari Apiananiri sikariko parīkatxi īki kākītimoni, ikinipoko erekari ikamakiti īki. Nitiritxi iamotakoni, apaka nitiritxi miamotakoni Kristo nakitīakori apakapariko erekari ikamakitina īki.

Patrão Pirena

⁹ Hītepekana patrão, ia atoko inakari hīkamako hinitiriakorimoni. !Hīt̄xapiri hinitiriakori: "Ikinika nota paniātakiti himakamakaniā, iteene nimisiritai hīte," kotxi hīte patrãōte aua apaka iaxiti. Iua Teoso. Teoso kamakiti poiāorimoni, iua atokotxikana ikamakiti auīt̄tximoni.

Kākiti Xinire Tokapare

¹⁰ Nitariakori, ia nisākire mapotōkire: Katapara hīt̄xako. Hīkosekataparatariko Apiananiri tapara, kotxi kaposotiireri iua. ¹¹ Sotato ieretakari iito tokapare, neenamatzī ikamini apisapanika. Iua atokokana Teoso sikaua axinire tokapare, ininiā maeretakariko ikinika ikara axinire tokapare, kotxi neenamatzī auapitika Satanasiakata. Iua paimatīreri. Ix-inikaxititapekari itxīkitakiniua maerekati akamini. ¹² !Aneenamauata kākītikata. Aneenamauata maerekani matamatakoni auīt̄teakorikata, ikinika maerekani matamatakoni kaposotiireririkata. Aneenamauata auīt̄txiakorikata īkorapokoriti ipiaā auakanikata. Aneenamauata ikinipoko maerekani matamatakoni iaxiti auakanikata.

¹³ Ininiākara hīeretakariko ikinika Teoso sikakiti hīxinire tokapare. Ininiā maerekati apokasaaki, !inokai. Kona hīrika. Kona himiteka. Hīokanatarī Satanasi isini. Hīte k̄aiata.

¹⁴ Sotato iposope ineenamauatini atoko hīt̄xako. Sotato takari ipakiomatare. Ipakiomatare maīkari ikinipoko iito tokapare. Sotato pakiomatare atoko itxa hīxinire tokapare maīkiko. Atāo inakari sākiretxiti itxaua iua. Ininiā hīt̄takariko ikara hīpakiomatare.

Sotato takari itorota koana, itorota tokapare īkapani. Sotato torota koana atoko itxa hīkamakiti atāo inakarinoka. Ininiā hīeretakariko ikara hītorota tokapare.

¹⁵ Sotato kiti apaka iposope ineenamauatini, kotxi itakari ikiti mata ikiti tokapare īkapani. Sotato kiti mata atoko itxa Teoso iokanapirena erekari aanikapiretakiti kākītimoni. Ikara iokanapirena s̄piretaua Teoso !imisiritaiakaua, isākire aūiukasaaki. Ininiā hīeretakariko ikara hīkiti mata.

¹⁶ Sotato maīkari itokapare, iito imokaiakari xiripi minokakani īkapani. Xiripitxi tiri-nakari itokaparemoni apokasaaki, oaka. Iua tokaparetxi atoko itxa Teoso sākire auikiko. Iteene hāuikiniāri Teoso sākire Satanasi !iposotari inokinii maerekatiā. Ininiā himaīkariko ikara tokaparetxi.

¹⁷ Sotato takari ikii tokapare metao kamakori. Sotato kii tāta atoko itxa amaerekani makatzakiko aimarotini. Ikara imaroretxi axinikakiti akii tokapare itxaua. Ininiā hīt̄takariko ikara hīkii tāta.

Sotato anikaro iouata mitaro. Oa iouata mitaro atoko itxa Erekarī Matamatakoti s̄piretiniua Teoso sākire. Ininiā himaīkaroko oa iouata mitaro.

¹⁸ Himisākiretariko Teoso ātipirika. Hamanaāriko, Erekarī Matamatakoti nireēkiti iaōka h̄pakapini. Araōkire hīt̄xako. !Hīt̄akanapari hīsākirauatini Teosokata. Hamanaāriko Teoso, ikinimane inakitiakori nireēkiti isikinina.

¹⁹ Himisākiretari Teoso nota īkapani apaka. Hamanaāri Teoso, isākire isikinino nisākirauatakasaaiki, nitaparaxinireritika nisākirauatini īkapani, kotxi ninirekarī Teoso iokanapirena erekari nis̄piretiniri kākiti. Mitxi Teoso iokanapirena erekari !kimarotikori.

²⁰ Uatxa Teoso iokanatanano nota kākītimoni, iokanapirena erekari nis̄piretini īkapani. Ikara nis̄piretini xika, kateia āki naua nota uatxa. Hamanaāri Teoso, isākire nitaparaxinireritika nis̄piretini, kotxi ikara inakari nīparīka.

²¹ Niokanatarī Txīkiko inakori hītemoni. Aītari atiretakiti iua. Apiananiri nitiri itxaua. Atāo iparīkauata Apiananiri īkapani. Iua s̄piretaiko hīte nota pirena. Ikara atoko himarotariko nauini, nikamakiti pakini. Iua s̄piretai ikinipoko nota pirena. ²² Ininiā niokanatarī iua hītemoni ate pirena himarotini īkapani, isikataparaxiniretinii hīte īkapani. ²³ Nitariakori, aīri Teoso, Apiananiri Xesosi Kristo pakini kamaerekaxiniretai. Itiretaina hīte. Itxīkitakaina Teoso sākire iteene hāuikini. ²⁴ Teoso sikari ikinipoko erekari aūiute Xesosi Kristo ātipirika tiretakanimoni. Amēē.

PIRIPOSI

Paoro Iokanatsopatakiti Piriposi Auakanimoni

¹ Nota Paoro, Tximótxio pakini, Kristo Xesosi nitiriakori iua amotakini atxaua. Nióokatsopata ikini kákiti Kristo Xesosi nakitiakorimoni, Piriposi sitatxiti auakanimoni aiokanapireta. Nióokatsopata híte kótákkikarerinimoni, kotxi híte ótákkikana Xesosi sákire auíákani. Hítepekana, kamiparítkarerini, nióokatsopata hítemoni, kotxi híte moianatana Xesosi sákire auíákani.

² Ereékai híte. Aíri Teoso, Xesosi Kristo Apiananiri pakini sikai ikinipoko erekari. Ninoa kamaerekaxiniretai.

Paoro Misákkiretari Teoso Piriposi Auakani Íkapani

³ Híte nixinikasaaki: “Erekapitikari aTeosone,” nitxa. ⁴ Teoso nimisákkiretakasaaki híte himakinika íkapani, nípoxokoniritika nimisákkiretari Teoso. ⁵ Nípoxokoniuata, kotxi híte miparítkatano nota Teoso iokanapirena erekari nisápiretini íkapani, kotxi híte iokanataro txineiro notamoni. Teoso iokanapirena erekari háuikasaaki, hípotorika himiparítkatinino. Eereka kona híte itokaika himiparítkatinino nota. Uatxa auapika himiparítkatinino nota. ⁶ Teoso sikari erekari hítemoni merepanika isákire háuikasaaki, ininiá nota imarotapitikari Teoso sikari erekari hítemoni ikiniótika. Ikara Teoso paríka hítemoni. Erekarí isikiniritika Xesosi kanapiriá íkorapokoriti. ⁷ Atáopitika nixinikinií híte nípoxokoniritika, kotxi iteene nitiretai híte himakinika. Atxiíti kateia áki naua. Atxiíti mapara naua, kákiti Teoso iokanapirena erekari atáo ininiua noerekini íkapani. Atxiíti nisápiretari Teoso iokanapirena erekarí, kákiti iteene imarotini íkapani. Kateia áki nauakasaaki, mapara nauakasaaki, ikiniótika híte notakata apakapari ikinipoko erekari Teoso sikakiti. ⁸ Nota iteene tiretai híte. Kristo Xesosi tiretini atokokana nitiretai híte. Teoso imarotari ikara nisákire atáo inini.

⁹ Nota misákkiretari Teoso híte íkapani ia atoko: Ninirekari hítiráókkuiatini apiaópotini ikiniótika. Hítiraóki aneéápotakasaaki, ninirekari himarore apaka aneéápotini. Imaroretxi himaróápotakasaaki, ninirekari atáonoka himarotini. ¹⁰ Ikara atoko hininiá, himereéri apia erekarí híkamini. Ininiá maerekati !híkama. Maerekati na apanakinimoni !híkama. Ikara atoko hininiá, íposopeka hítxa Kristo kanapiriáksaaki. ¹¹ Ikara atoko hininiá, ikinipoko híkamakiti erekari. Xesosi Kristonokara kamaerekatai híte híkamakiti ereka inini íkapani. Apanakini atamatakasaakiri erekarí híkamakiti, ninoa imarotari Teoso posotiire, ininiá eereka ninoa: “Peerekari Teoso,” itxanako.

Paoro Misiritiko Pirena

¹² Nitariakori, himarotari nota iteene misiritaáka. Iuaritika Teoso iokanapirena erekarí iaripiretapeka. Ninirekari himarotini, nimisiritiko xika apikomoni kákiti imarotari Teoso iokanapirena erekarí. ¹³ Ininiá nimisiritiko xika ikinika sototoakori, Homanoakori auíte aapoko iníkatani, ikinimane kákiti mapara auakani apaka imarotari nota uai kateia áki nauakasaaki Kristo sákire nisápiretini xika. ¹⁴ Itori áitariakori Apiananiri sákire auíákani, sikataparaxiniretaáka, kotxi imarotarina Teoso níkatini nota kateia áki nauakasaaki. Ininiá ninoa sápiretari Teoso sákire itaparaxinireritikana. Mapíkaretika itxana.

¹⁵ Ninoa sápiretari Kristo sákire, kotxi inirekarina erekarí ikaminina. Txamari apanakinipekana sápiretari Kristo sákire nota xikotiko xika. Inirekarina kákiti auikiniri ninoaka sákire, nota sákire poiáoka auikinina íkapani. Ninoa sápiretari Kristo iokanapirena, kotxi ninoa potxitari kákiti taparakienatakakiniua. ¹⁶ Áitariakori, erekarinani nirekakani, sápiretari Kristo iokanapirena, kotxi ninoa tiretano nota. Ninoa imarotari Teoso sikinino nota ia paríkatxi, Teoso iokanapirena erekarí atáo inini noerekini íkapani. ¹⁷ Nota xikotakani sápiretari Kristo sákire, txamari inirekarina ninoaka nireékiti ikaminina. ! Inirekarina Teoso nireékiti. Inirekarina nota apia atatsiitini nimisiritiko uai kateia áki nauakasaaki.

¹⁸ Atxiíti Kristo iokanapirena sápiretakani ákixinire erekarí. Atxiíti ninoa ákixinire kona erekarí. Iuaritika erekapitikari, kotxi Kristo iokanapirena sápiretapeékaika. Ininiákara nípoxokoniuata nota. Ari, ! notokapani nípoxokoniuatini. ¹⁹ Nípoxokoniuata, kotxi nimarotari nitakanapiniri kateia, kotxi híte misákkiretari Teoso nota íkapani. Nimakatx-akaáka kateia áki, kotxi Erekarí Matamatakoti Xesosi Kristokata auakari moianatano nota. ²⁰ Kona ninirekari nipétauatini, Kristo iokanapirena nisápiretakasaaki. Ninirekari kataparaxinire ninini, Kristo apanakini nisápiretini íkapani. Ikara atoko nininiá, apanakini imarotari Kristo Apiananiri ininiua. Ikiniótika nauapanika ninakasaaki, ninirekari kákiti imarotini Kristo Apiananiri ininiua. Ari, nipíkasaaki apaka, ninirekari apanakini imarotini Kristo Apiananiri ininiua. ²¹ Auapanika ninakasaaki, ninirekari Kristo nireékitinoka

nikamini. Erekapitokari nipinini, kotxi eereka Kristokata nauapika. ²² Auapanika ninakasaaki, nipaŕikauatapitipo Teoso säkire nisäpiretini, ininiäkara erekari nipaŕika. Kipa ninireka? Nota auapanika nininikani? Nipininikani? ! Nimarotari ninireëkiti. ²³ Ninirekari auapanika ninini. Apaka ninirekari nipinini. Apiata ninirekari nipinini Kristokata nauini ikapani. Ikara atoko apiaerekata. ²⁴ Txamari hite noerekini ikapani, ninirekari auapanika ninini, kotxi hite nirekapanikano nota. ²⁵ Ikara nimarotapitika, ininiäkara auapanika nitxa, himakinika noerekini ikapani, kotxi nota nirekari himaroäpotiniri Teoso säkire. Ninirekari häuikiniri hipoxoniritika. ²⁶ Ininiäkara eereka hitxari: "Erekapitokari Kristo Xesosi, kotxi Paoro iuaikana apoka atemoni," hitxapaniko. Ininiäkara iteene hipoxononiua iusaaki.

²⁷ Atxiiti auapanika nitxa, atxiiti nipina, iuaritika ikiniötika eereka hitxako häuini. Erekarikari Kristo iokanapirena, ininiäkara hite apaka eereka hitxako häuini. Atxiiti nisa hitemoni. Atxiiti kona nisa. Atxiiti nikenakopiretai hite uai kateia äki nauakasaaki. Iuaritika, häuini eereka inakasaaki, nimarotariko hite himakinika iteene auikiniri Kristo säkire iua iokanapirena erekari. Häuini eereka inakasaaki, nimarotari hite himakinika säpiretiniri Kristo iokanapirena iaöka apanakinimoni. ²⁸ Häuini eereka inakasaaki, na hipoŕikana hite omanatakani. Hitparaxinireritika häuiniäkara, ninoa hite omanatakani imarotari ixipokinina äti öti. Hitparaxinireritika häuiniäkara, ninoa hite imarotari Teoso makatxakinii hite himapinikani ikapani. ²⁹ Ininiäkara Teoso sikari erekari hitemoni, kotxi iua auiritai hite auikiniri Kristo iokanapirena. Apaka erekari isikai hite, kotxi iua auiritai hite atatsiitiniri himisiritiko Kristo ikapani. ³⁰ Hite atamatapekari nota misiritiko, hite sauaki nauakasaaki. Hikenakopiretai nimisiritiko auapanika uatxa. Uatxa hite nota atoko, kotxi hite apaka misiritaäka.

2

Kristoka Poiötakaua.

¹ Kristo sikatparaxiniretaua ate, iua nakiti aniniäua. Kristo mikapiritaua ate, amarini axapitiri inoro mikapiritini atoko itxa, kotxi iua tiretaua. Ätipirika iua Erekarikari Matamatakoti amoiarari itxaua. Kristo iteene tiretaua. Iua amonikaua. ² Ininiäkara nota ötäkikai hite hikinika. Hixinikariko Teoso nireëkitinoka hikamini, ininiäkara hixinikakiti ätinoka txauako. Hitiretakauako Teoso tiretinua atokokana. Hinireëkiti ätinoka txauako. Ikara atoko hininiäkara, iteene hikamapoxokonitano nota. ³ Kona kapotxinaniri hitxapeua. !Hixiukapeua. Hiteka minakati hitxauako. Hixinikariko: "Apanakini apiata, nota poiöka". ⁴ !Hixinikapiri pite nireëkitinani. Himipaŕikatanako apanakini, ninoa nireëkiti ikaminina ikapani.

⁵ Xesosi Kristo xiniäkikitanerako hixinikako. Kristo kamakitikanerako hikamako. ⁶ Teoso itxaua Kristo Xesosi, ininiäkara iposotari ipaniätiniri ikinimane inireëkiti ikaminina. ⁷ Iuaritika itakanapari auütetxi nininua. Nitiritxi atoko itxapekaka. Iuaka minakati itxikitakaua, kotxi käkitiŕepka itxaua uai itixi iponaniäkasaaki. ⁸ Iusaaki kiki inakasaakiua, iuaikana iuaka ipoiötakaua, kotxi ikipitari Teoso säkire ipinini ikapani. Imarotari okiko tikane, koganiri okiko atoko inaäkako aamina ipiriämikitakari nopini. Iuaritika ikipitari Teoso säkire ipinini ikapani. ⁹ Ikara atoko ininiäkara, Teoso txikitakari iua Apiananiri ininiäkara. Äti iua atoko inakari ! auari. Teoso takari iuäka. Äti uäka iua atoko inakari ! auari, ¹⁰ kotxi käkiti ikininape kenakotakasaakiri iuäka Xesosi, ikapotoreëkauako Xesosi apisatoö. Ikinimane Teoso tixine auakani, ikinimane itixi auakani, ikinimane ipikani auiniäuaä pakini kapotoreëkauako Xesosi apisatoö, kotxi iauitena itxaua Xesosi. ¹¹ Ikinipoko käkiti txako: "Xesosi Kristo Apiananiri itxaua," itxananako. Ikara atoko ininiäkara ikinimane: "Peerekari äiri Teoso," itxananako.

Iöriki Atoko Hitxako

¹² Ininiäkara nota tiretakani, hikipitariko nisäkire uatxa, mitxi hitekata nauakasaaki nisäkire hikipitini atokokana hitxako. Uatxa kona hitekataikano, iuaritika ninirekari apiata hikipitini nisäkire. Teoso makatxakapekari himaerekani itixine hisini ikapani, ininiäkara ikiniötika hipaŕikauatoko Teoso ikapani. Hipaŕikariko maerekati hikamini. Erekarinara hikamapikako. ¹³ Hiposotari ikara atoko hikamini, kotxi Teosokara moianatai hite. Iua kamanirekaretai hite iua nireëkiti hinirekani ikapani. Iua sikaposotiiretai hite iua nireëkiti hikamini ikapani.

¹⁴ Hipaŕikauatasaaki, !hitsoatape, !hitxitakapeua. ¹⁵ Ikara atoko hikaminiäkara, hikerokiniri ! auari, himaerekani ! auari, ininiäkara erekarinoka hikama apanakinimoni. Ininiäkara Teoso anaakori erekariniri hitxaua. Käkiti kamisirienerini sauaki häuanäta hite. Käkiti maerekani sauaki häuanäta. Iöriki iopinikari iaxiti ikanöka. Iöriki atoko hitxako. Hioopinikariko maerekati auiniätaä, atöo inakari käkiti imarotini ikapani. ¹⁶ Hite iopinikari ipiä, Teoso säkire apanakinimoni hisäpiretakasaaki. Teoso säkire txikitakari käkiti ätipirika auäki inini tikane, Teosokata auini ikapani. Hite Teoso anaakori erekariniri hininiäua, nota iuikaiko

hîte, Kristo uaimoni kanapiriäkasaaki, kotxi hîte auikapekari Teoso säkire nisäpiretakiti. Kona maxikatitkani niparïkauatapitipo hîte ïkapani, kotxi hîte auikapekari Teoso säkire nisäpiretakiti.

¹⁷ Atxiiti nota okaäka Teoso säkire nisäpiretini xika. Atxiiti niarëka oxikepokataäka, Teosomoni sikakori atoko inakari, Teoso säkire nisäpiretinii xika, Teoso säkire häuikini xika. Nokaäka atxiiti, iuaritika nipoxokoniuaata. Nipoxokoniuaata hïtekata. ¹⁸ Ininiä erekari hîte apaka poxokoniuatini. Erekarï hïpoxokoniuatini notakata.

Tximótxio Pirena

¹⁹ Xesosi Apiananiri nirekiniäri nota iokanatiniri Tximótxio hïtemoni, ininiä mapaõtipoka inakasaaki niokanatarï iua. Ininiä eereka iua minapiretari hîte pirena, nota apaka poxokoniuatini ïkapani. ²⁰ Äti Tximótxio atoko inakari uai !auari, kotxi iua iteene tïretai hîte. Iua nirekarï häuini ereka inini. ²¹ Apanakini kãkiti xinikari ninoaka nireëkitinoka. !xinikarina Xesosi Kristo nireëkiti. ²² Hïmarotari iua Tximótxio parïkauatape notakata, imi irikata parïkauatarkari atoko itxa. Iparïkauata notakata Teoso iokanapirena erekari apanakini asäpiretini ïkapani. Ininiäkara hïmarotari Tximótxio atamakaäkapeka, ininiä hïmarotari erekapitarkari iua. ²³ Kiatokopa ninataäka? Uatxa !nimarotari. Nïmarotakasaakiri, niokanatarï Tximótxio hïtemoni. ²⁴ Apiananiri kamaimaroretano nota, Tximótxio tikinïmoni nota apaka apoka ereë hïtemoni.

Eparotxito Pirena

²⁵ Notamoni erekari iuaïkana niokanatiniri hïkanapirena mïkari, Eparotxito inakori. Hïte iokanatapekari iua notamoni nota itiretini ïkapani. Iua nitari atoko itxa. Imiparïkatapitipono nota, Teoso iokanapirena asäpiretakasaaki. Iua, nota pakini sotato atoko atxaua, kotxi ate neenamauata Teoso ïkapani. ²⁶ Iua ipiätai hîte hïkinika. Iua maerekaxiniretinoka itxa, kotxi ikenakopiretari hîte imaropiretiniri iua amianatini. ²⁷ Atãopitikara iua amianatipitika. Iua ipinaarita, iuaritika Teoso amonïkari iua. Itxïkitarkari iua iuaïkana ereka inini. Ininiä Teoso amonïkano nota apaka, kotxi Eparotxito ipinaäkamako, apia maerekaxiniretinoka nitxamako. ²⁸ Ininiäkara iteene ninirekarï niokanatiniri iua hïtemoni, hïpoxokoniuatini ïkapani haõkitakasaakiri. Ikara atoko ininiä, nota maerekaxiniretinoka ninini !auaika. ²⁹ Ininiä hïpoxokoniritika hãpakapariko iua, kotxi iua Eparotxito aïtari itxaua, kotxi Apiananiri nakitiakori atxaua. Hïpaxitariko kãkiti Eparotxito atoko inakari, ³⁰ kotxi Kristo ïkapani iparïkauatini xika ipinaarita. Iuaka monõkorïmoni isa nota imoianatini ïkapani, kotxi iua imarotari hîte nirekapitikamari himoianatinino, txamari !hïposota himoianatinino, ininiä iua iteene moianatano.

3

Kiatokopa Kãkiti Atão Ereka Inini?

¹ Nitariakori, apikomoni nisäpiretai. Hïpoxokoniuaata, kotxi Apiananiri nakitiakori atxaua. !Nisäpaka iuaïkana nisäpiretakitipeka nisäpiretinii hîte. Iuaïkana nõtäikikai hîte, atão minakati himauïkankari ïkapani. ² Erepaniko kãkiti maerekati kamakani, atão minakati säpiretakani, kotxi ninoä säpiretari kãkiti: “Teoso takaõtxikare piïtoä mauakanïä, kona Teoso nakiti !pitxaua,” itxana. ³ Ninoä auapitika Teoso takaõtxikare iïtoäna, txamari kona Teoso nakitiakori !itxauana. Atera Teoso nakitiakori, kotxi atemoni aua atão inakari Teoso takaõtxikare ate äkixinireë, kotxi Erekarï Matamatakoti oerekaua amisäkiretiniri Teoso. Kristo Xesosinokara ate iuika. Aïmarotari ateka kamakiti !itxa. Teoso kamakitinokara apakata.

⁴ Hïuãkatari atxiiti hîte kamakiti ereka inini Teoso apakapini ïkapani? Konapitini. Nota kamakiti apiaerekata, iuaritika nikamakiti !txïkitakano Teoso apakapini ïkapani. Hïkenakotariko erekari nota kamakiti: ⁵ Teoso takaõtxikare niïtoä takaäka oiito õti nauakasaaki. Nirini, ninoroni pakini Xoteo itxauana. Natokiri kitxakapirïka Pëxamï inakori. Kitxakapirïka natokiriakorini, nakiroakoroni pakini ikinika Xoteoakori itxauana, ininiä atão Xoteo nitxaua. Nota kïpitari aãuïteakori kitxakapirïkarini paniãtakiti, kotxi nota pariseo nitxaua, ininiä Teoso säkire iõkatsopatakori oerekakari nitxaua. ⁶ Nota iteene nirekarï Teoso nireëkiti nikamini, ininiä nimisiritari kãkiti Xesosi säkire auïäkani, kotxi niuãkatari Teoso nirekarï ikara nikamini. Aãtokiriakorini paniãtakiti ikinika nikïpita. !Nikerokari.

⁷ Mitxi niuãkatari ikara atoko nininiä erekapitarkari, ininiä, “Teoso apakapapitikano nota,” nitxa. Uatxa nimarotari Kristo, ininiä nimarotari mitxipe minakati nininiua nota. ⁸ Uatxa nimarotari niuïte Kristo Xesosi. Ikara apiaerekata. Xesosi nimarotini apisapanika, nikamakiti litxa xatiki. Nitakanapapekari mitxi nikamakiti. !Itxaika. Mitxi nikamakiti itiki atoko, kotxi !nïnïrekaikari. Kristo nakiti uatxa nitxaua. ⁹ Nitakanapapekari

mitxi nikamakiti Mistokata ātipirika nauini ikapani. Nota kīpitari Moisesini paniātakiti. Ikara atoko inakarini kona ereka t̄x̄ikitakano nota. Teosonokara kamaerekatano nota, kotxi nauikari Kristo sākire. ¹⁰ Ninirekari Kristo iteene nimarotini. Ninirekari nimarotini Teoso posotiire, kotxi iposotiireē ōkitikari Kristo, iuaikana auāki inini ikapani. Kristo atatsiirauatape, ininiā nota apaka nirekari natatsiirauatini atāo iomoianari nininiua ikapani. Ninirekari nota nireēkiti ipinini, Kristo aamina ipiriāmitakari nopini ipinini atoko. Ninirekari Xesosi nireēkitinoka nikamini, ininiā iua atoko nitxaua. ¹¹ Ininiā itixi xipokini ōti Teoso ōkitikanoko, iuaikana auāki ninini t̄kane.

Mitekakari Atoko Nitxa

¹² Ikara ikinika !nimarotapanika. Nimaroāpotapanikariko. Teoso kamapanikari iparīka nota ākixinireē. !Ixipokapanikari, ininiā !niotokakari niparīka Teoso ikapani. Niparīkauatapitipo. Mitekakari mitekini atoko, !niotoka. Mitekakari nirekari mitekaxi mapotōkire apokini. Iua atokokana nota nirekari niparīka mapotōkire napokini, kotxi Kristo Xesosi mereēno nota ikara atoko nikamini ikapani. ¹³ Nitariakori, niparīka mapotōkire !napokapanika. Ia nikamako: !Nixinikaikari mitxi nikamakiti. Mitekakari masaporikakati atoko nitxa. Nitaparitika nisa apikomoni, niparīka mapotōkire napokini ikapani. ¹⁴ Mitekakari iteene nirekari mitekaxi mapotōkire apokini imitekini īki apakapini ikapani, ininiā imitekapitipo. !Iotoka. Iua atokokana nota parīkauatapitipo Teoso ikapani, niparīka mapotōkire napokini ikapani, niparīka īki Teoso sikakiti napakapini ikapani, kotxi Teoso p̄kapiretano nota Kristo Xesosiā itixine nisini ikapani, niparīka īki napakapini ikapani.

¹⁵ Akinika ate Kristo iteene imarotakani xinikamariko nota oerekakiti atoko inakari. Ikara atoko himaxinikakanisaaki, Teoso oerekaiko hīte atāo inakari. ¹⁶ Mitekaxi kamakari paniātakiti iaōka mitekakari kama imitekasaaki. Iua atokokana makamariko Teoso paniātakiti. Uatxaika akamakiti atokokana makama.

¹⁷ Nitariakori, hīkamariko nota kamakiti atoko inakari, kotxi ate oerekapekai hīte ikara atoko inakari hīkamini. Hīkīpitariko nota kamakiti atoko inakari kamakani sākire. ¹⁸ Kaiāopokori kākiti !auikari Kristo ipinini amaerekani imakaxakini ikapani. Kristo omanatakani itxauana ninoa. Itokatapeka ikara nisāpiretai hīte, ininiā iuaikana uatxa ikara nisāpiretai. Iteene nimatinaniuata ninoa xika. ¹⁹ Itixi mapotōkire ōtisaaki ninoa iokanataākako maerekani misiritikoātaā. Iitona iteosenona atoko itxana, kotxi iitona nireēkitinoka ikamana. Ikamakitina !erekari, iuaritika iuikarina ikamakitina. !Ipētuaatana. Ninoa xinikapikari ikorapokoriti. !Ixinikarina Teoso. ²⁰ Atepekana, Teoso tixine auakani atxapekaua. Alātapari apoxokoniritika kākiti maerekani makaxakakari iuaxitukiri uaimoni apokini. Iua Xesosi Kristo Apiananiri itxaua. ²¹ Iuasaakiko inoākari atō mataparati. Itxikitakari atō iua ito erekari atoko inini. Iposotari, kotxi kaposotiireri itxaua iua. Ikinimane kamapitkariko ipaniātakiti, kotxi kataparari iua Xesosi.

4

Ōtākipirenatxi

¹ Nitariakori, nota iteene t̄iretai hīte. Nipiātai hīte. Hīkamapoxokonitano nota. Niuikai hīte, kotxi niparīka īki atoko h̄txa. Nitiretakini, h̄xinikariko ikara nota ōtākikinii uatxa. Nota ōtākikinii h̄kīpitiniā, !h̄itakanapari Apiananiri.

² Nota ōtākikai hīte Epōt̄xia inakoro, S̄ix̄iki inakoro pakini. Hīkīpitariko Apiananiri sākire. H̄iōtokakari h̄itx̄itakakinua. ³ Pitepekana nimoianari erekari, nota nirekai pite ōtākikinina naia sito ipi, kotxi ninoa parīkauatapeka notakata Teoso iokanapirena erekari asāpiretakasaaki. Ninoa parīkauata notakata, Kremēt̄xi inakori pakinikata, apanakini nimoianariakorikata apaka. Ninoa uāka Teoso aātsopateē iōkatapeēkaika, Teosokata auapiniika ininina t̄kane.

⁴ Hienenikapikako, kotxi Apiananiri nakiti h̄tx̄aua. Iuaikana nitxai. Hienenikako.

⁵ Erekari h̄kamako apanakinimoni. !H̄itx̄itapena. Erekari apanakini imarotini hīte ereka hinini. Apiananiri kaiamapeka ikanapiriini uaimoni. ⁶ Na xatiki maerekaxiniretika !h̄tx̄ape. Maerekaxinireti hinakasaaki, himisākiretariko Teoso. Hamanaāri hinireēkiti. Himisākiretakasaakiri Teoso, h̄tx̄ariko: “Erekapitikari notamoni pikamakiti,” h̄tx̄ariko. ⁷ Ikara atoko aniniā, Teoso kamaerekaxiniretaua. Kiātokoā ininiāpa Teoso kamaerekaxiniretaua? !Kimarotikori, iuaritika peerekari. Hākixinire erekaxinirepeka ininiā, maerekati !īroā hākixinireē. !Hinirekaikari maerekati h̄xinikini. !Hinirekaikari maerekati, kotxi Kristo Xesosi nakiti h̄tx̄apekaua.

⁸ Nitariakori, nisāpiretakiti xipokini apisa, nisāpiretapanikaiko hīte. H̄xinikariko atāo inakari sākiretxiti. H̄xinikariko atāo inakari h̄sāpiretini. H̄xinikariko atāo inakari h̄kamini. H̄xinikariko erekarinoka. H̄xinikariko t̄iraōkitxi. H̄xinikariko potxitakori. Ikara atoko

inakarínoka h̄xinikako, kotxi erekapit̄ikari ikara. Peerekari ikara. ⁹ H̄ikamap̄ikariko no-erekak̄iti iaōka. H̄is̄āpiretanako apanak̄ini h̄itemoni nis̄āpiretak̄iti. H̄ikamariko nota kamak̄iti h̄itiākiti atokokana. Ininiā Teoso k̄ak̄iti kamaerekaxiniretakari kaikota h̄itekata.

Paoro Potxitari Ninoa Sikakiti

¹⁰ Apiananiri nak̄iti nit̄xaua, ininiā iteene nipoxokoniua. Iuaikana h̄ite oerekari h̄it̄iretinino, txineiro h̄is̄ikak̄ito h̄ōkanatinano, ininiā nipoxokoniua. Ātipirika h̄xinikano, kotxi iteene h̄it̄iretano. Txamari mit̄xi ! h̄īposotari h̄is̄ikak̄iti h̄ōkanatini notamoni. ¹¹ ! Namanaāi iuaikana txineiro h̄ōkanatini notamoni. Ikinipoko ninireēkiti auakasaak̄i, nipoxokoniua. Ikinipoko ninireēkiti mauakanisaak̄i, iuaritika nipoxokoniua. ¹² Nota napapekari nimamākani, nimanipokoreni, nimatxineiroteni pak̄ini. Apaka nimarotari ātikataā ninireēkiti ikinipoko auinano. Teoso oerekapekano ikiniōtika nipoxokoniuatini. Nienenika nipokori auakasaak̄i. Nienenika ninatx̄itakasaak̄i apaka. Nienenika ikini sereti auinakasaak̄ino. Nienenika minakati mauinakanisaak̄ino. ¹³ Ikinipoko niposota nikamini, kotxi Kristo sikano iposotiire.

¹⁴ Erekapit̄ikai h̄ite, kotxi nimatxineirotenisaak̄i, h̄ōkanatari txineiro notamoni. ¹⁵ Teoso iokanapirena erekari merepit̄ipanika h̄īkenakotakasaak̄i, ereē Masetonia tixini nosipikasaak̄i, h̄ite Piriposi auakaninokara iokanataro txineiro napakapini ĩkapani. Apanak̄ini Xesosi s̄ak̄ire auīākani ātiātaā auakani, ! iokanatinano nota. Himarotapekari ikara. ¹⁶ Tesarōnika sitatx̄iti nauakasaak̄i, ninirekak̄iti auakasaak̄i, itokata txineiro h̄ōkanatinano. ¹⁷ ! Niātaparo txineiro h̄is̄ikinino. Niātapari Teoso sikini erekari, kotxi h̄ite t̄iret̄apekano nota. ¹⁸ Napakapapekari ikinipoko h̄ōkanatak̄iti. Kaiāopokori h̄ōkanatak̄iti. Eparotx̄ito inakori mininano h̄is̄ikak̄iti, ininiā ikinika ninireēkiti uatxa auinano nota. Teosomoni sikak̄ori kamariri atoko itxa h̄ite sikak̄iti notamoni. Teoso potxitari h̄is̄ikak̄iti notamoni. ¹⁹ NiTeosone sikaiko h̄ite hinireēkiti ikini sereti, kotxi ikinipoko aua iuamoni. Isikaua, kotxi Kristo Xesosi nak̄itiakori atxaua. ²⁰ Ātipirika matxari Teoso: “Peerekaī aīri, aTeosone. Ameē.”

Takanapapirenatxi

²¹ H̄is̄āpiretanako ikinimane ereē auakani Kristo Xesosi nak̄itiakori, nixinikamanapit̄ina ninoa. Aītariak̄ori uai notakata auakani xinikamanapit̄ai h̄ite apaka. ²² Ikinimane uai auakani Teoso nak̄itiakori iokanapireta h̄itemoni ixinikiniina. Homanoakori auīte aapoko auakani, Teoso nak̄itiakori, iokanapireta h̄itemoni iteene ixinikiniina.

²³ Xesosi Kristo Apiananiri sikari ikinipoko erekari h̄itemoni. Ameē.

KOROSO

Paoro Iokanatsopatakiti Koroso Auakanimoni

¹ Nota Paoro. Niokanatsopata hitemoni. Teoso mereeno nota, kotxi inirekari nota Xesosi Kristo iokanatakiti nininiua. Aitari Tximótxio apaka iokanapireta hitemoni. ² Ininiã aiokanataria ia iökatsopari Teoso nakitiakorimoni, ikinika Teoso paniätakiti kamakanimoni Koroso sitatxiti auakanimoni. Aitariakori hitxaua. Añri Teoso, Apiananñri Xesosi Kristo pakini sikari ikinipoko erekari hitemoni. Ninoa kamaerekaxiniretai hite.

Teoso Misäkiretiko Koroso Auakani İkapani

³ “Erekapitikai,” atxari Teoso, aũũite Xesosi Kristo iri, iua amisäkiretakasaaki hite İkapani. Ätipirika amisäkiretari Teoso hite İkapani. ⁴ İkara atoko atxari Teoso, kotxi ate kenakopiretari hite auikinñri Kristo Xesosi säkire. Apaka akenakopiretari hite tiretinñri ikinika käkiti Teoso nakitiakori. ⁵ Teoso iokanapirena erekari atão säkiretxiti itxaua. İkara hikenakotakasaaki, hikenakotari Teoso sikaenetakiti ipotetakiti itixineë hite İkapani, ininiã hiätapari häpakapinñri Teoso sikaenetakiti. Himarotari häpakapinñri, ininiã Teoso säkire häũikini aua, hñtiraökiuatini pakini aua. ⁶ Teoso iokanapirena erekari hikenakotakiti iaripiretapeka ikini itixitimoni. İkiniötika apikomoni käkiti kenakotari. İuasaaki käkiti auikaäpotari Teoso iokanapirena. İkiniötika käkiti apakapari erekari Teoso sikakiti. İua atokokana hite kenakotari Teoso iokanapirena erekari. İuasaaki himarotari ikinipoko erekari Teoso sikakiti. İuasaaki himarotari Teoso atão sikinñri ikinipoko erekari käkitimoni.

⁷ Amoiarari, atiretakiti, Epäpara inakori, iuara oereaki Teoso sikinñri ikinipoko erekari käkitimoni. İua Kristo nitiri itxaua. Ätipirika iparñkauata Kristo İkapani, ininiã ätipirika iparñkauata hite İkapani. ⁸ İua säpiretaua ate hñtiraöki, Erekarı Matamatakoti säkiti hitemoni.

⁹ Hite pirena akenakopiretakasaaki, ätipirika amisäkiretari Teoso hite İkapani. Ate nirekari hite iteene imarotinñri Teoso nireëkiti hñkamini İkapani. Anirekari kñkiteni hininiãua. Anirekari himarotinñri Teoso imarore Erekarı Matamatakoti säkiti.

¹⁰ Ininiã ate misäkiretari Teoso hite atão hñkamini ikiniötika, kotxi Apiananñri anaakori hitxaua. Anirekari hñkamakiti kamapoxokonitini Teoso. Ininiã hñkamakiti ikiniötika erekarınoka, amätiiri erekari atoko. Ininiã ikiniötika himaröpotari apikomoni Teoso nireëkiti. ¹¹ Anirekari Teoso sikataparaxiniretinñri hite iposotiireë, kotxi kaposotiireri iua. Ininiã iuasaaki hiätapari himisiritiko xipokini. İuasaaki !hinaiataua. İuasaaki hñposotari himiteenekinñri himisiritiko hñpoxokoniritika. ¹² İuasaaki hñtxariko añri: “Erekapitikai,” kotxi iua kamaerekataua. Ininiã ääpakapari iua potetakiti inakitiakori İkapani Teoso tixineë, ipiã mauakaniãtaã. ¹³ İua sikakaua ipiã posotiireë aũũakasaaki, maerekati posotiireë aũũakasaaki. İua anikaua imi itiretakiti auiniãtaã. İuaãtaã auakani aũũite itxaua imi. ¹⁴ İmi Kristo ikitxtari Teoso amaerekani İki ipñkasaaki, ininiã Teoso makatxakari amaerekani. ! İxinikaikari amaerekani.

Kristo Apiananñri

¹⁵ Käkiti kona posotari atamatini Teoso. Teosotxikana itxaua Kristo, iuaritika aposotari Kristo aätamatini. İkinipoko kamiko apisa, Kristo aua Teosokata. ¹⁶ İua kamari ikinipoko. İkamari iaxiti auakani, uai itixi auakani apaka. İkamari ikinipoko käkiti atamatakiti, käkiti matamatakini apaka. İkamari ikinika kaposotiirerini, aũũttxiakori matamatakoni, ikinika Teoso nitiriakori pakini. İkamari ikinika. İkinika kamaãka iua İkapani. ¹⁷ Kristo aua ikinipoko apisa. İua mañkari ikinika imaxipokakani İkapani. İkara atoko ininiã, ikinipoko auapanika. İua mauakaniã, ikinika iarika. İua mauakaniã, ikinipoko xipoka.

¹⁸ Käkiti Teoso mereëkini Kristo İto atoko itxauana. Teoso mereëkini kii atoko itxa Kristo. Merepitipanika ipñkari ökitikakarıua iua. Ininiã ökitikasaakiua, oerekari käkiti Apiananñri ininiua. Äti kaposotiireri iua atokokana inakari !auari. ¹⁹ Teosotxikana iua. İkinika Teosomoni auakari aua iuamoni. İkara atoko Teoso apokaerekatari. ²⁰ Kristo arëka xiketakasaaki aamina ipiriämıtakari nopini, iuasaaki Kristo xipokari Teoso omanäkarauatini käkiti maerekani xika. Kotxi Teoso nirekari Kristo mininñri ikinipoko iuaikana iuamoni, İkorapokriti auakani, iaxiti auakani pakini. Ininiã uatxa Teoso apakapari Kristo säkire auñkani.

Kristo Kamakiti Koroso Auakani İkapani

²¹ Hñtepekana, mitxi !himarotari Teoso. İuasaaki !häuari Teosokata. Maerekati hñkamakiti xika homanatarı Teoso häkixinireë. Teoso mokaiakariakori hitxaua iuasaaki. Uatxa Teoso apakapai hñte, ²² kotxi Kristo İto ipina hñte İkapani. Ininiã iua anikai hñte Teosomoni iua makatxakakini hininiua İkapani. Teosomoni himaerekani ! auaika, kotxi Kristo

makatxakapekari imakinika himaerekani. Teoso apisatoõ hãpokasaaki, kona ãti posotari apoõiniii himaerekani xika. ²³ Ikara atoko aua hõtemoni, iteene hãuikiniãri Kristo sãkire ikiniõtika, Kristo sãkirenoka hãuikiniã, isãkire himatakanapakaniã. Ikara atoko hãkaminiã, apanakini kona txõkitakai hõtakanapiniri hiãtapiniri ikinika Teoso kamakiti hõte ikapani. Teoso iokanapirena erekari sãpiretaua ikinika Teoso kamakiti inakitiakorini ikapani. Hõte kenakotapekari Teoso iokanapirena erekari. Isãpiretaãkapeka ikinika itixi auakanimoni. Nota Paoro Teoso nitiri, iua iokanapirena erekari ikinimane nisãpiretini ikapani.

Paoro Parõkauata Kãkiti Teoso Mereẽkini Ìkapani

²⁴ Uatxa nipoxokoniuaata hõte ikapani natatsiirauatini, kotxi natatsiirauatini xika hõte aukari Kristo sãkire. Natatsiirauata niõtoã Teoso mereẽkini ikapani. Kristo ìto atoko itxaauana kãkiti Teoso mereẽkini. Natatsiirauatapitika, iuaritika Kristo atatsiirauatini apiata. ²⁵ Teoso iokanatano nota imereẽkini nitiri nininiua. Ipaniãtano nisãpiretini ikinika isãkire hõtemoni. ²⁶ Ipaniãtano nisãpiretini mitxi kãkiti mimarotakiniti. Okananipeka Teoso !oerekari ikara kãkiti mimarotakiniti. Kristo ipinini apisa ikini itixiti auakani !imarotari ikara. Mitxi kãkiti mimarotakiniti uatxa oerekaãka Teoso nakitiakorimoni. ²⁷ Uatxa Teoso nirekari inakitiakorini Xoteo minakanuia imarotini mitxi kãkiti mimarotakiniti, kotxi peerekari. Natokopa itxa ikara kãkiti mimarotakiniti? Nisãpiretai. Kristo posotari kãkiti ãkixinireẽ auini. Ia mitxi kãkiti mimarotakiniti. Kristo aua hãkixinireẽ. Ininiã himarotari hõsini Teoso tixinemoni. ²⁸ Ininiã asãpiretari kãkiti Kristo pirena. Aõãkikari ikinimane Teoso imaroreẽ. Aõerekari ikinimane Teoso imaroreẽ, kotxi Teoso sikaimarorettaua. Iua aua ikinika imaroretxi. Ikara atoko aanikana Kristo nireẽkitinoka kamakani Teosomoni. ²⁹ Ikara nikamini ikapani, niparõkauatapitipo. Pasãpaniri. Kristo posotiireẽ niparõkauata, kotxi kaposotiireri iua. Iua iteene sikataparatarari nãkixinire, ininiã niposotari iteene niparõkauatini iua ikapani.

2

Paoro Nirekakiti

¹ Ninirekari himarotini iteene nimisiritiko hõte ikapani. Apaka iteene nimisiritãka Araotxisiã sitatxiti auakani ikapani. Nimisiritãka apanakini nimataõkitakini ikapani apaka. ² Ninirekari ikinimane ninõa kataparaxinire ininõa. Apaka ninirekana itiretakakini-uana, ininiã ãtika ninõa nireẽkiti. Ikara atoko ininiãna, iteene imarotarina ikinika Teoso sãkire. Iuasaaki imarotarina Kristo, mitxi kãkiti mimarotakiniti, mitxi aõri Teoso moerekakiniti. ³ Paimatireri Kristo. Iua mimarotakiniti !auari. Ikinipoko imarota. ⁴ Ikara atoko nisãpiretai hõte, apanakini mamisirienetakanii tãkane kãkiti imaroreẽ. ⁵ Niõto !auari hõtekata, iuaritika nixinikapikai hõte nãkixinireẽ. Nipoxokoniuaata, kotxi nimarotari hõkamakiti atão inini. Apaka nipoxokoniuaata, kotxi hõte iteene aukari Kristo sãkire.

Atão Kristo Sãkire Auiãkani Kamakiti

⁶ Hãpakapapekari Kristo Xesosi hãauõte ininiua ikapani, ininiã hõkamariko inirekakiti ikiniõtika. ⁷ Iua taparanoka hõkosekako. Aãkotsa kosekiniri ãparaã atoko hõtxako. Ikara atoko hininiã, kataparari hõxinire. Ininiã atão hãuikari Kristo sãkire mitxi aõerekakiti atoko, ininiã kataparaiko. Ininiã iteene hõtxariko Teoso: “Ikinika pikamakiti ate ikapani peerekari,” hõtxako.

⁸ Erepaniko. Kona hãuiritapiri kãkiti makatxakinii Teoso kimaporeẽ. !Hãuikapiri ninõa sãkire, kotxi ãtião ninõa sãkire. Na atão isãkirena. Kãkiti imarorenoka imarotana. Kamisirienererini ninõa. Maxikatõka isãkirauatana. Kitxakapirõka auakani sãpiretakiti ninõa sãkire. Ìkorapokoriti auakani nireẽkiti maerekati isãpiretana kãkiti. Kona Kristo sãkireni.

Apiananiri Itxaua Kristo

⁹ Kristo aua iõto, iuaritika Teosotxikana iua. Kristo aua ikinipoko Teoso posotiire, ikinipoko itiraõki, ikinipoko imarore, txaãpokata, kotxi Teoso itxaua. ¹⁰ Kristo aua hãkixinireẽ, ininiã ikinipoko aua hõtemoni. !Auari apikomoni hinirekakiti, kotxi auõtetxiakorini iaxiti auakani auõte itxaua. Apiananiri itxaua. Kaposotiireri iua atoko inakari !auari.

Kristo Kamakiti Hõte Ìkapani

¹¹ Hãpakapapekari Teoso takaõtxikare kãkiti mataãkiniti. Hãkixinireẽ Teoso takari itakaõtxikare. Kristo makatxakasaakiri himaerekani hiõto nireẽkiti, iuasaaki hãpakapari Teoso takaõtxikare. ¹² Hiãpatxatõkosaaki, Kristokata ikatakoni atoko hõtxaua. Eereka hõkitikaãka Kristo õkitikiko atoko. Hõte õkitikaãkako, kotxi hõte aukari Teoso posotiire Kristo õkitikini ipõkasaaki.

¹³ Mitxi ipīkani atoko hītḡaua himaerekani xika. Xoteo minakanuia hīte, ininiā mitxi kona himarotari Teoso nireēkiti. Hīponaniākasaaki, maerekati auape hītemoni. Iuaritika Teoso tḡīkitakai auāki hinini Kristokata. Teoso makatxakari ikinipoko himaerekani. !Ixinikaikari himaerekani. ¹⁴ Iua oakari iōkatsopatakori amaerekani sāpiretiko. Ikara iōkatsopatakori sāpiretari amisiritiko amaerekani xika. Amitekini !auari. Amisiritiko auapitika. Iuaritika iua oakari ikara iōkatsopatakori. Imakatxakari ikara iōkatsopatakori. Īpiriāmitakari nopini Kristo tokakitikosaaki, ikara iōkatsopatakori tokakitaāka apaka iuaā, ininiā hitḡaua. Iuasaaki amisiritiko !auaika. ¹⁵ Kristo Īpiriāmitakari nopini ipīkasaaki, iuasaaki imakatxakari ikinika Satanasi posotiire, inītriakori posotiire pakini. Iua oerekari ikinimane ! kaposotiirena ninoa. Iua ōkitikasaakia, oerekari ikinimane iuananira Apiananiri ininiua. Iuasaaki Kristo oerekari ikinimane ikāiatini.

¹⁶ Ininiā kona hāuiritapiri apanakini txitinii hinikakiti xika, hiātakiti xika pakini. Kona hāuiritapiri apanakini txitinii kiiniri Teoso ikapani hīkamini xika, kiiniri kasiri itopaītakasaaki hīkamini xika, kiiniri tomatiko ōti hīkamakiti xika pakini. ¹⁷ Kiiniri Teoso ikapani ĩkorsaaki sanōkatxi atoko itxa. Oerekaua atāo inakari, txamari na iteene oerekaua. Iteene oerekaāka atemoni, Kristo aōkitakasaaki. ¹⁸ Erepaniko kākiti ia atoko inakari: Ninoa iuikari im-iuikakanianua. Ninoa teosonetari Teoso nītriakori matamatakoni. Ninoa sāpiretari kākiti matamatakoni aōkitinina itaponeēna. Ixinikarina ninoaka nireēkitinoka. Ixinikarina kimarorerini ininiuana, ininiā iuikauana. Erepaniko kākiti ikara atoko inakani. Hāuikiniāri ninoa sākire, !auaika hīparīka ĩki. ¹⁹ Kākiti ikara atoko inakani !nirekari Kristo iauītena ininiua. Kotxi Kristo akii atoko itxa. Ate iua ĩto atoko atxaua. Ikara atoko ininiā, isikataparataua. Aāpotiitaua. Asikataparatakakaua. Ātika ĩtotxi atoko atxaua. Ikara atoko aniniā, aimaroāpotari isākire. Aneē, kākiti ĩto aneini atoko.

Apinini, Aāuini Pakini Kristokata

²⁰ Mitxi hinireēkiti itixi auakani nireēkiti atoko. Hāuikasaakiri Kristo sākire, mitxi hinireēkiti !auaika. Ipīpe. Txamari hīkamapanikari ĩkorapokoriti auakani kamakiti atoko. Ninoa nireēkiti iaōka hīkamapanika. ²¹ Ninoa txari: “Kona pimaīkapiri ikara. Kona pinikapiri ikara nipokori. Kona piouātakapiri ikara.” Kinirepa hīkīptari ikara isākirena? ²² Ninoa paniātakiti xipokapitikako. Ikara atoko !itxa, kotxi ikara atoko inakari paniātakori kākitinoka paniātakiti. Kākiti oerekakiti sākiretxitinoka ikara. ²³ Kākiti uākatari ninoa paniātakiti kimarorerini paniātakiti atoko. Ninoa xinikakiti iaōka inirekarina Teoso. “! Erekanu,” itxana, txamari ākixinireēna itxana “Peerekano.” Ninoaka misiritaua ĩtoāna. Ikamarina ikinika ĩtona nireēkiti.

3

Atāo Hīkamakiti Erekarī Hāuini Īkapani

¹ Hīte ōkitikaāka Kristokata hāuini amaneri inini ĩkapani, ininiā hinirekariko hīkaminiri Teoso tixine auakani kamakiti iaōka. Iuaā Kristo topākanāta Teoso kikomoni. Api-ananiri itxaua Teoso kikomoni topākakari. ² Hīxinikariko Teoso tixine. Kona hīxinikapiri ĩkorapokoriti. ³ Ipīkani atokopeka hītḡa, kotxi hāuini kitxakari ! auaika, ininiā kona hīxinikaikari ĩkorapokoriti auakari. Teoso sākire mauīākani ! imarotari hāuini amaneri Kristokata Teoso auiniātaā. ⁴ Kristo tḡīkitakari aāuini amaneri inini. Iua uai apokasaaki iuaīkana atamataāka. Iuasaaki hīte apaka atamataāka iuakata. Iuasaaki hītemoni auari Kristo iotximere atokokana. ⁵ Hīxipokariko hīto nireēkiti, kotxi ĩkorapokoriti auakari nirekari ĩtotxi nireēkitinoka. Hōkariko. Kīpa aua aākixinireē aōkini ĩkapani? Auari anokaretxi. Auari aīto nireēkitinoka kamiko nirekiko. Auari āti ĩto nirekiko. Apaka auari āti nakiti nirekiko aākixinireē. Iteene anirekiniāri āti nakiti, ateosone atoko itxaua anireēkiti. ⁶ Ikara maerekati xika, Teoso omanākare apokapitikako Teoso paniātakiti makīpitakanimoni. ⁷ Mitxi hīte kamari maerekati ikara atoko inakari. Iuasaaki hītotapekari ikara atoko inakari hīkamini. ⁸ Uatxa ia atoko inakari hītakanapako: omanākaretxi, āti iteene txitiko, Teoso misākirepiretiko, maerekati sākiretixiti pakini. ⁹ Kona himisirienetakapeua, kotxi hītakanapapekari maerekati mitxi hīkamakiti. Himāka kitxakari hōkini atoko, hītakanapapekari ikara maerekati.

¹⁰ Uatxa hīkamakiti amaneri. Himāka amaneri hīeretakini atoko, hīkamakiti uatxa amaneri. Teoso tḡīkitakari hīkamakiti amaneri inini, ininiā himarotari atāo inakari imarotari. Ininiā Teoso kamakiti atokokana hīkama, kotxi hīte kamakari itxaua. ¹¹ Uatxa kākiti apiari !auari. Krekoakori, Xoteoakori, Teoso takaōtxikare auaiōtotakini, Teoso takaōtxikare mauaiōtotakini, mimarorenī, kākiti ĩtopa auakani, nītrixi amotakoni, kākiti mīamotakoni pakini ! auari kākiti apiari. Āti kākiti āti kākītxikana, kotxi Kristonoka Apiananiri. Iua aua ikinimane isākire auīākani ākixinireē.

¹² Ininiãkara hiamonikariko äti. Hikamariko erekari ätimoni. !Hïukaepua. Kaneenama ! hitxape. !Katimari homanãkarauatini. Ikara atoko häuako, kotxi Teoso mereëkini, iua nakiti-akori, itiretakini hitxaua. ¹³ Himiteenekakauako. Himaxinikaretariko apanakini kamakiti, hite mapokaerekatakiniti. Kristo maxinikaretapekari maerekati hite kamakiti, ininiã iua atokotxikana himaxinikaretariko maerekati apanakini kamakiti hitemoni. ¹⁴ Ikara erekari hikamako. Erekarì apiari hikamini, hitiraõkiuatini. Hitiraõkiuatako. Hitiraõkiuatakasaaki, ininiã iuaaaki ikinika hikamakiti atão.

¹⁵ Kristo kamaerekaxiniretai, ininiã erekari häkixinire. Häuiritariko ikara erekari kaiko-tini. !Hikamapiri ikara erekari makatzakiko ikapani. Hikinika ätika itotxi atoko hitxaua. Teoso akiritai hite häkixinire ereka inini ikapani. Hitxariko Teoso ätipirika: "Erekapitikari pikamakiti nota ikapani," hitxako. ¹⁶ Häuiritariko ikinika Kristo säkire kaikotini häkixinireë, ininiã iuaaaki himarore iteene aua. Höerekakakaua. Hötäkikakakaua. Hixikaretari xikari Teoso ikapani. Hixikaretariko xikari Teoso säkire iõkatsopatakori xikariti. Hixikaretariko xikari kitxakari, amaneri pakini Teoso ikapani. Hixikarauatakasaaki, häkixinireë hitxariko Teoso: "Erekapitikari pikamakiti nota ikapani." ¹⁷ Ikinika hikamakiti hikamako Apiananiri Xesosi ikapani. Hissäkiraauatakasaaki, hissäkiraauata Apiananiri Xesosi ikapani. Iuaaaki hitxariko äiri Teoso: "Erekapitikari pikamakiti nota ikapani," hitxariko.

Käkiti Aapoko Auakani Ötäkikiko

¹⁸ Hite itanorotxi, hikipitariko hitaniri säkire, kotxi Apiananiri nakiti hitxaua, ininiã ikara atão hikamini.

¹⁹ Hite itaniritxi, hitiretaroko hitanoro. Kona hitxitapero oa. Kona homanatapero.

²⁰ Hite amarini, hikipitariko hïri, hinoro pakini säkire. Ikinika ninoo paniätakiti hikamako, kotxi Teoso apokaerekatari ikara atoko inakari.

²¹ Hite iritxi, kona hikamanaiamanetaapena hamariteakori, kotxi eereka maerekaxinireti aua ninoomoni, ininiã inirekaikarina hite paniätakiti ikaminina.

²² Hite nitiritxi, hipatrãote ikorapokoriti aua, ininiã hikamariko ikinika ninoo paniätakiti. Apanakini iteene parikauata ipatrãote apisatoõ, iua apokaerekatiniri ikapani. Iua mauakanisaaki apaka iteene hiparikauatako. Ikinii hixinireritika hikamariko hiparika. Ikara atoko ininiã, atão hipaxitari Teoso. ²³ Ikinika hikamakiti hikamako hitaparaxinireritika. Hiparikauatakasaaki, parikotxi Apiananiri ikapani hikamini atokotxikana, hiparikauata käkiti ikapani. ²⁴ Hiparikauatako ikara atoko, kotxi himarotari Apiananiri sikiinii ipotetakiti iax-itikiri hiparika iki. Itixine häpokasaaki, häpakapariko. Apiananiri Kristo nitiriakori hitxaua. ²⁵ Maerekati kamakari häpakapariko imisiritiko. Teoso misiritari äti maerekati kamakari, äti maerekati kamakari imisiritini atokotxikana.

4

¹ Hite patrão, hikamariko atão inakari hinitiriakori ikapani. Kona himisirienetaapena ninoo. Kotxi hite apaka aua hipatrãote Teoso tixineë.

Apikomoni Paoro Ötakikakiti

² Kona hitakanapapiri Teoso himisäkiretini. Araõkire hitxako maerekati mapokakani ikapani. Ätipirika hitxariko Teoso: "Erekapitikari ikinipoko pikamakiti nota ikapani," hitxariko iua.

³ Apaka himisäkiretariko Teoso ate ikapani. Hamanaäriko Teoso, iua oerekiniua isäkire apanakinimoni asäpiretini ikapani, kotxi anirekari asäpiretiniri käkiti Kristo pirena, mitxi käkiti mimarotakinini. Ikara nisäpiretini xika, kateia äki naua.

⁴ Himisäkiretariko Teoso, Kristo pirena atão nisäpiretini ikapani, käkiti atão imarotini ikapani.

⁵ Kimarorerini hitxauako Teoso säkire mauikani sauaki häuakasaaki. Aäuiini poião, ininiã ikiniõtika hinitari käkiti Teoso säkire hissäpiretini ikapani.

⁶ Teoso sikapekai ikinipoko erekari, ininiã hissäkiraauatakasaaki, hõerekari käkiti hissäkireë hitiretinina. Iõkira mauakaniã nipokoriã, !kaposeri. Iua atokotxikana erekari mauakaniã hissäkireë, käkiti !inirekari ikenakotiniri hissäkire. Erekarì hissäkire ininiã, himarotari häpakapapiretiniri käkiti.

Paoro Iokanapiretini Pirena

⁷ Txikiko inakori säpiretaiko ikinika nota pirena. Äitari, atiretakiti itxaua. Iua parikauatapitipo Apiananiri ikapani. Aplananiri nitiri itxaua atekata. ⁸ Niokanatarì iua hitemoni, hite imaropiretini ikapani, hite isikataparaxiniretini ikapani. ⁹ Niokanatarì Onesimo inakori apaka iuakata. Koroso sitatxitikiri iua, hite atoko. Äitari atiretakiti itxaua apaka. Ätipirika atão iparikauata Kristo ikapani. Ninoo säpiretaiko hite ikinipoko Kristo säkire auikani kamakiti uai.

¹⁰ Arisitako inakori, notakata kateia āki auakari, xinikamanapitai hīte. Panapee itaro ākiri Marko, xinikamanapitai hīte apaka. Nisāpiretapekai hīte Marko pirena. Ininiā ereē iua apokasaaki, hīpoxokoniritika hāpakapariko iua. ¹¹ Xosoe Xósite inakori xinikamanapitai hīte apaka. Ninoa ipi āti pakini Xoteoakori notakata parīkauatakani itxauana. Ninoa parīkauata notakata, Teoso auītetxi ininiua pirena asāpiretini ĩkapani. Isikataparaxiniretanona nota.

¹² Epápara inakori apaka xinikamanapitai hīte. Ereēkiri iua. Kristo nitiri itxaua. Ātipirika imisākiretari Teoso hīte ĩkapani, Teoso nireēkitinoka hīkamini ĩkapani, ĩkinika hīkamakiti atāonoka hīkamini ĩkapani. ¹³ Nota imarotari iteene iparīkauatini hīte ĩkapani. Apaka nimarotari iparīkauata kākiti Araotxiséia sitatxiti auakani ĩkapani. Apaka nimarotari iparīkauata Ierapori sitatxiti auakani ĩkapani.

¹⁴ Aītari atiretakiti, amianari imarotakari Arókasi inakori apaka xinikamanapitai hīte. Témasi inakori apaka xinikamanapitai hīte. ¹⁵ Hīsāpiretanako aītariakori Araotxiséia auakani nixinikinina ninoa. Hīsāpiretaroko Nīpa inakoro, Teoso mereēkini oaāpoko apotiitakanuia pakini, nixinikinina ninoa. ¹⁶ Ia niokanatsopatakiti hātatsopatako hīkinika hīkenakotini ĩkapani, eereka hīpaniātariko atatsopatiko Araotxiséia sitatxitiā, Kristo sākire auīākani kenakotiniri ĩkapani. Apaka hīte atatsopatariko Araotxiséia auakani iokanatsopatakiti. ¹⁷ Hītchariko Akipo inakori: “Pikamariko ĩkinipoko parīkatxi Apiananiri paniātakiti pikamini.” ¹⁸ Nota Paoro niōkatsopatari ia niuakoā: Hīxinikariko kateia āki nauini. Teoso sikari ĩkinipoko erekari hītemoni. Ameē.

1 TESARÓNİKA Merepanika Paoro İokanatsopatakiti Tesarónika Auakanimoni

¹ Paoro, Sírası, Tximótxio pakini iokanatsopata Teoso mereëkinimoni Tesarónika sitatxtiã. Aİri Teoso nakitiakori hİtxaua. Apiananiri Xesosi Kristo nakitiakori hİtxaua. Aİri Teoso, Apiananiri Xesosi Kristo pakini sikai ikinipoko erekari. Ninoa kamaerekaxiniretai hİte.

Paoro Misäkiretari Teoso Tesarónika Auakani İkapani

² Amisäkiretari Teoso hİte İkapani. Ätipirika atxari Teoso: “Peerekai pite, kotxi Tesarónika auakani auikari pisäkire,” atxari. ³ Aİri Teoso amisäkiretakasaaki, axinikapikari hİte parİka Teoso İkapani. Atão hİparİkauata, kotxi iteene hãuikari iua sãkire. Axinikari hİparİka Teoso İkapani, kotxi iteene hİtretari iua. Axinikari himarotiniri Apiananiri Xesosi Kristo sãkire iaõka hİkamini. Hİpoxokoniritika hİätapari isãkire iaõka apokini.

⁴ Nitariakori, Teoso turetakitikai hİte. Iua mereëi hİte iua nakitiakori hininiua İkapani. Aimarotari ikara. ⁵ Teoso iokanapirena erekari hİtemoni asãpireta Teoso posotiireë. Ate sãkirenoka !kaposotiireri. Erekari Matamatakoti oerekai asãkire atão inini. Hİte iteene imarotari asãkire atãonoka inini. Hätamatarı aparİka hİte İkapani hİte sauaki aãuakasaaki, ininiã himarotapitikaua ate. ⁶ Ininiã hİte kamari ate kamakiti atokotxikana. Hİkamari Apiananiri kamakiti atokotxikana. Himisiritiko aua, iuaritika hãuikari Xesosi sãkire. Himisiritiko aua, iuaritika Erekari Matamatakoti kamapoxokonitai. ⁷ Ininiãkara Masetónia tixini auakani, Akaia tixini auakani pakini nirekari hİte atoko ininina. ⁸ Inirekarina hİte atoko ininina, kotxi hİte sãpiretari Apiananiri sãkire Masetónia auakanimoni, Akaia auakanimoni pakini. Apaka ikini itixiti iaripireta hİte iteene auikniri Teoso sãkire. Ininiã kona ate sãpiretari kãkiti iteene hãuikiniri Teoso sãkire, kotxi ikinimane imarotape. ⁹ İkinimane sãpiretari hİpoxokoniritika hãpakapiniua ate. Ninoa sãpiretari hİte takanapiniri teoso kamakori. Isãpiretarina hİparİkauatini uatxa Teoso atão inakari İkapani, auãkipika inakari İkapani. ¹⁰ Ninoa sãpiretari, hİte iätapiniri Teoso äkiri itixine auakari kanapiriini İkorapokoriti. Iua Xesosi. İpikani sauaki Teoso ökitikakiti iua. Iua makatzakapekari amaerekani, ininiã amisiritiko !auaika kãkiti misiritiko öti apokasaaki.

2

*Paoro Parİka Tesarónika Sitatxtiã
(Ätosi 17.1-9)*

¹ Nitariakori, himarotari maxikatİka kona ate sari hİtemoni. ² Himarotari amisiritiko Piriposi sitatxti aãuakasaaki, hİtemoni aãpokini apisa. Iuaã auakani asokaua, kateia äki taka itxauana. Iuaritika Teoso sikataparaxiniretaua asãpiretiniri Teoso iokanapirena erekari hİtemoni. İtori kãkiti !nirekari asãkire, iuaritika ate sãpiretari Teoso iokanapirena erekari hİtemoni. ³ Ate oerekakiti !akeroka. Teoso nireëkitinoka anireka kamini. Äti anireëkiti !auari. !Anirekari amisirienetini hİte.

⁴ Teoso auiritaua iua iokanapirena erekari asãpiretiniri kãkiti. Teoso auikari atão asãpiretiniri isãkire kãkitimoni, ininiã asãpiretari isãkire kãkitimoni. Asãkirauata, kona kãkiti akamapoxokonitini İkapanini. Anirekari akamapoxokonitini Teoso, kotxi iua ataerekatarı aãkixinire. ⁵ !Asãpiretai eka hinini, ate nireëkiti hİkamini İkapani. Asãpiretari Teoso sãkire hİtemoni, kona hİte nakiti anirekini İkapanini. İkara himarotape. Teoso apaka imarotari ikara nisãkire atão inini. ⁶ Ate !anirekari kãkiti iuikiniua ate. !Anirekai hİte iuikiniua ate. !Anirekari apanakini iuikiniua ate. Kristo iokanatakiniraua ate hİtemoni, ininiã aposotari apaniätini ikinipoko anireëkiti hİsikiniua. Iuaritika !anirekari ikara atoko akamini. ⁷ Hİte sauaki aãuakasaaki iteene atiretai hİte. Sito turetiniiri oimi atokokana, ate turetai hİte. ⁸ İteene atiretai, ininiã anirekari asikini Teoso iokanapirena erekari. Kona iuananini anireka asikini hİte. Axinire, aito pakini anireka asikini, kotxi ate turetakinı hİtxapekava. ⁹ Nitariakori, hİxinikari aparİka hİte sauaki. Pasãpaniri. İkanõka, pokamara pakini aparİkauatapitipo, akiena, anireëkiti pakini aãpakapini İkapani, kotxi !anirekari aamanaini hİte aamonitakiti İkapani. !Anirekari hİte parİka apiatini ate İkapani, Teoso iokanapirena erekari asãpiretakasaaki.

¹⁰ Hİte Kristo sãkire auiakani sauaki aãuakasaaki, hİte itikari aãuini ikiniõtika. Teoso apaka itikari. Himarotari Teoso nireëkitinoka akama iusaaki. Himarotari erekarinoka akama iusaaki. Himarotari !akamari maerekati iusaaki. ¹¹ Hİri atoko atxaua iusaaki, kotxi atãkikai hİte. Amİkapiritai, imi iri mİkapiritini atokokana. Apaniãtai atão inakarinoka

híkamini. ¹² Ikara atoko akaminii, kotxi Teoso anaakori hĩtxaua, ininiã anirekari hĩte kaminiri hĩri kamakiti iaõka. Iua akiritai hĩte hĩauĩte inini ĩkapani. Inirekari hĩtamatiniri iua iotximere itixine hĩaukasaaki. ¹³ Ininiã ãtipirika amisãkiretari Teoso: “Erekapitikai, kotxi Tesarónika auakani auikari pisãkire, ninoamoni asãpiretakiti. Ninoa imarotari kona ate sãkireni asãpiretana. Ninoa imarotari asãpiretana atão pite sãkire,” nitxari Teoso. Teoso sãkire parĩkauata hĩte Xesosi sãkire auĩãkani ãkixinireẽ isãkire hĩauikini ĩkapani. ¹⁴ Xotẽia tixini auakani, Kristo Xesosi nakitiakori, Teoso sãkire auĩãkani, ninoa kamakiti atoko hĩkamako hĩte nitariakori. Xoteoakori misiritana ninoa. Iua atokotxikana hĩte nirimane misiritapekai hĩte. ¹⁵ Ninoa Xoteoakori okari Apiananiri Xesosi. Ninoa apaka okana ninoaka nirimane, Teoso sãkire sãpiretakani. Ninoatxikana misiritapekautau ate. Teoso ! apokaerekatari ninoa kamakiti. Ninoa omanatari kãkiti. ¹⁶ Kotxi !auĩritarina Xesosi sãkire asãpiretini Xoteo minakaniua, imaerekanina makatxakiko ĩkapani. Uatxa ninoa maerekani xãpoka. Uatxa Teoso omanãkare apokaepka ninoamoni.

Paoro Ipiãtinina Tesarónika Auakani

¹⁷ ãtiãtaã ate auakasaaki, ãtipirika axinikapikai. Aĩto hĩtekata mauakanisaaki, aãkixinire xinikapikai. Ate ipiãtai. Iteene anirekari iuaĩkana aõkitinii. ¹⁸ Anirekapitikamari hĩtemoni akanapiriini. Nota Paoro itokata nirekamari napokini hĩtemoni, txamari Satanasi !auĩritaua asini hĩtemoni. ¹⁹ Aãũite Xesosi ãti õti ikanapiriãkasaaki, aãpotiitaua iua apisatoõ. Iuasaaki aiãtapakiti apokaepka. Kipa aiãtapakiti? Hĩtera. Iuasaaki iteene apoxokoniuatoko. Kinirepa apoxokoniuatã? Kotxi hĩte aua iuaã. Iuasaaki aãpakapari aparĩka iki. Kinirepa aãpakapari aparĩka iki? Kotxi hĩte auikari Xesosi sãkire ate sãpiretakiti. Ininiã peerekari iuasaaki. ²⁰ Atãõpitikara nisãkire. Ate iukai hĩte. Hĩte kamapoxokonitaua ate.

3

¹ Iuasaaki !amĩteenekari amimaropiretakanii hĩte, ininiã axinikari atenoka kaikota uai Atena sitatxitiã. ² Ininiã iuasaaki aiokanatarari aĩtari Tximõtxio hĩtemoni. Teoso nitiri itxaua. Imoianataua Kristo iokanapirena erekari asãpiretakasaakiri kãkiti. Aiokanatarari iua hĩtemoni, Xesosi sãkire iteene hĩauikini ĩkapani, isikataparaxiniretinii ĩkapani. ³ Ikara atoko ininiã, kona hĩxinikari Teoso sãkire hĩtakanapini, kãkiti misiritinii xika, kotxi himarotari amisiritiko apokapitikako. Teoso auĩritari. ⁴ Hĩtekata aãuakasaaki, asãpiretapaekai amisiritiko apokini. Uatxa himarotapitikari atão asãkire, kotxi uatxa apopeka asãkire iaõka. ⁵ Ininiã apikomoni !nimĩteeneakaikari nimimaropiretakanii hĩte. Ininiã iuasaaki niokanatarari Tximõtxio hĩtemoni, Xesosi sãkire hĩauikini nimarotini ĩkapani. Nipĩkari Satanasi sikanireõtinii hĩte, Xesosi sãkire hĩauikini hĩtakanapini. Nipĩkari maxikatĩka Xesosi sãkire asãpiretinii hĩte, hĩtekata aãuakasaaki.

Tximõtxio Sãpiretakiti Ikanapiriãkasaaki

⁶ Uatxa Tximõtxio kanapiripeka atemoni. Iua minapiretai hĩte. Erekarari isãpiretakiti. Iua txaua ate: “Tesarónika auakani iteene auikari Xesosi sãkire. Ninoa tiraõkiuatapika. Ipotxitarina ixinikiniina hĩte. Ipiãtaina hĩte, ninoa hĩpiãtini atokotxikana,” itxa Tximõtxio atemoni. ⁷ Nitariakori, ate amaxikiko auapitika. Ate misiritiko auapitika, iuaritika hĩkamapoxokonitaua, kotxi iteene hĩauikari Xesosi sãkire. ⁸ Uatxa peerekari ate auini, kotxi Apiananiri sãkire iaõka hĩkama. ⁹ Iteene apoxokoniuatã Teoso apisatoõ, kotxi hĩauikari iua sãkire. Axinikasaakii, apoxokoni iteene auapitika. Ininiã ãtipirika atxari aTeosone: “Peerekai pite, kotxi Tesarónika auakani iteene auikari pisãkire, ininiã ikamapoxokonitauana ate,” atxari. ¹⁰ ĩkanõka, pokamara pakini iteene aamanaãri Teoso hĩte iuaĩkana aãõkitini, kotxi anirekari apikomoni Teoso sãkire himimarotakinini aõerekini.

¹¹ Anirekari aĩri Teoso, aãũite Xesosi Kristo pakini oerekiniãua aãpokini hĩtemoni. ¹² Anirekari Apiananiri txĩkitakinii himarotini hĩtĩretakakiniua. Anirekari hĩtĩraõki aneini. Anirekari iteene hĩtĩraõkiuati. Anirekari ikinimane apaka hĩtĩretini, ate tĩretinii hĩte atokotxikana. ¹³ Anirekari Apiananiri sikataparaxiniretinii hĩte. Ininiã Apiananiri Xesosi Kristo ikinika inakitiakorikata ĩkasaaki uai, iuasaaki maerekati !auaika hĩtemoni aĩri Teoso apisatoõ. Iuasaaki hĩte apoĩtakari !auari. Iuasaaki erekai hĩte.

4

Akamakiti Teoso Apokaerekatakiti

¹ Nitariakori, apikomoni nisãpiretai. Asãpiretapaekai hĩkamakiti tĩkane, hĩuini Teoso apokaerekatini ĩkapani. Ikara atoko inakari hĩkamapitika uatxa. Erekarari hĩuini uatxa, ininiã nõtãkikai Apiananiri Xesosi posotĩreẽ, apikomoni iua apokaerekatakiti ikinĩõtika hĩkamini ĩkapani. ² Himarotapitikari aõereẽkiti hĩkamini ĩkapani. Apiananiri Xesosi paniãtaua ikara aõerekini hĩte.

³ Teoso nirekari himaerekani xipokaãpotini hãkixinireẽ. Ininiãkara hñtaniri minakotikatika, hñtanoro minakotokatika, !hñsiríkape. ⁴ !Hãuiritapiri hñto nireëkiti ikamini. Hñto auñte hñtxauako, ininiã maerekati hñto nireëkiti !hñkama. Atão hñpaxitariko hñteka ãto, apanakini ãto apaka. ⁵ !Apakata hñxinikiniri ãtipirika maerekati hñto nireëkiti ãti ãtokata hñkamini. Xoteo minakanuia, Teoso mimarotakani, xinikari ikara atoko inakari. ⁶ !Apakata hñxikitakiniri ãti ãtari maerekati ãtotxi nireëkiti ikamini, kotxi Apiananiri misiritariko kãkiti ikara atoko inakari maerekati ikaminiã. Asãpiretapekai ikara. Apinitapekai. ⁷ Teoso kona akiritaua iuamoni, maerekati ãto nireëkiti akamini ãkapani. Akiritaua iua nakiti aniniua ãkapani, erekarinoka akamini ãkapani. ⁸ Ininiã ikara asãkire manirekakati, !omanataua ate. Omanatari Teoso. !Inirekari Teoso sãkire, kotxi Teoso sikari Erekar Matamatakoti kãkitimoni.

⁹ Hñtariakori hñtoretini pirena kona aiõkatsopata hñtemoni, kotxi Teoso oerekapekai hñtoretakaninua. ¹⁰ Nimarotari hñtoretiniri ikinika hñtariakori Masetõnia tixini uaakani. Iuaritika nitariakori, aõtãkikai apiata hñtoretiniri kãkiti ikiniõtika. ¹¹ Hãpaiaõkariko hñtsorãkaãti. Apanakini parãka !himaãkatape. Hñkamariko hñteka parãka hãuini ãkapani. Ikara atoko asãpiretapekai hñte. ¹² Ikara atoko hñkaminiã, Xesosi sãkire mauãkani paxitai. Ikara atoko hñkaminiã, !uari hiamonitakiti.

Apiananiri Kanapiriini

¹³ Nitariakori, anirekari himarotiniri atão inakari ipãkani pirena. Kona anirekari himatinaniuatini Xesosi sãkire mauãkani matinaniuatini atoko, kotxi ninõa ipãkasaaki, !imarotarina isinimonina. ¹⁴ Aãuikari Xesosi ipinini. Aãuikari iuaãkana õkitikinua. Ininiãkara aãuikari ipãkani Teoso sãkire auãkani apaka õkitikinua. Teoso minana ninõa Xesosikata ikanapiriãkasaaki. ¹⁵ Iuasaaki ate auãkipanika inakanuia Apiananiri kanapiriãkasaaki, !asari ninõa mitxi ipãkani apisapanika. Mitxi ninõa sa. Iposo atoko ate sa Apiananirimoni. Apiananirira sãpiretapekai ikara. ¹⁶ Iuasaaki Apiananiri poterika itixine. Iuaka katxaka uaimoni. Iuasaaki akiripoakata iua apokasaaki, ininiã kãkiti kenakotariko Teoso nitariakori auñte sãkire. Teoso trõpetane xõkiko kenakotaãka. Iuasaaki mitxi ipãkani, Kristo sãkire auãkani, merepanika õkitikauako. ¹⁷ Eureka ate auapanika inakanuia anikaãkako ipãkanikata Apiananiri aaõkitini ãkapani. Aaõkitari iua itanoxiti katxiãriã. Ininiã eereka iuakata aãuapininiika. ¹⁸ Ikara sãkiretxiti hñsãpiretakauako, ininiã hñkamataparaxiniretakauako.

5

Apiananiri Kanapiriini Õti

¹ Nitariakori, kona asãpiretari Xesosi kanapiriini õti. !Asãpiretari apokini kasiriti, ikanapiriinikanani pakini. ² Kotxi atão himarotari, Apiananiri uai apokini, kñtiriti ãkanõka apokini atokokana itxako. Ininiã kãkiti !imarotari Apiananiri apokini õti. ³ Iuasaaki kãkiti sãkire: “Neenamtxi !uari. Erekaua. Imonõkoni !uari,” inakasaaki, iuasaakipeka katimaritika Teoso xipokari ikinipoko. Katimari sito amarini tsĩkini atoko itxako. Oa sito tsii apokasaaki, omitekini !uari. Iua atokokana kãkiti mitekini !uari iuasaaki Xesosi kanapiriãkasaaki. ⁴ Nitariakori, kãkiti ipiã auakani atoko !hñtxaua. Himarotapitikari ãti õti Apiananiri uai kanapiriini, ininiã hiãtapari ikanapiriini õti apokini, himatikokakani ãkapani, kñtiriti tikokakiniri kãkiti atoko himinakanani ãkapani ikanapiriãkasaaki. ⁵ Hñte hñkinika kaiotximereri anaakori hñtxaua. Pokamarari anaakori atoko hñtxaua. !Akaikota ipiã. !Akaikota ãkanõka, kotxi !anirekaikari maerekati akamini. ⁶ Ininiãkara apanakini imakakani atoko !himapeko. Araõkire matxako, maerekati mapokakani ãkapani. Añto auñte matxaua. ⁷ Imakakani imaka ãkanõka. Poãtakani poãta ãkanõka. !Iãtapari Xesosi kanapiriini. Ikara atoko !hñtxapeko.

⁸ Pokamarari anaakori atxaua, ininiã añto auñte matxaua. Sotato takari itorota koana, itorota tokapare ãkapani. Sotato torota koana atoko itxa Teoso sãkire iteene hãuikini. Sotato torota koana atoko itxa apaka hñtiraõki. Ininiã hãuikasaakiri Teoso sãkire, hñtiraõkiuatakasaaki, hãkixinire tokapare auape. Sotato takari ikii tãta ikii tokapare ãkapani. Sotato kii tãta atoko itxa amaerekani makatxakiko aimarotini. Ikara imaroretxi axinikakiti akii tokapare itxaua. ⁹ Teoso mereẽua ate kona imisiritinua ãkapani. Iua mereẽua ate amaerekani aãuñte Xesosi Kristo makatxakini ãkapani. ¹⁰ Iua ipina kãkiti ãkapani. Ipinu iuakata aãuini ãkapani. Ikanapiriãkasaaki, isãkire auãkani auãkipanika inakani, ipãkani pakini aua iuakata. ¹¹ Ininiã hñsikataraxiniretakauako. Himoiاناتakakauako Teoso sãkire iteene hãuikini ãkapani. Uatxa ikara atoko inakari hñkamapeka.

Paoro Õtãkikare Mapotõkire

¹² Nitariakori, aõtãkikai himarotinina hñte sauaki parãkauatakani, Apiananiri sãkire sãpiretakani, hñte õtãkikakani. ¹³ Ininiã iteene hñpaxitanako. Hñtoretanako ninõa, kotxi ninõa

iteene parīkauata hīte īkapani. !Hītixitakapeua. !Hineenamauatape. ¹⁴ Nitariakori, iteene aōtākikai hīte ia atoko: Hīpinitariko kākiti paniātakiti makīpitakani. Hīsikataparaxiniretariko pīkarauatakani. Himoianatariko mataparani. Katīma !hītixapeko homanākarauatini kākiti kerokasaaki. ¹⁵ Kona hāuiritapiri misiritakori misiritiniri imisiritakiri. Ātipirika hīkamariko erekari hītariakorimoni, Xesosi sākire mauīākanimoni apaka.

¹⁶ Ātipirika hīpoxokoniuatoko. ¹⁷ Himisākiretapikariko Teoso. ¹⁸ Hīpoxokoniuatokasaaki, hītixariko Teoso: “Erekari pikamakiti nota īkapani,” hītixako. Himatinaniuatakasaaki, iuaritika hītixariko Teoso: “Erekari pikamakiti nota īkapani,” hītixako. Ikara atoko Teoso nirekari ātipirika hīsāpiretiniri iua, kotxi Kristo Xesosi nakitiakori hītixaua. ¹⁹ !Hīotokakapiri Erekari Matamatakoti parīkauatini hākixinireē. Hīkamariko ipaniātakiti. ²⁰ !Homanatapiri Teoso sākire kākiti sāpiretakiti. ²¹ Hātaerekatariko ikinika. Erekarinoka hīkamako. ²² !Hīsipeko maerekati kamikoātaā, kotxi hīsiniā, apanakini xinikari atāo maerekati hinireka hīkamini.

²³ Anirekari Teoso, kākiti kamaerekaxiniretakari, iua iteene kamaerekatinii hīte iua nakitiakorinoka hininiua īkapani. Nimisākiretari Teoso hīte īkapani, hīxinire, hākixinire, hīto pakini ereka inini, ininiā aāuīte Xesosi Kristo uai apokasaaki maerekati !auaika hītemoni, ininiā hīte apoītiko !auari. ²⁴ Hīte akiritakari kamarī isākire iaōka.

²⁵ Nitariakori, himisākiretariko Teoso ate īkapani. ²⁶ Haōkitakakasaakiua, hītiraōkiritika hāpakapakauako, kotxi hītariakori itxauana. ²⁷ Apiananiri posotiireē nipaniātai hātatsopatiniri ia niokanatsopatakiti ikinika aītariakori kenakotini īkapani. ²⁸ Aāuīte Xesosi Kristo sikari ikinipoko erekari hītemoni. Ameē.

2 TESARÓNİKA

Paoro İokanatsopatakiti İuaĩkana Tesarónika Auakanimoni

¹ Paoro, Sírası, Tximótxio pakini iokanatsopata Teoso mereėkinimoni Tesarónika sitatxtiã. Aĩri Teoso nakitiakori hĩtxaua. Apiananiri Xesosi Kristo nakitiakori hĩtxaua. ² Aĩri Teoso, Apiananiri Xesosi Kristo pakini sikai ikinipoko erekari. Ninoa kamaerekaxiniretai hĩte.

Xesosi Kanapiriini Pirena

³ Nitariakori, ătipirika atxari Teoso: “Erekapitikari pikamakiti Tesarónika auakani İkapani.” atxa. İkara atoko asăpiretari Teoso, kotxi ikiniótika Teoso săkire hăuikini apiăăpota. Apaka hĩtoretakaniua ikiniótika apiăăpota. ⁴ İniniã apanakini Teoso săkire auĩăkanikata aăuakasaaki, asăpiretana ninoa ate iuikinii hĩte. Ate iuikari himisiritiko himĩteenekini. Ate iuikari hăuikiniri Teoso săkire. İteene himaxikiko, himisiritiko pakini, iuaritika himĩteenekari. İteene hăuikari Teoso săkire.

⁵ Himisiritiko himĩteenekini oerekari Teoso misiritiniri maerekati kamakani, kotxi ikara atăo. Hĩte misiritaăka, kotxi hĩkamari hăuĩte Teoso paniătakiti, ininiăkara iuamoni apakatapitika hăuini Teoso auĩttxi ininiătăua. ⁶ Teoso kamari atăo inakarinoka. İniniã imisiritariko hĩte misiritakani. ⁷ İxipokariko hĩte misiritiko, ate misiritiko apaka. İuaasaaki hĩtomata atekata. İkara atoko inakari ikama, Apiananiri Xesosi oerekikosaaki Teoso tixine ipotorikasaaki, initiriakori kaposotiirerinkata. ⁸ Xamina tirinakariã imisiritanako Teoso mimarotakani, aăuĩte Xesosi Kristo iokanapirena erekari makĩpitakani. ⁹ Ninoa misiritaăkako ătipirika. İkinipoko xipope ninoa İkapani. !Auirităăkana Apiananiri auiniătăa apokinina. !Atamatarina iua iotximere. !Atamatarina iposotiire. ¹⁰ Ninoa misiritaăka, Apiananiri kanapiriini ótisaaki. İuaasaaki inakitiakori, isăkire auĩăkani, txariko: “Peerekai. Peerekai. ăti kaposotiireri pite atoko inakari !auari,” itxanako. İkara atoko hĩte apaka săpiretari iua iuaasaaki, kotxi hĩte auikari asăpiretakiti hĩtemoni.

¹¹ İniniã amisăkiretapikari aTeosone hĩte İkapani. İa atoko atxari iua: “Pite akiritari Tesarónika auakani pinakitiakori ininiuana İkapani, ininiã ninirekari pite apokaerekatiniri ninoa kamakiti pite İkapani. Pisikaposotiiretana ninoa ikinipoko inireėkitina erekari ikaminina İkapani. Ninoa auikari pisăkire, ininiã iparĩkauatana pite İkapani. İniniã pisikaposotiiretana ninoa ikara iparĩkana ikaminina İkapani.” ¹² İkara atoko amisăkiretari Teoso, kotxi apanakini atamatakasaakiri erekari hĩkamakiti, itxarinako aăuĩte Xesosi Kristo: “Peerekai pite,” itxanako, ininiã Xesosi uăka iuikaăka. Apaka Xesosi txaike hĩte: “Peerekai hĩte,” itxaiko. İkara atoko aua, kotxi aTeosone, Apiananiri Xesosi Kristo pakini sikari ikinipoko erekari hĩtemoni.

2

Apia Maerekati Apokini

¹ Nitariakori, maxinikari aăuĩte Xesosi Kristo kanapiriini. Maxinikari iuakata aăpotiitiniua. İkara axinikasaaki, aótăkikai hĩte. ² Apanakini săpiretai: “Apiananiri kanapiriini óti apokapeka,” itxana. Maerekaxiniretika !hĩtxape. İkara atoko inakasaakina, !hĩpĩkarauatape. Paxirari ninoa săkire. Atxiĩti ninoa txari: “Erekari Matamatakoti săpiretano ikara.” Atxiĩti ninoa txari: “Paoro săpiretari ikara.” Atxiĩti ninoa txari: “Paoro iókatsopatarı ikara.” Paxirari ninoa săkire. Kona hăuikapiri ikara atoko inakari. ³ Kona xatiki hăuiritapiri kăkiti misirienetini. Apiananiri kanapiriini apisapanika, kăkiti !inirekari Teoso săkire ikĩpitini. İuaasaaki maerekati kamakari apiatakari apoka. Xipokatxi ăkiri akiritaăka. İua xipokaăkapitikako. ⁴ İua apia maerekati !inirekari Teoso paniătakiti ikamini. İuikauoko. “Kăkiti teosonetakini posotiire poiăoka. Nota posotiire apiata,” itxako. İuaasaaki iitopăka Teoso misăkiretiko aikoti ăki. “Teosorano nota. Notanokara Teoso txaua. ăti Teoso !auari,” itxako iuaasaaki. ⁵ Hĩtekata nauakasaaki, nisăpiretapekai ikara. Atxiĩti hĩte xinikaparikari nisăpiretakiti? ⁶ Uatxa kona apakatapanika iua apia maerekati apokini. Himarotari Teoso !auritari iua apokini uatxa. İketo ótinokara Teoso auiritari iua apokini. İuaasaaki iuaka oerekaua. ⁷ Maerekati kipatakori posotiire auape uatxa, iuaritika maerekati mauritakati !auritapanikari iteene maerekati iarikini. ăti óti maerekati mauritakati makatxakaăka. ⁸ İuaasaaki iua apia maerekati oerekaua kăkitimoni. Apiananiri kanapiriăkasaaki, okari iua. İxókare, isinanirenani xipokari iua. İotximere xipokari iua apia maerekati. ⁹ İua apia maerekati apokasaaki, Satanasi posotiire aua iuamoni. İkamariko ikini sereti posotiiretxi kăkiti maposotakiniti. İua oerekari ikara, kăkiti imisirienetini İkapani, isăkire kăkiti auikini İkapani. ¹⁰ İkini sereti maerekati ikama kăkiti pĩpinanaăkani imisirienetini İkapani. Ninoa pĩpinanaăkani xipokapitikako, kotxi !inirekarina atăo inakari itiretinina,

ininiã imaerekanina makatxakiko !auari. ¹¹ Ininiã iuasaaki Teoso txíkitakana auikinirina ninoa misirienetakani sãkire, ininiã auikarina atão minakati apiatakari. ¹² Ininiã atão inakari mauikakati misiritaãkako, kotxi iteene ipotxitari imaerekani.

Iteene Hãuikariko Teoso Sãkire

¹³ Nitariakori, Apiananiri tiretakini, ãtipirika erekari amisãkiretiniri Teoso hite ikapani ia atoko: "Erekapitikai, kotxi pite mereẽna Tesarónika auakani imaerekanina pimakatxakini ikapani."

Itixi kamiko apisapanika, iua mereẽi hite. Imakatxakari himaerekani, kotxi Erekari Matamatakoti txíkitakai Teoso nakitiakori hininiuua. Imakatxakari himaerekani, kotxi hãuikari atão inakari. ¹⁴ Teoso iokanapirena erekari asãpiretakiti hitemoni hãuikasaaki, iuasaaki Teoso akiritai hite. Ininiã aãuĩte Xesosi Kristo iotximere hite apaka apakapako. ¹⁵ Ininiã nitariakori, iteene kataparaxinire hĩtxako. Iteene hãuikariko Teoso sãkire asãpiretakiti, aiõkatsopatakiti pakini. !Hítakanapapiri.

¹⁶ Anirekari aãuĩte Xesosi Kristo, aĩri Teoso pakini sikataparaxiniretinii hite. Ninoa iteene tiretaua. ãtipirika isikataparaxiniretaua. Isikaua erekari aiãtapini ikapani. Aimarotari ikara erekari apokapitikako. Ikara atoko inakari ikama ate ikapani, kotxi isikaua ikinipoko erekari. ¹⁷ Erekari hĩsãkiretakasaaki, erekari hĩkamakasaaki, anirekari isikataparaxiniretinii hite apikomoni erekari hĩkamini ikapani.

3

Himisãkiretariko Teoso Ate İkapani

¹ Nitariakori, nisãkire mapotõkire apoka. Himisãkiretariko Teoso ate ikapani Apiananiri sãkire katima laripiretinii ikapani. Himisãkiretariko Teoso Apiananiri sãkire auikiko ikapani, hite auikiniri atokotxikako. ² Himisãkiretariko Teoso imakatxakinuu ate amapinakani ikapani, maerekati kamakani sauaki aãuakasaaki, kotxi apanakini !auikari Teoso sãkire. ³ Apiananiri kamari ikinika isãkire iaõka. Iua sikataparaxiniretai hite. Itokapakeẽtai, ininiã Satanasi !inokai. ⁴ Apiananiri txíkitakaua ate aimarotiniri ate paniãtakiti hĩkamini. Ate imarotari, katana apaka hĩkamapanikariko asãkire iaõka. ⁵ Anirekari Apiananiri oerekinii Teoso tiraõki. Anirekari himĩteenekiniri ikinika himisiritiko, Kristo imĩsiritiko imĩteenekini atokokana.

Kãkiti Paniãtakiti Makĩpitakani

⁶ Nitariakori, aãuĩte Xesosi Kristo nireẽkiti iaõka asãpiretai hite, ininiã apaniãtai ia atoko. Hĩtari kãkiti paniãtakiti makĩpitakiti, aõereẽkiti iaõka imakamakaniã, ininiã iua moianari ! hĩtxapeuako. Hítakanapariko iua. ⁷ Hite imarotari akamakiti iaõka hĩkamini, kotxi hitekata aãuakasaaki ate kĩpitari kãkiti paniãtakiti. ⁸ Kona anikari nipokori amaĩkitxitakiniti. Iuasaaki iteene aparĩkauata. İkanõka, pokamara pakini aparĩkauata akiena aiamotini ikapani, kotxi ! anirekari hite kaamatini hite kiena. ⁹ Apakatapitika kãkiti İkitxitiniua aparĩka ikapani, iuaritika !anirekari hĩkitxitiniua, kotxi anirekari hite parĩkauatini ate parĩkauatini atokokana. ¹⁰ Hitekata ate auakasaaki, ate paniãtai hite ia atoko: "Kãkiti manirekakaniãri iparĩkauatini, linikapani."

¹¹ Ate kenakopiretari hite sauaki auari kãkiti paniãtakiti makĩpitakani. !Iparĩkauatana. ãtipirika ipotxitarina imarotinirina ãti kãkiti kamakiti. ¹² Aãuĩte Xesosi Kristo posotĩreẽ, apaniãtana kãkiti ikara atoko inakani iparĩkauatinina. Aõtãkikana iparĩkanoka ikaminina ikienana apokinina ikapani. !Himaãkatapiri apanakini kamakiti. ¹³ Nitariakori, !hĩsãpakape erekari hĩkamini.

¹⁴ Kãkiti ereẽ makamakaniãri ate õtãkikakiti ia iõkatsopariã, erepaniko iua. Iua moianari ! hĩtxapeuako. Hítakanapariko iua, ininiã iuasaaki atxĩiti ipẽtaua. Iuasaaki atxĩiti iuaikana atão ikama. ¹⁵ Imoianari !hĩtxapeuako, iuaritika himokaiakari litxaua. Hĩpinitariko iua, kotxi hĩtari itxaua.

Paoro Sãkire Mapotõkire

¹⁶ Anirekari Apiananiri, kãkiti kamaerekaxiniretakari, kamaerekaxiniretinii hite ikiniõtika. Anirekari iua kaikotini hitekata.

¹⁷ Nota Paoro iõkatsopata nisãkire mapotõkire niuakoã. Ia nitakaõtxikare, ininiã himarotari atão ia nota iokanatsopatakiti. Ia atoko inakari niõkatsopata. ¹⁸ Aãuĩte Xesosi Kristo sikari ikinipoko erekari hite hĩkinikamoni. Ameẽ.

1 TXIMÓTXIO

Merepanika Paoro Iokanatsopatakiti Tximótxiomoni

¹ Nota Paoro iokanatsopata pite Tximótxiomoni. Xesosi Kristo iokanapirena sápiretakari nota. Teoso amaerekani makatzakakari itxaua. Aimarotari Xesosinoka anikaua Teoso tixinemoni. Apiananiri itxaua. Teoso, Xesosi Kristo pakini iokanatanano nota kákitimoni, iokanapirena nisápiretini íkapani. ² Pite Tximótxio, nota ákiri atoko pitxaua, kotxi merepitpanika pauikari Xesosi sáikire nota sápiretakasaakii. Aíri Teoso, aáũite Xesosi Kristo pakini sikai ikinipoko erekari. Iamoníkaina. Ikamaerekaxiniretaina pite.

Atão Minakati Oerekakani

³ Masetónia tixinimoni nisikasaaki, nipaniátaí pite Épeso sitatxiti pikaikotini. Uatxa iuaíkana nipaniátaí ereé Épeso pikaikotini. Ikara ninireka, kotxi apanakini ereé auakani oerekari Teoso sáikire kákitimoni, txamari na atãoni ninoa oerekakiti. Ninirekai pite pinitinina ninoa atão minakati imoerekakanina íkapani, ⁴ kotxi ninoa sápiretapikari kitzakapiríkari pirena. Ninoa xinikapikari aátokiriakorini uáka, ininiákara kákiti taparakienatakakaua iuáikana ixinikasaakina. Põtáikikanako ninoa ikara atoko inakari sáikiretxiti itakanapinina, kotxi ikara sáikiretxiti !oerekari kákiti Teoso nireékiti. Teoso sáikire aáuíkiniá, aimarotari Teoso nireékiti. ⁵ Nipaniátaí pite ikara atoko, kotxi ninirekari ereé Teoso sáikire auiákani itretakakiniua. Kákiti ákixinire maerekati mauakaniá, ininiá itiretakakaua. Kákiti imarotakasaakiri ikamakiti ereka inini, itiretakakaua. Kákiti ikara atoko inakari atão auikari Xesosi sáikire. ⁶ Kákiti, Teoso sáikire atão masápiretakani, takanapari ikara erekari kimaporití. Pípinanaákani atoko itxauana, kotxi !imarotaikarina Teoso kimapore. Maxikatíika isákirauatapikana. ⁷ Ninoa kákiti nirekamari Teoso paniátakiti oerekakani ininiuana, txamari !imarotarina Teoso paniátakiti. !Imarotarina isápiretakitina, iuaritika ninoa: “Atãopitika asáikire,” itxanátana.

⁸ Kákiti atão sápiretakasaakiri Teoso paniátakiti iókatakori, iuasaaki aimarotari ipaniátakiti ereka inini. ⁹ Mauiritakoti aua, kona kákiti atão inakari kamakani íkapanini. Mauiritakoti aua, kotxi maerekati kamakani auapitika. Aua mauiritakoti manireékani. Aua Teoso manireékani. Aua maerekati kamakani. Aua erekari manireékani. Aua Teoso paniátakiti napetakani. Kákiti aua iri okakani. Kákiti aua inoro okakani. Aua kokanirini. Mauiritakoti aua, kákiti ikara atoko inakari íkapani. ¹⁰ Aua kákiti áti itanorokata siríkkakari. Aua kákiti áto tanirikata siríkkakaro. Aua kiki áti kikikata siríkkakari. Aua sito áto sitokata siríkkakaro. Aua kákiti áti kákiti ítiriákani ivétxitini íkapani. Aua aápirenaári. Aua kákiti áti apoítakani. Mauiritakoti aua ikara atoko inakari kákiti íkapani. Ninoa !auikari Teoso sáikire atão inakari. ¹¹ Ikara Teoso iokanapirena erekari sápiretaua. Peerekari Teoso. Peerekari iua iokanapirena. Iua paniátano nota iua iokanapirena nisápiretini ikininapemoni.

Teoso Amoníkiniri Paoro

¹² Nítxari aáũite Kristo Xesosi: “Erekari pite kaminano, kotxi pisikataparaxiniretano nota pite íkapani níparíkauatini íkapani. Erekari pauíkiniri nisáikire. Erekari pimereinino nota písáikire ikininapemoni nisápiretini íkapani,” nítxari Kristo Xesosi. ¹³ Meresaaki nota misáikireporetari iua Xesosi. Nasikatikinitana iua sáikire auiákani nokinina íkapani. Kaneanemari nítxaua iuasaaki. Iuaritika Teoso amoníkano. !Imisiritano nota, kotxi iuasaaki !nimarotari níkamakiti Xesosi sáikire nímauíkakaní xika. ¹⁴ Iuasaaki !erekano. Maerekati nítxaua. Iuaritika aáũite Kristo Xesosi sikari ikinipoko erekari notamoni. Kristo Xesosi nakiti nítxapekaua, ininiákara nauikari isáikire. Iua nakiti nininiáua, nitiretari iua. Nitiretari apanakini apaka. Mítxi !nimarotari nítraoíkuatini. ¹⁵ Nisápiretaiko ia sáikiretxiti atão inakari, pauíkiniri íkapani, ikinimane auíkiniri íkapani. Nítxai: “Kristo Xesosi apoka íkorapokorití maerekati kamakani maerekani imakatzakini íkapani,” nítxa. Maerekati apiata kamakari nítxaua nota. ¹⁶ Maerekati apiata kamakari nítxaua, iuaritika Teoso !imisiritano. Iamoníkano, kotxi inirekari apanakini imarotiniri Kristo matima omanákarauatakani kákiti maerekani xika. Xesosi nírekari nota eereka auakani, isáikire auiákani imarotiniri Xesosi amoníkinina ninoa, kotxi iua amoníkano nota maerekati apiata kamakarino. Ninoa auikari isáikire, ininiákara auapininiika Teosokata. ¹⁷ Nítxari Teoso: “Ari Teoso, peerekai. Átipirika ikinimane auíte pitxaua. Pipinini !auari. Matamatakoti pitxaua. Pitenokara Teoso txaua. Pitenokara kimaroreri. Ikinimane paxitaiko átipirika. Ikinimane átipirika sápiretaiko ereka pinini. Atãopitikara nisáikire. Ameé.”

Xesosi Sáikire Iteene Auikiko

¹⁸ Tximótxio, namarite atoko pitxaua. Nisápiretai noerekakiti sáikiretxiti pikaminiri ikapani. Pixinikariko akokaxiti Teoso sáikire sápiretakani sápiretakiti. Ninoa sápiretai Teoso nirekakiti pite kamini tükane. Nota sáikire uatxa ninoa sáikire atokotxikana. Ikara ninoa oerekakiti sáikiretxiti pikamapikako, ininiákara pite sotato erekari atoko pitxaua Satanasi pinaiatini. ¹⁹ Pauikapikariko Xesosi sáikire. Ikara pikeeko atoko itxa. !Pikamapiri páixinire mapokaerekatakiniti, ininiá eereka !auikaikarina Xesosi sáikire. Kanaua sakikini atoko itxa ninoa auikiniri Xesosi sáikire. ²⁰ Imeneo inakori, Arexátri inakori apaka ikara atokokana itxana. Ninoa misáikirepiretari Teoso, ininiákara nota sikanapana ninoa Satanasi. Satanasi misiritakasaakina ninoa, atxiíti itakanaparina Teoso imisáikirepiretinina.

2

Teoso Misáikiretiko Ikinimane Íkapani

¹ Merepanika nótáikikai pimisáikiretiniri Teoso ikininape kákiti ikapani. Pimisáikiretariko Teoso ninoa nireékiti ikapani. Pamanaárikko Teoso sikiniri erekari ninoamoni. Pitxariko Teoso: “Peerekai pite, kotxi erekari pisikakiti kákitimoni.” ² Teoso pimisáikiretako auítetxiakori apiari ikapani, auítetxiakori poióri ikapani apaka. Pamanaárikko Teoso ninoa ikapani, aúuini ereka inini ikapani, neenamtxi mauakani ikapani. Ikara atoko aniniá, akamari Teoso nireékiti erekarinoka. ³ Ikara akaminia erekapitikari. Teoso, amaerekani makatxakakari, apokaerekatari asáikire ikara atoko inakari akamini. ⁴ Teoso nirekari imakatxakiniri ikinimane maerekani. Inirekari ikinimane imarotiniri atáo inakari sáikiretxiti. ⁵ Átinokara Teoso aua. Áti kikinokara mikanapiriári kákiti Teosomoni. Xesosi Kristonokara mikanapiriári kákiti Teosomoni, kotxi iuanoka misáikiretari Teoso kákiti ikapani. ⁶ Iua ipina ikinimane kákiti iikixitini ikapani. Teoso ketotini óti manapi Xesosi ipina. Xesosi ipinini oerekaua Teoso nirekiniri imakatxakiniri ikinimane maerekani. ⁷ Ininiákara Teoso akiritano nota isáikire ikinimanemoni nisápiretini ikapani. Ininiá Teoso iokantakiti kákitimoni nitxaua nota. Ikara nisáikire atáo. Kona paxirarini. Teoso akiritano Xoteo minakanuia noerekini ikapani. Akiritano atáo inakari sáikiretxiti noerekinina ikapani. Akiritano noerekinina Teoso sáikire auikinina ikapani.

⁸ Ininiá ninirekari kikiakori erekarinoka kamakani, ikini itixiti auakani, misáikiretiniri Teoso. Ninirekari Teoso imisáikiretakasaakina, iusaaki ninirekari isáikire auikinina apaka, áti imomanatakanina.

Sitoakoro Xesosi Sáikire Auiákani

⁹ Ninirekari sito máka atáo inini, kiki paxitiniro ikapani. !Apakata oúuikiniu omáka ereka inini xika. !Erekari sito átipirika oeretiniri oiáko kákiti xikaueretiniro ikapani. Oro, pérora pakini otakinia oiáo kákiti xikaueretiniro ikapani, !erekari. !Erekari mákatxi kakaroneri oieretakiní. ¹⁰ Sito Teoso nireékiti nireékaro kaminiári erekari, erekapitikari. Mákatxi peereri atoko itxa erekari okamakiti, kotxi kákiti atamatari okamakiti. ¹¹ Teoso sáikire sápiretakari oerekarauatakasaaki, erekari sito kenakotiniri. !Apakata iusaaki osákirauatini. Erekari opaxitiniri iua, isáikire okípitini ikapani. ¹² Nota !auritaro sito oerekinina kikiakori, ikamakitina tükane opaniátinina. Erekari masáikiretoko onini. ¹³ Ikara atoko itxa, kotxi merepitipanika Teoso kamari kiki Adáo inakori. Eerekaikara ikamaro sito Eva inakoro. ¹⁴ Kona Adáoni misirienetaáka. Sitora misirienetapeéka. Oa kamari maerekati, kotxi !okamari Teoso paniátakiti, ininiákara !apakata sito paniátiniri kiki ikamakiti tükane. ¹⁵ Sito auikiniári Teoso sáikire, otiretinári apanakini, maerekati omakamakaniá, omasarauatakaniá, Teoso makatxakari omaerekani, kotxi áto sito eenetari Xesosi, amaerekani makatxaákari.

3

Kótáikikarerini Pirena

¹ Ia nisáikire atáo. Kiki nirekiniári kótáikikereri ininiu, Teoso sáikire auiákani ótáikikini inirekiniá, iua nirekari paríkatxi erekari. ² Ia atoko kótáikikereri txauako: !Ikamari maerekati, ininiá iua apoítiko !auari. Átonanirako Ítanoro. Kíkiteri itxauako. !Katimari omanákarauatini. Ipxátaákako. Kákiti átiátaá ikani apakapako aapoko. Imarotariko oerekarauatini. ³ !Ipoátapeko. Kaneenamari !itxapeuako. Katiraókiri itxauako. !Ipotxitapiriko neenamtxi. Txineiro iteene !ixinikaperoko. ⁴ Iua níkatanako aapoko auakani, ninoa auini ereka ininina tükane. Itxíkitakanako imiakori ipaniátakiti ikípítinina ikapani, ininiá ninoa paxitari iua. ⁵ Ikara atoko itxako kótáikikereri, kotxi aapoko auakani imamimataniáretakaniá, ininiá !imarotari kákiti Xesosi sáikire auiákani iníkatini. ⁶ Kiki mapaótinoka auikiniári Xesosi sáikire, !apakata iua Xesosi sáikire auiákani ótáikikari ininiu. Xesosi sáikire auiákani ótáikikari ininiáua, iukaua atxiíti. Iuikiniáua, Teoso misiritari iua,

kitxakapirika Satanasi iukasaakiaua imisiritini atokokana. ⁷ Kiki Xesosi sákire auiákani òtáikikakari paxitaákako, Xesosi sákire mauákani apaka paxitari iua. Ikara atoko ininiá, ! ikamapaniri kákiti kamapētatakari. Ininiá Satanasi !imaikari iua itakapiremoni.

Kamiparíkarerini Pirena

⁸ Átipekana, Xesosi sákire auiákani miparíkatakanipekana nisápiretaiko: Iua kamariko erekari, ipaxitiko tíkane. Átika isákire itxauako. !Ipoátapeko. !Apakata txineironoka ixinikini. ⁹ Kamiparíkareri iteene auikariko Teoso sákire atáo inakari. Ákixinire imarotariko ikaminiri Teoso sákire iaóka. ¹⁰ Xesosi sákire auiákani ataerekatariko kiki, kamiparíkareri ininiua nireékari. Erekarinoka ikaminia, ininiá iua auiritaáka ninoa miparíkatakari ininiua. ¹¹ Iua atokokana kamiparíkareri ítanoro kamariko erekari opaxitiko íkapani. Aápirena ! okamapeko. !Opoátapeko. Okamariko okamaenetakiti iaóka. Ininiá kákiti auikari osákire. ¹² Átonanirako kamiparíkareri ítanoro. Iníkatarioko imiakori, kákiti iua aapoko auakani apaka, ninoa auini ereka ininina íkapani. ¹³ Kamiparíkareri atáo paríkauatiniá, iteene ipaxitaáka. Apanakini apokaerekatari iparíka. Ininiá itaparaxinireritika isápiretari Kristo Xesosi sákire auikiko kákitimoni.

¹⁴ Uatxa pitemoni niókatsopatakasaaki, ninirekari paítiki nisini hitemoni. ¹⁵ Atxiiti uai okanani nauapanika, ininiá ia iókatsopari oerekaiko pite Teoso nakitiakori atáo auini ikiniótika, kotxi Teoso aapoko atoko atxaua, iua auiniátaá íkapani. Teoso auáki itxapika. Kákiti iua nakitiakori níkatari iua sákire. !Auiritana apanakini koketiniiri atáo minakati Teoso sákirekata. Isápiretana ikinimane Teoso sákire atáo inakari. ¹⁶ Peerekari Teoso paríka kákiti íkapani. Merepanika kákiti !imarotari, eereka Teoso oerekari iparíka. Ia atoko Teoso kaminaua ate:

Kákiti itxapekaua. Iua Xesosi. Erekari Matamatakoti oerekari kákiti Xesosi sákire atáo inini. Teoso nitiriakori iaxitikini atamatari iua. Isákire sápiretaáka ikini itixiti auakanimoni. Kákiti auikari isákire. Eereka Xesosi anikaáka iaxiti Teoso tixinemoni.

Ikara atoko inakari Teoso paríka kákiti íkapani.

4

Atáo Minakati Oerekakani

¹ Iua Erekari Matamatakoti sápiretaua, apanakini ! auikaikari Xesosi sákire itixi mapotókire óti takote. Ikara atáo. Iuasaaki ninoa auikari maerekani matamatakoni misirienere. Auikarina Satanasi nitiriakori oerekakiti. ² Kákiti ikara atoko inakani sápiretari atáo minakati. Ninoa sákire áti, txamari ninoa xinikakiti ipinimoni. Ninoa ákixinire sákire !auaika. !Isápiretaikarina maerekati imakamakanina íkapani. Kapatakari arikakiti atoko itxa ninoa ákixinire sákire. ³ Kákiti ikara atoko inakani ! auiritari kákiti ítanorouatini. “!Erekari kákiti ítanorouatini,” itxa ninoa sákire. Teoso kamari ikini nipokori kákiti níkini íkapani. Txamari ninoa kamisirienrerini !auiritari kákiti apanakini nipokori inikinina. Teoso nirekari Xesosi sákire auiákani, atáo inakari imarotakani, níkiniri ikara nipokori Teoso imisákiretaka atoko: “Erekapitikai ia nipokori pisikiniáua.” ⁴ Ikinika Teoso kamakiti erekari. !Apakata kákiti manirekakaniaári apanakini nipokori. Ikinipoko nipokori hinikasaaki, himisákiretariko Teoso. Hítxariko: “Erekapitikai ia nipokori pisikiniáua.” ⁵ Teoso sákire sápiretaua ikinipoko nipokori anikini. Nipokori anikasaaki, amisákiretiniári Teoso, nipokori isikakiti ereka inini asápiretiniári, ininiá ikara nipokori erekari anikini.

Kristo Xesosi Nitiri Erekari Inakari

⁶ Aítariakori pótáikikiniá ikara atoko, Xesosi Kristo nitiri erekari pitxaua. Nipokori sikataparatarí kákiti íto. Teoso sákire aáuiákiti, oerekaretxi atáo inakari, nipokori atoko itxa, kotxi isikataparatarí axinire. Pite auikapikari oerekaretxi atáo inakari. ⁷ !Pimaákatapiri miúketeti sápiretakiti, sákiretxi Teoso mapokaerekakinitini. Ikiniótika piteka poerekauako Teoso paniátakitinoka pikamini, ininiá Teoso nireékittixikana pikama. ⁸ Piíto paríkauatakasaaki, piíto tapara apiaápotá, ininiá erekari piparíkauatini. Apiaerekata pixinire paríkauatini pixinire auáki inini íkapani. Pixinire íkorasaaki auáki ininiá, pauapikako Teosokata átipirika. ⁹ Ikara nisákire atáo. Erekari ikinimane auikiniri ikara. Erekari ikinimane kaminiri ikara. ¹⁰ Ininiákara iteene aparíkauata Teoso íkapani. Pasápaniri, iuaritika aparíkauatipitipo, kotxi aúikari Teoso sákire, Teoso mipíkati sákire. Iua ikinimane kákiti maerekani makatxaákari itxaua. Iua makatzakari isákire auiákani maerekani, maerekani misiritikoátaá imasikanina íkapani.

¹¹ Pipaniátariko kákiti noerekakiti sákiretxiti iaóka ikaminina. Poerekana noerekakiti.

¹² Pite átokoripanika, iuaritika pimarotapitikari Teoso sáikire, ininiá !pauiritapiri kákiti napetiniri poerekakiti sáikiretxiti. Atáo inakarínoka pikamako Xesosi sáikire auiákani atamatiní ikapani, ininiákara ninoa auikapitikariko pisáikire, ininiá ninoa nirekari pite atoko ininina. Erekarínoka pisápiretako. Erekarínoka pikamako. Kákiti pitiretako. Iteene pauikariko Teoso sáikire. Maerekati !pikamapeko. Ikara atoko pininiá, ninoa nirekari pite atoko ininina. ¹³ Ereé nimapokakanisaakipanika, patatsopatariko Teoso sáikire ióksopatakori, apanakini kenakotiniri ikapani. Pisápiretanako Teoso sáikire. Teoso sáikireé pótáikikanako. Poerekana Teoso sáikire atáo imarotínina ikapani. Ikara atoko pitxapikanako, ereé napokini apisapanika. ¹⁴ Akokaxiti kótáikikarerini sápiretai piparíka Teoso ikapani. Iuusaaki ninoa takari iuakona pite nopini, pite ikapani imisáikiretakasaakirina Teoso. Ikara atoko ininiákara, pikamapikariko ikara piparíka Teoso ikapani. ¹⁵ Átipirika pixinikariko ikara nótáikikini. Ikinioitika pikamariko piparíka Teoso ikapani. Ininiá apanakini imarotari Teoso sáikire apiaápotá pauikini. ¹⁶ Erepaniko pikamakiti ereka inini ikapani. Erepaniko poerekakiti sáikiretxiti Xesosi oerekakiti iaóka inini. Ikara átipirika pikaminiá, piteka makatzakaua pimapinakaní ikapani. Apaka pimakatzakana pisáikire auiákani imapinakaní ikapani.

5

Ótákipirenatxi Pirena

¹ !Pitxitapiri kiki aneékari. Pótáikikariko, piri pimisáikiretini atokokana. Pótáikikariko kikiakori pite tikini auakani, pitariakori pimisáikiretini atokokana. ² Pótáikikaroko sito aneékaro pinoro pótáikikini atokokana. Pótáikikaroko átokoro, pitaro pótáikikini atoko. Iuusaaki pipaxitaroko.

Sitoákini Tikinitakoni

³ Piníktanako sitoákini tikinitakoni onirimane matiretakini. ⁴ Tikinitakoro oimiakori auiniá, oítariakori anaakori auiniá, ninoa níkatamaroko oa. Ikara ikaminiána, erekari Teosomoni. Teoso poxokotana ninoa. Merepanika ninoa kaminiári erekari ninoaka aapoko áki, aimarotari ninoa atáo auikniri Teoso sáikire, kotxi meresaaki irina, inorona pakini níkatana ninoa. ⁵ Tikinitakoro miníkatakoto auikari Teoso iníkatiniro oa. Oa misáikiretari iua pokamara, íkanóka pakini iníkatiniro ikapani. ⁶ Tikinitakoro osarauatininoka nireékaro, ipíkaro atoko otxaua. ⁷ Pisápiretanako ereé auakani, Xesosi sáikire auiákani níkatínina inorona, inorona itaro tikinitakoro pakini. Iníkatiniána, !apoítaákana. ⁸ Xesosi sáikire auiákani maníkataniári inirimane, itakanaparina Teoso sáikire auiknina. Apia maerekanita iua aapoko áki auakani imaníkataniá. Kákiti Teoso sáikire mauíákati maerekati itxaua. Apia maerekati itxaua iua aapoko áki auakani maníkatakati.

⁹ Apanakini sito tikinitakoni moianatana Xesosi sáikire auiákani. Pitakariko ninoa tikinitakoni uáka aátsopaá himoianatini ikapani. Sito ikara atoko inakoro seséta ano apiko auakaro oa. Átinoka oítanirini. ¹⁰ Oa imarotaáka, kotxi erekarinani okama. Atáo oóerekari oimiakori. Osikakienatana átiátaá íkani. Oimarotaáka, kotxi oa arokakititari kákiti Teoso nakitiakori. Oimarotaáka, kotxi kákiti maerekaxinireni otireta. Oimarotaáka, kotxi ikini sereti erekari átipirika okama. Tikinitakoro ikara atoko inakoro uáka aátsopaá pitaka himoianatini ikapani.

Tikinitakoni Átokoropanika Inakani Ótáikikiko

¹¹ !Pitakapiri tikinitakoro uáka iua aátsopaá, átokoropanika inakoro, kotxi iuaíkana onirekari kíkikata osíríkini, ininiá onirekari iuaíkana oítaniriuatini, ininiá !onirekaikari Kristo. ¹² Ikara atoko okaminiá, okamari maerekati, kotxi mitxi osáikire: “Níkarimiko paríkatxi Teoso ikapaninani. !Nítaniriuaítakako,” otxama. ¹³ Tikinitakoro átokoropanika inakoro itotari oíarneauatini. Oíanapokotapika. Apia maerekati okama, kotxi ototari aápirena okamini. Onirekari íkinika apanakini kamakiti oimarotini, txamari ikara atoko !apakata. !Apakata áti kamakiti osápiretini apanakinimoni. ¹⁴ Ikara atoko ininiá, !pitakapiri tikinitakoro átokoro inakoro uáka iua aátsopaá. Nota ótáikikana átokoroakoro tikinitakoni iuaíkana taniriuatini. Erekari keene ininina, aapokona iparíkauatinina. Ikara atoko ininiá, Xesosi sáikire mauíákani kona misáikirepiretana Xesosi sáikire auiákani. ¹⁵ Nota ikara atoko nisápiretai, kotxi átikaka tikinitakoni átokoroakoro inakani takanapapekari Xesosi sáikire auiknina, Satanasi paniátakiti íkaminina ikapani. ¹⁶ Xesosi sáikire auiákani inirimanena tikinitikoá, iníkatana ninoa. !Erekari imaníkataniá inirimanena tikinitakoni. !Erekari inirekinirina apanakini Xesosi sáikire auiákani níkatínina inirimanena, kotxi ninoa níkatana kaiáopokori tikinitakoni manirimaneni. Pasápaniri ninoa paríka.

Kótáikikarerini Pirena

¹⁷ Kōtākikarerini atāo kaminiāri iparīka Xesosi sākire auīākani ĩkapani, erekari hīsikinina iparīkana ĩki apiata. Teoso sākire isāpiretiniāna apanakinimoni, Teoso sākire oerekiniāna, ininiākara erekapitikari apiata iparīkana ĩki hūikitxitinina. ¹⁸ Teoso sākire iōkatsopatakori txari: ! Hixirikanamatapiri kema auīte iparīkauatakasaaki, triko ikatxaratakasaaki. Pauiritariko inikiniri triko ĩki, iparīkauanātakasaaki.

Teoso sākire iōkatsopatakori txari apaka:

Erekapitikari parīkauatakari apakapiniri iparīka ĩki.

¹⁹ Āti apoītiniāri kōtākikarerini, ! pimaākatapiri isāpiretakiti. Ipi, atxīiti ipi āti pakini kākiti atamatiniāri kōtākikarerini kaminiri maerekati, isāpiretiniāna pite, pikenakotapitikari ninoa sāpiretakiti. ²⁰ Pōtākikanako Xesosi sākire auīākani maerekati kamakani apanakini Xesosi sākire auīākani apisatoō, ininiākara apanakini pīkari maerekati ikaminina.

²¹ Tximótxio, nota paniātai ikara noerekakiti iaōka pikamini. Teoso apisatoō, Apiananiri Xesosi Kristo apisatoō apaka, Teoso nitiriakori iaxitūkinini imereēkinini apisatoō apaka, nīpaniātai ikara noerekakiti iaōka pikamini. Ninoa kenakotari nisākire pitemoni. Ātinokarako pisākire txauako ikininape kākitimoni. Erekari pikamako ikininape kākitimoni, kākiti pipotxitakinimoni, kākiti pimapotxitakinimoni apaka. ²² Atxīiti aua Teoso sākire auīākari iteene pimimarotakiniti. Ininiā !pimereēpiri iua Xesosi sākire auīākani oṭākiākari ininiua. Atxīiti ikamapanikari maerekati. Pimereiniāri iua, pite moianatari iua maerekati ikamini. Erepaniko maerekati pimamakani ĩkapani.

²³ Pite itokata amianata. Pitsii iriko, ininiākara kona āparaānanini piāta. Ovaō poiōka apaka piātako pipini ĩkapani.

²⁴ Apanakini ! ikipatari maerekati ikamakiti, ininiā ikinimane imarotari. Apanakinipekana maerekati ikamakitina !atamataāka ikamakasaakina. Ninoa kipatari. Okananixiti atokoikara imarotaāka ninoa maerekani. ²⁵ Iua atokokana erekari apanakini kamakiti atamataāka. Erekari apanakini kamakiti !atamataāka ikamakasaaki. Iuaritika okananixiti atokoikara imarotaāka.

6

Nitiritxi Amotakoni Pirena

¹ Nitiritxi amotakoni, Xesosi sākire auīākani, iteenerako iparīkauatana ipatrāotena ĩkapani. Ninoa paxitanako ipatrāotena. Ikara atoko ininiāna, Teoso uāka !imisākirepiretaāka. Iua sākire ate oerekakiti apaka !imisākirepiretaāka iuasaaki. ² Nitiritxi patrāote Xesosi sākire auīākari ininiāna, initiri paxitariko iua, kotxi itari apaka itxaua iua. !Apakata poiāonoka ipaxitiniri ipatrāote, itari ininiua xika. Erekari iteene iparīkauatini ipatrāote ĩkapani, kotxi ipatrāote auikari Xesosi sākire. Teoso tirketakiti ipatrāote. Tximótxio, ikara noerekakiti sākiretxiti poerekariko apanakinimoni. Pōtākikanako ikara iaōka ikaminina.

Txineiro Potxitakani Pirena

³ Aua kākiti atāo minakati oereēkani. Ninoa !auikari aūiute Xesosi Kristo sākire atāo inakari. !Auikarina atāo inakari oerekakori, Teoso sākire. ⁴ Kākiti ikara atoko inakari iuikaua, txamari !kimaroreri. Ipotxitari isākirauatini apanakinikata itaparakienatakakinina uana ĩkapani. Ininiākara xikoretxi aua, neenamatchi aua, misākirepiretakatchi aua. Ininiā kākiti !auikari āti sākire. Iuākatari āti kaminiri maerekati. ⁵ Ninoa txitakakapikaua, kotxi ixinikakitina maerekatinoka. !Imarotaikarina Teoso sākire atāo inakari mitxi imarotakitina. Ninoa oerekari Teoso sākire kākitimoni txineiro ito apakapinina ĩkapani. Txamari na atāo ninoa oerekakiti sākiretxiti. !Pimaākatapiri kākiti ikara atoko inakari.

⁶ Teoso nireēkitinoka pinirekiniā, ikinipoko pinirekiti auape, ininiā pākitxinire poxokoniua. Kipa apikomoni pinireka? !Auari. ⁷ Kiripa ate mina uai itixi aponaniākasaaki? !Kaminareua. Kiripa aanika atekata apīkasaaki? !Kanikareua. ⁸ Kamāka aniniā, kanipokore aniniā, apakatape. ⁹ Satanasi oerekari kākiti maerekati ikamini txineiro apakapini ĩkapani. Ininiā tiitxi nireēkari mokatanitika kamari Satanasi oereēkiti. !Erekari tiitxi nireēkari nireēkiti. !Kīkiteri iua. Inireēkiti txikatoro atoko, kotxi imāikari iua. Eereka !auaika itii, itxineirote, ipoxokoni pakini xipope. Inireēkiti xika Teoso iokanatari iua kākiti misiritikomoni. ¹⁰ Kākiti iteene potxitiniāri txineiro, ikamari maerekati. Takari aneē, kotxi ikotsa aua. Iua atokokana maerekati aua ikotsa. Txineiro potxitiko maerekati kotsa itxaua. Txineiro potxitiko auiniā, ikini sereti maerekati aneē. Apanakini txineiro potxitakani takanapaāpotari Teoso sākire, ininiākara txineiro potxitakari iuaka karotapekaua ākixinireē. Iuaka maerekaxinireti itxīkitakaua.

Paoro Oṭākikiniri Tximótxio

¹¹ Pitepekana Tximótxio, Teoso paniātakiti kamakari pitxaua, ininiākara ikara maerekati xatiki !pikamape. Atāo inakarinanirako ikiniōtika pikamako. Teoso nireēkitinoka pikamako. Iteene pauikariko Teoso sākire. Katiraōkiri pitxauako. Pimisiritiko auakasaaki,

pimíteenekariko. Teoso nireékitinoka pinirekako. Kona pinirekapiri piteka nireékiti. ¹² Pineenamauatako Teoso ikapani. Ikara neenamatzí erekari, Satanasi piokanatiní, kákiti Teoso sáikire auikini ikapani. Papakapariko Teoso sikakíti, kotxi iua akiritai iuakata pauap-ininiika pinini ikapani. Kaiáopokori kákiti imarotari Xesosi sáikire iteene pauikini, kotxi ikenakotapekari pisápiretinina. Peerekari pisáikire ninoamoni. ¹³ Tximótxio, nimisáikiretai pite Teoso apisatoó, Kristo Xesosi apisatoó apaka. Ninoakara kenakotari nisáikire uatxa. Teoso ikinimane auáki inini txíkitakakari iua. Kristo Xesosi Homano auíte Pósiso Pirato inakori apisatoó auakasaaki, isápiretari atáo Teoso sáikire. ¹⁴ Nipaniátaí ikara noerekakíti sáikiretxiti iaóka pikamini. ! Pimamakapiri ikara noerekakíti. Ikara noerekakíti iaóka pikaminiritika aáuíte Xesosi Kristo kanapiriáko. ¹⁵ Teoso ketotari Xesosi kanapiriini óti. Iúasaaki Teoso akiritari Xesosi íkorapokoriti ikanapiriini ikapani. Iuanokara kaposotiireri. Peerekari iua. Auítetxiakori auíte itxaua. Apiarini sauaki iuanokara Apiananiri txaua. ¹⁶ Iuanoka ! ipina. Iuanokara ikinipoko auáki inini txíkitakakari. Iua auiniátaá iotximere auapika, ininiákara kákiti ! iposota imatokotiniri Teoso. ! Katamatikori. Kákiti ! iposotari atamatiniri iua. Iuanokara kaposotiireri átipirika. Átipirika maákitari: “Peerekari Teoso.” Ameé.

Xesosi Sáikire Auiákani Katxineiroterini

¹⁷ Pipaniátanako kákiti katxineiroterini: “Katii hininiá, ! hñuikapeuako. ! Hípoxokotapero hñtxineirote, kotxi áti óti atxiíti hñtxineirote ! auaika. Hípoxokotariko Teoso, átipirika auákiri, kotxi iuara sikaua ikinipoko apotxitakíti. Kaiáopokori isikaua. ¹⁸ Erekari hñkamako. Hñtxineirote kaiáopokoro auini atokokana, erekari kaiáopokori hñkaminanako apanakini. Kaiáopokori hñtí auiniá, hñsika kákiti kaamonirimoni. Himarotakasaakiri, matxineiroteni amonítakíti hñsikanako ninoa. ¹⁹ Ikara atoko hininiá, hñpotiiápotari erekari Teoso tixinekiri. Iuaá apotiitakori ! ixipoka. Ipinaákana atoko, auinapanikana. Ikara atoko hñkaminíá, hñpakapari Teoso sikakíti. Iua txíkitakai hñuapininiika hinini Teosokata.”

Ikara pisápiretako katxineirotenimoni.

Paoro Iókatsozare Mapotókiré

²⁰ Ari, Tximótxio, atáo pikamariko paríkatxi Teoso sikakíti pitemoni pikamini ikapani. ! Pimaákatapiri sáikiretxi Teoso mapokaerekatakiniti. ! Pimaákatapiri kákiti, “Kimaroreno nota,” inakari, kotxi ! imarotari imaroretxi atáo inakari. ²¹ Ninoa sáikire: “Imaroretxi auapitika notamoni,” itxa. Txamari na xatiki imarotari Teoso imarore. Ikara xika ninoa takanapaápotari Teoso sáikire auikinina.

Teoso sikai ikinipoko erekari. Ameé.

2 TXIMÓTXIO

Paoro Iokanatsopatakiti Iuaĩkana Tximótxiomoni

¹ Tximótxio, nota Paoro iokanatsopata pitemoni. Teoso mereẽno nota, Kristo Xesosi iokanatinino İkapani, isäkire nisäpiretini İkapani. Käkiti Kristo Xesosi nakiti ininiãua, Teoso txĩkitakari ixinire auãki inini, kotxi Teoso kamaenetapekari ikara ikamini.

² Pite Tximótxio namarite nitiretakiti atoko pitxaua. Aĩri Teoso, aãũte Kristo Xesosi pakini sikai ikinipoko erekari. Iamonĩkana. Ikamaerekaxiniretaina.

Paoro Őtãkikiniri Tximótxio

³ Nota parĩkauata Teoso İkapani. Ninirimane kitxakapirĩkarini parĩkauatini atokokana nĩparĩkauata. Nãkixinireẽ nimarotari maerekati nimakamakani, Teoso İkapani nĩparĩkauatakasaaki. Nota txari Teoso: “Erekapitikari pikamakiti Tximótxio İkapani,” nitxa. Nimisãkiretapikari Teoso pite İkapani, İkanõka, pokamara, İkanõka, pokamara nitxapika. ⁴ Nipiãtai. Nixinikari pite txiapatini nitakanapakasaakii, ininiã ninirekari naõkitiniii iuaĩkana nipoxokoniuatini İkapani. ⁵ Nixinikari pite atão auikiniri Teoso sãkire. Merepanika pakiro Arõitxi inakoro, pinoro Eonisi inakoro pakini atão auikari Teoso sãkire. Nimarotapitikari pite apaka auikiniri Teoso sãkire ninõa auikiniri atokotxikana. ⁶ Ininiãkara nõtãkikai. Akoka niuauo nitakasaakiri pikiiã, Teoso sikai parĩkatxi iua İkapani pikamini. Iuaasaaki isikaposotiiretai ikara parĩkatxi pikamini İkapani. Iteene pikamariko ikara parĩkatxi iua İkapani. ⁷ Teoso sikapekaua Erekarı Matamatakoti, ininiã !kapĩkareua. Iua Erekarı Matamatakoti sikataparatarı aãkixinire. Iua oerekaua atiraõkiuatini. Oerekaua maerekati aĩto nireẽkiti amanirekaranı.

⁸ Ininiã !pipẽtatapiri aãũte sãkire pisäpiretini. Apaka !pipẽtatapeno nota, kotxi kateia äki naua Xesosi sãkire nisäpiretini xika. Maãtatsiirauata, Teoso İokanapirena erekari asäpiretini xika, kotxi Teoso sikataparataua amisiritiko amĩteenekini İkapani. ⁹ Teoso makatxakapekari amaerekani. Iua akiritapekaua inakitiakori aniniua İkapani. Aparĩka kona txĩkitakari Teoso makatxakiniri amaerekani. Imakatzakari amaerekani, kotxi inirekari ikara atoko ikamini. Imakatzakari amaerekani, kotxi inirekari ikinipoko erekari isikiniua. Itixi kamiko apisapanika Kristo Xesosi sikari ikara erekari atemoni. Iuaasaaki imakatzakari amaerekani. Iuaasaaki akiritaua inakitiakori aniniua İkapani. ¹⁰ Uatxa Teoso oerekari ikara erekari kãkitimoni, kotxi amaerekani makatzakakari Xesosi Kristo apokapeka İkorapokoriti. Iua xipokapekari ipĩkitxi. Isäpiretari Teoso İokanapirena erekari, kãkiti mapinakanı İkapani, Teosokata ätipirika auini İkapani.

¹¹ Teoso mereẽno nota ikara İokanapirenatxi säpiretakari nininiua tũkane. Imereẽno iua İokanatakiti kãkitimoni nininiua. Imereẽno Xoteo minakanıua oereẽkari nininiua. ¹² Teoso İokanapirena erekari nisäpiretini xika, natatsiirauata. Iuaritika !nipẽtauaata, kotxi nimarotari Xesosi. Iteene nauikari iua sãkire. Nimarotapitikari iua nĩkatinino nota. Inĩkatiniritikano İkanapiriãko. ¹³ Teoso sãkire pitemoni noerekakiti iaõka poerekako apanakini, kotxi noerekakiti atão. Pauikapikariko Kristo Xesosi sãkire. Katiraõki pitxako, kotxi Xesosi nakiti atxaua. ¹⁴ Pimarotari Teoso İokanapirena erekari. !Pauiritapiri ikoketiko. Teoso sikari ikara İokanapirena pitemoni, apanakini pisäpiretini İkapani. Erekarı Matamatakoti auaĩtotaua. Iua posotiireẽ pinĩkatariko Teoso İokanapirena pitemoni isikakiti.

¹⁵ Pimarotari kãkiti Xesosi sãkire auĩãkani Asia tixine auakani takanapano nota. Aĩtariakori Pixero inakori, Emozeni inakori pakini pakini takanapano nota. ¹⁶ Onesĩporo inakori !Itakanapano. Ninirekari Teoso tiretinina iua aapoko auakani. Itokata İkamapoxokonitano nota. !Ipẽtatano kateia äki nauakasaaki. ¹⁷ Homa sitatxiti apokasaaki, initaãpotano nota, eereka apokano. ¹⁸ Pite imarotari iua iteene moianatinino nota, Ėpeso sitatxiti nauakasaaki. Ininiã nitxari Apiananiri: “Ninirekari piamonĩkiniri Onesĩporo itixi xipokini õti manapisaaki.”

2

Misirikaretxi Mĩteenekiko

¹ Pitepekana namarite Tximótxio, kataparaxinire pitxako. Kristo Xesosi nakitiakori atxaua, ininiã iua sikari ikinipoko erekari atemoni. İkara erekari sikataparatarı axinire. ² Pite kenakotapekari nisäkire noerekakiti kãkitimoni. Ininiã poekariko ikara iaõka apanakinimoni atão inakari kamakanimoni. Eereka ninõa posotari oerekiniri nisäkire noerekakiti apanakinimoni apaka.

³ Sotato erekari mĩteenekari imisiritiko. Kristo Xesosi sotatone atoko atxaua, ininiã pimĩteenekariko pimisiritiko sotato erekari mĩteenekiniri atoko. ⁴ Sotato parĩkauatakasaaki,

!ixinikaikari iparíka mitxi ikamakiti sotato iminakanisaaki. Ixinikapikari sotato auíte nireékiti ikamini, iauíte poxokotiniri íkapani. Ikaranokara ixinikanáta.

⁵ Átipekana nisápiretai. Miteékari mitekaxti mapotókire merepanika apoókari apakapari imitekini íki. Mitekaxti paniátakari paniátini iaóka imitekiniá, apakapari imitekini íki.

⁶ Átipekana nisápiretai. Katarakeri poparíkari níkari itakare merepanika, kotxi iteene iparíka. ⁷ Pixinikariko ikara nisákire. Apiananiri kamaimaroretai ikara.

⁸ Pixinikariko Teoso iokanapirena erekari nisápiretakiti kákitimoni. Xesosi Kristo nisápireta íkinimanemoni. Iua ipinaka atoko, iuaíkana auáki itxíkitakaáka. Iua Taviini apika mekaniri. ⁹ Natatsiirauata Teoso iokanapirena erekari nisápiretini xika. Nota omanatakani iaxirikapekano kohétxiá, kokaniri iaxirikinina atoko, nota masikani íkapani. Teoso sákire !iaxiriáka. Iaripireta ikini tópati. ¹⁰ Teoso mereépekari kákiti, imaerekani imaktxakini íkapani. Ininiá nota míteenekari nimisirítiko Teoso iokanapirena ninóa kenakotini íkapani, imaerekanina Kristo Xesosi makatxakini íkapani, átipirika Teosokata auinina íkapani. Iuusaaki peerekari. ¹¹ Nisápiretaiko ia sákiretxi atáo inakari:

Xesosi Kristo ipina ate íkapani, ininiá amanreakaniári mitxi anireékiti, Xesosi nireékitinoka anireekiníá, ininiá aúapika iuakata átipirika.

¹² Amíteenekiniári amisiritiko Xesosi sákire aúuikini xika, auítetxi atxauako iuakata. Akipatiniári iua aimarotini, iua apaka kipatari ate imarotini.

¹³ Atxiíti !akamari akamaenetakiti. Xesosi kamapitikari iua kamaenetakiti, kotxi iua ! iposotari maerekati ikamini.

Teoso Nitiri Atáo Inakari

¹⁴ Ikara nisákire pikamaxinikaretana Xesosi sákire auíákani. Ninóa Apiananiri apisatoó apotiitakasaakia, pótákikanako: “! Hítxitakapeua maxikatíika kákiti sákire xika, kotxi ! erekari,” pitxako ninoamoni. Kákiti kenakotiniári hitxitakaniua, ininiá !nirekaikarina Xesosi sákire auikinina.

¹⁵ Tximótxio, pite Teoso nitiri pitxaua, ininiá iteene papaiaókariko isákire iókatsopatakori Teoso apokaerekatiníi íkapani. Ininiá ! pipétauata, kotxi atáo poerekari Teoso sákire iókatsopatakori apanakinimoni. Teoso sákire iókatsopatakori atáo inakarinoka itxa. ¹⁶ Apanakini sákirauatakasaaki, isákiratarina sákiretxi Teoso mapokaerekatakiniti. Ikara atoko !pisákiretape. Kákiti ikara atoko inakani takanapaápotari Teoso. ¹⁷ Ninóa oerekakiti sákiretxiti karótxi arakakari atoko itxa. Ikara atoko inakari amianari iarikaápoti. Ikara amianari iarikini atoko, ninóa oerekakiti iarikaápoti. Itxíkitakari kákiti maerekati ikamini. Imeneo inakari, Pireto inakori pakini oerekakiti sákiretxiti ikara atoko itxa. ¹⁸ Ninóa takanapapekari Teoso sákire atáo inakari. Ninóa sákire: “Teoso ókitikapekana Xesosi sákire auíákani ixinirena auáki inini íkapani. !Ókitikapanina iíttona itixi xipokini óti,” itxana. Ikara ninóa sákire xika, apanakini !auikaikari Xesosi sákire.

¹⁹ Aapokotxi tsota paikori inakasaaki, itsota iriko paítanori inakasaaki, iua aapokotxi ! irika. Teoso sákire ikara aátsota atoko. Auapika. !Xipoka. Teoso sákire txari: “Apiananiri imarotari inakitiakori.” Apaka Teoso sákire txari: “Kákiti, ‘Nota Kristo nakiti’ inakari takanapariko imaerekani.”

²⁰ Ikini sereti tiitxi aua aapokotxi mitari áki. Aua apiata karonetakari oro kamakori, pirata kamakori pakini. Apaka aua poiáo íki aamina kamakori, kipatxi kamakori pakini. Apanakini tiitxi áki kaapokori takari nipokori kiiniri íkapani. Apanakini tiitxi áki itakari nipokori ikiniótika kákiti níkini íkapani. ²¹ Ikara tiitxi atoko itxa kákiti. Kákiti takanapiniári imaerekani, tiitxi apiata karonetakari atoko itxa iua. Teoso nirekari iua. Imereéri iua iparíka erekari ikamini íkapani. Ininiá kákiti iua atoko inakani iposope Teoso paríka ikamini íkapani.

²² Átokoripanika pinakasaakia, apanakini nirekiniá maerekati pikamini, pimatekako, maerekati pimamakani íkapani. Pinirekariko atáo inakarinoka pikamini ikiniótika. Pinirekariko Xesosi sákire iteene pauikini. Pinirekariko iteene katiraóki pinini. ! Pinirekapiri neenamtxi. Ikara atoko kákiti kaminiá, erekaxinireri. Iua akiritari Apiananiri imoianatiniri íkapani.

²³ Tximótxio, kákiti txitakakasaakia sákiretxi mílkiteti mimaroreti xika, ! pikamapiri ikara atoko inakari, kotxi eereka ninóa neenamauata isákirena xika. ²⁴ Apiananiri nitiri atáo inakari ia atoko itxako: “! Itxitari áti. Itiretari ikinimane. Koerakeri erekari itxaua. !Katimari omanákarauatini. ²⁵ Ótáikikanako isákire mauikakani momanáketika.” Ikara atoko Apiananiri nitiri ininiáua, atxiíti Teoso oerekana isákire mauikakani atáo inakari imarotinina íkapani, imaerekani itakanapinina íkapani. ²⁶ Ininiá iuaíkana kiíkitepeka itxana. Teoso sikakana ninóa txikatoro Satanasi takakitiá, kotxi mitxi Satanasi mákana, iua nireékiti ikaminina íkapani.

3

Itixi Xipokini Ôti Apisa

¹ Tximótxio, pimarotariko ia nisäkire. Itixi xipokini ôti apisa pamonôkopianiriko. ² Iuasaaki kâkiti ia atoko inakari: Kapotxinaniri iua. Txineiro turetakani iua. Isâpiretari iposotiire ikinimanemoni. Iuikaua. Imisâkirepiretari Teoso, kâkiti pakini. !Ikamari iri paniâtakiti. Inoro paniâtakiti apaka !ikama. Âti kamakasaakiri erekari iuamoni, litxari: “Erekapitikari pikamakiti nota ikapani,” !itxari. !Inirekari Teoso. ³ !Itiretari inirimane. !Ikamari ikamaenetakiti. Imisâkirepiretari âti maxikatiika. !Iposotari erekari ikamini. Paneenamari. Omanatana erekari kamakani. ⁴ Imâkapiiritari âti. Ikamakiti ikamini apisa, !ixinikari ikamakiti tikane. Iuaka ixinikapikaua. Isarauatininokara itireta. !Itiretari Teoso. ⁵ Iua sâkire: “Nauikari Teoso sâkire,” txamari !auikari Teoso posotiire. !Pauikapiri kâkiti ikara atoko inakari sâkire.

⁶ Kâkiti ikara atoko inakari ianapokota sitomoni oaâpokomoni. Sito ikara atoko inakaro miikiteto. Maerekatinoa okama. Oïto nireêkiti maerekati onirekapika. Iua ianapokotapika oamoni, ininiâ oa auikaâpotari iua oerekakiti sâkiretxiti. ⁷ Sito ikara atoko inakaro nirekari oimarotiniri oerekaretxi, txamari !oimarotari oerekaretxi atâo inakari.

⁸ Kitxakapiriika Moisesi Exito tixine auakasaaki, Xani inakori, Xâpiri inakori pakini ! inirekari auikinirina Moisesi sâpiretakiti. Ninoa atokokana kâkiti itixi xipokini ôti apisa auakani, !inirekari atâo inakari. Ixinikapikarina maerekatinoa. Teoso !inirekari kâkiti ikara atoko inakari, kotxi iua kâkiti !auikari Teoso sâkire. ⁹ Poiâonoka kâkiti auikari ikara atoko inakari sâkire, kotxi imarotari miikiteti iua. Iua atokokana kitxakapiriika apanakini imarotari Xani, Xâpiri pakini miikiteni ininiua.

Teoso Nakitiakori Misiritiko

¹⁰ Pitepekana, pimarotapitikari noereêkiti sâkiretxiti. Pimarotari nikamakiti ikiniôtika. Pimarotari ninireêkiti nikamini. Pimarotari iteene nauikiniri Xesosi sâkire. Pimarotari nimiteenekiniri nimisiritiko. Pimarotari nitiretiniri âti. Pimarotari !katimari nomanâkarauatini. ¹¹ Pimarotari nimisiritiko. Pimarotari natatsiirauatini. Pimarotari nimiteenekiniri nimisiritiko. Âtxiokia sitatxiti nauakasaaki, Ikônio sitatxiti apaka nauakasaaki, Arisitara sitatxiti apaka nauakasaaki. Iteene natatsiirauata, iuaritika Apiananiri makatxakano ikinika nimisiritiko. ¹² Ari, ikininape kâkiti nirekiniâri Kristo Xesosi nakiti ininiâua, inirekiniâri Teoso nireêkitinoka ikaminiâ, atatsiitariko imisiritiko. ¹³ Iuasaaki maerekati kamakani maerekani, kamisirienererini maerekani, apiaâpotako. Ninoa misirienetari apanakani. Apaka apanakini misirienetana ninoa.

Teoso Sâkire Iôkatsopatakori

¹⁴ Pitepekana Tximótxio, pauikapikariko atâo inakari poerekiko. Ikara pauikapitika, kotxi pimarotana pite oerekakani. Pimarotari atâonoka ninoa oerekakiti. ¹⁵ Pite axapitipanika pinakasaaki, pimarotari Teoso sâkire iôkatsopatakori. Iua sâkire iôkatsopatakori txikitakaua kimatire anini. Isâkire iôkatsopatakori oerekaua Teoso makatxakiniri amaerekani Kristo Xesosi sâkire aûuikasaaki. ¹⁶ Teoso oerekana isâkire iôkatsopatakani atâonoka iôkatsopatinina, ininiâ ikinika Teoso sâkire iôkatsopatakori atâonoka. Ininiâ apakata Teoso sâkire iôkatsopatakori oerekiniua atâo Teoso sâkire aûuikani ikapani. Oerekaua ikinipoko Teoso sâkire iôkatsopatakori atâo inini. Isâkire iôkatsopatakori ôtäkikaua amaerekani atakanapini. Oerekaua atâo inakarinoka akamini. ¹⁷ Ininiâ kâkiti Teoso nakiti imarotiniâri Teoso sâkire iôkatsopatakori, iposotari ikinika parîkatxi Teoso paniâtakiti ikamini. Erekari ipariika.

4

Tximótxio Ôtäkikiko

¹ Tximótxio, nôtâkikai Teoso apisatoô, Apiananiri Xesosi Kristo apisatoô apaka, kotxi âti ôti Kristo Xesosi kanapiriâkasaaki, isâpiretari ikininape kâkiti sinimoni. Isâkire auîâkani sari Teosomoni ikaikotinina ikapani. Isâkire mauîâkani sari kâkiti misiritikomoni ikaikotinina ikapani. Isâpiretari kâkiti auapanika inakani, kâkiti mitxi ipikani apaka. Xesosi kanapiriâ ikininape auite ininiua ikapani, ininiâkara nipaniâtai ia: ² Pisâpiretariko Teoso sâkire kâkitimoni. Iposope pitxako Teoso sâkire ikiniôtika pisâpiretini kâkitimoni, piïto tapara auakasaaki, pisâpakasaaki apaka. Pôtâkikanako imaerekani itakanapinina, ekerarinoka ikaminina ikapani. Pisikataparaxiniretanako, Teoso sâkire poerekinina. Pisâkirauataksaaki, !katimari pomanâkarauatini. ³ Âti ôti apokako. Iuasaaki kâkiti !inirekaikari oerekaretxi atâo inakari ikenakotinina. Ninoaka nireêkitinoka inirekana, ininiâ apotiîapotana ninoakata koerekarerini ninoa potxitakiti oerekaretxiti oereêkani. ⁴ !Inirekaikarina atâo inakari. Auikarina sâkiretxi atâo minakati.

⁵ Pitepekana, ikinika pikamako pükiteritika. Pimüteenekariko pimisiritiko. Pikamariko piparika Teoso iokanapirena erekari pisäpiretini kákitimoni ninoa auikiniri ikapani. Teoso nitiri pitxaua, ininiã pikamariko ikinika piparika Teoso paniãtakiti.

⁶ Notapekana, nipinini õti manapi apokaãpotape. Nipinako Teoso ikapani. Pirãtxi Teoso ikapani okiko atokokana, notaka sikauako Teosomoni. Niketo apokapeka itixi nosipikini ikapani. ⁷ Neenamatzki erekari inakari nikamapeka Satanasi ninaiatini. Miteëkari mitekatzki mapotõkire apokini atokokana, nota apokapeka niparika mapotõkire. ! Nitakanapari Xesosi säkire nauikini. ⁸ Uatxa Teoso nãkatari niparika iki nota kãiatakiti napakapini ikapani. Miteëkari merepanika mitekatzki mapotõkire apokakari apakapari imitekini iki. Apakapari saporieãta. Iua atokokana Apiananiri sikanoko niparika iki, kotxi nota nirekari atão inakarinoka nikamini. Apiananiri imarotari atão, ininiã imarotari parikatzki iki apakapakani. Imarotari imisiritiko apakapakani apaka. Niparika iki isikano notamoni uai ikanapiriini õtisaaki. Na notananini apakapari. Isikari parikatzki iki ikininapemoni ikanapiriini nirekakanimoni.

Paoro Iõkatsopatakiti Mapotõkire

⁹ Piposotiniã, katima pitxako notamoni papokini. ¹⁰ Témasi inakori asikapekano, kotxi itiretari Xesosi säkire mauiakani nireëkiti. Isipeka Tesarõnika sitatxitimoni. Kiresëtxi inakori sari Karásia tixinimoni iparõkauatini ikapani. Txito inakori sari Taomásia tixinimoni iparõkauatini ikapani. ¹¹ Arókasinokara moianatano uatxa. Pakiritariko Marko. Piminari iua pitekata. Iua posotari imiparõkatinino, Xesosi säkire nisäpiretakasaaki kãkitimoni. ¹² Txíikiko inakori nipaniãta Épeso sitatxitimoni isini. ¹³ Tóatxi sitatxiti nauakasaaki, nitakanapari nimãka äti nimãka nopini nitakakiti. Nitakanapari iua nimãka Kapo inakorikata. Pite uai ikasaaki piminari. Apaka piminari atatsopari ninakiti aãtsopa kamakori. Apia ninirekari piminiri atatsopari ninakiti aamata kamakori.

¹⁴ Arexãtri inakori iteene misiritano. Iua Arexãtri tiitxi kamakari iua. Tiitxi metao kamakorinoka ikama. Iua misiritinino xika, Teoso misiritari iua. ¹⁵ Erepaniko iua. Pamõõkoniri iua, kotxi iua iteene misäkirepiretari aõereëkiti säkiretxiti.

¹⁶ Merepitipanika nota apoítakani anikasaakino auítetxiakori apisatoõ, nisäkire ikenakotinina ikapani, na äti nimoianari kaikota notakata iuasaaki. Ikinimane nimoianariakori takanapano, iuaritika na ninirekari Teoso misiritinina itakanapininino xika. ¹⁷ Ninoa takanapano, iuaritika Apiananiri kaikota notakata. Iua sikataparaxiniretano, ininiã niposotari Teoso iokanapirena ikinika nisäpiretinina ninoa Xoteo minakanuia ikenakotinirina ikapani. Ininiã äkiti namaã takote nauakasaaki, Teoso tokapakeëtano nota. ¹⁸ Nimarotapitikari Apiananiri tokapakeëtapanikano nota ikini sereti maerekati auakasaaki. Iua nãkatano. Anikano itixinemoni, iua auítetxi ininiãtaãua. Ikinimane ätipirika säpiretari iua: "Peerekai. Pitenokara erekari." Ameë.

¹⁹ Pisäpiretana Pisisira inakoro, Ákira inakori pakini nixinikamanapitana. Apaka Onesíporo inakori aapoko auakani nixinikamanapita. ²⁰ Erásito inakori kaikota Koríto sitatxiti. Tópimo inakori nitakanapa Mireto sitatxiã, kotxi iua amianata.

²¹ Tximótxio, piposotiniã, mitãã apisapanika papokako uaimoni. Eoporo inakori, Porotëtxi inakori, Arino inakori, Karáotxia inakori pakini ikini aítariakorikata iokanapireta pitemoni ixinikamanapitiniina.

²² Apiananiri Xesosi Kristo ätipirika kaikota pitekata pãkixinireë. Ikinipoko erekari isika pitemoni. Ameë.

TXITO

Paoro Iokanatsopatakiti Txitomoni

¹ Nota Paoro. Teoso nitiri amotakori nitxaua. Xesosi Kristo iokanatakiti nitxaua. Iua iokanatano kăkitimoni Teoso mereėkini auiaėkiti săkiretxiti nisăpiretini İkapani. Iokanatano kăkitimoni atăo inakari imarotiniua İkapani. Atăo inakari imarotiko oerekaua Teoso nireėkiti akamini İkapani. ² Aăuikari aăuapininika anini Teosokata, kotxi kitxakapirıka itixi kamiko apisa Teoso kamaenetari ikara. Ininiă apokapitikako, kotxi atăonoka iua săkire. ! Iposotari atăo minakati isăpiretini. ³ İketotiniri manapi oerekari isăkire. Isăkire săpiretakani săpiretari isăkire. Ininiă Teoso săkire notamoni isikakiti nisăpiretai, kotxi Teoso amaerekani makatzakakari paniătano nota nisăpiretiniri isăkire.

⁴ Niokanatsopata pite Txitomoni. Namarite atăo inakari atoko pitxaua, kotxi pite auikari Xesosi săkire nota auikiniri atokotxikana. Aıri Teoso, aăuıte Xesosi Kristo amaerekani makatzakakari pakini, sikari ikinipoko erekari pitemoni. Ninoa iamoniıkai. Ikamaerekax-iniretaina.

Kôtăkikarerini

⁵ Nitakanapai pite Kreta pokomiriıti, kotxi aparıka iuaătaă kona xipokapanika, ininiă ninirekari pite kaminiri ikara parıkatxi. Pimereėna kôtăkikarerini ikini sitatxiıă Teoso săkire auiaėkani ôtăkikakani tıkane. Pimereėna mitxi nisăpiretakiti iađka. ⁶ Ia atoko inakari kăkiti pimereė kôtăkikarerini İkapani: Iua kamari erekari, ininiă maerekati auakasaaki, kona iua xikani maerekati apoka. Atonokara İtanoro aua. İmiakori auikari Xesosi săkire. Ninoa ! neenamauata. İkamarina iri paniătakiti iađka.

⁷ Teoso sikari iparıka kôtăkikarerimoni ikamini İkapani, ininiă kôtăkikareri kamari erekari-noka. Maerekati auakasaaki, kona iua xikani maerekati apoka. ! Iuikaua. ! Katimari omanăkarauatini. ! Ipoăta. Kona kaneenamari. ! İtoretaro txineiro. ⁸ Kôtăkikareri atăo inakari potxitari apakapiniri kăkiti iua aapoko aiki. İpotxitari kăkiti erekari kamakani. ! Katıma omanăkarauatini. Erekarinoka ikama. ! İkamari maerekati. Erekarı imarotakiti ! İtakanapari ikamini. ⁹ Kôtăkikareri atăo inakari oerekaăkapeka Teoso săkire. İmarotari Teoso kaminiri isăkire iađka, ininiă iteene inıkatari Teoso săkire. ! İmamakari Teoso săkire. Ininiăkara imarotari ôtăkikiniri apanakini. İteene imarotari Teoso săkire, ininiă imarotari oerekiniri apanakini Teoso săkire manirekakani, Teoso săkire auikinina İkapani.

Erepaniko, Atăo Minakati Oerekakani

¹⁰ Kaiăopokori kăkiti kona nirekari Teoso nireėkiti ikaminina. Maxikatıka isăkirauatapıka. Kamisirienererini ninoa. İkara atoko inakani nirekari Teoso takađtxikare Xoteo minakanıua İtoă auini. ¹¹ Matxıkitakari ninoa iotokakiniri atăo minakati isăpiretinina, kotxi kăkiti aapoko aiki auakani naiatakakaua ninoa oerekakiti săkiretxiti xıka. ! Apakata ninoa oerekakiti săkiretxiti. İuarıtıka ninoa oerekari atăo minakati, txineiro apakapinina İkapani. ¹² Ninoa atokirinı kitxakapirıka, koerekareri, uai Kreta pokomiriıti auakarini, txari: "Kreta auakani âtipirıka misirienetari kăkiti. Maerekati kamakani itxauana. Kaneenamari İtopa auakari atoko ikamana. İarinouatana. Paixonina," itxa iua.

¹³ Isăpiretakiti atăopitikara. Ininiă pitaparaxinirerıtıka pipinitana ninoa imasăpiretakanirina ikara atăo minakati, Xesosi săkire atăo auikinina İkapani. ¹⁴ Ininiă pisăpiretana: "! Himaăkatapirıko Xoteoakori kiomanăkorini săkire atăo minakati. ! Himaăkatapena atăo inakarı manirekaăkani paniătakiti." ¹⁵ Kăkiti Teoso kamaerekatakiti, ikamakiti erekari. İkinipoko ikamakiti erekari, kotxi Teoso makatzakapekari imaerekani. Kăkiti imaerekani auapanika inakari, Teoso săkire iađka makamakati, İkinipoko ikamakiti aua imaerekani. İmaerekani txıkotari İxinikakiti. İmaerekani txıkotari iua âkixinire, ininiă âkixinire İôtăkikari iua maerekati imakamakani İkapani. ¹⁶ Ninoa txa: "Ate imarotari Teoso," txamari ikamarina Teoso manirekakini, ininiă ! imarotarına Teoso. ! İnirekarına Teoso. Arakakani atoko itxana, maerekati ikamakitına xıka. ! İkamarına Teoso nireėkiti, ininiă liposotarına erekari ikaminina.

2

Txito Ôtăkikiko

¹ Ininiă poerekariko İkinika atăo inakari Teoso oerekiko săkiretxiti.

Kiki Aneėkani Ôtăkikiko

² Ia atoko pôtăkikana kiki aneėkani: "Hıxinikariko hıkamakiti tıkane hıkaminiri apisapanika. Erekarı hıkamako apanakini paxitinıi İkapani. Kona hıkamapiri hıto nireėkiti. İteene

himarotariko hãuiãkiti. Iteene h̄itiraõkiuatako. Katima omanãkarauataka ! h̄itxape.” Ikara atoko põtãkikana kiki aneẽkani.

Sito Aneẽkani Ôtãkikiko

³ Ia atoko põtãkikana sito aneẽkani: “H̄ikamariko Teoso p̄kakani kamakiti atoko. Maxikatũka ! h̄ãpoĩtapiri ãti. Kona iteene hiãtapiri iãriã kapoãro. Erekarinoka h̄õerekako.” Ikara atoko põtãkikana ninoa. ⁴ Apaka põtãkikana sito aneẽkani ôtãkikinina ãtokoroakoro ia atoko: “H̄itiretanako h̄itaniri, hamariteakori pakini. ⁵ Kona h̄ikĩpitapiri h̄iito paniãtakiti. Erekarinanira h̄ikamako. H̄ikamariko h̄iparĩka h̄ããpoko ãki. Erekarĩ h̄ikamako apanakini ãkapani. H̄itaniri nireẽkiti h̄ikamako, ininiã iuasaaki Teoso sãkire mauĩãkani imisãkireporetari Teoso sãkire.” Ikara atoko sito aneẽkani oerekanako ãtokoroakoro.

Ãtokoriakori Ôtãkikiko

⁶ Ininiã iua atokokana põtãkikana ãtokoriakori ia atoko: “! Apakata h̄ikaminiri h̄iito nireẽkiti.”

Txito Ôtãkikiko

⁷ Txito, ikini pikamakiti pikamako kãkiti erekari kamiko imarotini ãkapani. Poerekarauatakasaaki, poerekari kãkiti pitiretiniri atão inakari sãkiretxitinoka. Poerekanako Teoso sãkirenoka apiãri inini. Poerekarauatakasaaki, poerekariko kãkiti pimakoketakaniri atão minakati pisãkirekata. ⁸ Poerekariko atão inakarinoka, ininiã ! auari papoĩtiko, kotxi ! pkerokari pisãkire. Ikara atoko ininiã, pimokaiakarini pẽtauata, kotxi ! iposotarina imisãkireporetini.

Nitiritxi Amotakoni Ôtãkikiko

⁹ Ia atoko poerekanako nitiritxi amotakoni: “H̄ikĩpitariko h̄ipatrãote sãkire. H̄ikamariko h̄ipatrãote apokaerekatakutinoka. Kapakapaenere ! h̄itxape. ¹⁰ ! H̄iitĩrĩkãpĩri h̄ipatrãote tii. H̄õerekariko h̄ipatrãote pisãkire atão inini. Ininiã h̄ipatrãote nirekari imarotininina Teoso oerekiko, amaerekani makatxakakari oerekiko.”

Ikinipoko Erekarĩ Teoso Sikakiti

¹¹ Ikinimanemoni Teoso oerekapekari erekari isikakiti kãkiti maerekani imaktxakini. ¹² Teoso sikakiti erekari oereka atakanapiniri Teoso manirekakiniti. Teoso sikakiti erekari oereka amanirekakaniri ãkorapokoriti auakani ãto nireẽkiti. Teoso sikakiti erekari oereka atão paniãtakiti atakanapini, atão inakarinoka akamini, Teoso nireẽkiti akamini ãkorapokoriti aũuakasaaki. ¹³ ãkorapokoriti aũuakasaaki, aiãtapari poxokonitxi õti Apiananiri aTeosone apokini õti. Iuasaaki Xesosi Kristo, amaerekani makatxakakari, motika atemoni. ¹⁴ Iuaka sikaua Teosomoni ate ãkapani ipĩkasaaki. Iuasaaki ãikĩtxitari Teoso, ininiã Teoso makatxakaua ikinika maerekantixi sauaki. Ikara atoko ininiã, ãkamaerekataua ate. Ininiã itxĩkitakaua inakitiakori aniniua, ininiã anirekari erekari akamini.

¹⁵ Auĩttxi pininiua atoko pĩpaniãtariko kãkiti kĩpitiniri ikara nisãporetakiti. Põtãkikana nisãkire makĩpitakani. Kona pauiritapiri kãkiti sãporetiniri pisãkire atão minakati inini.

3

Teoso Nireẽkiti Kamiko

¹ Txito, ia atoko poerekariko kãkiti: “H̄ipaxitariko ãkorapokoriti auĩttxiakori paniãtakiti, poiãori auĩttxiakori paniãtakiti apaka. Iposope h̄itxako ikinika erekari h̄ikamini. ² Kona himisãkireporetapiri apanakini. ! H̄ineenamauatape. Merepanika h̄ixinikariko apanakini, eereka h̄iteka h̄ixinika. H̄õerekariko kãkiti, h̄ixinireẽ hinirekiniri erekari h̄ikamini ikini-manemoni.” Ikara atoko poerekana.

³ Teoso aimarotini apisapanika miĩkiteni atxaua. Kona akĩpitari kãkiti sãkire, Teoso sãkire apaka. Iuasaaki ate misirienetaãka. Iuasaaki akamari atão nireẽkitinoka. Ikini sereti maerekati akama apoxokoniuatini ãkapani. Iuasaaki ikiniõtika axinikari maerekati akamini. !Apakata akamakiti. Kaxikororini atxaua iuasaaki. Ate omanataãka. Apaka ate omanatari apanakini iuasaaki.

⁴ Ininiã eereka Teoso tiraõki, amaerekani makatxakakari tiraõki, iua amonĩkare, apoka atemoni. ⁵ Ateka parĩka erekari !imakatxakari amaerekani. Iua amonĩkarenokara makatxakari amaerekani. Iuasaaki na atão akama, iuaritika imaktxakari amaerekani, kotxi itiretaua. Iuasaaki iua arokari aãkixinire. Itxĩkitakaua ate aponaniini iuaĩkana. Iuasaaki Erekarĩ Matamatakoti kamari ikinika amaneri axinireẽ. ⁶ Teoso iokanatarĩ Erekarĩ Matamatakoti kaposotiireri atemoni, kotxi Xesosi Kristo, amaerekani makatxakakari, ipina ate ãkapani. ⁷ Iua sikari ikinipoko erekari atemoni, ininiã ikamaerekataua. Ininiã itxĩkitakaua Teoso anaakori aniniua, ininiã aãpakapariko ipotetakiti ate ãkapani. Iua atoko ininiã, aiãtapari ãtipirika Teosokata aũuini ãkapani. ⁸ Atãopitikara ia nisãporetakiti.

Ininiã ninirekari ätipirika pisãpiretiniri ikinika nisãpiretakiti Teoso sãkire auiaãkanimoni. Ikara atoko Teoso auiaãkani itaparaxinireritika kamariko erekari apanakini ikapani. Kona maxikatũka ikamarina erekari. Teoso atão ikitxitariko kãkiti. Ikara atoko kãkiti kaminiã, ininiã erekari ikinimane ikapani.

⁹ Kona pimaãkatapiri miikiteti sãkire. !Hĩtaparakienatakapeua kitxakapirĩkarini uãka xika. Kona himaãkatapenako kãkiti kiomãtxiakori oerekakiti xika tsoatakani. Ikara sãkiretxiti ! itxĩkitakai erekari hininiua. !Itxa ikara sãkiretxiti.

¹⁰ Kãkiti oerekiniãri atão minakati Teoso manirekakiniti, põtãkikari iua ipikata. Iposo atoko !pimaãkataikari. ¹¹ Ikara atoko inakari atão iĩkite !auari. Maerekati ikama. Ikamakiti oerekari apanakini, maerekati kamakari ininiua. Iuaka imaerekani xika imisiritiko apokako.

Paoro Sãpiretakiti Mapotõkire

¹² Niokanitari Atemasi inakori, atxĩti Txĩkiko inakori apaka pitemoni. Ninoa apokasaaki, paiamata pisini ikapani, katimari notamoni Nikõpori sitatxitiã hãpokini ikapani. Ninirekari ia mitaãti nikaikotini iuaã.

¹³ Pimoianatari Sena inakori, Aporo inakori pakini. Auĩtetxiakori paniãtakiti imarotakari iua Sena. Pimoianatanako ninoa aiamatini. Iamonitakitina pisikanako. ¹⁴ Aĩtariakori Xesosi sãkire auiaãkani apaiaõkariko erekari ikaminina, kãkiti minakati mauakiniti imoianatinina ikapani. Makamaretika hinini !apakata.

¹⁵ Notakata auakani xinikapikai pite. Pisãpiretanako ate tiretakani ereẽ Xesosi sãkire auiaãkani nixinikamanapitana ninoa.

Ikinika erekari Teoso sikai hĩte hĩkinika. Ikara atoko niõkatsopata pitemoni. Ameẽ.

PIREMÕ Paoro Iokanatsopatakiti Piremõmoni

¹ Nota Paoro. Kateia äki nua, Kristo Xesosi säkire nauikini xika. Nota, aĩtari Tximótxiokata aiokanatsopata pitemoni Piremõmoni. Ate iteene tiretai pite. Atekata parĩkauatakari pitxaua. ² Aiokanapireta Xesosi säkire auĩäkanimoni, paapoko apotiitakanimoni. Aiokanapireta aĩtaro Ápiamoni, Akipo pakinimoni. Iua Akipo Xesosi sotatone itxaua, ate Xesosi sotatone atokotxikana.

³ Aĩri Teoso, Xesosi Kristo Apiananiri pakini sikai ikinipoko erekari. Ikamaerekaxiniretaina.

Piremõ Tiraõkiuatini Pirena

⁴ Nitari Piremõ, Teoso nimisäkiretakasaaki, ätipirika nisäkirauata pite ikapani. Nisäpiretari Teoso ereka inini, kotxi iua kamaerekatai pite. ⁵ Ikara atoko itxa nisäkire, kotxi nikenakopiretari iteene pauikiniiri Apiananiri Xesosi säkire. Nikenakopiretari ikinimane käkiti Teoso nakitiakori pitiretini. ⁶ Nimisäkiretari Teoso pite ikapani, kotxi ninirekari pisäpiretiniri pauĩäkiti säkiretxiti ikinĩõtika apanakinimoni, ininiäkara pimarotari ikini sereti erekari Teoso siäkiti Kristo nakitiakorimoni. ⁷ Ate poxokoniuaata, kotxi pite tiretana käkiti Teoso nakitiakori. Pitiraõki iteene sikataparaxiniretaua ate. Pite aĩtari kamapoxokonitana Teoso nakitiakori äkixinire.

Paoro Amanaaiki Säkiretxiti

⁸ Kristo sikaposotiiretano, ininiä nitapararitika niposotapitikari nipaniätini atão inakari pikamini. ⁹ Iuaritika nitapararitika na nipaniäta atão inakari pikamini. Nõtäkikai Kristo tiraõkiä pikaminiri atão inakari. Nota Paoro kiomätxipekano. Kateia äki nauanaata, Kristo Xesosi säkire nauikini xika. Notakara õtäkikai pite atão pikamini. ¹⁰ Nota amanaäi pinitiri Onésimo inakori piamonikini ikapani. Namarite atoko inakari iua, kotxi iua kipitari nisäkire uai kateia äki nauakasaaki. Uatxa iua auikari Xesosi säkire. ¹¹ Nimarotari iuäka poparĩkari uäka itxaua. Mĩtxi liparĩkauata, pitekata auakasaaki. Paiairiniri. Uatxa poparĩkari itxapekaua iuäka atokokana. Uatxa iparĩkauatpitikako pite ikapani, nota ikapani iparĩkauatini atokokana.

¹² Niokanatariko Onésimo, ikanapiriini pitemoni. Ininiä papakapariko iua. Nitiretari iua nota niũto nitiretini atokokana. ¹³ Ninirekamari notakata uai ikaikotini, nota imoianatini ikapani, kotxi pite kona posotari pimoianatinino uai kateia äki nauakasaaki, kotxi pite auini maioakari. Nota uai aua Teoso iokanapirena erekari nisäpiretini xika. ¹⁴ Ninirekamari Onésimo uai, txamari !ninirekari nikaminiri pite mauritakiniti. !Ninirekari nitapararitika nipaniätini pxairitiniri Onésimo notakata ikaikotini. Pite nirekiniäri, imoianatano.

¹⁵ Akokaxiti Onésimo miteka. Mapakanani itakanapai. Atxiĩti Teoso auiritari poiäoka itakanapini, ätipirika pitekata iuaikana ikaikotini ikapani. ¹⁶ Iua pinitiri piamotoakiti itxapanikaua. Uatxa apiaerekata iua. Pitari pitiretakiti itxapekaua, kotxi iua auikari Kristo säkire. Iteene nota tiretari iua. Pite apia tiretariko iua, kotxi iua pinitiri itxaua. Apaka iua pitari itxaua, kotxi Apiananiri nakiti hĩtxaua.

¹⁷ Nota pimoianari nininiäua, nota papakapini atokokana pitxariko papakapiniri iua. ¹⁸ Akokaxiti maerekati ikaminiä, itiriuatiniä, pisäpiretano. Nota ikĩtxitaiko. ¹⁹ Nota Paoro, uatxa niuakoä niõkatsopatari ia säkiretxiti. Notakarako ikĩtxitai pite. Pite imarotari pite xinire auäki inini, kotxi notara akokaxiti nisäpiretai Xesosi säkire pauikini ikapani. Ininiä atxiĩti erekape pite ikĩtxitinino nota? ²⁰ Ininiäkara nitari, pikaminano ninirekakiti, kotxi Apiananiri nakitiakori atxaua. Pikamapoxokonitariko näkixinire, kotxi Kristo nakitiakori atxaua. ²¹ Niõkatsopatari pite ikapani, kotxi nimarotapitikari pikaminiri namanaäkiti. Ari, nimarotari apiata pikaminano.

²² Apikomoni nitxai. Poeretari ereë nimakiniätaä ikapani. Hĩte misäkiretapekari Teoso kateia nitakanapini ikapani, ininiä nimarotari Teoso auiritano iuaikana nikanapiriini hĩtemoni.

Itakapiretanapini Pirena

²³ Epäpara inakori notakata kateia äki aua, kotxi iua parĩkauata Kristo Xesosi ikapani. Iua xinikamanapitai hĩte. ²⁴ Markoma, Arisitakoma, Témasma, Arókasima pakini notakata parĩkauatakani, ninoo apaka xinikamanapitai hĩte.

²⁵ Aäũte Xesosi Kristo sikari ikinipoko erekari hãkixiniremoni. Ameë.

EPIROO

Teoso Ākiri Apiatini Pirena

¹ Teoso kitxakapirīka sāpiretari isākire kaiōkatakani, isākire sāpiretakanimoni. Ininiā ninoa sāpiretana aātokiriakorini Teoso sāpiretakiti. Kiriāpa Teoso misākiretana ninoa? Kaiōpokoriā imisākiretana ninoa: Itaponeēna, ixinireēna, isākire iōkatsopatakoriā, initiri itixine auakari sākireē, txaāpota imisākiretinina ninoa.

² Uatxa ĩkorasaaki, Teoso misākiretaua iua ākiri sākireē. Teoso mereēri iua ākiri ikinipoko apakapini ĩkapani. Teoso ākiri kamarari ikinipoko. ĩkamarari itixi, ikinipoko iaxiti apiko nopinixiti auakari apaka. ³ Iua iotximere Teoso iotximeretxikana. Teosotxikana iua. Kaposotiireri iua, kotxi isākireēnoka imaīkari imakinika auini ĩkapani. Iuanokara makatxakari amaerekani. Amaerekani imaktxakasaaki, iuaasaaki iitopāka ikinimane auite Teoso kikomoni itixineē.

Teoso Ākiri Apiata, Initiriakori Poiāoka

⁴ Ininiā Teoso ākiri iteene apiaerekata. Apiananiri iua. Teoso nitiriakori iaxitikini poiāorini. Teoso mereēri iuāka apiari. Ninoa uāka poiāorini itxauana.

⁵ Teoso lisāpiretari initiriakori ia isākire kitxakapirīkari: Pite nota ākiri pitxaua. Uatxa pite iri nitxaua nota, litxa initiriakorimoni.

Apaka Teoso !isāpiretana ninoa ia isākire kitxakapirīkari: Nota iua iri nitxauako. Iua nota amarite itxauako, litxa initiriakori itixine auakanimoni.

⁶ Ātipekana. Teoso mīkasaakiri iua ākiri imatonōkari ĩkorapokoritimoni, iponaniini ĩkapani, iuaasaaki Teoso txari initiriakori: Ninitiriakori, hīkapotoreēkauako iua apisatoō. Hīteosonetariko iua, itxa. ĩkara atoko Teoso paniātari initiriakori.

⁷ Teoso sākire iōkatsopatakori, initiriakori pirena txari: Itxīkitakana initiriakori matamatakoni ininiuana, ĩtima atoko ininiuana. Xamina tirinakari atoko itxauana ninoa, kotxi kaposotiirerini ninoa, itxa. ⁸ Iua amaritemoni Teoso txari: Teoso pitxaua. !ixipoka auitexi pininiāua. Ātipirika pite atāo mīkiikari pite auitetakani.

⁹ Pite tīretari atāo inakari. Pomanatari maerekati. ĩkara atoko ininiā, nota piTeosone mereēi pite apiari pininiua ĩkapani, pimoianariakori poiāorini ininiuana ĩkapani, kotxi apiata nikamapoxokonitai pite. Iitxiā nimereēkiti nopini nitakini atokokana, nitakari poxokonitxi pite nopini. Nimereēi pite auitexi pininiāua.

ĩkara atoko itxa Teoso kitxakapirīka. ¹⁰ Iuaīkana Teoso sākire iōkatsopatakori txari: Apiananiri, merepitipanika pite kamarari itixi. Apaka pikamarari iaxiti piuakoā.

¹¹ ĩkorapokoriti, iaxiti pakini xipokapitikako. Iuaritika pite auapanika. Mākatxi kitxakariāpotakari atoko itxa ĩkinika.

¹² Mākatxi atoko piapirikariko iaxiti, itixi pakini. Ininiā ipinimoni itxako. Iuaritika pite mitxi atoko pitxapikako. !Pixipoka.

Itxa Teoso sākire.

¹³ Teoso txari imi:

Nota kikomoni piitopākiniritika nixipokariko pimokaikariakori. Nikamariko ninoa pikiti pitakiniātaā atoko ininiua.

ĩkara atoko litxari initiriakori iaxitikini.

¹⁴ Ininiā kipa Teoso nitiriakori iaxitikini? Ninoa erekari matamatakoni. Iparīkauatana Teoso ĩkapani. Teoso iokanatana ninoa imoianatinirina kākiti iua sākire auīākani, kotxi Teoso makatxakari ninoa kākiti maerekani.

2

Erepaniko

¹ Ininiā iteene mamixinikari ikinika atāo sākiretxiti mitxi akenakotakiti. Amakamakaniāri ĩkara atoko, kanaua tiokaāpotakari atoko atxaua. Ininiā iuaasaaki !aimarotaikari atāo. Maxinikari atāo inakari. ² Kitxakapirīka Teoso nitiriakori iaxitikini sāpiretari atāo inakari ate apiko atokiriakorimoni. Kākiti makamakaniāri ninoa paniātakiti, ininiā ninoa kākiti apakapari Teoso misirikare. Atāo ninoa apakapiniri imisiritikona. ³ Ininiā uatxa amitekini !auari, amanirekakaniāri amaerekani makatxakiko. Peerekari Teoso makatxakiniri kākiti maerekani. Merepitipanika Apiananiri sāpiretari ĩkara maerekanitxi

makatzakiko. Iua sākire kenakotakani apaka sãpiretaua ate iua sãpiretakiti atokotxikana. ⁴ Teoso apaka oerekaua ninoa sākire atão inini, kotxi oerekari itakaõtxikare. Ikamari kãkiti mimarotakiniti. Ikamari ikini sereti posotiiiretxi. Erekari Matamatakoti siãkiti isika inirekakinimoni. Kãkiti isika inirekaka iaõka. Ikara atoko Teoso oerekaua ninoa sākire atão inini.

Xesosi Kãkiti Atoko Itxa

⁵ Teoso litxĩkitakana initiriakori iaxitikini itixi amaneriã auakani auĩteakori ininiuana. Iua itixi amaneri ikari asãpiretai hĩte. ⁶ Kitxakapirĩka Teoso sãkire iõkatsopatakori Xikari oitoãtaã txari:

Kipa kãkiti? Kinirepa pite xinikana ninoa? Ate minakati. Kinirepa aĩtari iaxitikiri maãkatatari kãkiti?

⁷ Mapakanani pikamani kãkiti itari iaxitikiri poiãori ininiãua. Iuasaaki pinitiriakori iaxitikini apiatakani txaua. Eereka pitxĩkitakari iua auĩtetxi ininiua. Pitxĩkitakari iua kaiotximereri ininiua. Pitxĩkitakari ikinimane paxitiniri iua. Pitxĩkitakari iua ikinipoko auĩte ininiua.

⁸ Pitxĩkitakari ikinimane kaminiri iua paniãtakiti. !Auari ãtika iua paniãtakiti makamakati. Ikara atoko Teoso sãpiretaua ate itxĩkitakiniri ikinipoko auĩtetiniri iua. !Auari ãtika iua mauĩtetakati. Txamari kona ate atamatapanikari iua ikinipoko auĩte ininiua. ⁹ Iuapitikara aãtamatakiti Xesosi. Mapakananinoka Teoso txĩkitakari iua poiãori ininiua. Iuasaaki Teoso nitiriakori iaxitikini apiata. Teoso txĩkitakari iua poiãori ininiua, kotxi iuasaaki Xesosi atasiirauata. Iuasaaki ipina. Uatxa Teoso txĩkitakari iua auĩtetxi ininiua. Itxĩkitakari iua kaiotximereri ininiua. Itxĩkitakari ikinimane paxitiniri iua. Teoso kamari ikara atoko inakari, kotxi Xesosi ipina kãkiti mapinakani ikapani. Iuasaaki Teoso oerekari ikinipoko erekari isikini kãkitimoni.

¹⁰ Ikinika Teoso sãkiti. Ikinika iua kamakiti. Apakata iua txĩkitakiniri kãkiti maerekani makatzakakari atasiirauatini, kotxi iuasaaki iposope kãkiti maerekani makatzakiko, kotxi iuasaaki Xesosi kamari ikinipoko iri paniãtakiti. Ininiãkara Teoso anikari iua anaakori iotximere auiniãtaã. Kaiãori ninoa. ¹¹ Kãkiti kamaerekatakari iritxikana iua kamaerekatakini iri. Ikara atoko ininiã, Xesosi !ipẽtatari iua itariakori akiritiniua ate. ¹² Itxari Teosomoni:

Nisãpiretariko piuãka nitariakorimoni. Pitemoni apotiitakanuia sauaki nixikaretari ereka pinini.

¹³ Iuaĩkana kitxakapirĩka Teoso sãkire iõkatsopatakori txari:

Nauikariko Teoso sãkire.

Iuaĩkana Xesosi txari Teoso:

Uai nota aua pamariteakorikata. Pite sikana ninoa notamoni.

itxa.

¹⁴ Kaĩtori Teoso anaakori. Ninoa aua ixini, iarẽka pakini. Ininiã kaĩtopekari Xesosi ninoa atokokana. Ininiã ipikasaaki ixipokari ipikitxi posotiire auakiti. Satanasi inakori iua.

¹⁵ Ikara atoko inakasaaki, isikakari kãkiti ipikitxi pikakani. Mitxi ninoa iaxirikakoni atoko itxana. ¹⁶ Aimarotari, iuasaaki limoianatana initiriakori iaxitikini. Iuasaaki imoianatana Aprão apika mekaniriakori. ¹⁷ Ikara atoko ininiã, Xesosi txĩkitakaãka itariakori atokokana ininiua, ininiã iposotari sasetotxi auĩte apiatakari ininiua kãkiti ikapani. Iparĩkauatakasaaki Teoso ikapani, ikamari ikinipoko ikamaenetakiti. Maerekati kamakani kãkiti, iuaritika iamoniãkari kãkiti. Kãkiti itxapekaua Xesosi, ininiã iua ipina kãkiti maerekani imakatzakini ikapani, iuaĩkana kãkiti imikanapiriini Teosomoni ikapani. ¹⁸ Ikorapokoriti Xesosi auakasaaki, imarotari Satanasi atamakaerekatiniri iua. Ininiã Satanasi atamakaerekatakasaakina kãkiti, iua posotari isikataparatinina ninoa.

3

Xesosi Apiatakari, Moisesi Poiãori

¹ Ininiã nitariakori, Teoso mereẽkini, hĩte akiritaãka Teoso tixine hãuini ikapani. Iteene hĩxinikariko Kristo Xesosi, kotxi iua Teoso iokanatakiti itxaua. Apaka iua sasetotxi auĩte apiatakari itxaua. Iuara asãpiretari apanakini. ² Moisesi kamari ikinika Teoso paniãtakiti inirimane apisatoõ, Teoso aapoko aamata kamakari ikamakasaaki. Iua atokokana Xesosi kamari ikinika iua mereẽkari paniãtakiti. ³ Apiaerekata Xesosi, ininiã iua apakapari apiata ipaxitiko, Moisesi poião, kotxi aapokotxi kamakari apakapari apiata ipaxitiko. Poião aapokotxi paxitiko aua. Iua atokokana, Xesosi aapokotxi kamakari atoko itxaua. Moisesi aapokotxi atoko itxaua. ⁴ Ikinika kãkiti aapokona kamakani auapitika, iuaritika Teoso ikinipoko kamakari itxaua. ⁵ Moisesi Teoso nitiri itxaua. Iua ãtipirika kamari ikinipoko

Teoso nirekakiti inirimane apisatoõ. Ikara erekari ikamakiti oerekari Teoso sãkire iua sãpiretakiti atão inini.

⁶ Kristo Teoso ãkiri itxaua. Iua ãtipirika kamari ikinipoko Teoso paniãtakiti Teoso aapoko inikadini. Teoso aapoko atoko atxaua ate, iteene aũukiniãri iua sãkire, apoxokoniritika ãtipirika aiãtapiniãri Xesosi kanapiriini õti.

Erepaniko, !Hítakanapapiri Hãuikakiti

⁷ Ininiã Erekar Matamatakoti txari:

Uatxa õti hikenakotakasaakiri nisãkire,

⁸ kona hĩkamapiriko hĩxinire paikori inini hãtokiriakorini atoko hinini. Āparaã makipakaniãtaã auakasaakina, iuaã ninoa !auikari nota sãkire. !Ikamarina nipaniãtakiti. Iuasaaki ninoa ataerekatapikano nota.

⁹ Koarãtakanani, ikiniõtika hĩte apika atokiriakori ataerekatapikano nota. Ninoa atamatari niposotiire. Txamari ikiniõtika ninoa ataerekatano nota. !Auikarina nisãkire.

¹⁰ Ikara xika nomanatana ninoa. Iuasaaki nitxa: “Ātipirika ninoa sapika apanakini sãkire tikini. !Imaratarina nixinikakiti, nikamakiti pakini.”

¹¹ Nomanatakasaakina ninoa imaerekanina xika, iuasaaki nitxako: “Atão nisãpiretana ninoa. Ninoa maĩroãpekanii karako nikamakiti tomatikoãtaã,”

itxa Erekar Matamatakoti.

¹² Ininiã nitariakori, erepaniko. Atxiiti ãtikaka hĩte aua hĩxinire maerekati mauikareti. Ikara atoko inakasaaki, hítakanapapekari Teoso ãtipirika auãki inakari, maerekati tikini hĩsini ikapani.

¹³ Ininiã ikiniõtika hĩkamatapaxiniretakauako. Uatxapanika inakasaaki hõtãkikauako. Ininiã maerekanitxi kona misirienetai. !Ikamari kaikoxinire hinini. ¹⁴ Aãuini mapotõkire manapi iteene aũukiniãri Kristo sãkire merepitipanika aũukiniri atokotxikana, atão iuakata parĩkauatakani atxaua. ¹⁵ Uatxa nisãpiretai kitxakapirĩka iõkatsopatakiti:

Uatxa ia õti hikenakotakasaakiri iua sãkire, kona hĩkamapiriko hĩxinire paikori inini, hãtokiriakorini atoko hinini, ãparaã makipakaniãtaã auakasaakina. Ninoa !auikari nota sãkire.

¹⁶ Ninoa kenakotari Teoso sãkire, txamari !inirekarina ikaminirina isãkire iaõka. Kipa ninoa? Exito tixini Moisesi makatzakakinira ninoa. ¹⁷ Kikãkititipa kamari Teoso natiniua koarãtakanani? Ninoa maerekati kamakani. Ikara xika ninoa ipĩpeka ãparaã makipakaniãtaã. ¹⁸ Kirimonipa Teoso txari ia? “Atão nisãpiretai hĩte. Kona hi-maĩroãpekanii karako nikamakiti tomatikoãtaã.” Teoso sãpiretari ikara iua sãkire mauikakanimoni. ¹⁹ Ininiã aimarotari, ninoa !iroã iuaã, Teoso sãkire imauikakanina xika.

4

Tomatikoãtaã Aua Teoso Nakitiakori Īkapani

¹ Auapitika Teoso kamaenetakiti kãkiti tomatiniãtaã Teoso kamakiti aĩroini tĩkane, ininiã erepaniko. Atão inakari hĩkamako iuaã hiĩroini ikapani. ² Teoso iokanapirena erekari sãpiretaãka atemoni, kitxakapirĩka Moisesi auakasaaki auakanimoni apaka. Txamari maxikatĩka ninoa kenakotari Teoso sãkire, kotxi ninoa !auikari ikenakotakitina. ³ Ate, Teoso sãkire auiãkanua, iroã ikara Teoso kamakiti tomatikoãtaã. Ininiã Teoso sãpiretakiti iaõka auapeka. Ia atoko Teoso txari:

Nomanatakasaakina ninoa imaerekanina xika, iuasaaki nitxako: “Atão nisãpiretana ninoa. Ninoa maĩroãpekanii karako nikamakiti tomatikoãtaã,”

itxa Teoso. Ikara atoko itxama, iuaritika ikara tomatikoãtaã iposope iparĩka ixipokasaaki, itixi ikamakasaaki. Ikara atoko ikama ate ikapani. ⁴ Teoso sãkire iõkatsopatakori sãpiretari itomatini õti pirena. Itxari:

Iparĩkauata seisi õti, ininiã eereka apikomoni ãti õti inakasaaki itomata. Iuasaaki itakanapari ikinika iparĩka,

itxa Teoso sãkire iõkatsopatakori. ⁵ Teoso sãkire iõkatsopatakori txari:

Ninoa maĩroãpekanii karako nikamakiti tomatikoãtaã.

⁶ Iuaritika apanakini iroãpanikako iua tomatikoãtaã. Txama apanakini kitxakapirĩka auakani !iroã. Ninoa merepitipanika sãpiretaãka Teoso iokanapirena erekari, txamari !iĩroãna, kotxi ikamarina Teoso paniãtakiti. ⁷ Ininiã Teoso kamari iketo õti apanakini iuaãtaã apokini ikapani. Iuasaaki Teoso akiritari iketo õti “uatxa.” Ikara atoko Teoso misãkiretari Tavii:

Uatxa õti hikenakotiniãri nisãkire, ininiã kona hĩkamapiriko hĩxinire paikori inini.

⁸ Aãtokiri kitxakapirĩka auakari Xosoe inakori, iuara anikari kãkiti itixi Teoso sikaenetakitimoni. Txamari !iĩroãna atão inakari tomatikoãtaã Teoso sikakiti, kotxi eereka Teoso sãpiretari ãti õti tomatikoãtaã iroiko õti. ⁹ Ikara atoko ininiã, auapanikako Teoso kamakiti

tomatikoãtaã inaktiakori ikapani. ¹⁰ Ininiã kãkiti Iroãkasaaki Teoso kamakiti tomatikoãtaã, iotokakari iparika, Teoso iparika iotokakini atokokana. ¹¹ Ininiã nitariakori makamariko ikinika atão Inakari iua tomatikoãtaã aïroini ikapani. Erepaniko, kotxi apanakini Iïroã, Teoso sãkire imaukakanina xika. Ininiã !hikamapiri ninoo kamakiti atokokana.

¹² Teoso sãkire kaposotiireri. Isãkire auãki itxapika, kotxi Teoso ätipirika auãki inakari säpiretakiti. Saasara ipi auanoro auakoro, iteene kauanaro, ininiã iposotari ikisauakiniri inirekiniãtaã. Iposotari ikisauakiniri kãkiti pakaki, iua äki auakari axipe imaktxakini ikapani. Apiata Teoso sãkire, kotxi Teoso sãkire posotari apokini kãkiti iikite kãkiti xinirekata apotiitiniãtaãua. Teoso sãkire imarotari ikinika axinikakiti, anireëkiti pakini aãkixinireë. Teoso sãkire atamakaerekatari ikara aãkixinireë auakari. ¹³ Teoso atamatari ikinipoko akamakiti, ininiã !aui iomaãtakori. Ikinipoko Iipataãka. Aãuïte Teoso apisatoõ ikinipoko kasarori.

Xesosi Sasetotxi Auïte Apiatakari

¹⁴ Ininiã atemoni auari sasetotxi auïte apiatakari, Xesosi, Teoso äkiri. Apiananiri iua. Iua sari iaxiti Teoso auiniãtaã. Ininiã iteene maãuikari iua sãkire. ¹⁵ Ate nakiti sasetotxi auïte apiatakari imarotari ate äkixinire iõkapetini. Imarotari ate maposotakiniti. Imarotari ate tsi. Ikara atoko inakari imarota, kotxi Satanasi iteene atamakaerekatari iua, ate atamakaerekatiko atoko. Iuaritika maerekati ! ikama. ¹⁶ Ininiã ataparaxinireritika masa Teosomoni. Aãuïte topãkiniãtaã masa ikinipoko erekari isikakiti aãpakapini ikapani, iamoni kinuu ikapani. Isikaua ikinipoko erekari. Isikataparataua amaxikiko auakasaaki.

5

Xesosi Sasetotxi Auïte Apiatakari Mereïko

¹ Ikinimane sasetotxi auïte apiatakari mereeëka kãkiti sauaki. Iua misãkiretari Teoso kãkiti ikapani. Isikari kãkiti sikakiti iuamoni. Kitxakapirika iua okari pirãtxi Teoso apisatoõ kãkiti maerekani iikixitini ikapani. ² Iamonikari mimaroreni, Teoso takanapakani pakini, kotxi imarotari kãkiti äkixinire iõkapetini, kotxi iua apaka kãkiti itxaua. ³ Sasetotxi apaka maerekati kamakari itxaua. Ikara xika merepanika iua okari pirãtxi Teoso apisatoõ iua maerekani iikixitini ikapani. Eereka iua okari pirãtxi kãkiti maerekani iikixitini ikapani.

⁴ Kãkiti paxitari sasetotxi, iuaritika ninoo kona mereëri sasetotxi parika. Teosonoka mereëri kãkiti sasetotxi ininiua ikapani, sasetotxi Arão inakori Teoso mereini atokokana kitxakapirika.

⁵ Xesosi iua !ikamaua sasetotxi auïte apiatakari ininiua. Kona itxari: “Apakatapitika sasetotxi nininiua.” Iuaritika Teoso txari iua:

Pite namarite. Uatxa noerekariko kãkiti nota pite iri nininiua, itxa Teoso.

⁶ Iuaikana Teoso txari:

Ätipirika sasetotxi pitxaua. Sasetotxi Meokisiteki inakori atoko inakari pitxaua, itxa Teoso Xesosimoni. ⁷ Xesosi Ikorapokoriti auakasaaki, iua iteene misãkiretari iri. Ipinini apisapanika iteene amanaãri iri imapinakanini ikapani. Imisãkiretakasaakiri iua, iteene itxiita. Irinokara posotari itxikitakiniri imapinakanini. Iri kenakotari isãkire, kotxi Xesosi txari: “Pinirekakitinokara ninireka.” ⁸ Xesosi Teoso äkiri, iuaritika atatsiirauatakasaaki, imaroãpotari Teoso nireëkiti iaõka ikamini. ⁹ Iua kamari ikinipoko iri paniãtakiti. Ikara atoko ininiã, kãkiti maerekani makatxakakari itxapekaua. Imaktxakari ipaniãtakiti kamakani maerekani, ininiã ninoo auapininiika itxanako Teosokata. ¹⁰ Teoso mereëri iua sasetotxi auïte apiatakari ininiua, Meokisiteki inakori sasetotxi ininiua atokokana.

Erepaniko, Atão Sãkiretxiti !Hitakanapape

¹¹ Aua apikomoni kaiãopokori ikara atoko inakari asãpiretini hïte, txamari pamimari ikara asãpiretini hïte, kotxi !katimari himarotiniri Teoso sãkire. ¹² Akokaxiti hïte auikari Xesosi sãkire, ininiã uatxa apiaerekata Xesosi sãkire oereëkani hininiua. Txamari hïte nirekari äti oerekini iuaikana merepitipanika atão inakari Teoso sãkire iõkatsopatakoriã auakari. Hïte eenetxi xapitikiri atoko. Hinirekari Teoso sãkire tinitxiã atoko inakari. Teoso sãkire nipokori atoko inakari !hïposotapanika hãpakapini. ¹³ Teoso sãkire imarotakari tinitxiãnoka nirekakari atoko inakari, iteene !imarotapanikari Teoso sãkire. !Imarotari atão inakarinoka ikamini, kotxi iua eenetxi xapitiri atoko inakari. ¹⁴ Kãkiti aneëkari nikari xinitxi. Kataparaxinireri nirekari Teoso sãkire, xinitxi aneëkari nirekini atokokana. Kãkiti ikiniõtika kenakotiniãri Teoso sãkire, ininiã imarotari atão inakari. Imarotari atão minakati apaka.

6

Maãpaiaðkarauata Apikomoni

¹ ! Apakata ikiniõtika merepitiapanika Kristo sãkire oerekakorinoka axinikini, kotxi aimarotapekari. Aimarotapekari atakanapiniri maerekati akamakiti. Aimarotapekari ateka kamakiti txikitakaua apinini. Aimarotapekari Teoso sãkire aãuikini. ² Aimarotapekari apatxisarauatini. Aimarotapekari atakauakotiniua ãti nopini. Aimarotapekari ipikani iuaikana ðkitikiniua. Aimarotapekari Teoso misiritinua maerekati kamakani ãtipirika. ! Apakata ikara ãtipirika aðerekinii. ³ Apikomoni uaapitika, ininiã maãpaiaðkarauata apikomoni. Teoso auiritiniãua, apikomoni maxinika.

⁴ Kãkiti takanapiniãri Teoso sãkire auikini, !apakataika ikanapiriinina Teosomoni. Mitxi ninoo imarotari Teoso sãkire atão inakari. Mitxi ninoo imarotari erekari iaxitikiri. Mitxi imarotari Erekar Matamatakoti parika ãkixinireëna. ⁵ Mitxi imarotarina Teoso sãkire ereka inini. Mitxi imarotarina Teoso posotiire itixi amaneri apokasaaki. ⁶ Ikara atoko ninoo imarota, iuaritika ninoo takanapari Teoso. Ininiãkara !apakata iuaikana ikanapiriinina Teosomoni, kotxi iuaikana imisiritarina Teoso ãkiri aamina ipiriãmitakari nopini imisiritiko atoko. Iuasaaki ninoo txikitakari kãkiti iuaikana napetiniri Xesosi.

Kikio Atoko Anini Pirena

⁷ Teoso takari erekari itixi ia atoko inakari nopini: ãparaã ikipa kaiãokatanu iuaã, ininiã iminua kienatxi katakereri nirekakiti. ⁸ Txamari itixi inako, aanaia pakini auiniã, ! itxa. Ikara xika atxiiti imisiritaãka. Ininiã arikaãkako. Ikara atoko inapeëkanako kãkiti. Maerekati auiniãua, ininiã pamonõkoniri atemoni. Ikara atoko ininiã, imapotõkire õti Teoso linirekaikaua ate. Ixipokaua aanaia xipokiko atoko.

⁹ Nitariakori, ikara atoko asãpiretai hite, iuaritika ate imarotari kona hite ikara atokoni. Aimarotari hãpakapiniri erekari, kotxi Teoso makatxakapekari himaerekani. ¹⁰ Teoso kamari ikinika atão. Iua !imaxinikaretari hãparika iua ikapani. Hãtiraõki uamoni !imaxinikareta, kotxi himoianatapani iua nakitiakori. Uatxa himoianatapanikana ninoo. ¹¹ Ate nirekari ikinika hikaminiritika Teoso ikapani imapotõkire õti manapi apokini. Ikara atoko ininiã, himarotari hiãtapakiti apokapitikako hitemoni. ¹² Kona apakata hãrinauati. Apanakini Teoso sãkire auiakani kamakiti atoko hikamako, kotxi ninoo iãtapari Teoso sikaenetakiti apakapinina.

Teoso Sikapitikariko Isikaenetakiti

¹³ Kitxakapirika Teoso sãpiretari isikaenetakiti Apraãomoni. Apiatakari Teosonokara aua. ãti apiatakari iua atoko inakari !auari, ininiã iuaka uãkaã isãpiretari isikaenetakiti isikini Apraãomoni. ¹⁴ Ininiã Teoso txari Apraão: "Nitakapitikari erekari pitemoni. Nisikaiko itomaneri papika mekaniriakori," itxa. ¹⁵ Ininiã Apraão kenakotakasaakiri ikara, iteene iãtapari Teoso sãpiretakiti apokini. Eereka Apraão apakapari Teoso sikaenetakiti.

¹⁶ Kãkiti sãpiretakasaakiri isikaenetakiti ãti kãkitimoni, iuasaaki ninoo apoka ãti apiatakari apisatoõ isikaenetakiti isãpiretinina ikapani. Ininiã iuasaaki kãkiti imarotapitikari isãkire atão inini. Ikara atoko ininiã, aãpirena !auari isikaenetakiti xika. ¹⁷ Teoso nirekari inakitiakori iteene imarotiniri imatakanapaniniri isikaenetakiti isikinina ninoo. Ininiã isikaenetakiti isãpiretakasaaki, isikari isãkire iuaka uãkaã. ¹⁸ Ininiã ipi aua: Teoso, Teoso sãkire pakini. Teoso mitxi atoko itxapikako. Teoso sãkire mitxi atoko itxapikako. Ininiã Teoso liposotari atão minakati isãpiretini. Amiteka uamoni, iua nikatinua ikapani, aiãtapakiti aãpakapini ikapani. Ininiã asikataparaxiniretaãka.

¹⁹ Ikara atoko inakasaaki, aposotari iteene aãuikiniri Teoso sãkire. Aiãtapari ikinipoko iua sãkire iaõka apokini. Teoso sãkire aãuikini, minari maporo maikakari atoko itxa. Maporo maikakari !auritari maporo tiokini. Teoso sãkire aãuikini maikari axinire. Isikataparitari axinire. !Auritaia atikini maerekanitximoni. Teoso sãkire aãuikini anikaua Teosonani Auini Pakitaãtaã, mãkatxi mata arõkakari apikomoni auakari pakitamoni. Kitxakapirika sasetotxiakori auite apiatakarinoka ãroã iuaã. ²⁰ Iuaã Xesosi ãroã ate ãroini apisa. Iuaã imisãkiretari iri ate ikapani. Sasetotxiakori auite apiatakari itxapekua ãtipirika ate ikapani. Meokisiteki inakori sasetotxi ininiua atoko itxa Xesosi.

7

Meokisiteki Pirena

¹ Meokisiteki inakori Sareë tixini auakani auite itxaua. Iuasaaki sasetotxi itxaua apaka. Teoso, Apiananiri, kamari iua sasetotxi ininiua. Kitxakapirika Apraão kamari neenamati ãti tixini auakani auiteakorikata. Iua kanapiriãkasaaki, aõkitari Meokisiteki. Iuasaaki Meokisiteki takari erekari Teoso sikakiti uamoni. ² Iuasaaki Apraão sikari iua tiitxi imaktxakakiti ipixini. Tesi tiitxi auiniã, isikari ãti Meokisitekimoni. Meokisiteki

akiritaãka “Auítetxi Atão Inakari Kamakari.” Apaka akiritaãka “Auítetxi Kãkiti Kamaerekax-iniretakari.” ³ !Kimarotikori Meokisiteki iri, inoro pakini. !Kimarotikori apika atokiri-akori. !Kimarotikori iponaniini, ipinini pakini. Teoso ãkiri atoko itxa. Sasetotxi ãtipirika itxaua.

⁴ Hixinikariko iua Meokisiteki. Apiatakari iua. Apraão iteene paxitari iua, ininiã isikari ipixini tiitxi iua makatxakakiti iuamoni. ⁵ Eereka ãti õti Apraão tikini Teoso paniãtari Arevii apika mekaniriakori, sasetotxiakori, apakapiniri ipixini kãkiti apakapakiti, txineiro, tiitxi pakini. Ninoa apakapari kãkiti sikakiti Teoso ikapani. Ikinimane ninoa Apraão apika mekaniriakori itxauana. Iuaritika sasetotxiakori apakapari inirimane sikakiti. ⁶ Iua Meokisiteki Arevii nirimane !itxaua. Iua aua kitxakapirika Arevii apisapanika. Iuaritika iua apakapari ipixini Apraão makatxakakiti. Eereka Meokisiteki takari erekari Teoso sikakiti Apraãomoni, Teoso sikaenetakiti apakapakarimoni. ⁷ Iua Apraão poiãori. Apiatakari Meokisiteki, kotxi apiari takari erekari Teoso sikakiti poiãorimoni. ⁸ Ikinika Arevii apika mekaniriakori, Teosomoni kãkiti sikakiti apakapakani, ipinanipeka. ãtipirika auakari atoko itxa Meokisiteki. ⁹ Atxiiti aposotari asãpiretiniri ia atoko: “Arevii sikari isikakiti Meokisitekimoni Teoso ikapani, kotxi iua ina Apraão ãto ãki.” ¹⁰ Kotxi Apraão aõkitakasaakiri Meokisiteki, iuasaaki Arevii kona auapanika. Ininiã iua auini apisapanika Apraão ãtoã aua, kotxi Apraão apika mekaniri itxaua Arevii.

Xesosi Meokisiteki Atoko Inini

¹¹ Arevii apika mekaniriakori sasetotxiakori itxauana. Iua apika mekaniri Arão inakori. Arão apika mekaniriakori apaka sasetotxiakori itxauana. Teoso sikari ipaniãtakiti iõkatsopatakori ninoamoni, isãkire kãkiti imarotini ikapani. Iuaritika ninoa sasetotxiakori parika !oerekari kãkiti kamaerekatiko. Ininiã ãtião sasetotxi nirekaãka. Sasetotxi Arão atoko inakari linirekaãkaika. Sasetotxi Meokisiteki atoko inakari nirekaãka.

¹² ãtião sasetotxi auakasaaki, ãtião Teoso paniãtakiti iõkatsopatakori aua iuasaaki. ¹³ Xesosi kona Arevii apika mekanirini. Iua Xotaa apika mekaniri. Xotaa mekaniriakori kona sasetotxiakorini. Ninoa kona okari pirãtxi Teoso ikapani. Kona iparikauatana Teosomoni sikarori takikoãtaã. ¹⁴ Ikinimane imarotari aãuíte Xesosi Xotaa nirimane ininiua. Moisesi iõkatsopatakiti lauritanana ninoa sasetotxi ininiuana. ¹⁵ Ate sãpiretapekari Meokisiteki pirena. Aimarotari auapitika ãti sasetotxi, Meokisiteki atoko inakari. Uatxa aimarotari Xesosi Meokisiteki atoko itxaua.

¹⁶ Kitxakapirika sasetotxi pitxaua, kotxi pikiomaneakori sasetotxi apaka itxauana. Teoso kamari Xesosi sasetotxi ininiua, kotxi iua auapikako. Kaposotiireri iua. !Ixipoka. ¹⁷ Teoso txari Xesosi isãkire iõkatsopatakoriã:

ãtipirika sasetotxi pitxaua. Sasetotxi Meokisiteki atoko inakari pitxaua, itxa.

¹⁸ Ininiã mitxi auakari sasetotxiakori parika !auaika, kotxi itapara !auari. Xipope ikara. ¹⁹ Moisesi paniãtakiti iõkatsopatakori !ikamari kãkiti ereka inini. Uatxa apiaerekatakari aiãtapakiti apokapeka ikorapokoriti. Ininiã iua anikaua Teosomoni.

²⁰ Teoso isãkireẽ txikitakari Xesosi sasetotxi ininiua. ²¹ Teoso lisãkirauata ikara atoko kãkiti sasetotxipeka inakasaaki. Teoso txikitakari Xesosi sasetotxi ininiua isãkireẽ, kotxi itxari Xesosi:

Nota Apiananiri sãpiretapekari nikamaenetakiti. Ikara nikamapitikako, ininiã ãtipirika sasetotxi pitxaua, sasetotxi Meokisiteki atoko inakari pitxaua, itxa Teoso. ²² Ininiã ikara Teoso sãkireẽ, aimarotari Teoso kamapitikariko ikamaenetakiti apiari, kotxi iposope isikiniua Xesosi.

²³ Auapeka itori sasetotxiakori. Ninoa kona posotari ãtipirika iparikauatatinina, kotxi ikoriãpekana. ²⁴ Xesosi auapikako, ininiã ãtipirika sasetotxi itxaua. ²⁵ Ininiã iposotari imakatxakiniri ikinika amaerekani, Teosomoni anikasaakiu, kotxi ãtipirika aua, ininiã ãtipirika imisãkiretari Teoso ate ikapani.

²⁶ Ininiã ikara atoko inakari sasetotxi auíte apiatakari anirekapitika. Apiaerekatakari iua. !Kaneenamari. Ikerokakiti !auari. Itxiko ixinireẽ !auari. Maerekati !ikama. Iaxiti apiko nopinixiti auakari, auítetxi Apiatakari itxaua. Ikara atoko inakari sasetotxi anirekapitika. ²⁷ Apanakini sasetotxi auíte apiatakani ikorapokoriti auakani atoko !itxaua. Ninoa ikiniõtika okari pirãtxi, merepanika ninoaka maerekani makatxakiko ikapani. Eereka ninoa okari pirãtxi kãkiti maerekani makatxakiko ikapani. Kona ikara atokoni itxa Xesosi. ãtikatanokara Xesosi oxiketari iarëka kãkiti ikapani. Iuaka ipina kãkiti ikapani. ²⁸ Mitxi sasetotxi auíte apiatakani mereeëka Moisesi paniãtakiti iõkatsopatakori iaõka. Ninoa tapara !auari. Moisesi sãkire tikini Teoso mereëri imi ãtipirika sasetotxi ininiua ikapani. ãtipirika erekarinoka kamakari iua.

8

Xesosi Sasetotxi Auñte Apiatakari

¹ Ia atoko asāpiretakiti: Atemoni auapitika atāo sasetotxi auñte apiatakari. Iaxiti iua topāka aāuñte Teoso kikomoni, auñtēxi auñiñtāā. ² Iuaā Teoso auñiñtāā, imisākiretari iua ate ĩkapani. Iuaā aua atāo inakari Teoso aapoko, Apiananiri kamakiti. Kona kākiti kamakitini.

³ Ikinika sasetotxi auñte apiatakari auari iparĩka. Isikari kākiti siākiti Teosomoni. Isikari pirātxi okakori Teosomoni. Ininiā Xesosi parĩka apaka aua isikarauatini. Iuaka isikaua Teosomoni. ⁴ ĩkorapokoriti Xesosi auakasaaki, sasetotxi !itxaua, kotxi auape ĩkorapokoriti sasetotxiakori kākiti siākiti sikakani Teosomoni. Moisesi iōkatsopatakiti atokotxikana ikamana. ⁵ Sasetotxi ĩkorapokoriti auakani kamakiti atāo, txamari ninoa parĩka linirekaākaika. Ninoa parĩka sanōkatxi atoko itxa, Xesosi parĩka iaxitikiri aimarotini ĩkapani.

Kitxakapirĩka Teoso paniñtakasaakiri Moisesi Teoso aapoko aamata kamakori ikamini ĩkapani, Teoso txari Moisesi:

Pikamariko naapoko nipaniñtakiti iaōka ixirata auñte nopini aāuakasaaki noerekakiti. Ipinimoni inakari !pikamape,

itxa Teoso.

⁶ Xesosi parĩka Teoso sikakiti apiaerekata. Kitxakapirĩka sasetotxiakori parĩka poiāo erekari. Iua atokokana Teoso kamaenetakiti amaneri apiaerekata. Kitxakapirĩka ikamaenetakiti poiāo erekari. Xesosi txikitakari Teoso kamaenetakiti amaneri apokini kākiti ĩkapani, kotxi iua ipina kākiti ĩkapani. Teoso kamaenetakiti amaneri apiaerekata, kotxi ikamaenetari kaiāopokori erekari apiaerekatakari.

⁷ Teoso kamaenetakiti Moisesimoni apakatinīā maerekati imakatzakini ĩkapani, ininiā kona ikamari āti ikamaenetakiti apiatakari. ⁸ Txamari Teoso !apokaerekatari kākiti, kotxi kākiti kamapanikari maerekati. Ininiā Apiananiri txari kākiti:

Āti ōti nisāpiretariko nikamaenetakiti amaneri Isaeo nirimanemoni, Xotaa nirimanemoni pakini.

⁹ Kitxakapirĩka nisāpiretari mitxi nikamaenetakiti ninoa atokiriakorinimoni. Iusaaki nota makatzakana ninoa imisiritikosaakina Exito tixiniā. Txamari ninoa !ikamari nisākire iaōka. Ininiā nitakanapana ninoa. Nikamaenetakiti amaneri kona mitxi nikamaenetakiti atokoikani.

¹⁰ Āti ōti ĩkari nikamaenetakiti amaneri nisāpiretariko Isaeo tixini auakani. Ia atoko inakari nikamaenetakiti amaneri: Nitakariko nipaniñtakiti kākiti iikiteē. Niōkatariko nipaniñtakiti ninoa ākixinireē. Iusaaki ninoa Teosone nitxauako. Iusaaki ninoa nota nakitiakori itxauanako.

¹¹ Iusaaki kākiti kona oerekari āti imarotini Apiananiri. Kona kākiti oerekari itari imarotini Apiananiri, kotxi iusaaki ikinimane imarotanoko nota. Poiāoka inakani, apiatakani pakini imarotanoko nota.

¹² Nimaxinĩkaretariko ikinika maerekati ikamakitina. Kona nimisiritalkanako ninoa. Kona nixinikaikariko maerekati ikamakitina,

itxa Apiananiri. ¹³ Teoso kamakasaakiri ikamaenetakiti amaneri, iusaaki oerekari kākiti mitxi ikamaenetakiti Xoteoakorinoka ĩkapani ikamape, ininiā inapape. Tiitxi kitxakari patimari xipokini atoko, ikara mitxi Teoso kamaenetakiti xipoka.

9

Teoso Aapoko Aamata Kamakori

¹ Kitxakapirĩka Teoso kamaenetakiti isāpiretakasaakiri Moisesi, Teoso oerekari Moisesi oerekiniri kākiti Teoso apisatoō apokini. Iua apaka sāpiretari kākiti iua aapoko ĩkorapokoriti ikaminina ĩkapani. ² Ininiā ninoa kamari Teoso aapoko aamata kamakori. Sasetotxiakori ĩroiniñtāā aua tirikapĩ takiko tiitxiti. Iuaā aua apaka komiri Teosomoni siākori amesa nopini. Iua pakita ninoa takauākatari “Teoso Auñi Pakitañtāā.” ³ Apanĩkaki mākatxi mata kasĩpiri arōkakari aua. Iua mākatxi mata apikomoni auakari pakita ninoa takauākatari “Teosonani Auñi Pakitañtāā.” ⁴ Iuaā aua kamariāro arikiko amesati oro kamakoro. Iuaā aua Teoso kaixane. Iua kaixa akiritaāka “Teoso kamaenetakiti kaixati.” Iua kaixa nopini mapara itaāka oronokara. Iua āki itakaāka kopitipaki oro kamakoro. Iua kopitipaki āki itakaāka xapitiri komiri manaa inakori. Iua kaixa āki aua apaka Arāo tsonareke. ĩkora mitxi pitxaka iuaĩkana. Apaka iua kaixa āki aua ipi kaita. ĩkora kaita nopini aua Teoso paniñtakiti iōkatakori. ⁵ Iua kaixa nopini aua ipi Teoso nitiriakori iaxitikini atoko inakani. Oro kamakori ninoa. Akiritaāka Keropiĩ inakoni. Keropiĩ matameēkari imĩkita iua kaixa tore nopini. Iuaā Teoso maxinĩkaretari kākiti maerekani.

Uatxa !apakata apikomoni noerekiniĩ ikara pirena.

⁶ Teoso Auini Pakitaãtaã sasetotxiakori Iroã ikiniõtika iparĩkana ikaminina Teoso İkapani. ⁷ Sasetotxi auite apiatakarinoka Iroã Teosonani Auini Pakitaãtaã. Åtikanani åtikatika Iroã. Iua anikari arẽkatxi iuakata. Arẽkatxi imanikakanĩa, !iıroã. Iua arẽkatxi isika Teosomoni merepanika iuaka maerekani Teoso makatxakini İkapani. Eereka ikamari ikara apanakini kãkiti maerekani Teoso makatxakini İkapani. ⁸ Iuasaaki Teoso kona auiritari kãkiti İroini Teosonani Auini Pakitaãtaã. İkara atoko Erekarı Matamatakoti oerekaua ate, kotxi kona Teoso oerekapanikari ikinimane kãkiti İroini Teoso apisatoõ. Teoso aapoko aamata kamakori auapanika inakasaaki, Teoso kona oerekari kãkiti iuamoni apokini. ⁹ İkara Teoso aapoko kitxakapirĩka auakari ate oerekiko itxaua uatxa. Oerekari ia. Kãkiti sikakiti Teosomoni, pirãtxi okiko Teoso İkapani apaka, kona posotari oeretiniri Teoso teosonetakani åkixinire. ¹⁰ İkara Teoso oerekakiti kitxakapirĩka oerekari kãkiti iniãkiti atão inakari, iãtakiti atão inakari pakini. Oerekari kãkiti iito arokiko, itii arokiko pakini Teoso apisatoõ apokini iposope inini İkapani. Teoso kamaenetakiti amaneri apokasaaki, kona akamaikari ikara mitxi Teoso oerekakiti.

Kristo Arẽka

¹¹ Kristo apokapeka. Sasetotxi auite apiatakarı itxaua. Oerekaua erekari Teoso sikakiti. İparĩkauata Teoso aapoko apiaerekatakari åki. Iua Teoso aapoko kãkiti makamakiniti. Iua aapoko !auari İkorapokoriti. ¹² Iua İroãkasaaki iuaãtaã, !anikari potxi arẽka, kema auite åkiri arẽka İroini İkapani. Iua İroãkasaaki Teosonani Auini Pakitaãtaã iaxiti auakariãtaã, anikari iuaka arẽka, kotxi ikitakari iarẽka åtikatika ikinimane kãkiti İkapani. İniniã İkitxitari Teoso åtikatika kãkiti maerekani İki, ininiã kãkiti aua Teosokata åtipirika. ¹³ Potxi arẽkaã, kema auite arẽkaã, kema auite åkiri ariãkori paniã pakiniã, kitxakapirĩka sasetotxi tseõtari maerekati kamakani Teoso apisatoõ apokinina İkapani. İniniã iuasaaki maparanoka oeretaãka. Åkixinirena loeretaãka.

¹⁴ Apiaerekata Kristo arẽka, kotxi iua posotari oeretiniri aãkixinire. Maerekati !auari Kristomoni. Iuaka sikaua Teosomoni Erekarı Matamatakoti posotiireẽ, åtipirika auakari posotiireẽ. İuara oeretari aãkixinire. İmakinika akamakiti apinini txĩkitakakari imaktxaka. İniniã uatxa aposota aparĩkauatini Teoso åtipirika auãki inakari İkapani.

¹⁵ İniniã iua Kristo txĩkitakari Teoso kamaenetakiti amaneri apokini. İniniã kãkiti Teoso akiritakini posotari apakapiniri åtipirika Teoso sikaenetakiti iua anaakori İkapani. Kristo ipĩkasaaki, isikakana ninõa imaerekanina itakanapinina İkapani. İuasaaki İkitxitari Teoso imaerekanina İki. İkara imaerekanina ikamana Teoso kamaenetakiti mitxipe auakari auakasaaki.

¹⁶ Kãkiti ipinini apisa, iõkatsopatarı itii apakapakani uãka, ininiã ipĩkasaaki itii apakapakani imarotaãka. İniniã iua ipinini imarotiko tsõa uiniã, iuasaaki itii apakapakani apakapari ipĩkari tii. ¹⁷ İpĩkari tii apakapakani imarotiko tsõa nirekaãka kãkiti ipĩkasaakinokara. İkara !inirekaãka ipinini apisa. Iua auãkipanika inakasaaki, kãkiti ! apakapari itii. ¹⁸ İniniãkara mitxi Teoso sikaenetakiti isika kãkitimoni, arẽkatxi auakasaaki, ipĩkari auakasaaki. ¹⁹ Kitxakapirĩka Moisesi merepitipanika sãpiretari kãkiti ikinika Teoso paniãtakiti iõkatsopatakori. Eereka ikosekari kema auite åkiri arẽka, potxi arẽka pakini. İkara ikoketa åparaãkata. İposo atoko itseõtari Teoso sãkire aãtsõpate, ikinimane kãkiti pakini isõpo inakori porĩã, soti auite piti põkamarariã pakiniã. ²⁰ İuasaaki itxari: "İa arẽkatxi oerekaua Teoso kaminiri ikamaenetakiti. Teoso paniãtai hĩkĩpitiniri iua sãkire." ²¹ Iua atokokana Moisesi tseõtari Teoso aapoko aamata kamakori, ikinika iua åki auakari pakini arẽkatxiã. ²² Teoso sãkire iõkatsopatakori paniãtari kãkiti, tiitxi pakini oeretiko arẽkatxiã. Okakori mauakaniã, arẽkatxi kiããkõri mauakaniã, Teoso !imaktxakari kãkiti maerekani.

²³ İniniã Moisesi takari pirãtxi arẽka ikinika Teoso aapoko åki auakari nopini oeretiniri İkapani. İkinika Teoso aapoko åki auakari İkorapokoritikiri, iaxitikiri oerekiko İkapani itxa. Sanõkatxi atoko itxa. Pirãtxi arẽka kona apakata iaxiti İkapani. Teoso nirekakari arẽkatxi apiatakarı. ²⁴ Kristo iparĩka ikamakasaaki ate İkapani, kona İroã Teoso aapoko kãkiti kamakitiã. İkorapokoriti kãkiti kamari Teoso aapoko atoko inakari, txamari na atão iua aapoko. Kristo İroã atão Teoso aapoko Teoso tixineẽ. Uatxa iuaãtaã Teoso apisatoõ iua misãkiretari Teoso ate İkapani. ²⁵ Sasetotxiakori auite apiatakarı Iroã Teosonani Auini Pakitaãtaã ikinikanani. İuasaaki anikari pirãtxi arẽka. Kristo !ikamari ikara atoko. Åtikatika Kristo oxiketari iarẽka. ²⁶ Iua ninõa atoko inaãkamako, itokata imisiritaãkamako itixi kamikosaakipekamako. Uatxa imapotõkire õti takote iua apokapeka maerekati åtikatika imaktxakini İkapani. Iuaka isikaua ipinini İkapani, amaerekani ixipokini İkapani. ²⁷ Teoso kamari ikinimane kãkiti åtikatika koriini. Eereka ikinimane sari Teoso apisatoõ. İuasaaki apanakini apakapari imisiritiko. Apanakini apakapari iparĩkana İki. ²⁸ İniniã Kristo okaãka åtikatika kaiõpokori kãkiti İkapani, imaerekanina imaktxakini İkapani. Iuaĩkana iua kanapiriã. İuasaaki !imisiritaãkaikako kãkiti maerekani xika. Iua İkasaaki, imaktxakariko

ia iātapakani, maerekani sauaki auakani. Anikana itixinemoni ātipirika Teosokata auinina ikapani.

10

Pirātxi Arēka Kona Apakata

¹ Kitxakapirīka Teoso paniātakiti Xoteoakorimoni sanōkatxi atoko itxa. Ikara oerekari kākiti iuaasaaki auakani atāo inakari apokini āti ōti. Ikinipoko atāo inakari !apokapanika ninoamoni. Ininiā pirātxi okiko ātipirika kona txīkitakari kākiti iposope Teosomoni apokini. !Ikamaerekatana ninoa. ² Pirātxi arēka makatxakiniāri kākiti maerekani, ininiā ninoa takanapamariko pirātxi okinina, kotxi Teosomoni apokakani oeretapeēkaika, ininiā imarotamarina ākixinireēna imaerekanina mauakani. ³ Txamari pirātxi arēka !imakatxakari kākiti maerekani. Ininiā ikinikanani pirātxi okakori oerekari kākiti imaerekani auapanika. ⁴ Kema auīte arēka, potxi arēka pakini kona posotari imakatxakiniri kākiti maerekani.

⁵ Kristo apokasaaki ikorapokoriti, itxari Teoso:

Pirātxi okakori pitemoni siākori kona pinireka. Ininiā pite kamari itotxi nota ikapani.

⁶ Pirātxi arikiko pite ikapani, pite !apokaerekatari. Kākiti sikiniri isikakiti pitemoni imaerekani pimakatxakini ikapani, pite !apokaerekatari. !Ikamapoxokonitai.

⁷ Iuaasaaki nitxai. “Uaīkarano nota. Paātsopateē iōkatapeēkaika nota pirena. NiTeosone uai napoka pinireēkiti nikamini ikapani,”

itxa Xesosi.

⁸ Merepanika Xesosi txari iri: “Pirātxi okakori pitemoni siākori kona pinireka. Pirātxi arikiko pite ikapani, pite !apokaerekatari. Kākiti sikiniri isikakiti pitemoni, pite !apokaerekatari. !Ikamapoxokonitai,” itxa. Iuaritika Teoso sākire iōkatsopatakori kitxakapirīka paniātari ikara kamiko. ⁹ Eereka Kristo txari iri: “Uaīkarano nota. Uai napoka pinireēkiti nikamini ikapani,” itxa. Ikara atoko inakasaaki, Xesosi xipokari pirātxi okiko, kotxi iua apoka uai Teoso nireēkiti ikamini ikapani.

¹⁰ Teoso nireēkiti iaōka ikamini kamaerekataua ate, kotxi Xesosi Kristo ipina ātikatika ikinimane ikapani.

¹¹ Sasetoxiakori ikorapokoriti auakani sapika ikiniōtika Teoso apisatoō iparīkana ikaminina ikapani. Ātipirika iua okari pirātxi Teoso isikini ikapani. Itxama, ikara !iposotari maerekati imakatxakini. ¹² Iuaritika Kristo, ate sasetotxine, iuaika sikapekaua ikoriini kākiti maerekani imakatxakini ikapani. Ikamari ikara ātikatika. Iposo atoko, iitopāka Teoso kikomoni. Ikara atoko ininiā, xipokari iparīka. ¹³ Iuaā iātapari ikinika imokaiakari xipokini. Ikiti itakiniātaā atoko ninoa. ¹⁴ Ininiā ātikatika okaāka kākiti ereka inini ikapani. Iua kamaāpotana ninoa erekaāpo ininina ikapani.

¹⁵ Erekari Matamatakoti apaka txaua ate ikara atāo inini. Merepanika itxari:

¹⁶ Apiananiri txari: “Ia nikamaenetakiti nikamako ninakitiakori ikapani āti ōti. Ia nikamaenetakiti: Nipaniātakiti natakako ninoa ākixinireē. Nipaniātakiti niōkatakō iikiteēna.”

Itxa Erekari Matamatakoti. ¹⁷ Apikomoni itxa:

Kona nixinikaikari maerekati ikamakitina. Apaka nipaniātakiti ninoa takanapakiti, !nixinikaikako.

¹⁸ Teoso makatxakasaakiri maerekati akamakiti, ininiā amaerekani makatxakaākapeka. Ininiā lauauka okakori kākiti maerekani makatxakini ikapani.

Maāpoka Teosomoni

¹⁹ Ininiā nitariakori uatxa !hīpīkarauatape hīiroini Teosonani Auini Pakitaātaā, kotxi Xesosi iikixitapekari āiroini ikapani iuaa arēkaā. ²⁰ Xesosi ipikasaaki, iua kamari kimapori amaneri, maxipokati, Teosomoni asini ikapani. Ipikasaaki, imakatxakari mākatxi mata Teosonani Auini Pakitaātaā arōkakari, Teosomoni āiroini ikapani.

²¹ Atemoni aua sasetotxi apiatakari Teoso aapoko nīkatakari. ²² Ininiā maāpoka Teosomoni. Maāuiritari atāo inakarinoa kaikotini aākixinireē. Maāuikari ikinika iua sākire. Kākiti kitxakapirīkarini tseērauata arēkatxiā, maerekati makatxakiko ikapani. Ininiā maamanaāri Xesosi tseētiniiri aākixinire oeretiniiri ikapani. Kitxakapirīka kākiti kipaātaua Teoso aapoko iroini ikapani. Iua atokokana maamanaāri Xeosi aīto arokini āparaā ereriā. Ikara atoko aniniā, maāpoka Teosomoni. ²³ Iteene maāuikari aimarotakiti asāpiretakiti, kotxi Teoso kamapitīkariko ikamaenetakiti. ²⁴ Maxinikariko ia. Natokopa itxa aōtākikakakiniua atiraōkiuatini ikapani, erekari akamini ikapani apaka? ²⁵ !Apakata atakanapiniiri aāpotiitiniua Teoso ikapani. Apanakini !itotaikari apotiitiniua Teoso ikapani. Masikataparaxiniretakakaua. Apiata masikataparaxiniretakakaua, kotxi aūīte kanapiriini ikorapokoritimoni kaīamapeka.

²⁶ Atão inakari aimarotiniã, atão inakari aãpakapiniã, eereka maerekati akamapika, kotxi anirekari maerekati akamini. Iuasaaki !auaika amaerekani ikitxitiko. Iuasaaki !auaika amaerekani makatxakiko. ²⁷ Iuasaaki aimarotari kãkiti ikara atoko inakani misiritaãkako, kotxi Teoso mokaikariakori itxauana. Arikatxi apiatakari xipokanako ninoa. Pikaretxinoka aua ninoa ikapani. ²⁸ Kitxakapiriã kãkiti makipitakaniãri Moisesi paniãtakiti okapekaika. Ipi, atxiiti ipi ãti pakini kãkiti atamatiniãri iua kaminiiri maerekati, ininiã okaãka. !Auiritaãka imitekini. ²⁹ Ininiã natokopa itxa kãkiti misiritiko Teoso ãkiri sãkire imakipitakaniã? Apiata iua misiritiko, kotxi Teoso ãkiri ikatxaratini atoko itxa imakipitakaniri iua sãkire. Iuasaaki !ipaxitari iua arẽka amaerekani makatxakakari Teoso sikaenetakiti. Iuasaaki imisãkirepiretari Erekar Matamatakoti, ikinipoko erekari sikakari. ³⁰ Aimarotari ia sãpiretakari. Iua txari:

Notanoka xikatxirauata. Notanoka misiritanako ninoa imaerekanina xika, itxa Teoso.

Apaka Teoso sãkire iõkatsopatakori txari:

Apiananirinoka sãpiretari kãkiti inakitiakori misiritiko.

³¹ Kãkiti maerekati kamakani apokasaaki Teoso ãtipirika auãki inakari apisatoõ, iuasaaki pamonõkoniri, kotxi kãkiti misiritakari itxaua.

³² Hixinikariko merepitipanika Teoso sãkire hãuikini õti. Hiikite iopinikiko atoko itxa iuasaaki. Iuasaaki himarotari Teoso sãkire. Iuasaaki iteene hãtatsirauata Xesosi sãkire hãuikini xika. Iuaritika iuasaaki hitaparaxinireritika hãua. Iuasaaki !hitakanapari Xesosi sãkire hãuikini. ³³ Iuasaaki kãkiti apisatoõ apanakini napetai. Ninoa misãkirepiretai hite. Imisir-itaina hite. Iuasaaki hite moianatari apanakini Teoso sãkire auãkani, kãkiti misiritakini. Ininiã iuasaaki hite apaka misiritaãka. ³⁴ Hitiretana apanakini Teoso sãkire auãkani kateia ãki auakani. Apanakini mixirikari hitii Kristo sãkire hãuikini xika, iuaritika hipoxokoniua, kotxi iuasaaki himarotapekari auapitika iaxiti hitii Teoso sikakiti. Ikora tiitxi kona xipoka. Apiaerekata tiitxi iuaxiti auakari.

³⁵ Ininiã kona hitakanapari hitaparaxinire, kotxi ãti õti Teoso iikxitai hitaparaxinire auiniã.

³⁶ Himiteenekariko ikinika Kristo ikapani. Hikamariko ikinika hitaparaxinireritika. Ininiã Teoso paniãtakiti hikamakasaaki, hãpakapariko isikaenetakiti. ³⁷ Teoso sãkire iõkatsopatakori txari: Apikomoni mokatanitika iua kanapiriãko. Iketo õti ikanapiriãpitika.

³⁸ Kãkiti atão inakari kamakari auini erekari, kotxi aukari nota sãkire. Kãkiti sipikapapiretiniãri nisãkire, nota lapokaerekatari iua,

itxa Teoso. ³⁹ Ate kona sipikapapiretari Teoso sãkire. Ininiã !axipokaãka. Teoso sãkire auãkani atxaua ate. Iua makatxakari amaerekani aãkixinireã auakari.

11

Teoso Sãkire Auikiko Pirena

¹ Atão aũukasaakiri Teoso sãkire, iuasaaki aimarotapitikari aãpakapiniri aiãtapakiti. Atão aũukasaakiri Teoso sãkire, iuasaaki aimarotari amatamatakiniti auapitika. ² Kitxakapiriã Teoso apokaerekatana isãkire auãkani, kotxi iteene auikarina isãkire.

³ Teoso sãkire aũukasaaki, aimarotari iua kamari itixi, iaxiti pakini isãkireẽnokara. Aãtamatakitiã !ikamari itixi, iaxiti pakini. Isãkireẽnokara ikamari ikinipoko.

Teoso Sãkire Auãkari Apeo Inakori (Xënesisi 4.2-12)

⁴ Apeo inakori aukari Teoso sãkire, ininiã Teosomoni isikakiti apiaerekata, kotxi Apeo sikari Teosomoni Teoso sãkire iaõka. Itari Kai inakori sikakiti poião erekari. Apeo aukari Teoso sãkire, ininiã Teoso apokaerekatari iua sikakiti. Teosomoni atão inakari kamakari itxaua Apeo. Kitxakapiriã Apeo koriã, iuaritika iua auikiniri Teoso sãkire oerekapanikaua Teoso tiritiniri kãkiti isãkire auãkani.

Teoso Sãkire Auãkari Enoki Inakori (Xënesisi 5.21-24)

⁵ Enoki inakori apaka aukari Teoso sãkire. Ininiã Teoso anikari iua iaxiti. Kona ipina. Mapikatipanika anikaãka Teosomoni. Iuasaaki kãkiti !apokaikari iua, kotxi Teoso anikapekari iua. Isini apisa kãkiti imarotari Teoso apokaerekatiniri iua. Iua kamapoxokonitari Teoso. ⁶ Teoso sãkire amauikakaniã, kona akamapoxokonitari Teoso. Kãkiti Teosomoni apoãkari, merepanika auikariko Teoso auini. Apaka ninoa auikariko Teoso sikiniri erekari kaiãopokori iua nitakarimoni.

Teoso Sãkire Auãkari Noee Inakori (Xënesisi 5.28-9.29)

⁷ Noee apaka auikari Teoso sākire. Teoso sāpiretari iua kākiti mimarotakiniti monōkoni. Iuasaaki iua pīkarauata, ininiā ikamari maporo mitari iua aapoko āki auakani mapinakani ikapani. Noee auikari Teoso sākire, ininiā isāpiretari Teoso misiritiniri kākiti imaerekani xika. Teoso txīkitakari iua atāo inakari ikamini, kotxi iua auikari Teoso sākire.

Teoso Sākire Auiākari Apraão Inakori

⁸ Apraão apaka auikari Teoso sākire, Teoso paniātakasaakiri iua ātiātāā isini. Iua kīpitari Teoso sākire, ininiā iua sari, txamari kona imarotari isinimoni. ⁹ Iua auikari Teoso sākire, ininiā iua aua Teoso sikaenetakiti tixitiā. Iuaā iua aapoko aamata kamakori, kotxi āti tixinikiri itxaua. Apaka Isaki, Xakoo pakini aua aapokotxi aamata kamakori. Ninoa apaka apakapari itixi Teoso sikaenetakiti. ¹⁰ Apraão iātapari Teoso sitatxine apokini, kotxi Teoso kamari ikara sitatxi. Ixinikakiti iuaōka ikamari. Ikara sitatxi kamaāka kaikori nopini, ininiā lixipoka.

¹¹ Apraão auikari Teoso sākire. Iua imarotari ikiomaneēpeka inini. Apaka imarotari itanoro Sara kona posotakari keene onini. Iuaritika auikari Teoso sākire irītxi ininiua ikapani. Imarotari Teoso sikapitikariko isikaenetakiti. ¹² Ininiā iua kiki iteene kiomātxi inakariua, iuaritika irītxi itxaua. Iua aua itomaneri imekaniriakori, itomaneri apika mekaniriakori pakini. Itomaneri apika mekaniriakori iōriki iaxiti auakani atoko itxanako. Ikipatxite atoko itxanako apika mekaniriakori. Kaiāopanina ninoa.

Teoso Sākire Auiākani Iātapakiti

¹³ Ikinika ninoa kākiti Apeo, Enoki, Noee, Apraão pakini auikari Teoso sākire. Iko-riākasaakina, ninoa kona apakaparina ikinika Teoso sikaenetakiti. Ninoa imarotari Teoso sikaenetakiti ōtakopanikari apokini tīkane. Ninoamoni ikorapokoriti kona atāo ninoa tixine. Maparakinini atoko itxauana. ¹⁴ Kākiti ikara atoko inakani oerekari ninoa nitiniri ninoaka tixine. ¹⁵ Itixi itakanapakitina ixinikaākamanako, ininiā iuaīkana ikanapiriāmanako iuaātaā. ¹⁶ Ninoa kona kanapiriā, kotxi inirekarina apiaerekatakari itixiti, iaxiti auakari. Ininiā Teoso lipētauata ninoa Teosone ininiua ikapani, kotxi iua kamapekari sitatxi ninoa ikapani.

Apraão Okaaritiniri Imi

¹⁷ Apraão auikari Teoso sākire, Teoso ataerekatakasaakiri iua. Iuasaaki iposope okiniri Isaki Teoso ikapani. Teoso sikaenetakiti apakapakari iua Apraão. Iposope imatonōkari imi okini Teoso ikapani. ¹⁸ Teoso sāpiretapekari iua: “Isakimoni auako pimekaniriakori, papika mekaniriakori pakini,” itxari. ¹⁹ Iuasaaki Apraão xinikari Isaki ipininiā, Teoso ōkitikari iua iuaīkana. Iuasaaki Isaki ipinaarita, ininiā kākiti ipikari iuaīkana ōkitikiniua atoko itxa Isaki iuasaaki.

Isaki, Xakoo, Xosee Pakini Auikiniri Teoso Sākire

²⁰ Isaki apaka auikari Teoso sākire, kotxi itakari erekari imi Xakoo, Isaoo pakinimoni, Teoso nireēkiti iuaōka ikaminina tīkane. ²¹ Xakoo apaka auikari Teoso sākire. Ikoriiini apisa itakari erekari Xosee anaakorimoni. Iuasaaki isāpiretari Teoso iua ereka inini. Iuasaaki iioītekaua itsonarekeē. ²² Xosee apaka auikari Teoso sākire. Ipinini apisa isāpiretana Isaekini Exito ospipkinina ikapani. Ininiā iua paniātana ninoa anikiniri iua api Teoso siākiti itixitimoni.

Moisesi Auikiniri Teoso Sākire

²³ Moisesi iri, inoro pakini auikari Teoso sākire. Iponaniāka atoko, ninoa kipatari iua ipi āti pakini kasiriti. Iuasaaki imarotarina Moisesi kona āti eenetxi atokoni. Ipinimoni itxa. Ninoa imarotari Paraoo paniātiniiri amarini okiko, iuaritika lipikarina Paraoo paniātakiti.

²⁴ Moisesi auikari Teoso sākire. Mitapeka inakasaaki, kona inirekari kākiti akiritiniri iua Paraoo ākero ākiri ininiua. ²⁵ Iua mereeri imisiritiko Teoso nakitiakorikata. Ininiā iua sari ninoakata. !Inirekari poxokonitxi maerekati kamakiti, kotxi ikara poxokonitxi mokatanitika xipoka. ²⁶ Iuamoni apiaerekata ninoa xinitiniri iua Kristo sākire auikini xika. Kona iua nirekari katiiri ininiua Exito auakanikata, kotxi imarotari āti ōti Teoso sakiniri iua iparika iiki.

²⁷ Exito ipotorikasaaki, iua auikari Teoso sākire. Iuasaaki Exito auakani auite omanākarauata. Iuaritika lipikari iua. Imūteenekari ikinipoko, kotxi auikari Matamatakoti sākire. Atamatakiti sākire auikini atokotxikana, auikari imatamatakiniti sākire. ²⁸ Iua auikari Teoso sākire, ininiā ipaniātari kākiti okiniri soti auite. Eereka ipaniātari itakiniri iarēka īronakikoātaā tinikata. Ininiā Teoso nitiri ipīkitxi mīkari iaxitikiri ninoa nopini inapaōpotakasaaki, kona okari Isaekini merepanika auakani, kotxi atamatari arēkatxi.

²⁹ Kākiti Isaekini auikari Teoso sākire, ininiā ipiriātarina potxoari uiniti Pōkamarariā inakori sonākakari kimaporiti nopini. Kākiti Exitokini apaka nirekari inapinina ninoa napini atoko. Txamari iuasaaki āparaā kanapiriāpe iua kimapori nopini, ininiā ikinika ninoani axāpoātape.

Teoso Säkire Auiäkani Käiatini

³⁰ Isaeokini auikari Teoso säkire, ininiä Xerikoo sitatxiti iakirokana setxi pakini öti. Iuusaaki pirikeri sitatxi äkitakari irikapoakata, kotxi ninoa kamari Teoso säkire iaõka.

³¹ Haapi inakoro kanokarero otxaua mitxi. Eereka oäuikari Teoso säkire, kotxi oäpakapana käkiti iuaätaä apokakani, Teoso iokanatakini, ininiä kona okoriä käkiti Teoso säkire mauiaänikata.

³² Kiripa apikomoni nisäpiretai? Auapitika apikomoni itomaneri käkiti Teoso säkire auiäkani. Kona apakata uatxa nisäpiretinii hite Kitxiäo pirena, Paraki pirena, Säsäo pirena, Xepitee pirena, Tavii pirena, Samoeo pirena, apanakini Teoso säkire säpiretakani pirena pakini. ³³ Ninoa käkiti auikari Teoso säkire. Ininiä inaiatakasaakina Teoso säkire mauiaänikani, ninoa käiata. Ninoa kamari atäo inakarinoka. Iuusaaki apakaparina Teoso sikaenetak-iti. Ninoa okaäka äkitimoni. Iuaritika kona äkiti okana. Äkiti nama totaäka iuusaaki.

³⁴ Xaminamoni okapeëkana, iuaritika xamina !arikana. Kona apakata okikona iouata mitaroä. Ninoa matapani, iuaritika kataparaxinirepeka itxana, kotxi auikarina Teoso säkire. Neenamaxi auakasaaki, patapanana ninoa, ininiä äti uäka sotatoakori miteka.

³⁵ Sitoakoro Teoso säkire auiäkani iuaäkana aua imiakori, kotxi Teoso ökitikana ninoa ipikasaakina. Apanakini Teoso säkire auiäkani noropataäka. Imatakanapananiärina Teoso säkire auikinina, okaäkana, iuaritika ninoa ! inirekarina itakanapinirina, kotxi ninoa imarotari äti öti Teoso ökitikana ninoa. Iuusaaki apiaerekata ninoa apakapakiti.

³⁶ Apanakini Teoso säkire auiäkani napetaäka. Inoropataäkana aäpitsaä. Apanakini Teoso säkire auiäkani iaxirikaäka, kateia äki taka inaäkana. ³⁷ Apanakini kiporonakaäka kai sooroä. Apanakini käkiti sehotxiä kitxirikaäka apaniäkiki iütöna, auäkipanika inakasaakina. Apanakini okapeëka iouata mitaroä. Apanakini mäka soti auite mata, potxi mata pakini. ! Kamäkana. !Katiina. Maerekati kamakani nitana ninoa okinina ikapani. Imisiritapeëkana. ³⁸ !Apakata ikorapokoriti ninoa ikapani, kotxi ninoa iteene erekari.

Ninoa miteëkata äparaä makipakaniätaä, ötanoxiritari auiniätaä apaka. Aariko itixiäkiriä, kai iriko äki apaka apanakini Teoso säkire auiäkani aua, kotxi aäpokona !auari.

³⁹ Teosomoni peerekana ninoa, kotxi iteene auikarina iua säkire. Iuaritika ninoa ! apakapanikari Teoso sikaenetakiti iuusaaki. ⁴⁰ Teoso nirekari apiari erekari äte ikapani. Inirekana ninoa atekata aäpakapiniri isikaenetakiti.

12*Teoso Oerekari Atäo Iua Anaakori Aniniua*

¹ Ininiä kaiäopokori Teoso säkire auiäkani itixine apokakani atamataua ate uatxa. Ininiä matakanapari ikinika ate iomakotetakari. Matakanapari maerekati akamakiti, kotxi ikara patimari iaxirikiniri axinire. Ataparaxiniriritika maäuako. Mamiteenekari ikinipoko. Mitekakani mitekini atoko mamitekako Teoso oerekinimoni. ² Ätipirika maätamatari Xesosi. Maäuikari iua säkire, kotxi iuanoka amaerekani makatxakakari. Iua txiikitakaua ate atäo aäuikiniri Teoso säkire. Xesosi xinikari poxokonitxi apokini öti, ininiä iuusaaki imiteenekari aamina ipiriämatakari nopini ipinini. !Imaäkatari pëtatxi ikara atoko ipinini. Ikinipoko iposo atoko iitopäka iri kikomoni, kotxi ipariäka ate ikapani iposope. ³ Hixinikariko Xesosi. Iteene imiteenekari maerekati kamakani manirekakaniri iua. Hixinikariko iua, ininiä kataparaxinirei hite. Iuusaaki lhiökapeta.

⁴ Hiarëka kona xiketapanika maerekati hitakanapini xika. Ininiä hite kona naiatari maerekati iua Xesosi naiatiniri atoko. ⁵ Atxiiti himaxinikaretari Teoso säpiretakiti ate isikataparaxiniretini ikapani. Iua akiritaua iua anaakori aniniua. Ia isäkire:

Namarite, Apiananiri auiritai pite atatsirauatini atäo inakari pimarotini ikapani, ininiä kona pimatiniuiatupe iua misiritakasaaki pimaerekani xika.

⁶ Kotxi Apiananiri misiritana itiretakini maerekati ikamakasaakina, imaerekani itakanap-ina ikapani. Imisiritana ikinimane iua anaakori atäo inakari imarotinina ikapani.

⁷ Ininiä himiteenekariko hiri iaxitikiri misiritinii himaerekani xika. Ikara himisiritiko oerekai Teoso anaakori hininiua, kotxi inikatai hite amarini iritxi nikatini atokokana. Ikiniri iritxi ikorapokoriti auakari misiritari iua anaakori atäo erekari ikaminina ikapani.

⁸ Teoso mamisiritakaniäi hite maerekati hikamakasaaki, ininiä iua anaakori atäo inakani ! hitxaua. Teoso hiri !itxaua iuusaaki. Ikinimane Teoso säkire auiäkani misiritaäka, maerekati ikamakasaakina. ⁹ Akinika ate iritxi aua ikorapokoriti. Ninoa misiritaua maerekati akamakasaaki.

Iuaritika ate paxitana ninoa. Apiata apaxitari airi iaxiti auakari imisiritakasaakia ate, maerekati akamakasaaki, kotxi axinire iri itxaua. Ininiä akamakasaakiri airi iaxiti auakari nireëkiti, aäuapininiika atxako. ¹⁰ Ikorapokoriti auakani iritxi misiritaua maerekati akamakasaaki. Mapakananinani ikara atoko ikamana. Imarotakitina iaõka ikamana. Teoso misiritaua maerekati akamakasaaki ereka anini ikapani iua atoko anini

ĭkapani. ¹¹ Amisiritikosaaki, kona apoxokoniuaata, kotxi patsiiri. Iuaritika eereka akamari atāo inakarinoka. Iuasaaki erekaxinireua, kotxi Teoso oerekepekaua atakanapiniri amaerekani imisiritakasaakiua.

¹² Ininiā hōkitikari hūuako sāpakakari. Hĭkamataparatarari hĭpotoriki iōkapetakari. ¹³ Hōeretariko kimaporĭ atāo hĭsini ĭkapani. Ikinika himaerekani hĭtakanapako. Ininiā hĭkamakiti atāo inakari aua. Ininiā apanakini hĭte amatatakani ĭrika hĭte maerekani xika. Ininiā maerekati likamana, kotxi hĭte oerekepekana erekari imarotinina ĭkapani. Ininiā erekepekana ninoa.

¹⁴ ĭkinipoko hĭkamako apanakinikata himaneenamauatakani ĭkapani. ĭkinipoko hĭkamako erekarinoka hĭkamini ĭkapani. Kākiti makamakanisaakiri erekari, kona amatapaniri Apiananiri. ¹⁵ Erepaniko, kotxi atxĭiti kona hāpakapari ĭkinipoko erekari Teoso siākiti. Kona hāuiritapiri kapixi inakari aneini hāxixinireē, kotxi ikara maxikari kaiāori kākiti. Itxikotari ninoa āxixinire. ¹⁶ Kona hāuiritapiri anokaretxi kamakani auini hĭtekata. Kona hāuiritapiri Teoso manirekakiniti kamakari Isao atoko inakari auini hĭte sauaki. Merepitipanika iponaiākari iua Isao, txamari isikari iri sikaenetakiti itarimoni axapitiki nipokori apakapini ĭkapani. ¹⁷ Eereka iuaĭkana inirekamari ikara iri sikaenetakiti. Inirekari iri takiniri erekari iuamoni, txamari !apakataika iua apakapiniri. Itxiapata, kotxi mitxi ikamakiti inirekari imamakini, txamari iposope itarimoni iri sikaenetakiti isikini.

¹⁸ ĭtxakapirĭka kākiti Isaekini sari ixirata Sinai inakorimoni Teoso paniātakiti apakapinina ĭkapani. Iuasaaki ixirata arika. Ipiā, ĭtima kataparari apaka aua iuasaaki. Ikara atoko inakari ixiratamoni kākiti maātakakitimoni lhaāpoka. ¹⁹ Ixirata Sinai inakoriātāā kākiti kenakotari trōpeta. Ikenakotari iaxitiki sākire. Iuasaaki iteene ipĭkarena auana, ininiā ! inirekaikarina ikenakotinirina apikomoni ikara sākiretxi. ²⁰ Kotxi iuasaaki ĭmĭteenekarina ia Teoso paniātakiti, kotxi iuasaaki Teoso txari: “Kākiti, pirātxipeka apaka maātakinĭri oxiratari, ikiporonakaākana kai soroā ipininina ĭkapani.” ²¹ Iua xirata auĭte kamari kākiti pĭkarauatini. Iuasaaki Moisesi txari: “Nĭtĭtinanaka. Itene nĭpĭkarauata,” itxa.

²² Hĭte kona apoka oxiratari Sinai inakorimoni. Hĭte apokeka ixirata auĭte iaxitiki Siāo inakorimoni. Hāpoka Xerosareē sitatxiti iaxitikirimoni, Teoso ātipirika auāki inakari sitatxineātāā. Hĭte apokeka Teoso nitiriakori iaxitikini apotiĭtiniātāua. Nino a iaōtiko ! auari, kotxi kaiāopokori. ²³ Hĭte apokeka Teoso mereēkini apotiĭtiniātāua. Iproxokoniuatana. Teoso anaakori itxauana. Iuākana iōkatsopatapeēkaika Teoso aātsopateē itixineē. Hĭte apokeka Teosomoni. Iuara sāpiretari kākiti misiritiko. Apaka iua ĭkĭtxitana atāo inakari kamakani erekari ikamakiti ĭkapani. Hĭte apokeka erekari kamakanimoni. Teoso txĭkitakana ninoa atāo inakari ikaminina. ²⁴ Hĭte apoka Xesosimoni. Iuara txĭkitakari Teoso kamaenetakiti amaneri apokini. Xesosi arēka xiketakasaaki, hĭte apoka Teosomoni. Apeo oxiketari pirātxi arēka imaerekani makatxakiko ĭkapani. Kristo oxiketari iuaka arēka ātikatika amaerekani imakatxakini ĭkapani, ininiā Kristo arēka apiaerekata.

²⁵ Ininiā erepaniko. Hĭkenakotariko Teoso sākire isākirauatakasaaki. ĭtxakapirĭka kākiti manirekaniāri Teoso sākire sāpiretari ĭkorapokoriti auakari, imisiritaākana. Imitekinina !auari. Teoso tixine auakari sākire amanirekaniā, apiata amisiritiko. Amitekini !auari, ininiā erepaniko. ²⁶ Teoso misākiretakasaakiri Moisesi, itixi iakeka. Uatxa Teoso sāpiretari ikamaenetakiti. Itxari: “Iuaĭkana niōkokariko itixi. Niōkokariko iaxiti apaka,” itxa. ²⁷ Isākire “iuaĭkana,” kotxi iōkokariko ĭkinipoko ikamakiti. Ninoa makatxakaākako. Auapitikako maiōkokaeētakoni. Ikara kaikotako.

²⁸ Teoso auĭtetxi ininiātāua, ate sinimoni, !iōkokaāka. Iuaātāā ixipokini !auari. Ininiā mapoxokoniuaata. Masāpiretari iua: “Peerekai pite.” Atāo maparĭkauata Teoso ĭkapani. Makamari iua apokaerekatakiti. Mapaxitari iua. Mapĭkari iua manirekakiniti akamini. ²⁹ Kotxi aTeosone xipokari imanirekakiniti, xamina tirinakari xipokiniri atokokana.

13

Iōkatsopari Mapotōkire Pirena

¹ Ininiā hĭtĭretakauako. Itaritxi atoko hĭtxako, kotxi Teoso anaakori hĭtxaua. ² Ātiātāā ĭkani apokiniā, hāpakapanako ninoa hāāpoko. Apanakini apakapakasaakina ātiātāā ĭkani, apakapana Teoso nitiriakori itixinekini. Iuasaaki !imarotarina ninoa Teoso nitiriakori ininiuana. ³ Hĭtĭretanako Teoso sākire auĭākani kateia āki auakani. Kateia āki ninoakata hāuini atokokana, hĭxinikanako ninoa. Ininiā hĭtĭretanako misiritakoni. Kākiti misiritiniāi hĭte, iuasaaki hinirekari apanakini tĭretinĭi. Iua atokotxikana hĭtĭretanako misiritakoni.

⁴ Hĭpaxitaroko āti ĭtanoro. Hĭpaxitariko āto ĭtaniri. Pitanirĭkatanani pisirĭkako. Pitanorokatanani pisirĭkako. Teoso misiritanako ĭkinika kanokarero, kanokareri pakini.

⁵ Txineiro !hĭtĭretape. !Hinirekapiri āti kākiti nakiti. Hĭpoxokotariko hĭteka tĭi, hĭteka txineirote pakini. Apikomoni !hinirekape, kotxi Teoso txari:

Nimataknapapekaniikariko hĭte. Nimasikepekaniikariko hĭte,

itxa. ⁶ Ininiã ia Teoso sãkire iõkatsopatakori aãuika:

Apiananiri nimoianari itxaua, ininiã kona nipikari kãkiti kaminiri maerekati notamoni.

⁷ Hixinikariko hãuũteakori Teoso sãkire hĩtemoni sãpiretakani. Hixinikariko ninoa auini, ninoa ipinini apaka. Hãuikariko Teoso sãkire ninoa auikiniri atokotxikana. ⁸ Xesosi Kristo kitxakapirĩka atokotxikana uatxa. Xesosi Kristo uatxa atokotxikana ãtipirika.

⁹ Kona hãuikapiri apanakini oerekakiti atão minakati, kotxi ikini sereti oerekakori atão minakati auapitika. Hãuiritariko ikinipoko erekari Teoso sikakiti sikataparatiniri hãkixinire. Anikakiti !isikataparatarari aãkixinire, ininiã !hãuikapiri kãkiti sãpiretinii apanakini nipokori erekari hixinire ikapani, apanakini nipokori !erekari hixinire ikapani.

¹⁰ Sasetotxiakori Teoso aapoko aamata kamakori ãki parĩkauatakani Teosomoni sikakori takikoãtaã !apakaparina erekari Teoso sikakiti ate apakapiniri atokokana.

¹¹ Teoso aapoko aamata kamakori auakasaaki, sasetotxiakori auũte apiatakari anikari pirãtxi arẽka Teosonani Auini Pakitaãtaã. Iuaã isikari pirãtxi arẽka Teosomoni kãkiti maerekani Teoso makatxakini ikapani. Iua pirãtxi ãto anikaãka aapokotxi mapotõkire. Iuaã arikaãka. ¹² Xesosi pirãtxi okakori atoko itxa, kotxi anikaãka sitatxi mapotõkire okiko ikapani. Ininiã iua arẽkaã imakatzakari kãkiti maerekani, ikamaerekatinina ikapani. ¹³ Ininiã masa iuamoni ipininiãtaã. Iua napetiko atokokana maãpakapa. ¹⁴ !korapokoriti kona au sitatxi maxipoãkati. Aiãtapari sitatxi iaxiti ikari.

¹⁵ Kipa asika Xesosimoni Teoso ikapani? ãtipirika masikari asãkire erekari. Matxari: "Peerekari Teoso." Ikara asikakiti Teosomoni, kotxi asãpiretari kãkiti iua aãũte ininiua. ¹⁶ ! Himaxinikaretapiri erekari hikamini apanakinimoni. ! Himaxinikaretapiri himoianatakiniua. Ikara atoko akaminiã, Teosomoni asikakiti inireẽkiti atoko itxa, ininiã ikara atoko inakari akaminiã, ikamapoxokonitari Teoso.

¹⁷ Hikãpitariko hãuũteakori sãkire. Hikamariko ninoa paniãtakiti, kotxi ninoa nĩkatari hixinire. Teoso sikari ikara parĩkatxi ninoamoni, ininiã ãti õti ninoa sãpiretari Teoso ikamakitinina. Ininiã hikamariko ninoa paniãtakiti, ininiã iuaaaki ninoa poxokoniuata iparĩkauatakasaaki. Himakamakaniãri ninoa paniãtakiti, ninoa matinaniuata, ininiã ikara atoko inakari ! erekari hĩte ikapani.

¹⁸ Himisãkiretariko Teoso ate ikapani. Aimarotari aãkixinire ereka inini, kotxi anirekari ikiniõtika atão inakarinoa akamini. ¹⁹ Iteene namanaãi himisãkiretiniri Teoso, iua paĩtiki iokanatinino iuaĩkana hĩtemoni.

Teoso Misãkiretikõ

²⁰ Nimisãkiretari Teoso, kãkiti kamaerekaxiniretakari. Aãũte Xesosi ipĩkaripeka inakasaaki, Teoso õkitikari iua. Soti auũte atoko atxaua. Soti auũte nĩkatakari apiari atoko itxa Xesosi, ininiã iua iteene nĩkataua. Xesosi ipĩkasaaki, iuaaaki kãkiti apakapari Teoso sikaenetakiti. ãtipirika Teoso sikari ikara isikaenetakiti kãkitimoni. ²¹ Nimisãkiretari Teoso isikiniri ikinika erekari hinireẽkiti hĩtemoni, iua nireẽkiti hikamini ikapani. Namanaãri iua Xesosi Kristo uãkaã, ikaminuaa ate iua apokaerekatakiti. ãtipirika kãkiti txari Xesosi: "Erekaĩ pite." Ameẽ.

²² Nitariakori, iteene hĩkenakotariko ikara nisãpiretakiti. Ia niõkatsopatakiti xapitinoka.

²³ Ninirekari himarotiniri aĩtari Tximõtxio kateia ãki auakari sikakaãka. Mokatanitika iua apokiniã uai, nota sari iuakata hĩtemoni. ²⁴ Hĩsãpiretari hãuũteakori ate xinikamanapitinina ninoa. Hĩsãpiretari ikinimane Teoso nakitiakori axinikamanapitinina. Xesosi sãkire auĩãkani uai Hĩãria xixini auakani xinikamanapitai hĩte. ²⁵ Ikinipoko erekari Teoso sikakiti aua hĩtemoni.

Ameẽ.

TXIAKO

Txiako Iokanatsopatakiti

¹ Nota Txiako. Teoso nitiri nitxaua. Apiananiri Xesosi Kristo nitiri nitxaua apaka. Niökatsopatar i aätsopa hitemoni, Xoteoakori tosi nirimanetximoni Xesosi säkire auüakanimoni. Hite iarikape ikinika itixiti.

Ereëkai hite.

Auiäkori Ataerekatiko

² Nitariakori, ikini sereti maerekati apokasaaki hitemoni, hieneniäkako, kotxi ikara ataerekatai hite. ³ Kotxi himarotari häuiäkiti ataerekatikosaaki, hūtaparaxinireritika häua. Himiteenekari imakinika himisiritiko hūpoxokoniritika. ⁴ Ininiä imakinika himiteenekasaaki, hūxinikakiti, hūsäkire, hikamakiti pakini erekari. Kona apikomoni pinireka ereka pinini ikapani.

⁵ Himarore mauakanisaaki, hamanaäri Teoso imarore isikinii ikapani. Ininiä isikaiko hite hamanaäkiti. Itori Teoso sikakiti ikinimanemoni. !Isäpaka ate ätipirika aamanainiri iua. ! Itxtai. Isikapitukari hamanaäkiti. ⁶ Hamanaäkasaakiri, häuikariko Teoso sikinii hamanaäkiti. !Erekari hūxinikiniri: "Atxiiti iua sikano namanaäkiti. Atxiiti kona isikano namanaäkiti." Ikara atoko ! hūxinikape. Ikara atoko xinikakari, tsakati potxoari uinitikiri atoko itxa. Itima anikari tsakati itano, eereka ititika. Käkiti ikara atoko inakari, äti öti auikari Teoso säkire, äti öti kona auikari Teoso säkire. Itxaäpota. ⁷ Käkiti ikara atoko inakari kona xatiki apakapari Apiananiri säkiti, ⁸ kotxi ipi ixinikakiti aua, ininiä apanakini !auikari isäkire ikamakiti tükane.

Matiiti, Katiiri Pakini Poxokoniuatini

⁹ Pite äitari Teoso säkire auüäkari, atxiiti poiäori pitxaua, iuaritika pipoxokoniuatoko, kotxi Teoso txikitakai pite apiari pininiua. ¹⁰ Pite katiiri, pipoxokoniuatoko, kotxi Teoso kamapoiötakai pite, kotxi katimari pixipokini aäui katimari xipokini atoko. ¹¹ Atokatxi kanikasaaki, kapatakari itxaua. Iuasaaki katsotati txiaroka. Iiui katxaka. !Erekaikaro. Iua atokokana käkiti katiiri xipokini. Paütiki ipinako, ininiä itakanapariko imakinika itii, iparika pakini.

Misirikaretxi Miteenekakani

¹² Teoso takari erekari käkitemoni imisiritiko miteenekakarimoni, Teoso säkire matakana-pakatimoni. Ikinipoko imiteenekasaaki, Teoso txikitakari iua ätipirika auini Teosokata. Apiananiri sikaenetari ikara iua tirketakanimoni.

¹³ Pinirekasaakiri maerekati pikamini, kona pitxapiri: "Teoso sikanireötano maerekati nikamini," kotxi Teoso kamanireötiko maerekati ikamini ikapani !auari. Apaka kona Teoso sikanireötari käkiti maerekati ikamini ikapani. ¹⁴ Käkiti sikanireötäka maerekati ikamini, kotxi iua ito nireëkiti kosekari iua maerekati ikamini. Iuasaaki iteene inirekari inireëkiti ikamini. ¹⁵ Maerekati piito nireëkiti pikamakasaaki, maerekati itxaua. Ininiä eereka maerekati pikamapika. Eereka iua maerekati txikitakari pixinire ipinini.

¹⁶ Nitariakori nota tirketakini, kona häuiritapiri äti misirienetini. ¹⁷ Ikinipoko sikakori erekari atao inakari, iaxitikiri itxaua. Äiri sikakiti ikara. Iuara kamari atokatxi, kasiri, iöriki pakini ponikini. Iua ätipirika kamari erekarinoka. Kita, uatxa, katana pakini, iua atokotxikana äiri Teoso. ¹⁸ Aponaniä iuaikana ääxixinireë, kotxi aäuikari iua säkire. Iua nirekari aponaniini ikara atoko. Teoso kamari ikinipoko. Ikamakini, merepanika iuaikana ponaniäkani, atxaua ate.

Teoso Säkire Kipitiko Pirena

¹⁹ Ininiä nitariakori nota tirketakini, iteene himixinikariko äti säkire. Eereka iteene hūxinikariko hūkenakotakiti, hūsäkirautini apisapanika. Katima !hūtxape hinaiatiniua. Hinaiatiniua apisa hūxinikariko hūkamakiti tükane, ²⁰ kotxi käkiti omanäkarauatakasaaki, !ikamari atao inakari Teoso paniätakiti iäoka. ²¹ Ininiä hōkariko ikinika maerekati häkixinire txikotakari. Hūtakanapariko ikinipoko maerekati. Häuikariko Teoso säkire häkixinireë takakori. Himarotariko iuanoka makatxakiniri himaerekani.

²² Teoso säkire akenakotakanani atxa, !hūtxape. Hūkamariko isäkire iäoka apaka. Teoso säkire kenakotakani makamakaniäri ipaniätakiti, ninoaka misirienetaua. ²³ Teoso säkire kenakotakari makamakaniäri isäkire iäoka, kiki ätakaäriä atamatoötakari atoko itxa. ²⁴ Iua itoö atamataka atoko, isa. Iuasaakipeka imaxinikaretoötapekua. Isanöka !ixinikaika. ²⁵ Ikinika Teoso paniätakiti erekari. Maerekati kamakani iaxirikakoni atoko. !Iposotarina erekari ikaminina. Ininiä käkiti kamakasaakiri Teoso paniätakiti, Teoso paniätakiti sikakari käkiti

erekari ikamini ikapani. Käkiti iteene imarotiniäri Teoso paniätakiti, imamaxinikaretakaniäri, ätipirika ikaminiäri, ininiä Teoso takari erekari iuamoni, ikamakitimoni.

²⁶ Käkiti säpiretiniäri: “Nota auikari Teoso säkire. Nikamari iua säkire iaõka,” txamari käkiti nini iauite atoko itxa. !Iposotari iotokakiniri maerekati isäpiretini. Iuaka misirienetaua. Iua auikäiti na atão. Ikamakiti na atão apaka. ²⁷ Käkiti auikäiti atão inakari auakasaaki, ikamakiti atão inakari auakasaaki, aïri Teoso apokaerekatari. Iua käkiti kamari ia atoko: Itiretana imenõkariakori, tikinitakoni pakini, kotxi maureni ninoa. !Auiritari ikorapokoriti maerekati txikotiniri iua äkixinire.

2

Hïpaxitana Ikinî Käkiti

¹ Nitariakori, Xesosi Kristo aäuite Apiananiri itxaua. Iua säkire atão auikäkani hininiäua, ininiä hïpaxitariko ikinimane käkiti. !Apakata hïpotxitakininani hïtiretini. ² Maxinikariko. Atxiiti hïpotxitakasaakia, kiki apoka eremäkari. Iuakokiä aneo oro kamakoro aua. Apaka iuasaaki apoka äti kiki matiiti. Kitxakari imäka. ³ !Apakata hïpaxitiniri eremäkarinoka. Hïsäpiretiniäri: “Uai itopanaxi ereri nopini piitopäka,” pitxari. Txamari hïsäpiretari matiiti: “Ikiraä pitima.” Atxiiti hïsäpiretari iua: “Uai ixiti nikiti takote piitopäka,” pitxari. Ikara atoko hïkaminiä, !apakata. ⁴ Ikara atoko hïkamakasaaki, hïxinikari katiiri apiaerekatini, matiiti poião ereka inini. Iuasaaki hïxinikäkiti na atão itxaua. Häkixinire maerekati itxaua.

⁵ Nitariakori nota tiretakini, hïkenakotariko nisäkire. Teoso mereëpekarî matiini ikorapokoriti auakani isäkire iteene auikinina ikapani. Ininiä ninoa Teoso tiretakani sariko Teoso auitexi ininiätaäua. Ikara isikaenetapeka iua tiretakanimoni. ⁶ Txamari hïte kona paxitana matiini. !Apakata. Katiirinira misirienetai hïte. Ninoa anikai hïte käkiti misiritiko mereëkanimoni. ⁷ Ninoa katiirini misäkirepiretari Teoso. Peerekari iua uäka, iuaritika ninoa kona paxitari iuäka. Ninoa misäkirepiretakiti nakitiakori hïtxaua hïte.

⁸ Kitxakapirïka Teoso säkire iõkatsopatakori txari:

Piteka pitiretiniua atokokanera, pitiretanako pite takote auakani.

Ikara ikinimane auite paniätakiti hïkaminiä, hïkamari atão inakari. ⁹ Hïtiretiniäri hïpotxitakininani, maerekati hïkama. Ikara Teoso paniätakiti oerekai maerekati kamakani hininiäua. ¹⁰ Ikinika Teoso paniätakiti hïkaminiä, txamari ätinoka Teoso paniätakiti himakamakaniä, ininiä ikinika ipaniätakiti makamakani atoko hïtxaua. ¹¹ Teoso txari: Kona pisirïkape pïtanoro minakotokatika.

Apaka itxari:

Kona pokaniuatape.

Atxiiti kona pisirïka pïtanoro minakotokatika, txamari pokaniuata, ininiäkara !pikamari ikinika Teoso paniätakiti. Ätika Teoso paniätakiti pimakamakaniä, !apakata. Ikara atoko ininiä, Teosomoni maerekati kamakari pitxaua.

¹² Teoso säkire iaõka akaminiä, aposotari erekari akamini. Öpoïkakoni atoko atxaua. Maerekati !imaïkaikaua. Ininiäkara atão hïsäkirauatoko. Atão inakari hïkamako, kotxi Teoso kamariko hïtemoni isäkire iaõka. ¹³ Himaamonïkaniäri äti, Teoso kona amonïkai hïte. Imereëri himisiritiko. Apiaerekata hiamonïkiniri äti, maerekati ikamakasaaki. Poião erekari himisiritiniri iua imaerekani xika.

Käkiti Säkire, Käkiti Kamakiti Pakini Pirena

¹⁴ Nitariakori, käkiti txari: “Nota Teoso säkire auikäkari nitxaua,” itxamari, likamari Teoso nirekaäkiti. Atauako iua auikari Teoso säkire? Atauako, iua säkire posotari imakatzakiniri imaerekani Teosomoni isini ikapani? Konapitini. ¹⁵ Atxiiti hïtari, atxiiti hïtaro Teoso säkire auikäkani imäkana !auari. Atxiiti nipokori ! auari ninoamoni. ¹⁶ Iuasaaki atxiiti hïtxana: “Hïsipiniikaua, erekaxinire hinini. Kamäkaiko. Iteene hinikako,” hïtxana atxiiti. Txamari iuasaaki mäkatxi ! hïsikana, nipokori ! hïsikana. Ikara atoko hïkaminiä, !apakata hïkamakiti. Hïsäkireninira hïsikiniä, ininiä maxikatïika hïsäpiretakiti. ¹⁷ Atxiiti ikara atoko atxa. Asäpiretari aäuikiniri Xesosi säkire. Txamari kona akamari ipaniätakiti. Ikara atoko aniniä, asäkire kona itxa. Aäuikäkiti säkiretxiti ipinakari atoko itxa. !Kakamareri iua.

¹⁸ Käkiti atxiiti txari: “Pite auikari Teoso säkire. Nota parïkauata Teoso ikapani.” Piposotari atxiiti poerekinino pauikäkiti, Teoso paniätakiti pimakamakaniäsaaki? Kona piposota, kotxi atão pauikäkiti ! auari. Notapekana, nota posotari noerekiniri nisäkire nauikäkiti nikamakitiä Teoso paniätakiti nikamakasaaki. Ikara atoko nininiä, käkiti imarotapitikari atão nauikiniri Xesosi säkire. ¹⁹ Pite auikari ätinani Teoso auini. Ininiä erekapitikari pauikakiti. Txamari ikara !imakatxakari pimaerekani Teosomoni pisini ikapani, kotxi Satanasi nitirïakori apaka auikari ätinani Teoso auini. Iua xika ninoa titinanaka ipïkarauatinäna. Ninoa imarotari äti öti ixipokinina.

²⁰ ! Kĩĩketei pite. Pinirekatari noerekinii ! apakata pisãkireẽ pauikiniri Xesosi sãkire, iua paniãtakiti iaõka pimakamakanisaaki. Iuasaaki pisãkire na atão. Ipĩkari atoko itxa. ²¹ Maxinikariko ate apika atokirini, Apraão. Kitxakapirĩka isikasaakiri amarite Isaki inakori Teosomoni sikakori takikoãtaã, iuasaaki Teoso apokaerekatari ikamakiti, kotxi ikamakiti oerekari Teoso, iua auikiniri isãkire, ininiã Teoso kamaerekatari iua. ²² Ininiã himarotari atão iua auikiniri Teoso sãkire. Ikamakiti oerekari isãkire atão inini. Hĩxinikari iua. Atão ikamari Teoso paniãtakiti, ininiã atão iua auikari Teoso sãkire. ²³ Ininiã Teoso sãkire iõkatsopatakori apokapeka. Itxari: Apraão auikari Teoso sãkire, ininiã Teoso txĩkitakari iua atão inakari ikamini, Teoso apakap-iniri ikapani.

Ininiã iua akiritaãka Teoso moianari. ²⁴ Ininiãkara ia himarota. Teoso kamaerekatari kãkiti ãkixinire isãkire iaõka ikamakasaaki. Kona Teoso kamaerekatari kãkiti ãkixinire, isãkirenoka auakasaaki. Inirekari atamatiniiri kãkiti parĩka apaka.

²⁵ Ato atão Teoso sãkire auĩkaro nisãpiretai hĩte. Kitxakapirĩka kanokarero Haapi inakoro aua. Teoso kamaerekatari oa ãkixinire, kotxi oa apakapana Xosoeo iokanatakini otixine apokasaakina. Oaãpoko okipatana nino. Iuasaaki oa oerekana ãti kimaporiti imitekinina ikapani.

²⁶ Kãkiti ĩtoã ixinire mauakanisaaki, iua ipĩpe. Iua !kakamareri. Ininiã iua atokokana iua sãkire iua auĩkiti ipinakari atoko, erekari imakamakanisaaki. Iua auĩãkitinani, isãkirenani, limaktxakari imaerekani.

3

Kãkiti Nini Pirena

¹ Nitariakori, ! apakata itori hĩte Teoso sãkire oerekakani hininiua, kotxi ate Teoso sãkire oerekakani maerekati akamakasaaki, apiata Teoso misiritaua ate. ² Amakinika ate kerokapanikari. Kãkiti makerokakaniãri isãkire, ininiã erekari iua. !Auiritari ĩto kaminiri maerekati.

³ Anirekasaakiri kavaro kĩpitiniri anireẽkiti, atakari inamaã metaoke ĩpiriãketakari. Ininiã iuasaaki ikamariko anireẽkiti. Ia metaoke axapitikeri, iuaritika aposotari akakiriokiniri kavaro, ininiã isari anirekinimoni.

⁴ Apaka hĩxinikaroko maporo. Maporo mitaro. ĩtima kataparari anikaro. Maporo oerekakere axapitiki, iuaritika kãkiti kakiriokaro maporo oerekakireẽ, ininiã maporo sari kãkiti nirekinimoni.

⁵ Iua atokokana, aĩtoã auakari anini apaka axapitiki, iuaritika iposotari iteene maerekati ikamini. Hĩxinikariko. Xaminaminiki axapitiki, iuaritika iposotari iotikiniri itori kikio.

⁶ Iua atokokana ninitxi. Xamina tirinakari atoko itxa, ininiã kona erekari. Maerekati ninitxi sãpiretakiti. Iarika kãkiti xinireẽ ikinika, xamina ĩtopa iarikini atoko. Ininiã iua maerekatinoka itxa, ininiã ikinipoko ikamakiti maerekatinoka. Maerekani misiritikoãtaã ĩkari itxa asãkire maerekati. Xamina tirinakari iuaãtaãkiri atoko itxa asãkire maerekati.

⁷ Kãkiti piratarari ikini sereti kaxipiri ĩtopakiri, kotipiriki, imini, iaã auakari pakini. Itori kãkiti piratapeka. ⁸ Txamari ninitxi paneenamari. Kãkiti !iposotari imĩkapiritiniri inini. Kona ikamari anireẽkiti. Imini katiĩri atoko itxa. Imini tsiĩ posotari okiniri kãkiti. Iua atokokana, kãkiti sãpiretakiti posotari okiniri kãkiti.

⁹ Anini posotari isãpiretiniri erekari aĩri aãũtemoni. Apaka iposotari maerekati isãpiretini kãkitimoni. ĩkora atoko !erekari, kotxi Teoso kamari kãkiti iuaka atoko inakari ikapani.

¹⁰ Anamaã potorika erekari, maerekati pakini. Nitariakori, ia koketakori na atão. ! Apakata. ¹¹ Amomo !posotari ãparaã ponikoãri, posiãri pakini otĩkitakini. ¹² Nitariakori, atauako mãka mina iritari !õpeta? Atauako iõpeta mina iritari mãka? Konapitini. Apaka amomo ãparaã ponikoãri !auari ãparaã maxiãri pakini. Iua atokokana kãkiti sãkire. !Apakata kãkiti ãti õti isãkire ereka inini, ãti õti isãkire maerekati inini.

Imaroretxi Pirena

¹³ Kiripa kimaroreri hĩte sauaki auakari? Kãkiti atão kimaroreri inakari, oerekari imarore ikamakiti erekari ikamakasaaki. Erekari ikamakasaaki, !iuikaua, kotxi atão imaroretxi auiniã kãkitimoni, ! auiritari iua iuikiniua. ¹⁴ Txamari pinĩkatiniãri xikoretxi paxixiri pãkixinireẽ, piteka nireẽkitinani pinirekiniã pãkixinireẽ, kona pitxape: “Kimaroreno nota.” Iuasaaki kona pikipatapiri atão inakari. ¹⁵ ĩkora pimarore !iaxitikirini. ĩkorapokoritikirinokara ikara pimarore. Ikara pimarore piĩto nireẽkitikara. Imaroretxi ikara atoko inakari Satanasi oerekakiti. ¹⁶ Xikoretxi auakasaaki, piteka nireẽkitinani pinirekini auakasaaki, ikara atoko inakasaaki, neenamatinokana aua, ikini sereti maerekati aua apaka.

¹⁷ Imaroretxi iaxiti ikari kona ikara atokoni itxa. Iua imaroretxi imarotakari, erekari-noka ikama. !Nirekari neenamatzxi. Merepitipanika ixinikari apanakini kākiti nireēkiti. Apiananiri nireēkiti ikama. Iamonīkari āti. Erekarinoka ikama ātimoni. Apiarimoni isākire atokotxikana isākire poiāorimoni. Ikamakiti isākire iaōka itxa. ¹⁸ Kauārerī ōtākikari apanakini imaneenamauatakani, ininiākara itori kākiti kamari atāo inakaranoka.

4

Īkorapokoriti Auakani Nireēkiti !Hinirekape

¹ Neenamatzxi auakasaaki hītemoni, hītxitakakasaakiaua, nāpa ikara atoko inakari potorika? Hākixinireē ipotorika neenamatzxi. Hinireēkiti maerekati xika hineenamauata. ² Hinireēkiti kona hāpakapa, ininiā hōkari āti. Iteene hinirekari āti nakiti, txamari !hāpakapari hinireēkiti. Hītxitakakaua. Hineenamauata. Txamari kona hāpakapari hinireēkiti. Kona hamanaāri Teoso hinireēkiti hāpakapini ĩkapani. Ikara xika kona hāpakapari hinireēkiti. ³ Atxiīti Teoso hamanaākasaaki, kona hāpakapari hinirekakiti, kotxi hamanaākasaaki, maerekati hīxinikapanika. Hinirekari hāpakapiniri hamanaākiti hītenani ĩkapani, hītenoka poxokoniuatini ĩkapani. Ikara xika Teoso !isikai hinireēkiti.

⁴ Kanokarero, kanokareri pakini atoko hītxaua. Hīte takanapari Teoso, ĩkorapokoriti auakaninoka hītiretini ĩkapani. Hītiretiniāri ĩkorapokoritinoka, iusaaki homanatarī Teoso. Hinirekiniāri ĩkorapokoriti auakani nireēkiti, ininiā Teoso mokaiakari hītxaua. ⁵ Kona maxikatīlka Teoso sākire iōkatsopatakori sāpiretaua ia atoko inakari:

Erekari Matamatakoti aākixinireē auakari nirekari iteene anirekiniri Teoso tīretiniua. Iua !nīnīrekarī anirekiniri ĩkorapokoriti auakaninoka tīretiniua.

⁶ Teoso sikari iteene erekari atemoni, kotxi Teoso sākire iōkatsopatakori txari:

Teoso ! apokaerekatari kākiti iuikakanua. ! Imoianatana nino. Kākiti miuikakanua, ikinipoko erekari isika ninoamoni.

⁷ Ininiā hāuiritariko Teoso hīauite ininiua. Iua nireēkitinoka hīkamako. Kona hīkamapiri Satanasī nireēkiti. Kona hīkīpitapiri iua sākire, ininiā eereka iua miteka. ⁸ Teosomoni hāpokako, ininiā iua apoka hītemoni. Maerekati kamakani hininiāua, hītakanapariko hīmaerekani. Kona hāuiritapiri hīuako kaminiri maerekati. Hītepekana, hīte sākire ipinimoni itxa. Hākixinire xinīkakiti ipinimoni itxa. Ininiākara hīokanatariko maerekati hākixinire auakari, erekarinoka kaikotini ĩkapani. ⁹ Himatinaniuatako, hītxiapatako iteene, maerekati hīkamakiti xika. Hītakanapariko hīsiroatini hītxiapatini ĩkapani. Hītakanapariko hīpoxokoniuatini himatinaniuatini ĩkapani. Ikara atoko hīkamako, maerekati hīkamakiti xika. ¹⁰ Apiananirimoni hītxariko: “Nīmaerekani xika !erekano nota. Minakiti nitxaua. !Nīposotari erekari nikamini. Pīamonīkano,” hītxariko Teoso. Eereka iua sikataparaxiniretai hīte.

!Hīmīsākīrepiretapiri Hītari

¹¹ Nitariakori, ! himīsākīrepiretakapeua. Āti misākīrepiretiniāri āti, kona ipaxitari Teoso paniātakiti. Āti akiritiniāri āti: “Maerekati kamakari,” akiritari Teoso paniātakiti: “maerekati.” Ikara atoko inakasaaki, iuamoni iuaka sākire apiata, ininiā iua !ikamari Teoso paniātakiti iaōka. ¹² Teosonokara atāo inakari imarotakari aua. Iuanoka posotari isāpiretiniri kākiti: “Pīte kamakiti kona erekari. Pītepekana kamakiti erekari.” Iuanoka posotari ikara atoko inini, kotxi iuanoka posotari kākiti maerekani imaktxakini. Iuanoka posotari iokanatiniri kākiti imisiritikomoni. !Apakata ikara atoko hīte ininiri apanakini.

Katana Kamaenetakori

¹³ Atxiīti hīte txari: “Atxiīti uatxa, atxiīti katana asa sitatximoni. Anapariko ātikanani iuaāta. Aparīkauata itomane txineiro aāpakapini ĩkapani,” hītxama. ¹⁴ Txamari kona himarotari katana auakari tīkane. Kanatokopa itxa kākiti? Ianī atoko itxa kākiti. Ianī apoka, eereka patimari ixipokini. Ikara atoko kākiti auini. ¹⁵ Apiaerekata hīsākire ia atoko hinini: “Teoso nirekiniāri, nauapanika ninakasaaki, nikamariko ikara parīkatxi,” hītxako. ¹⁶ Ikara atoko himasākīrauatakaniā, hīuikaua, kotxi hīuikari hīkamakiti tīkane. Maerekati ikara atoko inakari. ¹⁷ Ininiā erapaniko. Kākiti erekari imarotakani makamakaniāri ikara erekari imarotakiti, ikamari maerekati.

5

Katiiri Pirena

¹ Hīkenakotariko nisākire. Ikinika katiirini kapotxinanirini hīkenakotariko nisākire. Hītxiapatako. Hākiripoatako, kotxi itori hātatsiire apokako hītemoni. ² Hītii paiakepeka. Kapite nikapekari himāka. ³ Hinakiti oro kamakori, pīrata kamakori pakini oereēkatapeka. Ikara oerekari hīkamakiti !apakata. Hītii xipokini atoko, hīte apaka xipokako. Apiata hīmīsiritiko. Maxikatīlka hāpotiitari hītii, kotxi itixi xipokini ōti apokanapanoka. ⁴ Himarotariko ia.

Kăkiti hĭte kikioteĕ parĭkauatakasaaki, himisirienetana ninoa. Na atăo hiĭkitxitana iparĭkana ĭki. Ininiă ninoa akiritari Teoso. Iuasaaki Apiananiri kaposotiĕreri kenakotari ninoa săkire. ⁵ ĭkorapokoriti hăuakasaaki, ĭkinipoko aua hĭtemoni. Hiamotari ĭkinika hĭto potxitakiti. Kăkiti sikari kema auĭte ito kienatxi, okiko ōti manapi paĭperi inini ĭkapani. ⁶ Hĭte iokanatapekari kăkiti erekarini ipininimoni. Hŏkapekana ninoa maxikatĭka. Ninoani kona naiatai hĭte, iuaritika hŏkana ninoani.

Apiananiri Kanapiriini Hiătapini

⁷ Nitariakori, atxiĭti hĭtemoni ! katimari Apiananiri kanapiriini, iuaritika hiătapariko hĭpoxokoniritika, kotxi himarotapitikari âti ōti iua kanapiriini. Hĭxinikariko katakareri. Iua iătapapikari itakare aneini, ikiena iposope inikini ĭkapani. Iătapari âparaă kipini itakare aneini ĭkapani. Iua imarotapitikari ikiena aneini, ininiă iătapari. ⁸ Iua atokokana hiătapariko Apiananiri kanapiriini. Hiătapaxinireritika hiătapari, kotxi Xesosi kaiamapeka ikanapiriini. ⁹ Nitariakori, kona hĭxtitakapeua. Hĭxtitakakiniăua, hăpakapariko himisiritiko. Kăkiti misiritiko mereĕkari kaiamapeka apokini hĭtemoni.

¹⁰ Nitariakori, hĭxinikariko Teoso săkire săpiretakani, kitxakapirĭka auakani, săpiretari Teoso săkire Teoso posotiĕre. Ninoa misiritaăka, iuaritika ninoa mĭteenekari imakinika. Ninoa oerekaua amĭteenekiniri imakinika. ¹¹ Ari, aimarotari Teoso takari erekari misirikaretxi mĭteenekanimoni. Hĭxinikari Xo inakori. Iua iteene atatsiirauata, iuaritika, !itakanapari Teoso. Atatsiirauataka atoko, Apiananiri sikari ikini sereti erekari iuamoni, kotxi kati-raŏkiri, kaamonĭkareri itxaua iua.

¹² Nitariakori, “Ari,” hinakasaaki, “Kona,” hinakasaaki, kona maxikatĭka hĭsăkirauatape. Hĭkamariko hĭsăpiretakiti iaŏka. Hĭkamaenetakiti hĭsăpiretakasaaki, kona hăkiritapiri Teoso tixine auakani uăka, kona hăkiritapiri itixi auakani uăka, hĭsăpiretakiti apanakini atăo imarotini ĭkapani. Na atăo hĭsăkire ininiă, Teoso misiritapitikai.

Teoso Misăkiretiko Kăkiti ĭkapani

¹³ Hătatsiirauatakasaaki, himisăkiretariko Teoso. Hĭpoxokiniuatakasaaki, hĭxikarauata Teoso ĭkapani. ¹⁴ Âti amianatakasaaki, hĭpĭkapiretanako kŏtăkikarerini Xesosi săkire auĭăkani Teoso imisăkiretinina amianatakari ĭkapani. Iuasaaki itakarina ĭtxi iua amianatakari nopini Apiananiri uăkaă. ¹⁵ Hăuikiniări Teoso posotiĕre himisăkiretakasaaki Teoso, iua makananitapitikari iua amianatakari. Ininiă Apiananiri ōkitikariko iua. Maerekati ikaminiă, Teoso makatxakari imaerekani apaka. ¹⁶ Ininiă hĭkerokakiti hĭsăpiretakakauako. Himisăkiretariko Teoso âti ĭkapani. Ininiă apanakini misăkiretariko Teoso hĭte ĭkapani. Iua atokokana, Teoso txĭkitakari hăkixinire ereka inini. Atăo inakarinoka kamakari săkire kataparari, Teosokata isăkirauatakasaaki, kotxi Teoso kamapitikari iua amanaăkiti iaŏka.

¹⁷ Kitxakapirĭka Erĭasi inakori, atĕ atoko inakari iua. Iua misăkiretari Teoso itapararitika âparaă makipakani ĭkapani. Ikara atoko inakasaaki, âparaă !ikipa ipi âti pakini anokanani, seĭsi kasiriti. ¹⁸ Iuaĭkana imisăkiretari Teoso âparaă iuaĭkana ikipini ĭkapani. Ininiă âparaă kipa. Iuaĭkana itixi iriuata.

¹⁹ Nitariakori, âti takanapiniări atăo inakari Teoso săkire, hŏtăkikariko iua Teosomoni ikanapiriini ĭkapani. ²⁰ Maerekati kamakari takanapiniări imaerekani, iua pŏtăkikasaaki, ininiă pite makatxakapekari iua ipinini. Teoso makatxakari ĭkinipoko maerekati ikamakiti.

1 PETRO

Merepanika Petro Iokanatsopatakiti

¹ Petro nitxaua nota. Xesosi Kristo iokanatakiti nitxaua. Niokanatsopata hïte Xesosi sãkire auïãkanimoni. Hïte iarikape Põto tixiniã, Karásia tixiniã, Kapatósia tixiniã, Ásia tixiniã, Pitxínia tixiniã pakini. Hítakanapari hïteka tixine Xesosi sãkire hãuikini xika. Áti uãkakata hãuanãta.

² Aïri Teoso mereëi hïte iua nakitiakori hininiua ïkapani. Itixi kamiko apisa, iua imarotapekari hïte iua anaakori hininiua. Erekarì Matamatakoti parïkauata hãkixinireë Teoso nireëkitinoka hïkamini ïkapani. Ininiã uatxa hïposotiire aua Xesosi Kristo paniãtakiti hïkamini ïkapani, kotxi Xesosi Kristo arëka xikepoata hïte ïkapani. Teoso sikari ïkinipoko erekarì hïtemoni. Itori isikai. Iteene ikamaerekaxiniretai.

Kãkiti Maerekani Makatxakiko

³ Mamisãkiretari Teoso: “Peerekai pite. Aãuïte Xesosi Kristo Teosone pitxaua. Iua iri pitxaua,” matxari. Maerekati kamakanuia, iuaritika iteene iamoniãkaua. Itxïkitakari axinire iuaïkana iponaniini, kotxi Xesosi Kristo ipina, iuaritika iuaïkana õkitikaua. Ininiã ïkiniõtika aimarotari Teoso kaminiri ïkinipoko ikamaenetakiti. ⁴ Iuaïkana axinire iponaniã, ininiã iua anaakori atxaua. Ininiã aïri potetakiti erekarì aua itixineë aãpakapini ïkapani. Ikara ipotetakiti lixipoka. !Oerëkata. Auapika. Teoso nïkatari ikara hïte ïkapani.

⁵ Hïte auikari Teoso sãkire, ininiã iposotiire tokapakeëtai hïte. Hïte itokapakeëtiniritika Xesosi kanapiriãko xipokatxi õtisaaki. ⁶ Ikara himarota, ininiã iteene hïpoxokoniuta. Uatxa atxïti ! erekaxinirei hïte, kotxi ikini sereti maerekati apoka hïtemoni. ⁷ Ikini sereti himaxikiko apoka hïtemoni, kotxi iuasaaki Teoso aimarotari atão hãuikiniri iua sãkire, himïteekiniãri himaxikiko. Iuasaaki Teoso ataerekatai hïte, oro ataerekatiko atokokana. Kãkiti axitaro oro otxiko makatxakiko ïkapani, oronoka kaikotini ïkapani. Iuasaaki peerekaro. Pakarono. Iuaritika ãti õti oxipokaãkako. Erekaro oro, iuaritika apiaerekata hãuikiniri Teoso sãkire, kotxi isãkire hãuikini ! ixipoka. Xesosi Kristo kanapiriãkasaaki ïkorapokoriti, Teoso sãpiretaiko hïte: “Erekarì hãuikiniri nisãkire, kotxi himïteenekari ïkinipoko. Peerekai hïte,” itxalko hïte. Iuasaaki hïto iotximere aua Xesosi iotximere atokokana.

⁸ Hïte kona aõkitapanikari Teoso, iuaritika hïtiretari iua. Kona hãtamatapapanikari, iuaritika hãuikari iua sãkire. Ininiã hïte iteene poxokoniuta. Kãkiti sãkireë ! apakata hïsapiretiniri hïpoxokoni. ⁹ Hïpoxokoniuta, kotxi himaerekani makatxakaãkapeka. Ininiã hïxinire ! ipinaika, kotxi hãuikari Xesosi sãkire.

¹⁰ Kitxakapiriãka Teoso sãkire sãpiretakani nirekamari imarotininina kãkiti maerekani makatxakiko. Initarina ikara imarotininina Teoso sãkire iõkatsopatakoriã. Iteene apa-iaõkarauatana ikara imarotininina ïkapani. Ninoa sãpiretari ikara erekarì, Teoso ãti õti sikiniri kãkiti. ¹¹ Inirekarina imarotininina ikara erekarì apokini õti. “Kisaakipa apoka atxïti? Natokopa itxa apokini?” itxanãtana. Iuasaaki Erekarì Matamatakoti oerekana ninoa ãkixinireëna Kristo atatsïrauatinini ïkane. Oerekana ninoa Kristo atatsïrauatinini xipoka atoko, ïkinimane auïte itxauako. Peerekari iuasaaki. ¹² Kitxakapiriãka Teoso sãpiretari ikamakiti ïkane isãkire sãpiretakanimoni, kona ninoanoka imarotini ïkapanini. Ninoa sãpiretari Teoso kamakiti ïkane hïte ïkapani, kotxi uatxa apokapeka ninoa sãkire iaõka. Kitxakapiriãka Teoso sãpiretari ikamakiti ïkane ninoamoni, ate uatxa imarotini ïkapani. Teoso iokanapirena erekarì sãpiretakani sãpiretapikai uatxa ikara Teoso sãpiretakiti kitxakapiriãka. Teoso paniãtari Erekarì Matamatakoti potoriãkini itixine uai apokini ïkapani. Erekarì Matamatakoti posotiireë ninoa sãpiretari Teoso iokanapirena erekarì. Teoso nitiriakori iaxitikini iteene nirekamari imarotininina hïte imarotakiti.

Ereka Hïtxako

¹³ Ininiã iposope hïtxako hïxinikiniri atão inakari hïkamini. !Hïkamapiri maerekati hïto nireëkiti. Iteene hãuikariko hãpakapiniri ïkinipoko erekarì Teoso sikakiti Xesosi Kristo kanapiriãkasaaki. ¹⁴ Amarini kaminiri iri paniãtakiti atokotxikana, hïkamariko Teoso paniãtakiti. Xesosi sãkire himimarotakanisaaki, hïkamari maerekati hinireëkiti. Uatxa ! hïkamapinikariko. ¹⁵ Hïte akiritakari kamari erekarinoka, ininiã iua atokokana erekarinoka hïkama ïkiniõtika. ¹⁶ Teoso sãkire iõkatsopatakori txari: Erekarinoka hïkamako, kotxi nota kamari erekarinoka, itxa Teoso kitxakapiriãka.

¹⁷ Himisãkiretari hïri iaxiti auakari. Atãonoka ikaminana ïkinimane kãkiti ipariãkana atamatakasaaki. Ininiã kãkiti kamakasaakiri maerekati, aïri misiritiniri ãti atokotxikana, imisiritari ãti. Himitekini ! auari. Hïxinikariko, haãpoko atão inakari ïkorapokoriti ! auari.

Teoso tixineë aua haãpoko. Ininiã ïkorapokoriti hãuakasaaki, iteene hïpaxitariko Teoso. Hïpãkariko iua manirekakiniti hïkamini. ¹⁸ Mitxi !apakata hãuini, kotxi iuasaaki hïkamari hãtokiriakorini sãkire iaõka. Uatxa Xesosi oerekaï ätião hãuini, kotxi iamotai hïte, iua nakitiakorini hininiua ïkapani. Himarotari iamotini. !Iamotai pirataã. !Iamotai oroã. !Iamotai txineiroã, kotxi pirata, oro, txineiro pakini xipokako. ¹⁹ Kristo arëkaã iamotai hïte, kotxi ipikasaaki iamotai hïte. Peerekari iua arëka, kotxi iua arëka makatxakari amaerekani. Soti auïte erekari atoko itxa Kristo. Kona maerekati aua iuamoni. ²⁰ Itixi kamiko apisa, Teoso mereëri iua. Iua apoka uai himaerekani imaktxakini ïkapani. ²¹ Xesosi txïkitakai hïte auïkiniri Teoso auini, kotxi Teoso iuaïkana õkitikari Xesosi ipïkani sauaki. Iuasaaki isãpiretari Xesosi ikinika ikamakiti ereka inini. Ikara atoko ininiã, hãuikari Teoso sãkire. Himarotari isãkire iaõka ikamini. ²² Erekari Matamatakoti oerekapekai atão inakari, ininiã uatxa hïkamari atão inakari. Ikara atoko ininiã, hãixinire erekari. Ininiãkara atão hïtoretari hïtariakori. Ininiã iteene hïtoretakakauako hãixinireë.

²³ Hïte xinire iuaïkana iponaniãpeka. Teoso sãkireë hïxinire iponaniã iuaïkana. Teoso sãkire auapika. !Xipoka. Ininiã iua anaakori hïtxaua. Hïri ïkorapokoriti auakani xipoka. Hïri iaxiti auakari !ixipoka, ininiã hïte iua anaakori !ixipoka apaka. ²⁴ Teoso sãkire iõkatsopatakori txari:

Kãkiti katsotati atoko itxa. Katsotati païtiki ipinini. Iua atokokana patimari kãkiti ipina. Ikinika erekari ikamakiti, aãui atoko itxa. Aãui patimari ipinini. Iua atokokana patimari kãkiti kamakiti xipokini.

²⁵ Iuaritika Teoso sãkire auapika. !Kaxiporeri, itxa Teoso sãkire iõkatsopatakori. Teoso sãkirepitikara sãpiretaãkapeka hïtemoni, hïkenakotakasaakiri Teoso iokanapirena erekari.

2

¹ Ininiãkara hïtakanapariko ikinipoko maerekati hïkamakiti. !Himisirienetapiri äti. Hïkamariko hïsãkire iaõka. !Hïxikotapiri äti. !Himisãkirepiretapiri äti. Ikinini sereti maerekati kãkiti kamakiti hïtakanapako.

² Hinirekariko Teoso sãkire makoketakoti. Tinitxiã imi axapitiri nirekini atokokana, hinirekariko Teoso sãkire. Teoso sãkire hãpakapakasaaki, himaroãpotari iua, ininiã apiaãpota hãuïkiniri iua sãkire. ³ Kotxi uatxa himarotapekari Apiananiri ereka inini.

Kai Atoko Itxa Xesosi

⁴ Ininiã hïsako Xesosimoni, kotxi auapika inakari itxaua. Kai aapokotxi kamakari manirekakiniti atoko itxa Xesosi. Kãkiti !inirekari iua. Iuaritika Teoso mereëri iua. Teoso tiretakiti itxaua Xesosi. ⁵ Hïte apaka kai atoko hïtxaua Teoso aapoko ïkapani. Itxïkitakari hïxinire auãki inini, kotxi iua nakitiakorini hïtxaua. Ininiã, Teoso aapoko atoko hïtxaua. Ininiã iua aapoko äki sasetotxi hïtxaua, iua ïkapani hïparïkauatini. Ininiã hïsïkariko iua amanaãkiti, iua nireëkiti. Iua apakapariko hïsïkakiti, kotxi Xesosi Kristo makatxakapekari himaerekani. ⁶ Teoso sãkire iõkatsopatakori txari:

Hãtamata. Nitakari kai Sião sitatxitiã. Iua kai apiari, Teoso mereëkiti. Apiaerekata iua. Iua kai atoko inakari sãkire auïãkani !ipëtauata, itxa Teoso sãkire.

⁷ Iua kai atoko inakari itxaua Xesosi. Peerekari Xesosi hïtemoni, kotxi hïte auikari iua sãkire. Äti iua atoko inakari !auari. Txamari isãkire makïpitakani !inirekari iua. Teoso sãkire iõkatsopatakori txari:

Aiko kamakani txari: “!Apakata ia kai. !Anirekari.” Iuaritika iua kai apiari. Itakaãka aiko kamikosaaki, apanakini kai soro maïkakari ininiua ïkapani.

⁸ Iuaïkana Teoso sãkire iõkatsopatakori txari:

Iua kai xika kãkiti maïkitita. Iua kai xika kãkiti irika, itxa Teoso sãkire. Imãkititana, kotxi !auikarina Teoso sãkire. Teoso txïkitakana ninoa irikini, kotxi !auikarina iua sãkire.

⁹ Hïtepekana, Teoso mereëkini hïtxaua. Sasetotxi hïtxaua. Hïparïkauata Apiananiri ïkapani. Hïte makatxakaãka maerekani sauaki erekarinoka hïkamini ïkapani. Teoso nakitiakorini hïtxaua. Imereëi hïte iua ereka inini kãkiti hõerekini ïkapani, kotxi ipiã hãuakasaaki, iuara akiritai hïte ipiãã hïtakanapini ïkapani. Itakai ikamaraã atão inakari himarotini ïkapani. Peerekari iua kamara. ¹⁰ Mitxi Teoso nakitiakorini !hïtxaua. Uatxa Teoso nakitiakorini hïtxapekaua. Mitxi Teoso !amonïkapanikai. Uatxa Teoso amonïkapekai.

Teoso Nitiriakorini Iamotakoni Pirena

¹¹ Nitiretakini, uai itixi hãuakasaaki, äti tixinikini atoko hïtxa. Atão hãapoko Teoso tixine aua. ïkorasaaki hïsaãpota hãapokomoni. Ininiã ikinini nixinireritika nõtãkikai hïte himakamari maerekati hïto nireëkiti. Hïto nireëkiti hïxinire mokaiakari atoko itxa. Hïto !

inirekari h̄xinire nireēkiti. ¹² Teoso sākire mauīākani sauaki h̄aukasaaki, ikiniōtika erekari-noka h̄kamako. Atxiiti ninoa maxikatūka apoītai maerekati h̄kamini, iuaritika iuasaaki ninoa imarotari erekarinoka h̄kamini. Ininiā Teoso ketotini ōti manapi iua oerekariko atāo inakari ninoamoni. Ininiā iuasaaki ixinikarinako erekari h̄kamakiti. Ininiā itxarinako Teoso: “Peerekai pite,” itxana.

H̄tkamariko H̄īauīte Paniātakiti

¹³ H̄tkamariko kākiti auītetakini paniātakiti, kotxi Apiananiri nirekari ikara atoko h̄kamini. Ikinimane h̄īauīteakori paniātakiti h̄kamako. H̄īauīte apiari paniātakiti h̄kamako. ¹⁴ H̄īauīte poiāori paniātakiti apaka h̄kamako, kotxi h̄īauīte apiari paniātana h̄īauīte poiāorini maerekati kamakani imisiritinina īkapani. Ipaniātana ninoa isāpiretinina erekari kamakani: “Erekapitakari h̄kamakiti.” ¹⁵ Teoso nirekari h̄kaminiri erekari, ininiā iuasaaki mīlkiteni !iposotari imisākirepiretinii h̄ite. !Kasākirena iuasaaki, kotxi apanakini imarotari erekarinoka h̄kamini. ¹⁶ H̄iposotari ikinipoko hinireēkiti h̄kamini, kotxi Teoso sikakai h̄ite. Iuaritika kona hinirekapiri maerekati h̄kamini. Teoso nitiriakori h̄itxaua, ininiā iua paniātakitinoka h̄kamako. ¹⁷ H̄ipaxitariko ikinimane. H̄itiretanako ikinimane aītariakori Teoso sākire auīākani. H̄īpikariko Teoso. H̄īpaxitariko h̄īauīte apiari.

H̄tkamariko H̄īpatrāote Paniātakiti

¹⁸ Nitiritxiakori, h̄tkamariko h̄īpatrāote paniātakiti. H̄īpaxitariko iua. Atxiiti iua tiretai. Atxiiti imisirital. Iuaritika h̄īpaxitariko iua. ¹⁹ Erekapitakari himīteenekiniri kākiti misiritinii maxikatūka. Himīteenekiniāri, Teoso nireēkiti h̄kamini īkapani, erekapitakari. ²⁰ Erekarī h̄īpatrāote misiritinii h̄ite, maerekati h̄kamakasaaki. Iuasaaki himīteenekiniri himisiritiko kona txīkitakari Teoso apokaerekatinii. Erekarī h̄kamakasaaki, himīteenekiniāri himisiritiko, iuasaaki Teosomoni erekapitakai.

Kristo Misiritiko

²¹ Teoso akiritai h̄ite inakitiakori hininiua īkapani, himisiritiko himīteenekini īkapani. Kristo misiritaāka h̄ite īkapani, ininiā iua nirekari amīteenekiniri amisiritiko iua misiritiko imīteenekini atokokana.

²² Maerekati !ikama. !Imisirenetaari āti.

²³ Ninoa misākirepiretakasaakiri iua, !apakapaenetana. Imisiritakasaakirina iua, !itxitana. !Isāpiretanana imisiritinina imaerekanina xika. Iua auikari iri nūkatiniri iua, kotxi atāonoka kamakari itxaua Teoso. Atāo imarotari kākiti kamakiti. ²⁴ Aamina īpiriāmītakari nopini Xesosi ito misiritaāka ate maerekani xika. Ipina ate īkapani, apikomoni maerekati akamini amanirekani īkapani. Inirekari anireēkiti maerekati ipīkari atoko inini. Itxīkitakari axinire auāki inini atāo inakarinoka akamini īkapani. Xesosi karo txīkitakaua erekape anini. ²⁵ Xesosi himarotini apisapanika, soti auīte pīpīnanakakani atoko h̄itxa. Uatxa h̄īkanapiriāpeka h̄īpitikirimoni. H̄īxinire nīkatarimoni h̄āpokapeka uatxa.

3

Taniritxi, Tanorotxi Pakini Ōtākikiko Pirena

¹ Nitiritxi kaminiri ipatrāote paniātakiti atokokana, h̄ite tanorotxi h̄tkamariko h̄itaniri nireēkiti. Atxiiti h̄itaniri !auikari Teoso sākire, ininiā erekarinoka h̄kamako. Atamatakasaakirina erekari h̄kamakiti, ninoa auikari Teoso sākire. H̄īkamakiti erekari txīkitakana auikinirina Teoso sākire. H̄īsākirenoka !itxīkitakana auikinirina. ² Maerekati himakamakanisaaki ikiniōtika, Teoso iteene h̄īpaxitiniā ikiniōtika, iuasaaki ninoa auikari Teoso sākire atāo inini.

³ Apanakini sito xinikapikari oīako oōeretini, oro oītoā otakini, omāka ereri oieretakini, oīto ere inini īkapaninani oxinika. Sito erero !oxinikari ikaranani. ⁴ Sito erero oākixinire ereri apaka. H̄ākixinire ereri inakasaaki, ikara ereri !ixipokapani. H̄ākixinire ereri inakasaaki, !h̄itxitapiri h̄itaniri. H̄īkamari iua nireēkiti. Teosomoni apiaerekata h̄ākixinire ereri inini.

⁵ Kītxakapirīka sitoākini ererini, Teoso sākire auīākani, ikara atoko inakani. Ninoa ākixinire erekari, kotxi ikīpitarina itanirina sākire. ⁶ Sara inakoro kamari Apraō sākire iaōka. Oa kamari Apraō paniātakiti, kotxi oamoni oa auīte itxaua Apraō. Sara anaakoro atoko h̄itxaua atāonoka h̄īkaminiā, himapīkarauatakaniā.

⁷ H̄ite taniritxi, iua atokana h̄xinikariko erekari h̄īkaminana h̄itanoro. H̄īpaxitaroko h̄itanoro, kotxi !katapararo. Oa apaka h̄itekata apakapariko Teoso sikakiti erekari. Iua txīkitakai h̄īapininiika hinini iuakata. H̄itiretaroko h̄itanoro, ininiā Teoso kenakotariko himisākiretiniri iua.

Himisiritiko Pirena

⁸ Ia nisākire mapotōkire nisāpiretai. H̄īxinikakiti ātika xinikakiti atoko h̄itxako. H̄īamonīkakuako. H̄itiretariko āti, h̄itari h̄itiretini atokotxikana. H̄īkamarioko erekari ātimoni.

! Hīuikapeua. ⁹ Āti kaminiāri maerekati hītemoni, ! hīkamapiri maerekati iuamoni. Āti misākirepiretakasaakii, kona hīte misākirepiretapiri iua. Āti kaminiāri maerekati hītemoni, iuasaaki hamanaāri Teoso sikiniri erekari iuamoni, kotxi Teoso paniātai ikara atoko inakari hīkamini, erekari Teoso sikakiti hīte apaka apakapini ikapani. ¹⁰ Teoso sākire iōkatsopatakori txari:

Pinirekiniāri pauini ereka inini, pinirekiniāri ikiniōtika pipoxokoniuatini, ! pauiritapiri pisākire maerekati inini. ! Pimisirienetapiri āti.

¹¹ Pinirekiniāri pauini ereka inini, pitakanapariko maerekati pikamini. Erekarinoka pikamako. Pitakanapariko pineenamauatini. Pinirekariko kākiti auini ereka inini.

¹² Apiananiri nīkatari kākiti atāo inakari kamakani. Teoso imisākiretakasaakina, Teoso kenakotapitikari isākirena. Txamari Apiananiri misiritari maerekati kamakani, itxa Teoso sākire kitxakapirīka.

¹³ Erekarī hīkamakasaaki, kākiti !nirekari imisiritinīi. ¹⁴ Atāo inakari hīkamakasaaki, kākiti misiritinīāi, hāpakapariko erekari Teoso sikakiti. Ininiā ! hīpikapena nīnoa. Maerekax-iniretinoka ! hītxape. ¹⁵ Hākixinireē hītxako: “Teosonoka nīauīte. Apiananiri itxaua. Iua nireēkitinoka nīkamako.” Ikara atoko hītxako. Hāpaiaōkariko Teoso sākire, isākire iteene himarotini ikapani. Ininiā kākiti pimainiāi: “Kinirepa hāuikari Teoso sākire?” Iuasaaki himarotari hāpakapapiretiniri iua. Hāpakapapiretakasaakiri iua, ! hītxitapiri. Hīpaxitariko iua iuasaaki. ¹⁶ Hīsākiraatakasaaki, ! hīsāpiretapiri hākixinire manirekakiniti. Hinirekariko erekari hākixinire nireēkiti hīkamini. Apanakini misākirepiretai. Nīnoa atamatakasaakiri erekari hīkamakiti Kristo paniātakiti, ipētatarī imisākirepiretinīi. ¹⁷ Teoso nirekiniāri hātatsīrauatinī erekari hīkamini xika, ininiā erekari, kotxi iuasaaki hīkamari erekari. Txamari hātatsīrauatinī hīmaerekani hīkamini xika, !erekari, kotxi iuasaaki hīkamari maerekati.

¹⁸ Xesosi Kristo ipina kākiti maerekani imakatzakini ikapani. Iuasaaki iposope imakatzakiniri kākiti maerekani. Iuaīkana !atatsīrauataika kākiti maerekani imakatzakini ikapani. Erekarinoka kamakari ipīpe maerekati kamakani ikapani. Ipīpe, Teosomoni ate anikini ikapani. Ito ipīpe, iuaritika Erekarī Matamatakoti txīkitakari iua iuaīkana auāki inini. ¹⁹ Iuasaaki Erekarī Matamatakoti posotiireē isari ipīkani auiniātaāmoni. Iuaā kateia āki ipīkani aua. Iuaā isāpiretana Teoso misiritinina nīnoa, kotxi iuaka kāiata. ²⁰ Kitxakapirīka nīnoa ipīkani, auākipanika inakasaakina, linirekarina Teoso paniātakiti ikaminina. Iuasaaki Noee kamanātari maporo. Teoso iātapana imaerekanina itakanapinina ikapani. Txamari ! itakanaparina. Iuasaaki poiāonoka !ipina. Oitonoka !ipina, xirataātxi apokasaaki. Teoso nīkatana nīnoa imapinakani ikapani. ²¹ Ikara xirataātxi hīpatxisatiko atokokana. Hīpatxisatiko oerekari kākiti, Teoso makatzakapekai himapinakani ikapani. Hīpatxisataāka hītoākiri txiko makatzakiko !ikapanini, kona maerekati hīkamakiti makatzakiko ikapanini. Hīpatxisatikosaaki, hītxari Teoso: “Nākixinireē nīnīrekari nīkaminiri ikinika pīte nireēkiti iaōka,” hītxariko. Xesosi iuaīkana ōkitikasaakīua, imakatzakai himapinakani ikapani. ²² Iua kanapiriā Teoso tix-inemoni. Uatxa iri kikomoni iitopāka. Iuaā Teoso nitiriakori, auītetxiakori, kaposotiirerini pakini auīte itxaua. Nīnoa ikinika kamari Xesosi paniātakiti.

4

Hīkamariko Ikinipoko Teoso Nireēkiti

¹ Xesosi atatsīrauata iitoā hīte ikapani. Ininiā hinirekariko Xesosi xinīkakiti iaōka hīkamini. Ikara atoko hinirekiniā, hīxinīkakiti sikataparitari hākixinire. Kākiti atatsīrau-atakasaaki iitoā, !nīrekaikari maerekati ikamini. ² Ininiākara ikorapokoritī auakasaaki, !nīrekaikari maerekati iito nireēkiti ikamini. Ikamari Teoso nireēkiti iaōka ikiniōtika. ³ Mitxi maerekati hīkamakiti iaōpe. Mitxi Teoso sākire mauīākani nireēkiti iaōka hīkama. Ikini sereti maerekati hīkama iuasaaki. Iuasaaki hīkamari ikini sereti hīto nireēkiti. Hinirekari āti kākiti iito. Hīpōta. Ikinipoko maerekati hīkama hīpōātakasaaki. Hīkamari kiiniri maerekati. Hīteosonetari kākiti kamakiti, Teoso mauiritakinīti.

⁴ Nīnoa Teoso sākire mauīākani txai: “Kinirepa kona hīpotxitari ate kamakiti iaōka hīkamini? Peerekari akamakiti,” itxaina. Ininiā nīnoa nireēkiti iaōka himanirekani xika, nīnoa misākirepiretai hīte. ⁵ Txamari āti ōti nīnoa apakapapiretariko Teoso, kotxi Teoso iposope isāpiretiniri maerekati kamakani misiritiko. Isāpiretari kākiti auākipanika inakani, apaka kākiti mitxi ipīkani. ⁶ Ininiā Teoso iokanapirena erekari sāpiretaāka kākiti. Uatxa nīnoa ipīpe. Auākipanika inakasaaki, isāpiretaāka nīnoamoni kākiti misiritiko imaerekani xika. Isāpiretaāka nīnoamoni kākiti kaminiri Teoso nireēkiti ākixinireē ikiniōtika.

⁷ Imakinika xipokini ōti imatokotapeka. Ininiā kona hāuiritapiri hīto kaminiri inireēkiti. Araōkire hītxako, ininiā hīposotari hīmisākiretiniri Teoso. ⁸ Iteene hītiretakauako. Ia apiata Teoso nirekakiti. Iteene hītiretakauako, kotxi iteene hītiretinīāri āti, poiāo hīxinikari maerekati ikamakiti. ⁹ Kākiti apokasaaki hāapoko, hīpoxokoniritika hāpakapanako. Kona

hītsoatape hāxixinireē ninoa apokini xika. ¹⁰ Hīkinika hāpakapapekari imaroretxi Teoso parīka hīkamini ikapani. Ikara Teoso sikakiti hītemoni. Ininiā ikara himaroreē hīparīkauata apanakini ikapani. Iuasaaki Teoso nitiriakori erekarini hītchaua. Hīsikariko ātimoni ikini sereti erekari Teoso sikakiti. ¹¹ Hīsākirauatakasaaki, hīsāpiretariko Teoso sākire kākītimoni. Himoianatakasaakiri āti, himoianatariko Teoso posotiereē, ininiā iuasaaki kākiti txari Teoso: “Peerekai pite, kotxi Xesosi Kristo nakitiakori atxaua,” itxari Teoso. Ātipirika ikinimane txapikari Teoso: “Peerekai pite. Ikinipoko posotiiretxi aua pitemoni.” Ameē.

Xesosi Sākire Auiākani Misiritiko

¹² Nitiretakini, ! hītikokape himisiritiko apokasaaki, kotxi ikara ataerekatai. Iteene himisiritiānkako, kotxi ikara atoko inakari apokapitikako. ¹³ Iuasaaki hīpoxokoniuatoko, kotxi Xesosi atatsiirauatape, ininiā hīte apaka atatsiirauatoko. Xesosi kanapiriāksaaki, peerekari iuasaaki. Hīte amatatariko ikara, ininiā iuasaaki iteene hīpoxokoniua. ¹⁴ Kākiti xinitakasaakii hīte, Kristo nakitiakori hininiua xika, hīpoxokoniuatoko, kotxi iuasaaki himarotari Teoso aua hītekata. Himarotari Erekarini Matamatakoti aua hāxixinireē. ¹⁵ Kōkaniri, kīitiriri, maerekati kamakari, āāpirena kamakari pakini ! hītchauape. Ikara atoko inakari hininiāua, apakatapitika hātatsiirauatini, kotxi hātatsiirauata maerekati hīkamini xika. ¹⁶ Iuaritika hātatsiirauatiniā Xesosi sākire hāuikini xika, ininiā iuasaaki erekapitikari. ! Hīpēttauatape. Hītchariko Teoso: “Peerekai pite, kotxi Xesosi nakiti nitxaua,” hītchako. ¹⁷ Apokapeka Teoso anaakori misiritiko ōti. Merepanika Teoso misiritari iua anaakori imaerekaniua xika. Teoso misiritiniāua ate isākire auiākani amaerekani xika, ininiā Teoso iokanapirena erekari manirekakani mitekini ! auari. Iteene imisiritana ninoa. ¹⁸ Kītchakapiriāka Teoso sākire iōkatsopatakori txari: Pamimari atō inakari kamakani sini Teoso tixinemoni. Ininiākara Teoso manirekakani mitekini, maerekati kamakani mitekini ! auari. Imisiritiānkapitikanako, itxa Teoso sākire. ¹⁹ Apanakini atatsiirauata, kotxi Teoso nirekari atatsiirauatini. Ikara atoko hātatsiirauatiniā, iuaritika erekari hīkamapanikako. Hāuikariko ikinipoko kamakari sākire, kotxi iua kamari ikinipoko isākire iaōka.

5

Kōtākikarerini, Ātokoriakori Pakini

¹ Kōtākikarerini nitxaua nota, ininiā nōtākikai hīte kōtākikarerini. Nota amatari Kristo misiritiko. Ikanapiriāksaaki, natamari iua iotximere ikinimane auite inakasaakiaua. ² Ininiā nota ōtākikai hīte. Hinīkatanako Teoso sākire auiākani ereē. Soti auiteakori ipitikirini nīkatini atokokana, hinīkatana. Hīsāpiretanako Teoso sākire, kotxi ikara sikakienatari ninoa āxixinire. Teoso sikana ninoa hītemoni hinīkatiniua ikapani. Atō hinirekariko hinīkatiniua ninoa. Kona hītchauape hāxixinireē: “!Ninirekari ninīkatiniua ninoa, iuaritika ninīkatana, kotxi ikara nīparīka.” Kona hīxinikapiri ikara atoko inakari. !Hīparīkauatape txineiro hāpakapini ikapani. Hīparīkauatoko apanakini himoianatini ikapani. ³ Ninoa auite atoko ! hītchauape. Teoso sikana ninoa hītemoni hinīkatiniua ikapani, soti auiteakori ipitikirini nīkatini atokokana, ininiā erekari hīkamako, hīte kamakiti iaōka ninoa kamini ikapani. ⁴ Ininiā ipitikirini apiri apokasaaki, Xesosi apokasaaki, hāpakapariko hīparīka iki. Iuasaaki hāpakapariko saporīeta atoko inakari. Ikara Teoso sikakiti peerero, ininiā ikara apakapani auapininiua. Amataparinarina Teoso iotximere. Iuasaaki erekari hāpakapakti lixipoka.

⁵ Hīte ātokoriakoripekana, hīkamariko aneēkani paniātakiti. Hīkinika, himoianatakauako. ! Hīuikapeua, kotxi Teoso sākire iōkatsopatakori txari: Teoso iotokakari iuikakanua kaminiri inireēkitina. Iua sikari ikinipoko erekari miuikakanuamoni.

Itxa Teoso sākire. ⁶ Ininiā hīteka poiāotakuako, kotxi Teosonoka kaposotiireri. Iketo manapi Teoso iuikai hīte, erekari hīkamakiti isāpiretiniri ikinimane. ⁷ Maerekaxiniretinoka hinakasaaki, imakinika himaerekaxinire hīsāpiretariko iua. Hīsikariko himaerekaxinireni iuamoni, kotxi iua tiretai.

⁸ Kona hīkamapiri hīto nireēkiti. Araōkire hītchako, kotxi himokaiakari Satanasi inakori ākiti monōkoro atoko itxa. Isaāpota initiniri ikiena. ⁹ Satanasi apokasaaki hītemoni, iteene hāuikariko Teoso sākire. Iuasaaki hītparaxinireritika hāuako. ! Himitekape. ! Hīkamapiri inireēkiti. Himarotari hītariakori ikini itixiti auakani atatsiitini imisiritikona hīte atatsiirauatini atokotxikana. ¹⁰ Hīte atatsiirauatoko poiāonoka, ereka Teoso parīka hāxixinireē iposope ikamini. Iua sikataparaxiniretai. Iteene hāuikari Teoso sākire iuasaaki. Satanasi ! iposotari itxīkitakini maerekati hīkamini iuasaaki. Teoso, ikinipoko erekari sikakari, kamari ikara atoko inakari hīte ikapani. Iua akiritai itixine hīsini, ātipirika hāuini ikapani, iua iotximere ātipirika hātamatini ikapani, kotxi Kristo Xesosi nakitiakori hītchaua. ¹¹ Ātipirika ikinimane txari iua: “Peerekai pite.” Ātipirika ikinimane auite itxaua. Ameē.

Petro Takapiretanapini

¹² Sírası moianatano ia niõkatsopatakiti axapitiri niõkatsopatini hīte ĩkapani. Iua aītari. Iua iteene auikari Xesosi sākire. Niõkatsopata hīte nisikataparaxiniretini ĩkapani. Ninirekari himarotiniiri atāo asāpiretinii erekari Teoso sikakiti pirena. ! Hītakanapapiriko erekari Teoso sikakiti hītemoni. ¹³ Teoso nakitiakori, Papirónia sitatxiti auakani, xinikamanapitai hīte. Teoso mereēna ninoā hīte imereini atokotxikana. Marko, namarite atoko inakari, xinikamanapitai hīte apaka. ¹⁴ Haõkitakakasaakiua, himaratakakauako, kotxi hītiretakakaua. Teoso kamaerekaxiniretai hīte Kristo Xesosi sākire auiākani. Ameē.

2 PETRO

Petro Iuaĩkana Iokanatsopatakiti

¹ Nota Simão Petro nitxaua. Xesosi Kristo nitiri, iua iokanatakiti nitxaua. Niokanatsopata hitemoni, kotxi hite auikari Xesosi Kristo sãkire, ate auikiniri atokotxikana. Peerekari iua sãkire aũuikini. Aũuikari iua sãkire, kotxi atãonoka kamakari itxaua. ATeosone, amaerekani makatxakakari itxaua Xesosi Kristo.

² Himaroãpotakasaakina Teoso, aũũte Xesosi pakini, hãpakapari ikinipoko erekari ninoa sikakiti. Itori hãpakapa. Ninoa iteene kamaerekaxiniretai hite.

Erekari Akamini

³ Teoso posotiireẽ isikaua imakinika anireẽkiti Ikorapokoriti aũuini İkapani, Teoso paniãtakiti akamini İkapani. Aãpakapari iua posotiire, iua aimarotakasaaki. Iua akiritaua iua nakitiakori aninua İkapani. Aãpoka iuamoni akiritakasaakia, kotxi peerekari iua. Aãpoka iuamoni, kotxi erekarinoka ikama. ⁴ İkara atoko ininiã, isikaua apia erekari isikaenetakiti. Isikaenetakiti anirekakiti apiari. Ikamaenetari ikamakiti erekari ikaminaua. Teoso nirekari ikara atoko ikaminiãua, atão inakarınoka akamini İkapani, atão inakarınoka Teoso kamini atokotxikana. Kristo sãkire mauĩakani nirekari maerekati İltona nireẽkiti ikaminina. Hite İnirekaikari ninoa nireẽkiti iaõka hĩkamini, ininiã ikara maerekati İnokai hite.

⁵ Ininiã ikinika hãkixinire taparaã hãuikariko Teoso sãkire. Hãuikiniãri Teoso sãkire, hĩkamariko erekarınoka. Erekarınoka hĩkaminiã, hinirekariko Teoso sãkire iteene himarotini. ⁶ İteene himarotiniãri Teoso sãkire, hĩto aũte hĩtxauako. Hĩto aũte hininiãua, himĩteenekariko himisiritiko. Himisiritiko himĩteenekiniã, hĩkamariko erekari Teoso kaminiri atokokana. ⁷ Hĩkaminiãri erekari Teoso kaminiri atokokana, hĩtiretanako hĩtariakori, Teoso sãkire auĩakani. Hĩtariakori, Teoso sãkire auĩakani, hĩtiretiniã, hĩtiretari ikinimane. ⁸ İkara atoko hininiã, ikara atoko apiaãpotiniã, aũũte Xesosi Kristo himarotakasaaki, erekari hĩparĩka iua İkapani. İuaasaaki makamareti atoko ! hĩtxapeuako. Himinariko ito kãkiti Kristomoni isãkire auikinina İkapani. ⁹ İkara erekari mauakanĩã hitemoni, mõiãreni atoko hĩtxaua. !Himarotari atão inakari. !Hĩxinikari Teoso kamakiti katana. Himaxinĩkaretapekari Xesosi makatxakiniri himaerekani mitxi hĩkamakiti.

¹⁰ Ininiã nitariakori, ikara atoko ! hĩtxapeko. Hĩkamariko ikinipoko Teoso paniãtakiti, ininiã iteene himarotari Teoso akiritinini inakitiakori hininiua İkapani. İuaasaaki himarotari Teoso mereinini hite iua anaakori hininiua İkapani. İkara atoko inakari hĩkaminiã, !hĩkamari maerekati. ¹¹ İkara atoko hĩkaminiã, Teoso ipoxokoniritika apakapai hite aũũte Xesosi Kristo aũteti ininiãtaãua hãuini İkapani. İuaã Xesosi, amaerekani makatxakakari, ãtipirika ikinimane aũte itxauako.

Atão Inakari Teoso Sãkire

¹² Ninirekari ikara noerekakiti ãtipirika nisãpiretinii. Himarotapekari ikara noerekakiti, iuaritika iuaĩkana nisãpiretai. Hite imarotari ikara noerekakiti atão inini, iuaritika kona nitakanapari ikara nisãpiretinii. ¹³ Nota auapanika ninakasaaki, notamoni atãopitika nitxĩkitakinii hite ikara noerekakiti hĩxinikini. ¹⁴ Kotxi nimarotari paĩtiki nipinini. Aũũte Xesosi Kristo oerekepekano paĩtiki nipinini. ¹⁵ Ininiã uatxa Teoso sãkire nisãpiretapikai, ininiã kona himaxinĩkaretari noerekakiti nipĩkasaaki.

¹⁶ Asãpiretai aũũte Xesosi Kristo posotiire. Asãpiretai iua iuaĩkana kanapiriini. İkara asãpiretakiti hitemoni kona kãkiti sãkireni. Kona kãkiti kimarorerini xinikakitini asãpiretai. Atão inakari ate sãpiretai hite, kotxi ateka atamatari Xesosi ikinimane aũte ininiua. ¹⁷ Afiri Teoso oerekari iuikiniri iua. Oerekari iua eraka inini, kotxi itxari iua: "Ere namarite, nitiretakiti. İua iteene kamapoxokonitano," itxa Teoso kaposotiireri. ¹⁸ Ateka kenakotari ikara Teoso sãkire, itixineẽ isãkirauatakasaaki. İuaasaaki ate aua Xesosikata õtanoxiratarı Teoso nakiti nopini.

¹⁹ Ininiã aimarotapitikari Teoso sãkire sãpiretakani sãpiretakiti kitxakapirĩka atão inini. Himixinikariko ninoa sãpiretakiti. Ninoa sãpiretakiti tirikapi ipiã iopinikini atoko itxa, kãkiti sinimoni atamatini İkapani, kotxi axinikasaakiri ninoa oerekakiti, aimarotari atão inakari, atão minakati pakini. Teoso sãkire sãpiretakani sãpiretakiti hĩxinikiniritika Xesosi kanapiriãko. İuaasaaki iua txĩkitakai Teoso iteene himarotini. İuaasaaki atokatxi ponikini atoko itxa Xesosi apokini. İõriki İkanõkapanika pokĩkini atoko itxa iuaasaaki apokini. ²⁰ Merepanika ninirekari iteene himarotiniri Teoso sãkire sãpiretakani sãpiretakiti Teoso sãkire iõkatsopatakoriã. Kona ninoa sãkireni. Kona ninoa xinikakitini. ²¹ Kitxakapirĩka Teoso sãkire sãpiretakani kona iõkatsopatarı kãkiti nireẽkiti sãkiretxiti. Erekari Matamatakoti txĩkitakari kãkiti Teoso nakitiakori sãpiretiniri atão inakari Teoso sãkire.

2

Atão Minakati Oerekakani

¹ Kitxakapirika Teoso sākire sãpiretakani auakasaaki, auari apaka atão minakati oerekakani. Iua atokotxikana uatxa aua atão minakati oerekakani hite sauaki. Kãkiti mimarotakanisaakiri, oerekari atão minakati. Kona erekari ninoa oerekakiti. Na atão ninoa oerekari Teoso sākire. Ninoa !auikari Apiananiri ipinini kãkiti !kapani Teoso !ikixitini !kapani. Ikara xika mokatanitika Teoso xipokanako ninoa. ² Itori kãkiti auikari isãkirena, ininiã ikamarina ninoa kamakiti atokokana. Ikamarina maerekati !itona nireëkiti, maerekati ninoa kamini atokotxikana. Ininiã ikara xika, apanakini misãkirepiretari Teoso sākire atão inakari auikiko. ³ Kapotxinanirini ninoa atão minakati oerekakani. Isãkirena atão minakati xika, imisirienetai. Ninoa nireëkiti iaõka ikaminiina hite. Kitxakapirika Teoso sãpiretapekari imisiritinina ninoa imaerekanina xika. Ixipokinina õti paftiki apokapitikako. Teoso !imaka. Ninoa xipokini õti apokapitikako.

⁴ Teoso nitiriakori iaxiti auakani kamakasaakiri maerekati, imisiritana. !Auritana imitekinina. Iokanatana maerekani misiritikoãtaã. Iuaã itakana kateia ãki ipiaã. Iuaã iãtãparina Teoso misiritinina ninoa imaerekanina xika.

⁵ Kitxakapirika Teoso xipokari ikinimane kãkiti iua nireëkiti manirekakani xirataãtxiã. Teoso !auritana ninoa mitekini. Noee, apikomoni setxi kãkitikata nãkataãka. Ninoanoka ! xipokaãka. Iua nãkatari Noee, kotxi atão inakari sãpiretakari itxaua.

⁶ Apaka ixipokari Sotoma sitatxiti auakani, Komoha sitatxiti auakani pakini arikatxiã. Atapaninoka kaikota iusaaki. Ininiã ikara pinitari kãkiti Teoso nireëkiti manirekakani.

⁷ Iusaaki Teoso makatxakari Aroo inakori !mapinakani !kapani, kotxi erekari kamakari itxaua. Maerekati kamakani txãkitakari Aroo matinaniuatini, kotxi ikiniõtika iua atamari maerekati ninoa kamakiti, maerekati ninoa !to nireëkiti. Itxiko atoko itxa ninoa kamakiti. ⁸ Aroo, atão inakari kamakari, aua ninoa sauaki. Ikiniõtika atamari maerekati ninoa Teoso paniãtakiti manirekakani kamakiti. Ikiniõtika ikenakotari maerekati ninoa sãpiretakiti. Ininiãkara ãkixinireë Aroo maerekaxiniretinoka itxa ninoa maerekani xika, kotxi iua ãkixinireë nirekari atão inakarinoka ikamini.

⁹ Ikara atoko ininiã, Apiananiri imarotari iua nireëkiti nirekakani imakatzakini imisiritikosaakina. Iua apaka imarotari imisiritiniri atão minakati kamakani uatxa. Apaka imarotari !maikinina ninoa, kãkiti misiritiko sãpiretiko õtisaaki imisiritinina !kapani. ¹⁰ Itene Teoso misiritari kãkiti, maerekati !ito nireëkiti kamakani. Ninoa maerekani txikotari ninoa ãkixinire. Apaka itene imisiritari auãtxi paniãtakiti makamakani.

Ninoa atão minakati oerekakani iteene iuikaua. ! Ipaxitarina ãti. ! Ipãkarina imisãkirepiretinirina iaxiti auakani. ¹¹ Teoso nitiriakori iaxitikini iteene kaposotireni. Apiataparatana ninoa. Iuaritika Teoso nitiriakori !apoõtana ninoa atão minakati oerekakani. ! Imisãkirepiretana Teoso apisatoõ.

¹² Ninoa atão minakati oerekakani misãkirepiretari ikinika imimarotakininitina. Kaxipiri !topa auakari atoko itxana, kotxi ikamarina !itona nireëkitinoka. Kaxipiri !topa auakari iponaniã, eereka imaãkaãka, oka inaãka. Iua atokokana ninoa atão minakati oerekakani xipokaãkako imaerekanina xika.

¹³ Ininiã ninoa misiritaãka, kotxi na atão ninoa kamakiti. Kona !kanõkananini ikamarina maerekati. Ipotxitarina maerekati !itona nireëkiti ikaminina pokamara, ikinimane atamatini !kapani. Ninoa kamapikari maerekati, iuaritika apotiitauana hãtekata kiiniri Teoso !kapani hãkamakasaaki. Ininiã apanakini !auikari hite sākire ninoa maerekani xika. Itxiko mãkatxi kasarori nopinikiri atoko itxana ninoa. Karõtxi kãkiti toõã auakari atoko itxana ninoa. ¹⁴ Inirekapikarinina sito !tanoro minakotokatika isirãkinina. Kona iposotarina iotokakinirina maerekati ikaminina. Anikarinina kãkiti mataparaxinireni, maerekati ikaminina !kapani. Kapotxinanixinirena ninoa. Ininiã Teoso misiritapitikanako ninoa. ¹⁵ Ninoa osipikari kimapori atão inakari. Ipãpinanakana. Ikamarina maerekati Paraão inakori maerekani atokokana. Iua Paraão, Peoo inakori ãkiri. Kitxakapirika aua. Iua nirekaro txineiro maerekati ikamini !kapani. ¹⁶ Txamari ipira txitari iua imaerekanina xika, kotxi Teoso txãkitakari poho sãkirauatini kãkiti sãkirauatini atokokana. Ininiã ipira iotokakari iua atão minakati sãpiretakari kaminiri maerekati miãkiteti.

¹⁷ Ninoa atão minakati oerekakani !iposotari ikaminirina ikamaenetakitina. Aariko ãparaã mauakiniti atoko itxana. Kãkiti nirekari ãparaã, txamari ! auari. Katxiãri !tima anikakiti atoko itxana ninoa. Kãkiti nirekari ãparaã kipini, txamari !likipa. Teoso mereëri ipiaãtaã ninoa ãtipirika kaikotini !kapani. Kãkiti atamarauatini iuaãtaã !auari. ¹⁸ !Kiikiteri ninoa sākire. Iuikauana isãkirauatakasaakina. Isãpiretarina kãkiti, erekari akaminiri aito nireëkiti. Ininiã isikanireõtari kãkiti ikara maerekati ikamini. Imisirienetarina Teoso sākire poiãõpanika auãkani. Ninoa !okananipanikani auikari Teoso sākire. ! Okananipanikani

imarotarina atão inakari. Atão minakati oerekakani sikanireõtana ninoa ikara maerekati ikaminina.

¹⁹ Itxana: “Kateia ãki auakani atoko hïtxaua. !Erekari ikara atoko hinini. Hïkamariko hinirekakiti. Ininiã ikara atoko hïkaminiã, hïsikakaãka,” itxana. Txamari ninoaka kateia ãki auakani atoko itxauana, kotxi ninoa !iposotari itakanapinirina imaerekantina. Imaerekantina iauïtëna itxaua, kotxi ikamarina imaerekantina paniãtakitinoka. ²⁰ Mïtxi ninoa imarotari Apiananiri Xesosi Kristo sãkire, kãkiti maerekani makatzakakari sãkire. Iuasaaki ninoa iotokakari ikaminirina Xesosi sãkire mauïãkani kamakiti, kãkiti xinire maerekati inini txïkitakakari. Txamari eereka iuaïkana ikamarina ikara maerekati. Eereka !iposotaikarina ikara maerekati itakanapinina. Ininiã uatxa apiata imisiritikona. ²¹ Erekamariko atão inakari kamiko ninoa mimarotakanimako, kotxi ninoa imarotari, iuaritika !inirekaikarina Teoso paniãtakiti, iua iokanatakini sãpiretakiti. Uatxa ninoa misiritiko apiata. ²² Atãopitikara kitxakapirïka sãkiretxiti:

Anãpa kanapiriã okanakakitimoni onikiniri ikapani. Irari ipitikiri arokakito kanapiriã iãropemoni osirïkini ikapani.

Ininiã iuaïkana ninoa atão minakati oerekakani kamari maerekati, mitxi ninoa takanapakiti.

3

Apiananiri Kanapiriini

¹ Nitiretakini, mitxi niokanatsopatapeka hïtemoni. Iuaïkana niõkatsopatari ia aãtsopa. Imakinika niõkatsopata, kotxi ninirekari hïte iuaïkana hïxinikiniri erekari mitxi himarotakiti.

² Ninirekari hïxinikiniri Teoso sãkire sãpiretakini sãkire kitxakapirïka, kotxi Teoso nakitiakori itxauana. Apaka ninirekari hïxinikiniri ate paniãtakiti, kotxi Apiananiri iokanatakini atxaua. Kãkiti maerekani makatzakakari iokanatakini atxaua.

³ Merepanika himarotariko ia: Imapotõkire õti takote auako kãkiti Teoso sãkire napetakani. Ninoa kamari maerekati iïtona nireëkiti. ⁴ Ia atoko itxanakok: “Ïtapari iua? ‘Nikanapiriãko,’ itxa iua. Txamari kona apoka. Aãtokiriakorini ipïkasaakipanika, itixi kamikosaakipanika iuatxikana. Mïtxi itixi, uatxa iuatxikana,” itxana.

⁵ Ninoa nirekari imaxinïkaretinirina Teoso kamakiti kitxakapirïka auakari, kotxi Teoso txïkitakari iaxiti apiko nopinixiti auini isãkireë. Apaka ikamari itixi ãparaã kamakori. Ikamari itixi ãparaã sauaki. ⁶ Apaka ninoa maxinïkaretari ia: Teoso iokanatarari iua ãparaã, ininiã xirataãtxi xipokari itixi mitxi auakari, ikinimane kãkiti iuasaaki auakani apaka. ⁷ Uatxa isãkireë inïkari iaxiti apiko nopinixiti, itixi pakini arikatxi xipokiniri ikapani. Imakinika inïkatiniritika Teoso manirekakani misiritiko isãpiretakok. Iuasaaki ninoa xipokaãkako. Iuasaaki ixipokari iaxiti apiko nopinixiti, itixi pakini.

⁸ Nitiretakini, kona himaxinïkaretapiri ia nisãkire: Teosomoni ãti õti, mio anokanani atoktxikana itxa. Iuamoni mio anokanani, ãti õti atoktxikana itxa. ⁹ Apiananiri kamapitakari ikamaenetakiti. Apanakini kãkiti xinikari !katimari ikaminiri ikamaenetakiti. Kona ikara atokoni. Iãtapari kãkiti auikiniri isãkire, kotxi !inirekari kãkiti sini imisiritikomoni. Inirekari ikinimane takanapiniri imaerekani.

¹⁰ Apiananiri kanapiriãkasaaki, kiïtiriri ïkanõka apokini atokokana. Iua apoka kãkiti mimarotakanisaakiri. Iuasaaki iaxiti apiko nopinixiti ereëkoka itaparakieneritika. Iuasaaki ikinipoko xipokaãka arikatxiã. Iuasaaki iteene ipataka aua. Imakinika itixi xipokako iuasaaki.

¹¹ Ikara atoko itxako ikinipoko xipokini, ininiãkara natokopa itxa hãuini ikinioïtika ereka hinini? Erekarinoka hïkamako ikinioïtika, kotxi iua nakitiakori hïtxaua. Teoso nireëkitinoka hïkamako ikinioïtika. ¹² Iuasaaki hiãtapari hïpoxokoniritika Teoso keto apokini. Iteene hinirekariko ikara õti apokini. Iuasaaki iaxiti apiko nopinixiti xipokaãka arikatxiã. Ikinika iãkokoko kapatakari xika. ¹³ Iuaritika aiãtapari iaxiti apiko nopinixiti amaneri, itixi amaneri apaka atão inakari kamakani ikapani. Ikara atoko inakari Teoso sikaenetakiti.

¹⁴ Ininiã nota tiretakini, hinirekasaakiri Xesosi kanapiriini õti apokini, iteene hïparïkauatako maerekati himakamakani ikapani. Ininiã iua kanapiriãkasaaki, iua imarotari himakamakani maerekati. Iuasaaki imarotari hïkerokiniri !auari. Iuasaaki imarotari erekaxinire hinini. ¹⁵ !Katimari iua kanapiriini, kotxi iãtapari kãkiti takanapiniri maerekati ikamakiti, imisiritiko mapokakani ikapani. Iua atokokana aïtari atiretakiti Paoro iõkatsopata hïtemoni Teoso imaroreë. ¹⁶ Ikinika Paoro iokanatsopatakitiã isãpiretari Apiananiri kanapiriini õti Teoso imaroreë. Ipixini iua iõkatsopatakiti pamimari kãkiti imarotiniri ikapani. Aua kãkiti miïkiteni. !Apakata aãuikiniri ninoa sãkire. Kãkiti ikara atoko inakani oerekari Paoro iõkatsopatakiti, apanakini Teoso sãkire iõkatsopatakori pakini, txamari na

atão ninoa sãpiretakiti. Ipinimoni ninoa oerekakiti. Imamakarina Teoso sãkire, ininiã ikara xika ixipokaãkanako.

¹⁷ Nĩtĩretakini, himarotapekari pamonõkoniri ninoa atão minakati oerekakiti. Ininiã araõkire hĩtxako. Kona hãuikapiri Teoso sãkire kerokakani sãkire, kotxi Teoso paniãtakiti makamakani itxauana. Kona hĩtakanapapiri Teoso sãkire atão inakari, uatxa iteene hãuikakiti. ¹⁸ Ikiniõtika himarotariko ikinipoko erekari aãũte Xesosi Kristo sikakiti hĩtemoni, amaerekani makatxakakari sikakiti hĩtemoni. Ikiniõtika himaroãpotariko iua. Ninirekari ikinimane uatxa sãpiretiniri iua: “Peerekai pite.” Ninirekari ikinimane ãtipirika sãpiretiniri iua: “Peerekai pite.” Ameẽ.

1 XOÃO Merepanika Xoão Iokanatsopatakiti

Xesosi "Teoso Säkire" Inakori

¹ Nota iökatsopata hïte ïkapani, iua "Teoso säkire" inakori asäpiretini ïkapani. Ätipirika auakari itxaua. Itxïkitakari ikinipoko auäki inini. Itixi kamiko apisa iua aua. Atera kenakotari isäkire. Aökiä ate atamatari iua. Auakoä amaätakari iua. Ininiä atäopitika ate imarotari iua. ² Iua ikinipoko auäki inïkitaäkari. Iuaka oerekaua atemoni. Ate imarotapekari iua, ininiä asäpiretai ätamatakiti, akenakotakiti pakini. Ate säpiretai hïte iua ätipirika auakari, käkiti auäki inïkitaäkari, ininiä käkiti auapikako Teosokata. Iua Xesosi Kristo inaäka akiritïko. Iua aua irikata, Teosokata. Iuaka oerekaua atemoni. Ätamatarari iïto. ³ Ate säpiretai hïte ätamatakiti, akenakotakiti pakini, amoianatakakiniua ïkapani. Atäo nisäpiretai. Amoianatakakaua Teosokata, Xesosi Kristo pakinikata. ⁴ Ia säkiretxiti aiokanata hïtemoni, iteene hïpoxokoniuatini ïkapani.

Teoso Pokamara Atoko Itxa

⁵ Teoso pokamara atoko itxa, kotxi maerekati ! ikama. Ipiä ! auari Teoso auiniätaä, kotxi maerekati ! ikama. Ikara iokanapirena imi säpiretaua ate. Ininiä ate säpiretai hïte. ⁶ Maerekati akamakasaaki, ipiaä auakani atoko atxa. Iuasaaki, "Teoso amoianata," aniniä, paxirari asäkire. Kona atäo akamakiti iuasaaki. ⁷ Teoso aua ikamaraä, kotxi erekarinoka ikama. Ate ikamaraä äuiniä Teoso atoko aniniä, erekarinoka akaminiä, ininiä ate Teoso säkire auïäkani moianariakori atxaua, ininiä amoianatakakaua. Ikamaraä äuiniä, Teoso arokaua Xesosi arëkaä. Imaktxakari ikinika maerekati akamakiti, kotxi imi Xesosi Kristo ipina ate ïkapani. Iarëka xikepoakata ate maerekani imaktxakini ïkapani.

⁸ "Na nota kamari maerekati," aniniä, ateka misirienetaua. Ikara atoko aniniä, ate ! imarotari atäo Teoso säkire ääxixinireë. ⁹ Amaerekani Teosomoni asäpiretiniä, iua makatx-akapitikari amaerekani. Oeretari ate äkixinire. Imaktxakari ikinipoko amaerekani. Ikamari ikara atoko, kotxi imaktxakaenetari amaerekani. Ikamapitikari ikamaenetakiti. Ikamapikari atäo. ¹⁰ "Uatxapiima maerekati ! nikama," pininiä, pitemoni Teoso säkire paxirari atxiïti? Kotxi Teoso txapekari käkiti: "Maerekati kamakari käkiti." "Maerekati ! nikama," pininiä, ! pimarotari Teoso säkire päkixinireë. ! Pikamari Teoso säkire iaöka iuasaaki.

2

Käkiti Teoso Atäo Imarotakari

¹ Namariteni nota tiretakini atoko hïtxaua hïte. Ikara niökatsopata, maerekati hikamakani ïkapani. Maerekati akamakasaaki, masäpiretari Xesosi Kristo. Äiri Teoso misäkiretakari itxaua Xesosi. Atäo inakarinoka kamakari itxaua iua. Iua misäkiretari Teoso ate ïkapani, amaerekani imaktxakini ïkapani. ² Iua makatxakari maerekati akamakiti. Kona ate maerekaninanini imaktxaka. Ipina ikini itixiti auakani maerekani imaktx-akini ïkapani.

³ Teoso paniätakiti akïpitiniä, atäo aimarotari Teoso. ⁴ Teoso paniätakiti makïpitakiti, "Nota imarotari Teoso," inakari, paxirari isäkire. Äkixinireë !imarotari atäo inakari Teoso säkire. ⁵ Teoso säkire Kïpitakari iteene tiretari Teoso. Kininiäpa aimarotari iua nakiti aniniäua? ⁶ Akamakiti ikiniötika Xesosi kamakiti atokokana akaminiä, iuasaaki aimarotari Teoso nakiti aniniäua. "Teoso nakiti nitxaua," pininiä, pikamariko Xesosi kamakiti atokokana.

Iteene Matiretakakaua

⁷ Nitiretakini, Apiananiri paniätaua atiretakakiniua. Ia paniätxi niökatsopatakiti hïtemoni, kona amaneriikani. Hïkenakopiretapekari ikara paniätxi merepitipanika Xesosi säkire hïkenakotakasaaki. Iuasaaki hïkenakotari ikara paniätxi hïtoretakakiniua tïkane. Ikara paniätxi kitxakapirïkari itxaua. Hïkenakotapekari ikara paniätxi. ⁸ Iuaritika ikara paniätxi amaneri itxaua. Xesosi kïpitari ikara paniätxi, kotxi itiretari käkiti. Hïte apaka tiretari käkiti, ininiä aimarotari ikara paniätxi ereka inini. Ininiä ipiä napaäpota, kotxi käkiti imaroäpotari atäo Teoso säkire. Atäo inakari käkiti imarotakasaaki, pokamarari atoko itxa käkiti äkixinireë.

⁹ "Pokamara naua," pininiä, txamari iuasaaki pomanatari pitari Xesosi säkire auïäkari, ikara atoko pininiä, uatxapiima ipiaä pauapanika. ¹⁰ Pitari Xesosi auïäkari pitiretiniä, pokamara pauapitika. Ininiä erekari päkixinire, ininiäkara päkixinireë auakari kona txïkitakai maerekati pikamini. ¹¹ Pitari Xesosi säkire auïäkari pomanatiniä, ipiaä auakari

atoko pitxaua. Iuasaaki pitipokotapika ipiaã. !Pimarotari pisinimoni. Mõsiãreti atoko pitxaua, kotxi !apakata patamarauatini ipiã xika.

¹² Namariteni nota turetakinì, niõkatsopata hite ìkapani, kotxi Xesosi makatxakapekari himaerekani, kotxi kãkiti maerekani makatxakakari itxaua.

¹³ Hite irõtxiakoripekana, niõkatsopata hite ìkapani, kotxi hite iteene imarotari Xesosi, itixi kamikosaaki auapeka inakari.

Hite ãtokoriakoripekana, niõkatsopata hite ìkapani, kotxi homitikapekari Satanasi hõtapararitika.

Namaritenipekana, niõkatsopata hite ìkapani, kotxi himarotari aõri Teoso.

¹⁴ Hite irõtxiakoripekana, niõkatsopata hite ìkapani, kotxi himarotari Xesosi. Itixi kamikosaaki auakaripeka itxaua.

Hite ãtokoriakoripekana, niõkatsopata hite ìkapani, kotxi pataparari hãkixinire. Teoso sãkire auapika hãkixinireẽ. Homitikapekari Satanasi hõtapararitika.

!Hinirekapiri Itixi Auakani Nireẽkiti

¹⁵ Itixi auakani nireẽkiti atoko inakari !hinirekape, kotxi ninoa nirekari maerekati ikaminina. Hõtiretiniãri ninoa kamakiti, !hõtiretari aõri Teoso. ¹⁶ Maerekati kãkiti kamakiti ia atoko itxapaniko: Inirekarina maerekati iõtona nireẽkiti ikaminina. Inirekarina maerekati okina nireẽkiti ikaminina. Iuikauana, katii ininiãuana. Iuikarina ikamakitina. Ikara maerekati kãkiti kamakiti potorika ìkorapokoriti. Kona Teosomonikirini ikara. ¹⁷ Itixi xipokako. Ikinipoko tiitxi kãkiti nireẽkiti apaka xipokako. Kãkiti Teoso nireẽkiti kamakari-rako lixipoka. Auapininiika Teosokata.

Kristo Omanatakani

¹⁸ Namariteni nota turetakinì, itixi xipokini õti katanapanoka apoka. Kristo omanatakani auõte apokako itixi xipokini õti apisa. Ikara himarotapeka. Uatxa Kristo omanatakani itomane apokapeka. Ikara atoko ininiã, aimarotari itixi xipokini õti takotepeka inini. ¹⁹ Ninoa Kristo omanatakani, mitxi atekata apotiitaua, Teosokata aãpotiitakasaakiua. Txamari ninoa !auikari Xesosi sãkire ate auikiniri atokokana, ininiã ninoa sipe. Ninoa atão Xesosi sãkire auikaãkamako, atekata ikaikotapikamanako. Itakanapaua, kotxi ate auikari Xesosi sãkire. Ninoa !auikari.

²⁰ Teoso, erekarinoka kamakari, sikapekai hite Erekarì Matamatakoti himoianari tũkane. Ininiã hite imarotari atão inakari Xesosi sãkire. ²¹ Hite imarotari atão inakari Xesosi sãkire, iuaritika niõkatsopata hõtemoni. Niokanatsopata hõtemoni, kotxi himarotari atão inakari. Paxiene kamakari ìmarotari atão inakari sãkiretxiti.

²² Natokopa itxa iua paxiene kamakari? Paxiene kamakari txari: “Xesosi kona Teoso mereẽkitini.” Kãkiti ikara atoko inakari Kristo omanatakari itxaua iua. Iua !hinirekari aõri Teoso. Ìmi apaka !inireka. ²³ “Xesosi kona Teoso ãkirini” inakari, na kaikota Teosokata. “Teoso ãkiripitikara Xesosi” inakarirako kaikotapitikako Teosokata.

²⁴ Hãuiritariko merepitipanika Xesosi sãkire hãkenakotakiti kaikotini hãkixinireẽ. Ikara kaikotiniã hãkixinireẽ, Teoso ãkirikata hãkaikotapikako. Aõri Teosokata hãkaikota apaka. ²⁵ Xesosi sikaenetapekaua aãuapininiika anini Teosokata.

²⁶ Niõkatsopata hite nõtãkikini ìkapani, kotxi aua kãkiti Xesosi hõtakanapini nireẽkani. ²⁷ Erekarì Matamatakoti, Xesosi sikakiti, auapanika hite ãkixinireẽ, ininiã hite na nirekari ãti koerekareri. Iua Erekarì Matamatakoti oerekai ikinipoko. Iua oerekakiti atãopitika. Kona paxieneni iua. Ininiã hãkaikotako Xesosikata, Erekarì Matamatakoti oereẽkiti hãkõpitini.

²⁸ Ininiã namariteni nota turetakinì, himoianatapikariko Xesosi. Ininiã uaimoni ikanapiriãkasaaki, hõpõkarauatini !auari. Ininiã na hõpõtauata haõkitakasaakiri iua. ²⁹ Xesosi kamari atão inakarìnoka. Ikara himarotapeka. Ininiãkara himarotari, kãkiti atão inakarìnoka kamakani Xesosi anaakori ininiãuana.

3

Teoso Anaakori

¹ Aõri Teoso iteene turetãu ate. Hõxinikariko iua tiraõki. Iua iteene turetãu ate, ininiã, “Namariteni,” itxaua ate. Ari, atãopitikara Teoso anaakori atxaua. Ninoa Teoso anaakori minakanuua !auikari Teoso anaakori aniniua, kotxi ninoa ìmarotari Teoso. ² Nituretakinì, Teoso anaakori atxapekaua uatxa. Eereka !aimarotari kanatokoako atxapaniko. Ia aimarotapitika. Xesosi kanapiriãkasaaki, Xesosi atoko atxapekauako, kotxi iuasaaki aãtamatariko iua. ³ Kãkiti ikara auiãkani, !inirekarina maerekati ikaminina, kotxi Xesosi !ikamari maerekati.

⁴ Maerekati kamakari !ikamari Teoso paniãtakiti. Amakamakanisaakiri Teoso paniãtakiti, iuasaakipeka akamari maerekati. ⁵ Himarotari Xesosi apokapeka ìkorapokoriti

maerekati akamakiti imakatsakini ikapani. Xesosi ! ikamari maerekati. ⁶ Käkiti Xesosi ätipirika moianatakari !nirekaikari maerekati ikamini. Iua ätipirika maerekati kamakari laõkitapanikari Xesosi. Iimarotapanikari Xesosi.

⁷ Namariteni nota tirketakini, !häuiritapiri apanakini misirienetini hite. Atão inakarinoa kamakari kamapitikari Teoso nirekitinoka, Xesosi kaminiri atokokana, kotxi Xesosi kamari atão inakarinoa. ⁸ Ätipirika maerekati kamakari Satanasi nakiti itxaua, kotxi Satanasi kamapikari maerekati. Itixi kamikosaakipekara ikamaäpokatapitiporiri maerekati. Uatxa ikamapanikari. Teoso äkiri apoka ikorapokoriti maerekati Satanasi parika ixipokini ikapani.

⁹ Teoso anaakori !nirekaikari maerekati ikaminina, kotxi Teoso aua äkixinireëna. Ininiä liposotarina maerekati ikamaäpotinina, kotxi iritarina Teoso. ¹⁰ Ininiä kipa Teoso anaakori txataua? Atão inakarinoa kamakanira Teoso anaakori txaua. Äti tirketakanira Teoso anaakori txaua. Ininiä kipa Satanasi anaakori txataua? Erekaru makamakanira Satanasi anaakori txaua. Äti matirketakanira Satanasi anaakori txaua.

Käkiti Tirketakiniua Pirena

¹¹ Matirketakaua. Merepitipanka Xesosi säkire hikenakotakasaaki, hikenakotari ikara ötäkipirenatxi, hütirketakiniua. ¹² Kaii inakori atoko !hixape. Maerekatinoa kamakari nakiti itxaua iua Kaii. Satanasi nakiti itxaua. Kaii okamori atão itarika. Kixikapa okari? Ixikotiniri xika okapiri, kotxi itari kamari erekarinoka. Kaii kamari maerekatinoa.

¹³ Nitariakori, Xesosi säkire mauiakani omanatakasaakii hite, !hütsorikaätapeko. “Kixikapa ninoa omanataua ate?” !hixapeko, kotxi ikara atoko inakari apokapitikako. ¹⁴ Atiretiniäri äitariakori Xesosi säkire auiakani, aimarotari !apinaika. Aäupininiika Teosokata. Matiraökiti äkixinire ipikari atoko itxa. ¹⁵ Käkiti itari omanatakari, Xesosi säkire auiakari omanatakari, kokaniri atoko itxaua. Himarotari kokaniri !uari ätipirika Teosokata.

¹⁶ Xesosi Kristo ipina amaerekani imakatsakini ikapani, ätipirika Teosokata äüini ikapani. Ikara oerekaua atão tiraökixi. Ininiä erekaru äitariakori ätiritini. Xesosi tiritiniua ate atokokana, erekaru ätiritiniri äitariakori. Atxiiti apina äitari mapinakani ikapani. ¹⁷ Pitii, pikiena pakini auiniäi, pitari, Teoso säkire auiakari tii, ikiena pakini mauakaniä, pisikariko iuamoni. Pimasikakaniäri iuamoni, Teoso tiraöki päkixinireë !uari. ¹⁸ Namariteni nota tirketakini, “Apanakini ate tireta,” atxaua, txamari kaamoni inakasaakina na asikana minakati, ininiä na atão ätirketana. Atão matirketana apanakini. Kaamoni inakasaakina, masikana ninoa amonitakitina.

Teoso Säkire Ktipitakari

¹⁹ Ikara atoko akaminiä, aimarotari Teoso anaakori aniniäua. Aimarotari atão inakari säkiretxiti akipitini. Ikara atoko akaminiä, erekapitikari ääkixinire. Ikara atoko akaminiä, !apikari Teoso amisäkiretini. ²⁰ “Kona erekano,” pininiä päkixinireë, mitxi pimaerekani pikamini xika, !pipikarauatape, kotxi Teoso iteene imarotai, iuaritika iteene iamoniäi. Poiäoka aimarotari ääkixinireë auakari. Teoso imarotari ikinipoko.

²¹ Nitirketakini, päkixinireë: “Namanaäpekari Teoso imakinika nimaerekani imakatsakini,” pininiä, kataparaxinirepitikai Teoso pimisäkiretini. ²² Ininiä iua sikaua aamanaäkiti, kotxi ate kamari ipaniätakitini iaöka. Iua apokaerekatikitinoka akama. ²³ Teoso paniätaua ate: “Häukariko namarite Xesosi Kristo säkire.” Apaka Teoso paniätaua: “Hütirketakauako.” Teoso paniätaua ikara akamini. ²⁴ Teoso säkire iaöka kamakari kaikotapika Teosokata ätipirika. Teoso kaikotapika iuakata ätipirika apaka. Aimarotari Teoso kaikotini atekata, kotxi iua sikaua Erekaru Matamatakoti ääkixinireë auini ikapani.

4

Atamakaerekarauatini

¹ Nitirketakini, !häukapiri ikinimane käkiti säkire, “Erekaru Matamatakoti aua nota äkixinireë,” inakani. Hätaerekatanako ninoa. Atão Erekaru Matamatakoti auatana atxiiti äkixinireëna? Atxiiti matamatakoti äkixinireëna auakari kona Teosomoni ikarini. Itomaneri käkiti, “Nota Teoso säkire säpiretakarino,” inakani, txamari na atão ninoa säkire. Käkiti ninoa atoko inakani aua ikini itixitika. !Isäpiretarina atão Teoso säkire. Imisirienetarina käkiti. ² Käkiti säpiretiniäua: “Teoso äkiri Xesosi Kristo apokaepa ikorapokoriti. Käkitipeka itxaua,” ininiä iuasaaki aimarotari Erekaru Matamatakoti auapitika iua äkixinireë. Ikara atoko aimarotari Erekaru Matamatakoti Teoso sikakiti auätotiniri käkiti. ³ Käkiti säpiretiniäua: “Xesosi na atão käkiti ! itxaua,” ininiä iuasaaki aimarotari Erekaru Matamatakoti ! auari iua käkiti äkixinireë. Matamatakoti iua käkiti äkixinireë auakari Satanasi nakiti itxaua. Kristo omanatakari nakiti itxaua. Iua Erekaru Matamatakoti Teoso nakiti itxaua.

Hikenakopiretapekari: “Maerekati Matamatakoti Kristo omanatakoti iokanatakoti apokapitakoti ìkorapokoriti,” itxa. Uatxa apokapeka.

⁴ Hite namariteni, Teoso nakitiakori hĩtxaua. Ininiã hite ! auikari atão minakati sãpiretakani sãpiretakiti, kotxi Erekaru Matamatakoti hite ãkixinireẽ auakari apia posotiĩreri itxaua iua. Maerekati matamatakoti, Xesosi sãkire mauĩãkani ãkixinireẽ auakari, kaposotiĩreri itxaua, iuaritika Erekaru Matamatakoti hite ãkixinireẽ auakari apia sikaimaroretai hite. ⁵ Ninoã atão minakati sãpiretakani xinikakiti, itixi auakani xinikakiti atokotxikana, ininiãkara itixi auakani auikari ninoã sãkire. ⁶ Atepekana, Teoso nakitiakori atxaua. Teoso imarotakari auikari asãkire. Teoso nakiti minakatiua ! auikari asãkire. Ininiãkara aimarotari kãkiti Erekaru Matamatakoti auaãkixiniretakini. Iua Erekaru Matamatakoti atãonoka isãkirauata. Aimarotari kãkiti ãti matamatakoti auaãkixiniretakini. Iua ãti matamatakoti kamisirienereri itxaua.

Teoso Tiraõki

⁷ Nitiretakini, matiretakakaua, kotxi tiraõkitxi Teosomoni potoriakari itxaua. Kati-raõkirini Teoso anaakori itxauana. Ninoã atão imarotari Teoso. ⁸ Matiraõkiti ! imarotari Teoso, kotxi Teoso tiraõkiuatipika. Tiraõkitxi Teosomoni potoriãkari itxaua. ⁹ Teoso iokanitari imatonõkari imi atemoni, Teosokata ãtipirika aãuini ìkapani. Ikara atoko ininiã, Teoso oerekaua itiretiniua. ¹⁰ Ikara tiraõkitxi atão inakari itxaua. Mitxi ate ! atiretari Teoso. Iuaritika iua tiretaua ate, ininiã iokanitari imi atemoni ipinini ìkapani, maerekati akamakiti imaktxakini ìkapani.

¹¹ Nitiretakini, ikara atokorako itxa Teoso tiretiniua, ininiã matiretakakaua. ¹² ! Auari Teoso atamatakari, iuaritika Teoso auari aãkixinireẽ, atiretakiniãua. Ininiã Teoso oerekaua atão atiraõkiuatini.

¹³ Aimarotari Teosokata akaikotini ãtipirika. Aimarotari Teoso ãtipirika kaikotini atekata. Aimarotari ikara atoko inakari, kotxi iua sikari Erekaru Matamatakoti atemoni. ¹⁴ Aãamatapekari Xesosi kamakiti. Akenakotapekari isãpiretakiti. Ininiã asãpiretari ikimane, aĩri Teoso iokanitari imi kãkitimoni, amaerekani makatxakari ininiua ìkapani, kãkiti ãtipirika Teosokata auini ìkapani. ¹⁵ “Xesosi Teoso ãkiriipitikara,” ina sãkiretakani, Teoso kaikotapika ninoakata. Apaka ninoã kaikota Teosokata ãtipirika. ¹⁶ Aimarotari Teoso tiretiniua. Aãuikapiretapitikari Teoso tiretiniua.

Teoso tiraõkiuatipika. Kãkiti katiraõkiri kaikota Teosokata ãtipirika. Teoso kaikota ãtipirika iuakata apaka. ¹⁷ Teoso oerekapekaua atão atiraõkiuatini iua tiraõkiuatini atokokana. Ininiã kataparaxinireua Kristo apisatoõ aãpokasaaki, kãkiti misiritiko õtisaaki. Aimarotari ! imisiritaua iuasaaki, ininiã kataparaxinireuako, kotxi ìkorapokoriti aãuakasaaki Kristo atoko atxaua. ¹⁸ Atiraõkiuatakasaaki, ! apĩkarauata. Atão atiraõkiuatiniã, ! auari apĩkare. Apĩkarauatakasaaki, amaãkuaa.

¹⁹ Atiretari Teoso, kotxi mitxipeka iua tiretaua ate. ²⁰ Iua itari omanatakari, “Nota tiretari Teoso” ina sãkiretakari, paxirari isãkire. ! Itiretari itari iuakata auakari. Ininiã ! iposotari itiretiniri Teoso imaõkitakinini. ²¹ Ininiã Teoso paniãtaua: “Teoso tiretakari tiretariko itari apaka.”

5

Teoso ãkiri Auikiko

¹ Xesosi Teoso mereẽkiti itxaua. Ikara auĩãkani Teoso anaakori itxauana. Aĩri Teoso atiretiniã, aĩtariakori apaka atireta, kotxi Teoso anaakori ninoã apaka txaua. ² Teoso atiretiniã, inireẽkiti iaõka akaminiã, aimarotari Teoso anaakori apaka atiretini. ³ Teoso atiretiniã, akĩpitari ipaniãtakiti. Aposotari akaminiri ipaniãtakiti, kotxi na kamimari ipaniãtakiti. ⁴ Aposotari akaminiri iua paniãtakiti, kotxi iua anaakori atxapekaua, ininiã isikataparataua, maerekati itixi auakani nireẽkiti amakamakani ìkapani. Kininiãpa isikataparataua maerekati ninoã nireẽkiti amakamakani ìkapani? Isikataparataua, kotxi Xesosi sãkire aũuka. ⁵ Kĩpa posotatari maerekati itixi auakani nireẽkiti imakamakani? Kãkiti auikiniãri Xesosi Teoso ãkiri ininiãua, iuanokara posotari maerekati imakamakani.

⁶ Xesosi Kristo Teoso ãkiri itxaua. Teoso oerekapekaua Xesosi iua ãkiri ininiãua. Kãuaãriã Xesosi patxisatikosaaki isãpiretaua. Iuaĩkana Teoso sãpiretaua Xesosi iua ãkiri ininiãua, Xesosi ipĩkasaaki iarẽka ixikepoatakasaaki. Teoso sãpiretaua kona Xesosi patxisatikosaakinanini. Iua oerekaua Xesosi Teoso ãkiri ininiãua ipĩkasaaki apaka. Erekaru Matamatakoti sãpiretaua Xesosi Teoso ãkiri ininiãua. Iua atãonoka isãkire. ⁷ Teoso tixini auakani ipi, ãti pakini oerekaua Xesosi Teoso ãkiri ininiãua, aĩri Teosoma, “Teoso Sãkire” inakorima, Erekaru Matamatakotima pakini. Naia ipi, ãti pakini ãtinoka. ⁸ ìkorapokoriti auakani ipi, ãti pakini, Erekaru Matamatakotima, Xesosi patxisatikoma, Xesosi ipininima pakini oerekaua Teoso ãkiri ininiãua Xesosi. ⁹ Kãkiti ekeranini sãpiretakiti aũuikapitika, ininiã apiata maũuikari Teoso

sāpiretakiti, kotxi atāonoka isākire. Iuara sāpiretaua Xesosi iua ākiri ininiāua. ¹⁰ Teoso ākiri auīākari ākixinire imarotari ikara Teoso sāpiretakiti atāo inini. Teoso sāpiretakiti mauīākati txari: “Paxirari Teoso sākire,” kotxi ! auikari Teoso sāpiretakiti Xesosi iua ākiri ininiua. ¹¹ Kiripa Teoso sāpiretaua? Iua sāpiretaua: “Nitxīkitakai auāki hinini notakata hāuapininiika hinini tīkane. Ikara atoko nitxīkitakai namarite nakitiakori hinakasaakiaua.” ¹² Iua Teoso ākiri nakiti Teosokata ātipirika auako. Iua Teoso ākiri nakiti minakatiua, !auapani ātipirika Teosokata.

Aāuini Ātipirika Anini Tīkane

¹³ Hīte auikari Xesosi Teoso ākiri ininiua. Niokanatsopata hītemoni, Teosokata ātipirika hāuini himarotini ikapani. ¹⁴ Teoso nireēkiti atokotxikana aamanainiāri Teoso, aimarotari ikenakotari amisākiretiniri, ininiā kataparaxinirepitikaua amisākiretiniri, kotxi aimarotari iua apakapapiretapitikaua. ¹⁵ Ikara atoko aniniā, aimarotari ikenakotari aamanaākiti, ininiā isikapitikaua.

¹⁶ Hīmarotakasaakiri pitari kaminiri maerekati, himisākiretari Teoso iua ikapani. Ininiā Teoso makatxakari maerekati ikamakiti. Teoso kamari iua ātipirika iuakata auini ikapani. Ikara maerekati makatxakiko auapitika, ininiā kona itxīkitakari iua xinire ipinini. Ātiāo maerekati kākiti kamakiti aua. Ikara maerekati makatxakiko ! auari, ininiā itxīkitakari kākiti xinire ipinini. Nota !ōtākikai himisākiretiniri Teoso ikara atoko inakari maerekati kamakari ikapani. ¹⁷ Teoso paniātakiti amakamakaniā, iuara maerekati txaua. Iuaritika aamanainiāri Xesosi ikara maerekati imakatxakini, ininiā ikara maerekati ! itxīkitakari kākiti xinire ipinini.

¹⁸ Teoso anaakori atāo inakani !inirekaikari maerekati ikaminina. Aimarotari ikara. ! Inirekaikarina maerekati ikaminina, kotxi Teoso ākiri nīkatana ninoa. Ininiā maerekati auīte Satanasi !iposotari imisiritūnina.

¹⁹ Ikini itixiti auakani auīte itxaua Satanasi, maerekati kamakari. Iuaritika aimarotari Teoso anaakori aniniua ate.

²⁰ Aimarotari, Teoso ākiri apokapeka ikorapokoriti. Aimarotari iua sīkaua imarore, ininiā aimarotari Teoso atāo inakari. Akaikota iua atāo inakarikata. Ari akalkota imi Xesosi Kristokata. Teoso atāo inakari itxaua iua. Itxīkitakaua iuakata ātipirika aāuini.

²¹ Namariteni, nota tiretakini, !hīteosonetapiri Teoso minakatiua. Ameē.

2 XOÃO

Iuaĩkana Xoão Iokanatsopatakiti

¹ Nota Xoão, mitxipe Xesosi imarotakarino nota. Niokanatsopata hĩte Xesosi sãkire auĩãkanimoni, hamariteakorimoni apaka. Teoso mereẽpekai hĩte inakitiakori hininiua ikapani. Nitiretai, kotxi hĩtiretari Teoso sãkire atão inakari. Kona notananini tiretai hĩte. Ikinimane atão inakari imarotakani tiretai hĩte apaka. ² Atiretai hĩte, kotxi atão inakari aua aãkixinireẽ. Atão inakari kaikotapika atekata ãtipirika.

³ Aĩri Teoso, imi Xesosi Kristo pakini sikari ikinipoko erekari hĩtemoni. Amonĩkai hĩte. Ikamaerekaxiniretaina hĩte. Ininiãkara himarotari atão inakari. Himarotari Teoso tiraõki.

⁴ Iteene nipoxokoniua, kotxi nimarotari apanakini hĩte kĩpitapikari Teoso sãkire. Atão inakarínoka hĩkama, kotxi aĩri Teoso paniãtaua ikara atoko inakari akamini. ⁵ Nota tirketakini, ia nipaniãtai: “Matiretakakaua.” Ikara Teoso paniãtakiti !amanerini. Akenakopiretapekari ikara Teoso paniãtakiti, merepitipanika Xesosi sãkire akenakotakasaaki. ⁶ Kisaakipa atiraõkiuata? Teoso paniãtakiti ikiniõtika akĩpitakasaakira, iusaaki atiraõkiuata. Merepitipanika pikenakotapekari ia Xesosi paniãtakiti: “Matiraõkiuata ikiniõtika.”

Kristo Omanatakani

⁷ Kaiãopokori kamisirienererini aua ikini itixiti. Ninoa sãkire: “Na kãkiti !itxaua Xesosi Kristo,” itxana isãkirena. Ikara atoko inakani misirienetari kãkiti. Kristo omanatakani itxauana ninoa. ⁸ Erepaniko. !Hãuikapiri isãkirena atão minakati, kotxi ninoa nirekari ixipokinirina hĩparĩka Teoso ikapani. Hinirekapitikari Teoso sikinii ikinipoko hĩparĩka iki.

⁹ Kãkiti takanapiniãri Kristo oerekakiti sãkiretxiti, ikamari maerekati. Teoso nakiti !itxaua. Kãkiti ãtipirika auĩkiniãri Kristo oerekakiti, imoianatari aĩri Teoso, imi pakini. ¹⁰ Kãkiti apokiniã paapoko, Kristo oerekakiti mauikakati, sãkiretxi atão minakati oerekakari, kona pauiritapiri ikaikotini paapoko. !Papakapapiri iua. ¹¹ Iua apakapakari apaka kamari maerekati iuakata, kotxi auiritari atão minakati isãpiretini.

¹² Ninirekari ito nisãpiretinii, txamari !nininekari aãtsopaã nisãpiretakiti nitakini. Ninirekari naõkitinii hĩte. Iusaaki asãkirauatako aãpisatoõtakinia, ininiã iteene apoxokoniua iusaaki.

¹³ Hĩtariakori Teoso mereẽkini uai auakani iokanapireta hĩtemoni. Ixinikamanapitaina hĩte. Ameẽ.

3 XOÃO Iuaĩkana Xoão Iokanatsopatakiti

¹ Nota Xoão, mitxi Xesosi imarotakarino, niõkatsopata pite nitiretakiti Kaiomoni. Nitiretai pite, kotxi pite tiretari atão inakari Teoso sãkire.

² Nitiretakiti, ninirekari ereka pinini pauini. Nimarotari pãkixinire ereka inini. Iua atoktxikana ninirekari piõto ereka inini pimamianareni ìkapani. ³ Aĩtariakori mitxi hĩtemoni nota iokanatakini, apokaþeka uai. Isãpiretanona pite iteene auikiniri atão inakari Teoso sãkire. Ikinioõtika pikamari Teoso sãkire iaõka. Atãonoka pikama. Ininiã ninoa minapiretakiti iteene kamapoxokonitano. ⁴ Namariteni atoko hĩtxaua, ininiã nikenakopiretakasaakiri ikiniõtika hĩkaminiri atão inakari Teoso sãkire iaõka, nipoxokoniua. Ikara atoko inakari minapirenatxi, ninoa minapiretakiti, apia kamapoxokonitano nota.

⁵ Nitiretakiti peerekai pite, kotxi ikiniõtika pimoianatana aĩtariakori ereẽ apokakani. Mitxi !pimarotana ninoa, iuaritika pimoianatana. ⁶ Ninoa aĩtariakori sãpiretapekari pitiraõki Xesosi sãkire auiãkanimoni uai auakanimoni. Paapoko iuaĩkana ipotorikasaakina, erekari ninoa amonitakiti pisikinina, kotxi Teoso apokaerekatari ikara atoko pitiretinina. ⁷ Ninoa takanapari aapokona Xesosi sãkire isãpiretinina ìkapani. Xesosi sãkire mauĩkani !isikana iamontakitina ninoamoni. ⁸ Ininiãkara maãþakapana Xesosi sãkire sãpiretakani aãuapokoã. Ininiã amoianatana Teoso sãkire atão inakari iaripiretini ìkapani.

Txiõtepi, Temétxio Pakini

⁹ Niõkatsopataþeka Xesosi sãkire auiãkanimoni ereẽ pauiniãtaã auakanimoni. Txamari Txiõtepi inakori !ikĩþitari nõtãkikare. Iua iuikapikaua. Inirekari ninoa auõtetiniri iua, ininiã !imaãkatari nisãkire. ¹⁰ Iua kamapiretapikaua ate. Kona ikarananini ikama. Apaka !apakapana aĩtariakori, hĩtemoni sikani. Apaka !auiritana apanakini apakapinina ninoa. !Auiritakari aĩtariakori nirekaãkani apotiitiniua Teoso misãkiretiko aikotiã. Ereẽ napokasaaki, iuasaakiko nisãpiretai hĩte iua apisatoõ ikinika maerekati ikamakiti.

¹¹ Nitiretakiti, !pikamapiri maerekani kamakiti atoko. Erekarini kamakiti atoko inakari-nanira pikamako. Erekarini kamakari Teoso nakiti itxaua. Maerekati kamakari !imarotari Teoso.

¹² Temétxio inakoripekana, ikinimane sãpiretari iua ereka inini. Atão inakari Teoso sãkire oerekaua Temétxio kamakiti atão inini. Ate apaka sãpiretari iua ereka inini. Himarotari atão inakarinoka asãpireta.

¹³ Ninirekamari ito nisãpiretinii, txamari !nininirekari aãtsopaã nisãpiretakiti nitakini. ¹⁴ Ninirekari paĩtiki naõkitinii pite. Iuasaaki asãkirauatako aãþisatoõtakakauako.

¹⁵ Ninirekari Teoso kamaerekaxiniretinii. Aĩtariakori uai auakani sãpiretai ixinika-manapitinii. Pisãpiretana ikinikana aĩtariakori ereẽ auakani, axinikamanapitinina ninoa.

XOTA

Xota Iokanatsopatakiti

¹ Nota Xota. Xesosi Kristo nitiri amotakori nitxaua. Txiaxo itari nitxaua. Niokanatsopata kăkitimoni, Teoso akiritakinimoni, Teoso aïri tiretakinimoni. Xesosi Kristo nĭkatakiniimoni niokanatsopata.

² Teoso iteene amonĭkai. Iteene ikamaerekaxiniretai. Iteene itiretai.

Atăo Minakati Oerekakani

³ Hĭte nota tiretakini, Xesosi makatxakapekari himaerekani, nota maerekani apaka. Ninirekamari niĭkatsopatiniiri amaerekani makatxakiko pirenana hĭtemoni. Iuanoka ninireka niĭkatsopatini, txamari nixinikari erekape atĭao niĭkatsopatini. Ninirekari nĭtăkikinii. Teoso oerekakiti săkirexti inakitiakorimoni isikakiti hinĭkaenetariko. Teoso oerekakiti ikinika isikapekari inakitiakorimoni. !Hăuiritapiri apanakini koketiniri ikara ninoa oereĕkitikata. ⁴ Hĭte Xesosi săkire auĭăkani sauaki aua Teoso mapaxitakani. Merepanika ninoa apotti-itakasaakiaua hĭtekata, !himarotari kamisirienererini ininiuana. Ninoa koketari isăkirena Teoso săkirekata. Ninoa săkire: "Ate sirĭka anireĕkitokata, kotxi Teoso katiraĕkiri, ininiă iua limisiritaua." Ikara atokora itxana ninoa. Xesosi Kristonokara aăuite. Apiananiri itxaua. Iuaritika ninoa linirekari Xesosi. Kitxakapirĭka Teoso săkire iĕkatsopatakori săpiretari Teoso misiritiniri kăkiti ninoa atoko inakani.

⁵ Kitxakapirĭka Exito tixini auakani misiritana Xoteoakori. Himarotapekari ikara inakari. Ninirekari iuaĭkana hĭxinikiniri ikara inakari pirenana. Teoso moianatana Xoteoakori, ininiă ninoa mĭteka, Exito tixini osipĭkinina ĭkapani. Hĭxinikariko ia: Teoso makatxakana ninoa iuaasaaki imapinakanina ĭkapani, iuaritika mapa kasiriti napa atoko Teoso okana ninoa iua săkire mauĭăkani.

⁶ Ătipekana nisăpiretai. Hĭxinikariko Teoso nitiriakori iaxitikini kitxakapirĭka. Teoso txĭkitakana ninoa auĭttxi ininiuana, txamari !inirekaikarina Teoso paniătakiti ikaminina, ininiă itakanaparina auiniătaăna Teoso tixineĕ. Hĭxinikariko ia: Teoso paniătana ninoa ipiaă ikaikotinina Ătipirika. Itixi xipokini ōtsaaki Teoso misiritanako ninoa.

⁷ Ătipekana nisăpiretai. Hĭxinikariko Sotoma sitatxiti, Komoha sitatxiti, apanakini sitatxiti apaka iuaătaă takote auakari. Iuaă auakani !inirekari Teoso paniătakiti ikaminina, ninoa Teoso nitiriakori atokokana. Maerekatinoka inirekapikana, kiki sirĭkini atĭ kikikata. Ininiă Teoso xipokari iuaă auakari sitatxiniri. Ninoa maerekani xika Teoso iokanatanana ninoa arikatxi maxipokatimoni. Iuaă imisirităăkapikana. Ikara ōtăkĭkaua maerekati amakamankani tĭkane.

⁸ Ninoa maerekati kamakani, kamisirienererini hĭte sauaki auakani, kitxakapirĭkarini atokokana itxana. Ixiniăkitina maerekati xika ninoaka ĭto imisiritauana. !Inirekarina Teoso ninoa auĭte ininiuana. Imisăkirepiretarina Teoso nitiriakori iaxiti auakani. ⁹ Mikeo inakori Teoso nitiriakori auĭte itxaua, iuaritika !imisăkirepiretari atĭ Teoso nitiri iaxitikiri. Kitxakapirĭka iua Mikeo Satanasikata itaparakienatakakaua, kotxi Mikeo nirekari Moisesini ĭto ikatini, txamari Satanasini nirekari Moisesini ĭto iua inakiti ĭkapani. Iuaasaaki Mikeo !imisăkirepiretari Satanasini. Ianoka isăkire: "Teoso misiritapanikaiko pite," itxari Satanasini. ¹⁰ Txamari ninoa kamisirienererini hĭte sauaki auakani misăkirepiretari ikinika imimarotakininitina. Ninoa ĭĭkite kaxipiri ĭtopa auakani ĭĭkite atokokana, kotxi ikamarina ĭĭtonani nireĕkiti. Ikara ĭĭkitena xipokanako ninoa.

¹¹ Teoso misiritanako ninoa. Kitxakapirĭka Kaĭ inakori kamari maerekati. Iua maerekani atokokana ninoa maerekani. Kitxakapirĭka Paraăo inakori kamari maerekati txineiro apakapini ĭkapani. Iua maerekani atokokana ninoa maerekani. Kitxakapirĭka Koree inakori !inirekari Moisesi iauĭte ininiuana. Iua atokokana ninoa !inirekari Teoso iauĭtetini. Ininiă ixipokaăkanako Koree xipokiko atokokana.

¹² Hăpotitakasaakiaua hinipokotini ĭkapani, ninoa kamisirienererini apaka nipokota hĭtekata. !Ipĕtauatana. Itxikotarina iua kiiniri imaerekanina xika. Ninoaka itiretaua. !Itiretarina apanakini. ĭtima anikari katxiari iaxitikiri, ininiă katxiari napiniătaă âparaă kipa, takari aneini ĭkapani. Txamari ninoa kamisirienererini katxiari âki âparaă mauakiniti atoko itxa. !Erekana kăkiti ĭkapani. Mitaăsaaki aua txipokori, txamari ninoa kamisirienererini mitaăsaaki aamina mariti atokokana ninoa. Aamina mariti ipĭkari atoko, kotxi !iminua. Ninoa iua atokokana, kotxi !ikamari erekari. Aamina mariti tokaăka. Ikotsa maporokaăka, ininiă atăo ipĭkari itxaua. Ninoa kamisirienererini ikara aamina atoko, kotxi ipinanako. !Ikaikotana Teosokata Ătipirika.

¹³ Potxoari uiniti tsakati pamonōkoniri atoko itxa ninoa kamisirienererini. Tsakati sori txiko atoko itxa ninoa maerekani. Iōriki atoko itxana. Iua iōriki sinimoni !kimarotikori. Ninoa sariko ipiāmoni ātipirika ikaikotinina ikapani. Teoso mereēri ikara ipiaātaā ninoa auini ikapani.

¹⁴ Kitxakapirīka Enoki inakori sāpiretapekari kamisirienererini pirena. Iua Enoki Adāo apika mekaniri apika mekaniri itxaua. Enoki txari: Hātamariko. Apiananiri apokako itiximoni itomaneri inakitiakorikata. Mio, apikomoni mio, apikomoni mio, itxaāpokata inakitiakori iuakata ikani.

¹⁵ Iua ikinipoko misiritiko sāpiretakari itxaua. Iua apokasaaki, isāpiretanako maerekati kamakani misiritiko, Teoso manireēkani misiritiko, kotxi Teoso !ipotxitari ninoakamakiti. Ninoa misākirepiretapikari Teoso. Ninoa maerekani xika, Teoso imanirekakanina xika, imisiritaākanako,

itxa Enoki sāpiretakiti kitxakapirīka.

¹⁶ Ninoa kamisirienererini ātipirika tsoatapika. Ātipirika apoītapikana apanakini. Itona nireēkitinanira ikamana. Iuikauana. "Peerekai pite," itxana ātimoni inireēkitinani apakapinina ikapani.

Ōtākipirenatxi

¹⁷ Nitiretakini hīxinikariko aāuīte Xesosi Kristo iokanatakini sāpiretakiti akokaxiti. ¹⁸ Ninoa txai: "Xipokatxi ōti kaimapeka inini manapi apokanako kikiakori hīte napetakani tīkane. Ninoa kamariko ninoaka nireēkiti, Teoso manireēkiti," itxana Xesosi Kristo iokanatakini sāpiretakiti. ¹⁹ Ninoa maerekani xika kākiti txitakakaua. Ninoa kamisirienererini kamari iitona nireēkitinoka. Erekar Matamatakoti !auinana ninoa.

²⁰ Hītepekana nota tīretakini, iteene hāuikapikariko Teoso oereēkiti. Ikara atoko hininiā, kataparaxinireiko hīte. Hāuikariko Teoso oereēkiti, kotxi Teoso sākire itxaua. Himisākiretariko Teoso. Erekar Matamatakoti oerekai atāo hīsākirauatini ikapani. ²¹ Maerekati kamakani, iuaritika aāuīte Xesosi Kristo !imisiritai. Iua anikai ātipirika iuakata hāuini ikapani. Ikara hiātapakasaaki, ātipirika hīxinikapikariko Teoso tiraōki hīte ikapani. !Hītakanapapiri iua.

²² Apanakini !auikapanikari ikinika Teoso oereēkiti, iuaritika !hītxitapena. Himoiatananako ninoa iteene auikini ikapani. ²³ Pamonōkoniri, kākiti kamakasaakiri maerekati. Xamina tirinakari atoko itxa imisiritikona imaerekanina xika. Ininiā hīsāpiretanako Teoso sākire, imisiritikona apokini apisapanika. Xamina tirinakari āki katxakakari pimakatxakini atokokana itxa, pisāpiretakasaakiri Teoso sākire ninoamoni. Apanakinpekana hiamonīkako. Hiamonīkasaakina, erepaniko, kotxi pamonōkoniri ninoa maerekani. Homanatariko maerekati ninoa kamakiti, hīte makamakaniri ikapani.

Peerekari Teoso

²⁴ Teoso kaposotiireri nīkataua maerekati amakamakani ikapani. Iua anikaua iua apisatoō apoxokoniritika. Iuasaakiko amaerekani !auaikako. Peerekari aāuini iua apisatoō. ²⁵ Āti Teoso !uari. Iuanokara Teoso txaua. Iuanokara kimaroreri. Amaerekani makatxakakari itxaua, kotxi aāuīte Xesosi Kristo ipina ate ikapani. Iua iotximere aua, kotxi imaerekani !uari. Auītetxiakori auīte itxaua iua. Kaposotiireri iua. Iposotari ikinipoko ikamini. Itixi kamiko apisapanika ikara atoko itxa Teoso. Uatxa ikara atoko itxapanika Teoso. Ikara atoko itxapikako ātipirika Teoso. Ameē.

APOKORÍPISI Xesosi Kristo Iuaka Oerekiniua Pirena

Ia Aätsopa Oerekaua Xesosi Kamakiti

¹ Ia aätsopa oerekari Teoso nakitiakori Xesosi Kristo paîtiki kamaenetakiti. Teoso iokanitari inítiri iaxitikiiri Xoõomoni Xesosi Kristo kamaenetakiti oerekini Ìkapani. ² Ikinika Xoõo atamatakiti, ikinika ikenakotakiti pakini isäpireta ia aätsopaã. Ikara atoko isäpiretaua ate Teoso säkire, Xesosi Kristo säpiretakiti iuamoni. ³ Ia aätsopa atatsopatakani Teoso takariko erekari ninoamoni. Teoso takariko erekari ia isäkire kenakotakanimoni, ia isäkire kÏpitakanimoni, kotxi ikinika Xoõo iõkatsopatakiti okatapaniri apokini.

Xoõo Iõkatsopare

⁴ Nota Xoõo. Niokanitari ia niõkatsopare Teoso mereëkinimoni. Setxi sitatxiti Ásia inakori tixini auakanimoni niokanata niõkatsopare.

Teoso sikari ikinipoko erekari hÏtemoni. Ikamaerekaxiniretai hÏte. Uatxa iua aua. Merepitipanika kitxakapirÏka iua aua. Iua ätipirika auapikako. Setxi matamatakoni iaxitikiini Teoso topäkiniätaã apisatoõ auakani sikari erekari hÏtemoni. ⁵ Xesosi Kristo apaka sikari erekari hÏtemoni. Atäo inakarínoka säpiretakari itxaua iua. Iua merepitipanika õkitikaua ipÏkani sauaki. Apaka itixi auakani auÏteakori auÏte itxaua iua.

Iua ate tiretakari. Ipinata ate Ìkapani amaerekani imaktxakini Ìkapani, ininiã isikakaua erekari akamini Ìkapani. ⁶ ItxÏkitakaua auÏtetxiakori aniniua. ItxÏkitakaua sasetotxiakori aniniua, kotxi asäkirauata Teosokata. Ininiã atxari Xesosi:

“Ätipirika peerekai pite. Ätipirika pitenokara kaposotiireri. Ameë.”

⁷ Hätamata, Xesosi napani. Iua inako katxiärikata. Iuasaaki ikinimane kãkiti atamatariko. Aamina Ìpiriämatakari nopini iua tokakitakani apaka atamatariko iua. Iuasaaki ikini uäkati kãkiti atapariko iua. Ninoa atapakasaakiri iua, itxiapatana, akiripoakatana maerekati ikamakitina xika. Ikara atoko apokako. Ameë.

⁸ Apiananiri txari:

—Iõkatxi merepitipanika auakari Aopa inakori atoko nitxaua. Iõkatxi imapotõkire auakari Ómika inakori atoko nitxaua. Uatxa naua. Merepitipanika naua. Katana nota auapikako. Ikini posotiiretxi aua notamoni —itxa.

Xoõo Atamatarari Äitari Iaxitikiiri

⁹ Nota Xoõo, hÏtari. Nikamari Xesosi Kristo nireëkiti, ininiã himoianari nitxaua, kotxi ätipirika nimÏteenekari nimisiritiko, hÏte misiritiko himÏteenekini atoko. Ikara misirikaretxi apokapitika atemoni, kotxi aäuÏte Xesosi Kristo nakitiakori atxaua. Nota aua Patamosi inakori pokomirÏti. Nitakaãka uai, kotxi Teoso säkire nisäpireta apanakinimoni. Ikinipoko nimarotakiti Xesosi Kristo pirena nisäpiretini xika kãkiti takano nota uai. ¹⁰ Kãkiti Api-ananiri xinikini õtisaaki, Erekar Matamatakoti sikaimaroretano nota. Iuasaaki nikenakotari säkiretxi nitikinimoni. Säkiretxi apiaenetakari, trõpeta atoko nikenakota. ¹¹ Itxari:

—Kãkiti apisapanika naua nota. Nota auapanika ikinipoko xipokaãka atoko. Piõkatsopata aätsopaã patamatakiti tÏkane. Eereka piokanatarari iua aätsopa kãkiti Teoso mereëkinimoni setxi sitatxiti auakanimoni Ásia tixineë. Piokanatsopata Épeso sitatxiti auakanimoni, Esimina sitatxiti auakanimoni, Pékamo sitatxiti auakanimoni, Txiatxira sitatxiti auakanimoni, Satxima sitatxiti auakanimoni, Piratéopia sitatxiti auakanimoni, Araotxiséia sitatxiti auakanimoni pakini —itxa notamoni.

¹² Ininiã eereka nikirioka notakata säkirauatakari natamatini Ìkapani. Nikiriokasaaki, natamatari setxi tirikapi topäkini oro kamakori. ¹³ Tirikapi topäkiniätaã, natamatari kãkiti itari iaxitikiiri, iuaritika ipinimoni itxaua. Iua mäka õtanori. IkÏtiäpeka apoka. Ipakiomatare atoko oro kamakoro aua itorotamoni. ¹⁴ Iãko iteene kasarori mapoa atoko itxa. Xamina tirinakari atoko itxa oki. ¹⁵ IkÏti mëkorÏka pirõsi xamina äki imëkorÏkini atoko. Isäkire ene äparaã torõkani atoko. ¹⁶ Iuako ikikomoni imãkaro setxi iõriki. Inamaã iouata mitari pokÏka. Iua iouata ipi uanaro aua. Atokatxi iotximere atoko itxa itoõ.

¹⁷ Natamatakasaakiri, nirika ikitimoni. Koriäkari atoko nitxa. Ininiã iuasaaki itakari iuako ikikomnikiri nota nopini. Itxano:

—Kona pipikarauatape, kotxi ikinipoko auini apisapanika nota aua. Ikinipoko xipokaãka atoko nota auapanika. ¹⁸ Nota auãkipika inakarino. Nota koriäkaripekano, iuaritika hätamatano. Ätipirika auãki inakarino nota. Ameë. Kaposotiireno nota, kotxi nipanitäari kãkiti ipinini. Niposotiire aua niokanatiniri kãkiti maerekati kamakani misiritikoãtaã. ¹⁹ Piõkatsopatarari mitxi patamatakiti, uatxaika patamatakiti pakini. Apikomoni noerekakiti

apaka piōkatsopata, kotxi noerekaiko katana itiximoni ikari. ²⁰ Kiripa ninoa iōriki setxi pakini niuako nikikomoni auakani? Teoso nitiriakori itxauana. Ninoa anikari nota sākire nisākire auīākanimoni ninoa setxi sitatxi auakanimoni. Kiripa ninoa setxi tirikapī topākini oro kamakori? Nisākire auīākani ninoa setxi sitatxi auakani itxauana —itxa Xesosi Xoāomoni.

2

Xesosi Iokanapirena Épeso Auakanimoni

¹ Xesosi misākiretari Xoāo:

—Piokanatariko ia nisākire Teoso nitirimoni, Teoso sākire auīākanikata auakarimoni Épeso sitatxitiā:

Ninoa setxi iōriki maīkakarino nota. Nimaīkari ninoa iōriki niuako nikikomoni. Ninoa setxi tirikapī topākini oro kamakori sauaki tipokotakarino nota. Ia nota sākire.

² Nimarotari ikinika hikamakiti. Nimarotari itori parikatxi pamimari hikama. Parikatxi kamimari inakasaaki, kona hitakanapari. Maerekati kamakani apokasaaki hitemoni, kona hite apakapana. Apokapeka apanakini kākiti hitemoni. Itxana: “Teoso iokanatakini-raua ate.” Txamari, kona atāo ninoa sākire. Nimarotari kona hite auiritana ninoa kaminiri maerekati. Hite atamakaerekatana. Eereka himarotari kona atāo ninoa sākire. ³ Himisiritaāka nisākire hīsāpiretini xika, iuaritika himiteenekari ikinipoko nota ikapani. Kona hīsāpaka hīparīkauatini nota ikapani.

⁴ Ikara hikamakiti erekari, txamari hitakanapari hitiretinino. Merepanika hitiretano.

⁵ Hixinikariko merepitipanika hitiretinino. Uatxa poiāoka hitiretano. Iuaīkana hikamariko merepitipanika hikamakiti atoko. Himatakanapakaniāri ikara himaerekani, patimari napokini hitemoni. Nimakatzakariko hitirikapite topākini. Ininiā Teoso sākire auīākani ! auaike ereē, himatakanapakaniāri ikara himaerekani. ⁶ Auapitika atāo hikamakiti, kotxi hite omanatari Nikoraito inakoni kamakiti. Nota apaka omanatari ninoa kamakiti.

⁷ Kakenakokii hite, ininiā hīkenakotariko Erekari Matamatakoti sākire Teoso sākire auīākanimoni. Maerekati makamakati nauiritako amātiiri Teoso tixine apanīkaki auakari itximini. Iua amātiiri tximakari auapika ātipirika Teosokata,

—itxa Xesosi Épeso auakanimoni.

Xesosi Iokanapirena Esimina Auakanimoni

⁸ —Piokanatariko ia nisākire Teoso nitirimoni, Teoso sākire auīākanikata auakarimoni Esimina sitatxitiā:

Ikinipoko auini apisapanika nota aua. Ikinipoko xipokaāka atoko, nota auapanika. Nipīpe, iuaritika iuaīkana nōkitikaua. Uatxa ! nipinaika. Ia nota sākire. ⁹ Nimarotari hātatsiire. Nimarotari hite minakati ! auari. Iuaritika ikinipoko erekari aua hitemoni. Nimarotari apanakini misākirepiretinii hite. Ninoa txa: “Xoteoakorira ate.” Txama kona atāo Xoteoni ! itxauana. Ninoa apotiitiniātaāua Satanasi nakiti. ¹⁰ Kona hīpīkapiri himisir-itiko ikapani ikari. Satanasi takari apanakini hite kateia āki ataerekatinii ikapani. Himisir-itaākako tesi pakini ōti. Atxiiti hīpina nisākire hāuikini xika, iuaritika kona hitakanapapiri nisākire hāuikini, ininiākara nisikai ātiāo saporīēta. Iua saporīēta apakapakari auapika ātipirika Teosokata.

¹¹ Kakenakokii hite, ininiā hīkenakotariko Erekari Matamatakoti sākire Teoso sākire auīākanimoni. Maerekati makamakati kona iuaīkana ikoriāika,

—itxa Xesosi Esimina auakanimoni.

Xesosi Iokanapirena Pékamo Sitatxiti Auakanimoni

¹² Eereka Xesosi iuaīkana misākiretari Xoāo:

—Piokanatariko ia nisākire Teoso nitirimoni, Teoso sākire auīākanikata auakarimoni Pékamo sitatxitiā:

Notamoni auari oa iouata ipi uana auakito. Ia nota sākire. ¹³ Nimarotari ikinika hikamakiti. Nimarotari hāuiniātaā. Ereē Satanasi kākiti auite itxaua. Iuaritika hite auikari nota sākire. Kona hite takanapari nisākire hāuikini. Átxipa inakori auama hite sauaki. Iua sāpiretapikari nisākire kākitimoni. Ikara xika okapeēka ereē Satanasi auiniātaā. Iuaritika kona hāsikano. !Hitakanapari nisākire hāuikini.

¹⁴ Txamari auapitika hīkerokakiti. Aua kākiti hite sauaki Paraño inakori sākire auīākani. Kitxakapirīka iua oerekari Paraki inakori kākiti Iseao auakani imisirienetini. Iua Paraki xika ikamarina maerekati, kotxi inikarina xinitxi teoso kamakorimoni sikakori. Oerekana kākiti kaminiri maerekati iito nireēkiti āti kākiti itokata. ! Apakata kākiti auikiniri Paraño sākire. ¹⁵ Hite sauaki aua kākiti Nikoraito inakoni sākire auīākani. Nota omanatari ninoa auīākiti sākiretxiti. ¹⁶ Hitakanapariko ikinika himaerekani. Hikanapiriāko

notamoni. Ikara atoko himakamakaniã, patimari hîtemoni napokini. Ininiã nineena-mauata maerekati kamakanikata mitaro iouataã ninamaã auakaroã.

¹⁷ Kakenakokii hîte, ininiã hîkenakotariko Erekarî Matamatakoti sâkire Teoso sâkire auiañkanimoni. Maerekati makamakati nisikariko komiri iaxitikiñi kipatakori. Apaka nisikariko kai kasarori maerekati makakanimoni. Iua kai nopini iõkataãka kãkiti uãka amaneri apanakini mimarotakiniti. Apakapakarînanî imarotari iuãka amaneri, —itxa Xesosi Pékamo auakanimoni.

Xesosi Iokanapirena Txiatxira Auakanimoni

¹⁸ Eereka Xesosi iuañkana misãkiretari Xoão:

—Piokanatariko ia nisãkire Teoso nitirimoni, Teoso sâkire auiañkanikata auakarimoni Txiatxira sitatxitiã:

Teoso ãkirirano nota. Noki xamina tirinakari atoko itxa. Nikiti mēkorika pirõsi atoko itxa. Ia nota sâkire. ¹⁹ Nimarotari ikinika hîkamakiti. Nimarotari hîtiraõki. Nimarotari iteene hãuikari nisãkire. Nimarotari iteene hîparîkauata nota ñkapani, apanakini ñkapani apaka. Hîparîka nota ñkapani pasãpaniri inakasaaki, iuaritika hîkamapanikari nota ñkapani. Uatxa apiaãpota hîparîka nota ñkapani.

²⁰ Itxama, nisãpiretaiko hîkerokakiti. Hîte auiritaro sito, Xesapeo inakoro, maerekati okamini hîte sauaki. Oa txa: “Teoso sâkire sãpiretakarono nota.” Otxama, omisirienetana ninitiriakori. Oa xika, ninõa kamari maerekati iñtona nireẽkiti apanakinikata isirîkinina. Apaka ninõa nikari nipokori teoso kamakori sikakori. ²¹ Niãtapari otakanapiniri omaerekani, txamari kona onirekari otakanapiniri omaerekani. ²² Ininiã nota kamari oamianatini. Oakata sirîkakani matakapanakaniãro, iteene ninõa atatsiirauata. ²³ Oa anaakori nokapitikako. Ikara atoko inakasaaki, ikinimane Teoso sâkire auiañkani imarotariko nimarotari ikinika kãkiti ãkixinire, ikinika ixinikakiti pakini. Ininiã erekari nisikako erekari kamakanimoni. Apaka nimisiritari maerekati kamakani. Hîkamakiti iaõka niñkitxitai hîte.

²⁴ Uatxa nimisãkiretai hîte apanakini Txiatxira sitatxiti auakani. Hîte auikari Teoso sâkire. Hîte ! auikari Xesapeo sâkire. Hîte kona apaiaõkari Satanasi oerekakiti, iua imarore. Kona ninirekari nisikinii apikomoni parîkatxi nota ñkapani, kotxi uatxa iteene hîparîkauata nota ñkapani. ²⁵ Ianoka ninireka hîkamini. Hîte auikari nisãkire, ininiã hãuikiniritika nisãkire, nikanapiriãko.

²⁶ Iua maerekati makamakati, ãtipirika nipaniãtakiti kamakari, iuamoni nisikariko niposotiire itixi auakani auñte ininiua. ²⁷ Teoso sâkire kitxakapirîkari txari:

Auñtetxi itxauako. Itapararitika ipaniãtana ninõa inireẽkiti ikaminina. Imakamaniãrina inireẽkiti, imisiritana ninõa, tiitxi kamakari tii imanirekakiniti ipakauanakini atoko.

Niri posotiire napakapakiti atoko iua apakapa. ²⁸ Apaka nisikariko iõriki ñkanõkapanikero iuamoni, ininiã notaka nisikaua iuamoni, kotxi iua iõriki atoko nitxaua. ²⁹ Kakenakokii hîte, ininiã hîkenakotariko Erekarî Matamatakoti sâkire Teoso sâkire auiañkanimoni, —itxa Xesosi Txiatxira auakanimoni.

3

Xesosi Iokanapirena Satxi Auakanimoni

¹ Iuañkana Xesosi misãkiretari Xoão:

—Piokanatariko ia nisãkire ninitirimoni, Teoso sâkire auiañkanikata auakarimoni, Satxi sitatxitiã:

Notamoni aua ninõa setxi Matamatakoni Teoso nakiti. Notamoni aua ninõa setxi iõriki. Ia nota sâkire. Nimarotari hîparîka. Apanakini sãpiretai hîte auãki hinini hîxinire, txamari Teosomoni koriãkanipekarai hîte. ² Himereka. Araõkire hîtxapaniko. Hîsikataratari erekari hãkixinireẽ auakari, kotxi iua erekari ipinaariãpota. Ininiã hîtxikitakari iua erekari auãki inini iuañkana. Notamoni hîparîka Teoso apisatoõ na atão. ³ Hîxinikariko hãpakapakiti, apaka hîkenakotakiti. Hîkîpitariko hîkenakotakiti. Hitakanapariko maerekati. Erekarî hîkamako, kotxi kiñtiriri apokini atoko napokako uai. Kãkiti kona imarotari kiñtiriri apokini manapi. Ikara atokokana nitxako nikanapiriãkasaaki.

⁴ Hîte Satxi sitatxiti auakani sauaki auapanika apanakini maerekati makamakani. Ninõa auikapitikari nisãkire. Ninõa kãkiti imãka matxikotakani atoko itxana. Ininiã notakata isanako. Imãkana kasarori. Ikara atoko nikaminana, kotxi ninõa kamari erekari nipaniãtakiti.

⁵ Maerekati makamakani ieretakariko mãkatxi kasarori. Kona noakapaniriko iuãkana naãtsopateẽ. Kãkiti iuãkana ikara aãtsopaã auakani ãtipirika auapikako Teosokata. Ikara

atoko ininiã, nisãpiretari iuãkana nirimoni, initiriakori iaxitikini pakinimoni. Nitxana: “Nota nakitiakori itxauana ninoa.”

⁶ Kakenakokii hïte, ininiã hïkenakotariko Erekarî Matamatakoti sãkire Teoso sãkire auiãkanimoni,
—itxa Xesosi Satxi auakanimoni.

Xesosi Iokanapirena Piratëopia Auakanimoni

⁷ Iuãkana Xesosi misãkiretari Xoão:

—Piokanatariko ia nisãkire Teoso nitirimoni, Teoso sãkire auiãkanikata auakarimoni Piratëopia sitatxitiã:

Nota maerekati makamakaturano. Atão inakaranini sãpiretakarîkarano nota. Kaposotireri auitetxi Tavii inakori atoko nitxa, kotxi nota matakakakiti, kona ãti totari. Nota totakiti kona ãti matakakari. ⁸ Nimarotari hïte parïka. Hãtamata. Hïparïka nota ikapani aapokotxi tore matakakakori atoko itxa. Kona ãti posotari iseretiniri. Ininiã kãkiti ! iposotari iotokakinii hïte nisãkire hïspiretini. Ikara atoko nikaminii hïte, kotxi kona kataparai hïte. Ikara atoko nikaminii hïte, kotxi hïkïpitari nisãkire. Kona hïkïpatari nisãkire apanakini apisatoõ. ⁹ Apanakini txari: “Atão Xoteoakori atxaua.” Txamarî Satanasi nakitiakori itxauana. Paxirari ninoa sãkire. Nikamariko ninoa kapotoreëkiniãua hïte apisatoõ. Iuasaaki ninoa txako: “Atãopitikara Xesosi tiretapitukai.” ¹⁰ Hïkïpitapekari nisãkire. Kamonõkoniri inakasaaki, kona hitakanapari nisãkire, ininiãkara apia maerekati ikini itixiti apokasaaki, iuasaaki ninikataiko hïte. Iua maerekati kona misiritai hïte. Iua maerekati apokako itixi auakani atamakaerekatini ikapani.

¹¹ Erepaniko, patimapaniriko napokini ereë. Ætipirika hïkamariko erekari. Hitakanapapikariko maerekati. Ininiã iuasaaki ãti kona posotari imaktxakiniri auitetxi saporietane hïtemoni nisakakiti. ! Imaktxakarina ikara hïparïka ïki. ¹² Nikamariko maerekati makamakati itïkare mina atoko inini niTeosone misãkiretiko aikoti ãki. Auapika Teoso misãkiretiko aikoti ãki, ininiã ! itakanapari Teoso sãkire. Niõkatariko niTeosone uãka iua nopini. Apaka niõkatariko Teoso sitatxine uãka iua nopini. Ininiã apanakini imarotari Teoso nakitiakori ininiuana ninoa. Iua Teoso sitatxine Xerosareë amaneri iua tixine katxakakari. Iua maerekati makamakati nopini niõkatariko apaka nota uãka amaneri.

¹³ Kakenakokii hïte, ininiã hïkenakotariko Erekarî Matamatakoti sãkire Teoso sãkire auiãkanimoni,
—itxa Xesosi Piratëopia auakanimoni.

Xesosi Iokanapirena Araotxisëia Auakanimoni

¹⁴ Iuãkana Xesosi misãkiretari Xoão:

—Piokanatariko ia nisãkire Teoso nitirimoni, Teoso sãkire auiãkanikata auakarimoni Araotxisëia sitatxitiã:

Niuãka “Ameë.” Nota atão sãkiretxiti sãpiretakarîkarano. Nikamari ikinika nisãpiretakiti. Merepanika nikamari ikinipoko. Ininiã ikinipoko auite nitxaua nota. ¹⁵ Nimarotari ikinika hïparïka. Hïtxari: “Nauikapitikari Xesosi sãkire.” Txamarî kona iteene hinirekari hïkaminiri nipaniãtakiti. Apaka kona iteene hinirekari hitakanapiniri nisãkire. Kona kapataraki atokoni hitxaua hïte. Kona katxïkareri atokoni hitxaua hïte. Poomari atoko hitxaua. Notamoni apiaerekata kapataraki atoko hininiua hïte. Iuasaaki iteene hinirekari hïparïkauatini nota ikapani. Iteene himanirekakaniãri hïparïkauatini nota ikapani, api-aerekata katxïkareri atoko hininiua hïte, nisãkire ikinika hitakanapini. ¹⁶ Notamoni hïte ãparaã poomari atoko hitxa. Ininiã kona ãparaã kapatakaãri atoko ! hitxa. Apaka kona ãparaã katxïkareëri atoko ! hitxa. Ikara atoko inakasaaki ! ninirekai. Ininiã mapara nikanakai hïte. ¹⁷ Hïte txa: “Katxineiroteua ate. Katiiua ate. Apikomoni anirekakiti ! auari,” hitxa. Txama kona himarotari hãkixinireë iteene himatinaniuatini. Hãkixinireë minakati ! auari. Hãkixinireë mokiri atoko hitxaua. Kasarari atoko hitxaua hãkixinireë. Ikara atoko hininiã, kona himarotari Teoso. ¹⁸ Nõtãkikai hïte hiamotiniri notamoni auakari oro atoko inakari. Oa oro xamina oeretakito. Ikara atoko hïkaminii, ikinika hinirekakiti auako hïtemoni. Hiamotariko mãkatxi kasarori notamonikiri hïeretakini ikapani, ininiã kona hïpëtauata kasar hinini xika. Ikara atoko hïkaminii, hãkixinire ! auari maerekati. Hiamotariko apaka pinïtxi notamoni auakari hõki ikapani, ininiã atão hïposota hãtamarauatini.

¹⁹ Nitiretakini nõtkika, apaka noerekana. Ininiã ikinipoko atão hïkamako maerekati hitakanapini ikapani. ²⁰ Hãtamatako. Hãkixinire toreë nota auapeka. Nota haãpoko maparakiri akiritakari atoko. Hïkenakotiniãri nakiritinii, hõsereiniãri hãkixinire tore, niãroã hïtekata nikaikotini ikapani. Iuasaaki ninipokota hïtekata. Hïte nipokota notakata.

²¹ Nauiritari maerekati makamakati topākini notakata auñteti topanere nopini. Iua auñteti topanere nota nakiti. Iua atokotxikana nota topāka nirikata auñteti topanere nopini iua nakiti nopini, kotxi maerekati makamakati nota apaka txaua. ²² Kakenakokii hñte, ininiã hñkenakotariko Erekarì Matamatakoti sãkire Teoso sãkire auñkanimoni, —itxa Xesosi Araotxiséia auakanimoni.

4

Iaxiti Auñteti Topanere

¹ Eereka natamatari iaxiti tore. Itore imatakakaãka. Merepanika nikenakotari trõpeta atoko inakari. Kãkiti sãkire atoko itxa. Imisãkiretano:

—Uai pina notamoni. Noerekaiko katana auakari ñkane.

² Iuasaakipeka Erekarì Matamatakoti anikano. Iuasaaki natamatari auñteti topanere iaxiti. Topãkakari aua iua nopini. ³ Iuaã topãkakari kai peereri pomëkoriri atoko itxa. Iua kai satõnia inakori atoko. Apaka ãti kai sãtxio inakori atoko itxa iua topãkakari. Kisi ãkitari iua auñteti topanere. Iua kisi kai esimerãota inakori atoko itxa.

⁴ Iua ñtinikata aua vñtxi koatro pakini topaneretxi. Vñtxi koatro pakini totiakori topãka iua topaneretxi nopini. Ninoa mãka kasarori. Ikiina aua saporieña oro kamakori. ⁵ Auñteti topanereãtaã atamataãka ito mëkokari. Iotxira, iokaamori aua iuaãtaã. Iteene poenexitiri. Iua auñteti topanere apisatoõ aua setxi tirikapi. Setxi Matamatakoni Teoso nakitiakori itxauana ninoa setxi tirikapi.

⁶ Iua auñteti topanere apisatoõ ipoa ãtakaãri atoko itxa. Auñteti topanere ñtinikata aua koatro Teoso tixine auakani. Ninoa okñtxinoka xãpokañtotakini. Auana okina ikini ñtoãna. Itorotaãna aua okina. Iporikiãna apaka aua okina. ⁷ Okñtxinoka xãpokañtotakiti ãti, ãkiti atoko itxa. ãtipekana kema auñte atoko itxa. ãtipekana aua kiki toõ atoko. ãtipekana kokoi araãkari atoko itxa. ⁸ Ninoa ikininape aua imñkitana seisi pakini. Imñkitana nopini, ipatapi apaka okina aua. Kona itomatana. Ikini pokamarariti, ikini ñkanõkati itxana:

“Erekaì. Erekaì. Erekaì. Teoso Apiananiri pitxaua. Kaposotiñreri pitxaua. ãtipirika auakarii. Kitxakapirñka auakarii. Uatxa auakarii. Katana apaka pite auapanika,” itxana ãtipirika.

⁹ Ninoa okñtxinoka xãpokañtotakini xipoãtakasaaki, ixikaretarina Teoso paxitiko pirena. Ixikaretarina: “Ikinipoko ikamakiti ate ñkapani erekarinoka. Peerekari iua auñteti topanere topãkakari, ãtipirika auapika inakari.” Ninoa xikaretari ikara Teoso ñkapani. ¹⁰ Ninoa vñtxi koatro pakini totiakori xikarauatakasaaki, ikapotoreëkauana ixitimoni iua auñteti topanere nopini topãkakari apisatoõ. “Ateosone,” itxana iua ãtipirika auapika inakaronimoni. Itakarina isaporieñtane Apiananiri apisatoõ, kotxi Teosonokara ikinimane auñte. Iuasaaki itxana:

¹¹ “Apiananiri, aTeosone pitxaua. Erekaì pite, ininiã apakatapitika apaxitinii. Apakatapitika ikinimane sãpiretinii: ‘Peerekai.’ Apakatapitika pite apakapiniri ikini posotiiretxi. Ikara atão, kotxi pite kamari ikinika. Pite kamari ikinika, kotxi pite nirekari pikaminiri. Pite nirekari ikinipoko auini,” itxana ninoa vñtxi koatro pakini totiakori.

5

Aãtsopa Iapiriãkari Pirena

¹ Iuasaaki natamatari aãtsopa iapirikakori iua auñteti topanere nopini topãkakari uakoã. Iuako ikikomnikiriã aua. Iua aãtsopa auari iõka ãkiriko, inopinimoni pakini. Iua aãtsopa aua setxi popitari kãkiti makatamëkakaniri ñkapani. ² Iuasaaki natamatari ãti Teoso nitiri iaxitikiri. Kataparari iua. Itaparasãkirititika itxa:

—Kiripa apakata imaktxakiniri ia popitari? Kiripa posotari ikatamëkiniri ia aãtsopa? —itxa.

³ Itxama, kona auari iaxiti auakari, kona auari itixi auakari, apaka kona auari itixi patapi auakari, iua aãtsopa katamëkakari !auari. Ninoa !iposotari ikatamëkinirina iua aãtsopa. !Iposotarina atamatinirina iua aãtsopa ãki.

⁴ Ininiã iteene nitxiapata, kotxi iua aãtsopa iapiriãkari katamëkakari !auari. Erekarì kamakari !apokaãka ikatamëkiniri ñkapani, atatsopatìniri ñkapani. ⁵ Iuasaaki ninoa totiakori ãti txari notamoni:

—Kona pitxiapatape. Patamata kiraã. ãkiti atoko inakari iua. Xotaa apika mekaniriakori auñte iua. Tavii apika mekaniri iua. Oerekapekari Satanasi poiãori inini. Iua apiata. Ininiã iuanani posotari ikatamëkiniri iua aãtsopa iapiriãkari. Iuanani posotari imaktxakiniri ninoa setxi popitari —itxa iua toti.

⁶ Iuasaaki natamatari soti auîte okakori atoko. Iua itima iua auîtetxi topanere apisatoõ. Ninoa ipi ipi pakini okîtxinoka xâpokaîtotakini, ninoa totiakori pakini âkitari iua. Setxi iko, setxi oki pakini aua iuamoni. Setxi oki aua iuamoni, kotxi setxi Matamatakoni Teoso nakitiakori aua. Teoso iokanatana ninoa ikini itixitimoni. ⁷ Iua soti auîte atoko inakari sari iua auîtetxi topaneremoni. Imaîkari aâtsopa topaneretxi nopini topâkakari uakoã auakari. Iuako ikikomnikiriã aua. ⁸ Imaîkasaakiri, ninoa koatro okîtxinoka xâpokaîtotakini, ninoa vîtxi koatro totiakori pakini patimari ipamakinina soti auîte apisatoõ. Ikinikana auari arpa inakori xikari ikaminina îkapani. Imaikinikana auari kopitipaki oro kamakori. Naia kopitipaki xâpoka koria atoko inakari peeremariri. Ia kamariãro Teoso sâkire auiãkani sâkire iuamoni.

Amaneri Xikariti

⁹ Iuasaaki ninoa xikaretari amaneri xikariti. Ixikaretarina:

“Pitenani apakata papakapiniri iua aâtsopa iapiriãkori. Pitenani apakata pimakatx-akiniri popitari, kotxi pitenanira erekari. Pite okaãka. Piarêkaã piamotaua ate Teoso îkapani. Piamotapekaua ikini uãkati kãkiti sauaki. Ikini âti uãka sâkire sâkiretakani sauaki piamotapekaua. Ikinika itixiti auakani sauaki piamotapekaua ate.

¹⁰ Pite txîkitakaua ate auîtetxiakori aniniua, sasetotxiakori apaka aniniua, Teoso îkapani aparîkauatini. Ininiã itixi auakani auîte atxauako ate.”

¹¹ Iuasaaki natamatari itomaneri Teoso nitiriakori. Nikenakotari ninoa sâkire. Kaiãopokori ninoa. Seî mio, apikomoni seî mio, apikomoni seî mio itxaãpokatana. !Apakata ninoa iaõtiko. Ninoa âkitari iua auîtetxi topanere, okîtxinoka xâpokaîtotakini, totiakori pakini. ¹² Itaparasâkireritika ixikarauatana. Itxana:

“Soti auîte okaãka kãkiti îkapani. Ininiã âtipirika apakata iua apakapiniri posotiiretxi, ikinika erekari, imaroretxi, taparãtxi pakini. Apakata ikinimane paxitiniri iua. Apakata ikinimane sãpiretiniri iua ereka inini. Apakata ikinimane iuikiniri iua.”

Ikara atoko ninoa xikarauata.

¹³ Ikara eereka nikenakotari ikinika iaxiti auakani, ikinika îkorapokoriti auakani, ikinika itixi patapi auakani, ikinika potxoari uiniti nopini auakani, ikinika potxoari uiniti âki auakani pakini xikarauatini. Itxana:

“Ikinika erekari âtipirika aua iua auîtetxi topanere topâkakarimoni, iua soti auîte pakini-moni. Ikinika âtipirika paxitana. Ikinika âtipirika txari: ‘Peerekana ninoa.’ Ikinika taparãtxi âtipirika aua ninoamoni.”

¹⁴ Ininiã ninoa koatro, okîtxinoka xâpokaîtotakini txana:

—Ameë.

Iuasaaki ninoa vîtxi koatro totiakori patimari pamakini.

—ATEosone pitxaua —itxana iua âtipirika auakarimoni.

6

Soti Auîte Makatxakari Popitari

¹ Natamatari soti auîte makatxakiniri âti popitari. Ikara natamatakasaaki, nikenakotari okîtxinoka xâpokaîtotakiti sâkire. Isâkire ikarokirauatini atoko itxa.

—Uai pinako. Patamata —itxa.

² Iuasaaki natamatari kavaro kasarori. Kiki aua oporikiã. Iua tapotxi aua. Auîtetxi saporietane sikaãka iuamoni. Iua sari ikini itixitimoni kãkiti auîte ininiua îkapani.

Âti Popitari Makatxakiko

³ Eereka soti auîte makatxakari âti popitari aâtsopaã, ininiã ipi auape. Iuasaaki nikenakotari âtipekana, okîtxinoka xâpokaîtotakiti sâkire:

—Uai pinako. Patamata —itxa.

⁴ Ikara eereka natamatari kavaro põkamarari. Kiki aua oporikiã. Iua kiki sikaãka posotiiretxi neenamtxi ikamini ikini itixitiã, ininiã neenamtxi mauakaniãta! auari. Itxîkitakari kãkiti okakakinua. Isikaãka iouata mitapoari ineenamauatini îkapani.

Âti Popitari Makatxakiko

⁵ Eereka soti auîte makatxakari âti popitari, ininiã ipi âti auape. Iuasaaki âtipekana, okîtxinoka xâpokaîtotakiti txari:

—Uai pina. Patamata —itxa.

Ininiã iuasaaki natamatari kavaro pomamari. Kavaro nopini topâkakari aua minari iaõtiko iuakoã. ⁶ Eereka nikenakotari âti sãkirauatini okîtxinoka xâpokaîtotakini sauaki. Itxa:

—Ipixini kiro triko îki, âti õti kãkiti parîka îkitxikana. Âti, ipixini pakini kiro atarokiri atoko inakari îki, âti õti kãkiti parîka îkitxikana. Iitxiã îki, ovaã îki pakini poiãopanikako.

Áti Popitari Makatxakiko

⁷ Eereka soti auíte makatxakari áti popitari, ininiã ipi ipi pakini auape. Iuasaaki nikenakotari imapotökirekiri, okëtinxinoka xâpokaïtotakiti sâkire. Itxari:

—Uai pina. Patamata —itxa.

⁸ Iuasaaki natamatari kavaro posêtakari. Inopini topâkakari uâka “Ipîkitxi” inaãka. Áti iua tikini sa. Iua akiritaãka “Maerekani Misiritikoãtaã” inaãka. Isikaãkana posotiiretxi kaiãopokori itixi auakani okiniua ikapani, ininiã koatro kâkiti auiniãtaã áti okaãka. Ninoa okana kâkiti neenamatiã, natxiã, amianariã, kaxipiri kaneenamariã pakini.

Áti Popitari Makatxakiko

⁹ Ininiã soti auíte iuaãkana makatxakari áti popitari, ininiã ipi ipi áti pakini auape. Iuasaaki natamatari Teosomoni sikakori takikoãtaã patapi kâkiti okakoni. Ninoa okaãka Teoso sâkire isâpiretinina xika. Kona itakanaparina isâpiretinina Teoso kamakiti ninoa ikapani, ininiã ikara xika okaãkana. ¹⁰ Itaparasâkireritika akirikatarina Teoso. Itxana:

—Apiananiri, átipirika erekari kamakarii pite. Atãonoka pisâkire. Kirisaakipa pimisiritari itixi auakani? Kirisaakipa pixikatxitaue ate, kotxi ninoa okaua ate? —itxana.

¹¹ Ininiã mâkatxi kasarori sikaãka ninoamoni. Eereka isâpiretaãkana:

—Hiãtapariko apikomoni. Teoso nirekari apanakini hîtariakori, initiriakori okiko hîte atoko iniko. Hîtariakori okaãka atoko, Teoso xikatxitaï hîte. Hiãtapariko ikara ôti —itxa.

Áti Popitari Makatxakiko

¹² Eereka nitikari soti auíte makatxakiniri áti popitari, ininiã seisi pakini auape. Iuasaakipeka itixi iteene iakeêkata. Atokatxi mamãka, sako mata pomamari potxi iãko kamakori atoko. Kasiri kamarãka arêkatxi atoko. ¹³ Iõriki itori iaxiti auakaro irika ikorapokoritimoni. Amãtiiri ïtima iokatxaãkiti atoko otxa. ¹⁴ Natamatari iaxiti aãtsopa iapirikiniua atoko. Ikinika ixirata mitari, ikinika ipokomiriï pakini makatxakaãka. Átiãtaã itakaãka.

¹⁵ Iuasaaki ikorapokoriti auítetxiakori, kâkiti kaposotiirerini, katiirini, sotato auíteakori, kâkiti katapararini, nitiritxi amotakoni, nitiritxi minakanua pakini kipataua aarikoã, kai mitari sauaki ixirataã. ¹⁶ Iuasaaki itxana ixirata auítetimoni apaka kai mitarimoni:

—Hirikako ate nopini. Hikipataua, kotxi topaneretxi nopini topâkakari, soti auíte pakini nirekari imisiritiniua ate. ¹⁷ Soti auíte misirikare ôti manapi apopeka. Kona kâkiti mïteenekari ikara misirikaretxi.

7*Sêto Koarêta Koatro Mio Teoso Nitiriakori Itixi Auakani*

¹ Eereka natamatari Teoso nitiri iaxitikiri timini atokatxi pokîkinimoni, áti atokatxi ereêkokinimoni, áti atokatxi kimapore sanaremoni, áti atokatxi kimapore kikomoni. Ininiã ipi ipi pakinipe ninoa. Ninoa maãkari ïtima ipi ipi pakini itixi auakari ïtimati. Ininiã ïtima kona inapaika itixiã. Kona kãuaãriã ! inapaika ïtima. Kona aaminaã ! inapaika ïtima. ² Natapari áti Teoso nitiri iaxitikiri inaãpotini atokatxi pokîkinimoni. Teoso átipirika auakari takaõtxikare aua uamoni. Itaparasâkireritika akiritana ninoa ipi ipi pakini Teoso nitiriakori. Ninoa parïka itixi, potxoari uiniti pakini imisiritinina. ³ Iua Teoso takaõtxikare aukiti txari ninoamoni:

—Uatxa kona himisiritapiri itixi, potxoari uiniti, aamina pakini. Himisiritinina apisa, ate takari Teoso takaõtxikare initiriakori itixi auakani teãtaã.

⁴ Eereka nimarotari Teoso takaõtxikare apakapakani. Itakaõtxikaãkana sêto koarêta koatro mio kâkiti. Ikini uãka Isaëo tixinikini takaõtxikaãka.

⁵ Tosi mio Xotaa apika mekani takaõtxikaãka.

Tosi mio Hopê apika mekani takaõtxikaãka.

Tosi mio Katxi apika mekani takaõtxikaãka.

⁶ Tosi mio Asee apika mekani takaõtxikaãka.

Tosi mio Natarii apika mekani takaõtxikaãka.

Tosi mio Manasee apika mekani takaõtxikaãka.

⁷ Tosi mio Simião apika mekani takaõtxikaãka.

Tosi mio Arevii apika mekani takaõtxikaãka.

Tosi mio Isakaa apika mekani takaõtxikaãka.

⁸ Tosi mio Seporõ apika mekani takaõtxikaãka.

Tosi mio Xosee apika mekani takaõtxikaãka.

Tosi mio Pëxamiï apika mekani takaõtxikaãka.

Itomaneri Kâkiti Teoso Apisatoõ

⁹ Ikara eereka natamatari itomaneri kākiti apotiitakaniua. ! Apakata kākiti iaōtiniri ikinikana. Aua kākiti ikini itixitikini, kākiti ikini sereti. Aua ikini uāka sākire sākiretakani. Ikinikana ninoa timanāta Apiananiri apisatoō, soti auīte pakini apisatoō. Ninoa māka kasarori. Aātape aua iuakoāna. ¹⁰ Itapasāsākireritika itxana:

—Ateosone topāka auītetxi topanere nopini. Iuara, soti auīte pakini makatxakapekari amaerekani.

¹¹ Iuasaaki ikinika Teoso nitiriakori iaxiti auakani tima. Ninoa ākitana auītetxi topanere, totiakori, ninoa ipi ipi okītixinoka xāpokaītotakini pakini. Ikapotoreēkauana itoōna xitimoni, auītetxi topanere apisatoō. “Ateosone pite,” itxana Teosomoni. ¹² Ixipoātana Teosomoni:

—Ameē. Ātipirika ikinimane sāpiretai ereka pinini. Peerekai. Kimarorei. Erekarī pikamakiti ate ikapani. Ikinimane paxitai. Kaposotiirei. Pataparai. Ātipirika ikara atoko atxai. Ameē.

¹³ Ininiā eereka ninoa totiakori āti pimaāno nota:

—Kīripa ninoa kākiti mākatxi kasarori ieretakakani? Namonipa inana ninoa? —itxa iua.

¹⁴ Ininiā nota txari iua:

—Pitera imarotari.

Ininiā iua txano:

—Ninoa iteene misiritaākapeka. Uatxa ixipope ninoa misiritiko. Soti auīte makatxakapekari imaerekana. Ininiā imākana soti auīte arēkaā arokakori atoko itxauana. Uatxa kasarori imākana, kotxi itxiko !auari. Soti auīte makatxakapekari kākiti maerekani ipīkasaaki, ininiā mākatxi kasarori atoko itxa ninoa ākixinire.

¹⁵—Ininiā ninoa aua Teoso topanere apisatoō. Imisākiretiko aikoti āki iparīkauatana Teoso ikapani ikiniōtika pokamara, ikanōka pakini. Ininiā iua auītetxi topanere nopini topākakari auapikako ninoa sauaki. ¹⁶ Ninoa kona natxitaika. Kona iposonataikana. Atokatxi kona arikana ninoa. Kona kapatakari kona arikana. ¹⁷ Kotxi soti auīte auītetxi topanereātaā auakari nīkatanako ninoa. Iua anikana ninoa sōtoārimoni. Iuaā auakari sōtoāri iātakani ātipirika auapikako. Teoso makatxakariko ikinika iātsaāna. !Itxiapataikana.

8

Imapotōkire Popitari Makatxakiko

¹ Imapotōkire popitari imakatxakasaaki, ikinipoko tsorīkaxitita Teoso tixineē. Ikara atoko ipixini oara. ² Eereka natamatana setxi Teoso nitiriakori, iua apisatoō timakani. Isikaākana setxi xikari kamiko trōpeta inakori.

³ Eereka āti Teoso nitiri apoka. Itima Teosomoni sikakori takikoātaā. Kamariāro arikiko koanati oro kamakori iuamoni aua. Kamariāro ito sikaāka iuamoni, Teosomoni isikini ikapani, ikinika Teoso nakitiakori amanaākiti sākirexitikata. Ininiā arikari iua kamariāro Teosomoni sikakori takikoātaā nopini. Oro kamakori iua Teosomoni sikakori takikoātaā auītetxi topanere apisatoō. ⁴ Ininiā iuakoā kamariāro txiā, Teoso nakitiakori amanaākiti sākirexitikata kanīka Teoso apisatoō. ⁵ Ininiā eereka iua Teoso nitiri kosekari okoana. Ixāpokakari xaminaminiki mēkorīkakariā, Teosomoni sikakori takikoātaā nopini auakariā. Eereka okari itiximoni. Iuasaakipeka aua karokirauari, mēkokari pakini. Apaka iuasaaki itixi iakeēkata.

Koatro Trōpeta Pirena

⁶ Ininiā ninoa setxi Teoso nitiriakori setxi trōpeta auakini iposope itrōpetane ixōkinina ikapani.

⁷ Ininiā ninoa Teoso nitiriakori āti xikarauata itrōpetaneē. Iuasaaki katxīkareri kai soro atoko inakari, apaka xaminaminiki mēkorīkakari arēkatxiā koketakori okaāka itiximoni. Ikara xika apanakini aamina itixi auakari arika, ininiā ipi āti pakini aamina auiniātaā ātika arikaāka. Ikinika katsotati arika apaka.

⁸ Eereka āti Teoso nitiri xikarauata itrōpetaneē. Ininiā ixirata auīte atoko inakari arikatxikata okaāka potxoari uinitimoni. Ininiā ipixini potxoari uiniti arēkatxi itxapekaua. ⁹ Ininiā apanakini potxoari uiniti āki auakani ipīpe, ininiā ipi āti pakini potxoari uiniti auakani auiniātaā ātika ipīpe. Iuasaaki apanakini maporoni apaka xīpokaāka, ininiā ipi āti maporo auiniātaā ātoka xīpokaāka.

¹⁰ Eereka āti Teoso nitiri xikarauata itrōpetaneē, ininiā ipi āti pakini initiriakori xikarauatape. Iuasaaki iōriki mitari iaxitikero katxaākata. Otirika tirikapi atoko. Oīrika ipixini uini nopini. Oīrika ipixini sōtoāri nopini apaka. ¹¹ Iōriki uāka, “Kapixiro,” otxaua. Ininiā ipixini āparaā kapixiā. Ipi āti pakini sōtoāri auiniātaā, ātinoka sōtoāri kapixiā. Ito kākiti iātari iua āparaā, eereka ikoriāna, kotxi kapixiāri āparaā.

¹² Ininiā āti Teoso nitiri xikarauata itrōpetaneē, ininiā ipi ipi pakini initiriakori xikarauatape. Iuasaaki atokatxi ponikare, kasiri, iōriki pakini kona iteene !iponikaika. Imamākapeka.

Ininiãkara pokamara ipi ipi pakini oara atokatxi !iponikaika. Iua atokotxikana ìkanõka ipi ipi pakini oara kasiri, iõriki pakini !iponikaika. ¹³ Ininiã eereka nitikarauatakasaaki, nikenakotari ãti Teoso nitiri sãkire. Iua araaãpota Teoso tixine. Itaparasãkireritika itxari:

—Erepaniko. Erepaniko. Erepaniko itixi auakanii. Auapanika apikomoni ipi, ãti pakini trõpeta Teoso nitiriakori xõkini ìkapani.

9

Ãti Trõpeta Xõkiko

¹ Ininiã ãti Teoso nitiri xikarauata itrõpetaneë. Iuusaaki nitikari ãto iõriki iaxitikero katxakini itiximoni. Iõrikimoni osikaãka xavi aariko mamapotõkire irikoti tore ìkapani. ² Ininiã iõriki atoko inakari mataakari iua aariko. Eereka katxiãri kaiãopoko pokõka. Katxiãri tokori arikikosaaki atoko itxa. Eereka iaxiti, atokatxi pakini piãka itxiã xika. ³ Iposo atoko txitxiri atoko inakari pokõka itxiã. Posotiiiretxi isiãkana, ininiã kaxipiro itixi auakari posotiiire atoko aua txitxirimoni, kãkiti ioãkini ìkapani. ⁴ Ipaniãtaãkana katsotati imokakanina, apaka takari, aamina pakini imokakanina. Ipaniãtaãkana imisiritinina Teoso takaõtxikare iteëtaã mauakini. ⁵ Kona isikaãkana posotiiiretxi kãkiti okinina ìkapani. Siko kasiritinana ninoa paniãtaãka imisiritinina ninoa. Imisiritarina kaxipiro ioãkini atoko. ⁶ Iuusaaki kãkiti nirekariko ipinini. Itxama, kona iposotarina ikoriinina. Initarina ipikiti, txamari iuusaaki ipikiti mitekapeka.

⁷ Iua txitxiri kavaro atoko itxana. Kavaro neenamatzixi kamakani atoko itxana. Ikiãna aua saporieãta atoko oro kamakori. Itoõna kãkiti toõ atoko itxana. ⁸ Ninoa iãko sito iãko atoko itxana. Itsiriãna ãkiti tsiriã atoko itxana. ⁹ Itorota ipatinina koana metao kamakori atoko. Imõkitana ene kavaro itomaneri miteëkani ene atoko. Mitekaã ene atoko itxana. ¹⁰ Ninoa xipi kaxipiro xipi atoko itxana. Oko aua ixipiãna. Ninoa posotari kamatsiitini kãkiti siko kasiriti. ¹¹ Ninoa auite aua. Iua Satanasi nitiri. Mitxi aariko mamapotõkire irikoti ãki auakari iua. Xoteo sãkireë iua uãka Apatõ itxaua. Kreko sãkireë iua uãka Aporioõ itxaua. Popõkari sãkireë “Ikinipoko Xipokakari,” itxaua.

¹² ãti misirikaretxi napapeka. Txama auapanikako apikomoni ipi misirikaretxi.

Ãti Trõpeta Xõkiko

¹³ ãti Teoso nitiri xikarauata itrõpetaneë. Iuusaaki seisi trõpeta xõkapeëkaika. Teosomoni sikakori takikoãtaã oro kamakori aua ipi ipi pakini iko. Ikara Teoso apisatoõ. Nikenakotari iko takote auakari sãkirauatini. ¹⁴ Ininiã iua txari Teoso nitiri iua trõpetaã xikarauatakari:

—Pisikakanako ipi ipi pakini Teoso nitiriakori iaxirikakoni Eoparatxi inakori uiniti auakani.

¹⁵ Naia ipi, ipi pakini Teoso nitiriakori iposopekana ia anokanani, ia kasiriti, ia õti, ia oara manapi ìkapani. Ininiã ninoa sikakaãka kaiãopokori kãkiti okinina ìkapani. Ininiã ipi ãti pakini kãkiti auiniãtaã auiritaãka ãtika okinina. ¹⁶ ãti sãpiretano ninoa sotatone kavaro nopini auakani tosëtos mirão aua. Kaiãopokori.

¹⁷ Natamatari ninoa sotatoakori kavaro nopini nitaponemoni. Natamatakasaakina ia atoko ninoa. Itorotana koana metao kamakori auana. Apanakini torota koana põkamarari xamina tirinakari atoko itxa. Apanakini poporeri. Apanakini posëtakari ëxõpiri atoko. Ikiãna ãkiti kii atoko. Inamaãna ipokõka xamina tirika, katxiãri, ëxõpiri pakini. ¹⁸ Ikara xamina tirinakari, ikara katxiãri, ikara ëxõpiri pakini inamaãna pokõkakari, okari kaiãopokori kãkiti itixi auakani. Ininiã ipi ãti pakini kãkiti auiniãtaã ninoa okari ãtika. ¹⁹ Kavaro posotiiire inamaã, ixipiã pakini aua. Ninoa xipi imini atoko itxa. Ixipiãna aua ito kiiri. Ninoa kii misiritari kãkiti.

²⁰ Ininiã itomane kãkiti koriã ia misirikari xika. Iuaritika kãkiti mokakoni maerekati kamakani !inirekari itakanapinirina imaerekani. Ninoa kapotoreëkapanikaua Satanasi nitiriakorimoni. Ikamapanikarina ninoa amanaãkiti. Iteosonetari aamina kamakori, oro kamakori, pirata kamakori, pirõsi kamakori, kai kamakori pakini. Ninoa teosone kona posotari atamarauatini. Kona iposotarina ikenakoruatini. Kona iposotarina iõpokotinina. ²¹ Ninoa kãkiti okapanikari apanakini. Ikamapanikarina miiti parõka. Isirikapanikana apanakinikata. Iitirikapanikarina apanakini kãkiti tii. Kona inirekarina maerekati itakanapinina.

10

Aãtsopa Axapitiri Iapirikakori

¹ Iuusaaki natamatari Teoso nitiri iaxitikiri katxakini ìkorapokoritimoni. Kataparari iua. Iua katxiãri iaxitikiri ãki. Katxiãri imãka atoko itxa. Kisi ikii nopini aua. Itoõ atokatxi atoko itxa. Itapike aãtsota tirinakari atoko itxa. ² Imaikanãtari aãtsopa iapirikakori

axapitiri. Iuaokã aãtsopa ikatamêka. Itakari ikiti ikikomunikiri potxoari uiniti nopini. Isanaremonikiri ikiti itakari imiriî. ³ Akiripoakata âkiti atoko. Iuasaaki setxi iokaamori kenakotaãka. ⁴ Iuasaaki niõkatsopaaritari ninoa setxi iokaamori sãkire. Txamari nikenakotari âti iaxitikiri sãkire. Itxano:

—Kona piõkatsopatapiri ninoa setxi iokaamori sãkire —itxa iaxitikiri.

Aãtsopa Axapitiri Nikiko

⁵ Iuasaaki Teoso nitiri aua âti ikiti imiriî. Potxoari uiniti nopini âti ikiti aua. Iua õtanõkari iuako iaxiti. ⁶ Iuasaaki itxa:

—Uatxa nisãpiretakiti Teoso âtipirika auakari sãkire. Ikamari ikinika iaxiti, iaxiti auakani pakini. Ikamari ikinika ikorapokoriti, ikorapokoriti auakani pakini. Ikamari potxoari uiniti, ikinika iua âki auakani pakini. Teoso misiritinina maerekati kamakani !okananiikari apokini. ⁷ Apikomoni âti trõpeta xikarauatapanika. Iuasaaki kitxakapirika Teoso kipatakiti oerekaãkako. Teoso sãpiretakiti iniritiakori ikorapokoritimoni, isãkire sãpiretakanimoni paîtiki oerekaãkako —itxa Teoso nitiri.

⁸ Eereka iuaikana nikenakotari iaxitikiri sãkirauatini:

—Pisa. Papariko aãtsopa iapirikakori, Teoso nitiri uakoã auakari. Iua âti ikiti imiriî, âti ikiti potxoari uiniti pakini aua kititakari.

⁹ Ininiã nisa iuamoni, ininiã nitxari iua:

—Pisikano ere aãtsopa iapirikakari.

Iuasaaki itxano:

—Papakapariko, nika pitxari ia aãtsopa. Pitikakoã kapixiriko ia pinikakiti, iuaritika pinamaã potxoariko. Mapa atoko itxako —itxano nota.

¹⁰ Ininiã nimaikari ikora aãtsopa, nika nitxari. Ninamaã potxoari. Mapa atoko itxa. Txamari nitikakoã kapixiri iua aãtsopa ninikakiti. ¹¹ Iposo atoko isãpiretano:

—Iuaikana pisãpiretariko apikomoni Teoso sãkire, kaiãopokori kãkitimoni, kaiãopokori âti uãkamoni, kaiãopokori âti uãka sãkire sãkiretakanimoni, kaiãopokori auîtetxakorimoni pakini pisãpiretariko nisãkire —itxano.

11

Ipi Teoso Sãkire Sãpiretakani

¹ Aãke niaõrauatini ikapani nisikaãka. Iuasaaki Teoso nitiri txano:

—Pisa. Piaõtarikoko Teoso misãkiretiko aikoti. Piaõtarikoko Teosomoni sikakori takikoãtaã. Piaõtana Teoso misãkiretakani iuaã auakani. ² Kona piaõtapiri Teoso misãkiretiko aikoti pirikere, kotxi Xoteo minakanuia apotiitiniãtaãua iuaã. Iuaã ninoa ikapani. Ninoa misiritariko Teoso sitatxine koarêta toisi kasiriti. Ikara Teoso sitatxine, Xerosareẽ inakori. ³ Nisikaposotiiretanako ipi kiki. Teoso sãkire sãpiretakani ninoa. Ninoa ieretakariko sako mata. (Sako mata kãkiti ieretakasaaki oerekari imatinianuatini.) Ininiã mio tosẽtosi sesẽta õti pakini ninoa sãpiretariko nisãkire.

⁴ Ninoa ipi oriva mina atoko itxana. Apaka ipi tirikapi topãkini atoko itxana. Ikinini itixiti auakani auite apisatoõ, Teoso apisatoõ ninoa aua. ⁵ Kãkiti nirekasaakiri imisiritinina ninoa, iuasaaki xamina tirinakari pokika inamaãna. Ininiã iuasaaki imokaikarini xipope. Kãkiti nirekasaakiri imisiritinina, ikara atoko itxa okikona. ⁶ Teoso sãkire isãpiretakasaakina, iposotarina iaxiti itotini. Ininiã iuasaaki âparaã kona ikipaika ikorapokoriti. Ninoa posotari âparaã arẽkatxi inĩkitakini. Iposotarina itxĩkitakiniri ikini sereti maerekati apokini ikorapokoriti auakanimoni. Inirekasaakina, ninoa posotari ikara ikinika ikaminina.

⁷ Teoso sãkire isãpiretinina xipoka atoko, monõkari aariko mamapotõkire irikoti âki potoriãkari pokika. Iuasaaki iua kamarini neenamatzini ninoa ipi Teoso sãkire sãpiretakanikata. Eereka iua okapena ninoa. ⁸ Ininiã ninoa ito sirĩkako kimaporiãtaã, mitari sitatxitiã. Iua sitatxitiã Apiananiri tokakitaãka aamina ipiriãmitakari nopini. Iua sitatxi akiriãkãkãka Sotoma, Exito pakini, kotxi Sotoma, Exito pakini atoko itxa Xerosareẽ. ⁹ Ininiã iuaã ikini kãkiti, ikini inirimane, ikinimane âti uãka sãkire sãkiretakani, ikini âti uãka atamatana ninoa ito kimaporiãtaã. Iuaã ikalkotanako ipi õti, âti õti, ipixini õti pakini. Kãkiti kona auiritari ikatikona. ¹⁰ Ininiã ikini kãkiti atamatariko ninoa koriãkani ito. Ininiãkara ikinimane enenĩkako. Ninoa kamarini kiiniri. Ninoa iokanatariko isikakitina apanakinimoni ipoxokoniuatini ikapani. Ninoa kamariko ikara atoko inakari, kotxi ninoamoni naia ipi Teoso sãkire sãpiretakani misiritana ninoa. Ininiã ninoa enenĩka, kotxi Teoso sãkire sãpiretakani koriãpeka.

¹¹ Iuaritika ipi õti, âti õti, ipixini õti pakini napaka atoko, Teoso txĩkitakana ninoa iuaikana auãki ininina ikapani. Okitakauana. Iuasaaki kãkiti atamatana, ininiã ipikarauatana. ¹² Ikara eereka ninoa ipi Teoso sãkire sãpiretakani kenakotari iaxitikiri sãkirauatini:

—Uaimoni hina.

Ininiã ninoa kanïka katxiãriã Teoso tixinemoni. Ninoa mokaiakariakori itikana ninoa kanïkaãpotini Teoso tixinemoni. ¹³ Iuasaakipeka itixi iteene iakeëkata. Ininiã iua sitatxitiã kaiãopokori aapokotxi irika. Tesi aapokotxi auiniãtaã ätika irika. Iuasaaki setxi mio kãkiti ipina. Kãkiti auapanika inakani pïkarauata. Iuasaaki itxana:

—Teoso iaxiti auakari apiatakari itxaua —itxana.

¹⁴ Ìkora misirikaretxi xipopeka. Iuasaaki ipi misirikaretxi apiari napapeka. Iuaritika erepaniko, kotxi païtiki äti misirikaretxi apiari apokapanikako.

Trõpeta Imapotõkirekiri Xõkiko

¹⁵ Iuasaaki Teoso nitiri mapotõkirekiri xikarauata itrõpetaneë. Itomane iaxiti auakani iteene akiritari:

—Ikini itixiti auakani auïte itxapekava aãuïte Teoso, Kristo pakini. Ätipirika iua ikini mane auïte itxauako —itxana.

¹⁶ Iuasaaki vïtxi koatro totiakori Teoso topãkiniãtaã apisatoõ topãkakani pamaka Teoso apisatoõ. Itxana:

¹⁷ “Erekapitikari ikinipoko pikamakiti. Apiananiri pitxaua. Kaposotiirei pite. Uatxa pite auapitika. Pite kitxakapirika aua. Katana ätipirika pauapika. Erekapitika, kotxi kaposotiirei, ininiã ätipirika ate auïte pitxaua.

¹⁸ Kãkiti ikini itixiti auakani omanãkarauata. Uatxa piteka omanãkarauatini manapi apope. Uatxa apokapeka ipïkani misiritiko mereïko õti. Pinitiriakori, pisãkire säpïretakani, apaka pinakitiakori pite paxitakani pakini Ìkitxitiko õti apokapeka. Ikinimane kãkiti poiãorini, kãkiti kaposotiirerini pakini apakapiriko ikamakitina ìki. Iuasaaki pixipokariko Ìkoraporitxi xipokakani,” itxana.

¹⁹ Eereka natamatari iuaã Teoso tixineë imisãkiretiko aikoti tore imataakaãka. Iua aiko äki natamatari Teoso kaixane, iua apokiniãtaã. Iuasaaki natamatari ito mëkokari. Nikenakotari ito okaratxirari, ito iokaamori pakini. Itixi iakeëkata. Ito äparaã kai soro katxïkareri atoko katxaka.

12

Imini Mitapoari, Sito Pakini

¹ Eereka nitaponeë nitikoka. “Kipa atxiïti?” nitxa nãkixinireë. “Natokopa itxa Teoso oerekiniri kãkiti?” Kotxi sito tokiã Teoso tixine. Atokatxi iotximere iakïrokaro oa omãka atoko inakari. Kasiri aua okiti patapi. Okiiã aua auïtetxi saporïëtane, tosi iõriki kamakori. ² Oa kamixiro. Oa akiripoakata oãtatsïrauatinï xika, kotxi kaiamapeka amarini oãuãkitakini.

³ Eereka iuaïkana nitikoka, kotxi imini mitapoari tokiã Teoso tixineë. Põkamarari. Iua setxi ikii aua. Aua tesi iko. Ikininape ikii aua auïtetxi saporïëtane. ⁴ Ixipiã ikosekari kaiãopokori iõriki iaxitikero, uai ixti oka itxaro iõriki. Itima oa sito apisatoõ, kotxi païtiki amarini oãuãkitakita. Inirekari iixirãkiniri amarini, amarini auakasaaki. ⁵ Eereka oa sito auãkitakari amarini, kiki. Oa sito äkiri aneëkasaaki ikini itixiti auakani auïte itxauako. Auïtetxi kataparari itxauako iua amarini. Auakasaaki, imini Ìixirãkari amarini. Patimari maïkiko iua amarini. Teoso auinimoni anikaãka amarini. Iuaãtaã Teoso topãkanãta auïtetxi itopanere nopini. ⁶ Oa sito miteka äparaã makipakaniãtaã. Teoso oerekatapekari iuaã okaikotini Ìkapani. Iuaã oinikataãkako mio tosëtosi sesëta õti. Ipi anokanani, äti anokanani ipixini pakini itxa.

⁷ Eereka aua neenamatzxi Teoso tixine. Teoso nitiri Mikeo inakori apanakinikata naiatari imini mitapoari initiriakorikata. Imini initiriakori pakini neenamauata apaka. ⁸ Teoso nitiriakori tapara apiata, ininiã imini initiriakorikata !auritaãkaika Teoso tixine ikaikotinina. ⁹ Iua imini mitapoari iokanataãka maparamoni. Iua imini kitxakapirïkaripekara. Iua Txiapo inakori. Iua Satanasi inakori. Iua misirienetari kãkiti ikini itixiti auakani. Maparamoni iokanatïkosaaki, iua, initiriakori pakini okaãkana uai Ìkoraporititimoni.

¹⁰ Eereka nikenakotari Teoso tixinekiri säkire kataparakieneri:

—Kãkiti maerekani makatzakiko apokapeka uatxa. Teoso makatzakari kãkiti maerekani. Uatxa Kristo posotiire oerekaãka. Uatxa oerekari ikinimane auïte ininua. Teoso mereëkiti ikinimane auïte itxaua uatxa, kotxi ätïariakori kamapïretakari iokanatapeëkaika mapara. !Ikaikotaika Teoso tixine. Mitxi ikamapïretari ätïariakori Teoso apisatoõ. Pokamara, Ìkanõka ikamapïretana. ¹¹ Ätïariakori iokanatapekari Satanasi isini. Ninoa posotari iokanatiniri Satanasi, kotxi Teoso Soti Auïtene ipina ninoa Ìkapani. Iarëka xiketa ninoa Ìkapani. Ninoa posotari Satanasi iokanatinina, kotxi ninoa säpïretari atão inakari Teoso säkire. Ninoa iposope okikona Teoso Ìkapani. ¹² Hïte Teoso tixine auakani hïpoxokoniuatoko. Txamari hïte itixi auakani, potxoari uiniti auakani, erepaniko, kotxi Satanasi apopeka ereë hïte sauaki. Iua iteene naiataua, kotxi imarotari païtiki Teoso !auritaikari iua maerekati apikomoni ikamini —itxa iua Teoso tixinekiri säpïrena.

¹³Uai itiximoni okikosaaki, imini mitapoari asikatikinitaro oa sito amarini auãkitakakaro okiniro Ìkapani. ¹⁴Oa osikaãka ipi m̀kitatxi kokoi mitari m̀kita, oãraini Ìkapani. Oa araã ãparaã makipakanimoni. Teoso oerekinimoni osa. Iuaã Teoso ǹkataro oa ipi anokanani, ãti anokanani, ipixini pakini. Iuaã imini mitapoari !iposotari oamoni apokini. ¹⁵Oa araãkasaaki, imini mitapoari koporikaãtari ãparaã inamaãkiri oa tikini. Uini atoko itx̀kitakari ãparaã, oa sito axãpoãtini Ìkapani. ¹⁶Kipatxi !auiritari ãparaã sini oamoni. Ixoreka. Ixorekasaaki, ikinika ãparaã imini namaãkiri kipatxi ãki isa. ¹⁷Ininiã imini iteene omanataro oa sito. Ininiã asikatikinitana apanakini oa anaakori inaiatinina Ìkapani. Kãkiti Teoso paniãtakiti kamakani oa anaakori itxauana. Kãkiti Xesosi Kristo sãkire auãkani oa anaakori itxauana.

13

Monõkori Potxoari Uiniti Pokĩkaãtakari

¹Ininiã nitaponeẽ nitima ikipatxite nopini. Iuaã nitikari monõkori potxoari uiniti pokĩkaãtini, kanĩkĩta itxa. Iuamoni auari iko tesi pakini. Apaka ikii setxi aua. Ikinika iko aua auĩtetxi saporiẽtane. Ikini ikii aua uãkatxi Teoso misãkirepiretakari. ²Iua monõkori nitikakiti ãkiti kaiõkari atoko itxa iĩto. Ikiti oso kiti atoko itxa. Inama ãkiti nama atoko itxa. Iua imini mitapoari sikari iposotiire maerekati, iua potxoari uinitikirimoni. Ininiã iua auĩtetxi itxaua. Imini auĩtetxi ininiua atoko itxa. Imini tx̀kitakari iua potxoari uinitikiri sãkire kaposotiire inini, isãkire kãkiti auikini Ìkapani. ³Nota atamataru ikiniri. Ikii ãti ipĩpe ikaro mitari xika. Eereka ikaro tximõka. Iuaãkana auãki itxa ikii ipinakari. Kãkiti ikini itixitikini atamatakasaakiri, itxorĩkaãtana. Ininiã auikarina isãkire. Ikamarina iua nireẽkiti. ⁴Ikinimane auikari imini mitapoari sãkire. Iteosonetarina iua, kotxi iua sikari iposotiire iua potxoari uinitikirimoni. Apaka ninoa auikari iua potxoari uinitikiri sãkire. Ninoa teosonetari iua apaka. Ninoa sãkire:

—Ãti kaposotiireri potxoari uiniti pokĩkaãtakari atoko inakari !auari. Kãkiti !iposotari inaiatiniri iua —itxana.

⁵Iua potxoari uinitikiri auiritaãka isãpiretiniri maerekati sãkiretxiti. Imisãkirepiretari Teoso. Auiritaãka auĩtetxi ininiua koarẽta toisi pakini kasiriti. ⁶Iua misãkirepiretari Teoso. Imisãkirepiretari Teoso uãka. Imisãkirepiretari Teoso auiniãtaã. Imisãkirepiretari Teoso tixine auakani. ⁷Iua auiritaãka inaiatiniri kãkiti Teoso nakitiakori. Apaka auiritaãka ninoa imaãkini. Auiritaãka kãkiti ikini uãkati auĩte ininiua, ikini itixiti auakani auĩte ininiua, ikini kãkiti sãkire sãkiretakani auĩte ininiua. Ikinimane auĩtetari iua maerekati kamakari. ⁸Ikini itixiti auakani, Teoso nakitiakori minakanua, auikariko iua potxoari uiniti pokĩkaãtakari sãkire, kotxi iteosonetarina iua. Itixi kamiko apisapanika ninoa uãka !iõkatakã Soti Auĩte okari aãtsopateẽ. Iua aãtsopateẽ auauãkatakani auapikako Teosokata mapĩkaninoka ininina.

⁹Hĩte, ia atatsopatakani kakenakokii, ininiã hĩkenakotariko nisãkire. ¹⁰Teoso nirekiniãri kateia ãki pitakiko, ininiã erekapitikari kateia ãki pauini. Teoso nirekiniãri pokiko iouata mitariã, erekapitikari pokiko. Ininiã pokaãkako iouata mitariã. Ininiã hĩte Teoso nakiti inakanua himĩteenekariko himisiritiko. Kona hĩtakanapapiri Teoso kimapore. Ãtipirika hĩkamariko Teoso nirekakiti.

Monõkori Itixiãkiri

¹¹Eereka nota itikari ãti monõkori. Itixiã ipokĩka. Aua ipi iko. Soti auĩte ãkiri iko atoko itxa, iuaritika isãkirauata imini sãkire atokokana. ¹²Potxoari uiniti pokĩkaãtakari nitiri itxaua iua itixiã pokĩkakari. Potxoari uinitikiri sikaposotiiretari iua, ininiã isari ikini itixitimoni. Itx̀kitakana ikinimane teosonetiniri potxoari uinitikiri. Iua potxoari uinitikiri mitxi mita karori, eereka ikaro tximõka. ¹³Iua itixiã pokĩkakari kamari posotiiretxi mitxi mimarotakoti. Ipaniãtari xamina tirinakari iaxiti auakari Ìkorapokoriti apokini ikinimane atamatiniri Ìkapani. ¹⁴Iua potxoari uinitikiri auiritari itixiãkiri kaminiri posotiiretxi iua Ìkapani. Posotiiretxi xika itixiãkiri misirienetari ikinimane itixiã auakani. Itx̀kitakari kãkiti kaminiri potxoari uinitikiri iĩto atoko inakari kai kamakori. Ikara atoko ipaxitarina potxoari uinitikiri, kotxi ikarotaãka iouata mitariã, iuaritika iuaãkana auapanika ikii. ¹⁵Itixiã pokĩkakari auiritaãka itx̀kitakiniri potxoari uiniti pokĩkaãtakari atoko inakari kai kamakori kosekasinaniretinua, ininiã iua kai kamakori posotari isãkirauatinina kãkitikata. Ipaniãtari kãkiti okiko imanirekakanisaakiri iteosonetiniri iua. ¹⁶Itixiã pokĩkakari paniãtari ikinimane kãkiti apakapiniri Satanasi takaõtxikare iuakoãna ikikomoni, minakanã iteãtaãna. Ipaniãtari ikinimane kãkiti auĩtetxi inakanua, auĩtetxi minakanua, katiini, matini, nitiritxi, nitiritxi minakanua pakini, apakapiniri Satanasi takaõtxikare. ¹⁷Kãkiti iua takaõtxikari mauakiniti !auiritaãka iamotiitininina. !Auiritaãkana ivẽtxirauatinina. Iua takaõtxikari potxoari uinitikiri uãka. Iuãka mauakanisaaki, aua nõmero iua nakiti.

¹⁸ Kimarore hĩtxako, ikara himarotini ikapani. Kimarore hiniñiã himarotari potxoari uinitikiri nomerone kiki uãka itxa. Número 666.

14

Soti Auĩte Sêto Koarêta Koatro Mio Kãkitikata

¹ Eereka nionakaãta nitaponeẽ. Natamatari Soti Auĩte. Ôtanoxiratarari nopini auanãta. Ixirata uãka Sião inaãka. Kãkiti sêto koarêta koatro mio pakini aua iuakata. Kaiãopokori kãkiti. Iteêtaãna Soti Auĩte iri uãka iõkatsopatapeêkaika. ² Eereka nikenakotari ninoa xikarauatini. Itorõkani ene atoko itxa, kotxi ama eneeneri. Ikarokirauatini ene atoko itxa ninoa xikare. Viorão ene atoko itxa iua xikari ene. ³ Ninoa kãkiti sêto koarêta koatro mio pakini tima auĩtetxi topanere apisatoõ, okĩtxinoka xãpokaĩtotakini ipi ipi pakini apisatoõ. Totiakori vĩtxi koatro pakini apisatoõ apaka itimana. Ninoa sêto koarêta koatro mio xikaretari xikari amaneri. Apanakini !imaĩkari iua xikari amaneri. Ninoa sêto koarêta koatro mio ìkorapokoriti Teoso amotakini, ninoanoka posotari ixikaretiniri iua amaneri xikariti. ⁴ Ninoa kiki !isiriĩkana sitokata. !Auiritarina iĩtona kaminiri maerekati. Soti Auĩte sinimoni ninoa apaka sa. Ìkorapokoriti auakasaakina, Teoso amotana ninoa. Ninoa merepanika sikaãka Teosomoni, Teoso Soti Auĩtene pakinimoni. ⁵ !Ikamarina maxikatĩika isãkirena. Atão inakarínoka isãpiretana. !Ikerokarina isãkirena Teoso iauĩtena apisatoõ.

Ipi Āti Pakini Teoso Nitiri Sãkire

⁶ Eereka nitũkari Teoso nitiri araaãpotini iaxiti itanoxiti. Iua sãpiretari Teoso iokanapirena erekari kãkitimoni ikini itixiti auakanimoni. Iua iokanapirenatxi kona xipoka. Isãpiretari Teoso iokanapirena erekari ikini uãkatimoni. Āti uãka sãkire ipinimoni. Āti uãka sãkire ipinimoni. Itxaãpota, itixi auakani sãkire, iuaritika isãpiretari Teoso iokanapirena ikini uãkatimoni. ⁷ Itaparasãkireritika itxari:

—Hĩpĩkariko Teoso. Hĩsãpiretariko, iua Apiananiri ininiua. Apokapeka kãkiti maerekati kamakani misiritiko õti. Hĩteosonetariko Teoso, kotxi iua kamari iaxiti, ìkoraxiti, potxoari uiniti, sõtoãri pakini —itxa iua Teoso nitiri araaãkari sãkire.

⁸ Iua sãkirauataka atoko, āti Teoso nitiri txari:

—Papirońia sitatxiti xipokapeka. Iuaã auakani kaposotiirerini, iuaritika ixipokapena. Papirońia sitatxiti auakani paniãtari imakinika itixi auakani maerekati ikaminina, maerekati itotxi nireẽkiti. Ininiã ninoa kamari maerekati Papirońia auakani paniãtakiti.

⁹ Ninoa Teoso nitiriakori ipi sãkirauataka atoko, āti Teoso nitiri txari itaparasãkireritika:

—Teoso misiritanako kãkiti potxoari uinitikiri teosonetakani, potxoari uinitikiri atoko inakari kai kamakori teosonetakani. Teoso misiritanako kãkiti Satanasi takaõtxikare iteêtaãna takakani, iuakoõna takakani. ¹⁰ Kãkiti iua atoko inakani misiritaãkako, kotxi Teoso iteene omanãkarauata maerekati ninoa kamakiti xika. Teoso misiritanako ninoa, ininiã atatsiirauatana xamina tirinakariã. Ēxõpiri arikanako ninoa. Teoso nitiriakori erekarini, itixine auakani, Teoso Soti Auĩtene pakini itikariko ikara kãkiti misiritiko. ¹¹ Iua xamina txĩkitakari kãkiti atatsiirauatini. Iua xamina tirinapikako. !Ixipoka. Itirinapika. Itxiãkapika. Ninoa misiritiko !ioutoka. Pokamara, ìkanõka auapika ninoa misiritiko. Kãkiti iua potxoari uinitikiri teosonetakani, potxoari uinitikiri atoko inakari kai kamakori teosonetakani, iuãka iĩtoãna auãĩtotakini misiritaãkako ikara atoko —itxa iua Teoso nitiri sãkire.

¹² Ininiã hĩte Teoso nakitiakori, hĩte ipaniãtakiti kĩpitakani, hĩte Xesosi nireẽkiti ātipirika kamakani, kataparaxinere hĩtxako. Himĩteenekariko kãkiti misiritini.

¹³ Eereka nikenakotari Teoso tixine auakari sãkire. Itxano:

—Nisãpiretakiti piõkatsopata. Kãkiti ipĩkasaaki Apiananiri ikapani iparĩkauatakasaaki, Teoso sikari erekari iuamoni.

Iua Erekari Matamatakoti txari:

—Ia atão. Mitxi pasãpaniri Teoso parĩka ikaminina. Uatxa itomatana, kotxi Teoso imarotapekari erekari ikamakitina.

Takari Amiko Pirena

¹⁴ Eereka nitaponeẽ nionakaãta iaxiti. Iuaasaaki natamatari katxiãri kasarori iuaã. Aĩtari iaxitikiri atoko inakari topãka iua katxiãri nopini. Ikiã aua auĩtetxi saporietane oro kamakori. Iuakoã saasara ātoião aua. Pauanaro. ¹⁵ Iposo atoko āti Teoso nitiri pokĩka Teoso aapoko. Iua itaparasãkireritika akiritari iua katxiãri nopini topãkakari:

—Pikosekariko pisaasarate. Pamariko takari, kotxi takari amiko manapipekara. Takari ikini itixitikiri amiko manapipekara.

¹⁶ Ininiã iua katxiãri nopini topãkakari isaasarateẽ isauakari ikini itixiti nopini auakari. Amari takari imakinika.

¹⁷ Iposo atoko nitikari āti Teoso nitiri pokĩka Teoso aapoko Teoso tixineẽ. Iuamoni apaka aua saasara ātoião iuakoã. Pauanaro.

¹⁸ Iuaíkana áti Teoso nitiri apoka. Teosomoni sikakori takikoãtaã ipotorika iua. Inĩkatarì xamina tirinakari iuaã. Iua itaparásãkireritika akiritari Teoso nitiri saasara auakiti:

—Pimaĩkaroko pisaasarate. Pimakatxakaroko ova ikini itixitikero, kotxi ova oionapeka —itxa.

¹⁹ Ininiã Teoso nitiri isaasarateẽ isauakaro ova ikini itixitikero. Itsotakitataro ovatsa. Iposo atoko okaro ova ori ova iopetiko mitari áki. Okatsonakaãka. Teoso omanãkare iua ova iopetiko atoko itxa, kotxi Teoso iteene omanãkarauata kãkiti maerekani xika. ²⁰ Ova ori kãkiti kitiã iopetikoãtaã sitatxi mapotókire. Txamari na ovapeẽni ikara atoko itxa. Arẽkatxiãra ikara atoko itxa. Iua arẽkatxi uini panaã atoko itxa. Tresẽtosì kirómetro arẽkatxi aua. Arẽkatxi ìpanaã kavaro namaãpeka apoka arẽkatxi. Áti metro ipixini ìpanaã arẽkatxi.

15

Teoso Misirikare Mũkani Setxi

¹ Eereka nitaponeẽ nitikoka iuaíkana.

—Kĩpa atxiĩtĩ? —nitxa iuaíkana nãkixinireẽ, kotxi natamatari Teoso nitiriakori setxi itixineẽ.

Ninoa minari misirikaretxi setxi pakini kãkitimoni. Apikomoni misirikaretxi !auaika. Ia misirikaretxi setxi inokasaakiri kãkiti, Teoso misiritana ninoa imaerekanina xika.

² Eereka natamatari ipoa atoko inakari. Átakaãri, xamina tirinakarikata koketakori atoko itxa ipoa. Kãkiti tima ipoa ìtinikata. Ninoa iokanatapekari Satanasi sini, kotxi likamarina iua potxoari uinitikiri paniãtakiti. Iua potxoari uinitikiri atoko inakari kai kamakori paniãtakiti likamana. !Apakaparina Satanasi takaõtxikare, iuãka nomerone. Ikininape aua viorão atoko inakari Teoso sikakiti. ³ Ninoa xikaretari Moisesi xikare, Teoso nitiri uai itixi auakari xikare. Ixikarenãtari Teoso Soti Auĩtene xikare. Ia ixikaretana. Itxana:

“Teoso Apiananiri, ikini posotiiiretxi auakitiĩ pite. Peerekari piparĩka. Pite kaposotiiireri.

Pite atãonani pikamakiti. Ikini uãkati auĩte pitxaua pite.

⁴ Ikinimane paxitaiko pite ipĩkareritika, kotxi pite Apiananiri pitxaua. Ikinimane txaiko pite: ‘Peerekai,’ itxaina. Kotxi pitenoka !auari maerekati. Kãkiti ikini uãkati apokako pitemoni. Ninoa txaiko: ‘Ate teosone pitxaua,’ itxana kotxi ikinimane itikari erekari pikamakiti.”

Ikara atoko itxa ninoa xikaretakiti.

⁵ Eereka natamatari Teoso aapoko áki. Natamatari iua auiniãtaã. ⁶ Iposo atoko ninoa Teoso nitiriakori setxi, misirikaretxi setxi mũkani, pokĩka Teoso aapoko. Ninoa mãka katsopiri, pomẽkoriri. Ninoamoni aua oro kamakori. Itinimaĩ nopini inapa. ⁷ Ninoa ipi ipi pakini okĩtxinoka xãpokaĩtotakini iuaã aua. Okĩtxinoka xãpokaĩtotakiti sikari iãtatxi setxi pakini oro kamakori ninoa setxi Teoso nitiriakorimoni. Teoso auapininiika inakari xãpokakapekari iua setxi pakini iãtatxi omanãkareẽ. ⁸ Teoso iotximere xãpoka iua aapoko áki. Katxiãri kasarori atoko itxa. Iuusaaki kãkiti !auiritaãka Teoso aapoko ìroini, ninoa Teoso nitiriakori, misirikaretxi mũkani setxi pakini, misiritakasaakina kãkiti.

16

Iãtatxi Teoso Omanãkare Auakiti

¹ Eereka nikenakotari Teoso aapoko áki auakari sãkire. Itaparakieneritika imisãkiretana ninoa Teoso nitiriakori setxi. Itxana:

—Hĩsa. Hĩkitakari Teoso omanãkare iãtatxi áki auakari itixi auakanimoni —itxa.

² Ininiã ninoa Teoso nitiriakori sari. Merepanika átika initari kitakari iãtatxi ákikiri itixi auakanimoni. Iuusaaki kimiti mitari, kãsiiri, apoka kãkiti Satanasi takaõtxikare auakini ìtomonì. Potxoari uinitikiri atoko inakari kai kamakori teosonetakani ìtomonì apoka ikara atoko inakari amianari.

Áti Iãtatxi

³ Iposo atoko átipekana Teoso nitiri kitakari iãtatxi ákikiri potxoari uinitimoni. Iuusaaki ãparaã arẽkatxi itxapekaua. Kãkiti ipĩkari arẽka atoko itxa iuusaaki. Ininiã ikinipoko potxoari uiniti auakani iuusaaki xipoka.

Áti Iãtatxi

⁴ Iposo atoko átipekana Teoso nitiri kitakari iãtatxi ákikiri uinimoni, sõtoãri pakinimoni. Iuusaaki ãparaã arẽkatxinoka itxapekaua. ⁵ Iuusaaki nikenakotari Teoso nitiri ãparaã nĩkatakari sãkire. Itxari Teosomoni:

—Pite maerekati makamakatii. Átipirika auakarii pite. Atão pikamakiti pimisiritinina maerekati kamakani ìkora atoko. ⁶ Kotxi ninoa okari kãkiti pite nakitiakori. Okarina

pisákiŕe sápiretakani. Ninoa oxiketari ninoa arêka. Ininiã uatxa pite sikana arêkatxi iãtinina. Atão imisirítikona kotxi maerekati ikamana —itxa Teoso nitiri.

⁷ Iposo atoko nikenakotari ãti sákiŕe. Teosomoni sikakori takikoãtaã auakari iua. Itxari Teoso:

—Pite Teoso Apiananiri, Kaposotiireri pitxaua. Erekapitikari maerekati kamakani pimisirítini. Pite kona kerokari pikamakiti, kotxi atão inakarinoka pikama —itxa.

Ãti Iãtatxi

⁸ Eereka ãtipekana Teoso nitiri kitakari iãtatxi ãkikiri atokatximoni. Iuasaaki atokatxi apiata patakata. Auiritaãka kãkiti arikinini itaparapatakaã. ⁹ Ininiã kãkiti arikaãka atokatxi patakaã. Iuaritika !inirekarina maerekati ikamakítina itakanapinina. “Peerekari Teoso,” kona itxana. Teosonoka posotari iotokakiniri iua misirikaretxi, txamari ninoa maerekati pirenaã akiritari Teoso uãka.

Ãti Iãtatxi

¹⁰ Ininiã ipi ipi pakini Teoso nitiriakori kitakapekari iãtatxi ãkikiri itiximoni. Eereka iuaikana ãti Teoso nitiri kitakari iãtatxi ãkikiri auítetxi topaneremoni iua potxoari uiníti pokíkaãtakari topaneremoni. Iuasaakipeka iua potxoari uinitikiri auítetxi ininiãtaãua patimari ipiãkini. Kãkiti iuaãtaã auakani akatsaninitaua itsii xika. ¹¹ Iuaritika !inirekarina maerekati ikamakítina itakanapinina. Imisãkiŕepiretarina Teoso iaxiti apiko nopinixiti auakari, atatsiirena xika, kimiti xika.

Ãti Iãtatxi

¹² Eereka iuaikana Teoso nitiri ãti kitakari iãtatxi ãkikiri mitari uinitimoni Eoparatxi inakorimoni. Iuasaaki uini auaã. Isonãka. Kimapori itxaua, auítetxiakori atokatxi pokíkinimoni íkani inapinina íkapani. ¹³ Iposo atoko nitikari maerekani matamatakoni ipi ãti pakini. Atinoro atoko itxana. ãto pokíka mitapoari imini namaã. ãto pokíka iua potxoari uiníti pokíkaãtakari namaã. ãto pokíka iua itixi pokíkkakari namaã. Iua itixi pokíkkakari iua Satanasi sákiŕe sápiretakari itxaua. Na atãoene isãkiŕe. Poxirari ikama. ¹⁴ Ninoa maerekani matamatakoni ipi ãti pakini Satanasi nitiriakori. Ninoa kamari posotiiretxi. Isana auítetxiakorimoni, ikini itixiti auakanimoni. Akiritana kãkiti apotiitiniua ineenamauatatinina íkapani. Teoso kaposotiireri naiatanako ninoa itixi xipokini õtisaaiki.

¹⁵ Híte ia atatsopatakani, Apiananiri txai híte:

—Erepaniko. Napokako kiítiriri apokini atoko, kãkiti mimarotakinitipanika. Napokasaaki ereë, pikoatinã, kamãka pininiã, pipoxokoniua. Ikara atoko pininiã, kona kasarai íkinimane apisatoõ pisini, ininiã kona kapêtai —itxa Apiananiri sákiŕe.

¹⁶ Eereka ninoa ipi ãti pakini Satanasi nitiriakori maerekani matamatakoni, apotiitari auítetxiakori Amaketõ inakoriãtaã. Iuaãtaã akiritaãka Amaketõ Xoteo sákiŕeë.

Imapotõkiŕe Iãtatxi

¹⁷ Ninoa setxi Teoso nitiriakori, seisi kitakapekari iãtatxi ãkikiri. ãtinoka !ikitakapanikari. Iuasaakiika iua kitakari iãtatxi ãkikiri ítimamoni. Iuasaaki nikenakotari auítetxi itopanereãtaã auakari sákiŕe:

—Ixipokapeka —itxa itaparakieneritika.

¹⁸ Iposo atoko iotxira mẽkoãkata. Ikarokirauata. Pataparaeneri. Itixi iakeëkata. Mitxi ! auari itixi iakeëkatini íkora atoko inakari. Iuasaakiikarako apiatakõ. ¹⁹ Iua sitatxi apiari Papirõnia inakori xoreka. Ipkata ixoreka, ininiã ipi ãti pakini sitatxiti atoko itxaua. Ikini itixiti auakari sitatxi xipokaãka iuasaaki. Teoso !imaxinũkaretari Papirõnia sitatxiti auakani kamakiti, ininiã iteene imisirítana ninoa, kotxi iteene omanãkarauata imaerekanina xika. ²⁰ Iuasaaki ikini ipokomiri !auaika. Ótanoxiratarari íkinipoko xipoka iuasaaki. ²¹ Katxikareri iaxiti auakari, kai mitari atoko inakari, katxaka itiximoni. Apanakini kai minani koarêta siko kiro. Iua irika kãkiti nopini. Ikara katxakakari pamonõkonipaniri. Iua xika kãkiti iteene misãkiŕepiretari Teoso.

17

Sito Potxoari Uinitikiri Nopini Topãkakarõ

¹ Ninoa Teoso nitiriakori setxi pakini iãtatxi setxi auakini, seisi kaikota. ãtika ina notamoni. Itxano nota:

—Notakata pisa. Noerekai sitatxi miramaneri. Sito kanokarero kaposotiirero atoko itxa iua sitatxi. Oa topãkanãta uini itori nopini. Iuaã auakani misiritiko noerekaiko pite. ² Auítetxiakori ikini itixiti auakani kamari maerekati iua sitatxiti auakanikata isirĩkinina. Iua sitatxi auakani txíkitakari kãkiti ikini itixiti auakani maerekati ikaminina. Kapoãroã

poātakari nirekini atokokana, ninoa nirekari iua maerekati iua sitatxiti auakani kamakiti —itxa notamoni.

³ Eereka iua Erekari Matamatakoti paniātano iua Teoso nitirikata nisini. Iua Teoso nitiri anikano āparaā makipakaniātaā. Iuaā natamataro sito topākanāta iua potxoari uinitikiri nopini. Pōkamaraītori iua. Iitoā aua iōkatakori kaiāopokori Teoso imisākirepiretini iōka. Ikii setxi aua. Iko tesi aua. ⁴ Oa sito māka pomamari ipixini. Pōkamari itxa omāka. Pakaroneri omāka. Oītoā aua oro, pérora, kai soro pomēkoriri pakini aua. Omaīkari iākoanxti oro kamakori. Iua iākoanxti āki aua maerekati okamakiti itxiko atoko inakari. Maerekati oīto kamakiti ikara atoko itxa. ⁵ Oteētaā aua sākiretxi iōkatakori. Itxari: “!Kimarotikori. Kanokareroakoro inoro itxaua Papirónia sitatxiti miramaneri. Maerekati kamakani inoro itxaua Papirónia.” ⁶ Nitikaro oa sito opoātini, Teoso nakitiakori arēka oātini xika. Xesosi sākire auikinina xika, okaākana. Natamatakasaakiro nitikoka.

—Kīpa atxiīti? —nitxa.

⁷ Iua Teoso nitiri txano:

—Kininiāpa pitikoka? Nisāpiretaiko oa sito pirena. Apaka nisāpiretaiko iua potxoari uinitikiri pirena, ikii setxi, iko tesi auakiti pirena, oa porikītakari pirena nisāpiretai, kotxi kona pimarotari. ⁸ Iua potxoari uinitikiri patamatakiti mitxi aua, txamari uatxa !auaika. Iua eereka ipokīkapanikako aariko mamapōkire irikotiā. Eereka anikaākako ixipokikomoni. Ikini itixiti auakani Teoso aātsopateē iuākana maiōkatakoni tikokako iua potxoari uinitikiri atamatakasaakinako. Itixi kamiko apisa iuākana !iōkatsopataāka Teoso aātsopateē. Iua aātsopāā iōkauākatakonioka ātipirika auapīkako Teosokata. Kākiti tikokako iua potxoari uinitikiri atamatakasaakina, kotxi mitxi auāki itxa, eereka !auaika, eereka iuaīkana auākipeka itxa.

⁹ —Ikara inakari pimarotini ikapani, iteene pimixinikariko. Kinirepa ikii setxi aua? Kotxi ōtanoxiratarī setxi apaka aua. Oa sito topākanāta iua ōtanoxiratarī nopini. ¹⁰ Kinirepa ikii setxi aua? Kotxi auētetxiakori setxi apaka auako. Auētetxi !itxaukaana ninoa sīko. Ātinoka auētetxi txapanikaua. Āti kona apokapanika. Iua apokasaaki mapaōtinoka auētetxi itxauako. ¹¹ Iua potxoari uinitikiri mitxi auāki inakari, iposo atoko !auaika inakari, iua apokako. Iuara auētetxi txauako. Iua mitxi apotiūtaua ninoa setxi auētetxiakorikata. Āti ōti iua xipokaākako.

¹² —Patamatarī iko tesi pakini. Kinirepa iko tesi aua? Kotxi auētetxi tesi aua. Ninoa auētetxiakori kākiti auēteakori !itxapanikauana. Ninoa sikaposotiiretaākako auētetxi ininiana iua potxoari uinitikirikata. Ninoa auētetxi itxauanako āti oaranoka. ¹³ Ikininape ninoa tesi auētetxiakori parīkauata iua potxoari uinitikiri ikapani. Iposotiireēna, itaparaāna iparīkauatana iua potxoari uinitikiri ikapani. ¹⁴ Inaiatarinako Teoso Soti Auētene. Teoso Soti Auētene iokanatana ninoa isinina, kotxi iuanani Apiananiri itxaua. Auētetxiakori auēte itxaua. Ātipirika iuakata sikani, iua akiritakini, imereēkini, ātipirika iua nireēkiti kamakani, ninoa moianatarī iua Soti Auēte ineenamauatini —itxa Teoso nitiri sākire.

¹⁵ Iua Teoso nitiri apikomoni txari notamoni:

—Pite atamataro oa kanokarero topākanāta kāuaāri nopini. Kinirepa kāuaāri nopini oāua? Kotxi iuaātaā kākītipokoni, ikini uāka, ikini itixiti auakani, ikini āti uāka sākire sākiretakani pakini. Iua kāuaāri mitari atoko itxana. ¹⁶ Iua potxoari uinitikiri, ninoa tesi auētetxiakori pakini omanataroko oa kanokarero. Ninoa makatxakariko ikinipoko oa nakiti. Imakatxakarinaroko omāka. Kasarapeka otxako. Oxini inikanako. Ninoa xipokaroko oa xamināā. ¹⁷ Teoso txīkitakari Teoso nireēkiti ikaminina, kotxi ninoa auētetxiakori parīkauata iua potxoari uinitikiri ikapani Teoso nireēkiti iaōka. Ininiā Teoso sākire mitxi auakari auapeka. Isākire iaōka ikamana. Ininiā ninoa nirekari iparīkauatinina iua potxoari uinitikiri ikapani. Ininiā ninoa auētetxiakori itxauana iua potxoari uinitikiri ikapani.

¹⁸ —Oa sito kanokarero patamatakito kona atāo sitoni. Sitatxi miramanerīā auakani oa sito kanokarero atoko itxana, kotxi iua sitatxiā auakani paniātana ikini auētetxiakori itixi auakani maerekati inireēkitina ikaminina.

18

Papirónia Sitatxiti Xipokini

¹ Ikara inaāka atoko nitikari āti Teoso nitiri Teoso tixine auakari katxakaāpotini ikorapokoriti Teoso tixine potoriākari. Iua kaposotiireri. Iotximere iopinikari imakinika itixi. ² Iua sākirauata itaparasākīreritika. Itxari:

—Ixipokapeka Papirónia sitatxiti miramaneri. !Auaika. Uatxa Satanasi nitiriakori aua iuaā. Ikini sereti maerekani matamatakoni aua iuaā. Araākari ikini sereti arakakari nikakani, kākiti mapokaerekatakiniti, iuaā apoka. ³ Oa sito kanokarero atoko itxa iua sitatxi, kotxi iua sitatxi auakani txīkitakana ikini itixiti auakani maerekanitxi ninoa kamakiti iaōka ikaminina. Papirónia sitatxiti auakani kamari maerekati iūtona nireēkiti.

Itixi auakani nirekari ikara maerekati ikaminina kapoõroã poãtakari nirekini atokokana. Auãtetxiakori ikini itixiti auakani kamari ikara maerekati Papirõnia sitatxiti auakanikata. Tiitxi vëtxitakani apakaparo txineiro kaiãopokoro, kotxi Papirõnia sitatxiti auakani amotari tiitxipokoni —itxa Teoso nitiri sãkire.

⁴ Eereka nikenakotari ãti Teoso tixine auakari sãkire. Itxari:

“Hïte nota nakitiakori inakani takanapariko iua sitatxi. !Hïkamapiri maerekati ninoakata. Ininiã !himisiritaãka ninoakata.

⁵ Kotxi maerekati ninoa kamakiti apiaãpota. Tiitxi tsorinatakori atoko itxana ninoa maerekani. Iaxitipeka apokaãpota ninoa maerekani. Teoso xinikari ninoa maerekani, ininiã iua misiritanako ninoa.

⁶ Himisiritanako ninoa. Hïte imisiritinina atokokana, hïte misiritana ninoa. Ipikata himisiritanako ninoa, ninoa maerekani xika. Ninoa misiritapekari apanakini, ininiã ia imisirikarena xika ipikata himisiritanako ninoa.

⁷ Hïtxïkitakanako ninoa atatsiirauatinina. Hïtxïkitakanako ninoa maerekaxiniretinoka ininina. Ikara atoko ninoamoni hïkaminia, atãopitikara hïkamakiti, kotxi iteene iuikauana ninoa. Itomaneri itiina, ininiã ninoa iarinouata. Ninoa sãkire: ‘Ate uai topãkanãta, kotxi auãtetxi kaposotiireni atxaua. Tikinitakoro atoko !atxaua, ininiã maerekaxiniretika !atxa,’ itxana ãkixinireëna.

⁸ Ikara isãkirena xika ãti õti ninoa misiritaãkako. Amianari, maerekaxinirentixi, natxi pakini apokako ninoamoni. Arikatxi xipokanako ninoa, kotxi Teoso iuasaaki misiritanako ninoa. Imisiritanako ninoa, kotxi Teoso Apiananiri Kaposotiireri itxaua,”

itxa iua Teoso tixine auakari sãkire.

Kãkiti Txiapatini Sitatxi Xipokini Xika

⁹ Auãtetxiakori ikini itixiti auakani, Papirõnia sitatxiti auakanikata sirïkakani, ninoakata tiitxi apokaerekatakani, itikasaakirina iua sitatxi misiritiko, iteene itxiapatanako. Ninoa auãtetxiakori txiapata iua sitatxi arikasaaki, xamina txiã itikasaakina. ¹⁰ Õtakoxiti itimana, kotxi ipïkarina sitatxi auakani xipokini. Iuasaaki itxanako:

—!Erekari. !Erekari. Ia sitatxiti miramaneri !auaika. Papirõnia sitatxiti !auaika. Kãkiti kaposotiirerini xipokaepka. ãti oaranoka arikatxi xipokapena ninoa imaerekanina xika.

¹¹ Ikini itixiti tiitxi vëtxitakani apaka txiapatako. Ninoa maerekaxinireninoka itxanako sitatxi auakani xipokasaaki.

—Kiripa amotatari atii uatxa? —itxana.

¹² Mitxi ninoa vëtxitari oro, pirata, kai soro pomëkoriri, kai soro kasarori përora inakori. Mitxi ivëtxitarina mãkatxi mata arinio inakori, mãkatxi mata seta inakori, mãkatxi mata pökamarari, mãkatxi mata pomamari pakini, ivëtxitana. Ivëtxitarina ikini sereti aamina eremari inakari. Ivëtxitarina ikini sereti tiitxi iko kamakori, aamina pakaroneri kamakori, pirõsi kamakori, metao kamakori, kai kamakori. ¹³ Ivëtxitarina kanera, koketxi pakini. Ivëtxitarina kamariãro miha inakori. Ivëtxitarina kamariãro pirãkïsësi inakori. Ivëtxitarina iãriã, aseitona iï, triko, triko pani pakini. Ivëtxitarina kema auïte, soti auïte, kavaro, mitekaï kavaro anikakiti pakini. Kãkiti apaka ivëtxitana, nitiritixi ikapani. Kãkiti ïto, kãkiti xinire apaka inirekana ivëtxitinina. ¹⁴ Ninoa tiitxi vëtxitakani sãkire sitatximoni:

—Ikinika hïtii erekari hinireëkiti xipokaãkapeka. Ikinika hïtxineirote !auaika. !Auaika hãpokaerekatakiti. Hïtii arikapeka —itxana ninoa sãkire.

¹⁵ Ninoa tiitxi vëtxitakani katxineiroterini itxauana, kotxi kãkiti iua sitatxiti auakani mitxi amotari ninoa tii. Iua sitatxi xipokasaaki, ninoa tiitxi vëtxitakani timanãta õtakoxiti, kotxi ipïkarina sitatxi arikini. Itxiapatana. Imatinaniuatana. ¹⁶ Itxana:

—!Erekari. Sitatxi miramaneri !auaika uatxa. Mitxi ia sitatxi peerepokori sito erero atoko itxa. Oia sito mãka pakaroneri, pomamari, pökamarari pakini. Oïtoã aua oro, kai soro pomëkoriri. Përora pakini aua. Oia sito atokokana ia sitatxi. ¹⁷ ãti oara napa atoko ia sitatxiã auakani tii kakaroneri xipokaepka —itxana.

Sitatxi arikasaaki, maporo auakini, maporo ãki sikani, maporo ãki parïkauatakani apaka õtakoxiti atamatarina iua sitatxi arikini. ¹⁸ Ninoa itikasaakiri katxiãri iua sitatxi arikini, itxana:

—Ia sitatxi miramaneri atoko inakari !auari —itxana ninoa.

¹⁹ Iuasaaki itakarina atapani ikiiãna imatinaniuatiniãna. Itxiapatana iuasaaki. Imatinaniuatana iuasaaki. Itxarina:

—!Erekari. !Erekari. Kamatinanipitikari sitatxi miramaneri xipokini. Mitxi iuaã ikini mane maporo auakini apakapari kaiãopokoro txineiro, kotxi iuaã auari txineiropokoni. Eereka ãti oara napaka atoko ixipokaepka ikinika —itxana isãkirena.

²⁰ Hítepekana Teoso tixine auakanii hîpoxokoniuatoko iua sitatxi xipokiniã. Híte Teoso nakitiakori hîpoxokoniuatoko. Híte Xesosi moianariakorii, híte Teoso sãkire sãpiretakanii pakini hîpoxokoniuatoko, kotxi Teoso arikapekari iua sitatxiã auakani híte imisiritinina xika.

Kai Miramaneri Potxoari Uinitimoni Okiko

²¹ Eereka ãti Teoso nitiri kataparari maïkari kai meraminapoari. Kai triko kamiriãkari atoko itxa iua kai. Okari potxoari uinitimoni. Iua txari:

—Itapararitika kai nokini atoko, Papirónia sitatxiti miramaneri xipokini. !Atamataãkaika sitatxi iuaã —itxa isãkire.

²² Itxari iua sitatximoni:

—Xikari !ikenakotaãkaika ereë. !Auaika xikari viorãokata, koitxikata, trõpeta pakinikata. Ereë kãkiti parïkauatini !auaika. Atarokiri kamiko ene !kakenakotikoikari. ²³ Tirikapi kamara !katamatikoikari ereë. Taniriuatakani kiinirite ene !kakenakotikoikari. Ereë mitxi vëtxirauatakani apiari itxauana. Ninoa atoko inakari !auari ikini itixiti. Kãkiti ereë auakani misirienetana ikini kãkiti ikini itixiti auakani, kotxi ninoa sãkire maerekatinoka —itxa Teoso nitiri sãkire.

²⁴ Papirónia sitatxiti misiritaãka, kotxi iuaã auakani okapena Teoso sãkire sãpiretakanii kãkiti Teoso nakitiakori. Ikinimane kãkiti itixi okakoni xika Papirónia sitatxiti xipokaãka.

19

Areroia, Peerekari Teoso

¹ Eereka nikenakotari kãkiti sãkire, kaiãopokori kãkiti Teoso tixine auakani. Ita-parasãkireritikana itxana:

—Areroia. Peerekari Teoso. Ate Teosone makatzakari kãkiti maerekani. Kaiotximereri aTeosone. Kaposotiireri. ² !Ikerokari ikamakiti, kotxi atão inakarinoka ikama, ininiã atão imisiritinina maerekati kamakani. Erekarinoka ikama aTeosone. Iua misiritari Papirónia sitatxiti. Kanokarero kaposotiirero atoko itxa iua sitatxi, kotxi iua sitatxi auakani iomatari kãkiti xinire ikini itixiti auakani xinire, kotxi oerekarina maerekati itotxi nireëkiti ikaminina. Teoso misiritana Papirónia auakani, kotxi okana Teoso nitiriakori itixi auakani —itxana ninoa sãkire.

³ Iuaïkana itxana itaparakieneritikana:

—Areroia. Peerekari Teoso. Iua sitatxi miramaneri arikapikako. Katxiãri iuaïkiri itimatxiãtapikako ãtipirika —itxana.

⁴ Iuasaaki ninoa totiakori vïtxi koatro pakini, ninoa okïtxinoka xãpokaïtotakini ipi ipi pakini apaka, ipamakana Teoso apisatoõ. Iuasaaki Teoso topãkanãta auïttxi topanere nopini. Ninoa misãkiretari iua:

—Pite aTeosone. Peerekai pite. Ameë, areroia —itxana ninoa.

Soti Auïte Ìtanorouatini Kiiniriti

⁵ Eereka nikenakotari Teoso topanereë auakari sãkire. Itxari:

—Híte Teoso nitiriakori ikini itixiti auakanii, “Peerekari aTeosone” hïtxako. Híte auïttxi inakanii, auïttxi minakanii apaka, hîpikiniãri Teoso, “Peerekari aTeosone,” hïtxako —itxa.

⁶ Iposo atoko nikenakotari itomaneri kãkiti sãkire ene atoko itxa, ãparaã kai auiniãtaã auakari ene atoko itxa, ikarokirauatini ene atoko itxa. Nikenakotari ninoa sãkire:

—Areroia, peerekari Teoso, kotxi aTeosone, Apiananiri, kaposotiireri, ikinimane auïte itxaua —itxana ninoa.

⁷ —Mapoxokoniua. Apoxokoniritika masãkirauata. Matxari: “Peerekari Teoso.” Teoso Soti Auïtene Ìtanorouatini iketo apokapeka. Ìtaniriuatakaro iua ikapani oãiamatapeka. ⁸ Osikaãka mãkatxi ereri, kasarori oieretaãkiti tïkane —itxana ninoa sãkire.

Teoso nakitiakori kamakiti atão inakari oa mãka atoko itxa.

⁹ Iposo atoko iua Teoso nitiri txano nota:

—Ia piõkatsopata. Iua Soti Auïte Ìtanorouatini kiiniriti kemaïtxitakoni poxokoniua —itxa notamoni.

Iuaïkana itxano:

—Ia nisãpiretakiti Teoso sãkire atão itxa.

¹⁰ Ikara nikenakotakasaaki nipamaka iua Teoso nitiri apisatoõ, Teoso apisatoõ pa-maãkarino atoko nitxaua. Txamari iua txano:

—Kona pipamakape nota apisatoõ. Nota Teoso nitiri pite atoko, pitariakori Xesosi sãpiretakiti auïãkani atoko. Teoso apisatoõnani pipamakako. Xesosi sãpiretakiti iopiniakari Teoso sãkire sãpiretakanii ãkixinire. Ininiã ninoa sãpiretari kãkiti atão Teoso sãkire —itxa.

Kavaro Kasarori Nopini Topãkakari

¹¹ Eereka natamatari Teoso tixineë auakari. Natamatari kavaro kasarori. Iua kavaro nopini topâkakari ikamaenetakiti kamakari itxaua. Isâkire atâonoka. Atâo imereëri kâkiti misiritiko imaerekani xika, kotxi iua imarotari ikinipoko kâkiti kamakiti, ininiâ ikamari atâo. Inaiatana maerekati kamakani, kotxi iua kamari atâo. ¹² Oki xamina tirinakari atoko itxa. Ikiîâ ito auîtetxi saporîêtane aua. Iuâka iôkatakori iîtoâ aua. !Kimarotikori iua uâka. Iuanoka imarotari iuâka. ¹³ Arêkatxinoka imâkaâ aua. Iua akiritaâka, “Teoso Sâkire” inakori. ¹⁴ Isotatoneakori, Teoso nitiriakori Teoso tixine auakani, saâpota iuakata. Iua îkiika. Ninoa apaka topâka kavaro kasarori nopini. Imâkana peereri, kasarori. ¹⁵ Iua “Teoso Sâkire” inakori namaâ opokîka iouata mitaro neenamati ikamini ikapani. Kauanaro. Iua iouataneë okanako imokaiakari inini âti uâka, ininiâ ikini âti uâka auîte kataparari itxauako iua. Imisiritanako ninoa imaerekanina xika. Ova katxaratiko atoko itxako imisiritikona. Teoso kaposotiireri omanâkare ova katxaratiko atoko itxako. Teoso iteene omanâkaruata iusaaki kâkiti maerekani xika. ¹⁶ Iua “Teoso Sâkire” inakori mâkaâ, itapikeë apaka iôkataâka: “Auîtetxiakori auîte. Apiananiri,” iôkataâka.

¹⁷ Iposo atoko natamatari âti Teoso nitiri. Atokatxi iotximereë itima. Iua itaparakieneritika akiritari ikinika itano araâkani:

—Hina. Hâpoka Teoso kiiniritemoni. Mitari ikiinirite —itxa.

¹⁸ —Hina. Auîtetxiakori xini hinika. Sotatoakori auîteakori xini hinika. Sotato xini apaka hinika. Kavaro xini hinika. Hinikari kikiâkini kavaro nopini topâkakani xini apaka. Hinikari ikini kâkiti xini, nitiritxi iamotakoni xini, nitiritxi minakanuia xini, kâkiti apiatakani xini, kâkiti mapiatakani xini apaka hinika —itxari itano araâkani.

¹⁹ Eereka nitikari iua potxoari uinitikiri. Iuakata aua itixi auakani auîteakori, isotatoneakori apaka. Ninoa apotiitaua, iua kavaro kasarori nopini topâkakari isotatoneakorikata inaiatinina ikapani. ²⁰ Iua neenamati xipoka atoko, iua potxoari uinitikiri maîkaâka. Isâkire sâpiretakari, atâo minasâkiretakati, maîkaâka apaka. Mitxi iua kamari posotiiretxi iua potxoari uinitikiri ikapani. Ikara posotiiretxi xika imisirienetana ninoa potxoari uinitikiri takaôtxikare auaîtotakani. Imisirienetana ninoa iua kai kamakori teosonetakani. Iua potxoari uiniti pokîkaâtakari, isâkire sâpiretakari pakini, auâkipanika okaâka ipoa atoko inakarimoni, êxôpiri arikiniâtaâ. ²¹ Isotatoneakori okapeêka iouataâ, kavaro kasarori nopini topâkakari namaâkeroâ. Iusaaki ikinika maiori nikapena ninoa xini. Kamitopekana. ! Iposotaikarina ikinika okakoni xini inikinina.

20

Mio Anokananisaaki

¹ Eereka nitikari Teoso nitiri katxakaâpotini Teoso tixine îkari. Iuakoâ iua minaro xavi iua mamapotôkire irikotimoni. Apaka iminari kohêtxi mitari. ² Iusaaki imaîkari iua imini mitapoari. Kitxakapirîkarikara iua imini. Iua maerekani matamatakoni auîte, Satanasi inakori. Iua maîkari Satanasi. Iaxirikari kohêtxiâ, mio anokanani imatîpokotakani îkane. ³ Iua Teoso nitiri okari Satanasi iua aarikoâ, tota itxari itore. Ikakiriokari oa xavi itore sonaâ, ininiâ !apakata itore matakakiko. Ininiâ mamapotôkire irikoti âki ikalkota Satanasi. ! Iposotaikari imisirienetiniri ikini itixiti auakani. Mio anokanani auako iriko âki iua Satanasi. Mio ano napaâka atoko auiritaâka ipokîkani. Mapaôtinoka auiritaâka mapara auini.

⁴ Eereka natamatari auîtetxiakori topanere. Kaiâopokori auari iuaâ. Natamatari iua topaneretxi nopini topâkakani. Ninoa txîkitaâka auîtetxi ininiuana. Iusaaki natamatari apanakini kâkiti. Mitxi saukanopitakoni. Okapeêkana Xesosi iokanapirena, Teoso sâkire pakini isâpiretinina xika. ! Iteosonetarina iua potxoari uinitikiri. Iua kai kamakori ! iteosonetana. Iua potxoari uinitikiri takaôtxikare ! itakana iteêtaâna, iuakoâna pakini. Iuaîkana auapekana. Auîtetxi itxapekauana Kristokata. Mio anokanani auîtetxi itxauana. ⁵ Ikara ipikani ôkitikiko merepanika ipikani ôkitikiko. Iua mio anokanani napaâka atoko apanakini ipikani ôkitikaâka. ⁶ Ipikani merepanika ôkitikiko iuaîkana auâki ininina ikapani, Teoso nakitiakori itxauana ninoa. Teoso sikari erekari ninoamoni. ! Atatsitarina âtiâo ipîkitxi Teoso misiritakasaakina maerekati kamakani. Sasetotxi itxauana, kotxi Teoso nireêkiti ikamana. Kristo nireêkiti apaka ikamana. Mio anokanani auîtetxi itxauana Teosokata.

Satanasi Xamina Mitapoarimoni Okiko

⁷ Mio ano napaâka atoko, Satanasi kateia âki auakari, sikakaâkako. Ipokîka mapara. ⁸ Iusaaki Satanasi îpirixititari itixi kâkiti ikini âti uâka imisirienetiniri ikapani. Iua misâkiretari âti uâka Koki inakori, Makoki inakori pakini. Txamari na atâo isâkire. Inirekari ninoa neenamauatini iuakata. Apitiitana ninoa Teoso nakitiakori inaiatinina ikapani. Itori kâkiti Satanasi apotiitakini. Uini ikipatxite atoko itxana.

⁹ Īpirixititarina itixi. Iakirokarina Teoso tiretakiti sitatxiti, kākiti Teoso nakitiakori auiniātaā. Iuasaaki xamina iaxitikiri katxaka. Ixipokana ninoa ikinikana. ¹⁰ Iuasaaki Satanasi, kākiti misirienetakari, okaāka arikatxi mitapoarimoni ēxópiri arikikoātaā. Iua potxoari uinitikiri, isákire sápiretakari pakini okapeēkaika iuaā. Iuaā ninoa atatsirauat-apikako pokamara, ikanōka ātipirika. Ixipoka ninoa atatsirauatini.

Ipinakani Apakapari Iparíkana Īki

¹¹ Eereka natamatari auñtetxi topanere kasarori mitari. Natamatari iua inopini topākakari. Iuasaaki patimari iaxiti, itixi pakini ereēkokini iua topākakari apisatoō. Iaxiti, itixi pakini kona katamatikoikari. ¹² Iposo atoko natamatari kākiti mitxi ipinakani timini Teoso topanere apisatoō. Kākiti apiarini, kākiti poiāorini pakini tima Teoso apisatoō. Iposo atoko itori aātsopa katamēkitataāka. Iua aātsopaā aua ikinika kākiti kamakiti. Apaka āti aātsopa katamēkaāka. Kākiti uāka aua iua aātsopaā Teosokata auakani ikapani. Iuasaaki ninoa mitxi ipinakani apakapari ikamakitina ĩki uai itixiā auakasaakina. ¹³ Ninoa mitxi potxoari uiniti āki ipinakani apoka iuaā. Mitxi kipatxiā ikatakoni apaka apoka iuaā. Īkini kākiti ipīkani auiniātaā auakani apoka iuaā. Īkinika apakapari ikamakitina ĩki, ikamakitina itixiā auakasaakina. ¹⁴ Eereka ipīkitxi, ipīkani auiniātaā pakini okaāka iua arikatxi mitapoarimoni. Iua arikatxi mitapoarimoni iuaikana kākiti ipina ātiāo ipīkitxi maxipokatimoni. ¹⁵ Kākiti ātipirika Teosokata auakani uāka aua Teoso aātsopateē. Kākiti iuaā mauauākatakani okaāka iua arikatximoni.

21

Iaxiti, Itixi Pakini Amaneri Txapekaua

¹ Eereka natamatari iaxiti amaneri, itixi amaneri pakini. Iaxiti mitxiri ereēkokape. Īkora itixi mitxiri ereēkokape. Potxoari uiniti !auaika. ² Natamatari Teoso sitatxine Xerosareē amaneri. Iua sitatxi Teoso tixinekiri. Teoso paniātari iua sitatxi ikorapokoriti apokini. Natamatari ikatxakaāpotini. Iua sitatxi peereri. Sito itaniriuatakasaaki, omāka peereri oitanirimoni osini ikapani. Oa sito erero atoko itxa iua sitatxi. ³ Nikenakotari Teoso topanereē auakari sákire. Itapasākireritika itxari:

—Uatxa Teoso kamari iua auini kākiti sauaki. Iua ninoakata aua. Iua nakitiakori itxauana. Teosora aua ninoakata. Ninoa Teosone itxaua. ⁴ Iuasaaki iua kaxipokariko ninoa oki ātsaā. !Itxiapataikana. Ipīkitxi !auaika. Matinanitxi !auaika. Ātsaātxi !auaika. Katsiiri !auaika. Īkinipoko mitxiri ereēkokapeka uatxa —itxa.

⁵ Iua auñtetxi topanere nopini topākakari txari:

—Uatxa nikamari ĩkinipoko amaneri —itxa.

Apikomoni itxari notamoni:

—Piókatsopatari nisákire, kotxi nisákire atāo. Nisápiretakiti apokapitikako.

⁶ Apikomoni itxano:

—Uatxa niparīka xipopeka. !Auaika. Merepitipanika iōka Aopa inakori atoko nitxa, kotxi nota merepitipanika aua. Imapotōkire iōka Ómika inakori atoko nitxa, kotxi ĩkinipoko mapotōkire nitxaua apaka. Nisikari kākiti posonatakani iātni ikapani. Na ninirekari ĩki. Iātarinako āparaā amomoākiri. Iua āparaā txīkitakari kākiti ātipirika Teosokata auini. ⁷ Nisikariko iua āparaā kākiti Satanasi nireēkiti makamakanimoni. Ninoa Teosone nitxaua nota. Nota anaakori itxauanako ninoa. ⁸ Kākiti mataparaxinireni okaākako xamina mitarimoni. Teoso sákire mauikakani apaka okaākako iua xaminamoni. Maerekati potxitakani, kokanirini, maerekati iitoāna potxitakiti kamakani apaka okaākako xamina mitapoarimoni. Miiti apaka okaākako iuamoni. Meka kamakori teosonetakani okaākako iuamoni. Īkinika kākiti maxikatīka sápiretakani apaka okaākako xamina mitarimoni. Ninoa kākiti ĩkinikana misiritaākako arikatxi mitariā, ēxópiri arikikoātaā. Iuaā kākiti iuaikana ipina, ātiāo ipīkitxi maxipokatimoni —itxa iua auñtetxi topanere nopini topākakari sákire.

Xerosareē Sitatxiti Amaneri

⁹ Ninoa Teoso nitiriakori setxi, iātatxi setxi auakini, āti ina notamoni. Iua txari:

—Uai pina. Noerekaiko pite iua Soti Auñte tiretakito itanoro ikapani —itxa.

¹⁰ Iua Erekari Matamatakoti anikano nota. Itxīkitakari Teoso nitiri anikinino oxiratarini nopini. Mitaxiratarīā oerekano sitatxi Teoso nakiti Xerosareē inakori. Natamatari iua sitatxi Teoso tixine potorikakari katxakaāpotini ikorapokoritimoni. ¹¹ Teoso iotximeretxikana aua iua sitatxi. Kai pomēkoriri kakaroneri xásipi inakori mēkorīkini atoko itxa iotximere. Iua sitatxi iotximere peereri. Kristao mēkori atoko itxa. ¹² Pirikeri kai kamakori piriketari iua sitatxi. Iua pirikeri mitapoari, pañtanori. Iua pirikeri tosi itore aua. Teoso nitiriakori iaxitikini tosi nīkatari iua tosi itore. Īkinika itore nopini iōkataāka Isaeo anaakori uāka, kotxi Isaeo tosi imiakori aua. ¹³ Ipi āti pakini iua itore atokatxi pokīkinimoni. Ipi āti pakini

iaua itore atokatxi pokĩkini sanaremoni. Ipi āti iua itore atokatxi pokĩkini ikikomoni. Ipi āti pakini iua itore atokatxi ereēkokinimoni. ¹⁴ Iua sitatxi pirikere tosi kai mitari nopini ikamaāka. Ikinika iua kai nopini Soti Auīte moianariakori uāka iōkataāka, kotxi Soti Auīte moianariakori tosi aua.

¹⁵ Iua Teoso nitiri notakata sākirauatakari aua aāke oro kamakori iuaakoā. Iua aāke iua sitatxi, itore, ipirikere pakini iaōtiko. ¹⁶ Sitatxi tore atokatxi pokĩkinimoni ipotorika. Itore atokatxi ereēkokinimoni apoka. Iaōtari ipi mio, koatrosētosi pakini kirómetro. Maioakari. Iuaikana ipotorika sitatxi itore atokatxi pokĩkini sanaremoni. Itore atokatxi pokĩkini ikikomoni apoka. Iaōtari iua atokotxikana ipi mio, koatrosētosi pakini kirómetro. Eereka iaōtari sitatxi itano timakari. Iua atokotxikana ipi mio, koatrosētosi pakini kirómetro. Iua Teoso nitiri iaōtari iua sitatxi iua aākeē. ¹⁷ Iua Teoso nitiri iaōtari pirikeri timakari. Sesēta metro itano. Teoso nitiri iaōrauata kākiti iaōrauatin atokokana. ¹⁸ Iua pirikeri kai kamakori xāsipi inakori. Iua sitatxi oro kamakori. Kristao erero atoko itxa oa oro. ¹⁹ Iua kai mitari pirikeri patapi auakari ipataāka ikini sereti kai soroā. Pomēkoriri, kakaroneri iua kai soro.

Āti iua kai mitari aua kai soro xāsipi inakori.

Āti iua kai mitari aua kai soro sapira inakori.

Āti aua ákata inakori.

Āti aua esimeráota inakori.

²⁰ Āti kai mitari aua kai soro satónia inakori.

Āti kai mitari aua kai soro sátxio inakori.

Āti aua krisórito inakori.

Āti aua periro inakori.

Āti aua topásio inakori.

Āti aua krisópraso inakori.

Āti aua xasíto inakori.

Āti aua ametxísita inakori.

²¹ Iua tosi itore tosi kai kasarori kamakori. Iua kai kasarori pérora inakoro. Iua itore ātika, pérora ātoka kamakori. Oro kamakori itxaua kimapori. Peereri. Pomēkoriri. Kristao atoko itxa ahoa.

²² Kona natamatari Teoso misākiretiko aikoti. !Auari iua aiko iua sitatxiā, kotxi Teoso Apiananiri kaposotiireri, iua Soti Auīte apaka iuaā auapikana. ²³ Iuaā linirekaāka atokatxi, kasiri pakini sitatxi iopinikini ikapani, kotxi Teoso iotximere iopinikari ikinipoko. Iua Soti Auīte sitatxi tirikapite atoko itxaua. ²⁴ Kākiti maerekanitxi mauakini ikini āti uāka auari iua kamaraā. Kākiti ikini itixiti auakani auīteakori apokako iuaā Teoso ipaxitinina ikapani, inirekakitina Teosomoni isikinina ikapani. ²⁵ Iua sitatxi tore imatakakaākapika. Īroāpikana kākiti. !Itotaāka, kotxi ĩkanōkari !auari iuaā. ²⁶ Kākiti ikini itixiti auakani anikariko ikinipoko erekari iua sitatximoni Teoso ipaxitinina ikapani. ²⁷ Kākiti maerekati kamakani !auiritaākana ĩroinina. Ītotxi nireēkiti kamakani !auiritaākana ĩroinina. Atāo masāpiretakani apaka !auiritaākana ĩroinina. Kākiti Teoso iōkauākatakini aātsopateē, ninoanokara auiritaāka ĩroinina iua sitatxiā. Iua Soti Auīte aātsopateē auauākatakani auapikako Teosokata.

22

Iua Āparaā Īatakari Aua Teosokata Ātipirika

¹ Eereka iua Teoso nitiri oerekano sōtoāri. Iua sōtoāri mapotōkire ikiitaā Teoso itopanere aua. Apaka iua Soti Auīte itopanere aua iuaā. Iua āparaā peereēri. Kristao mēkori atoko itxa iua āparaā. Iua āparaā ĩatakari !ipina. Ātipirika auapika. ² Iua sitatxi apanĩkaki iua ahoa mitapoari. Iua sōtoāri sa ahoa apanĩkaki. Sōtoāri ĩtinikata aua amātiirinape. Iua amātiiri tximakanani !ipina. Auapikana. !Ipinakana. Kasiri iaōka iriuata iua amātiiri. Āti kasiriti iri ātiāo, eereka āti kasiriti ātiāo. Iuaikana āti kasiriti ātiāo. Itxaāpota iua amātiiri iriuatini iuaxiti. Tosi pakini kasiriti amātiiri iriuata. Amātiiri tospa sikataparatarari kākiti ĩto, ikinimane kākiti itixi auakani ĩto.

³ Teoso misiritiniri kākiti !auaika. Teoso, Soti Auīte pakini auītetxi itxauana iuaā. Teoso nitiriakori itixi auakani kamari iua nireēkiti. ⁴ Ninoa atamatariko itoō. Teoso uāka iteētaāna auako. ⁵ Īkanōka !auaika iuaxiti. Kākiti iuaā kona nirekaikari tirikapī, atokatxi kamara pakini, kotxi Teoso Apiananiri iopinikari ikinika iuaā. Kākiti iuaā auakani auītetxiakori itxauana ātipirika.

⁶ Eereka iua Teoso nitiri txari notamoni:

—Atāo nisākire. Ia iaōka apokapitakako. Teoso Apiananiri sikari Erekari Matamatakoti isākire sāpiretakanimoni. Iua paniātari initiri itixine auakari oerekinina initiriakori itixi auakani Teoso kamakiti apokini apisapanika —itxa iua Teoso nitiri sākire.

Xesosi Kanapiriini Pirena

⁷ —Hikenakota —itxa Xesosi. —Patimariko napokini ereë. Ia aätsopa säpiretari ereë nikanapiriini pirena. Käkiti auikiniäri Teoso säkire ia aätsopa säpiretakiti, apakapari erekari Teoso sikakiti —itxa Xesosi.

⁸ Nota Xoäo säpiretai hïte nitïäkiti. Nikenakotakiti apaka nisäpiretai hïte. Ikinika nikenakotaka atoko, ikinika natamataka atoko, iusaaki nipamaka iua Teoso nitiri apisatoö, kotxi iua oerekari ikinipoko notamoni. Nipamaka iua apisatoö Teoso apisatoö nipamakini atokokana. ⁹ Txamari iua Teoso nitiri txari notamoni:

—Kona pipamakape nota apisatoö. Nota Teoso nitiri pite atokokana nitxa. Pitariakori Teoso säkire säpiretakani Teoso nitiriakori itxauana. Ninoa atokokana nitxa nota. Ikini käkiti ia aätsopa säpiretakiti auïäkani Teoso nitiriakori itxauana. Ninoa atokokana nitxa nota. Teoso apisatoönoka pipamakiniä atäo —itxa Teoso nitiri säkire.

¹⁰ Iuaïkana itxano nota:

—Ia aätsopa säpiretari Teoso kamakiti apokini apisapanika. Na pikipatapiri ia aätsopa säpiretakiti, kotxi päitiki Teoso säkire iaöka apokapitikako. ¹¹ Maerekati pikamapanika pinakasaaki, ininiä apikomoni maerekati pikama. Maerekati pïto nireëkiti pikamapanika pinakasaaki, ininiä apikomoni pikama. Atäo inakari pikaminiä, apikomoni atäo inakari pikama. Teoso nireëkitinoka pikaminiä, ininiä apikomoni Teoso nireëkitinoka pikama —itxa.

¹² —Hikenakota —itxa Xesosi. —Patimapaniriko napokini ereë. Niminariko ikinimane parïka ïki ninoa apakapini ïkapani. ¹³ Iökatxi merepitipanika auakari Aopa inakori atoko nitxaua. Iökatxi imapotökire auakari Ömika inakori atoko nitxaua. Ikinipoko auini apisapanika nota aua. Ikinipoko xipokaäka atoko nota auapanika. Itixi kamiko apisapanika naua. Itixi xipoka atoko nauapanika nota —itxa Xesosi.

¹⁴ Teoso sikari erekari iua nireëkiti kamakanimoni. Ninoa käkiti auiritaäkako Teoso amätiirite itximinina auapika ininina tïkane. Auiritaäkanako ïroinina Teoso sitatxineë. ¹⁵ Käkiti maerekati ïtona nireëkiti kamakani !auiritaäka ïroinina iua sitatxitiä. Mïiti, ïtanoro minakatokatika sirïkakanï, kokanirini pakini !auiritaäka ïroinina iua sitatxitiä. Apaka käkiti ikamakitika teosonetakani ! auiritaäka ïroinina iua sitatxitiä. Aäpirena potxitakani, atäo minasäkiretakani pakini !auiritaäka ïroinina iua sitatxitiä.

¹⁶ —Nota, Xesosi txaua. Nota paniätari ninitiri nitixine auakari säpiretiniri ia nisäkire pitemoni, ininiä ikara pite säpiretanako Teoso misäkiretikoätaä apotiitakaniua. Tavii apika mekanirirano nota. Iöriki mitaro pokamara iatokopeka inakasaaki ïkaro atoko nitxa nota —itxa Xesosi.

¹⁷ Erekari Matamatakoti txari Xesosi:

—Uai pina.

Xesosi nakitiakori txari iua:

—Uai pina.

Hïte ia nisäkire kenakotakanii, hïtxariko:

—Uai pina.

Hïte posonatakani, uai hina. Hinirekiniäri, ia äparaä hiätako, kotxi ia äparaä käkiti auapininiika inïkitaäkari. Ia äparaä Teoso sikakiti käkitimoni. Na pïlkitxitari.

¹⁸ Nota, Xoäo, ötäkikari käkiti ia Teoso säkire iökatsopatakori kenakotakani. Ia Teoso säpiretakiti apokini apisapanika, isäpiretaua. Ia aätsopa säpiretari käkiti misiritiko. Ninoa misiritiko atokotxikana Teoso misiritai hïte, hïkoketiniäri hïteka säkire Teoso säkirekata. ¹⁹ Käkiti kipatiniäri ipixini ia Teoso säpiretakiti iökatsopatakori, Teoso !auiritari iua tximiniri iua amätiiri käkiti auapininiika inïkitaäkari. ! Auiritari iua ïroini isitatxineë. Ia aätsopa säpiretapekari iua amätiiri, iua sitatxiti pakini.

²⁰ Xesosi txari:

—Ia niokanapirena atäo. Iposopeka napokini tïkane.

Atxari iuamoni:

—Ameë. Ari, uai pina Xesosi, Apiananiri.

²¹ Xesosi Apiananiri sikari ikinipoko erekari ikinimane Teoso nakitiakorimoni. Ameë.